





THOMÆ AQUINATIS

QUESTIONES

DISPUTATÆ



1

B765

T5

Q3


v.1



1080014393

EX LIBRIS

HEMETH-EBU VALVERDE TELLEZ  
Episcopi Leonensis  
VERITATIS



SANCTI THOMÆ AQUINATIS

DOCTORIS ANGELICI

QUÆSTIONES DISPUTATÆ


ACCEDIT LIBER

DE ENTE ET ESSENTIA

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

259  
I.



SANCTI THOMÆ AQUINATIS

DOCTORIS ANGELICI

QUÆSTIONES DISPUTATÆ

ACCEDIT LIBER

DE ENTE ET ESSENTIA

Cum commentariis R.D.P. THOMÆ DE VIO CAJETANI Cardinalis

EDITIO NOVISSIMA

Ad fidem optimarum editionum diligenter recognita et exacta commendataque a S. S. Leonæ PP. XIII.

TOMUS PRIMUS

DE POTENTIA. — DE MALO I-V.



UNIVERSIDAD DE NAVARRA  
BIBLIOTECA UNIVERSITARIA

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

IN LIBRARIIS CONSOCIATIONIS SANCTI PAULI

PARISIIS, 6, VIA DICTA CASSETTE 01 VIA DICTA DE LILLE, 51

BARRI-DUCIS

FRIBURGI-HELV.

BURDIGALÆ

VIA DICTA DE LA BANQUE, 36

VIA DICTA GRAND'RUE, 17


PLATIA DICTA PEÛ-BERLAND, 30

TRAJECTI AD MOSAM

1883

44734

8765  
75  
08  
v.1



FONDO DE ESTUDIOS  
VALVERDE Y REYES



SANCTISSIMI DOMINI NOSTRI  
LEONIS DIVINA PROVIDENTIA PAPE XIII

### EPISTOLA ENCYCLICA

AD PATRIARCHAS, PRIMATES, ARCHIEPISCOPOS ET EPISCOPOS UNIVEROS  
CATHOLICI ORBIS  
GRATIAM ET COMMUNIONEM CUM APOSTOLICA SEDE HABENTES

*Venerabilibus Fratribus patriarchis, primatibus, archiepiscopis et  
episcopis universis catholici orbis gratiam et communionem cum  
apostolica sede habentibus,*

LEO PP. XIII


Venerabiles Fratres, salutem et apostolicam benedictionem.

Eterni Patris Unigenitus Filius, qui in terris apparuit, ut humano generi salutem et divinam sapientie lucem afferret, magnum plane ac mirabile mundo contulit beneficium, cum celos iterum ascensus, apostolis precepit, ut *cunctis docerent omnes gentes* (Matth., xxvii, 19); Ecclesiamque a se conditam communem et supremam populorum magistram reliquit. Homines enim, quos veritas liberaverat, veritate erant conservandi: neque diu permansissent celestium doctrinarum fructus, per quos est homini parva salus, nisi Christus Dominus erudiendis ad fidem mentibus perenne magisterium constituisset. Ecclesia vero divini Auctoris sui cum erecta promissis, tum imitata caritatem, sic jussa perfecti, ut hoc semper spectarit, hoc maxime voluerit, de religione precipere et cum erroribus perpetuo dimicare. Huc sane pertinent singulorum Episcoporum vigilati labores; huc Conciliorum perlatae leges ac decreta, et maxime Romanorum Pontificum sollicitudo quotidiana, penes quos, beati Petri Apostolorum

COEPI. DIET. - T. I.

008937

8765  
75  
08  
v.1



FONDO DE ESTUDIOS  
VALVERDE Y REYES



SANCTISSIMI DOMINI NOSTRI  
LEONIS DIVINA PROVIDENTIA PAPE XIII

### EPISTOLA ENCYCLICA

AD PATRIARCHAS, PRIMATES, ARCHIEPISCOPOS ET EPISCOPOS UNIVEROS  
CATHOLICI ORBIS  
GRATIAM ET COMMUNIONEM CUM APOSTOLICA SEDE HABENTES

*Venerabilibus Fratribus patriarchis, primatibus, archiepiscopis et  
episcopis universis catholici orbis gratiam et communionem cum  
apostolica sede habentibus,*

LEO PP. XIII

Venerabiles Fratres, salutem et apostolicam benedictionem.

Eterni Patris Unigenitus Filius, qui in terris apparuit, ut humano generi salutem et divinam sapientie lucem afferret, magnum plane ac mirabile mundo contulit beneficium, cum celos iterum ascensus, apostolis precepit, ut *cunctis docerent omnes gentes* (Matth., xxvii, 19); Ecclesiamque a se conditam communem et supremam populorum magistram reliquit. Homines enim, quos veritas liberaverat, veritate erant conservandi: neque diu permansissent celestium doctrinarum fructus, per quos est homini parva salus, nisi Christus Dominus erudiendis ad fidem mentibus perenne magisterium constituisset. Ecclesia vero divini Auctoris sui cum erecta promissis, tum imitata caritatem, sic jussa perfecti, ut hoc semper spectarit, hoc maxime voluerit, de religione precipere et cum erroribus perpetuo dimicare. Huc sane pertinent singulorum Episcoporum vigilati labores; huc Concilio- rum perlate leges ac decreta, et maxime Romanorum Pontificum sollicitudo quotidiana, penes quos, beati Petri Apostolorum

COEPI. DIET. - T. I.

008937

Principis in primis successores, et jus et officium est docendi et confirmandi fratres in fide. — Quoniam vero, Apostolo monente, *per philosophiam et inanem fallaciam* (Coloss., II, 8) Christianifideles mentes decipi solent, et fidei sinceritas in hominibus corrumpi, Idcirco supremi Ecclesiam Pastores numeris sui perpetuo esse dixerunt etiam vari nominibus scientiarum totis viribus provehere, simulque singulari vigilantia providere, ut ad fidei catholice normam ubique traderentur humane disciplinae omnes, praesertim vero *philosophia*, a qua nimirum magna ex parte pendet ceterarum scientiarum recta ratio. Id ipsum et nos inter cetera breviter monimus. Venerabiles Fratres, cum primum Vos omnes per litteras Encyclicas allocuti sumus; sed modo rei gravitate, et temporum conditione compellimur cursu Vobiscum agere de laudanda philosophiarum studiorum ratione, quae et bono fidei apte respondet, et ipsi humanarum scientiarum dignitati sit consentanea.

Si quis in acerbitatem nostrorum temporum animum intendat, earumque rerum rationem, quae publice et privatim geruntur, cogitatione complectatur, is profecto comperiet, secundam malorum causam, eam eorum quae premitur, tum eorum quae perimimus, in eo consistere, quod prava de divinis humanisque rebus sentit, e scholis philosophorum jampridem profecta, in omnes civitatis ordines irrepserit, communi plurimorum suffragio recepta. Cum enim insitum homini natura sit, ut in agenda rationem ducem sequatur, si quid intelligentia peccat, in id et voluntas facile labitur; atque ita contingit, ut pravitas opinionum, quarum est in intelligentia sedes, in humanas actiones influat, easque pervertat. Ex adverso, si sana mens hominum fuerit, et solidis verisque principiis firmiter insistat, tum vero in publicum privatamque commoda plurima beneficia praestoget. — Equidem non tantam humanam philosophiae vim et auctoritatem tribuimus, ut cunctis omnino erroribus propulsandis, vel evellendis parem esse iudicemus: sicut enim, cum primum est religio christiana constituta, per admirabile fidei lumen *non persuasibilibus humane sapientiae verbis*, diffusum, *sed in ostensione spiritus et virtutis* (I Cor., II, 4); orbi terrarum contigit ut primave dignitati restitueretur; ita etiam in praesens ab omnipotenti potissimum virtute et auxilio Dei expectandum est, ut mortalium mentes, sublatis errorum tenebris, respiciant.

Sed neque sperentia, non posthabenda sunt naturalia adjuvamenta, quae divinae sapientiae beneficio fortiter suaviterque omnia disponentis, hominum generi suppetunt; quibus in adjumentis

rectum philosophiae usum constat, esse praecipuum. Non enim frustra rationis lumen humanae menti Deus inseruit; et tantum abest, ut superaddita fidei lux intelligentiae virtutem extinguat aut imminuat, ut potius perficiat, aeternaeque viribus, habilium ad maiora reddat. — Igitur postulat ipsius divinae Providentiae ratio, ut in revocandis ad fidem et ad salutem populis etiam ab humana scientia praesidium queratur; quam industriam, probabilem ac sapientem, in more positam fuisse praclarissimorum Ecclesiae Patrum, antiquitatis monumenta testantur. Illi scilicet neque paucis, neque tenuis rationi partes dare consueverunt, quas omnes perbreveiter complexus est magnus Augustinus, *haec scientiae tribuens... illud quo fides soberrima... gignitur, nutritur, defenditur, roboratur*. (De Trin., lib. XIV, c. I.)

Ac primo quidem philosophia, si rite a sapientibus usurpetur, iter ad veram fidem quodammodo sternere et munira valet, suorumque alumnorum animos ad revelationem suscipiendam convenienter preparare: quamobrem a veteribus modo *praevia ad christianam fidem institutio* (Clem. Alex., Strom., lib. I, c. XVI; I, VII, c. III), modo *christianismi praetudium et auxilium* (Orig., ad Greg. Thaum., modo *ad Evangelium paedagogus* (Clem. Alex., Strom., I, c. v) non immerito appellata est.

Et sane benignissimus Deus, in eo quod pertinet ad res divinas, non eas tantum veritates lumine fidei patefecit, quibus attingendis impar humana intelligentia est, sed nonnullas etiam manifestavit, rationi non omnino impervias, ut scilicet, accedente Dei auctoritate, statim et sine aliqua erroris admixtione omnibus innotescerent. Ex quo factum est, ut quaedam vera, quae vel divinitus ad credendum proponuntur, vel eum doctrinae fidei arcibus quibusdam vinculis colliguntur, ipsi ethnicorum sapientes, naturali tantum ratione praenotata, cognoverint, apudque argumentis demonstraverint ac vindicaverint.

« Invisibilia enim ipsius », ut Apostolus inquit, « a creatura mundi per ea, quae facta sunt, intellecta conspiciuntur, sempiterna quoque eius virtus et divinitas (Rom., I, 20); et gentes quae legem non habent... ostendunt nihilominus opus legis scriptum in cordibus suis. (ib., II, 14-15). » Hae autem vera, vel ipsi ethnicorum sapientibus explorata, vehementer est opportunum in revelatae doctrinae commodum utilitatemque convertere, ut reipsa ostendatur, humanam quoque sapientiam, atque ipsum adversariorum testimonium fidei christianaе suffragari. Quam agendi rationem, non recens introductam, sed veterem esse constat, et sanctis Ecclesiae Patribus saepe usitatum.



Quin etiam venerabiles isti religiosarum traditionum testes et custodes formam quamdam ejus rei et prope figuram agnoscent in Hebræorum factis, qui Egypto excessurus, deferre secum jussi sunt argentea atque aurea Ægyptiorum vasa cum vestibus pretiosis, ut scilicet, mutato repente usu, religioni veri Numinis ea supellex dedicaretur, quæ prius ignominiosis ritibus et superstitioni inservierat. Gregorius Neocesariensis (Orat. paneg. ad Origen.) laudat Origenem hoc nomine, quod pluræ ex ethnicorum placitis ingeniosæ decrepta, quasi crepta hostibus tela, in patrociniū christianæ sapientiæ et perniciem superstitionis singulari dexteritate retraxerit.

Et parum disputandi morem cum Gregorius Nazianzenus (Vil. Moys.), tum Gregorius Nyssenus (Carm. I, Iamb. 3) in Basilio Magno et laudant et probant; Hieronymus vero in opere commentum in Quadrato Apostolorum discipulo, in Aristide, in Justino, in Ireneo, aliisque permultis. (Epist. ad Magn.) Augustinus autem, « Nonne aspiciemus, inquit, quanto auro et argento et veste suffarcinatus exteri de Ægypto Cyprianus, doctor suavissimus et martyr beatissimus? quanto Lactantius? quanto Victorinus, Optatus, Hilarius? ut de vivis tacam, quanto innumera-biles Græci? » (De doctr. christ., I, II, c. XL.) Quod si vero naturalis ratio optimam hanc doctrinam segetem pieius fidit, quam Christi virtute fecundaretur, multo uberiolem certe progignet, posteaquam Salvatoris gratia natiuas humanæ mentis facultates instauravit et auxit. — Eorum autem non videat, iter planum et facile per hujusmodi philosophandi genus ad fidem aperiri?

Non his tamen limitibus utilitas circumscribitur, quæ ex illo philosophandi instituto dimanat. Et revera divine sapientiæ eloquiis graviter reprehenditur eorum hominum stultitia, qui « de his quæ videntur hominibus non poterunt intelligere eum qui est; neque, operibus attendentes, agnoverunt quis esset artifex. » (Sap., XIII, 1.) Igitur primo loco magnus hic et præclarus ex humana ratione fructus capitur, quod illa Deum esse demonstrat: « a magnitudine enim speciei et creaturæ cognoscibiliter poterit Creator horum videri. » (Sap., XIII, 5.) — Deinde Deum ostendit omnium perfectionum cumulo singulariter excellere, infinita in primis sapientia, quam nulla usquam res latere, et summa justitia, quam pravus nunquam vincere possit affectus, ideoque Deum non solum veracem esse, sed ipsam etiam veritatem falli et fallere nesciam. Ex quo consequi perspicuum est, ut humana ratio plenissimam verbo Dei fidem atque auctoritatem conciliet.

Simili modo ratio declarat, evangelicam doctrinam mirabilibus

quibusdam signis, tanquam certis certo veritatis argumentis, vel ab ipsa origine emicuisse: atque ideo omnes, qui Evangelio fidem adjungunt, non temere adungere, tanquam doctas fabulas secutos (II Petr., I, 16), sed rationabili prorsus obsequio intelligentiam et iudicium suum divinæ subjicere auctoritati. Illud autem non minoris pretii esse intelligitur, quod ratio in perspicuo ponat, Ecclesiam à Christo institutam (ut statuit Vaticana Synodus) « ob suam admirabilem propagationem, eximiam sanctitatem et inexhaustam in omnibus locis fecunditatem, quæ catholicam unitatem, invictamque stabilitatem, magnam quoddam et perpetuum esse motivum credibilitatis, et divinæ suæ legationis testimonium irrefragabile. (Const. dogm. de Fid. cath., cap. III.)

Solidissimis ita positus fundamentis, perpetuus et multiplex adhuc requiritur philosophiæ usus, ut sacra Theologia naturam, habitum, ingeniumque veræ scientiæ suscipiat atque induat. In hac enim nobilissima disciplinarum magnopere necesse est, ut multa ac diversæ celestium doctrinarum partes in unum venti corpus colligantur, ut suis quæque locis convenienter dispositæ, et ex propriis principiis derivatæ apto inter se nexu coherant; demum ut omnes et singule suis usque invictis argumentis confirmantur. — Nec silentio prætereunda, aut minimi faciendæ est accuratior illa atque uberior rerum quæ creduntur cognitio, et ipsorum fidei mysteriorum, quoad fieri potest, aliquanto lucidior intelligentia, quam Augustinus aliique Patres et laudarunt et assequi studuerunt, quamque ipsa Vaticana Synodus (Const. cit., cap. IV) fructuosissimam esse decrevit. Eam siquidem cognitionem et intelligentiam plenius et facilius certe illi consequuntur, qui cum integritate vite fideique studio ingenium conjugunt philosophicis disciplinis expolitum, præsertim cum eadem Synodus Vaticana, docent, ejusmodi sacrarum dogmatum intelligentiam « cum ex eorum, quæ naturaliter cognoscuntur, analogia: tum è mysteriorum ipsorum nexu inter se et cum fine hominis ultimo, peti oportere. (Ibid.)

Postremo hoc quoque ad disciplinæ philosophicæ pertinet, veritates divinitus traditas religiose tueri, et iis qui oppugnare audeant resistere. Quam ad rem, magna est philosophiæ laus, quod fidei propugnaculum ac veluti firmum religionis munimentum habeatur. « Est quidem », sicut Clemens Alexandrinus testatur, « per se perfecta et nullius indiga Servatoris doctrina, cum sit Dei virtus et sapientia. Accedens autem græca philosophia veritatem non facit potentiorē; sed cum debiles efficiat sophistarum adversus eam argumentationes, et propulset dolosas

adversus veritatem insidias, diæta esse vineæ apta sepes et vallis. » (Strom., lib. I, c. xx.) Profecto sicut inimici catholici nominis, adversus religionem pugnaturi, bellicos apparatus plerumque a philosophicâ ratione mutantur, ita divinarum scientiarum defensores plura e philosophiæ penâ deprimant, quibus revelata dogmata valeant propugnare. Neque medioeriter in eo triumphare fides christiana censenda est, quod adversariorum arma, humanæ rationis artibus ad necandum comparata, humana ipsa ratio potenter expeditaque repellat.

Quam speciem religiosi certaminis ab ipso gentium Apostolo usurpatam commemorat S. Hieronymus scribens ad Magnum: « Ductor christianis exercitus Paulus et orator invictus pro Christo causam agens, etiam inscriptionem fortuitam arte torquet in argumentum fidei; didicerat enim a vero David extorquere de manibus hostium gladium, et Goliath superbissimi caput proprio mucrone truncare. » (Epist. ad Magn.). Atque ipsa Ecclesia istud a philosophiæ præsidium christianos doctores petere non tantum suadet, sed etiam jubet. Etenim Concilium Lateranense V. postquam constituit, « omnem assertionem veritati illuminatæ fidei contrariam omnino falsam esse, eo quod verum vero minime contradicat (Bulla *Apostolice regimini*) », philosophiæ doctoribus præcipit, ut in dolosis argumentis dissolvendis studiose versentur; siquidem, ut Augustinus testatur, « si ratio contra divinarum Scripturarum auctoritatem redditor, quamlibet acuta sit, fallit veri similitudine; nam vera esse non potest. » (Epist. 143 (al. 7), ad Marcellin., n. 7.)

Verum ut præfatis hisce, quæ memoravimus, afferendis fructibus par philosophiâ inveniantur omnino oportet, ut ab eo tramite nunquam deflectat, quem et veneranda Patrum antiquitas ingressa est, et Vaticana Synodus solemnî auctoritatis anfractu comprobavit. Scilicet cum plane compertum sit, plurimas ex ordine supernaturali veritates esse accipiendas, quæ cujuslibet ingeni longe vixent acumen, ratio humana, propriæ infirmitatis conscia, necesse se affectare ne audeat, neque eandem veritatem negare, neve propriâ virtute metiri, nec pro lubitu interpretari; sed eas potius plena aliqua humilî fide suscipiat, et summi honoris loco habeat, quod sibi liceat, in morem ancillæ et pedissequæ, familiari castibus doctrinis, easque aliqua ratione, Dei beneficio, attingere. — In his autem doctrinarum capitibus, quæ percipere humana intelligentiâ naturaliter potest, sequum plane est, eam methodo, suisque principis et argumentis uti philosophiam: non ita tamen, ut auctoritatî divinæ sese audacter subtrahere videatur.

Imo, cum constet, ea quæ revelatione innotescunt certâ veritate pollere, et quæ fidei adversantur pariter cum recta ratione pugnare, noverit philosophos catholicos se fidei simul et rationis jura violaturum, si conclusionem aliquam amplectatur, quam revelatæ doctrinæ repugnare intellexerit.

Novimus profecto non desse, qui facultates humanæ naturæ plus nimio extolentes, contendunt, hominî intelligentiam ubi semel divine auctoritatî subjiciatur, e nativâ dignitate excidere, et quoddam quasi servitutis jugo demissam plurimum retardari atque impediri, quominus ad veritatis excellentiæque fastigium progrediatur. — Sed hæc plena erroris et fallaciæ sunt; eoque tandem spectant, ut homines, summa cum stultitia, nec sine crimine ingrati animi, sublimiores veritates rependant, et divinum beneficium fidei, ex qua omnium bonorum fontes etiam in civilem societatem fluxere, sponte rejiciant. Etenim cum humana mens certis finibus, iisque satis angustiis, conclusa teneatur, pluribus erroribus, et multarum rerum ignorantia est obnoxia. Contra fides christiana, cum Dei auctoritate utatur, certissima est veritatis magistra; quam qui sequitur, neque errorum laqueis irretitur, neque incertarum opinionum fluctibus agitatur. Quapropter qui philosophiæ studium cum obsequio fidei christianæ conjungunt, il optime philosophantur: quandoquidem divinarum veritatum splendor, animo exceptus, ipsam juvat intelligentiam; cui non modo nihil de dignitate detrahit, sed nobilitatis, acuminis, firmitatis plurimum addit.

Cum vero ingeni aciem intendunt in refellendis sententiis, quæ fidei repugnant, et in probandis, quæ cum fide coherent, digne ac perutiliter rationem exercent: in illis enim probioribus, causas erroris deprehendunt, et argumentorum, quibus ipse fulciantur, vitium dignoscunt: in his autem posterioribus, rationum momentis potiuntur, quibus solide demonstrantur et cuiuslibet prædenti persuadeantur. Hac vero industria et exercitatione augefi mentis opes et explicari facultates qui neget, ille veri falsique discrimen nihil condicere ad profectum ingeni, absurde contendit, necesse est. Merito igitur Vaticana Synodus prædara beneficia, quæ per fidem rationi præstantur, his verbis commemorat: « Fides rationem ab erroribus liberat ac tæuet, eamque multiplici cognitione instruit. » (Const. dogm. de Fid. cath., cap. iv.) Atque fidei hominî, si saperet, non culpanda fides, veluti rationi et naturalibus veritatibus inimica, sed digna potius Deo grates essent habenda, vehementerque istandum, quod, inter multas ignorantia: causas et in mediis errorum fluctibus, sibi fides san-

ctissima illuxerit, quæ quasi sidus æthereum, citra omnem errandi formidinem portum veritatis commonstrat.

Quod si, Venerabiles Fratres, ad historiam philosophiæ respiciatis, cuncta, quæ paulo ante diximus, re ipsa comprobari intelligetis. Et sane philosophorum veterum, qui fidei beneficio caruerunt, etiam qui habebantur sapientissimi, in pluribus deterrime errarunt. Nostis enim, inter nonnulla vera, quæ sæpe falsa et absona, quam nulla inverte et dubia tradiderint de vera divinitatis ratione, de prima rerum origine, de mundi gubernatione, de divina futurorum cognitione, de malorum causa et principio, de ultimo fine hominis æternæque beatitudine, de virtutibus et vitis, aliisque doctrinis, quarum vera ceteraque notitia nihil magis est hominum generi necessarium. — Contra vero primi Ecclesiæ Patres et Doctores, qui satis intellexerant, ex divinæ voluntatis consilio, restitutorum humane etiam scientiæ esse Christum, qui Dei virtus est Deique sapientia (I Cor. 2, 24), et in quo sunt omnes thesauri sapientiæ et scientiæ absconditi (Coloss., II, 3), veterum sapientum libros investigandos, eorumque sententias cum revelatis doctrinis conferendas suscipere: prudentique delecto que in illis vere dicta et sapienter cogitata occurrerent, amplexi sunt, ceteris omnibus vel emendatis, vel rejectis.

Nam providissimus Deus, sicut ad Ecclesiæ defensionem martyres fortissimos, magnæ animæ prodigos, contra tyrannorum sævitiam excitavit, ita philosophis falsi nominis aut hæreticis viros sapientiæ maximos objecit, qui revelaturum veritatem thesaurum etiam rationis humanæ presidio tuerentur. Itaque ab ipsa Ecclesiæ primordiis, catholica doctrina eis pacta est adversarios nullo infensissimos, qui christianorum dogmata et instituta irridentes, ponebant plures esse deos, mundi materiam principio causamque creasse, fortuitum cursum cæca quadam vi et fatali contineri necessitate, non divinæ providentiæ consilio administrari. Jamvero cum his insanientis doctrine magistris mature congressi sunt sapientes viri, quas *Apologetas* nominamus, qui, fide præeunte, ab humana quoque sapientiæ argumenta sumpserunt, quibus constituerent, unum Deum, omni perfectionum genere præstantissimum esse colendum; res omnes a nihilo omnipotentis virtute productas, illius sapientiæ vigere, singulasque ad proprios fines dirigi ac moveri.

Principem inter illos sibi locum vindicat *S. Justinus* martyr, qui postquam celeberrimas græcorum Academiæ, quasi experiendo, lustrasset, pleneque ore nonnisi ex revelatis doctrinis, ut idem ipse fatetur, veritatem hauriri posse pervidisset, illas toto

animi ardore complexus, calumnias purgavit, penes Romanorum Imperatores acriter epioseque defendit, et non pauca græcorum philosophorum dicta cum eis composuit. Quod et *Quadratus* et *Aristides*, *Hermias* et *Athenagoras* per illud tempus egregie præstiterunt. — Neque minorem in eadem causa gloriam adeptus est *Irenæus*, martyr invictus, Ecclesiæ Lugdunensis Pontifex: qui cum strenue refutaret perversas orientalium opiniones, Gnosticorum opera per fines romani imperii disseminatas, et origines hæreseon singularium (auctore Hieronymo), et ex quibus philosophorum fontibus emanarunt... explicavit. (Epist. ad Magn.) — Nemo autem non novit *Clementis Alexandrini* disputationes, quas idem Hieronymus, sic, honoris causa, commemorat: « Quid in illis indoctum? imo quid non de media philosophia est? » (Loc. cit.) Multa ipse quidem incredibili varietate disseruit ad condendam philosophiæ historiam, ad artem dialecticam rite exercendam, ad concordiam rationis cum fide conciliandam utilissima. — Hunc secutus *Origenes*, scholæ Alexandrinæ magisterio insignis, græcorum et orientalium doctrinis eruditissimus, propterea eademque laboriosa edidit volumina, divinis litteris explanandis, sacrisque dogmatibus illustrandis mirabiliter opportuna; que licet erroribus, saltem ut nunc extant, omnino non vacent, magnam tamen complectuntur vim sententiarum, quibus naturales veritates et numero et firmitate augentur.

Pugnat cum hæreticis *Tertullianus* auctoritate sacrarum Litterarum, cum philosophis, mutato armorum genere, philosophiæ; hæc autem tam acuto et erudite convincit, ut fides palam fidenterque objiciat: « Neque de scientia, neque de disciplina, ut putatis, æquamur. » (Apologet., § 46.) *Arnobius* etiam, vulgatis adversus gentiles libris, et *Lactantius* Divinis præsertim Institutionibus, pari eloquentia et robore dogmata ac præcepta catholice sapientiæ persuadere hominibus strenue nituntur, non sic philosophiam evertentes, ut Academicis solent (Inst., VII, cap. VII), sed partim suis armis, partim vero ex philosophorum inter se concertatione sumptis eos revincentes. (De opif. Dei, cap. XXI.)

Quæ autem de anima humana, de divinis attributis, aliisque maximi momenti questionibus *magnum Athanasius* et *Chrysostomus* oratorum princeps, scripta reliquerunt, ita, omnium judicio excellent, ut prope nihil ad illorum subtilitatem et copiam addi posse videatur. — Et ne singulis recensendis nimis simus, summorum numero virorum, quorum est mentio facta, adjungimus *Basilianum magnum* et utrumque *Gregorium*, qui, cum Athenis, ex domicilio totius humanitatis, exissent philosophiæ omnis

apparatu affatim instructi, quas sibi quisque doctrine opea inflammato studio pepererint, eas ad hæreticos refutandos, instituendosque christianos converterent. — Sed omnibus veluti palmam præcipuisse visus est *Augustinus*, qui ingenio præpotens, et æceris profanisque disciplinis ad plenum irambitas, contra omnes suæ ætatis errores acerrime dimicavit file summa, doctrina pari. Quem ille philosophia locum non attingit? Immo vero quem non diligentissime investigavit, sive cum altissima fidei mysteria et fidelibus aperiret, et contra adversariorum vesanos impetus defenderet: sive cum Academicorum aut Manicheorum commenta doctis, humane scientiæ fundamentis et firmitudinem in tuto collocavit, aut malorum, quibus tremuntur homines, rationem et originem et causas est persecutus? Quæta de Angelis, de anima, de mente humana, de voluntate et libero arbitrio, de religione et de beata vita, de tempore et æternitate, de ipsa quoque mutabilium corporum natura subtilissimo disputavit? — Post id tempus per Orientem *Joannis Damascenus*, Basiliæ et Gregorii Nazianzeni vestigia ingressus, per Occidentem vero *Boetius* et *Anselmus*, Augustini doctrinam professi, patrimonium philosophiæ plurimum læpulerant.

Exinde modis ætatis Doctores, quos *Scholasticos* vocant, magnæ molli opus aggressi sunt, nimirum segetes doctrine secundas et uberes, amplissimis Sanctorum Patrum voluminibus diffusas, diligenter congerere, congestasque uno velut loco condere, in posteriorum usum et commoditatem. — Quæ autem scholasticæ disciplinæ sit origo, indoles et excellentia, juvat hic, Venerabiles Fratres, verbis sapientissimi viri, Prædecessoris Nostri, Sixti V. fusius aperire: « Divino illius munere, qui solus dat spiritum scientiæ et sapientiæ et intellectus, quique Ecclesiam suam per sæculorum ætates, prout opus est, novis beneficiis auget, novis præsidii instruit, inventa est a majoribus nostris sapientissimis viris, Theologia scholastica, quam duo potissimum gloriosi Doctores, angelicus S. Thomas et seraphicus S. Bonaventura, clarissimi hujus facultatis professores, .. excellenti ingenio, assiduo studio, magnis laboribus et vigiliis excoluerunt atque ornarunt, eamque optime disposuit, multisque modis præclare explicatam posteris tradiderunt. Et hujus quidem tam salutaris scientiæ cognitio et exercitatio, quæ ab ætæris divinarum Litterarum, summorum Pontificum, sanctorum Patrum et Conciliorum sententiis dimanat, semper certe maximum Ecclesiæ adjumentum afferre potuit, sive ad Scripturas ipsas verè et sana intelligendas et interpretandas, sive ad Patres securius et utilius perlegendas

et explicandos, sive ad varios errores et hæreses detegendas et refellendos: his vero novissimis diebus, quibus jam advenierunt tempora illa periculosa ab Apostolo descripta, et homines blasphemæ, superbi, seductores proficiunt in pejus, errantes et alios in errorem mittentes, sane catholice fidei dogmatibus confirmandis et hæresibus confutandis, pernecessaria est. (Bulla *Triumphantis*, an. 1588.)

Quæ verba quamvis Theologiam scholasticam duntaxat complecti videantur, tamen esse quoque de Philosophiâ ejusque laudibus accipienda perspicitur. Siquidem præclara dotes, quæ Theologiam scholasticam veritatis faciunt tantopere formidolosam, nimirum, ut idem Pontifex addit: « Apta illa et inter se nexa rerum et cansarum coherentia, ille ordo et dispositio tanquam militum in pugnaudo instructio, ille diuicidæ definitiones et distinctiones, illa argumentorum firmitas et acutissima disputationes, quibus lux a tenebris, verum a falso distinguitur, hæreticorum mendacia multis præstigit et fallacis involuta, tanquam veste detracta, patebunt et denudantur » (Bull. cit.), præclare, inquit, et mirabiles istæ dotes unice a recto usu repetende sunt ejus philosophiæ, quam magistri scholastici, data opera et sapientis consilio, in disputationibus etiam theologicis, passim usurpare consueverunt. — Præterea cum illud sit scholasticorum Theologorum proprium ac singulare, ut scientiam humanam ac divinam ardentissimo inter se vinculo conjunxerint, profecto Theologia, in qua illi excelluerunt, non erat tantum honoris et commendationis ab opinione hominum adeptura, si maneam atque imperfectam aut levem philosophiam adhibuissent.

Jamvero inter Scholasticos Doctores, omnium princeps et magister, longo eminet *Thomas Aquinas*: qui, uti Cajetanus animadvertit, veteres doctores superos quæ summe veneratus est, ideo intellectum omnium quodammodo sortitus est. (In 2<sup>æ</sup> 2<sup>æ</sup> q. cxxviii, a. 4, in fin.) Illorum doctrinæ, velut dispersa quajdam corporis membra, in unum Thomas collegit et coagmentavit, miro ordine digessit, et magis incrementis ita adauxit, ut Catholice Ecclesiæ singulare præsidium et decus jure meritoque habeatur. — Ille quidem ingenio docilis et acer, memoria facilis et tenax, vite integerrimus, veritatis nitæ amator, divina humanaque scientia prædives. Soli comparatus, orbem terrarum calore virtutum fovit, et doctrinæ splendore complevit. Nulla est philosophiæ pars, quam non acute simul et solide pertractarit: de legibus rationandi, de Deo et incorporis substantiis, de homine aliisque sensibilibus rebus, de humanis actibus eorumque principis ita dispu-

tavit, ut in eo neque copiosa questionum seges, neque apta partium dispositio, neque optima procedendi ratio, neque principiorum firmitas aut argumentorum robur, neque dicendi perspicuitas aut proprietates, neque abstrusa quaeque explicandi facilitas desideretur.

Illud etiam accedit, quod philosophicas conclusiones angelicus Doctor speculatus est in rerum rationibus et principiis, quae quam latissime patent, et infinitarum fere veritatum semina suo velut gremio concludunt, a posterioribus magistris opportuno tempore et uberrimo cum fructu aperienda. Quam philosophandi rationem cum in erraticis refutandis pariter adhaerit, illud a se ipso impetavit, ut et superiorum temporum errores omnes unus debellaret, et ad profligandos, qui perpetua vice in posterum exortituri sunt, arma invictissima suppellerit. — Praeterea rationem, ut par est, a fide apprime distinguens, utramque tamen amice consocians, utriusque tum jura consoravit, tum dignitati consulit, ita quidem ut ratio ad humana fastigium Thomae penitus eversa, jam fere nequeat sublimius assurgere; neque fides a ratione fere possit plura aut validiora adjuvantia praestolari, quam quae jam est per Thomam consecuta.

Has ob causas, doctissimi homines, superioribus praesertim aetatibus, theologiae et philosophiae laude praestantissimi, conquistis, incredibili studio Thomae voluminibus immortalibus, angelicae sapientiae ejus sese non tam excolendos, quam penitus inutriendos tradiderunt. — Omnes prope conditores et legiferos Ordinum religiosorum fuisse constat sodales suos, doctrinis S. Thomae studere et religiosius haerere, cauto, ne eum eorum impune liceat a vestigiis tanti viri vel minimum discedere. Ut Dominicanae familiae praefereamus, quae summo hoc magistro jure quodam suo gloriatur, ea lege teneri Benedictinos, Carmelitas, Augustinianos, Societatem Jesu, aliosque sacros Ordines complures, statuta singulorum testantur.

Atque hoc loco magna cum voluptate proleat animus ad celeberrimos illos, quae olim in Europa floruerunt, Academias et Scholas, Parisiensem nempe, Salmantinam, Complutensem, Dmaenam, Tolosanam, Lovaniensem, Patavinam, Bononiensem, Neapolitanam, Conimbricensem, aliasque permultas. Quarum Academiae nomen etate quodammodo crevisse, rogatasque sententias, cum graviora agerent negotia, plurimum in omnes partes valuisse, nemo ignorat. Jamvero compertum est, in magnis illis humane sapientiae domiciliis, tanquam in suo regno, Thomam consedis principem; atque omnium vel doctorum vel auditorum

animos miro consensu in unius angelici Doctoris magisterio et auctoritate conquiescisse.

Sed, quod plura est, Romani Pontifices Praedecessores Nostri sapientiam Thomae Aquinatis singularibus laudum praecensis, et testimoniis amplissimis proceci sunt. Nam Clemens VI (Bulla *In Ordine*), Nicolaus V (Breve ad FF. Ord. Praedic., 1451), Benedictus XIII (Bulla *Pretiosus*) aliique testantur, admirabili ejus doctrina universam Ecclesiam illustrari; S. Pius V (Bulla *Mirabilis*) vero fatetur eadem doctrina inereses confusas et convictas dissipari, orbemque universum a pestiferis quotidie liberari erroribus; alii cum Clemente XII (Bulla *Verbo Dei*), uberrima bona ab ejus scriptis in Ecclesiam universam dimanasse, ipsunumque eodem honore colendum esse affirmant, qui summis Ecclesiae doctoribus, Gregorio, Ambrosio, Augustino et Hieronymo defertur; alii tandem S. Thomam proponere non dubitarunt Academicis et magnis Lyceis exemplar et magistrum, quem tuto pede sequerentur.

Qua in re memorata dignissima videntur B. Urbani V verba ad Academiam Tolosanam: *Vobis et tenore praesentium vobis injungimus, ut B. Thomae doctrinam tanquam veridicam et catholicam selectamini, eandemque studentis totis viribus ampliare.* (Cons. 7<sup>o</sup> dat. die 3 Aug. 1368 ad Cancell. Univ. Tolo.) Urbani autem exemplum Innocentius XII (Litt. in form. Brev., die 6 Feb. 1694) in Lovaniensi studiorum Universitate, et Benedictus XIV (Litt. in form. Brev., die 21 Aug. 1752) in Collegio Dionysiano Granatensium renovarunt. — His vero Pontificum maximorum de Thomae Aquinate iudiciis, veluti cumulus, Innocentii VI testimonium accedat: *Hujus (Thomae) doctrina praeter ceteris, excepta canonica, habet proprietatem verborum, modum dicendorum, veritatem sententiarum, ita ut nunquam qui eam tenuerint, inveniantur a veritate deviasse; et qui eam impugnaverit, semper fuerit de veritate suspectus.* (Serm. de S. Thom.)

Ipsa quoque Concilia (Ecumenica, in quibus eminent lectus ex toto orbe terrarum flos sapientiae, singularem Thomae Aquinati honorem habere perpetuo studuerunt. In Conciliis Lugdunensi, Viennensi, Florentino, Vaticano, deliberationibus et decretis Patrum interfuisse Thomam et pene praefuisse dixeris, adversus errores Graecorum haereticorum et rationalistarum ineluctabili vi et faustissimo exitu decertantem. — Sed haec maxima est et Thomae propria, nec cum quopiam ex doctoribus catholicis communicata laus, quod Patres Tridentini, in ipso medio conclavi ordini habendo, una cum divinae Scripturae codicibus et Pontificum Maximorum decretis *Summam Thomae Aquinatis super*

altari patere voluerunt, unde consilium, rationes, oracula, peterentur.

Postremo hæc quoque palma viro incomparabili reservata videbatur, ut ab ipsis catholici nominis adversariis obsequia, proconi, admirationem extorqueret. Nam exploratum est, inter hæreticarum factionum duces non defuisse, qui palam profiterentur, sublata *semel* a medio doctrina Thomæ Aquinatis, se facile posse *cum omnibus* catholicis doctoribus *subire certamen et vincere, et Ecclesiam dissipare*, (Bæza — Bucerus.) — Inanis quidem spes, sed testimonium non inane.

His rebus et onas, Venerabiles Fratres, quoties respicimus ad bonitatem, vim præclarasque utilitates ejus disciplina philosophicæ, quam majores nostri adamarunt, judicamus temere esse commissurum, ut eadem ams bonos non semper, nec ubique permanserit: præsertim cum philosophiæ scholasticæ et usum duriturnum et maximorum virorum iudicium, et, quod caput est, Ecclesiæ suffragium favissa constaret. Atque in veteris doctrinæ locum nova quædam philosophiæ ratio hac illæ successit, unde non ii percepti sunt fructus optabiles ac salutare, quos Ecclesia et ipsa civilis societas maluisse. Admittentibus enim novatoribus sæculi xvi, placuit philosophari citra quæpiam ad fidem respectum petita distaque vicissim potestate, quælibet pro lubitu ingenioque excoogitandi.

Quæ ex re proutum fuit, genera philosophiæ plus æquo multiplicari, sententiæque diversæ atque inter se pugnantis oriri etiam de his rebus, quæ sunt in humanis cogitationibus præcipua. A multitudine sententiarum ad hesitationes dubitationesque per sepe ventum est: a dubitationibus vero in errorem quam facile mentes hominum delabantur, nemo est, qui non videat. — Hoc autem novitatis studium, cum homines imitatione trahantur, catholicorum quoque philosophorum animos visum est alicubi pervasisse; qui patrimonio antiquæ sapientiæ posthabito, nova moliri, quam vetera novis augere et perficere maluerunt, certe minus sapienti consilio, et non sine scientiarum detrimento.

Etenim multiplex hæc ratio doctrinæ, cum in magistrorum singulorum auctoritate arbitrioque nitatur, mutabile habet fundamentum eaque de causa non firmam atque stabilem neque robustam, sicut veterem illam, sed tantæm et levem facit philosophiam. Cui si forte contingat, hostium impetu ferendo vix parum aliquando inveniri, ejus rei agnoscat in seipsa residere causam et culpam. — Quæ cum dicimus, non eos profecto improbamus doctos homines atque solertes, qui industriam et eruditionem suam, ac

novorum inventorum opes ad excolendam philosophiam afferunt: id enim probe intelligimus ad incrementa doctrinæ pertinere. Sed magnopere cavendum est, ne in illa industria atque eruditione tota aut præcipua exercitatio versetur. — Et simili modo de sacra Theologia judicetur; quam multiplice eruditionis adjumento juvari atque illustrari quidem placet, sed omnino necesse est, gravi Scholasticorum more tractari, ut, revelationis et rationis conjunctis in illa viribus, *invicium fidei propugnaculum* (Sixtus V. Bull. cit.) esse perseveret.

Optimo itaque consilio cultores disciplinarum philosophicarum non pauci, cum ad instaurandam utiliter philosophiam novissime animum adjecerint, præclaram Thomæ Aquinatis doctrinam restituere, atque in pristinum decus vindicare studuerunt et student. Pari voluntate plures ex ordine Vestro, Venerabiles Fratres, eandem alacriter viam esse ingressos, magna cum animi nostri lætitia cognovimus. Quos cum laudamus vehementer, tum hortamur, ut in suscepto consilio permanent: reliquos vero omnes ex vobis singulatim monemus, nihil nobis esse antiquius et optabilius, quam ut sapientiæ rivus purissimos ex angelico Doctore jugi et prædilecte vena dimanantes, studiosæ juventutis large copioseque universi præbeatis.

Quæ autem faciunt, ut magno tibi studio velimus, plura sunt. — Principio quidem, cum in hæc tempestate nostra, machinationibus et astu fallacis cujusdam sapientiæ, christiana fides oppugnari soleat, cuncti adolescentes, sed hi nominatim qui in Ecclesiæ spem succrescant, polienti ac robusto doctrinæ pabulo ob eam causam eutritendi sunt, ut viribus validi, et copioso armorum apparatu instructi, mature assuescant causam religionis fortiter et sapienter agere. *parati semper, secundum Apostolicæ mentis, ad satisfactionem omni poscenti rationem de eo, quæ in vobis est, spe* (I Pet. iii. 15), *et exhortari in doctrina sanâ, et eos qui contradicunt arguere.* (Tit. i. 9.)

Deinde plurimi ex his hominibus qui, abalienato a fide animo, insitula catholice oderant, solam sibi esse magistræ ac docem rationem profitentur. Ad hos autem sanandos, et in gratiam cum fide catholica resituendos, præter supernaturale Dei auxilium, nihil esse opportunius arbitramur, quam solidam Patrum et Scholasticorum doctrinam, qui firmissima fidei fundamenta, divinam illius originem, certam veritatem, argumenta quibus suadet, benefica in humanum genus collata, perfectamque cum ratione concordiam tanta evidentia et vi commonstrant, quanta flectendis mentibus vel maxime invitis et repugnantibus abunde sufficiat.

Domestica vero, atque civilis ipsa societas, quæ ob perversarum opinionum pestem quando in discrimine versetur, universi perspicimus, profecto pacatior multo et securior consisteret, si in Academicis et scholis sanior traderetur, et magisterio Ecclesiæ conformior doctrina qualem Thomæ Aquinatis volumina complectuntur. Quæ enim de germana ratione libertatis, hoc tempore in licentiam abeuntis, de divina cujuslibet auctoritatis origine, de legibus earumque vi, de paterno et æquo summorum Principum imperio, de obtemperatone subminoribus potestatibus, de mutua inter omnes caritate; quæ scilicet de his rebus et aliis generis ejusdem a Thomæ disputantur, maximum atque invictum robur habent ad evertenda ea juris novi principia quæ pacato rerum ordini et publicæ salutis periculosa esse dignoscuntur.

Demum eunctæ humanæ disciplinæ spem incrementi præcipere, plurimumque sibi debent præsidium polliceri ab hac, quæ nobis est proposita, disciplinarum philosophicarum instauratone. Etenim a philosophia tanquam a moderatrice sapientia, sanam rationem rectamque modum bonæ artes mutuari, ab æque, tanquam vitæ communis fonte, spiritum haurire consueverunt. Facto et constanti experientia comprobatur, artes liberales tunc maxime floruisse, cum incoluntis honor et sapiens iudicium philosophiæ stetit; neglectis vero et prope obliteratis jaciisse, inclinata atque erroribus vel ineptis implicata philosophia. — Quapropter etiam physice disciplinæ quæ nunc tanto sunt in pretio, et tot præclare inventis, singularem ubique cient admirationem sui, ex restituta veterum philosophia, non modo nihil detrimenti sed plurimum præstili sunt habituræ.

Illarum enim fructuosæ exercitatiōni et incremento non sola satis est consideratio factorum, contemplatioque naturæ; sed, cum facta consisterint, altius assurgendum est, et danda solertè opera naturis rerum corporearum agnoscendis, investigandisque legibus, quibus parent, et principiis, unde ordo illarum et unitas in varietate, et mutua affinitas in diversitate proficiscuntur. Quibus investigatiōibus mirum quantum philosophia scholastica vim et licentiam, et opem, est altatura, si sapienti ratione tradatur.

Qua in re et illud moneri juvat, nonnisi per summam injuriam eidem philosophiæ vitio verti, quod naturalium scientiarum profectui et incremento adversetur. Cum enim Scholastici, sanctorum Patrum sententiam secuti, in Anthropologia passim tradiderint, humanam intelligentiam nonnisi ex rebus sensibilibus ad noscendas res corpore materiaque carentes evehi, sponte sua intellexerunt, nihil esse philosopho utilis, quam naturæ arcana

diligenter investigare, et in rerum physicarum studio diu multumque versari. Quod et factu suo confirmarunt: nam S. Thomæ, B. Albertus magnus, aliique Scholasticorum principes, non ita se contemplationi philosophiæ dederunt, ut non etiam multum opere in naturalium rerum cognitione collocaant: imo non pauca sunt in hoc genere dicta eorum et scita, quæ recentes magistri probeant, et cum veritate congruere fateantur. Præterea, hæc ipsa ætate, plures, siquæ insignes scientiarum physicarum doctores palam aperteque testantur, inter certas ratasque recentioris Physicæ conclusiones, et philosophicæ Scholæ principia nullam vere nominis pugnam existere.

Nos igitur, dum edicimus libenti gratoque animo excipiendum esse quicquid sapienter dictum, quicquid utiliter fuerit a quopiam inventum atque excogitatum, vos omnes, Venerabiles Fratres, quam exiis hortamur, ut ad catholice fidei tutelam et decus, ad societatis bonum, ad scientiarum omnium incrementum auream sancti Thomæ sapientiam restituatis, et quam latissime propagetis. Sapientiam sancti Thomæ dicimus: si quid enim est a doctoribus Scholasticis vel nimia subtilitate questum, vel parum considerate traditum, si quid cum exploratis posterioris ævi doctrinis minus coherens, vel denique quomodo non probabile, id nullo pacto in animo est retati nostræ ad imitandum proponi.

Ceterum, doctrinam Thomæ Aquinatis studeant magistri, a vobis intelligenter lecti, in discipulorum animos insinare; ejusque præ ceteris soliditatem atque excellentiam in perspicuo ponant. Eandem Academicæ a vobis institute aut instituendæ illustrent ac tueantur, et ad grassantium errorum refutationem adhibeant. — Ne autem supposita pro vera, neu corrupta pro sincera bibatur, providete ut sapientia Thomæ ex ipsis ejus fontibus hauriatur, aut saltem ex iis rivis, quos ab ipso fonte deductos, adhuc integros et illines decurrere certa et concors doctorum hominum sententia est: sed ab iis, qui exinde fluxisse dicuntur, re autem alienis et non salubribus aquis creverunt, adolescentium animos arcendos curate.

Probe autem novimus conatus nostros irritos faturos, nisi communia cepta, Venerabiles Fratres, ille secundet, qui *Deus scientiarum* in divinis eloquiis (I Reg., II, 3) appellatur; quibus etiam movemur, *omne datum optimum et omne donum perfectum desursum esse, descendens a Patre luminum.* (Jac., I, 17.) Et rursus: *Si quis indiget sapientia, postulet a Deo, qui dat omnibus affluenter, et non impropriet; et dabitur ei.* (Ibid., v, 5.) — Igitur hæc quoque in re exempla sequamur Doctoris angelici, qui nun-

quam se lectioni aut scriptioni dedit, nisi propitiato precibus Deo; quique candide confessus est, quidquid scirat, non tam se studio aut labore suo sibi peperisse, quam divinitus accepisse: ideoque humili et concordi obsecratione Deum simul omnes exoremus, ut in Ecclesiæ filios spiritum scientiæ et intellectus emittat, et aperiat eis sensum ad intelligendam sapientiam. Atque ad uberioris percipiendos divini bonitatis fructus, etiam B. Virginis Mariæ, quæ sedes sapientiæ appellatur, efficacissimum patrocinium apud Deum interponit; simulque deprecatores adhibet purissimum Virginis Sponsam B. Josephum, et Petrum ac Paulum Apostolos maximos, qui orbem terrarum, impura errorum lue corruptum, veritate renovarunt, et celestis sapientiæ lumine compleverunt.

Denique divini auxilii spe freti, et pastorali vestro studio conliti, Apostolicam benedictionem, celestium munerum auspiciam et singularis nostræ benevolentie testimonium, vobis omnibus, Venerabiles Fratres, universoque Clerico et populo singulis commisso, peramanter in Domino imperamus.

Datum Romæ, apud S. Petrum, die 4 Augusti ann. 1879, Pontificatus nostri anno secundo.

LEO PP. XIII

## DILECTO FILIO LEONI PHILIPONA

E SOCIETATE A S. PAULO NUNCUPATA,

BONIS LIBRIS EBRENDIS

LEO PP. XIII

DILECTE FILI, SALUTEM ET APOSTOLICAM BENEDICTIONEM

Libenter admodum accepimus, te una cum aliis Sociabilibus tuis curam suscepisse typis edendi S. Doctoris Aquinatis « *Questiones Disputatas* » adjecto ejusdem opere « *De Ente et Essentia* »; atque hujusmodi Vos lucubrationes quatuor voluminibus accurate esse complexuros. Hoc vestrum consilium Nobis, Dilecte Fili, gratum et jucundum fuit; perspeximus enim curarum vestrarum ope opportune fieri, ut hæc gravissima Angelici Doctoris opera studiosæ juventuti facile usui esse possint, ac ad omnium utilitatem qui solidam scientiam diligunt, sine gravi impendio late dimanent. Quapropter probamus ultro optimam industriam vestram, atque uti ei superiori tempore ob alia monumenta illustria sapientiæ Sancti Doctoris a Vobis edita, favoris Nostri testimonium præbuimus, ita nunc ob nova hæc volumina quæ a Vobis evulgantur, ipsam laude et commendatione Nostra prosequimur. Implorantes autem a Domino ut utilibus laboribus vestris propitius adsit, ac efficiat ut ii ad incrementum veræ doctrinæ, et ad gloriam suam pleno proficiant, Apostolicam Benedictionem quam postulasti, Dilecte Fili, tum tibi, tum aliis sodalibus tuis, conjunctam etiam sensibus paternæ Nostræ dilectionis, peramanter in Domino impertimus.

Datum Romæ, apud S. Petrum, die 8 januarii, an. 1883, Pontificatus Nostri anno quinto.

LEO P. P. XIII.



quam se lectioni aut scriptioni dedit, nisi propitiato precibus Deo; quique candide confessus est, quidquid scirat, non tam se studio aut labore suo sibi peperisse, quam divinitus accepisse: ideoque humili et concordi obsecratione Deum simul omnes exoremus, ut in Ecclesiæ filios spiritum scientiæ et intellectus emittat, et aperiat eis sensum ad intelligendam sapientiam. Atque ad uberioris percipiendos divini bonitatis fructus, etiam B. Virginis Mariæ, quæ sedes sapientiæ appellatur, efficacissimum patrocinium apud Deum interponit; simulque deprecatores adhibet purissimum Virginis Sponsam B. Josephum, et Petrum ac Paulum Apostolos maximos, qui orbem terrarum, impura errorum lue corruptum, veritate renovarunt, et celestis sapientiæ lumine compleverunt.

Denique divini auxilii spe freti, et pastorali vestro studio conliti, Apostolicam benedictionem, celestium munerum auspiciam et singularis nostræ benevolentie testem, vobis omnibus, Venerabiles Fratres, universoque Clerico et populo singulis commisso, peramanter in Domino imperamus.

Datum Romæ, apud S. Petrum, die 4 Augusti ann. 1879, Pontificatus nostri anno secundo.

LEO PP. XIII

## DILECTO FILIO LEONI PHILIPONA

E SOCIETATE A S. PAULO NUNCUPATA,

BONIS LIBRIS EBRENDIS

LEO PP. XIII

DILECTE FILI, SALUTEM ET APOSTOLICAM BENEDICTIONEM

Libenter admodum accepimus, te una cum aliis Sodalibus tuis curam suscepisse typis edendi S. Doctoris Aquinatis *« Questiones Disputatas »* adjecto ejusdem opere *« De Ente et Essentia »*; atque hujusmodi Vos lucubrationes quatuor voluminibus accurate esse complexuros. Hoc vestrum consilium Nobis, Dilecte Fili, gratum et jucundum fuit; perspeximus enim curarum vestrarum ope opportune fieri, ut hæc gravissima Angelici Doctoris opera studiosæ juventuti facile usui esse possint, ac ad omnium utilitatem qui solidam scientiam diligunt, sine gravi impendio late dimanent. Quapropter probamus ultro optimam industriam vestram, atque uti ei superiori tempore ob alia monumenta illustria sapientiæ Sancti Doctoris a Vobis edita, favoris Nostri testimonium præbuimus, ita nunc ob nova hæc volumina quæ a Vobis evulgantur, ipsam laude et commendatione Nostra prosequimur. Implorantes autem a Domino ut utilibus laboribus vestris propitius adsit, ac efficiat ut ii ad incrementum veræ doctrinæ, et ad gloriam suam pleno proficiant, Apostolicam Benedictionem quam postulasti, Dilecte Fili, tum tibi, tum aliis sodalibus tuis, conjunctam etiam sensibus paternæ Nostræ dilectionis, peramanter in Domino impertimus.

Datum Romæ, apud S. Petrum, die 8 januarii, an. 1883, Pontificatus Nostri anno quinto.

LEO P. P. XIII.

## APPROBATION DE M<sup>GR</sup> DE VERDUN

EVÊCHE

Verdun, 1<sup>er</sup> mars 1883.

VALERE FLAMMAM  
VERDUNENSIS

MONSIEUR.

L'encyclique *Æterni Patris* placée en tête de votre édition des *Questiones disputatæ* de saint Thomas d'Aquin révèle la pensée à laquelle vous avez obéi et l'opportunité de votre entreprise.

Léon XIII invite notre génération à revenir à la philosophie chrétienne. Au mal intellectuel de notre époque il offre le remède en nous montrant dans la doctrine de l'Ânge de l'École le repos et le support de la foi. L'œuvre catholique de Saint-Paul réclame sa part dans l'accomplissement de ce noble et salutaire programme : elle offre aux maîtres et aux disciples sous un format commode et à des prix faciles les œuvres philosophiques de celui qui est proclamé le maître par excellence.

Les quatre volumes qui renferment les *Questiones disputatæ* et l'opuscule *De Ente et Essentia* sont le complément nécessaire de la *Somma théologique* et de la *Somma contre les Gentils*, éditées précédemment par votre maison. Toute la doctrine rationnelle du Docteur angélique sur Dieu, l'homme et le monde, dont les principes sont résumés et dispersés dans les deux *Sommes*, se trouve ici réunie, développée, expliquée. Comme le remarque avec justice l'éminent professeur qui vous donne son précieux concours, entre plusieurs commentaires de la doctrine de saint Thomas, le meilleur sans contredit est celui que nous donne saint Thomas lui-même.

C'est donc avec la plus grande satisfaction, Monsieur, que votre Evêque joint sa bénédiction à celle que vous avez reçue déjà du Souverain-Pontife, et souhaite à cette édition, que vous exécutez avec tant de soin et au prix de si grands sacrifices, le meilleur succès.

† AUGUSTIN, évêque de Verdun.

A. M. D. G.

IN DOCTORIS ANGELICI *Questiones Disputatæ*  
ET IN LIBRUM *De Ente et Essentia*

MICHAELIS DE MARIA

Et Societate Jesu  
in Pontificia Universitate Gregoriana Philosophiæ Professoris

## PREFATIO

Admirabilis illa ac nunquam satis collaudata Encyclica « *Æterni Patris* », qua supremus Ecclesie catholice Magister Leo XIII universos sacerdotum Antistes omnesque viros ingenii laude præstantes allocutus, philosophiæ instaurationem ad Aquinatis mentem sapientiamque esse exigendam molendamque luculenter significavit, amplissimis expressit verbis, uberes admodum atque copiosos jam consecuta est fructus; philosophiam quippe illam, quam peno dimissam et ab omnibus derelictam doleramus, ad pristinam sedem, ad veterem honoris gradum non uno in loco plaudentibus bonis omnibus restitutam ipsi conspeximus. — Ubique enim terrarum homines ingenio, probitate, atque omni laudum genere florescentes, ut tanti Pontificis voluntati atque optatis obsecundarent, nihil intentatum reliquerunt, ut Aquinatis sapientia ab omnibus cognita, omnibus probaretur, maximique duceretur, præsertim a juvenibus, qui tum in ceteris scholis, tum vel in primis in Ecclesiasticis seminariis in spem bonam Ecclesie succrescunt. Omnes tempora maturari et tandem advenisse animo letabamur, cum catholica juvenutis a certorum ætatis nostre philosophorum mutantibus dogmatibus, ambiguis falsisque pronuntiatis ac doctrinis abducta ad purissimam illam se rediret sapientiam, que per tot secula tanta claritatis luce christianam

societatem illustravit atque complevit, tantam professoribus suis peperit gloriam, tantam Religioni et ipsi civitati attulit utilitatem, tantos in Ecclesie infensissimis hostibus concivit fremitus, furores, iracundie estus. Quare non sine magna voluptate adolescentes quamplurimos nobis ducibus eo conspicimus facile venire, quo sine duce ipsi superatis summis difficultatibus vix pervenimus.

Ad hos fructus velociter uberiusque capessendos, omnes sane intellexerunt nullam potiorē, melioremque reperiri posse rationem, nullam viam esse expeditiorem, quam Aquinatis immortalia volumina studiosius diligentiusque conquirere, typis edita in vulgus spargere ac disseminare, ante omnium oculos ponere. Quocirca typographorum catholicorum solertiam non mediocriter excitare viri pietate ac sapientia præstantes ut operam suam collocarent in illis præsertim operibus pervulgandis, quæ Summus Aquinas, « vir ingenio doctus et acer, memoria facilis et tenax, vita integerrimus, veritatis unica amator, divinus humanaque scientia prædives » (Encyclica « Æterni Patris »), exaravit atque conscripsit. Magna profecto fuit bonorum expectatio, sed exitus omnium expectationem longe superavit. Nam cum plurimi inter typographos prompto atque alacri animo huic se dederint operi persequendo, et nulli industria, nulli labori ac studio, nullis pepererint sumptibus, brevi temporis intervallo præstantissimorum Doctorum, præsertim Thomæ Aquinatis Doctorum principis, opera apud omnes gentes divulgavit; atque ita de Theologia, de Philosophia, de scientiis omnibus, de humana societate, de juvenutis disciplina, de christiana denique Religionis fuerunt optime meriti.

Inter hos viros Religionis utilitatibus ac commodis servientes nemo erit ita injustus rerum æstimator, qui non recensendos putabit homines illos pietate præstantes, Religionis amore inflammatos, qui apud generosam Gallorum gentem sodalitiū quoddam excitaverunt, cui nomen *Societatis à Sancto Paulo* inditum attributumque voluerunt; quodane omnem operam, omne studium, omnem industriam in eo collocat ut propriis typis excedantur tenui modicoque pretio vendendi optimi quique libri rei christiane provehendi quam maxime accomodati.

Hæc Consociatio, quam honoris laudisque gratia hic nominavi, simul ac voluntatem atque desideria Pontificis Maximi internovit,

nihil sibi antiquius, nihil melius, nihil præstabilius aggrediendum arbitrata est, quam Doctoris Angelici operam iterumque suis divulgare typis, eaque per omnes Europe civitates disseminare, spargere, propagare.

Quare Aquinatis *Sermones et opuscula concionatoria*, Summam contra Gentiles, et imprimis Summam Theologicam pluries edidit; adeo ut ex pie Consociationis officina numerosissima prodierint exemplaria, quæ Aquinatis sapientiam ad longinquas usque transtulere regiones. Quapropter, non pauci, qui antea Aquinatis philosophiam aspernabantur utpote in ea excolenda parum versati vel prorsus inexercitati, posteaquam illam gustaverunt, vehementer adamare, incredibili studio conquirere, summis laudibus honestare, eique se excolendos penitus tradere sanctum ac solemne habuerunt.

Hoc tametsi optantibus, non insperantibus tamen neque mirantibus vere philosophis cultoribus accidit; nam hæc Theologica Summa, hæc inquam divina humana sapientiæ Summa, quam « Patres Tridentini in ipso medio conclavi ordini habendo una cum divinis Scripturæ codicibus et Pontificum Maximorum decretis... super altari patere voluerunt unde consilium rationes oracula peterent » (Encyclica « Æterni Patris »), questiones universæ sive Theologiæ sive Philosophiæ admirabili brevitate perstringuntur, incredibili perspicuitate enodantur, sapientia pene divina explicantur.

At inter cetera Doctoris Angelici opera facile præstare *Questiones disputatas* inter doctos atque scientiarum peritos constat. Omnes enim in hoc insigni ac præclaro opere et rerum, quas enucleandas evolvensque aggreditur copiam ac præstantiam admirantur, et robur, vim, efficiam, quibus infensissimos Christianæ Philosophiæ hostes impugnat ac refellit, summis laudibus prosequuntur: adeo ut omnium iudicio singularis hæc Aquinatis attributa sit laus, nullam eum in his Questionibus rem defendere, quam sapientissime non probet, nullam oppugnare, quam funditus non evertat.

Quamobrem jamdudum erat in votis, atque optatis virorum scientiarum laude nobilium harum *Questionum disputatarum* novam quandam recentemque parari atque adornari editionem, quam hisce nostris temporibus non solum utilem, sed maxime accommodatam atque necessariam fore rebantur. Quam ad rem et

ab ipsa pietissima Sancti Pauli Societate ut nitidis elegantibusque typis hæc *Questiones* ederentur auctor fui, et operam ingeniumque contuli, ut quantum locorum intercapedo, quantum mese quibus distinger occupationes paterentur ac sinerent, ea editio sic in adspectum lucemque prodiret, ut non indigna videretur scientiarum cultoribus, et non mediocrem afferre posset utilitatem studiosis juvenibus, iis præsertim, quas philosophia imbuendos instruendosque suscepi, quosque unice semper dilexi.

Equidem nemo infelicitur harum *Questionum disputatarum* exemplaria adeo rari esse, ut non sine magna difficultate, eaque magno pretio comparanda reperiantur. Omnes vero ultro fatebantur *Questiones* has *disputatas* omnibus politioris philosophiam amatoribus et præsertim adolescentibus, qui in Ecclesiasticis Seminariis sese edocendos scientiæ traliderunt, esse non modo opportunas, sed etiam necessarias.

Bellum hæc nostra tempestate terribimum ac luctuosum in Christianam Religionem atque in Apostolicam Sedem homines nefarii ac perditæ scientiæ ac philosophiæ nomine moliantur audacia incredibili, temeritate non ferenda. Materialismi, Ontologismi, Pantheismi, Idealismi opposita ac pugnantia systemata ex Physica, Anthropologia, Ideologia, naturali consecutione derivari autumant ac decernunt. Quocirca æquum est, immo necessarium ex ipsæ scientiæ veritatem doctrinamque perniciosi illis systematibus oppositum haurire, adversariorum tela retundere, atque in ipsos hostes intorquere.

Verum hos, quos paulo ante meminimus adversarios, minus periculosos, minus extimescendos puto; nam philosophiam tametsi evertere ac labefactare funditus conentur, tamen ipsa absurda defragmenta, ipsa perversa, que in medium lucemque proferre conantur dogmata, eos refellunt ac coarquant, suorumque auctorum mentem a veritate aversam, animosque corruptos erroribus, tenebris obducos patefaciunt.

Aliud sane est adversariorum genus magis periculosum, quippe domesticum; eorum videlicet philosophorum, qui peripateticam Aquinatis philosophiam aspernantes in natura, rerumque principia explicandis inter veteres Democritum, inter recentiores Cartesium auctores ac magistros secuti omni ope studioque revocare conantur veterum philosophorum opinionem jam dudum ditissimam, cuncta ex atomis substantialiter immutabilibus compo-

nentium, ex quarum varia complexione, motione, concursu illa conficiuntur, universa, que in peripatetica Aquinatis philosophia productioni eujuspiam nove formæ tribuuntur.

• Doctrina hæc, uti perbelle sapienterque notavit Cardinalis Sfortia Pallavicino • Phantasia nostra infirmitati blandita, que • phantasia supra corporum dimensiones motionesque nihil • cognoscit, magnam illexit sectatorum turbam ex iis maxime, qui • metaphysicæ sacris nihil initiati, quod suæ intelligentiæ vel • arduum vel ignotum experiebantur, idem inane ac falsum desiderabant. Sed hujus doctrine labes postea detecta; quippe • turbans que super Eucharistiæ mysteriis ab Ecclesia docetur, • nec non parum accomodata iis, que de humane animæ natura • Lateranense concilio pronuntiavit. •

Que superius disputavit Pallavicinus de facili propagatione atomistarum sententiæ, eodem fere pacto prolata fuero a Tullio Tuscul., lib. IV, cap. III. Ita enim romanæ eloquentiæ princeps causas persequitur, quamobrem magna minorum philosophorum turba apud Romanos peripateticæ de rerum corporatarum natura Epicuri ac Democriti anteferebat sententiæ.

• Itaque illius veræ elegantisque philosophiæ que ducta a Socrate • in Peripateticis adhuc permansit, ... nulla fere sunt, aut pauca • admodum latina monumenta, sive propter magnitudinem rerum • occupationemque hominum, sive etiam quod Imperiis ea probari posse non arbitrabantur: cum interim illis silentibus • C. Amasianus extitit dicens. Cujus libris editis commota multitudo contulit se ad eandem potissimum disciplinam, sive quod erat cognita perfacilis, sive quod invitabatur illecebris blandis voluptatis, sive etiam quia nihil prolatum erat melius, illud quod erat tenebant. Post Amasianum autem multi ejusdem æmuli rationis multa cum scripsissent Italiam totam occupaverunt. Quodque maximum argumentum est, non dici illa subtiliter, quod et facile ediscantur et ab indoctis probentur; id • illi firmamentum esse disciplinæ putant! •

Hæc sententiæ, quam Tullius tam festivo insectatur, quamque Pallavicinus phantasiæ blandientem, sed a ratione dissonam describit, a recentibus rerum physicarum cultoribus propagari ac disseminari in vulgus coepit multorum animis firmiter insedit, lateque propagines distendit, quanto cum veræ philosophiæ discrimine ac jactura ex eo vel facillime intelligi potest, quod ex ipsa

tot exorti errores, tot opiniones a vero admodum discrepantes, tot falsa dogmata hodiernam philosophiam pervadunt ac commaculant. Hæc enim novandi licentia infinitis erroribus circa ipsa sciendi principia omnium animos mentesque aspersit. Nihil enim, uti monet laudatus Pallavicinus, frequentius, quam ut error errorem gignat, præsertim si error sit circa principia; is enim fluviorum ritu, quo a fonte longius labitur, eo latius amplificatur.

His omnibus incommodis, hisque gravissimis malis medicina petenda est ex sublimi angelicæ Aquinatis sapientia, quæ et in omnibus sanctissimi Doctoris voluminibus refulget et maxime prece eminet in *Questionibus disputatis*, in quibus universæ philosophiæ præstantissima capita inveniantur aberrime acutissimeque tractata ac discussa.

Hæc *Questionibus disputatis* ex omnibus posterioribus sæculis viri sapientissimi dignis existimaverunt, quæ et in magno haberentur pretio et in omnium manibus versarentur. Harum quippe plures corporatarum rerum, hominis, substantiarum immaterialium essentiam, facultates atque originem ita profunde ac locuenter explicant, ut vera etiam principia, quibus physica niti debet perspicue exinde eruantur, et hodierni Materialismi fundamenta ipsa penitus convellantur. Questiones aliæ omnia, quæ ad sensitivam intellectivamque hominis cognitionem spectant, tanta doctrinæ ac sapientiæ copia prosequuntur, ut et veterum et maxime nostræ ætatis ontologorum vanitas caillbet legenti manifestetur. Aliæ demum de rebus finitis ac mutabilibus, de Deo ipso perfectissimo et immutabili rerum ceterarum conditore philosophica ratione et methodo ita disserunt ut recentiorum Pantiðistarum machinationes, contorta sophismata, impia ac nefaria molimina qualibet veritatis specie spoliari ac nudari videantur.

Quæ enim per sepe Aquinas in aliis operibus cursim ac summam deditavit, in *Questionibus disputatis* uberrime versat, diligentissime tractat, ab adversariorum conatibus ac calumniis fortiter vindicat.

Quapropter hoc præclarum opus ceterorum ipsius Aquinatis operum jure merito haberi potest, uti quoddam ejus commentarium ab ipso Aquinate exaratum ad genuinam ejus mentem ac doctrinam percipiendam sæpe necessarium, semper peropportunum atque utile; quo fit ut omnibus liceat sine temporis jactura, sine

deceptionis metu ad fontem ipsum potius accedere, quam rivulos consecrari. Neque sic erit pertimescendum ut tanti Doctoris sapientia tenebris offundatur atque obscuretur ab illis, qui præjudicatis abrepti opinionibus et parvum studio incitati, quod ipsi decem animamque inducunt suam, mentem doctrinamque esse Aquinatis confidenter, ne dicam audacter sanciant; quæ ex re quod ipsi senserint, non quod Aquinas docuerit nobis patescit, et sic eorum inconstantia ac levitate Aquinatis non mediocriter minuitur auctoritas, quæ semper apud viros doctos maxima fuit. Quocirca sapientissime Leo XIII, in sua admirabili Encyclica *Æterni Patris* huic occurrens incommodo inquit: *« Provideat ut sapientia S. Thomæ ex ipsa ejus fontibus hauriatur. »*

Si huic Pontificis Summi præcepto obtemperaverint sinceri veritatis, christianæque philosophiæ sectatores, cessabunt profecto tot dissensiones, tot contraria studia, tot diversæ, distractæque sententiæ inter eos, qui sub eodem Aquinatis vexillo militare gloriantur; collatisque consiliis ac viribus poterunt omnes simul christianam philosophiam in tanta rerum amoremque perturbatione ad sedem illam restituere, ex qua per summum nefas, summamque rei christianæ calamitatem fuit exaribata atque ejecta.

Huic fini obtinendo conferet vehementer, non hesitans affirmo, quippe experimento edoctus, *Questiones disputatas* diu noctuque in manibus habere, easque perlegere frequenter, meditari assidue, voracemque Aquinatis sententiam, si in ceteris operibus dubia videtur, ex illis deponere. Infinitus certe essem, si loca illa *Questionum disputatarum* reconserere ac commemorare vellem, in quibus Aquinas noster copiose et acutissime explicat abstrusas quasdam reconditioresque questiones, quas in aliis operibus obiter leviterque prosequitur. Sed ne ea, de quibus supra commemoravi, a me videantur affirmata gratuito, perpaucæ eaque præstantiora loca citabo, quæ, quod a me dictum fuit ab omni falsitatis suspitione remotissimum esse ostendunt.

Gravissima sane exiit ac intellectu difficillima plenisque concertationum disputationibus agitata questio illa de substantiali corporum compositione ex prima materia et forma, tanquam ex primo subjecto et actu substantiali. Hanc rerum corporatarum compositionem elegantissime Tullius Aristotelem Peripateticosque secutus exposuit atque illustravit. Academ., lib. I, cap. vi.

Hanc eandem sententiam, doctrinamque vix sanctissimus, ingenioque prepotens Augustinus, Ecclesie catholice decus atque ornamentum maximum, lib. I, de Genesi ad litteram, cap. xv. et xv. fatetur non ab hominibus in terris didicisse, sed ab ipso Deo enixis precibus edoceri impetrasse. Ast si in hac questione, que intimam corporalis creature essentiam, que remotissima a seipso est, scrutatur, omnia difficilia sunt atque obscura illud vero difficillimum a sapientibus semper putatum est; undenam videlicet in substantialibus corporum mutationibus novae formae [Latini ex grecis eas *qualitates* (*ποιότητες*), substantiales nimirum ac specificas, vocabant, quibus efficebantur, que appellantur *qualia* (*εἴδη*)] ortum originemque habeant.

Aquinas, qui persepe et variis in locis questionem hanc subtilissimam captivum arduum vix tetigit atque indicavit, in *Questionibus disputatis* illam agit copiosissime et solvit ac explicat acutissime. Nam De Pot., q. iii, a. 8, inquirens, utrum Deus operetur in natura creando, hoc disserit ad hanc rem aptissima.

• Respondeo dicendum: Circa istam questionem diversae fuerunt opiniones. Quarum omnium videtur radix fuisse unum et idem principium, secundum quod natura non potest ex nihilo aliquid facere: ex hoc enim aliquid crediderunt quod nulla res fieret aliter nisi per hoc quod extrahebatur a re alia in qua latebat, sicut de Anaxagora narrat Philosophus (in I Physic., com. xxxii et xxxiii), qui ex hoc videtur fuisse deceptus, quia non distinguebat inter potentiam et actum; putabat enim oportere quod actu praexistit illud quod generatur. Oportet autem quod praexistat potentia, et non actu; si enim non praexistet potentia, fieret ex nihilo; si vero praexistet actu, non fieret: quia quod est, non fit.

• Sed quia res generata est in potentia per materiam, et in actu per suam formam, posuerunt aliqui, quod res fiebat quantum ad formam materiae praesistente. Et quia operatio naturae non potest esse ex nihilo, et per consequens oportet quod sit ex praesuppositione, non operabatur, secundum eos, natura, nisi ex parte materiae, disponendo ipsam ad formam. Formam vero, quam oportet fieri et non praesupponi, oportet esse ex agente qui non praesupponit aliquid, sed potest ex nihilo facere: et hoc est agens supernaturale, quod Plato posuit datorem formarum. Et hoc Avicenna dixit esse intelligentiam ultimam inter sub-

stantias separatas. Quidam vero moderni eos sequentes, dicunt hoc esse Deum. Hoc autem videtur esse inconveniens. Quia cum unumquodque natum sit simile sibi agere (nam unumquodque agit in eo quod actu est, hoc scilicet quod est in potentia id quod agendum est), non requireretur similitudo secundum formam substantialem in agente naturali, nisi forma substantialis geniti esset per actionem agentis. Ex quo etiam id quod in genito acquirendum est, actu in generante naturali invenitur, et unumquodque agit secundum quod actu est; inconveniens videtur, hoc generante praetermisso, aliud exterius inquirere.

• Unde sciendum est quod istae opiniones videntur provenisse ex hoc quod ignorabatur natura formae, sicut et prima viderunt ex hoc quod ignorabatur natura materiae. Forma enim naturalis non dicitur univoce esse cum re generata. Res enim naturalis generata dicitur esse per se et proprie, quasi habens esse, et in suo esse subsistens; forma autem non sic esse dicitur, cum non subsistat, nec per se esse habeat; sed dicitur esse vel ens, quia ea aliquid est; sicut et accidentia dicuntur entia, quia substantia eis est vel qualis vel quanta, non quo eis sit simpliciter sicut per formam substantialem; unde accidentia magis proprie dicuntur entis, quam entia, ut patet in *Meta physic.* (lib. VII, com. ii.) Unumquodque autem factum, hoc modo dicitur fieri quod dicitur esse. Nam esse est terminus factionis; unde illud, quod proprie fit per se, compositum est. Forma autem non proprie fit, sed est id, quo fit, id est per cuius acquisitionem aliquid dicitur fieri. Nihil ergo obstat per hoc quod dicitur, quod per naturam ex nihilo nihil fit, quia formas substantiales ex operatione naturae esse dicimus. Nam id quod fit, non est forma, sed compositum; quod ex materia fit, et non ex nihilo. Et fit quidem ex materia, in quantum in materia est in potentia ad ipsum compositum, per hoc quod est in potentia ad formam. Et sic non proprie dicitur quod forma fiat in materia, sed magis quod de materiae potentia educatur. Ex hoc autem ipso quod compositum fit, et non forma, ostendit Philosophus in VII *Metaph.* (text. xxvii et xxviii), quod formae sunt ex agentibus naturalibus. Nam, cum factum oportet esse simile facienti, ex quo id, quod factum est, est compositum, oportet id quod est faciens, esse compositum, et non forma per se existens, ut Plato dicebat; ut sic sicut factum est compositum, quo autem fit, est

- forma in materia in actum reducta; ita generans sit compositum.
- non forma tantum; sed forma sit quoque generalis: forma, inquam.
- in hac materia existens, sicut in his carnibus et in his ossibus
- et in aliis hujusmodi. »

Licet agminatim concurrant omnes Aquinatis philosophiae hostes, non modo nihil unquam tam eleganter explicabant, sed ne hoc quidem ipsum, quum subtiliter conclusum sit, intelligunt.

Quod de substantiali corporum compositione adnotavimus, hoc idem affirmari potest de illa alia maximi momenti questione quae cum prima atreissima cognitione copulatur, videlicet de origine nostrarum idearum deque specie intelligibili et intellectu agente; et quamvis de hac controversia in omnibus fere operibus disputat diligentissime, ubi videre est in utraque Summa, in Commentariis ad Magistrum Sententiarum, et ad Philosophum, et in pluribus opusculis; attamen vixit ibi inficias hanc eandem rem uberius versare in *Questionibus disputatis*, illamque a sophisticis adversariorum importunitatibus validius defendere. Hoc praestat et in questione de Anima, a. 4, ubi de intellectu agente et de specie intelligibili apposite disceptat, et de Verit., q. x. a. 6, ubi quaerens utrum mens nostra cognitionem suam intellectivam a sensibilibus rebus accipiat, praclarissima, quae de idearum nostrarum origine dici tradique possunt, erudite eleganterque persequitur.

Principio enim quatuor de humanae scientiae ortu atque origine recenset ac commemorat oppositas sententias; duas videlicet eorum philosophorum, qui arbitrantur scientiam nostram a causa prorsus extrinseca produci ac generari; duasque e contra illorum, qui contendunt ac propugnant humanam scientiam a causa intrinseca id est a nativa, v. g. atque activitate humanae intelligentiae solummodo procreari atque oriri. Has quatuor explicatas ac memoratas opiniones a vero admodum aberrantes ita breviter, ingeniose ac apte labefactas ac refellit, ut cuiuslibet non hebeti neque posterioris philosophi experti illic appereat, ejus disputandi rationem esse veram, neutam, ingeniosam, qualis ratio esse solet hominis ingenio sapientiaeque pollentis et fortiter acriterque adversarios insectantis, nihilque praetereuntis eorum, quae de qualibet proposita questione dici disceptarique solent. Disiectis ac profligatis adversariis, ita Aristotelis suamque prosequitur atque declarat sententiam.

• Et ideo praeter omnibus praedictis positionibus rationabilior

- videtur sententia Philosophi, qui ponit scientiam mentis nostrae
- partim ab intrinseco esse, partim ab extrinseco; non solum a
- rebus a materia separatis; sed etiam ab ipsis sensibilibus.
- Cum enim mens nostra comparatur ad res sensibiles quae sunt
- extra animam, invenitur se habere ad eas in duplici habitu-
- dine. Uno modo ut actus ad potentiam; in quantum, scilicet, res
- quae sunt extra animam sunt intelligibiles in potentia. Ipsa
- vero mens est intelligibilis in actu; et secundum hoc ponitur in
- ea intellectus agens, qui faciat intelligibilia actu. Alio modo ut
- potentia ad actum; prout scilicet in mente nostra formae rerum
- determinatae, sunt in potentia tantum, quae in rebus extra
- animam sunt in actu; et secundum hoc ponitur in anima nostra
- intellectus possibilis; cuius est recipere formas a sensibilibus
- abstractas; factas intelligibiles actu per lumen intellectus
- agentis. Quod quidem lumen intellectus agentis in anima ratio-
- nali procedit, sicut a prima origine, a substantiis separatis,
- praecipue a Deo. Et secundum hoc verum est quod scientiam a
- sensibilibus mens nostra accipit; nihilominus tamen ipsa anima
- in se similitudines rerum format, in quantum per lumen intel-
- lectus agentis efficiuntur formae a sensibilibus abstractae intelli-
- gibiles actu, ut in intellectu possibili recipi possint. Et sic etiam
- in lumine intellectus agentis notis est quodammodo omnis
- scientia originaliter indita, mediantibus universalibus cog-
- nitionibus, quae statim lumine intellectus agentis cognos-
- cuntur, per quas sicut per universalia principia iudicamus de
- aliis, et ea praecognoscimus in ipsis. »

Ex locis paulo ante recitatis meridianis luce clarius legenti apparebit Aquinatem philosophorum maximum extitisse et *Questiones disputatas* ab eo tanta sapientiae abundantia tantoque acuminis ingenii exaratas ac conscriptas ad cetera Aquinatis opera rite intelligenda esse quam maxime accommodatas. His quaestiones philosophis christianis exhibent, si tunc loqui fas est, armamentarium quoddam, ex quo id omne desumere licebit, quod ad philosophiam ac religionis hostes profligandos armatos expeditosque illos reddet. Hoc ille unus inficiari audebit, qui vel in philosophia vel in harum *Quaestionum disputatarum* lectione hospes fuit et peregrinus.

Nullam profecto in hoc insigni praecellentique opere alicujus momenti philosophiae quaestionem inexploratam insolutamque

relinquit. Quod ut magis atque magis manifestum fiat, ad exemplum specimenque quaesitam alia delibata summam.

De rerum corporearum operatione atque activitate, qua in questione acerbissimum certamen est inter nos et corpuscularis philosophiae sectatores, Aquinas discrete pertractat De Pot., q. III, a. 1, ibique divinam cooperationem cum creaturarum operatione late evolvit. Qui locus si animo vacuo et sciendi cupido ab omnibus studiose legeretur, praesertim vero responsio consideraretur attentè ad dubium duodecimum et decimumtertium, et diligenter conferretur, cum his, quae de libero hominis arbitrio ideam Aquinas tradit Qq. Disp., De Verit., q. XXIV et De Malo, q. VI, artic. unico, non dubito, quin complures veritatis evidèntia coacti affirmare desinerent. Sanctum Doctorem docuisse promotionem nescio quam, voluntatem humanam physice ad unum determinantem, cui operationi et sexcenta Sancti Doctoris loca et regione sunt opposita et praestantissimorum ejusdem interpretum fronte adversa pugnat iudicium. Ferrariensis videlicet Conf. Gen., lib. IV, cap. XXII, et Cajetani in commentario Summae Theol., L. p., q. XIII, a. 8.

Quorum primus evolvens ex doctrina Aquinatis quomodo per Spiritum sanctum agimur ad mandata Dei implenda haec discrete tradit.

Ad hujus evidèntiam considerandum est primo, quod dicitur aliquid agi ad aliquid, quando ad aliquid agendum ab altero movetur. Et siquidem actio illi determinetur ab altero omnino, ita quod ipsum non sit indifferens ad agendum, sed agat praecise secundum inclinationem sibi ab altero ad unum determinatam, sic dicitur simpliciter agi: sicut bruta dicuntur agi in quantum sunt eis operationes a natura determinatae ad unum; si autem actio non determinetur sibi ab altero, sed sic quidem moveatur ab altero sive inclinetur ad agendum, quod tamen in potestate sua sit agere et non agere, sive agere hoc modo aut illo, tale dicitur agi non simpliciter, sed secundum quid, *quia non determinatur sibi actio ab extrinseco ad unum, sed ipsum se determinat*, sed tamen aequaliter inclinatur ad agendum ab extrinseco. Quia ergo sic Spiritus sanctus nos ad agendum inclinatur, quod libere tamen operamur et ex proprio arbitrio tanquam habentes in nostra potestate sequi aut non sequi Spiritus sancti inclinationem et motionem, ideo dicimur ab ipso agi non simpliciter, sed secundum quid: propter hoc dixit S. Thomas quod per Spiritum

sanctum quodammodo agimur, ut praecipua Dei impleamus.

Cajetanus vero, acutissimus Aquinatis interpres, ad Magistri sui doctrinam ab adversariorum oppugnationibus defendendam discretis verbis sancire ac decernere non dubitavit in rerum creaturarum operationibus nullo pacto esse necessariam *praevia causa primam motionem, sed cooperativam sufficere*. Sed ne haec vel falso vel ad invidiam a me videantur prolata, ipsius Cajetani citabo verba: « Non enim (inquit) oportet, cum aliquis vult aliquid, seu cum sol illuminat, primam causam praeviam motione cooperari, sed sufficit et exigitur eam intrinsece cooperari tali electioni vel illuminationi, et hoc quia cooperatio in unoquoque est secundum naturam uniuscujusque, sic enim disponit omnia suaviter; et paulo inferius puerilem esse sententiam edocet, quae in cooperatione causa primae aliam admittit prioritatem, praeter prioritatem *independentiae et inimitatis*. Quocirca nemo mirabitur si idem Cajetanus (in I p., q. XXII, a. 4), quasi praescius futuri improbat famosam illam distinctionem *sensus compositi et sensus divisi*, quam tantopere decantant, qui promotionem illam ad unum determinantem cum humana libertate nituntur componere. Quae communiter dicuntur de sensu composito et diviso, de necessitate consequente et consequentis... intellectum non quitant. Ita praclare Cajetanus.

Quae duorum sapientissimorum Thomae Aquinatis interpretum loca sole ipso illustriora ac clariora sunt maximeque accommodata ad ostendendum splendore ac gloria nominis apud imperitam multitudinem perperam abuti, qui Aquinati magno illam praeviae motionis ad unum determinatis tribunt sententiam, a qua longe multumque omnia ejus scripta abhorrent. Sed unde desinat, eo revertatur oratio.

Questioni mox memoratae de causarum secundarum activitate alia non minus subtilis atque nobilis quaestio finitima est; de naturali videlicet omnium rerum ad proprios fines appetitu atque ordinatione et de principio *quod et quo*, ut aiunt, motus; quae rationes late explicantur Qq. Disp., De Verit., q. XXII, a. 1. — Pari modo eademque doctrinae profunditate tractat de Creatione: Qq. DD. De Pot., q. III, ad art. 6. — De materia prima et utrum existere possit sine forma: Qq. DD. De Pot., q. IV, a. 1. — De Analogia Qq. DD. De Verit., q. II, a. 11, ubi etiam de reali distinctione inter essentiam et existentiam et inter essentiam specificam et principia illam individuam. — De mirabili unionem animae cum



corpore: Qq. DD. De Spirit. Creaturis. — De reali distinctione inter animam ejusque potentias: De Anima, a. 12 et de Anima immortalitate, a. 14 ejusdem questionis. — De Divinae essentiae simplicitate: Qq. DD. De Pot., q. vii. — De Idelis divinis: Qq. DD. De Verit., q. iii. — Exquisitam subtilemque actus intellectiois analysim instituit; ubi etiam docet Verbum mentale non esse confundendum cum re intellecta, cum specie impressa, cum actione intelligendi: Qq. DD. De Pot., q. viii, a. 1.

Sed antequam finem de hac re dicendi faciam, non possum me cohibere, quia praeclearissimum illum locum subjeciam, in quo disserens Angelicus de cogitatione, quam de Deo in hac mortali vita habemus, mirifice elegantique demonstrat nos in praesenti vitam Deum positive quamvis imperfecte cognoscere: Qq. DD. De Pot., q. vii, a. 5.

• Cum omne agens agat in quantum est, et per consequens agat  
• aliquid simile, oportet formam facti aliquo modo esse in  
• agente, diversimode tamen: quia quando effectus aequat  
• virtutem agentis, oportet quod secundum eandem rationem  
• sit illa forma in faciente et in facto: tunc enim faciens et factum  
• coincidunt in idem specie: quod contingit in omnibus univocis:  
• homo enim generat hominem. Quando vero effectus non aequat  
• quae virtutem agentis, forma non est secundum eandem ratio-  
• nem in agente et facto, sed in agente eminentius: secundum  
• enim quod est in agente, habet agens virtutem ad producendum  
• effectum. Unde si tota virtus agentis non exprimitur in facto,  
• relinquatur quod modus quo forma est in agente, excedit  
• modum quo est in facto. Et hoc videmus in omnibus agentibus  
• equivocis. Constat autem quod nullus effectus aequat vir-  
• tutem primi agentis; quod Deus est: alias ab una virtute  
• ipsius non procederet nisi unus effectus. Sed cum ex ejus una  
• virtute inveniamus multos et varios effectus procedere, ostenditur  
• nobis quod quilibet ejus effectus deficit a virtute agentis.  
• Nulla ergo forma alienius effectus divini est per eandem ratio-  
• nem, quae est in effecta, in Deo: nihilominus oportet quod sit ibi  
• per quemdam modum alioquin, et inde est quod omnes formae,  
• quae sunt in diversis effectibus distinctae et divise ad invicem,  
• in eo uniantur, sicut in una virtute communi... Perfectiones re-  
• rum creaturarum assimilantur Deo secundum unam et simplicem  
• essentiam ejus. Intellectus autem noster cum a rebus creatis

• cognitionem accipiat, informatur similitudinibus perfectionum  
• in creaturis inventarum, sicut sapientiam, virtutis, bonitatis et  
• hujusmodi. Unde sicut res create per suas perfectiones, aliqua-  
• liter, licet deficienter, Deo assimilantur, ita et intellectus noster  
• harum perfectionum speciebus informatur. Quandonimque  
• autem intellectus per suam formam intelligibilem alicui rei  
• assimilatur, tum illud quod concepit et enunciat secundum  
• illam intelligibilem speciem, verificatur de re illa, cui per suam  
• speciem similatur: nam scientia est assimilatio intellectus ad  
• rem scitam. Unde oportet quod illa, quae intellectus harum  
• specierum perfectionibus informatur de Deo cogitat, vel enun-  
• ciat, in Deo vere existant, qui unicusque praedictarum specierum  
• respondet, sicut illud, cui omnes similes sunt. Si autem hujus-  
• modi intelligibilis species nostri intellectus divinam essentiam  
• adaequaret in assimilando, ipsam comprehenderet, et ipsa con-  
• ceptio intellectus esset perfecta Dei ratio. Non autem perfecte  
• divinam essentiam assimilat species praedicta, ut dictum est;  
• et ideo licet hujusmodi nomina, quae intellectus ex talibus con-  
• ceptionibus Deo attribuit, significant id, quod est divina sub-  
• stantia, non tamen perfecte eam significant, secundum quod  
• est, sed secundum quod a nobis intelligitur.

Qui haec S. Doctoris verba legere poterit, quin incomparabilis  
ingenii divinitatem admiratus fuerit, is profecto, quid sit inge-  
nium, ignoret necesse est!

De *Questionibus disputatis* satis verba fecisse videor eaque  
attigisse, quae necessaria mihi visa sunt, si non ad digne lau-  
dandam, quod impossibile, saltem ad simpliciter commendandam  
operis hujus praestantiam, quod non supervacaneum arbitror.

Verum enim vero *Quaestionibus disputatis* ut accederet effecti  
opusculum illud ejusdem Aquinatis *De Ente et Essentia*, quod  
Cajetanus jure meritoque opus insigne appellat, quodque semper  
in maximo habuit est pretio a Scholasticorum peritissimis. Hoc  
praestans opusculum vulgari edique curavi simul cum enar-  
ratione Cardinalis de Vio Cajetani, viri doctissimi atque in exponenda  
Aquinatis mente interpretis acutissimi ac sapientissimi.

Quae ad Ontologiam pertinent et scitu hisce temporibus maximo  
perutilia sunt, in Aquinatis opusculo tractantur acurate, dilucide,  
ingeniose; in doctissimo autem interpretis commentario et expli-  
cantur uberius, et a calumniis hostium vindicantur. Christianae

philosophia vera ac solida illic jaeduntur fundamenta et falsa illa principia stirpibus eradicantur, ex quibus in sequioribus saeculis a nobisque minus remotis tanta errorum seges, tanta malorum labe, tanta philosophiae perturbatio atque eversio exorta est.

Philosophandi illa ratio, quae scholastica dicitur, quaeque a pluribus Sinectis Patribus atque ab Ecclesiae Doctoribus admirata ac ducta, a magno Aquinate ad supremum perfectionis atque gloriae culmen erecta ipsi, veram ac sublimem per tot saecula societati christianae sapientiam impertita est; illa ut inter summa beneficia, quae Doctore Angelico debet Ecclesia, illud numeretur, quod christianam philosophiam eam peripateticam belle sociaverit, ut Aristotelem Christo militantem non adversarium habeamus. Quare non nisi per dementia vel stultam arrogantiam, nonnulli inter recentis graecula quidam loquacitate vociferantur, atque in vulgus spargunt philosophiam scholasticam instaurationem esse inter somnia amandandam, quippe quae physicis experimentis atque naturalium disciplinarum progressioni jam dudum deprehensa est adversari. Haec dicat, quam peripatetica philosophia impingunt, haec criminatio, quae apud illiteratos, hoc est apud plurimos de industria disseminatur, iudices naeta quandoque et physices et metaphysices imperitos non parum detrimenti intulit et philosophiae et ipsis naturalibus disciplinis. Rom assere vulgari turba incredibilem sed veris sapientibus confessam et extra dubitationem positam. Veritatem factis opponi, metaphysica physicis, tum stultum atque insanum esse asserere, tum hominis intemperantis et vulgi plebisque facili credulitate abutentis. Veram quippe philosophiam omnium laudatarum disciplinarum progenitricam atque parentem non adversarium habuere omnes omnium aetatum sapientes.

Quamobrem merito Tullius Lucullum sic inducit salse acriterque insectantem veteres quosdam qui nostrorum recentiorum ritu ut philosophiam habefactarent, ad physicos se conferebant, quos apud indoctos, imperitose summis prosequeretur laudibus. « Primum mihi videmini, cum veteres physicos nominatis, « facere idem, quod seditiosi cives solent, cum aliquos ex anti- « quis claros viros proferunt, quos dicunt fuisse populares, ut « eorum ipsi similes esse videantur. Repetunt jam a P. Vale- « rio, qui exactis regibus primo anno consul fuit : commemora- « rant reliquos... L. Cassium, Q. Pompeium, etiam P. Africanum

« referre in eundem numerum solent... Horum nominibus tot « virorum atque tantorum expositis eorum se institutum sequi « dicunt. Similiter vos cum perturbare ut illi rempublicam, sic « eos philosophiam bene jam constitutam velitis, Empedoclem, « Anaxagoram, Democritum, Parmenidem, Xenophanem, Pla- « tonem etiam et Socratem profertis. » — Ita graphico et ad rem nostram aptissime summus Arpinas Aquinati magno fere concivis.

Verum si non de physica scientia agatur, sed de illis, qui physici nostris temporibus nominantur, diversum plane erit ferendum iudicium. Tribunal hic legitimum appello, id est homines non ignaros, sed utriusque scientiae apprime peritos. Etenim affirmo inter eos, qui in physicis disciplinis excolendis principes habentur, non paucos reperiri, qui tametsi eruditissimi sint, nihilominus, cum de rerum essentiis, origine et finibus loqui aggrediuntur, in turpissimos prolabantur errores, eaque amplectuntur, ac propugnant, quae ipsi naturae contraria esse, tenebrasque rebus clarissimis obducere firmissimis non semel demonstratum est argumentis.

Quocirca horum virorum quantumvis in naturalibus phenomenis describendis atque ad artium inventionem ordinandis ac digerendis summa sit diligentia, magna ac laudabilis peritia; tamen eorum auctoritas in physica rationali, in ea videlicet philosophiae parte, quae rerum naturalium abditas essentias et a sensuum cognitione maxime remotas mentis acie subtilique inquisitione perscrutat, minima profecto censenda est.

Huiusmodi enim quaestiones intra physicarum disciplinarum fines atque cancellos claudi circumscribique minime patiuntur; scientias quippe experimentales atque empiricas sensibilibus phenomenorum confiniis ac terminis nequaquam transilire in confesso est apud sapientes. Metaphysica vero altius sublimiusque se attollit, et limites experientiae praetergressa in ipsam rerum naturam atque essentiam, aciem obtutimque deigit. In hac rerum essentialiumque exploratione ducem nobis adlegemus Angelicum Doctorem, sub ejusque vexillo tutum ac gloriosum nobis erit militare, cumque hostibus congrui.

Sed quoniam praestantissimi Aquinatis auctoritatem a nobis civiliter colendam, non famulanter adorandam ducimus, ea sola minime in hac sparta ornanda contenti erimus: auctoritas quippe

nola fidem facit, non scientiam generat, nosque si sumus qui auctorem ex scriptis diducere, non scripta ex auctoris nomine pensare didicimus. Itaque Sapientia Aquinatis, quae in *Questionibus disputatis* praesertim tanta claritatis luce refulget, diu multumque est consideranda, discutienda, non communi popularique tritina, sed auribus quasi statera examinanda, factis ipsis recens cognitis atque exploratis sedulo applicanda, cum ceterorum philosophorum pronuntiatis comparanda; eo animo ac consilio ut nostrae aetatis pseudophilosophorum calumniae non nominis auctoritate, sed argumentorum vi ac pondere refellantur.

Sed jam video, sentioque me longius esse provecum, quam proposita ratio fortasse postulare videbatur. Verum in tanta rerum praestantissimarum abundantia ipse incredibilis disputationis ordo me pene invitum traxit, limitesque, quos mihi initio proposueram transire penitus compulsi. — Quid enim gratius, quid optabilius, quid divinius dici cogitarique potest, quam quaestiones illas oratione persequi, de quibus Summus Aquinas tanta rerum copia ac varietate, tanta gravitate tantoque sententiarum pondere, tanta denique perspicuitate verborum sapientissime disputavit? ita ut non homo in terris satus sed angelus e caelo immissus atque ad ceteros homines sapientiam docendos delapsus iure predicari nominarique queat.

At ne aliena nimium abuti videar patientia ad finem exitumque properat ac festinat oratio mea, quae ad vos convertitur, religiosissimi ac lectissimi juvenes, qui in hoc nostro Gregoriano Archigymnasio severioribus disciplinis tanta cum laude operam navatis, vosque orat. atque obtestatur, ut Aquinatis sapientiam, cui jam vos deditis magna cum laude videmus, in singulis diebus majori, si fieri potest, animi ardore, diligentia, studio capessatis atque amplectamini: illam inquam sapientiam, quam tantopere omnes omnium superiorum aetatum sapientes coluerunt, meritisque ornant laudibus; quam tot Supremi Ecclesiae Pontifices amplissimis cumulaverunt honoribus; quam ipsi Religionis nostrae hostes non sine dolore ac fremitu admirati sunt. Quamobrem immortalia Thomae Aquinatis volumina, ea praesertim, quae vobis hac nova *Questionum disputatarum* editione exhibui, dicandaque censui, diurna atque nocturna versate manu; neque committite, ut multitudinis turbæque, loquacitas, criminationes, risus ac detrecta a nobili vos abducant ac deterreant proposito.

Id in magnum Religionis ac ipsius civitatis vertet commodum, atque inde etiam patebit sapientissimo consilio Leonem XIII instaurationem philosophiae ad Angelici sapientiae normam nobis molendam decessisse. Etenim brevi temporis intervallo fortasse videbimus plures scientiarum cultores, qui Aquinatis sapientiam aspernebantur, ad eam ipsam tanquam ad portum tranquillum ac tutissimum receptos ac revocatos; et sic sedatis animorum ardoribus conversisque hominum studiis summa laus ac gloria Aquinatis philosophiae cultoribus tribuetur ab illis ipsis, qui anticipatis abrepti opinionibus exoptabili humani generis progressioni adversam et inimicam describebant nobilem atque elegantem illam philosophiam ex qua tam cumulus honoris, tanta bonorum seges in homines manavit. Macti ergo virtute, ingenioque generosi adolescentes, et si quidpiam commodi atque utilitatis hac mea industria, hoc meo qualicumque labore vobis attuli, Deo O. M. honorum omnium largitori meritum habete Gratiam.


Romæ, idibus Januarii anni MDCCCLXXXIII.

MICHAEL DE MARIA, S. J.

ANL

UNIVERSIDAD DE NUEVO LEÓN

DE BIBLIOTECAS



UNIVERSIDAD AUTÓNOMA  
DIRECCIÓN GENERAL

SANCTI  
THOMÆ AQUINATIS  
QUÆSTIONES DISPUTATÆ

DE POTENTIA

QUÆSTIO PRIMA

DE POTENTIA DEI

(Et habet septem articulos.)

Primo enim queritur, utrum in Deo sit potentia; 2<sup>o</sup> utrum potentia Dei sit infinita; 3<sup>o</sup> utrum ea quæ sunt nature impossibilia, Deo sint possibilia; 4<sup>o</sup> utrum iudicandum sit aliquid possibile vel impossibile, secundum causas inferiores vel superiores; 5<sup>o</sup> utrum Deus possit facere quæ non facit, et dimittere quæ facit; 6<sup>o</sup> utrum Deus possit facere quæ alii faciunt, ut peccare, ambulare, etc.; 7<sup>o</sup> utrum Deus dicatur omnipotens.

ARTICULUS PRIMUS. — *Utrum in Deo sit potentia.*

Movetur questio de potentia Dei (1); et primo queritur, utrum in Deo sit potentia. Et videtur quod non. Potentia enim est operationis principium. Sed operatio Dei, quæ est ejus essentia, non habet principium, quia neque est genita neque procedens. Ergo in Deo non est potentia.

2. Præterea, omne perfectissimum est Deo attribuendum, secundum Anselmum (in Monol., cap. xiv). Ergo quod respicit aliquid se (2) perfectius, non debet Deo attribui. Sed omnis potentia respicit se perfectius, scilicet passivam formam et activam operationem. Ergo potentia Deo attribui non potest.

3. Præterea, potentia est principium transmutandi in aliud, secundum quod est aliud, secundum Philosophum (in V. Metaph., text. xvii). Sed principium relatio quadam est; et est relatio Dei ad creaturas, prout significatur in potentia creandi vel movendi. Nulla autem talis relatio est in Deo secundum rem, sed solum

(1) *Id.* Questio est de potentia Dei. — (2) *Id.* *deest* sc.

secundum rationem. Ergo potentia non est in Deo secundum rem.

4. Præterea, habitus est perfectior potentia, utpote operanti propinquier. Sed habitus non ponitur in Deo. Ergo nec potentia.

5. Præterea, nihil debet in Deo significari per quod derogetur ejus primitiæ vel simplicitati. Sed Deus, in quantum est simplex, et primum agens, agit per essentiam suam. Ergo non debet significari agere per potentiam, quæ saltem secundum modum significandi super essentiam addit.

6. Præterea, secundum Philosophum (in III Phys., text. xxxv), in perpetuis non differt esse et posse: multo minus ergo in divinis. Sed ubi est eadem res, debet esse idem nomen a digniori sumptum. Dignius autem est essentia quam potentia: quia potentia essentialiter advenit. Ergo in Deo debet nominari essentia tantum, non autem potentia.

7. Præterea, sicut materia prima est pura potentia, ita Deus est purus actus. Sed prima materia, secundum essentiam suam considerata, est delectanda ab omni actu. Ergo Deus, in essentia sua considerata, est absque omni potentia.

8. Præterea, omnis potentia ab actu separata est imperfecta: et ita, cum nihil imperfectum Deo conveniat, talis potentia in Deo esse non potest. Si ergo in Deo est potentia, oportet quod semper sit actus conjuncta: et ita potentia creandi est conjuncta actui semper: et sic sequitur quod ab æterno creaverit res: quod est hereticum.

9. Præterea, quando aliquid sufficit ad aliquid agendum, superflue aliquid superadditur. Sed essentia Dei sufficit ad hoc quod Deus per eam aliquid agat. Ergo superflue ponitur in eo potentia per quam agat.

10. Sed dices, quod potentia non est aliud quam essentia secundum rem; sed solum secundum modum intelligendi. — Sed contra, omnis intellectus cui non respondet aliquid in re, est casuus et vanus.

11. Præterea, predicamentum substantiæ est nobilissimum omnium predicamentorum. Sed Deo non attribuitur, ut Augustinus dicit (lib. VII de Trin., cap. v). Multo ergo minus predicamentum qualitatis. Sed potentia est in secunda specie qualitatis. Ergo Deo attribui non debet.

12. Sed dices quod potentia quæ Deo attribuitur non est qualitas, sed Dei essentia; sola ratione differens. — Sed contra, aut isti rationi aliquid respondet in re, aut nihil. Si nihil, ratio vana est. Si autem aliquid in re ei respondet, sequitur quod aliquid in Deo sit potentia præter essentiam, sicut ratio potentie est præter rationem essentiam.

13. Præterea, secundum Philosophum (lib. IV Topic., cap. v, circa med.), omnis potestas et omnis effectivum est propter aliud eligendum. Nullum autem hujusmodi Deo convenit: quia

ipse non est propter aliud. Ergo potentia Deo non convenit.

14. Præterea, virtus a Dionysio (in lib. celest. Hierar., cap. xi, circa med.) ponitur media inter substantiam et operationem. Sed Deus non agit per aliquod medium. Ergo non agit per virtutem; et ita nec per potentiam: et sic potentia non est in Deo.

15. Præterea, secundum Philosophum (in XII Metaph., lib. IX, cap. xi; et lib. V, cap. xvii), potentia activa, quæ sola Deo potest competere, est principium transmutationis in aliud, secundum quod est aliud. Sed Deus agit sine transmutatione, sicut patet. Ergo Deo potentia activa attribui non potest.

16. Præterea, Philosophus (ibidem) dicit, quod ejusdem est potentia actionis et passionis. Sed potentia passionis Deo non convenit. Ergo nec potentia actionis.

17. Præterea, Philosophus (ibidem) dicit, quod potentia activæ est contraria privato. Sed contraria nota sunt fieri circa idem. Cum ergo in Deo nullo modo sit privato, non erit ibi potentia.

18. Præterea, Magister dicit (in 1 dist., II lib.) quod agere non proprie competit Deo. Sed ubi non est actio, ubi non potest esse potentia activa nec passiva, ut patet. Ergo nulla.

Sed contra est quod dicitur in Psal. lxxxviii, 9: *Potens es, Domine, et veritas tua in circuitu tuo.*

Præterea, Math., iii, 9: *Potens est Deus de lapidibus istis suscitare filios Abraham.*

Præterea, omnis operatio ab aliqua potentia procedit. Sed Deo maxime convenit operari. Ergo Deo maxime potentia convenit.

Respondet. Ad hujus questionis evidentiam sciendum, quod potentia dicitur ab actu: actus autem est duplex, scilicet primus, qui est forma; et secundus, qui est operatio; et sicut videtur ex eorumque hominum intellectibus, nomen actus primo fuit attributum operationi; sic enim quasi omnes intelligunt actum; secundo autem exinde fuit translatus ad formam, in quantum forma est principium operationis et finis; unde et similiter duplex est potentia: una activa cui respondet actus, qui est operatio, et huic primo nomen potentie videtur fuisse attributum; alia est potentia passiva: cui respondet actus primus, qui est forma, ad quam similiter videtur secundario nomen potentie devolutum. Sicut autem nihil patitur nisi ratione potentie passive, ita nihil agit nisi ratione actus primi, qui est forma. Dictum est enim, quod ad ipsum nomen actus ex actione devenit. Deo autem convenit esse actum purum et primum; unde ipsi convenit maxime agere, et suam similitudinem in alia diffundere, et ideo ei maxime convenit potentia activa; nam potentia activa dicitur secundum quod est principium actionis. Sed est sciendum, quod intellectus

noster Deum exprimere nititur sicut aliquid perfectissimum. Et quia in ipsum devenire non potest nisi ex effectum similitudine; neque in creaturis invenit aliquid summe perfectum quod omnino imperfectione careat; ideo ex diversis perfectionibus in creaturis reperitis ipsam nititur designare, quamvis cuilibet illarum perfectionum aliquid desit; ita tamen quod quidquid alicui istarum perfectionum imperfectionis adjungitur, totum a Deo amovatur. Verbi gratia esse significat aliquid completum et simplex sed non subsistens; substantia autem aliquid subsistens significat sed ali subjectum (1). Ponimus ergo in Deo substantiam et esse, sed substantiam ratione subsistentie non ratione substandi; esse vero ratione simplicitatis et complementi, non ratione inherencie, qua alteri inheret. Et similiter attribuius Deo operationem ratione ultimi complementi, non ratione ejus in quod operatio transit. Potentiam vero attribuius ratione ejus quod permanet et quod est principium ejus, non ratione ejus quod per operationem completur.

Ad PRIMUM ergo dicendum, quod potentia non solum est operationis principium, sed etiam effectus; unde non oportet, si potentia in Deo ponitur quae sit effectus principium, quod essentia divina quae est operatio, sit aliquid principium. Vel dicendum, et melius, quod in divinis invenitur duplex relatio. Una realis, illa scilicet qua personae ad invicem distinguuntur, ut paternitas et filio; alias personae divinae non realiter sed ratione distinguuntur, ut Socrates dixit. Alia rationis tantum, quae significatur, cum dicitur quod operatio divina est ab essentia divina, vel quod Deus operatur per essentiam suam. Praepositiones enim quasdam habitudines designant. Et hoc ideo contingit, quia, cum attribuitur Deo operatio secundum suam rationem quae requirit aliquid principium, attribuitur etiam et relatio existentis a principio, unde ista relatio non est nisi rationis tantum. Est autem de ratione operationis habere principium, non de ratione essentiae; unde licet essentia divina non habeat aliquid principium neque re neque ratione, tamen operatio divina habet aliquid principium secundum rationem.

Ad SEPTIMUM dicendum, quod licet omne perfectissimum sit Deo attribuendum, non tamen oportet quod omne illud quod Deo attribuitur sit perfectissimum; sed oportet quod sit conveniens ad designationem perfectissimi, ad quod competit aliquid ratione suae perfectionis quod habet aliquid se perfectius, cui tamen deest illa quam aliud habet.

Ad TERTIUM dicendum, quod potentia dicitur principium, non quia sit ipsa relatio quam significat nomen principii, sed quia est id quod est principium.

Ad QUARTUM dicendum, quod habitus nunquam est in poten-

(1) *Al. subiecta.*

tia activa, sed solum in passiva, et ea est perfectior: talis autem potentia Deo non attribuitur.

Ad QUINTUM dicendum, quod ista sunt impossibilia, quod Deus ponatur agere per essentiam suam, et quod non sit in Deo potentia; hoc enim quod est actionis principium, potentia est: unde essentia divina ex hoc ipso quod ponitur Deus per ipsam agere, ponitur esse potentia. Et sic ratio potentiae in Deo non derogat neque simplicitati neque primitiae ejus, quia non ponitur quasi aliquid additum essentiae.

Ad SEXTUM dicendum, quod cum dicitur, quod in perpetuis non differt esse et posse, intelligitur de potentia passiva; et sic nihil facit ad propositum, quia talis potentia non est in Deo. Tamen quia verum est quod potentia activa est illem in Deo quod ejus essentia, ideo dicendum, quod licet essentia divina et potentia sint idem secundum rem, tamen quia potentia maxime modum significandi addit, ideo speciale nomen requirit: nam nomina respondent intellectibus, secundum Philosophum. [Periherm., in princ.]

Ad SEPTIMUM dicendum, quod ratio illa probat quod in Deo non sit potentia passiva, et hoc concedimus.

Ad OCTAVUM dicendum, quod potentia Dei semper est conjuncta actui, id est operationi (nam operatio est divina essentia); sed effectus sequuntur secundum imperium voluntatis et ordinem sapientiae. Unde non oportet quod semper sit conjuncta effectui, sicut nec quod creaturae fuerint ab aeterno.

Ad NONUM dicendum, quod essentia Dei sufficit ad hoc quod per eam Deus agat; nec tamen superfluit potentia; quia potentia non intelligitur quasi quadam res addita supra essentiam, quod superaddit secundum intellectum solam relationem principii: ipsa enim essentia ex hoc quod est principium agendi, habet rationem potentiae.

Ad DECIMUM dicendum, quod intellectui respondet aliquid in re dupliciter. Uno modo immediate, quando videlicet intellectus concepti formam rei alicuius extra animam existentis, ut hominis vel lapidis. Alio modo mediate, quando videlicet aliquid sequitur actum intelligendi, et intellectus reflexus supra ipsum considerat illud. Unde res respondet illi considerationi intellectus mediate, id est mediante intelligentia rei; verbi gratia, intellectus intelligit naturam animalis in homine, in equo, et multis aliis speciebus: ex hoc sequitur quod intelligit eam ut genus. Huic intellectui quo intellectus intelligit genus, non respondet aliqua res extra immediate quae sit genus; sed intelligentiae, ex qua consequitur ista intentio, respondet aliqua res. Et similiter est de relatione principii quam addit potentia supra essentiam: nam ei respondet aliquid in re mediate, et non immediate. Intellectus enim noster intelligit creaturam cum aliqua relatione et dependentia ad Creatorem: et ex hoc ipso quia non potest

intelligere aliquid relatum alteri, nisi e contrario reintelligat relationem ex opposito, ideo intelligit in Deo quandam relationem principii, quae consequitur modum intelligendi, et sic refertur ad rem mediate.

Ad **UNDECIMUM** dicendum, quod potentia, quae est in secunda specie qualitatis, non attribuitur Deo; haec enim est creaturarum, quae non immediate per formas suas essentiales agunt, sed mediatis formis accidentibus; Deus autem immediate agit per suam essentiam.

Ad **DODECIMUM** dicendum, quod diversis rationibus attributorum respondet aliquid in re divino, scilicet unum et idem. Quia rem simplicissimam, quae Deus est, propter ejus incomprehensibilitatem, intellectus noster cogitur diversis formis representare; et ita ista diversa formae quas intellectus concipit de Deo, sunt quidam in Deo sicut in causa veritatis, inquantum ipsa res, quae Deus est, est representabilis per omnes istas formas; sunt tamen in intellectu nostro sicut in subjecto.

Ad **DODECIMUM** dicendum, quod Philosophus intelligit de potentia activae et effectivae, et huiusmodi, quae sunt in artificialibus et in rebus humanis; nam nec etiam in rebus naturalibus verum est quod potentia activa sit semper propter suos effectus. Ridiculum enim est dicere, quod potentia solis sit propter vermes, qui ejus virtute generantur; multo minus divina potentia est propter suos effectus.

Ad **DODECIMUM** dicendum, quod potentia Dei non est media secundum rem, quia non distinguitur ab essentia, nisi ratione; et ex hoc habetur quod significetur ut medium. Deus autem non agit per medium realiter differens a seipso; unde ratio non sequitur.

Ad **DODECIMUM** dicendum, quod duplex est actio. Una quae est cum transmutatione materiae; alia est quae materiam non praesupponit; ut patet in creatione; et utroque modo Deus agere potest, ut infra patebit. Unde patet quod Deo recte potentia activa potest attribui, licet non semper agat transmutando.

Ad **DODECIMUM** dicendum, quod Philosophus non loquitur universaliter, sed particulariter, quando scilicet aliquid movet seipsum, sicut animal. Quando autem aliquid movetur ab altero, tunc non est eadem potentia passionis et actionis.

Ad **DODECIMUM** dicendum, quod potentia dicitur esse contraria privato, scilicet impotentia; non tamen de contrarietate facienda est circa Deum mentio, quia nihil quod est in Deo, habet contrarium, cum non sit in genere.

Ad **DODECIMUM** dicendum, quod agere non removetur a Deo simpliciter, sed per modum rerum naturalium, quae agunt et patiuntur simul.

**ARTICULUS II.** — *Utrum potentia Dei sit infinita.* (I. p., qu. xxv, art. 2; et I Sent., dist. xiv, qu. 1, art. 1.)

Secundo quaeritur de potentia Dei, utrum sit infinita. Et videtur quod non. Quia, ut dicitur in IX Metaph. (text. ii), frustra esset in natura aliqua potentia activa cui non responderet aliqua passiva. Sed potentia infinita divina non responderet aliqua passiva in natura. Ergo frustra esset divina potentia infinita.

2. Praeterea, Philosophus probat (in VIII Physic. non esse potentiam infinitam in magnitudine infinita: quia sequeretur quod ageret in non tempore. Nam major virtus agit in minori tempore; unde quanto virtus est major, tanto tempus est minus. Sed potentia infinita ad finitam nulla est proportio. Ergo nec temporis in quo agit potentia infinita, ad tempus in quo agit potentia finita. Cujuslibet autem temporis ad quodlibet tempus est proportio. Ergo cum potentia finita moveat in tempore, potentia infinita movebit in non tempore. Eadem ratione si potentia Dei est infinita, semper operabitur in non tempore; quod falsum est.

3. Sed dices, quod voluntas divina non determinat quanto tempore velit effectum suum compleri; et sic non oportet quod potentia divina semper agat in non tempore. — Sed contra, voluntas divina non potest immutare ejus potentiam. Sed de ratione potentia infinita est quod agat in non tempore. Ergo hoc per voluntatem divinam immutari non potest.

4. Praeterea, omnis potentia manifestatur per suam effectum. Sed Deus non potest facere effectum infinitum. Ergo potentia Dei non est infinita.

5. Praeterea, potentia proportionatur operationi. Sed operatio Dei est simplex. Ergo et potentia. Simplex autem et infinitum ad invicem repugnant. Ergo ut prius.

6. Praeterea, infinitum est passio quantitatis, ut Philosophus dicit (in I Physic., text. xv). Sed Deus est absque quantitate et magnitudine. Ergo ejus potentia non potest esse infinita.

7. Praeterea, omne quod est distinctum, est finitum. Sed potentia Dei est distincta a rebus aliis. Ergo est finita.

8. Praeterea, infinitum dicitur per remotionem finis. Finis autem est triplex; scilicet magnitudinis, ut punctus; perfectionis, ut forma; intentionis, ut causa finalis. Haec autem duo ultima, cum sint perfectionis, a Deo removeri non debent. Ergo divina potentia non debet dici infinita.

9. Praeterea, si potentia Dei est infinita, hoc non potest esse nisi quia est effectuum infinitorum. Sed multa alia sunt quae habent effectus infinitos in potentia, ut intellectus, qui potest intelligere infinita in potentia, et sol qui potest producere affectus infinitos. Si ergo potentia Dei dicitur infinita, pari ratione et multae aliae erunt infinitae; quod est impossibile.

10. Præterea, finis est quoddam ad nobilitatem pertinens. Sed omne quod est huiusmodi, rebus divinis debet attribui. Ergo potentia divina debet dici finita.

11. Præterea, infinitum, secundum Philosophum (in III Physic., text. LXVI), est partis, et materia; que imperfectionis sunt, et Deo non conveniunt. Ergo nec infinitum est in potentia divina.

12. Præterea, secundum Philosophum (I Physic.), terminus neque finitus neque infinitus est. Sed divina potentia est omnium rerum terminus. Ergo non est infinita.

13. Præterea, Deus agit tota potentia sua. Si ergo potentia ejus est infinita, semper effectus ejus erit infinitus; quod est impossibile.

Sed contra est quod dicit Damascenus, quod infinitum est quod neque tempore neque loco neque comprehensione finitur. Hoc autem convenit divinæ potentie. Ergo divina potentia est infinita.

Præterea, Hilarius dicit: *Deus immensa virtutis, civens potestas, que nunquam non adsit nec usquam desit.* Omne autem immensum est infinitum. Ergo potentia Dei est infinita.

Respondendo dicendum, quod infinitum dicitur dupliciter. Uno modo private; et sic dicitur infinitum quod natum est habere finem et non habet: tale autem infinitum non invenitur nisi in quantitatibus. Alio modo dicitur infinitum negative, id est quod non habet finem. Infinitum primo modo acceptum Deo convenire non potest, tum quia Deus est absque quantitate, tum quia omnis privata imperfectionem designat, que longe a Deo est. Infinitum autem dictum negative convenit Deo quantum ad omnia que in ipso sunt. Quia nec ipse aliquo finitur, nec ejus essentia nec potentia nec bonitas; unde omnia in ipso sunt infinita. Sed de infinitate ejus potentie specialiter sciendum est, quod cum potentia activa sequatur actum, quantitas potentie sequitur quantitatem actus; unumquodque enim tantum abundat in virtute agendi quantum est in actu. Deus autem est actus infinitus; quod patet ex hoc quod actus non finitur nisi dupliciter. Uno modo ex parte agentis; sicut ex voluntate artificis recipit quantitatem et terminum pulchritudo domus. Alio modo ex parte recipientis; sicut calor in lignis terminatur et quantitatem recipit secundum dispositionem lignorum. Ipse autem divinus actus non finitur ex aliquo agente, quia non est ab alio, sed est a se ipso; neque finitur ex alio recipiente, quia cum nihil potentie passive ei admisceatur, ipse est actus purus non receptus in aliquo; est enim Deus ipsum esse suum in nullo receptum. Unde patet quod Deus est infinitus; quod sic videri potest. Esse enim hominis terminatum est ad hominis speciem, quia est receptum in natura speciei humanæ; et simile est de esse equi, vel cuiuslibet creature. Esse autem Dei, cum non sit in aliquo receptum,

sed sit esse purum, non limitatur ad aliquem modum perfectionis essendi, sed totum esse in se habet; et sic sicut esse in generali acceptum ad infinita se potest extendere, ita divinum esse infinitum est; et ex hoc patet quod virtus vel potentia sua activa, est infinita. Sed sciendum, quod quamvis potentia habeat infinitatem ex essentia; tamen ex hoc ipso quod comparatur ad ea quorum est principium, recipit quandam modum infinitatis quem essentia non habet. Nam in objectis potentie, quedam multitudo invenitur; in actione etiam invenitur quedam intensio secundum efficaciam agendi, et sic potest potentie activæ attribui quedam infinitas secundum conformitatem ad infinitatem quantitatis et continue et discretæ. Discretæ quidem, secundum quod quantitas potentie attenditur secundum multa vel pauca objecta; et hæc vocatur quantitas extensiva; continue vero, secundum quod quantitas potentie attenditur in hoc quod remisse vel intense agit; et hæc vocatur quantitas intensiva. Prima autem quantitas convenit potentie respectu objectorum, secunda vero respectu actionis. Istorum enim duorum activa potentia est principium. Utrouque autem modo divina potentia est infinita. Nam nunquam tot effectus facit quin plures facere possit, nec nunquam ita intense operatur quin intensius operari possit. Intensio autem in operatione divina non est attendenda secundum quod operatio est in operante, quia sic semper est infinita, cum operatio sit divina essentia; sed attendenda est secundum quod attingit effectum; sic enim a Deo moventur quedam efficacius, quedam minus efficaciter.

Ad PRIMUM ergo dicendum, quod nihil quod est in Deo potest dici frustra, quia frustra est quod est ad aliquem finem quem non potest attingere; Deus autem et que in ipso sunt, non sunt ad finem, sed sunt finis. Vel dicendum, quod Philosophus loquitur de potentia activa naturali. Res enim naturales coordinate sunt ad invicem, et etiam omnes creature. Deus autem est extra hunc ordinem; ipse enim est ad quem lotus hic ordo ordinatur, sicut ad bonum extrinsecum, ut exercitias ad ducem, secundum Philosophum (in XII Metaphys., text. LII et LIII). Et ideo non oportet ut ei quod est in Deo, aliquid in creaturis respondeat.

Ad SECUNDUM dicendum, quod secundum Commentatorem in VIII Phys. (com. LXXIX) demonstratio illa de proportionatione temporis et potentia moventis procedit de potentia infinita in magnitudine, que proportionatur infinito temporis, cum sint unius generis determinati, scilicet continue quantitatis, non autem tenet de infinito extra magnitudinem, quod non est proportionale infinito temporis, utpote alterius rationis existens. Vel dicendum, ut tactum est in obijciendo, quod Deus quia agit voluntarie, mensurat motum ejus quod ab eo movetur, sicut vult.

Ad TERTIUM dicendum, quod licet voluntas Dei non possit



matate ejus potentiam, potest tamen determinare ejus effectum. Nam voluntas potentiam movet.

Ad quartum dicendum, quod ipsa ratio facti vel creati repugnat infinito. Nam ex hoc ipso quod fit ex nihilo, habet aliquem defectum; et est in potentia, non actus purus; et ideo non potest equari primo infinito ut sit infinitum.

Ad quintum dicendum, quod infinitum privative dictum, quod est passio quantitatis, repugnat simplicitati, non autem infinitum quod est negative dictum.

Ad sextum dicendum, quod illa ratio procedit de infinito privative dicto.

Ad septimum dicendum, quod aliquid potest esse distinctum dupliciter. Uno modo per aliud sibi adjunctum, sicut homo distinguitur per rationalem differentiam ab asino, et tale distinctum oportet esse finitum, quia illud adjunctum determinat ipsam ad aliquid. Alio modo per seipsam; et sic Deus est distinctus ab omnibus rebus, et hoc eo ipso quia nihil addi ei est possibile; unde non oportet quod sit finitus neque ipse neque aliquid quod in ipso significatur.

Ad octavum dicendum, quod finis cum sit perfectionis, Deo nobilissimo modo attribuitur, scilicet ut ipse essentialiter sit finis, non denominative finitus.

Ad nonum dicendum, quod sicut in quantitativis potest considerari infinitum secundum unam dimensionem et non secundum aliam, et iterum infinitum secundum omnem dimensionem; ita et in effectibus. Possibile est enim aliquam creaturam posse producere effectus infinitos quantum est de se, secundum aliquid, utpote secundum numerum in eadem specie; et sic omnium illorum effectuum natura est finita, utpote ad unam speciem determinata, ut si accipimus homines vel asinos infinitos. Non est autem possibile ut sit aliqua creatura que possit in effectus infinitos omnibus modis et secundum numerum et secundum species et secundum genera; sed hoc solius Dei est, et ideo sola ejus potentia est simpliciter infinita.

Ad decimum dicendum, sicut ad octavum.

Ad undecimum dicendum, quod ratio illa procedit de infinito privative dicto.

Et similiter dicendum ad duodecimum.  
Ad duodecimum dicendum, quod Deus semper agit tota sua potentia; sed effectus terminatur secundum imperium voluntatis, et ordinem rationis.

ARTICULUS III. — *Utrum ea que sunt nature impossibilia sint Deo possible.*

Tertio queritur, utrum ea que sunt nature impossibilia sint Deo possible. Et videtur quod non. Dicit enim quedam Glossa (ordinaria super illud: *Contra naturam insertus*), Rom., xi,

quod Deus cum sit auctor nature non potest facere contra naturam. Sed ea que sunt impossibilia nature sunt contra naturam. Ergo Deus ea facere non potest.

2. Præterea, sicut omne in natura necessarium est demonstrabile, ita omne impossibile in natura est improbabile per demonstrationem. Sed in omni conclusione demonstrationis includuntur demonstrationis principia; in omnibus autem demonstrationis principia includitur hoc principium, quod affirmatio et negatio non sunt simul vera. Ergo istud principium includitur in quolibet impossibili nature. Sed Deus non potest facere quod negatio et affirmatio sint simul vera, ut respondens dicebat. Ergo nullum impossibile in natura potest facere.

3. Præterea, sub Deo sunt duo principia, ratio et natura. Sed Deus ea que sunt impossibilia rationi facere non potest, sicut quod genus non predicetur de specie. Ergo nec illa que sunt impossibilia natura.

4. Præterea, sicut se habet falsum et verum ad cognitionem, ita se habet possibile et impossibile ad operationem. Sed illud quod est falsum in natura, Deus scire non potest. Ergo quod est impossibile in natura, Deus non potest operari.

5. Præterea, quando est simile de uno et omnibus quod probatur de uno, intelligitur de omnibus esse probatum; sicut si probatur de uno triangulo, demonstrato quod habeat tres æquales duobus rectis, de omnibus intelligitur esse probatum. Sed similis ratio videtur de omni impossibili, quod Deus illud possit et non possit; tum ex parte facientis, quia divina potentia infinite est; tum ex parte facti, quia omnis res habet potentiam obedientiam ad Deum. Ergo si aliquid impossibile est nature quod facere non possit, ut respondens dicebat, videtur quod nullum impossibile facere possit.

6. Præterea, II Timoth., ii, 13, dicitur: *Fidelis Deus, qui seipsum negare non potest*. Negaret autem seipsum, ut dicit Glossa (interlin.), si promissum non impletet. Sicut autem promissum Dei est a Deo, ita omne verum est a Deo; quia, ut dicit Glossa Ambrosii (Ambrosiastri) I Corinthi., xii, super illud: *Nemo potest dicere: Dominus Jesus*, omne verum, a quocumque deatur, a Spiritu sancto est. Ergo non potest facere contra aliquid verum. Faceret autem contra verum, si faceret aliquid impossibile. Ergo Deus non potest facere aliquid impossibile in natura.

7. Præterea, Anselmus dicit (lib. I: *Cur Deus homo*, cap. xx), quod minimum inconueniens Deo est impossibile. Sed inconueniens esset quod affirmatio et negatio essent simul vera, quia intellectus esset ligatus. Ergo Deus non potest facere hoc; et ita non potest facere omnia impossibilia in natura.

8. Præterea, nullus artifex potest operari contra artem suam; quia principium sue operationis est ars. Sed Deus faceret contra

artem suam, si faceret aliquid impossibile in natura: quia naturæ ordo, secundum quem illud est impossibile, est secundum artem divinam. Ergo Deus, etc.

9. Præterea, magis est impossibile quod est impossibile per se quam quod est impossibile per accidens. Sed Deus non potest facere quod est impossibile per accidens, scilicet quod id quod fuit non fuerit, ut patet per Hieronymum (ad Eustochium de custodia virginis), aliquantulum a principio, qui dicit, quod cum cetera Deus possit, non potest facere virginem de corrupta; et per Augustinum (contra Faustum), et per Philosophum (in V Ethic., cap. vi). Ergo Deus non potest facere id quod est impossibile per se in natura.

1. Sed contra est quod dicitur Lucæ, i. 37: *Non erit impossibile apud Deum omne verbum.*

2. Præterea, omnis potentia quæ potest facere hoc et non illud, est potentia limitata. Si ergo Deus potest facere possibilia in natura, et non impossibilia, vel hæc impossibilia et non illa, videtur quod Dei potentia sit limitata, quod est contra supra determinata. Ergo, etc.

3. Præterea, omne illud quod non limitatur per aliquid quod est in re, per nihil quod est in re impeditur potest. Sed Deus non limitatur per aliquid quod est in re. Ergo per nihil quod est in re potest impediti; et ita veritas huius principii, affirmatio et negatio non possunt esse simul, non potest impedire quin Deus possit facere. Et pari ratione de omnibus aliis.

4. Præterea, privationes non suscipiunt magis et minus. Sed impossibile dicitur secundum privationem potentie. Si ergo unum impossibile est quod Deus facere potest, ut cæcum illuminare, videtur pari ratione quod potest facere omnia.

5. Præterea, omne quod resistit alicui, resistit in ratione alicujus oppositionis. Sed potentie divine nihil est oppositum, ut ex supra dictis patet. Ergo et nihil potest resistere; et ita potest facere omnia impossibilia.

6. Præterea, sicut cæcitas opponitur visioni, ita virginitas partui. Sed Deus fecit quod virgo manens virgo pareret. Ergo pari ratione potest facere quod cæcus manens cæcus videat, et potest facere quod affirmatio et negatio sint simul vera, et per consequens omnia impossibilia.

7. Præterea, difficilius est conjungere formas substantiales disparatas quam formas accidentales. Sed Deus conjunxit in unum formas substantiales maxime disparatas, scilicet divinam et humanam, quæ differunt secundum creatum et increatum. Ergo multo amplius potest conjungere duas formas accidentales in unum, ut faciat quod idem sit album et nigrum; et sic idem quod prius.

8. Præterea, posito quod a definito removeatur aliquid quod cadat in ejus definitione, sequitur contraria esse simul, sicut

quod homo non sit rationalis. Sed terminari ad duo puncta est in definitione linee rectæ. Ergo si quis hoc removeat a linea recta, sequitur quod duo contraria sint simul. Sed Deus hoc fecit quando intravit januis clausis ad discipulos: tunc enim fuerunt duo corpora simul, et sic sequitur quod due linee fuerunt terminatæ ad duo puncta tantum, et unaqueque ad duo puncta. Ergo Deus potest facere quod affirmatio et negatio sint simul vera, et per consequens potest facere omnia impossibilia.

Respondet dicendum, quod, secundum Philosophum (in V Metaph., text. xvii), possibile et impossibile dicuntur tripliciter. Uno modo secundum aliquam potentiam activam vel passivam: sicut dicitur homini possibile ambulare secundum potentiam gressivam, volare vero impossibile. Alio modo non secundum aliquam potentiam, sed secundum seipsum, sicut dicimus possibile quod non est impossibile esse, et impossibile dicimus quod necesse est non esse. Tertio modo dicitur possibile secundum potentiam mathematicam quæ est in geometricis, prout dicitur linea potentia commensurabilis, quia quadratum ejus est commensurable. Hoc autem possibili prætermissis, circa alia duo consideremus. Sciendum est ergo quod impossibile quod dicitur secundum nullam potentiam, sed secundum seipsum, dicitur ratione discohærentiæ terminorum. Omnis autem discohærentia terminorum est in ratione alienius oppositionis; in omni autem oppositione includitur affirmatio et negatio, ut probatur X Metaph. (text. eom. xvi): unde in omni tali impossibili implicatur affirmatio et negationem esse simul. Hoc autem nulli activæ potentie attribui potest: quod sic patet. Omnis activa potentia consequitur actualitatem et entitatem ejus cuius est. Unumquodque autem agens est natum agere sibi simile: unde omnis actio activæ potentie terminatur ad esse. Etsi enim aliquando fit per actionem non esse, ut in corruptione patet, tamen hoc non est nisi inquantum esse minus non compatitur esse alterius; sicut esse calidi non compatitur esse frigidum; et ideo calor ex principali intentione generat calidum, sed quod corrumpat frigidum, hoc est ex consequenti. Hoc autem quod est affirmationem et negationem esse simul, rationem entis habere non potest, nec etiam non entis: quia esse tollit non esse; et non esse tollit esse: unde nec principaliter nec ex consequenti potest esse terminus alienius actionis potentie activæ. Impossibile vero quod dicitur secundum aliquam potentiam potest attendi dupliciter. Uno modo propter defectum ipsius potentie ex seipso, quia videlicet ad illum effectum non potest se extendere, utpote quando non potest agens naturale transmutare aliquam materiam. Alio modo ab extrinseco, utpote cum potentia alienius impeditur vel ligatur. Sic ergo aliquid dicitur impossibile fieri tribus modis. Uno modo propter defe-

cum activa potentia, sive in transmutando materiam, sive in quotaque alio; alio modo propter aliquid resistens vel impediens; tertio modo propter hoc quod id quod dicitur impossibile fieri, non potest esse terminus actionis. Ea ergo quae sunt impossibilia in natura primo vel secundo modo, Deus facere potest. Quia ejus potentia, cum sit infinita, in nullo defectum patitur, nec est aliqua materia quam transmutare non possit ad libitum; ejus enim potentiae resisti non potest. Sed id quod tertio modo dicitur impossibile, Deus facere non potest, cum Deus sit actus maxime, et principale ens. Unde ejus actio non nisi ad ens terminari potest principaliter, et ad non ens consequenter. Et ideo non potest facere quod affirmatio et negatio sint simul vera, nec aliquid eorum in quibus hoc impossibile includitur. Nec hoc dicitur non posse facere propter defectum suae potentiae; sed propter defectum possibilis, quod a ratione possibilis deficit; propter quod dicitur a quibusdam, quod Deus potest facere, sed non potest fieri.

Ad primum ergo dicendum, quod verbum Augustini in Glossa illa non est intelligendum quod Deus non possit facere aliter quam natura faciat; cum ipse frequenter faciat contra consuetum cursum naturae; sed quia quidquid in rebus facit, non est contra naturam, sed est eis natura, eo quod ipse est conditor et ordinator naturae. Sic enim in rebus naturalibus videtur, quod quando aliquod corpus inferiori a superiori movetur, est ei ille motus naturalis, quamvis non videatur conveniens motui quera naturaliter habet ex seipso; sicut mare movetur secundum fluxum et refluxum a luna; et ille motus est ei naturalis, ut Commentator dicit in III Coel. et mundi, comm. xx, licet aquae secundum creatum motus naturalis sit ferri deorsum; et hoc modo omnes creaturae quasi pro naturali habent quod a Deo in eis fit. Et propter hoc in eis distinguitur potentia duplex: una naturalis ad proprias operationes vel motus; alia quae obedientiae dicitur, ad ea quae a Deo recipiunt.

Ad sextum dicendum, quod in quolibet impossibili implicatur affirmationem et negationem esse simul secundum hoc quod est impossibile; sed ea quae sunt impossibilia propter defectum potentiae naturalis, ad caecum videntem fieri, vel aliquid injussum, cum non sint impossibilia secundum seipsa, non implicent hujusmodi impossibile secundum seipsa, sed per comparationem ad potentiam naturalem cui sunt impossibilia, ut si dicamus, Natura potest facere caecum videntem, implicatur praedictum impossibile, quia naturae potentia est terminata ad aliquid, ultra quod est id quod ei attribuitur.

Ad tertium dicendum, quod impossibilia rationalis Philosophiae non sunt secundum aliquam potentiam, sed secundum seipsa; quia ea quae sunt in rationali Philosophia, hoc non sunt

applicata ad materiam, vel ad aliquas potentias naturales.

Ad quartum dicendum, quod illud quod est falsum in natura, est falsum simpliciter; et ideo non est simile.

Ad quintum dicendum, quod non est eadem ratio de omni impossibili; quia quaedam sunt impossibilia per se, quaedam per respectum ad aliquam potentiam, et supra dictum est. Nec hoc quod dissimiliter se habent ad divinam potentiam, impedit infinitatem divinae potentiae, vel obedientiam creaturae.

Ad sextum dicendum, quod Deus id quod jam verum est, non destruit; quia non facit ut quod verum fuit, non fuerit; sed facit quod aliquid non sit verum, quod alias verum esset. Sicut cum suscitavit mortuum, facit quod non sit verum eum esse mortuum, quod aliter verum esset. Vel aliter dicendum, quod non est simile; quia ex hoc quod Deus non impletur promissum, sequeretur eum non esse veracem; ex hoc autem quod aliquem suum effectum destruit, hoc non sequitur; quia non ordinavit ut suus effectus perpetuo maneret, sicut ordinavit quod promissum impletur.

Ad septimum dicendum, quod non potest facere affirmationem et negationem esse simul; non quia sit inconveniens; sed ratione praedicta.

Ad octavum dicendum, quod ars Dei non solum se extendit ad ea quae facta sunt, sed ad multa alia. Unde quando in aliquo mutat cursum naturae, non propter hoc contra artem suam facit.

Ad nonum dicendum, quod Socratem non cucurrisse, si cucurrit, dicitur impossibile per accidens; eo quod Socratem currere vel non currere, quantum est in se, est contingens; sed per implicationem hujus quod est praeteritum non fuisse, fit impossibile per se. Et ideo dicitur impossibile per accidens, quasi per aliam adveniens. Hoc autem adveniens est impossibile secundum seipsum. Et plane implicat contradictionem: dicere enim, quod fuit et non fuit, sunt contradictoria; quod sequitur, si fiat quod praeteritum non fuerit.

Ad primum vero, quod in e contrario obijcit, dicendum, quod verbum dicitur non solum quod ore profertur, sed quod mente concipitur. Hoc autem quod est affirmationem et negationem esse simul veram, non potest mente concipi, ut probatur IV Metaph. (com. 13), et per consequens nec aliquid eorum in quibus hoc includitur. Cum enim contrariae opiniones sint quae sunt contrariorum, secundum Philosophum; sequeretur eundem simul habere contrarias opiniones; et ita non est contra verbum Angeli, si dicatur, quod Deus non potest praedictum impossibile.

Ad secundum dicendum, quod potentia Dei non potest praedictum impossibile, quia deficit a ratione possibilis; et ideo potentia Dei non dicitur limitari, quamvis hoc non possit.

Ad tertium dicendum, quod Deus dicitur hoc non posse, non

a libero arbitrio, quasi impeditus, ut dictum est; sed quia hoc non potest esse terminus actionis alicujus activæ potentie.

Ad quartum dicendum, quod privatio non recipit magis et minus secundum se: potest tamen recipere secundum causam; sicut aliquis dicitur magis cæcus qui habet oculum erutum, quam cuius visus impeditur propter aliquem humorem impediendem: et similiter dicitur magis impossibile quod est secundum seipsum impossibile, quam quod est simpliciter impossibile.

Ad quintum dicendum, quod, sicut jam dictum est, in corp. art., Deus non dicitur hoc non posse, quod impediatur (1) ab aliquo, sed rationibus prædictis.

Ad sextum dicendum, quod virginitas non opponitur partui sicut cæcitas visui; sed opponitur viri commixtioni, sine qua natura partum facere non potest, Deus autem potest.

Ad septimum dicendum, quod illa opposita, creatum et increatum, non fiunt in Christo secundum idem, sed secundum diversas naturas; unde non sequitur quod Deus potest (2) facere opposita inesse eidem secundum idem.

Ad octavum dicendum, quod quando Christus intravit januis clausis, et duo corpora fuerunt simul, non est aliquid factum contra geometriæ principia. Nam ad duo puncta diversorum corporum ex una parte, non terminatur una linea, sed due. Quamvis enim due linee mathematicæ non sint distinguibiles nisi secundum situm, ita quod intelligi non potest duas lineas tales simul esse; tamen due naturales distinguuntur in subiecto; ita quod, posito quod duo corpora sint simul, sequitur quod due linee sint simul, et duo puncta, et due superficies.

ARTICULUS IV. — *Utrum sit judicandum aliquid possibile vel impossibile secundum causas inferiores vel superiores.*

Quarto queritur, utrum sit judicandum aliquid possibile vel impossibile secundum causas inferiores aut secundum causas superiores. Et videtur quod secundum superiores. Quia, sicut dicit quedam Glossa (interl. II Corinth. x), stultitia sapientium mundi fuit, quia iudicaverunt possibile et impossibile secundum quod videbant in rerum natura. Ergo non est judicandum de possibili et impossibili secundum causas inferiores, sed secundum superiores.

2. Præterea, secundum Philosophum (in X Metaph., text. com. ij), illud quod est primum in omni genere, est mensura omnium que sunt illius generis. Sed divina potentia est prima potentia. Ergo secundum eam debet aliquid judicari possibile et impossibile.

3. Præterea, quanto causa magis influat in effectum, tanto secundum eam magis debet judicium sumi. Sed causa prima

(1) Al. non impediatur. — (2) Al. non potest.

magis influat in effectum quam causa secunda. Ergo secundum causam primam magis debet judicari de effecta. Effectus ergo judicandi sunt possibles vel impossibles secundum causas superiores.

4. Præterea, illuminare cæcum est impossibile secundum causas inferiores; et tamen hoc est possibile, cum quandoque fiat. Ergo non est judicandum si aliquid impossibile sit, secundum causas inferiores, sed secundum superiores.

5. Præterea, mundum fore fuit possibile, antequam mundus esset. Non autem fuit possibile secundum causas inferiores. Ergo idem quod prius.

1. Sed contra, secundum illam causam effectus debet judicari possibilis a qua recipit possibilitatem. Sed effectus recipit possibilitatem vel contingentiam, aut etiam necessitatem, a causa proxima, non autem a remota; sicut meritum recipit contingentiam a libero arbitrio, quod est causa proxima; non autem necessitatem a prædestinatione divina, quæ est causa remota. Ergo secundum causas inferiores, quæ sunt proximæ, debet judicari aliquid possibile vel impossibile.

2. Præterea, quod est possibile secundum causas inferiores, est etiam possibile secundum causas superiores, et ita est possibile secundum omnem modum. Sed quod est possibile secundum omnem modum, est possibile simpliciter. Ergo secundum causas inferiores est aliquid judicandum possibile simpliciter.

3. Præterea, causæ superiores sunt necessarie. Si ergo secundum eas essent judicandi effectus, omnes effectus erunt necessarij: quod est impossibile.

4. Præterea, Deo sunt omnia possible. Si ergo secundum ipsum possibile et impossibile judicetur, omnino nihil est impossibile: quod est inconveniens.

5. Præterea, nominibus utendum est secundum quod plures utuntur. Sed de potentia hoc modo homines loquuntur, quod sint ita ordinate, potentia, dispositio, necessitas et actus. Hæc autem inveniuntur in causis inferioribus, non superioribus. Ergo non est judicandum de possibilitate rerum secundum causas superiores, sed secundum inferiores.

Respondetur dicendum, quod iudicium de possibili et impossibili potest considerari dupliciter: uno modo ex parte judicantis; alio modo ex parte ejus de quo judicatur. Quantum ad primum, sciendum est, quod si sunt due scientiæ, quarum una considerat causas aliores, et alia minus altas; iudicium in utraque non eodem modo sumetur, sed secundum causas quas utraque considerat, ut patet in medico et astrologo; quorum astrologus considerat causas supremas, medicus autem causas proximas. Unde medicus dabit iudicium de sanitate vel morte infirmi secundum causas proximas, idest virtutem naturæ

et virtutem morbi; astrologus vero secundum causas remotas, scilicet secundum positionem siderum. Eodem modo est in proposito. Est enim duplex sapientia; scilicet mundana, que dicitur philosophia, que considerat causas inferiores, scilicet causas causatas, et secundum eas iudicat; et divina, que dicitur theologia, que considerat causas superiores, idest divinas, secundum quas iudicat. Dicuntur autem superiores causae, divina attributa, ut sapientia, bonitas, et voluntas divina, et huiusmodi. Sciendum tamen, quod ista questio frustra movetur de effectibus qui non possunt esse nisi superiorum causarum, idest quos solus Deus facere potest; illos enim non convenit dici possibiles vel impossibiles secundum causas inferiores. Sed hoc questio movetur de illis effectibus qui sunt causarum inferiorum; hi enim effectus sunt inferiorum et superiorum; sic enim potest in dubitationem verti. Similiter etiam ista questio non habet locum in illis possibilibus que non dicuntur secundum aliquam potentiam, sed secundum seipsa. Rationes autem causarum secundarum, de quibus est questio, secundum iudicium theologi, dicuntur possibiles et impossibiles secundum causas superiores; secundum autem iudicium philosophi dicuntur possibiles vel impossibiles secundum causas inferiores. Si autem consideretur istud iudicium quantum ad naturam eius de quo iudicatur, sic patet quod effectus debent iudicari possibiles vel impossibiles secundum causas proximas, cum actio causarum remotarum secundum causas proximas determinatur, quas precipue effectus imitantur; et ideo secundum eas precipue iudicium de effectibus sumitur. Et hoc patet etiam per simile de potentia passiva. Nam materia non dicitur, proprie loquendo, ad aliquid, que est remota, sicut terra ad scyphum; sed que est propinqua, uno motore potens exire in actum, ut patet per Philosophum (IX Metaph., com. 1 et XII), sicut aurum est potentia scyphus, sola arte educente in actum. Et similiter effectus, in quantum est ex sui natura, non nisi propinquis causis possibiles vel impossibiles dicuntur.

Ad PRIMUM dicendum, quod sapientes mundi propter hoc stulti vocantur, quia que secundum causas inferiores sunt impossibilia, simpliciter et absolute impossibilia iudicabant, etiam Deo.

Ad SECUNDUM dicendum, quod comparatio possibilis ad potentiam non est sicut mensuratio ad mensuram, sed sicut objecti ad potentiam. Contingit tamen divinam potentiam omnium potentiarum esse mensuram.

Ad TERTIUM dicendum, quod licet causa prima maxime influat in effectum, tamen eius influentia per causam proximam determinatur et specificatur; et ideo eius similitudinem imitatur effectus.

Ad QUARTUM dicendum, quod quamvis illuminare caecum sit Deo possibile, non tamen potest dici omnino possibile.

Ad QUINTUM dicendum, quod mundum fore, fuit possibile respectu causarum superiorum; unde hoc non pertinet ad questionem presentem. Et praeterea illud dictum, mundum fore, est possibile non solum secundum divinam potentiam activam, sed secundum seipsum, quia termini non sunt discoherentes.

Ad PRIMUM quod in contrarium objicitur, dicendum, quod ratio illa procedit quantum ad naturam effectus de quo iudicatur.

Ad SECUNDUM dicendum, quod licet illud quod est possibile secundum causas inferiores, sit etiam possibile secundum superiores, non tamen est ita de impossibili, immo magis e contrario; unde non sequitur quod iudicium debeat sumi universale sive universaliter secundum causas inferiores de possibili et impossibili.

Ad TERTIUM dicendum, quod non iudicantur aliqua impossibilia vel possibilia secundum aliquas causas, quia sint similia illis causis in possibilitate vel in impossibilitate, sed quia causas illis sunt possibilia vel impossibilia.

Ad QUARTUM dicendum, quod secundum considerationem Theologi, omnia illa que non sunt in se impossibilia, possibilia dicuntur, secundum illud Marc., IX, 22: *Omnia possibilia sunt credenti*; ut: *Non est impossibile apud Deum omne verbum*, Luc., 1, 37.

Ad QUINTUM dicendum, quod licet omnia illa in causis superioribus non inveniantur, tamen causis superioribus sunt subiecta; et propterea objectio illa procedit de potentia passiva, non de activa de qua nunc loquimur.

ARTICULUS V. — *Utrum Deus possit facere que non facit.* (I p., qu. xxy, art. 5; et I Sent., dist. XLIII, quest. 1; et II contr. Gent., cap. XXIII, usq. ad XXX.)

Quinto queritur, utrum Deus possit facere que non facit, et dimittere que facit. Et videtur quod non. Deus non potest facere nisi quod praescit se facturum. Sed non praescit se facturum nisi quod facit. Ergo Deus non potest facere nisi quod facit.

2. Sed dicit respondens, quod ratio ista procedit de potentia in ordine ad praesentiam, non de potentia absoluta. — Sed contra, immobilia sunt divina humana. Sed apud nos que fuerunt, non possunt non fuisse. Ergo multo minus que Deus praescivit non potest non praescivisse. Sed praesentia manente non potest alia facere. Ergo Deus, absolute loquendo, non potest alia facere quam que facit.

3. Praeterea, sicut divina natura est immutabilis, ita et divina sapientia. Sed ponentes Deum agere ex necessitate nature,

ponebant eum non posse alia quam que fecit. Ergo similiter et nos debemus ponere, qui dicimus Deum agere secundum ordinem sapientiæ.

4. Sed dicit respondens, quod ratio ista procedit de potentia regulata per sapientiam, non de potentia absoluta. — Sed contra, illud quod non potest fieri secundum ordinem sapientiæ absolute homini Christo impossibile dicitur; quamvis illud potuerit de potentia absoluta. Dicitur enim Joan., viii, 55: *Si dixero, quod non nocui eum, ero similis vobis mendax*. Poterat enim Christus hæc verba pronuntiare; sed quia contra ordinem sapientiæ erat, dicitur absolute, quod Christus non putauerit mentiri. Ergo multo amplius quod non est secundum ordinem sapientiæ, absolute loquendo, Deus non potest.

5. Præterea, in Deo contradictoria simul esse non possunt. Sed absolutum et regulatum contradictionem implicat; nam absolutum est quod secundum se consideratur; illud vero quod regulatum, ordinatur ad aliud habet. Ergo in Deo non debet poni potentia absoluta et regulata.

6. Præterea, potentia et sapientia Dei sunt æquales. Una ergo aliam non excedit; potentia ergo absque sapientia esse non potest; et ita potentia divina semper est sapientia regulata.

7. Præterea, quod Deus fecit, est iustum. Sed non potest facere nisi iustum. Ergo non potest facere nisi quod fecit vel facit.

8. Præterea, bonitatis divine est ut non solum se communicet, sed ordinatissime se communicet. Sic ergo ea que fiunt a Deo, ordinate fiunt. Sed præter ordinem Deus facere non potest. Ergo non potest facere alia quam que facit.

9. Præterea, Deus non potest facere nisi quod vult; quia in agentibus per voluntatem potentia sequitur voluntatem, velut imperantem. Sed non vult nisi que facit. Ergo non potest facere nisi quod facit.

10. Præterea, Deus cum sit sapientissimus operator, nihil agit sine ratione. Rationes autem quibus Deus agit, Dionysius (v cap. de div. Nom.) dicit esse productivas existentium; existentia autem sunt que sunt; et sic Deus rationes non habet nisi eorum que sunt. Ergo non potest facere nisi ea que facit.

11. Præterea, secundum Philosophos, res naturales sunt in primo motore, qui Deus est, sicut artificia in artifice; et sic Deus operatur tamquam artifex. Sed artifex non operatur sine forma vel idea sui operis; motus enim que est in materia, est a modo que est in mente artificis, secundum Philosophum (II de Gener. Animal., cap. 1). Sed Deus non habet ideas nisi eorum que fecit; vel facit vel facturus est. Ergo præter hoc Deus nihil agere potest.

12. Præterea, Augustinus in lib. de Symbolo dicit: *Hoc*

*solum Deus non potest quod (1) non vult*. Sed non vult nisi que facit. Ergo non potest nisi que facit.

13. Præterea, Deus mutari non potest. Ergo non se habet ad utrumlibet contrariorum; et sic sua potentia est determinata ad unum. Ergo non potest facere nisi que facit.

14. Præterea, quidquid Deus facit aut dimittit, facit aut dimittit optima ratione. Sed Deus non potest facere aliquid aut dimittere nisi optima ratione. Ergo non potest facere nec dimittere, nisi quod facit aut dimittit.

15. Præterea, optimi est optima adducere, secundum Platonem; et sic Deus, cum sit optimus, optimum facit. Sed optimum cum sit superlativum, uno modo est. Ergo Deus non potest facere alio modo vel alia quam que facit.

Sed contra est quod dicit Christus Deus et homo, Matth., xxvi, 53: *An non possum rogare Patrem?* Poterat ergo Christus aliquid quod non faciebat.

Præterea, Ephes., ii, 29, dicitur: *Ei qui potest omnia facere superabundanter quam intelligimus aut petimus*. Non tamen omnia facit. Ergo potest alia facere quam que facit.

Præterea, Hugo de Sancto-Victore dicit, quod omnipotentia Dei non adequatur opus. Ergo potentia excedit opus; et ita plura potest facere quam que facit.

Præterea, potentia Dei est actus non finitus, quia non per aliquid finitur. Hoc autem non esset, si limitaretur ad ea que facit. Ergo idem quod prius.

Respondeo dicendum, quod hic error, scilicet Deum non posse facere nisi que facit, duorum fuit. Primo fuit quorundam Philosophorum dicentium Deum agere ex necessitate nature. Quod si esset, cum natura sit determinata ad unum, divina potentia ad alia agenda se extendere non posset quam ad ea que facit. Secundo fuit quorundam Theologorum considerantium ordinem divine justitiæ et sapientiæ, secundum quem res fiunt a Deo, quem Deum præterire non posse dicebant; et incidebant in hoc, ut dicerent, quod Deus non potest facere nisi que facit. Et imponentur hic error magistro Petro Almalæo.

Harum ergo positionum veritatem inquiramus, vel falsitatem; et primo primæ. Quod enim Deus non agat ex necessitate nature, planum est videre. Omne enim agens agit propter finem, quia omnia optant bonum. Actio autem agentis, ad hoc quod sit conveniens fini, oportet quod ei adaptetur et proportionetur: quod non potest fieri nisi ab aliquo intellectu, qui finem et rationem finis cognoscat, et proportionem finis ad illud quod est ad finem; aliter convenientia actionis ad finem casualis esset. Sed intellectus præordinans in finem, quandoque quidem est conjunctus agenti vel motu, ut homo in sua actione; quandoque separatus

(1) *At non quod.*

tus, ut patet in sagitta, quæ ad determinatum finem tendit, non per intellectum sibi conjunctum, sed per intellectum hominis ipsam dirigentem. Impossibile est autem, id quod agit ex naturæ necessitate, sibi ipsi determinare finem: quia quod est tale, est ex se agens; et quod est agens vel motum ex seipso, in ipso est agere vel non agere, moveri vel non moveri, ut dicitur VIII Physic., et hoc non potest competere ei quod ex necessitate movetur, cum sit determinatum ad unum. Unde oportet quod omni ei quod agit ex necessitate naturæ, determinetur finis ab aliquo quod sit intelligens. Propter quod dicitur a Philosophis: quod opus naturæ est opus intelligentiæ. Unde si aliquando aliquod corpus naturale adjungitur alicui intellectui, sicut in homine patet, quantum ad illas actiones quibus intellectus illius finem determinat, obedit natura voluntati, sicut ex motu locali hominis patet: quantum vero ad illas actiones in quibus ei finem non determinat, non obedit, sicut in actu nutrimenti et augmenti. Ex his ergo colligitur quod id quod ex necessitate natura agit, impossibile est esse principium agens, cum determinetur sibi finis ab alio. Et sic patet quod impossibile est Deum agere ex necessitate naturæ: et ita radix primæ positionis falsa est.

Sic autem restat investigare de secunda positione. Circa quod sciendum est, quod dupliciter dicitur aliquid non posse aliquid. Uno modo absolute; quando scilicet aliquod principiorum, quod sit necessarium actioni, ad actionem illam non se extendit; ut si pes sit contractus, homo non potest ambulare. Alio modo ex suppositione: posito enim opposito alicujus actionis, actio fieri non potest; non enim possumus ambulare dum sedeo. Cum autem Deus sit agens per voluntatem et intellectum, ut probatum est, oportet in ipso tria actionis principia considerare; et primo intellectum, secundo voluntatem, tertio potentiam naturæ. Intellectus ergo voluntatem dirigit, voluntas vero potentia imperat quæ exequitur. Sed intellectus non movet nisi in quantum proponit voluntati suum appetitum; unde totum movere intellectus est in voluntate. Sed dupliciter dicitur Deum absolute non posse aliquid. Uno modo quando potentia Dei non se extendit in illud: sicut dicimus quod Deus non potest facere quod affirmatio et negatio sint simul vera, ut ex supra dictis patet. Sic autem non potest dici quod Deus non potest facere nisi quod facit, constat enim quod potentia Dei ad multa alia potest se extendere. Alio modo quando voluntas Dei ad illud se extendere non potest. Oportet enim quod qualibet voluntas habeat aliquem finem quem naturaliter velit, et cujus contrarium velle non possit; sicut homo naturaliter et de necessitate vult beatitudinem, et miseriam velle non potest. Cum hoc autem quod voluntas velit necessario finem suum naturalem, vult etiam de necessitate ea sine quibus finem habere non

potest, si hoc cognoscat; et hæc sunt quæ sunt commensurata fini; sicut si volo vitam, volo cibum. Ea vero sine quibus finis haberi potest, quæ non sunt fini commensurata, non de necessitate vult. Finis ergo naturalis divinæ voluntatis est ejus bonitas, quam non velle non potest. Sed finis huic non commensuratur creaturæ, ita quod sine his divina bonitas manifestari non possit; quod Deus intendit ex creaturis. Sicut enim manifestatur divina bonitas per has res quæ nunc sunt et per hunc rerum ordinem; ita potest manifestari per alias creaturas et alio modo ordinatas; et ideo divina voluntas absque præjudicio bonitatis, justitiæ et sapientiæ, potest se extendere in alia quam quæ facit. Et in hoc fuerunt decepti errantes: aestimaverunt enim ordinem creaturarum esse quasi commensuratum divinæ bonitatis quasi absque eo esse non posset. Patet ergo quod absolute Deus potest (1) facere alia quam quæ fecit. Sed quia ipse non potest facere quod contradictoria sint simul vera, ex suppositione potest dici, quod Deus non potest alia facere quam quæ fecit vel quod prescriberet se non alia facturum, non potest alia facere, ut intelligatur compositè, non divisim.

Ad primum ergo dicendum, quod hæc locutio, Deus non potest facere nisi quod præscit se facturum, est duplex: quia exceptio potest referri ad potentiam quæ importatur per *ly potest*, vel ad actum, qui (2) importatur per *ly facere*. Si primo modo, tunc locutio est falsa. Plura enim potest facere quam præsciat se facturum; et in hoc sensu ratio procedebat. Si autem secundo modo, sic locutio est vera; et est sensus, quod non potest esse quod aliquid fiat a Deo, et non sit a Deo præscitum. Sed hic sensus non est ad propositum.

Ad secundum dicendum, quod in Deo non cadit præteritum et futurum; sed quidquid est in eo, est totum in presenti æternitatis. Nec præteritum vel futurum in eo verbum significatur, nisi per respectum ad nos; unde non habet hic locum objectio de necessitate præteriti. Nilominus dicendum est, quod objectio non est ad propositum; quia præscientia non commensuratur potentia facienti, de qua est questio; sed solum divinæ actioni; ut dictum est.

Ad tertium dicendum, quod illi qui dicebant Deum agere ex necessitate naturæ, ponebant positionem de qua agitur, non solum ratione immutabilitatis naturæ, sed ratione determinationis naturæ ad unum. Sapientia autem divina non est determinata ad unum, sed se habet ad multa scienda; unde non est simile.

Ad quartum dicendum, quod Christus non poterat velle dicere illa verba absolute, quæ manducum important, sine præjudicio suæ bonitatis. Sic autem non est in proposito, ut ex dictis patet; et ideo non sequitur.

Ad quintum dicendum, quod absolutum et regulatum non

(1) *Al.* non potest. — (2) *Al.* que.

attribuuntur divinae potentiae nisi ex nostra consideratione: quae potentiae Dei in se consideratae, quae absoluta dicitur, aliquid attribuit quod non attribuit ei secundum quod ad sapientiam comparatur, prout dicitur ordinata.

Ad sextum dicendum, quod potentia Dei nunquam est in se sine sapientia; sed a nobis consideratur sine ratione sapientiae.

Ad septimum dicendum, quod Deus fecit quidquid est iustum in actu, non autem quidquid est iustum in potentia; potest enim aliquid facere quod nunc non est iustum, quia non est; tamen si esset, faceret iustum.

Ad octavum dicendum, quod divina bonitas potest se communicare (1) ordinate, non solum isto modo quo res operatur, sed multis aliis.

Ad nonum dicendum, quod licet Deus non velit facere nisi quae facit, potest tamen alia velle; et ideo, absolute loquendo, potest alia facere.

Ad decimum dicendum, quod rationes illas de quibus Dionysius loquitur, intelligit esse productivas existentium absolute, non solum autem eorum quae nunc sunt in actu.

Ad undecimum dicendum, quod in hac questione versatur, utrum eorum quae nec sunt nec erunt nec fuerint, quae tamen Deus facere potest, sit idea. Videtur dicendum, quod si idea secundum completam rationem accipiatur, scilicet secundum quod idea nominaliter formam artis, non solum intellectu excogitatum, sed etiam per voluntatem ad opus ordinatum, sic praedicta non habent ideam; si vero accipiatur secundum imperfectam rationem, prout scilicet est solum excogitata in intellectu artificis, sic habent ideam. Patet enim in artifice creato quod excogitat aliquas operationes quae nunquam operari intendit. In Deo vero quidquid ipse cognoscit, est in eo per modum excogitati; cum in ipso non differat cognoscere actu et habitu. Ipse enim novit totam potentiam suam, et quidquid potest; unde omnium quae potest habet rationes quasi excogitatas.

Ad duodecimum dicendum, quod intelligendum est hoc Deum non posse quod non vult se posse; et sic non facit ad propositum.

Ad decimumtertium dicendum, quod licet Deus sit immutabilis, tamen eius voluntas non est determinata ad unum in his quae faciendae sunt; et ideo habet liberum arbitrium.

Ad decimumquartum dicendum, quod optima ratio, qua Deus omnia facit, est sua bonitas et sua sapientia: quae manerent, etiam si alia (1), vel alio modo faceret.

Ad decimumquintum dicendum, quod illud quod facit, est optimum per ordinem ad Dei bonitatem; et ideo quidquid aliud est ordinabile ad eius bonitatem secundum ordinem suae sapientiae, est optimum.

(1) *Al. commutare.* — (2) *Al. alio.*

ARTICULUS VI. — *Utrum Deus possit facere quae sunt aliis possibilis.*

Sexto quaeritur, utrum Deus possit facere quae sunt aliis possibilis, ut peccare, ambulare et huiusmodi. Et videtur quod sic. Quia Augustinus dicit [Enchirid., cap. cv], quod melior est natura quae potest peccare, quam quae peccare non potest. Sed omne quod est optimum, est Deo attribuendum. Ergo Deus potest peccare.

2. Praeterea, illud quod est laudabilitatis, non debet Deo subtrahi. Sed in laudem viri dicitur Eccles. xxxi: *Qui potuit transgredi et non est transgressus.* Ergo posse transgredi et non transgredi Deo debet attribui.

3. Praeterea, Philosophus dicit [lib. IV Topic., cap. v]: *Potest Deus et studiosus prava agere.* Ergo Deus potest peccare.

4. Praeterea, quicumque consentit in peccatum mortale, peccat mortaliter. Sed (1) quicumque praecipit peccatum mortale, consentit, immo quodammodo principaliter facit. Cum ergo Deus praecipit peccatum mortale Abrahae, scilicet quod interficeret filium innocentem; et Oseae, quod acciperet mulierem fornicariam, et faceret ex ea filios fornicationis; et Semei, ut malediceret David, ut habetur II Reg., xvi, quem constat peccasse ex pena sibi infligta III Reg., ii, videtur quod ipse peccaverit mortaliter.

5. Praeterea, quicumque cooperatur peccanti mortaliter, ipse peccat mortaliter. Sed Deus cooperatur peccanti mortaliter: ipse enim operatur in omni operatione, et per consequens in omni eo qui mortaliter peccat. Ergo Deus peccat.

6. Praeterea, Augustinus dicit (2) [in lib. de Gratia (3) et libro Arbitrio, cap. xxi, et habetur in Glossa, Rom., 1], quod Deus operatur in cordibus hominum, inclinando voluntates eorum in quodcumque voluerit, sive in bonum sive in malum. Sed inclinare voluntatem hominis in malum, est peccatum. Ergo Deus peccat.

7. Praeterea, homo factus est ad imaginem Dei, et habetur Gen., i. Sed quod invenitur in imagine, oportet inveniri in exemplari. Hominis autem voluntas est ad utrumlibet. Ergo et voluntas Dei; et ita potest peccare et non peccare.

8. Praeterea, quidquid potest virtus inferior, potest et superior. Sed homo, cujus virtus est inferior divina virtute, potest ambulare, peccare, et alia huiusmodi facere. Ergo et Deus.

9. Praeterea, tunc aliquis mittit quando non facit bona quae potest. Sed Deus potest multa bona facere quae non facit. Ergo mittit, et ita peccat.

10. Praeterea, quicumque potest prohibere peccatum et non prohibet, videtur peccare. Sed Deus potest prohibere

(1) *Al. docet Sed.* — (2) *Al. docet dicit.* — (3) *Al. de natura.*



omni peccata. Cum ergo non prohibeat, videtur quod peccet.

11. Præterea, Amos, iii, 6, habetur: *Non est malum in civitate quod Deus non faciat*. Hoc autem non potest intelligi de malo pœnæ: nam dicitur Sapient., i, 13, quod *Deus mortem non fecit*. Ergo oportet intelligi de malo culpæ: et sic Deus est auctor mali culpæ.

Sed contra, I Joan., i, 5, dicitur: *Deus lux est, et tenebræ in eo non sunt ullæ*. Sed peccata sunt tenebræ spirituales. Ergo peccatum in Deo esse non potest.

Præterea, princeps propriis legibus astrictus non tenetur. Sed omne peccatum est contra legem divinam, ut Augustinus dicit (lib. XXII contra Faustum, cap. XXVII). Ergo Deus peccato astringi non potest.

Respondetur dicendum, quod, sicut supra dictum est, Deum absolute aliquid non posse, dicitur dupliciter: uno modo ex parte voluntatis: alio modo ex parte potentia. Ex parte voluntatis, Deus non potest facere quod non potest velle. Cum autem nulla voluntas possit velle contrarium ejus quod naturaliter vult, sicut voluntas hominis non potest velle miseriam: constat quod voluntas divina non potest velle contrarium suæ bonitatis, quam naturaliter vult. Peccatum autem est defectus quidam a divina bonitate: unde Deus non potest velle peccare. Et ideo absolute concedendum est, quod Deus peccare non potest. Ex parte vero potentia dicitur Deum non posse aliquid, dupliciter: uno modo ratione ipsius potentia: alio modo ratione possibiliæ. Potentia siquidem ejus, quantum in se est, cum sit infinita, in nullo deficiens invenitur quod ad potentiam pertineat. Sed quedam sunt quæ secundum homines potentiam important, quæ secundum rem sunt potentia defictus: sicut multe negationes sunt, quæ in affirmationibus includuntur: ut cum dicitur posse deficere, videtur secundum modum loquendi, quedam potentia importari, cum magis potentia defictus importetur. Et propter hoc potentia aliqua dicitur esse perfecta, secundum Philosophum (V Metaph., text. xvii), quando ista non potest. Sicut enim ille affirmationes habent vim negationum secundum rem, ita ista negationes habent vim affirmationum. Et propter hoc dicimus, Deum non posse deficere, et per consequens non posse moveri (quia motus et defictus quidam imperfectionem important) et per consequens non posse cum ambulare, nec alios actus corporeos exercere, qui sine motu non fiunt. Ratione vero possibiliæ dicitur Deum aliquid non posse facere quia id contradictionem implicat, ut ex supra dictis, art. 5, patet: et per hunc modum dicitur quod non potest facere alium Deum æqualem sibi. Implicatur enim contradictio ex eo quod factum oportet esse in potentia aliquo modo, cum recipiat esse ab alio, et sic non potest esse actus purus, quod est proprium ipsius Dei.

AD PRIMUM ergo dicendum, quod illa comparatio non est intelligenda universaliter, sed solum inter hominem et animalia bruta.

AD SECUNDUM dicendum, quod id quod dicitur in laudem hominis, non semper est congruum laudi divine, immo esset blasphemiam: ut si dicerem Deum pecciterè et hujusmodi. Aliquid enim, ut dicit Dionysius (cap. iv de divin. Nomin.), est in inferiori natura laudabile quod in superiori natura vituperatur.

AD TERTIUM dicendum, quod verbum Philosophi est intelligendum sub conditione voluntatis. Hæc enim conditionalis est vera: Deus potest prava agere si vult: nil enim prohibet conditionalem esse veram, licet antecedens et consequens sint impossibilia: ut patet in hæc: Si homo volat, habet alas.

AD QUARTUM dicendum, quod nihil prohibet aliquem actum qui in se esset peccatum mortale, aliqua circumstantia addita fieri virtuosum: occidere enim hominem absolute peccatum mortale est: sed ministro iudici occidere hominem propter justitiam ex præcepto iudicis, non est peccatum, sed actus justitiæ. Sicut autem princeps civitatis habet disponere de hominibus quantum ad vitam et mortem, et alia quæcumque pertinent ad finem sui regiminis, qui est justitia, ita Deus habet omnia in sui dispositione dirigere ad finem sui regiminis quod est ejus bonitas. Et ideo licet occidere filium innocentem, de se possit esse peccatum mortale, tamen si hoc fiat ex præcepto Dei propter finem quem Deus prævidit et ordinavit, licet etiam si homini ignotus, non est peccatum, sed meritum. Et similiter etiam dicendum est de fornicatione Osæ, cum constat Deum esse ordinatorem totius humane generationis: quamvis quidam dicant, quod hoc non acciderit secundum veritatem rei, sed secundum visionem prophetiæ. De præcepto autem Semel est dicendum aliter. Dicitur enim Deus dupliciter præcipere. Uno modo loquendo spiritualiter vel corporaliter per substantiam creatam: et sic præcepit Abraham et Propheta. Alio modo inclinando, sicut dicitur præcepisse verum ut comederet hedera, Joan. i. Et per hunc modum præcepit Semel ut malediceret David, in quantum cor ejus inclinavit: et hoc per modum qui infra, in solutione ad sextum, dicitur.

AD QUINTUM dicendum, quod operatio peccati, quantum ad id quod habet de entitate et actualitate, refertur in Deum sicut in causam: quantum vero ad id quod habet de deformitate peccati, refertur in liberum arbitrium, non in Deum: sicut quidquid motus est in classificatione, est a virtute gressiva: deformitas autem ejus est a curvitate cruris.

AD SEXTUM dicendum, quod Deus non dicitur inclinare voluntates hominum in malum, immittendo malitiam, vel ad malitiam commovendo: sed permittendo et ordinando, ut videleat

qui crudelitatem exercere consentiunt, in illos exerceant quos dignos Deus iudicat.

Ad SEPTIMUM dicendum, quod non est necessarium, quidquid in homine invenitur, quamvis sit ad imaginem Dei, in Deo inveniri; et tamen in proposito voluntas Dei est ad utrumlibet, quia non est ad unum objectum determinata. Potest enim hoc facere vel non facere, aut facere hoc vel illud: non tamen sequitur quod aliquid istorum possit male facere, quod est peccare.

Ad OCTAVUM dicendum, quod objectio illa tenet in his que pertinent ad potestatis perfectionem, non autem in his que important potestatis defectum.

Ad NONUM dicendum, quod licet Deus possit multa bona facere que non facit, non tamen omittit; quia non debet illa facere, quod requiritur ad rationem omissionis.

Et similiter dicendum est ad DECIMUM; nam non est reus peccati qui peccatum non impedit, nisi quando impedire debet.

Ad UNDECIMUM dicendum, quod verbum Amos intelligitur de malo pœnæ. Quod autem dicitur Sap., 1, 13: *Deus mortem non fecit*, intelligitur quantum ad ipsam causam mortis, que est meritum culpæ, vel quantum ad primam nature institutionem, qua fecit hominem suo modo immortalem.

#### ARTICULUS VII. — *Utrum Deus sit omnipotens.*

Septimo quæritur, quare Deus dicatur omnipotens. Et videtur quod dicatur omnipotens, quia simpliciter omnia possit. Sicut enim Deus dicitur omnipotens, ita dicitur omnisciens. Sed dicitur omnisciens, quia simpliciter omnia scit. Ergo et omnipotens dicitur, quia simpliciter omnia potest.

2. Præterea, si non ideo dicatur omnipotens quia simpliciter omnia possit, tunc hæc distributio importata, non est absoluta, sed accommodata. Talis autem distributio non est universalis, sed determinatur ad aliquid. Ergo divina potentia esset ad aliquid determinata, et non esset infinita.

Sed contra, Deus non potest facere, sicut dictum est, art. 3 et 5, ut affirmatio et negatio sint simul vera; nec potest peccare nec mori. Hæc autem includuntur in hac distributione, si absolute sumatur. Ergo non debet absolute sumi: et ita Deus non potest dici omnipotens quia omnia possit absolute.

3. Item videtur quod dicatur omnipotens quia potest omnia que vult. Dicit enim Augustinus in Enchir. (cap. xcvi in fin.): *Non ob aliud vocatur omnipotens, nisi quia quidquid vult, potest.*

Sed contra, beati possunt quidquid volunt: aliter voluntas eorum non esset perfecta. Non tamen dicuntur omnipotentes. Ergo hoc non sufficit ad rationem omnipotentie, quod Deus possit quidquid vult.

Præterea, voluntas sapientis non est de impossibili: unde nullus sapiens vult nisi quod potest; nec tamen quilibet sapiens est omnipotens. Ergo idem quod prius.

4. Item, videtur quod dicatur omnipotens quia possit omnia possibilia. Dicitur enim omnisciens, quia scit omnia scibilia. Ergo pari ratione dicitur omnipotens quia potest omnia possibilia.

Sed contra, si dicitur omnipotens quia potest omnia possibilia; aut hoc est quia potest omnia possibilia sibi, aut quia potest omnia possibilia nature. Si quia potest omnia possibilia nature, tunc ejus omnipotentia non excedit; quod est absurdum. Si vero quia potest omnia possibilia sibi, tunc pari ratione quilibet dicitur omnipotens, quia quilibet potest omnia possibilia sibi. Et præterea, est ibi quedam expositio per circumlocutionem, quæ non est conveniens.

5. Item quæritur quare Deus dicatur omnipotens et omnisciens, et non omnivolens.

Respondeo, dicendum, quod quidam volentes rationem omnipotentie assignare, quedam acceperunt quæ ad rationem omnipotentie non pertinent, sed magis sunt causa omnipotentie, vel pertinentia ad perfectionem omnipotentie, vel pertinentia ad rationem potentie, vel ad modum habendi potentiam. Quidam enim dixerunt, quod ideo Deus est omnipotens, quia habet potentiam infinitam. Qui non dicant rationem omnipotentie, sed causam; sicut anima rationalis est causa hominis, sed non est ejus definitio. Quidam vero ideo dixerunt Deum omnipotentem, quia non potest aliquid pati nec potest deficere, nec aliquid potest in ipsum, et alia hujusmodi, quæ ad perfectionem potentie pertinent. Quidam etiam dixerunt, quod ideo dicitur omnipotens, quia potest quidquid vult; et hoc habet a se et per se; quod pertinet ad modum habendi potentiam. Hæc autem rationes omnes ideo sunt insufficientes, quia prætermittunt rationes operationum ad objecta, quæ implicat omnipotentiam. Et ideo dicendum est, quod accipienda est aliqua trium viarum quæ tacte sunt in obijciendo, et dicuntur comparationem ad objecta. — Dicendum ergo est, quod, sicut supra dictum est, potentia Dei, quantum est de se, ad omnia illa objecta se extendit quæ contradictionem non implicant. Nec etiam instantia de illis est que defectum important, vel corporalem motum: quia posse ea, Deo est non posse. Ea vero quæ contradictionem implicant Deus non potest; quæ quidem sunt impossibilia secundum se. Relinquitur ergo quod Dei potentia ad ea se extendat quæ sunt possibilia secundum se. Hæc autem sunt quæ contradictionem non implicant. Constat ergo quod Deus ideo dicitur omnipotens quia potest omnia que sunt possibilia secundum se.

Ad PRIMUM ergo dicendum, quod Deus dicitur omnisciens quia scit omnia scibilia; falsa autem quæ non sunt scibilia,

nescit. Impossibilia autem secundum se comparantur ad potentiam sicut falsa ad scientiam.

AD SECUNDUM dicendum, quod ratio illa procederet, si distributio terminaretur infra genus possibilitatum hoc modo quod non se extenderet ad omnia possibilita.

Ad illud quod quaeritur de alia ratione omnipotentiae dicendum, quod posse quicquid vult facere non est sufficiens ratio omnipotentiae, sed est sufficiens signum omnipotentiae; et sic intelligendum est verbum Augustini.

Ad illud quod arguitur de tertia ratione, dicendum, quod Deus dicitur omnipotens, quia potest omnia possibilis absolute; et ideo obiecto non recte procedit de possibilibus Deo vel nature.

Ad illud quod ultimo quaeritur, dicendum, quod in his quae aguntur per voluntatem, ut dicitur IX Metaph. (com. III, IV et X), potentia et scientia determinantur ad opus per voluntatem; et ideo scientia et potentia in Deo quasi non determinata universaliter pronuntiantur, ut cum dicitur omnipotens vel omnipotens, sed voluntas qua determinat, non potest esse omnium, sed eorum tantum ad quae potentiam et scientiam determinat; et ideo Deus non potest dici omnivolens.

## QUESTIO II

### DE POTENTIA GENERATIVA IN DIVINIS

(Et habet sex articulos.)

Primo enim quaeritur, utrum in divinis sit generativa potentia; 2<sup>o</sup> utrum potentia generativa in divinis dicatur essentialiter vel notionaliter; 3<sup>o</sup> utrum potentia generativa in actum generationis procedat per imperium voluntatis; 4<sup>o</sup> utrum in divinis possint esse plures filii; 5<sup>o</sup> utrum potentia generandi sub omnipotentia comprehendatur; 6<sup>o</sup> utrum potentia generandi et potentia creandi sint idem.

ARTICULUS PRIMUS. — *Utrum in divinis sit potentia generativa.*  
(I. p., quest. XII, art. 4; et I, dist. VII, quest. 1, art. 1.)

Questio est de potentia generativa in divinis; et circa hoc primo quaeritur, utrum in divinis sit generativa potentia. Et videtur quod non. Omnis enim potentia vel est activa vel passiva. Sed in divinis non potest esse potentia passiva aliqua; nec ibi generativa potentia potest esse activa; quia sic Filius esset actus vel factus, quod est contra fidem. Ergo in divinis non est potentia generativa.

2. Praeterea, secundum Philosophum (in lib. de Somno et

Vigil., cap. 1, ante med.), ejus est potentia, ejus est actio. Sed generatio non est in divinis. Ergo nec generativa potentia. Probatio media. Ubiunque est generatio, ibi est communicatio naturae, et receptio ejusdem. Sed cum recipere sit materiae, vel passivae potentiae, quae in divinis non est, receptio Deo competere non potest. Ergo in divinis non potest esse generatio.

3. Praeterea, generans oportet esse distinctum a genito. Non autem secundum illud quod generans communicat genito, quia in hoc potius conveniunt. Ergo debet esse in genito aliquid aliud ab eo quod est sibi per generationem communicatum; et ita oportet omne genitum esse compositum, ut videtur. In divinis autem non est aliqua compositio. Ergo non potest esse genitus Deus; et sic non est ibi generatio; et ita ut prius.

4. Praeterea, nihil imperfectio est Deo attribuendum. Sed omni potentia respectu sui actus, imperfecta est, tam activa quam passiva. Ergo potentia generativa in Deo ponenda non est.

5. Sed dicit respondens, quod hoc est verum de potentia non conjuncta actui. — Sed contra, omne quod perficitur per alterum est minus perfectum eo per quod perficitur. Sed potentia conjuncta actui perficitur per actum. Ergo actus est ea perfectior; et sic etiam potentia actui conjuncta, respectu actus, imperfecta est.

6. Praeterea, natura divina est efficacior in agendo quam natura creata. Sed in creatoris invenitur natura aliqua quae non operatur per aliquam potentiam mediam sed per seipsam, sicut sol illuminat aërem et anima vivificat corpus. Ergo multo fortius divina natura non per aliquam potentiam, sed per seipsam est principium generationis; et ita in divinis non est ponenda potentia generativa.

7. Praeterea, generativa potentia aut attestatur dignitati aut indignitati. Non autem attestatur dignitati, quia sic in superioribus creaturis esset magis quam in inferioribus, scilicet in Angelis et coelestibus corporibus magis vel potiusquam in animalibus et in plantis. Ergo attestatur indignitati, et sic non est in Deo ponenda.

8. Praeterea, in rebus inferioribus duplex invenitur generativa potentia; scilicet completa ut in his quorum generatio est per sexuum commixtionem; et incompleta quae est sine sexuum commixtione ut in plantis. Cum ergo completa Deo non attribuitur, quia non potest poni in divinis sexuum commixtio, videtur quod nullo modo sit ibi potentia generativa.

9. Praeterea, sub potentia non cadit nisi possibile, cum potentia respectu possibilis dicatur. Sed generationem esse in divinis, non est possibile vel contingens, cum sit aeternum. Ergo respectu ejus, potentia in divinis dici non potest; et sic non est ibi generativa potentia.

10. Praeterea, potentia Dei cum sit infinita, non finitur

nescit. Impossibilia autem secundum se comparantur ad potentiam sicut falsa ad scientiam.

AD SECUNDUM dicendum, quod ratio illa procederet, si distributio terminaretur infra genus possibilitatis hoc modo quod non se extenderet ad omnia possibilia.

Ad illud quod queritur de alia ratione omnipotentiae dicendum, quod posse quicquid vult facere non est sufficiens ratio omnipotentiae, sed est sufficiens signum omnipotentiae; et sic intelligendum est verbum Augustini.

Ad illud quod arguitur de tertia ratione, dicendum, quod Deus dicitur omnipotens, quia potest omnia possibilia absolute; et ideo obiecto non recte procedit de possibilibus Deo vel nature.

Ad illud quod ultimo queritur, dicendum, quod in his quae aguntur per voluntatem, ut dicitur IX Metaph. (com. III, IV et X), potentia et scientia determinantur ad opus per voluntatem; et ideo scientia et potentia in Deo quasi non determinata universaliter pronuntiantur, ut cum dicitur omnipotens vel omnipotens, sed voluntas qua determinat, non potest esse omnium, sed eorum tantum ad quae potentiam et scientiam determinat; et ideo Deus non potest dici omnipotens.

## QUESTIO II

### DE POTENTIA GENERATIVA IN DIVINIS

(Et habet sex articulos.)

Primo enim queritur, utrum in divinis sit generativa potentia; 2<sup>o</sup> utrum potentia generativa in divinis dicatur essentialiter vel notionaliter; 3<sup>o</sup> utrum potentia generativa in actu generationis procedat per imperium voluntatis; 4<sup>o</sup> utrum in divinis possint esse plures filii; 5<sup>o</sup> utrum potentia generandi sub omnipotentia comprehendatur; 6<sup>o</sup> utrum potentia generandi et potentia creandi sint idem.

ARTICULUS PRIMUS. — *Utrum in divinis sit potentia generativa.*  
(I. p., quest. XII, art. 4; et I, dist. VII, quest. 1, art. 1.)

Questio est de potentia generativa in divinis; et circa hoc primo queritur, utrum in divinis sit generativa potentia. Et videtur quod non. Omnis enim potentia vel est activa vel passiva. Sed in divinis non potest esse potentia passiva aliqua; nec ibi generativa potentia potest esse activa; quia sic Filius esset actus vel factus, quod est contra fidem. Ergo in divinis non est potentia generativa.

2. Praeterea, secundum Philosophum (in lib. de Somno et

Vigil., cap. 1, ante med.), ejus est potentia, ejus est actio. Sed generatio non est in divinis. Ergo nec generativa potentia. Probatio media. Ubiunque est generatio, ibi est communicatio naturae, et receptio ejusdem. Sed cum recipere sit materiae, vel passivae potentiae, quae in divinis non est, receptio Deo competere non potest. Ergo in divinis non potest esse generatio.

3. Praeterea, generans oportet esse distinctum a genito. Non autem secundum illud quod generans communicat genito, quia in hoc potius conveniunt. Ergo debet esse in genito aliquid aliud ab eo quod est sibi per generationem communicatum; et ita oportet omne genitum esse compositum, ut videtur. In divinis autem non est aliqua compositio. Ergo non potest esse genitus Deus; et sic non est ibi generatio; et ita ut prius.

4. Praeterea, nihil imperfectio est Deo attribuendum. Sed omni potentia respectu sui actus, imperfecta est, tam activa quam passiva. Ergo potentia generativa in Deo ponenda non est.

5. Sed dicit respondens, quod hoc est verum de potentia non conjuncta actu. — Sed contra, omne quod perficitur per alterum est minus perfectum eo per quod perficitur. Sed potentia conjuncta actu perficitur per actum. Ergo actus est ea perfectior; et sic etiam potentia actu conjuncta, respectu actus, imperfecta est.

6. Praeterea, natura divina est efficacior in agendo quam natura creata. Sed in creatoris invenitur natura aliqua quae non operatur per aliquam potentiam mediam sed per seipsam, sicut sol illuminat aërem et anima vivificat corpus. Ergo multo fortius divina natura non per aliquam potentiam, sed per seipsam est principium generationis; et ita in divinis non est ponenda potentia generativa.

7. Praeterea, generativa potentia aut attestatur dignitati aut indignitati. Non autem attestatur dignitati, quia sic in superioribus creaturis esset magis quam in inferioribus, scilicet in Angelis et coelestibus corporibus magis vel potiusquam in animalibus et in plantis. Ergo attestatur indignitati, et sic non est in Deo ponenda.

8. Praeterea, in rebus inferioribus duplex invenitur generativa potentia; scilicet completa ut in his quorum generatio est per sexuum commixtionem; et incompleta quae est sine sexuum commixtione ut in plantis. Cum ergo completa Deo non attribuitur, quia non potest poni in divinis sexuum commixtio, videtur quod nullo modo sit ibi potentia generativa.

9. Praeterea, sub potentia non cadit nisi possibile, cum potentia respectu possibilis dicatur. Sed generationem esse in divinis, non est possibile vel contingens, cum sit aeternum. Ergo respectu ejus, potentia in divinis dici non potest; et sic non est ibi generativa potentia.

10. Praeterea, potentia Dei cum sit infinita, non finitur

neque ad actum neque ad objectum. Sed si sit in Deo potentia generativa, ejus actus erit generatio, effectus vero filius. Ergo potentia Patris non se habebit tantum ad unum filium generandum, sed ad plures; quod est absurdum.

11. Præterea, secundum Avicennam, quando res aliqua habet aliquid tantum ab altero, ei secundum se consideratè attribuitur oppositum ejus, sicut aer qui non habet lumen nisi ab alio, secundum se consideratus est tenebrosus; et per hunc modum omnes creature, quæ habent ab alio esse, veritatem et necessitatem, secundum se consideratè, sunt non entes, falsæ et impossibiles. Sed nihil tale potest esse in divinis. Ergo non potest ibi esse aliquis qui tantum habeat esse ab altero; et ita, non potest ibi esse aliquis genitus; et per consequens nec generatio nec generativa potentia.

12. Præterea, in divinis Filius non habet aliquid nisi quod a Patre accipit; aliter sequeretur quod esset ibi compositio. Sed a patre accepit essentiam. Ergo in Filio non est nisi essentia. Si ergo est ibi generatio, vel Filius est genitus, oportebit essentiam esse genitam; quod est falsum, quia sic essentia distingueretur in divinis.

13. Præterea, si Pater generat in divinis, oportet quod ei conveniat secundum suam naturam. Sed eadem est natura in Patre et Filio et Spiritu sancto. Ergo eadem ratione et Filius et Spiritu sanctus generabunt; quod est contra fidei documenta.

14. Præterea, natura quæ perpetuo et perfecte in uno supposito invenitur, non communicatur alteri supposito. Sed natura divina perfecte invenitur in Patre, et perpetuo, cum sit incorruptibilis. Ergo alteri supposito non communicatur; et ita non est ibi generatio.

15. Præterea, generatio est species mutationis. Sed in divinis non est aliqua mutatio. Ergo nec generatio; ergo nec generativa potentia.

Contra, secundum Philosophum (in IV Metaph. text. xix) perfectum nunquodquæ est quando potest alterum tale facere quale ipsum est. Sed Deus Pater est perfectus. Ergo potest alterum talem facere qualis ipse est; et sic potest Filium generare.

Præterea, Augustinus dicit (lib. III cont. Max. cap. vii) quod si Pater generare non potuit, impotens fuit. Sed in Deo nullo modo est impotentia. Ergo potuit generare; et sic est ibi potentia generandi.

Respondeo dicendum, quod natura cujuslibet actus est, quod seipsum communicet quantum possibile est. Unde unumquodque agens agit secundum quod in actu est. Agere vero nihil aliud est quam communicare illud per quod agens est actu, secundum quod est possibile. Natura autem divina maxime et purissime actus est. Unde et ipsa seipsam communicat quantum

possibile est. Communicat autem seipsam per solam sui similitudinem creaturis, quod omnibus patet; nam quælibet creatura est ens secundum similitudinem ad ipsam. Sed fides catholica etiam alium modum communicationis ipsius ponit, prout ipsamet communicatur communicatione quasi naturali; ut sicut ille cui communicatur humanitas, est homo, ita ille cui communicatur deitas, non solum sit Deo similis, sed vere sit Deus. Oportet autem circa hoc advertere, quod natura divina a formis materialibus in duobus differt. Primo quidem per hoc quod formæ materiales non sunt subsistentes, unde humanitas in homine non est idem quod homo qui subsistit; deitas autem est idem quod Deus; unde ipsa natura divina est subsistens. Aliud est quod nulla forma vel natura creata est suum esse; sed ipsum esse Dei est ejus natura et quidditas; et inde est quod proprium nomen ipsius est: *Qui est*, ut patet Exod., iii, quia sic denominatur quasi a propria sua forma. Forma ergo in istis inferioribus, quia per se non subsistit, oportet quod in eo cui communicatur, sit aliquid aliud per quod (1) forma vel natura subsistentiam recipiat; et hæc est materia, quæ subsistit formis materialibus et naturis. Quia vero natura materialis vel forma, non est suum esse, recipit esse per hoc quod in alio suscipitur; unde secundum quod in diversis est, de necessitate habet diversum esse; unde humanitas non est una in Socrate et Platone secundum esse, quamvis sit una secundum propriam rationem. In communicatione vero quæ divina natura communicatur, quia ipsa est per se subsistens, non requiritur aliquid materiale per quod subsistentiam recipiat; unde non recipitur in aliquo quasi in materia, ut sic genitus, ex materia et forma invenitur compositus. Et quia iterum ipsa essentia est suum esse, non accipit esse per supposita in quibus est; unde per unum et idem esse est in communicante et in eo qui communicatur; et sic manet eadem secundum numerum in utroque. Hujus autem communicationis exemplum in operatione intellectus congruentissime invenitur. Nam ipsa divina natura spiritualis est, unde per exempla spiritualia melius manifestatur. Cum enim alicujus rei extra animam per se subsistentis noster intellectus concipit quidditatem, fit quedam communicatio rei quæ per se existit, prout a re exteriori intellectus noster ejus formam aliquo modo recipit; quæ quidem forma intelligibilis, in intellectu nostro existens, aliquo modo a re exteriori progreditur. Sed quia res exterior diversa a natura intelligentis est; aliud est esse formæ intellectu comprehensæ, et rei per se subsistentis. Cum vero intellectus noster sui ipsius quidditatem concipit, utrumque servatur; quia videlicet et ipsa forma intellecta ab intelligente in intellectum aliquo modo progreditur cum intellectu eam format; et unitas quedam servatur inter formam conceptam quæ pro-

(1) *Id.*, propter quod.

greditur et rem unde progreditur, quia utrumque habet intelligibile esse, nam unum est intellectus, et aliud est intelligibilis forma, quæ dicitur verbum intellectus. Quia tamen intellectus noster non est secundum suam essentiam in actu perfecto intellectualitatis, nec idem est intellectus hominis quod humana natura; sequitur quod verbum prædictum etsi sit in intellectu, et ei quodammodo conforme, non tamen sit idem quod ipsa essentia intellectus, sed ejus expressa similitudo. Nec iterum in conceptione hujusmodi formæ intelligibilis, natura humana communicatur, ut generatio proprie dici possit, quæ communicationem nature importat. Sicut autem in nostro intellectu seipsum intelligente invenitur quoddam verbum progrediens, ejus a quo progreditur similitudinem gerens; ita et in divinis invenitur verbum similitudinem ejus a quo progreditur habens. Cujus processio in duobus verbis nostri processionem superat. Primo in hoc quod verbum nostrum est diversum ab essentia intellectus, ut dictum est; intellectus vero divinus qui in perfecto actu intellectualitatis est secundum suam essentiam, non potest aliquam formam intelligibilem recipere quæ non sit sua essentia; inde verbum ejus unius essentie cum ipso est, et iterum ipsa divina natura ejus intellectualitas est; et sic communicatio quæ fit per modum intelligibilem, est etiam per modum nature, ut generatio dici possit; in quo secundo processionem verbi nostri Dei verbum excedit. Et hunc modum generati omnis Augustinus assignat (in lib. de Trinit.). Quia vero de divinis loquimur secundum modum nostrum, quem intellectus noster capit ex rebus inferioribus, ex quibus scientiam sumit; ideo sicut in rebus inferioribus, cuiuscumque attribuitur actio, attribuitur aliquod actionis principium, quod potentia nominatur; ita (1) et in divinis, quamvis in Deo non sit differentia potentie et actionis, sicut in rebus creatis. Et propter hoc, generatione in Deo posita, quæ per modum actionis significatur, oportet ibi concedere potentiam generandi, vel potentiam generativam.

Ad PRIMUM ergo dicendum, quod potentia quæ in Deo ponitur nec proprie activa nec passiva est, cum in ipso non sit nec prædicamentum actionis nec passionis, sed sua actio est sua substantia; sed ibi est potentia per modum potentie activæ significata. Nec tamen oportet quod Filius sit actus vel factus, sicut nec oportet quod proprie sit ibi actio vel passio.

Ad SECUNDUM dicendum, quod cum recipero terminetur ad habere, sicut ad finem; dupliciter dicitur aliquid esse recipiens, sicut dupliciter est habens. Habet enim uno modo materia formam suam, et subjectum accidens, vel qualitercumque habitum est extra essentiam habentis; habet autem alio modo suppositum naturam, ut hic homo humanitatem; quæ quidem

(1) *Al. deest ista.*

non est extra essentiam habentis, immo est ejus essentia. Socrates enim est vere id quod homo est. Genitus ergo in humanis etiam non recipit formam generantis sicut materia formam, vel sicut subjectum accidens, sed sicut suppositum vel hypostasis habet naturam speciei; et similiter est in divinis. Unde non oportet quod sit in Deo genito aliqua materia vel subjectum nature divine; sed quod ipse Filius subsistens sit qui naturam divinam habeat.

Ad TERTIUM dicendum, quod Deus genitus non distinguitur a Deo generante per aliquam essentiam additam, cum, sicut dictum est, in corp. art., non requiratur aliqua materia in qua recipiatur natura divina. Distinguitur autem per ipsam relationem, quæ est ab alio habere naturam, ita quod in Filio ipsa relatio filiationis tenet locum omnium principiorum individuantium in rebus creatis (propter quod dicitur proprietas personalis), ipsa autem natura divina tenet locum nature speciei. Quia tamen ipsa relatio secundum rem a natura divina non differt, non fit ibi aliqua compositio, sicut apud nos ex principio speciei et ex individuantibus quedam compositio relinquatur.

Ad QUARTUM dicendum, quod ratio illa procedit quando potentia illa ab actu differt, sive sit conjuncta actui, sive non; hoc autem non habet locum in divinis.

Et sic patet solutio ad QUINTUM.

Ad SEXTUM dicendum, quod omne illud quod est principium actionis, ut quo agitur, habet potentie rationem; sive sit essentia, sive aliquod accidens medium, puta qualitas quedam inter essentiam et actionem. In creaturis tamen corporalibus vel vix vel nunquam invenitur aliqua actio alienius nature substantialis nisi mediante aliquo accidente: sol enim mediante luce quæ in ipso est, illuminat. Quia vero anima vivificat corpus, est per essentiam anime. Sed vivificare, licet per modum actionis dicatur, non tamen est in genere actionis, cum sit actus primus magis quam secundus.

Ad SEPTIMUM dicendum, quod in creaturis non potest esse generatio sine divisione essentie vel nature secundum esse, cum natura non sit suum esse; et ideo in creatoris est generatio cum aliqua indignitate; et propter hoc in creaturis nobilioribus non competit generatio. Sed in Deo potest esse generatio hujusmodi sine hujusmodi vel alia imperfectione; et ideo nihil prohibet generationem ibi ponere.

Ad OCTAVUM dicendum, quod illa ratio procedit de generatione materiali; unde ad propositum locum non habet.

Ad NONUM dicendum, quod illud quod est obiectum potentie activæ vel passivæ ejus actio vel passio est cum motu, oportet esse possibile et contingens, cum omne mobile hujusmodi sit. Talis autem non est potentia generativa in Deo, ut dictum est; unde ratio non sequitur.

AD DECIMUM dicendum, quod Filius Dei non se habet ad potentiam generativam sicut effectus, cum eum genitum, non factum, confiteamur. Si tamen esset effectus, potentia generantis non finiretur ad ipsum, quamvis alius generari filius non possit, quia ipse infinitus est. Quod autem alius filius in divinis esse non potest, contingit, quia ipsa filio est proprietatis personalis ipsius; et hoc quo, ut ita dicam, individuat. Cuilibet autem indiviso principi individuantia sunt soli sibi; alias sequeretur quod persona vel individuum esset communicabile ratione.

AD UNDICESIMUM dicendum, quod verbum illud Avicennæ intelligendum est, quando id quod recipitur ab alio, non idem numero est in recipiente et dante, sicut accidit in creaturis respectu Dei. Unde omne receptum in creatura est quasi unitas respectu esse divini; quia creatura non potest esse recipere secundum illam perfectionem qua in Deo est. Sed Filius in divinis accipit a Patre eandem naturam numero quam Pater habet; et ideo non procedit.

AD PROPRIETATEM dicendum, quod Filius non habet aliquid realiter divinum ab essentia quam a Patre recipit; sed hoc ipso quod a Patre recipit, oportet in ipso esse relationem qua ad Patrem referatur, et per quam ab eo distinguitur. Ipsa tamen relatio realiter ab essentia non differt.

AD DECIMUM TERTIUM dicendum, quod licet eadem natura sit in Patre et Filio, est tamen secundum alium modum existendi, scilicet cum alia relatione; et ideo non oportet quod quidquid convenit Patri per naturam suam, conveniat Filio.

AD DECIMUM QUARTUM dicendum, quod creature, per hoc quod participant naturam speciei, pertingunt ad divinam similitudinem; unde quod aliquid suppositum creatum subsistat in natura creata, est ordinatum ad alterum tamquam ad finem; et ideo ex quo sufficienter pervenit ad finem per unum individuum, secundum perfectam et propriam participationem naturæ speciei, non oportet aliud individuum in illa natura subsistere. Sed natura divina est finis; et non propter aliquem finem. Fini autem congruit ut communicetur secundum omnem possibilem modum. Unde quamvis ibi in uno supposito perfecte et proprie invenitur, nihil prohibet quin etiam inveniat in alio.

AD DECIMUM QUINTUM dicendum, quod generatio est species mutationis ex parte illa qua natura per generationem communis (1) recipitur in aliqua materia, quæ est mutationis subiectum. Hoc autem non accidit in divina generatione; ideo ratio non sequitur.

(1) Forte *communiter*.

ARTICULUS II. — *Utrum potentia generativa in divinis dicatur essentialiter vel notionaliter.*

Secundo queritur, utrum potentia generativa in divinis dicatur essentialiter vel notionaliter. Et videtur quod notionaliter tantum. Potentia enim rationem principii habet, ut patet per definitiones positas V Metaph. (text. xvii). Sed principium in divinis respectu divine personæ notionaliter dicitur.

Cum ergo potentia generandi hoc modo principium importet, videtur quod notionaliter dicatur.

2. Sed dicitur, quod significat simul essentiam et notionem. Sed contra, in divinis, secundum Boetium (in lib. de Trin.), sunt hæc duo prædicamenta; substantia, ad quam pertinet essentia; et ad aliquid, ad quod pertinent notionalia. Non potest autem aliquid esse in duobus prædicamentis, quia homo albus non est aliquid unum nisi per accidens, ut habetur V Metaph. (text. vii). Ergo potentia generandi non potest in sua ratione utrumque complecti, scilicet substantiam et notionem.

3. Præterea, principium in divinis distinguitur ab eo cuius est principium. Sed essentia non debet distingui. Ergo non competit ei ratio principii; et ita potentia, quæ rationem principii includit, non significat essentiam.

4. Præterea, in divinis quod est proprium, est relativum et notionale; quod vero est commune, est essentiale et absolutum. Potentia autem generandi non est communis Patri et Filio, sed propria Patris. Ergo dicitur relative sive notionaliter, non essentialiter nec absolute.

5. Præterea propria actio est principium propria forma, non communis; sicut homo per intellectum intelligit; nam hæc actio est sibi propria respectu animalium aliorum, sicut et forma rationalitatis sive intellectualitatis. Sed generatio est propria operatio Patris in quantum est Pater. Ergo ejus principium est paternitas, quæ est propria forma Patris, et non deitas, quæ est forma communis. Paternitas vero ad aliquid dicitur. Ergo potentia generandi non solum quantum ad rationem principii, sed etiam quantum ad id quod est principium, dicitur ad aliquid.

6. Præterea, sicut potentia generandi realiter ab essentia divina non differt, ita nec etiam paternitas. Sed hoc non obstante paternitas dicitur tantum ad aliquid. Ergo nec propter hoc debet dici quod potentia generandi, cum relatione significet essentiam.

7. Præterea, in divinis tria invenimus quæ rationem principii habent, scilicet potentiam et scientiam et voluntatem, quæ essentialiter dicuntur in Deo. Sed scientia et voluntas non simul significantur cum aliqua relatione vel notione in divinis. Ergo pari ratione nec potentia; et sic non potest dici quod

potentia generandi significet simul essentiam ex parte potentiae, et notionem ex parte generationis; sed videtur quod significet tantum notionem per rationes inductas.

Sed contra est quod Magister dicit, vii dist., I Sentent., quod potentia generandi in Patre est ipsa divina essentia.

Præterea, Hilarius dicit (lib. de Synod., a med.), quod Pater generat virtute naturæ divinæ. Ergo ipsa natura est generationis principium; et sic rationem potentie habet.

Præterea, Damascenus dicit (lib. II de Fide orth., cap. XXVII), quod generatio est opus naturæ existens; et sic idem quod prius.

Præterea, in divinis est tantum una potentia. Sed potentia creandi dicitur essentialis. Ergo et potentia generandi.

Respondeo dicendum, quod circa hoc est multiplex opinio.

Quidam enim dixerunt, quod potentia generandi in divinis dicitur tantum ad aliquid; et movebantur hæc ratione: quia potentia secundum suam rationem est principium quiddam; principium autem relative dicitur et est notionale, si referatur ad divinam potentiam et non ad creaturas. Sed in hac ratione videntur fuisse decepti propter duo: primo, quia licet potentie conveniat ratio principii, quod in genere relationis, est tamen id quod est principium actionis vel passionis, non est relatio, sed aliqua forma absoluta, et id est essentia potentia, et inde est quod Philosophus ponit potentiam non in genere relationis, sed qualitatis, sicut et scientiam; quamvis utriusque aliqua relatio accidat: secundo, quia ea que in divinis important principium respectu operationis, non dicuntur notionaliter, sed solum ea que dicuntur principium respectu ejus quod est operationis terminus; principium enim quod notionaliter dicitur in divinis, est respectu personæ subsistentis; operatio autem non significatur ut subsistens; unde ea que respectu operationis rationem principii habent, non oportet in divinis notionaliter dici; alias voluntas et scientia et intellectus et omnia hujusmodi notionaliter dicerentur. Potentia autem, licet sit principium quandoque et actionis et ejus quod est per actionem productum; tamen unum accidit ei, alterum vero competit ei per se: non enim potentia activa semper, per suam actionem, aliquam rem producit que sit terminus actionis, cum sint multe operationes que non habent aliquid operatum, ut Philosophus dicit (I Ethic., cap. I, et IX Metaph., lect. xv); semper enim potentia est actionis vel operationis principium. Unde non oportet quod propter relationem principii, quam nomen potentie importat, relative dicatur in divinis. Ipsa etiam positio veritatis consona non videtur. Nam si id quod est potentia, est ipsa res que est principium actionis, oportet naturam divinam esse id quod est principium in divinis: cum enim omne agens, in quantum hujusmodi, agat simile sibi, illud est principium generationis in

generante secundum quod generans generanti similatur: homo enim virtute humane naturæ generat filium, qui sibi in natura humana similis invenitur: Deo autem Patri conformis est Deus generans in natura divina: unde natura divina est generationis principium, ut cujus virtute generat Pater, sicut Hilarius dicit, loc. cit.

Et propter hoc alii dixerunt, quod potentia generandi significet essentiam tantum. Sed illud etiam conveniens non videtur. Actio enim que fit virtute naturæ communis per aliquod sub natura communi contentum, aliquem modum accipit ex propriis illius principii; sicut actio que debetur naturæ animalis, fit in homine secundum quod competit principii speciei humanæ: unde et homo perfectius habet actum virtutis imaginativæ quam alia animalia, secundum quod competit ejus rationalitati. Similiter etiam actio hominis invenitur in hoc et in illo homine secundum quod competit principii individualibus hujus vel illius, ex quibus contingit quod unus homo clarius alio intelligit. Et ideo oportet quod si natura communis sit principium alicujus operationis que solum Patri convenit, oportet quod sit principium, secundum quod competit proprietati personali Patris. Et propter hoc in ratione potentie includitur quodammodo paternitas, etiam quantum ad id quod est generationis principium.

Et propter hoc cum aliis dicendum est, quod potentia generandi simul essentiam et notionem significat.

**AD PRIMUM** ergo dicendum, quod potentia importat rationem principii respectu operationis, que notionaliter non dicitur in divinis, ut dictum est.

**AD SECUNDUM** dicendum, quod in rebus creatis unum predicamentum accidit alteri, propter quod non potest ex duobus fieri unum, nisi unum per accidens; sed in divinis relatio est realiter ipsa essentia: et ideo non est simile.

**AD TERTIUM** dicendum, quod in rebus creatis principium generationis est duplex, scilicet generans et quo generatur: sed generans quidem per generationem distinguitur a genito, cum nulla res generet seipsam; sed id quo generans generat, non distinguitur, sed est commune utrique, ut dictum est, in corp. art. Unde non oportet naturam divinam distingui, sicut potentia generandi, cum potentia sit principium ut quo.

**AD QUARTUM** dicendum, quod ratione relationis implicitæ, potentia generandi non est communis, sed propria.

**AD QUINTUM** dicendum, quod in qualibet generatione principium generationis principaliter non est aliqua forma individualis, sed forma que pertinet ad naturam speciei. Item non oportet quod genitum similetur generanti quantum ad conditiones individuales, sed quantum ad naturam speciei. Paternitas autem non est in Patre per modum formæ speciei, sicut



humanitas in homine, sic enim in eo est divina natura; sed est in eo, ut ita dicam, sicut principium individuale, est enim proprietas personalis: et ideo non oportet quod sit generacionis principium principaliter, sed quodammodo cointellectum ratione supradicta: aliter sequeretur quod Pater per generacionem non solum deitatem, sed paternitatem communicaret; quod est inconveniens.

An sextum dicendum, quod potentia generandi est idem realiter cum natura divina ita quod natura includitur in ratione ipsius; non autem sic est de paternitate, unde non est simile.

An septimum dicendum, quod scientia vel voluntas non est principium generacionis, cum generatio sit natura, que in quantum est actionis principium, rationem potentie habet. Et ideo est quod potentia consignificatur cum eo quod est ad aliquid in divinis, non autem scientia vel voluntas.

Ad ea autem que sunt in contrarium de facili patet responsio ex predictis.

**ARTICULUS III. — Utrum potentia generativa in actu generacionis procedat per imperium voluntatis.**

Tertio queritur, utrum potentia generativa in actu generacionis procedat per imperium voluntatis. Et videtur quod sic. Hilarius enim dicit (lib. de Syn. in med.), quod non naturali ductus necessitate Pater genuit Filium. Sed si non genuit voluntate, genuit naturali necessitate; quia agens vel est voluntarium vel naturale. Ergo pater genuit Filium voluntate; et sic potentia generativa per imperium voluntatis exit in actum generandi.

2. Sed dicebat, quod Pater non genuit Filium neque voluntate precedente, neque voluntate consequente, sed concomitante. — Sed contra, videtur quod hæc ratio sit insufficientis. Cum enim quicquid est in Deo sit æternum, nihil quod est in Deo potest tempore precedere aliquid in Deo existens; et tamen invenitur quod aliquid habet ad aliud rationem principii, sicut voluntas Dei ad electionem qua eligit justos ex hoc solo quod ab intellectu procedit. Ergo quamvis voluntas generacionem Filii tempore non precedat, nihilominus, ut videtur, potest poni principium generacionis Filii ex hoc quod procedit ab intellectu.

3. Præterea, Filius procedit per actum intellectus cum procedat ut verbum: verbum enim intellectuale non est nisi cum intelligimus aliquid cogitantes, ut Augustinus dicit (IX de Trin., lib. IV, cap. vii). Sed voluntas est principium intellectualis operationis; imperat enim actum intellectus, sicut et aliarum potentiarum, ut Anselmus dicit (in lib. de Similitud., cap. ii); intelligo enim quia volo, sicut et ambulo quia volo. Ergo voluntas est principium processionis.

4. Sed dices, quod in humanis verum est quod voluntas imperat actum intellectus, non autem in divinis. — Sed contra, prædestinatio quodammodo est actus intellectus: dicimus enim, quod Deus prædestinavit Petrum quia voluit, secundum illud Rom., IX, 18: *Cujus vult miseretur et quem vult indurat*. Ergo non solum in humanis sed etiam in divinis voluntas imperat actum intellectus.

5. Præterea, secundum Philosophum (VIII Phys., text. xxxiv), quod movetur ex seipso potest moveri et non moveri; et eadem ratione quod agit ex seipso agere potest et non agere. Sed natura non potest agere et non agere, cum sit determinata ad unum. Ergo non agit ex seipso, sed quasi mota ab alio. Hoc autem in divinis esse non potest. Nulla ergo actio in divinis est a natura; et sic nec generatio. Et ita generatio est a voluntate, cum omnia agentia reducuntur in naturam vel voluntatem, ut patet II Physic. (com. XLV et XLIX.)

6. Præterea, si actio nature precedat actionem voluntatis, sequitur inconveniens, quod scilicet ratio voluntatis tollatur. Nam cum natura sit determinata ad unum, si voluntate movet, eam ad unum tantum movebit; quod est contra rationem voluntatis, que secundum quod in hujusmodi, libera est. Si vero voluntas naturam moveat, neque tollitur ratio nature neque voluntatis, quia quod se habet ad plura, nihil prohibet quod ad unum moveat. Ergo rationabiliter actio voluntatis precedit actionem nature, magis quam e converso. Sed generatio Filii est pura actio sive operatio. Ergo est a voluntate.

7. Præterea, in Psalm. cxxviii, 5, dicitur: *Dicit, et facta sunt*, quod Augustinus exponit (lib. II de Genesi ad lit., cap. vi et vii): *Id est, verbum genuit, in quo erat ut fierent*. Sic ergo processio Verbi a Patre, est ratio creature producende. Si ergo Filius non procedit a Patre per imperium voluntatis sed nature, videtur sequi quod omnes creature a Deo naturaliter et non solum voluntarie procedant, quod est erroneum.

8. Præterea, Hilarius dicit in libro de Synodis (circa med.): *Si quis nolente Patre naturam dicat Filium, anathema sit*. Non ergo Pater genuit Filium involuntarie; et sic idem quod prius.

8. Præterea, Joan., iii, 35, dicitur: *Pater diligit Filium, et omnia dedit in manus suas*, quod secundum unam Glossam exponitur de datione generacionis æternæ. Dilectio ergo Patris ad Filium est signum potius quam ratio generacionis æternæ. Sed dilectio est a voluntate. Ergo voluntas est principium generacionis Filii.

10. Præterea, Dionysius (in libro de divin. Nom., cap. iv) dicit, quod divinus amor non permittit ipsum sine germine esse. Ex quo etiam videtur idem, scilicet quod amor sit ratio generacionis.

11. Præterea, positio ad quam non sequitur aliquid incon-

veniens sive error, potest poni in divinis. Sed si ponatur quod Pater genuerit Filium voluntate, non sequitur aliquod inconveniens: neque enim sequitur quod Filius non sit æternus, ut videtur; neque quod non sit consubstantialis aut æqualis Patri; quia Spiritus sanctus, qui procedit per modum voluntatis, coæternus est, coequalis et consubstantialis Patri et Filio. Ergo videtur quod non sit erroneum dicere, quod Pater genuit Filium voluntate.

12. Præterea, voluntas quælibet non potest non velle sum ultimum finem. Sed finis divine voluntatis est communicatio suæ bonitatis, quæ maxime fit per generationem. Ergo voluntas Patris non potest non velle generationem Filii: voluntate ergo genuit Filium.

13. Præterea, humana generatio à divina extrahitur, secundum illud Ephes., iii, 15: *Ex quo omnis paternitas in celo et in terra nominatur*. Sed humana generatio subjacet imperio voluntatis: aliter in acta generationis peccatum non esset. Ergo etiam divina; et sic idem quod prius.

14. Præterea, omnis actio nature immutabilis est necessaria. Sed natura divina omnino est immutabilis. Si ergo generatio sit operatio nature et non voluntatis, sequitur quod sit necessaria, et ita quod Pater genuit Filium necessitate: quod est contra Augustinum (ad Orosium, cap. vii).

15. Præterea, Augustinus dicit (XV de Trinit., cap. xx), quod Filius est consilium de consilio et voluntas de voluntate. Sed hæc præpositio *de* denotat principium. Ergo voluntas est principium generationis Filii, et sic idem quod prius.

Sed contra est quod Augustinus dicit in libro ad Orosium: *Pater neque voluntate neque necessitate genuit Filium*.

Præterea, summa diffusio voluntatis est per modum amoris. Filius autem non procedit per modum amoris, sed potius Spiritus sanctus. Ergo voluntas non est principium generationis Filii.

Præterea, Filius procedit à Patre ut splendor à luce, secundum illud Hebr., i, 3: *Qui cum sit splendor gloriæ et figura substantiæ ejus*. Sed splendor non procedit à luce voluntate mediante. Ergo nec Filius à Patre.

Respondendo dicendum, quod generatio Filii potest se habere ad voluntatem ut voluntatis obiectum; Pater enim et Filium vult et Filii generationem ab æterno; nullo autem modo voluntas esse potest divine generationis principium: quod sic patet. Voluntas, inquantum voluntas, cum sit libera, ad utrumlibet se habet. Potest enim voluntas agere vel non agere, sic vel sic facere, velle et non velle. Et si respectu alicujus hoc voluntati non conveniat, hoc accidit voluntati non inquantum voluntas est, sed ex inclinatione naturali quam habet ad aliquid, sicut ad finem ultimum, quem non potest non velle; sicut voluntas humana non potest non velle beatitudinem, nec potest

velle miseriam. Ex quo patet quod omne illud cuius voluntas est principium, quantum in se est, possibile est esse vel non esse, et esse tale vel tale, et tunc vel nunc. Omne autem illud quod sic se habet, est creatum: quia in eo quod increatum est, non est potestas ad esse vel non esse. Sed per se necesse est esse, ut Avicenna probat VIII Metaph., cap. iv). Si ergo ponitur Filius voluntate genitus, necessario sequitur ipsum esse creaturam. Et propter hoc Ariani qui ponebant Filium creaturam, dicebant eum esse genitum voluntate. Catholici autem dicunt Filium non natum voluntate, sed natura. Natura enim ad unum determinata est. Et secundum hoc ex hoc quod Filius est a Patre genitus natura, oportet quod ipse non possit esse non genitus, et quod non possit esse alio modo quam est, aut Patri non consubstantialis; cum quod naturaliter procedat, procedat in similitudinem ejus a quo procedit. Et hoc est quod Hilarius dicit (in lib. de Syn., post med.): *Omnibus creatoris substantiæ Dei voluntas attribuit; sed naturam. Filio dedit perfecta naturam*; et ideo talia sunt cuncta qualia Deus esse vult; Filius autem talis est qualis est Deus. Sicut autem dictum est, voluntas licet respectu aliorum ad utrumlibet se habeat, tamen respectu finis ultimi naturalem inclinationem habet; et similiter intellectus respectu cognitionis principiorum primorum naturalem quemdam motum habet. Principium autem divine cognitionis est ipse Deus qui est finis suæ voluntatis; unde illud quod procedit in Deo per actum intellectus cognoscentis seipsum realiter procedit; et similiter quod procedit per actum voluntatis diligentis seipsam. Et propter hoc cum Filius procedat ut verbum per actum intellectus divini, inquantum Pater cognoscit seipsum, et Spiritus sanctus per actum voluntatis inquantum Pater diligit Filium; sequitur quod tam Filius quam Spiritus sanctus naturaliter procedant; et ex hoc ulterius quod sunt consubstantiales et coequalis et coeterni Patri et sibi invicem.

Ad primum ergo dicendum, quod Hilarius loquitur de necessitate quæ importat violentiam: quod patet per hoc quod subdit: *Non naturali necessitate ductus, cum vellet generare Filium*.

Ad secundum dicendum, quod respectu nullius rei est in Deo voluntas antecedens; quia quidquid aliquando Deus vult, ad æterno voluit. Concomitans vero est respectu omnium bonorum quæ sunt tam in ipso quam in creaturis: vult enim se esse et creaturam esse. Sed præcedens vel antecedens tempore quidem non est nisi respectu creaturæ, quæ ad æterno non fuit; præcedens vero intellectus est respectu actuum æternorum qui significantur ad creaturas terminari; sicut dispositio, prædestinatio et hujusmodi. Generatio vero Filii neque est creatura, neque ad creaturam significatur terminari. Unde respectu ejus non est voluntas præcedens nec tempore neque intellectu, sed solum voluntas concomitans.

AD TERTIUM dicendum, quod sicut actus intellectus videtur sequi actum voluntatis, in quantum a voluntate imperatur; ita e converso actus voluntatis videtur sequi actum intellectus, in quantum per intellectum presentatur voluntati suum objectum, quod est bonum intellectum. Unde esset procedere in infinitum, nisi esset ponere statum vel in actu intellectus vel in actu voluntatis. Non autem potest status poni in actu voluntatis, cum objectum presupponatur ad actum; unde oportet ponere statum in actu intellectus, qui naturaliter intellectum consequitur; ita quod a voluntate non imperatur. Et per hunc modum procedit Filius Dei ut verbum, secundum actum intellectus divini, ut ex dictis in corp. art., patet.

AD QUARTUM dicendum, quod actus intellectus divini naturalis est secundum quod ad ipsum Deum terminatur, qui est principium suae cognitionis; secundum vero quod significatur ad creaturas terminari, ad quas sic se habet quodammodo ut intellectus noster ad conclusiones, non naturaliter ab intellectu progreditur, sed voluntarie; et ideo in divinis aliqui actus intellectus significantur ut imperati a voluntate.

AD QUINTUM dicendum, quod quoad ea ad quae natura potest se extendere secundum propria principia essentialia, non indiget ut ab alio determinetur, sed ad ea tantum ad quae propria principia non sufficiunt. Unde Philosophi non sunt ducti ut ponerent opus naturae, opus intelligentiae, ex operibus quae competunt calido et frigido secundum seipsa; quia in has, etiam ponentes res naturales ex necessitate materiae accidere, omnia naturae opera reducebant. Ducti sunt autem ex illis operationibus ad quas non possunt sufficere virtus calidi et frigidi et huiusmodi qualitatium; sicut ex membris ordinatis in corpore animalis tali modo quod natura salvatur. Quia ergo naturae divinae secundum se opus est generatio; non oportet quod ad hanc actionem ab aliqua voluntate determinetur. — Vel dicendum, quod natura determinatur ab aliquo, ut in finem. Illi autem naturae quae est finis, et non ad finem, non competit ab aliquo determinari.

AD SEXTUM dicendum, quod in diversis considerando, actio voluntatis actionem naturae praecedat. Unde totius naturae inferioris actio ex voluntate gubernantis procedit. Sed in eodem oportet quod actio naturae praecedat actionem voluntatis. Natura enim secundum intellectum praecedat voluntatem, cum natura intelligatur esse principium quo res subsistit, voluntas vero ultimum quo ad finem ordinatur. Nec tamen sequitur quod tollatur ratio voluntatis. Quamvis enim ad inclinationem naturae voluntas ad aliquid unum determinetur, quod est ultimus finis a natura intentus, respectu tamen aliorum indeterminata manet; sicut patet in homine, qui naturaliter vult beatitudinem et de necessitate, non autem alia. Sic ergo in Deo naturae actio actionem voluntatis praecedat natura et intellectui; nam generatio

Filius est ratio omnium eorum quae per voluntatem producuntur, scilicet creaturarum.

AD SEPTIMUM dicendum, quod licet in Verbo Dei a Patre genito fuerit ut omnes creaturae fierent, non tamen oportet, si Verbum naturaliter procedit, quod creaturae etiam naturaliter procedant; sicut nec sequitur, si intellectus noster principia naturaliter cognoscit, quod naturaliter cognoscat ea quae ex principis consequuntur; eo enim quod naturaliter habemus, voluntas utitur ad utramque partem.

AD OCTAVUM dicendum, quod Pater voluntarie genuit; sed in hoc non designatur nisi voluntas concomitans.

AD NONUM dicendum, quod si verbum illud de generatione aeterna intelligatur, dilectio Patris ad Filium non est intelligenda ut ratio illius dationis qua Pater Filio aeternaliter omnia dat, ut signum. Similitudo enim ratio est amoris.

AD DECIMUM dicendum, quod Dionysius loquitur de productione creaturae, non de generatione Filii.

AD UNDECIMUM dicendum, quod Spiritus sanctus procedere dicitur per modum voluntatis, quia procedit per actum qui naturaliter est a voluntate, scilicet per hoc quod Pater amat Filium, et e converso. Ipse enim amor est Spiritus sanctus, sicut Filius est Verbum quo Pater dixit seipsum.

AD DUODECIMUM dicendum, quod ex illa etiam ratione non sequitur nisi quod Pater generationem Filii velit; quod pertinet ad voluntatem concomitantem, quae respicit generationem sicut objectum, non sicut id cuius sit principium.

AD DECIMUMTERTIUM dicendum, quod humana generatio fit per virtutem naturalem, scilicet generativam potentiam, mediante potentia motiva, quae imperio subjacet voluntatis, non autem generativa potentia. Hoc autem non accidit in divinis; et ideo non est simile.

AD DECIMUMQUARTUM dicendum, quod Augustinus non intendit negare necessitatem immutabilitatis, de qua ratio procedit; sed necessitatem coactionis.

AD DECIMUMQUINTUM dicendum, quod cum dicitur Filius esse voluntas de voluntate, intelligitur esse de Patre, qui est voluntas. Unde haec propositio de notat generationis principium, quod est generans, non id quo generatur, de quo est praesens questio.

#### ARTICULUS IV. — *Utrum in divinis possint esse plures Filii.*

Quarto quaeritur, utrum in divinis possint esse plures Filii. Et videtur quod sic. Operatio enim naturae quae convenit uni supposito, convenit etiam omnibus suppositis ejusdem naturae. Sed generatio, secundum Damascenum (lib. II, cap. xxvii), est opus naturae, et convenit Patri. Ergo etiam Filio et Spiritui sancto qui sunt supposita ejusdem naturae. Sed Filius non

generat seipsum : nam, secundum Augustinum, nulla res potest generare seipsam. Ergo generat alium filium, et sic in divinis possunt esse plures Filii.

2. Præterea, totam virtutem suam Pater in Filium transfundit. Sed potentia generandi pertinet ad virtutem Patris. Ergo hujusmodi potentiam habet Filius a Patre; et sic idem quod prius.

3. Præterea, Filius est perfecta imago Patris, ad quod requiritur perfecta assimilatio; quæ non esset si Filius non quantum ad omnia Patrem imitaretur. Ergo sicut Pater Filium generat, ita et Filius; et sic idem quod prius.

4. Præterea, perfectior est assimilatio ad Deum secundum conformitatem actionis quam secundum conformitatem alicujus forme, ut patet per Dionysium (in cap. celest. Hierar.); sicut soli magis assimilatur quod lucet et illuminat quam quod lucet tantum. Sed Filius perfectissime assimilatur Patri. Ergo est ei conformis non solum in potentia, sed etiam in actu generandi; et sic idem quod prius.

5. Præterea, ex hoc contingit quod Deus facta una creatura potest facere aliam, quia ejus potentia neque exhaustur nec diminuitur in creando. Sed similiter potentia Patris neque exhaustur neque diminuitur ex hoc quod generat Filium. Ergo per hoc quod generat Filium, non prohibetur quin possit alium filium generare; et sic possunt esse plures filii in divinis.

6. Sed dices, quod ideo non generat alium filium, quia sequeretur inconveniens quod Augustinus ponit, scilicet quod infinita esset divina generatio, si Pater plures filios generaret, vel Filius Patri generaret nepotem, et sic de aliis. Sed contra, in Deo nihil est in potentia quod non sit in actu: esset enim imperfectus. Si ergo est in potentia Patris quod plures filios generet, nullo inconvenienti prohibente, erunt plures filii in divinis.

7. Præterea, de natura geniti est ut procedat in similitudinem generantis. Sed sicut Filius est similis Patri, ita et Spiritus sanctus; et ita Spiritus sanctus est filius, et sic sunt plures filii in divinis.

8. Præterea, secundum Anselmum (in Monolog., cap. XXXII), nihil est aliud dicere Patrem Filium generare, quam Patrem dicere seipsum. Sed sicut Pater potest dicere seipsum, ita et Filius et Spiritus sanctus. Ergo Pater et Filius et Spiritus sanctus possunt filios generare; et sic idem quod supra.

9. Præterea, ex hoc dicitur Filium generare, quod similitudinem suam in intellectu suo concipit. Sed hoc idem possunt facere Filius et Spiritus sanctus. Ergo idem quod prius.

10. Præterea, potentia est mediâ inter essentiam et operationem. Sed una est essentia Patris et Filii, eademque potentia. Ergo et una operatio; et sic Filio convenit generare; et ita ut prius.

11. Præterea, bonitas est diffusionis principium. Sed sicut est infinita bonitas in Patre et Filio, ita etiam in Spiritu sancto. Ergo sicut Pater infinita communicatione suam naturam communicat, Filium generando, ita Spiritus sanctus aliquam divinam personam producendo; non enim infinite communicatur divina bonitas creature; et sic videtur quod possint esse plures filii in divinis.

12. Præterea, nullius boni sine consortio potest esse jucunda possessio. Sed filiatio est quoddam bonum in Filio. Ergo videtur oportere ad perfectam jucunditatem Filii, esse alium filium in divinis.

13. Præterea, Filius procedit a Patre ut splendor a luce, ut patet Hebr., 1, 3: *Qui cum sit splendor gloria, et figura substantiæ ejus.* Sed splendor potest alium splendorem producere, et ille alium, et alius alium. Ergo similiter videtur esse in processione divinarum personarum, quod Filius possit alium filium generare; et sic idem ut prius.

14. Præterea, paternitas in Patre ad ejus dignitatem pertinet. Sed eadem est dignitas Patris et Filii. Ergo paternitas convenit Filio; et sic sunt plures filii in divinis.

15. Præterea, ejus est potentia cujus est actus. Sed potentia generandi est in Filio. Ergo Filius generat.

Sed contra, illa sunt perfectissima in creaturis quæ ex tota materia sua constant, et sunt eorum in singulis speciebus singula tantum. Sed sicut creature materiales individuuantur per materiam, ita Filii persona constituitur filiatione. Ergo cum Deus Filius sit perfectus filius, videtur quod in ipso solo in divinis filiatio inveniatur.

Præterea, Augustinus dicit (lib. III contra Maxim., cap. VII, XVIII, et XXIII), quod si Pater posset generare et non generaret, invidus esset. Sed Filius non est invidus. Ergo cum non generet, generare non potest. Et sic non possunt esse plures filii in divinis.

Præterea, quod perfecte dictum est semel, iterum dici non oportet. Sed Filius est verbum perfectum, cui nihil deest, secundum Augustinum (lib. VI de Trin., cap. X, et lib. VII, cap. II). Ergo non oportet esse plura verba in divinis, et ita nec plures filios.

Respondeo dicendum, quod in divinis impossibile est esse plures filios; quod sic patet. Personæ namque divine cum in omnibus absolutis conveniant, utpote sibi invicem essentialiter, distingu non possunt nisi secundum relationes, nec secundum alias nisi secundum relationes originis. Nam aliarum relationum quadam distinctionem presupponunt, ut æqualitas et similitudo; quadam vero inæqualitatem designant, ut dominus et servus, et alia hujusmodi. Relationes vero originis ex sui ratione conformitatem important: quia quod oritur ex

alio, ejus similitudinem retinet inquantum hujusmodi. Non est igitur aliquid in divinis quo Filius distinguatur ab aliis personis nisi sola relatio filiationis, quæ est ejus personalis proprietas, et qua Filius non solum est Filius, sed est hoc suppositum vel hæc persona. Impossibile autem est quod illud quo aliquid suppositum est hoc in pluribus inveniri; quia sic suppositum ipsa esset communicabile; quod est contra rationem individui, suppositi, vel persone. Unde nullo modo potest esse alius Filius in divinis quo unus. Non enim potest dici, quod una filio constituat hunc filium et alia alium; quia cum filiationes ratione non differant, oporteret quod si materia vel quædamque supposito distinguerentur, esset in divinis materia, aut aliquid aliud distinguens quam relatio. Potest autem et alia ratio specialis assignari, quare Pater tantum unum filium gignere possit. Natura enim ad unum determinatur; unde cum Pater natura generet filium, non potest esse nisi unus filius a Patre genitus. Nec potest dici, quod sint plures numero in eadem specie existentes, sicut apud nos accidit; cum ibi non sit materia, quæ est principium distinctionis secundum numerum in eadem specie.

AD PRIMUM ergo dicendum, quod generatio quamvis in Patre sit quodammodo opus nature divine, est tamen ejus cum quadam concomitantia personalis proprietatis Patris, ut supra, art. 2, dictum est; unde non oportet quod conveniat Filio, in quo natura divina sine tali proprietate invenitur.

AD SECUNDUM dicendum, quod Pater totam virtutem suam communicat Filio, quæ naturam divinam sequitur absolute. Potentia vero generandi sequitur naturam divinam cum adjunctione proprietatis Patris, ut dictum est.

AD TERTIUM dicendum, quod imago assimilatur ei cujus est imago quantum ad speciem, non quantum ad relationem. Non enim oportet quod si imago est ab aliquo, quod id cujus est imago, sit ab alio; quia nec similitudo proprie secundum relationem attenditur, sed secundum formam.

AD QUARTUM dicendum, quod sicut Filius assimilatur Patri in natura divina, non in proprietate personali; ita et assimilatur ei in actione que concomitatur naturam, sine concomitantia proprietatis predictæ. Talis autem actio non est generatio; unde ratio non sequitur.

AD QUINTUM dicendum, quod licet potentia generativa Patris non exhaustur neque minuat per generationem Filii; tamen ejus infinitatem adæquat Filius, qui est intellectus infinitus, non autem creatura finita; unde non est simile.

AD SIXTUM dicendum, quod in ratione docente ad inconveniens non oportet quod sola inconvenientis vitatio sit causa removenda positionis ex qua inconveniens sequitur, sed etiam causæ manifestationis inconvenientis; unde non oportet quod

propter hoc solum non sint plures filii in divinis, ne sit generatio infinita.

AD SEPTIMUM dicendum, quod Spiritus sanctus procedit per modum amoris. Amor autem non significat aliquid figuratum vel specificatum specie amantis vel amati, sicut verbum significat speciem dicentis et ejus quod dicitur habens; et ideo cum Filius procedat per modum verbi, ex ipsa ratione suæ processionis habet ut procedat in similem speciem generantis, et sic quod sit Filius, et ejus processio generatio dicitur. Non autem Spiritus sanctus hoc habet rationem suæ processionis, sed magis ex proprietate divine nature: quia in Deo non potest esse aliquid quod non sit Deus; et sic ipse amor divinus, Deus est inquantum quidem divinus, non inquantum amor.

AD OCTAVUM dicendum, quod hoc verbum *dicere* potest accipi dupliciter; stricte et large; stricte accipiendo *dicere*, idem est quod verbum a se emittere; et sic est notionale, et convenit tantum Patri; et sic accipit *dicere* Augustinus; unde ponit in principio VI. de Trinit. (lib. VII, non prociat a princ.), quod solus Pater dicit se. Alio modo potest accipi communiter, prout *dicere* idem est quod intelligere; et hoc modo Anselmus accipit in Monologio (cap. LX), ubi dicit, quod Pater et Filius et Spiritus sanctus dicunt se.

AD NONUM dicendum, quod sicut generare soli Patri convenit in divinis, ita et concipere; unde solus Pater suam similitudinem concepit in intellectu, quamvis Filius et Spiritus sanctus intelligant; quia in intelligendo nulla relatio exprimitur, nisi forte secundum modum intelligendi tantum; sed in generando et in concipiendo exprimitur realis origo.

AD DECIMUM dicendum, quod ratio illa recte procedit de actione que consequitur naturam absolute sine aliquo respectu ad proprietatem; talis autem non est generatio; unde ratio non sequitur.

AD UNDECIMUM dicendum, quod in divinis non potest esse nisi spiritalis processio, quæ quidem est solum secundum intellectum et voluntatem; et ideo non potest a Spiritu sancto alia persona divina procedere; quia ipse procedit per modum voluntatis ut amor, Filius per modum intellectus ut verbum.

AD DUODECIMUM dicendum, quod proprietas personalis oportet ut sit incommunicabilis, ut supra dictum est; unde in ea consortium fieri non requiritur iuncturas.

AD DECIMUMTERTIUM dicendum, quod illa similitudo non oportet quod teneat quantum ad omnia.

AD DECIMUMQUARTUM dicendum, quod sicut paternitas in Patre et filio in Filio sunt una essentia; ita et sunt una dignitas et una bonitas.

AD DECIMUMQUINTUM dicendum, quod cum dicitur potentia generandi, hoc gerundium *generandi* tripliciter potest accipi.

Uno modo prout est gerundium verbi activi; et sic ille habet potentiam generandi qui habet potentiam ad hoc quod generet. Alio modo prout gerundium est verbi passivi; et sic ille habet generandi potentiam qui habet potentiam ad hoc ut generetur. Tertio modo prout est gerundium verbi impersonalis; et sic dicitur ille habere potentiam generandi qui habet potentiam illam qua ab alio generatur. Primo ergo modo potentia generandi non convenit Filio, sed secundo et tertio; unde ratio non sequitur.

ARTICULUS V. — *Utrum potentia generandi sub omnipotentia comprehendatur.*

Quinto quaeritur, utrum potentia generandi sub omnipotentia comprehendatur. Et videtur quod non. Omnipotentia enim convenit Filio, secundum illud symboli: *Omnipotens Pater, omnipotens Filius, omnipotens Spiritus sanctus*. Non autem convenit ei potentia generandi. Ergo sub omnipotentia non comprehenditur.

2. Præterea, Augustinus dicit (Enclir., cap. xcvi), quod Deus dicitur omnipotens, quia potest omnia quæ vult. Ex quo videtur quod potentia illa ad omnipotentiam pertineat quæ a voluntate imperatur. Potentia autem generandi non est huiusmodi; quia Pater non genuit Filium voluntate, ut supra, art. iii, habitum est. Ergo potentia generandi ad omnipotentiam non pertinet.

3. Præterea, omnipotentia Deo attribuitur, in quantum ejus omnipotentia ad omnia quæ sunt in se possibilia se extendit. Sed generatio Filii vel ipse Filius non est de possibilibus, sed de necessariis. Ergo potentia generandi sub omnipotentia non comprehenditur.

4. Præterea, quod convenit pluribus communiter, convenit eis secundum aliquid eis commune, sicut habere tres, æqualiteri et gradato, secundum hoc quod triangulus sunt. Ergo quod convenit alicui soli, convenit ei secundum hoc quod sibi est proprium. Omnipotentia autem non est propria Patris. Cum ergo potentia generandi soli Patri conveniat in divinis, non convenit ei in quantum est omnipotens; et ita ad omnipotentiam non pertinebit.

5. Præterea, sicut est una essentia Patris et Filii, ita et una omnipotentia. Sed ad omnipotentiam Filii non reducitur posse generare. Ergo nec ad omnipotentiam Patris; et sic nullo modo potentia generandi ad omnipotentiam pertinet.

6. Præterea, ea quæ non sunt unius rationis, sub una distributione non cadunt; non enim cum dicitur una *omnis canis*, distributio sumitur pro laterali et coelesti. Sed generatio Filii et productio aliorum quæ omnipotentia subjacent, non sunt unius rationis. Ergo cum dicitur: Deus est omnipotens, non includitur ibi potentia generandi.

7. Præterea, illud ad quod omnipotentia se extendit, est omnipotentia subjectum. Sed in divinis nihil est subjectum, ut Hieronymus dicit (Damascenus, lib. IV, cap. xix, a medio, et lib. III, cap. xxi). Ergo nec generatio Filii nec Filius omnipotentia subditur; et sic idem quod prius.

8. Præterea, secundum Philosophum (V Phys., lib. I, com. xviii et præced.) relatio non potest esse terminus motus per se, et per consequens nec actionis; et ita nec potentia objectum, quæ dicitur respectu actionis. Sed generatio et Filius in divinis relative dicuntur. Ergo Dei potentia ad ea se non extendit; et sic posse generare non includitur in omnipotentia.

Sed contra est quod Augustinus dicit (contra Maxim., lib. III, cap. vii, in fine, et cap. xviii, et xxv, a medio): *Si Pater non potest generare Filium sibi æqualem, ubi est ejus omnipotentia?* Ergo omnipotentia ad generationem se extendit.

Præterea, omnipotentia in Deo dicitur non solum respectu actuum exteriorum, ut creare, gubernare et huiusmodi, qui ad effectus exterius terminari significantur; sed etiam respectu actuum interiorum; ut intelligere et velle. Si quis enim Deum non posse intelligere diceret, ejus omnipotentia derogaret. Sed Filius procedit ut verbum per actum intellectus. Ergo respectu generationis Filii omnipotentia Dei intelligitur.

Præterea, majus est generare Filium quam creare cælum et terram. Sed posse creare cælum et terram est omnipotentia. Ergo multo magis posse Filium generare.

Præterea, in quolibet genere est unum principium ad quod omnia quæ sunt illius generis, reducuntur. In genere autem potentiarum principium est omnipotentia. Ergo omnis potentia ad omnipotentiam reducitur; ergo et potentia generandi vel confinetur sub omnipotentia, vel in genere potentiarum erunt duo principia, quod est impossibile.

Respondeo dicendum, quod potentia generandi pertinet ad omnipotentiam Patris, non autem ad omnipotentiam simpliciter; quod sic patet. Cum enim potentia in essentia radicari intelligatur, et sit principium actionis, oportet idem esse iudicium de potentia et actione quod est de essentia. In essentia autem divina hoc considerandum est, quod propter ejus summam simplicitatem quidquid est in Deo, est divina essentia; unde et ipsæ relationes quibus persone ad invicem distinguuntur, sunt ipsa divina essentia secundum rem. Et quamvis una et eadem essentia sit communis tribus personis, non tamen relatio unius personæ communis est tribus, propter oppositionem relationum ad invicem. Ipsa enim paternitas est divina essentia, nec tamen paternitas Filii inest, propter oppositionem paternitatis et filiationis. Unde potest dici, quod paternitas est divina essentia prout est in Patre non prout est in Filio; non enim eodem modo est in Patre et Filio, sed in Filio ut ab altero

accepta, in Patre autem non. Nec tamen sequitur quod quamvis paternitatem Filius non habeat quam Pater habet, aliquid habeat Pater quod non habet Filius: nam ipsa relatio secundum rationem sui generis, in quantum est relatio, non habet quod sit aliquid, sed solum quod sit ad aliquid. Quod sit vero aliquid secundum rem, habet ex illa parte qua inest, vel ut idem secundum rem, ut in divinis, vel ut habens causam in subjecto, sicut in creaturis. Unde cum id quod est absolutum, communiter sit in Patre et Filio, non distinguuntur secundum aliquid, sed secundum ad aliquid tantum; unde non potest dici quod aliquid habet Pater quod non habet Filius: sed quod aliquid secundum unam respectum convenit Patri, et secundum alium aliquid Filio. Similiter ergo dicendum est de actione et potentia. Nam generatio significat actionem cum aliquo respectu, et potentia generandi significat potentiam cum respectu; unde ipsa generatio est Dei actio, sed prout est Patris tantum; et similiter ipsa potentia generandi est Dei omnipotentia, sed prout est Patris tantum. Nec tamen sequitur quod aliquid possit Pater quod non possit Filius. Sed omnia quaecumque potest Pater, potest Filius, quamvis generare non possit: nam generare ad aliquid dicitur.

Ad primum ergo dicendum, quod posse generare, ad omnipotentiam pertinet, sed non prout est in Filio, ut dictum est, in corp. art.

Ad secundum dicendum, quod Augustinus non intendit ostendere totam rationem omnipotentiae in verbis illis, sed quoddam omnipotentiae signum. Nec loquitur de omnipotentia nisi secundum quod ad creaturas se extendit.

Ad tertium dicendum, quod possibile ad quod omnipotentia se extendit, non est accipiendum solum pro contingenti: quia et necessaria sunt per divinam potentiam ad esse producta: et sic nihil prohibet generationem Filii computari inter possibilia divinae potentiae.

Ad quartum dicendum, quod licet omnipotentia absolute considerata non sit propria Patris, tamen prout intelligitur ei determinatus modus existendi sive determinata relatio, propria fit Patri: sicut hoc quod dicitur Deus Pater, Patri proprium est, quamvis Deus sit tribus commune.

Ad quintum dicendum, quod sicut una et eadem est essentia trium personarum, non tamen sub eadem relatione, vel secundum eundem modum existendi est in tribus personis: ita est et de omnipotentia.

Ad sextum dicendum, quod generatio Filii et productio creaturarum non sunt unius rationis secundum univocationem, sed secundum analogiam tantum. Dicit enim Basilium (hom. de Fide xv), quod accipere Filius habet commune cum omni creatura; et rationem hujus dicitur primogenitus omnis creaturae;

Col. i, et hac ratione potest ejus generatio productionibus creaturis communicari sub una distributione.

Ad septimum dicendum, quod generatio Filii est subjecta omnipotentiae, non hoc modo quo subjectum inferioritatem designat, sed hoc modo quo designat solummodo potentiae objectum.

Ad octavum dicendum, quod generatio Filii significat relationem per modum actionis, et Filius per modum hypostasis subsistentis; et ideo nihil prohibet quoniam respectu horum omnipotentia dicatur.

Aliae vero rationes non concludunt, nisi quod posse generare ad omnipotentiam Patris pertinet.

ARTICULUS VI. — *Utrum potentia generandi et potentia creandi sint idem.*

Sexto quaeritur, utrum potentia generandi et potentia creandi sint idem. Et videtur quod non. Generatio enim est operatio vel opus naturae, sicut Damascenus dicit (lib. II, cap. xxvii); creatio vero est opus voluntatis, ut patet per Hilarium in libro de Synod. Sed voluntas et natura non sunt idem principium, sed ex opposito dividuntur, ut patet II Phys. (com. xlv et xlix). Ergo potentia generandi et potentia creandi non sunt idem.

2. Praeterea, potentiae distinguuntur per actus, ut habetur II de Anima (com. xxxiii). Sed generatio et creatio sunt actus multum differentes. Ergo et potentia generandi et potentia creandi non sunt una potentia.

3. Praeterea, minor multitudo est eorum quae in aliquo univocantur, quam eorum quae habent idem esse. Sed potentia generandi et potentia creandi in nullo univocantur; sicut nec generatio et creatio (1) nec Filius et creatura. Ergo potentia generandi et potentia creandi non sunt idem secundum esse.

4. Praeterea, inter ea quae sunt idem, non cadit ordo. Sed potentia creandi est prior quam potentia generandi secundum intellectum, sicut essentialiter notionali. Ergo praedictae potentiae non sunt idem.

Sed contra, in Deo non differt potentia et essentia. Sed una tantum est divina essentia. Ergo et una tantum potentia. Non ergo praedictae potentiae distinguuntur.

Praeterea, Deus non facit per plura quod potest facere per unum. Sed per unam potentiam Deus potest generare et creare, praecipue cum generatio Filii sit ratio productionis creaturae: secundum illam Augustini expositionem (lib. II de Genesi ad lit., cap. vi et vii): *Dicit, et facta sunt; id est, verbum genuit, in quo erat ut fierent.* Ergo una tantum potentia est generandi et creandi.

(1) *Id est, nec creatio.*

Respondeo dicendum, quod, sicut supra, art. præc., dictum est, ea quæ de potentia dicuntur in divinis, considerata sunt ex ipsa essentia. In divinis autem licet una relatio ad altera distinguatur realiter propter oppositionem relationum, quæ reales in Deo sunt; ipsa tamen relatio non est aliud secundum rem quam ipsa essentia, sed solum ratione differens: nam relatio ad essentiam oppositionem non habet. Et ideo non est concedendum quod aliquid absolutum in divinis multiplicetur, sicut quidam dicunt, quod in divinis est duplex esse, essentiale et personale. Omne enim esse in divinis essentiale est, nec persona est nisi per esse essentia. In potentia vero, præter id quod est ipsa potentia, consideratur respectus quidam vel ordo ad id quod potentie subjacet. Si ergo potentia quæ est respectu actus essentialis, sicut potentia intelligendi vel creandi, comparatur ad potentiam quæ est respectu actus notionalis (cujusmodi est potentia generandi) secundum id quod est ipsa potentia, invenitur una et eadem potentia, sicut est unum et idem esse nature et persone. Sed tamen utrique potentie coincelligitur (1) alius et alius respectus, secundum diversos actus ad quos potentia dicuntur. Sic ergo potentia generandi et creandi est una et eadem potentia, si consideretur id quod est potentia; differant tamen secundum diversos respectus ad actus diversos.

Ad primum ergo dicendum, quod licet in creaturis differant natura et propositum, in divinis tamen sunt idem secundum rem. Vel potest dici, quod potentia creandi non nominat propositum sive voluntatem, sed potentiam prout a voluntate imperatur. Potentia autem generandi, secundum quod natura inclinatur, agit. Hoc autem non facit diversitatem potentie, nam nihil prohibet aliquam potentiam ad aliquem actum imperari a voluntate et ad alium inclinari a natura. Sicut intellectus noster ad credendum inclinatur a voluntate, ad intelligendum prima principia ducitur ex natura.

Ad secundum dicendum, quod quanto aliqua potentia est superior, tanto ad plura se extendit, unde minus est distinguibilis per diversitatem obsectorum; sicut imaginatio una potentia est respectu omnium sensibilibus, respectu quorum sensus proprii distinguuntur. Divina autem potentia est summe elevata: unde differentia actuum in ipsa potentia, quantum ad id quod est, diversitatem non inducit, sed secundum unam potentiam Deus omnia potest.

Ad tertium dicendum, quod potentia generandi et potentia creandi quantum ad ipsam (ut ita loquar) potentie substantiam, non solum univocantur, sed sunt unum. Sed quod analogice dicantur, hoc est ex ordine actus.

Ad quartum dicendum, quod predictæ potentie non ordi-

(1) *Id.* colligitur.

nantur secundum prius et posterius, nisi prout distinguuntur. Unde ordo earum non attenditur nisi per respectum ad actus. Et ex hoc patet quod potentia generandi est prior potentia creandi, sicut generatio creatione. Quantum vero ad hoc quod ad essentiam comparantur, sunt idem, et non est in eis ordo.

### QUÆSTIO III

#### DE CREATIONE

(*Et habet articulos novemdecim.*)

Primo enim queritur, utrum Deus possit aliquid creare; 2<sup>o</sup> utrum creatio sit mutatio; 3<sup>o</sup> utrum creatio sit aliquid realiter in creatura; 4<sup>o</sup> utrum potentia creandi sit creature communicabilis; 5<sup>o</sup> utrum possit esse aliquid quod non sit a Deo creatum; 6<sup>o</sup> utrum sit unum tantum creationis principium; 7<sup>o</sup> utrum Deus operetur in omni operatione natura; 8<sup>o</sup> utrum creatio operi natura admisceatur; 9<sup>o</sup> utrum anima creetur; 10<sup>o</sup> utrum anima sit creata in corpore, vel extra corpus; 11<sup>o</sup> utrum anima sensibilis et vegetabilis sint per creationem; 12<sup>o</sup> utrum sint in semine quando descenditur; 13<sup>o</sup> utrum aliquid ens ab alio, possit esse æternum; 14<sup>o</sup> utrum id quod est divisum a Deo per essentiam, possit semper fuisse; 15<sup>o</sup> utrum res processerit a Deo per necessitatem natura; 16<sup>o</sup> utrum ab uno primo possit procedere multitudo; 17<sup>o</sup> utrum mundus semper fuerit; 18<sup>o</sup> utrum Angeli sint creati ante mundum visibilem; 19<sup>o</sup> utrum potuerint esse Angeli ante mundum visibilem.

#### ARTICULUS PRIMUS. — *Utrum Deus possit aliquid creare ex nihilo.*

Quæstio est de creatione, quæ est primus effectus divine potentie; et primo queritur, utrum Deus possit aliquid creare ex nihilo. Et videtur quod non. Deus enim non potest facere contra communem animi conceptionem, sicut quod lotum non sit majus sua parte. Sed, sicut dicit Philosophus (in 1<sup>o</sup> Phys., text. xxxiii), communis conceptio ex sententia Philosophorum fuit, quod ex nihilo nihil fiat. Ergo Deus non potest de nihilo aliquid facere.

2. Præterea, omne quod fit, antequam esset, possibile erat esse: si enim erat impossibile esse, non erat possibile fieri: nihil enim mutatur ad id quod est impossibile. Sed potentia quæ aliquid potest esse, non potest esse nisi in aliquo subjecto; nisi forte ipsamet sit subjectum; nam accidens absque subjecto esse non potest. Ergo omne quod fit, fit ex materia vel subjecto. Impossibile est ergo ex nihilo aliquid fieri.



Respondeo dicendum, quod, sicut supra, art. præc., dictum est, ea quæ de potentia dicuntur in divinis, considerata sunt ex ipsa essentia. In divinis autem licet una relatio ad altera distinguatur realiter propter oppositionem relationum, quæ reales in Deo sunt; ipsa tamen relatio non est aliud secundum rem quam ipsa essentia, sed solum ratione differens: nam relatio ad essentiam oppositionem non habet. Et ideo non est concedendum quod aliquid absolutum in divinis multiplicetur, sicut quidam dicunt, quod in divinis est duplex esse, essentiale et personale. Omne enim esse in divinis essentiale est, nec persona est nisi per esse essentia. In potentia vero, præter id quod est ipsa potentia, consideratur respectus quidam vel ordo ad id quod potentie subjacet. Si ergo potentia quæ est respectu actus essentialis, sicut potentia intelligendi vel creandi, comparatur ad potentiam quæ est respectu actus notionalis (cujusmodi est potentia generandi) secundum id quod est ipsa potentia, invenitur una et eadem potentia, sicut est unum et idem esse nature et persone. Sed tamen utrique potentie coincelligitur (1) alius et alius respectus, secundum diversos actus ad quos potentia dicuntur. Sic ergo potentia generandi et creandi est una et eadem potentia, si consideretur id quod est potentia; differant tamen secundum diversos respectus ad actus diversos.

Ad primum ergo dicendum, quod licet in creaturis differant natura et propositum, in divinis tamen sunt idem secundum rem. Vel potest dici, quod potentia creandi non nominat propositum sive voluntatem, sed potentiam prout a voluntate imperatur. Potentia autem generandi, secundum quod natura inclinatur, agit. Hoc autem non facit diversitatem potentie, nam nihil prohibet aliquam potentiam ad aliquem actum imperari a voluntate et ad alium inclinari a natura. Sicut intellectus noster ad credendum inclinatur a voluntate, ad intelligendum prima principia ducitur ex natura.

Ad secundum dicendum, quod quanto aliqua potentia est superior, tanto ad plura se extendit, unde minus est distinguibilis per diversitatem obsectorum; sicut imaginatio una potentia est respectu omnium sensibilibus, respectu quorum sensus proprii distinguuntur. Divina autem potentia est summe elevata: unde differentia actuum in ipsa potentia, quantum ad id quod est, diversitatem non inducit, sed secundum unam potentiam Deus omnia potest.

Ad tertium dicendum, quod potentia generandi et potentia creandi quantum ad ipsam (ut ita loquar) potentie substantiam, non solum univocantur, sed sunt unum. Sed quod analogice dicantur, hoc est ex ordine actus.

Ad quartum dicendum, quod predictæ potentie non ordi-

(1) *Id.* colligitur.

nantur secundum prius et posterius, nisi prout distinguuntur. Unde ordo earum non attenditur nisi per respectum ad actus. Et ex hoc patet quod potentia generandi est prior potentia creandi, sicut generatio creatione. Quantum vero ad hoc quod ad essentiam comparantur, sunt idem, et non est in eis ordo.

### QUÆSTIO III

#### DE CREATIONE

(*Et habet articulos novemdecim.*)

Primo enim queritur, utrum Deus possit aliquid creare; 2<sup>o</sup> utrum creatio sit mutatio; 3<sup>o</sup> utrum creatio sit aliquid realiter in creatura; 4<sup>o</sup> utrum potentia creandi sit creature communicabilis; 5<sup>o</sup> utrum possit esse aliquid quod non sit a Deo creatum; 6<sup>o</sup> utrum sit unum tantum creationis principium; 7<sup>o</sup> utrum Deus operetur in omni operatione natura; 8<sup>o</sup> utrum creatio operi natura admisceatur; 9<sup>o</sup> utrum anima creetur; 10<sup>o</sup> utrum anima sit creata in corpore, vel extra corpus; 11<sup>o</sup> utrum anima sensibilis et vegetabilis sint per creationem; 12<sup>o</sup> utrum sint in semine quando descenditur; 13<sup>o</sup> utrum aliquid ens ab alio, possit esse æternum; 14<sup>o</sup> utrum id quod est divisum a Deo per essentiam, possit semper fuisse; 15<sup>o</sup> utrum res processerit a Deo per necessitatem natura; 16<sup>o</sup> utrum ab uno primo possit procedere multitudo; 17<sup>o</sup> utrum mundus semper fuerit; 18<sup>o</sup> utrum Angeli sint creati ante mundum visibilem; 19<sup>o</sup> utrum potuerint esse Angeli ante mundum visibilem.

#### ARTICULUS PRIMUS. — *Utrum Deus possit aliquid creare ex nihilo.*

Quæstio est de creatione, quæ est primus effectus divine potentie; et primo queritur, utrum Deus possit aliquid creare ex nihilo. Et videtur quod non. Deus enim non potest facere contra communem animi conceptionem, sicut quod lotum non sit majus sua parte. Sed, sicut dicit Philosophus (in 1<sup>o</sup> Phys., text. xxxiii), communis conceptio ex sententia Philosophorum fuit, quod ex nihilo nihil fiat. Ergo Deus non potest de nihilo aliquid facere.

2. Præterea, omne quod fit, antequam esset, possibile erat esse: si enim erat impossibile esse, non erat possibile fieri: nihil enim mutatur ad id quod est impossibile. Sed potentia quæ aliquid potest esse, non potest esse nisi in aliquo subjecto; nisi forte ipsamet sit subjectum; nam accidens absque subjecto esse non potest. Ergo omne quod fit, fit ex materia vel subjecto. Impossibile est ergo ex nihilo aliquid fieri.

3. Præterea, infinitam distantiam non contingit pertransire. Sed non entis simpliciter ens est infinita distantia; quod ex hoc patet, quia quanto potentia est minus ad actum disposita, tanto magis ab actu distat; unde si omnino potentia subtrahatur, erit infinita distantia. Ergo impossibile est quod aliquid transeat simpliciter de non ente ad ens.

4. Præterea, Philosophus dicit (in I de Gen., com. XLVII), quod omnifariam dissimile non agit in omnifariam dissimile; oportet enim quod agens et patiens conveniant in genere et in materia. Sed non ens simpliciter et Deus in nullo conveniunt. Ergo Deus non potest agere in non ens simpliciter, et ita non potest facere aliquid de nihilo.

5. Sed dicebat, quod ratio ista procedit de agente cuius actio differt a sua substantia, quam oportet in aliquo subjecto recipi. — Sed contra. Avicenna dicit (lib. IX Metaph., cap. II), quod si calor esset a materia expulsius, per seipsum ageret absque materia; et tamen ejus actio non esset sua substantia. Ergo hoc quod actio Dei est sua essentia, non est ratio quod materia non indigeat.

6. Præterea, ex nihilo nihil concluditur; quod est quoddam fieri rationis. Sed esse rationis consequitur esse nature. Ergo etiam in natura ex nihilo nihil fieri potest.

7. Præterea, si ex nihilo aliquid fiat, hæc præpositio *æ* aut notat causam, aut ordinem. Causam autem non videtur notare nisi efficientem, vel materialem. Nihil autem neque efficiens causa entis esse potest, neque materia; et sic in proposito non denotat causam; similiter nec ordinem, quia, ut dicit Boetius, entis ad non ens non est aliquis ordo. Ergo nullo modo ex nihilo potest aliquid fieri.

8. Præterea, potentia activa, secundum Philosophum (V Metaph., com. XVII), est principium transmutationis in aliud, secundum quod est aliud. Potentia autem Dei non est nisi potentia activa. Ergo requirit aliud subjectum transmutationis; et sic non potest ex nihilo aliquid facere.

9. Præterea, in rebus invenitur diversitas, prout una res est alia perfectio. Hujus autem diversitatis causa non ex parte Dei, qui est unus et simplex. Ergo oportet hujus diversitatis causam assignare ex parte materie. Oportet ergo ponere res factas esse ex materia et non ex nihilo.

10. Præterea, quod ex nihilo factum est, habet esse post non esse. Est ergo considerare aliquid instans in quo ultimo non est, ex quo non esse desinit, et aliquid in quo primo est, ex quo esse incipit. Aut ergo est unum et idem instans, aut diversa. Si idem, sequitur duo contradictoria esse in eodem instanti; si diversa, cum inter duo instantia sit tempus medium, sequitur aliquid esse medium inter affirmationem et negationem; nam non potest dici non esse post ultimum instans in quo non

fuit, nec esse ante primum instans in quo fuit. Utrumque autem est impossibile, scilicet contradictionem esse simul, et eam habere medium. Ergo impossibile est aliquid fieri ex nihilo.

11. Præterea, quod factum est, necesse est aliquando fieri; et quod creatum est, aliquando creari. Aut ergo simul fit et factum est, quod creatur, aut non simul. Sed non potest dici quod non simul, quia creatura non est antequam facta sit. Si ergo fieri ejus sit antequam facta sit, oportebit esse aliquid factiois subjectum, quod est contra creationis rationem. Si autem simul fit et factum est, sequitur quod simul fit et non fit; quia quod factum est in permanentibus est; quod autem fit, non est. Hoc autem est impossibile. Ergo impossibile est aliquid fieri ex nihilo, vel creari.

12. Præterea, omne agens agit simile sibi. Omne autem agens agit secundum quod est in actu. Ergo nihil fit nisi quod est in actu. Sed materia prima non est in actu. Ergo fieri non potest, præcipue a Deo, qui est purus actus; et sic quocumque fiunt, fiunt ex præsupposita materia, et non ex nihilo.

13. Præterea, quidquid facit Deus, per eadem operatur, sicut artifex agit artificata per formas artis. Sed materia prima non habet ideam in Deo; quia idea forma est, et similitudo ideati. Materia autem prima cum intelligatur secundum suam essentiam absque omni forma, non potest forma ejus esse similitudo. Ergo materia prima a Deo fieri non potest; et sic idem quod prius.

14. Præterea, non potest esse idem perfectionis et imperfectionis principium. In rebus autem imperfecto invenitur, cum rerum quedam alii potiores sint, quod contingere non potest nisi per inferiorum imperfectionem. Cum ergo perfectionis principium sit Deus, oportebit imperfectionem in aliud principium reducere. Sed non nisi in materiam. Ergo oportebit res ex aliqua materia esse factas, et non ex nihilo.

15. Præterea, si aliquid fit ex nihilo, aut fit ex eo sicut ex subjecto, sicut statua ex ære; aut sicut ex opposito, sicut figuratum ex infigurato; aut ex composito, sicut statua ex ære infigurato. Sed aliquid non potest fieri ex nihilo sicut ex subjecto, quia non ens non potest esse entis materia; neque sicut ex composito, quia sic non ens converteretur in ens, sicut res infiguratum convertitur in res figuratum; et ita oportet aliquid esse commune enti et non enti, quod est impossibile; neque etiam sicut ex opposito, cum plus differant non esse simpliciter et ens quam duo entia diversorum generum, ex quorum uno non fit aliud, sicut figura non fit color, nisi forte per accidens. Ergo nullo modo aliquid potest fieri ex nihilo.

16. Præterea, omne quod est per accidens reducitur ad per se. Sed ex opposito fit aliquid per accidens, ex subjecto autem per se; sicut statua ex infigurato fit per accidens, ex ære autem

per se, quia aeri accidit esse infiguratum. Si ergo aliquid fiat ex non ente, hoc erit per accidens. Ergo oportet quod fiat per se ex aliquo subjecto; et ita non fit ex nihilo.

17. Præterea, ei quod fit, faciens dat esse. Si ergo Deus facit aliquid ex nihilo. Deus alicui dat esse. Aut ergo est aliquid recipiens esse, aut nihil. Si nihil; ergo nihil constituitur in esse, per illam actionem; et sic non fit aliquid. Si autem est aliquid recipiens esse, hoc erit aliud ab eo quod est Deus; quia non est idem recipiens et receptum. Ergo Deus facit ex aliquo præexistenti, et ita non ex nihilo.

Sed contra. Genes. I: *In principio creavit Deus cælum et terram*, dicit Glossa, ex Boda, quod creare est ex nihilo facere aliquid. Ergo Deus potest facere, aliquid ex nihilo.

Præterea, Avicenna dicit (VII Metaph., cap. II, circa fin.), quod agens cui accidit agere, requirit materiam in quam agat. Sed Deo non accidit agere, immo sua actio est sua substantia. Ergo non requirit materiam in quam agat, et ita potest ex nihilo aliquid facere.

Præterea, virtus divina est potentior quam virtus naturæ. Sed virtus naturæ facit aliquid ens ex hoc quod erat in potentia. Ergo virtus divina aliquid amplius facit, et ita facit ex nihilo.

Respondéo dicendum, quod tenendum est firmiter, quod Deus potest facere aliquid ex nihilo et facit. Ad ejus evidentiam sciendum est, quod omne agens agit secundum quod est actu; unde oportet quod per illum modum actio alicui agentis attribuitur quo convenit ei esse in actu. Res autem particularis est particulariter in actu; et hoc dupliciter: primo ex comparatione sui, quia non tota substantia sua est actus, cum huiusmodi res sint compositæ ex materia et forma; et inde est quod res naturalis non agit secundum se totam, sed agit per formam suam, per quam est in actu. Secundo in comparatione ad ea quæ sunt in actu. Nam in nulla re naturali includuntur actus et perfectiones omnium eorum quæ sunt in actu; sed quælibet illarum habet actum determinatum ad unum genus et ad unam speciem; et inde est quod nulla earum est activa entis secundum quod est ens, sed ejus entis secundum quod est hoc ens, determinatum in hac vel illa specie; nam agens agit sibi simile. Et ideo agens naturale non producit simpliciter ens, sed ens præexistens et determinatum ad hoc vel ad aliud, ut puta ad speciem ignis, vel ad albedinem, vel ad aliquid huiusmodi. Et propter hoc, agens naturale agit movendo; et ideo requirit materiam, quæ sit subjectum mutationis vel motus, et propter hoc non potest aliquid ex nihilo facere. Ipse autem Deus e contrario est totaliter actus. — et in comparatione sui, quia est actus purus non habens potentiam permixtam — et in comparatione rerum quæ sunt in actu, quia in eo est omnium entium origo; unde per suam actionem producit totum ens subsistens,

nullo præsupposito, utpote qui est totus esse principium, et secundum se totum. Et propter hoc ex nihilo aliquid facere potest; et hæc ejus actio vocatur creatio. Et inde est quod in lib. de Caus., prop. XVIII, dicitur, quod esse ejus est per creationem, vivere vero, et cetera huiusmodi, per informationem. Causalitas enim entis absolute reducitur in primam causam universalem; causalitas vero aliorum quæ ad esse superadduntur, vel quibus esse specificatur, pertinet ad causas secundas quæ agunt per informationem, quasi supposito effectu cause universalis; et inde etiam est quod nulla res dat esse, nisi in quantum est in ea participatio divinæ virtutis. Propter quod etiam dicitur in lib. de Causis, prop. III, quod anima nobiliss habet operationem divinam in quantum dat esse.

Ad primum ergo dicendum, quod ex nihilo nihil fieri, Philosophus dicit esse commune animi conceptionem vel opinionem naturalium, quia agens naturale, quod ab eis consideratur, non agit nisi per motum; unde oportet esse aliquid subiectum motus vel mutationis, quod in agente supernaturali non oportet, ut dictum est.

Ad secundum dicendum, quod antequam mundus esset, possibile erat mundum esse; non tamen oportet quod aliqua materia præexisteret, in qua potentia fundaretur. Dicitur enim V Metaph. (text. XVII), aliquid aliquando dici possibile, non secundum aliquam potentiam, sed quia in terminis ipsius enuntialis non est aliqua repugnantia, secundum quod possibile opponitur impossibili. Sic ergo dicitur, antequam mundus esset, possibile mundum fieri, quia non erat repugnantia inter prædicatum enuntialis et subiectum. Vel potest dici, quod erit possibile propter potentiam activam agentis, non propter aliquam potentiam passivam materie. Philosophus autem utitur hoc argumento (VII Metaphys., text. XLVI), in generationibus naturalibus contra Platonicos, qui dicebant formas separatas esse naturalis generationis principia.

Ad tertium dicendum, quod entis et non entis simpliciter est aliquo modo et semper infinita distantia, non tamen eodem modo; sed quandoque quidem ex utraque parte infinita, sicut cum comparatur non esse ad esse divinum quod infinitum est, ac si comparetur albedo infinita ad nigredinem infinitam; quandoque autem est finita ex una parte tantum, sicut cum comparatur non esse simpliciter ad esse creatum quod finitum est, ac si comparetur nigredo infinita ad albedinem finitum. In illud ergo esse quod est infinitum, non potest fieri transitus ex non esse; sed in illud esse quod est finitum, talis transitus fieri potest, prout distantia non esse ad illud esse ex una parte terminatur, quamvis non sit transitus proprie: sic enim est in motibus continuis, per quos transit pars post partem. Sic enim contingit nullo modo infinitum transire.

AD QUARTUM dicendum, quod cum fit aliquid ex nihilo, non esse, sive nihil, non se habet per modum patientis nisi per accidens, sed magis per modum oppositi ad id quod fit per actionem. Nec etiam in naturalibus oppositum se habet per modum patientis nisi per accidens, sed magis subjectum.

AD QUINTUM dicendum, quod color, si esset expoliatus a materia, ageret quidem sine materia quæ requireretur ex parte agentis, sed non sine materia quæ requireretur ex parte patientis.

AD SEXTUM dicendum, quod concludi se habet in actibus rationis sicut moveri in actibus nature, eo quod in concludendo ratio ab uno in aliud discurrit; et ideo sicut motus omnis naturalis est ex aliquo, ita et omnis conclusio rationis. Sicut vero intelligere principia, quod est concludendi principium, non est ex aliquo ex quo concludatur, ita creatio, quæ est omnis motus principium, non est ex aliquo.

AD SEPTIMUM dicendum, quod cum dicitur aliquid fieri ex nihilo, duplex est sensus, ut patet per Anselmum in suo Monologio (cap. V et VIII). Nam negatio importata in nihilo potest negare præpositionem *ex*, vel potest includi sub præpositione. Si autem neget præpositionem, adhuc potest esse duplex sensus: unus, ut negatio feratur ad totum, et negatur non solum præpositio, sed etiam verbum, ut si dicitur aliquid ex nihilo fieri quia non fit, sicut de faciente possumus dicere quod de nihilo fit quia omnino non fit; quamvis istis modis loquendi non sit consuetus. Alius sensus est, ut verbum remaneat affirmatum, sed negatio feratur solum ad præpositionem; et ideo dicitur aliquid ex nihilo fieri, quia fit quidem, sed non præexistit aliquid ex quo fiat; sicut dicitur aliquem tristiari ex nihilo quia non habet tristitiam suæ causam; et hoc modo per creationem dicitur aliquid ex nihilo fieri. Si vero præpositio includit negationem, tunc ex duplex sensus: unus verus, et alius falsus. Falsus quidem, si positio importet habitudinem causæ (non ens enim esse nullo modo potest causa entis); verus autem si importet ordinem tantum, ut dicitur aliquid fieri ex nihilo quia fit post nihilum, quod etiam verum est in creatione. Quod autem Boetius dicit, quod non ens ad ens non est ordo, intelligendum est de ordine determinate proportionis, vel de ordine qui sit realis relatio, quæ inter ens et non ens esse non potest, ut Avicenna dicit (lib. III Metaph., in fin.).

AD OCTAVUM dicendum, quod definitio illa intelligitur de potentia activa naturali.

AD NONUM dicendum, quod Deus non producit res ex necessitate nature, sed ex ordine suæ sapientie. Et ideo diversitas rerum non oportet quod sit ex materia, sed ex ordine divine sapientie; quæ ad complementum universi diversas naturas instituit.

AD DECIMUM dicendum, quod cum fit aliquid ex nihilo, esse quidem ejus, quod fit, est primo in aliquo instanti; non esse autem non est in illo instanti nec in aliquo reali, sed in aliquo imaginario tantum. Sicut enim extra universum non est aliqua dimensio realis, sed imaginaria tantum, secundum quam possumus dicere, quod Deus potest aliquid facere extra universum, tantum vel tantum distans ab universo; ita ante principium mundi non fuit aliquod tempus reale, sed imaginarium; et in illo possibile est imaginari aliquod instans in quo ultimo fuit non ens. Nec oportet quod inter ista duo instantia sit tempus medium, cum tempus verum et tempus imaginarium non continentur.

AD UNDICESIMUM dicendum, quod illud quod fit ex nihilo, simul fit et factum est; et similiter est in omnibus mutationibus momentaneis; simul enim aer illuminatur et illuminatus quod est. Ipsi enim factum esse in talibus dicitur fieri, secundum quod est in primo instanti in quo factum est. Vel potest dici, quod id quod fit ex nihilo, dicitur fieri quando factum est non secundum motum, quod est ab uno termino in alterum, sed secundum effluxum ab agente in factum. Hæc enim duo in generatione naturali inveniuntur, scilicet transitus de uno termino in alterum, et effluxus ab agente in factum, quorum alterum tantum proprie est in creatione.

AD DUODECIMUM dicendum, quod neque materia neque forma neque accidens proprie dicuntur fieri; sed id quod fit est res subsistens. Cum enim fieri terminetur ad esse, proprie ei convenit fieri cui convenit per se esse, scilicet rei subsistenti; unde neque materia neque forma neque accidens proprie dicuntur creari, sed concreari. Proprie autem creatur res subsistens, quæcumque sit. Si tamen in hoc vis non fiat, tunc dicendum, quod materia prima habet similitudinem cum Deo in quantum participat de ente. Sicut enim lapis est similis Deo in quantum ens, licet non sit intellectualis sicut Deus, ita materia prima habet similitudinem cum Deo in quantum ens, non in quantum est ens actu. Nam ens, coarctatum est quodammodo potentie et actu.

Et sic etiam patet responsio ad DECIMUMTERTIUM. Nam proprie loquendo, materia non habet ideam, sed compositum, cuius idea sit forma factiva. Potest tamen dici esse aliquam ideam materie secundum quod materia aliquo modo divinam essentiam imitatur.

AD DECIMUMQUARTUM dicendum, quod non oportet, si duarum creaturarum est aliqua dignior, quod minus digna habeat aliquam imperfectionem; nam imperfectio designat carentiam alicujus quo natum est haberi vel debet haberi. Unde et in gloria, quamvis unus sanctorum alium excedat, nullus tamen imperfectus erit. Si tamen aliqua imperfectio in creaturis sit,

non oportet quod sit ex Deo neque ex materia; sed in quantum creatura est ex nihilo.

Ad DECIMUMQUINTUM dicendum, quod ex nihilo dicitur aliquid fieri sicut ex opposito secundum unum sensum superius expositum. Nec tamen oportet quod ex ente unius generis fiat ens alterius generis, sicut ex colore et figura; ens enim et non ens non possunt esse simul; color autem et figura simul esse possunt. Id autem ex quo aliquid fit, debet esse in contingens ei quod fit, ut dicitur I Phys., quod non contingat simul esse.

Ad DECIMUMSEXTUM dicendum, quod si ly *ex* nominet causam, non fit aliquid ex opposito nisi per accidens, ratione scilicet subjecti. Si vero nominet ordinem, tunc fit aliquid ex opposito etiam per se; unde et privatio dicitur principium esse fieri, sed non essendi. Hoc autem modo dicitur aliquid fieri ex nihilo, ut prius dictum est, in corp. art.

Ad DECIMUMSEPTIMUM dicendum, quod Deus simul duas esse, producit id quod esse recipit; et sic non oportet quod agat ex aliquo præexistenti.

#### ARTICULUS II. — *Utrum creatio sit mutatio.*

Secundo quaeritur, utrum creatio sit mutatio. Et videtur quod sic. Mutatio enim secundum nomen suum designat hoc esse post hoc, ut patet V Physic. (text. vii). Sed hoc habet creatio; nam fit esse post non esse. Ergo creatio est mutatio.

2. Præterea, omne quod fit, fit aliquo modo ex non ente; quia quod est, non fit. Sicut ergo se habet generatio, secundum quam fit res secundum partem substantiæ suæ, ad privationem formæ, quæ est non esse secundum quid; ita se habet creatio, per quam fit secundum totam substantiam suam, ad non esse simpliciter. Sed privatio, proprie loquendo, est terminus generationis. Ergo et non esse simpliciter, proprie loquendo, est terminus creationis; et sic creatio, proprie loquendo, est mutatio.

3. Præterea, quanto est major distantia inter terminos, tanto major est mutatio. Major enim est mutatio de albo in nigrum quam de albo in pallidum. Sed plus distat non ens simpliciter ab ente quam contrarium a contrario, vel non ens secundum quid ab ente. Ergo cum transitus de contrario in contrarium, vel de non ente secundum quid in ens, sit mutatio, multo magis transitus de non ente simpliciter in ens, quod est creatio, erit mutatio.

4. Præterea, quod non similiter habet se nunc et prius, mutatur vel movetur. Sed quod creatur non similiter se habet nunc et prius; quia prius erat simpliciter non ens, et postea fit ens. Ergo quod creatur, movetur vel mutatur.

5. Præterea, illud quod exit de potentia in actum, mutatur. Sed quod creatur, exit de potentia in actum; quia ante creatio-

nem erat tantum in potentia facientis, postea autem est in actu. Ergo quod creatur, movetur vel mutatur: ergo creatio est mutatio.

Sed contra, species motus vel mutationis sunt sex, secundum Philosophum in prædicamentis (in post Præd., de motu). Nulla autem earum est creatio, ut patet per singula in decemti. Ergo creatio non est mutatio.

Respondeo dicendum, quod in mutatione qualibet requiritur quod sit aliquid idem commune utrique mutationis termino. Si enim termini mutationis oppositi in nullo eodem convenirent, non posset vocari transitus ex uno in alterum. In nomine enim mutationis et transitus designatur aliquid idem alter se habere nunc et prius; et etiam ipsi mutationis termini non sunt incontingentes, quod requiritur ad hoc ut sint mutationis termini, nisi in quantum referuntur ad idem. Nam duo contraria si ad diversa subjecta referantur, contingit simul esse. Quandoque ergo contingit quod utrique mutationis termino est unum commune subjectum actu existens; et tunc proprie est motus; sicut accidit in alteratione et augmento et diminutione et loci mutatione. Nam in omnibus his motibus subjectum unum et idem actu existens, de opposito in oppositum mutatur. Quandoque vero est idem commune subjectum utrique termino, non quidem ens actu, sed ens in potentia tantum, sicut accidit in generatione et corruptione simpliciter. Formæ enim substantialis et privationis subjectum est materia prima, quæ non est ens actu; unde nec generatio nec corruptio proprie dicuntur motus, sed mutationes quedam. Quandoque vero non est aliquid subjectum commune neque actu neque potentia existens; sed est idem tempus continuum, in cuius prima parte est unum oppositum, et in secunda aliud; ut cum dicimus hoc fieri ex hoc, id est post hoc, sicut ex mane fit merities. Sed hæc non proprie vocatur mutatio, sed per similitudinem; propterea ipsum tempus imaginatur quasi subjectum eorum quæ in tempore aguntur. In creatione autem non est aliquid commune aliquo prædictorum modorum. Neque enim est aliquid commune subjectum actu existens, neque potentia. Tempus etiam non est idem, si loquamur de creatione universi; nam ante mundum tempus non erat. Invenitur tamen aliquid commune subjectum esse secundum imaginationem tantum, propterea scilicet imaginatur unum tempus commune dum mundus non erat, et postquam mundus in esse productus est. Sicut enim extra universum non est aliqua realis magnitudo, possumus tamen eam imaginari; ita et ante principium mundi non fuit aliquid tempus, quamvis sit possibile ipsum imaginari; et quantum ad hoc creatio secundum veritatem, proprie loquendo, non habet rationem mutationis, sed solum secundum imaginationem quandam; non proprie, sed similitudinarie.

Ad PRIMUM ergo dicendum, quod mutatio secundum suum nomen designat hoc esse post hoc circa aliquo idem, ut prædictum est, in corp. art. Hoc autem in creatione non est.

Ad SECUNDUM dicendum, quod in generatione, secundum quam fit aliquid secundum partem substantiæ suæ, est aliquid commune subjectum privationi et formæ, et non est in actu existens: et ideo sicut proprie ibi accipitur terminus, sic etiam et proprie accipitur ibi transitus; quod in creatione non est, ut dictum est.

Ad TERTIUM dicendum, quod ubi est major distantia terminorum, est major mutatio, supposita dentitate subjecti.

Ad QUARTUM dicendum, quod id quod non similiter se habet nunc et prius, mutatur, supposita consistentia subjecti; alias non ens simpliciter mutaretur: quia non ens simpliciter, non similiter se habet nunc et prius, neque dissimiliter. Oportet autem ad hoc quod sit mutatio, quod sit aliquid idem dissimiliter se habens nunc et prius.

Ad QUINTUM dicendum, quod potentia passiva est subjectum mutationis, non autem activa; et ideo quod exit de potentia passiva in actum, mutatur, non autem quod de potentia activa exit: et ideo non valet objectio.

ARTICULUS III. — *Utrum creatio sit aliquid realiter in creatura, et si est, quid sit.*

Tertio queritur, utrum creatio sit aliquid realiter in creatura; et si est, quid sit. Et videtur quod non sit aliquid reale in creatura. Ut enim dicitur in libro de Causis (prop. X), omne quod recipitur in aliquo, est in eo per modum recipientis. Sed actio Dei creatis recipitur simpliciter in non ente: quia Deus creando ex nihilo aliquid facit. Ergo creatio nihil reale ponit in creatura.

2. Præterea, omne quod est in rerum natura, aut est Creator aut creatura. Sed creatio non est Creator, quia sic esset ab æterno; nec etiam creatura, quia aliqua creatione crearetur; quæ etiam creatio, aliqua creatione indigeret creari, et sic in infinitum. Ergo creatio non est aliquid in rerum natura.

3. Præterea, omne quod est, vel est substantia vel est accidens. Sed creatio non est substantia, cum non sit nec materia neque forma neque compositum, ut de facili patere potest: nec etiam accidens, quia accidens sequitur suum subjectum; creatio autem est naturaliter prior creatio, quod nullum sibi supponit subjectum. Ergo creatio non est aliquid in rerum natura.

4. Præterea, sicut se habet generatio ad rem generatam, ita se habet creatio ad rem creatam. Sed generationis subjectum non est res generata, sed magis terminus; subjectum vero ejus est materia prima, ut dicitur in I de Generat. et corrupt.

(text. 1). Ergo nec subjectum creationis est res creata. Nec potest dici quod subjectum ejus sit aliqua materia, cum res creata non creetur ex aliqua materia. Ergo creatio non habet subjectum aliquod, et ita non est accidens. Constat autem quod non est substantia. Ergo non est aliquid in rerum natura.

5. Præterea, si creatio est aliquid in rerum natura, cum non sit mutatio, ut supra dictum est, maxime videtur esse relatio. Sed non est relatio, cum in nulla relationis specie contineri possit. Simpliciter enim non enti, ex quo est relatio, ens simpliciter neque supponitur neque æquatur. Ergo creatio non est aliquid in rerum natura.

6. Præterea, si creatio importet relationem entis creati ad Deum a quo esse habet; cum ista relatio semper maneat in creatura, non solum quando incipit esse, sed quando res est; continue aliquid crearetur; quod videtur absurdum. Ergo creatio non est relatio; et sic idem quod prius.

7. Præterea, omnis relatio realiter in rebus existens, acquiritur ex aliquo quod est diversum ab ipsa relatione, sicut æqualitas a quantitate, et similitudo a qualitate. Si ergo creatio sit aliqua relatio in creatura realiter existens, oportet quod differat ab eo ex quo acquiritur relatio. Hoc autem est quod per creationem accipitur. Sequitur ergo quod ipsa creatio non sit per creationem accepta; et ita sequitur quod sit aliquid increatum; quod est impossibile.

8. Præterea, omnis mutatio reducitur ad illud genus ad quod terminatur, sicut alteratio ad qualitatem, et augmentum ad quantitatem; et propter hoc dicitur, in III Phys. (text. vii), quod quot sunt species entis, tot sunt species motus. Sed creatio terminatur ad substantiam; nec tamen potest dici quod sit in genere substantiæ, ut supra, argum. 3. dictum est. Ergo non videtur quod sit aliquid secundum rem.

Sed contra, si creatio non est aliqua res, ergo nec aliquid realiter creatur. Hoc autem apparet esse falsum. Ergo creatio aliquid est in rerum natura.

Præterea, ex hoc Deus est dominus creaturæ, quia eam creando in esse produxit. Sed dominium est quedam relatio realiter in creatura existens. Ergo multo fortius creatio.

Respondeo dicendum, quod quidam dixerunt creationem aliquid esse in rerum natura, medium inter creatorem et creaturam. Et quia medium neutrum extremorum est, ideo sequeretur quod creatio neque esset creator neque creatura. Sed hoc a magistris erroneum est iudicatum, cum omnis res quocumque modo existens non habeat esse nisi a Deo, et sic est creatura.

Et ideo alii dixerunt, quod ipsa creatio non ponit aliquid realiter ex parte creaturæ. Sed hoc etiam videtur inconveniens. Nam in omnibus quæ secundum respectum ad invicem referuntur, quorum unum ab altero dependet, et non e converso,

in eo quod ab altero dependet, relatio realiter invenitur, in altero vero secundum rationem tantum; sicut patet in scientia et scibili, ut dicit Philosophus in V Metaph., text. xx). Creatura autem secundum nomen refertur ad creatorem. Dependet autem creatura a creatore; et non e converso. Unde oportet quod relatio qua creatura ad creatorem refertur, sit realis; sed in Deo est relatio secundum rationem tantum. Et hoc expresse dicit Magister in I Sent., distinct. xxv.

Et ideo dicendum est, quod creatio potest sumi active et passive. Si sumatur active, sic designat Dei actionem, quae est ejus essentia, cum relatione ad creaturam, quae non est realis relatio, sed secundum rationem tantum. Si autem passive accipitur, cum creatio, sicut jam supra dictum est, proprie loquendo non sit mutatio; non potest dici quod sit aliquid in genere passionis, sed est in genere relationis. Quod sic patet. In omni vera mutatione et motu invenitur duplex processus. Unus ab uno termino motus in alium, sicut ab albedine in nigredinem; alius ab agente in patiens, sicut a faciente in factum. Sed hi processus non similiter se habent in ipso moveri et in termino motus. Nam in ipso moveri, id quod movetur recedit ab uno termino motus et accedit ad alterum; quod non est in termino motus; ut patet in eo quod movetur de albedine in nigredinem: quia in ipso termino motus jam non accedit in nigredinem, sed incipit esse nigrum. Similiter dum est in ipso moveri, patiens vel factum transmutatur ab agente; cum autem est in termino motus, non ulterius transmutatur ab agente, sed consequitur factum quandam relationem ad agentem, prout habet esse ab ipso, et prout est, et simile quoquomodo, sicut in termino generationis humane consequitur natus filiationem. Creatio autem, sicut dictum est, art. praec., non potest accipi ut moveri, quod est ante terminum motus, sed accipitur ut in facto esse; unde in ipsa creatione non importatur aliquis accessus ad esse, nec transmutatio a creatore, sed solummodo inceptio essendi, et relatio ad creatorem a quo esse habet; et sic creatio nihil est aliud realiter quam relatio quaedam ad Deum cum novitate essendi.

Ad PRIMUM ergo dicendum, quod in creatione non ens non se habet sicut recipiens divinam actionem, sed id quod creatum est, ut supra dictum est.

Ad SECUNDUM dicendum, quod creatio active accepta significat divinam actionem, cum quadam relatione cointellecta, et sic est increatum; accepta vero passive, sicut dictum est, realiter relatio quaedam est significata per modum mutationis: ratione novitatis vel inceptions importatae. Haec autem relatio, creatura quaedam est, accepto communitate nomine creaturae pro omni eo quod est a Deo. Nec oportet procedere in infinitum, quia creationis relatio non refertur ad Deum alia relatione reali.

sed seipsa. Nulla enim relatio refertur alia relatione, ut Avicenna dicit in sua Metaph. (lib. III, cap. X). Si vero nomen creaturae accipiamus magis stricte pro eo tantum quod subsistit (quod proprie fit et creatur, sicut proprie habet esse), tunc relatio praedicta non est quoddam creatum, sed concreatum, sicut nec est ens proprie loquendo, sed inharens. Et simile est de omnibus accidentibus.

Ad TERTIUM dicendum, quod illa relatio accidens est, et secundum esse suum consideratur, prout inharet subjecto, posterius est quam res creata; sicut accidens subjecto, intellectu et natura, posterius est; quamvis non sit tale accidens quod causetur ex principis subjecti. Si vero consideretur secundum suam rationem, prout ex actione agentis innasceat praedicta relatio, sic est quodammodo prior subjecto quo, sicut ipsa divina actio, est ejus causa proxima.

Ad QUARTUM dicendum, quod in generatione est et mutatio et relatio, qua refertur genitum ad generans. Ratione ergo mutationis non habet pro subjecto ipsum generatum, sed ejus materiam; sed ratio relationis habet subjectum ipsum generatum. In creatione vero est relatio, sed non mutatio proprie, ut dictum est; et ideo non est simile.

Ad QUINTUM dicendum, quod relatio praedicta non est intelligenda entis ad non ens, quia talis relatio non potest esse realis, ut Avicenna dicit (lib. III Metaph., cap. ult.), sed est entis creati ad Creatorem: unde patet quod est relatio suppositionis.

Ad SEXIMUM dicendum, quod creatio importat relationem praedictam cum novitate essendi: unde non oportet quod res, quodcumque est, creetur, licet semper referatur ad Deum: quamvis esset inconveniens dicere quod sicut aer quando lucet illuminatur a sole, ita creatura, quando habet esse, fiat a Deo, ut etiam Augustinus dicit super Genes. ad litt. (lib. VIII, cap. XII). Sed in hoc non est diversitas nisi secundum nomen, prout nomen creationis potest accipi cum novitate, vel sine.

Ad SEPTIMUM dicendum, quod id ex quo acquiritur relatio creationis principaliter, est res subsistens, a qua differt ipsa creationis relatio, quae et ipsa creatura est; et non principaliter, sed quasi secundario, sicut quid concreatum.

Ad OCTAVUM dicendum, quod motus reducitur ad genus sui termini, in quantum procedit de potentia in actum: nam in ipso motu terminus motus est in potentia, et potentia et actus reducuntur ad idem genus. In creatione autem non est exitus de potentia in actum; et ideo non est simile.

**ARTICULUS IV.** — *Utrum potentia creandi sit alicui creaturæ communicabilis, vel etiam actus creationis.* (I part., quest. XI. art. 5.)

Quarto queritur, utrum potentia creandi sit alicui creaturæ communicabilis, vel etiam actus creationis. Et videtur quod sic. Eodem enim modo et ordine quo res exeunt a primo principio, reordinantur in ultimum finem, cum idem sit primum principium et ultimus rerum finis. Sed inferiores creaturæ ordinantur in Deum sicut in finem mediantibus superioribus creaturis; quia, sicut Dionysius dicit (coelest. Hierar., cap. v. part. 1), lex divinitatis est, per prima, ultima ad se adducere. Ergo et creaturæ inferiores exeunt a primo principio per creationem mediantibus superioribus creaturis; et ita creationis actus creaturæ communicatur.

2. Præterea, illud quod communicatum creaturæ non trahit ipsam extra terminos creaturæ, est alicui creaturæ communicabile per potentiam creatoris, qui potest etiam nova genera condere creaturarum. Sed posse creare, si creaturæ communicaretur, non poneret ipsam extra terminos creaturæ. Ergo posse creare est creaturæ communicabile. Probatio mediae. Illud dicitur extra terminos creaturæ rem aliquam ponere quod rationi creaturæ repugnat. Posse autem creare non repugnat rationi creaturæ, nisi propter infinitatem virtutis quæ videtur ad creationem requiri. Non autem requiritur, ut videtur; nam unumquodque tantum distat ab uno oppositorum quantum de natura alterius participat. Tantum enim aliquid est album, quantum distat a nigro. Ens autem creatum finite participat naturam entis. Ergo finite distat a non esse simpliciter. Educere autem aliquid in esse ex distantia finita, non demonstrat potentiam infinitam; et sic relinquitur quod potentia finite possit esse creationis actus; et sic posse creare rationi creaturæ non repugnat, nec ponit ipsam extra terminos creaturæ.

3. Sed diceretur, quod hoc quod dicitur, quod unumquodque tantum distat ab uno oppositorum quantum participat de alio, locum habet in illis oppositis quorum utrumque est natura quedam, sicut sunt contraria; non autem in illis quorum alterum tantum est natura, sicut in privatione et habitu, affirmatione et negatione. — Sed contra prædicta oppositio locum habet in contrariis secundum hoc quod ad invicem distant; quod quidem eis competit in quantum opposita sunt. Sed causa oppositionis in contrariis et radix, est oppositio affirmationis et negationis, ut probatur in IV Metaph. (text. XXVII). Ergo in oppositione affirmationis et negationis maxime debet locum habere.

4. Præterea, secundum Augustinum (super Genes. ad litteram, lib. II, cap. viii) tripliciter res fieri dicuntur. Uno modo in verbo, alio modo in angelica cognitione, et tertio modo in

propria natura. Propter quod Genes., i. dicitur: Dixit, fiat, et factum est. Modus autem quo res dicuntur in angelica intelligentia fieri, medius est inter illos duos modos. Ergo videtur quod res creatæ procedant ut sint in propria natura a verbo Creatoris cognitione angelica mediante; et sic videtur quod mediantibus Angelis res creentur.

5. Præterea, nihil et aliquid plus distant quam aliquid et esse, cum nihil et aliquid nihil habeant commune, aliquid autem sit entis pars. Deus autem facit creando, ut quod nihil erat, aliquid fiat, et per consequens quod nulla potentia fiat aliqua potentia. Ergo multo amplius facere potest quod aliqua potentia terminata, cujusmodi est potentia creaturæ, fiat omnipotentia, cujus est creare. Et sic communicari potest creaturæ quod creat.

6. Præterea, lux spiritualis est nobilior et potentior quam corporalis. Sed lux corporalis seipsam multiplicat. Ergo Angelus, qui est lux spiritualis secundum Augustinum (super Genes. ad litteram, lib. IV, cap. xii), potest seipsam multiplicare. Sed hoc non potest facere nisi creando. Ergo Angelus potest creare.

7. Præterea, cum formæ substantiales non generantur, eo quod solam compositum generatur, ut probat Philosophus (in VII Metaph., text. xxvi, xxvii et xxxi), non possunt deduci in esse nisi per creationem. Sed natura creata disponit materiam ad formam. Ergo ministerio aliquid operatur ad creationem; et sic communicari potest creaturæ, quod habeat in creatione ministerium.

8. Præterea, opus justificationis est nobilior quam creationis, cum gratia sit supra naturam. Unde Augustinus dicit (tract. xxxv in Joan.) quod majus est justificare impium quam creare coelum et terram. Sed in justificatione impij ministerium exhibet creatura; sacerdos enim dicitur ut minister justificare, sive peccata remittere. Ergo multo magis potest creatura ministerium exhibere in creationis actu.

9. Præterea, oportet omne factum simile esse agenti, ut probatur in VII Metaph. (com. xxviii). Sed creatura corporalis non est similis Deo neque specie neque genere. Ergo non potest a Deo per creationem procedere nisi mediante aliqua creatura, quæ sit similis saltem in genere; et sic videtur quod res corporales creentur a Deo mediantibus superioribus creaturis.

10. Præterea, in lib. de Causis (prop. xix) dicitur, quod illo quæ est intelligentia secunda, non recipit ex bonitatibus primis, quæ procedunt ex causa prima, nisi mediante intelligentia superiori. Sed de primis bonitatibus est ipsum esse. Ergo intelligentia secunda non recipit esse a Deo nisi mediante intelligentia prima; et sic videtur quod Deus actum creationis alicui creaturæ communicet.

11. Præterea, in eodem lib. (prop. viii) dicitur, quod intelli-



gentia scit quod sub se est, per modum substantiæ suæ, in quantum est ei causa. Sed una intelligentia cognoscit intelligentiam quæ est sub ipsa: ergo est ejus causa. Sed non causatur nisi per creationem, cum non sit composita. Ergo intelligentia creare potest.

12. Præterea, Augustinus dicit (in lib. de immortalitate Animæ, cap. xvi), quod creatura spiritalis communicat corporali speciem et essæ: et sic videtur quod creaturæ corporales creentur mediântibus spiritalibus.

13. Præterea, duplex est cognitionis genus: una, siquidem cognitio est ad rem, et alia quæ est a rebus. Angelus autem cognoscit res corporales non cognitione quæ est a rebus, cum crearet potentis sensitivis, quibus mediântibus pervenit cognitio sensibiliû ad intellectum. Ergo cognoscit res cognitione quæ est ad rem, quæ est similitudo divini cognitionis. Sicut ergo Deus per suam scientiam est causa rerum, ita et scientia Angeli rerum causa esse videtur.

14. Præterea, duplex est modus quo res in esse exeunt: unus secundum quod exeunt de puro non esse in esse, quod fit per creationem: alius secundum quod exeunt de potentia in actum. Virtus autem materialis, quæ est rerum naturalium, potest res producere modo secundo, scilicet extrahendo res de potentia in actum. Ergo virtus immaterialis, quæ est potentior, qualis est virtus Angeli, potest aliquid producere in esse modo, quod est majoris virtutis, scilicet de puro non esse in esse, quod est creare: et sic videtur quod Angelus possit creare.

15. Præterea, infinito non est majus aliquid. Sed infinita potentie est educere aliquid de nihilo in esse; alias nihil prohiberet creaturas creare. Nulla ergo potentia potest esse major quam ista. Et sic non est majus facere creaturam ex nihilo et dare ei potentiam creandi quam creare. Primum autem Deus potest. Ergo et secundum.

16. Præterea, quanto major est resistentia patientis ad agens, tanto major est difficultas in agendo. Sed contrarium magis resistit quam non ens: non ens enim agere non potest sicut agit contrarium. Cum ergo creatura possit aliquid ex contrario facere, videtur quod multo magis possit aliquid facere ex nihilo, quod est creare. Ergo potest creatura creare.

Sed contra, ens et non ens in infinitum distant. Sed operari aliquid ex distantia infinita est infinite virtutis. Ergo creare est infinite virtutis; et ita non potest alicui creaturæ communicari.

Præterea, superiores creaturæ, ut Angeli, secundum Dionysium (in coelæst. Hierar., cap. xi), dividuntur in essentialiam, virtutem, et operationem: ex quo haberi potest quod nullius creaturæ virtus est sua essentialia, et sic nulla creatura agit se tota, cum id quo res agit sit virtus ejus. Sed secundum quod agens agit, effectus agitur. Ergo nulla creatura potest aliquid

effectum totum producere; et sic non potest creare, sed semper in sua actione materiam præsupponit.

Præterea, Augustinus (in III de Trinit., cap. viii et iv) dicit, quod Angeli non possunt esse creatores alienius rei, nec boni nec mali. Inter cetera vero creaturas Angelus est nobilior. Ergo multo minus aliqua alia creatura potest creare.

Præterea, ejusdem virtutis est creare et creaturas in esse conservare. Sed creaturæ non possunt in esse conservari nisi per virtutem divinam, quæ si se rebus subtraheret, in momento deficeret, secundum Augustinum (IV super Genes., ad litteram, cap. xi). Ergo res non possunt creari nisi per virtutem divinam.

Præterea, illud quod est alienius proprie proprium, alteri convenire non potest. Sed creare dicitur communiter proprium esse Deo. Ergo creare non potest alteri convenire.

Respondeo dicendum, quod quorundam Philosophorum fuit positio, quod Deus creavit creaturas inferiores mediântibus superioribus, ut patet in lib. de Causis (prop. x); et in Metaph. Avicennæ (lib. IX, cap. iv), et Algazelis; et movebantur ad hoc opinandum propter hoc quod credebant quod ab uno simplici non posset immediate nisi unum provenire, et illo mediante ex uno primo multitudo procedebat. Hoc autem dicebant, ac si Deus ageret per necessitatem nature, per quam modum ex uno simplici non fit nisi unum. Nos autem ponimus, quod a Deo procedunt res per modum scientiæ et intellectus, secundum quem modum nihil prohibet ab uno primo et simplici Deo multitudinem immediate provenire, secundum quod sua sapientia continet universa. Et ideo secundum fidem catholicam ponimus, quod omnes substantias spirituales et materiam corporaliû Deus immediate creavit, hæreticum reputantes si dicatur per Angelum vel aliquam creaturam aliquid esse creatum; unde Damascenus dicit (lib. II orth. Fidei, cap. ii): *Quicumque dixerit Angelum aliquid creare, anathema sit.* Quidam tamen catholici tractatores dixerunt quod, etsi nulla creatura possit aliquid creare, communicari tamen potuit creaturæ ut per ejus ministerium Deus aliquid crearet. Et hoc ponit Magister in v dist., IV lib. Sentent. Quidam vero e contrario dicunt, quod nullo modo creaturæ communicari potuit ut aliquid crearet; quod etiam communius tenetur.

Ad horum autem evidentiam sciendum est quod creatio nominat activam potentiam, quæ res in esse producuntur; et ideo est absque præsuppositione materiæ præexistentis et alienius prioris agentis: hæc enim sola causa præsupponitur ad actionem. Nam forma geniti est terminus actionis generantis, et ipsa est etiam finis generationis quæ secundum esse non præcedit sed sequitur actionem. Quod enim creatio materiam non præsupponat, patet ex ipsa nominis ratione. Dicitur enim creari quod ex nihilo fit. Quod etiam non præsupponat aliquam

priorem causam agentem, patet ex hoc quod Augustinus dicit in III de Trinit., cap. viii, ubi probat Angelos non esse creatores, quia operantur ex seminibus naturæ inditis quæ sunt virtutes activæ in natura. Si igitur sic stricte creatio accipitur, constat quod creatio non potest nisi primo agenti convenire, nam causa secunda non agit nisi ex influentia causæ primæ; et sic omnis actio causæ secunde est ex præsuppositione causæ agentis. Nec etiam ipsi Philosophi posuerunt Angelos vel intelligentias aliquid creare, nisi per virtutem divinam in ipsis existentem, ut intelligamus quod causa secunda duplicem actionem habere potest; unam ex propria natura, aliam ex virtute prioris causæ. Impossibile est autem quod causa secunda ex propria virtute sit principium esse in quantum hujusmodi; hoc enim est proprium causæ primæ; nam ordo effectuum est secundum ordinem causarum. Primus autem effectus est ipsum esse, quod omnibus aliis effectibus præsupponit et ipsum non præsupponit aliquid aliud effectum; et ideo oportet quod dare esse in quantum hujusmodi sit effectus primæ causæ solius secundum propriam virtutem; et quæcumque alia causa dat esse, hoc habet in quantum est in ea virtus et operatio primæ causæ, et non per propriam virtutem; sicut et instrumentum efficit actionem instrumentalem non per virtutem propriam naturæ, sed per virtutem moventis; sicut calor naturalis per virtutem animæ generat carnem vivam, per virtutem autem propriam naturæ solummodo calefacit et dissolvit. Et per hunc modum posuerunt quidam Philosophi, quod intelligentiæ primæ sunt creatrices secundarum, in quantum dant eis esse per virtutem causæ primæ in eis existentem. Nam esse per creationem, bonum vero et vita et hujusmodi, per informationem, ut in libro de Causis habetur. Et hoc fuit idolatriæ principium, dum ipsis creatis substantiis quasi creatricibus aliarum, latræ cultus exhibebatur. Magister vero in IV Sententiarum ponit hoc esse communicabile creaturæ non quidem ut propria virtute creet, quasi auctoritate, sed ministerio quasi instrumentum. Sed diligenter consideranti apparet hoc esse impossibile. Nam actio alicujus, etiamsi sit ejus ut instrumenti, oportet ut ab ejus potentia sit finita, impossibile est quod aliqua creatura ad creationem operetur, etiam quasi instrumentum. Nam creatio infinitam virtutem requirit in potentia a qua egreditur; quod ex quinque rationibus apparet. Prima est ex hoc quod potentia facientis proportionatur distantie quæ est inter id quod fit et oppositum ex quo fit. Quanto enim frigus est vehementius, et sic a calore magis distans, tanto majori virtute caloris opus est ut ex frigido fiat calidum. Non esse autem simpliciter in infinitum ab esse distat, quod ex hoc patet. Quia a quolibet ente determinato plus distat non esse quam quodlibet ens, quantumcumque ab alio ente distans invenitur; et ideo ex omnino non ente aliquid facere non potest

esse nisi potentie infinitæ. Secunda ratio est, quia hoc modo factum agitur quo faciens agit. Agens autem agit secundum quod actu est; unde id solum se toto agit quod totum actu est, quod non est nisi actus infiniti, qui est actus primus; unde et rem agere secundum totam ejus substantiam solius infinitæ virtutis est. Tertia ratio est, quia cum accidens oportet esse in subjecto, subjectum autem actionis sit recipiens actionem; illud solum faciendo aliquid recipientem materiam non requirit, cujus actio non est accidens, sed ipsa substantia sua, quod solius Dei est, et ideo solius ejus est creare. Quarta ratio est, quia cum omnes secundæ causæ agentes a primo agente habeant hoc ipsum quod agant, ut in lib. de Causis (prop. xix et xx) probatur; oportet quod a primo agente, omnibus secundis agentibus modus et ordo imponatur; ei autem non imponitur modus vel ordo ab alio. Cum autem modus actionis ex materia dependeat que recipit actionem agentis, solius primi agentis erit absque materia præsupposita ab alio agente agere, et aliis omnibus secundis agentibus materiam ministrare. Quinta ratio est ducens ad impossibile. Nam secundum elongationem potentie ab actu, est proportio potentiarum de potentia in actum aliquid reducendum; quanto enim plus distat potentia ab actu, tanto majori potentia indiget. Si ergo sit aliqua potentia finita que de nulla potentia præsupposita aliquid operetur, oportet ejus esse aliquam proportionem ad illam potentiam activam que educit aliquid de potentia in actum; et sic est aliqua proportio melius potentie ad aliquam potentiam, quod est impossibile. Non ens enim ad ens nulla est proportio, ut habetur, IV Physic. Relinquitur ergo quod nulla potentia creaturæ potest aliquid creare neque propria virtute, neque sicut alterius instrumentum.

Ad primum ergo dicendum, quod in reducendo ad finem, præexistunt ea quæ sunt ad finem; et ideo non impossibile est per actionem alicujus cooperari Deo ad hoc quod res aliqua in finem ultimam reducatur. Sed in generali eductione rerum in esse, nihil præsupponitur; unde non est simile.

Ad secundum dicendum, quod nihil prohibet aliquam distantiam imaginari infinitam ex una parte et ex alia finitam. Ex utraque autem parte infinitam imaginamur distantiam, quando utrumque oppositorum ponitur infinitum; puta, si sint calor et frigus infinita. Ex parte autem altera, quando alterum est finitum; sicut si calor esset infinitus, et frigus finitum. Distantia ergo infiniti entis a non esse simpliciter, est infinita ex utraque parte. Distantia autem entis finiti a non esse simpliciter est infinita ex una parte tantum, et requirit nihilominus potentiam infinitam agentem.

TERTIUM concedimus, non enim quantum ad hoc differt, an utrumque oppositorum sit natura quædam an alterum tantum.

AD QUARTUM dicendum, quod res in intelligentia dicuntur fieri secundum cognitionem tantum, non secundum rationem operative virtutis: unde res non producuntur a Deo mediante angelis operantibus, sed solum angelis cognoscentibus.

AD QUINTUM dicendum, quod aliquid dicitur non posse fieri ab aliquo, non solum propter distantiam extremorum, sed etiam propter hoc quod omnino fieri non potest; ut si dicamus quod ex aliquo corpore non potest fieri Deus, quia Deus omnino fieri non potest. Sic ergo dicendum, quod ex aliqua potentia non potest fieri omnipotentia, non solum propter distantiam utriusque potentie, sed etiam propter hoc quod omnipotentia omnino fieri non potest. Nam omne quod fit, purus actus esse non potest, cum ex hoc ipso quod ex alio esse habeat, potentia in eo deprehendatur: et ideo non potest esse potentia infinita.

AD SEXTUM dicendum, quod lux corporalis multiplicat se non per creationem novae lucis, sed diffundendo se super materiam: quod de Angelis dici non potest, cum sint substantie per se stantes.

AD SEPTIMUM dicendum, quod forma potest considerari dupliciter: uno modo secundum quod est in potentia; et sic a Deo materia concreeatur, nulla dispositionis nature actione interveniente. Alio modo secundum quod est in actu; et sic non creatur, sed de potentia materia educitur per agens naturale: unde non oportet quod natura aliquid agat dispositivo ad hoc quod aliquid creetur. Quia tamen aliqua forma naturalis est que per creationem in esse producit, scilicet anima rationalis, cujus materiam natura disponit; ideo sciendum est, quod cum creationis opus materiam tollit, dupliciter aliquid creari dicitur. Nam quedam creantur nulla materia presupposita, nec ex qua nec in qua, sicut Angeli et corpora celestia; et ad horum creationem natura nihil operari potest dispositivo. Quedam vero creantur, etsi non presupposita materia ex qua sint, presupposita tamen materia in qua sint, ut anime humane. Ex parte ergo illa qua habent materiam in qua, natura potest dispositivo operari; non tamen quod ad ipsam substantiam creati, nature actio se extendat.

AD OCTAVUM dicendum, quod in opere justificationis homo aliquid operatur ministerio tantum per hoc quod adhibet sacramenta: unde cum sacramenta justificare dicuntur instrumentally et dispositivo, solutio reddit in idem cum solutione predicta.

AD NONUM dicendum, quod quamvis inter Deum et creaturam non possit esse similitudo generis vel speciei; potest tamen esse similitudo quedam analogie, sicut inter potentiam et actum, et substantiam et accidentis. Et hoc dicitur uno modo inquantum res create imitantur suo modo ideam divine mentis, sicut artificia creatam que est in mente artificis. Alio modo

secundum quod res create ipsi nature divine quodammodo simulantur, prout a primo ente alia sunt entia, et a bono bona, et sic de aliis. Tamen hæc obiectio non est ad propositum; quia supposito quod creatura a Deo procedat mediante aliqua potentia creati, adhuc rediit eadem difficultas, qualiter scilicet illa prima natura creata esse possit a Deo, similitudine non existente.

AD DECIMUM dicendum, quod error iste expresse in libro de Causis (prop. x) invenitur, quod creaturae inferiores create sunt a Deo superioribus mediantebus: unde in hoc auctoritas illius non est recipienda.

Et similiter dicendum AD UNDECIMUM.

AD DUODECIMUM dicendum, quod Augustinus ibi loquitur de anima, que communicat corpori esse et speciem non per modum creatis, sed per modum forme.

AD DECIMUMTERTIUM dicendum, quod licet Angelus non cognoscat res cognitione que est a rebus accepta, non tamen oportet quod cognoscat tali cognitione que sit causa rerum: est enim cognitio ejus media inter duas cogniciones prædictas. Cognoscit enim res naturali cognitione, que est per rerum similitudines in ejus intellectum effluxas a divino intellecta; ut sic ejus cognitio non sit ad rem quasi rerum causa, sed sit quedam similitudo divine cognitionis, que res causat.

AD DECIMUMQUARTUM dicendum, quod in educendo res de potentia in actum multi gradus attendi possunt, in quantum aliquid potest educi de potentia magis vel minus remota in actum et etiam facilius vel minus faciliter; unde non oportet, si virtus angeli virtutem nature materialis excedat, quod possit aliquid facere de puro non esse, natura educente aliquid de potentia in actum; sed quod possit multo facilius quam natura; sicut etiam Augustinus dicit in III de Trin., cap. viii et ix, quod demones seminibus nature oculius et efficacius operantur quam nos operari sciamus.

AD DECIMUMQUINTUM dicendum, quod nulla est major potentia quam potentia creandi; nec oportet quod potentia creatis ad hoc se extendat quod aliquid creature potentiam creandi communicet, eo quod creaturae communicabilis nullo modo est. Quod enim aliquid fieri non possit, non solum provenit ex defectu potentie facientis, sed quandoque ex ipsa factione rei, que fieri non potest; sicut Deus non potest facere Deum, non propter defectum sue potentie, sed quia Deus a nullo fieri potest: et similiter potentia creandi finita esse non potest, nec creaturae communicari, cum sit infinita.

AD DECIMUMSEXTUM dicendum, quod in actu potest attendi difficultas dupliciter: uno modo ex hoc quod actus patiens resistit contra agentem; et hoc non est in omnibus generale, sed solum in his que mutuo agunt et patiuntur in invicem, in quibus agens

patitur ex contraria actione patientis; et sic corpora cœlestia, quæ contrarium non habent in agendo, non patiuntur difficultatem in agendo ex contraria actione patientis; multo minus Deus. Alio modo, qui generalis est, secundum quod patiens elongatur ab actu. Quanto enim potentia magis ab actu elongata invenitur, tanto major est difficultas in actione agentis. Unde cum magis elongetur ab actu purum non ens quam materia cuiuscumque contrario subjecta, quantumcumque intenso; manifestum est majorem esse virtutem producere aliquid de nihilo quam facere contrarium de contrario.

ARTICULUS V. = *Utrum possit esse aliquid quod non sit a Deo creatum.*

Quinto quaeritur, utrum possit esse aliquid quod non sit a Deo creatum. Et videtur quod sic. Cum enim causa sit potentior effectui, illud quod est possibile nostro intellectui, quia rebus notitiam sumit, videtur magis esse possibile in natura. Sed intellectus noster potest aliquid intelligere non intelligendo illud esse a Deo; cum causa efficiens non sit de natura rei, et sic sine ea res intelligi possit. Ergo multo magis in rerum natura potest aliquid esse quod non sit a Deo.

2. Præterea, omnia que a Deo sunt facta dicuntur esse Dei creature. Creatio autem terminatur ad esse; prima enim rerum creaturarum est esse, ut habetur in lib. de Causis (prop. iv). Cum ergo quidditas rei sit præter esse ipsius, videtur quod quidditas rei non sit a Deo.

3. Præterea omnis actio terminatur ad aliquem actum, sicut et procedit ab aliquo actu; nam omne agens agit in quantum actu est, et omne agens agit sibi simile in natura. Sed materia prima est pura potentia. Ergo actio creatantis ad ipsam terminari non potest; et ita non omnia sunt a Deo creata.

Sed contra est quod dicitur Rom., xi, 36: *Ex ipso et per ipsum et in ipso sunt omnia.*

Respondet dicendum, quod secundum ordinem cognitionis humane processerunt antiqui in consideratione nature rerum. Unde cum cognitio humana a sensu incipiens in intellectum perveniat, priores philosophi circa sensibilia fuerunt occupati, et ex his paulatim in intelligibilia pervenerunt. Et quia accidentales formas sunt secundum se sensibiles; non autem substantiales, ideo primi philosophi omnes formas accidentalia esse dixerunt, et solam materiam esse substantiam. Et quia substantia sufficit ad hoc quod sit accidentium causa, quæ ex principiis substantiæ causatur, inde est quod primi philosophi, præter materiam, nullam aliam causam posuerunt; sed ex ea causari dicebant omnia que in rebus sensibilibus provenire videntur; unde ponere cogebantur materie causam non esse, et negare totaliter causam efficientem. Posteriores vero philosophi,

substantiales formas aliquatenus considerare ceperunt; non tamen pervenerunt ad cognitionem universalem, sed tota eorum intentio circa formas speciales versabatur; et ideo posterunt quidam aliquas causas agentes, non tamen quæ universaliter rebus esse conferrent, sed quæ ad hanc vel ad illam formam, materiam perantarent; sicut intellectum et amicitiam et litem, quorum actionem ponebant in segregando et congregando; et ideo etiam secundum ipsos non omnia entia a causa efficiente procedebant, sed materia actioni causæ agentis præsupponebatur. Posteriores vero philosophi, ut Plato, Aristoteles et eorum sequaces, pervenerunt ad considerationem ipsius esse universalis; et ideo ipsi soli posuerunt aliquam universalem causam rerum, a qua omnia alia in esse prodirent, ut patet per Augustinum (VIII de Civ. Dei, cap. iv, non procul a fine). Cui quidem sententiæ etiam catholica fides consentit. Et hoc triplici ratione demonstrari potest: quarum prima est hæc. Oportet enim, si aliquid unum communitur in pluribus invenitur, quod ab aliqua una causa in illis causetur; non enim potest esse quod illud commune utrique ex seipso conveniat, cum utrumque, secundum quod ipsum est, ab altero distinguatur; et diversitas causarum diversos effectus producit. Cum ergo esse inveniat in omnibus rebus commune, quæ secundum illud quod sunt, ad invicem distincte sunt, oportet quod de necessitate eis non ex seipsis, sed ab aliqua una causa esse attribuantur. Et ista videtur ratio Platonis, qui voluit, quod ante omnem multitudinem esset aliqua unitas, non solum in numeris, sed etiam in rerum naturis. Secunda ratio est, quia, cum aliquid invenitur a pluribus diversimode participatum, oportet quod ab eo in quo perfectissime invenitur, attribuat in omnibus illis in quibus imperfectius invenitur. Nam ea que positive secundum magis et minus dicuntur, hoc habent ex accessu remotiori vel propinquiori ad aliquid unum; si enim unicuique eorum ex seipso illud conveniret, non esset ratio cur perfectius in uno quam in alio inveniretur; sicut videmus quod ignis, qui est in fine caliditatis, est caloris principium in omnibus calidis. Est autem ponere unum ens, quod est perfectissimum et verissimum ens; quod ex hoc probatur, quia est aliquid movens omnino immobile et perfectissimum, ut a philosophis est probatum. Oportet ergo quod omnia alia minus perfecta ab ipso esse recipient. Et hæc est probatio Philosophi in II Metaph., text. com. iv). Tertia ratio est, quia illud quod est per alterum, reducitur sicut in causam ad illud quod est per se. Unde si esset minus calor per se existens, oporteret ipsum esse causam omnium calidorum que per modum participationis calorem habent. Est autem ponere aliquid ens quod est ipsum suum esse; quod ex hoc probatur, quia oportet esse aliquid primum ens quod sit actus purus, in quo nulla sit compositio. Unde oportet quod ab uno

illo ente omnia alia sint, quaecumque non sunt suum esse, sed habent esse per modum participationis. Hæc est ratio Avicennæ (lib. VIII Metaph., cap. vii, et lib. IX, cap. rv). Sic ergo ratione demonstratur et fide tenetur quod omnia sint a Deo creata.

Ad PRIMUM ergo dicendum, quod licet causa prima, quæ Deus est, non intret essentialiter rerum creaturarum; tamen esse, quod rebus creatis inest, non potest intelligi nisi ut deductum ab esse divino; sicut nec proprius effectus potest intelligi nisi ut deductus a causa propria.

Ad SECUNDUM dicendum, quod ex hoc ipso quod quidditati esse attribuitur, non solum esse, sed ipsa quidditas creari dicitur; quia antequam esse habeat, nihil est, nisi forte in intellectu creatis, ubi non est creatura, sed creatrix essentialiter.

Ad TERTIUM dicendum, quod ratio illa probat, quod materia prima per se non creatur; sed ex hoc non sequitur quod non creetur sub forma; sic enim habet esse in actu.

#### ARTICULUS VI. — *Utrum sit unum tantum creationis principium.*

(I part., quest. xiv, art. 2.)

Sexto quaeritur, utrum sit unum tantum creationis principium. Et videtur quod non. Dicit enim Dionysius (iv cap. de div. Nom.): *Non est causa mali bonum*. Aliquod autem malum est in mundo. Aut ergo est causatum ab aliqua causa quæ non est bonum; aut nullo modo est causatum, sed est causa prima; et utrobique modo oportet ponere plura creationis principia: nam constat primum principium creationis honorum esse bonum.

2. Sed diceretur, quod bonum non est causa mali per se, sed per accidens. — Sed contra, omnis effectus qui est alicujus cause per accidens, est alterius cause per se; cum omne per accidens ad per se reducatur. Si ergo malum est effectus boni per accidens, erit per se effectus alicujus alterius; et sic idem quod prius.

3. Præterea, effectus causa per accidens, accidit præter intentionem cause, et non fit. Si ergo bonum est causa mali per accidens, sequeretur quod malum non sit factum. Sed nihil est non creatum nisi creationis principium, ut supra, art. præced., ostensum est. Ergo malum est creationis principium.

4. Præterea, nullum nocumentum, accidit in effectu præter intentionem agentis, nisi vel propter ignorantiam agentis qui non providet, vel propter impotentiam quam vitare non potest. Sed in Deo, qui est creator boni, non est neque impotentia neque ignorantia. Ergo malum, quod nocivum est Dei effectibus, non potest præter intentionem provenire. Nam Augustinus dicit (Enchir., cap. 11), quod ideo dicitur malum, quia nocet.

5. Præterea, quod est per accidens, est ut in paucioribus, ut habetur in II Physic. (text. xlviij). Malum autem est ut in

pluribus, ut habetur in II Topic. (cap. vi). Ergo malum non est ab aliqua causa per accidens.

6. Præterea, malum, secundum Augustinum (lib. XII de Civ. Dei, cap. vii), non habet causam efficientem, sed deficientem. Sed causa per accidens est causa efficiens. Ergo bonum non est causa mali per accidens.

7. Præterea, quod non est, non habet causam; quia quod non est, neque causa neque causatum est. Sed malum nihil est, secundum Augustinum (super Joan., tract. 1). Ergo malum non habet aliquam causam nec per se nec per accidens. Falsa est ergo quod dicebatur, quod bonum est causa mali per accidens.

8. Præterea, secundum Philosophum (in II Metaph., text. com. iv), illud cui aliquid inest per prius, est causa omnium in quibus illud per posterius invenitur: sicut ignis est causa caloris in omnibus corporibus. Sed malitia per prius fuit in diabolo. Ergo ipse est causa malitiae in omnibus malis; et sic est unum principium omnium malorum, sicut et bonorum.

9. Præterea, secundum Dionysium (in iv cap. de div. Nom.), bonum contingit uno modo: sed malum omnifariam. Malum ergo propinquius est ad esse quam bonum. Si ergo bonum est natura aliqua indigens creatore, et malum etiam indigebit creatore; et sic idem quod prius.

10. Præterea, quod non est, non potest esse genus nec species. Sed malum ponitur genus. Dicitur enim in Prædicamentis (cap. de opposit.), quod bonum et malum non sunt in genere, sed sunt genera aliorum. Ergo malum est ens; et sic indiget aliquo creatore: unde cum non creetur a bono, videtur quod oportet aliquod malum ponere creationis principium.

11. Præterea, utrumque contrariorum est natura aliqua positive: contraria enim sunt in eodem genere. Quod autem non est, non potest esse in genere. Sed bonum et malum sunt contraria. Ergo est natura aliqua; et sic idem quod prius.

12. Præterea, differentia constitutiva speciei significat naturam aliquam; unde uno modo natura est unumquodque informatum specifica differentia, ut Boetius dicit (in lib. de duobus Naturis, in princ.). Sed malum est differentia constitutiva speciei alicujus: bonum enim et malum sunt differentia habitum. Ergo malum est natura aliqua; et sic idem quod prius.

13. Præterea, Eccli., xxxiii. 15: *Contra malum bonum est, et contra vitium mors, sic et contra vitium justum peccator*. Si ergo est unum creationis principium bonum, oportet esse aliud malum quod sit ei contrarium.

14. Præterea, intensio et remissio dicuntur per respectum ad aliquem terminum. Sed invenitur aliquid esse alio pejus. Ergo oportet inveniri aliquid quod sit pessimum, in quo sit malorum terminus; et illud oportet esse principium omnium malorum, sicut summum bonum est principium bonorum.

illo ente omnia alia sint, quaecumque non sunt suum esse, sed habent esse per modum participationis. Hæc est ratio Avicennæ (lib. VIII Metaph., cap. vii, et lib. IX, cap. rv). Sic ergo ratione demonstratur et fide tenetur quod omnia sint a Deo creata.

Ad primum ergo dicendum, quod licet causa prima, quæ Deus est, non intret essentialiter rerum creaturarum; tamen esse, quod rebus creatis inest, non potest intelligi nisi ut deductum ab esse divino; sicut nec proprius effectus potest intelligi nisi ut deductus a causa propria.

Ad secundum dicendum, quod ex hoc ipso quod quidditati esse attribuitur, non solum esse, sed ipsa quidditas creari dicitur; quia antequam esse habeat, nihil est, nisi forte in intellectu creatis, ubi non est creatura, sed creatrix essentialiter.

Ad tertium dicendum, quod ratio illa probat, quod materia prima per se non creatur; sed ex hoc non sequitur quod non creetur sub forma; sic enim habet esse in actu.

#### ARTICULUS VI. — *Utrum sit unum tantum creationis principium.*

(I part., quest. xiv, art. 2.)

Sexto quaeritur, utrum sit unum tantum creationis principium. Et videtur quod non. Dicit enim Dionysius (iv cap. de div. Nom.): *Non est causa mali bonum*. Aliquod autem malum est in mundo. Aut ergo est causatum ab aliqua causa quæ non est bonum; aut nullo modo est causatum, sed est causa prima; et utrobique modo oportet ponere plura creationis principia: nam constat primum principium creationis honorum esse bonum.

2. Sed diceretur, quod bonum non est causa mali per se, sed per accidens. — Sed contra, omnis effectus qui est alicujus cause per accidens, est alterius cause per se; cum omne per accidens ad per se reducatur. Si ergo malum est effectus boni per accidens, erit per se effectus alicujus alterius; et sic idem quod prius.

3. Præterea, effectus causa per accidens, accidit præter intentionem cause, et non fit. Si ergo bonum est causa mali per accidens, sequeretur quod malum non sit factum. Sed nihil est non creatum nisi creationis principium, ut supra, art. præced., ostensum est. Ergo malum est creationis principium.

4. Præterea, nullum nocumentum, accidit in effectu præter intentionem agentis, nisi vel propter ignorantiam agentis qui non providet, vel propter impotentiam quam vitare non potest. Sed in Deo, qui est creator boni, non est neque impotentia neque ignorantia. Ergo malum, quod nocivum est Dei effectibus, non potest præter intentionem provenire. Nam Augustinus dicit (Enchir., cap. 11), quod ideo dicitur malum, quia nocet.

5. Præterea, quod est per accidens, est ut in paucioribus, ut habetur in II Physic. (text. xlviij). Malum autem est ut in

pluribus, ut habetur in II Topic. (cap. vi). Ergo malum non est ab aliqua causa per accidens.

6. Præterea, malum, secundum Augustinum (lib. XII de Civ. Dei, cap. vii), non habet causam efficientem, sed deficientem. Sed causa per accidens est causa efficiens. Ergo bonum non est causa mali per accidens.

7. Præterea, quod non est, non habet causam; quia quod non est, neque causa neque causatum est. Sed malum nihil est, secundum Augustinum (super Joan., tract. 1). Ergo malum non habet aliquam causam nec per se nec per accidens. Falsa est ergo quod dicebatur, quod bonum est causa mali per accidens.

8. Præterea, secundum Philosophum (in II Metaph., text. com. iv), illud cui aliquid inest per prius, est causa omnium in quibus illud per posterius invenitur: sicut ignis est causa caloris in omnibus corporibus. Sed malitia per prius fuit in diabolo. Ergo ipse est causa malitiae in omnibus malis; et sic est unum principium omnium malorum, sicut et bonorum.

9. Præterea, secundum Dionysium (in iv cap. de div. Nom.), bonum contingit uno modo: sed malum omnifariam. Malum ergo propinquius est ad esse quam bonum. Si ergo bonum est natura aliqua indigens creatore, et malum etiam indigebit creatore; et sic idem quod prius.

10. Præterea, quod non est, non potest esse genus nec species. Sed malum ponitur genus. Dicitur enim in Prædicamentis (cap. de opposit.), quod bonum et malum non sunt in genere, sed sunt genera aliorum. Ergo malum est ens; et sic indiget aliquo creatore: unde cum non creetur a bono, videtur quod oportet aliquod malum ponere creationis principium.

11. Præterea, utrumque contrariorum est natura aliqua positive: contraria enim sunt in eodem genere. Quod autem non est, non potest esse in genere. Sed bonum et malum sunt contraria. Ergo est natura aliqua; et sic idem quod prius.

12. Præterea, differentia constitutiva speciei significat naturam aliquam; unde uno modo natura est unumquodque informatum specifica differentia, ut Boetius dicit (in lib. de duobus Naturis, in princ.). Sed malum est differentia constitutiva speciei alicujus: bonum enim et malum sunt differentia habitum. Ergo malum est natura aliqua; et sic idem quod prius.

13. Præterea, Eccli., xxxiii. 15: *Contra malum bonum est, et contra vitium mors, sic et contra vitium justum peccator*. Si ergo est unum creationis principium bonum, oportet esse aliud malum quod sit ei contrarium.

14. Præterea, intensio et remissio dicuntur per respectum ad aliquem terminum. Sed invenitur aliquid esse alio pejus. Ergo oportet inveniri aliquid quod sit pessimum, in quo sit malorum terminus; et illud oportet esse principium omnium malorum, sicut summum bonum est principium bonorum.

14. Præterea, Math., vii, 18, dicitur: *Non potest arbor bona fructus malos facere*. Aliquid autem invenitur esse malum in mundo. Ergo non potest esse fructus, id est effectus, cause bonæ, quæ per arborem bonam significatur; et sic oportet quod omnium malorum sit causa aliquod primum malum.

16. Præterea, Genes., i, dicitur, quod in principio creationis rerum erant tenebræ super faciem abyssi. Sed a bono, quod habet naturam lucis, non potest esse creatio tenebrarum. Ergo creatio quæ ibi describitur, non est a bono principio, sed a malo.

17. Præterea, omne quod exit ab aliquo, attestatur ei a quo exit, inquantum est ei simile. Sed malum nullo modo attestatur Deo, nec habet in ipso aliquam similitudinem. Ergo non potest esse ab ipso, sed ab alio principio.

18. Præterea, nihil est aliud, nisi quod est in ipso in potentia. Sed malum non est in Deo nec in actu nec in potentia. Ergo non est a Deo; et sic idem quod prius.

19. Præterea, sicut generatio est motus naturalis, ita et corruptio. Sed corruptio terminatur ad privationem, sicut generatio ad formam. Ergo sicut forma inducitur ex intentione naturæ, ita et privatio; et sic oportet quod malum, quod est privatio, habeat aliquam causam agentem per se, sicut et forma.

20. Præterea, omne agens agit ex præsuppositione primi agentis. Sed liberum arbitrium, cum peccat, non agit ex præsuppositione divine actionis; nam aliquod peccatum est, sicut fornicatio vel adulterium, quod non potest a sua deformitate separari, quæ non potest esse a Deo. Ergo oportet quod liberum arbitrium sit primum agens, vel quod reducatur ad aliquod aliud primum agens quam Deum.

21. Sed diceretur, quod substantia actus peccati est a Deo, non autem deformitas. — Sed contra est quod Commentator dicit (in VII Metaph., com. xxviii): *Impossibile est unius agentis actionem terminari ad materiam, et ulterius ad formam*. Sed deformitas est quasi forma actus peccati. Ergo non potest esse deformitas peccati ab uno auctore, et substantia ab alio.

22. Præterea, ab uno simpliciter non procedit nisi simplex. Sed Deus est omnino simplex. Ergo huiusmodi composita non sunt ab ipso, sed ab alio auctore.

23. Præterea, macula aliquid ponit in anima; si enim esset gratiæ privatio solus, tunc per quodlibet peccatum mortale homo haberet maculam omnium peccatorum. Sed macula peccati non est a Deo, cum Deus non sit illius rei auctor cuius est ultor, secundum Fulgentium (lib. I ad Monimum), et cum non sit ab æterno, oportet quod habeat causam. Ergo oportet reducere in aliquam causam primam, quæ non est Deus.

24. Præterea, Eccle., iii, 14, dicitur: *Didici quod omnia opera quæ fecit Deus, perseverant in æternum*. Hæc autem corruptibilia in æternum non perseverant. Ergo non sunt opera Dei, sed oportet ea reducere in aliud principium.

25. Præterea, omne agens agit sibi simile. Sed huiusmodi corpora corruptibilia non sunt Deo similia; nam *Deus spiritus est*, ut habetur Joan., iv, 24. Ergo huiusmodi corruptibilia non sunt a Deo; et sic idem quod prius.

26. Præterea, natura semper facit quod melius est, secundum Philosophum (II de Cælo, text. xxxiv), et hoc ex bonitate naturæ provenit. Sed bonitas Dei est perfectior quam naturæ. Ergo Deus facit aliquid quanto melius potest. Sed meliora sunt spiritualia corporalibus. Ergo corporalia non facit Deus; quia si fecisset Deus ea, dedisset eis spiritualem bonitatem; et sic relinquatur quod oportet ponere plura creationis principia.

Sed contra est quod habetur Isai., xlv, 6: *Ego Dominus, et non est alter Deus, formans lucem et creans tenebras, faciens pacem et creans malum; ego Dominus faciens omnia hæc*.

Præterea, malum non radicatur nisi in natura boni, ut manifestat Dionysius (iv cap. de divin. Nom.). Hoc autem non esset, si malum haberet contrarium creationis principium ei qui creat bona; alias principium malorum esset potentius quam principium bonorum, ex quo in ipsis bonis effectum suum inderet. Ergo malum non est ab aliquo alio creationis principio quam bonum.

Præterea, Philosophus probat (in VIII Phys., text. xxxiv et seq.), esse unum primum motorem. Hoc autem non esset, si essent diversa creationis principia prima; nam unum principium non gubernaret nec moveret creaturas alterius principii sibi contrarii. Non est ergo nisi unum tantum creationis principium.

Respondeo dicendum, quod, sicut dictum est, antiqui Philosophi specialia (1) principia tantum naturæ considerantes, ex consideratione materiæ in hunc errorem devenerunt; quod non omnia naturalia creata esse credebant; ita quod ex consideratione contrariorum, quæ cum materia ponuntur principia in natura, devenerunt in hoc ut eorum duo prima principia constituerent; et hoc propter triplicem defectum qui eis aderat in contrariorum consideratione. Primus erat, quia contraria considerabant secundum hoc tantum quod diversa sunt ex natura speciei, non autem secundum quod est aliquid unum in eis ex natura generis, licet contraria in eodem genere sint: unde non attribuabant eis causam secundum id in quo conveniunt, sed secundum hoc in quo differunt; et propter hoc in duo prima contraria, sicut in duas primas causas, omnia contraria reduce-

(1) Al. spiritualis.

runt, ut habetur in I Physic. Sed inter eos Empedocles prima contraria etiam primas causas agentes posuit, scilicet amicitiam et iram: et hic (1), ut habetur in Metaph., primo posuit bonum et malum principia. Secundus defectus fuit, quis utrumque contrarium aequaliter iudicabant; cum tamen oporteat semper duorum contrariorum unum esse cum privatione alterius: et propter hoc unum est perfectum et aliud imperfectum et unum melius et aliud peius, ut habetur in I Physic. Et exinde provenit quod tam bonum quam malum, quae videbantur esse generaliora contraria, ponebant quasi quasdam naturas diversas. Et inde fuit quod Pythagoras quosdam genera rerum, scilicet bonum et malum; et in genere boni posuit omnia perfecta, ut lucem, masculum, quietem et huiusmodi; et in genere mali posuit omnia imperfecta, ut tenebras, feminam et huiusmodi. Tertius defectus fuit, quia iudicaverunt de rebus secundum quod in se considerantur tantum, vel secundum ordinem unius rei ad aliam rem particularem, non autem in comparatione ad totum ordinem universi. Et inde est quod si invenirent aliquam rem esse alteri nocivam, vel esse in se imperfectam respectu aliarum perfectarum, iudicaverunt eam simpliciter malam secundum naturam suam, et non dicere originem a causa boni. Et propterea Pythagoras feminam, quae est quid imperfectum, posuit in genere mali. Et ex hac radice provenit quod Manichaei corruptibilia, quae respectu incorruptibilium; et visibilia, quae respectu invisibilium; et vetus Testamentum, quod respectu novi Testamenti, imperfecta sunt, non posuerunt esse a Deo bono, sed a contrario principio. Et praecipue, cum viderent alicui creaturae bonae, utpote homini, provenire aliquid nocivum ex aliquibus visibilibus et corruptibilibus creaturarum. Hic autem error est omnino impossibilis; sed oportet omnia reducere in unum principium primum, quod est bonum; quod quidem tribus rationibus ostenditur ad praesens. Quarum prima est, quia in quibuscumque diversis invenitur aliquid unum commune, oportet ea reducere in unam causam quantum ad illud commune; quia vel unum est causa alterius, vel anterior est aliqua causa communis. Non enim potest esse quod illud unum commune utrique conveniat secundum illud quod proprie utrumque eorum est, ut in praecedenti questione, art. praeced., in corp., est habitum. Omnia autem contraria et diversa, quae sunt in mundo,veniuntur communicare in aliquo uno, vel in natura speciei, vel in natura generis, vel saltem in ratione essendi: unde oportet quod omnium istorum sit unum principium, quod est omnibus causa essendi. Esse autem, in quantum huiusmodi, bonum est: quod patet ex hoc quod unumquodque esse appetit, in quo ratio boni consistit, scilicet quod sit appetibile; et sic patet quod supra quaslibet diversas causas oportet ponere aliquam

(1) 42. et hoc.

causam unam, sicut etiam apud Naturales supra ista contraria agentia in natura ponitur unum agens primum, scilicet eorum, quod est causa diversorum motuum in istis inferioribus. Sed quia in ipso caelo invenitur sitas diversitas in quam sicut in causam reducitur inferiorum corporum contrarietas, ulterius oportet reducere in primum motorem, qui nec per se nec per accidens moveatur. Secunda ratio est, quia omne agens agit secundum quod actu est, et per consequens secundum quod est aliquo modo perfectum. Secundum autem quod malum est, non est actu, cum unumquodque dicatur malum ex hoc quod potentia est privata proprio et debito actu. Secundum vero quod actu est unumquodque, bonum est: quia secundum hoc habet perfectionem et entitatem, in qua ratio boni consistit. Nihil ergo agit in quantum malum est, sed unumquodque agens agit in quantum bonum est. Impossibile est ergo ponere aliud activum rerum principium nisi bonum. Et cum omne agens agat sibi simile, nihil etiam fit nisi secundum quod actu est; ac per hoc, secundum quod bonum est. Ex utraque ergo parte positio est impossibilis qua ponitur malum esse principium creationis malorum. Et huic rationi concordant verba Dionysii (cap. iv de div. Nom.) qui dicit, quod malum non agit nisi virtute boni, et quod malum est praeter intentionem et generationem. Tertia ratio est, quia, si diversa entia essent omnino a contrariis principis in unum supremum principium non reductis, non possent in unum ordinem concurrere nisi per accidens. Ex multis enim non fit coordinatio nisi per aliquam ordinatam; nisi forte multa causaliter in idem concurrant. Videmus autem corruptibilia et incorruptibilia, spiritualia et corporalia, perfecta et imperfecta in unum ordinem concurrere. Nam spiritualia movent corporalia, quod ad minus in homine apparet. Corruptibilia etiam per corpora incorruptibilia disponunt; sicut patet in alterationibus elementorum a corporibus celestibus. Nec potest dici, quod haec casualiter eveniant; nam non contingeret ita semper vel in maiori parte, sed solum in paucioribus. Oportet ergo omnia ista diversa in aliquod unum primum principium reducere a quo in unum ordinantur: unde Philosophus (in XII Metaph., text. lii et seq.) concludit quod unus est principatus.

Ad primum ergo dicendum, quod malum, sicut supra ostensum est, cum non sit ens, sed defectus entis, non potest esse, per se loquendo, factum; et pro tanto dicit Dionysius, quod bonum non est causa mali; non autem ad hoc quod malum in causam primam reducatur.

Ad secundum dicendum, quod obiectio illa procedit de effectu qui potest per se causam habere. Tale autem non est malum: unde nec proprie effectus dici potest.

Ad tertium dicendum, quod, malum est incidens effectibus; sed non est factum, per se loquendo; quod ex hoc patet



quod non est intentum. Nec tamen sequitur quod sit primum principium, nisi cum hoc adderetur quod malum esset natura quealam. Sicut enim malum per hoc quod non est ens, sed entis privato, caret propria ratione effectus; ita et multo amplius caret ratione cause, ut probatum est.

AD QUARTUM dicendum, quod, secundum Augustinum (in Enchir., cap. 1), Deus est adeo bonus quod nunquam aliquid malum esse permitteret, nisi esset adeo potens quod de quolibet malo posset elicere bonum. Unde nec propter impotentiam nec propter ignorantiam Dei est quod mala in mundo proveniunt; sed est ex ordine sapientie sue et magnitudine bonitatis, ex qua provenit quod multipliciter diversi gradus bonitatis in rebus; quorum multi deficerent, si nullum malum esse permitteret; non enim esset bonum patientie, nisi accidente malo persecutionis; nec esset bonum conservationis vite in leone, nisi esset malum corruptionis in animalibus ex quibus vivit.

AD QUINTUM dicendum, quod malum nunquam invenitur nisi in paucioribus, si referatur effectus ad causas proprias: quod quidem in naturalibus patet. Nam peccatum vel malum non accidit in actione natura, nisi propter impedimentum superveniens illi cause agenti; quod quidem non est nisi in paucioribus, ut sunt monstra in natura, et alia hujusmodi. In voluntariis autem magis videtur malum esse ut in pluribus quantum ad agibilia, licet non quantum ad facibilia, in quantum ars non deficit nisi ut in paucioribus, imitatur enim naturam. In agibilibus autem, circa que sunt virtus et vitium, est duplex appetitus movens, scilicet rationalis et sensibilis; et id quod est bonum secundum unum appetitum, est malum secundum alterum, sicut prosequi delectabilia est bonum secundum appetitum sensibilem, qui sensualitas dicitur, quantumvis sit malum secundum appetitum rationis. Et quia plures sequuntur sensus quam rationem, ideo plures inveniuntur mali in hominibus quam boni. Sed tamen sequens appetitum rationis in pluribus bene se habet, et non nisi in paucioribus male.

AD SEXTUM dicendum, quod duplex est causa per accidens. Una que aliquid operatur ad effectum; sed dicitur causa eius per accidens, quia præter intentionem ille effectus a tali causa sequitur; sicut patet in eo qui fodiendo sepulchrum, invenit thesaurum. Alia causa per accidens est que nihil operatur ad effectum; sed ex eo quod accidit cause agenti, causa per accidens nominatur; sicut alium dicitur esse causa domus per accidens, eo quod accidit edificatori. Similiter duplex est effectus per accidens. Unus ad quem potest terminari actio cause, licet præter ejus intentionem accidat, sicut inventio thesauri; et talis effectus licet sit hujusmodi cause per accidens, potest esse alterius cause effectus per se. Hoc autem modo malum non habet causam per accidens; quia, sicut jam dictum est,

non potest esse terminus alicujus actionis. Alius effectus per accidens est ad quem non terminatur actio alicujus agentis; sed ex eo quod accidit effectui, effectus per accidens nominatur; sicut album accidens domui, potest dici effectus per accidens edificatoris; et sic nihil prohibet malum habere causam per accidens.

AD SEPTIMUM dicendum, quod malum licet non sit natura aliqua, non est tamen negatio pura, sed est privato; que secundum Philosophum est negatio alicui subjecto inhaerens; nam (secundum Philosophum, in IV Metaph.) privato est negatio in substantia: unde ex hoc ipso quod accidit alicui, potest ei causa per accidens assignari modo predicto.

AD OCTAVUM dicendum, quod malum per prius inest diabolo quam aliis, tempore, non natura, quasi malitia sit ejus essentia vel accidens ex principiis proprie nature derivatum. Nec obstat, si ipse est aliis pejor, cum hoc non sit propter connaturalitatem malitie ad ipsum, sed per accidens, quia amplius peccavit. Illa autem principia aliorum sunt de quibus aliquid maxime dicitur per se, et non secundum accidens.

AD NONUM dicendum, quod ex perfectione boni est quod solum uno modo contingat; nam non potest esse aliquid perfectum, nisi omnibus concurrentibus ex quibus ejus perfectio quasi integratur. Quodcumque autem eorum deficiat, est imperfectum, et per consequens malum; unde ex imperfectione mali est quod malum multipliciter contingit; et ideo malum habet minus de ratione entis quam bonum.

AD DECIMUM dicendum, quod verbum Philosophi est accipiendum secundum opinionem Pythagoræ, qui posuit bonum et malum esse genera, ut prius dictum est. Habet tamen ejus opinio aliquid veritatis. Nam cum bonum positive dicitur, malum vero private, ut dictum est, et dicitur est; sicut omnis forma habet rationem boni, ita omnis privato habet rationem mali; et sic bonum et malum quodammodo convertuntur cum ente et cum privatione entis. In quibuslibet autem contrariis, ut probatur in X Metaph. (text. xxx), includitur privato et habitus; et ideo semper alterum contrarium quod est perfectius, reducit ad bonum; et alterum quod est imperfectius, reducit ad malum. Unde Philosophus dicit (in I Physic. text. lxxx), quod altera pars contrarietatis ad maleficium pertinet; et pro tanto (1) bonum et malum possunt dici contrariorum genera.

AD UNDICESIMUM dicendum, quod malum, quod est contrarium bono, non dicit privationem solam sed habitum quemdam cum privatione; qui quidem habitus non habet rationem mali in quantum habet de ente, sed in quantum habet adjunctam privationem perfectionis debite.

AD TRIGESIMUM dicendum, quod malum, in quantum est

(1) *Id.* quod præ tanto.

privatio sola, non ponitur differentia constitutiva habitus viciosi, sed secundum quod adjungitur intentioni finis indebite, in qua non invenitur ratio mali ex fine intento, nisi in quantum cum hoc fine delectationis carnalis non potest stare bonum rationis. Ideo autem in habitibus anime specialiter bonum et malum poni dicuntur, quia morales actus, et per consequens habitus, specificantur ex fine, qui est quasi forma voluntatis, quae est principium proprium malorum actuum. Bonum vero et malum dicuntur per comparisonem ad finem.

Ad DECIMUMTERTIUM dicendum, quod non intelligitur contra malum esse bonum sicut unum principium primum contra aliud principium primum, sed sicut duo provenientia ex uno primo principio; quorum unum per se provenit, et aliud per accidens; quod patet ex eo quod subditur: *Et sic inluere in omnia opera Altissimi, etc.*

Ad DECIMUMQUARTUM dicendum, quod malum non intenditur per accessum ad aliquem terminum, sed per recessum ab aliquo termino: sicut enim dicitur aliquid bonum per participationem boni, ita dicitur malum per recessum a bono.

Ad DECIMUMQUINTUM dicendum, quod Dominus per arborem bonam intelligit causam boni, non quidem primam, sed proximam ad aliquem singularem effectum; et simile est de arbore mala; unde per arborem malam haereticos vult intelligi, qui ex suis operibus cognoscuntur, quasi arbor ex fructibus: et hoc etiam patet per similitudinem attendenti; nam fructus non est arbor causa prima, sed radix. Si tamen per arborem universalem omnem causam intelligamus, sicut Dionysius videtur accipere; tunc respondendum est, quod bonum non est per se causa mali, sicut ad primam dictum est.

Ad DECIMUMSEXTUM dicendum, quod tenebrae, de quibus in principio creationis dicitur, non fuerunt aliqua creatura, sed sola carentia lucis in aere; non tamen malum, quia illa sola carentia boni, mali rationem inducit quae est ejus quod potest et debet inesse. Non enim est malum in lapide, qui non habet sensum; vel in puero statim nato, qui non ambulat. Nec tamen ex imperfectione agentis provenit quod aere sine luce creavit, sed ab ejus sapientia; cujus ordo requirit quod aliquid ex imperfecto ad perfectum ducatur.

Ad DECIMUMSEPTIMUM dicendum, quod objecto illa procedit, ac si malum haberet causam per se, quod supra ostensum est, falsum esse.

Et similiter dicendum ad DECIMUMOCTAVUM.

Ad DECIMUMNONUM dicendum, quod aliter se habet natura ad generationem et corruptionem. Forma enim quae est terminus generationis, est per se intenta tam a natura generali quam a natura particulari; privato vero est praeter intentionem naturae particularis; est autem secundum intentionem naturae

universalis, non quidem ut per se intenta, sed quia sine privatione alicujus formae non potest alia forma introduci; et sic generatio est naturalis omnibus modis. Corruptio vero dicitur quandoque contra naturam, habito respectu ad naturam particularem.

Ad VICESIMUM dicendum, quod in actu peccati quidquid est entitatis vel actionis reducitur in Deum sicut in primam causam; quod vero est ibi deformitatis reducitur sicut in causam in liberum arbitrium; sicut quod est de gressu in claudicatione reducitur in virtutem motivam sicut in primam causam; quidquid autem est ibi obliquitatis provenit ex curvitate curvis.

Ad VICESIMUMPRIMUM dicendum, quod ratio illa procedit de duobus agentibus omnino disparatis, non autem quando unum agens in alio operatur: sic enim potest unus eorum esse effectus, Deus autem in omni natura et voluntate operatur; unde ratio non sequitur.

Ad VICESIMUMSECUNDUM dicendum, quod ratio illa procedit de agente per necessitatem naturae, quod si unum sit, unum effectum producit. Nec tamen oportet effectum esse simplicem sicut causam: quia nec in universalitate nec in simplicitate oportet effectum causae aequari. Deus vero non agit per necessitatem naturae, sed per voluntatem; unde potest simpliciter et composita, mutabilia et immutabilia facere.

Ad VICESIMUMTERTIUM dicendum, quod macula in anima non ponit naturam aliquam, sed solam gratiae privationem, tamen cum respectu ad actum peccati precedentem, qui hujus privationis causa fuit vel esse potuit; et sic non oportet quod habeat maculam alienius peccati, qui actum peccati illius non commisit.

Ad VICESIMUMQUARTUM dicendum, quod opera Dei perseverant in aeternum, non secundum numerum, sed secundum speciem vel genus, et secundum substantiam, non secundum modum essendi: *praeterit enim figura hujus mundi*, ut dicitur I Corinth. vii. 31.

Ad VICESIMUMQUINTUM dicendum, quod Deus licet sit spiritus, habet tamen in sua sapientia rationes corporum, quibus corpora assimilantur per modum quo artificata artificii simulantur quantum ad suam artem; nihilominus tamen corpora Deo simulantur quantum ad ejus naturam, in quantum sunt et bona sunt et similes aliquam habent.

Ad VICESIMUMSEXTUM dicendum, quod natura non facit semper quod melius est habito respectu ad partem, sed habito respectu ad totum; alias totum corpus hominis faceret oculum vel cor; hoc enim unicusque partium melius esset, sed non toti. Similiter licet melius esset alicui rei quod in aliori ordine poneretur, non tamen esset melius universo, quod imperfectum remaneret, si omnes creaturae unius ordinis essent.

ARTICULUS VII. — *Utrum Deus operetur in operatione nature.*  
(I part., quæst. lxxv, art. 1, 2 et 3, et ibid. quæst. cv, art. 5.)

Septimo quaeritur, utrum Deus operetur in operatione nature. Et videtur quod non. Natura enim neque deficit in necessariis neque abundat in superfluis. Sed ad actionem naturalem sufficit virtus activa ex parte agentis, et passiva ex parte recipientis. Ergo non requiritur virtus divina in rebus operans.

2. Sed dices, quod virtus activa naturæ dependet in sua operatione ab operatione divina. — Sed contra, sicut operatio naturæ creatæ dependet ab operatione divina, ita operatio corporis elementaris dependet ab operatione corporis celestis: nam corpus celeste comparatur ad corpus elementare sicut causa prima ad secundam. Non autem dicitur, quod corpus celeste operetur in quolibet corpore elementari agente. Ergo non est faciendum, quod Deus operetur in quolibet operatione naturæ.

3. Præterea, si Deus operatur in quolibet operatione naturæ, aut una et eadem operatione operatur Deus et natura, aut diversis. Sed non una et eadem: unitas enim operationis attestatur unitati naturæ; unde quia in Christo sunt duæ naturæ, sunt etiam ibi duæ operationes; creaturæ autem et Dei constat non esse unam naturam. Similiter nec est possibile quod sint operationes diversæ: nam diversæ operationes non videntur ad idem factum terminari; cum motus et operationes penes terminos distinguantur. Ergo nullo modo est possibile quod Deus in natura operetur.

4. Sed dices, quod duæ operationes possunt terminari ad idem, quæ se habent secundum prius et posterius. — Sed contra, ea quæ immediate se habent ad aliquid unum, non habent ad invicem ordinem. Sed tam Deus quam natura immediate operatur effectum naturalem. Ergo operatio Dei et operatio naturæ non se habent secundum prius et posterius.

5. Præterea, quædamque Deus aliquam naturam instituit, ex hoc ipso dat ei omnia illa quæ sunt de ratione illius naturæ: sicut ex hoc ipso quod facit hominem, dat ei animam rationalem. Sed de ratione virtutis est quod sit principium agendi, cum virtus sit ultimum potentie, quæ est principium agendi in alio secundum quod est aliud, ut dicitur in V Metaph. (text. xvii). Ergo ex hoc ipso quod virtutes naturales rebus indidit, dedit eis quod operationes naturales perficerent. Non ergo oportet quod ulterius in rebus naturalibus operetur.

6. Sed dices, quod virtutes naturales non possent durare, sicut nec alia entia, nisi virtute divina confinerentur. — Sed contra, non est idem operari ad rem et operari in re. Sed operatio Dei qua virtutem naturalem vel facit vel in esse conservat, est operatio ad illam virtutem constituendam vel conservandam.

Non ergo propter hoc potest dici, quod Deus in virtute naturali operante operetur.

7. Præterea, si Deus in natura operante operatur, oportet quod operando aliquid rei naturali tribuat: nam agens, agendo, aliquid actu facit. Aut ergo illud sufficit ad hoc quod natura possit per se operari, aut non. Si sufficit, cum etiam virtutem naturalem Deus naturæ tribuerit, eadem ratione potest dici quod et virtus naturalis sufficiebat ad agendum: nec oportebat quod Deus, postquam virtutem naturæ contulit, ulterius ad ejus operationem aliquid operetur. Si autem non sufficit, oportet quod ibi aliquid aliud iterum tribuat: et si illud non sufficit, iterum aliud, et sic in infinitum; quod est impossibile. Nam unus effectus non potest dependere ab actionibus infinitis: quia cum infinita non sit pertransire, nunquam completeret. Ergo standum est in primo, dicendo quod virtus naturalis sufficit ad actionem naturalem, sine hoc quod Deus in ea ulterius operetur.

8. Præterea, posita causa ex necessitate naturæ agente, sequitur ejus actio nisi per accidens impediatur, eo quod natura est determinata ad unum. Si ergo calor ignis agit ex necessitate naturæ, ergo posito calore, sequitur calefactio, nec requiritur aliqua virtus superior agens in ipso.

9. Præterea, ea quæ sunt omnino disparata, possunt ab invicem separari. Sed actio Dei et actio naturæ sunt omnino disparata: cum Deus agat per voluntatem, natura vero per necessitatem. Ergo actio Dei potest separari ab actione naturæ; et ita non oportet quod Deus in natura agente operetur.

10. Præterea, creatura in se considerata, Dei similitudinem habet, in quantum actu est, et actu agit; et secundum hoc est divine bonitatis participes. Hoc autem non esset, si virtus sua ad agendum non sufficeret. Sufficit ergo creatura ad agendum sine hoc quod Deus in ea operetur.

11. Præterea, duo Angeli in uno loco esse non possunt, ut a quibusdam dicitur, ne operationum confusio sequatur; quia Angelus ubi est, ibi operatur. Plus autem distat Deus a natura quam unus Angelus ab alio. Ergo Deus non potest simul in eodem cum natura operari.

12. Præterea, Eccli., xv, 14, dicitur, quod *Deus fecit hominem, et reliquit eum in manu consilii sui*. Non autem reliquisset, si semper in voluntate operaretur. Ergo non operatur in voluntate operante.

13. Præterea, voluntas est domina sui actus. Hoc autem non esset, si agere non posset nisi Deo in ipsa operante; cum voluntas nostra non sit domina divinæ operationis. Ergo Deus non operatur in voluntate nostra operante.

14. Præterea, liberum est quod causa sui est, ut dicitur in I Metaph. (cap. ii). Quod ergo non potest agere nisi causa in

ipso agente non est liberum in agendo. Sed voluntas nostra est libera in agendo. Ergo potest agere, nulla alia causa in ipsa operante; et sic idem quod prius.

15. Præterea, causa prima plus est influens in causatum quam causa secunda. Si ergo Deus operetur in voluntate et natura, sicut causa prima in secunda; sequeretur quod defectus qui accidunt in operatione voluntatis et nature, magis Deo quam nature vel voluntati attribuerentur; quod est inconveniens.

16. Præterea, posita causa sufficienter operante, superfluum est alterius causæ operatione ponere. Sed constat, si Deus operetur in natura et voluntate, quod sufficienter operatur (*Dei enim perfecta sunt opera*, Deut., xxii, 4). Ergo superflua erit omnis operatio nature et voluntatis. Cum ergo in natura nihil sit superfluum; nec natura nec voluntas aliquid operaretur, sed solus Deus. Hoc autem est inconveniens. Ergo et primam, scilicet quod Deus in natura et voluntate operetur.

Sed contra est quod dicitur Isa., xxvi, 12: *Omnia opera nostra operatus es in (1) nobis, Domine.*

Præterea, sicut ars præsupponit naturam, ita natura præsupponit Deum. Sed in operatione artis operatur natura; non enim sine operatione nature, artis operatio efficitur, sicut igne emollitur ferrum ut percussione fabri (2) extendatur. Ergo et Deus in operatione nature operatur.

Præterea, secundum Philosophum (in II Phys., text. xxvi), homo generat hominem et sol. Sed sicut operatio hominis in generatione dependet ab actione solis, ita et multo amplius actio nature dependet ab actione Dei. Ergo quidquid operatur natura etiam Deus operatur.

Præterea, nihil potest operari nisi sit ens. Sed natura non potest esse nisi Deo operante; in nihilum enim decideret nisi divine potentie actione conservaretur in esse, ut patet per Augustinum super Genes. ad litteram. Ergo natura non potest agere nisi Deo agente.

Præterea, virtus Dei est in qualibet re naturali, quia Deus in omnibus rebus esse dicitur per essentiam et potentiam et presentiam. Sed non est dicendum quod virtus divina secundum quod est in rebus sit otiosa. Ergo secundum quod est in natura operatur. Nec potest dici quod aliud quam ipsa natura operatur, cum non appareat ibi nisi una operatio. Ergo in qualibet nature operatione Deus operatur.

Respondendo dicendum, quod simpliciter concedendum est Deum operari in natura et voluntate operantibus. Sed quidam hoc non intelligentes, in errorem inciderunt; attribuentes Deo hoc modo omnem nature operationem quod res penitus naturalis nihil ageret per virtutem propriam; et ad hoc quidem po-

(1) In Vulgato deest in. — (2) Al. fulco.

nendum sunt diversis rationibus moti. Quidam enim loquentes in lege Maurorum, ut Rabbi Moyses narrat, dixerunt, omnes hujusmodi naturales formas accidentia esse; et cum accidens in aliud subjectum transire non possit, impossibile reputabant quod res naturalis per formam suam aliquo modo induceret similem formam in illo subjecto; unde dicebant quod ignis non calefacit, sed Deus creat calorem in re calefacta. Sed si objiceretur contra eos, quod ex applicatione ignis ad calefactibile, semper sequatur calefactio, nisi per accidens esset aliquid impedimentum igni, quod ostendit ignem esse causam caloris per se; dicebant, quod Deus ita statuit ut iste calor servaretur in rebus, quod nunquam ipse calorem causaret nisi apposito igne; non quod ignis appositus aliquid ad calefactionem faceret. Hæc autem positio est manifeste repugnans sensui; nam cum sensus non sentiat nisi per hoc quod a sensibili patitur (quod etsi in visu sit dubium, propter eos qui visum extra mittendo fieri dicunt, in tactu et in aliis sensibus est manifestum), sequitur quod homo non sentiat calorem ignis si per ignem agentem non sit similitudo caloris ignis in organo sentienti. Si enim illa species caloris in organo ab alio agente fieret, tactus etsi sentiret calorem, non tamen sentiret calorem ignis nec sentiret ignem esse calidum, cum tamen hoc iudicet sensus, cujus iudicium in proprio sensibili non errat. Repugnat etiam rationi, per quam ostenditur in rebus naturalibus nihil esse frustra. Nisi autem res naturales aliquid agerent, frustra essent eis formæ et virtutes naturales collatæ; sicut si cultellus non incideret, frustra haberet acumen. Frustra etiam requireretur appositio ignis ad ligna, si Deus absque igne ligna combureret. Repugnat etiam divine bonitati, que sui communicativa est; ex quo factum est quod res Deo similes fierent non solum in esse, sed etiam in agere. Ratio vero quam pro se inducunt, est omnino frivola. Nam cum dicitur accidens de subjecto in subjectum aliud non transire, intelligitur de accidente eodem secundum numerum, non quin simile accidens secundum speciem possit induci in aliud subjectum, virtute accidentis quod alicui subjecto naturali inest. Et hoc est necesse in omni actione naturali contingere. Falsum etiam est quod supponunt, omnes formas esse accidentia; quia sic nullum esset in rebus naturalibus esse substantiale, cujus principium forma accidentalis esse non potest, sed substantialis tantum. Periret etiam generatio et corruptio, et multa alia inconvenientia sequerentur.

Avicenna etiam in libro Fontis vite dicit, quod nulla substantia corporalis agit, sed vis spiritualis penetrans per omnia corpora agit in eis, et tanto corpus aliquod est magis activum quanto est purius et subtilius et per consequens a virtute spiritali penetrabilius. Et ad hoc inducit tres rationes: quarum prima est, quod omne agens post Deum requirit subjectam ma-

teriam in quam agit; corporali autem substantiæ non subieitur aliqua materia, et sic videtur quod agere non possit. Secunda est, quia quantitas impedit actionem et motum: cuius signum ponit, quia multitudo quantitatis retardat motum et addit corpori gravitatem: et ita substantia corporalis quæ est implicita quantitati, agere non potest. Tertia ratio est, quod substantia corporalis est remotissima a primo agente, quod est agens tantum et non patiens; substantiæ autem mediæ sunt agentes et patientes: unde oportet substantiam corporalem, quæ est ultima, esse patientem tantum et non agentem. Sed in hoc est manifesta deceptio ex hoc quod accipitur tota substantia corporalis quasi una et eadem numero substantia, ac si non esset secundum esse substantiale distincta, sed solo accidente. Si enim diversæ substantiæ corporales substantialiter distinctæ accipiuntur, tunc non quælibet substantia corporalis erit ultima entium et remotissima a primo agente, sed una erit alia superior et primo agenti propinquior, et sic una in aliam agere poterit. Item in prædictis consideratur substantia corporalis tantum secundum rationem materiæ, et non ratione suæ formæ, cum tamen ex utroque sit composita. Substantiæ enim corporali competit esse ultimam entium, et non habere inferius subiectum, ratione materiæ, non autem ratione formæ: quia ratione formæ est inferius subiectum omnis substantiæ in cuius materia est in potentia forma illa quam hæc res designata habet in actu. Et inde sequitur quod est mutua actio in substantiis corporibus, cum in materia unus sit in potentia forma alterius, et e converso. Si autem ipsa forma non est sufficiens ad agendum eadem ratione nec vis substantiæ spiritualis, quam corporalis substantia per modum suum necesse est quod recipiat. Quantitas etiam non tollit motum et actionem, cum nihil moveatur nisi quantum, ut in VI Physic. (text. xxiii et xxxi) probatur. Nec est verum quod quantitas sit causa gravitatis. Hoc enim reprobat in IV. Cael. et mundi (text. com. xl et xli). Unde et quantitas addit in velocitatem motus naturalis; nam corpus grave quanto est majus, tanto velocius deorsum fertur, et similiter leve sursum. Licet etiam quantitas secundum se non sit actionis principium, non tamen potest assignari ratio quare actionem impedit, cum magis sit quoddam instrumentum qualitatis activæ, nisi quatenus formæ activæ in materia subiecta quantitati receptæ, esse quoddam limitatum recipiunt et individuatim ad materiam illam, ut sic per actionem in aliam materiam non se extendant. Sed quamvis esse individuatim in materia consequantur, rationem tamen speciei non amittunt, ex qua similia sibi in specie producere possant, licet ipsæmet in alio subiecto esse non possint. Non ergo sic est intelligendum quod Deus in omni re naturali operetur, quasi res naturalis nihil operetur; sed quia in ipsa natura vel voluntate operante Deus opera-

tur: quod quidem qualiter intelligi possit, ostendendum est.

Sciendum namque est, quod actionis alicujus rei res alia potest dici causa multiplex. Uno modo quia tribuitur ei virtutem operandi; sicut dicitur in VIII Physic. (text. xxvii et xxxii), quod generans movet grave et leve, in quantum dat virtutem per quam consequitur talis motus: et hoc modo Deus agit omnes actiones naturæ, quia dedit rebus naturalibus virtutes per quas agere possunt, non solum sicut generans virtutem tribuit gravi et levi, et eam ulterius non conservat, sed sicut continue tenens virtutem in esse quia est causa virtutis collatæ non solum quantum ad fieri sicut generans, sed etiam quantum ad esse, ut sic possit dici Deus causa actionis in quantum causat et conservat virtutem naturalem in esse. Nam etiam alio modo conservans virtutem dicitur facere actionem sicut dicitur quod medicina conservans visum, facit videre. Sed quia nulla res per seipsam movet vel agit nisi sit movens non motum; tertio modo dicitur una res esse causa actionis alterius in quantum movet eam ad agendum; in quo non intelligitur collatio aut conservatio virtutis activæ, sed applicatio virtutis ad actionem; sicut homo est causa incisionis cultelli ex hoc ipso quod applicat acumen cultelli ad incidendum movendo ipsum. Et quia natura inferior agens non agit nisi mota, eo quod hujusmodi corpora inferiora sunt alterantia alterata; eorum autem est alterans non alteratum, et tamen non est movens nisi motum, et hoc non cessat quousque pervenitur ad Deum: sequitur de necessitate quod Deus sit causa actionis cujuslibet rei naturalis ut movens et applicans virtutem ad agendum. Sed ulterius invenimus, secundum ordinem causarum, esse ordinem effectuum, quod necesse est propter similitudinem effectus et causæ. Nec causa secunda potest in effectum causæ primæ per virtutem propriam, quamvis sit instrumentum causæ primæ respectu illius effectus. Instrumentum enim est causa quodammodo effectus principalis causæ, non per formam vel virtutem propriam, sed in quantum participat aliquid de virtute principalis causæ per motum ejus, sicut doctrix non est causa rei artificialis per formam vel virtutem propriam, sed per virtutem artificis a quo movetur et eam quoque modo participat. Unde quarto modo unus est causa actionis alterius, sicut principale agens est causa actionis instrumenti: et hoc modo etiam oportet dicere, quod Deus est causa omnis actionis rei naturalis. Quanto enim aliqua causa est altior, tanto est communior et efficacior, et quanto est efficacior, tanto profundius ingreditur in effectum, et de remotiori potentia ipsum reducit in actum. In quolibet autem re naturali invenimus quod est ens et quod est res naturalis, et quod est talis vel talis naturæ. Quorum primum est commune omnibus entibus; secundum omnibus rebus naturalibus; tertium in una specie; et quartum, si addamus accidentia, est proprium huic

individuo. Hoc ergo individuum agendo non potest constituere aliud in simili specie nisi prout est instrumentum illius causae, quae respicit totam speciem et ulterius totum esse naturae inferioris. Et propter hoc nihil agit in speciem in istis inferioribus nisi per virtutem corporis coelestis, nec aliquid agit ad esse nisi per virtutem Dei. Ipsum enim esse est communissimus effectus prius et inferior omnibus aliis effectibus; et ideo soli Deo competit secundum virtutem propriam talis effectus: unde etiam, ut dicitur in lib. de Causis (propos. ix), intelligentia non dat esse, nisi prout est in ea virtus divina. Sic ergo Deus est causa omnis actionis, prout quodlibet agens est instrumentum divinae virtutis operantis. Sic ergo si consideremus supposita agentia, quodlibet agens particulare est immediatum ad suum effectum. Si autem consideremus virtutem qua fit actio, sic virtus superioris causae erit immediatior effectui quam virtus inferioris; nam, virtus inferior non conjungitur effectui nisi per virtutem superioris; unde dicitur in lib. de Causis (prop. i), quod virtus causae primae prius agit in causatam, et vehementius ingreditur in ipsum. Sic ergo oportet virtutem divinam adesse cuilibet rei agentis, sicut virtutem corporis coelestis oportet adesse cuilibet corpori elementari agentis. Sed in hoc differt; quia ubique est virtus divina, est essentia divina; non autem essentia corporis coelestis est ubique est sua virtus; et iterum Deus est sua virtus, non autem corpus coeleste. Et ideo potest dici quod Deus in qualibet re operatur in quantum ejus virtute quolibet res indiget ad agendum; non autem potest proprie dici quod eorum semper agit in corpore elementari, licet ejus virtute corpus elementare agit. Sic ergo Deus est causa actionis cujuslibet in quantum dat virtutem agendi, et in quantum conservat eam, et in quantum applicat actioni, et in quantum ejus virtute omnis alia virtus agit. Et cum conjunxerimus his, quod Deus sit sua virtus, et quod sit intra rem quamlibet non sicut pars essentiae, sed sicut tenens rem in esse, sequitur quod ipse in quolibet operante immediate operetur, non exclusa operatione voluntatis et naturae.

Ad PRIMUM ergo dicendum, quod virtus activa et passiva rei naturalis sufficienti ad agendum in ordine suo; requiritur tamen virtus divina, ratione jam dicta, in corp. art.

Ad SECUNDUM dicendum, quod operatio virtutis naturalis ad Deum et corporis elementaris ad corpus coeleste sunt quantum ad aliquid similes, non autem quantum ad omnia.

Ad TERTIUM dicendum, quod in operatione qua Deus operatur movendo naturam, non operatur natura; sed ipsa natura operatio est etiam operatio virtutis divinae; sicut operatio instrumenti est per virtutem agentis principalis. Nec impeditur quin natura et Deus ad idem operentur, propter ordinem qui est inter Deum et naturam.

Ad QUARTUM dicendum, quod tam Deus quam natura immediate operantur; licet ordinentur secundum prius et posterius, ut ex dictis patet.

Ad QUINTUM dicendum, quod de ratione virtutis inferioris est quod sit aliquo modo operationis principium in suo ordine, id est ut agat ut instrumentum superioris virtutis; unde, exclusa superiori virtute, inferior virtus operationem non habet.

Ad SEXTUM dicendum, quod Deus non solum est causa operationis naturae ut conservans virtutem naturalem in esse, sed aliis modis, ut dictum est.

Ad SEPTIMUM dicendum, quod virtus naturalis quae est rebus naturalibus in sua institutione collata, inest eis ut quaedam forma habens esse ratum et firmum in natura. Sed id quod a Deo fit in re naturali, quo actualiter agit, est ut intentio sola, habens esse quoddam incompletum, per modum quo colores sunt in aere, et virtus artis in instrumento artificis. Sicut ergo securi per artem dari potuit acumen, ut esset forma in ea permanens, non autem dari ei potuit quod vis artis esset in ea quasi quaedam forma permanens, nisi haberet intellectum; ita rei naturali potuit conferri virtus propria, ut forma in ipsa permanens, non autem vis qua agit ad esse ut instrumentum primae causae; nisi daretur ei quod esset universale essendi principium: nec iterum virtuti naturali conferri potuit ut moveret se ipsam, nec ut conservaret se in esse; unde sicut patet quod instrumento artificis conferri non oportuit quod operaretur absque motu artis; ita rei naturali conferri non potuit quod operaretur absque operatione divina.

Ad OCTAVUM dicendum, quod necessitas naturae, per quam calor agit, constituitur ex ordine omnium causarum procedentium; unde non excluditur virtus causae primae.

Ad NONUM dicendum, quod licet natura et voluntas sint secundum esse disparata, tamen in agendo habent aliquem ordinem. Nam sicut actio naturae praecedit actionem voluntatis nostrae, ratione cujus in operibus artis, quae a voluntate sunt, naturae operatione indiget; ita voluntas Dei, quae est ergo omnis naturalis motus, praecedit operationem naturae; unde et ejus operatio in omni operatione naturae requiritur.

Ad DECIMUM dicendum, quod creatura habet aliquam Dei similitudinem participando bonitatem ipsius, in quantum est et agit, non tamen ita quod per similitudinis perfectionem ad aequalitatem perveniat; et ideo sicut imperfectum indiget perfecto, ita virtus naturae in agendo indiget operatione divina.

Ad UNDICESIMUM dicendum, quod duo Angeli minus distant secundum gradum naturae quam Deus et natura creati; tamen in ordine causae et effectus, Deus et natura convenient, non autem duo Angeli; unde Deus in natura operatur, non autem unus Angelus in alio.

Ad DUODECIMUM dicendum quod Deus non dicitur hominem dereliquisse in manu consilii sui, quin in voluntate operetur; sed quia voluntati hominis dedit dominium sui actus, ut non esset obligata ad alteram partem contradictionis; quod quidem dominium naturæ non dedit, cum per suam formam sit determinata ad unum.

Ad DECIMUMTERTIUM dicendum, quod voluntas dicitur habere dominium sui actus non per exclusionem causæ primæ, sed quia causa prima non ita agit in voluntate ut eam de necessitate ad unum determinet, sicut determinat naturam; et ideo determinatio actus relinquatur in potestate rationis et voluntatis.

Ad DECIMUMQUARTUM dicendum, quod non quelibet causa excludit libertatem, sed solum causa cogens: sic autem Deus non est causa operationis nostræ.

Ad DECIMUMQUINTUM dicendum, quod quia causa prima magis inquit in effectum quam secunda, ideo quiddam perfectionis est in effectu, principaliter reincidente ad primam causam; quod autem est de defectu, reincidente est in causam secundam, que non ita efficaciter operatur sicut causa prima.

Ad DECIMUMSEXTUM dicendum, quod Deus perfecte operatur ut causa prima; requiritur tamen operatio naturæ ut causæ secundæ. Posset tamen Deus effectum naturæ etiam sine natura facere; vult tamen facere mediante natura, ut servaretur ordo in rebus.

#### ARTICULUS VIII. — *Utrum Deus operetur in natura creando.*

Octavo queritur, utrum Deus operetur in natura creando: quod est querere, utrum creatio operi naturæ admisceatur. Et videtur quod sic per hoc quod dicit Augustinus (in III de Trinit., cap. VIII a medio): *Apostolus, inquit, Paulus discernens interiorius Deum creatorem atque formantem ab operibus creature quæ adinvenitur extrinsecus, de agricultura similitudinem assumens ait: Ego plantavi, Apollo rigavit, sed Deus incrementum dedit.*

2. Sed dices, quod creatio accipitur tibi large pro qualibet factione. — Sed contra, Augustinus (ibid.), ex auctoritate Apostoli intendit in verbis prædictis distinguere operationem creaturæ ab operatione Dei. Non autem distinguitur per creationem communiter acceptam pro qualibet factione, quia sic etiam natura creat; aliquid enim facit, ut ostensum est supra, art. præced., sed non per creationem proprie acceptam. Ergo de creatione proprie accepta oportet verba præmissa intelligere.

3. Præterea, idem Augustinus subdit (loc. cit.): *Sicut in ipsa vita nostra mentem justificando formare non potest nisi Deus; prædicare autem extrinsecus Evangelium etiam homines possunt; ita operationem rerum visibilibus Deus interior operatur, exteriores autem operationes bonorum sive malo-*

*rum Angelorum vel hominum, vel quorumcumque animalium, ita verum naturæ adhibet, in qua creat omnia, quemadmodum terræ agriculturam.* Sed mentem nostram justificando format creatione proprie accepta; nam gratia per creationem dicitur esse. Ergo et creatione proprie dicta formas naturales creat.

4. Sed dices, quod formæ naturales habent causam in subiecto, non autem gratia; et pro tanto gratia proprie creatur, non autem formæ naturales. — Sed contra, ut dicitur in Glossa Genes., 1, creare est ex nihilo aliquid facere. Cum autem hæc præpositio *ex* quandoque importet habitudinem causæ efficientis, sicut I Corinth., VIII, 6: *Ex quo omnia, per quem omnia*, quandoque autem habitudinem causæ materialis, sicut habetur Tobie, XIII, 21: *Omnia circuitus murorum ejus in lapide candido et mundo*; cum dicitur aliquid ex nihilo fieri, non negatur habitudo causæ efficientis (quia sic Deus rerum creaturam causa efficiens non esset), sed negatur habitudo causæ materialis. Formæ autem naturales habent in subiectis causas efficientes, per quod differunt a gratia; habent etiam et materiam in qua, quod et gratiæ competit. Non ergo magis competit ratio creationis gratiæ quam naturalibus formis, per hoc quod est habere causam in subiecto.

5. Præterea, formæ artificiales non habent causam in subiecto, sed sunt totaliter ab extrinsecis. Si ergo gratia propter hoc creari dicitur quia non habet causam in subiecto, pari ratione formæ accidentales artificiales creabuntur.

6. Præterea, id quod non habet materiam partem sui, non potest ex materia fieri. Sed formæ non habent materiam partem sui; quia forma distinguitur et contra materiam et contra compositum, ut patet in principio secundi de Anima (com. II et IV). Cum ergo formæ fiant quia de novo esse incipiunt, videtur quod non fiant ex materia; et sic fiant ex nihilo, et per consequens creantur.

7. Sed diceretur, quod licet formæ naturales non habeant materiam partem sui ex qua sunt, habent tamen materiam in qua sunt, et pro tanto non creantur. — Sed contra, sicut alias formæ naturales, ita et anima rationalis est forma in materia. Sed anima rationalis creari ponitur. Ergo et similiter est de aliis formis naturalibus ponendum.

8. Sed dices, quod anima rationalis non educitur de materia, sicut alias formæ naturales. — Sed contra, nihil educitur de aliquo quod non est in eo. Sed ante finem generationis forma, quæ est generationis terminus, non erat in materia; alias essent formæ contrariæ in materia simul. Ergo formæ naturales non educuntur de materia.

9. Præterea, forma quæ est generationis terminus, non apparebat ante generationem completam. Si ergo erat ibi, erat

latens; et ita sequeretur latitatio cujuslibet in quolibet, quam ponebat Anaxagoras, et Aristoteles improbat in I Phys. (text. XXXII, XXXIII, XLII et seq.).

10. Sed dices, quod forma naturalis non existeret in materia ante completam generationem, complete, ut Anaxagoras ponebat, sed incomplete. — Sed contra, si forma aliquo modo est in materia ante terminum generationis, est ibi secundum aliquid sui. Si autem non est ibi complete secundum aliquid sui, non præexistit. Habet ergo forma aliquid et aliquid, et sic non est simplex; cujus contrarium in principio sex principiorum habetur.

11. Præterea, si non complete præexistit in materia, et postmodum completur, oportet quod per generationem ei adveniat complementum, illud autem complementum in materia non præexistebat, quia sic fuisset ibi complete. Ergo illud complementum per creationem erit ad minus.

12. Sed dices, quod præexistebat in materia incomplete, non tamen secundum partem, sed quia alio modo erat ante, et alio modo post: prius enim erat in potentia, sed post est in actu. — Sed contra, ex hoc quod aliquid alio et alio modo se habet, est alteratio, non generatio. Si ergo per opus naturæ non fit aliquid, nisi quod forma quæ prius erat in potentia, postea fit acto, sequeretur quod per operationem naturæ non sit aliqua generatio, sed alteratio sola.

13. Præterea, in natura inferiori non invenitur aliquid activum principium, nisi accidens: nam ignis agit per calorem, qui est accidens; et similiter de aliis. Sed accidens non potest esse causa activa formæ substantialis, quia nihil agit ultra suam speciem; effectus autem non præemittit causam, cum tamen forma substantialis præemittat accidentem. Ergo forma substantialis non producitur per actionem naturæ inferioris; et ita oportet quod sit per creationem.

14. Præterea, imperfectum non potest esse causa perfecti. Sed in semine bruti animalis non est vis animæ nisi imperfecte. Ergo anima bruti non producitur per actionem naturalem virtutis sensibilis; et ita oportet quod sit per creationem, et pari ratione omnes alie formæ naturales.

15. Præterea, illud quod non est animatum nec vivum, non potest esse causa rei animate viventis. Sed animalia quæ generantur ex putrefactione, sunt res animate viventes; non autem inveniuntur in natura aliqua vivente, a quibus eis vita conferatur. Ergo oportet quod eorum animæ sint per creationem a primo vivente, et pari ratione alie formæ naturales.

16. Præterea, natura non agit nisi sibi simile. Sed aliqua res naturalis invenitur generari, cujus similitudo in generante non præcessit. Mulus enim neque equo, neque asino est similis in specie. Ergo forma muli non est per actionem naturæ, sed per creationem; et sic idem quod prius.

17. Præterea, Augustinus dicit, in lib. de vera Relig. (lib. II de lib. arb., cap. xvii), quod res naturales formis suis formate non essent, nisi esset aliquid primum unde formaruntur. Hoc autem est ipse Deus. Ergo omnes formæ sunt per creationem a Deo.

18. Præterea, Boetius dicit (in lib. de Trin., ante med.), quod ex formis quæ sunt sine materia venerunt formæ quæ sunt in materia. Formæ autem quæ sunt sine materia, non possunt intelligi in proposito, nisi ideæ rerum in mente divina existentes. Nam Angeli, qui possunt dici sine materia formæ, non sunt cause formarum naturalium, ut patet per Augustinum (III de Trin., cap. viii et ix). Ergo formæ naturales non sunt per actionem naturæ, sed a datore creatæ.

19. Præterea, in lib. de Causis (prop. xviii, circa finem) dicitur quod esse est per creationem. Hoc autem non esset nisi formæ crearentur; nam forma est essendi principium. Ergo formæ sunt per creationem: ergo Deus in materia operatur aliquid creando, scilicet ipsas formæ.

20. Præterea, id quod est per se, est causa ejus quod non est per se. Sed formæ rerum naturalium non sunt per se, sed sunt in materia. Ergo eorum causa est forma per se stans; et ita oportet quod formæ naturales sint per creationem ab agente extrinseco; et sic videtur quod Deus in natura operetur, formas creando.

Sed contra, opus creationis distinguitur ab opere gubernationis et propagationis. Quod autem actione naturæ agitur, pertinet ad opus gubernationis et ad rerum propagationem. Ergo creatio operi naturæ non admisceatur.

Præterea, nihil potest creare nisi solus deus. Si ergo formæ sunt per creationem, non erunt nisi a Deo; et sic omnis actio naturæ frustrabitur, cujus finis est forma.

Præterea, sicut forma substantialis non habet materiam partem sui, ita nec accidentalis. Si, ergo, propter hoc formæ substantiales oportet esse per creationem, quia non habent materiam, partem suam et formam accidentales. Sicut autem res generata perficitur per formam substantialem, ita fit dispositio per formam accidentalem. Ergo res naturalis nullo modo erit generans, neque sicut perficiens neque sicut disponens; et sic causa erit omnis naturæ actio.

Præterea, natura est et similibus similia præcreans. Sed generatum invenitur simile generanti secundum speciem et formam. Ergo ipsa forma generati fit per actionem generantis, et non per creationem.

Præterea, diversorum agentium actiones non terminantur ad unum effectum. Sed ex materia et forma fit unum simpliciter. Ergo non potest esse quod sit aliud agens quod disponit materiam, et quod inducit formam. Disponens autem materiam, est



agens naturale. Ergo et inducens formam; et sic formæ non sunt per creationem, et ita creatio non admiscetur operibus naturæ.

Respondeo dicendum. Circa istam questionem diverse fuerunt opiniones. Quarum omnium videtur radix fuisse unum et idem principium, secundum quod natura non potest ex nihilo aliquid facere: ex hoc enim aliqui crediderunt quod nulla res fieret aliter nisi per hoc quod extraheretur a re alia in qua latebat, sicut de Anaxagora narrat Philosophus (in I Physic., com. xxxii et xxxiii), qui ex hoc videtur fuisse deceptus, quia non distinguebat inter potentiam et actum; putabat enim oportere quod actu præexisterit illud quod generatur. Oportet autem quod præexistat potentia, et non actu: si enim præexisteret potentia, fieret ex nihilo; si vero præexisteret actu, non fieret: quia quod est, non fit.

Sed quia res generata est in potentia per materiam, et in actu per suam formam; possuerunt aliqui, quod res fiebat quantum ad formam materia præexistente. Et quia operatio nature non potest esse ex nihilo, et per consequens oportet quod sit ex præsuppositione, non operabatur, secundum eos, natura, nisi ex parte materiæ, disponendo ipsam ad formam. Formam vero, quam oportet fieri et non præsupponi, oportet esse ex agente qui non præsupponit aliquid, sed potest ex nihilo facere: et hoc est agens supernaturale, quod Plato posuit datorem formarum. Et hoc Avicenna dixit esse intelligentiam ultimam inter substantias separatas. Quidam vero moderni eos sequentes, dicunt hoc esse Deum. Hoc autem videtur esse inconveniens. Quia cum unumquodque natum sit simile sibi agere (nam unumquodque agit in eo quod actu est, hoc scilicet quod est in potentia id quod agendum est), non requireretur similitudo secundum formam substantialem in agente naturali, nisi forma substantialis geniti esset per actionem agentis. Ex quo etiam id quod in genito acquirendum est, actu in generante naturali invenitur, et unumquodque agit secundum quod actu est; inconveniens videtur, hoc generante prætermissis, aliud exterius inquirere.

Unde sciendum est, quod istæ opiniones videntur provenisse ex hoc quod ignorabatur natura formæ, sicut et primæ provenerunt ex hoc quod ignorabatur natura materiæ. Forma enim naturalis non dicitur univoce esse cum re generata. Res enim naturalis generata dicitur esse per se et proprie, quasi habens esse, et in suo esse subsistens; forma autem non sic esse dicitur, cum non subsistat, nec per se esse habeat: sed dicitur esse vel ens, quia ea aliquid est; sicut et accidentia dicuntur entia quia substantia eis est vel qualis vel quanta, non quo eis sit simpliciter sicut per formam substantialem: unde accidentia magis proprie dicuntur entis, quam entia, ut patet in Metaphysic. (lib.

VII, com. ii). Unumquodque autem factum, hoc modo dicitur fieri quo dicitur esse. Nam esse est terminus factionis: unde illud quod proprie fit per se, compositum est. Forma autem non proprie fit, sed est id quo fit, id est per cuius acquisitionem aliquid dicitur fieri. Nihil ergo obstat per hoc quod dicitur quod per naturam ex nihilo nihil fit, quin formas substantiales ex operatione naturæ esse dicamus. Nam id quod fit, non est forma, sed compositum; quod ex materia fit, et non ex nihilo. Et fit quidem ex materia, in quantum materia est in potentia ad formam. Et sic compositum per hoc quod est in potentia ad formam. Et sic non proprie dicitur quod forma fiat in materia, sed magis quod de materiæ potentia educatur. Ex hoc autem ipso quod compositum fit, et non forma, ostendit Philosophus (in VII Metaph., text. xxvi et xxvii), quod formæ sunt ex agentibus naturalibus. Nam, cum factum oporteat esse simile facienti, ex quo id quod factum est, est compositum, oportet id quod est faciens, esse compositum, et non forma per se existens, ut Plato dicebat; ut sic sicut factum est compositum, quo autem fit, est forma in materia in actum reducta; ita generans sit compositum, non forma tantum; sed forma sit quo generat: forma, inquam, in hac materia existens, sicut in his carnibus et in his ossibus et in aliis huiusmodi.

AD PRIMUM ergo dicendum, quod ex verbis Augustini in operibus naturæ creatio Deo attribuitur ratione virtutum naturalium, quas in principio materiæ induit per opus creationis, non quod in quolibet naturæ opere aliquid creetur.

AD SECUNDUM dicendum, quod creatio proprie accipitur in verbis Augustini; non tamen referenda est ad effectus naturæ, sed ad virtutes quibus natura operatur; que per opus creationis naturæ sunt inditæ.

AD TERTIUM dicendum, quod gratia, cum non sit forma subsistens, nec esse nec fieri ei propria per se competit: unde non proprie creatur per modum illius quo substantiæ per se subsistentes creantur. Infusio tamen gratiæ accedit ad rationem creationis in quantum gratia non habet causam in subjecto, nec efficientem, nec talem materiam in qua sit hoc modo in potentia, quod per agens naturale educi possit in actum, sicut est de aliis formis naturalibus.

Unde patet solutio AD QUARTUM. Nam cum dicitur aliquid fieri ex nihilo, negatur causa materialis. Hoc vero aliquo modo ad creaturam materiæ pertinet, quod aliqua forma de naturali materiæ potentia educi non potest.

AD QUINTUM dicendum, quod licet in natura non inveniantur principium efficiens respectu formarum artificialium, tamen huiusmodi formæ non excedunt nature ordinem, sicut gratia; immo infra subsistunt, quia omne naturale est nobilius quam artificiale.

AD SEXTUM dicendum, quod ex hoc quod forma non habet materiam partem sui, sequeretur quod ei creati competeret, si proprie fieri posset sicut res per se subsistens.

AD SEPTIMUM dicendum, quod licet anima rationalis habeat materiam in qua sit, non tamen educitur de potentia materie, cum ejus natura supra omnem materialem ordinem eleveatur: quod ejus intellectus operatio declarat. Et iterum hæc forma est res per se subsistens, cum corrupto corpore, maneat.

AD OCTAVUM dicendum, quod forma, quæ est generationis terminus, erati in materia ante generationem completam, non in actu, sed in potentia. Non est autem inconveniens duorum contrariorum unum esse actu et aliud in potentia.

Et per hoc patet responsio AD NONUM. Nam Anaxagoras non ponebat formas actu præexistere in materia, sed latere.

AD DECIMUM dicendum, quod forma præexistit in materia imperfecte; non quod aliqua pars ejus sit ubi in actu, et alia desit; sed quia tota præexistit in potentia, et postmodum tota producitur in actu.

Et per hoc etiam patet responsio AD UNDECIMUM; patet enim quod non perficitur esse forme in materiam alio exteriori addito, quod in potentia materie non esset.

AD DUODECIMUM dicendum, quod esse in potentia et esse in actu non dicunt diversos modos accidentales, ex quorum diversitate alteratio proveniat, sed substantiales. Nam etiam substantia dividitur per potentiam et actum (1), sicut et quodlibet aliud genus.

AD DECIMUMTERTIUM dicendum, quod forma accidentalis agit in virtute forme substantialis quasi instrumentum ejus; sicut etiam in II de Anima (com. 1) calor ignis dicitur esse instrumentum virtutis nutritivæ; et idcirco non est inconveniens, si actio forme accidentalis ad formam substantialem terminetur.

AD DECIMUMQUARTUM dicendum, quod etiam in semine calor seminis agit ut instrumentum virtutis anime, quæ est in semine; quæ quidem licet imperfecta sit, tamen est impressio quædam anime perfecte relicta; est enim in semine ab anima generalis, et agit etiam in virtute corporis celestis ejus est quasi instrumentum; et propter hoc non dicitur quod semen generet, sed quod anima et sol.

AD DECIMUMQUINTUM dicendum, quod animalia generata ex putrefactione sunt minoris perfectionis aliis animalibus; unde in eorum generatione efficit vis celestis corporis inferiori materie impressa, quod in generatione animalium perfectorum facit eadem vis celestis cum virtute seminis.

AD DECIMUMSEXTUM dicendum, quod licet mulus non sit similis equo vel asino in specie, est tamen similis in genere proxi-

(1) 44. in nota.

mo; ratione cujus similitudinis ex diversis species quasi media generatur.

AD DECIMUMSEPTIMUM dicendum, quod sicut virtus divina, scilicet primum agens, non excludit actionem virtutis naturalis, ita nec prima exemplaris forma, quæ est Deus, excludit derivationem formarum ab aliis inferioribus formis, quæ ad sibi similes formas agunt.

Et per hoc patet responsio AD DECIMUMOCTAVUM. Nam Boetius (loc. cit.) intelligit formas quæ sunt in materia, provenire ex formis quæ sunt sine materia, sicut a primis exemplaribus, non sicut a proximis.

AD DECIMUMNONUM dicendum, quod esse per creationem dicitur, in quantum omnis causa secunda dans esse, hoc habet in quantum agit in virtute primæ causæ creatrix; cum esse sit primus effectus nihil aliud præsupponens.

AD VICESIMUM dicendum, quod forma naturalis, quæ est in materia, non potest reduci ad formam per se existentem ejusdem speciei, cum forma naturalis habeat materiam in sui ratione; sed reducitur ad formam per se existentem, sicut dictum est.

ARTICULUS IX. — *Utrum anima rationalis educatur in esse per creationem, vel per seminis traductionem.*

Nono queritur, utrum anima rationalis educatur in esse per creationem, vel per seminis traductionem. Et videtur quod progredir cum semine. Dicitur enim Gen., XLVI, 26: *Cunctæ animæ quæ ingressæ sunt cum Jacob in Ægyptum, et egressæ sunt de femore illius, absque uxoribus filiorum, sexaginta sex.* Sed nihil egreditur de femore patris, nisi per seminis traductionem. Ergo anima rationalis traducitur cum semine.

2. Sed diceretur, quod ponitur pars pro toto, id est anima pro homine. — Sed contra, homo est quid compositum ex anima et corpore. Si ergo totus homo ex femore patris egreditur, non solum corpus, sed etiam anima cum semine traducitur, ut prius.

3. Præterea, accidens traduci non potest nisi subjectum traducatur, eo quod accidens de subjecto in subjectum non transit. Sed anima rationalis est subjectum peccati originalis. Cum ergo peccatum originale traducatur a parente in prolem, videtur etiam quod anima rationalis filii a parente traducatur.

4. Sed diceretur, quod peccatum originale, licet sit in anima sicut in subjecto, est tamen in carne sicut in causa; unde per carnis traductionem traducitur. — Sed contra, Roman., v, 12, dicitur: *Peccatum per unum hominem in mundum intravit, et per peccatum mors; et ita mors in omnes pertransiit, in quo omnes peccaverunt.* Glossa autem (Aug., lib. de pec. mer. et

AD SEXTUM dicendum, quod ex hoc quod forma non habet materiam partem sui, sequeretur quod ei creati competeret, si proprie fieri posset sicut res per se subsistens.

AD SEPTIMUM dicendum, quod licet anima rationalis habeat materiam in qua sit, non tamen educitur de potentia materie, cum ejus natura supra omnem materialem ordinem eleveatur: quod ejus intellectus operatio declarat. Et iterum hæc forma est res per se subsistens, cum corrupto corpore, maneat.

AD OCTAVUM dicendum, quod forma, quæ est generationis terminus, erati in materia ante generationem completam, non in actu, sed in potentia. Non est autem inconveniens duorum contrariorum unum esse actu et aliud in potentia.

Et per hoc patet responsio AD NONUM. Nam Anaxagoras non ponebat formas actu præexistere in materia, sed latere.

AD DECIMUM dicendum, quod forma præexistit in materia imperfecte; non quod aliqua pars ejus sit ubi in actu, et alia desit; sed quia tota præexistit in potentia, et postmodum tota producitur in actu.

Et per hoc etiam patet responsio AD UNDECIMUM; patet enim quod non perficitur esse forme in materiam alio exteriori addito, quod in potentia materie non esset.

AD DUODECIMUM dicendum, quod esse in potentia et esse in actu non dicunt diversos modos accidentales, ex quorum diversitate alteratio proveniat, sed substantiales. Nam etiam substantia dividitur per potentiam et actum (1), sicut et quodlibet aliud genus.

AD DECIMUMTERTIUM dicendum, quod forma accidentalis agit in virtute forme substantialis quasi instrumentum ejus; sicut etiam in II de Anima (com. 1) calor ignis dicitur esse instrumentum virtutis nutritivæ; et idcirco non est inconveniens, si actio forme accidentalis ad formam substantialem terminetur.

AD DECIMUMQUARTUM dicendum, quod etiam in semine calor seminis agit ut instrumentum virtutis anime, quæ est in semine; quæ quidem licet imperfecta sit, tamen est impressio quædam anime perfecte relicta; est enim in semine ab anima generalis, et agit etiam in virtute corporis celestis ejus est quasi instrumentum; et propter hoc non dicitur quod semen generet, sed quod anima et sol.

AD DECIMUMQUINTUM dicendum, quod animalia generata ex putrefactione sunt minoris perfectionis aliis animalibus; unde in eorum generatione efficit vis celestis corporis inferiori materie impressa, quod in generatione animalium perfectorum facit eadem vis celestis cum virtute seminis.

AD DECIMUMSEXTUM dicendum, quod licet mulus non sit similis equo vel asino in specie, est tamen similis in genere proxi-

(1) 44. in nota.

mo; ratione cujus similitudinis ex diversis species quasi media generatur.

AD DECIMUMSEPTIMUM dicendum, quod sicut virtus divina, scilicet primum agens, non excludit actionem virtutis naturalis, ita nec prima exemplaris forma, quæ est Deus, excludit derivationem formarum ab aliis inferioribus formis, quæ ad sibi similes formas agunt.

Et per hoc patet responsio AD DECIMUMOCTAVUM. Nam Boetius (loc. cit.) intelligit formas quæ sunt in materia, provenire ex formis quæ sunt sine materia, sicut a primis exemplaribus, non sicut a proximis.

AD DECIMUMNONUM dicendum, quod esse per creationem dicitur, in quantum omnis causa secunda dans esse, hoc habet in quantum agit in virtute primæ causæ creatrix; cum esse sit primus effectus nihil aliud præsupponens.

AD VICESIMUM dicendum, quod forma naturalis, quæ est in materia, non potest reduci ad formam per se existentem ejusdem speciei, cum forma naturalis habeat materiam in sui ratione; sed reducitur ad formam per se existentem, sicut dictum est.

ARTICULUS IX. — *Utrum anima rationalis educatur in esse per creationem, vel per seminis traductionem.*

Nono queritur, utrum anima rationalis educatur in esse per creationem, vel per seminis traductionem. Et videtur quod propter eam cum semine. Dicitur enim Gen., XLVI, 26: *Cunctæ animæ quæ ingressæ sunt cum Jacob in Ægyptum, et egressæ sunt de femore illius, absque uxoribus filiorum, sexaginta sex.* Sed nihil egreditur de femore patris, nisi per seminis traductionem. Ergo anima rationalis traducitur cum semine.

2. Sed diceretur, quod ponitur pars pro toto, id est anima pro homine. — Sed contra, homo est quid compositum ex anima et corpore. Si ergo totus homo ex femore patris egreditur, non solum corpus, sed etiam anima cum semine traducitur, ut prius.

3. Præterea, accidens traduci non potest nisi subjectum traducatur, eo quod accidens de subjecto in subjectum non transit. Sed anima rationalis est subjectum peccati originalis. Cum ergo peccatum originale traducatur a parente in prolem, videtur etiam quod anima rationalis filii a parente traducatur.

4. Sed diceretur, quod peccatum originale, licet sit in anima sicut in subjecto, est tamen in carne sicut in causa; unde per carnis traductionem traducitur. — Sed contra, Roman., v, 12, dicitur: *Peccatum per unum hominem in mundum intravit, et per peccatum mors; et ita mors in omnes pertransiit, in quo omnes peccaverunt.* Glossa autem (Aug., lib. de pec. mer. et

remis, cap. x) exponit: *In quo homine peccatore, vel in quo peccato.* Non autem in illo peccato omnes peccassent, nisi illud unum peccatum in omnes traductum fuisset. Illud ergo unum peccatum quod in Adam fuit, in omnes traducitur; et sic anima illius, qua peccati subiectum erat, traducitur in omnes.

5. Præterea, omne agens agit sibi simile. Sed omne agens agit per virtutem formæ. Ergo illud quod agit agens, est forma. Sed generans agens est. Ergo forma generati est per actionem generantis. Cum ergo homo generet hominem, et anima rationalis sit forma hominis; videtur quod anima rationalis sit per generationem, et non per creationem.

6. Præterea, secundum Philosophum in II Phys. (text. lxx), causa efficiens in suo (1) effectu incidit in idem specie. Sed homo sortitur speciem per animam rationalem, Ergo videtur quod id quod facit generans in genito, sit anima rationalis.

7. Præterea, filii simulantur parentibus propter hoc quod a parentibus propagantur. Similantur autem parentibus filii, non solum quantum ad dispositiones corporales, sed etiam quantum ad dispositiones anime. Ergo sicut corpora a corporibus, ita anime ab animabus traducuntur.

8. Præterea, Moyses dicit, Levit., xvii, 19: *Anima omnis carnis in sanguine est.* Sed sanguis semine traducitur; præcipue cum sperma non sit nisi sanguinis decoctus. Ergo et anima cum semine traducitur.

9. Præterea, embrio antequam anima rationali perficiatur, habet aliquam operationem anime; quia augetur et nutritur et sentit. Sed operatio anime non est sine vita. Ergo vivit. Vita vero corporis principium est anima. Ergo habet animam. Sed non potest dici quod adveniat et alia anima; quia tunc in uno corpore essent duæ anime. Ergo ipsa anima quæ prius erat in semine propagata, est anima rationalis.

10. Præterea, diversæ anime secundum speciem, constituunt diversas animas (2) secundum speciem. Si ergo in semine ante ipsam animam rationalem erat anima quæ non erat rationalis, erat ibi animal secundum speciem diversum ab homine; et sic ex illo non poterit homo fieri; quia diversæ species animalis non transeunt in invicem.

11. Sed dices, quod huiusmodi operationes anime non conveniunt embrio per animam, sed per aliquam virtutem anime, quæ dicitur virtus formativa. — Sed contra, virtus supra substantiam radicatur; unde ponitur media inter substantiam et operationem, ut habetur a Dionysio (in xi cap. cœl. Hierar.). Si ergo est ibi virtus anime, erit ibi anima substantia.

12. Præterea, Philosophus dicit in XVI de Animalibus (lib. II de Gen. animal., cap. iii), quod embrio prius vivit quam animal, et prius animal quam homo. Sed omne animal habet ani-

(1) Forte cum suo. — (2) Forte diversæ animalis.

mam. Ergo prius est ibi aliqua anima quam sit ibi anima rationalis per quam homo est homo.

13. Præterea, secundum Philosophum (in II de Anima, com. vi), anima est *actus viventis corporis inquantum huiusmodi.* Sed si embrio vivit, et operationem vite exercet per huiusmodi virtutem formativam, ipsa virtus erit actus ejus inquantum est vivens. Ergo erit anima.

14. Præterea, ut dicitur in I de Anima (text. xiv), vivere inest omnibus viventibus per animam vegetabilem. Sed manifestum est embriorem vivere ante infusionem anime rationalis, cum in eo operationes vite inveniuntur. Ergo est ibi anima vegetabilis antequam sit anima rationalis.

15. Præterea, in II de Anima (text. xl et xli), improbat Philosophus quod augeri non est actus ignis sicut principalis agentis, sed magis anime vegetabilis. Sed embrio ante adventum anime rationalis augetur. Ergo habet animam vegetabilem.

16. Præterea, si non est ibi anima vegetabilis ante adventum anime rationalis, sed virtus formativa; adveniente anima, illa virtus suam operationem non habebit; cum operatio quam illa virtus faciebat in embrione, sufficienter postmodum fiat in animali per animam. Ergo erit ibi otiosa; quod videtur esse inconveniens, cum nihil sit otiosum in natura.

17. Sed dices, quod illa virtus destruitur adveniente anima rationali. — Sed contra, dispositiones non destruantur adveniente forma, sed manent, et quodammodo tenent formam in materia. Sed illa virtus erat quedam dispositio ad animam. Ergo adveniente anima, illa virtus non destruitur.

18. Præterea, ex actione illius virtutis pervenitur ad introductionem anime. Si ergo anima adveniente illa virtus destruitur, videtur quod aliquid agat ad sui destructionem; quod est impossibile.

19. Præterea, homo est homo per animam rationalem. Si ergo anima non exit in esse per generationem, nec erit verum dicere quod homo generetur, quod patet esse falsum.

20. Præterea, corpus hominis exit in esse per actionem generantis. Si ergo anima non exit in esse a generante, erit in homine duplex esse; unum corporis, quod facit generans; et aliud anime, quod non facit; et sic ex anima et corpore non fit unum simpliciter, cum secundum esse differant.

21. Præterea, impossibile est quod actio unius agentis terminetur ad materiam, et alterius ad formam; alias ex forma et materia non esset unum simpliciter, cum unum factum sit per unam actionem. Sed actio nature generantis terminatur ad corpus. Ergo et terminatur ad animam, quæ est forma ejus.

22. Præterea, secundum Philosophum in XVI de Animalibus (II de Generat. animal., cap. iii, circa med.), principia quorum actiones non sunt sine corpore, cum corpore producuntur.

Sed actio animæ rationalis non est sine corpore; maxime enim intelligere esset sine corpore, quod patet esse falsum; non enim est intelligere sine phantasmate, ut dicitur in I et III de Anima; phantasma autem non est sine corpore. Ergo anima rationalis cum corpore traducitur.

23. Sed dicebat, quod anima rationalis indiget phantasmate in intelligendo quantum ad acquisitionem specierum intelligibilium, non autem postquam eas jam acquisivit. — Sed contra, homo postquam acquisivit scientiam, impeditur in actione intellectus læso organo phantasie. Hoc autem non esset, si intellectus post acquisitionem scientiæ, phantasmatibus non indigeret. Indiget ergo eis non solum in acquirendo scientiam, sed etiam in utendo scientia acquisita.

24. Sed dicas, quod impedimentum operationis intellectualis ex læsione organi phantasie provenit non ex hoc quod intellectus indiget phantasmatibus in utendo scientia acquisita, sed ex hoc quod imaginatio et intellectus sunt in una essentia animæ; unde per accidens, imaginatio impedit, impeditur et intellectus. — Sed contra est quod conjunctio potentiarum in una essentia animæ est eadem quare quando una potentiarum intenditur in suo actu, alterius actus remittitur; sicut quando aliquis attente videt, minus attente audit; et est etiam causa quare una potentiarum cessante a suo actu, alia in suo actu roboratur; unde cæci plerumque acutius audiunt. Non ergo propter huiusmodi conjunctionem contingeret quod propter impedimentum potentis imaginatiæ impederetur actio intellectus, sed magis roboraretur.

25. Præterea, quicumque dat ultimum complementum operationi alicui, ille maxime operanti cooperatur. Sed si omnes animæ humane creantur a Deo, et ipsi corporibus infunduntur, ipse dat ultimum complementum generationi quæ est ex adulterio. Ergo ipse cooperabitur adulteris; quod videtur absurdum.

26. Præterea, secundum Philosophum (in IV Meteor., II de Anima, text. XXXIV), perfectum unumquodque est quod potest sibi simile facere. Quanto ergo aliquid est perfectius, tanto magis potest sibi simile facere. Sed animæ rationales sunt perfectiores materialibus formis elementarum, quæ sibi similes formas producent. Ergo virtute animæ rationalis poterit anima rationalis produci per viam generationis.

27. Præterea, anima rationalis constituta est inter Deum et res corporales mediæ; unde in libro de Causis (prop. II) dicitur, quod est creata in horizonte æternitatis et temporis. Sed in Deo generatio invenitur, similiter in rebus corporalibus. Ergo et anima, quæ est mediæ, per generationem producitur.

28. Præterea, Philosophus in XVI de Animalibus (II de Generat. animal., cap. III) dicit, quod spiritus qui exit cum sper-

mate, est virtus principii animæ et est res divina; et tale dicitur intellectus; et ita videtur quod intellectus propagetur cum semine.

29. Præterea, in eodem lib. (cap. IV), Philosophus dicit, quod in generatione femina dat corpus, et anima est ex mare; et ita videtur quod anima sit per seminis propagationem, et non per creationem.

Sed contra est quod dicitur Isa., LVII, 16: *Omnem flatum ego feci*. Per flatum autem intelligitur anima. Ergo videtur quod anima creetur a Deo.

Præterea, in Psalm. XXXII, 15, dicitur: *Qui finxit singillatim corda eorum*. Non ergo una anima propagatur ex alia, sed omnes seorsum creantur a Deo.

Respondeo dicendum, quod circa hanc questionem antiquitus diversa dicebantur a diversis. Quidam namque dicebant, animam filii ex parentis anima propagari, sicut et corpus propagatur ex corpore. Alii vero dicebant, omnes animas seorsum creari; sed ponebant a principio eas extra corpora fuisse creatas simul, et postmodum corporibus seminatis conjungebantur, vel proprio motu voluntatis, secundum quosdam, vel Deo mandante et faciente, secundum alios. Alii vero dicebant, animas simul cum creantur, corporibus infundi. Quæ quidem opiniones, quamvis aliquo tempore sustinerentur, et quæ earum esset verior in dubium verteratur, ut patet ex Augustino (in X super Genes. ad litteram, cap. XXI et XXII), et in libris quos scribit de origine animæ; tamen primæ due postmodum iudicio Ecclesie sunt damnatæ, et tertia approbatæ; unde dicitur in lib. de Ecclesiasticis dogmatibus (cap. XIII): *Animas hominum non esse ab initio inter ceteras intellectuales naturas, nec simul creatas et diuinas, sicut Origenes fugit; neque cum corporibus per coitum seminantur, sicut Luciferiani et Cyrillus et alii latinorum pressumptores affirmant. Sed dicitur corpus tantum per conjugium copulam seminari, ac formato jam corpore, animam creari et infundi*. Diligenter autem consideranti apparet rationabiliter flatam opinionem esse damnatam quæ ponebat animam rationalem cum semine propagari, de qua nunc est questio; et hoc tribus rationibus potest videri ad præsens. Prima est, quia rationalis anima in hoc a ceteris formis differt, quod aliis formis non competit esse in quo ipse subsistant, sed quo eis res formate subsistant; anima vero rationalis sic habet esse ut in eo subsistens; et hoc declarat diversus modus agendi. Cum enim agere non possit nisi quod est, unumquodque hoc modo se habet ad operandum vel agendum, quomodo se habet ad esse; unde, cum in operatione aliarum formarum necesse sit communicare corpus, non autem in operatione rationalis animæ, quæ est intelligere et velle; necesse est ipsi rationali animæ esse attribui quasi rei subsistenti, non autem aliis formis. Et ex hoc

est quod inter formas, sola rationalis anima à corpore separatur. Ex hoc ergo patet quod anima rationalis exit in esse, non sicut formæ aliæ, quibus proprie non convenit fieri, sed dicuntur fieri facto quodam. Sed res que fit, proprie et per se fit. Quod autem fit, fit vel ex materia vel ex nihilo. Quod vero ex materia fit, necesse est fieri ex materia contrarietati subjecta. Generationes enim ex contrariis sunt, secundum Philosophum (lib. I de Gen. animal., cap. xviii, a med.); unde cum anima vel omnino materia non habeat, vel ad minus non habeat materiam contrarietati subjectam, non potest fieri ex aliquo. Unde restat quod creata in esse per creationem, quasi ex nihilo facta. Ponere autem quod per generationem corporis fiat, est ponere ipsam non esse subsistentem, et per consequens cum corpore corrumpi. Secunda ratio est, quia impossibile est actionem corporeæ virtutis ad hoc elevari quod virtutem penitus spiritualem et incorpoream causare possit: nihil enim agit ultra suam speciem; immo agens oportet esse prestantius patiente, secundum Augustinum (XII super Genes., ad litt., cap. xvi, circa medium). Generatio autem hominis fit per virtutem generativam, quæ organum habet corporale; virtus etiam quæ est in semine, non agit nisi mediante calore, ut dicitur in XVI de Animalibus (lib. II de Gen. animal., cap. iii); unde, cum anima rationalis sit forma penitus spiritualis, non dependens a corpore, nec communicans corpori in operatione, nullo modo per generationem corporis potest propagari, nec producta in esse per aliquam virtutem quæ sit in semine. Tertia ratio est, quia omnis forma quæ exit in esse per generationem, vel per virtutem nature, educitur de potentia materiam, ut probatur in VII Metaph. (com. xxii). Anima vero rationalis non potest educi de potentia materia. Formæ enim quarum operationes non sunt cum corpore, non possunt de materia corporali educi. Unde relinquitur quod anima rationalis non propagetur per virtutem generantis; et hoc est ratio Aristotelis in XVI de Animalibus, ubi sup., cap. iii.

Ad primum ergo dicendum, quod in auctoritate inducta per synecdochem ponitur pars pro toto, id est anima pro toto homine; et hoc ideo quia anima est principalior pars hominis, et unumquodque totum videtur esse id quod est principalius in eo; unde totus homo videtur esse anima vel intellectus, secundum quod dicitur in IX Ethic., cap. iv.

Ad secundum dicendum, quod totus homo egreditur de femore generantis, propter hoc quod virtus seminis de femore egredientis operatur ad unionem corporis et anime, disponendo materiam ultimam dispositione, que est necessitans ad formam; ex qua unione homo habet quod sit homo; non autem ita quod quelibet pars hominis per virtutem generantis causetur.

Ad tertium dicendum, quod peccatum originale dicitur peccatum totius nature, sicut peccatum actuale dicitur peccatum

personale; unde quæ est comparatio peccati actualis ad unam personam singularem, eadem est comparatio peccati originalis ad totam naturam humanam traditam a primo parente, in quo fuit peccati initium, et per cuius voluntatem in omnibus originale peccatum quasi voluntarium reputatur. Sic ergo originale peccatum est in anima inquantum pertinet ad humanam naturam. Humana autem natura traditur a parente in filium per traditionem carnis, cui postmodum anima infunditur; et ex hoc infectionem incurrit quod fit cum carne tradeta una natura. Si enim non (1) uniretur ei ad constituendam naturam, sicut Angelus unitor corpori assumpto, infectionem non reciperat.

Ad quartum dicendum, quod sicut in natura Adæ erat natura omnium nostrum originaliter; ita et peccatum originale quod in nobis est, erat in illo peccato originali originaliter. Nam peccatum originale, ut dictum est, per se recipit natura, anima vero ex consequenti.

Ad quintum dicendum, quod homo generans generat sibi simile in specie per virtutem formæ suæ, scilicet anime rationalis; non quod ipsa sit immediatum principium in generatione humana agens, sed quia vis generativa, et ea que in semine agunt, non disponent materiam, ut fieret corpus perfectibile anima rationali, nisi quatenus agerent ut instrumenta quædam rationalis anime. Et tamen ista actio non potest pertinere ad factionem anime rationalis, rationibus predictis.

Ad sextum dicendum, quod generans generat sibi simile in specie, inquantum generatum per actionem generantis producit ad participandum speciem ejus; quod quidem fit per hoc quod generatum consequitur formam similem generanti. Si ergo forma illa non sit subsistens, sed esse suum sit solum in hoc quod uniat et cuius est forma; oportebit quod generans sit causa ipsius formæ, sicut accidit in omnibus formis materialibus. Si autem sit talis forma quæ subsistentiam habeat, et non dependeat esse suum totaliter ex unione ad materiam, sicut est in anima rationali, tunc sufficit quod generans sit causa unionis talis formæ ad materiam per hoc quod disponit materiam ad formam; nec oportet quod sit causa ipsius formæ.

Ad septimum dicendum, quod ipsam dispositionem corporis sequitur dispositio anime rationalis; tum quia anima rationalis recipit a corpore; tum quia secundum diversitatem materie diversificantur et formæ. Et ex hoc est quod illi simulantur parentibus etiam in his que pertinent ad animam, non propter hoc quod anima ex anima traducatur.

Ad octavum dicendum, quod quia anima est proprie actus corporis viventis, vivere autem est per calidum et humidum, quæ in animali per sanguinem conservantur; ideo dicitur quod

(1) *Al. docet non. Neutræ satisfaci. Fortasse legendum: non uniretur ei ad constituendam naturam, sed sicut Angelus, etc.*

anima est in sanguine, ad designandum propriam dispositionem corporis, in quantum est materia perfecta per animam.

An nonam dicendum, quod circa embryonis vitam sunt aliqui diversimode opinati.

Quidam namque assimilarunt in generatione humana progressum anime rationalis progressui corporis humani, dicentes, quod sicut corpus humanum in semine est virtualiter, non tamen habens actum humani corporis perfectionem, quae in distinctione organorum consistit, sed paulatim per virtutem seminis ad perfectionem huiusmodi pervenitur; ita in principio generationis est ibi anima, virtute quadam habens omnem perfectionem quae postea apparet in homine completo, non tamen eam habens actu, cum non appareant anime actiones, sed processu temporis paulatim eam acquirit; ita quod primo apparent in ea actiones anime vegetabilis, et postmodum anime sensibilis, et tandem anime rationalis. Et haec opinio tangit Gregorius Nyssenus in lib. quem facit de Homine. Sed haec opinio non potest stare; quia aut intelligitur quod ipsa anima secundum speciem suam existat a principio in semine, nondum habens perfectas operationes propter organorum defectum, aut intelligitur quod in semine a principio sit aliqua virtus vel forma, quae nondum habet speciem anime; sicut nec semen habet speciem humani corporis, sed paulatim producit per actionem naturae ad hoc quod ipsa eadem sit anima primo quidem vegetabilis, secundo sensibilis et deinde rationalis. Pars autem pars huius divisionis destruitur; primo quidem per auctoritatem Philosophi. Dicitur enim in II de Anima (cont. X), quod potentia vitae quae est in corpore physico organico, cuius actus est anima, non est abiciens animam, sicut semen et fructus; ex quo datur intelligi, quod semen est ita in potentia ad animam quod anima caret. Secundo, quia cum semen nondum sit ultima assimilatione membri assimilatum (sive enim eius resolutio esset corruptio quaedam), sed sit superfluitas ultimae digestionis, ut dicitur in XV de Animalibus lib. I de Gener. animal., capit. XLII, nondum fuit in corpore generantis existens anima perfectum; unde non potest esse quod in principio suae decisionis sit in eo anima. Tertio, quia dato quod cum eo decideret anima, non tamen potest hoc dici de anima rationali; quae cum non sit actus alicujus partis corporis, non potest decipi corpore decidi. Secundam etiam partem divisionis predictae patet esse falsam. Cum enim forma substantialis non continue vel successive in actum producat, sed in instanti (alias oporteret esse motum in genere substantiae, sicut est in genere qualitatis), non potest esse quod illa virtus quae est a principio in semine, successive proficiat ad diversos gradus anime. Non enim forma ignis in aere hoc modo inducitur ut continuo procedat de imperfecto ad perfectum; cum nulla forma substantialis suscipiat magis et minus;

sed solum materia per alterationem praecedentem variatur, ut sit magis et minus disposita ad formam. Forma vero non incipit esse in materia nisi in ultimo instanti alterationis.

Alii vero dicunt, quod in semine primo est anima vegetabilis, et postmodum ea nacente, inducitur anima sensibilis ex virtute generantis, et ultimo inducitur anima rationalis per creationem, ita quod ponant in homine esse tres animas per essentiam differentes. — Sed contra hoc est quod dicitur in libro de Eccles. dogmatibus, cap. XV: *Neque duas animas dicimus esse in uno homine sicut et Iacobus et alii Syrorum scribunt, unam animalem qua vivatur corpus et immixta sit sanguini, et alteram spirituales qua rationem ministret.* Et iterum impossibile est unius et ejusdem rei esse plures formas substantiales; nam cum forma substantialis faciat esse non solum secundum quid sed simpliciter, et constituit hoc aliquid in genere substantiae, si prima forma hoc facit, secunda adveniens, inveniens subjectum jam in esse substantiali constitutum, accidentaliter eti advenit; et sic sequeretur quod anima sensibilis et rationalis in homine corpori accidentaliter uniantur. Nec potest dici quod anima vegetabilis quae in planta est forma substantialis, in homine non sit forma substantialis, sed dispositio ad formam: quia quod est de genere substantiae, nullius accidentis esse potest, ut dicitur in I Physic. (com. XVII).

Unde alii dicunt, quod anima vegetabilis est in potentia ad animam sensibilem et sensibilibus est actus ejus; unde anima vegetabilis quae primo est in semine, per actionem naturae perducitur ad complementum anime sensibilis; et ulterius anima rationalis est actus et complementum anime sensibilis; unde anima sensibilis perducitur ad suum complementum, scilicet ad animam rationalem, non per actionem generantis sed per actum creantis; et sic dicunt quod ipsa rationalis anima in homine partim est ab intrinseco, scilicet quantum ad naturam intellectualem; et partim ab extrinseco, quantum ad naturam vegetabilem et sensibilem. Sed hoc nullo modo potest stare: quia vel hoc ita intelligitur quod natura intellectualis sit alia anima a vegetabili et sensibili, et sic reddi in idem cum secunda opinione: vel intelligitur ita quod ex istis tribus naturis consuetur substantia anime in qua natura intellectualis erit ut formale, et natura sensibilis et vegetabilis erit ut materiale. Ex quo sequitur quod cum natura sensibilis et vegetabilis sint corruptibiles, utpote de materia eductae, substantia anime humanae non possit esse perpetua. Sequitur item etiam inconveniens quod inductum est contra primam, scilicet quod forma substantialis successive educatur in actum.

Alii vero dicunt, quod embryo non habet animam, quousque perficiatur anima rationalis; operationes autem vitae quae in eo apparent sunt ex anima matris. Sed hoc non potest esse: nam

in hoc vivitiam a non viventibus differunt quia vivitiam movent seipsa secundum operationes vite, quod de non viventibus dici non potest; unde non potest esse quod nutrir et augeri, quæ sunt proprie operationes viventis, sint in embrione a principio extrinseco, scilicet ab anima matris. Et præterea virtus nutritiva matris assimilaret cibum corpori matris, et non corpori embrionis; cum nutritiva deserviat individuo sicut generativa speciei. Et iterum sentire non posset esse in embrione ex anima matris.

Et ideo alii dicunt, quod in embrione non est anima ante infusionem animæ rationalis, sed est ibi vis formativa, quæ huiusmodi operationes vite in embrione exercet. Sed hoc etiam esse non potest; quia cum appareant esse in embrione ante ultimum complementum, diversæ operationes vite, non possunt esse ab una virtute; unde oportet quod sit ibi anima habens diversas virtutes.

Et ideo aliter est dicendum, quod in semine a principio suæ decisionis non est anima, sed virtus animæ; quæ fundatur in spiritu qui in semine continetur quod de natura sui spumosum est, et per consequens corporalis spiritus contentivum. Ista autem virtus agit disponendo materiam, et formando ad susceptionem animæ. Et sciendum, quod aliter est in generatione hominis vel animalis, et aliter in generatione aeris vel aque. Nam generatio aeris est simplex, cum in tota generatione aeris non appareat nisi due formæ substantiales, una quæ abjicitur et alia quæ inducitur, quod totum fit simul in uno instanti; unde ante introductionem formæ aeris semper manet ibi forma aque; nec sunt ibi dispositiones ad formam aeris. In generatione autem animalis apparent diversæ formæ substantiales, cum primo appareat sperma, et postea sanguis, et sic deinceps quousque sit forma hominis vel animalis. Et sic oportet quod huiusmodi generatio non sit simplex, sed continens in se plures generationes et corruptiones. Non enim potest esse quod una et eadem forma substantialis gradatim educatur in actum, ut ostensum est. Sic ergo per virtutem formativam quæ a principio est in semine, abjecta forma spermatis, inducitur alia forma; quæ abjecta, iterum inducitur alia; et sic primo inducitur anima vegetabilis; deinde ea abjecta, inducatur anima sensibilis et vegetabilis simul; quæ abjecta, inducatur non per virtutem prædictam sed a creatore, anima quæ simul est rationalis sensibilis et vegetabilis. Et sic dicendum est secundum hanc opinionem, quod embrio antequam habeat animam rationalem, vivit et habet animam, quæ abjecta, inducitur anima rationalis. Et sic non sequitur duas animas esse in eodem corpore, nec animam rationalem traduci cum semine.

Ad DECIMUM dicendum, quod embrio antequam habeat animam rationalem non est ens perfectum, sed in via ad perfectio-

nem; unde non est in genere vel specie nisi per reductionem, sicut incompletum reducit ad genus vel speciem completi.

Ad UNDECIMUM dicendum, quod in semine a principio quamvis non sit anima, est tamen ibi virtus animæ, ut dictum est, quæ quidem virtus fundatur in spiritu qui in spermate continetur, et dicitur virtus animæ quia est ab anima generantis.

Ad DUODECIMUM dicendum, quod embrio ante animam rationalem vivit et animam habet, ut dictum est, unde hoc argumentum concedimus.

Et similiter AD DECIMUMTERTIUM, DECIMUMQUARTUM, et DECIMUMQUINTUM.

Ad DECIMUMSEXTUM dicendum, quod virtus formativa quæ in principio est in semine, manet adveniente etiam anima rationali; sicut et spiritus in quos fere tota substantia spermatis convertitur manent. Et illa quæ prius fuit formativa corporis fit postmodum corporis regitiva. Sicut etiam calor qui fuit dispositio ad formam ignis manet forma ignis adveniente, ut instrumentum forme in agendo.

Et per hoc patet solutio AD DECIMUMSEPTIMUM et DECIMUMOCTAVUM.

Ad DECIMUMNONUM dicendum, quod licet anima rationalis non sit a generante, immo tamen corporis ad eam, est quodammodo a generante, ut dictum est. Et ideo homo dicitur generari.

Ad VICESIMUM dicendum, quod pro tanto in homine non est duplex esse, quia non est sic intelligendum corpus esse a generante et anima a creatore, quasi corpori acquiratur esse separatim a generante, et separatim animæ a creatore; sed quia creatans dat esse animæ in corpore, et generans disponit corpus ad hoc quod huius esse sit particeps per animam sibi unitam.

Ad VICESIMUMPRIMUM dicendum, quod duo agentia omnino disparata non possunt hoc modo se habere quod actio unius terminetur ad materiam, et alterius ad formam; hoc tamen contingit in duobus agentibus ordinatis, quorum unum est instrumentum alterius. Actio enim principalis agentis se extendit quandoque ad aliquid ad quod non potest se extendere actio instrumenti. Natura autem est sicut instrumentum quoddam divine virtutis, ut supra, art. 8, ad 14 arg., et art. 7 in corp., ostensum est. Unde non est inconveniens, si virtus divina sola faciat animam rationalem, actione nature se extendente solum ad disponendum corpus.

Ad VICESIMUMSEXTUM dicendum, quod intellectus in corpore existens non indiget aliquo corporali ad intelligendum, quod (1) simul cum intellectu sit principium intellectualis operationis, sicut accidit in visu; nam principium visionis non est visus tantum, sed oculus constans ex visu et pupilla. Indiget autem corpore tanquam objecto, sicut visus indiget pariete in quo

(1) *Id.* quod ad intelligendum.



est color : nam phantasmata comparantur ad intellectum ut colores ad visum, sicut dicitur in III de Anima (com. xviii). Et ex hoc est quod intellectus impeditur in intelligendo, lesio organo phantasie : quia quando est in corpore indiget phantasmatis non solum quasi accipiens a phantasmatis dum acquirit scientiam, sed etiam comparans species intelligibiles phantasmatis dum utitur scientia acquisita. Et propter hoc exempla in scientiis sunt necessaria.

Et per hoc patet responsio ad VICESIMUMTERTIUM et VICESIMUMQUARTUM.

Ad VICESIMUMQUINTUM dicendum, quod illa ratio est Apollinaris, ut Gregorius Nyssenus dicit (lib. de Anima, cap. vi a med.). Decipiebatur autem in hoc quod non distinguebat operationem naturæ, quæ est generatio profis, cui Deus dat complementum, ab operatione voluntaria aditeri in qua peccatum consistit.

Ad VICESIMUMSEXIMUM dicendum, quod anima, cum sit perfectior formis materialibus, posset sibi similem producere si anima rationalis posset produci aliter quam per creationem, quod esse non potest; et hoc provenit ex ejus perfectione, ut ex predictis potest patere.

Ad VICESIMUMSEPTIMUM dicendum, quod in solo Deo potest esse una natura in pluribus suppositis; et ideo tibi solummodo potest esse generatio sine imperfectione mutationis et divisionis; inde nobilioris creature, quæ sunt indivisibiles nec substantialiter transmutantur, sicut anima rationalis et Angelus non generantur; sed inferioris creature, quæ sunt divisibiles et corruptibiles.

Ad VICESIMUMOCTAVUM dicendum, quod virtus illa quæ est in semine, a Philosopho vocatur intellectus, ut dicit Commentator (in VII Metaph., com. xxxi), propter quandam similitudinem: quia sicut intellectus operatur absque organo, ita et illa virtus. Ad VICESIMUMNOXIMUM dicendum, quod verbum illud Philosophi est intelligendum de anima sensibili, non de rationali.

ARTICULUS X. — *Utrum anima rationalis sit creata in corpore.* (I part., quest. cx, art. 4. et exviii, art. 3; et III, dist. ii, quest. vi, art. 3.)

Decimo queritur, utrum anima rationalis sit creata in corpore vel extra corpus. Et videtur quod sit creata extra corpus. Eorum enim quæ sunt idem secundum speciem, est idem modus procedendi in esse. Sed anime nostræ sunt ejusdem speciei cum anima Adæ. Anima autem Adæ fuit extra corpus cum Angelis creata ut Augustinus dicit (VII super Genes. ad lit., cap. xxx et xxvii). Ergo et aliæ anime humane extra corpus creantur.

2. Præterea, omne totum imperfectum est cui deest aliqua pars quæ ad ejus perfectionem pertinet. Sed anime rationales

magis pertinent ad perfectionem universi quam etiam substantiæ corporales, cum substantia intellectualis sit nobilior corporali substantia. Si ergo anime rationales a principio non fuerint omnes create, sed quotidie creantur cum corpora generantur; sequitur quod universum sit imperfectum, ex eo quod desunt sibi nobilissimæ partes ejus. Hoc videtur esse inconveniens. Ergo anime rationales sunt a principio extra corpora create.

3. Præterea, theatribus ludis videtur esse simile, quod tunc universum destruitur, quando ad ultimam perfectionem devenit. Sed mundus tunc flaietur quod hominum generatio cessabit, et tunc completissima universi perfectio erit, si anime simul creantur cum corpora generantur. Ergo secundum hoc divina gubernatio, quæ mundum regit, erit similis ludo; quod videtur esse absurdum.

4. Sed dicitur, quod nihil prohibet perfectioni universi deesse aliquid secundum numerum, cum tamen quantum ad omnes ejus species sit completum. — Sed contra, species rerum ex hoc quod quantum in ipsis est, perpetuitatem quandam habent, pertinent ad essentialem perfectionem universi, utpote per se intentæ ab universi auctore. Individua vero, quæ non habent esse perpetuum, pertinent ad quandam accidentalem universi perfectionem, utpote non propter se intentæ, sed propter speciei conservationem. Anime autem rationales non solum secundum speciem sed etiam secundum singula individua perpetuitatem habent. Ergo si a principio omnes anime rationales defuerint; ita fuit universum imperfectum, ac si aliqua species universi defuisent.

5. Præterea, Macrobius super somnium Scipionis (lib. I, parum post medium), duas portas in celo posuit: unam deorum, et aliam animarum, in concreto scilicet, et capite orno; per quarum alteram anime ad corpus descendebant. Sed hoc non esset, nisi anime extra corpus in celo crearentur. Ergo anime extra corpora create sunt.

6. Præterea, causa efficiens præcedit tempore suum effectum. Sed anima est causa efficiens corporis, ut dicitur in II de Anima (com. xxxvi). Ergo est ante corpus, et ita non creatur in corpore.

7. Præterea, in lib. de Spiritu et anima (cap. xiii, a med.) dicitur, quod anima antequam corpori unatur, habet irascibilitatem et concupisibilitatem. Sed hoc non possunt esse in anima antequam animasset. Ergo anima est antequam corpori unatur, et ita non creatur in corpore.

8. Præterea, substantia anime rationalis tempore non mensuratur: quia, ut dicitur in lib. de Causis (prop. ii), est supra tempus; nec iterum mensuratur a tempore, quia hoc solus Deus est. In lib. etiam de Causis (loc. cit.) dicitur, quod anima est infra æternitatem. Ergo mensuratur a se, sicut et angeli; et ita eadem est mensura durationis angeli et anime. Cum ergo angeli

sint creati a principio mundi, videtur quod etiam animæ tunc sint create, et non in corporibus.

9. Præterea, in ævo non est prius et posterius: alias a tempore non differret, ut quibusdam videtur. Sed si angeli ante animas essent creati, vel una anima post aliam crearetur, esset in ævo prius et posterius, cum mensura animæ sit ævum, ut ostensum est. Ergo oportet omnes animas simul creari cum angelis.

10. Præterea, unitas loci attestatur unitati naturæ: unde et diversorum corporum secundum naturam, diversa sunt loca. Sed angeli et animæ conveniunt in natura, cum sint substantiæ spirituales et intellectuales. Ergo animæ create sunt in coelo empyreo, sicut angeli, et non in corporibus.

11. Præterea, quanto aliqua substantia est subtilior, tanto ei altior locus debetur: unde ignis locus altior est quam aeris vel aquæ. Sed anima est multo simplicior substantia quam aliquid corpus. Ergo videtur quod sit creata supra omnia corpora, et non in corpore.

12. Præterea, cuilibet rei ultima perfectio est secundum quod est in proprio loco: cum non sit extra proprium locum nisi per violentiam quandam. Sed ultima perfectio animæ est in celesti habitatione. Ergo ibi locus est congruens naturæ ejus; et ita videtur quod ibi sit creata.

13. Præterea, Genes., ii, 2, dicitur: *Requiecit Deus die septimo ab omni opere quod patratat*. Ex quo intelligi datur quod tunc Deus a novis creaturis creandis cessavit. Sed hoc non esset, si tunc quotiæ animæ crearentur. Ergo animæ non creantur in corpore, sed create sunt a principio extra corpus.

14. Præterea, opus creationis præcedit opus propagationis. Hoc autem non esset, si simul animæ crearentur dum corpora propagantur. Ergo animæ ante corpora sunt create.

15. Præterea, Deus omnia secundum justitiam operatur. Sed secundum justitiam non dantur diversa et inæqualia nisi illis in quibus aliqua inæqualitas meriti præexistit. Cum ergo in civitate hominum, circa animas, multa inæqualitas attendatur; tum ex hoc quod quedam utuntur corporibus ad operationes animæ aptis, quedam vero inaptis; tum ex hoc quod quidam ex infidelibus nascuntur, alii vero ex fidelibus, qui per sacramentorum susceptionem salvantur: videtur quod inæqualitas meriti in animabus præcesserit: et sic videtur quod animæ fuerint ante corpora.

16. Præterea, ea quorum una est inceptio, videtur quod secundum esse dependeat ad invicem. Sed anima secundum esse suum non dependet a corpore, quod patet ex hoc quod corruptio corpora manet. Ergo nec anima simul incipit cum corpore.

17. Præterea, ea quorum unam impedit alterum, non naturaliter diviuntur. Sed anima impeditur a sua operatione a corpore: *corpus enim quod corrumpitur, aggregat animam*, ut di-

citur Sapient., ix, 15. Ergo anima non naturaliter unitur corpori; et ita videtur quod prius fuerit corpori non unita quam uniretur.

Sed contra est quod dicitur in libro de Ecclesiast. dogmatibus (cap. xii), quod animæ ab initio inter ceteras intellectuales creaturas non simul creantur.

Præterea, Gregorius Nyssenus dicit (in lib. de Creatione hominis, cap. xxix, paulo a princ.), quod assertio utriusque opinionis vituperatione non caret: et eorum qui prius animas in suo quodam statu atque ordine fabulantur, et eorum qui eas post corpora create existimant.

Præterea, Hieronymus dicit in symbolo fidei, quem composuit Pelagius in expositione fidei ad Damasum: *Eorum condemnamus errorem quæ dicunt animas ante peccasse, vel in calis conversatas fuisse, quam in corpora immittentur*.

Præterea, proprius actus fit in propria materia. Sed anima est proprius actus corporis. Ergo in corpore anima creatur.

Respondeo dicendum, quod sicut supra, art. 9, dictum est, quorundam opinio fuit, quod animæ omnes simul create fuerunt extra corpus; cujus quidem opinionis falsitas potest ad præsens quatuor rationibus ostendi. Quarum prima est, quod res create sunt a Deo in sua perfectione naturali. Perfectum enim naturaliter præcedit imperfectum, secundum Philosophum (de Coel., lib. I, com. xii). Et Boëtius dicit (de Cons., lib. X, præs. x) quod natura a perfectis sumit exordium. Anima autem non habet perfectionem suæ naturæ extra corpus, cum non sit per seipsam species completa alicujus naturæ, sed sit pars humanæ naturæ: alias oporteret quod ex anima et corpore non fieret unum nisi per accidens. Unde non fuit anima humana extra corpus creata. Quicumque autem posuerunt animas extra corpora fuisse antequam corporibus uniretur, æstimaverunt eas esse naturas perfectas, et quod naturalis perfectio animæ non est in hoc quod anima corpori uniretur, sed uniretur ei accidentaliter, sicut homo indumento; sicut Plato dicebat, quod homo non est ex anima et corpore, sed est anima utens corpore. Et propter hoc omnes qui posuerunt unitas extra corpora creati, posuerunt transcorporationem animarum: ut sic anima exuta a corpore uno, alteri corpori uniretur, sicut homo exutus uno vestimento induit alterum. Secunda ratio est Avicennæ. Cum enim anima non sit composita ex materia et forma (distinguitur enim et a materia et a composito in H de Anima) distinctio animarum ab invicem esse non posset nisi secundum formalem differentiam, si solum secundum seipsas distinguerentur. Formalis autem differentia diversitatem speciei inducit. Diversitas autem secundum numerum in eadem specie ex differentia materiali procedit: quæ quidem animas competere non potest secundum naturam ex qua fit, sed secundum materiam in qua. Sic ergo solum ponere possumus plures animas humanas

ejusdem speciei, numero diversas esse, si a sui principio corporibus uniantur, ut eam distinctio ex unione ad corpus quodammodo proveniat sicut a materiali principio, quamvis sicut ab efficiente principio talis distinctio sit a Deo. Si vero extra corpora animæ humane fuissent create, oportuisset eas esse specie differentes, sublato distinctionis materiali principio, sicut et omnes substantiæ separate a Philosophis ponuntur specie differentes. Tertia ratio est, nam anima rationalis humana non differt secundum substantiam a sensibili et vegetabili, sicut superius est ostensum; vegetabilis autem et sensibilis anime origo non potest esse nisi in corpore, cum sint actus quarundam partium corporis; unde nec anima rationalis potest nisi in corpore creari secundum naturæ suæ convenientiam, tamen absque divine præjudicio potestatis. Quarta ratio est, quia si anima rationalis extra corpus creata fuit, et ibi habuit sui esse naturalis complementum, impossibile est convenientiam causam assignare unionis ejus ad corpus. Non enim potest dici, quod proprio motu se corporibus adiunxit, cum videamus quod deserere corpus non subiacet animæ potestati; quod esset, si ex voluntate sua corpori esset unita. Et præterea si sint create omnino separate, non potest dici quare unio corporis voluntatem separatis animæ flexisset. Nec iterum potest dici, quod post aliquos annorum circuitus naturalis ei appetitus supervenerit corpori adherendi; et quod ex operatione naturæ hujusmodi unio sit causata. Nam ea que certo temporis spatio secundum naturam aguntur, ad motum cæli reducuntur sicut ad causam, per quam temporum spatium mensurantur. Animas autem separatas non est possibile colesum corporum motibus subiacere. Similiter non potest dici, quod a Deo sint corpori alligatæ, si eas prius absque corporibus creavisset. Si enim dicitur, quod ad earum perfectionem hoc fecit, non fuisset ratio quare absque corporibus crearentur. Si vero in earum ponam hoc factum est, ut corporibus quasi quibusdam carceribus intruderentur, sicut Origenes dixit, propter peccata commissa, sequeretur quod institutio naturarum ex spiritualibus et corporalibus substantiis compositarum, esset per accidens, et non ex prima Dei intentione: quod est contra id quod legitur Genes., 1. 31: *Vidit Deus cuncta quæ fecerat, et erant valde bona; ubi manifeste ostenditur bonitatem Dei et non malitiam, quæ sequitur creaturæ fuisse causam bonorum operum condonatorum.*

Ad primum ergo dicendum, quod Augustinus in lib. super Gen. ad lit., et præcipue inquirendo de origine animæ, loquitur magis investigando quam asserendo, sicut ipsemet dicit.

Ad secundum dicendum, quod universa in sui principio fuit perfectum quantum ad species, et non quantum ad omnia individua; vel quantum ad causas rerum naturalium, ex quibus possunt postmodum alia propagari, non quantum ad omnes effe-

ctus. Animæ vero rationales quamvis non fiant a causis naturalibus; tamen corpora, quibus divinitus infunduntur sicut sibi conaturalibus, per operationem naturæ fiunt.

Ad tertium dicendum, quod in ludo non queritur aliquid propter ludum. Sed ex motu quo Deus creaturas corporales movet, queritur aliquid propter ipsum motum, scilicet completus numerus electorum, quo habito motus cessabit; licet non substantia mundi.

Ad quartum dicendum, quod multitudo animarum pertinet ad essentialem perfectionem universi ultimam, sed non primam, cum tota corporum mundi transmutatio ordinetur quodammodo ad animarum multiplicationem; ad quam requiritur corporum multiplicatio, ut ostensum est, in corp.

Ad quintum dicendum, quod Platonicæ ponebant naturam animarum per se esse completam, et accidentaliter corporibus uniri; unde etiam ponebant transitum animarum de corpore ad corpus. Ad quod ponendum præcipue inducebatur per hoc quod ponebant humanas animas immortales, et generationem nunquam deficere. Unde ad infinitatem animarum removendam ponebant fieri quandam circumum, ut animæ prius excentes iterato unirentur. Et secundum hanc opinionem, que erronea est, Macrobius loquitur; unde ejus auctoritas in hac parte non est recipienda.

Ad sextum dicendum, quod Philosophus (in II de Anima, loc. cit.) non dicit animam efficientem esse causam corporis, sed causam unde est principium motus, in quantum est principium motus localis in corpore, et augmenti, et aliorum hujusmodi, ut ipsemet exponit ibidem.

Ad septimum dicendum, quod in auctoritate illa intelligitur irascibilitas et concupiscibilitas inesse anime prius quam corpori uniretur, natura, non tempore; quia anima hoc non habet a corpore, sed potius corpus ab anima.

Ad octavum dicendum, quod anima mensuratur tempore secundum esse quo unitur corpori; quamvis prout consideratur ut substantia quedam spiritalis, mensuretur ævo. Non tamen oportet quod tunc inceperit ævo mensurari quando et Angeli.

Ad nonam dicendum, quod licet ævum non habeat prius et posterius quantum ad ea que mensurat, nihil tamen prohibet quin unum altero prius tunc particeps.

Ad decimum dicendum, quod licet Angelus et anima conveniant in natura intellectuali, differunt tamen in hoc quod Angelus est quedam natura in se completa, unde per se creari potuit; anima vero, cum perfectionem suæ naturæ habeat in hoc quod corpori unitur, non debuit in celo, sed in corpore cuius est perfectio, creari.

Ad undecimum dicendum, quod anima, licet sit secundum se

simplicior (1) omni corpore, tamen est forma et perfectio corporis ex elementis compositi, cuius locus est circa medium, cum quo simul oportet eam hic creari.

AD DUODECIMUM dicendum, quod prima perfectio animæ attenditur secundum esse suum naturale : quæ quidem perfectio consistit in unione ejus ad corpus; et ideo a principio debuit in loco corporis creari. Ultima autem perfectio ejus est in hoc quod communicat cum substantiis aliis intellectualibus; et illa perfectio dabitur ei in celo.

AD DECIMUMTERTIUM dicendum, quod animæ quæ modo creantur, licet sint novæ creaturæ secundum numerum, tamen sunt antiquæ secundum speciem suam; præcesserunt enim in operibus sex dierum in suo simili secundum speciem, id est in animabus primorum parentum.

AD DECIMUMQUARTUM dicendum, quod opus creationis quo naturæ principia instituntur, oportet præcedere opus propagationis. Non autem tale opus est animarum creatio.

AD DECIMUMQUINTUM dicendum est, quod ad justitiam pertinet reddere debitum; unde contra justitiam fit, si inæqualia aequalibus (2) dantur, quando debita redduntur, non autem quando gratis aliqua dantur: quod convenit in creatione animarum. Vel potest dici, quod ista diversitas non procedit ex diverso merito animarum, sed ex diversa dispositione corporum: unde et Plato dicebat in dialog. X de Legibus, a medio, quod formæ infunduntur a Deo secundum merita materiæ.

AD DECIMUMSEXTUM dicendum, quod licet anima dependeat a corpore quantum ad sui principium, ut in perfectione suæ naturæ incipiat, tamen quantum ad sui finem non dependet a corpore, quia acquiritur sibi esse in corpore ut rei subsistenti; unde, destructo corpore, nihilominus manet in suo esse, licet non in completionem suæ naturæ, quam habet in unione ad corpus.

AD DECIMUMSEPTIMUM dicendum, quod natura corporis non aggravat animam, sed ejus corruptio, ut ex ipsa auctoritate ostenditur.

ARTICULUS XI. — *Utrum anima sensibilis vel vegetabilis sit per creationem, vel traducatur ex semine.* (I part., quest. cxviii, art. 1; et I. dist. xviii, quest. ii, art. 3; et II. cont. Gen. cap. lxxxvi.)

Undecimo queritur, utrum anima sensibilis sit per creationem, vel traducatur ex semine. Et videtur quod sic, hæc ratione. Eorum enim quæ sunt ejusdem rationis, est idem modus procedendi in esse. Sed anima sensibilis et vegetabilis in homine est et in brutis et in plantis ejusdem speciei vel rationis. In homine autem sunt per creationem, cum sint ejusdem substantiæ

(1) *Al.* simpliciter. — (2) *Al.* inæqualibus.

cum anima rationali, quæ est per creationem, ut ostensum est (art. 9). Ergo etiam in brutis et in plantis vegetabilis et sensibilis sunt per creationem.

2. Sed dices, quod anima sensibilis et vegetabilis est in plantis et brutis ut forma et perfectio; et in hominibus autem ut dispositio. — Sed contra, quanto aliquid est nobilius, tanto nobiliori modo exit in esse. Sed nobilius est esse formam et perfectionem quam esse dispositionem. Si ergo anima sensibilis et vegetabilis in hominibus, in quibus sunt ut dispositiones, exeunt in esse per creationem, qui est nobilissimus modus procedendi in esse, cum nobilissime creaturæ hoc modo esse incipiant; videtur quod multo magis in plantis et brutis sint productæ per creationem.

3. Præterea (in I Phys., com. xvii, dicit Philosophus: *Quod vere est, id est substantia, nulli est accidens.* Si ergo anima sensibilis et vegetabilis sunt in brutis et in plantis ut formæ substantiales, non possunt esse in homine ut dispositiones accidentales.

4. Præterea, ex virtute generantis producitur aliquid in esse in rebus viventibus per virtutem quæ est in semine. Sed in semine non est anima sensibilis vel vegetabilis in actu. Cum ergo nihil agat nisi secundum quod est in actu, videtur quod ex virtute seminis non possit produci anima sensibilis vel vegetabilis; et ita nec per generationem, sed per creationem.

5. Sed dices, quod virtus quæ est in semine, licet non sit anima sensibilis actu, agit tamen in virtute animæ sensibilis, quæ erat in patre, a quo semen descendit. — Sed contra, quod agit in virtute alterius, agit ut instrumentum illius. Instrumentum autem non movet nisi motum; movens autem et motum oportet esse simul, ut probatur VII Phys. (a com. x usque ad xlii). Cum ergo virtus quæ est in semine, non sit conjuncta animæ sensibili generantis, videtur quod non possit agere ut instrumentum ejus, nec in virtute illius.

6. Præterea, instrumentum se habet ad principale agens sicut virtus mota et imperata ad virtutem motivam et imperantem, quæ est vis appetitiva et motiva. Sed virtus mota imperata non movet, si separaretur a motiva imperante, ut patet in partibus animalis decisis. Ergo nec virtus quæ est in semine deciso potest operari in virtute generantis.

7. Præterea, quando effectus deficit a perfectione causæ, non potest se extendere in propriam causæ actionem; diversitati enim naturarum attestatur diversitas actionum. Sed virtus quæ in semine, etsi sit effectus animæ sensibilis generantis, tamen constat quod deficit a perfectione ipsius. Ergo non potest in actionem quæ proprie competet animæ sensibili, scilicet producere animam sibi similem in specie.

8. Præterea, ad corruptionem subjecti sequitur corruptio

formæ et virtutis. Sed sperma in processu generationis corrumpitur, et aliam formam recipit, ut Avicenna dicit. Ergo virtus illa corrumpitur quæ erat in semine; non ergo per eam potest produci anima sensibilis in esse.

9. Præterea, natura inferior non agit nisi mediante calore et aliis qualitatibus activis et passivis. Sed calor non potest producere animam sensibilem in esse: quia nihil agit ultra suam speciem; nec potest esse factum nobilius faciente. Ergo anima sensibilis vel vegetabilis non potest educi in esse per aliquod agens naturale; et ita est a creatione.

10. Præterea, agens materiale non agit influendo, sed materiam transmutando. Sed per transmutationem materie non pervenitur nisi ad formam accidentalem. Ergo per agens naturale non potest produci anima sensibilis et vegetabilis, quæ sunt formæ substantiales.

11. Præterea, anima sensibilis vel vegetabilis habent quandam quidditatem, quæ quidditas est ab alto facta. Hæc autem quidditas non erant generationem, nisi quia materia poterat eam habere. Ergo oportet quod producatur ab aliquo agente quod operetur non ex materia; et hujusmodi est solus Deus creans.

12. Præterea, animalia generata ex semine sunt nobiliora animalibus ex putrefactione generatis, utpote perfectiora, et sibi similibus generativa. Sed in animalibus ex putrefactione generatis animis sunt a creatione: non enim est dare aliquid agens simile in specie a quo in esse producantur. Ergo videtur multo fortius, quod animalia animalium ex semine generatorum sint a creatione.

13. Sed dices, quod per virtutem celestis corporis producitur anima sensibilis in animalibus ex putrefactione generatis, sicut et in aliis per virtutem formativam in semine. — Sed contra, sicut dicit Augustinus (in lib. de vera Religione, cap. iv.), substantia vivens prævenit cuilibet substantiæ non viventi. Sed corpus celeste non est substantia vivens, cum sit inanimatum. Ergo ejus virtute produci non potest anima sensibilis, quæ est principium vite.

14. Sed dices, quod corpus celeste potest esse causa anime sensibilis, prout agit in virtute intellectualis substantiæ, quæ ipsum movet: — Sed contra, quod recipitur in alio, est in eo per modum recipientis, et non per modum sui. Si ergo virtus intellectualis substantiæ recipitur in corpore celesti non vivente, non erit ibi ut virtus vitalis quæ possit esse principium vite.

15. Præterea, substantia intellectualis non solum vivit, sed etiam intelligit. Si ergo per ejus virtutem corpus celeste ab ea motum potest conferre vitam, pari ratione conferre poterit intellectum; et ita anima rationalis erit a generante; quod est falsum.

16. Præterea, si anima sensibilis est ab aliquo agente naturali, et non per creationem, aut ergo producatur a corpore, aut ab anima. Sed non a corpore, quia sic corpus ageret ultra suam speciem; nec iterum ab anima: quia vel oporteret totam animam patris in filium transfundi, et sic pater absque anima remaneret; vel quoad partem ejus, et sic in patre non remaneret tota anima: quorum utrumque est falsum. Ergo anima sensibilis non est a generante, sed a creatore.

17. Præterea, Commentator dicit (in III de Anima), quod nulla virtus cognoscitiva est ab actione elementorum commixtorum. Sed anima sensibilis est virtus cognoscitiva. Ergo non est ab actione elementorum; et ita nec per actionem naturæ, cum nulla actio nature in istis inferioribus sit absque actione elementorum.

18. Præterea, nulla forma potest esse movens, quæ non est subsistens; unde formæ elementorum, secundum Philosophum (in VIII Phys., com. xxviii et xxx), non sunt moventes; sed generans et removens prohibens. Sed anima sensibilis est movens, cum omne animal a sua anima moveatur. Ergo anima sensibilis non est forma tantum, sed est substantia per se existens. Constat etiam quod non est ex materia et forma composita. Omnis autem talis substantia educitur in esse per creationem, et non aliter. Ergo anima sensibilis educitur in esse per creationem.

19. Sed dices, quod anima sensibilis non movet per se corpus, sed ipsum corpus animalium movet seipsum. — Contra, Philosophus probat (in VIII Physic.), quod in quolibet movente seipsum oportet unam partem esse quæ sit movens tantum, et alteram quæ sit mota. Sed corpus non potest esse movens tantum, quia nullum corpus movet nisi motum. Ergo oportet quod anima sit movens tantum; et ita sensibilis anima habet operationem in qua non communicat sibi corpus; et sic anima sensibilis erit substantia subsistens.

20. Sed dices, quod anima sensibilis movet secundum imperium appetitivæ virtutis, cuius actus communiter est anime et corporis. — Sed contra, in animali non solum movet vis quæ imperat motum, sed etiam est ibi vis exoptans motum; cuius operatio non poterit esse anime et corpori communis, rationibus prædictis; et sic oportet quod anima sensibilis aliquam operationem per se habeat. Ergo est substantia per se subsistens; et ita per creationem educitur in esse, et non per generationem naturalem.

Sed contra est quod dicitur Genes., i. 20: *Producant aque reptile animæ viventis*; et ita videtur quod anime sensibiles reptilium et aliorum animalium sint ex actione corporalium elementorum.

Præterea, sicut se habet corpus patris ad ejus animam, ita

et corpus filii ad ejus animam. Ergo commutatum, sicut se habet corpus filii ad corpus patris, ita et anima filii ad animam patris. Sed corpus filii traducitur a corpore patris. Ergo anima filii traducitur ab anima patris.

Respondeo dicendum, quod circa productionem formarum substantialium, Philosophorum opiniones diversificantur. Nam quidam dixerunt (1), quod agens naturale solummodo disponit materiam; forma autem, quae est ultima perfectio, provenit a principiis supernaturalibus. Quae quidem opinio ex duobus praecipue ostenditur esse falsa. Primo quidem ex hoc quod, cum formarum naturalium et corporalium non consistat nisi in unione ad materiam; ejusdem agentis esse videtur eas producere cujus est materiam transmutare. Secundo, quia cum hujusmodi formae non excedant virtutem et ordinem et facultatem principiorum agentium in natura, nulla videtur necessitas, eorum originem in principia reducere aliora; unde Philosophus dicit (in VII Metaph., com. xxviii), quod caro et os generantur a forma quae est in his carnis et in his ossibus; secundum cujus sententiam non solum agens naturale disponit materiam, sed educit formam in actum, e converso primae opinioni. Ab hac autem generalitate formarum oportet excludere animam rationalem. Ipsa enim est substantia per se subsistens; unde esse suum non consistit tantum in hoc quod est materiae uniri; alias separari non posset; quod falsum esse etiam ejus operatio ostendit, quae est animae secundum seipsam absque corporis communiione. Nec potest aliter operari quam fit. Quod enim per se non est, per se non operatur. Et iterum intellectualis natura totum ordinem et facultatem excedit materialium et corporalium principiorum; cum intellectus intelligendo omnem corporalem naturam transcendere possit; quod non esset, si ejus natura infra limites corporalis naturae contineretur. Neutrum autem horum de anima sensibili vel vegetabili dici potest. Esse autem hujusmodi animarum non potest consistere nisi in unione ad corpus: quod eorum operationes ostendunt; quae sine organo corporali esse non possunt; unde nec esse earum est eis absolute sine dependentia ad corpus. Propter quod nec a corpore separari possunt, nec iterum in esse produci, nisi quatenus producat corpus in esse. Unde sicut producit corpus per actum naturae generantis, ita et animae praedictae. Ponere autem eas seorsum per creationem fieri, videtur redire in opinionem eorum qui ponebant hujusmodi animas post corpora remanere, cum, utrumque simul in lib. de Eccl. dogmatibus condemnatur. Hujusmodi etiam animae ordinem principiorum naturalium non excedunt. Et hoc patet earum operationes considerantibus. Nam secundum ordinem naturarum sunt etiam ordines actionum. Invenimus autem quasdam formas quae se ulterius non extendunt

(1) *Id. nempe dixerunt.*

quam ad id quod per principia materialia fieri potest; sicut formae elementares et mixtura corporum, quae non agunt ultra actionem calidi et frigidi; unde sunt penitus materiae immersae. Anima vero vegetabilis, licet non agat nisi mediantibus qualitatibus praedictis, attingit tamen operatio ejus ad aliquid in quod qualitates praedictae se non extendunt, videlicet ad producendum carnem et os, et ad praesigendum terminum augmento, et ad hujusmodi; unde et adhuc retinetur infra ordinem materialium principiorum, licet non quantum formae praemissa. Anima vero sensibilis non agit per virtutem calidi et frigidi de necessitate, ut patet in actione visus et imaginationis et hujusmodi; quamvis ad hujusmodi operationes requiratur determinatum temperamentum calidi et frigidi ad constitutionem organorum, sine quibus actiones praedictae non fiunt; unde non totaliter transcendit ordinem materialium principiorum, quamvis ad ea non tantum deprimatur, quantum formae praedictae. Anima vero rationalis etiam agit actionem ad quam virtus calidi et frigidi non se extendit; nec eam exercet per virtutem calidi et frigidi, nec organo etiam corporali; unde ipsa sola transcendit ordinem naturalium principiorum; non autem anima sensibilis in brutis, vel vegetabilibus in plantis.

AD PRIMUM ergo dicendum, quod licet anima sensibilis in hominibus et brutis sit ejusdem rationis secundum genus, non tamen est ejusdem rationis secundum speciem, sicut nec idem animal specie est homo et brutum; unde et operationes animae sensibilis sunt multo nobiliores in homine quam in brutis, ut patet in tactu et in apprehensivis interioribus. Nec oportet eorum quae sunt in genere, si specie differant, esse unum modum procedendi in esse, ut patet per animalia generata ex semine et ex putrefactione; quae in genere conveniunt, et specie differunt.

AD SECUNDUM dicendum, quod in homine non dicitur anima sensibilis ut dispositio, quasi sit aliud in substantia ab anima rationali, et sit dispositio ad ipsam; sed quia non distinguitur sensibile a rationali in homine, nisi sicut potentia a potentia. Anima vero sensibilis in bruto distinguitur ab anima rationali hominis sicut una forma substantialis ab alia. Fit tamen sicut potentia sensibilis in homine et vegetabilis fluit ab essentia animae, ita et in brutis et in plantis. Sed in hoc differunt quia in plantis non fluit ab essentia animae nisi potentia vegetabiles, et ideo ab eis anima denominatur; in brutis vero non solum vegetabiles, sed etiam sensibiles a quibus denominatur eorum anima; in homine vero praeter has etiam intellectuales a quibus denominatur.

AD TERTIUM dicendum, quod substantia, a qua potentia sensibilis fluit, tam in brutis quam in hominibus est forma substantialis; potentia vero utrobique est accidens.

AD QUARTUM dicendum, quod anima sensibilis non est acti

in semine secundum propriam speciem, sed sicut in virtute activa; sicut domus in actu est in mente artificis ut in virtute activa; et sicut formæ corporales sunt in virtutibus celestibus.

Ad **QUINTUM** dicendum, quod instrumentum intelligitur moveri a principali agente, quando retinet virtutem a principali agente impressam; unde sagitta tandem movetur a projiciente, quando manet vis impulsus projicientis. Sicut etiam generatum tandem movetur a generante in gravibus et levibus quando retinet formam sibi transmissam a generante; unde et semen tandem intelligitur moveri ab anima generantis, quando remanet ibi virtus impressa ab anima, licet corporaliter sit divisum. Oportet autem moveri et motum esse simul quantum ad motus principium, non tamen quantum ad totum motum, ut apparet in projectis.

Ad **SEXTUM** dicendum, quod vis appetitiva animæ non habet imperium nisi super corpus unum; unde pars decisa non obedit animæ appetitive ad votum. Sed semen non movetur ab anima generantis per imperium, sed per eandem virtutis transfusionem, que in semine manet etiam postquam fuerit decisum.

Ad **SEPTIMUM** dicendum, quod anima sensibilis et vegetabilis de potentia materie educuntur, sicut et formæ aliæ materiales ad quarum productionem requiritur virtus materiam transmutans. Virtus autem que est in semine, licet deficiat ab aliis actionibus animæ, hæc tamen habet. Sicut enim per animam materia transmutatur, ut convertatur in totum in actione nutritiva; ita et per virtutem prædictam transmutatur materia, ut generetur conceptum; unde nihil prohibet quin virtus prædicta operetur quantum ad hoc ad actionem animæ sensibilis in virtute ipsius.

Ad **OCTAVUM** dicendum, quod virtus prædicta radicitur in spiritu, qui in semine includitur, sicut in subjecto. Fere autem totum semen, ut dicit Avicenna, in spiritum convertitur. Unde licet corruptela materia, ex qua conceptum formatur, multoties per generationem transmutetur, non tamen virtutis prædictæ subjectum destruitur.

Ad **NONUM** dicendum, quod sicut calor agit ut instrumentum formæ substantialis ignis, ita nihil prohibet quin agat ut instrumentum animæ sensibilis ad educendum animam sensibilem in actu, non quod propria virtute hoc possit.

Ad **DECIMUM** dicendum, quod materia transmutatur non tantum transmutatione accidentali, sed etiam substantiali; utraque enim forma in materia potentia præexistit; unde agens naturale quod materiam transmutat, non solum est causa formæ accidentalis, sed etiam substantialis.

Ad **DECIMUMPRIMUM** dicendum, quod anima sensibilis cum non sit res subsistens, non est quidditas, sicut nec aliæ formæ materiales, sed est pars quidditatis, et esse suum est in con-

cretionem ad materiam; unde nihil aliud est animam sensibilem produci, quam materiam de potentia in actum transmutari.

Ad **DECIMUMSECUNDUM** dicendum, quod quanto aliquid est imperfectius, tanto ad ejus constitutionem pauciora requiruntur. Unde cum animalia ex putrefactione generata sint imperfectiora animalibus que ex semine generantur, in animalibus ex putrefactione generatis sufficit sola virtus celestis corporis que etiam in semine operatur, licet non sufficiat sine virtute animæ ad producendum animalia ex semine generata; virtus enim celestis corporis in inferioribus corporibus relinquatur, in quantum ab eo transmutatur, sicut a primo alterante. Et propter hoc dicit Philosophus, in libro de Animalibus, quod omnia corpora inferiora sunt plena virtutibus animæ. Cælum autem licet non sit simile in specie cum hujusmodi animalibus ex putrefactione generatis, est tamen similitudo quantum ad hoc quod effectus in causa activa virtualiter præexistit.

Ad **DECIMUMTERTIUM** dicendum, quod corpus celeste etsi non sit vivum, agit tamen in virtute substantiæ viventis a qua movetur, sive sit Angelus sive sit Deus. Secundum Philosophos tamen ponitur corpus celeste animatum et vivum.

Ad **DECIMUMQUARTUM** dicendum, quod virtus substantiæ spiritualis movens relinquatur in corpore celesti et motu ejus, non sicut forma habens esse completum in natura, sed per modum intentionis, sicut virtus artis est in instrumento artificis.

Ad **DECIMUMQUINTUM** dicendum est, quod anima rationalis, ut dictum est, excedit totum ordinem corporalium principiorum; unde nullum corpus potest agere etiam ut instrumentum ad ejus productionem.

Ad **DECIMUMSEXTUM** dicendum, quod anima sensibilis producit in conceptu non per actionem corporis nec per decisionem animæ, sed per actionem virtutis formativæ, que est in semine ab anima generante, ut dictum est.

Ad **DECIMUMSEPTIMUM** dicendum, quod virtus cognoscitiva negatur esse ab actione elementorum, quasi elementorum virtutes ad causandam sufficienter sufficiunt ad causandum duritiem et molliem. Non autem negatur quin instrumentaliter aliquo modo cooperari possit.

Ad **DECIMUMOCTAVUM** dicendum, quod anima sensibilis movet per appetitum. Actio vero appetitus sensibilis non est anime tantum, sed compositi; unde talis vis habet determinatum organum. Unde non oportet ponere, quod anima sensibilis aliquam operationem habeat absque corporis communiõne.

Ad **DECIMUMNONUM** dicendum, quod corpus potest movere quasi non motum specie illa motus qua movet, licet non possit movere nisi aliquo modo motum; corpus enim cæli alterat non alteratum, sed localiter motum; et similiter organum virtutis appetitivæ movet localiter non motum sed aliquo modo altera-

tum localiter. Operatio enim appetitve sensibilis sine corporali alteratione non contingit, sicut patet in ira et in hujusmodi passionibus.

Ad vicessimum dicendum, quod vis motiva exaequens motum est magis dispositio mobilis qua natum est moveri a tali motore, quam sil per se movens.

ARTICULUS XII. — *Utrum anima sensibilis vel vegetabilis sit in semine a principio quando deciditur.*

Duodecimo queritur, utrum anima sensibilis vel vegetabilis sit in semine a principio quando deciditur. Et videtur quod sic. Quia, ut Gregorius Nyssenus dicit (lib. de Creat. hominis, cap. xxvi, paulo a princip. a utriusque opinionis assertio vituperatione non caret; et eorum qui prius vivere animas in suo quodam statu atque ordine fabulantur, et eorum qui eas post corpora creatas existimant. Sed si anima in semine non fuit in sui principio, oportet eam fieri post corpus. Ergo anima a principio fuit in semine.

2. Præterea, si anima sensibilis a principio non fuit in semine, sicut nec rationalis; eadem ratio erit de sensibili et rationali. Sed anima rationalis est a creatione. Ergo et anima sensibilis est a creatione: cuius contrarium est ostensum.

3. Præterea, Philosophus dicit in XVI de Animalibus (II de Gener. animal., cap. iv) quod virtus quæ est in semine est sicut filius de domo patris egrediens. Sed filius est ejusdem speciei cum patre. Ergo et illa virtus quæ est in semine est ejusdem speciei cum anima sensibili, a qua derivatur.

4. Præterea, Philosophus dicit in XVI de Animalibus (ubi sup.), quod virtus illa est sicut ars, quæ si in materia esset, ad perfectionem artificii operaretur. Sed in arte est species artificiali. Ergo in illa virtute seminis est species anime sensibilis quæ per semen producitur.

5. Præterea, decisio seminis est naturalis, decisio vero animalis anulosi est contra naturam. Sed in parte animalis anulosi decisio est anima, ut Philosophus dicit. Ergo multo magis est in semine decisio.

6. Præterea, Philosophus dicit, in XVI de Animalibus (ibid.), quod mas in generatione animalis dat animam. Sed nihil est egrediens a patre nisi semen. Ergo anima est in semine.

7. Præterea, accidens transfunditur nisi per transfusionem subjecti. Sed aliquæ ægritudines transfunduntur a parentibus in filios, sicut lepra et podagra et hujusmodi. Ergo et eorum substantia transfunditur. Hæc autem non sunt sine anima. Ergo anima est a principio in semine.

8. Præterea, Hippocrates dicit, quod per decisionem venæ quæ est iuxta aures, generatio impeditur. Hoc etiam non esset nisi semen decideretur a toto corpore, quasi actio per prius

existens. Ergo cum id quod est actu pars animalis, habeat animam, videtur quod semen a principio habeat animam.

9. Præterea, idem dicit, quod equus quidam propter nimium coitum inventus est sine cerebro. Hoc autem non esset, nisi semen decideretur ab eo quod est actu pars. Ergo idem quod prius.

10. Præterea, quod est superfluum, non est de substantia rei. Si ergo semen sit superfluum, non erit de substantia generantis; et ita filius, qui est ex semine, non erit de substantia patris; quod est inconveniens. Ergo semen est de substantia generantis; et ita est ibi anima in actu.

11. Præterea, omne quod caret anima, est inanimatum. Si ergo semen caret anima, erit inanimatum; et sic corpus inanimatum transmutabitur, et fiet animatum; quod videtur inconveniens. Ergo anima est a principio in semine.

Sed contra est quod Philosophus dicit (in lib. II de Anima, text. x) quod semen et fructus est in tali potentia ad animam, quæ est abiciens animam.

Præterea, si semen a principio habet animam, hoc non videtur esse possibile nisi duobus modis; vel quod tota anima generantis in semen transeat; vel quod pars ejus. Utrumque autem horum videtur esse inconveniens; quia ex primo sequitur quod non remaneat anima in patre, ex secundo autem sequitur quod non remaneat ibi tota. Ergo anima non est in semine a principio.

Respondeo dicendum, quod opinio quorundam fuit, quod anima a principio decisionis esset in semine, volentes quod sicut corpus divideretur a corpore, ita simul anima propagaretur ab anima, ut statim cum corporis particula esset etiam ibi anima. Hæc autem opinio non videtur esse vera; quia, secundum quod Philosophus probat in XV de Animalibus (lib. I de Gener. animal., cap. xviii et xix), semen non deciditur ab eo quod fuit actu pars, sed quod fuit superfluum ultime digestionis; quod nondum erat ultima assimilatione assimilatum. Nulla autem corporis pars est actu per animam perfecta, nisi sit ultima assimilatione assimilata; unde semen ante decisionem nondum erat perfectum per animam, ita quod anima esset forma ejus; erat tamen ibi aliqua virtus, secundum quam jam per actionem anime erat alteratum et deductum ad dispositionem propinquam ultime assimilationi; unde et postquam doctum est, non est ibi anima, sed aliqua virtus anime. Et propter hoc, in XVI de Animalibus (II de Gener. animal., cap. iii) Philosophus dicit, quod in semine est virtus principii anime. Et præterea si anima esset in semine a principio, aut esset ibi habens actum speciem anime, aut non, sed ut quædam virtus, quæ converteretur postmodum in animam. Primum esse non potest; quia cum anima sit actus corporis organici, ante qualemcumque organisationem corpus susceptivum anime esse non potest. Et etiam sic sequitur



quod totum id quod agit in seminibus, non est nisi quedam dispositio materiae, et per consequens non esset generatio, cum generatio non sequatur, sed praecedat formam substantialem. Nisi forte dicatur, quod corporis sit alia forma substantialis praeter animam; ex quo sequitur quod anima non substantialiter corpori uniretur, utpote adveniens corpori, postquam est jam per aliam formam hoc aliquid constitutum. Sequeretur ulterius quod generatio viventis non esset generatio, sed decisio quadam; sicut pars ligni separatur a ligno, ut sit actu lignum. Secunda pars divisionis praedictae esse non potest; quia secundum hoc sequeretur quod forma substantialis non subito sed successive in materia proveniret; et sic in substantia esset motus, sicut in quantitate et qualitate; quod est contra Philosophum (in V Phys., com. xviii et praec.) et aliam formam substantialem reciperent magis et minus; quod est impossibile. Unde relinquitur quod anima non est in semine, sed virtus quedam animae, quae agit ad animam procedendam, ab anima derivata.

AD PRIMUM ergo dicendum, quod corpus viventis, utpote leonis vel ovinae, non est anima, sed est semen corporis tantum ante animam, et ante virtutem quae agit ad animam. Eadem enim est proportio seminis ad virtutem huiusmodi, et corporis ad animam.

AD SECUNDUM dicendum, quod hoc interest inter animam rationalem et alias animas, quod anima rationalis non est ex virtute seminis sicut aliae animae; quamvis nulla anima sit in semine a principio.

AD TERTIUM dicendum, quod virtus illa non assimilatur filio egredienti de domo patris quantum ad complementum speciei, sed quantum ad acquisitionem eorum quae desunt utrique ad aliquod complementum. Perfectio enim prima plerumque manifestatur per similitudinem perfectionis secundae.

AD QUARTUM dicendum, quod assimilatio inter virtutem praedictam et artem procedit quantum ad hoc quod sicut artificiatum praesistit in arte sicut in virtute activa, ita et res viva generanda in virtute formativa.

AD QUINTUM dicendum, quod ex hoc ipso decisio animalis annulosa est violenta et contra naturam, quod pars decisa erat actu pars, et perfecta per animam; unde per decisionem materiae anima in utraque parte remanet; quae quidem erat in toto una in actu, et plures in potentia. Quod quidem accidit per hoc quod huiusmodi animalia fere sunt similia in toto et partibus: nam eorum animae, quia imperfectiores sunt aliis, modicam diversitatem organorum requirunt. Et inde est quod una pars decisa potest esse animae susceptiva, utpote habens tantum de organis quantum sufficit ad talem animam suscipiendam; sicut accidit in aliis corporibus similibus, utpote ligno et lapide, aqua et aere. Ex hoc autem Philosophus probat in XV de Animalibus

(lib. I de Generat. animal., cap. xviii), quod sperma non fuit actu pars ante decisionem; quia ejus decisio non fuisset naturalis, sed modus corruptionis ejusdem. Unde non oportet quod per decisionem seminis in ipso semine anima remaneat.

AD SEXTUM dicendum, quod mas dicitur dare animam, in quantum in semine maris continetur virtus quae agit ad animam.

AD SEPTIMUM dicendum, quod aegritudines, de quibus est objectio, non traduntur cum semine quasi actu in semine sint, sed quia est principium eorum in semine, per aliquam seminis indispositionem.

AD OCTAVUM dicendum, quod cum sperma sit quedam superfluitas, habet quasdam proprias vias, sicut et aliae superfluitates; quibus intercessis generatio impeditur; non propter hoc quod aliquid ex eo quod erat actu pars, resolvatur.

AD NONUM dicendum, quod sicut immoderatus aliarum superfluitatum fluxus solvit aliquid de eo quod erat jam conversum, per violentiam quadam, et non naturaliter; ita etiam immoderatus fluxus seminis, Est vero quae fuit contra naturam, non sunt in consequentiam naturae trahenda.

AD DECIMUM dicendum, quod semen est tale superfluum, quod licet non sit actu pars substantiae patris, est tamen potentia, tota; et ob hoc filius dicitur de substantia patris esse.

AD UNDENUM dicendum, quod licet semen non sit animatum actu, est tamen animatum virtute; unde non est simpliciter inanimatum.

ARTICULUS XIII. — *Utrum aliquid ens ab alio possit esse aeternum.*  
(I part., quest. xlii, art. 2.)

Tertiodecimo quaeritur, utrum aliquid ens ab alio possit esse aeternum. Et videtur quod non. Nihil enim quod est semper, indiget aliquo ad hoc quod sit. Omne autem quod est ab alio, indiget eo a quo est, ut sit. Ergo nihil quod est ab alio, est semper.

2. Praeterea, nihil accipit quod jam habet. Ergo quod semper est, semper esse habet; ergo quod est semper, non accipit esse. Sed omne quod est ab alio, accipit esse ab eo a quo est. Ergo nihil quod est ab alio, est semper.

3. Praeterea, quod est, non generatur neque fit, neque aliquo modo in esse producitur, quia quod fit, non est. Ergo oportet quod omne quod generatur vel fit vel producitur, aliquando non esset. Omne autem quod est ab alio, est huiusmodi. Ergo omne quod est ab alio, aliquando non est. Quod autem aliquando non est, non semper est. Ergo nihil quod est ab alio, est sempiternum.

4. Praeterea, quod non habet esse nisi ab alio, in se consideratum, non est. Huiusmodi autem oportet aliquando non

esse. Ergo oportet quod omne quod est ab alio, aliquando non esset, et per consequens non esse sempiternum.

5. Præterea, omnis effectus est posterior sua causa. Quod autem est ab alio, est effectus ejus (1) a quo est. Ergo est posterior eo a quo est; et ita non potest esse sempiternum.

Sed contra est quod Hilarius dicit (lib. XII de Trinit., ante medium), quod ab æterno a Patre natum æternum esse habet quod natum est. Sed Filius Dei natus est ab æterno Patre. Ergo æternum habet quod natum est; ergo est æternum.

Respondendo dicendum, quod cum ponamus Filium Dei naturaliter a Patre procedere, oportet quod ita sit a Patre, quod tamen sit ei coæternus: quod quidem hoc modo apparet. Inter voluntatem enim et naturam hoc interest, quod natura determinata est ad unum, quantum ad id quod virtute nature producit, et quantum ad hoc quod est producere vel non producere; voluntas vero quantum ad neutrum determinata invenitur. Potest tamen aliquis hoc vel illud per voluntatem facere, sicut artifex scammum vel arcum, et iterum facere ea et a faciendo cessare; ignis vero non potest nisi calefacere, si subjectum suæ actionis adsit; nec potest aliud inducere in materiam quam effectum similem sibi; unde etsi de creaturis, quæ divina voluntate ab ipso procedunt, dici possit quod potuit creaturam talem vel talem facere, et tunc vel tunc facere; de Filio tamen, qui naturaliter procedit, hoc dici non potest. Non enim potuit alterius modi esse Filius secundum naturam, quam se habet Patris natura. Nec potuit vel prius vel posterior Filius esse, nisi quando fuit Patris natura. Non enim potest dici, quod divina nature aliquando perfectio nature defuerit, qua adveniente virtute nature, Filius Dei sit generatus; cum divina natura sit simplex et immutabilis. Neque potest dici, quod hujusmodi generatio dilata fuerit propter materie absentiam vel indispositionem, cum omnino hæc generatio immutabilis sit. Unde relinquatur, quod cum natura Patris ab æterno fuerit, et Filius sit a Patre æternaliter generatus, ac per consequens Patri coæternus. Ariani vero, quia ponebant Filium non naturaliter a Patre procedere, ponebant Filium neque Patri coequalem neque coæternum, sicut contingit in aliis que a Deo procedunt secundum arbitrium voluntatis ipsius. Fuit autem difficile considerare generationem Filii Patri coæternam, propter assuefactionem humane cognitionis in consideratione productionis rerum naturalium, in quibus una res ab alia per motum producit; res autem producta per motum in esse, prius esse incipit in principio quam in termino motus. Cum autem principium motus de necessitate terminum motus duratione præcedat, quod necesse est propter motus successionem, nec possit esse motus principium vel initium sine causa ad

(1) *Id. deest ejus.*

producendum movente; necesse est ut causa movens ad aliquid producendum præcedat duratione id quod ab ea producit. Unde quod ab aliquo sine motu procedit, simul est duratione cum eo a quo procedit, sicut splendor in igne vel in sole: nam splendor subito et non successive a corpore lucido procedit, cum illuminatio non sit motus, sed terminus motus. Relinquitur ergo quod in divinis, ubi omnino motus locum non habet, procedens sit simul duratione cum eo a quo procedit; et ideo cum Pater sit æternus, Filius et Spiritus sanctus ab eo procedentes sunt ei coeterni.

AD PRIMUM ergo dicendum, quod si indigentia importet defectum vel carentiam ejus quo indiget; quod semper est, non indiget aliquo ad hoc quod sit. Si vero importet solum ordinem originis ad id a quo est, sic nihil prohibet id quod semper est, aliquo indigere ad hoc quod sit, in quantum non a seipso, sed ab alio esse habet.

AD SECUNDUM dicendum, quod accipiens aliquid non habet illud ante acceptionem, habet vero illud quando jam accepit; unde si ab æterno accipit, ab æterno habet.

AD TERTIUM dicendum, quod ratio illa procedit in generatione que est per motum: quia quod movetur ad esse non est. Et pro tanto dicitur, quod id quod generatur non est, sed quod est generatum est: unde ubi non est aliud generari et generatum esse, ibi non oportet, quod generatur, aliquando non esse.

AD QUARTUM dicendum, quod illud quod habet esse ab alio, in se consideratum, est non ens, si ipsum sit aliud quam ipsum esse quod ab alio accipit; si autem sit ipsum esse quod ab alio accipit, sic non potest in se consideratum, esse non ens; non enim potest in esse considerari non ens, licet in eo quod est aliud quam esse, considerari possit. Quod enim est, potest aliquid habere permixtum, non autem esse, ut Boetius dicit in libro de Hebdomadibus. Prima quidem conditio est creature, sed secunda est conditio Filii Dei.

AD QUINTUM dicendum, quod Filius Dei non potest dici effectus: quia non fit, sed generatur. Hoc enim fit cujus esse est diversum a faciente; unde nec Patrem proprie loquendo causam Filii dicimus, sed principium. Nec oportet omnem causam effectum duratione præcedere, sed natura tantum, sicut patet in sole et splendore.

ARTICULUS XIV. — *Utrum quod est a Deo diversum in essentia possit semper fuisse.*

Quartodecimo queritur, utrum id quod est a Deo diversum in essentia, possit semper fuisse. Et videtur quod sic. Non enim est minor potestas causa producentis totam rei substantiam

esse. Ergo oportet quod omne quod est ab alio, aliquando non esset, et per consequens non esse sempiternum.

5. Præterea, omnis effectus est posterior sua causa. Quod autem est ab alio, est effectus ejus (1) a quo est. Ergo est posterius eo a quo est; et ita non potest esse sempiternum.

Sed contra est quod Hilarius dicit (lib. XII de Trinit., ante medium), quod ab æterno a Patre natum æternum esse habet quod natum est. Sed Filius Dei natus est ab æterno Patre. Ergo æternum habet quod natum est; ergo est æternum.

Respondendo dicendum, quod cum ponamus Filium Dei naturaliter a Patre procedere, oportet quod ita sit a Patre, quod tamen sit ei coæternus: quod quidem hoc modo apparet. Inter voluntatem enim et naturam hoc interest, quod natura determinata est ad unum, quantum ad id quod virtute nature producit, et quantum ad hoc quod est producere vel non producere; voluntas vero quantum ad neutrum determinata invenitur. Potest tamen aliquis hoc vel illud per voluntatem facere, sicut artifex scammum vel arcam, et iterum facere ea et a faciendo cessare; ignis vero non potest nisi calefacere, si subjectum suæ actionis adsit; nec potest aliud inducere in materiam quam effectum similem sibi; unde etsi de creaturis, quæ divina voluntate ab ipso procedunt, dici possit quod potuit creaturam talem vel talem facere, et tunc vel tunc facere; de Filio tamen, qui naturaliter procedit, hoc dici non potest. Non enim potuit alterius modi esse Filius secundum naturam, quam se habet Patris natura. Nec potuit vel prius vel posterius Filius esse, nisi quando fuit Patris natura. Non enim potest dici, quod divina nature aliquando perfectio nature defuerit, qua adveniente virtute nature, Filius Dei sit generatus; cum divina natura sit simplex et immutabilis. Neque potest dici, quod hujusmodi generatio dilata fuerit propter materie absentiam vel indispositionem, cum omnino hæc generatio immutabilis sit. Unde relinquatur, quod cum natura Patris ab æterno fuerit, et Filius sit a Patre æternaliter generatus, ac per consequens Patri coæternus. Ariani vero, quia ponebant Filium non naturaliter a Patre procedere, ponebant Filium neque Patri coequalem neque coæternum, sicut contingit in aliis que a Deo procedunt secundum arbitrium voluntatis ipsius. Fuit autem difficile considerare generationem Filii Patri coæternam, propter assuefactionem humanæ cognitionis in consideratione productionis rerum naturalium, in quibus una res ab alia per motum producit; res autem producta per motum in esse, prius esse incipit in principio quam in termino motus. Cum autem principium motus de necessitate terminum motus duratione præcedat, quod necesse est propter motus successionem, nec possit esse motus principium vel initium sine causa ad

(1) *Id. deest ejus.*

producendum movente; necesse est ut causa movens ad aliquid producendum præcedat duratione id quod ab ea producit. Unde quod ab aliquo sine motu procedit, simul est duratione cum eo a quo procedit, sicut splendor in igne vel in sole: nam splendor subito et non successive a corpore lucido procedit, cum illuminatio non sit motus, sed terminus motus. Relinquitur ergo quod in divinis, ubi omnino motus locum non habet, procedens sit simul duratione cum eo a quo procedit; et ideo cum Pater sit æternus, Filius et Spiritus sanctus ab eo procedentes sunt ei coeterni.

AD PRIMUM ergo dicendum, quod si indigentia importet defectum vel carentiam ejus quo indiget; quod semper est, non indiget aliquo ad hoc quod sit. Si vero importet solum ordinem originis ad id a quo est, sic nihil prohibet id quod semper est, aliquo indigere ad hoc quod sit, in quantum non a seipso, sed ab alio esse habet.

AD SECUNDUM dicendum, quod accipiens aliquid non habet illud ante acceptionem, habet vero illud quando jam accepit; unde si ab æterno accipit, ab æterno habet.

AD TERTIUM dicendum, quod ratio illa procedit in generatione que est per motum: quia quod movetur ad esse non est. Et pro tanto dicitur, quod id quod generatur non est, sed quod est generatum est: unde ubi non est aliud generari et generatum esse, ibi non oportet, quod generatur, aliquando non esse.

AD QUARTUM dicendum, quod illud quod habet esse ab alio, in se consideratum, est non ens, si ipsum sit aliud quam ipsum esse quod ab alio accipit; si autem sit ipsum esse quod ab alio accipit, sic non potest in se consideratum, esse non ens; non enim potest in esse considerari non ens, licet in eo quod est aliud quam esse, considerari possit. Quod enim est, potest aliquid habere permixtum, non autem esse, ut Boetius dicit in libro de Hebdomadibus. Prima quidem conditio est creature, sed secunda est conditio Filii Dei.

AD QUINTUM dicendum, quod Filius Dei non potest dici effectus: quia non fit, sed generatur. Hoc enim fit cujus esse est diversum a faciente; unde nec Patrem proprie loquendo causam Filii dicimus, sed principium. Nec oportet omnem causam effectum duratione præcedere, sed natura tantum, sicut patet in sole et splendore.

ARTICULUS XIV. — *Utrum quod est a Deo diversum in essentia possit semper fuisse.*

Quartodecimo queritur, utrum id quod est a Deo diversum in essentia, possit semper fuisse. Et videtur quod sic. Non enim est minor potestas causa producentis totam rei substantiam

super effectum suum, quam causae producentis formam tantum. Sed causa producens formam tantum, potest producere eam ab aeterno, si ab aeterno esset; quia splendor qui gignitur ab igne aique diffunditur coaeternus est illi; et esset coaeternus, si ignis esset aeternus, ut Augustinus dicit (in lib. de Trinit.). Ergo multo fortius Deus, qui producit totam rei substantiam, potest producere effectum sibi coaeternum.

2. Sed dices, quod hoc est impossibile; quia sequitur inconueniens, scilicet quod creatura parificetur Creatori in duratione. Sed contra; duratio quae non est tota simul, sed successiva, non potest assequari durationi quae est tota simul. Sed si mundus semper fuisset, ejus duratio non semper tota simul esset; quia tempore mensuraretur, ut etiam Boetius dicit in fine de Consol. (lib. V. prosa ult.). Ergo adhuc Deo non assequeretur creatura in duratione.

3. Praeterea, sicut diuina persona procedit a Deo sine motu, ita et creatura. Sed diuina persona potest esse Deo coaeterna, a quo procedit. Ergo similiter et creatura.

4. Praeterea, quod semper eodem modo se habet semper potest idem facere. Sed Deus semper eodem modo se habet ab aeterno. Ergo ab aeterno potest idem facere. Si ergo aliquando produxit creaturam, et ab aeterno producere potuit.

5. Sed dices, quod ratio ista procedit de agente per naturam, non autem de agente per voluntatem. Contra, voluntas Dei non dirimit virtutem ipsius. Sed si non ageret per voluntatem, sequeretur quod ab aeterno creaturam produxisset. Ergo posito quod per voluntatem agat, non remouetur quin ab aeterno producere potuerit.

6. Praeterea, si Deus in aliquo tempore vel instanti creaturam produxit, et ejus potentia non est augmentata, potuit etiam ante illud tempus vel instans creaturam producere; et eadem ratione ante illud, et sic in infinitum. Ergo potuit ab aeterno producere.

7. Praeterea, plus potest facere Deus quam humanus intellectus possit intellegere; propter quod dicitur Luc. II. 37: *Non erit impossibile apud Deum omne uerbum*. Sed Platonicis intellexerunt aliquid esse factum a Deo, quod tamen semper fuit; unde Augustinus dicit (X de Civitate Dei, cap. xxxi, circa med.): *De mundo, et de his quos in mundo deus a Deo factos, scribit Plato, apertissime dicit eos esse coepisse, et habere initium; finem tamen non habituros, sed per conditoris potentissimam uoluntatem perhibet in aeternum esse mansuros. Verum id quomodo intelligat, Platonicis inuenerunt, non esse hoc, uidelicet temporis, sed institutionis initium. Sicut enim, inquit, si pes ab aeternitate fuisset in puluere, semper subesset cesticium; quod tamen a calcante factum nemo dubitaret; sic mundus semper fuit semper existente qui fecit;*

*et tamen factus est.* Ergo Deus potuit facere aliquid quod semper fuit.

8. Praeterea, quidquid non est contra rationem creaturae, Deus potest in creatura facere; alias non esset omnipotens. Sed semper fuisse non est contra rationem creaturae in quantum est facta; alias idem esset dicere creaturam semper fuisse et factam non esse; quod patet esse falsum. Nam Augustinus (in XI de Civit. Dei, cap. IV, et lib. X, cap. xxxv), distinguit duas opiniones; quarum una est quod mundus ita fuerit semper quod non sit a Deo factus; alia est, quod ita mundus sit semper quod tamen a Deo sit factus. Ergo Deus hoc potest facere, quod aliquid ab eo factum, sit semper.

9. Praeterea, sicut natura statim potest producere effectum suum, ita et agens voluntarium non impeditur. Sed Deus est agens voluntarium quod impediri non potest. Ergo creaturae quae per ejus uoluntatem producantur in esse, ab aeterno produci poterunt, sicut et Filius qui naturaliter a Patre procedit.

1. Sed contra est quod Augustinus dicit (VII super Genes. ad litteram, cap. xxxiii, in princ.): *Quia omnia incommutabilis est illa natura Trinitatis, ob hoc ita est aeterna, ut ei aliquid coaeternum esse non possit.*

2. Praeterea, Damascenus dicit, in I libro: *Quod ex non ente ad esse deducitur, non est aptum naturae esse coaeternum ei quod sine principio et semper est.* Sed creatura de non esse ad esse produciuntur. Ergo non potest fuisse semper.

3. Praeterea, omne aeternum est inuariabile. Sed creatura non potest esse inuariabilis; quia si sibi relinqueretur, in nihilum decideret. Ergo non potest esse aeterna.

4. Praeterea, nihil quod dependet ab alio est necessarium, et per consequens nec aeternum; cum omne aeternum sit necessarium. Sed omne quod est factum, dependet ab alio. Ergo nullum factum potest esse aeternum.

5. Praeterea, si Deus ab aeterno producere potuit creaturam, ab aeterno produxit; quia, secundum Philosophum (in III Phys. cota, xxxii), in sempiternis non differt esse et posse. Sed ponere creaturam ab aeterno fuisse productam, est contra idem. Ergo et ponere quod produci potuerit.

6. Praeterea, uoluntas sapientis non differt facere quod intendit, si potest, nisi propter aliquam rationem. Sed non potest reddi ratio quare Deus tunc mundum fecerit et non prius, vel ab aeterno, si ab aeterno fieri potuit. Ergo uidetur quod ab aeterno fieri non potuit.

7. Praeterea, si creatura est facta, aut ex nihilo, aut ex aliquo. Sed non ex aliquo; quia vel ex aliquo quod est diuina essentia, quod est impossibile; vel ex aliquo alio; quod si non esset factum, erit aliquid praeter Deum, non ab ipso creatum; quod supra est improbatum; quod si est factum ex alio, aut

procedetur in infinitum, quod est impossibile; aut deveniatur ad aliquid quod est factum de nihilo. Impossibile autem est, quod fit ex nihilo, semper fuisse. Ergo impossibile est creaturam semper fuisse.

8. Præterea, de ratione æterni est non habere principium; de ratione vero creaturæ est habere principium. Ergo nulla creatura potest esse æterna.

9. Præterea, creatura mensuratur tempore vel ævo. Sed ævum et tempus differunt ab æternitate. Ergo creatura non potest esse æterna.

10. Præterea, si aliquid est creatum, oportet dare aliquid instans in quo creatum fuerit. Sed ante id non fuit. Ergo oportet dicere creaturam non semper fuisse.

Respondet dicendum, quod secundum Philosophum (in V Metaph., com. xvii), possibile dicitur quandoque quidem secundum aliquam potentiam, quandoque vero secundum nullam potentiam; secundum potentiam quidem vel activam, vel passivam. Secundum activam quidem, ut si dicamus possibile esse ædificatori quod ædificet; secundum passivam vero, ut si dicamus, possibile esse ligno quod comburatur. Dicitur autem et quandoque aliquid possibile, non secundum aliquam potentiam, sed vel metaphoricè, sicut in geometricis dicitur aliqua linea potentia rationalis, quod prætermittitur ad præsens; vel absolute, quando scilicet termini enumerationis nullam ad invicem repugnantiam habent. Contrario vero impossibile, quando sibi invicem repugnant; ut simul esse affirmationem et negationem impossibile dicitur, non quia sit impossibile alicui agenti vel patienti, sed quia est secundum se impossibile, utpote sibi ipsi repugnans. Si ergo consideretur hoc enuntiabile, aliquid diversum in substantia existens a Deo fuisse semper, non potest dici impossibile secundum se, quasi sibi ipsi repugnans: hoc enim quod est esse ab alio, non repugnat ei quod est esse semper, ut supra ostensum est; nisi quando aliquid ab alio procedit per motum, quod non intervenit in processu rerum a Deo. Per hoc autem quod additur, *diversum in substantia*, similiter nulla repugnantia absoluta loquendo datur intelligi ad id quod est semper fuisse. Si autem accipiamus possibile dictum secundum potentiam activam, tunc in Deo non deest (1) potentia ab æterno essentiam aliam a se producendi. Si vero hoc ad potentiam passivam referatur, sic, supposita catholice fidei veritate, dici non potest, quod aliquid a Deo procedens in essentia diversum, potuerit semper esse. Supponit enim (2) fides catholica omne id quod est præter Deum, aliquando non fuisse. Sicut autem impossibile est, quod ponitur aliquando fuisse, nunquam fuisse; ita impossibile est, quod ponitur aliquando non fuisse, semper fuisse. Unde et dicitur a quibusdam quod hoc quidem est pos-

(1) *Al. non est.* — (2) *Al. deest enim.*

sibile ex parte Dei creatis, non autem ex parte essentie a Deo procedentis, per suppositionem contrarii, quam fides facit.

AD PRIMUM ergo dicendum, quod ratio illa procedit ex parte potentie facientis, non autem ex parte facti, de quo facta sit suppositio aliquando non fuisse.

AD SECUNDUM dicendum, quod etiam si creatura semper fuisset, non simpliciter Deo equipararetur, sed secundum quod eum imitaretur; quod non est inconveniens; unde illa obviatio parum est efficax.

AD TERTIUM dicendum, quod in persona divina non est aliquid quod supponatur aliquando non fuisse, sicut est in omni essentia aliena a Deo.

AD QUARTUM dicendum, quod obiectio procedit ex parte potentie facientis; quæ nec etiam per voluntatem diminuitur, nisi quatenus ex arbitrio voluntatis divine fuit quod non semper fuerit creatura.

Unde patet responsio AD QUINTUM.

AD SEXTUM dicendum, quod si ponatur ante quodcumque tempus datum creaturam fuisse, salvatur positio fidei, qua ponitur nihil præter Deum semper fuisse; non tamen salvatur, si ponatur eam semper fuisse; unde non est simile. Sciendum etiam, quod forma arguendi non valet. Potest enim Deus quamlibet creaturam facere meliorem, non tamen potest facere infinitate bonitatis creaturam; infinita enim bonitas rationi creature repugnat, non autem determinata bonitas quantumque. Sciendum etiam quod si dicatur, Deum potuisse facere mundam antequam fecerit; si hæc prioritas ad potentiam facientis referatur, indubitanter est verum; quia ab æterno affuit ei potentia faciendi; æternitas vero tempus creationis præcedit. Si autem referatur ad esse facti, ita quod intelligatur ante instans creationis mundi, tempus reale fuisse, in quo potuerit fieri mundus; patet omnino esse falsum, quia ante mundum motus non fuit, unde nec tempus. Possimus tamen imaginari aliquod tempus ante mundam; sicut altitudinem vel dimensiones aliquas extra cælum; per quem modum possumus dicere, et quod altius cælum potuit elevare, et quod prius potuit facere; quia potuit facere et tempus diturnius, et altitudinem altiore.

AD SEPTIMUM dicendum, quod Platonicus hoc intellexerunt, fidei veritatem non supponendo, sed ab ea alieni.

AD OCTAVUM dicendum, quod ratio illa non probat nisi quod esse factum, et esse semper, non habeant ad invicem repugnantiam secundum se considerata; unde procedit de possibili absolute.

AD NONUM dicendum, quod ratio illa procedit de possibili ex parte potentie activæ.

Sed quia rationes oppositæ concludere videntur, quod se-

cundum nullam considerationem sit possibile; ideo ad eas etiam est respondendum.

AD PRIMUM ergo dicendum, quod secundum Boetium in fine de Consolatione Philosophi (lib. V. prosa ult., non procul a princ.), etiam si mundus semper fuisset, non esset Deo *contertus*; ejus enim duratio non esset tota simul; quod aeternitatis rationem requiritur. Est enim aeternitas *interminabilis vite tota simul et perfecta possessio*, ut ibidem dicitur: Temporis autem successio ex motu causatur, ut ex Philosopho patet (in IV Phys.). Unde quod mutabilitati subjacet, etiam si semper sit, aeternum esse non potest; et propter hoc Augustinus dicit (lib. VIII super Genes., cap. XXIII, in princ.), quod invariabili essentiae Trinitatis nulla creatura cõternã esse potest.

AD SECUNDUM dicendum, quod Damascenus loquitur supposita fidei veritate; quod patet ex hoc quod dicit, quod ex non esse ad esse deductum est, etc.

AD TERTIUM dicendum, quod variabilitas de sui ratione excludit aeternitatem, non autem infinitam durationem.

AD QUARTUM dicendum, quod id quod ab alio dependet, nunquam esse potest nisi per influxum ejus a quo est; quod si semper fuit, et ipsum semper erit.

AD QUINTUM dicendum, quod non sequitur, si Deus aliquid potuit facere, quod illud fecerit; eo quod est agens secundum voluntatem, non secundum necessitatem naturæ. Quod autem dicitur, quod in sempiternis non differit esse et posse intelligendum est secundum potentiam passivam, non autem secundum activam. Potentia enim passiva actui non conjuncta, corruptionis principium est, et ideo sempiternitati repugnat; effectus vero activæ potentie actu non existens, perfectionis causæ agentis præjudicium non affert, maxime in causis voluntariis. Effectus enim non est perfectio potentie activæ, sicut forma potentie passivæ.

AD SEXTUM dicendum, quod circa productionem primarum creaturarum intellectus noster rationem investigare non potest, eo quod non potest comprehendere artem illam quæ sola est ratio quod creaturæ predictæ hunc habeant modum; unde sicut non potest ratio reddi ab homine quare eorum est tantum et non amplius; ita reddi non potest ratio quare mundus factus non fuit antea, cum tamen utrumque fuerit divine potestati subjectum.

AD SEPTIMUM dicendum, quod optimas creaturæ non sunt productæ ex aliquo, sed ex nihilo. Non tamen oportet ex ipsa ratione productionis, sed ex veritate quam fides supponit, quod prius non fuerint, et postea in esse prodierint. Unus enim sensus predictæ locutionis esse potest, secundum Anselmum (in Monologio, cap. VIII), ut dicatur creaturæ facta ex nihilo, quia non est facta ex aliquo, ut negatio includat præpositionem et

non includatur ab ea, ut sic negatio ordinem ad aliquid, quem præpositio importat, neget, non autem præpositio importat ordinem ad nihil. Si vero ordo ad nihil romanear affirmatus, præpositione negationem includente; nec adhuc oportet quod creaturæ aliquando fuerit nihil. Potest enim dici, sicut et Arietena dicit, quod non esse præcedat esse rei, non duratione, sed natura; quia videlicet, si ipsa sibi relinqueretur, nihil esset: esse vero solum ab alio habet. Quod enim est natum alicui inesse ex seipso, naturaliter prius competit ei eo quod non est et natum inesse nisi ab alio.

AD OCTAVUM dicendum, quod de ratione aeterni est non habere durationis principium; de ratione vero creationis habere principium originis, non autem durationis; nisi accipiendo creationem ut accipit fides.

AD NONUM dicendum, quod ævum et tempus ab aeternitate differunt, non solum ratione principii durationis sed etiam ratione successioneis. Tempus enim in se successivum est; ævo vero successio adiungitur prout substantiæ aeternæ sunt quantum ad aliquid variabiles, etsi quantum ad aliquid non variantur, prout ævo mensurantur. Eternitas vero nec successioneem continet nec successioneem adiungitur.

AD DECIMUM dicendum, quod operatio qua Deus res producit in esse, non sic est intelligenda sicut operatio artificis qui facit arcam et postea eam deserit; sed quod Deus continue infundit esse; et Augustinus dicit (super Genes., ad litteram, lib. IV, cap. XII, et lib. VIII, cap. XII); unde non oportet assignare aliquid instans productionis rerum antequam productæ non sint, nisi propter fidei suppositionem.

ARTICULUS XV. — *Utrum res processerint a Deo per necessitatem naturæ vel per arbitrium voluntatis.* (I part., quæst. XIX, art. 1; et III cont. Gent., cap. XXVI, et 4 cap. x.)

Quintodecimo queritur, utrum res processerint a Deo per necessitatem naturæ, vel per arbitrium voluntatis. Et videtur quod per necessitatem naturæ. Dicit enim Dionysius (iv cap. de divin. Nom.); *Sicut noster sol non ratiocinans aut prævolens, sed per ipsum suum esse omnia homine ejus participare volentia illuminat; ita divina bonitas per essentiam suam omnibus existentibus proportionaliter radios bonitatis immittit.* Sed sol sine electione et ratione fluminans hoc agit ex necessitate naturæ. Ergo et Deus creaturas producit suam bonitatem communicando per necessitatem naturæ.

2. Præterea, omnis perfectio inferioris naturæ a perfectione divine naturæ derivatur. Sed ad perfectionem naturæ inferioris pertinet quod sua virtute aliquid simile sibi faciat producendo effectum. Ergo multo fortius Deus similitudinem suæ bonitatis creaturis communicat naturaliter, et non voluntarie.

3. Præterea, omne agens agit sibi simile. Ergo secundum hoc effectus agitur a causa agente, quod ejus similitudinem habet. Sed creatura habet similitudinem Dei quantum ad ea quæ ad Dei naturam pertinent, scilicet quantum ad esse et bonitatem et unitatem, et alia hujusmodi, non solum quantum ad ea quæ sunt in voluntate vel in intellectu, sicut artificia sunt similia artificii quantum ad formam artis, non quantum ad naturam artificis, propter quod voluntarie et non naturaliter ab arte procedunt. Ergo creaturæ procedunt a Deo per virtutem nature divinæ et non per voluntatem.

4. Sed dices, quod similitudinem naturalium attributorum communicat creaturis divina voluntas. — Sed contra, similitudo nature communicari non potest nisi per virtutem nature. Sed virtus nature in nulla re subjacet voluntati; unde et in Deo generatio Filii a Patre, quæ est naturalis, non fit per imperium voluntatis, nec etiam in hominibus vires animæ vegetabiles, quæ naturales dicuntur, voluntati subduntur. Ergo non potest esse quod voluntate divina, similitudo naturalium attributorum creaturis communicetur.

5. Præterea, Augustinus dicit in lib. de Doctrina christiana (lib. I, cap. I, in princ.), quod quia Deus bonus est, sumus; et ita bonitas Dei videtur esse causa productionis creaturarum. Sed bonitas est Deo naturalis. Ergo et fluxus rerum a Deo est naturalis.

6. Præterea, in Deo idem est natura et voluntas. Si ergo Deus producat res voluntarie, sequetur quod producat eas naturaliter.

7. Præterea, necessitas nature provenit ex hoc quod natura immobiliter operatur idem, nisi impedimentum eveniat. Sed major est immutabilitas Dei quam nature inferioris. Ergo magis ex necessitate Deus producit effectum suum quam natura inferior.

8. Præterea, operatio Dei est ejus essentia. Sed essentia sua est ei naturalis. Ergo naturaliter operatur quicquid operatur.

9. Præterea, secundum Philosophum (in III Ethic., cap. II) voluntas est finis, electio eorum quæ sunt ad finem. Sed in Deo non est aliquis finis, cum sit infinitus. Ergo non agit ex voluntate, sed magis ex necessitate nature.

10. Præterea, Deus operatur in quantum est bonus, ut Augustinus dicit (lib. I de Doctr. chr., cap. XXXII). Sed ipse est bonus necessarium. Ergo ex necessitate operatur.

11. Præterea, omne quod est, vel est contingens, vel necessarium. Necessarium vero est aliquid tripliciter: scilicet per coactionem, ex suppositione, et absolute. Non autem potest dici quod in Deo sit aliquid possibile vel contingens: hoc enim mutabilitati attestatur, ut per Philosophum patet (in XI Metaph.), quia quod contingit esse, contingit non esse. Similiter non est

ibi aliquid necessarium per coactionem, quia nihil ibi est violentum nec contra naturam, ut dicitur in V Metaph. (text. vi). Similiter nec necessarium ex suppositione: quia hoc necessarium causatur ex aliquibus causis præsuppositis; Deo autem nihil est causa. Relinquitur ergo quod quicquid est in Deo sit necessarium absolute: et ita videtur quod res ex necessitate in esse producat.

12. Præterea, II ad Timoth., II, 13, dicitur: *Deus fidelis permanet et seipsum negare non potest.* Sed cum ipse sit bonitas, seipsum negaret si suam bonitatem negaret. Negaret autem suam bonitatem si eam communicando non diffunderet; cum hoc sit proprium bonitatis. Ergo Deus non potest non producere creaturam suam bonitatem communicando: ergo ex necessitate producit: quia non possibile non esse et necesse esse convertuntur, ut patet in II Perihermenias (cap. III, parum ante fin.).

13. Præterea, secundum Augustinum, Patrem generare Filium, est Patrem dicere se suo verbo. Sed Anselmus dicit (in Monologio, cap. I), quod eodem verbo Pater dicit se et creaturam. Cum ergo generatio Filii a Patre sit naturaliter, et non per imperium voluntatis, videtur quod etiam creaturarum productio: nam apud Deum non differt dicere et facere; cum scriptum sit, Psalms, XXXII, 9: *Dixit, et facta sunt.*

14. Præterea, omnis volens de necessitate vult suum ultimum finem, sicut homo de necessitate vult esse beatus. Sed ultimus finis divine voluntatis est sue bonitatis communicatio: propter hoc enim producit creaturas, ut suam bonitatem communique. Ergo Deus hoc de necessitate vult, ergo et ex necessitate producit.

15. Præterea, sicut Deus est per se bonus, ita est per se necessarium. Sed in Deo, quia est per se bonus, nihil est nisi bonum. Ergo et similiter in eo nihil est nisi necessarium; et ita ex necessitate producit res.

16. Præterea, voluntas Dei est determinata ad unum, scilicet ad bonum. Sed natura propter hoc ex necessitate operatur, quia est determinata ad unum. Ergo et voluntas divina ex necessitate operatur creaturas.

17. Præterea, Pater virtute nature suæ est principium Filii et Spiritus sancti, ut Hilarius dicit (in lib. de Synodis, a medio illius). Sed eadem natura quæ est in Patre et Filio, est etiam in Spiritu sancto. Ergo eadem ratione ipse Spiritus sanctus est principium naturaliter. Sed non est principium nisi creaturæ. Ergo creatura naturaliter procedit a Deo.

18. Præterea, effectus procedit a causa agente. Ergo agens non comparatur ad effectum nisi per hoc quod comparatur ad actionem vel operationem. Sed comparatio operationis vel actionis divine ad ipsum est naturalis, cum actio Dei sit sua

essentia. Ergo similiter ad effectum comparatur naturaliter procedendo ipsum.

19. Præterea, a per se bono non fit aliquid nisi bonum et bene. Ergo et a per se necessario non fit aliquid nisi necessarium et necessario. Sed Deus est huiusmodi. Ergo omnia procedunt ab ipso ex necessitate.

20. Præterea, cum id quod est per se, sit prius eo quod est per aliud, oportet primum agens agere per suam essentiam. Sed sua essentia et sua natura idem est. Ergo agit per naturam suam; et ita naturaliter creaturæ ab eo procedunt.

Sed contra est quod Hilarius dicit (in lib. de Synodis, aliquantum a med. filius): *Omnibus creatoris substantiam Dei voluntas attribuit; et ibidem: Tales sunt creaturæ quales Deus eas esse voluit.* Ergo Deus producit creaturæ per voluntatem, non per naturam necessitatem.

Præterea, Augustinus in XII Confess. (æquivalenter cap. VII), ad Deum loquens ait: *Duo fecisti, Domine: unum propete, scilicet Angelum, et aliud prope nihil, scilicet materiam.* Neutrum tamen est de natura tua: quia neutrum est quod tu es. Sed Filius pro tanto naturaliter a Patre procedit, quia eandem habet naturam quam Pater, ut Augustinus dicit (lib. XV de Trinit., cap. XIV). Ergo creatura non procedit a Deo naturaliter.

Respondeo dicendum, quod absque omni dubio tenendum est quod Deus ex libero arbitrio suæ voluntatis creaturæ in esse produxit nulla naturali necessitate. Quod potest esse manifestum ad præsens quatuor rationibus. Quarum prima est, quod oportet dicere universum aliquem finem habere: alias omnia in universo casu acciderent; nisi forte diceretur, quod primæ creaturæ non sunt propter finem, sed ex naturali necessitate; posteriores vero creaturæ sunt propter finem; sicut et Democritus ponebat celestia corpora esse a casu facta, inferiora vero a causis determinatis, quod improbatur in II Phys. (text. XLIV et XLV), per hoc quod ea quæ sunt nobiliora, non possunt esse minus ordinata quam indigniora. Necessè est igitur dicere, quod in productione creaturarum a Deo sit aliquis finis intentus. Invenitur autem agere propter finem et voluntas et natura; sed aliter et aliter. Natura enim, cum non cognoscat nec finem nec rationem finis, nec habitudinem ejus quod est ad finem in finem, non potest sibi præstitere finem, nec se in finem movere aut ordinare vel dirigere; quod quidem competit agenti per voluntatem, cuius est intelligere et finem et omnia prædicta. Unde agens per voluntatem sic agit propter finem, quod præstituit sibi finem, et seipsum quodammodo in finem movet, suas actiones in ipsum ordinando. Natura vero tendit in finem sicut mota et directa ab alio intelligente et volente, sicut patet in sagitta, quæ tendit in signum determinatum propter directionem sagittantis; et per hunc modum a Philosophis dici-

tur quod opus naturæ est opus intelligentiæ. Semper autem quod est per aliud, est posterius eo quod est per se. Unde oportet quod primum ordinans in finem hoc faciat per voluntatem; et ita Deus per voluntatem creaturæ in esse produxit, non per naturam. Nec est instantia de Filio, quod naturaliter procedit a Patre, cuius generatio creationem præcedit; quia Filius non procedit ut ad finem ordinatus, sed ut omnium finis. Secunda vero ratio est, quia natura est determinata ad unum. Cum autem omne agens sibi simile producat, oportet quod natura ad illam similitudinem tendat producendam quæ est determinata in uno. Cum autem æqualitas ab unitate censeatur, inæqualitas vero ex multitudine quæ vario modo se habet (ratione ejus non est aliquid alteri æquale nisi uno modo, inæquale vero secundum multos gradus) natura semper facit sibi æquale, nisi sit propter defectum virtutis activæ, vel receptivæ sive passivæ. Defectus autem passivæ potentiæ Deo non præjudicat, cum ipse materiam non requirat; nec iterum virtus sua est deficiens sed infinita. Unde hoc solum ab eo procedit naturaliter quod est sibi æquale, scilicet Filius. Creatura vero, quæ est inæquales, non naturaliter sed per voluntatem procedit; sunt enim multi gradus inæqualitatis. Nec potest dici quod divina virtus ad unum determinatur tantum, cum sit infinita. Unde cum divina virtus se extendat ad diversos gradus inæqualitatis in creaturis constituendis; quod in hoc gradu determinato creaturam constituit, ex arbitrio voluntatis fuit, non ex naturali necessitate.

Tertia ratio est, quia cum omne agens agit sibi simile aliquo modo, oportet quod effectus in sua causa aliquo qualiter præexistat. Omne autem quod est in aliquo, est in eo per modum ejus in quo est; unde cum ipse Deus sit intellectus, creaturæ in ipso intelligibiliter præexistunt; propter quod dicitur Joan., I, 3: *Quod factum est, in ipso cita erat.* Quod autem est in intellectu, non producit nisi mediante voluntate: voluntas enim est executrix intellectus, et intelligibile voluntatem movet; et ita oportet quod res creatæ a Deo processerint per voluntatem. Quarta ratio est, quia, secundum Philosophum (in IX Metaph., text. XVII), duplex est actio: quedam quæ consistit in ipso agente, et est perfectio et actus agentis, ut intelligere, velle, et huiusmodi; quedam vero quæ egreditur ab agente in patiens extrinsecum, et est perfectio et actus patientis, sicut calefacere, movere, et huiusmodi. Actio autem Dei non potest intelligi ad modum huiusmodi secundæ actionis, eo quod, cum actio sua sit ejus essentia, non egreditur extra ipsum; unde oportet quod intelligatur ad modum primæ actionis quæ non est nisi in intelligente et volente, vel etiam sentiente; quod etiam in Deum non cadit: quia actio sensus licet non tendat in aliquid extrinsecum, est tamen ab actione extrinseci. Per hoc igitur Deus agit quiddam extra se agit, quod intelligit et vult. Nec hoc generationi Filii præjudicat



quæ est naturalis, quia hujusmodi generatio non intelligitur terminari ad aliquid quod sit extra divinam essentiam. Necessarium est igitur dicere omnem creaturam a Deo processisse per voluntatem, et non per necessitatem naturæ.

Ad PRIMUM ergo dicendum, quod similitudo Dionysii est intelligenda quantum ad universitatem diffusionis; sol enim in omnia corpora radios effundit non discernendo unum ab alio, et similiter divina bonitas. Non autem intelligitur quantum ad privationem voluntatis.

Ad SECUNDUM dicendum, quod ex perfectione divinæ naturæ est quod virtute naturæ divinæ ipsius naturæ similitudo creaturis communicetur; non tamen hæc communicatio fit per necessitatem naturæ, sed per voluntatem.

Et per hoc patet responsio ad TERTIUM.

Ad QUARTUM dicendum, quod natura non subjacet voluntati in his quæ sunt intima rei, sed quantum ad ea quæ sunt extra rem, nihil prohibet naturam subijci voluntati; unde et in motu locali in animalibus natura musculorum et nervorum subjacet appetitui imperanti; unde nec est inconveniens, si virtute naturæ divinæ creaturæ producantur in esse secundum arbitrium divinæ voluntatis.

Ad QUINTUM dicendum, quod bonum est proprium objectum voluntatis; unde bonitas Dei in quantum est ab ipso volita et amata, mediante voluntate est creaturæ causa.

Ad SEXTUM dicendum, quod licet voluntas et natura, prout in Deo sunt, sint secundum rem idem, differunt tamen ratione, secundum quod per ea diversimode designatur respectus ad creaturam; natura enim importat respectum ad aliquid unum determinatum, non autem voluntas.

Ad SEPTIMUM dicendum, quod non est ex immobilitate naturæ solum quod aliquid ex necessitate producit, sed ex ejus determinatione ad unum quæ non competit divinæ voluntati, licet in ea sit immobilitas summa.

Ad OCTAVUM dicendum, quod licet operatio Dei naturaliter ei computat, cum sit ejus natura vel essentia, affectus tamen creaturæ operationem consequitur, quæ per modum intelligendi consideratur, ut principium voluntatis, sicut et effectus calefactionis sequitur secundum modum caloris.

Ad NONUM dicendum, quod licet Deus sit infinitus, est tamen finis ad quem omnia ordinantur. Non enim est infinitus privative, sicut finitum est passio quantitatis quæ nata est habere finem; hoc enim modo finis neque infinitus, neque finitus est. Dicitur autem infinitus negative, quia nullo modo finitur.

Ad DECIMUM dicendum, quod licet Deus operetur in quantum est bonus, et bonitas ei necessario insit, non tamen sequitur quod de necessitate operetur. Bonitas enim mediante voluntate operatur, in quantum est ejus objectum vel finis; voluntas autem

non necessario se habet ad ea quæ sunt ad finem; licet respectu ultimi finis necessitatem habeat.

Ad UNDECIMUM dicendum, quod quantum ad id quod in ipso Deo est, non potest attendi aliqua possibilitas, sed sola necessitas naturalis et absoluta; respectu vero creaturæ potest ibi considerari possibilitas, non secundum potentiam passivam, sed secundum potentiam activam, quæ non limitatur ad unum.

Ad DUODECIMUM dicendum, quod si Deus hoc modo suam bonitatem negaret quod aliquid contra suam bonitatem faceret, vel in quo sua bonitas non exprimeretur, sequeretur per impossibile quod negaret seipsum. Non autem hoc sequeretur, si etiam nulli bonitatem suam communicaret. Suse enim bonitati nihil deperiret, si communicata non esset.

Ad DECIMUMTERTIUM dicendum, quod licet ipsum verbum Dei naturaliter a Patre oriatur, non tamen oportet quod creaturæ naturaliter procedant a Deo. Hoc autem modo Pater verbo suo creaturas dicit sicut in ipso Patre sunt; in quo quidem verbo non ut per necessitatem producende, sed per voluntatem.

Ad DECIMUMQUARTUM dicendum, quod communicatio bonitatis non est ultimus finis; sed ipsa divina bonitas, ex cuius amore est quod Deus eam communicare vult; non enim agit propter suam bonitatem quasi appetens quod non habet, sed quasi volens communicare quod habet; quia agit non ex appetitu finis sed ex amore finis.

Ad DECIMUMQUINTUM dicendum, quod sicut in Deo nihil est nisi bonum, ita in eo nihil est nisi necessarium. Non tamen oportet quod quicquid est ab eo, procedat per necessitatem.

Ad DECIMUMSEXTUM dicendum, quod voluntas Dei, sicut dictum est, in corp. art., naturaliter fertur in suam bonitatem; unde non potest velle nisi id quod est ei conveniens, scilicet bonum; non tamen determinatur ad hoc vel illud bonum; et ideo non oportet quod bona quæ sunt, ab eo procedant per necessitatem.

Ad DECIMUMSEPTIMUM dicendum, quod licet eadem natura sit Patris et Filii et Spiritus sancti, non tamen eundem modum existendi habet in tribus, et dico modum existendi secundum relationem. In Patre enim est ut non accepta ab alio, in Filio vero est ut Patre accepta; unde non oportet quod quicquid convenit Patri virtute naturæ suæ, conveniat Filio vel Spiritui sancto.

Ad DECIMUMOCTAVUM dicendum, quod effectus sequitur ab actione secundum modum principii agendi; unde cum per modum intelligendi, actionis divinæ principium, prout respicit creaturam, consideretur divina voluntas, quæ ad creaturam non habet necessariam habitudinem, non oportet quod creatura procedat a Deo per necessitatem naturæ, licet ipsa actio sit Dei essentia vel natura.

Ad decimumnonum dicendum, quod creatura assimilatur Deo quantum ad generales conditiones, non autem quantum ad modum participandi. Alio enim modo esse est in Deo et in creatura, et similiter bonitas. Unde licet a primo bono sint omnia bona, et a primo ente sint omnia entia, non tamen a summo bono sunt omnia summe bona, nec ab ente necessario sunt omnia per necessitatem.

Ad vicesimum dicendum, quod voluntas Dei est ejus essentia; unde hoc quod agit per voluntatem non removet quin per essentiam suam agat. Non enim est voluntas Dei aliqua intentio addita divine essentiae, sed ipsa essentia.

ARTICULUS XVI. — *Utrum ab uno primo possit procedere multitudo.* (II part., quest. xvii, art. 1; et II cont. Gent. a cap. xxxix, usque ad 45, et III, cap. xcvi.)

Septedecimo quaeritur, utrum ab uno primo possit procedere multitudo. Et videtur quod non. Sicut enim Deus est per se bonum, et per consequens summum bonum; ita est per se et summe unum. Sed ab eo inquantum est bonum, non potest procedere nisi bonum. Ergo nec ab eo procedere potest nisi unum.

2. Præterea, sicut bonum convertitur cum ente, ita et unum. Sed in his quæ sunt entia, oportet attendi assimilationem creature ad Deum, ut supra, art. præced., dictum est. Ergo sicut in bonitate, ita et in unitate oportet Deo creaturam assimilari, ut scilicet sit una ab uno.

3. Præterea, sicut bonum et malum opponuntur privative, si communiter accipiuntur, licet sint contraria, prout sunt habitum differentie: ita unum et multa opponuntur privative, ut patet in X Metaph. (com. r). Sed malitiam nullo modo dicimus a Deo procedere, sed ex defectu causarum secundarum eam incidere. Ergo nec debet poni quod multitudinis Deus sit causa.

4. Præterea, oportet proportionaliter accipere causas et causata, quia videlicet singularia sunt causa singularium, et universalis universalium, ut patet per Philosophum (II Physic., com. xxxvii). Sed Deus est causa maxime universalis. Ergo sius proprius effectus est effectus maxime universalis, scilicet esse. Sed ex hoc quod res habent esse non est multitudo, cum multitudinis sit causa diversitas vel differentia. In esse vero omnium conveniunt. Ergo multitudo non est a Deo; sed ex causis secundis, ex quibus causantur particulares rerum conditiones, secundum quas etiam differunt.

5. Præterea, uniuscujusque effectus est aliquam propriam causam accipere. Sed impossibile est unum esse propriam multorum. Ergo impossibile est quod unum sit causa multitudinis.

6. Sed dices, quod hoc tenet in causis naturalibus, non in causis voluntariis. — Sed contra, artifex est causa artificii per

voluntatem. Procedit autem artificiatum ab artifice secundum propriam formam illius artificii, quæ est in artifice. Ergo etiam in voluntariis effectus quilibet requirit propriam causam.

7. Præterea, oportet esse conformitatem inter causam et effectum. Sed Deus est omnino unus et simplex. Ergo in creatura, quæ est ejus effectus, nec multitudo nec compositio debet inveniri.

8. Præterea, diversorum agentium non potest esse idem effectus immediate. Sed sicut causa appropriatur effectui, ita effectus causæ. Ergo nec ejusdem causæ possunt esse plures immediate effectus; et sic idem quod prius.

9. Præterea, in Deo est eadem potentia generandi, spirandi et creandi. Sed potentia generandi non est nisi ad unum, similiter nec potentia spirandi: quia in Trinitate non potest esse nisi unus Filius et unus Spiritus sanctus. Ergo et potentia creandi terminatur tantum ad unum.

10. Sed dices, quod universitas creaturarum est quodammodo unum secundum ordinem. — Sed contra, effectum oportet assimilari causæ. Sed unitas Dei non est unitas ordinis, quia in Deo non est prius nec posterius, nec superius et inferius. Ergo non sufficit unitas ordinis ad hoc quod ab uno Deo plura possint educti.

11. Præterea, unius simplicis non est nisi una actio. Sed ab actione non est nisi unus effectus. Ergo ab uno simplici non potest procedere nisi unus effectus.

12. Præterea, creatura procedit a Deo, non solum sicut effectus a causa efficiente, sed etiam sicut exemplatum ab exemplari. Sed unius exemplati est unum exemplar proprium. Ergo a Deo non potest procedere nisi una creatura.

13. Præterea, Deus est causa rerum per intellectum. Agens autem per intellectum agit per formam sui intellectus. Cum igitur in divino intellectu non sit nisi una forma, videtur quod ab eo non possit procedere nisi una creatura.

14. Sed dices, quod licet forma divina intellectus sit una secundum rem, quæ est ejus essentia, tamen attenditur ibi quædam pluralitas secundum diversos respectus ad creaturas diversas; et sic est ibi pluralitas rationis. — Sed contra, aut isti respectus plures sunt in intellectu divino, aut sunt solum in ratione nostra, si primo modo, ergo sequitur quod in intellectu divino erit pluralitas et non summa simplicitas. Si secundo modo, sequitur quod Deus non producat creaturas diversas nisi mediante ratione nostra: ex quo oportet quod diversas creaturas producat per diversos respectus ad creaturas qui non sunt nisi in ratione nostra; et sic habetur propositum, scilicet quod a Deo immediate non procedat multitudo.

15. Præterea, Deus per apprehensionem intellectus sui res in esse producit. Sed in eo non est nisi una apprehensio: quia

suus intellectus est ejus essentia, quæ est una. Ergo non producit nisi unam creaturam.

16. Præterea, illud quod non habet esse nisi in ratione, non est creatum a Deo: quia hujusmodi videntur esse quedam vana, ut chimæra, et hujusmodi. Sed similitudo non est nisi in ratione; significatur enim per abstractionem a multis quod in rerum natura non invenitur. Ergo Deus non est causa multitudinis.

17. Præterea, secundum Platonem (in Timæo), optimi est optima adducere. Sed optimum non potest esse nisi unum. Cum igitur Deus sit optimus, ab eo non potest produci nisi unum.

18. Præterea, unusquisque agens propter finem, facit effectum suum propinquiorem fini quantum potest. Sed Deus producendo creaturam ordinat eam in finem. Ergo facit eam propinquissimam fini quantum potest. Sed hoc non potest nisi uno modo fieri. Ergo Deus non producit nisi unam creaturam.

19. Præterea, injustum est quod aliquis inæqualia aliquibus tribuat, nisi aliqua inæqualitate circa eos præcedente, vel meritorum, vel quarumcumque conditionum diversarum. Sed operationem divinam non præcedit aliqua diversitas; alias ipse non esset prima causa omnium. Ergo in primâ rerum creatione non dedit creaturis inæqualia dona. Sed diversitas creaturarum et multitudo attenditur secundum hoc quod plus vel minus recipiant de donis divinis, ut patet in IV. cap. col. Hierar. Ergo in prima rerum creatione Deus multitudinem non produxit.

20. Præterea, Deus creaturis communicat suam bonitatem quantum capaces sunt. Sed natura superiorum creaturarum capax fuit hujusmodi perfectionis et dignitatis, ut essent cause inferiorum creaturarum. Id enim quod est perfectius, potest agere in id quod est eo imperfectius, et communicare ei suam perfectionem. Ergo videtur quod Deus creaturas inferiores mediantibus superioribus produxit; et ita ipse immediate non produxit nisi unam creaturam alii superiore, quæcumque sit illa.

21. Præterea, quanto aliquæ formæ sunt magis immateriales, tanto sunt magis activæ, utpote magis a potentia separate; unumquodque enim agit secundum quod est in actu, non secundum quod est in potentia. Sed formæ rerum quæ sunt in mente Angelî, sunt magis immateriales quam formæ quæ sunt in rebus naturalibus. Cum ergo formæ naturales sint cause formarum sibi similibus, videtur quod multo fortius formæ quæ sunt in mente Angelî, producerint formas rerum naturalium sibi similes. Diversitas autem rerum et per consequens multitudo est ex forma. Ergo videtur quod multitudo non processerit a Deo nisi mediantibus superioribus creaturis.

22. Præterea, quidquid Deus facit, est unum. Ergo ab eo non est nisi unum; et ita ipse non erit causa multitudinis.

23. Præterea, Deus non intelligit nisi unum: quia nihil intel-

ligit extra se, ut probatur in XII Metaph. (com. LI). Sed ipse est causa rerum per intellectum suum. Ergo ipse non causat nisi unum.

24. Præterea, Anselmus dicit (in Monol., cap. VIII), quod creatura in Deo est creatrix essentia. Sed creatrix essentia est tantum una. Ergo et creatura in Deo est tantum una. Sed hoc modo creatur creatura a Deo secundum quod in ipso processit. Ergo a Deo non est nisi una tantum creatura; et sic a Deo non procedit multitudo.

Sed contra est quod dicitur Sapient., xi. 21: *Omnia in numero et pondere et mensura disposuisti, Domine*. Sed numerus non est sive multitudo. Ergo a Deo procedit multitudo.

Præterea, virtus Dei præcedit virtutem cujuslibet alterius rei. Sed unum punctum potest esse principium multarum linearum. Ergo sic Deus, quamvis sit unus, potest esse principium creaturarum multarum.

Præterea, illud quod est proprium uni in quantum est unum, maxime competit ei quod est maxime unum. Sed proprium est unitatis quod sit multitudinis principium. Ergo hoc maxime competit Deo quod est summe unum, quod ab eo multitudo procedat.

Præterea, Boetius dicit in principio Arithmetico (cap. II), quod secundum exemplar numeri Deus res in esse produxit. Sed exemplatum exemplari conformatur. Ergo produxit res sub multitudine et numero.

Præterea, in Psal. ciii. 24, dicitur: *Omnia in sapientia fecisti*. Sed cum sapientia sit ordinare, oportet ea quæ per sapientiam fiunt, ordinem habere, et per consequens multitudinem. Ergo rerum multitudo a Deo processit.

Respondet dicendum, quod multa non posse procedere ab uno principio immediate et proprie videtur esse ex determinatione cause ad effectum, ex quo videtur debitum et necessarium ut si est talis causa, talis effectus proveniat. Causa autem sunt quatuor; quarum duas, scilicet materia et efficiens, præcedunt causatum, secundum esse interum; finis vero etsi non secundum esse, tamen secundum intentionem; forma vero neutro modo, secundum quod est forma; quia cum per eam causatum esse habeat, esse ejus simul est cum esse causati; sed in quantum etiam ipsa est finis, præcedit in intentione agentis. Et quamvis forma sit finis operationis, ad quem operatio agentis terminatur, non tamen omnis finis est forma. Est enim aliquis finis intentionis præter finem operationis, ut patet in domo. Nam forma ejus est finis terminans operationem edificatoris; non tamen ibi terminatur intentio ejus, sed ad ulteriorem finem, quæ est habitatio: ut sic dicatur, quod finis operationis est forma domus, intentionis vero habitatio. Debitum igitur essendi tale causarum non potest esse ex forma in quantum est forma, quia

sic concomitatur causatum; sed vel ex virtute cause efficientis, vel ex materia vel ex fine, sive sit finis intentionis, sive finis operationis. Non potest autem dici in Deo, quod effectus ejus habeat debitum essendi ex materia. Nam cum ipse sit totus esse auctor, nihil quolibet modo esse habens præsupponitur ejus actioni, ut sic ex dispositione materie necesse sit dicere talem vel talem ejus esse effectum. Similiter nec ex potentia effectiva. Nam cum ejus activa potentia sit infinita, non terminatur ad unum nisi ad id quod esset æquale sibi, quod nulli effectui competere potest. Unde, si inferiorem sibi effectum producere sit necesse potentia sua, quantum in se est, non terminatur ad hunc vel illum distantie gradum, ut sic debitum sit ex ipsa virtute activa talem vel talem effectum produci. Similiter nec ex fine intentionis. Hic enim finis est divina bonitas, cui nihil accrescit ex effectuum productione. Nec iterum per effectus potest totaliter representari vel eis totaliter communicari, ut sic possit dici, quod debitum sit talem vel talem Dei effectum esse, ut totaliter divinam bonitatem participet, sed possibile est effectum multis modis eam participare; unde nullus eorum necessitas est ex fine. Sic ex fine necessitas sumitur, quando intentio finis compleri non potest vel omnino, vel inconvenienter, nisi hoc vel illo existente. Relinquitur igitur quod debitum in operibus divinis esse non potest nisi ex forma, que est finis operationis. Ipsa enim cum non sit infinita, habet determinata principia, sine quibus esse non potest; et determinatum modum essendi, ut si dicamus, quod supposito quod Deus intendat hominem facere, necessarium est et debitum quod animam rationalem ei conferat et corpus organicum, sine quibus homo esse non potest. Et similiter possumus dicere in universo. Quod enim Deus tale universum constituere voluerit, non est necessarium neque debitum, neque ex fine, neque ex potentia efficientium, neque materie, ut ostensum est. Sed supposito quod tale universum producere voluerit, necessarium fuit quod tales et tales creaturas produceret, ex quibus talis forma universi coarsurgeret. Et cum ipsa universi perfectio et multitudinem et diversitatem rerum requirat, quia in una earum inveniri non potest propter recessum a complemento bonitatis prima; necesse fuit ex suppositione forme intente quod Deus multas creaturas et diversas produceret; quasdam simplices, quasdam compositas; et quasdam corruptibiles, et quasdam incorruptibiles.

Hoc autem quidam philosophi non considerantes, diversimode a veritate deviarunt. Quidam namque non intelligentes Deum universi esse auctorem, posuerunt materiam non ab alio existentem, et ex ejus necessitate rerum diversitatem produci, vel secundum raritatem vel secundum spissitudinem materie res diversificantes, ut antiquissimi naturalium Philosophorum, qui tantum causam materialem perceperunt; vel secundum actio-

nem alienius cause efficientis, que secundum diversitatem materie diversos effectus producebat, sicut Anaxagoras posuit intellectum divinum, qui diversas res producebat, eas a commixtione materie segregando; et sicut Empedocles, qui per amicitiam et litem, secundam diversitatem materie diversos effectus vario modo distinctos vel conjunctos ponebat. Quorum falsitas apparet ex duobus. Primo ex hoc quod non ponebant omne esse a primo et summo ente effluere, quod in alia questione est ostensum. Secundo, quia secundum eos sequebatur quod partium universi distinctio et earum ordo essent a causa; quia sic necesse erat propter materie necessitatem. Alii pluralitatem rerum et modos diversos earum ex necessitate cause efficientis ponebant, sicut Avicenna (lib. IX Met., cap. iv), et ejus sequaces. Posuit enim, quod primum ens, inquantum intelligit seipsum, producit unum tantum causatum, quod est intelligentia prima, quam necesse erat a simplicitate primi entis defluere, utpole inquantum potentialitas incipit admisceri actui, inquantum esse recipiens ab alio non est suum esse, sed quodammodo potentia ad illud. Et sic inquantum intelligit primum ens, procedit ab ea alia intelligentia ea inferior; inquantum vero intelligit potentiam suam procedit ab ea corpus coeli, quod movet; inquantum vero intelligit actum suum, procedit ab ea anima coeli primi; et sic consequenter multiplicatur per multa media res diverse. Sed hæc etiam positio stare non potest. Primo, quia ponit potentiam divinam terminari ad unum effectum, qui est intelligentia prima. Secundo, quia ponit alias substantias præter Deum esse aliarum creatrices, quod esse impossibile in alia questione, art. 1, ostensum est. Sequitur etiam ad hanc positionem, sicut et ad primas, quod decor ordinis universi sit casualis, ex quo rerum diversitatem non ascribit intentioni finis sed terminationi potentiarum activarum ad suos effectus.

Alii vero circa debitum cause finalis erraverunt, sicut Plato et ejus sequaces. Posuit enim quod bonitati Dei ab eo intellecte et amato debitum esset tale universum produceret ut sic optimum produceret. Quod quidem potest esse verum, si solum quantum ad ea que sunt respiciamus; non autem si respiciamus ad ea que esse possunt. Hoc enim universum est optimum earum que sunt; et quod sit sic optimum, ex summa Dei bonitate habet. Non tamen bonitas Dei est ita obligata huic universi, quin melius vel minus bonum aliud universum facere potuisset.

Quidam etiam debitum cause formalis non attendentes, sed solum debitum divinis bonitatis, erraverunt, sicut Manichæi; qui cum considerarent Deum esse optimum, crediderunt a Deo esse tantum illas creaturas que inter alias sunt optime, scilicet spirituales et incorruptibiles; corporalia vero et corruptibilia alteri attribuerunt principio. Ex similitudine fonte prodit Origenis

error (lib. I Periar., cap. VII et VIII), licet huic contrarius. Consideravit enim Deum esse optimum et justum; unde ab ipso primo fuisse conditas optimas creaturarum solas et aequales existimavit, scilicet rationales creaturas; quibus ex libero arbitrio diversissimo operantibus in bonum vel in malum, consecutum esse dicebat ut diversi gradus rerum in universo constituerentur, dicens, illos rationales creaturas quae ad Deum conversae sunt, in angelicam dignitatem esse promotas, et secundum diversos ordines, prout magis et minus meruerunt; e contrario vero ceteras rationales quae per liberum arbitrium peccaverunt in inferiora dicit esse prolapsas, et corporibus alligatas; quasdam quidem soli, lunae et stellis, quae minus peccaverunt; quasdam vero corporibus hominum; quasdam in demones esse conversas. Uterque enim error ordinem universi praeterire videtur in sua consideratione, considerando tantummodo singulas partes ejus. Ex ipso enim ordine universi potuisset ejus ratio apparere, quod ab uno principio, nulla meritorum differentia procedente, oportet diversos gradus creaturarum institui, ad hoc quod universum esset completum (representante universo per multiplices et varios modos creaturarum quod in divina bonitate simpliciter et indistincte praexistit) sicut et ipsa perfectio domus et humani corporis diversitatem partium requirit. Neutrum autem eorum esset completum si omnes partes minus conditionis existerent; sicut si omnes partes humani corporis essent oculus; aliarum enim partium deessent officia. Et similiter si omnes partes domus essent tectum, domus completum et finem suum non consequeretur, ut scilicet ab imbribus et caumatibus defendere posset. Sic igitur dicendum est, quod ab uno primo multitudine et diversitas creaturarum processit, non propter materiae necessitatem, nec propter potentiae limitationem, nec propter bonitatem nec propter bonitatis obligationem, sed ex ordine sapientiae, ut in diversitate creaturarum perfectio consisteret universi.

Ad primum ergo dicendum, quod sicut Deus est unus, ita et unum produxit, non solum quia unumquodque in se est unum, sed etiam quia omnia quoddammodo sunt unum perfectum, quae quidem unitas diversitatem partium requirit, ut ostensum est.

Ad secundum dicendum, quod creatura assimilatur Deo in unitate, in quantum in aliquo in se una est, et in quantum omnes unum sunt unitate ordinis, ut dictum est.

Ad tertium dicendum, quod malitia totaliter in non esse consistit; multitudo autem causatur ex ente. Ipsa enim differentia, per quam entia dividuntur ad invicem, quoddam ens est. Unde Deus non est auctor tendendi ad non esse, sed est omnis esse auctor; non est principium malitiae sed est principium multitudinis. Sciendum autem, quod duplex est unum; quoddam scilicet quod convertitur cum ente, quod nihil addit supra ens

nisi indivisionem; et hoc unum privat multitudinem, in quantum multitudo ex divisione causatur; non quidem multitudinem extrinsecam quam unum constituit sicut pars; sed multitudinem intrinsecam quae unitati opponitur. Non enim ex hoc quod aliquid dicitur esse unum, negatur quin aliquid sit extra ipsum quod eum eo constituat multitudinem; sed negatur divisio ipsius in multa. Aliud vero unum est quod est principium numeri, quod supra rationem entis addit mensurationem; et hujus unius multitudo est privatio, quia numerus fit per divisionem continui. Nec tamen multitudo privat unitatem totaliter, cum divisio toto adhuc remaneat pars indivisa; sed removet unitatem totius. Sed malitia, quantum est in se, removet bonitatem, nullo modo eam constituens, nec ab ea constituta.

Ad quartum dicendum, quod ens alio modo se habet ad ea quae sub ente continentur, et alio modo animal vel quoddam aliud genus ad species suas. Species enim addit supra genus, ut homo supra animal, differentiam aliquam quae est extra essentialiam generis. Animal enim nominat tantum naturam sensibilem, in qua rationale non continetur; sed ea quae continentur sub ente, non addunt aliquid supra ens quod sit extra essentialiam ejus; unde non oportet quod illud quod est causa animalis in quantum est animal sit causa rationalis in quantum hujusmodi. Oportet autem illud quod est causa entis in quantum est ens, esse causam omnium differentiarum entis, et per consequens totius multitudinis entium.

Ad quintum dicendum, quod appropriatio causae ad effectum attenditur secundum assimilationem effectus ad causam. Assimilatio autem creaturae ad Deum attenditur secundum hoc quod creatura implet id quod de ipsa est in intellectu et voluntate Dei; sicut artificata simulantur artificii in quantum in eis exprimitur forma artis, et ostenditur voluntas artificis de eorum constitutione. Nam sicut res naturalis agit per formam suam, ita artifex per suum intellectum et voluntatem. Sic igitur Deus propria causa est uniuscujusque creaturae, in quantum intelligit et vult unamquamque creaturam esse. Quod autem dicitur idem non posse esse plurium proprium, intelligendum est quando fit propriatio per adaequationem; quod in proposito non contingit.

Ad sextum dicendum, quod solutio patet ex dictis.

Ad septimum dicendum, quod licet sit quaedam similitudo creaturae ad Deum, non tamen est adaequatio; unde non oportet, si unitas Dei caret omni multitudine et compositione, quod propter hoc oporteat talem esse creaturam unitatem.

Ad octavum dicendum, quod licet effectus non possit excedere causam suam, tamen causa potest excedere effectum; et ideo licet ab una causa possint procedere plures effectus, tamen non potest unus effectus a pluribus causis immediate procedere.

Ad nonum dicendum, quod licet eadem sit potentia in Deo

generandi et creandi secundum rem, non tamen idem respectus in utraque connotatur: sed potentia generandi connotat respectum ad id quod procedit per naturam (1); et ideo oportet tantum unum esse; sed potentia creandi importat respectum ad id quod procedit per voluntatem; unde non oportet quod sit unum.

AD DECIMUM DICENDUM, quod non oportet, sicut dictum est, uniusmodi unitatem esse in creatura et in Deo; licet creatura Deum in unitate imitetur.

AD DECIMUMPRIMUM DICENDUM, quod quamvis actio Dei sit una et simplex, quia est eius essentia; non tamen oportet quod sit unus tantum effectus, sed multi; quia ex actione divina procedit effectus secundum ordinem sapientiæ et arbitrium voluntatis.

AD DECIMUMSECUNDUM DICENDUM, quod quando exemplatum perfecte representat exemplar, ab uno exemplari non est nisi unum exemplatum, nisi per accidens, in quantum exemplata materialiter distinguuntur. Creatura vero non perfecte imitatur suum exemplar. Unde diversimode possunt ipsum imitari, et sic esse diversa exemplata. Perfectus autem modus imitandi est unus tantum: et propter hoc Filius, qui perfecte imitatur Patrem non potest esse nisi unus.

AD DECIMUMTERTIUM DICENDUM, quod licet forma intellectus divini sit una tantum secundum rem, est tamen multiplex ratione secundum diversos respectus ad creaturam, prout scilicet intelliguntur creature diversimode formam divini intellectus imitari.

AD DECIMUMQUARTUM DICENDUM, quod isti diversi respectus ad creaturam non solum sunt in intellectu nostro, sed etiam in intellectu divino. Nec tamen diversa aliqua sunt in intellectu divino, in quibus Deus intelligat; quia intelligit tantum uno, quod est sua essentia; sed sunt ibi multa, ut ab ipso intellecta. Sicut enim nos intelligimus quod creatura potest Deum multipliciter imitari, ita et Deus hoc intelligit; et per consequens intelligit creaturam diversos respectus ad Deum.

AD DECIMUMQUINTUM DICENDUM, quod sicut Deus uno intelligit omnia, ita etiam et per unam apprehensionem. Nam actum intellectus oportet esse unum vel multos, secundum unitatem vel multitudinem principii quo intelligitur.

AD DECIMUMSEXTUM DICENDUM, quod licet multitudo prætor multa, non sit nisi in (2) ratione; multitudo tamen in multis est etiam in rerum natura; sicut etiam animal commune non est nisi in ratione, natura tamen animalis est in singularibus; et propter hoc multitudinem et animalis naturam oportet reducere in Deum, sicut in causam.

AD DECIMUMSEPTIMUM DICENDUM, quod universum quod est

(1) *Id.* ad naturam. (2) *Id.* hic et infra dicitur in.

a Deo productum, est optimum respectu eorum quæ sunt, non tamen respectu eorum quæ Deus facere potest.

AD DECIMUMOCTAVUM DICENDUM, quod ratio illa tenet quando id quod est ad finem potest totaliter et perfecte consequi finem per modum adæquationis; quod in proposito non contingit.

AD DECIMUMNONUM DICENDUM, quod illa ratio est Origenis (1) Perjar., cap. vii et viii, nec habet magnam efficaciam. Non enim est contra iustitiam quod inæqualis æqualibus datur nisi quando alicui redditur debitum; quod in prima rerum creatione non potest dici. Quod enim ex propria liberalitate datur, potest dari plus vel minus secundum arbitrium dantis, et secundum quod ejus sapientia requirit.

AD VICESIMUM DICENDUM, quod licet creaturae aliæ sint Angelo inferiores, tamen earum productio requirit infinitam virtutem producentis, in quantum per creationem producuntur in esse, utpote non ex præjacenti materia factæ. Et ideo omnes creaturae, quæ non sunt factæ ex præjacenti materia, oportet dicere immediate a Deo esse creatas.

AD VICESIMUMPRIMUM DICENDUM, quod cum creatio terminetur ad esse tanquam ad proprium effectum, impossibile est dicere, ea quæ a Deo creantur, ab Angelis formas habere, cum omne esse sit a forma.

AD VICESIMUMSECUNDUM DICENDUM, quod licet quidquid Deus facit, in se sit unum, tamen hæc unitas, ut dictum est, non removet omnem multitudinem, sed manet illa cuius unum est pars.

AD VICESIMUMTERTIUM DICENDUM, quod verbum Philosophi, cum dicit quod Deus nihil intelligit extra se, non est intelligendum quasi Deus ea quæ sunt extra ipsum non intelligat; sed quia illa etiam quæ extra ipsum sunt, non extra se, sed in se intuetur, quia per essentiam suam omnia alia cognoscit.

AD VICESIMUMQUARTUM DICENDUM, quod creatura dicitur esse in Deo dupliciter. Uno modo sicut in causa gubernante et conservante esse creatura; et sic præsupponitur esse creaturam distinctum a creatore ad hoc quod creatura a Deo esse dicatur. Non enim intelligitur creatura conservari in esse nisi secundum quod iam habet esse in propria natura, secundum quod esse creaturae a Deo distinguitur. Unde creatura hoc modo in Deo existens non est creatrix essentia. Alio modo dicitur creatura esse in Deo sicut in virtute causa agentis; vel sicut in cognoscente; et sic creatura in Deo est ipsa essentia divina, sicut dicitur Joannis, 1, 3: *Quod factum est in ipso vita erat.* Quamvis autem hoc modo creatura in Deo existens sit divina essentia, non tamen per istum modum est ibi una tantum creatura, sed multe. Nam essentia Dei est sufficiens medium ad cognoscendum diversas creaturas, et sufficiens virtus ad eas producendas.

ARTICULUS XVII. — *Utrum mundus semper fuerit.* (I part., quæst. XLIX, art. 1; et I. dist. 1, quæst. 1, art. 3; et II cont. Gent., cap. XXXIV et XXXVII.)

Decimoseptimo quaeritur, utrum mundus semper fuerit. Et videtur quod sic. Quia proprium semper consequitur id cuius est proprium. Sed, sicut dicit Dionysius (iv cap. col. Hierar.), proprium est divinae bonitatis ad communicationem sui ea quae sunt vocare; quod quidem fit creaturas producendo. Cum ergo divina bonitas semper fuerit, videtur quod semper creaturas in esse produxerit; et ita videtur quod semper fuerit mundus.

2. Præterea, Deus non denegavit alicui creaturae id cuius est capax secundum suam naturam; sed aliquæ creaturæ sunt quarum natura est capax ut semper fuerit, sicut cælum. Ergo videtur quod hoc fuerit cælo collatum ut semper esset. Sed cælo existente oportet ponere alias creaturas esse, sicut probat Philosophus, in II de Cælo et mundo (com. yan). Ergo videtur quod mundus fuerit semper. Probatio mediæ. Omne quod est incorruptibile, habet virtutem ut sit semper; quia si haberet virtutem ut esset aliquo tempore determinato tantum, non posset esse semper; et ita non esset incorruptibile. Cælum autem est incorruptibile. Ergo habet naturam quod sit semper.

3. Sed dicendum, quod cælum non est simpliciter incorruptibile; decideret enim in nihilum, nisi per virtutem Dei continueretur in esse. — Sed contra, non est reputandum aliquid esse possibile vel contingens, propter hoc quod eius destructio sequitur ex destructione consequentis; licet enim hominem esse animal sit necessarium, tamen destructio ejus sequitur ad destructionem hujus consequentis, hominem esse substantiam. Non ergo videtur quod propter hoc possit dici cælum esse corruptibile, quia ejus non esse sequitur ad aliquam positionem qua ponitur Deus suam continentiam subtrahere creaturis.

4. Præterea, sicut Avicenna probat in sua Metaphys. (lib. IX, cap. iv), quilibet effectus in comparatione ad suam causam est necessarius; quia si posita causa non necessario sequitur effectus, adhuc posita causa possibile erit effectum esse vel non esse; quod autem est in potentia, non reducitur in actum nisi per id quod est actus; unde oportebit quod præter causam prædictam sit aliqua alia causa quæ faciat effectum prodire in actum ex potentia quæ possibile erat ipsum esse vel non esse posita causa. Ex quo potest accipi, quod posita causa sufficienti necesse est ipsum poni. Sed Deus est causa sufficiens mundi. Cum ergo Deus fuerit semper, et mundus fuit semper.

5. Præterea, omne quod est ante tempus, est æternum; ævum enim non est ante tempus, sed incipit simul cum tempore. Sed mundus fuit ante tempus; fuit enim creatus in primo instanti temporis, quod constat esse ante tempus; dicitur enim

Genes. 1: *In principio creavit Deus cælum et terram* (Glossa interlinearis), id est, *in principio temporis*. Ergo mundus fuit ab æterno.

6. Præterea, idem manens idem, semper facit idem, nisi impediatur. Sed Deus semper idem manet, sicut in Psalmo ci. 28, legitur: *Tu autem idem ipse es*. Cum igitur in sua actione impedi non possit propter infinitatem suae potentiae, videtur quod semper idem faciat. Et ita, cum aliquando mundum produxerit, videtur quod etiam semper ab æterno produxerit.

7. Præterea, sicut homo necessario vult suam beatitudinem, ita Deus necessario vult suam bonitatem et quod ad eam pertinet. Sed ab bonitatem divinam pertinet productio creaturarum in esse. Ergo hoc Deus necessitate vult; et ita videtur quod ab æterno producere creaturas voluerit, sicut voluit ab æterno bonitatem suam esse.

8. Sed dicendum, quod ad bonitatem Dei pertinet quod creaturae producantur in esse, non autem quod producantur in esse ab æterno. — Sed contra, majoris liberalitatis est aliquid citius dare quam tardius. Sed liberalitas divinae bonitatis est infinita. Ergo videtur quod ab æterno esse creaturis dederit.

9. Præterea, Augustinus dicit (VIII Confes., cap. ix): *Illud dico te cæle quod facis si potes*. Sed Deus ab æterno voluit mundum producere; alias fuisset mutatus, si accessisset ei nova voluntas mundi creandi. Cum ergo nulla impotentia ei conveniat, videtur quod ab æterno mundum produxerit.

10. Præterea, si mundus non semper fuit; antequam mundus esset, aut erat possibile ipsum esse, aut non. Si non erat possibile, ergo impossibile erat ipsum esse, et necesse non esse; et sic nunquam fuisset in esse productus. Si autem possibile erat cum esset, ergo erat aliqua potentia respectu ipsius; et ita erat aliquid subjectum sive materia, cum potentia non nisi in subjecto esse possit. Sed si fuit materia, fuit et forma; cum materia non possit omnino esse a forma denudata. Ergo fuit aliquid corpus compositum ex materia et forma, et ex consequenti fuit totum universum.

11. Præterea, omne quod fit actu postquam fuit possibile fieri, educitur de potentia in actum. Si ergo mundum fuit possibile fieri, antequam esset, oportet dicere mundum eductum esse de potentia in actum; et ita materiam præcessisse, et fuisse æternam; ex quo sequitur idem quod prius.

12. Præterea, omne agens quod de novo incipit agere, movetur de potentia in actum. Sed hoc Deo non potest competere, cum ipse sit omnino immobilis. Ergo videtur quod ipse non incipit de novo agere, sed quod ab æterno mundum produxerit.

13. Præterea, agens per voluntatem, si incipit facere quod prius volebat, cum antea non fecisset, oportet ponere aliquid esse nunc inducens ipsum ad agendum, quod prius non induce-

bat; quod est quodammodo expergefaciens ipsum. Sed non potest dici quod aliquid aliud fuerit præter Deum ante mundum, quod de novo eum induxerit ad agendum. Cum ergo ab æterno voluerit mundum facere (alias volutatis ejus aliquid accrevisset), videtur quod ab æterno fecerit.

14. Præterea, nihil movet voluntatem divinam ad agendum nisi bonitas ejus. Sed bonitas divina semper eodem modo se habet. Ergo et voluntas Dei semper se habet ad productionem creaturarum; et ita ab æterno creaturas produxit.

15. Præterea, illud quod est semper in principio et in fine sui nunquam incipit nec desinit: quia unaquæque res est post sui principium et ante sui finem. Sed tempus semper est in sui principio et in sui fine; nihil enim est temporis nisi instans, quod est finis præteriti et principium futuri. Ergo tempus nunquam incipit nec desinit, sed semper est; et per consequens motus semper, et mobile semper, et totus mundus; tempus enim non est sine motu, nec motus sine mobili, nec mobile sine mundo.

16. Sed dicendum, quod primum instans temporis non est finis præteriti, nec ultimum principium futuri. — Sed contra *nunc* æternitatis. Sed quod fuit, ab alio in aliud fuit. Ergo oportet omne *nunc* a priori *nunc* in posterius fluere. Ergo impossibile est esse aliquod primum vel ultimum *nunc*.

17. Præterea, motus sequitur mobile, et tempus sequitur motum. Sed primum mobile, cum sit circulare, non habet principium neque finem: quia in circulo non est accipere principium et finem in actu. Ergo neque motus neque tempus habent principium; et sic idem quod prius.

18. Sed dicendum, quod licet ipsum corpus circulare non habeat principium magnitudinis, habet tamen principium durationis. — Sed contra, duratio motus sequitur mensuram magnitudinis: quia, secundum Philosophum, quanta est magnitudo, tantus est et motus, et tantum tempus. Si ergo in magnitudine corporis circularis non est aliquid principium, nec in magnitudine motus et temporis erit principium, et per consequens nec in eorum duratione, cum eorum duratio, et præcipue temporis, sit eorum magnitudo.

19. Præterea, Deus est causa rerum per scientiam suam. Scientia autem relative dicitur ad scibile. Cum igitur relativa sint simul natura, et scientia Dei sit æterna, videtur quod res sint ab ipso ab æterno productæ.

20. Præterea, aut Deus præcedit mundum natura tantum, aut duratione. Si natura tantum, sicut causa effectum sibi coævum, videtur quod cum Deus fuerit ab æterno, et creatura fuerint ab æterno. Si autem præcedit mundum duratione, ergo est accipere aliquam durationem priorem duratione mundi, quæ se

habet ad durationem mundi ut prius ad posterius. Sed duratio quæ habet prius et posterius est tempus. Ergo ante mundum fuit tempus, et per consequens motus et mobile; et sic idem quod prius.

21. Præterea, Augustinus dicit (V de Trin., cap. xvi): *Deum ab æterno Dominum non fuisse, dicere nolo*. Sed quodcumque fuit Dominus, habuit creaturam sibi subjectam. Ergo non est dicendum, quod creatura non fuerit ab æterno.

22. Præterea, Deus potuit mundum producere antequam produxerit; alias impotens fuisset. Scivi etiam ante producere; alias ignorans esset. Videtur etiam quod voluit, alias invidus fuisset. Ergo videtur quod non inceptit de novo producere creaturas.

23. Præterea, omne quod est finitum, est communicabile creaturæ. Sed æternitas est quoddam finitum: alias nihil posset esse ultra æternitatem; dicitur enim Exod., xv, 18: *Dominus regnavit in æternum et ultra*. Ergo videtur quod creatura fuerit æternitatis capax: et sic conveniens fuit divine bonitati quod creaturam ab æterno produxerit.

24. Præterea, omne quod incipit, habet mensuram suæ durationis. Sed tempus non potest habere aliquam mensuram suæ durationis: non enim mensuratur æternitate, quia sic semper fuisset; nec ævo, quia sic in perpetuum duraret; nec tempore, quia nihil est mensura sui ipsius. Ergo tempus non incipit esse, et ita nec mobile nec mundus.

25. Præterea, si tempus incipit esse, aut incipit esse in tempore, aut in instanti. Sed non incipit esse in instanti, quia in instanti tempus nondum est; nec iterum in tempore, quia sic nihil temporis ante temporis terminum esset; nihil enim rat est antequam res esse incipiat. Ergo tempus non incipit esse: et sic idem quod prius.

26. Præterea, Deus ab æterno fuit causa rerum: alias oporteret dicere, quod prius fuit causa in potentia, et postea in actu; et sic esset aliquid prius quod reduceret ipsum de potentia in actum, quod est impossibile. Nihil autem est causa, nisi causatum habent. Ergo mundus fuit a Deo ab æterno creatus.

27. Præterea, verum et ens convertuntur. Sed multa sunt vera ab æterno; sicut hominem non esse asinum, et mundum futurum esse, et multa similia. Ergo videtur quod multa sunt entia ab æterno; et non solum Deus.

28. Sed dicendum, quod omnia ista sunt vera veritate primâ, quæ Deus est. — Sed contra, alia veritas est hujus propositionis, mundum futurum esse, et hujus, hominem non esse asinum: quia posito per impossibile quod una sit falsa, adhuc reliqua erit vera. Sed veritas prima non est alia et alia. Ergo non sunt veritate primâ.

29. Præterea, secundum Philosophum in prædicamentis (in



predicamento substantiæ, non procul a fine) ex eo quod res est vel non est, oratio vera vel falsa est. Si igitur multe propositiones vere sint ab æterno, videtur quod res per eas signata ab æterno existerint.

30. Præterea, Deo idem est dicere quod facere; unde in Psalm. ult., 5: *Dixit, et facta sunt*. Sed dicere Dei est æternum: alias Filius qui est verbum Patris non esset Patri coæternus. Ergo et facere Dei est æternum, et ita mundus est factus ab æterno.

Sed contra est quod dicitur Proverb., viii, 25, ex ore diviniæ sapientiæ: *Nondum erant abyssi, et ego jam concepta eram; necdum fontes aquarum eruperant, necdum montes gracti mihi constituerant; ante omnes colles ego parturiebar; adhuc terram non fecerat et flumina et cardines orbis terræ*. Ergo cardines orbis terræ et flumina et terra non semper fuerunt.

Præterea, secundum Priscianum, quanto tempore juniores, tanto intellectu perspicaciores. Sed perspicacitas non est infinita. Ergo nec tempus quo perspicacitas crevit fuit infinitum, et per consequens nec mundus.

Præterea, Job, xiv, 19: *Allusione paradisi terra consumitur*. Sed terra non est infinita. Si ergo fuisset tempus infinitum, jam totaliter esset consumpta; quod patet esse falsum.

Præterea, constat Deum naturaliter esse mundo priorem, sicut causam effectus. Sed in Deo idem est duratio et natura. Ergo Deus duracione prior est mundo, et ita mundus non semper fuit.

Respondeo dicendum, quod firmiter tenendum est mundum non semper fuisse, sicut fides catholica docet. Nec hoc potest aliqua physica demonstratione efficaciter impugnari. Ad cuius evidentiam sciendum est, quod sicut in questione alia est habitus, in operatione Dei non potest accipi aliquid debitum ex parte cause materialis, neque potentie activæ agentis, nec ex parte finis ultimi, sed solum ex parte formæ que est finis operationis, ex cuius presuppositione requiritur quod talia existant qualia competunt illi formæ. Et ideo aliter dicendum est de productione unius particularis creature, et aliter de exitu totius universi a Deo. Cum enim loquimur de productione alicujus singularis creature, potest assignari ratio quare talis sit, ex aliqua alia creatura, vel saltem ex ordine universi, ad quem quilibet creatura ordinatur, sicut pars ad formam totius. Cum autem de toto universo loquimur educendo in esse, non possumus ulterius aliquid creatum invenire ex quo possit sumi ratio quare sit tale vel tale; unde, cum nec etiam ex parte diviniæ potentie, que est infinita, nec diviniæ bonitatis, que rebus non indiget, ratio determinate dispositionis universi sumi possit, oportet quod ejus ratio sumatur ex simplici voluntate producentis;

ut si quæeratur, quare quantitas cæli sit tanta et non major, non potest hujus ratio reddi nisi ex voluntate producentis. Et propter hoc etiam, ut Rabbi Moyses dicit, divina Scriptura inducit homines ad considerationem celestium corporum, per quorum dispositionem maxime ostenditur quod omnia subjacent voluntati et providentiæ Creatoris. Non enim potest assignari ratio quare talis stella tantum a tali distet, vel aliqui hujusmodi que in dispositione cæli considerata occurrunt, nisi ex ordine sapientiæ Dei; unde dicitur Isa., xl, 26: *Levate in excelsum oculos vestros, et videte quis creavit hæc*. Nec obstat, si dicatur quod talis quantitas consequitur naturam cæli vel celestium corporum, sicut et omnium natura constantium est aliqua determinata quantitas, quia sicut divina potentia non limitatur ad hanc quantitatem magis quam ad illam, ita non limitatur ad naturam cui debeatur talis quantitas, magis quam ad naturam cui alia quantitas debeatur. Et sic eadem redibit questio de natura, quæ est de quantitate; quamvis concedamus, quod natura cæli non sit indifferens ad quamlibet quantitatem, nec sit in eo possibilitas ad aliam quantitatem nisi ad istam. Non sic autem potest dicere de tempore vel temporis duratione. Nam tempus est extrinsecum a re, sicut et locus; unde etiam in cælo, in quo non est possibilitas respectu alterius quantitatis vel accidentis interius inherenti, est tamen in eo possibilitas respectu loci et situs, cum localiter moveatur, et etiam respectu temporis, cum semper tempus succedat tempori, sicut est successio in motu et in *ubi*; unde non potest dici, quod neque tempus neque *ubi* consequatur naturam ejus, sicut de quantitate dicebatur. Unde patet quod ex simplici Dei voluntate dependet quod præfiguratur universo determinata quantitas durationis, sicut et determinata quantitas dimensionis. Unde non potest necessario concludi aliquid de universi duratione, ut per hoc ostendi possit demonstrative mundum semper fuisse.

Quidam vero non considerantes exitum universi a Deo, coacti sunt circa inceptionem mundi errare. Quidam namque causam agentem prætermittentes, solam materiam a nullo creatam ponentes, quæ omnium causa esset, sicut antiquissimi Naturales, necessario habuerunt dicere materiam semper fuisse. Cum enim nihil se educat de non esse in esse, oportet causam aliam habere quod incipit esse; et hi posuerunt vel mundum semper fuisse continue, quia non ponebant nisi naturaliter agentia que determinabantur ad unum, ex quo oportebat quod semper idem effectus sequeretur; vel cum interruptione, sicut Democritus; qui ponebat mundum vel mundos potius multoties fuisse compositos et dissolutos casu, propter casualem motum atomorum.

Sed quia inconveniens videbatur quod omnes convenientiæ et utilitates in rebus naturalibus existentes essent a casu,

cum semper vel in pluribus inventiantur; quod tamen necesse erat sequi, si solum materia poneretur, et præcipue cum inveniantur quidam effectus ad quos causalitas materia non sufficit; ideo alii posuerunt causam agentem, sicut Anaxagoras intellexit, et Empedocles amicitiam et litem. Sed tamen isti non posuerunt huiusmodi causas agentes universi esse, sed ad modum aliorum particularium agentium, quæ agunt materiam transmutando de uno in aliud. Unde necesse erat eis dicere quod materia esset æterna, utpote non habens causam sui esse; sed mundum incipisse; quia omnis effectus cause agentis per motum sequitur suam causam in duratione eo quod effectus non est nisi in termino motus, ante quem est principium motus, cum quo simul oportet esse agens, a quo est principium motus.

Aristoteles vero (lib. VIII Phys.) considerans, quod si ponatur causa constituens mundum agere per motum, sequeretur quod sit abire in infinitum, quia ante quemlibet motum erit motus, posuit mundum semper fuisse. Non enim processit ex consideratione illa qua intelligitur exitus universi esse a Deo, sed ex illa consideratione qua ponitur aliquid agens incipere operari per motum; quod est particularis cause, et non universalis. Et propter hoc ex motu et immobilitate primi motoris, rationes suas sumit ad mundi æternitatem ostendam; unde diligenter consideranti, rationes ejus apparent quasi rationes disputantis contra positionem; unde in principio VIII Phys., motu questione de æternitate motus, præmittit opiniones Anaxagoræ et Empedoclis, contra quas disputare intendit.

Sed sequaces Aristotelis considerantes exitum totius universi a Deo per suam voluntatem, et non per motum, conati sunt ostendere mundi æternitatem per hoc quod voluntas non retardat facere quod intendit, nisi propter aliquam innovationem vel immutationem, saltem quam necesse est imaginari in successione temporis, dum vult facere hoc tunc et non prius. Sed isti etiam in defectum similem inciderunt in ipsem et prædictum. Consideraverunt enim primum agens ad similitudinem alicujus agentis quod suam actionem exerceat in tempore, quavis per voluntatem agat; quod tamen non est causa ipsius temporis, sed tempus presupponit. Deus autem est causa etiam ipsius temporis. Nam et ipsum tempus in universalitate eorum quæ a Deo facta sunt continetur; unde cum de exitu universi esse a Deo loquimur, non est considerandum, quod tunc et non prius fecerit. Ista enim consideratio tempus presupponit ad factionem, non autem subiecit factioni. Sed si universalitatis creature productionem consideramus, inter quas est etiam ipsum tempus, est considerandum quare tali tempori talem mensuram præfixerit, non quare hoc fecit in tali tempore. Præfixio autem mensuræ temporis dependet ex simplici voluntate Dei, qui vult

quod mundus non esset semper, sed quandoque esse inciperet, sicut et vult quod coelum nec esset majus vel minus.

AD PRIMUM ergo dicendum, quod bonitatis proprium est producere res in esse mediante voluntate, cujus est objectum; unde non oportuit quod quandocumque fuit divina bonitas, res producerentur in esse, sed secundum dispositionem voluntatis divine.

AD SECUNDUM dicendum, quod in corpore celesti, cum sit incorruptibile, est virtus ut sit semper; sed nulla virtus neque essendi neque operandi respicit præteritum, sed solum præsens vel futurum; nullus enim habet virtutem ad hoc quod aliquid fecerit, quia quiddam non est factum, non potest factum fuisse; sed habet aliquis virtutem ad hoc ut nunc vel in posterum faciat; unde et virtus existendi semper, quæ inest celo, non respicit præteritum, sed futurum.

AD TERTIUM dicendum, quod non potest dici, simpliciter loquendo, coelum esse corruptibile propter hoc quod in non esse decideret, si a Deo non contineretur. Sed tamen quia creaturam contineri in esse a Deo, dependet ex immobilitate divina, non ex necessitate nature, ut possit dici quod sit necessarium absolute, cum sit necessarium solum ex suppositione divine voluntatis, quæ hoc immobiliter statuit; potest concedi secundum quod corruptibile esse coelum, cum hac scilicet conditione, si Deus ipsum non contineret.

AD QUARTUM dicendum, quod omnis effectus habet necessariam habitudinem ad suam causam efficientem, sive sit causa naturalis, sive voluntaria. Sed non ponimus Deum causam mundi ex necessitate nature sue, sed ex voluntate, ut supra, art. 15, dictum est; unde necessarium est effectum divinum sequi non quandocumque natura divina fuit, sed quando dispositum est voluntate divina ut esset, et secundum modum eundem quo vult ut esset.

AD QUINTUM dicendum, quod ante tempus aliquid esse, potest intelligi dupliciter. Uno modo ante totum tempus, et ante omne id quod est temporis; et sic mundus non fuit ante tempus, quia instans in quo incipit mundus, licet non sit tempus, est tamen aliquid temporis, non quidem ut pars, sed ut terminus. Alio modo intelligitur aliquid esse ante tempus, quia est ante temporis completionem; quod non completur nisi in instanti ante quod est aliud instans; et sic mundus est ante tempus. Non autem oportet propter hoc quod sit æternus; quia nec ipsum instans temporis quod sic est ante tempus est æternum.

AD SEXTUM dicendum, quod cum omne agens agat sibi simile, oportet quod effectus hoc modo sequatur a causa efficaciter operante, quod similitudinem cause retineat. Sicut (1)

(1) *Al. deest autem.*

autem quod est a causa naturaliter agente, retinet similitudinem ejus prout habet formam similem formæ agentis; ita quod est ab agente voluntario, retinet similitudinem ejus, prout habet formam similem causæ, secundum quod hoc producitur in effectu quod est in voluntatis dispositione, ut patet de artificio respectu artificis. Voluntas autem non disponit solum de forma effectus, sed de loco, duratione, et omnibus conditionibus ejus; unde oportet quod effectus voluntatis tunc sequatur quando voluntas disponit, non quando voluntas est. Non enim secundum esse, sed secundum id quod voluntas disponit, effectus voluntati similatur. Licet igitur voluntas semper sit eadem, non tamen oportet quod semper ex ea effectus sequatur.

Ad SEPTIMUM dicendum, quod Deus de necessitate vult suam bonitatem et omne id sine quo sua bonitas esse non potest. Tale autem non est creaturarum productio; unde ratio non sequitur.

Ad OCTAVUM dicendum, quod cum Deus creaturas ad manifestationem sui produxerit, convenientius fuit et melius ut sic producerentur, sicut convenientius et expressius eum poterant manifestare. Expressius autem manifestatur ex creaturis, si non semper sint; quia in hoc manifeste apparet quod ab alio eductæ sunt in esse, et quod Deus creaturis non indiget, et quod creaturæ omnino divine subjacent voluntati.

Ad NONUM dicendum, quod Deus æternam voluntatem habuit de mundi factioe; non tamen ut mundus semper fieret, sed ut tunc fieret quando fecit.

Ad DECIMUM dicendum, quod antequam mundus esset, possibile erat mundum fieri, non quidem aliqua potentia passiva, sed solum per potentiam activam agentis. Vel potest dici, quod fuit possibile non per aliquam potentiam, sed quia termini non sunt invicem discohærentes, hujusmodi scilicet propositionis: Mundus est. Sic enim dicitur esse aliquid possibile secundum nullam potentiam, ut patet per Philosophum, in V Metaphisicorum, xvii.

Et per hoc patet solutio ad UNDECIMUM.

Ad DECIMUMSECUNDUM dicendum, quod ratio illa procedit de agente quod incipit agere actione nova; sed Dei actio est æterna, cum sit sua substantia. Dicitur autem incipere agere ratione novi effectus, qui ab æterna actione consequitur secundum dispositionem voluntatis, que intelligitur quasi actionis principium in ordine ad effectum. Effectus enim ab actione sequitur secundum conditionem formæ, que est actionis principium; sicut aliquid est calefactum per calefactionem ignis, ad modum caloris ignis.

Ad DECIMUMTERTIUM dicendum, quod ratio illa procedit de agente quod ita facit effectum suum in tempore, quod tamen non est temporis causa; quod in Deo locum non habet, ut ex supra dictis, art. 15, patet.

Ad DECIMUMQUARTUM dicendum, quod si motus proprie accipiatur, divina voluntas non movetur; sed metaphorice loquendo dicitur moveri a suo volente; et sic sola Dei bonitas movet ipsam, secundum quod Augustinus dicit (VIII super Genes. ad litteram, cap. xlii, in fine) quod Deus movet seipsum sine loco et tempore. Nec tamen sequitur quod quocumque fuit bonitas ejus, tunc esset creaturarum productio; quia creaturæ non procedunt a Deo ex debito vel necessitate bonitatis, cum divina bonitas creaturis non egeat, nec per eas et aliquid accrescat, sed ex simplici voluntate.

Ad DECIMUMQUINTUM dicendum, quod, cum prima successio temporis censetur ex motus successione, ut dicitur in IV Physicorum (com. xcix), secundum hoc verum est quod omne instans est principium et finis temporis, secundum quod verum est quod omne momentum est principium et finis motus; unde si supponamus motum non semper fuisse nec semper futurum esse, non oportebit dicere quod quolibet instans sit principium et finis temporis; sed erit aliquid instans quod est tantum principium, et aliquid quod tantum finis. Unde patet quod ratio ista est circularis, et propter hoc non est demonstratio; sed tamen est efficax secundum intentionem Aristotelis, qui eam inducit contra positionem, ut dictum est, in corp. art. Multæ enim rationes sunt efficaces contra positionem propter ea que ab adversariis ponuntur, que non sunt efficaces simpliciter.

Ad DECIMUMSEXTUM dicendum, quod instans semper consideratur ut fluens, sed non semper ut fluens ab alio in aliquid, sed quandoque ut fluens ab alioque tantum, sicut ultimum instans temporis; quandoque ut fluens in aliquid tantum, sicut primum instans.

Ad DECIMUMSEPTIMUM dicendum, quod illa ratio non probat quod motus semper fuerit, sed quod motus circularis possit esse semper, quia ex mathematicis non potest aliquid efficaciter de motu concludi; unde Aristoteles (VIII Physicorum) non probat ex circulatione motus, ejus eternitatem; sed supposito quod sit æternus, ostendit quod est circularis; quia nullus alius motus potest esse æternus.

Et per hoc patet responsio ad DECIMUMOCTAVUM.

Ad DECIMUMNONUM dicendum, quod sicut se habet scibile ad scientiam nostram, ita se habet scientia Dei ad creaturas. Nam scientia Dei est causa creaturarum, sicut et scibile est causa scientiæ nostræ; unde sicut scibile potest esse, scientia nostra non existente, ut dicitur in Predicamentis (in Predicamento ad aliquid, a medio), ita Dei scientia esse potest, scibile non existente.

Ad VICESIMUM dicendum, quod Deus præcedit mundum duratione, non quidem temporis, sed æternitatis, quia esse Dei non mensuratur tempore. Nec ante mundum fuit tempus reale, sed

solum imaginarium, prout scilicet nunc possumus imaginari infinita temporum spatia eternitate existente potuisse revolvi ante temporis inceptionem.

Ad VICESIMPRIMUM dicendum, quod si relatio domini intelligatur consequi actionem qua Deus actualiter creaturas gubernat, sic non est ab eterno Dominus. Si autem intelligatur consequi ipsam potestatem gubernandi, sic competit ei ab eterno. Nec tamen oportet creaturas ab eterno ponere, nisi in potentia.

Ad VICESIMSECONDUM dicendum, quod ratione illa utitur Augustinus (lib. III contra Maxim., cap. vii et viii, a med., et cap. xxiii), ad probandum coeternitatem et cosequalitatem Filii ad Patrem; quae tamen ratio non est efficax de mundo; quia cum natura Filii sit eadem cum Patre, requirit eternitatem et aequalitatem Patris: quae si sibi subtraheretur, invidiae esset. Non autem hoc requirit natura creaturae; et ideo non est simile.

Ad VICESIMTERTIUM dicendum, quod secundum graecos dicitur: *Dominus regnavit in saeculum saeculi, et adhuc*; quod exponens Origenes in Glossa, dicit, quod saeculum intelligitur spatium unius generationis, cuius finis notus est nobis; per saeculum saeculimmensum spatium temporis, quod finem habet, tamen nobis ignotum; sed adhuc ultra illud, regnum Dei extenditur. Et sic aeternum exponitur pro tempore diuturno. Anselmus autem in Prolog. (cap. xix et xx), exponit aeternum pro aeo, quod nunquam finem habet; et tamen ultra illud Deus esse dicitur propter hoc. Primo, quia aeterna possunt intelligi non esse. Secundo, quia non essent, nisi a Deo continerentur; et sic de se non sunt. Tertio, quia non habent totum esse suum simul, cum in eis sit aliqua mutationis successio.

Ad VICESIMQUARTUM dicendum, quod pro tanto oportet illud quod incipit, habere mensuram durationis, quia incipit per motum. Sic autem tempus non incipit per creationem, unde ratio non sequitur; et tamen potest dici, quod omnis mensura in suo genere seipsa mensuratur, sicut linea per lineam, et similiter tempus per tempus.

Ad VICESIMQUINTUM dicendum, quod tempus non se habet sicut permanentia, quorum substantia est tota simul; unde non oportet quod totum tempus sit quando incipit esse; et sic nihil prohibet dicere, quod tempus incipit in instanti esse.

Ad VICESIMSEXIMUM dicendum, quod actio Dei est aeterna, sed effectus non est aeternus, ut supra dictum est; unde licet Deus non semper fuerit causa, cum non semper fuerit effectus; non tamen sequitur quod non fuerit causa in potentia; quia actio ejus semper fuit; nisi potentia ad effectum referatur.

Ad VICESIMSEPTIMUM dicendum, quod secundum Philosophum (in VII Metaph., com. viii), verum est in mente, non in rebus; est enim adequatio intellectus ad res. Unde omnia quae

fuerunt ab eterno, fuerunt vera per veritatem intellectus divini, quae est aeterna.

Ad VICESIMOCTAVUM dicendum, quod omnia illa quae ab eterno dicuntur esse vera, non sunt alia et alia veritate vera, sed una et eadem divini intellectus veritate; ad diversas tamen res in proprio esse futuras relata; et sic ex diversa relatione potest aliqua distinctio in illa veritate designari.

Ad VICESIMNONUM dicendum, quod verbum etiam philosophi intelligitur de oratione existente in nostro intellectu vel in nostra pronuntiatione; veritas enim nostri intellectus vel verbi, ab existentia rei causatur. Sed e converso veritas divini intellectus est causa rerum.

Ad TRICESIMUM dicendum, quod ex parte ipsius Dei *facere* non importat aliquid quod sit aliud quam suum *dicere*; non enim actio Dei est accidens, sed ejus substantia; sed *facere* importat effectum actualiter existentem in propria natura, quod per *dicere* non importatur.

Argumenta vero quae obijciuntur in contrarium, licet verum concludant, non tamen necessario, praeter primum, quod ex auctoritate procedit. Argumentum enim perspicacitatis secundum temporis cursum, non ostendit tempus quandoque incepisse. Potuit enim esse quod scientiarum studia pluries fuerint intermissa, et postmodum post longa tempora quasi de novo incepta, ut Philosophus etiam dicit (in VI Metaph.). Terra etiam non ita per illuvionem ex una parte consumitur, quin etiam per mutuum elementorum conversionem ex parte alia augmentetur; duratio etiam Dei, licet sit idem quod ejus natura secundum rem, tamen differt ratione; unde non oportet quod sit prior duratio, si est prior natura.

#### ARTICULUS XVIII. — *Utrum Angeli sint creati ante mundum visibilem.*

Decimo octavo quaeritur, utrum Angeli sint creati ante mundum visibilem. Et videtur quod sic. Quia (ut Damascenus refert in II libro) Gregorius Nazianzenus dicit, quod Deus primum excogitavit angelicas virtutes et coelestes; et excogitatio fuit opus ejus. Ergo prius fecit Angelos quam mundum visibilem conderet.

2. Sed dicendum, quod ly *primum* dicit ordinem naturae, non durationis. — Sed contra, Damascenus ibidem ponit super hoc duas opiniones: quarum una ponit, Angelos primum fuisse creatos, alia vero dicit contrarium. Sed nulla unquam opinio posuit quin Angeli natura priores essent visibilibus creaturis. Ergo oportet quod intelligatur de ordine durationis.

3. Praeterea, Basilus dicit in principio Hexameron (homilia 1): *Erat quaedam natura ante hunc mundum intellectui*

*nostro contemplabilis*; quod postmodum exponit de Angelis; ergo videtur quod ante hunc mundum Angeli sint creati.

4. Præterea, ea quæ cum mundo visibili facta sunt, Scriptura in principio Genesis prosequitur. Sed de Angelis nullam facit mentionem. Ergo videtur quod Angeli non fuerint creati cum mundo, sed ante mundum.

5. Præterea, illud quod ordinatur ad perfectionem alienius sicut ad finem, est eo posterius. Sed mundus visibilis ordinatur ad perfectionem intellectualis naturæ: quia, ut Ambrosius dicit (in Hexameron, lib. I, cap. vi), Deus, qui natura invisibilis est, opus visibile fecit, per quod cognosci posset. Et non nisi a rationali creatura. Ergo rationalis creatura facta est ante mundum visibilem.

6. Præterea, quidquid est ante tempus, est ante mundum visibilem: quia tempus cum mundo visibili incepit. Sed Angeli creati sunt ante tempus: non enim fuit tempus ante diem; Angeli autem creati sunt ante diem, ut Augustinus dicit (in I super Genes. ad litt., cap. ix). Ergo Angeli creati sunt ante mundum visibilem.

7. Præterea, Hieronymus dicit super Epistolam ad Titum, cap. i: *See milia nectum nostri temporis implentur annorum; et quantis prius æternitates, quanta tempora fuisse arbitrandum est, in quibus Angeli Deo serierunt, et eo jubente substituerunt?* Sed mundus visibilis cum nostro tempore incepit. Ergo Angeli ante mundum visibilem fuerunt.

8. Præterea, sapientis est ordinate suum effectum producere. Sed Angeli præcedunt nobilitatem creaturarum visibilium. Ergo a sapientissimo artifice Deo, primo debuerunt produci in esse.

9. Præterea, Deus, in quantum bonus est, suæ bonitatis alios participes facit. Sed hujus dignitatis capaces erant Angeli, quod creaturam visibilem duratione præcederent. Ergo videtur hoc eis per summam Dei bonitatem collatum.

10. Præterea, homo dicitur minor mundus, quia majoris mundi similitudinem gerit. Sed in homine pars ejus nobilior ante alias partes formatur, scilicet cor, ut Philosophus dicit (II de gener. animal., capit. iv). Ergo videtur quod Angeli, qui sunt nobilior pars majoris mundi, ante visibiles creaturas sint conditi.

11. Præterea, ut Augustinus dicit (in II libro super Genes. ad litteram, cap. vii et viii), in opere secunde diei et deinceps tripliciter Scriptura rerum factionem commemorat. Dicit enim primo: *Dixit Deus, fiat firmamentum*. Secundo: *Et factus est ila*. Tertio vero: *Fecit Deus firmamentum*. Quorum primum refertur ad esse rerum in Verbo; secundum ad esse rerum in cognitione angelica, prout Angeli accipiunt cognitionem creature fiendæ; tertium vero ad esse creature in propria natura.

Sed quando creatura visibilis erat fienda, nondum erat. Ergo Angeli fuerint et habuerint cognitionem naturæ visibilis antequam esset.

12. Sed dicendum, quod hic intelligitur de factione creature quantum ad ejus formationem, non quantum ad primam creationem. — Sed contra, secundum opinionem Augustini (lib. I super Gen. ad litt., cap. xv), creatio naturæ visibilis non præcedit tempore ejusdem formationem. Si ergo Angelus fuit ante formationem creature visibilis: fuit et ante ejus creationem.

13. Præterea, dicere Dei est causa creature fiendæ: quod non videtur posse intelligi de æterna Verbi genitura, quia illa ab æterno fuit, nec per vices temporum repelitur: cum tamen in singulis diebus Scriptura repetat Deum aliquid dixisse. Nec etiam potest intelligi de locutione corporali; tum quia nondum erat homo, qui vocem Dei loquentis audiret; tum etiam quia oportuisset ante lucis formationem aliquid aliud corporeum formatum fuisse, cum vox corporalis non fiat nisi per alicujus corporis formationem. Ergo videtur quod intelligatur de spirituali locutione qua Deus ad Angelos loquitur; et sic videtur quod Angelorum cognitio præsupponatur ut causa ad creaturarum visibilium productionem.

14. Præterea, ut supra dictum est, sacra Scriptura tripliciter actionem rerum commemorat; quorum primam pertinet ad esse rerum in Verbo; secundum ad esse rerum in cognitione angelica; tertium in propria natura. Sed primum horum præcedit secundum et duratione et causa. Ergo similiter secundum præcedit tertium duratione et causa, scilicet cognitio angelica existentiam visibilis creature.

15. Præterea, non minus requiritur ordo in exitu rerum a principio quam in reductione earum in finem. Sed in reduciendo res in finem, hæc est lex Divinitatis statuta, ut Dionysius dicit (cap. v eccl. Hier., p. 1), quod ultima reducantur in finem per media. Ergo similiter creature corporales quæ sunt infimæ, procedunt a Deo per angelicas creaturas, quæ sunt mediæ; et sic Angeli corporales creaturas præcedunt, sicut causæ effectum.

16. Præterea, eis quæ sunt omnino disparata, non competit associatio. Sed Angeli et creature visibiles sunt omnino disparata. Ergo non sunt associati in creatione, ut simul fierent. Inordinatum etiam esset quod Angeli post creaturas visibiles fierent. Ergo ante creaturas visibiles sunt conditi.

17. Præterea, Eccl., i, 1, dicitur: *Primo omnium creata est sapientia*; quod non potest intelligi de Filio Dei, qui est Patris sapientia; cum ipse non sit creatus, sed genitus. Ergo sapientia angelica, quæ est creatura, est ante omnia alia facta.

18. Præterea, Hilarius dicit in lib. de Trinit. (lib. XII de Trin., a medi.): *Quid mirum, si Dominum nostrum Jesum Christum*

*ante sæcula fuisse conficantur, cum etiam Deus Angelos fecerit ante mundum? Sed Dei Filius non solum ordine dignitatis sed etiam durationis omnia secula præcessit. Ergo sint Angeli mundum visibilem.*

19. Præterea, creatura angelica media est inter naturam divinam et corpoream: ævum etiam, quod est Angeli mensura, medium est inter æternitatem et tempus. Sed deus sua æternitate fuit ante Angelos et visibilem creaturam. Ergo et Angeli suo ævo fuerunt ante mundum visibilem.

20. Præterea, Augustinus dicit (XI de Civit. Dei, cap. IX), quod Angeli semper fuerunt. Sed non potest dici quod creatura corporalis semper fuerit. Ergo Angeli fuerunt ante corpoream creaturam.

21. Præterea, motus creatura corporeæ peraguntur per ministerium spiritualis creaturæ, ut patet per Augustinum (in III de Trin.), et per Gregorium (in IV Dialogorum). Sed motor præcedit mobile. Ergo Angeli fuerunt ante visibiles creaturas.

22. Præterea, Dionysius assimilat actionem divinam in res actioni ignis in corpora quæ ab igne patiuntur. Sed ignis prius agit in corpora propinqua quam in remota. Ergo et divina bonitas primo produxit creaturas angelicas sibi propinquas, quam creaturas corporeas magis ab eo distantes: et sic Angeli ante mundum fuerunt.

Sed contra est quod dicitur in principio Genes.: *In principio creavit Deus cælum et terram;* ubi Glossa Augustini dicit, quod per cælum intelligitur natura angelica, per terram vero natura corporalis. Ergo Angeli simul cum natura corporali fuerunt facti.

Præterea, Glossa Strabonis ibidem dicit, quod per cælum ibi intelligitur cælum empyreum, quod mox factum sanctis Angelis est repletum. Ergo Angeli simul fuerunt facti cum cælo empyreo, quod est visibilis creatura.

Præterea, homo minor mundus dicitur, quia habet similitudinem majoris mundi. Sed in homine simul fit corpus et anima. Ergo et in mundo majori simul fit angelica et corporalis creatura.

Respondeo dicendum, quod in hoc omnes catholici Doctores consenserunt, quod Angeli non semper fuerunt, utpote de nihilo in esse producti. Quidam tamen posuerunt Angelos non simul cum mundo visibili, sed ante mundum visibilem incepisse. Ad hoc autem ponendum diversis rationibus sunt moti. Quidam namque æstimaverunt creaturas corporeas non esse productas ex prima Dei intentione, sed occasionem eas producendi ex merito vel demerito spiritualis creaturæ Deum habuisse dixerunt. Posuit enim Origenes, a principio simul creatas esse omnes creaturas immateriales et rationales, et eas fuisse æquales, divina iustitia hoc exigente. Non enim videtur quod inæqualitas possit esse in datis, iustitia servata, nisi propter meritum vel de-

meriti diversitatem. Unde diversitatem creaturarum (quam videmus) præcessisse possit meritum et demeriti diversitatem, ut secundum quod spiritualium creaturarum quadam magis Deo adhaeserunt, in altiores ordines Angelorum sint promotæ: quæ vero magis peccaverunt, grossioribus et ignobilioribus corporibus sint alligatæ; quasi ipsa meritorum diversitas exegerit diversos gradus corporum a Deo produci. Hanc autem positionem Augustinus reprobat (in II de Civit. Dei, cap. xxiii). Causam enim creaturarum condendarum, tam spiritualium quam corporalium, constat nihil aliud esse quam Dei bonitatem, in quantum creaturæ suæ sua bonitate create bonitatem increatam secundum suum modum representant. Propter quod (in princ. Genes.) Scriptura dicit de singulis Dei operibus, et postmodum de omnibus simul: *Vidit Deus cuncta quæ fecerat, et erant cæde bona;* quasi diceret, quod ad hoc Deus creaturas condidit, quod bonitatem haberent. Secundum autem opinionem prædictam non ad hoc conditæ fuissent creaturæ corporeas, quia bonum esset eas esse, sed ut malitia spiritalis creaturæ puniretur. Sequeretur etiam quod ordo universi quem nunc videmus, a casu existeret, in quantum accidit quod diversæ rationales creaturæ diversimode peccaverunt. Si enim omnes peccassent æqualiter, nulla diversitas naturarum in corporibus esset, secundum eos.

Unde hac positione remota, alii ex consideratione naturæ spiritualium substantiarum, quæ est dignior omni natura corporali, posuerunt spirituales substantias ante corporales conditas esse; ut sicut natura spiritalis creata, media est ordine naturæ inter Deum et creaturam corpoream; ita etiam sit media duratione. Hæc autem opinio cum fuerit magorum Doctorum, scilicet Basilii, Gregoræ Nazianzeni, et quorundam aliorum, non est tanquam erronea reprobanda. Sed si diligenter consideretur alia opinio, quæ est Augustini et aliorum Doctorum, quæ etiam modo communiter tenetur, rationalior invenitur. Angeli enim non solum sunt considerandi absolute, sed etiam in quantum sunt pars universi; et hæc consideratio eorum in tantum est magis attendenda, in quantum bonum universi præsentem bono cuiuslibet creaturæ particularis, sicut bonum totius præeminet bono partis. Secundum autem quod considerantur Angeli ut partes universi, competit eis quod simul cum creatura corporali sint conditi. Unus enim totius una videtur esse productio. Si autem seorsum essent Angeli creati, viderentur omnino alieni ab ordine creaturæ corporalis, quasi aliud universum per se constituentes. Unde dicendum est, quod Angeli simul cum creatura corporali sunt conditi; tamen sine alterius opinionis præiudicio.

Et per hoc patet responsio ad tria prima: quia procedunt secundum mediam opinionem.

AD QUARTUM dicendum, quod sicut Basilus dicit in primo Hexam. (homil. 1. ante med.), Moyses legislator in princ. Genes. exordium visibilis creature incepit exponere prætermittens creaturam spirituales que ante fuerat condita, de qua mentionem non fecit, quia rudi populo loquebatur; qui ad spiritualia capiendi idoneus non erat. Secundum Augustinum vero creaturam spirituales per cælum intelligit, sicut per terram creaturam corporalem, cum dicit: *In principio creavit Deus cælum et terram.* Quare autem sub metaphora cœli et non expresse creationem Angelorum tradidit, potest eadem ratio assignari que et supra scilicet ex populi ruditate, et iterum ad vitandam idololatriam in quam proni erant; ad quam daretur eis occasio si plures substantiæ spirituales ponerentur præter unum Deum, quæ essent cœlo nobiliores; et præcipue cum huiusmodi substantiæ a gentilibus dii dicerentur. Secundum vero Strabonem (lib. II, cap. viii), et alios priores, per cælum quod in auctoritate inducta ponitur, intelligitur cælum empyreum quod est habitaculum sanctorum Angelorum, per metonymiam, sicut quando ponitur continens pro contento.

AD QUINTUM dicendum, quod, sicut dicit Augustinus (V super Genesim ad litteram, cap. v), Angeli non cognoscunt Deum ex visibilibus creaturis; unde creaturæ visibiles non sunt factæ ut Deum ostenderent Angelis, sed rationali creaturæ, quæ est homo; unde ex hoc probatur homo esse finis creaturarum. Finis autem, licet sit primus in intentione, est tamen ultimus in operatione; unde et homo ultimo factus fuit.

AD SEXTUM dicendum, quod secundum Augustinum (lib. I super Genesim, cap. v), creatio cœli et terræ non præcessit duratione lucis formationem seu productionem; et ideo non intelligit quod creatio spiritualis nature fuerit ante primum diem duratione, sed quodam nature ordine; quia substantia spiritualis et materia informis secundum suam essentiam considerata, alternationibus temporum non subjacent; unde per hoc etiam haberi non potest quod creatura spiritualis sit facta ante corporalem, quia etiam ante lucis factionem agitur de creatione creaturæ corporalis, que per terram intelligitur. Secundum vero alios creatio cœli et terræ ad primum diem pertinet; quia cum cœlo et terra creatum est tempus, licet distinctio temporum quantum ad diem et noctem incepit per lucem; unde tempus ponitur unum de quatuor primo creatis, quæ sunt natura angelica, cælum empyreum, materia informis et tempus.

AD SEPTIMUM dicendum, quod Hieronymus loquitur secundum opinionem antiquorum Doctorum.

AD OCTAVUM dicendum, quod ratio illa procederet, si unaquæque creatura produceretur ut existens per se absolute; sic enim conveniens esset ut unaquæque separatim crearetur secundum gradum suæ bonitatis. Sed quia omnes creaturæ produ-

cuntur ut partes unius universi, conveniens est ut omnes simul producantur ad unum universum constituendum.

AD NONUM dicendum, quod, licet ad aliquam dignitatem creaturæ spiritualis pertineret, si ante creaturam visibilem esset creata, non tamen competere dignitati et unitati universi.

AD DECIMUM dicendum, quod, licet cor ante alia membra formetur, tamen totius corporis animalis est una continua generatio, non quod seorsum una generatio formetur cor, et postmodum successive aliis generationibus alia membra aliquibus temporibus interjectis. Hoc autem non potest dici in creatione Angelorum et corporalium creaturarum, quod una productione sint condita, scilicet spiritualis creatura ante corporalem, quasi continue universum sit productum; producere enim successive est in producendis his quæ ex materia producuntur, in qua est una pars vicinior complemento quam alia; unde in prima rerum creatione successio locum non habet, etsi in formatione rerum ex materia creata possit locum habere; unde et doctores qui posuerunt Angelos ante mundum creatos, posuerunt omnino distinctam creationem Angelorum et corporum, et multam durationem mediam intervenisse. Et præterea cor necesse est in animali prius formari, quia virtus cordis operatur ad formationem aliorum membrorum. Creatura autem spiritualis non operatur ad creationem corporalium creaturarum, cum solius Dei sit creare. Unde et Commentator (in XI Metaph., com. xlii, imponit Platoni, quod dixit, quod Deus primo creavit Angelos, et postea commisit eis creationem corporalium creaturarum.

AD UNDECIMUM dicendum, quod Augustinus loquitur de factione creaturarum corporalium, non quantum ad primam creationem, sed quantum ad formationem.

AD DUODECIMUM dicendum, quod sustinendo quod omnia sint simul creata in forma et materia, creatura spiritualis dicitur habuisse cognitionem creaturæ corporalis fiende, non quia eius formatio esset tempore futura, sed quia cognoscebatur ut futura, prout considerabatur in sua causa, in qua erat ut ex ea posset procedere; sicut qui cognoscit arcam in principis eius quibus sit, potest dici eam cognoscere ut fiendam.

AD DECIMUMTERTIUM dicendum, quod dicere Dei intelligitur de eterna verbi Dei generatione, in quo ab æterno fuit ratio omnium creaturarum condensarum. Nec tamen ideo frequenter repetitur in singulis operibus, *Dicit Deus*, quasi temporaliter dixerit; sed quia licet verbum in se sit unum, tamen in eo est propria ratio singularium creaturarum. Sic ergo singulis operibus præmittitur Dei verbum sicut propria ratio operis fiendi, ne factio opere necesse sit quærere quare tale opus sit factum, cum ante operis conditionem sit dictum, *Dicit Deus*; sicut cum aliquis volens assignare alicuius rei causam, incipit a causæ cognitione.

Ad DECIMUMQUARTUM dicendum, quod esse rerum in verbo est causa esse rerum in propria natura; sed esse rerum in cognitione angelica non est causa esse rerum in propria natura; et ideo non est simile.

Ad DECIMUMQUINTUM dicendum, quod res in finem ordinatur per suam operationem. Non autem producitur in esse per suam operationem, sed solum per operationem cause agentis. Unde magis est conveniens quod creaturæ superiores cooperentur Deo in reducendo creaturas inferiores in finem, quam in earum productione.

Ad DECIMUMSEXIMUM dicendum, quod licet creaturæ corporales et spirituales sint disparatæ secundum proprias naturas, tamen sunt complexæ secundum ordinem universi; et ideo oportuit quod simul crearentur.

Ad DECIMUMSEPTIMUM dicendum, quod illa auctoritas Eccl. secundum Augustinum (XII Confess., cap. xv), intelligitur de sapientia creata que est in natura angelica, que tamen secundum ipsum non prius creata est tempore sed dignitate. Secundum vero Hilarium in lib. de Synodis intelligitur de sapientia increata, que est Filius Dei; que quidem simul dicitur et creata et genita, ut patet Prover., viii, et in diversis Scripturis locis, ut omnis imperfectio a nativitate Filii Dei excludatur. In creatione enim attenditur imperfectio ex parte creati, in quantum de nihilo in esse educitur; sed perfectio ex parte creantis, qui absque sui immutatione creaturas producit. In nativitate vero est e contrario; quia imputatur perfectio ex parte nati in quantum accipit naturam generantis; sed imperfectio ex parte generantis secundum modum inferioris generationis, in quantum generat cum sui immutatione, vel divisione sue substantiæ. Et ideo simul Filius Dei et creatus et genitus dicitur, ut per creationem excludatur generantis mutatio, et ex nativitate geniti imperfectio, ut ex utroque unus intellectus constitatur perfectus.

Ad DECIMUMOCTAVUM dicendum, quod Hilarius loquitur secundum opinionem antiquorum Doctorum.

Ad DECIMUMNONUM dicendum, quod Deus est causa naturæ angelicæ; non autem natura angelica causa est naturæ corporalis; et ideo non est simile.

Ad VICESIMUM dicendum, quod Angeli dicuntur semper fuisse, non quia ab æterno fuerunt, sed quia omni tempore fuerunt; quia quocumque fuit tempus, fuerunt Angeli. Et per hunc etiam modum creaturæ corporales semper fuerunt.

Ad VICESIMUMPRIMUM dicendum, quod motor non de necessitate precedit tempore mobile, sed dignitate, sicut patet in anima et corpore.

Ad VICESIMUMSECUNDUM dicendum, quod in actione ignis in corpora, duplex ordo est considerandus; scilicet situs, et tem-

poris. Ordo situs est in omni actione ejus; eo quod omnis actio ejus est situata, et in corpora sibi magis propinqua plenius suam actionem exercet; unde ulterius procedendo tantum debilitatur ejus effectus, quod tandem totaliter deficit. Ordo autem temporis non attenditur in omni ejus actione, sed solum in illa qua agit per motum. Unde cum ignis illuminet et calefaciat corpora, in calefactione servatur ordo situs et temporis; sed in illuminatione, quæ non est motus sed terminus motus, attenditur tantum ordo situs. Quia ergo actio Dei quantum ad creationem est absque motu, non attenditur similitudo quantum ad ordinem temporis, sed solum quantum ad ordinem situs. Idem enim est in actione spirituali diversus gradus naturæ, quod in actione corporali diversus situs. Quantum ergo ad hoc attenditur similitudo Dionysii, quod sicut ignis in corpora sibi vicina plenius suam virtutem effundit, ita Deus rebus sibi propinquioribus gradu dignitatis, copiosius suam bonitatem distribuit.

#### ARTICULUS XIX. — *Utrum potuerint esse Angeli ante mundum visibilem.*

Decimonono quaeritur, utrum potuerint esse Angeli ante mundum visibilem. Et videtur quod non. Quaecumque enim ita se habent quod dno ex ipsis non possunt esse in uno loco distincta, requirunt loci diversitatem. Sed duo Angeli non possunt esse in eodem loco, ut communiter dicitur. Ergo non potest intelligi quod essent dno Angeli distincti, nisi sint duo loca distincta. Sed ante creaturam visibilem non fuit locus, cum locus, secundum Philosophum (IV Phys., com. xxxv), non sit nisi ultimum corporis continentis. Ergo ante mundum visibilem Angeli esse non potuerunt.

2. Præterea, productio creaturæ corporalis Angelis nihil de eorum virtute naturali ademit. Si ergo non factio mundo visibili Angeli absque loco esse potuerunt, etiam nunc mundo visibili factio absque loco esse possent; quod videtur esse falsum; quia si non essent in loco, nusquam essent, et sic videtur non esse.

3. Præterea, Boetius dicit, quod omnis spiritus creatus corpore indiget. Sed Angelus est spiritus creatus. Ergo indiget corpore, et ita ante creaturam corpoream esse non potuit.

4. Sed diceretur, quod indiget corpore non quantum ad esse, sed quantum ad ministerium. — Sed contra, ministerium Angelorum exerceret ubi non sumus, scilicet in hoc mundo. Sed Angeli habent locum corporealem etiam extra habitationem nostram, scilicet celum empireum. Ergo non solum indigent corpore in loco corporali propter ministerium nostrum.

5. Præterea, impossibile est imaginari prius et posterius sine tempore. Sed si Angeli fuissent ante mundum, prius fuisset



set principium quo Angeli esse coeperunt, quam principium quo mundus visibilis esse coepit. Ergo tempus incepisset ante mundum visibilem; quod est impossibile, cum tempus secuatur ad motum, et motus ad mobile. Ergo impossibile est quod Angeli fuerint ante mundum.

Sed contra, illud quod in creaturis contradictionem non implicat, est Deo possibile. Sed Angelos esse, creatura visibilis non existente, nullam contradictionem implicat. Ergo non fuit Deo impossibile producere Angelos ante mundum.

Responsio dicendum, quod, sicut Boetius dicit (in libro de Trinitate), in divinis (1) non oportet ad imaginationem deduci, et similiter nec in corporalibus omnibus; quia cum imaginatio sit sequela sensus, ut per Philosophum patet (in lib. de Anima, II. com. cxli), imaginatio non potest extendi ultra quantitatem, quæ est qualitatum sensibilem subjectum. Hoc autem quidam non attendentes, nec imaginationem transcendere valentes, non potuerunt aliquid intelligere nisi per modum rei situæ, et propter hoc quidam antiqui dixerunt, quod illud quod non est in loco, non est, ut in IV Physic. (com. rxy) dicitur. Et ex simili errore quidam moderni dixerunt, quod Angeli absque creatura corporali esse non possunt, intelligentes Angelos tanquam ea quæ imaginaverunt situæ distincte; quod quidem præiudicat sententiæ antiquorum, qui Angelos ante mundum fuisse posterunt; præiudicat etiam dignitatæ angelicæ naturæ, quæ cum naturaliter sit prior quam creatura corporalis, nullo modo a creatura corporali dependet. Et ideo simpliciter dicimus, quod Angeli esse potuerunt ante mundum.

AN PRIMUM ergo dicendum, quod duos Angelos esse in uno loco indivisibili non impedit eorum distinctio, sed operationum confusio; unde ratio non sequitur.

AN SECUNDUM dicendum, quod etiam nunc nihil prohibet Angelos non esse in loco, si voluerint, etsi etiam semper sint in loco propter ordinem quo creatura spiritualis præiudicat corporali, secundum Augustinum (III de Trinitate, cap. iv).

AN TERTIUM dicendum, quod, sicut ipse Boetius exponit, Angeli indigent corpore solum quantum ad ministerium, non quantum ad naturæ complementum.

AN QUARTUM dicendum, quod Angeli sunt in celo empyreo, ut in loco qui est contemplationi congruus, non tamen de necessitate contemplationis.

AN QUINTUM dicendum, quod illa prioritas et posterioritas non cogit nos ponere ante mundum tempus reale, sed solum tempus imaginarium, ut in quæst. de æternitate vel creatione mundi, art. 17, dictum est.

(1) *Id. quod in deis.*

## QUÆSTIO IV

### DE CREATIONE MATERIÆ INFORMIS.

(Et habet articulos duos.)

Primo enim queritur, utrum creatio materie informis præcesserit duratione creationem rerum; 2<sup>o</sup> utrum materia informis tota simul fuerit, an successiva.

ARTICULUS PRIMUS. — *Utrum creatio materie informis præcesserit duratione creationem rerum.* (I part., quæst. lxxvi, art. 1. in corp., et quæst. lxxvii et lxxix.)

Questio est, utrum creatio materie informis præcesserit duratione creationem rerum. Et videtur quod non. Quia, sicut dicit Augustinus (I super Genesis ad litteram, cap. xv, in princ.), materia informis præcedit formatam ex ea, sicut vox cantum. Sed vox non precedit cantum duratione, sed solum natura. Ergo materia informis non præcedit res formatas duratione, sed solum natura.

2. Sed diceretur, quod Augustinus loquitur de materia respectu formationis, quæ est per formas elementorum; quæ quidem formæ statim a principio in materia fuerunt. — Sed contra, sicut aqua et terra sunt elementa, ita etiam ignis et aer. Sed Scriptura tradens informatam materia facit mentionem de terra et aqua. Ergo si materia a principio habuisset formas elementares, pari ratione fecisset mentionem de aere et igne.

3. Præterea, formæ substantiales cum materia sunt causa accidentalium qualitatum, ut patet per Philosophum, in I Phys. Sed qualitates activæ et passivæ sunt proprietates proprie accidentales elementorum. Si ergo formæ substantiales fuerunt a principio in materia, fuerunt ibi ex consequenti qualitates activæ et passivæ; et ita nulla restabat informitas, ut videtur.

4. Sed diceretur, quod erat informitas sive confusio quantum ad elementorum situm. — Sed contra, secundum Philosophum (IV Cœli et mundi, text. com. xxv), quantum unumquodque elementorum habet de specie, tantum habet de ubi; elementa enim sunt in propriis locis ex virtute formæ. Si ergo materia a principio habebat formas substantiales, tunc ex consequenti unumquodque elementorum suum situm habebat; et ita nulla confusio in elementis restabat, secundum quam materia posset dici informis.

5. Præterea, si pro tanto materie informis dicitur, quod

set principium quo Angeli esse coeperunt, quam principium quo mundus visibilis esse coepit. Ergo tempus incepisset ante mundum visibilem; quod est impossibile, cum tempus secuatur ad motum, et motus ad mobile. Ergo impossibile est quod Angeli fuerint ante mundum.

Sed contra, illud quod in creaturis contradictionem non implicat, est Deo possibile. Sed Angelos esse, creatura visibilis non existente, nullam contradictionem implicat. Ergo non fuit Deo impossibile producere Angelos ante mundum.

Responsio dicendum, quod, sicut Boetius dicit (in libro de Trinitate), in divinis (1) non oportet ad imaginationem deduci, et similiter nec in corporalibus omnibus; quia cum imaginatio sit sequela sensus, ut per Philosophum patet (in lib. de Anima, II. com. cxli), imaginatio non potest extendi ultra quantitatem, quæ est qualitatum sensibilem subjectum. Hoc autem quidam non attendentes, nec imaginationem transcendere valentes, non potuerunt aliquid intelligere nisi per modum rei situæ, et propter hoc quidam antiqui dixerunt, quod illud quod non est in loco, non est, ut in IV Physic. (com. rxy) dicitur. Et ex simili errore quidam moderni dixerunt, quod Angeli absque creatura corporali esse non possunt, intelligentes Angelos tanquam ea quæ imaginaverunt situæ distincte; quod quidem præiudicat sententiæ antiquorum, qui Angelos ante mundum fuisse posterunt; præiudicat etiam dignitatæ angelicæ naturæ, quæ cum naturaliter sit prior quam creatura corporalis, nullo modo a creatura corporali dependet. Et ideo simpliciter dicimus, quod Angeli esse potuerunt ante mundum.

AN PRIMUM ergo dicendum, quod duos Angelos esse in uno loco indivisibili non impedit eorum distinctio, sed operationum confusio; unde ratio non sequitur.

AN SECUNDUM dicendum, quod etiam nunc nihil prohibet Angelos non esse in loco, si voluerint, etsi etiam semper sint in loco propter ordinem quo creatura spiritualis præiudicat corporali, secundum Augustinum (III de Trinitate, cap. iv).

AN TERTIUM dicendum, quod, sicut ipse Boetius exponit, Angeli indigent corpore solum quantum ad ministerium, non quantum ad naturæ complementum.

AN QUARTUM dicendum, quod Angeli sunt in celo empyreo, ut in loco qui est contemplationi congruus, non tamen de necessitate contemplationis.

AN QUINTUM dicendum, quod illa prioritas et posterioritas non cogit nos ponere ante mundum tempus reale, sed solum tempus imaginarium, ut in quæst. de æternitate vel creatione mundi, art. 17. dictum est.

(1) *Id. quod in deis.*

## QUÆSTIO IV

### DE CREATIONE MATERIÆ INFORMIS.

(Et habet articulos duos.)

Primo enim queritur, utrum creatio materie informis præcesserit duratione creationem rerum; 2<sup>o</sup> utrum materia informis tota simul fuerit, an successiva.

ARTICULUS PRIMUS. — *Utrum creatio materie informis præcesserit duratione creationem rerum.* (I part., quæst. lxxvi, art. 1. in corp., et quæst. lxxvii et lxxix.)

Questio est, utrum creatio materie informis præcesserit duratione creationem rerum. Et videtur quod non. Quia, sicut dicit Augustinus (I super Genesis ad litteram, cap. xv. in princ.), materia informis præcedit formatam ex ea, sicut vox cantum. Sed vox non precedit cantum duratione, sed solum natura. Ergo materia informis non præcedit res formatas duratione, sed solum natura.

2. Sed diceretur, quod Augustinus loquitur de materia respectu formationis, quæ est per formas elementorum; quæ quidem formæ statim a principio in materia fuerunt. — Sed contra, sicut aqua et terra sunt elementa, ita etiam ignis et aer. Sed Scriptura tradens informatam materia facit mentionem de terra et aqua. Ergo si materia a principio habuisset formas elementares, pari ratione fecisset mentionem de aere et igne.

3. Præterea, formæ substantiales cum materia sunt causa accidentalium qualitatum, ut patet per Philosophum, in I Phys. Sed qualitates activæ et passivæ sunt proprietates proprie accidentales elementorum. Si ergo formæ substantiales fuerunt a principio in materia, fuerunt ibi ex consequenti qualitates activæ et passivæ; et ita nulla restabat informitas, ut videtur.

4. Sed diceretur, quod erat informitas sive confusio quantum ad elementorum situm. — Sed contra, secundum Philosophum (IV Cœli et mundi, text. com. xxv), quantum unumquodque elementorum habet de specie, tantum habet de ubi; elementa enim sunt in propriis locis ex virtute formæ. Si ergo materia a principio habebat formas substantiales, tunc ex consequenti unumquodque elementorum suum situm habebat; et ita nulla confusio in elementis restabat, secundum quam materia posset dici informis.

5. Præterea, si pro tanto materie informis dicitur, quod

elementa nondum propriam et naturalem situm habebant, ex consequenti videtur quod secundum hoc ejus formatio intelligitur quod elementis naturalis situs attribuitur. Sed hoc non videtur in rerum distinctione; nam aque aliqua supra colos ponuntur, cum tamen naturalis situs aquarum sit sub aere supra terram immediate; ut patet IV cœli (com. x). Ergo non intelligitur materia informitas propter confusionem situs predictam.

6. Sed dicendum, quod aque dicuntur esse supra colos, inquantum vaporabiliter elevantur ut sint supra colos. — Sed contra, aque vaporabiles non possunt supra totum aerem elevari, ut a Philosophis probatur; immo solum usque ad medium aeris interstitium ascendunt. Multo ergo minus possunt elevari supra ignem, et alterius supra colum.

7. Præterea, informitas materię designatur in hoc quod dicitur (Gen. 1. 12): *Terra erat inanis et vacua*. Sed inanis materia attribuitur respectu virtutis generativæ et vacuitas respectu ornatus, ut a sanctis exponitur, quod consistit in his quæ in terra inveniuntur. Ergo informitas materię non attenditur quantum ad situm, ut sic dici possit quod materię informitas duratione formationem præcesserit.

8. Præterea, qui potest dare aliquid simul, minus liberaliter agit si dat successive; unde Prover. iii, 28: *Nec dicas amico tuo: Vade et revertere; cras dabo tibi*. Sed Deus simul dare poterat rebus esse perfectum, Ergo cum sit liberalissimus, non fecit materiam informem ante ejus formationem.

9. Præterea, motus a centro ad centrum sequitur elementa secundum quod habent naturales situs. Sed in ipsa informitate materię apparet quod ibi fuisset motus a centro ad centrum, quia aque vaporabiles super terram elevabantur, ut dicitur. Ergo elementa jam habebant suos naturales situs.

10. Præterea, rarum et densum sunt causa gravis et levis, ut patet IV Phys. (com. lxxv). Sed jam erat rarum et densum in elementis; quia dicitur, quod aque erant rariore quam modo sint. Ergo erat et grave et leve, et elementa habebant sua ubi, quæ eis attribuuntur ratione levitatis et gravitatis.

11. Præterea, in illa rerum informitate manifeste apparet quod terra suum situm habebat, et datur intelligi quod terra erat aquis cooperta, per hoc quod dicitur Gen. 1. 9: *Congregentur aque in unum locum; et appareat arida*. Ergo pari ratione et alia elementa suum situm habebant; et ita nulla informitas in materia erat.

12. Præterea, a perfecto agente educitur perfectus effectus; quia omne agens agit sibi simile. Sed Deus est perfectissimum agens. Ergo a principio materiam perfectam produxit, et ita formatam, cum forma sit perfectio materię.

13. Præterea, si materia informis formationem rerum dura-

tionem præcessit; aut materia sic existens carebat omni forma, aut habebat aliquam formam. Si omni forma carebat, tunc erat tantum in potentia et non in actu; et ita nondum erat creata, cum creatio terminetur ad esse. Si autem habebat aliquam formam, aut illa erat aliqua forma elementaris, aut forma mixti. Si forma elementaris, aut habebat tantum unam formam, aut diversas. Si diversas, ergo jam erat diversitas per diversas elementares formas. Si unam tantum, sequitur quod aliqua forma elementi sit naturaliter prius in materia quam alia; et ita unum elementum erit principium aliorum elementorum, sicut antiquissimi Naturales posuerunt, dicentes unum tantum elementum esse; quod a Philosopho improbat (II de General. et corrupt., text. com. xxxi). Si autem habebat formam mixti, ergo forma mixti naturaliter est prius in materia quam forma elementorum; quod patet esse falsum; quia mixtio non fit nisi per hoc quod aliquid elementa movet ad formam mixti. Ergo non potest esse quod materia fuerit prius informis quam formata.

14. Sed dices, quod materia habebat formas elementorum; sed non secundum illum modum quo nunc sunt, quia aque erant rariore, et in modum vaporis aeri permixtae. — Sed contra, forma uniuscujusque elementi requirit determinatam mensuram raritatis vel densitatis, sine qua esse non potest. Raritas autem per quam aliquid ascendit in locum aeris, excedit conditionem aquæ; quia natura aquæ est, ut sit gravis respectu aeris. Ergo si erat tanta subtilitas quod aquæ evaporabiliter ad locum aeris ascenderent, non habebant speciem aquæ; et ita non erant in materia forme elementares, cujus contrarium supra dictum est.

15. Præterea, per opera sex dierum, formata sunt ex informi materia diversa rerum genera. Sed inter alia sex dierum opera, armamentum secundo die est formatum. Si ergo materia informis subiacebat elementaribus formis, sequitur quod cœlum sit factum ex quatuor elementis; quod a Philosopho improbat (I cœli et mundi, com. v, et sequent.).

16. Præterea, sicut se habet corpus naturale ad figuram, ita se habet materia ad formam. Sed corpus naturale non potest esse quin habeat aliquam figuram. Ergo nec materia potest esse quin sit formata.

17. Præterea, si formatio materię a principio suæ creationis non fuit, tunc aquarum congregatio, quæ tertio die legitur, non semper fuit. Sed hoc videtur impossibile; quia si aque undique operiebant terram, non erat ubi possent congregari. Ergo videtur quod materia informis rerum formationem non processerit. Quod autem aqua undique operiret terram, apparet ex hoc quod elementa sunt separata, ut probatur in III cœli. et man. (text. com. lvi, et seq.).

18. Sed diceretur quod erat aliqua concavitas infra terram, in

quam partes (1) descenderunt; et ita terra locum prebuit aquis. — Sed contra, huiusmodi concavitates vel cavernositates in terra causantur propter aliquas lapidositates, ex quibus superiores partes terra retinentur, ne ad centrum descendant; quod quidem tum esse non poterat; quia cum lapides sint corpora mixta, sequeretur quod corpus mixtum fuisset ante formationem elementorum. Ergo huiusmodi cavernositates esse non poterant.

19. Præterea, si cavernositates aliqua erant in terra, non poterant esse vacuæ. Ergo erant plenas aere, vel aqua; quod videtur impossibile, cum subsidere terra sit contra naturam utriusque.

20. Præterea, aut aqua cooperiens terram undique naturalem situm habebat, aut non. Si naturalem situm habebat, ergo ab illa (2) dispositione non poterat removeri, nisi per violentiam; quia a loco in quo corpus quiescit naturaliter, non movetur nisi per violentiam. Hoc autem non competit primæ rerum institutioni, per quam natura instituitur, cui violentia repugnat. Si autem erant illi situs aquæ violentus, per suam naturam redire poterat ad illum dispositionem quam non habebat; quia a loco in quo quiescit aliquid violenter, movetur naturaliter; et ita non oportebat poni inter opera formationis quod aquæ in unum locum congregarentur.

21. Præterea, secundum hunc ordinem res institutæ sunt quem naturaliter habent. Sed naturaliter distincta sunt priora quam confusa, sicut simplex est naturaliter prius composito. Ergo non fuit conveniens rerum institutioni quod res primo fuerint in quadam confusione, et postmodum distinguerentur.

22. Præterea, processus de actu in potentiam non competit rerum institutioni, sed magis corruptioni; res enim fiunt per hoc quod de potentia in actum reducuntur. Sed procedere a mixtis ad elementa, est procedere de actu in potentiam, cum elementa sint quasi materia respectu formæ mixti. Ergo non fuit conveniens rerum institutioni quod prius fierent in quadam confusione et mixtione, et postmodum distinguerentur.

23. Præterea, hoc videtur esse consonum erroribus antiquorum philosophorum; scilicet opinioni Empedoclis, qui ponebat per litteras partes mundi esse ab invicem distinctas, cum prius fuerint confusæ per amicitiam; et Anaxagoræ, qui posuit quod cum aliquando omnia simul essent, intellectus inceptit distinguere separando ab illo confuso et commixto. Quæ quidem opiniones sufficienter a philosophis posterioribus improbantur. Ergo non est ponendum quod informitas vel confusio materie rerum formationem duratione præcederet.

1. Sed contra est quod Gregorius exponens illud Eeclesiæ, xviii: *Qui civit in aeternum, creavit omnia simul*, dicit (lib. xxxii

(1) Forte partes aquarum descenderunt. — (2) Al. alla.

Moral., cap. ix, in nov. exemplaribus, circa prin.) quod omnia sunt simul creata per substantiam materie, sed non per speciem formæ; quod esse non posset, nisi prius fuisset substantia materie quam species formæ inesset. Ergo materia informis duratione præcessit rerum formationem.

2. Præterea, illud quod non est, non potest habere aliquam operationem. Sed materia informis habet aliquam operationem; appetit enim formam, ut dicitur III Phys. (colum. lxxxii). Ergo materia potest esse sine forma; et ita non est inconveniens, si materia informis ponatur duratione rerum formationem præcessisse.

3. Præterea, Deus plus potest operari quam natura. Sed natura facit de ente in potentia ens actu. Ergo Deus potest facere de ente simpliciter ens in potentia; et ita potuit facere materiam sine forma existentem.

4. Præterea, quod Scriptura sacra dicit fuisse aliquando, non est dicendum non fuisse; quia, ut Augustinus dicit (V de Trin.), contra Scripturam sacram nemo christianus sentit. Scriptura autem divina dicit, terram aliquando fuisse inanem et vacuum. Ergo non est dicendum quin aliquando fuerit inanis et vacua. Hoc autem pertinet ad informitatem materie, quocumque modo exponatur. Ergo aliquando substantia materie præcessit formationem; alias nunquam informis fuisset.

5. Præterea, simul condita est spiritualis et corporalis creatura, ut ex superiori questione, art. 18, iam patuit. In spirituali autem creatura informitas formationem præcessit etiam duratione. Ergo eadem ratione et in corporali. Probatio media. Formatio creature spiritualis intelligitur secundum quod ad Verbum convertitur, quod est ejus illuminatio. Simil autem facta luce divisum est inter lucem et tenebras. Per tenebras autem in spirituali creatura peccatum intelligitur. Peccatum autem esse non potuit in primo instanti creationis Angelorum, quia tunc demones nunquam fuissent homi. Ergo spiritualis creatura non fuit formata in primo instanti sue creationis.

6. Præterea, illud ex quo est aliquid, etiam tempore præcedit quod est ex eo. Sed Deus ex invisæ materie, quæ est materia informis secundum Augustinum (lib. I super Gen., cap. xvi), creavit orbem terrarum, ut dicitur Sapientiæ, xi. Ergo materia informis tempore præcessit orbem terrarum formatum. Probatio prima. Secundum Philosophum (in I Phys., com. xviii), fieri rerum dupliciter exprimi potest. Uno modo ut dicatur: Hoc fit hoc per se; quod convenit subjecto; ut cum dicimus, homo fit albus; per accidens autem, ut ex privatione et contrario; ut cum dicitur: non album, vel nigrum fit album. Alio modo, ut dicatur: ex hoc fit hoc; quod quidem subjecto non competit nisi ratione privationis. Non enim dicimus quod ex homine fiat albus; sed quod ex non albo, vel nigro, fit album; vel etiam ex homine

nigro vel non albo. Id igitur ex quo est aliquid, vel est privatio sive contrarium, vel est materia privationi vel contrario subiecta. Utroque autem modo oportet tempore præcedere ex quo aliquid fit; quia opposita non possunt esse simul, nec materia simul tempore potest subesse privationi et formæ. Ergo id ex quo aliquid fit, tempore præcedit id quod fit ex eo.

7. Præterea, operatio naturæ imitatur inquantum potest operationem beati, sicut operatio causæ secundæ operationem causæ primæ. Sed naturæ processus in operando est de imperfecto ad perfectum. Ergo et Deus etiam prius tempore imperfectum produxit, et postea perfecit; et sic informis materia formationem præcessit.

8. Præterea, Augustinus dicit, quod ubi Scriptura in principio terram et aquam commemorat, cum dicitur Genes. 1, 2: *Terra erat inanis et vacua, et spiritus Domini ferebatur super aquas*; non ideo nominatim terra et aqua quia jam talis erat sed quia talis esse poterat. Ergo aliquando materia prima nondum habebat speciem aquæ vel terræ, sed tantum habere poterat; et sic materia informis formationem præcessit.

Respondeo dicendum, quod, sicut dicit Augustinus (XII Confessionum), circa hanc questionem potest esse duplex disceptatio: una de ipsa rerum veritate; alia de sensu literæ, quæ Moyses divinitus inspiratus principium mundi nobis exponit. Quoad primam disceptationem duo sunt vitanda; quorum unum est, ne in hac questione aliquid falsum asseratur, præcipue quod veritati fidei contradicat; aliud est, ne quidquid verum aliquis esse crediderit, statim velit asserere, hoc ad veritatem fidei pertinere; quia, ut Augustinus dicit (X Confess.), *obest, si ad ipsam doctrine pietatis formam pertinere arbitretur falsum scilicet quod credit, et pertinacius affirmare audeat quod ignorat*. Propter hoc autem obesse dicit, quia ab infidelibus veritas fidei irridetur, cum ab aliquo simpliciter et fidei tamquam ad fidem pertinens proponitur aliquid quod certissimis documentis falsum esse ostenditur, ut etiam dicit I super Genes. ad litteram.

Circa secundam disceptationem duo etiam sunt vitanda. Quorum primum est, ne aliquis id quod patet esse falsum, dicat in verbis Scripturæ, quæ creationem rerum docet, debere intelligi; Scripturæ enim divine a Spiritu sancto tradite non potest falsum subesse, sicut nec fides, quæ per eam docetur. Aliud est, ne aliquis ita Scripturam ad unum sensum cogere velit, quod alios sensus qui in se veritatem continent, et possunt, salva circumstantia literæ, Scripturæ aptari, penitus excludantur; hoc enim ad dignitatem divine Scripturæ pertinet, ut sub una littera multos sensus contineat, ut sic et diversis (1) intellectibus hominum conveniat, et unusquisque miretur se in divina Scriptura posse invenire veritatem quam mente conceperit; et per hoc etiam

(1) *AL.* et in diversis.

contra infideles facilius defendatur, dum si aliquid, quod quisque ex sacra Scriptura velit intelligere, falsum apparuerit, ad alium ejus sensum possit haberi recursus. Unde non est incredibile, Moysi et aliis sacra Scripturæ auctoribus hoc divinitus esse concessum, ut diversa vera, quæ homines possent intelligere, ipsi cognoscerent, et ea sub una serie literæ designarent, ut sic quilibet eorum sit sensus auctoris. Unde si etiam aliqua vera ab expositoribus sacra Scripturæ literæ aptentur, quæ auctor non intelligit, non est dubium quin Spiritus sanctus intellexerit, qui est principalis auctor divine Scripturæ. Unde omnis veritas quæ, salva literæ circumstantia, potest divine Scripturæ aptari, est ejus sensus.

His ergo suppositis, sciendum est, quod diversi expositores sacra Scripturæ diversos sensus ex principio Genésis acceperunt; quorum nullus fidei veritati repugnat. Et quantum ad presentem pertinet questionem, diversificati sunt in duas vias, dupliciter informitatem materiæ accipientes, quæ signatur in principio Genésis ubi dicitur: *Terra autem erat inanis et vacua*. Quidam namque intellexerunt, predictis verbis talem informitatem materiæ significari, secundum quod materia intelligitur absque omni forma, in potentia tamen existens ad omnes formas; talis autem materia non potest in rerum natura existere, quin aliqua forma formetur. Quidquid enim in rerum natura invenitur, acta existit; quod quidem non habet materia nisi per formam, quæ est actus ejus; unde non habet sine forma in rerum natura inveniri. Et iterum eum nihil possit contineri in genere quod per aliquam generis differentiam ad speciem non determinetur, non potest materia esse ens, quin ad aliquem specialem modum essendi determinetur; quod quidem non fit nisi per formam. Unde si sic materia informis intelligatur, impossibile est quod duratione formationem præcesserit, sed præcessit tantum ordine nature, secundum quod illud ex quo fit aliquid, naturaliter est prius eo, sicut vox est prior creatæ. Et hæc fuit opinio Augustini.

Alii vero intellexerunt informitatem materiæ, non secundum quod materia omni forma caret, sed secundum quod dicitur aliquid informe quod nondum habet ultimum suæ naturæ complementum et decorem; et secundum hoc potest poni, quod etiam duratione informitas rerum formationem præcesserit. Quod quidem si ponatur, ordini sapientiæ artificis congruere videtur, qui res ex nihilo producentes in esse, non statim post nihilum in ultima perfectione naturæ eas instituit, sed primo fecit eas in quodam esse imperfecto; et postea eas ad perfectum adduxit; ut sic et eorum esse ostenderetur a Deo procedere, contra illos qui ponunt materiam increatam; et nihilominus perfectionis rerum ipse etiam auctor appareret (1), contra eos qui rerum

(1) *AL.* apparuit.

interiorum formationem causis aliis adscribunt. Et hoc intellexit magnus Basilius, Gregorius et alii sequaces eorum. Quia ergo neutrum a veritate (1) fidei discordat, et utrumque sensum circumstantia litteræ palitur; utrumque sustinentes ad utrasque rationes respondeamus.

Ad PRIMUM ergo dicendum, quod Augustinus loquitur de materia informi, secundum quod intelligitur absque omni forma; et sic necesse est dicere, quod informitas solo ordine naturæ formationem præcedat. Qualiter autem circa formationis ordinem opinetur, in sequenti articulo ostendetur.

Ad SECUNDUM dicendum, quod circa hoc multipliciter aliqui sunt opinati.

Plato enim Scripturam Genesis videns, sic intellexisse dicitur numerum elementorum et ordinem ibi significari, ut terra et aqua propriis nominibus exprimerentur. Aqua autem super terram esse intelligitur, ex hoc quod ibi (Genes., i, 9), scriptum est: *Congregentur aquæ in locum unum, et appareat arida*. Supra quæ duo, aerem intellexit in hoc quod dicitur: *Spiritus Domini ferebatur super aquas*, aerem nomine spiritus intelligens. Ignem verò in nomine cœli intellexit, quod omnibus supereminet.

Sed quia, secundum Aristotelis probationes (lib. I de Cœlo, com. XVII et XIX), cœlum ignem naturæ esse non potest, ut ejus motus circularis demonstrat, Rabbi Moyses Aristotelis sententiam sequens, cum Platone in tribus primis concordans, ignem significatum esse dixit per tenebras, eo quod ignis in propria sphaera non luceat; et situs ejus declaratur in hoc quod dicitur: *super factam abyssi*. Quintam verò essentiam nomine cœli significatam esse intelligit.

Sed quia, ut dicit Basilius in Hexameron (homil. II, a med.), non est consuetudo sacræ Scripturæ, ut per spiritum Domini aer intelligatur, per corpora extrema quæ posuit, dedit intelligere media; et præcipue quia aquam et terram sensus manifestum est corpora esse, aer verò et ignis non ita sunt simplicibus manifesta, quibus etiam instruendis Scriptura tradebatur.

Secundum verò Augustinum (in dial. LXV, quæst. XXI), per nomina (2) terræ et aquæ, quæ commemorantur ante lucis formationem, non intelliguntur elementa suis formis formata, sed ipsa materia informis omni specie carens. Ideo autem potius per hæc duo materiæ informitas exprimitur quam per alia elementa, quia sunt propinquiora informitati, utpote plus de materia habentia, et minus de forma; et quia etiam nobis magis sunt nota, et manifestus nobis materiam aliorum ostendunt. Ideo verò non per unum tantum, sed per duo eam significari voluit, ne si alterum tantum potuisset, veraciter crederetur hoc esse informis materia.

(1) *Al.* a veritate. — (2) *Al.* pro nomine.

Ad TERTIUM dicendum, quod in illo rerum principio informitate quadam in rebus existente secundum opinionem Basili et aliorum Sanctorum, non oportet ponere quod elementa suis qualitatibus naturalibus carerent. Sed utraque (1) habebant formas, substantiales scilicet, et accidentales.

Ad QUARTUM dicendum, quod situs elementorum dupliciter potest considerari. Uno modo quantum ad naturam propriam; et sic naturaliter ignis aerem continet, aer aquam et aqua terram. Alio modo quantum ad necessitatem generationis, quæ est circa locum medium; et sic necessarium est ut superficies terræ quantum ad aliquam partem sui sit aquis discooperta; ut ibi conveniens generatio et conservatio mixtorum esse possit, et præcipue animalium perfectorum, quæ aere indigent propter respirationem. Dicendum est ergo, quod ista informitas primi status attenditur non quantum ad situm qui naturalis est elementis secundum se (hunc enim situm omnia elementa habebant), sed quantum ad illum situm qui elementis competit secundum ordinem ad generationem mixtorum. Iste enim situs nondum erat perfectus, quia nec ipsa corpora mixta adhuc prodierant.

Ad QUINTUM dicendum, quod de aquis quæ supra cœlos sunt diversimode aliqui opinati sunt.

Quidam namque dixerunt, aquas illas esse spirituales naturas, quod imponitur Origeni. Sed hoc quidem non videtur ad litteram posse intelligi, cum spiritualibus naturis situs non competat; ut sic inter eas et inferiores aquas corporales dividat firmamentum, ut Scriptura tradit.

Unde alii dicunt, quod nomine firmamenti intelligitur cœlum aerium nobis vicinum, supra quod elevaritur per vaporum ascensionem aquæ vaporabiles, quæ sunt materia pluviarum; ut sic inter aquas superiores quæ sunt in medio aeris interstitio vaporabiliter suspensæ, et aquas corporales quas videmus supra terram consistere, medium existat aerium cœlum. Et hinc etiam expositioni concordat Rabbi Moyses. Sed hæc non videtur pati litteræ circumstantia. Nam postea subditur in littera, quod fecit Deus duo luminaria magna, et stellas; et posuit eas in firmamento cœli.

Et ideo alii dicunt, quod per firmamentum intelligitur cœlum sidereum, et quod aquæ super cœlos existentes sunt de natura aquarum elementarium, et sunt ibi posite ex divina providentia ad temperandum ignis virtutem, ex quo totum cœlum constare dicebant, ut Basilius tangit. Et ad hoc astruendum, duplex argumentum Augustinus dicit a quibusdam induci (in II super Genes., ad litt., cap. IV et V). Quorum unum est, quod si aqua, aliqua rarefactione facta, potest ascendere usque ad medium aeris interstitium ubi pluvia generantur, si amplius divisa rareseat

(1) *Fortè utraque.*

(quia est in infinitum divisibilis, sicut et omne continuum), poterit sua subtilitate supra cælum sidereum descendere, et ibi convenienter esse. Aliud argumentum est, quod stella Saturni, quæ deberet esse calidissima propter velocissimum motum, in quantum ejus circulus est major, invenitur frigidi affectus, quod dicitur ex vicinitate illius aquæ contingere prædictam stellam in frigidantem.

Sed hæc expositio in hoc videtur deficere, quod asserit quædam per Scripturam sacram intelligi, quorum contraria satis evidentibus rationibus probantur. Primo quidem quædam ad ipsam positionem, quæ videtur naturalem situm corporum pervertere. Cum enim unumquodque corpus tanto debeat esse superius quanto formalius, non videtur rerum nature congruere ut aqua, quæ inter omnia corpora est materialior præter terram, etiam supra ipsum cælum sidereum collocetur; et iterum ut ea quæ sunt unius speciei, diversum locum naturalem sortiantur; quod erit, si una pars elementis aquæ erit immediate supra terram, alia vero supra cælum. Nec est sufficiens responsio, quod omnipotentia Dei aquas illas contra carnalis naturam supra cælum sustinet; quia nunc queritur qualiter Deus instituerit naturas rerum, non quod ex eis aliquid miraculum potentis suæ velit operari, ut Augustinus in eodem libro dicit. Secundo, quæ ratio de rarefactione vel divisione aquarum videtur omnino vana. Etsi enim corpora mathematica possint in infinitum dividi, corpora tamen naturalia ad certum terminum dividuntur, cum unicuique formæ determinetur quantitas secundum naturam, sicut et alia accidentalia. Unde nec rarefactio in infinitum esse potest; sed usque ad terminum certum, qui est in raritate ignis. Et præterea quæ tantum rarefieri posset quod jam non esset aqua, sed aer vel ignis, si transcederet modum raritatis aquæ. Nec posset naturaliter excedere aeris et ignis spatia, nisi natura aquæ amissa, eorum vinceret raritatem. Nec iterum esset possibile ut corpus elementare, quod est corruptibile, formaliter liberet cælo sidereo, quod est incorruptibile, et sic supra ipsum naturaliter collocaretur. Tertio, quia secunda ratio omnino frivola apparet. Nam corpora caelestia non sunt susceptiva peregrine impressionis, ut a Philosophis probatur. Nec esset possibile stellam Saturni ab illis aquis in frigidari, nisi etiam omnes stelle quæ sunt in octava sphaera, in frigidarentur; quarum tamen plurimæ inveniuntur esse calidæ secundum effectum. Et ideo aliter videtur dicendum ad hoc quod Scripturæ veritas ab omni calumnia defendatur; ut dicamus, quod aquæ illæ non sint de natura harum aquarum elementarium, sed sint de natura quintæ essentis, habentes communem cum nostris aquis diaphaneitatem, sicut et cælum empyreum cum nostro igne communem splendorem. Et hæc aquas quidam vocant cælum crystallinum; non quia fit de aqua congelata in modum

chrysalii, quia, ut dicit Basilius in Hexameron (hom. iii), periculis demeritæ et insipientis mentis est, talem de cælestibus capere opinionem; sed propter illius cæli soliditatem, sicut et de omnibus cælis dicitur Job, xxxvii, quod solidissimi quasi ære fusi sunt. Et hoc cælum etiam ab Astrologis ponitur nona sphaera. Unde nec Augustinus aliquam de præmissis expositionibus asserit, sed sub dubitatione dimittit, dicens in eodem lib. (cap. vi): *Quomodo libet* (1), *et quales aquæ ibi sint, esse ibi eas, minime dubitemus. Major est quippe Scripturæ hujus auctoritas quam omnis humani ingenii capacitas.*

SEXTUM concedimus.

AD SEPTIMUM dicendum, quod si intelligatur secundum expositionem Basili (hom. iv in Hexam., a med.), et sequacium ejus, per terram ipsum terre elementum; sic considerari potest et in quantum est principium quarundam rerum, scilicet plantarum, quarum ipsa est ut mater, sicut dicitur in libro de Veget., et sic respectu eorum erat inanis antequam eas produceret; inane enim vel vanum dicimus quod non pertingit ad proprium effectum vel finem. Et potest considerari in quantum est habitaculum quoddam et locus animalium, respectu quorum vacua fuisse dicitur. Vel secundum litteram Septuaginta, quæ habet, *invisibilis et incomposita*, fuit quidem terra *invisibilis*, in quantum erat aqua cooperta, etiam in quantum nondum erat lux producta, per quam posset videri: *incomposita* vero in quantum carebat et plantarum et animalium ornatu, et situ conveniente ad eorum generationem et conservationem. Si vero per terram intelligatur prima materia secundum opinionem Augustini (dial. lxxv, quæst. xxi), sic dicitur *inanis* per comparisonem ejus ad compositum in quo subsistit; nam inanis firmitatis et soliditati opponitur; *vacua* vero per comparisonem ad formas quibus ejus potentia non replebatur. Unde et Plato (in Timæo, ante medium) receptionem materie comparavit loco, secundum quod in eo locatum recipitur. Vacuum autem et plenum propria circa locum dicuntur. Dicitur enim materia in sua infirmitate considerata *invisibilis*, secundum quod caret forma, quæ est omnis cognitionis principium; *incomposita* vero in quantum sine composito non subsistit.

AD OCTAVUM dicendum, quod ad liberalitatem dantis non solum pertinet quod cito det, sed etiam quod ordinate et quod convenienti tempore det unumquodque. Unde ubi dicitur: *Cum statim possis dare*, non solum consideranda est potentia quæ dare possumus aliquid absolute, sed etiam quia possumus convenientius dare. Unde ad ordinis convenientiam conservandam Deus in quadam imperfectione creaturas primo instituit, ut sic gradatim ex nihilo ad perfectum pervenirent.

AD NONUM dicendum, quod situs qui pertinet ad naturam

(1) *Al. deest libet.*

elementorum, in elementis erat, ut dictum est; unde obiectio contra prædictam opinionem non procedit.

Et similiter dicendum ad DECIMUM et UNDECIMUM.

Ad PRIMUM dicendum, quod perfectio agentis competit perfectum effectum producere. Sed non oportet quod statim in principio sit perfectum simpliciter secundum suæ naturæ modum, sed sufficit quod sit secundum tempus illud; quo modo puer mox natus perfectus dici potest.

Ad SECUNDUM dicendum, quod materia non dicitur fuisse informis, secundum sententiam quam suslinemus ad præsens, quia omni careret forma; vel quia haberet unam tantum formam, quæ esset in potentia ad omnes formas, sicut posuerunt antiqui Naturales ponentes unum principium; vel sub qua continerentur plures formas virtute, sicut in mixtis accidit; sed habebat in diversis partibus formas elementares diversas. Dicebatur tamen materia informis, quia nondum formæ mixtorum corporum supervenerant materie; ad quas formæ elementares sunt in potentia; nec etiam erat situs elementorum adhuc conveniens eorum generationi sicut prius dictum est.

Ad DECIMUMQUARTUM dicendum, quod nihil cogit nos dicere, nec Scripturæ Genesis auctoritas, nec aliqua ratio, quod alio rerum principio materia formis elementaribus subesset quomodo; etsi possibile fuerit quod ex aquis vaporabiliter aliquid ascenderit in locum aeris, sicut et modo contingit, et forte tunc amplius, cum terra totaliter aquis cooperiretur.

Ad VICESIMUM dicendum, quod de firmamento, quod secundo die formatur, multiplex invenitur opinio.

Quidam namque dicunt, hoc firmamentum non esse aliud a cælo, quod prima die legitur factum; sed dicunt, quod Scriptura in principio summam commemorat facta, de quibus per senarium dierum explicavit quomodo sint facta. Et hæc est opinio Basilio in Hexameron.

Alii vero dicunt, aliud esse firmamentum quod secundo die est factum, et aliud cælum, quod primo dicitur creatum; et hoc tribus modis. Quidam namque dixerunt, quod per cælum, quod prima die creatum legitur, intelligitur spiritalis creatura vel formata, vel adhuc informis; per firmamentum vero quod secunda die legitur factum intelligitur cælum corporeum quod videmus. Et hæc est opinio Augustini, ut patet in lib. super Genesim ad litteram, et XII Confess. Alii vero dicunt, quod per cælum quod prima die creatum legitur, intelligitur cælum empyreum; per firmamentum vero quod secunda die legitur factum, intelligitur cælum sidereum quod videmus. Et hæc est opinio Strabi, ut patet in Glossa Genesim, I. Alii vero dicunt, quod per cælum primo die factum, intelligitur cælum sidereum; per firmamentum autem quod factum est secunda die, intelligitur

istud aeris spatium terræ vicinum, quod dividit inter aquas et aquas, ut supra dictum est. Et hæc expositionem tangit Augustinus super Genesim ad litteram, et tenet eam Rabbi Moyses.

Secundum ergo hæc ultimam facile est solvere: quia firmamentum, quod secundo die est factum, non est de natura quintæ essentiae; unde nihil prohibet quantum ad ipsum fuisse processum de informitate ad formationem, vel quantum ad ejus sublimationem, vaporibus ab aquis elevatis diminutis per aquarum congregationem in unam, vel quantum ad situm, dum in locum aquæ recedentis aer successit. Sed secundum tres opiniones primas, quæ per firmamentum cælum sidereum intelligunt, non oportet dicere processum esse in cælo de informitate ad formationem, quasi novam formam acquisierit, quia nec in elementis inferioribus hoc ponere cogit Scriptura; sed ut intelligamus firmamento virtutem esse collatam ad mixtorum generationem, et quantum ad hoc formationem ejus intelligi; sicut inferiorum elementorum formatio intelligitur, ut dictum est (in sol. arg. 13 et arg. 4), quantum ad mixtorum generationem. Nam sicut elementa inferiora sunt materia mixtorum, ita firmamentum est causa mixtorum activa. Unde divisio aquarum inferiorum a superioribus, intelligi potest per modum quo medium in confinio duorum extremorum existens, inter utrumque distinguit. Inferiores enim aquæ variationi subiecte sunt, in quantum mixtionis (1) materia sunt per motum firmamenti, non autem superiores. Secundum tamen sententiam Augustini (II super Genesim, cap. XI), si ponatur materia informis prius fuisse tempore, nihil grave occurrit; quia oportet aliquo modo materiam in corpore cælesti poni, in quo invenitur etiam motus. Unde nihil prohibet eam ordine nature intelligi ante formam, licet ex tempore nihil formationis accesserit. Nec cogimus propter hoc dicere, unam esse communem naturam corpori cælesti et inferioribus elementis; etsi aliquo uno nomine significetur, ut terre vel aquæ, secundum sententiam Augustini; quia unitas ista non intelligitur secundum substantiam sed secundum proportionem, prout quælibet materia consideratur ut in potentia ad formam.

Ad DECIMUMSEXIMUM patet solutio ex dictis. Non enim intelligitur informitas materię quia omni forma caret, sed sicut dictum est.

Ad DECIMUMSEPTIMUM dicendum, quod secundum sententiam Augustini (dial. LV. quæst. XXI), qui ponit per terram et aquam prius commemoratas non elementa, sed materiam primam significatam fuisse, nihil inconveniens sequitur de aquarum congregatione. Nam sicut ipse dicit (II super Genesim, ad litteram, cap. VII et VIII), sicut etiam dictum est: *Fiat firmamentum*, in secunda die, significata est formatio coelestium corporum; ita cum dicit: *Congregentur aquæ*, in tertia die, significatur formatio

(1) *Ad in mixtionis materia, item in mixtionis materia fuerit.*



elementorum inferiorum; ut per hoc quod dicitur: *Congregentur aquae*, significetur quod aqua suam formam acceperit; per hoc vero quod dicitur: *Appareat arida*, significetur ideam de terra. Ideo vero his verbis usus est in horum elementorum formatione, et non verbo factionis, sicut in caelo, ut diceret, *Fiat aqua* et terra, sicut dixerat: *Fiat firmamentum*, ut significaret imperfectionem harum formarum, et earum propinquitatem ad informem materiam. Verbo enim congregationis usus est ad aquam, ut significaret ejus mobilitatem; verbo apparentiae in terra, ut significetur ejus stabilitas; unde ipse dicit: *Ideo de aqua dictum est, congregetur, de terra, appareat, quia aqua labiliter est fluxa, terra stabiliter facta*. Si vero secundum opinionem Basilii et aliorum Sanctorum dicatur, quod eadem terra hic et ibi significatur, et similiter eadem aqua, sed alio modo disposita prius et postea, multipliciter responderetur. Quidam enim dixerunt, quod aliqua pars terrae erat quae aquis non erat cooperta; in quam aqua quae terram habitabilem occupabat, Dno iubente, congregata est. Sed hoc reprobat Augustinus ex ipsa littera (I super Genes., cap. xii), dicens: *Si aliquid erat nudum terrae, ubi congregarentur aquae, jam prius arida apparebat; quod est contra circumstantiam litterae*. Unde alii dixerunt, quod aqua rarior erat sicut nebula, et postea inspissata in minorem locum collocata est. Sed illud etiam non minorem generat difficultatem; tum quia non vere erat aqua, si formam vaporis assumpserit, tum etiam quia locum aeris occupasset, et similis difficultas relinqueretur de aere. Et ideo alii dicunt, quod terra quasdam cavernositates accepit in quibus potuit aquarum multitudinem accipere operatione Dei. Sed contra hoc videtur esse, quia hoc per accidens est quod aliqua pars terrae longius distet a centro quam alia. In illa autem rerum formatione, natura suum modum accepit, ut Augustinus in eodem lib. dicit (lib. VI super Genes., cap. vi). Et ideo melius videtur dicendum, sicut Basilii dicit, quod aquae in multas divisiones erant dispersae, et postmodum in unum congregatae; quod etiam ipse textus verbo congregationis utens, significare videtur. Etsi enim totam terram aqua tegebatur, non oportet quod tanta profunditate tegeretur prius ubique, quanta nunc invenitur in aliquibus locis.

Ad DECIMUM OCTAVUM dicendum, quod quia corpora mineralia non habent aliquam perfectiorem excellentiam supra elementa, sicut habent viventia, non seorsum ab elementis formata describuntur; sed in ipsa elementorum institutione possunt intelligi esse producta. Unde nihil prohibet aliquas cavernositates fuisse ante congregationem aquarum; ut postea terra compressa in sui superficie, aquae congregatae locum praeberet. Tamen verba Augustini hanc opinionem tangentis (I super Genesim ad litteram, cap. xii), videntur sonare magis quod

hujusmodi concavitates non praexistierint infra terram, sed magis in superficie terrae tunc factae fuerint, cum aquae sunt congregatae. Sic enim dicit: *Terra longe lateque subsidens potuit alius partes praebere concavas, quibus confluentes et corruentes aquae reciperentur, et appareret arida ex his partibus unde humor abscederet* (1); cui etiam consonant verba Basilii in Hexameron (homil. iv), dicens: *Quando praecipitio data est ut in unam congregationem aquae coirent, tunc et susceptionis earum causa processit; et ita jussu Dei capacitas sufficiens parata est, unde aquarum ibi multitudo conflueret*. Haec autem capacitas potest intelligi per quarundam partium terrae depressionem; cum videamus etiam in aliquibus majorem elevationem accidentalem, ut patet in collibus et montibus.

Ad DECIMUM NONUM dicendum, quod si cavernositates non praexistebant in terra, secundum illud quod ultimo dictum est, obiecto praesens locum non habet. Si autem praexistebant, tunc dicendum est, quod licet sit contra naturam aeris vel aquae subsesse terrae sibi relictae, non tamen si terra sit a suo motu aliquantulum impedita. Sic enim videmus in cavernis quae fiunt sub terra, terram aliquibus sustentaculis suspensam aerem subingredi, eo quod natura non patitur vacuum. Si tamen dicatur, quod aquae quae erant in minori profunditate super totam terrae superficiem sparse, sunt postmodum super aliquam partem terrae in majorem altitudinem congregatae, ut supra dictum est, praedictae objectiones cessabunt.

Ad VICESIMUM dicendum, quod si consideretur naturalis elementorum situs, qui competit ipsis naturis elementorum absolute, sic naturale est aquae quod totam terram undique contingat, sicut et aer continet aquam. Si autem considerentur elementa in ordine ad mixturam generationem, ad quam etiam caelestia corpora movent; sic talis situs competit, qualis postea institutus est. Unde statim apparente arida in aliqua tali parte, subditur de productione plantarum. Quod autem in elementis ex impressione caelestium corporum accidit, non est contra naturam, ut dicit Commentator in III de cael. et mun. (com. xx, a med.), ut patet in fluxu et refluxu maris; qui licet non sit naturalis motus aquae, inquantum gravis est, eo quod non est ad medium, est tamen naturalis motus ejus inquantum est a corpore caelesti mota; sicut ejus instrumentum. Hoc autem multo magis competit dicere de his quae fiunt in elementis ex ordinatione divina, per quam tota elementorum natura subsistit. In praesenti autem utrumque concurrere videtur ad aquarum congregationem; et divina virtus principaliter, et secundario virtus caelestis. Unde statim post firmamentum institutionem subiungitur de aquarum congregatione. Potest tamen et ex ipsa natura

(1) *Al. accideret.*

aquae aliqua aptitudo inveniri. Cum enim in elementis continens sit formaliter contento, ut patet per Philosophum in VIII Physic., aqua intantum deficit a perfecta terrae continentia, in quantum et ipsa non perfecte formalis est, sicut ignis et aer, plus accedens ad terrenam spissitudinem quam ad igneam raritatem.

AD VICESIMUMPRIMUM dicendum, quod confusio quae in mundo inchoato praecessisse dicitur, non attenditur secundum aliquam mixtionem elementorum, sed per oppositum ad illam distinctionem quae nunc est in partibus mundi, competens viventium generationi et conservationi.

Et per hoc patet responsio AD VICESIMUMSECUNDUM et VICESIMUMTERTIUM.

Ad ea vero quae in contrarium obijciuntur, secundum opinionem Augustini consequenter respondendum est.

AD QUORUM PRIMUM dicendum est, quod Gregorius loquitur secundum opinionem quam prius sustinimus. Non tamen sic sunt intelligenda verba Gregorii, quod in prima rerum creatione sit omnium rerum materia facta absque omni specie formae, sed absque formis quibusdam, scilicet rerum viventium, et ordinis ad eorum generationem, sicut supra (in solut. 1 arg., et 13) est expositum.

AD SECUNDUM dicendum, quod appetitus formae non est aliqua actio materiae, sed quaedam habitudo materiae ad formam, secundum quod est in potentia ad ipsam, sicut Commentator exponit in I Phys. (cap. LXXXI).

AD TERTIUM dicendum, quod si Deus faceret ens in potentia tantum, minus faceret quam natura, quae facit ens in actu. Actionis enim perfectio magis attenditur secundum terminum ad quem, quam secundum terminum a quo; et tamen hoc ipsa quod dicitur, contradictionem implicat, ut scilicet aliquid fiat quod sit in potentia tantum: quia quod factum est, oporteret esse cum est, ut probatur in VI Phys. Quod autem est tantum in potentia, non simpliciter est.

AD QUARTUM dicendum, quod hoc quod Scriptura dicit, *Terra erat inanis et vacua*, si accipitur de materia omnino informi, secundum Augustinum, non est intelligendum quod sic erat aliquando in actu, sed quia talis erat natura sua, si absque formis inhaerentibus consideretur.

AD QUINTUM dicendum, quod formatio spiritualis creaturae dupliciter potest intelligi: una per gratiae infusionem, et alia per glorie consummationem. Prima quidem formatio, secundum sententiam Augustini, statim creaturae spirituali affuit in sui creationis principio; et tunc per tenebras, a quibus lux distinguitur, non intelligitur peccatum malorum Angelorum; sed informitas natura, quae nondum erat formata, sed erat consequentibus operibus formanda, ut dicitur in I super Genes. ad litteram, vel, sicut dicitur quarto ejusdem libri, per diem signi-

ficatur Dei cognitio, per noctem vero cognitio creaturae, quae quidem tenebra est respectu divinae cognitionis (sicut in eodem lib. dicitur). Vel si per tenebras intelligamus Angelos peccantes, ista divisio non ad praesens peccatum refertur, sed ad futurum, quod erat in Dei praesentia: unde dicit in lib. ad Orosium (in dial. LXV QQ., quest. xxiv, a med.): *Quia ex Angelis quosdam per superbiam praecebat casuros; per incommutabilem praesentiae suae ordinem divisit inter bonos et malos, malos tenebras appellans, et bonos lucem.* Secunda vero formatio non pertinet ad principium institutionis rerum, sed magis ad rerum decursum, quo per divinam providentiam gubernantur. Hoc enim ultimum verum est, secundum Augustinum, de omnibus in quibus operatio naturae requiritur, quod in hac formatione necesse est provenisse: quia per motum liberi arbitrii aliqui sunt conversi ut starent; aliqui aversi ut caderent.

AD SEXTUM dicendum, quod mundus dicitur factus ex invisa materia, non quia informis materia tempore praecesserit, sed ordine naturae. Et similiter privato non fuit aliquo tempore in materia ante omnem formam, sed quia materia absque forma intellecta cum privatione etiam intelligitur.

AD SEPTIMUM dicendum, quod hoc est ex imperfectione naturae operantis per motum quod ex imperfecto ad perfectum procedit; motus enim est actus imperfecti. Sed Deus propter suae virtutis perfectionem potuit statim res perfectas in esse producere; et ideo non est simile.

AD OCTAVUM dicendum, quod verba Augustini non sunt intelligenda sic quod materia aliquo tempore fuerit in potentia ad formas elementares nullam earum habens; sed quia in sua essentia considerata, nullam formam actu includit, ad omnes in potentia existens.

ARTICULUS II. — *Utrum materiae formatio tota simul fuerit, an successiva.* (I part., quest. LXVII, LXVIII, LXIX, LXX, LXXI, LXXII; et II. dist. xiii, art. 2; et 490, 6.)

Secundo quaeritur, utrum materiae formatio tota simul fuerit, an successiva. Et videtur quod successiva. Dicitur enim Judith, IX, 4: *Tu fecisti priora, et illa post illa cogitasti.* Excogitatio autem Dei est ejus operatio, ut Damascenus dicit (lib. II, cap. III, circa fin.); unde et in praedicta auctoritate subditur: *Et hoc factum est quod ipse voluisti.* Ergo res quaedam ordine, et non simul, sunt factae.

2. Praeterea, plures partes temporis non possunt esse simul: quia totum tempus sub quadam successione agitur. Sed rerum formatio in diversis partibus temporis facta commemoratur Genes., I. Ergo videtur quod rerum formatio facta sit successive, et non tota simul.

Sed dicendum, quod per illos sex dies, secundum sententiam

aquae aliqua aptitudo inveniri. Cum enim in elementis continens sit formaliter contento, ut patet per Philosophum in VIII Physic., aqua intantum deficit a perfecta terrae continentia, in quantum et ipsa non perfecte formalis est, sicut ignis et aer, plus accedens ad terrenam spissitudinem quam ad igneam raritatem.

AD VICESIMUMPRIMUM dicendum, quod confusio quae in mundo inchoato praecessisse dicitur, non attenditur secundum aliquam mixtionem elementorum, sed per oppositum ad illam distinctionem quae nunc est in partibus mundi, competens viventium generationi et conservationi.

Et per hoc patet responsio AD VICESIMUMSECUNDUM et VICESIMUMTERTIUM.

Ad ea vero quae in contrarium obijciuntur, secundum opinionem Augustini consequenter respondendum est.

AD QUORUM PRIMUM dicendum est, quod Gregorius loquitur secundum opinionem quam prius sustinimus. Non tamen sic sunt intelligenda verba Gregorii, quod in prima rerum creatione sit omnium rerum materia facta absque omni specie formae, sed absque formis quibusdam, scilicet rerum viventium, et ordinis ad eorum generationem, sicut supra (in solut. 1 arg., et 13) est expositum.

AD SECUNDUM dicendum, quod appetitus formae non est aliqua actio materiae, sed quaedam habitudo materiae ad formam, secundum quod est in potentia ad ipsam, sicut Commentator exponit in I Phys. (cap. LXXXI).

AD TERTIUM dicendum, quod si Deus faceret ens in potentia tantum, minus faceret quam natura, quae facit ens in actu. Actionis enim perfectio magis attenditur secundum terminum ad quem, quam secundum terminum a quo; et tamen hoc ipsa quod dicitur, contradictionem implicat, ut scilicet aliquid fiat quod sit in potentia tantum: quia quod factum est, oporteret esse cum est, ut probatur in VI Phys. Quod autem est tantum in potentia, non simpliciter est.

AD QUARTUM dicendum, quod hoc quod Scriptura dicit, *Terra erat inanis et vacua*, si accipitur de materia omnino informi, secundum Augustinum, non est intelligendum quod sic erat aliquando in actu, sed quia talis erat natura sua, si absque formis inhaerentibus consideretur.

AD QUINTUM dicendum, quod formatio spiritalis creaturae dupliciter potest intelligi: una per gratiae infusionem, et alia per glorie consummationem. Prima quidem formatio, secundum sententiam Augustini, statim creaturae spiritali affuit in sui creationis principio; et tunc per tenebras, a quibus lux distinguitur, non intelligitur peccatum malorum Angelorum; sed informitas natura, quae nondum erat formata, sed erat consequentibus operibus formanda, ut dicitur in I super Genes. ad litteram, vel, sicut dicitur quarto ejusdem libri, per diem signi-

ficatur Dei cognitio, per noctem vero cognitio creaturae, quae quidem tenebra est respectu divinae cognitionis (sicut in eodem lib. dicitur). Vel si per tenebras intelligamus Angelos peccantes, ista divisio non ad praesens peccatum refertur, sed ad futurum, quod erat in Dei praesentia: unde dicit in lib. ad Orosium (in dial. LXV QQ., quest. xxiv, a med.): *Quia ex Angelis quosdam per superbiam praecebat casuros; per incommutabilem praesentiae suae ordinem divisit inter bonos et malos, malos tenebras appellans, et bonos lucem.* Secunda vero formatio non pertinet ad principium institutionis rerum, sed magis ad rerum decursum, quo per divinam providentiam gubernantur. Hoc enim ultimum verum est, secundum Augustinum, de omnibus in quibus operatio naturae requiritur, quod in hac formatione necesse est provenisse: quia per motum liberi arbitrii aliqui sunt conversi ut salarent; aliqui aversi ut caderent.

AD SEXTUM dicendum, quod mundus dicitur factus ex invisa materia, non quia informis materia tempore praecesserit, sed ordine naturae. Et similiter privato non fuit aliquo tempore in materia ante omnem formam, sed quia materia absque forma intellecta cum privatione etiam intelligitur.

AD SEPTIMUM dicendum, quod hoc est ex imperfectione naturae operantis per motum quod ex imperfecto ad perfectum procedit; motus enim est actus imperfecti. Sed Deus propter suae virtutis perfectionem potuit statim res perfectas in esse producere; et ideo non est simile.

AD OCTAVUM dicendum, quod verba Augustini non sunt intelligenda sic quod materia aliquo tempore fuerit in potentia ad formas elementares nullam earum habens; sed quia in sua essentia considerata, nullam formam actu includit, ad omnes in potentia existens.

ARTICULUS II. — *Utrum materiae formatio tota simul fuerit, an successiva.* (I part., quest. LXVII, LXVIII, LXIX, LXX, LXXI, LXXII; et II. dist. xiii, art. 2; et 490, 6.)

Secundo quaeritur, utrum materiae formatio tota simul fuerit, an successiva. Et videtur quod successiva. Dicitur enim Judith, IX, 4: *Tu fecisti priora, et illa post illa cogitasti.* Excogitatio autem Dei est ejus operatio, ut Damascenus dicit (lib. II, cap. III, circa fin.); unde et in praedicta auctoritate subditur: *Et hoc factum est quod ipse voluisti.* Ergo res quaedam ordine, et non simul, sunt factae.

2. Praeterea, plures partes temporis non possunt esse simul: quia totum tempus sub quadam successione agitur. Sed rerum formatio in diversis partibus temporis facta commemoratur Genes., I. Ergo videtur quod rerum formatio facta sit successive, et non tota simul.

Sed dicendum, quod per illos sex dies, secundum sententiam

Augustini (lib. II de Civ. Dei, cap. VII et IX), non intelligitur dies consueti nobis qui sunt temporis partes, sed secundum cognitionem angelicam sexies rebus cognoscendis presentatam, secundum rerum sex genera. — Sed contra, dies ex presentia lucis causatur; unde dicitur Genes., 1, quod Deus vocavit lucem diem. Sed lux non proprie in spiritualibus invenitur, sed solum metaphorice. Ergo nec dies proprie potest intelligi Angelorum cognitio. Non videtur ergo esse litteralis expositio, quod per diem Angelorum cognitio intelligatur. Probatio media. Nullum per se sensibile potest in spiritualibus proprie accipi: ea enim que sensibilibus et spiritualibus sunt communia, non sunt sensibilia nisi per accidens; sicuti substantia, potentia, virtus et huiusmodi. Lux autem est per se sensibilis visu. Ergo proprie non potest in spiritualibus accipi.

4. Præterea, cum Angelus dupliciter res cognoscat, scilicet in Verbo et in propria natura; oportet quod per alteram istarum cognitionum dies intelligatur. Non autem potest intelligi de cognitione qua cognoscit rem in Verbo, quia hæc cognitio est una tantum de omnibus; simul enim in Verbo cognoscit Angelus quæcumque cognoscit, et una cognitione, qua scilicet Verbum videt. Non ergo esset nisi una dies. Si autem intelligitur de cognitione qua cognoscit res in propria natura, sequitur quod sint multo plures quam sex dies, cum sint plura genera et species creaturarum. Non ergo videtur quod dierum senarius numerus ad cognitionem angelicam referri possit.

5. Præterea, Exod., xx, 9, dicitur; *Sex diebus operaberis, septimo autem die sabbatum Domini Dei tui est: non facies omne opus*; et postea subditur ratio: *Sex enim diebus fecit Deus cælum et terram, mare, et omnia que in eis sunt, et requievit in die septimo*. Sed lex ad litteram de diebus materialibus loquitur in quorum sex permittit operari, in septimo prohibet. Ergo et hoc quod dicitur de Dei operatione ad dies materiales referendum est.

6. Præterea, si per diem cognitio Angeli intelligitur; facere ergo aliquid in die non est aliud quam facere in angelica cognitione. Per hoc autem quod aliquid fit in angelica cognitione non sequitur quod in sua natura existat, sed solum quod ab Angelo cognoscatur. Ergo per hoc non ostenderetur rerum in propriis naturis institutio; quod est contra Scripturam.

7. Præterea, eiuslibet Angeli cognitio differt ab alterius cognitione. Si ergo per diem cognitio Angeli intelligitur, oportet tot dies ponere quot sunt Angeli et non solum sex ut Scriptura tradit.

8. Præterea, Augustinus, II super Genes. ad litteram, dicit (cap. VII et VIII), quod per hoc quod dicitur: *Dixit Deus, Fiat*, intelligitur quod res fiendæ præexisterunt in Verbo, per hoc quod dicitur: *Est ita factum* (1), intelligimus factam rei cogni-

(1) *Et sic est factum*.

tionem in creatura intellectuali; per hoc quod dicitur: *Fecit Deus*, intelligitur in suo genere fieri creaturam. Si ergo per diem cognitio Angeli intelligitur, postquam dixerat de aliquo opere: *Et factum est ita*, in quo cognitio angelica intelligitur, superflue adderetur: *Factum est vespere et mane dies unus vel dies secundus*.

9. Sed dicendum, quod hoc additur ad ostendendum duplicem modum cognitionis rerum in creatura spirituali. Unus est quo cognoscit res in Verbo; et secundum hoc dicitur mane, vel cognitio matutina; alius quo cognoscit res in propria natura; et secundum hoc dicitur vespere, vel cognitio vespertina. — Sed contra, licet Angelus posset simul plura considerare in Verbo, non tamen potest simul plura intelligere in propria natura, cum per diversas species diversa in suis naturis intelligat. Si ergo quilibet sex dierum non solum habet mane, sed etiam vespere; oportet in sex diebus aliquam successione[m] considerare; et sic rerum formatio non tota simul fuit facta.

10. Præterea, ab una potentia non possunt esse simul plures operationes, sicut nec una linea recta terminatur ex una parte nisi ad unum punctum; per operationem enim potentia terminatur. Sed considerare rem in Verbo et in propria natura, non est una operatio, sed plures. Ergo non simul est matutina et vespertina cognitio; et sic adhuc sequitur quod in illis sex diebus sit successio.

11. Præterea, sicut supra dictum est, art. præced. ad 5 arg., distinctio lucis a tenebris exponitur ab Augustino distinctio creaturæ formate, alia ab informitate materiæ que adhuc restabat formanda. Una ergo ex parte materiæ formata, altera adhuc remanebat formanda: non ergo tota materiæ est simul formata.

12. Præterea, cognitio matutina, secundum Augustinum, intelligitur cognitio Verbi in quo Angelus accepit cognitionem creaturæ fiendæ. Hoc autem non esset si creaturæ, quarum formatio diebus sequentibus deputatur, simul cum Angelo formate essent. Ergo non omnes res sunt simul creatæ.

13. Præterea, dies in spiritualibus dicuntur ad similitudinem sensibilibus dierum. Sed in sensibilibus diebus mane præcedit vespere. Ergo in istis non debet vespere præponi ad mane, cum dicitur: *Factum est vespere et mane dies unus*.

14. Præterea, inter vespere et mane est nox, et inter mane et vespere est meridies. Ergo sicut fecit Scriptura de vespere et mane mentionem, ita debuit facere de meridio.

15. Præterea, omnes dies sensibiles habent et vespere et mane. Hoc autem non invenitur in istis septem diebus; nam primus dies non habet mane, septimus non habet vespere. Ergo non convenienter dicuntur dies ad similitudinem horum dierum.

16. Sed dicendum quod ideo primus dies non habet mane, quia per mane intelligitur cognitio creaturæ fiendæ, quam

accepit Angelus in Verbo: ipsa autem spiritualis creatura sui ipsius fiendæ non potuit cognitionem in Verbo accipere antequam esset. — Sed contra, secundum hoc habetur quod Angelus aliquando fuit, et aliæ creature nondum erant factæ, sed fiendæ. Non ergo omnia sunt simul formata.

17. Præterea, creatura spiritualis non accepit rerum inferiorum cognitionem a rebus ipsis. Ergo non indiget rerum presentia ad hoc quod eas cognoscatur. Potuit ergo eas ut fiendas cognoscere in propria natura antequam fierent, et non solum in Verbo; et sic cognitio rei fiendæ videtur pertinere ad vespertinam cognitionem, sicut ad matutinam; et sic secundum rationem prædictam secundus dies nec mane nec vespere debuit habere.

18. Præterea, Angelo sunt prius nota ea quæ sunt priora simpliciter; quod enim ea quæ sunt posteriora, sint nobis prius nota, provenit ex hoc quod cognitionem a sensu accipimus. Sed rationes rerum in Verbo priores sunt simpliciter ipsis rebus. Ergo per prius cognoscit Angelus res in Verbo quam in propria natura; et sic mane debet præordinari ad vespere; cuius contrarium in Scriptura apparet.

19. Præterea, ea quæ non sunt unius rationis non possunt aliquod unum constituere. Sed cognitio rerum in Verbo et in propria natura est alterius et alterius rationis; cum medium cognoscendi sit omnino diversum. Ergo ex mane et vespere, secundum prædictam expositionem, non posset unus dies perfici.

20. Præterea, I ad Corinth., xiii, dicit Apostolus, quod in patria scientia destruetur; quod non potest intelligi nisi de scientia rerum in propriis naturis, quæ est vespertina. In patria autem erunt similes Angelis, ut dicitur Matth., xxii. Ergo in Angelis non est cognitio vespertina.

21. Præterea, cognitio rerum in verbo plus excedit cognitionem rerum in propriis naturis quam claritas solis excedat lumen candelæ. Sed lux solis offuscat lumen candelæ. Ergo multo magis matutina cognitio vespertinam.

22. Præterea, Augustinus (VII super Genes. ad litteram, cap. xxv et xxv) movet questionem, utrum anima Adæ cum Angelis facta fuerit extra corpus, an fuerit facta in corpore. Hæc autem questio frustra moveretur, si omnia simul fuissent formata; quia sic etiam corpus humanum simul fuisset formatum quando Angeli sunt facti. Ergo videtur quod non omnia fuerunt formata simul, etiam secundum sententiam Augustini.

23. Præterea, pars terræ de qua factum est corpus humanum, habuit aliquam formam secundum limitationem, quia de ea dicitur Genes. i, corpus hominis formatum. Nondum autem habebat formam humani corporis. Ergo non omnes formæ simul sunt inditæ materiæ.

24. Præterea, cognitio rerum in propria natura in Angelis

non potest intelligi nisi cognitio quæ est per species eis naturaliter inditas; non enim potest dici quod a rebus cognitæ species aliquas accipiant, cum careant sensuum instrumentis. Species autem illæ quæ sunt Angelis inditæ, a rebus corporalibus non dependent. Ergo antequam res essent, potuit eas Angelus etiam in propriis naturis cognoscere. Et ita per hoc quod Angelus dicitur res aliquas cognoscere in propria natura, non datur intelligi res illas in esse produci; et sic prædicta expositio videtur inconveniens.

25. Præterea, cognitio matutina, qua res Angelus in Verbo cognovit, oportet quod per aliquam speciem fuerit; cum omnis cognitio huiusmodi sit. Non autem potuit esse per aliquam speciem a Verbo fluxam, quia illa species creatura esset; et sic illa cognitio magis esset vespertina quam matutina; nam ad vespertinam cognitionem pertinet cognitio quæ fit per creaturam. Nec etiam (1) potest dici, quod prædicta cognitio fuerit per speciem quæ est ipsum Verbum, quia sic oportuisset quod Angelus ipsum Verbum videret, quod non fuit antequam Angelus esset beatus; Verbi enim visio beatos facit. Non autem in primo instanti suæ creationis Angeli beati fuerunt, sicut nec e contrario demones in primo instanti peccaverunt. Ergo, si per mane intelligatur cognitio rerum quam Angeli habuerunt in Verbo, oportet dicere, quod non omnia simul fuerunt facta.

26. Sed dicendum, quod Angelus in statu illo videbat Verbum, prout est ratio fiendorum, non autem prout est finis beatorum. Sed contra, quod Verbum dicitur finis et ratio, non differt nisi relatione quadam. Cognitio autem relationis Dei ad creaturam non facit beatos; cum talis relatio secundum rem magis se teneat ex parte creature; sed sola visio divine essentia beatos facit. Ergo quantum ad beatitudinem videntium, non differt utrum videatur ut finis beatitudinis, vel ut ratio.

27. Præterea, propheta etiam dicuntur in speculo eternitatis futura vidisse, secundum quod ipsi viderunt divinum speculum, prout est ratio fiendorum. Secundum hoc ergo non esset differentia inter cognitionem Angeli matutinam et cognitionem prophetae.

28. Præterea, Genes., iii, 5, dicitur, quod *Deus fecit omne virgultum agri antequam oriretur in terra, et omnem herbam* (2) *regionis priusquam germinaret*. Sed germinatio herbarum fuit in tertia die. Ergo aliqua fuerunt facta ante tertium diem; et ita non omnia facta sunt simul.

29. Præterea, ut in Psalmo cum dicitur, Deus omnia in sapientia fecit. Sed sapientis est ordinare, ut dicitur in principio Metaphys. (lib. I, cap. ii). Ergo videtur quod Deus non omnia simul fecerit, sed secundum ordinem temporis successive.

30. Sed dicendum, quod in rerum productione etsi non fuerit

(1) *Al. nec enim.* — (2) *Al. terram.*

servatus ordo temporis, fuit tamen servatus ordo naturæ. — Sed contra, secundum ordinem naturæ sol et luna et stellæ priores sunt plantis, cum manifeste sint causæ plantarum; et tamen posterius commemorantur facta luminaria cœli quam plantæ. Ergo non est observatus ordo naturæ.

31. Præterea, firmamentum cœli naturaliter est prius terra et aqua; tamen prius fit mentio in Scriptura de terra et aqua quam de firmamento, quod legitur secunda die factum.

32. Præterea, subjectum, naturaliter est prius accidente. Lux autem quoddam accidens est, ejus primum subjectum est firmamentum. Ergo non debuisset præmiti lucis productio factioni firmamenti.

33. Præterea, animalia gressibilia perfectiora sunt natatilibus et volatilibus; et præcipue propter similitudinem ad hominem; et tamen prius agitur de productione piscium et avium quam animalium terrestrium. Ergo non est servatus debitus ordo naturæ.

34. Præterea, pisces et aves non minus videntur differre secundum naturam ab invicem, quam a terrestribus animalibus; et tamen pisces et aves eodem die facta commemorantur. Ergo dies non sunt intelligendi secundum diversa rerum genera, sed magis secundum temporis successionem; et sic non omnia facta sunt simul.

1. Sed contra est quod habetur Genes., ii. 4: *Iste sunt generationes cœli et terræ, quando creata sunt, in die quo fecit Dominus Deus cœlum et terram, et omne virgultum agri. Virgultum autem agri factum legitur tertia die; cœlum autem et terra facta sunt prima die, vel etiam ante omnem diem. Ergo ea quæ sunt facta tertio die, sunt facta simul cum illis quæ sunt facta primo die, vel etiam ante omnem diem; et sic pari ratione omnia facta sunt simul.*

2. Præterea, Job, xl, 10, dicitur: *Ecce Behemoth, quem feci tecum.* Per Behemoth autem, secundum Gregorium (lib. XXXII Moral., cap. ix, in novis exem.), diabolus intelligitur qui factus est prima die, vel ante omnem diem; homo autem, ad quem Dominus loquitur, factus est sexta die. Ergo ea quæ sunt facta sexto die, sunt simul facta cum illis quæ facta sunt primo die; et sic idem quod prius.

3. Præterea, partes universi dependent ab invicem, et maxime inferiores a superioribus. Non ergo poterunt fieri quedam partes ante alias, et præcipue inferiores ante superiores.

4. Præterea, plus distat corporalis et spiritualis creatura quam corporales creaturæ ad invicem. Sed spiritualis et corporalis creatura, ut in alia questione est habitum, simul facte fuerunt. Ergo multo amplius omnes spirituales creaturæ.

5. Præterea, Deus propter suæ virtutis immensitatem subito

operatur. Opus ergo cujuslibet diei subito et in instanti est factum. Ergo pro nihilo poneretur quod Deus expectasset operari sequens opus usque in alium diem, ut sic toto die ab actione vacaret.

6. Præterea, si dies illi de quibus in rerum formatione fit mentio, dies materiales fuerunt, non videtur potuisse fieri ut totaliter nox a die distingueretur, et lux a tenebris. Nam si lux illa quæ legitur primo die facta, undique terram circumbat, nusquam tenebræ erant, quæ sunt ex umbra terræ oppositæ ad lumen, quod diem causat. Si autem lux illa suo motu terram circumbat, ut diem et noctem faceret; tunc semper ex una parte erat dies, et ex alia nox; et ita non totaliter erat nox a die distincta; quod est contra Genesis scripturam.

7. Præterea, distinctio diei et noctis fit per solem et alia cœli luminaria; unde dicitur in opere quartæ diei: *Fiant luminaria in firmamento cœli; et postea subditur: ut sint in signa, et tempora, et dies, et annos.* Ergo cum effectus causam non præcedat, non potest esse quod dies illi tres primi essent ejusdem rationis cum diebus qui nunc sole aguntur; et sic non oportet propter illos dies dicere quod omnia fuerunt facta successive.

8. Præterea, si erat aliqua alia lux quæ suo motu tunc faceret diem et noctem, oportebat quod esset aliquid aliam lucem deferens circulariter motum; ut undique terram successive illuminaret. Hoc autem deferens est firmamentum, quod legitur factum secunda die. Ergo ad minus prima dies non potuit esse ejusdem rationis cum diebus qui nunc aguntur; et eadem ratione nec cum aliis.

9. Præterea, si lux illa ad hoc facta fuit, ut faceret diem et noctem; nunc etiam per ejus motum dies et nox fieret; non enim convenienter posset dici, quod ad hoc tantum instituta esset, ut per illud triduum ante solis factionem hujusmodi officium exerceret, et postmodum esse desineret. Sed nunc non videmus aliqua alia luce fieri diem et noctem, nisi per lucem solis. Ergo nec etiam in illo triduo per aliquam corporalem lucem potest intelligi diem et noctem distincta fuisse.

10. Sed dicendum, quod ex illa luce formatum est postea corpus solis. — Sed contra, omne illud quod fit ex materia præjacente habet materiam talem in qua possibilis est formarum successio. Talis autem non est materia solis, nec alicujus celestium corporum, eo quod in eis non est sequi contrarietas, ut probatur in I Cœl. et num. (com. xx, et seq.). Ergo non potest esse quod ex illa luce postmodum formatum sit corpus solis.

Respondet dicendum, quod si ponatur quod informis materia rerum formationem tempore non præcessit, sed sola origine (quod necesse est dicere, si per materiam informem materia absque omni forma intelligatur), de necessitate sequitur quod

rerum formatio tota facta sit simul; non enim potest esse ut aliqua pars materiae informis omnino vel ad momentum sit. Et praeterea, quantum ad illam partem, jam materia rerum formationem tempore praecederet. Unde secundum ea quae in praecedenti quaest. (art. praec.) determinata sunt, secundum opinionem Augustini, haec secunda quaestio locum non habet; sed oportet omnino dicere, quod omnia sunt simul formata; nisi pro tanto quod restat exponere qualiter sex dies quos Scriptura commemorat, intelligantur. Quia si intelligerentur sicut isti dies qui nunc aguntur, esset praedictae opinioni contrarium, quia tunc oporteret successione quadam dierum, rerum formationem factam intelligere. Hos autem dies dupliciter exponit Augustinus. Nam in I super Genes. ad litteram (cap. xvii. circ. med.), dicit intelligi per distinctionem lucis a tenebris, distinctionem materiae formatae ab informi, quae restat formanda; non quidem tempore, sed naturae ordine. Ipsam vero ordinationem et formationis et informatis, secundum quod a Deo omnia ordinantur, dicit insinuari per diem et noctem; nam dies et nox dicuntur quaedam ordinationem lucis et tenebrarum. Per vespasram vero dicit intelligi consummati operis terminum. Per mane vero futuram operationis inchoationem, ut tamen futurum non accipitur secundum ordinem temporis, sed solum ordine naturae. In primo enim opere praecessit quasi quaedam significatio futuri operis fieri. Secundum hoc tamen oportet hos dies diversos intelligi, prout scilicet sunt diversae formationes, et per consequens informatas. Sed quia ex hoc sequitur quod etiam dies septimus sit alius a sex primis, si sex primi sunt alii ab invicem (ex quo videtur sequi quod vel Deus diem septimum non fecerit, vel quod aliquid fecerit post septem dies in quibus opera perfecti), ideo consequenter ponit quod per omnes illos septem dies unus dies intelligatur, ipsa scilicet Angelorum cognitio, et numerus ille ad rerum cognitarum distinctionem perlineat magis quam ad distinctionem dierum; ut videlicet per sex dies intelligatur cognitio Angelorum relata ad sex rerum genera divinitus producta, unus vero dies sit ipsa cognitio Angelorum relata ad quietem artificis, prout in seipso a rebus conditis (1) requievit; et tunc per *vespere* intelligitur cognitio rei in propria natura, per *mane* vero cognitio in Verbo (2).

Secundum vero alios Sanctos per istos dies et temporalis ordo, et productionis rerum successio ostenditur. Secundum enim ipsos, in operibus sex dierum non solum ordo naturae, sed etiam ordo temporis et durationis attenditur; ponunt enim, quod sicut informatas materiae tempore praecessit formationem, ita etiam una formatio aliam formationem temporis duratione praecessit. Sed

(1) Al. cognita. — (2) Quae sequuntur usque ad finem articuli, addita fuerunt a F. Vincentio a Castro novo, animadvertentur Curatores editionis Romanae ex. 1570.

sicut in praecedenti quaest. (art. praec.) dictum est, informatas materiae secundum eos accipitur non secundum carentiam et exclusionem omnis formae; quia iam erat coelum et aqua et terra, per quae intelliguntur corpora caelestia; et substantiae spirituales, et quatuor elementa sub propriis formis substantiis; sed intelligunt informatam materiae, secundum quod dicit solum carentiam et exclusionem debite distinctionis et consummatae cujusdam pulchritudinis; quia non habebat illam formositatem et decorem qui nunc in creatura corporea apparet. Et quantum ex littera Genesis accipi potest, triplex formositas deerat corporali natura, propter quod dicebatur informis. Deerat enim a caelo et a toto corpore diaphano decor et pulchritudo lucis, quae (1) designatur per tenebras. Deerat autem elemento aquae debitus ordo, et debita distinctio ab elemento terrae; et haec informatas designatur nomine abyssus, quia hoc nomen significat quaedam immensitatem inordinatam aquarum, ut Augustinus dicit (contra Faustum lib. XXII, cap. xi). Terrae vero deerat duplex pulchritudo. Una quam habet ex hoc quod est aquis discooperata; et haec informatas designatur per hoc quod dicitur: *Terra autem erat inanis sive invisibilis*; quia corporali aspectui patere non poterat propter aquas undique eam cooperientes. Alia vero quam habet ex hoc quod est ornata plantis; et hoc tangitur per hoc quod dicitur quod erat *vacua sive incomposita*, id est non ornata. Et sic ante opus distinctionis Scriptura tangit multiplicem distinctionem praefuisse in ipsis elementis mundi a principio suae creationis. Primo tangit distinctionem coeli et terrae secundum quod per coelum intelligitur totum corpus diaphanum, sub quo comprehenditur ignis et aer propter diaphaneitatem, in qua conveniunt cum coelo. Secundo tangit distinctionem elementorum quantum ad suas formas substantiales per hoc quod nominat aquam et terram, quae sunt magis sensui apparentia; per quae dat intelligere etiam alia duo minus sensui apparentia. Tertio tangit distinctionem secundum situm; quia terra erat sub aquis, quibus invisibilis reddebatur; aer vero, qui est subjectum tenebrarum, significatur fuisse supra aquas per hoc quod dicitur: *Tenebrae*, id est aer tenebrosus, *erat super faciem abyssus*. Sic ergo formatio primi corporis, quod est coelum, facta est primo die per productionem lucis, per quam proprietates levitatis collata est soli et corporibus caelestibus, quae secundum suas formas substantiales praecesserant, per quam informatas tenebrarum remota est. Et per huiusmodi formationem facta est distinctio motus et temporis, scilicet noctis et diei; tempus enim sequitur motum supremi coeli. Unde distinxit lucem a tenebris; quia causa luminis erat in substantia solis, et causa tenebrarum erat in opacitate terrae; et in uno hemispherio erat lux, et in alio tenebrae; et in eodem hemi-

(1) Supple informatas.

sphærio in una parte temporis erat lumen, et in alia tenebræ; et hoc est quod dicit: *Lucem appellavit diem, et tenebras noctem.* Secunda vero die formatum et distinctum est medium corpus, scilicet aqua, per firmamenti formationem, accipiens quandam distinctionem et ordinem, ita quod sub nomine aqua omnia corpora diaphana intelligantur; et ita firmamentum, id est cœlum sidereum, secunda die productum, non secundum substantiam, sed secundum aliquam accidentalem perfectionem, dividit aquas que sunt supra firmamentum, id est cœlum totum diaphanum et absque stellis, quod dicitur aqueum, sive crystallinum; de quo philosophi dicunt ipsum esse nonam spheram, et primum mobile, quod revolvit totum cœlum motu diurno, ut operetur suo motu continuitatem generationis; sicut cœlum in quo sunt sidera, per motum, qui est secundum zodiacum, operatur diversitatem generationis et corruptionis per accessum et recessum ad nos, per diversas virtutes stellarum; per firmamentum, inquam, divisum est cœlum crystallinum, quod est supra firmamentum, ab aquis, id est ab aliis corporibus diaphanis corruptibilibus, que sunt infra firmamentum; et ita corpora diaphana inferiora nomine aquarum designata, acceperunt per firmamentum quandam ordinem, et debitam distinctionem. Tertia vero die formatum est ultimum corpus, scilicet terra, per hoc quod discooperata est aquis, et facta est distinctio in infimo maris et aridæ. Unde satis congrue, sicut informitatem terræ expresserat dicens, quod *terra erat invisibilis vel inanis*; ita ejus formationem exprimit per hoc quod dicit: *Appareat et arida. Congregateque sunt aquæ in unum locum* seorsum a terra sicca; et *congregationes aquarum appellavit maria, et siccam appellavit terram*; quam (quia prius erat informis et vacua) decoravit plantis et herbis. Quarto vero die fuit prima pars creaturæ corporalis ornata, que prima die fuerat distincta, scilicet cœlum per productionem luminarium: que quidem secundum substantiam suam fuerunt a principio creata; sed prius eorum substantia erat informis, sed nunc quarto die formatur, non quidem forma substantiali, sed per collationem determinate virtutis, secundum quod attributa est luminaribus determinata virtus ad determinatos effectus, secundum quod videmus alios effectus habere radium solis, et alios radium lune et stellarum. Et propter hanc determinationem virtutis dicit Dionysius (iv cap. de div. Nom.), quod lumen solis quod prius erat informe, quarta die formatum est. Non autem fuit facta mentio de ipsis luminaribus a principio, ut dicit Chrysostomus, sed solum quarta die; ut per hoc Scriptura removeret populum ab idololatria, ostendens luminaria non esse deos, ex quo nec a principio fuerunt. Quinta vero die, secunda pars corporalis naturæ que secunda die fuit distincta, ornatur per productionem avium et piscium; et ideo in hac quinta die facit Scriptura mentionem

de aquis et de firmamento cœli, ut designet quod quinta dies respondet secunde, in qua de aquis et firmamento fit mentio. In hoc ergo die per verbum Dei ex materia elementari prius creata, fuerunt aves et pisces in actu et in propria natura producti ad ornatum aeris et aquæ; in quibus apta nata sunt motu animali convenienter moveri. In sexto vero die ornatur tertia pars et ultimum corpus, videlicet terra, per productionem animalium terrestrium, que apta nata sunt moveri in terra motu animali. Unde sicut in opere creationis designantur tres partes creaturæ corporalis: prima videlicet, que significatur nomine cœli; media que significatur nomine aquæ; et infima, que significatur nomine terræ; et prima pars, videlicet cœlum, distinguitur prima die, et quarta die ornatur; media vero pars, videlicet aqua, distinguitur secunda die, et quinta ornatur, ut dictum est; ita conveniens fuit quod infima pars, videlicet terra, que tertia die distincta est, hac sexta die per productionem animalium terrestrium in actu, et secundum species proprias ornaretur. Ex quibus patet quod in expositione operum sex dierum diversificatur Augustinus ab aliis Sanctis. Primo, quia Augustinus per terram et aquam prius opere creationis creatam, intelligit materiam primam totaliter informem; per productionem autem firmamenti et congregationem aquarum et appositionem aridæ, intelligit impressionem formarum substantialium in materiam corporalem. Alii vero Sancti per terram et aquam primo creatas intelligunt ipsa elementa mundi sub propriis formis existentia; per sequentia vero opera aliquam distinctionem in corporibus prius existentibus per aliquas virtutes et proprietates accidentales eis collatas, ut supra dictum est. Secundo differunt quantum ad productionem plantarum et animalium; quia alii Sancti ponunt ea in opere sex dierum esse producta in actu, ut in propria natura. Augustinus autem ponit ea producta esse potentialiter tantum. In hoc autem que Augustinus ponit (iv super Genes., cap. xxxiv), omnia opera sex dierum esse simul facta, non videtur diversificari ab aliis quantum ad modum productionis rerum. Primo, quia secundum utrosque in prima rerum productione materia erat sub formis substantialibus elementorum; ita quod materia prima non processit duratione formas substantiales elementorum mundi. Secundo, quia secundum utrumque opinionem in prima rerum institutione per opus creationis non fuerunt plantæ et animalia in actu sed tantum in potentia, ut ex ipsis elementis per virtutem verbi possent produci. Sed remanet adhuc differentia inter eos quantum ad quartum: quia secundum alios Sanctos, post primam productionem creaturæ, qua producta sunt elementa mundi et corpora celestia secundum suas formas substantiales, fuit aliquod tempus in quo non erat lux; item in quo non erat firmamentum formatum, et corpus diaphanum ordinatum et distinctum: item quo non erant luminaria cœli



formata, quod est quartum, quæ non oportet ponere secundum expositionem Augustini (loc. cit.) qui posuit omnia prædicta simul eodem instanti temporis fuisse formata. Quod autem opera (1) sex dierum, secundum alios Sanctos, non fuerint simul, sed successive producta, non fuit ex defectu potentia Creatoris, qui simul potuisset omnia producere; sed ut ordo divina sapientiæ in rerum institutione demonstraretur, qui res ex nihilo in esse producens non statim post nihilum in ultima perfectione naturæ eas instituit, sed primo fecit eas in quodam esse imperfecto, et postea eas ad perfectum adduxit, ut sic gradatim ex nihilo ad ultimam perfectionem mundus perveniret; et sic diversis gradibus perfectionis diversi dies deservirent; ut sic et eorum esse ostenderetur a Deo procedere, contra illos qui ponunt materiam increatam, et nihilominus perfectionis rerum ipse Deus auctor appareret, contra illos qui rerum inferiorum formationem causis aliis adscribunt. Harum igitur expositionum prima, scilicet Augustini, est subtilior, magis ab irrisione infidelium Scripturam defendens; secunda vero, scilicet aliorum Sanctorum, est planior, et magis veris litteræ quantum ad superficiem consona. Quia tamen neutra earum a veritate fidei discordat, et utrumque sensum circumstantia litteræ patitur; ideo, ut neutri harum expositionum præjudicetur, utramque opinionem sustententes utriusque rationibus respondendum est.

Ad primum igitur dicendum, quod in productione divinorum operum ordo naturæ et originis, non autem durationis, servatus est. Nam prius natura et ordine producta est natura spiritalis et corporalis informis, et postea formata est. Et licet simul tempore utraque natura sit formata; quia tamen natura spiritalis est corporali naturæ dignior, ideo ejus formatio naturæ corporalis formationem ordine naturæ debuit precedere. Rursus, quia natura corporalis incorruptibilis dignior est natura corruptibili, debuit et ipsa ordine naturæ prius formari. Et ita, prima die designatur formatio naturæ spiritalis, per productionem lucis; quia mens spiritalis creaturæ illuminata est per conversionem ad Verbum; secunda vero die designatur formatio naturæ corporalis celestis et incorruptibilis per productionem firmamenti, per quod intelligimus omnia corpora celestia fuisse producta, et secundum suas formas distincta; tertia autem die designatur formatio naturæ corporalis quatuor elementorum per congregationem aquarum et apparitionem ardæ; quarta vero die designatur ornatu cœli per productionem luminarium, qui ordine naturæ debet precedere ornatu aque et terre; qui factus est in subsequenti diebus. Et sic divina opera quodam ordine, scilicet naturæ et non durationis, sunt facta.

Ad secundum dicendum, quod formatio rerum non est facta

(1) *Al.* tempora.

successive, nec in diversis partibus temporis; sed omnes illi sex dies, in quibus Dei opera facta leguntur, sunt unus dies sex rerum distinctionibus, secundum quas numeratur, presentatus; sicut etiam unum est Verbum quo omnia facta sunt, scilicet Dei Filius, quamvis frequenter legatur: *Dixit Deus*. Et sicut illa opera salvantur in sequentibus, quæ ex eis propagantur operatione naturæ, ita etiam illi sex dies manent in tota successione temporis. Et hoc sic declaratur. Nam ipsa natura angelica intellectualis est, et lux proprie dicitur; ideo oportet quod ejus illustratio dies dicatur. Accipit autem angelica natura in principio conditionis rerum, earum cognitionem; et sic quodammodo lucem intellectus ejus rebus creatis presentabatur, in quantum a luce mentis ejus cognoscebantur, unde ipsa cognitio rerum presentationem lucis mentis angelicæ super res cognitias importans dies dicitur; et secundum diversa genera cognitorum et eorum ordinem distinguuntur dies et ordinantur, ut prima dies sit cognitio primi divini operis secundum formationem spiritalis creaturæ, per conversionem ad Verbum; secunda dies cognitio secundi operis secundum quod creatura corporalis superior formata est per productionem firmamenti; tertia dies sit cognitio terti operis secundum formationem creaturæ corporalis quantum ad inferiorem partem, scilicet terre, aque, et aeris vicini; quarta dies cognitio quarti operis secundum quod superior pars, scilicet firmamentum, est per productionem luminarium ornatu; quinta dies cognitio quinti divini operis, secundum quod aer et aqua per productionem avium et piscium sunt ornata; sexta dies sit cognitio sexti operis divini, secundum quod terra est per productionem animalium terrestrium ornata; septima vero dies est ipsa cognitio Angelæ, relata ad quietem artificis quæ in seipso quærit a novis operibus condendis. Cum autem Deus lux sit plena, et in eo tenebræ non sint ullæ, cognitio ipsius Dei in se est plena lux; sed quia creatura ex hoc quod est ex nihilo habet in se tenebras possibilitatis et imperfectionis, ideo oportet quod cognitio quæ creaturæ cognoscitur, sit tenebris admixta. Potest autem cognosci dupliciter: vel in Verbo secundum quod exit ab arte divina; et sic ejus cognitio dicitur matutina; quia sicut mane est finis tenebrarum et principium lucis, ita creatura a luce Verbi, postquam prius non fuerat, principium lucis sumit (1); cognoscitur etiam prout est in natura propria existens; et talis cognitio dicitur vespertina propter hoc quod sicut vespere est terminus lucis et tendit in noctem, ita et creatura in se subsistens est terminus operationis lucis divini Verbi, utpote facta per Verbum, et de se in tenebras defectus tendens, nisi Verbo portaretur. Et ideo talis cognitio per matutinam et vespertinam distincta dies dicitur: quia sicut per comparisonem ad cognitionem Verbi est tenebrosa, ita per

(1) *Al.* emittit.

comparationem ad ignorantiam quæ modo tenebra est, lux dicitur: et sic attenditur quædam circulatio inter mane et vespere, secundum quod Angelus seipsum cognoscens in propria natura hanc cognitionem retulit ad laudem Verbi sicut ad finem, in quo sequentis operis cognitionem sumpsit sicut in principio. Et sicut hujusmodi mane est finis diei præcedentis, ita est et principium diei sequentis: dies enim est pars temporis et effectus lucis. Distinctio autem primorum dierum non sumitur secundum distinctionem temporis, sed ex parte spiritualis lucis secundum quod diversa et distincta genera rerum per lucem mentis angelicæ cognoscuntur.

Ad tertium negatur, quod lux proprie non sit in spiritualibus. Nam Augustinus (in IV. super Genes. ad lit., cap. XXIV, a medio) dicit, quod in spiritualibus melior et certior est lux; et quod Christus non sic dicitur lux quotiæodo lapis; sed illud proprie est, hoc autem figurative. Nam *omne quod manifestatur, lumen est*, ut dicitur Ephes. v. 13. Sed manifestatio magis proprie est in spiritualibus quam in corporalibus; unde Dionysius in IV. cap. de divin. Nom., ponit lumen inter intelligibilia nomina Dei; nomina autem intelligibilia proprie dicuntur in spiritualibus. Et quando probatur oppositum, dicitur quod nomen lucis primo fuit impositum ad significandum id quod facit manifestationem in sensu visus; et hoc modo lux est qualitas per se sensibilis, nec dicitur proprie in spiritualibus: secundo ex communi usu extensum est ad significandum omne illud quod facit manifestationem secundum quamcumque cognitionem, et sic est in communi usu loquentium; et hoc modo lux magis proprie dicitur in spiritualibus.

Ad quartum dicendum, quod dies illi distinguuntur non penes successionem cognitionis, sed secundum naturalem ordinem rerum cognitarum, ut supra dictum est; unde Augustinus vult (lib. XI de Civit. Dei, cap. VII et IX) quod isti septem dies sint unus dies septemplexiter rebus præsentatus. Et ideo ordo dierum referendus est ad naturalem ordinem operum, quæ diebus attribuantur secundum quod lumine mentis angelicæ simul in Verbo cognoscuntur.

Ad quintum dicendum, quod per sex dies, in quibus dicitur Deus creasse cælum et terram, mare et omnia quæ in eis sunt, intelligitur non aliqua temporalis successio, sed cognitio angelica relata ad sex genera rerum divinitus producta; septima vero dies est ipsa cognitio Angelus ad quietem artificis relata: dicitur enim, secundum Augustinum (lib. IV super Genes., cap. XV), Deus septima die quiescere, in quantum quietem propriam, qua in seipso a rebus conditis quiescit, et beatus existit creaturis non indigens, sed sibi ipsi per se sufficiens, menti angelicæ monstravit, cuius cognitionem diem appellat. Et dicitur ab opere die septima cessasse, quia postea nihil novum fecit, quod aliquo

modo in operibus sex dierum non præcesserit vel materialiter vel causaliter, vel secundum aliquam similitudinem speciei vel generis. Et quia post omnia opera condita Deus septima die in seipso quievit, propter hoc Scriptura et lex præcepit septimam diem sanctificari. Nam sanctificatio cuiuslibet rei in hoc maxime consistit quod in Deo requiescit; unde res Deo dedicate (ut tabernaculum, vasa, ministri) sanctæ dicuntur. Dies autem septimus est ad Dei cultum dedicatus, ideo sanctificatus dicitur; ut scilicet sicut Deus, qui sex genera rerum condidit et menti angelicæ monstravit, non in ipsis rebus conditis quasi in fine quievit, sed a rebus conditis in seipso, in quo sua beatitudo consistit, permansit (cum non sit beatus ex eo quod res fecerit, sed ex hoc quod in seipso sufficientiam habens rebus factis non indiget); ita etiam et nos non in ejus operibus aut nostris discamus, sicut in fine quiescere, sed ab operibus in ipso Deo, in quo nostra beatitudo consistit, quiescamus: propter hoc enim institutum est ut homo sex diebus laborans in operibus propriis, septima die quiesceret, cultui divino et quieti divinæ contemplationis vacans, in qua sanctificatio hominis maxime consistit. Novitas etiam mundi maxime demonstrat Deum esse, et creaturis non indigere: et ideo statutum est in lege ut septima die quiescerent et festum ducerent, in qua mundus consummatus est, ut per novitatem mundi simul producti, et per sex genera rerum distincta homo semper in Dei cognitione maneret, et de tam utili et præcipuo creationis beneficio. Deo gratias exhiberet, et in ipso tamquam in fine quietem suam mentis poneret in presenti per gratiam, et in futuro per gloriam.

Ad sextum dicendum, quod quodlibet opus novum a Deo productum ad cognitionem angelicam relatum dicitur dies: et quia fuerunt solum sex genera rerum a Deo primitus producta, et a mente angelica cognita, ut supra dictum est, propter hoc sunt sex dies; quibus additur dies septima, videlicet ipsa cognitio Angelus ad quietem Dei in seipso relata. Nihil enim Deus produxit in rerum natura, cuius cognitionem ordinem naturæ non prius impresserit in mente angelicæ.

Ad septimum dicendum, quod solutio patet ex prædictis: quia dies illi non distinguuntur secundum distinctionem angelicæ cognitionis, sed penes distinctionem primorum operum ad cognitionem angelicam relatarum; et ita distinctio operum, et non distinctio cognitionum, facit distinctionem primorum dierum; et ita illi sex dies distinguuntur secundum quod lumen mentis angelicæ sex rerum generibus cognoscendis applicatur.

Ad octavum dicendum, quod secundum Augustinum per illa tria significatur triplex esse rerum. Primo quidem esse rerum in Verbo; nam res prius habent esse in arte divina, quod est Verbum, quam in seipsis; et hoc significatur cum dicitur: *Dixit autem Deus, fiat*; id est, Verbum genuit, in quo res erat ut fieret.

Secundo esse rerum in mente angelica; quia nihil Deus produxit in rerum natura ejus naturam non impresserit in mente angelica; et hoc significatur cum dicitur, *factum est*, scilicet per influentiam Verbi in mente angelica. Tertio esse rerum in propria natura; et hoc significatur per hoc quod dicitur, *fecit*. Sicut enim ratio qua creatura conditur, prius est in Verbo quam in ipsa creatura que conditur; ita et cognitio ejusdem rationis prius est ordine naturae in mente angelica quam sit ipsa creatura producta; et sic Angelus triplicem cognitionem habet de rebus, videlicet prout sunt in Verbo, prout sunt in mente ejus, et prout sunt in propria natura; prima vocatur cognitio matutina, aliae duae sub vespertina cognitione comprehenduntur. Et ad ostendendum hunc duplicem modum cognitionis rerum in creatura spirituali, dicitur: *Factum est vespere et mane dies unus*. Per hos ergo sex dies in quibus legitur Deus cuncta fecisse, intelligit Augustinus (lib. XI de Civit. Dei, cap. IX), non hos usitatos dies qui solis cursu peraguntur, cum sol quarto die factus esse legatur; sed unam diem, idest cognitionem angelicam sex rerum generibus presentatam. Unde sicut presentatio lucis corporalis super haec inferiora, diem facit temporalem; ita presentatio lucis spiritualis intellectus angelici supra res creatas, diem facit spiritalem; ut secundum hoc isti sex dies distinguantur, secundum quod tamen intellectus angelici sex rerum generibus cognoscendis applicatur; ut prima dies sit cognitio primi divini operis, secunda dies cognitio secundi operis; et sic de aliis. Et sic distinguuntur illi sex dies non secundum ordinem temporis aut successionis rerum, sed secundum ordinem naturalem rerum cognitarum, prout unum opus cognitum est prius altero, ordine naturae. Et sicut in die naturali et materiali, mane est principium diei, et vespere est finis et terminus; ita cognitio uniuscujusque operis, secundum suum esse primordiale, prout videlicet habet esse in Verbo, dicitur matutina; cognitio autem ejus secundum esse ultimum, prout subsistit in propria natura, dicitur vespertina. Nam principium esse cujuslibet rei est in sua causa a qua fluit; terminus autem ipsius est in ipsa re in qua recipitur, et ad quam actio causae terminatur; unde primitiva alicujus cognitio est secundum quod res in sua causa a qua fluit, consideratur; ultima autem rei cognitio est secundum quod in seipsa consideratur. Cum ergo a Verbo aeterno fiat esse rerum sicut a quodam primordiali principio, et hic effluxus terminetur ad esse rerum quod habent in propria natura; sequitur quod cognitio rerum in Verbo, quae ad esse primitivum et primordiale earum pertinet, dici debeat matutina, per similitudinem ad mane quod est principium diei; cognitio vero rei in propria natura, quae perfinet ad esse ejus ultimum et terminatum, dici debet vespertina, quia vespere est terminus diei. Unde sicut sex genera rerum ad

cognitionem angelicam relata distinguuntur dies; ita unitas rei cognite, quae diversis cognitionibus cognosci potest, unitatem diei constituit, et diem per vespere et mane distinguit.

Ad sextum dicendum, quod Angelus non potest in propria natura plura intelligere primo et principaliter; sed bene potest intelligere plura ex consequenti, ut habent ordinem ad unam intelligibile. Et quia omnia quae sunt producta in propria natura, prius ordine naturae secundum suas similitudines fuerunt menti angelicae impressa, Angelus cognoscendo se, simul quodammodo cognoscit illa sex genera rerum quae inter se naturalem habent ordinem; nam cognoscendo se, cognoscit omnia quae habent esse in ipso.

Ad septimum dicendum, quod duae operationes possunt simul esse unius potentiae, quarum una ad aliam refertur et ordinatur; et patet quod voluntas simul vult finem et ea quae sunt ad finem; et intellectus simul intelligit principia et conclusiones per principia, quando tamen scientiam acquisivit. Cognitio autem vespertina in Angelis refertur ad matutinam, ut Augustinus dicit (in dial. LXV, QQ., quaest. xxxv, et lib. II super Genes., cap. III et VIII), sicut cognitio et dilectio naturalis ordinatur ad cognitionem et dilectionem gloriae. Unde nihil prohibet in Angelo simul esse cognitionem matutinam et vespertinam, sicut simul est cognitio naturalis et cognitio gloriae. Duae enim operationes unius potentiae, quae procedunt a duabus speciebus ejusdem generis, quarum una non habet ordinem ad aliam (quales sunt omnes species creatae intellectui inhaerentes), non possunt esse simul; unde Angelus non potest simul per diversas species concreatas, diversas intellectiones producere. Sed si illae duae operationes procedant a formis diversorum generum et diversarum rationum, et quarum una ordinatur ad aliam (quales sunt forma increata subsistens, et forma creatae inhaerens), poterunt esse simul. Et quia cognitio qua videt Angelus res in propria natura, quae dicitur vespertina, fit per speciem intelligibilem creatam et inhaerentem; cognitio vero qua videt res in Verbo, quae dicitur matutina, fit per essentiam Verbi, quae non est inhaerens; quae sunt alterius generis et alterius rationis, et una ordinatur ad alteram; utraque cognitio poterit esse simul. Nam species concreata inhaerens intellectui non repugnat unioni intellectus ad essentiam Verbi, quae non actum intellectum quantum ad esse, sed solum quantum ad intelligere; cum non sit unius rationis, sed altioris ordinis; et ipsa species inhaerens, et quicquid perfectionis est in intellectu creato, est quasi materialis dispositio ad illam unionem et visionem beatam qua videtur res in Verbo; ideo sicut dispositio ad aliquam formam et forma illa possunt esse simul in actu perfecto, ita species intelligibilis inhaerens stat simul in actu perfecto cum unione ad essentiam Verbi; unde simul ex intellectu Angeli beati procedit

duplex operatio; una, ratione unionis ad essentiam Verbi, qua videt res in Verbo, quae dicitur cognitio matutina; et alia, ratione speciei sibi inherens, quae videt res in propria natura, quae dicitur cognitio vespertina. Nec una harum actionum debilitatur seu attenuatur per attentionem ad alteram; sed magis confortatur, cum una earum sit ratio alterius; sicut imaginatio rei visae confortatur cum actu ostenditur oculo exteriori. Actio enim qua beati vident Verbum, et res in Verbo, est ratio cuiuslibet in ois inventa. Duae autem actiones quarum una est ratio alterius, vel ordinatur ad alteram, possunt esse simul unius potentiae. Et tunc una potentia secundum diversas species ad invicem ordinatas, terminatur ad diversos actus, non secundum idem, sed secundum diversa. Species enim diversorum generum et ordinum, sive diversarum rationum, possunt simul uniri secundum actum perfectum; ut patet de colore et odore et sapore in pomis. Essentia autem divina, qua intellectus angelicus videt res in Verbo (cum sit increata et per se subsistens) et essentia Angeli, qua semper videt se et res secundum quod habent esse in ipso (cum sit creata et per se subsistens per esse receptum quo subsistit intellectus ejus) et species infusa, vel concreta, qua videt res in propria natura (cum sit inherens intellectui) dicuntur esse diversorum ordinum et generum, et diversarum rationum; ita ut prima sit quasi ratio aliarum, et secunda quasi ratio tertiae; ideo poterit simul intellectus angelicus, secundum illas tres formas, tres operationes habere; sicut et anima Christi simul intelligit res per species Verbi et per species infusas et per species acquisitas.

Ad primum dicendum, quod sicut secundum Augustinum (ad Orosium, quest. xxi), informatas materiam praecessit formationem, non tempore, sed ordine, sicut sonus et vox praecedit cantum; ita formatio naturae spiritualis, quae designatur in productione lucis, cum sit dignior quam corporalis, praecessit formationem creaturae corporalis, ordine naturae et origine, et non ordine temporis. Formatio enim spiritualis naturae est per hoc quod illuminatur ut adhareat verbo, non quidem per gloriam perfectam cum qua creata non fuit, sed per gratiam perfectam cum qua creata fuit. Per hanc ergo lucem facta est distinctio tenebris, id est ab informatas creaturae corporalis, nondum formatae, sed ordine naturae posterioris formatae. Formatio enim spiritualis creaturae dupliciter potest intelligi; uno modo per gratiae infusionem; alio modo per gloriae conservationem. Prima, secundum Augustinum, statim creaturae spirituali affuit in sui creationis principio; et tunc per tenebras, a quibus lux distinguitur, non intelligitur peccatum malorum angelorum, sed informatas natura, quae nondum erat formata, sed erat ordine naturae in consequentibus operibus formanda, ut dicitur in I super Genes. ad litteram (cap. v. vi et vii). Vel

sicut dicitur in IV libro super Genes. (cap. xxii et xxiii), per diem significatur Dei cognitio, per noctem cognitio creaturae; quae quidem est tenebra respectu divinae cognitionis, sicut in eodem libro dicitur. Vel si per tenebras intelligamus angelos peccantes, ista divisio non ad praesens peccatum refertur, sed ad futurum, quod erat in Dei praesentia. Unde in lib. ad Orosium (quest. xxiv, a med.) dicit: *Quia Deus ex Angelis quosdam per superbiam praesciebat casuros, per incommutabilem praescientiae suae ordinem dividit inter bonos et malos; malos tenebras appellans, et bonos lucem.* Secunda vero formatio naturae spiritualis non pertinet ad principium institutionis rerum, sed magis ad rerum decursum, quo per divinam providentiam gubernantur. Distinctio ergo lucis et tenebrarum, secundum quod per tenebras peccata demonum intelligitur, accipienda est secundum Dei praesentiam. Unde dicit Augustinus in XI de Civit. Dei (cap. xix, in med.), quod solus lucem a tenebris discernere potuit qui potuit priusquam caderent praescire casuros. Secundum vero quod per tenebras intelligitur informatas naturae corporalis formandae, designatur ordo, non temporis, sed naturae inter formationem utriusque naturae.

Ad primum dicendum, quod posito quod omnia simul sint creata in forma et materia, Angelus dicitur habuisse cognitionem creaturae corporalis flenda, non quia creatura corporalis esset tempore futura, sed quia cognoscatur ab futuro prout considerabatur in sua causa, in qua erat ut ex ea posset procedere; sicut qui cognoscit arcam in artificis ex quibus fit, potest dici cognoscere eam ut futuram. Cognitio enim rerum in Verbo vocatur matutina, sive res sit jam facta, sive flenda; et indifferenter se habet ad praesentia et futura; quia est conformis divinae cognitioni qua cognoscit omnia simpliciter antequam fiant, sicut postquam facta sunt. Et tamen omnis cognitio rei in Verbo, est rei ut flenda; sive sit res jam facta, sive non, ut ly flendum non dicat tempus, sed exitum creaturae a Creatore; sicut est cognitio artificum in arte, quae est ejus secundum summi fieri; quamvis etiam ipsum artificatum jam sit factum. Unde quamvis creatura corporalis simul sit facta cum natura spirituali, dicitur tamen Angelus accepisse in Verbo cognitionem ipsius ut flenda, ratione jam dicta.

Ad primum dicendum, quod sicut mane praecedit vespere, ita cognitio matutina praecedit vespertina ordine naturae, non respectu unius et ejusdem operis, sed respectu diversorum operum; sed vespertina cognitio prioris operis, intelligitur esse prior ordine naturae, cognitione matutina posterioris. Opus enim prime diei est productio lucis, per quam intelligitur formatio naturae angelicae per illustrationem gratiae; cognitio autem qua creatura spiritualis cognoscit seipsum naturaliter, sequitur esse ejus in propria natura. Et ideo spiritualis creatura

naturali ordine prius cognovit se in propria natura per cognitionem vespertinam, per quam cognovit se ut jam factam, quam cognoverit se in Verbo, in quo cognoscitur opus Dei ut fiendum. In hac ergo cognitione, qua Angeli boni cognoverunt se ipsos, non persisterunt quasi seipsos fruentes et in se finem ponentes, quia efficerentur nox, ut mali Angeli qui peccaverunt: sed cognitionem suam ad Dei laudem relabierunt; et sic ex sui cognitione bonus Angelus conversus est ad Verbi contemplationem, in quo est mane sequentis diei, secundum quod in Verbo accepit cognitionem sequentis operis, scilicet firmamenti. Sicut autem videmus in tempore continuo, quod idem *nunc* est duorum temporum, prout est finis præteriti et proprium futuri; ita matutina cognitio secundæ diei est primæ diei terminus, et secundæ diei initium, et sic deinceps usque ad diem septimum. Et ideo in prima die, vespere solum nominatur; quia Angelus sui ipsius primo habuit cognitionem vespertinam, et vespertina proficit in matutinam, secundum quod ex contemplatione sui conversus est ad contemplationem Verbi, in quo est mane sequentis diei, secundum quod in Verbo accepit cognitionem matutinam sequentis operis. Ideo cognitio matutina respectu unius et ejusdem operis post primum naturaliter præcedit cognitionem vespertinam ejusdem; sed cognitio vespertina prioris operis naturaliter præcedit cognitionem matutinam posterioris; unde sicut prima dies habet tantum vespere, ita septima dies quæ significat contemplationem Dei, habet tantum mane: hæc enim nullo defectu clauditur.

Ad DECIMUMQUARTUM dicendum, quod Augustinus nominat cognitionem matutinam illam quæ est in plena luce; unde continet sub se meridianam. Nam talem cognitionem aliquando vocat diurnam, quandoque autem matutinam. Vel potest dici, quod omnis cognitio intellectus angelici habet tenebras admixtas ex parte cognoscentis; unde nulla cognitio alicujus intellectus angelici potest dici meridianam, sed sola cognitio qua Deus omnia cognoscit in seipso. Item cum Deus sit lux plena, et tenebræ in eo non sint ullæ, cognitio ipsius Dei in se et absolute, cum sit plena lux, potest dici meridianam; sed quia creatura, ex eo quod est ex nihilo, habet tenebras possibilitatis et imperfectionis, ideo ipsa cognitio creaturæ, tenebris est admixta; quæ admixtio significatur per mane et vespere, secundum quod ipsa creatura potest dupliciter cognosci: vel in Verbo, secundum quod exit ab arte divina, et sic ejus cognitio dicitur matutina; quia sicut mane est finis tenebrarum et principium lucis; ita et creatura post tenebras, idest postquam fuit ab ipso Verbo principium lucis sumit. Potest enim cognosci in propria natura existens per speciem creatam; et talis cognitio dicitur vespertina; quia sicut vespere est terminus lucis, et tendit in noctem; ita creatura in se subsistens est terminus operationis Verbi, quod est lux, quasi

facta per Verbum, et quantum est de se tendit in tenebras defectus, nisi Verbo portaretur. Nihilominus hic cognitio dies dicitur, quia sicut in comparatione ad cognitionem Verbi est tenebrosa, ita per comparationem ad ignorantiam, quæ omnino tenebrosa est, lux dicitur; sicut et vita justorum dicitur caliginosa per comparationem ad vitam gloriæ, quæ tamen dicitur lux per respectum ad vitam peccatorum. Item cum mane et vespere sint partes diei, dies autem in Angelis sit cognitio illustrata lumine gratiæ; ideo cognitio matutina et vespertina se extendit solum ad cognitionem gratuitam bonorum; unde ipsa cognitio divinorum operum ab Angelo illuminato dies dicitur, et secundum diversa genera divinorum operum cognitorum distinguuntur dies, et secundum illorum ordinem ordinantur. Unumquodque autem illorum operum dupliciter cognoscitur ab Angelo illuminato; uno modo in Verbo, sive per speciem Verbi; et (1) talis cognitio dicitur matutina; alio modo in propria natura, sive per speciem creatam; et in hac cognitione non sistent boni quasi ponentes finem in ea, quia efficerentur nox, ut mali Angeli; sed eam referunt ad laudem Verbi, et lucem Dei, in quo sicut in principio omnia cognoscunt; ideo talis cognitio creaturæ ad laudem Dei relata non dicitur nocturna; quod ubique esset si in ea sisterent, quia tunc efficerentur nox, quasi ipsa creatura fruente. Cognitio igitur matutina et vespertina distinguunt diem, idest cognitionem quam habent boni Angeli illuminati de operibus creatis. Cognitio autem creaturæ ipsorum Angelorum bonorum, sive per medium creatum, sive per medium increatum, semper habet aliquid obscuritatis admixtum; ideo non dicitur meridianam, sicut cognitio Dei in seipso; nec nocturna, sicut cognitio creaturæ non relata ad divinam lucem; sed dicitur tantum matutina et vespertina; nam vespere, in quantum hujusmodi, terminatur ad mane. Et ideo non qualibet cognitio rerum in propria natura potest dici vespertina, sed solum illa quæ refertur ad laudem Creatoris. Unde cognitio quam habent demones de rebus, nec matutina propria dicitur nec vespertina. Mane enim et vespere non accipiuntur in cognitione angelica secundum omnem similitudinem, sed solum secundum similitudinem quantum ad rationem principii et termini.

Ad DECIMUMQUARTUM dicendum, quod Angelus, licet fuerit creatus in gratia, tamen in principio sui creationis non fuit beatus, nec per essentiam Verbum Dei vidit; unde nec cognitionem matutinam sui ipsius habuit, quæ dicit cognitionem rei per speciem Verbi; sed primo habuit sui ipsius cognitionem vespertinam, secundum quod cognovit seipsum in seipso naturaliter, eo quod in unoquoque cognitio naturalis præcedit cognitionem supernaturalem, tanquam fundamentum ejus, et Angeli cognitio naturaliter sequitur esse ipsius in propria natura; ideo sui

(1) *AL.* sic talis.

ipsius cognitionem matutinam non habuit, sed vespertinam in principio suae creationis. Hanc autem cognitionem retulit ad laudem Verbi, et per hanc relationem meruit pervenire ad cognitionem matutinam. Unde significanter primus dies dicitur habuisse solum vespere, et non mane; quod vespere transivit in mane; quia lux illa spiritalis, quae prima die facta legitur, statim facta seipsam cognovit, quod fuit cognitionis vespertinae, et hanc cognitionem retulit ad laudem Verbi, per quod meruit accipere cognitionem matutinam sequentis operis. Non enim quaelibet cognitio rerum in propria natura potest dici vespertina, sed illa tantum quae refertur ad laudem Creatoris; vespere enim redit, et terminatur ad mane. Unde cognitio demonum quam habent a seipsis de rebus, nec est matutina nec vespertina; sed solummodo cognitio gratuita, quae est in bonis Angelis. Et sic cognitio rerum in propria natura, relata ad laudem Verbi semper est vespertina; nec talis relatio facit eam esse matutinam, sed facit eam terminari ad matutinam; et ex tali relatione meretur cognitionem matutinam accipere. Et sicut prima dies, quae significat contemplationem Dei, quae nullo defectu clauditur, et quae correspondet cognitioni angelicæ relatae ad quietem Dei in seipso, in qua consistit illuminatio et sanctificatio cujuslibet rei, habet tantum mane. Nam ex hoc ipso quod Deus cessavit novas creaturas condere, dicitur opus suum consummasse, et a suis operibus in seipso requiescere. Et sicut Deus in se solo requiescit, et seipso fruendo beatus est, ita et nos per solam sui fructiorem beati efficitur, et sic etiam facit nos a suis et nostris operibus in seipso requiescere. Prima ergo dies, quae correspondet cognitioni quam habuit natura spiritalis lumine gratiae illustrata de seipso, habet tantum vespere; septima vero dies, quae correspondet cognitioni angelicæ relatae ad quietem et fructiorem Dei in seipso, habet tantum mane; quia in Deo tenebrae non sunt ulae. Dicitur enim Deus septima die quiescisse, in quantum quietem propriam, qua in seipso a rebus conditis quiescit, naturae angelicæ monstravit; cuius cognitionem diem Augustinus appellat (in dialog. LXV, quest. xxvii): et quia quies creaturae secundum quod in Deo stabilitur, finem non habet, similiter nec quies Dei qua in seipso a rebus conditis quiescit, eis non egendo, finem non habet, quia eis nunquam egebit; ideo septima dies quae respondet tali quieti, non habet vespere, sed tantum mane; alii vero dies, qui correspondent cognitioni angelicæ relatae ad alias res, habent mane et vespere, ut supra dictum est.

Ad DECIMUMSEXTUM dicendum, ut ex praedictis patet, quod de re jam facta potest accipi cognitio ejus ut fienda, si consideretur in causis suis ex quibus processit; et sic Angeli susceperunt cognitionem rerum fiendarum in Verbo, quod est ars optima rerum. Omnis enim cognitio rei in Verbo quae matutina vo-

catur, dicitur esse rei ut fienda, sive sit res jam facta, sive non; ut ly *fiendum* non dicat tempus, sed exitum creaturae a Creatore, sicut supra (in sol. ad 14 arg.) dictum est. Et ideo quamvis creatura corporalis simul facta sit cum natura spiritali, dicitur tamen Angelus per cognitionem matutinam accepisse in Verbo cognitionem ipsius ut fienda. Quare autem prima dies non habuerit mane, sed tantum vespere, in superiori responsione declaratum est.

Ad DECIMUMSEPTIMUM dicendum, quod creatura spiritalis non accipit cognitionem a rebus; sed illas per species innatas seu concreatas naturaliter intelligit; ipsae autem species quae sunt in mente Angeli, non se habent aequaliter ad praesentia et futura; quia illa quae sunt praesentia assimilantur in actu formis quae sunt in Angelis, et sic per eas possunt cognosci; illa vero quae sunt futura nondum sunt actu similia illis formis; ideo per praedictas formas futura non cognoscuntur, cum cognitio fiat per actualem assimilationem cognoscentis et cogniti. Et sic, cum Angelus non cognoscat futura ut futura, indiget praesentia rerum, ut illas in propria natura per species sibi inditas cognoscat; quia antequam fiant, non assimilantur res illis formis. Dicitur ulterius, quod cognitio vespertina et matutina distinguuntur non ex parte rei cognitae, sed ex parte mediæ cognoscenti. Nam cognitio matutina fit per medium increatum, superexcedens naturam cognoscentis et rei cognitae; unde cognitio rerum per speciem Verbi dicitur matutina, sive res sit jam facta, sive fienda; cognitio vero vespertina fit per medium creatum proportionatum cognoscenti et rei cognitae, sive sit jam facta, sive fienda.

Ad DECIMUMOCTAVUM dicendum, quod licet Angelus prius habeat esse in Verbo quam in propria natura; quia tamen cognitio praesupponit esse cognoscentis, non potuit se cognoscere antequam esset; cognitio autem sui ipsius in propria natura, est sibi naturalis; cognitio vero Verbi est supernaturalis; ideo oportuit quod prius seipsum cognosceret in propria natura quam in Verbo; cum cognitio naturalis in unquoque precedat origine cognitionem supernaturalem, ut fundamentum ejus. Alias autem res prius ordine naturae cognovit in Verbo per cognitionem matutinam quam in propria natura per cognitionem vespertinam; unde respectu subsequentium operum mane praecedit vespere, ut supra dictum est.

Ad DECIMUMNONUM dicendum, quod sicut una tota scientia comprehendit sub se diversas scientias particulares, quibus conclusiones diversae cognoscuntur; ita etiam ipsa una cognitio Angeli, quae est quasi quoddam totum, comprehendit sub se cognitionem matutinam et vespertinam quasi partes, sicut mane et vespere sunt partes diei, licet sint diversarum rationum. Nam illa quae sunt diversarum rationum, si sint ad invicem ordinata,

possunt aliquid unum constituere; unde materia et forma, quae sunt diversarum rationum, constituunt unum compositum; et carnes et ossa et nervi sunt partes unius compositi. Nam essentia divina, per quam res cognoscuntur in Verbo cognitione matutina, est ratio omnium formarum concreatarum in mente Angeli, cum ex ea veluti exemplare deriventur, per quas res cognoscuntur in propria natura cognitione vespertina; sicut et essentia Angeli est sibi ratio intelligendi esse quod cognoscit, quamvis non perfecta; propter quod indiget aliis formis superadditis; et ideo quando Angelus videt Deum per essentiam, et seipsum et alia per species concreatas, quodammodo intelligit unum: sicut quia lumen est ratio videndi colorem, propter hoc quando oculus videt lumen et colorem, videt quodammodo unum visibile. Et quamvis illae operationes sint realiter distinctae cum operatio qua videt Deum, semper maneat, et mensuretur aternitate participata; operatio etiam qua intelligit se, semper maneat, et mensuretur aëvo; operatio vero qua intelligit alia per species innatas, non semper maneat, sed alteri succedat; tamen, quia una ordinatur ad aliam, et una est quasi ratio formalis alterius, ideo sunt quodammodo unum: quia ubi est unum propter aliud, ibi est tantum unum, ut dicitur in III Topie. (cap. II parum a princ.); et propter hoc illae operationes quarum una ordinatur ad aliam, possunt esse simul, et unum totum constituere.

AD VICESIMUM DICENDUM, quod cum intellectus sit locus specierum intelligibilium, oportet dicere, quod scientia, quae importat ordinationem specierum intelligibilium, seu facultatem et habilitatem quandam ipsius intellectus ad utendum huiusmodi speciebus, remanet post mortem, sicut et intellectus, qui est huiusmodi specierum subiectum; sed modus quo actu utitur huiusmodi speciebus in statu praesentis vitae, qui est per conversionem ad phantasmata quae sunt in viribus sensitivis, non remanebit; quia, cum vires sensitivae corrumpantur, non poterit anima per species quas hic acquisivit, nec per species sibi in ipsa separatione impressas, intelligere per conversionem ad phantasmata, sed per illas intelligere per modum convenientem sibi quantum ad modum essendi quem habebit similem Angelis. Destructur ergo scientia non quantum ad habitum, nec quantum ad substantiam actus cognoscendi qui specificatur ex specie obiecti, sed quantum ad modum cognoscendi, qui non erit per conversionem ad phantasmata; et sic intelligit Apostolus.

AD VICESIMUMPRIMUM DICENDUM, quod lumen causatum a sole et a candela in aere, est ejusdem rationis. Duae autem formae unius rationis non possunt simul actu perfecto esse in eodem subiecto; ideo ex illis causatur unum lumen, et non duo, in aere. Divina autem essentia, per quam cognoscuntur res in Verbo, est alterius rationis a speciebus per quas cognoscit Angelus res

in propria natura: ideo non est similis ratio. Adveniente enim perfecto, evacuatur imperfectum quod ei opponitur; sicut adveniente visione Dei, evacuatur fides, quae est eorum quae non videntur. Sed imperfectio vespertinae cognitionis non opponitur perfectioni cognitionis matutinae: quod enim aliquid cognoscatur in seipso, non est oppositum, et quod cognoscatur in sua causa: nec iterum quod aliquid cognoscatur per duo media, quorum unum sit altero perfectius, nihil repugnans habet; sicut ad eandem conclusionem habere possumus et medium demonstrativum et dialecticum. Et similiter eadem res potest sciri ab Angelo per Verbum increatum, et per speciem innatam; cum unum non sit alteri oppositum, sed potius se habeat ut materialis dispositio ad alterum: perfectio enim adveniens tollit imperfectiorem sibi oppositam. Imperfectio autem naturae non opponitur perfectioni beatitudinis, sed substernitur ei, sicut imperfectio potentiae substernitur perfectioni formae; et non tollitur potentia per formam, sed tollitur privato, quae ei opponitur: similiter etiam imperfectio cognitionis naturalis non opponitur perfectioni cognitionis gloriae, sed ei substernitur tanquam materialis dispositio. Et ideo Angelus potest simul cognoscere res per medium creatum et in propria natura, quod pertinet ad cognitionem vespertinam et naturalem; et per essentiam Verbi, quod pertinet ad cognitionem gloriae et matutinam; nec una istarum operationum habet aliam impedire; cum una ordinetur ad alteram, et sit quasi materialis dispositio alterius.

AD VICESIMUMSECUNDUM DICENDUM, quod Augustinus vult (lib. V super Gen., cap. XII et XIV) in ipso creationis principio quasdam res per species suas distinctas, fuisse productas in natura propria, ut quatuor elementa, quae ex nihilo producta sunt, et corpora caelestia, et substantias spirituales. Huiusmodi enim productio non praesupponit materiam ex qua, nec in qua. Alia vero dicuntur esse producta in rationibus seminalibus tantum, ut animalia, planta et homines; quae omnia postmodum in naturis propriis producta sunt illo opere quo post senarium dierum numerum Deus naturam prius conditam administrat; de quo opere dicitur Joan., v. 17: *Pater meus usque modo operatur*. Nec in productione et distinctione rerum vult attendendum esse ordinem temporis, sed naturae. Nam omnia opera sex dierum in eodem instanti temporis simul sunt facta vel in actu vel in potentia, secundum rationes causales, ut videlicet de materia praesistenti postea fieri possent vel per Verbum, vel per virtutes activas in ipsa creatione creature impressas. Unde animam primi hominis, quam inquirendo et non asserendo dicit simul creatam cum Angelis in actu, non ponit factam ante sextum diem, licet in ipso sexto die ponat factam animam primi hominis in actu, et corpus ejus secundum causales rationes: quia Deus impressit virtutem passivam terrae, ut per poten-

tiam activam Creatoris posset ex ea corpus hominis formari. Et sic simul anima in actu et corpus in potentia passiva in ordine ad potentiam activam Dei sunt facta. Vel posito secundum veritatem quod anima non habet per se speciem completam, sed uniatu corpori ut forma, et sit naturaliter pars humanæ naturæ, sicut vult Aristoteles, oportet dicere, quod anima primi hominis non sit producta in actu ante formationem corporis; sed simul eum formatione corporis sit creata et corpori infusa, sicut de aliis animabus Augustinus expresse tenet (lib. X super Genes., cap. xvii et seq.). Nam Deus primas res instituit in perfecto statu suæ naturæ, secundum quod species uniuscujusque rei exigebat. Anima autem rationalis cum sit pars humanæ naturæ, non habet naturalem perfectionem nisi secundum quod est corpori unita. Unde naturaliter habet esse in corpore, et esse extra corpus est ei præter naturam; ideo non fuisset conveniens animam sine corpore creari. Sustinendo ergo opinionem Augustini de operibus sex dierum, dici potest, quod sicut in illis sex diebus corpus primi hominis non fuit formatum et productum in actu, sed in potentia tantum secundum rationes causales; ita et anima ejus non fuit producta tunc in actu et in seipsa, sed in suo simili secundum genus; et sic præcessit in illis sex diebus non in actu et in seipsa, sed secundum quandam similitudinem generis, prout convenit cum Angelis in intellectuali natura. Postea autem opera quo Deus creaturam primo conditam administrat, fuit simul anima in actu eum corpore formato producta.

Ad VICESIMUM TERTIUM patet responsio ex dictis: quia corpus humanum non fuit productum in actu in illis sex diebus, sicut nec corpora aliorum animalium, sed tantum secundum rationes causales, quia Deus in ipsa creatione indidit ipsis elementis virtutem, seu rationes quasdam, ut ex eis virtute Dei, vel stellarum, vel seminis possent animalia produci. Illa ergo que in illis sex diebus fuerunt in actu producta, non successive sed simul creata sunt; alia vero simul secundum rationes seminales in suo simili fuerunt producta.

Ad VICESIMUM QUARTUM dicendum, sicut ad DECIMUM SEXTUM, quod cognitio rerum per species inditas et rebus proportionatas dicitur vespertina et in propria natura; sive res sit facta, sive fienda; et quamvis illæ species æqualiter se habeant ad præsentia et futura, non tamen futura et præsentia æqualiter se habeant ad ipsas species: quia præsentia actu assimilantur ipsis speciebus, ideo possunt actu per ipsas cognosci; futura autem non eis assimilantur in actu, ideo non est necesse quod per ipsas cognoscantur. Cognitio autem vespertina, quæ est rerum in propria natura, non dicitur ex eo quod Angeli ab ipsis rebus species per quas cognoscunt, sumant; sed quia per species quas a creatione receperunt, res cognoscunt prout in propria natura subsistunt.

Ad VICESIMUM QUINTUM dicendum, quod secundum Augustinum (super Genes., ad lit., lib. II, cap. viii), Angeli a principio viderunt creaturas fiendas in Verbo. Nam illa que leguntur facta in operibus sex dierum, simul facta fuerunt; unde statim a principio creationis rerum fuerunt illi sex dies, et per consequens oportet quod a principio Angelus bonus cognoverit Verbum, et res creatas in Verbo. Nam res create habent triplex esse, ut supra dictum est. Primum habent esse in arte divina, quæ est Verbum; et tale esse significatur cum dicitur: *diciti Deus Fiat*, id est Verbum genuit, in quo erat ut tale opus floret. Secundum habent esse in intelligentiâ angelicâ, quod significatur in hoc quod dicitur: *factum est*, scilicet per influentiam Verbi. Tertium esse habent in ipsis rebus et propria natura. Ita etiam Angelus triplicem de rebus habet cognitionem; videlicet prout in Verbo sunt, et prout sunt in mente ejus, et prout sunt in propria natura. Angelus etiam duplicem habet Verbi cognitionem; unam naturalem, qua cognoscit Verbum per ejus similitudinem in natura sua relucentem, in qua consistit sua naturalis beatitudo, ad quam virtute suæ naturæ potest pervenire; aliam autem habet Verbi cognitionem supernaturalem et gloriæ, qua cognoscit Verbum per suam essentiam, in qua consistit sua beatitudo supernaturalis, quæ facultatem naturæ excedit. Et per utramque cognoscit Angelus bonus res seu creaturas in Verbo: sed naturali quidem cognitione cognoscit in Verbo res imperfecte; cognitione vero gloriæ cognoscit ipsas res in Verbo plenius et perfectius. Prima cognitio rerum in Verbo affuit Angelo in principio suæ creationis, unde in lib. de Beeles. dogmatibus dicitur quod *Angeli qui in illa qua creati sunt beatitudine perseverant, non natura sed gratia possident bonum quod habent*. Item Augustinus (Fulgentius) de fide ad Petrum, cap. iii, ante med.): *Angelici, inquit, spiritus æternitatis et beatitudinis donum in ipsa naturæ suæ spirituali creatione deinitus acciperunt*. Per hanc tamen non erant beati simpliciter, cum majoris perfectionis essent capaces, sed secundum quid, scilicet secundum tempus illud, sicut Philosophus (in I Ethic., cap. x, in fin.) dicit, aliquos in hac vita beatos, non simpliciter, sed ut homines. Secunda vero cognitio, videlicet gloriæ, non affuit Angelo a principio sup. conditionis, quia non fuerunt creati beati beatitudine perfecta; sed eis affuit a principio quando beati facti sunt per conversionem perfectam ad bonum. Omnia ergo illa sex genera rerum simul cum Angelo create sunt, et in eodem instanti omnia illa cognovit in Verbo cognitione naturali quæ postmodum plenius cognovit in Verbo cognitione supernaturali, quam cognitionem Angeli acceperunt statim postquam cognitionem sui naturalem retulerunt ad laudem Verbi; quæ quidem naturalis cognitio cum mensuretur ævo, semper coexistit cognitioni supernaturali ipsius Verbi, et cognitioni qua per spe-



cies sibi inditas cognoscit creaturas in propria natura ; unde illæ tres cognitiones simul existunt, nec una proprie alteri succedit. Cognitio enim rerum in Verbo, sive res sit jam facta sive fienda, dicitur matutina ; et cognitio rerum per medium creatum, sive sit præsens sive futura, dicitur vespertina.

AD VICESIMUMSEXTUM dicendum, quod non est possibile quod Angelus videat Verbum, seu divinam essentiam ut est ratio fiendorum, et non prout est finis beatorum et objectum beatitudinis ; cum ipsa divina essentia secundum se sit objectum beatitudinis et finis beatorum. Non autem est possibile quod aliquis videat divinam essentiam ut est ratio fiendorum et non videat eam secundum se ; et ideo totum argumentum conceditur.

AD VICESIMUMSEPTIMUM dicendum, quod fuerunt quidam, cognitionem propheticam a cognitione beatorum distinguere volentes ; qui dixerunt, quod Prophetae vident ipsam divinam essentiam, quam vocant speculum æternitatis ; non tamen secundum quod est objectum beatorum et finis beatitudinis ; sed prout est ratio fiendorum, secundum quod sunt in ea rationes futurorum eventuum, ut in argumento dicitur. Sed hoc est omnino impossibile. Nam Deus est objectum beatitudinis et finis beatorum secundum ipsam sui essentiam ; secundum illud Augustini in V Confess. (cap. iv. in princ.) : *Beatus est qui te scit, etiam si illa, scilicet creaturas, nesciunt*. Non est autem possibile quod aliquis videat rationes creaturarum in ipsa divina essentia, ita quod eam non videat : tum quia ipsa divina essentia est ratio omnium eorum quæ sunt (ratio enim idealis, quæ est ratio rei fiendæ, non addit supra divinam essentiam nisi respectum ad creaturam) ; tum etiam quia prius est cognoscere aliquid in se (quod est cognoscere Deum ut objectum beatitudinis) quam cognoscere illud per comparationem ad alterum (quod est cognoscere Deum secundum rationes in eo existentes) ; et ideo non potest esse quod Prophetae videant Deum secundum rationes creaturarum et non prout est objectum beatitudinis. Cum autem non videant divinam essentiam et objectum beatitudinis (tum quia illa visio evacuat prophetiam, ut dicitur I ad Corinth., xiii, tum quia illa visio non importat divinam cognitionem ut procul existentem, sed ut de propinquo, cum videant facie ad faciem), sequitur ergo quod Prophetae non cognoscunt divinam essentiam ut est ratio fiendorum, nec res in Verbo, sicut cognoverunt Angeli per cognitionem matutinam. Visio enim prophetica non est visio ipsius divine essentiae, nec in ipsa divina essentia vident Prophetae ea quæ vident, sicut viderunt Angeli ; sed in quibusdam similitudinibus secundum illustrationem divini luminis, ut dicit Dionysius (in iv cap. eol. Hierar.) ; et huiusmodi similitudines divino lumine illustratæ magis habent rationem speculi quam Dei essentia ; nam speculum est in quo resultant species ab aliis rebus, quod non potest dici de Deo ;

sed huiusmodi illustratio mentis prophetica potest dici speculum, in quantum resultat ibi similitudo veritatis divine præsentia ; et propter hoc mens Prophetae dicitur speculum præsentia, quasi per species illas representans Dei præsentiam, qui in sua æternitate omnia præsentialiter videt. Unde cognitio Prophetae magis habet similitudinem cum cognitione vespertina Angeli quam cum cognitione matutina ; cum cognitio matutina fiat per medium increatum ; cognitio vero Prophetae per medium creatum, videlicet per species impressas, vel divino lumine illustratas, ut dictum est.

AD VICESIMUMOCTAVUM dicendum, quod secundum Augustinum, cum dicitur : *Præducit terra herbam virentem*, non intelligitur tunc plantas esse productas in actu et in propria natura, sed tunc terræ datam esse virtutem germinativam ad producendum plantas opere propagationis ; ut dicatur tunc taliter produxisse terra herbam virentem et lignum pomiferum, id est producendi acceperisse virtutem. Et hoc quidem confirmat auctoritate Scripturæ, Genes., ii, 4, ubi dicitur : *Iste sunt generationes cæli et terræ, quando creata sunt, in die quo fecit Deus cælum et terram, et omne virgultum agri antequam oriretur in terra, omneque herbam regionis præusquam germinaret*. Ex quo eliciuntur duo. Primo, quod omnia opera sex dierum creata sunt in die quo Deus fecit cælum et terram et omne virgultum agri ; et sic plantæ, quæ tertia die factæ leguntur, simul sunt productæ quando Deus creavit cælum et terram. Secundo, quod plantæ tunc fuerunt productæ non in actu sed secundum rationes causales tantum, quia data fuit virtus terræ producendi illas ; et hoc significatur cum dicitur, quod produxit omne virgultum agri antequam actu oriretur in terra per opus administrationis, et omnia herbam regionis, præusquam actu germinaret. Ante ergo quam actu orientur super terram facta sunt causaliter in terra. Confirmatur etiam hoc ratione ; quia in illis primis diebus condidit Deus creaturam causaliter vel originaliter vel actualiter opere a quo postmodum requirit, qui tamen postmodum secundum administrationem rerum conditarum per opus propagationis usque modo operatur. Producere autem plantas in actu ex terra, ad opus propagationis pertinet ; quia ad earum productionem sufficit virtus cælestis tanquam pater, et virtus terræ loco matris ; ideo non fuerunt plantæ tertia die productæ in actu, sed causaliter tantum ; post sex vero dies fuerunt in actu secundum proprias species et in propria natura per opus administrationis productæ ; et ita antequam causaliter plantæ essent productæ, nihil fuit productum, sed simul cum cælo et terra productæ sunt ; similiter pisces, aves et animalia in illis sex diebus causaliter, et non actualiter producta sunt.

AD VICESIMUMNONUM dicendum, quod ad sapientiam artificis cuius omnia opera sunt perfecta, qualis est Deus, pertinet et nec

totum a parte principali, nec partes a toto separatas producat; quia nec totum separatum a principali parte, nec partes a toto separate habent esse perfectum. Cum igitur Angeli secundum species suas, et corpora caelestia et quatuor elementa sint partes principales constituentes unum universum, cum habeant ordinem ad invicem, et sibi invicem deserviant; ideo ad sapientiam Dei pertinet quod totum universum simul et non successive cum omnibus suis partibus produxerit. Unius enim totius et omnium partium ejus debet esse unica productio, et unum (1) non producitur ante alterum, nisi propter defectum agentis. Deus autem est infinite potentiae nullam habens defectum, cujus principalis effectus est totum universum. Igitur totum universum cum omnibus suis principalibus partibus simul unica productione creavit Deus. Et quamvis non fuerit in productione universi servatas ullus ordo temporis, fuit tamen servatus ordo originis et naturae. Nam, secundum Augustinum, opus creationis praecedit opus distinctionis, ordine naturae et non temporis; similiter et opus distinctionis praecedit ordine naturae opus ornatu. Ad opus creationis pertinet creatio caeli et terrae. Per caelum autem intelligitur productio naturae spiritualis informis; per terram vero materia corporaliu informis; quae quidem duo cum sint extra tempus, secundum essentialiam quam considerata alterationibus temporum non subjacent, ut dicit Augustinus (in XII Confess., cap. viii); ideo creatio utriusque ponitur ante omnem diem; non quod haec informitas praecesserit formationem tempore, sed ordine originis et naturae tantum, sicut sonus praecedit cantum. Nec etiam una formatio, secundum eam, praecessit aliam duratione, sed solum naturae ordine; secundum quem ordinem necesse est ut poneretur primo formatio supremae naturae spiritualis, per hoc quod legitur lux prima die facta; quia natura spiritualis dignior est, et praeminet corporali; ideo prius fuit formanda. Formatur autem per hoc quod illuminatur, ut adhaereat Verbo Dei. Sicut autem lux spiritualis et divina naturali ordine dignior est, et praeminet inferioribus; unde secunda die tangitur formatio superiorum corporum, cum dicitur: *Fiat firmamentum* per quod intelligitur impressio formae caelestis in materiam informem, non prius existentem tempore, sed origine tantum. Tertio vero loco ponitur impressio formarum elementarium in materiam informem, non prius existentem tempore, sed origine et naturae ordine praecedentem. Unde per hoc quod dicitur: *Congregentur aquae et appareat arida*, intelligitur quod materiae corporali impressa est forma substantialis aquae, per quam competit sibi talis motus, et forma substantialis terrae, per quam competit sibi sic videri: aqua enim est labiliter fluxa, terra autem stabiliter fixa, ut ipse dicit (II super

(1) *Al. unum.*

Genes. ad litteram, cap. xi, in fin.); sub nomine enim aquae etiam alia elementa superiora formata intelliguntur secundum Augustinum. In subsequentibus autem tribus diebus ponitur ornatu naturae corporalis. Oportuit enim partes mundi prius ordine naturae formari et distinguui, et postmodum singulas partes ornari per hoc quod quasi suis habitatoribus replentur. Prima enim die, ut dictum est, formatur et distinguitur natura spiritualis; secunda die formantur et distinguuntur corpora caelestia, et quarta die ornantur; tertia vero die formantur et distinguuntur corpora inferiora, videlicet aer, aqua et terra; quorum aer et aqua tanquam digniora ornantur quinta die; terra vero, quae est minimum corpus, sexta die ornatur. Et sic perfectio divinorum operum respondet perfectioni senarii numeri, qui consurgit ex suis partibus aliquoties simul et conjunctim sumptis; quae quidem sunt unum, duo, tria. Una enim dies deputatur formationi et distinctioni creaturae spiritualis; duo dies formationi et distinctioni naturae corporalis, et tres ornatui. Nam unum, duo, et tria sunt sex, et sexies unum sunt sex, et bis tria sunt sex, et ter duo sunt sex. Quia ergo senarius numerus est primus numerus perfectus, ideo per ipsum (1) senarium designatur perfectio rerum et divinorum operum. Salvatur ergo ordo naturae et non durationis in productione divinorum operum.

Ad tricesimum dicendum, quod luminaria facta sunt in actu et non in virtute tantum, sicut plantae; non enim habet firmamentum virtutem productivam luminarium, sicut habet terra virtutem productivam plantarum; unde Scriptura non dicit, *Prodeat firmamentum luminaria*, sicut dicit: *Germinet terra herbam viventem*; id est, produendi accipiat virtutem. Prius ergo producta sunt luminaria in actu quam plantae in actu; sicut prius sint plantae in virtute et causaliter productae, quam luminaria in actu. Item dictum est, quod opus distinctionis ordine naturae praecedit opus ornatu; luminaria autem pertinent ad ornatu caeli; plantae vero, maxime secundum esse virtuale, non pertinent ad ornatu terrae, sed potius ad perfectionem ejus. Nam ad perfectionem caeli et terrae pertinent videntur ea solum quae sunt caelo et terrae intrinseca; ornatu vero ad ea pertinet quae sunt a caelo et terra distincta: sicut homo perficitur per proprias partes et formas; ornatur autem per vestimenta, vel aliquid hujusmodi. Distinctio autem aliquorum maxime manifestatur per motum localem, quo ab invicem separantur. Et ideo ad opus ornatu pertinet productio illarum rerum quae habent motum in caelo vel in terra. Luminaria autem, secundum Ptolemaeum, non sunt fixa in sphaeris, sed habent motum seorsum a motu sphaerarum; secundum vero sententiam Aristotelis stellae fixae sunt in orbibus, et non moventur nisi motu orbium secundum rei veritatem; tamen motus luminarium et stellarum

(1) *Al. septimum.*

sensu percipitur, non autem motus sphaerarum. Moyses autem rudipopulo condescendens, sectus est que sensibilibus apparent dicens luminaria ad ornatum firmamenti pertinere. Plantae autem non pertinent ad ornatum terrae, sed solum animalia. Nam quilibet res pertinet ad ornatum illius loci in quo movetur vel vere vel apparenter, et non in quo quiescit. Plantae autem radicibus infixae terrae adhaerent; ideo ad ornatum ipsius non pertinent, sed cum ipsa et ejus perfectione computantur. Stellae autem etsi non moveantur in coelo per se, moventur tamen per accideus et apparenter; plantae autem nullo modo moventur. Et ideo ordine naturae prius debuerunt prodaci plantae quae pertinent ad perfectionem intrinsecam partium universi, videlicet terrae, quam luminaria quae pertinent ad ornatum caeli.

AN TRICESIMUMPRIMUM dicendum, quod terra et aqua de quibus fit mentio in principio ante productionem firmamenti, non accipiuntur, secundum Augustinum (lib. I super Genes., contra Manich., cap. vii a med., et cap. v., pro elemento terrae et aquae; sed nomine terrae et aquae in praedicto loco intelligitur materia prima informis carens omni specie. Non enim poterat Moyses rudi populo loquens primam materiam exprimere, nisi sub similitudine rerum eis notarum, et quae sunt propinquiora informitati, utpote plus de materia habentia et minus de forma; unde et sub multiplici similitudine eam exprimit, non vocans eam tantum terram vel aquam, sed terram et aquam; ne si alterum tantum expressisset, crederetur veraciter illud esse materiam primam. Habet tamen similitudinem cum terra, inquantum substat et subsidet formis, sicut terra plantis et aliis rebus. Terra etiam inter omnia elementa minus habet de specie, cum sit elementum concretius, multum habens de materia, et parum de forma. Habet etiam similitudinem cum aqua, inquantum est apta nata recipere diversas formas. Humidum enim, quod convenit aquae, est bene receptibile et terminabile. Et secundum hoc terra dicitur *inanis et vacua*, vel *invisibilis et incomposita*, quia materia per formam cognoscitur; unde in se considerata dicitur *invisibilis*, id est non cognoscibilis, et *inanis*, inquantum forma est finis in quem tendit appetitus materiae: inane enim dicitur quod est suo fine privatum: vel dicitur *inanis* per comparationem ejus ad compositum in quo subsistit; nam inanitas firmitati et soliditati opponitur. *Incomposita* autem dicitur, quia sine composito non subsistit, nec formositatem actualitatis habet. Dicitur autem *vacua*, quia potentia materiae per formam impletur; unde Plato (in Timeo, non multum ante med.) materiam dixit esse locum, quia receptibilitas materiae est quodammodo similis receptibilitati loci, inquantum in una materia manente succedunt sibi diversae formae, sicut in uno loco diversa corpora; ideo ea quae sunt loci, similitudinarie de materia dicuntur; et

ita materia dicitur vacua, quia caret forma, quae implet capacitatem et potentiam materiae. Materia igitur prima informis, origine et natura est prior quam formatio firmamenti; quod tamen prius natura formatum est quam terra et aqua, de quibus fit mentio tertia die, ut supra dictum est.

AN TRICESIMUMSECUNDUM dicendum, quod Augustinus (lib. XI de Civit. Dei, cap. xxxiii) vult quod non fuerit conveniens Moysen praetermisisse spiritualis creaturae productionem; et ideo dicit, quod cum dicitur: *In principio creavit Deus caelum et terram*, per caelum intelligitur spiritualis creatura adhuc informis, per terram vero intelligitur materia corporalis adhuc informis. Et quia natura spiritualis dignior est quam corporalis, fuit prius formanda. Formatio igitur spiritualis naturae significatur in productione lucis, ut intelligatur de luce spirituali; formatio enim spiritualis naturae est per hoc quod illuminatur ut adhaereat verbo Dei, non per gloriam perfectam, cum qua non fuit creata, sed quae est per lumen gratiae, cum qua fuit creata. Talis autem lux spiritualis praecedit firmamentum ordine naturae. Secundum vero alios Doctores lux prima die producta, fuit corporalis; quae quidem producta est in coelo prima die facta cum substantia solis secundum communem lucis naturam; quarta vero die determinata est ejus virtus ad determinatos effectus.

AN TRICESIMUMTERTIUM dicendum, quod productio horum animalium, cum pertineant ad ornatum partium universi, ordinatur secundum ordinem illarum partium quae eis ornantur, magis quam secundum propriam dignitatem. Modo aer et aqua, ad quorum ornatum pertinent pisces et aves, sunt ordinis naturae priora et digniora quam terra, ad cuius ornatum pertinent animalia gressibilia; ideo prius debuit describi productio volatilium et piscium, seu natalitium, quam gressibilium. Posset etiam dici, quod via generationis ab imperfectioribus ad perfectiora pervenitur, et hoc ordine quod quae imperfectiora sunt, prius ordine naturae producuntur. In via enim generationis quanto aliquid perfectius est, et magis assimilatur agenti, tanto tempore posterius est; quamvis sit prius natura et dignitate. Et ideo, quia homo perfectissimum animalium est, ultimo inter animalia fieri debuit, et non immediate post corpora caelestia, quae cum corporibus inferioribus non ordinantur secundum viam generationis, cum non communicent in materia cum ipsis, sed habeant materiam alterius rationis.

AN TRICESIMUMQUARTUM dicendum, quod aves et pisces magis conveniunt inter se quantum ad materiam ex qua producuntur, quam cum animalibus terrestribus. Nam pisces et aves dicuntur constare ex aqua; pisces quidem quantum ad id quod in ipsa aqua spissius est; aves autem quantum ad id quod in ea subtilius est, quod quidem in vaporem resolutum est quasi medium

inter aërem et aquam; et propter hoc aves in aëre elevantur, et pisces gurgitii remittuntur. Animalia autem deputantur diversis diebus vel uni, secundum unitatem vel diversitatem materie ex qua corpus eorum producitur. Cum igitur pisces et aves dicantur constare ex aqua, eo quod, pensata eorum propria complexione per comparationem ad complexionem debitam generi communi, plus habent in sui compositione de aqua quam cetera animalia; animalia vero terrestria dicantur constare ex terra; propter hoc una dies computatur productioni piscium et avium, et alia productioni animalium terrestrium. Item productio animalium recitatur solum secundum quod sunt in ornamentum partium mundi; et ideo dies productionis animalium distinguuntur solum secundum hanc convenientiam vel differentiam qua convenienter differunt in ornando aliquam partem mundi. Ignis autem et aër, quia non distinguuntur a vulgo inter partes mundi, non sunt expresse nominata a Moysa, sed computantur cum medio, scilicet aqua, maxime quantum ad inferiorem aëris partem. Ideo aëribus et piscibus, que pertinent ad ornatum aquae et aëris, quantum ad inferiorem aëris partem, que convenit cum aqua, deputatur una dies. Omnibus autem animalibus terrestribus, que pertinent ad ornatum terre, deputatur una alia dies.

Ad argumenta vero que sunt in oppositum, si quis vult sustinere opinionem Gregorii et aliorum, qui ponunt inter illos dies fuisse temporalem successionem, et productionem rerum factam fuisse successive (ita quod quando creatum fuit cœlum et terra, non erat adhuc lux nec firmamentum formatum, nec terra discooperata aquis, nec cœli luminaria formata) potest sic responderi.

Ad primum argumentum dicitur, quod in die quo creavit Deus cœlum et terram, videlicet corpora celestia, et quatuor elementa secundum suas formas substantiales, creavit etiam omne virgultum aëri non in actu, antequam oriretur super terram, sed potentialiter, quod postea tertia die fuit in actuali existentia productum.

Ad secundum dicendum, quod secundum Gregorium (lib. XXXII Moraliū, cap. IX, in novis exemp.), quando creavit Deus Angelum, creavit etiam hominem, non in actu, vel in seipso, sed in potentia, vel in sui similitudine, in quantum convenit cum Angelis secundum intellectum; sed postmodum sexta die fuit in actu et in seipso productus.

Ad tertium dicendum, quod non est eadem dispositio rei jam perfecta, et prout est in suo fieri; et ideo quamvis natura mundi perfecti et completi hoc exigit quod omnes partes essentialia universi sint simul, potuit tamen aliter esse in ipsa mundi inceptione; sicut in homine perfecto non potest cor esse sine aliis partibus, et tamen in formatione embryonis cor ante omnia membra generatur. Vel potest dici, quod in illo rerum principio

fuissent corpora celestia et omnia elementa secundum suas formas substantiales cum Angelis simul producta, que sunt partes principales universi; in subsequentibus autem diebus fuit in ipsa natura jam producta aliquid factum, pertinens ad perfectionem et decorem ipsarum partium jam productarum.

Ad quartum dicendum, quod quamvis Doctores græci itenerint creaturam spirituales prius fuisse creatam quam corporalem; doctores tamen latini ponunt Angelos simul cum corporali natura fuisse productos, ut salvent universum quoad suas partes principales simul fuisse productum. Nam cum creaturæ corporeæ sint unum in materia creata, et materia corporalis creaturæ sit cum Angelis simul creata, omnia quodammodo possunt dici simul creata in actu vel in potentia. Angeli autem non conveniunt in materia cum creatura corporea; ideo, creatis Angelis, non esset aliquo modo natura corporea creata, nec per consequens ipsum universum; ideo rationabile est quod simul cum natura corporali fuerint producti. Et sic omnia corporalia sunt creata simul non in actu, sed quantum ad materiam quodammodo informem; postmodum successive per distinctionem et ornatum creaturæ jam preexistentis in actu, quodammodo producta sunt.

Ad quintum dicendum, quod sicut creatura non habet esse ex se, ita nec perfectioem habet ex se, sed ex Deo; ideo sicut ad ostendendum quod creatura habet esse a Deo et non ex se, voluit ut prius non esset et postmodum esset; ita etiam ad ostendendum quod creatura suam perfectionem non haberet ex se, voluit ut prius esset imperfecta, et postmodum successive per opus distinctionis et ornatus perfecteretur. Vel dicendum est, quod in creatione rerum non solum debet ostendi potentie virtus, sed etiam divine sapientie ordo, ut que prius natura sunt, prius etiam instituerentur; et sic non est ex impotentia Dei, quasi indigentis tempore ad operandum, quod omnia non sint simul producta et distincta et ornata; sed ut ordo sapientie servaretur in rerum institutione. Et ideo oportuit ut diversis statibus mundi diversi dies deservirent. Post opus enim creationis, semper per sequens opus novus perfectionis status mundo est additus; ideo ad hanc status perfectionem et novitatem ostendendam voluit Deus ut unicuique rerum distinctionem et ornatum dies unus responderet, et non ex aliqua impotentia vel lassitudine agentis.

Ad sextum dicendum, quod lux illa que legitur primo die facta, secundum Gregorium et Dionysium est lux solis; que simul cum substantia luminarum, que est subjectum ejus, fuit prima die producta secundum communem legis naturam. Quarta autem die attributa est luminaribus determinata virtus ad determinatos effectus, secundum quod videmus alios effectus habere radium solis, et alios radium lune, et sic de aliis. Et propter

hoc Dionysius (in IV cap. de divin. Nomin.) dicit, quod lux illa fuit lux solis, sed adhuc informis quantum ad hoc quod jam erat substantia solis, et habebat virtutem illuminativam in communi; sed postmodum quarta die formata est, non quidem forma substantiali quam prima die habuit; sed secundum aliquas condiciones accidentales per collationem determinatam virtutis, secundum quod postmodum data est ei specialis et determinata virtus ad particulares effectus. Et secundum hoc in productione hujus lucis distincta est lux a tenebris quantum ad tria. Primo quidem quantum ad causam, secundum quod causa luminis erat in substantia solis, causa vero tenebrarum in opacitate terre. Secundo distincta est quantum ad locum, quia in uno hemisphærio erat lumen, et in alio tenebræ. Tertio quantum ad tempus, quia in eodem hemisphærio secundam unam partem temporis erat lumen, et secundam aliam partem erant tenebræ. Et hoc est quod dicitur (Genes., 1, 5): *Luceo vocavit diem et tenebras noctem*. Sic nec lux illa undique terram complectebatur quia in uno hemisphærio erat lumen, et in alio tenebræ; nec semper ex una parte erat dies, et ex alia nox; sed in eodem hemisphærio secundum unam partem temporis erat dies, et secundam aliam erat nox.

Ad septimum dicendum, quod duplex est motus in cælo. Unus communis toti cælo, qui dicitur diurnus, et facit diem et noctem; et iste motus videtur institutus prima die, in qua producta est substantia solis et aliorum luminarum informis, ut dictum est. Alius autem est motus proprius, qui diversificatur secundum diversa corpora cælestia; secundum quos motus fit diversitas dierum ad invicem, et mensium et annorum. Prima die facta est distinctio communis temporis per diem et noctem secundum motum diurnum, qui est communis totius cæli, qui potest intelligi incepisse prima die; et ideo in prima die fit mentio de sola distinctione noctis et diei quæ fit per motum diurnum communem omnibus cælis. Quarta vero die facta est distinctio secundum speciales distinctiones dierum et temporum, secundum quod una dies est calidior alia, et annus alio anno: quæ fit secundum speciales et proprios motus stellarum, qui possunt intelligi incepisse quarta die. Unde in quarta die fit mentio de diversitate dierum et temporum et annorum, cum dicitur (ibid., 14): *Et sicut in tempora et dies et annos*; quæ quidem diversitas fit per motus proprios. Et ita illi primi tres dies qui precesserunt formationem luminarum, fuerunt ejusdem rationis cum diebus qui nunc sole aguntur quantum ad communem distinctionem temporis secundum diem et noctem, quæ fit per motum diurnum communem toti cælo, sed non quantum ad speciales distinctiones dierum quæ fit secundum motus proprios.

Ad octavum dicendum, quod quidam dicunt, lucem illam

quæ prima die legitur facta, fuisse nubem quamdam lucidam; quæ postmodum facto sole in materiam præjacentem rediit. Sed istud non est conveniens; quia Scriptura in principio Genesis commemorat institutionem naturæ, quæ postmodum perseverat; unde non debet dici quod aliquid tunc factum fuerit quod post modicum esse desierit. Et ideo alii dicunt, quod illa nubes lucida adhuc remanet, et est conjuncta soli, ut ab eo discerni non possit. Sed secundum hoc, illa nubes superflua remaneret; nihil autem est vanum vel superfluum in operibus Dei. Et ideo alii dicunt, quod ex illa nube formatum est corpus solis. Sed etiam hoc dici non potest, si ponatur corpus solis non esse de natura quatuor elementorum, sed esse incorruptibile per naturam; quia tunc materia ejus non potest esse sub alia forma. Et ideo dicendum est, ut Dionysius dicit (in IV cap. de div. Nomin.), quod lux illa fuit lux solis, sed adhuc informis, quantum ad hoc quod jam erat substantia solis et habebat virtutem illuminativam in communi, sed postmodum data est ei quarta die specialis et determinata virtus ad proprios et particulares effectus. Et sic dies et nox flebat per motum circulearem illius lucis quæ accedebat et recedebat. Nec est inconveniens substantias spherarum quæ motu communi et diurno lucem illam revolvunt, a principio creationis fuisse, quibus postmodum aliquæ virtutes collatae sunt in operibus distinctionis et ornatus.

Ad nonum dicendum, quod in lucis productione intelligitur proprietates luciditatis et diaphaneitatis, quæ ad lucis genus reducitur, tunc omnibus corporibus lucidis et diaphanis collata fuisse. Et quia sol est principium et fons luminis, illuminans superiora et inferiora corpora; ideo per lucem illam intelligit Dionysius lucem solis informem, quæ motu communi et diurno distinguebat diem et noctem, sicut et nunc facit.

Et per hoc patet responsio ad decimum, quia lux illa non fuit nubes secundum veritatem substantiæ, quæ postea desierit esse; sed potuit dici nubes secundum similitudinem proprietatis; quia sicut nubes lucida recipit lumen a sole in maiori claritate quam sit in ipso fonte; ita etiam substantia solis habuit primo in illis primis tribus diebus lumen imperfectum et quasi informe, quod postmodum quarta die consummatum est; unde ipsa lucida substantia solis fuit, quia a principio creationis formam substantialem habuit; sed dicitur ex ea sol quarta die factus, non secundum substantiam, sed per additionem novæ virtutis, sicut ex homine non musico dicitur fieri homo musicus non secundum substantiam, sed secundum virtutem.

## QUÆSTIO V

## DE CONSERVATIONE RERUM IN ESSE A DEO

*(Et habet decem articulos.)*

Primo enim queritur, utrum res conserventur in esse a Deo, an etiam circumscripta omni Dei actione, per se in esse remaneant; 2<sup>o</sup> utrum Deus possit alicui creaturæ communicare quod per se in esse conservetur absque Deo; 3<sup>o</sup> utrum Deus possit creaturam in nihilum redigere; 4<sup>o</sup> utrum aliqua creatura in nihilum sit redigenda, vel etiam in nihilum redigatur; 5<sup>o</sup> utrum motus cœli quandoque deficiat; 6<sup>o</sup> utrum possit scribi ab homine quando motus cœli finiatur; 7<sup>o</sup> utrum cessante motu cœli elementa remaneant; 8<sup>o</sup> utrum cessante motu cœli remaneat actio et passio in elementis; 9<sup>o</sup> utrum plantæ et animalia bruta et corpora mineralia remaneant post finem mundi; 10<sup>o</sup> utrum corpora humana remaneant, motu cœli cessante.

ARTICULUS PRIMUS. — *Utrum res conserventur in esse a Deo.* (I part. quæst. cix, art. 1. et II<sup>æ</sup> quæst. cix, art. 2. 8 et 9; et III com. Gent. cap. LXV, LXVII, et LXV.)

Quæstio est de conservatione rerum in esse a Deo. Et primo queritur, an etiam circumscripta omni Dei actione, per se in esse remaneant. Et videtur quod sic. Dicitur enim Deut., xxxii, 4: *Dei perfecta sunt opera.* Ex hoc sic arguitur. Perfectum est cur nihil deest, secundum Philosophum (III Phys., com. LXIII, et LXIV). Et autem aliquid deest ad suum esse quod non potest esse nisi aliquo exteriori agente. Ergo huiusmodi perfectum non est: Dei ergo talia opera non sunt.

2. Sed dicebat, quod opera Dei non sunt perfecta simpliciter, sed secundum suam naturam. — Sed contra, perfectum secundum suam naturam est quod habet illud cuius sua natura est capax. Sed quidquid habet totum illud cuius sua natura est capax, potest remanere in esse, omni Dei conservatione exteriori cessante. Ergo si creaturæ aliquæ sunt perfecte secundum suam naturam, possunt remanere in esse, Deo non conservante. Probatio mediæ. Deus conservandæ res, aliquid agit: propter quod dicitur Joan., v, 47: *Pater meus usque modo operatur et ego operor*, ut dicit Augustinus (X super Genes. ad litteram). Agente autem aliquid operante, effectus aliquid recipit. Ergo quando Deus conservat res, semper res conservatæ aliquid a Deo recipiunt: quando ergo res conservatioe indiget, non dum totum habet cuius est capax.

3. Præterea, unumquodque non est perfectum nisi perficiat

hoc ad quod est. Sed principia ad hoc sunt, ut rem in esse conservent. Si ergo principia creata rerum non possunt rem in esse tenere, sequitur ea esse imperfecta, et ita non esse Dei opera: quod est absurdum.

4. Præterea, Deus est causa rerum sicut efficiens. Sed cessante actione causæ efficientis, remanet effectus; sicut cessante actione edificatoris remanet domus, et cessante actione ignis generantis adhuc remanet ignis generatus. Ergo et cessante omni Dei actione, adhuc possunt creaturæ in esse remanere.

5. Sed dicebat, quod agentia inferiora sunt causa fieri et non essendi; unde esse effectuum remanet, remoto actione causarum fieri. Deus autem est causa rebus non solum fieri, sed essendi. Unde esse rerum remanere non potest, divina actione cessante. — Sed contra, omnis res generata habet esse per suam formam. Si ergo causa inferioris generantes non sunt causæ essendi, non erunt causæ formarum; et ita formæ quæ sunt in materia, non sunt a formis quæ sunt in materia, secundum sententiam Philosophi, qui (in VII Metaph., com. xxviii) dicit, quod forma quæ est in his carnibus et ossibus, est a forma quæ est in his carnibus et ossibus: sed sequitur quod formæ in materia sunt a formis sine materia, secundum sententiam Platonis, vel a datore formarum, secundum sententiam Avicennæ (lib. IX Met., cap. iv et v).

6. Præterea, ea quorum esse est (1) in fieri, non possunt remanere cessante actione agentis, ut patet de motu et de agone (2) et similibus; illa vero quorum esse est in facto esse, possunt remanere etiam agentibus remotis. Unde Augustinus dicit (VIII super Genes. ad litteram, cap. xii): *Presente homine non factus est aer lucidus sed fit: quia si factus esset, non fieret; sed absente homine lucidus remaneret.* Nullæ autem creaturæ sunt quorum esse non est in fieri, sed in facto esse; ut patet de Angelis, et de corporibus etiam omnibus. Ergo cessante actione Dei agentis, creaturæ possunt remanere in esse.

7. Præterea, causæ inferiores generantes sunt rebus generatis causæ essendi, ut supra probatum est; non tamen sicut causæ principales et primæ, sed sicut causæ secundæ. Causæ autem primæ essendi, quæ Deus est, rebus generatis non dat principium essendi, nisi mediantibus causis secundis predictis. Ergo nec permanentiam in esse, quia eadem res per idem habet esse et in esse conservatur. Sed esse generatorum conservatur ex ipsis principis essentialibus generatorum, cessantibus causis secundis agentibus. Ergo etiam cessante causa primæ agente, quæ Deus est.

8. Præterea, si res aliqua deficit esse, aut hoc esse propter materiam, aut propter hoc quod est ex nihilo. Materia autem

(1) Al. sunt. — (2) Forte, sono.

non est causa corruptionis nisi secundum quod est subjecta contrarietati: non autem in omnibus creaturis est materia contrarietati subjecta. Ergo illa in quibus non est materia contrarietati subjecta, sicut sunt corpora celestia et Angeli, non possunt deficere ratione materie; nec iterum ratione ejus quod sunt ex nihilo, quia ex nihilo nihil sequitur et nihilum nihil agit, et ita non corrumpit. Ergo cessante omni actione divina, hujusmodi res esse non desiccarent.

9. Præterea, forma incipit esse in materia in instanti quod est ultimum factionis, in quo res non est in fieri, sed in facto esse. Sed secundum Avicennæ sententiam (lib. IX Metaph., cap. ty et v), formæ rerum generatarum infunduntur in materia ab intelligentia agente, quæ est datrix formarum. Ergo illa intelligentia est causa essendi, non tantum fieri; et ita per actionem ejus res possunt conservari in esse, etiam circumscripta Dei conservatione.

10. Præterea, etiam forma substantialis est causa essendi. Si ergo cause essendi sunt que conservant res in esse, ipsa forma rei sufficit ad hoc quod res in esse conservetur.

11. Præterea, res conservantur in esse per materiam, in quantum sustinet formam. Sed materia, secundum Philosophum, est ingenua et incorruptibilis, et ita non est causata ab aliqua causa; et sic remanet, omni actione cause efficientis remota. Ergo adhuc res poterunt conservari in esse, cessante actione primæ cause efficientis, scilicet Dei.

12. Præterea, Eccli., xxxiii, 15, dicitur: *Intuerè in omnia opera Altissimi: duo contra duo, unum contra unum.* Sed inter opera Altissimi invenitur aliquid quod indiget Dei conservatione. Ergo etiam invenitur inter opera Dei ejus oppositum, scilicet quod non indiget Dei conservatione.

13. Præterea, appetitus naturalis non potest esse cassus et vanus. Sed quilibet res naturaliter conservationem sui esse appetit. Potest ergo res per seipsam conservari in esse; alias appetitus naturalis esset vanus.

14. Præterea, Augustinus dicit (in Ench., cap. x), quod Deus fecit singula bona, simul autem omnia valde bona; propter quod dicitur Genes., 1, 31: *Vidit Deus cuncta que fecerat, et erant valde bona.* Ipsa ergo creaturarum universitas est valde bona et optima; optima enim est optima adducere, secundum Platonem in Timæo (circa fin.). Sed melius est quod non indiget aliquo exteriori ad sui conservationem, eo quod indiget. Ergo universitas creaturarum non indiget aliquo exteriori conservante.

15. Præterea, beatitudo est aliquid creatum in natura beatorum. Sed beatitudo est status omnium bonorum congregatione perfectus, ut Boetius dicit (in III de Consol., prosa II); quod non esset, nisi in se includeret sui conservationem, quod est

unum de maxime bonis. Ergo aliquid creatum est quod per seipsam potest conservari in esse.

16. Præterea, dicit Augustinus (VII de Civitate Dei, cap. xxx), quod Deus ita administratres sua providentia, quod lamien sinit eas agere propriis motus. Sed proprius motus nature ex nihilo existentis est ut in nihilum tendat. Ergo Dominus permittit naturam quæ est ex nihilo, in nihilum tendere. Non ergo conservat res in esse.

17. Præterea, recipiens quod est contrarium recepto, non conservat receptum, sed magis ipsum destruit. Videmus enim quod que recipiuntur ab agentibus naturalibus per violentiam in suis contrariis, remanent ad horam, cessante actione naturalium agentium; sicut calor remanet in aqua calefacta, cessante actione ignis, ad horam. Effectus autem Dei non recipiuntur in aliquo contrario, sed in nihilo; quia ipse est auctor totius substantiæ rei. Ergo multo magis remanebant divini effectus vel ad horam, divina actione cessante.

18. Præterea, forma est principium cognoscendi, operandi et essendi. Sed forma absque exteriori adiumento potest esse operandi principium et cognoscendi. Ergo et essendi; et ita cessante omni Dei actione, res per formam potest conservari in esse.

Sed contra est quod dicitur Heb., 1, 3: *Portans omnia verbo virtutis sue;* ubi dicit Glossa (ord. libi et interlinearis): *Sicut ab eo creata sunt, ita per eum immutabilia conservantur.*

Præterea, Augustinus dicit (IV super Genes. ad litt., cap. xii): *Creatoris potentia et Omnipotentis virtus causa subsistendi est omni creatura; que virtus ab eis que creata sunt regendis si aliquando cessaret, simul et illorum cessaret species, omnisque natura concideret.* Et infra: *Mundus nec in actu oculi stare poterit, si ei Deus regimen suum subtraxerit.*

Præterea, Gregorius dicit (lib. VI Mor., cap. xviii), quod *omnia in nihilum deciderent, nisi ea manus Omnipotentis contineret.*

Præterea, in lib. de Causis (prop. ix), dicitur: *Omnis intelligentia factio, ille est permanentia et essentia, est per bonitatem que est causa prima.* Multo ergo fortius alio creaturas non fiuntur in esse nisi per Deum.

Respondet dicendum, quod absque omni dubio concedendum est, quod res conservantur in esse a Deo, et quod in momento in nihilum redigerentur, cum a Deo desererentur. Cujus ratio hinc accipi potest. Effectum enim a sua causa dependere oportet. Hoc enim est de ratione effectus et causæ: quod quidem in causis formalibus et materialibus manifeste apparet. Quocumque enim materiali vel formali principio subtracto, res statim esse desinit, cum hujusmodi principia intrent essentiam rei. Idem

autem iudicium oportet esse de causis efficientibus, et formalibus vel materialibus (1). Nam efficiens est causa rei secundum quod formam inducit, vel materiam disponit. Unde eadem dependentia rei est ad efficiens, et ad materiam et formam, cum per unum eorum ab altero dependeat. De finalibus autem causis oportet etiam idem esse iudicium quod de causa efficiente. Nam finis non est causa, nisi secundum quod movet efficientem ad agendum; non enim est primum in esse, sed in intentione solum. Unde et tibi non est actio, non est causa finalis, ut patet in III Metaph. (com. xii). Secundum hoc ergo esse rei factæ dependet a causa efficiente secundum quod dependet ab ipsa forma rei factæ. Est autem aliquod efficiens a quo forma rei factæ non dependet per se et secundum rationem formæ, sed solum per accidens: sicut forma ignis generati ab igne generante, per se quidem, et secundum rationem suæ speciei non dependet, cum in ordine rerum eundem gradum teneat, nec forma ignis aliter sit in igne generato quam in generante; sed distinguitur ab ea solum divisione materiali, prout scilicet est in alia materia. Unde cum igni generato sua forma sit ab aliqua causa, oportet ipsam formam dependere ab alteri principio, quod sit causa ipsius formæ per se et secundum propriam speciei rationem. Cum autem esse formæ in materia, per se loquendo, nullum motum vel mutationem implicet, nisi forte per accidens; omne autem corpus non agat nisi motum, ut Philosophus probat; necesse est quod principium ex quo per se dependet forma, sit aliquod principium incorporeum; per actionem enim alicujus principii dependet effectus a causa agente. Et si aliquod principium corporeum est per aliquem modum causa formæ, hoc habet inquantum agit virtute principii incorporei, quasi ejus instrumentum; quod quidem necessarium est ad hoc quod forma esse incipiat, inquantum forma non incipit esse nisi in materia; non enim materia quocumque modo se habens potest subesse formæ, quia proprium actum in propria materia oportet esse. Cum ergo est materia in dispositione que non competit formæ alicui, non potest a principio incorporeo, a quo forma dependet per se, eam consequi immediate; unde oportet quod sit aliquid transmutans materiam; et hoc est aliquid agens corporeum, cujus est agere movendo. Et hoc quidem agit in virtute principii incorporei, et ejus actio determinatur ad hanc formam, secundum quod talis forma est in eo, actu (sicut in agentibus univocis) vel virtute, sicut in agentibusquivocis. Sic igitur hujusmodi inferiora agentia corporalia, non sunt formarum principia in rebus factis, nisi quantum potest se extendere casualitas transmutationis; cum non agant nisi transmutando, ut dictum est, quæst. III, art. 7 et 8; hoc autem est inquantum disponunt materiæ

(1) *Intellige*: idem,.... iudicium oportet esse de causis efficientibus, ac de formalibus vel materialibus.

et educunt formam de potentia materiæ. Quantum igitur ad hoc, formæ generatorum dependent a generantibus naturaliter, quod educuntur de potentia materiæ, non autem quantum ad esse absolutum. Unde et remota actione generantis, cessat eductio formarum de potentia in actum, quod est fieri generationem; non autem cessant ipse formæ, secundum quas generata habent esse. Et inde est quod esse rerum generatorum manet, sed non fieri, cessante actione generantis. Si quæ autem formæ sunt non in materia, ut sunt substantiæ intellectuales, vel in materia nullo modo indisposita ad formam, ut est in corporibus celestibus, in quibus non sunt contrariæ dispositiones; harum principium esse non potest nisi agens incorporeum, quod non agit per motum; nec dependet ab aliquo secundum fieri a quo non dependeat secundum esse. Sicut igitur cessante actione causæ efficientis, quæ agit per motum, in ipso instanti cessat fieri rerum generatorum; ita cessante actione agentis incorporei, cessat ipsum esse rerum ab eo creaturarum. Hoc autem agens incorporeum, a quo omnia creantur, et corporalia et incorporalia, Deus est, sicut in alia questione, III, art. 5, 6 et 8, ostensum est, a quo non solum sunt formæ rerum, sed etiam materiæ. Et quantum ad propositum non differt utrum immediate vel quodam ordine, ut quidam Philosophi posuerunt. Unde sequitur quod divina operatione cessante, omnes res eodem momento in nihilum deciderent, sicut auctoritatibus est probatum in argumentis *Sed contra*.

AD PRIMUM ergo dicendum, quod creaturæ Dei sunt perfectæ in sua natura et in suo ordine; sed inter alia quæ ad earum perfectionem requiruntur, hoc etiam est quod a Deo contineantur in esse.

AD SECUNDUM dicendum, quod Deus non alia operatione producit res in esse et eas in esse conservat. Ipsum enim esse rerum permanentium non est divisibile (1) nisi per accidens, prout alicui motui subjacet; secundum se autem est in instanti. Unde operatio Dei, quæ est per se causa quod res sit, non est alia secundum quod facit principium essendi, et essendi continuationem.

AD TERTIUM dicendum, quod quamdiu principia essentialia rerum sunt, tandem res conservantur in esse; sed et ipsa rerum principia esse desineant, divina actione cessante.

AD QUARTUM dicendum, quod hujusmodi inferiora agentia sunt causa rerum quantum ad earum fieri, non quantum ad esse rerum per se loquendo. Deus autem per se est causa essendi; et ideo non est simile. Unde Augustinus dicit (IV super Genes. ad litter., cap. XII, ante med.): *Non enim sicut structuram cum fabricaverit quis abscedit, atque illo cessante et absceden-*

(1) *Id* indivisibile.



*le (1) stat opus ejus; ita mundus cel in ictu oculi stare poterit si ei Deus regimem suum subtraheret.*

Ad **PRIMUM** dicendum, quod cum (2) agentia corporalia non agant (3) nisi transmutando; nihil autem transmutetur, nisi ratione materie; causalitas agentium corporalium non potest se extendere nisi ad ea que aliquo modo sunt in materia. Et quia Platonici et Avicenna non ponebant formas de potentia materie educi, ideo cogebantur dicere quod agentia naturalia disponerent tantum materiam; inductio autem forme erat a principio separato. Si autem ponamus formas substantiales educi de potentia materie, secundum sententiam Aristotelis, agentia naturalia non solum erunt cause dispositionum materie, sed etiam formarum substantialium; quantum ad hoc duntaxat quod de potentia educantur in actum, ut dictum est, quest. iii, art. 9 et 11; et per consequens sunt essendi principia quantum ad inchoationem ad esse, et non quantum ad ipsum esse absolute.

Ad **SEXTUM** dicendum, quod formarum que incipiunt actu esse in materia per actionem corporalis agentis, quedam producuntur secundum perfectam rationem speciei et secundum perfectum esse in materia, sicut et forma generantis, eo quod in materia non remanent contraria principia, et hujusmodi forme remanent post actionem generantis, usque ad tempus corruptionis. Quaedam vero forme producuntur quidem secundum perfectam rationem speciei, non autem secundum perfectum esse in materia; sicut calor qui est in aqua calefacta, habet perfectam speciem caloris, non tamen perfectum esse, quod est ex applicatione forme ad materiam, eo quod in materia remanet forma contraria tali qualitati. Et hujusmodi forme possunt ad modicum (4) remanere post actionem agentis; sed prohibentur diu permanere a contrario principio, quod est in materia. Quaedam vero producantur in materia et secundum imperfectam speciem et secundum imperfectum esse, sicut lumen in aere a corpore lucido. Non enim lumen est in aere sicut quedam forma naturalis perfecta prout est in corpore lucido, sed magis per modum intentionis. Unde sicut similitudo hominis non manet in speculo nisi quamdiu est oppositum homini; ita nec lumen in aere, nisi apud presentiam corporis lucidi; hujusmodi enim intentiones dependent a formis naturalibus corporum per se, et non solum per accidens; et ideo esse eorum non manet cessante actione agentium. Hujusmodi ergo propter imperfectionem sui esse dicuntur esse in fieri; sed creature perfecta non dicuntur esse in fieri propter sui esse imperfectionem, quamvis actio Dei earum factoris inefficenter permaneat.

Ad **SEPTIMUM** dicendum, quod actio corporalis agentis non se extendit ultra motum, et ideo est instrumentum primi agentis

(1) *Al. et abscindenda.* — (2) *Al. dicit. cum.* — (3) *Al. agant, et infra transmutatur.* — (4) *Al. modum.*

in educatione formarum de potentia in actum, que est per motum; non autem in conservatione earum, nisi quantum ex aliquo motu dispositiones in materia retinentur, quibus materia fit propria forme; sic enim per motum corporum celestium inferiora conservantur in esse.

Ad **OCTAVUM** dicendum, quod creatura deficeret divina actione cessante, non propter contrarium quod sit in materia, quia ipsum etiam cum materia cessaret; sed propter hoc quod creatura est ex nihilo; non propter hoc quod nihilum aliquid ageret ad corruptionem, sed non ageret ad conservationem.

Ad **NOVUM** dicendum, quod ipse dator formarum si ponatur aliquid aliud præter Deum, secundum sententiam Avicenne, oportet quod et ipsum deficeret cessante actione Dei, que est sua causa.

Ad **DECIMUM** dicendum, quod etiam prædicta actione cessante forma deficeret, unde non posset esse essendi principium.

Ad **DECIMUMPRIMUM** dicendum, quod materia dicitur ingenuita quia non procedit in esse per generationem; ex hoc tamen non removetur quin a Deo sit; cum omne imperfectum oporteat a perfecto originem trahere.

Ad **DECIMUMSECUNDUM** dicendum, quod non oportet inter opera Dei, uno contradictorie oppositorum invento, aliud inveniri (sic enim esset inter ea aliquid increatum, cum sit ibi aliquid creatum), quamvis hoc verum sit de aliis oppositis. Ea vero de quibus est objectio, sunt contradictorie opposita; unde ratio non sequitur.

Ad **DECIMUMTERTIUM** dicendum, quod, licet quelibet res naturaliter appetat sui conservationem, non tamen quod a se conservetur, sed a sua causa.

Ad **DECIMUMQUARTUM** dicendum, quod universitas creaturarum non est optima simpliciter, sed in genere creatorum; unde nihil prohibet ea aliquid melius esse.

Ad **DECIMUMQUINTUM** dicendum, quod inter bona quorum congregatione status beatitudinis periclitatur, principium est conjuncto ad suam causam; cum ipsa Dei fructio sit creatura rationalis beatitudo.

Ad **DECIMUMSEXIMUM** dicendum, quod tendere in nihilum non est proprie motus naturalis, qui semper est in bonum, sed est insus defectus; unde ratio falsum supponebat.

Ad **DECIMUMSEPTIMUM** dicendum, quod illius impressionis violente agens violentum est causa secundum fieri, et non simpliciter secundum esse, ut ex dictis patet, in solut. ad 6 argum.; unde cessante actione agentis, potest ad tempus remanere, sed non diu propter ejus imperfectionem.

Ad **DECIMUMOCTAVUM** dicendum, quod sicut forma non potest esse principium essendi, nisi aliquo priori principio presupposito; ita nec operandi, cum Deus in qualibet re operetur, ut in

alia questione. III, arg. 6, ostensum est; nec etiã cognoscendi, cum omnis cognitio a lumine increato derivetur.

ARTICULUS II. — *Utrum Deus possit alicui creaturæ communicare quod per se in esse conservetur absque Deo.*

Secundo quaeritur, utrum Deus possit alicui creaturæ communicare quod per se in esse conservetur absque Deo. Et videtur quod sic. Creare enim est majus quam per se in esse conservari. Sed creare potuit creaturæ communicari, ut Magister dicit in V dist. IV Sentent. Ergo et per se in esse conservari.

2. Præterea, plus est in potestate rerum et Dei, quam in potestate intellectus nostri. Sed intellectus noster potest intelligere creaturam absque Deo. Ergo multo fortius Deus potest creaturæ dare ut per se conservetur in esse.

3. Præterea, aliqua creatura est ad imaginem Dei, ut patet Genesis I. Sed secundum Hilarium (in libro de Synodis) imago est rei ad rem coæquantam indidreca et unita similitudo; et sic imago adquire potest id cuius est imago. Cum ergo Deus nullo exteriori conservante indigeat, videtur quod hoc potuit creaturæ communicare.

4. Præterea, quanto agens est perfectius, tanto potest perfectionem effectum producere. Sed agentia naturalia possunt effectus facere qui conserventur in esse sine agentibus. Ergo multo fortius Deus potest hoc facere.

Sed contra, Deus non potest aliquid facere in diminutionem suæ auctoritatis. Hoc autem suo dominio præjudicaret, si aliquid absque ipsius conservatione posset esse. Ergo Deus hoc facere non potest.

Respondeo dicendum, quod ad omnipotentiam Dei non pertinet quod possit facere duo contradictoria esse simul. In hoc autem quod dicitur quod Deus faciat aliquid quod ejus conservatione non indigeat, contradictio implicatur. Jam enim ostensum est quod omnis effectus a sua causa dependet, secundum quod est ejus causa. In hoc ergo quod dicitur, quod Dei conservatione non indigeat, ponitur non esse creatum a Deo; in hoc quod dicitur, quod Deus faciat ipsum, ponitur esse creatum. Sicut ergo contradictionem implicaret, Deum facere aliquid quod non esset creatum ab eo; ita si quis diceret Deum facere aliquid quod ejus conservatione non indigeret. Unde utramque pari ratione Deus non potest.

Ad primum ergo dicendum, quod cum creare sit aliquid causare, non indigere autem alterius conservatione, non sit nisi ejus quod causam non habet; manifestum est quod majus est non indigere conservari ab alio quam creare; sicut majus est causam non habere quam causam esse; licet et hoc non sit usquequaque verum, quod creare creaturæ sit communicabile, se-

cundum quod est actus primi agentis, ut in alia questione, 3, dictum est.

Ad secundum dicendum, quod quamvis intellectus possit intelligere creaturam non intelligendo Deum, non tamen potest intelligere creaturam non conservari in esse a Deo; hoc enim implicat contradictionem, sicut et creaturam non esse creatam a Deo, ut dictum est, quæst. III, art. 5.

Ad tertium dicendum, quod æqualitas non est de ratione imaginis absolute, sed perfectæ; quæsi Dei imago non est creatura, sed Filius; unde ratio non sequitur.

Ad quartum dicendum, quod responsio patet per ea quæ dicta sunt in præcedenti.

ARTICULUS III. — *Utrum Deus possit creaturam in nihilum redigere.*

Tertio quaeritur, utrum Deus possit creaturam in nihilum redigere. Et videtur quod non. Dicit enim Augustinus in lib. LXXXIII Questionum (quæst. II, in med.), quod Deus non est causa tendendi in non esse. Hoc autem esset, si creaturam annihilaret. Ergo Deus non potest creaturam in nihilum redigere.

2. Præterea, creature corruptibiles, quæ inter ceteras sunt debilioris esse, non desinunt esse nisi per actionem alicujus cause agentis, sicut ignis corrumpitur aliquo contrario agente in ipsum. Multo minus igitur alia creaturæ possunt desinere nisi per aliquam actionem. Si ergo Deus aliquam creaturam annihilaret, hoc non fieret nisi per aliquam actionem. Per actionem autem hoc fieri est impossibile. Nam omnis actio sicut est ab ente actu, ita in ens actu terminatur, cum oporteat factum esse simile facienti. Actio autem quæ aliquid ens actu constituitur, non omnino in nihilum redigit. Ergo Deus non potest aliquid annihilare.

3. Præterea, omne quod est per accidens, reducitur ad id quod est per se. Sed a nulla causa agente est defectus et corruptio nisi per accidens, cum nihil operetur nisi intendens ad bonum, ut Dionysius dicit IV cap. de div. Nom. 7. Unde et ignis corrumpens aquam, non intendit privationem forme aque, sed formam propriam in materiam introducere. Ergo non potest ab aliquo agente causari aliquid defectus, quin simul aliqua perfectio constituitur. Ubi autem aliqua perfectio constituitur, ibi non est annihilatio. Ergo Deus non potest aliquid annihilare.

4. Præterea, nihil agit nisi propter finem. Finis enim est quod movet efficientem. Finis autem divine actionis est ejus bonitas; quod quidem esse potest in rerum productione, per quam res similitudines divine bonitatis consequuntur; non autem in annihilatione, per quam annihilatum omnino a Dei similitudine recederet. Ergo Deus non potest aliquid annihilare.

5. Præterea, manente causa, necesse est permanere causatum. Si enim non est necesse, possibile erit causatum esse et non esse, posita causa; et sic indigebit alio quo causatum ad esse determinetur; et ita causa sufficiens non erit ad esse causati. Sed Deus est sufficiens causa rerum. Ergo Deo manente necesse est res in esse manere. Sed Deus non potest facere quin ipse in esse maneat. Ergo non potest creaturas reducere in non esse.

6. Sed dicebatur, quod Deus non erit causa in actu, cum creaturæ erunt annihilatæ. — Sed contra, divina actio est ejus esse; unde et Augustinus (lib. I de Doct. christ., cap. XXXII), vult quod in quantum Deus est, nos simus. Summum autem esse nunquam ei advenit. Ergo nunquam desinit esse in sua actione; et ita semper erit causa in actu.

7. Præterea, Deus non potest facere contra communes animi conceptiones, sicut quod totum non sit in his sua parte. Communis autem animi conceptio est apud sapientes, animas rationales per se esse. Ergo Deus non potest facere quod in nihilum redigantur.

8. Præterea, Commentator dicit in XI Metaph. (in lib. suo XI, qui est super XII Aristot., com. XII), quod id quod est in se possibile esse et non esse, non potest necessitatem essendi ab alio acquirere. Quæcumque ergo creaturæ habent necessitatem essendi, in eis non est possibilitas ad esse et non esse. Hujusmodi autem sunt omnia incorruptibilia, ut sunt substantiæ incorporeæ et corpora cælestia. Ergo omnibus his non est possibilitas ad non esse. Si ergo sibi relinquuntur, divina actione subtracta, non deficient in non esse; et sic Deus non videtur quod possit ea annihilare.

9. Præterea, quod recipitur in aliquo, non tollit potentiam recipientis; sed potest eam perficere. Si ergo aliquid sit possibilitatem habens ad non esse, nihil in eo receptum hanc possibilitatem ei auferre poterit. Ergo quod est in se possibile non esse, non poterit ab aliquo necessitatem essendi acquirere.

10. Præterea, ea secundum quæ aliquo genere diversificantur, sunt de essentia rei; nam genus pars definitionis est. Secundum autem corruptibile et incorruptibile aliquo genere differunt, ut patet in X Metaph. (textu com. XXVI). Ergo sempiternitas et incorruptibilitas est de essentia rei. Deus autem non potest alicui rei auferre quod est de essentia ejus; non enim potest facere quod homo existens homo, non sit animal. Ergo non potest rebus incorruptilibus sempiternitatem auferre; et ita non potest ea ad nihilum redigere.

11. Præterea, corruptibile nunquam potest mutari ut fiat incorruptibile secundum suam naturam; nam incorruptibilitas corporum resurgentium non est nature, sed gloriæ; et hoc ideo est, quia corruptibile et incorruptibile differunt genere, ut di-

ctum est. Si autem quod est in se possibile non esse, ab aliquo necessitatem essendi posset acquirere, corruptibile posset in incorruptibilitatem mutari. Ergo impossibile est esse aliquid quod in se sit possibile non esse, et acquirat necessitatem ab alio; et sic idem quod prius.

12. Præterea, si creaturæ non habent necessitatem nisi secundum quod dependent a Deo, a Deo autem dependent secundum quod Deus est earum causa; non habebunt necessitatem nisi per modum qui competit causalitati qua Deus eorum causa est. Deus autem est rerum causa non per necessitatem, sed per voluntatem, ut est in alia questione, in art. 15, ostensum. Sic ergo erit necessitas in rebus sicut in his quæ a voluntate causantur. Ea autem quæ sunt a voluntate, non simpliciter et absolute sunt necessaria, sed solum necessitate conditionata, eo quod voluntas non necessario determinatur ad unum effectum. Ergo sequitur quod in rebus nihil est necessarium absolute, sed solum sub conditione; sicut est necesse Socratem moveri, si currit; vel ambulare, si vult, nullo impedimento existente. Ex quo videtur sequi quod nihil sit in creaturis simpliciter incorruptibile, sed omnia sint corruptibilia; quod est inconveniens.

13. Præterea, sicut Deus est summum bonum, ita est perfectissimum ens. Sed in quantum est summum bonum, ei convenit quod non possit esse causa mali culpæ. Ergo in quantum est perfectissimum ens, non ei competit quod possit esse causa annihilationis rerum.

14. Præterea, Augustinus dicit (Enechiridii, cap. XI), quod Deus est adeo bonus quod nunquam permetteret aliquid mali fieri, nisi esset adeo potens quod de quolibet malo posset elicere aliquid bonum. Sed si creaturæ annihilarentur, nullum bonum inde eliceretur. Ergo Deus non potest hoc permittere quod creaturæ in nihilum decendant.

15. Præterea, non minor distantia est in nihilum de ente, quam de nihilo in esse. Sed reducere aliquid de nihilo in esse, est potentia infinita, propter distantiam infinitam. Ergo reducere de esse in nihil, non est nisi potentia infinita. Nulla autem creatura habet potentiam infinitam. Ergo subtracta actione Creatoris, creatura non poterit in nihilum reduci. Quo quidem modo dicebatur Deus res posse annihilare, scilicet per suæ actionis subtractionem. Nullo ergo modo Deus potest creaturas in nihilum redigere.

Sed contra est quod Origenes dicit in Periarchon: *Quod datum est, auferri atque recedere potest.* Sed esse datum est creaturæ a Deo. Ergo potest auferri; et sic Deus potest creaturas in nihilum redigere.

Præterea, illud quod dependet ex simplici Dei voluntate, potest etiam, Deo volente, cessare. Sed totum esse creaturæ

dependet ex simplici Dei voluntate; cum Deus per suam voluntatem sit causa rerum, et non per naturæ necessitatem. Ergo, Deo volente, possunt creaturæ in nihilum redigi.

Præterea, Deus non est plus debitor creaturis postquam esse inceperunt, quam antequam esse inciperent. Sed antequam creaturæ inciperent, absque omni præiudicio suæ bonitatis poterat cessare ab hoc quod esse creaturis communicaret; quia sua bonitas in nullo a creaturis dependet. Ergo Deus potest absque præiudicio suæ bonitatis suam actionem a rebus creatis subtrahere; qui posito in nihilum deciderent, ut in præcedenti articulo ostensum est. Potest ergo Deus res annihilare.

Præterea, eadem actione Deus res in esse produxit et eas in esse conservat, ut supra ostensum est. Sed Deus potuit res in esse non producere. Ergo eadem ratione potest ens in esse non conservare; et sic potest eas annihilare.

Respondet dicendum, quod in rebus a Deo factis dicitur aliquid esse possibile dupliciter. Uno modo per potentiam agentis tantum; sicut antequam mundus fieret, possibile fuit mundum fore, non per potentiam creaturæ, quæ nulla erat; sed solum per potentiam Dei, qui mundum in esse producere poterat. Alio modo per potentiam quæ est in rebus factis; sicut possibile est corpus compositum corrumpi. Si ergo loquamur de possibilitate ad non esse ex parte rerum factarum, dupliciter circa hoc aliquid opinari solent. Avicenna namque posuit lib. VIII Metaph., cap. vi, quod quælibet res præter Deum habebat in se possibilitatem ad esse et non esse. Cum enim esse sit præter essentiam cuiuslibet rei creatæ, ipsa natura rei creatæ per se considerata, possibile est ad esse; necessitatem vero essendi non habet nisi ab alio, cuius natura est summum esse, et hoc Deus est. Commentator vero in XI Metaph., text. xli, et in libro de substantia orbis, contrarium ponit, scilicet quod quædam res creatæ sunt, in quarum natura non est possibilitas ad non esse; quia quod in sua natura habet possibilitatem ad non esse, non potest ab extrinseco acquirere sempiternitatem, ut scilicet sit per naturam suam sempiternum. Et hæc quidem positio videtur rationabilior. Potentia enim ad esse et non esse non convenit alicui nisi ratione materiæ, quæ est pura potentia. Materia etiam, cum non possit esse sine forma, non potest esse in potentia ad non esse, nisi quantum existens sub una forma, est in potentia ad aliam formam. Dupliciter ergo potest contingere quod in natura alicujus rei non sit possibilitas ad non esse. Uno modo per hoc quod res illa sit forma tantum subsistens in esse suo, sicut substantiæ incorporeæ, quæ sunt penitus immateriales. Si enim forma ex hoc quod inest materiæ, est principium essendi in rebus materialibus, nec res materialis potest non esse nisi per separationem formæ; ubi ipsa forma in esse suo subsistit nullo modo poterit non esse; sicut nec esse potest a seipso separari. Alio

modo per hoc quod in materia non sit potentia ad aliam formam, sed tota materiæ possibilitas ad unam formam terminetur; sicut est in corporibus celestibus, in quibus non est formarum contrarietas. Illæ ergo solæ res in sua natura possibilitatem habent ad non esse, in quibus est materiæ contrarietati subjecta. Aliis vero rebus secundum suam naturam competit necessitas essendi, possibilitate non essendi ab earum natura sublata. Nec tamen per hoc removetur quin necessitas essendi sit eis a Deo; quia unum necessarium alterius causa esse potest, ut dicitur in V Metaphysic., (comm. vi). Ipsius enim naturæ rebus cui competit sempiternitas, causa est Deus. In illis etiam rebus in quibus est possibilitas ad non esse, materiæ permanet; formæ vero sicut ex potentia materiæ educuntur in actum in rerum generatione, ita in corruptione de actu reducuntur in hoc quod sint in potentia. Unde relinquitur quod in tota natura creata non est aliqua potentia, per quam sit aliquid possibile tendere in nihilum. Si autem recurreramus ad potentiam Dei facientis, sic considerandum est, quod dupliciter dicitur aliquid Deo esse impossibile, uno modo quod est secundum se impossibile, quia non natum est alicui potentiæ subijci; sicut sunt illa quæ contradictionem implicent. Alio modo ex eo quod est necessitas ad oppositum; quod quidem dupliciter contingit in aliquo agente. Uno modo ex parte potentiæ activæ naturalis, quæ terminatur ad unum tantum, sicut potentia calidi ad calefaciendum; et hoc modo Deus Pater necessario generat Filium, et non potest non generare. Alio modo ex parte finis ultimi in quem quælibet res de necessitate tendit; sicut et homo de necessitate vult beatitudinem, et impossibile est eum velle miseriam; et similiter Deus vult de necessitate suam bonitatem, et impossibile est eum velle illa cum quibus sua bonitas esse non potest; sicut dicimus quod impossibile est Deum mentiri aut velle mentiri. Creaturas autem simpliciter non esse, non est in se impossibile quasi contradictionem implicans (talias aut æterno fuissent). Et hoc ideo est, quia non sunt summum esse; ut sic eum dicitur; Creatura non est omnino, oppositum prædicati includatur in definitione, ut si dicitur: Homo non est animal rationale; huiusmodi enim contradictionem implicent, et sunt secundum se impossibilia. Similiter Deus non producit creaturas ex necessitate naturæ; ut sic potentia Dei determinetur ad esse creaturæ, ut in alia questione, III, art. 21, est probatum. Similiter etiam nec bonitas Dei a creaturis dependet, ut si creaturis esse non possit; quia per creaturas nihil bonitatis divinæ adiungitur. Relinquitur ergo quod non est impossibile Deum res ad non esse reducere; cum non sit necessarium eum rebus esse præbere, nisi ex suppositione suæ ordinationis et præscientiæ; quia sic ordinavit et præcivit, ut res in perpetuum in esse teneret.

Ad PRIMUM ergo dicendum, quod si creaturas Deus in nihi-

lum redigeret, non esset causa tendendi in non esse: hoc enim non contingeret per hoc quod ipse causaret non esse in rebus, sed per hoc quod desineret rebus dare esse.

AD SECUNDUM dicendum, quod res corruptibiles desinunt esse per hoc quod earum materia aliam formam recipit, cum qua forma prior stare non potest; et ideo ad earum corruptionem requiritur actio alicujus agentis, per quam forma nova educatur de potentia in actum. Sed si Deus res in nihilum redigeret, non esset ibi necessaria aliqua actio, sed solum hoc quod desisteret ab actione qua rebus tribuit esse; sicut absentia actionis solis illuminantis causat lucis privationem in aere.

AD TERTIUM dicendum, quod ratio illa procederet, si Deus agendo, res annihilare posset; quod quidem non est; sed magis ab actione desistendo, ut dictum est.

AD QUARTUM dicendum, quod tibi non est actio non est necessarium finem requirere. Sed quia ipsum desistere ab actione non potest esse in Deo nisi per suam voluntatem, quae non est nisi finis; posset in ipsa annihilatione rerum finis aliquis inveniri; ut sicut in productione rerum, finis est manifestatio copiae divinae bonitatis, ita in rerum annihilatione finis esse potest sufficientia suae bonitatis, quae in tantum est sibi sufficiens, ut nullo exteriori indigeat.

AD QUINTUM dicendum, quod effectus a causa sequitur, et est secundum modum cause; unde effectus voluntatem consequentes, tunc a voluntate procedunt quando voluntas statim esse procedendum; non autem de necessitate quando voluntas est. Et ideo, quia creaturae a Deo per voluntatem, tunc esse habent cum Deus vult eas esse; non de necessitate, quando cumque Dei voluntas est; alias ab aeterno fuissent.

AD SEXTUM dicendum, quod in actione Dei qui res producit, duo est considerare; scilicet ipsam substantiam operationis, et ordinem ad effectum. Substantia quidem operationis, cum sit divina essentia, aeterna est, nec potest non esse; ordo autem ad effectum dependet ex voluntate divina; ex qualibet enim actione facientis non sequitur effectus nisi secundum exigentiam principii actionis; secundum enim modum caloris ignis calefacit. Unde cum principium factorum a Deo, sit voluntas; secundum hoc in actione divina est ordo ad effectum, prout voluntas determinat. Et ideo quavis actio Dei cessare non possit secundum suam substantiam; ordo tamen ad effectum cessare posset, si Deus vellet.

AD SEPTIMUM dicendum, quod communis animi conceptio dicitur illa cujus oppositum contradictionem includit; sicut, Omne totum est majus sua parte; quia non esse majus sua parte est contra rationem totius. Sic autem animam rationalem non esse, non est communis animi conceptio, ut ex dictis patet; sed naturam animae rationalis non esse corruptibilem, haec est com-

munis animi conceptio. Si autem Deus animam rationalem in nihilum redigeret, hoc non esset per aliquam potentiam ad non esse quae sit in natura animae rationalis, ut dictum est.

AD OCTAVUM dicendum, quod illud in cuius natura est possibilitas ad non esse, non recipit necessitatem essendi ab alio, ita quod ei competat (1) secundum naturam; quia hoc implicaret contradictionem, scilicet quod natura posset non esse, et quod haberet necessitatem essendi; quod habeat incorruptibilitatem ex gratia vel gloria, hoc non prohibetur. Sicut corpus Adae fuit quodammodo incorruptibile per gratiam innocentiae, et corpora resurgentium erunt incorruptibilia per gloriam, per virtutem animae suo principio adherentis. Non tamen removetur quin ipsa natura in qua non est possibilitas ad non esse habeat necessitatem essendi ab alio; cum quidquid perfectionis habet, sit ei ab alio; unde cessante actione suae causae, deficeret, non propter potentiam ad non esse quae in ipso sit, sed propter potentiam quae est in Deo ad non dandum esse.

AD NOXIMUM dicendum, quod in illis quae sunt per naturam incorruptibilia, non praetelligitur potentia ad non esse quae tollatur per aliquid a Deo receptum, secundum quod obiectum procedat; et hoc ex dictis patet. Sed in illis quae sunt incorruptibilia per gratiam, subest possibilitas ad non esse in ipsa natura; quae tamen totaliter reprimitur per gratiam ex virtute Dei.

AD DEXIMUM dicendum, quod si Deus creaturas incorruptibiles in nihilum redigeret, ab earum conservatione cessando, non propter hoc sempiternitatem a natura separaret, quasi remaneret natura non sempiterna; sed tota natura deficeret influxu causae cessante.

AD DECIMUMPRIMUM dicendum, quod corruptibile per naturam non potest mutari ut fiat per naturam incorruptibile, nec e converso, quamvis illud quod est per naturam corruptibile, possit per gloriam supervenientem perpetuum fieri. Non tamen ex hoc oportet ponere aliqua corruptibilia fieri per naturam incorruptibilia, quia esse desineret causa non cessante.

AD DECIMUMSECUNDUM dicendum, quod licet creaturae incorruptibiles ex Dei voluntate dependeant, quae potest eis esse praebere et non praebere; consequuntur tamen ex divina voluntate absolutam necessitatem essendi, in quantum in tali natura causantur, in qua non sit possibilitas ad non esse; talia enim sunt cuncta creato, quia Deus esse ea voluit, ut Hilarius dicit in lib. de Synodus.

AD DECIMUMTERTIUM dicendum, quod Deus licet possit creaturas redigere in nihilum, non tamen potest facere quod eis manentibus ipse non sit earum causa; est autem earum causa, et sicut efficiens, et sicut finis. Sicut ergo Deus non potest facere quod creatura in esse manens ab eo non sit, ita non potest

(1) *Id.* non competat.

facere quod ad ejus bonitatem non ordinetur. Unde, cum malum culpæ privet ordinem qui est in ipsum sicut in finem, eo quod est aversio ab incommutabili bono; Deus non potest esse causa mali culpæ, quamvis possit esse causa annihilationis, omnino a conservatione cessanda.

AD DECIMUMQUARTUM dicendum, quod Augustinus loquitur de malo culpæ; et si loqueretur etiam de malo poenæ, annihilatio tamen rerum nullum malum est: quia omne malum fundatur in bono, cum sit privatio, ut Augustinus dicit (Inchir., cap. xi). Unde sicut ante rerum creationem malum non erat, ita nec malum esset, si omnia Deus annihilaret.

AD DECIMUMQUINTUM dicendum, quod in nulla creatura est virtus quæ possit vel de nihilo aliquid facere vel aliquid in nihilum redigere. Quod autem creature in nihilum redigerentur divina conservatione cessante, hoc non esset per aliquam actionem creature, sed per ejus defectum, ut ex prædictis patet.

ARTICULUS IV. — *Utrum aliqua creatura in nihilum sit redigenda vel in nihilum redigatur.* (1 part., quest. civ. art. 5; et de Veritate, quest. v. art. 2 ad 6.

Quarto quaeritur, utrum aliqua creatura in nihilum sit redigenda, vel etiam in nihilum redigatur. Et videtur quod sic. Sicut enim potentia finita non potest movere tempore infinito, ita nec per potentiam finitam potest aliquid esse tempore infinito. Sed omnis potentia corporis est finita, ut probatur in VIII Phys. (com. lxxxix et lxxx). Ergo in nullo corpore est potentia, ut possit durare tempore infinito. Quaedam autem corpora sunt quæ non possunt corrumpi, eo quod non habent contrarium, sicut corpora caelestia. Ergo necesse est quod quandoque in nihilum redigantur.

2. Præterea, illud quod est propter aliquem finem adipiscendum, habito fine, ulterius eo non indiget; sicut patet de navi, quæ necessaria est mare transibentibus, non autem jam transitu mari. Sed creatura corporalis creata est propter spirituales, ut per eam juretur ad suum finem consequendum. Cum ergo creatura spiritualis erit in suo fine ultimo constituta, corporaliter ulterius non indigebit. Cum ergo nihil sit superfluum in operibus Dei, videtur quod in ultimo rerum fine omnis creatura corporalis deficiet.

3. Præterea, nihil quod est per accidens, est infinitum. Sed esse est cunctis creaturæ per accidens, ut Avicenna dicit (lib. VIII Met. cap. iv); unde et Hilarius (in lib. de Trin. lib. VII non longe a princ.) Deum a creatura distinguens dicit: *Esse non est accidens Deo*. Ergo nulla creatura in infinitum durabit; et sic omnes creaturæ quandoque deficient.

4. Præterea, finis debet respondere principio, Sed creaturæ

principium sumpserunt postquam nihil erat præter Deum. Ergo adhuc creaturæ reducuntur in finem, quod omnino nihil erit.

5. Præterea, quod non habet virtutem ut sit semper, non potest in perpetuum durare. Sed illud quod non semper fuit, non habet virtutem ut sit semper. Ergo quod non semper fuit, non potest in perpetuum durare. Sed creaturæ non semper fuerunt. Ergo non possunt in perpetuum durare; et sic quandoque in nihilum redigantur.

6. Præterea, justitia requirit hoc, ut propter ingratitude aliquid beneficio accepto vel suscepto privetur. Sed per peccatum mortale homo ingratus est inventus. Ergo justitia hoc exigit ut omnibus beneficiis Dei privetur, inter quæ etiam est ipsum esse. Judicium autem Dei de peccatoribus erit justum, secundum Apostolum, Roman., II. Ergo in nihilum redigentur.

7. Præterea, ad hoc est quod dicitur Jerem., x. 24: *Corripue me Domine; servatamen in iudicio, et non in ira tua, ne forte ad nihilum redigas me.*

8. Sed diceretur, quod Deus semper punit citra condignum, propter misericordiam, quæ in Dei iudicio justitia admisceatur; et sic Deus non totaliter peccatores a participatione suorum beneficiorum excludet. — Sed contra, in hoc homini misericordia non præstatur quod sibi detur aliquid quod melius esset ei non habere. Sed damnato in inferno melius esset non esse quam sic esse; quod patet per id quod dicitur Math., xxvi, 24 de Juda: *Melius erat ei, si natus non fuisset homo ille*. Ergo ad misericordiam Dei non pertinet quod damnatos conservet in esse.

9. Præterea, illa quæ non habent materiam partem sui, corrumpuntur omnino, id est totaliter, cum esse desinant (ut dicitur in III Metaph.), sicut sunt accidentia. Hæc autem frequenter esse desinant. Ergo aliqua in nihilum rediguntur.

10. Præterea, Philosophus in VI Physic. (com. vi) argumentatur, quod si continuum est ex indivisibilibus; nec esse est quod indivisibilia dividantur. Ex quo potest accipi quod nunquam quodque resolvitur in ea ex quibus est. Sed omnes creaturæ sunt ex nihilo. Ergo omnes in nihilum quandoque rediguntur.

11. Præterea, II Petr., iii. 10; dicitur: *Cæli magno impetu transibunt*. Sed non possunt transire per corruptionem in aliquid aliud corpus, cum non habeant contrarium. Ergo transibunt in nihilum.

12. Præterea, ad idem est quod dicitur in Ps. ci. 26: *Opera manuum tuarum sicut cæli; ipsi peribunt; et Lac., xxi. 33, dicitur: Cæli et terra transibunt.*

Sed contra est quod dicitur Eccl., i. 4: *Terra autem in æternum stat*. Præterea Eccl., iii. 14; dicitur: *Didici, quod omnia opera quæ fecit Deus perseverent in æternum*. Ergo creaturæ in nihilum non rediguntur.

Respondeo dicendum, quod universitas creaturarum nunquam in nihilum redigetur. Et quamvis creaturæ corruptibiles non semper fuerint, in perpetuum tamen secundum suam substantiam durabunt; licet a quibusdam positum fuerit, quod omnes creaturæ corruptibiles in ultima rerum consummatione deficient in non esse; quod quidem Origenes ascribitur: qui tamen hoc non videtur dicere, nisi aliorum opinionem recitando. Hujus tamen rationem sumere possumus ex duobus. Primo quidem ex divina voluntate, ex qua creaturarum esse dependet. Voluntatis enim Dei, quamvis absolute considerata, ad opposita se in eternis habeat, eo quod non magis ad unum quam ad alterum obligatur: ex suppositione tamen facta aliquam necessitatem habet. Sicut enim in creaturis aliquid quod se ad opposita habet, necessarium creditur, positione aliqua facta, ut Socratem possibile est sedere et non sedere; necessarium tamen est eum sedere cum sedet; ita voluntas divina, quæ quantum est de se potest velle aliquid et ejus oppositum, ut Petrum salvare, vel non, non potest velle Petrum non salvare, dum vult Petrum salvare. Et quia ejus voluntas immutabilis est; si ponitur aliquando eum nihil velle, necessarium est ex suppositione illud eum semper velle, licet non sit necessarium ut velle quod sit semper, quod vult esse aliquando. Quicumque autem vult aliquid propter se ipsum, vult ut illud sit semper, ex hoc quod illud propter se vult. Quod enim aliquis vult quandoque esse et postmodum non esse, vult esse ut aliquid aliud perficiat; quo perfecto, eo non indiget quod propter illud perficiendum volebat, Deus autem creaturarum universitatem vult propter seipsum, licet et propter seipsum eam vult esse; hæc enim duo non repugnant. Vult enim Deus ut creaturæ sint propter ejus bonitatem ut eam scilicet suo modo imitentur et representent; quod quidem faciunt inquantum ab ea esse habent, et in suis naturis subsistunt. Unde idem est dictum, quod Deus omnia propter seipsum fecit (quod dicitur Prover., xvi, 4: *Universa propter seipsum operatus est Dominus*), et quod creaturas fecerit propter earum esse, quod dicitur Sapient., i, 14: *Creavit enim Deus ut essent omnia*. Unde ex hoc ipso quod Deus creaturas instituit, patet quod voluit eas semper durare; cujus oppositum propter ejus immobilitatem nunquam continget. Secundo ex ipsa rerum natura; sic enim Deus unatamquam naturam instituit, ut ei non auferatur suam proprietatem; unde dicitur Rom., xi, in Glossa (ordinaria ad illa verba: *Contra naturam insertus es*) quod Deus, qui est naturarum conditor, contra naturas non agit, etsi aliquando in argumentum fidei in rebus creatis aliquid supra naturam operetur. Rerum autem immaterialium, quæ contrarietate carent, proprietates naturalis est earum sempiternitas; quia in eis non est potentia ad non esse, ut supra ostensum est. Unde sicut igni non auferatur naturalem in-

clinationem, quæ sursum tendit; ita non auferet rebus prædictis sempiternitatem, ut eas in nihilum redigat.

Ad primum ergo dicendum, secundum Commentatorem XI Metaph. (com. xxi), quod licet omnis potentia quæ est in corpore, sit finita, non tamen oportet quod in qualibet corpore sit potentia finita ad esse; quia in corporibus corruptibilibus per naturam, non est potentia ad esse, nec finita nec infinita, sed ad moveri tantum. Sed hæc solutio non videtur valere; quia potentia ad esse non solum accipitur secundum modum potentie passive, quæ est ex parte materie, sed etiam secundum modum potentie active, quæ est ex parte forme, quæ in rebus incorruptilibus deesse non potest. Nam quantum unicuique inest de forma, tantum inest ei de virtute essendi; unde et in I Coell et mundi Philosophus vult quod quedam habeant virtutem et potentiam ut semper sint. Et ideo aliter dicendum, quod ex infinitate temporis non ostenditur habere infinitatem nisi illud quod tempore mensuratur vel per se, sicut motus, vel per accidens, sicut esse rerum quæ motui subjacent, quæ aliqua periodo motus durant, ultra quam durare non possunt. Esse autem corporis celestis nullo modo attingitur nec a tempore nec a motu, cum sit omnino invariabile. Unde ex hoc quod coelum est tempore infinito, esse ejus nullam infinitatem habet, sicut omnino extra continuitatem temporis existens; propter quod a theologis dicitur mensurari ævo. Unde non requiritur in coelo aliqua virtus infinita ad hoc quod sit semper.

Ad secundum dicendum, quod sicut una pars exercitus ordinatur et ad aliam et ad eam; ita corporalis creatura ordinatur et ad perfectionem spiritualis creaturæ juvandam, et ad divinam bonitatem representandam; quod semper faciet, licet primum cesset.

Ad tertium dicendum, quod esse non dicitur accidens quod sit in genere accidentis, si loquamur de esse substantie (est enim actus essentialis, sed per quamdam similitudinem; quia non est pars essentialis, sicut nec accidens. Si tamen esset in genere accidentis, nihil prohiberet quin in infinitum duraret; per se enim accidentia ex necessitate suis substantiis insunt; unde et nihil prohibet ea in perpetuum inesse. Sed accidentia quæ per accidens insunt subjectis, nullo modo in perpetuum durant secundum naturam. Hujusmodi autem esse non potest ipsum esse rei substantiale, cum sit essentialis actus.

Ad quartum dicendum, quod antequam res essent, non erat aliqua natura cujus proprietates esset ipsa sempiternitas, sicut est aliqua natura rebus jam creatis. Et præterea hoc ipsum potuit esse ad aliquam perfectionem creaturæ spiritualis quod res non semper fuerint, quia per hoc Deus expresse rerum causa ostenditur. Nulla autem utilitas sequeretur, si omnia in nihilum redigerentur. Et ideo non est simile de principio et fine.

AD QUINTUM dicendum, quod illa quae semper durabunt, habent virtutem ut sint semper: hanc tamen virtutem non semper habuerunt, et ideo non semper fuerunt.

AD SEXTUM dicendum, quod licet Deus de justitia creaturae contra se peccanti posset esse subtrahere, et eam in nihilum redigere; tamen convenientior justitia est ut eam in esse reseruet ad poenam; et hoc propter duo. Primo, quia illa justitia non haberet aliquid misericordiae admixtum, cum nihil remaneret cui posset misericordia adhiberi; dicitur autem in Psal. xxiv, 10, quod *interfere via Domini misericordia et veritas*. Secundo, quia ista justitia congruentius respondet culpae in duobus. In uno quidem, quia in culpa voluntas contra Deum agit, non autem natura quae ordinem sibi a Deo impitum servat; et ideo talis debet esse poena quae voluntatem obligat, naturae occedo, quae voluntas abigitur. Si autem creatura omnino in nihilum redigeretur, esset tantum nocentium naturae, et non afflictio voluntatis. In altero vero, quia cum in peccato duo sint, scilicet aversio ab incommutabili bono et conversio ad bonum commutabile, conversio post se aversionem trahit; nullus enim peccans intendit a Deo averti, sed quaerit frui temporali bono, cum quo simul Deo frui non potest. Unde cum poena damni aversioni culpae respondeat, conversioni vero ejus poena sensus pro actuali culpa, conveniens est ut poena damni non sit sine poena sensus. Si autem in nihilum creatura redigeretur, esset quidem poena damni aeterna, sed non remaneret poena sensus.

AD SEPTIMUM dicendum, quod iudicium de quo Propheta mentionem facit, praedictam consecutionem (1), congruentiam vel operationem poenae ad culpam importat. Furor enim a quo liberari posuit, misericordiae temperamentum excludit.

AD OCTAVUM dicendum, quod aliquid dicitur melius vel propter praesentiam magis boni, et sic melius est damnato esse quam non esse; vel propter absentiam mali; quia etiam carere malo, in rationem boni cadit, secundum Philosophum (in V Ethic., cap. vii, circa med.). Et secundum hoc intelligitur verbum Domini inductum.

AD NONUM dicendum, quod formae et accidentia etsi non habeant materiam partem sui ex qua sint, habent tamen materiam in qua sunt et de cuius potentia educantur; unde et cum esse desinant, non omnino annihilantur, sed remanent in potentia materiae, sicut prius.

AD DECIMUM dicendum, quod sicut creaturae sunt ex nihilo, ita in nihilum sunt redigibiles, si Deo placeret.

AD UNDICESIMUM et DUODECIMUM dicendum, quod auctoritates ille non sunt intelligendae hoc modo quod substantia mundi peccat, sed figura, ut Apostolus dicit I ad Corinth., vii.

(1) *Id. conversationem.*

#### ARTICULUS V. — *Utrum motus caeli quandoque deficiat.*

Quinto quaeritur, utrum motus caeli quandoque deficiat. Et videtur quod non: dicitur enim Genes., vii, 22: *Cunctis diebus terrae, seminis et messis, frugis et aestus, hyems et aestas, nox et dies non requiescent*. Haec autem omnia ex motu caeli proveniunt. Ergo motus caeli non requiescet quamdiu terra erit. *Terra autem in aeternum stat*, ut dicitur Eccle., i, 4. Ergo et motus caeli in aeternum erit.

2. Sed diceretur, quod intelligitur de terra prout servit homini secundum praesentem statum quo per seminationem et messem homo fructus ex ea colligit ad sustentationem vitae animalis, non autem prout terra serviet homini iam glorificato, in aeternum durans ad majorem honorum jucunditatem. — Sed contra dicitur Jerem., xxxi, 35: *Haec dicit Dominus qui dat solem in lumine diei, ordinem lune, et stellarum in lumine noctis, qui turbat mare; et sonant fluctus ejus: Dominus exercituum nomen ejus. Si defecerint leges istae coram me, tunc et semen Israel deficiet et non sit coram me gens semper*. Non autem intelligitur de Israel carnali, qui jam per sui dispersionem gens dici non potest. Unde oportet quod intelligatur de Israel spirituali, qui tunc maxime coram Deo gens erit, cum per essentiam Deum videbit. Ergo in statu beatitudinis leges praemissae, quae motum caeli sequuntur, non cessabunt, et sic neque per consequens motus caeli.

3. Praeterea, quaecumque necessitatem ex priori necessario habent sunt necessaria absolute, ut patet per Philosophum in II Physic., sicut mors animalis, quae necessaria est propter materiae necessitatem. Operationes autem rerum incorruptibilium, inter quas motum caeli oportet ponere, sunt propter substantias eorum quorum sunt operationes, et sic necessitatem ex priori habere videntur; eum e converso sit in corruptibilibus, quorum substantiae sunt propter earum operationes; unde ex posteriori necessitate habent, ut Commentator ibidem dicit. Ergo motus caeli necessitate absoluta necessarius est, et ita nunquam cessabit.

4. Praeterea, finis motus caeli est ut colum per motum assimiletur Deo in quantum exit de potentia in actum per situm renovationem, quos successively actualiter acquirit; nam quodque enim secundum hoc Deo, qui est purus actus, assimilatur, quod actu est. Iste autem finis cessaret cessante motu. Cum motus ergo non cesset nisi obtento fine propter quem est, nunquam motus caeli cessabit.

5. Sed dicebatur, quod motus caeli non est propter hunc finem, sed ad complendum numerum electorum, quo completo motus caeli quiescet. — Sed contra, nihil est propter vilius se, eo quod finis est nobilior his quae sunt ad finem, cum finis sit



causa bonitatis in his que sunt ad finem. Sed cœlum, cum sit incorruptibile, est nobilior quam generabilia et corruptibilia. Ergo non potest dici, quod motus cœli sit propter aliquam generationem in istis inferioribus, per quam tamen numerus electorum posset compleri.

6. Sed dicebatur, quod motus cœli non est propter generationem electorum sicut propter generalem finem, sed sicut propter finem secundarium. — Sed contra, habito fine secundario non quiescit quod propter finem movetur. Si ergo generatio per quam completur numerus electorum est secundarius finis motus cœli, eo habito non quiescet adhuc cœlum.

7. Præterea, omne quod est in potentia, est imperfectum, nisi ad actum reducatur. Deus autem in mundi consummatione non dimittet aliquid imperfectum. Cum ergo consummatio que est in cœlo ad *ubi*, non reducatur in actum nisi per motum, videtur quod motus cœli etiam in mundi consummatione non quiescet.

8. Præterea, si cause aliquibus effectus sunt incorruptibiles et semper eodem modo se habentes, et effectus ipse est sempiternus. Sed omnes cause motus cœli sunt incorruptibiles et semper eodem modo se habentes; sive accipiamus causam moventem, sive ipsum mobile. Ergo motus cœli in sempiternum durabit.

9. Præterea, illud quod est sempiternitatis susceptivum, nunquam a Deo sua sempiternitate privabitur, ut patet in Angelo, anima rationali, et substantia cœli. Sed motus cœli est susceptivus sempiternitatis (solum enim motum circulem contingit esse perpetuum, ut probatur in VIII Phys., com. lxxix et lxxix); ergo motus cœli in perpetuum durabit, sicut et alia que nata sunt esse sempiterna.

10. Præterea, si motus cœli quiescet, aut quiescet in instanti aut in tempore. Si in instanti, contingit simul idem quiescere et moveri: quia cum in toto tempore precedenti moveretur, oportet dicere, quod in quolibet ipsius temporis in quo natum est moveri cœlum, moveretur. In instanti autem signato in quo datum est cœlum quiescere, natum est cœlum moveri, cum motus et quies circa idem sint: hoc autem instans est aliquid temporis precedentis, cum sit terminus ejus. Ergo in eo moveretur. Et datum erat quod in eo quiescebat. Ergo simul in eodem instanti quiescet et movebitur; quod est impossibile. Si autem quiescit in tempore, ergo tempus erit post motum cœli. Sed tempus non est sine motu cœli. Ergo motus cœli erit postquam esse desierit, quod est impossibile.

11. Præterea, si motus cœli aliquando deficiat, oportet quod tempus deficiat, quod est numerus ejus, ut patet in IV Physic. (com. c). Sed impossibile est tempus deficere. Ergo impossibile est motum cœli deficere. Probatio medie. Omne quod semper est in sui principio et sui fine, nunquam cepit esse, nec unquam

deficiat, eo quod unumquodque est post suum principium et ante finem suum. Sed nihil est accipere temporis nisi instans, quod est principium futuri et finis præteriti; et sic tempus semper est in sui principio et fine. Ergo tempus nunquam deficiet.

12. Præterea, motus cœli est naturalis cœlo, sicut et motus gravium et levium est eis naturalis, ut patet in I Cœli et mundi (com. lxxviii, et seq.). Hoc autem differt, quod corpora elementaria non moventur naturaliter nisi cum sunt extra suam *ubi*, cœlum autem movetur etiam in suo *ubi* existens; ex quibus accipi potest quod sicut se habet corpus elementare ad motum suum naturalem, cum est extra suam *ubi*, ita se habet cœlum ad motum suum naturalem, cum est in suo *ubi*. Corpus enim elementare, cum est extra suum *ubi*, non quiescit nisi per violentiam. Ergo et cœlum non potest quiescere nisi quies sit violenta; quod quidem est inconveniens. Cum enim nullum violentum possit esse perpetuum, sequetur quod illa quies cœli non esset perpetua; sed quandoque iterum cœlum moveri inciperet; quod est fabulosum. Ergo non est dicendum, quod motus cœli aliquando quiescat.

13. Præterea, eorum que sibi succedunt, oportet esse aliquam ordinem et proportionem. Finit autem ad infinitum non est aliqua proportio. Ergo inconveniens dicitur, quod cœlum finito tempore sit motum, et postmodum infinito tempore quiescat; quod tamen oportet dicere, si motus cœli incipit et finitur, et nunquam reincipiat.

14. Præterea, quanto aliquid Deo assimilatur secundum nobiliorem actum, tanto nobilior est assimilatio; sicut nobilior est assimilatio hominis ad Deum que est secundum animam rationalem, quam animalis bruti, que est secundum animam sensibilem. Actus autem secundus, nobilior est quam actus primus, sicut consideratio quam scientia. Ergo assimilatio que cœlum assimilatur Deo secundum actum secundum, qui est causare inferiora, est nobilior quam assimilatio secundum claritatem, que est actus primus. Si ergo in mundi consummatione partes principales mundi meliorabuntur, videtur quod cœlum non desinet moveri, aliqua majori claritate repletum.

15. Præterea, magnitudo et motus et tempus se consequuntur quantum ad divisionem et finitatem vel infinitatem, ut probatur in VI Physic. (text. xviii, xxxvii, xxxviii et xxxix). Sed in magnitudine circulari non est principium neque finis. Ergo nec in motu circulari poterit esse aliquis finis; et sic, cum motus cœli sit circularis, videtur quod nunquam finietur.

16. Sed dicebat, quod licet motus circularis nunquam secundum suam naturam finiat, tamen divina voluntate finietur. Sed contra est quod Augustinus dicit (II super Genes. ad litt., circa princ.): *Cum de mundi institutione agitur, non queritur quid Deus possit facere, sed quod rerum natura patiat ut fiat.*

Consummatio autem mundi, ejus institutioni respondet, sicut finis principio. Ergo nec in his quæ pertinent ad finem mundi, recurritur est ad Dei voluntatem; sed ad rerum naturam.

17. Præterea, sol per suam præsentiam lumen et diem in istis inferioribus causat, per absentiam vero tenebras et noctem. Sed non potest esse sol præsens utrique hemispherio, nisi per motum. Ergo si motus coeli quiescat, semper sua præsentia in una parte mundi causabit diem, et in alia noctem, cui sol semper erit absens; et sic illa pars non erit meliorata, sed deteriorata in mundi consummatione.

18. Præterea, illud quod æqualiter se habet ad duo, aut utriusque adheret aut neutri. Sed sol æqualiter se habet quantum est de sua natura ad quodlibet *ubi* coeli. Ergo vel erit in quolibet, aut in nullo. Sed non potest esse in nullo; quia omne corpus sensibile alicui est. Ergo oportet quod sit in quolibet. Sed hoc non potest esse, nisi per motus successionem. Ergo semper movebitur.

19. Præterea, in mundi consummatione a nullo tollitur sua perfectio quod tunc remanebit; quia res quæ remanebunt, in illo statu non deteriorabuntur, sed meliorabuntur. Motus autem est perfectio ipsius coeli; quod patet ex hoc quia motus est entelechia mobilis inquantum hujusmodi, ut dicitur in II Phys. (text. xvi); et iterum, ut dicitur in II Coeli et mundi (text. lxxvi), coelum per motum perfectam bonitatem consequitur. Ergo in mundi consummatione coelum motu non carebit.

20. Præterea, corpus aliquod nunquam attinget ad gradum naturæ spiritualis. Hoc autem ad naturam spirituales pertinet quod bonitatem perfectam sine motu habeat, ut patet in II Coeli et mundi (a text. lxxi, usque ad lxxvi). Nunquam ergo coelum, si moveri desinat, perfectam bonitatem habebit; quod est contra rationem consummationis mundi.

21. Præterea, nihil tollitur nisi per suum contrarium. Motui autem coeli nihil est contrarium, ut probatur in I Coeli et mundi (text. x et xvi). Ergo motus coeli nunquam quiescet.

Sed contra est quod dicitur Apoc. i, 5: *Angelus quem vidi stantem super mare et super terram, levavit manum suam, et juravit per viventem in secula sæculorum, quia tempus non erit.* Tempus autem erit quamdiu motus coeli erit. Ergo motus coeli aliquando esse desinet.

Præterea, dicitur Joh. xiv, 12: *Homo, cum dormierit, non resurget, donec atteratur coelum; non coigilabit, neque conserget de somno suo.* Coelum autem non potest intelligi quod atteratur secundum substantiam; quia semper remanebit, ut prius probatum est. Ergo quando resurrectio mortuorum erit, coelum atteretur quantum ad motum, qui cessabit.

Præterea, Rom. viii, super illud: *Omnis creatura ingemiscit, et parturit usque adhuc*, dicit Glossa Ambrosii (Ambrosiastri):

*Omnia elementa cum labore sua experient officia, sicut sol et luna non sine labore statuta sibi implent spatia; quod est causa nostri; unde quiescent nobis assumptis.* Ergo in resurrectione sanctorum motus corporum celestium quiescent.

Præterea, Isidorus dicit (in lib. Creaturarum): *Post judicium sol laboris sui incrementum recipiet, et non remiet ad occasum nec sol nec luna; quod non potest esse, si coelum moveatur.* Ergo tunc coelum non movebitur.

Respondeo dicendum, quod secundum documenta sanctorum minimus motum coeli quandoque cessaturum; quamvis hoc magis fide teneatur quam ratione demonstrari possit. Ut autem manifestum esse possit in quo hujus questionis pendeat difficultas, attendendum est, quod motus coeli non hoc modo est naturalis celesti corpori sicut motus elementaris corporis est sibi naturalis; habet enim hujusmodi motus in mobili principium, non solum materiale et receptivum, sed etiam formale et activum. Formam enim ipsius elementaris corporis sequitur talis motus, sicut et alie naturales proprietates ex essentialibus principiis consequuntur; unde in eis generans dicitur esse movens inquantum dat formam quam consequitur motus. Sic autem in corpore celesti dici non potest. Cum enim natura semper in unum tendat determinate, non se habens ad multa, impossibile est quod aliqua natura inclinatur ad motum secundum seipsum; eo quod in quolibet motu difformitas quædam est, inquantum non eodem modo se habet quod movetur; uniformitas vero mobilis est contra motus rationem. Unde natura nunquam inclinatur ad motum propter movere, sed propter aliquid determinatum quod ex motu consequitur; sicut natura gravis inclinatur ad quietem in medio, et per consequens inclinatur ad motum qui est deorsum, secundum quod talis motus in talem locum pervenit. Coelum autem non pervenit suo motu in aliquid *ubi*, ad quod per suam naturam inclinatur; quia quodlibet *ubi* est principium et finis motus; unde non potest esse sans motus naturalis quasi serpens aliquam inclinationem naturalis virtutis inhaerentis, sicut sursum ferri est motus naturalis ignis. Dicitur autem motus circularis esse naturalis coelo, inquantum in sua natura habet aptitudinem ad talem motum; et sic in seipso habet principium talis motus passivum; activum autem principium motus est aliqua substantia separata, ut Deus vel intelligentia vel anima, ut quidam ponunt; quantum enim ad presentem questionem nihil differt. Ratio ergo permanentis motus non potest sumi ex natura aliqua celestis corporis, ex qua tantum est aptitudo ad motum; sed oportet eam sumere ex principio activo separato. Et quia agens omne propter finem agit, oportet considerare quis est finis motus coeli; si namque fini ejus congruat quod motus aliquando terminetur, coelum quandoque quiescet; si autem fini ejus non competat quies, motus ejus erit sempiternus; non enim potest esse quod

motus deficiat ex mutatione cause moventis, cum voluntas Dei sit immutabilis sicut etiam natura; et per eam immobilitatem consequantur, si que sunt cause medie moventes. In hac autem consideratione tria oportet vitare: quorum primum est, ne dicamus cœlum moveri propter ipsum motum: sicut dicebatur cœlum esse propter ipsum esse, in quo Deo assimilatur. Motus enim, ex ipsa sui ratione repugnat ne possit poni finis, eo quod motus est in aliud tendens; unde non habet rationem finis, sed magis ejus quod est ad finem. Cui etiam attestatur, quod est actus imperfectus, ut dicitur in III de Anima (con. LIV. et III Physic., com. xv). Finis autem est ultima perfectio. Secundum est ut non ponatur motus cœli esse propter aliquid vilius: nam cum finis sit unde ratio sumitur, oportet finem præeminere his que sunt ad finem. Potest autem contingere quod vilior sit terminus operationis rei nobilioris; non autem ut sit finis intentionis: sicut securitas rustici est terminus quidam, ad quem operatio regis gubernantis terminatur; non tamen regimen regis est ordinatum ad hujus rustici securitatem sicut in finem; sed in aliquid melius, scilicet in bonum commune. Unde non potest dici, quod generatio istorum inferiorum sit finis motus cœli, etsi sit effectus vel terminus; quia et cœlum his inferioribus præeminet, et motus ejus motibus et mutationibus horum. Tertium est, ut non ponatur finis motus cœli aliquid infinitum; quia, ut dicitur in II Metaphys. (text. viii), qui ponit infinitum in causa finali destruit finem et naturam boni. Pertingere enim quod infinitum est, impossibile est. Nulli autem movetur ad id quod impossibile est ipsum consequi, ut dicitur in I Cœli et mundi. Unde non potest dici, quod finis motus cœli sit ut consequatur in actu, nisi ad quod est in potentia: licet hoc Avicenna dicere videatur. Hoc enim impossibile est consequi, cum infinitum sit; quia dum in uno *ubi* sit in actu, erit in potentia ad aliud *ubi*, in quo prius actu existebat. Oportet (1) ergo finem motus cœli ponere aliquid quod cœlum per motum consequi possit, quod sit aliud a motu, et eo nobilius. Hoc autem dupliciter potest poni. Uno modo ut ponatur finis motus cœli aliquid in ipso cœlo, quod simul cum motu existit; et secundum hoc a quibusdam philosophis ponitur, quod similitudo ad Deum in causando est finis motus cœli; quod quidem fit ipso motu durante; unde secundum hoc non convenit quod motus cœli deficiat; quia deficiente motu, finis ex se non proveniens cessaret. Alio modo potest poni finis motus cœli aliquid extra cœlum, ad quod pervenitur per motum cœli; quo cessante illud potest remanere; et hæc est nostra positio. Ponimus enim quod motus cœli est propter implendum numerum electorum. Anima namque rationalis quolibet corpore nobilior est, et ipso cœlo. Unde nullum est inconveniens, si ponatur finis motus cœli multipli-

(1) Al. debet.

catio rationalium animarum; non autem in infinitum, quia hæc per motum cœli provenire non posset; et sic moveretur ad aliquid quod consequi non potest; unde relinquitur quod determinata multitudo animarum rationalium sit finis motus cœli. Unde ea habita motus cœli cessabit. Licet autem utraque positionum predictarum possit rationabiliter sustineri; tamen secunda, que fidei est, videtur esse probabilior propter tres rationes. Primo quidem, quia nihil differt dicere finem alioquin esse assimilationem ad Deum secundum aliquid, et illud secundum quod assimilatio attenditur; sicut supra dictum est, quod finis rerum posset dici vel ipsa assimilatio divine bonitatis; vel esse rerum, secundum quod res Deo assimilantur. Idem ergo est dictu, finem motus cœli esse assimilari Deo in causando et causare. Causare autem non potest esse finis, cum sit operatio habens operatum, et tendens in aliud; hujusmodi enim operationibus meliora sunt operata, ut dicitur in principio Ethic.; unde hujusmodi factiones non possunt esse fines agentium, cum non sint perfectiones facientium, sed magis factorum; unde et ipsa facta sunt magis fines, ut patet IX Metaph. (text. xvi), et in I Ethic. (cap. 1). Ipsa autem operata non sunt fines, cum sint viliora cœlo, ut supra dictum est. Unde relinquitur non convenienter dici, quod finis motus cœli sit assimilari ad Deum in causando. Secundo vero, quia cum cœlum moveatur in ipso existente sola aptitudine ad motum, principio vero activo existente extra, ut dictum est; movetur et agit sicut instrumentum; hæc est enim dispositio instrumenti, ut patet in artificialibus; nam in securi est sola aptitudo ad talem motum; principium autem motus in artifice est. Unde et secundum philosophos, quod movet motum, movet ut instrumentum. In actione autem que est per instrumentum, non potest esse finis aliquid in ipso instrumento nisi per accidens, in quantum instrumentum accipitur ut artificiatum et non ut instrumentum; unde non est probabile quod finis motus cœli sit aliqua perfectio insinis, sed magis aliquid extra ipsum. Tertio, quia si similitudo ad Deum in causando est finis motus cœli, præcipue attenditur hæc similitudo secundum causalitatem ejus quod a Deo immediate causatur, scilicet anime rationalis, ad cujus causalitatem concurrat cœlum per motum suum materiam disponendo. Et ideo probabilius est quod finis motus cœli sit numerus electorum quam assimilatio ad Deum in causalitate generationis et corruptionis; secundum quod philosophi ponunt. Et ideo concedimus quod motus cœli completo numero electorum finiatur.

AD PRIMUM ergo dicendum, quod loquitur de duratione terre secundum quod est transmutationi subjecta; sic enim in ea seminatur et melitur. Tali autem statu terre durante motus cœli non cessabit.

AD SECUNDUM dicendum, quod auctoritas illa non est intelli-

genda de Israel carnali, sed de Israel spiritali; non tamen secundum quod est in patria coram Deo, contemplando ipsum per speciem, sed secundum quod est in via coram Deo per fidem; ut sic idem sit quod dicitur hic, et quod Dominus discipulis ait Math., ult., 20: *Ecce ego vobiscum sum usque ad consummationem sæculi.*

AD TERTIUM dicendum, quod hæc prepositio *propter* denotat causam; unde quandoque denotat causam finalem, quæ est posterior in esse; quandoque autem materialem vel efficientem, quæ sunt priores. Cum autem dicitur in rebus incorruptibilibus, actus sunt propter agentia, *ly propter* non denotat causam finalem, sed causam efficientem, ex qua est necessitas ibi, et non ex fine. Motus ergo cœli si comparatur ad ipsum mobile, non habet ex eo necessitatem sicut ex causa efficiente, ut ostensum est; habet autem hanc necessitatem ex movente. Quod, quia est voluntarie movens, secundum hoc necessitatem in motu inducit secundum quod determinatum est per ordinem sapientia divina; et non ad moveri semper.

AD QUARTUM dicendum, quod assimilari Deo secundum hoc quod actu acquirit successive diversos situs ad quos prius erat in potentia, non potest esse finis motus cœli; tum quia hoc infinitum est, ut supra ostensum est; tum quia sicut ex una parte per motum acceditur ad divinam similitudinem, per hoc quod situs qui erant in potentia, fiunt actus; ita ab alia parte receditur ad divinam similitudinem, per hoc quod situs qui erant in actu, fiunt in potentia.

AD QUINTUM dicendum, quod licet generabilia et corruptibilia sint viliora cœlo; tamen anime rationales sunt corpore cœli nobiliores, quæ tamen a Deo producuntur ad esse in materia disposita per motum cœli.

AD SEXTUM dicendum, quod completio numeri electorum, secundum doctrinam fidei non ponitur secundarius finis motus cœli, sed principalis, licet non ultimus; quia finis ultimus unicusque rei est bonitas divina, in quantum creatura quoquomodo ad eam pertingunt vel per similitudinem vel per debitum famulatum.

AD SEPTIMUM dicendum, quod res non dicitur esse imperfecta, quæcumque potentia in ipsa non reducta ad actum, sed solum quando per reductionem in actum res suam consequitur complementum. Non enim homo qui est in potentia ut sit in India, imperfectus erit, si ibi non fuerit; sed imperfectus dicitur, si scientia vel virtute careat, quæ natus est perfici. Cœlum autem non perficitur per locum, sicut corpora inferiora, quæ in proprio *ubi* conservantur. Unde licet potentia quæ potest esse in aliquo *ubi*, nunquam reducatur ad actum, non tamen sequitur quod sit imperfecta. Nam si secundum se consideretur, non major est sibi perfectio quod sit in uno situ quam in alio;

sed indifferenter se habet ad omnia *ubi*, cum ad quodlibet moveatur naturaliter. Ipsa autem indifferentia magis inducit ad quietem quam ad perpetuitatem motus; nisi consideretur voluntas movens et intendens finem; sicut etiam quidam philosophi assignaverunt causam quietis terræ in medio, propter indifferentiam ejus, respectu ejuslibet partis circumferentia cœli.

AD OCTAVUM dicendum, quod licet cause motus cœli omnes sint sempiternæ; tamen movens, ex quo necessitas ejus dependet, movet per voluntatem; et non est necessarium quod semper moveat, sed secundum quod exigit ratio finis.

AD NONUM dicendum, quod alio modo cœlum est secundum suam naturam capax sempiternitatis motus et sui esse. Nam suum esse dependet ex principis sue nature, ex quibus consequitur necessitas essendi, cum non sit in eis possibilitas ad non esse, ut prius ostensum est; suus autem motus in natura ejus non habet nisi aptitudinem; necessitatem vero habet ex movente. Unde etiam secundum Commentatorem (in II Metaph., et in lib. de Substantia orbis), sempiternitas essendi in cœlo est ex principis sue nature, non autem sempiternitas motus, sed ab extrinseco. Unde etiam secundum eos qui dicunt motum nunquam deficere, causa durationis motus cœli et ejus sempiternitatis, est voluntas divina; quamvis ejus immobilitas non de necessitate concludere possit sempiternitatem motus cœli, ut ipsi volunt. Non enim est mobilitas voluntas, si velit quod diversa sibi invicem succedant, secundum quod exigit finis quem immobiliter vult. Et ideo potius est inquirenda ratio sempiternitatis motus ex fine quam ex immobilitate moventis.

AD DECIMUM dicendum, quod motus cœli terminabitur in instanti; in quo quidem neque erit motus neque quies, sed terminus motus et principium quietis. Quies autem sequens non erit in tempore; nam quies non mensuratur a tempore primo, sed secundario, ut dicitur in IV Phys. (com. cxix); unde si sit quies alienius corporis quæ nulli motui subijciatur, non mensurabitur tempore. Quamvis si in hoc fiat vis, possit dici, quod erit post motum in cœlo immobilitas quedam, etsi non quies.

AD UNDICESIMUM dicendum, quod sicut motus cœli deficit, ita et tempus deficit, ut per auctoritatem Apocalypsis inductam apparet. Ultimam autem *hanc* totius temporis erit quidem finis præteriti, non autem principium futuri. Quod enim *hanc* simul sit et finis præteriti et principium futuri, habet in quantum sequitur motum circulearem continuum, cujus quodlibet signum indivisibile est principium et finis respectu diversorum. Unde si motus cesset, sicut erit aliquod ultimum indivisibile in motu, ita et in tempore.

AD DUODECIMUM dicendum, quod motus cœli, ut dictum est, non est naturalis propter activam inclinationem formalis principii

in corpore celesti ad talem motum, sicut est in elementis; unde non sequitur, si cœlum quiescit, quod ejus quies sit violenta.

AD DECIMUMTERTIUM dicendum, quod si motus cœli non esset propter aliquid aliud, tunc oporteret attendere proportionem ejus ad quietem sequentem, si non sempiternus poneretur; sed quia est ordinatus ad alium finem, ejus proportio attenditur in ordine ad finem, et non in ordine ad quietem sequentem; ut intelligamus quod Deus ex nihilo universas creaturas in esse producit, primam universi perfectionem, que consistit in partibus essentialibus universi, et diversis speciebus, per seipsum instituit. Ad ultimam vero perfectionem, que erit ex consummatione ordinis beatorum, ordinavit diversos motus et operationes creaturarum; quosdam quidem naturales, sicut motum cœli et operationes elementorum, per quas materia preparatur ad susceptionem anime rationalis; quosdam vero voluntarios, sicut Angelorum ministeria, qui mittuntur propter eos qui hereditatem capiunt salutis. Unde hæc consummatione habita, et immutabiliter permanente, que ad eam ordinabuntur, in perpetuum cessabunt.

AD DECIMUMQUARTUM dicendum, quod objectio illa procedit de actu secundo, qui est operatio manens in operante, que est finis operantis, et per consequens excellentior quam forma operantis. Actus autem secundus, qui est actio tendens in aliquid factum, non est finis agentis, nec nobilior quam ejus forma; nisi ipsa facta sint nobiliora facientibus, sicut artificata sunt nobiliora artificialibus instrumentis, ut eorum fines.

AD DECIMUMQUINTUM dicendum, quod licet in circulari magnitudine non sit principium vel finis in actu; potest tamen designari principium vel finis in ea per inclinationem vel terminationem motus aliquis.

AD DECIMUMSEXTUM dicendum, quod in mundi principio natura instituebatur; et ideo in his que ad principium spectant, non oportet naturæ proprietatem prætermittere; in mundi autem fine naturæ operatio consequitur finem a Deo sibi institutum; unde oportet ibi recurrere ad voluntatem Dei, que talem finem instituit.

AD DECIMUMSEPTIMUM dicendum, quod licet cœlo quiescente semper sit futurus sol ex una parte terre, non tamen ex alia parte terre erunt omnino tenebre et obscuritas, propter claritatem que a Deo elementis tradetur. Unde habetur Apoc., XXI, 23, quod *cicutas non eget sale neque ligno; nam claritas Dei illuminabit eam*. Si tamen sit amplior claritas ex illa parte terre que fuit inhabitata a sanctis, nullum inconveniens sequitur.

AD DECIMUMOCTAVUM dicendum, quod quamvis cœlum equaliter se habeat ad quemlibet situm sibi possibilem; non tamen motus est propter acquisitionem situs, sed propter aliquid aliud;

unde in quocumque situ remaneat, impleto eo ad quod erat, nihil differt.

AD DECIMUMNONUM dicendum, quod motus etsi sit actus mobilis, est tamen actus imperfectus. Unde per hoc quod motus auferatur, non potest concludi quod simpliciter perfectio auferatur, et præcipue si per motum mobili nihil auferatur. Quod autem Philosophus dicit, quod acquirit perfectam bonitatem per motum, loquitur secundum primam dictarum opinionum de fine motus cœli, qui competit ad sempiternitatem motus.

AD VICESIMUM dicendum, quod perfectio spiritualis naturæ est ut possit esse causæ aliorum sine suo motu; quod cœlum nunquam acquirit. Nec tamen propter hoc deteriorabitur, cum finis suus non sit in causando alia, ut dictum est.

AD VICESIMUMPRIMUM dicendum, quod motus cœli non quiescit propter aliquid contrarium, sed propter voluntatem moventis tantum.

ARTICULUS VI. — *Utrum possit sciri ab homine quando motus cœli finiatur.*

Sexto queritur, utrum possit sciri ab homine, quando motus cœli finiatur, et videtur quod sic. Quia, secundum Augustinum in fine de Civit. Dei, sexta ætas currit ab adventu Christi usque ad finem mundi. Sed scitur quantum præcedentes sætates duraverant. Ergo sciri potest quantum ista ætas durare debet per comparisonem ad alias; et ita potest sciri quando motus cœli finiatur.

2. Præterea, finis uniuscujusque rei respondet suo principio. Sed principium mundi scitum est per revelationem, ex qua Moyses dixit (Gen. I): *In principio creavit Deus cœlum et terram*. Ergo et finis mundi sciri potest per revelationem in Scripturis traditam.

3. Præterea, causa incertitudinis mundi ponitur esse, ut homo semper sit in sollicitudine de suo statu. Sed ad hanc sollicitudinem habendam sufficit mortis incertitudo. Ergo non fuit necessarium, incertum esse defectum mundi; nisi forte propter illos quorum temporibus finis mundi erit.

4. Præterea, dicitur aliquibus propria mors esse revelata, sicut patet de beato Martino. Dicit autem Augustinus in epistola ad Orosium, quod talis uniuscujusque in judicio comparabit, qualis fuit in morte; et sic eadem ratio est occultandi mortem et occultandi diem judicii. Ergo et dies judicii, qui ad omnes pertinet, debuit in Scriptura sacra que omnes instruit, revelatus fuisse.

5. Præterea, signum ordinatur ad aliquid cognoscendum. In Evangelis autem ponuntur aliqua signa adventus Domini, qui erit in fine mundi, ut patet Matth., xxiv, et Luc., xxi; et similiter ab Apostolis, ut patet I ad Tim., iv, et II ad Tim., iii, et

in corpore celesti ad talem motum, sicut est in elementis; unde non sequitur, si cœlum quiescit, quod ejus quies sit violenta.

AD DECIMUMTERTIUM dicendum, quod si motus cœli non esset propter aliquid aliud, tunc oporteret attendere proportionem ejus ad quietem sequentem, si non sempiternus poneretur; sed quia est ordinatus ad alium finem, ejus proportio attenditur in ordine ad finem, et non in ordine ad quietem sequentem; ut intelligamus quod Deus ex nihilo universas creaturas in esse producit, primam universi perfectionem, que consistit in partibus essentialibus universi, et diversis speciebus, per seipsum instituit. Ad ultimam vero perfectionem, que erit ex consummatione ordinis beatorum, ordinavit diversos motus et operationes creaturarum; quosdam quidem naturales, sicut motum cœli et operationes elementorum, per quas materia preparatur ad susceptionem anime rationalis; quosdam vero voluntarios, sicut Angelorum ministeria, qui mittuntur propter eos qui hereditatem capiunt salutis. Unde hæc consummatione habita, et immutabiliter permanente, que ad eam ordinabuntur, in perpetuum cessabunt.

AD DECIMUMQUARTUM dicendum, quod objectio illa procedit de actu secundo, qui est operatio manens in operante, que est finis operantis, et per consequens excellentior quam forma operantis. Actus autem secundus, qui est actio tendens in aliquid factum, non est finis agentis, nec nobilior quam ejus forma; nisi ipsa facta sint nobiliora facientibus, sicut artificata sunt nobiliora artificialibus instrumentis, ut eorum fines.

AD DECIMUMQUINTUM dicendum, quod licet in circulari magnitudine non sit principium vel finis in actu; potest tamen designari principium vel finis in ea per inclinationem vel terminationem motus aliquis.

AD DECIMUMSEXTUM dicendum, quod in mundi principio natura instituebatur; et ideo in his que ad principium spectant, non oportet naturæ proprietatem prætermittere; in mundi autem fine naturæ operatio consequitur finem a Deo sibi institutum; unde oportet ibi recurrere ad voluntatem Dei, que talem finem instituit.

AD DECIMUMSEPTIMUM dicendum, quod licet cœlo quiescente semper sit futurus sol ex una parte terre, non tamen ex alia parte terre erunt omnino tenebre et obscuritas, propter claritatem que a Deo elementis tradetur. Unde habetur Apoc., XXI, 23, quod *cicutas non eget sale neque ligna; nam claritas Dei illuminabit eam*. Si tamen sit amplior claritas ex illa parte terre que fuit inhabitata a sanctis, nullum inconveniens sequitur.

AD DECIMUMOCTAVUM dicendum, quod quamvis cœlum equaliter se habeat ad quemlibet situm sibi possibilem; non tamen motus est propter acquisitionem situs, sed propter aliquid aliud;

unde in quocumque situ remaneat, impleto eo ad quod erat, nihil differt.

AD DECIMUMNONUM dicendum, quod motus etsi sit actus mobilis, est tamen actus imperfectus. Unde per hoc quod motus auferatur, non potest concludi quod simpliciter perfectio auferatur, et præcipue si per motum mobili nihil auferatur. Quod autem Philosophus dicit, quod acquirit perfectam bonitatem per motum, loquitur secundum primam dictarum opinionum de fine motus cœli, qui competit ad sempiternitatem motus.

AD VICESIMUM dicendum, quod perfectio spiritualis naturæ est ut possit esse causæ aliorum sine suo motu; quod cœlum nunquam acquirit. Nec tamen propter hoc deteriorabitur, cum finis suus non sit in causando alia, ut dictum est.

AD VICESIMUMPRIMUM dicendum, quod motus cœli non quiescit propter aliquid contrarium, sed propter voluntatem moventis tantum.

ARTICULUS VI. — *Utrum possit sciri ab homine quando motus cœli finiatur.*

Sexto queritur, utrum possit sciri ab homine, quando motus cœli finiatur, et videtur quod sic. Quia, secundum Augustinum in fine de Civit. Dei, sexta ætas currit ab adventu Christi usque ad finem mundi. Sed scitur quantum præcedentes sætates duraverant. Ergo sciri potest quantum ista ætas durare debet per comparisonem ad alias; et ita potest sciri quando motus cœli finiatur.

2. Præterea, finis uniuscujusque rei respondet suo principio. Sed principium mundi scitum est per revelationem, ex qua Moyses dixit (Gen. I): *In principio creavit Deus cœlum et terram*. Ergo et finis mundi sciri potest per revelationem in Scripturis traditam.

3. Præterea, causa incertitudinis mundi ponitur esse, ut homo semper sit in sollicitudine de suo statu. Sed ad hanc sollicitudinem habendam sufficit mortis incertitudo. Ergo non fuit necessarium, incertum esse defectum mundi; nisi forte propter illos quorum temporibus finis mundi erit.

4. Præterea, dicitur aliquibus propria mors esse revelata, sicut patet de beato Martino. Dicit autem Augustinus in epistola ad Orosium, quod talis uniuscujusque in judicio comparabit, qualis fuit in morte; et sic eadem ratio est occultandi mortem et occultandi diem judicii. Ergo et dies judicii, qui ad omnes pertinet, debuit in Scriptura sacra que omnes instruit, revelatus fuisse.

5. Præterea, signum ordinatur ad aliquid cognoscendum. In Evangelis autem ponuntur aliqua signa adventus Domini, qui erit in fine mundi, ut patet Matth., xxiv, et Luc., xxi; et similiter ab Apostolis, ut patet I ad Tim., iv, et II ad Tim., iii, et

II ad Thess., II. Ergo videtur quod possit sciri tempus adventus Domini, et finis mundi.

6. Præterea, nullus hic reprehenditur vel punitur pro eo quod non est in sua potestate. Sed aliqui reprehendantur in Scriptura et puniuntur pro eo quod tempora non cognoscunt; unde Dominus, Matth., XVI, 4, ad Pharisæos: *Faciem cæli dijudicare vobis, signum autem cæli non potestis scire?* Et Lucæ, XIX, 44: *Non relinquent in te lapidem super lapidem, eo quod non cognoveris tempus visitationis tue;* et Hierem., VIII, 7: *Milvus in cælo cognovit tempus suum; hirtus et hirundo et ciconia custodierunt tempus adventus sui; populus autem meus non cognovit iudicium Domini.* Ergo possibile est sciri diem iudicii, vel tempus finis mundi.

7. Præterea, in secundo adventu Christus magis manifeste venit quam in primo: tunc enim videbit eum omnis populus, et qui eum pupugerunt, ut habetur Apoc., I. Sed primus adventus prænuntiatus fuit in Scriptura futurus aliam quantum ad determinatum tempus, ut patet Dan., IX. Ergo videtur quod secundus adventus debeatur in Scripturis prænuntiari quantum ad certum tempus.

8. Præterea, homo dicitur minor mundus, quia in se majoris mundi similitudinem gerit. Sed finis vite humane potest præsciri determinate. Ergo et finis mundi potest præsciri.

9. Præterea, magnus et parvum, diuturnum et breve, relative dicuntur de uno per comparationem ad aliud. Sed tempus illud quod est ab adventu Christi usque ad finem mundi, dicitur esse breve, ut patet I Corinth., VII, 29: *Tempus breve est;* et ejusdem, X, 2: *Nos sumus in quos fines sæculorum decernunt;* et I Joan., II, 18: *Novissima hora est.* Ergo hoc dicitur per comparationem ad tempus præcedens. Ergo saltem hoc videtur sciri posse, quod nullo brevitas est tempus ab adventu Christi usque ad finem mundi quam a principio mundi usque ad Christum.

10. Præterea, Augustinus dicit in lib. de Civit. Dei (lib. XX, cap. XVI, circa medium), quod ignis ille qui exuret faciem terre in fine mundi, erit ex conflagratione omnium ignium mundanorum. Sed potest sciri a considerantibus motum cæli, usque ad quantum tempus ipsa corpora coelestia, que sunt nata generare calorem in istis inferioribus, erunt in situ effluatissimo ad hoc implendum: ut sit per concursum actionis coelestium corporum et inferiorum ignium, universalis illa conflagratio fiat. Ergo potest sciri quando erit finis mundi.

Sed contra est quod dicitur Matth., XXIV, 36: *De die illa et hora nemo scit, neque Angeli caelorum.*

Præterea, si aliquid deberet aliquibus hominibus revelari, præcipue revelatum fuisset querentibus Apostolis, qui doctores totius mundi instituebantur. Eis autem de finali adventu Domini

querentibus responsum est, Act., I, 7: *Non est vestrum nosse tempora vel momenta, que Pater possit in sua potestate. Ergo multo minus est aliis revelatum.*

Præterea, credere veritati et revelationi acceptæ in Scriptura non prohibetur. Sed Apostolus, II ad Thess., II, prohibet credere quocumque modo annuntiantibus, quasi inveniatur Dominus. Ergo illi qui nituntur tempus diei Domini denuntiare, sunt tanquam seductores cavendi. Nam et ibidem subditur: *Nemo eos seducat ullo modo.*

Præterea, Augustinus dicit in epistola ad Hesygium (ep. LXXX, inter princ. et med.): *Quæro utrum sic saltem possit de finiri tempus adventus, ut eum adventurum esse dicamus intra istos, cæli gratia, vel centum annos, vel quilibet seu majoris numeri, seu minoris annorum.* Hoc autem omnino ignorantes sumus. Ergo non potest sciri quocumque numero annorum dato, vel decem millium, vel viginti millium, vel duorum, vel trium, utrum infra illud tempus finis mundi futurus sit.

Respondeo dicendum, quod tempus determinatum finis mundi omnino nescitur, nisi a solo Deo et ab homine Christo. Cujus ratio est, quia duplex est modus quo possumus præscire futura: scilicet per cognitionem naturalem, et per revelationem. Naturali quidem cognitione aliqua futura prænoscesimus per causas quas presentes videmus, ex quibus futuros expectamus effectus: vel per certitudinem scientiæ, si sint cause quas de necessitate sequitur effectus; vel per conjecturam, si sint cause ad quas sequitur effectus ut in pluribus, sicut astrologus præscit eclipsum futuram, et medicus mortem futuram. Hoc autem modo non potest præcognosci tempus determinate finis mundi; quia causa motus cæli et cessationis ejus non est alia quam divina voluntas, ut prius ostensum est; quam quidem causam naturaliter cognoscere non possumus. Alia vero quorundam causa est motus cæli, vel quocumque alia causa sensibilis, possumus naturaliter cognitione præcognosci, sicut particularis destructio aliquis partis terræ, que prius fuit habitabilis, et postea fit inhabitabilis. Per revelationem vero licet sciri possit, si Deus vellet revelare; non tamen congruum esset quod revelaretur nisi homini Christo. Et hoc propter tres rationes. Primo quidem, quia finis mundi non erit nisi completo numero electorum; cuius completio est quasi quedam executio totius divine prædestinationis; unde non potest revelationem fieri de fine mundi nisi ei cui fit revelatio de tota prædestinatione divina, scilicet homini Christo, per quem tota divina prædestinatio humani generis quodammodo adimpletur. Unde dicitur Joan., V, 20: *Pater diligit Filium, et omnia demonstrat ei que ipse facit.* Secundo, quia per hoc quod ignoratur quamdiu iste status mundi durare debeat, utrum ad modicum vel ad magnum tempus, habentur res hujus mundi quasi statim transitorie; unde dicitur I Cor., VII, 31: *Qui utuntur hoc*

*mundo, sint tanquam non utantur; preterit enim figura huius mundi.* Tertio, ut homines semper sint parati ad Dei iudicium expectandum, dum omnino determinatum tempus nescitur; unde dicitur Matth., XXIV, 42: *Vigilate, quia nescitis qua hora Dominus vester venturus sit.* Et ideo ut dicit Augustinus (in epistola LXXX, ad Hesychium), ille qui dicit se ignorare quando Dominus sit venturus, utrum ad breve tempus vel ad magnum, evangelicæ sententiæ concordat. Inter duos autem qui scire se dicant, periculosus errat qui dicit in proximo Christum venturum, vel finem mundi instare; quia hæc potest esse occasio, ut omnino desperaretur esse futurum, si tunc non erit quando futurum esse prædicatur.

AD PRIMUM ergo dicendum, quod, sicut dicit Augustinus (in lib. LXXXIII Questionum, quæst. LVII), ultima ætas mundi comparatur ultimæ ætati hominis, quæ determinato numero annorum non definitur, sicut aliæ ætates definiuntur; sed quantumque tantum durat quantum omnes aliæ; vel etiam amplius; unde et ista ætas ultima mundi non potest determinato annorum vel generationum numero desinere.

AD SECTUNDUM dicendum, quod revelatio principii mundi utilis erit ad manifestandum Deum esse omnium causam; sed scire tempus determinatum finis mundi, ad nihil esset utile, sed magis nocivum; et ideo non est simile.

AD TERTIUM dicendum, quod homo naturaliter non solum de se ipso sollicitatur, sed etiam de statu communitatis cuius est pars, sicut vel domus vel civitas, aut etiam totius orbis; et ideo utrumque fuit necessarium ad hominis cautelam occultari, et finem propriæ vitæ, et finem totius mundi.

AD QUARTUM dicendum, quod revelatio finis vitæ propriæ, est quedam particularis revelatio; revelatio vero finis totius mundi dependet ex revelatione totius divini prædestinationis; et ideo non est simile.

AD QUINTUM dicendum, quod illa signa posita sunt ad manifestandum quod quandoque mundus finietur; non autem ad manifestandum determinatum tempus quando finietur; ponuntur enim inter illa, signa aliqua quæ quasi a mundi exordio fuerunt, sicut quod surget gens contra gentem, et quod terre motus erit per loca; sed instante mundi fine, hæc abundantius evenient. Quæ autem sit ista mensura horum signorum quæ circa finem mundi erit, manifestum nobis esse non potest.

AD SEXTUM dicendum, quod illa reprehensio Domini perinet ad eos qui determinatum tempus primi adventus non cognoverunt; non autem ad eos qui ignorant tempus determinatum secundi adventus.

AD SEPTIMUM dicendum, quod primus adventus Christi nobis viam ad merendum parabat per fidem et alias virtutes; et ideo ex parte nostra requirebatur primi adventus notitia, ut creden-

do in eum qui venerat, per ejus gratiam mereri possemus. In secundo autem adventu premia redduntur pro meritis; et sic ex parte nostra non requiretur quid agamus ad quid cognoscamus, sed quid recipiamus; unde non oportet præcognoscere determinate tempus illius adventus. Dicitur autem ille adventus manifestus: non quia manifeste præcognoscatur, sed quia manifestus erit cum fuerit præsens.

AD OCTAVUM dicendum, quod corporalis hominis vita ex aliquibus prioribus et corporalibus causis dependet, ex quibus circa finem ejus aliquid prognosticari potest; non autem ita est de toto mundo; et ideo quantum ad hoc non est simile, licet in aliquibus homo, qui dicitur minor mundus, similitudinem majoris mundi obtineat.

AD NONUM dicendum, quod verba illa quæ videntur in Scripturis ad brevitem temporis pertinere, vel etiam ad finis propinquitatem, non tam sunt ad quantitatem temporis referenda quam ad status mundi dispositionem. Non enim legi evangelicæ alius status succedit, quæ ad perfectum adduxit; sicut ipsa successit legi veteri, et lex vetus legi naturæ.

AD DECIMUM dicendum, quod illa conflagratio ignium mundanorum non creditur esse futura ex aliqua naturali causa, ut sic per considerationem celestis motus, ejus tempus possit præsciri; sed proveniet ex imperio divini voluntatis.

#### ARTICULUS VII. — *Utrum cessante motu cæli, elementa remaneant.*

Septimo queritur, utrum cessante motu cæli, elementa remaneant. Et videtur quod non. Dicitur enim II Petri, III, quod in fine mundi elementa calore solvantur. Quod autem dissolvitur, non manet. Ergo elementa non manebunt.

2. Sed dicebat, quod manebunt secundum substantiam; sed non manebunt secundum qualitates activas et passivas. — Sed contra, manente causa manet effectus. Sed principia essentialia sunt causa propriorum accidentium. Cum ergo qualitates activæ et passivæ sint propria elementorum accidentia, videtur quod principia essentialibus manentibus, sine quibus substantia esse non potest, etiam qualitates activæ maneat.

3. Preterea, accidens inseparabile nunquam actu a subiecto separatur. Sed calidum est accidens inseparabile ignis. Ergo non potest ignis remanere quin in eo calor remaneat; et eadem ratione de aliis elementis.

4. Sed dicebat, quod divina virtute hoc fiet, quod elementa sine qualitatibus activis et passivis remanebunt; licet hoc per naturam esse non possit. — Sed contra, sicut in mundi principio fuit nature institutio, ita in mundi fine erit nature consummatio. Sed in principio mundi, ut Augustinus dicit (II super Genesim ad litteram), non sufficit dicere quid Deus possit facere,



sed quid habeat rerum naturā. Ergo et hoc etiam in fine mundi attendendum est.

5. Præterea, qualitates activæ et passivæ sunt in omnibus elementis. Dicit autem Glossa (ordinaria) Bedæ super auctoritate Petri superius inducta, quod ignis ille qui erit in fine mundi, duo elementa ex toto assumet (1), duo autem alia in meliorem speciem commutabit. Non ergo potest intelligi elementorum solutio quantum ad qualitates activas et passivas, quia sic non tantum duo dicantur assumenda.

6. Sed dicebat, quod in duobus elementis scilicet igne et aqua, præcipue vigent qualitates activæ, scilicet calidum et frigidum; et ideo hæc duo præ aliis assumenda dicuntur. — Sed contra, in fine mundi elementa majorabuntur. Sed, secundum Augustinum (XII super Genes., ad litteram, cap. xvi, circa med.), agens honorabilius est patiente. Ergo magis debent remanere elementa in quibus vigent qualitates activæ quam in quibus vigent qualitates passivæ.

7. Præterea, Augustinus dicit (lib. III super Genes., cap. X), quod ad patientiam humor et humus, ad faciendum aer et ignis aptitudinem præbeat. Ergo si propter virtutem activam aliqua elementa assumenda dicuntur, videtur quod hoc non debeat intelligi de igne et aqua; sed magis de igne et aere.

8. Præterea, sicut naturales qualitates elementorum sunt calidum et frigidum, humidum et siccum, ita grave et leve. Si ergo qualitates illæ non remaneant in elementis, nec gravitas et levitas remanebit in eis. Per naturam autem gravitatis et levitatis, elementa loca sua naturalia sortiuntur. Si ergo qualitates elementorum non remaneant post finem mundi, non remanebit in eis situs distinctus, et terra sit deorsum, et ignis sursum.

9. Præterea, elementa facta sunt propter hominem, in beatitudinem tendentem. Sed habito fine, cessant ea que ad finem sunt. Ergo homine totaliter iam in beatitudinem collocato (quod erit in fine mundi), elementa cessabunt.

10. Præterea, materia est propter formam, quam per generationem æquirit. Elementa autem comparantur ad omnia alia corpora mixta sicut materia. Ergo cum generatio mixtorum post finem mundi cesset, videtur quod elementa non maneat.

11. Præterea, Luc. xxi, super illud: *Coelum et terra transibunt*, dicit Glossa (interlinearis): *deposita priori forma*. Cum ergo esse sit a forma, videtur quod elementa in fine mundi esse desinant.

12. Præterea, secundum Philosophum (in X Metaph., com. xxvi) corruptibile et incorruptibile non sunt unius generis; et eadem ratione mutabile et immutabile. Si ergo aliquid de mutabilitate in immutabilitatem mutetur, videtur quod in genere suæ

(1) Forte, assumet; et sic infra.

nature non remaneat. Elementa autem mutabuntur de mutabilitate in immutabilitatem, ut patet per Glossam (interlinearis) quæ super illud Matth., v: *Donec transeat cælium, et terra etc.*, dicit: *Donec transeat a mutabilitate ad immutabilitatem*. Ergo ista natura elementorum remanebit.

13. Præterea, hæc dispositio quam modo habent elementa, est naturalis. Si ergo ista remota aliam accipiant, illa erit eis innaturalis. Sed quod est innaturale et violentum, non potest esse perpetuum, ut patet per Philosophum in lib. Cæli et mundi (lib. II. com. xv, et lib. III. com. xviii). Ergo illa dispositio non posset in perpetuum remanere in elementis; sed iterum ad hanc dispositionem revertentur; quod videtur esse inconveniens. Ergo ipsa elementa secundum substantiam cessabunt, non autem eorum dispositio, substantia manente.

14. Præterea, illud solum potest esse incorruptibile et ingenerabile quod totam materiam suam sub forma habet ad quam est in potentia; sicut patet de corporibus cælestibus. Hoc autem elementis non competit; quia materia quæ est sub forma minus elementi, est in potentia ad formam alterius. Ergo elementa non possunt esse incorruptibilia, et ita non possunt in perpetuum manere.

15. Præterea, illud quod non habet virtutem ut sit semper, non potest in perpetuum manere. Sed elementa, cum sint corruptibilia, non habent virtutem ut sint semper. Ergo non possunt in perpetuum manere, motu cæli cessante.

16. Sed dicebat, quod elementa sunt incorruptibilia secundum totum, licet sint corruptibilia secundum partem. — Sed contra, hoc competit elementis per motum cæli, in quantum una pars elementi corrumpitur, et alia generatur; sic enim ipsius elementi totalitas conservatur. Motu ergo cæli cessante, non poterit assignari causa incorruptionis in toto elemento.

17. Præterea, Philosophus dicit (in VIII Phys., com. i) quod motus cæli est ut vita quedam natura existentibus omnibus; et Rabbi Moyses dicit, quod motus cæli in universo est sicut motus cordis in animali, a quo dependet vita totius animalis. Cessante autem motu cordis, omnes partes animalis dissolvuntur. Ergo cessante motu cæli, omnes partes universi peribunt; et ita elementa non remanebunt.

18. Præterea, esse cuiuslibet est a sua forma. Sed motus cæli est causa formarum in istis inferioribus; quod patet ex hoc quod nihil in inferioribus agit ad speciem nisi ex virtute motus cæli, ut philosophi dicunt; ergo cessante motu cæli, elementa esse desinent formis eorum destructis.

19. Præterea, apud presentiam solis elementa superiora vincunt semper inferiora, sicut accidunt in æstate propter calorem fortificationem; sed apud solis absentiam e converso. Motu autem cæli cessante, sol semper ex una parte præsens erit, et ex

alia parte absens. Ergo ex una parte totaliter destruuntur elementa frigida, et ex alia elementa calida; et sic elementa non remanebunt motu cœli cessante.

Sed contra est quod ad Rom., viii, super illud: *Vanitati creatura etc.*, dicit Glossa Ambrosii (Ambrosiastri): *Omnia elementa, sua cum labore explent officia: unde quiescent nobis assumptis.* Quiescere autem (1) non est nisi existentis. Ergo elementa in fine mundi remanebunt.

Præterea, elementa facta sunt ad divinam bonitatem manifestandam. Sed tunc maxime oportebit divinam bonitatem manifestari, quando res ultimam consummationem accipient. Ergo in fine mundi elementa remanebunt.

Respondeo dicendum, quod apud omnes communiter dicitur, quod elementa quodammodo manebunt et quodammodo transibunt. Sed in modo manendi et transeundi est diversa opinio.

Quidam enim dixerunt, quod omnia elementa manebunt quantum ad materiam, sed quedam nobiliorem formam accipient, scilicet aqua et ignis, quæ accipient formam cœli; ut sic tria elementa possint dici cœlum, aer scilicet (qui ex sua natura habet ut cœlum quandoque in scripturis dicatur) et aqua et ignis, quæ formam cœli assumunt: ut sic intelligatur verificari quod dicitur Apoc., xxi, 1: *Vidi cœlum novum et terram novam*, sub cœli nomine tribus comprehensis, scilicet igne, aere et aqua. Sed ista positio est impossibilis. Elementa enim non sunt in potentia ad formam cœli, eo quod forma cœli contrarium non habeat, et sub forma cœli sit tota materia quæ est in potentia ad ipsam. Sic enim cœlum esset generabile et corruptibile: quod Philosophus ostendit esse falsum (in I Cœli et mundi). Ratio etiam, quæ hoc asserit, frivola est: quia in Scriptura, sicut Basilium in Hexameron dicit, per extrema, media intelliguntur, ut Genes., 1, cum dicitur: *In principio creavit Deus cœlum et terram.* Nam per creationem cœli et terre etiam elementa media intelliguntur. Quandoque etiam sub terre nomine omnia inferiora comprehenduntur, ut patet in Psal. cxlviii, 7: *Laudate Dominum de terra;* et postea subditur: *Ignis, grando, etc.* Unde nihil prohibet dicere, quod per innovationem cœli et terre Scriptura innovationem etiam mediorum elementorum intellexit, vel quod sub nomine terre omnia elementa comprehendat.

Et ideo alii dicunt, quod omnia elementa manebunt secundum substantiam non solum quantum ad materiam, sed etiam quantum ad formas substantiales. Sicut enim, secundum opinionem Avicennæ, remanent formæ substantiales elementorum in mixto, qualitates activæ et passivæ non remanentibus in suis excellentiis, sed ad medium reductis; ita possibile erit quod in ultimo statu mundi absque prædictis qualitatibus remaneant

(1) Al. anim.

elementa; cui videtur consonare quod Augustinus dicit (XX de Civit. Dei, cap. xvi, circa med.): *In illa conflagratione mundana, elementorum corruptibilia qualitates, quæ corporibus nostris congruebant, ardendo penitus interibunt, atque ipsa substantia eas qualitates habebit quæ corporibus immortalibus mirabili mutatione convenient.* Sed hoc non videtur rationabiliter dictum. Primo quidem, quia cum qualitates activæ et passivæ sint per se elementorum accidentia, oportet quod a principis essentialibus causentur; unde non potest esse quod principis essentialibus manentibus in elementis prædictis, qualitates deficiant, nisi per violentiam; quod non potest esse dicitur. Et ideo nec opinio Avicennæ videtur esse probabilis, quod formæ elementorum actu maneant in mixto; sed solum virtute, ut Philosophus dicit; quia oportet quod diversorum elementorum formæ, in diversis partibus materie conservarentur; quod non esset nisi essent etiam situ distinctæ; et sic non esset vera commixtio, sed solum secundum sensum; et tamen in mixto impediuntur qualitates unius elementi per qualitates alterius; quod non potest dici in mundi consummatione, ubi omnino cessabit violentia. Secunda autem, quia cum qualitates activæ et passivæ sint de integritate nature elementorum, sequeretur quod elementa imperfecta remanerent; unde auctoritas Augustini indeta non loquitur de qualitatibus activis et passivis, sed de dispositionibus eorum quæ generantur et corruptuntur et alterantur.

Et ideo videtur dicendum, quod elementa in sua substantia remanebunt, et etiam in suis qualitatibus naturalibus; sed mutæ generationes et corruptiones et alterationes cessabunt; per huiusmodi enim elementa ordinantur ad completionem numeri electorum, sicut et cœlum per motum suum; sed substantie elementorum manebunt, sicut et substantia cœli. Cum enim universum in perpetuum remaneat, ut supra ostensum est, oportet quod ea quæ sunt de perfectione universi, primo et per se remaneant. Hoc autem competit elementis, cum sint essentielles partes universi ipsius, ut Philosophus probat (in II Cœli et mundi, com. xxxiv, 35 et sequent.). Si enim est corpus circulare, oportet esse centrum ipsius, quod est terra. Posita autem terra, quæ est simpliciter gravis, utpote in medio constituta, oportet ponere contrarium eius, scilicet ignem, qui sit simpliciter levis; quia si unum contrariorum est in natura, et reliquum. Suppositis autem extremis, necesse est poni et media; unde oportet ponere aërem et aquam, quæ sunt ad ignem quidem levia, ad terram autem gravia (1), quorum unum est propinquius terræ. Unde ex ipso situ universi patet quod elementa sunt essentielles partes universi. Quod patet esse manifestum, ordine causarum et effectuum considerato. Nam sicut cœlum est universale activum

(1) Forte ad ignem quidem gravia, ad terram autem levia.

eorum quæ generantur, ita elementa sunt eorundem universalis materia. Unde ad perfectionem universi requiritur quod elementa secundum suam substantiam maneant; et ad hoc etiam habent ex sui natura aptitudinem. Corruptio autem aliter accidit in corporibus mixtis et elementis; in corporibus enim mixtis inest corruptionis activum principium, propter hoc quod sunt ex contrariis composita; in elementis vero, quæ contrarium exterius habent, ipsa autem non sunt ex contrariis composita, non inest principium corruptionis activum, sed passivum tantum, in quantum habent materiam cui inest aptitudo ad aliam formam qua privatur. Et ab hoc principio generatio et corruptio in elementis sunt motus vel mutationes naturales; et non propter principium activum, ut dicit Commentator (in II Phys.). Sicut ergo quia corpus celeste principium sui motus activum habet extra, potest esse quod eius motus cesset ipso manente, absque violentia, ut supra dictum est; ita potest esse ut corruptio elementorum cesset eorum substantiis manentibus, exteriori corruptivo cessante, quod oportet reducere in motum cæli sicut in primum generationis et corruptionis principium.

AD PRIMUM ergo dicendum, quod illa elementorum solutio non est referenda ad destructionem substantiæ elementorum, sed ad elementorum purgationem, quæ erit per ignem, qui faciem iudicis præcedet. Post illam autem purgationem remanebunt elementa secundum substantiam et naturales qualitates, ut dictum est.

Unde SECUNDUM et TERTIUM concedimus.

AD QUARTUM dicendum, quod in mundi principio instituta est natura corporum secundum quod ordinatur ad generationem et corruptionem, per quam numerus electorum completur. In mundi autem consummatione remanebit substantia elementorum secundum quod est ad perfectionem universi. Unde non oportet omnia inesse elementis in illo finali statu quæ oportuit habere in mundi principio.

AD QUINTUM dicendum, quod Glossa Bede non est intelligenda quod hoc modo duo elementa secundum substantiam destruantur; sed secundum statum mutationis, quæ præcipue in duobus elementis apparet, scilicet in aere et aqua, de quibus quidam prædictam Glossam intelligunt; quamvis secundum alios intelligatur de igne et aqua, in quibus vigent qualitates activæ.

AD SEXTUM dicendum, quod actio magis dependet ab agente quam a patiente, ex hoc ipso quod agens est honorabilius patiente; unde destructio mutationis in elementis et mutæ actionis, convenientius exprimitur per subtractionem activorum quam per subtractionem passivorum.

AD SEPTIMUM dicendum, quod si consideretur actio et passio in elementis secundum principia substantialia, sic verum est quod Augustinus dicit loc. cit. quod ad patientium humor et

humus aplitudinem præbent, ad agendum ignis et aer; quia ignis et aer habent plus de forma, quæ est actionis principium; de materia vero terra et aqua, quæ est principium patiendi. Si vero consideretur secundum qualitates activas et passivas, quæ sunt immediata principia actionis; sic ignis et aqua sunt magis activa, aer et terra magis passiva.

OCTAVUM concedimus.

AD NOVUM dicendum, quod elementa, quantum ad sui mutationem, facta sunt propter hominem in beatitudinem tendentem; sed quantum ad suam substantiam, sunt facta et propter perfectionem universi et propter substantiam ipsius hominis, quæ ex elementis constituitur.

AD DECIMUM dicendum, quod in mundi consummatione non cessabunt omnia mixta, quia corpora humana remanebunt. Unde decens est, si partes eorum remanent in corpore hominis qui est minor mundus, quod ipsa tota remaneant in mundo majori.

AD UNDECIMUM dicendum, quod forma quam elementa dependent, est ipsa mutabilitas, non forma quæ sit principium essendi.

AD DUODECIMUM dicendum, quod mutabilis dispositio tollitur ab elementis, quia mutatio in eis non erit; non quod naturam mutabilem amittant.

AD TREDECIMUM dicendum, quod dispositio istorum elementorum secundum quam generantur et corrumpuntur et mutantur, est eis naturalis, motu cæli manente; non autem postquam motus cæli cessaverit.

AD DECIMUMQUARTUM dicendum, quod ratio illa probat quod in elementis est principium corruptionis materiale, non autem activum; unde non sequitur mutatio, motu cæli subtracto, qui est principium mutationis.

AD DECIMUMQUINTUM dicendum, quod elementum sicut non habet virtutem ut sit semper, propter hoc quod potest ab exteriori corrumpi, ita non habet virtutem ut quandoque deficiat, nisi materiam, ut dictum est.

AD DECIMUMSEXTUM dicendum, quod elementa sunt incorruptibilia secundum totum, partibus generatis et corruptis, quantum motus cæli durat; sed motu cæli cessante, erit in eis alia incorruptionis causa; quia scilicet non possunt corrumpi nisi ab extrinseco; corruptivum autem extrinsecum, deficiente motu cæli, cessabit.

AD DECIMUMSEPTIMUM dicendum, quod motus cæli est ut vita quedam omnibus rebus naturalibus secundum statum mutationis, qui in consummatione mundi tollitur.

AD DECIMUMOCTAVUM dicendum, quod licet eductio formarum de potentia in actum dependeat ex motu cæli; tamen eorum conservatio dependet a principiis altioribus, ut dictum est.

AD DECIMUMNONUM dicendum, quod sol est causa caliditatis per motum, ut Philosophus dicit (lib. II de Cælo, com. lvi et lviii); unde cessante motu tollitur corruptionis causa in elementis, quæ est per superexcedentiam caloris.

ARTICULUS VIII. — *Utrum cessante motu cæli, remaneat actio et passio in elementis.*

Octavo queritur, utrum cessante motu cæli, remaneat actio et passio in elementis. Et videtur quod sic. Potentiæ enim naturales sunt determinatæ ad unum; unde virtus ignis, cum sit naturalis potentia, solum habet tantum ad calefaciendum, non autem ad non calefaciendum. Sed in illa mundi consummatione remanebit virtus ignis et aliorum elementorum, ut prius dictum est, art. præc. Ergo impossibile est quia ignis et alia elementa agant.

2. Præterea, sicut dicit Philosophus (in I de Generat., com. xlviii et xlix), ad hoc quod fiat mutua actio et passio, requiritur quod agens et patiens sint similia secundum materiam, et dissimilia secundum formam. Hoc autem erit in elementis cessante motu cæli; quia eorum substantiæ manebunt, principis essentialibus non mutatis. Ergo erit actio et passio in elementis, motu cæli cessante.

3. Præterea, causa actionis et passionis in elementis est ex hoc quod in materia elementi semper est appetitus ad aliam formam, licet materia per unam formam sit perfecta. Sed iste appetitus in materia remanebit, etiam motu cæli cessante; non enim una forma elementi poterit totam potentiam materiæ implere. Ergo in illa mundi consummatione remanebit actio et passio in elementis.

4. Præterea, illud quod est de perfectione elementi non auferitur ei. Hoc autem est de perfectione uniuscujusque entis, quod agit sibi simile; diffusio enim ipsius esse derivatur a primo bono in omnia entia. Ergo videtur quod elementa in illa consummatione agent sibi simile; et sic erit in eis actio et passio.

5. Præterea, sicut proprium est ignis esse calidum, ita etiam proprium ejus esse calefacere; sicut enim calor derivatur a principis essentialibus ignis, ita calefactio derivatur a calore. Si ergo in illa rerum consummatione ignis et ejus calor remanebit, videtur quod etiam calefactio remanebit.

6. Præterea, omnia corpora naturalia se tangentia aliquo modo se alterant, ut patet in I de Generat. (com. lxi). Sed elementa in illo statu mundi se tangent. Ergo se invicem alterabunt; et ita erit ibi actio et passio.

7. Præterea, in illa mundi consummatione erit lux lune sicut lux solis, et lux solis septemplex (Isa., xxx, 26). Sed modo sol et luna sua luce illuminant corpora inferiora. Ergo

multo fortius tunc illuminabunt; et ita remanebit aliqua actio et passio in istis inferioribus; nam medium illuminatum illuminabit ultimum.

8. Præterea, sancti videbunt visu corporeo res hujus mundi. Sed visio non potest esse sine actione et passione, quia visus patitur a visibili. Ergo erit actio et passio etiam motu cæli cessante.

Sed contra, remota causa removetur effectus. Sed motus cæli est causa actionis et passionis in istis inferioribus, secundum doctrinam Philosophi (I Meteor. non procul a princ., et II de Cælo, com. lvi). Ergo remoto motu cæli removebitur actio et passio in istis inferioribus.

Præterea, actio et passio in rebus corporalibus sine motu esse non potest. Remoto autem primo motu, qui est motus cæli, ut probatur in VIII Phys. (com. lxxxv et seq.), oportet posteriores motus cessare. Remoto ergo motu cæli non erit actio et passio in istis inferioribus.

Respondeo dicendum, quod, sicut habetur in libro de Causis, quando causa prima retrahit actionem suam a causato, oportet etiam quod causa secunda retrahat actionem suam ab eodem, eo quod causa secunda habet hoc ipsum quod agit, per actionem causæ primæ, in cuius virtute agit. Cum autem omne agens agat secundum quod est in actu, oportet secundum hoc accipere ordinem causarum agentium, secundum quod est ordo earum in actualitate. Corpora autem inferiora minus habent de actualitate quam corpora cælestia; nam in corporibus inferioribus non est tota potentialitas completa per actum, eo quod materia substans uni formæ remanet in potentia ad formam aliam; quod non est in corporibus cælestibus; nam materia corporis cælestis non est in potentia ad aliam formam; unde sua potentialitas tota est terminata per formam quam habet. Substantiæ vero separate sunt perfectiores in actualitate quam etiam corpora cælestia; quia non sunt compositæ ex materia et forma; sed sunt formæ quædam substantiæ, quæ tamen deficient ab actualitate Dei, qui est summe esse, quod de aliis substantiis separatis non contingit; sicut etiam videmus quod elementa etiam se superant invicem secundum gradum actualitatis, eo quod aqua habet plus de specie quam terra, aer quam aqua, et ignis quam aer; ita etiam est in corporibus cælestibus; et in substantiis separatis. Elementa ergo agunt in virtute corporum cælestium, et corpora cælestia agunt in virtute substantiarum separatarum; unde cessante actione substantiæ separate, oportet quod cesset actio corporis cælestis; et ea cessante, oportet quod cesset actio corporis elementaris. Sed sciendum, quod corpus habet duplicem actionem; nam quidem, secundum proprietatem corporis, ut scilicet agat per motum (hoc enim proprium est corporis, ut motum moveat et agat); aliam autem actionem

habet, secundum quod attingit ad ordinem substantiarum separatarum; et participat aliquid de modo ipsarum; sicut nature inferiores constiterunt aliquid participare de proprietate nature superioris, ut apparet in quibusdam animalibus, que participant aliquam similitudinem prudentie, que propria est hominum. Hec autem est actio corporis, que non est ad transmutationem materie, sed ad quamdam diffusionem similitudinis forme in medio secundum similitudinem spiritualis intentionis que recipitur de re in sensu vel intellectu; et hoc modo sol illuminat aërem; et color speciem suam multiplicat in medio. Uterque autem modus actionis in istis inferioribus causatur ex corporibus celestibus. Nam et ignis suo calore transmutat materiam, ex virtute corporis celestis; et corpora visibilia multiplicant suas species in medio virtute luminis, cujus fons est in celesti corpore. Unde si actio utraque corporis celestis cessaret, nulla actio in istis inferioribus remaneret. Sed cessante motu cœli, cessabit prima actio, sed non secunda; et ideo cessante motu cœli, erit quidem actio in istis inferioribus illuminationis et illuminationis media a sensibilibus; non autem erit actio per quam transmutatur materia, quam sequitur generatio et corruptio.

AD PRIMUM ergo dicendum, quod virtus ignis semper est determinata ad calefaciendum, præsuppositis tamen causis prioribus que ad actionem ignis requiruntur.

AD SECUNDUM dicendum, quod similitudo secundum materiam et contrarietates forme non sufficit in istis inferioribus ad passionem et actionem, nisi motu cœli præsupposito, in cuius virtute agunt omnes inferiores activæ potentie.

AD TERTIUM dicendum, quod materia non sufficit ad actionem, nisi principium activum ponatur. Unde appetitus materie non sufficienter probat actionem in elementis, motu cœli subtracto, a quo est primum principium actionis.

AD QUARTUM dicendum, quod inferiora nunquam attingunt ad gradum perfectionis superiorum. Hoc autem est de ratione perfectionis supremi agentis, quod sua perfectio sibi sufficit ad agendum alio agente remoto; unde hoc inferioribus agentibus attribui non potest.

AD QUINTUM dicendum, quod ignis est proprium calefacere, supposito quod habeat aliquam actionem; sed ejus actus dependet ab alio, ut dictum est.

Et similiter ad sextum dicendum, quod tactus non sufficit in elementis ad agendum, nisi motu cœli supposito.

Alia duo concedimus; nam procedunt de actionibus quibus materia non transmutatur, sed species quodammodo multiplicatur per modum intentionis spiritualis.

ARTICULUS IX. — *Utrum plantæ et bruta animalia et corpora mineralia remaneant post finem mundi.*

Nono queritur, utrum plantæ et animalia bruta et corpora mineralia remaneant post finem mundi. Et videtur quod sic. Habetur enim Eccl., iii, 14: *Didici quod omnia opera Dei perseverent in æternum.* Sed corpora mineralia, plantæ et bruta sunt opera Dei. Ergo in æternum manebunt.

2. Sed dicebat, quod hoc intelligitur de istis operibus Dei que aliquo modo habent ordinem ad incorruptionem; sicut elementa, que sunt incorruptibilia secundum totum, licet secundum partes corrumpantur. — Sed contra, sicut elementa sunt incorruptibilia secundum totum, licet secundum partem corrumpantur, ita prædictæ res sunt incorruptibiles secundum speciem, licet secundum individua corrumpantur. Ergo videtur quod prædictæ etiam res in æternum remaneant.

3. Præterea, impossibile est quod intentio nature frustratur, cum nature intentio sit ex hoc quod natura a Deo in finem dirigitur. Sed natura intendit per generationem et corruptionem perpetuitatem speciei servare. Ergo nisi prædicta secundum speciem conserventur, frustrabitur nature intentio; quod est impossibile, ut dictum est.

4. Præterea, decor universi pertinebit ad gloriam beatorum; unde dicitur a sanctis, quod in majorem beatorum gloriam elementa mundi in statum meliorem reformabuntur. Sed plantæ, mineralia et bruta animalia pertinent ad decorum universi. Ergo non subtrahentur in illa ultima consummatione beatorum.

5. Præterea, Rom., i, 20, dicitur, quod *invisibilia Dei per ea que facta sunt, intellecta conspiciuntur*; inter que etiam facta, plantæ et animalia numerari possunt. Sed in illo statu perfectæ beatitudinis necessarium est homini invisibilia Dei cognoscere. Ergo indecens erit quod prædicta Dei opera de medio subtrahantur.

6. Præterea, Apoc., vii, ii, dicitur: *Ex utraque parte fluminis lignum afferens fructus duodecim.* Ergo cum ibi loquatur de ultima consummatione beatitudinis sanctorum, videtur quod in illo statu plantæ remaneant.

7. Præterea, ab esse divino omnibus entibus inest desiderium perpetuitatis, in quantum assimilantur primo enti, quod est perpetuum. Quod autem inest rebus ex similitudine divini esse, non auferetur ab eis in ultima consummatione. Ergo remanebunt plantæ et animalia perpetua, saltem secundum speciem.

8. Præterea, in ultimo statu consummationis rerum non auferetur a rebus id quod ad rerum perfectionem pertinet. Sed opus ornatus est consummatio quedam creationis. Cum ergo animalia ad opus ornatus pertineant, videtur quod non desinant esse in illo mundi ultimo statu.

9. Præterea, sicut elementa servierunt homini in statu viæ, ita et animalia et plantæ. Sed elementa remanebunt. Ergo et animalia et plantæ; et sic non videtur quod cessent.

10. Præterea, quanto aliquid magis participat de proprietate primi perpetui, quod est Deus, tanto magis videtur esse perpetuum. Sed animalia et plantæ plus participant de proprietatibus Dei quam elementa; quia elementa sunt tantum existentia, plantæ autem etiam vivunt, animalia vero etiam super hæc cognoscunt. Ergo magis debent in perpetuum remanere animalia et plantæ quam elementa.

11. Præterea, effectus divinæ sapientiæ est, ut Dionysius dicit (vii cap. de div. Nom.), quod supremum inferioris naturæ conjugatur infimo naturæ superioris. Hoc autem non erit si animalia et plantæ desinant esse; quia elementa in nullo attingunt ad perfectionem humanam, ad quam attingunt quodammodo quedam animalia: ad animalia vero appropinquant plantæ; ad plantas vero corpora mineralia, quæ immediate post elementa sequuntur. Ergo in illo mundi fine, cum non debeat illud amoveri quod pertinet ad ostensionem divinæ sapientiæ, videtur quod animalia et plantæ cessare non debeant.

12. Præterea, si in creatione mundi animalia et plantæ non fuissent productæ, non fuisset mundus perfectus. Sed major erit perfectio mundi ultima quam prima. Ergo videtur quod omnino animalia et plantæ remaneant.

13. Præterea, quedam corpora mineralia et quedam animalia bruta in penam damnatorum deputantur, sicut in Psalm. x. 7: *Ignis, sulphur et spiritus procellarum pars calicis eorum*; et Isa., ult., 24: *Veridis eorum non morietur et ignis non extinguetur*. Pœna autem damnatorum erunt perpetua. Ergo videtur quod animalia et corpora mineralia in æternum remaneant.

14. Præterea, in ipsis elementis sunt rationes seminales corporum mixtorum et animalium et plantarum, ut Augustinus dicit in III de Trin., cap. viii et ix. Hæc autem rationes frustra essent, nisi prædicta ex eis orirentur. Cum ergo in illa mundi consummatione elementa remaneant, et per consequens rationes seminales in eis, nec aliquid in operibus Dei sit frustra, videtur quod animalia et plantæ in illa mundi novitate remaneant.

15. Præterea, ultima mundi purgatio erit per actionem ignis. Sed quedam mineralia sunt ita fortis compositionis, quod nec ab igne consumantur, sicut patet de auro. Ergo videtur quod ad minus illa post illum ignem remaneant.

16. Præterea, universale esse semper. Sed universale non est nisi in singularibus. Ergo videtur quod eujuslibet universalis singularia semper erunt; ergo et bruta animalia et plantæ et corpora mineralia semper erunt.

Sed contra est quod Origenes dicit: *Non est opinandum ce-*

*nire ad finem illum animalia vel pecora vel bestias terræ, sed nec ligna nec lapides.*

Præterea, animalia et plantæ ad vitam animalem hominis ordinantur; unde dicitur Genes., ix, 3: *Quasi olera cirentia dedit vobis omnem carnem*. Sed vita animalis hominis cessabit. Ergo et animalia et plantæ cessabunt.

Respondeo dicendum, quod in illa mundi innovatione nullum corpus mixtum remanebit præter corpus humanum. Ad hujus autem rationem sumendum procedendum est ordine quem docet Philosophus (II Phys., com. LXXXVIII et seq.), ut scilicet prius consideretur causa finalis, et postmodum principia materialia et formalia et cause moventes. Finis autem mineralium corporum et plantarum et animalium duplex potest considerari. Primus quidem completio universi, ad quam omnes partes universi ordinantur sicut in finem; ad quem quidem finem res prædictæ non ordinantur sicut per se et essentialiter de perfectione universi existentes; cum nihil in eis existat quod non invenitur in principalibus partibus mundi (quæ sunt corpora caelestia et elementa) sicut in principis activis et materialibus. Unde res prædictæ sunt quidam particulares effectus causarum universalium, quæ sunt essentialis partes universi; et ideo de perfectione sunt universi secundum hoc tantum quod a suis causis progrediuntur; quod quidam sit per motum; unde pertinent ad perfectionem universi sub motu existentis, non autem ad perfectionem universi simpliciter. Et ideo cessante mutabilitate universi, oportet quod prædicta cessent. Alius autem finis est homo; quia, ut Philosophus in sua Politicâ (cap. v, a med.), dicit, ea quæ sunt imperfecta in natura, ordinantur ad perfecta sicut ad finem; unde, sicut ibidem dicit, cum animalia habeant vitam imperfectam respectu vite humanæ, quæ simpliciter perfecta est, et plantæ respectu animalium; plantæ sunt propter animalia, preparatæ eis in cibum a natura; animalia vero propter hominem, necessaria ei ad cibum et ad alia auxilia. Ista autem necessitas est, vita animalis hominis durante; quæ quidem in illa rerum innovatione tollitur, quia corpus resurget non animale, sed spirituale, ut dicitur I Corinth., xv; et ideo tunc etiam animalia et plantæ cessabunt; et ad hoc idem habent aptitudinem prædictarum rerum materia et forma. Cum enim sint ex contrariis composita, habent in seipsis principium activum corruptionis. Unde ista corruptio prohibeantur ab exteriori principio tantum hoc esset quodammodo violentum et non conveniens perpetuati; quia quæ sunt violenta non possunt esse semper, ut patet per Philosophum in libris Cœli et mundi (lib. I, com. xv). Interius autem principium non habent quod possit a corruptione prohibere; quia eorum forme sunt per naturam corruptibiles, utpote nec per se subsistentes, sed esse habentes a materia dependens; unde non possunt in perpetuum remanere eodem

numero, nec eadem specie, generatione et corruptione cessante. Hoc autem idem invenitur ex consideratione cause moventis: esse enim plantarum et animalium quoddam vivere est, quod in rebus corporalibus sine motu non existit; unde animalia deficiunt cessante motu cordis, et plantae cessante nutrimento. In his autem rebus non est aliquod motus principium non dependens a primo mobili: quia ipse animae animalium et plantarum totaliter subjungitur impressionibus caelestium corporum; unde motu coeli cessante, non poterit in eis motus remanere, nec vita. Et sic patet quod in illa mundi innovatione res praedictae non poterant remanere.

Ad primum ergo dicendum, quod omnia opera Dei in aeternum perseverant, vel secundum se, vel in suis causis; sic enim et animalia et plantae remanebant manentibus caelestibus corporibus et elementis.

Ad secundum dicendum, quod perpetuas quae est secundum speciem et non secundum numerum, est per generationem; quae, cessante motu coeli, non erit.

Ad tertium dicendum, quod intentio naturae est ad perpetuitatem in specie conservandam durante motu coeli, per quem huiusmodi perpetuitas conservari potest.

Ad quartum dicendum, quod praedictae res faciunt ad decorem universi secundum statum mutabilitatis in mundo et animis vitae in homine, et non aliter, ut dictum est.

Ad quintum dicendum, quod in illa beatitudine sancti non indigent invisibilia Dei per creaturas conspiciere, sicut in hoc statu, pro quo loquitur Apostolus; sed tunc invisibilia Dei per seipsa videbunt.

Ad sextum dicendum, quod lignum vitae accipitur ibi metaphorice pro Christo, vel pro sapientia, de qua Proverb., iii, 48: *Lignum vitae est his qui apprehenderit eam.*

Ad septimum dicendum, quod desiderium perpetuitatis est in rebus creatis ex assimilatione ad Deum; unicuique tamen secundum suum modum.

Ad octavum dicendum, quod opus creationis per ornatum animalium et plantarum consummatur quantum ad primam mundi consummationem, quae attenditur secundum statum mutabilitatis mundi, in ordine ad complendum numerum electorum; non autem ad consummationem mundi simpliciter; ut dictum est.

Ad nonum dicendum, quod elementa non dicuntur remunerari secundum se, quia nec secundum se aliquid meruerunt; sed dicuntur remunerari inquantum homines in eis remunerantur, prout scilicet eorum claritas in gloriam electorum cedit. Animalibus autem et plantis homines non indigent, sicut elementis, quae erant locus quasi gloriae ipsorum; et ideo non est simile.

Ad decimum dicendum, quod licet quantum ad vitam et cognitionem, plantae et animalia sint meliora quam elementa; tamen quantum ad simplicitatem, quae facit ad incorruptiorem, sunt elementa Deo similiora.

Ad undecimum dicendum, quod in ipso homine continuatio quaedam naturarum apparebit; inquantum in eo congregatur et natura corporis mixti et natura vegetabilium et animalium.

Ad duodecimum dicendum, quod alia fuit perfectio mundi creati et mundi consummati, ut supra dictum est; et ideo non oportet ut sit de secunda perfectione quod fuit de prima.

Ad decimumtertium dicendum, quod vermis ille qui ad penam impiorum deputatur, non est intelligendus corporaliter, sed spiritualiter; ut per vermem stimulus sua conscientie intelligatur, ut Augustinus (in XX de Civit. Dei) dicit; et secundum eandem modum possunt exponi si quae similia inveniantur.

Ad decimumquartum dicendum, quod rationes seminales quae sunt in elementis, ad effectum producendum non sufficiunt nisi motu coeli coadiuvante; et ideo motu coeli cessante non sequitur quod oporteat animalia vel plantas esse; nec tamen sequitur quod rationes seminales sint frustra, quia sunt de perfectione ipsorum elegantiorum.

Ad decimumquintum dicendum, quod licet aliqua sint quae ad horam ab igne non consumuntur, nihil tamen est quod finaliter ab igne non consumatur, si diu in igne remaneat, ut Galeus ficit; et tamen ille ignis conflagrationis mundi erit multo violentior quam iste ignis quo utimur. Nec iterum ex sola ignis actione corpora mixta in illo igne destruantur, sed etiam ex cessatione motus coeli.

Ad decimumsextum dicendum, quod universale tripliciter considerari potest; et secundum quemlibet modum considerationis aliquo modo verum est quod universale est semper. Potest enim uno modo considerari natura universalis secundum quod abstrahit a prohibet esse; et sic verum est quod universale est semper, magis per remotionem causae determinantis ad aliquod tempus, quam per positionem causae perpetuitatis; de ratione enim naturae universalis non est quod sit magis hoc tempore quam illo; per quem etiam modum materia prima dicitur esse una. Alio modo potest considerari secundum esse quod habet in singularibus; et sic verum est quod est semper, quia est quilibet quae est suum singulare; sicut aliam dicitur esse ubique, quia est ubicumque est suum singulare, cum tamen multa loca sint ubi sua singularia non sunt; unde nec ibi est universale. Tertio modo potest considerari secundum esse quod habet in intellectu; et sic etiam verum est quod universale est semper, praecipue in intellectu divino.

ARTICULUS X. — *Utrum corpora humana maneat motu caeli cessante, (I part., quaest. LXXVII, per totam.)*

Decimo quaeritur, utrum corpora humana remaneant motu caeli cessante. Et videtur quod non. Quia dicitur I Corinth., xv. 50: *Caro et sanguis regnum Dei non possidebunt*. Sed corpus hominis est ex carne et sanguine. Ergo in illo rerum sine humana corpora non remanebunt.

2. Praeterea, omnis mixtio elementorum ex motu caeli causatur, cum ad mixtionem alteratio requiratur. Sed corpus humanum est corpus mixtum ex elementis. Ergo motu caeli cessante remanere non potest.

3. Praeterea, necessitas quae est ex materia, est necessitas absoluta, ut patet in II Phys. (com. LXXXVII et LXXXVIII). Sed in corpore composito ex contrariis est necessitas ad corruptionem ex ipsa materia. Ergo impossibile est quin talia corpora corrumpantur; et ita impossibile est quod remaneant post statum generationis et corruptionis. Corpora autem humana sunt huiusmodi. Ergo impossibile est quod in illo rerum sine remaneant.

4. Praeterea, homo cum brutis convenit in hoc quod habet corpus sensibile. Sed corpora sensibilia brutorum non remanebunt in illo mundi fine. Ergo nec corpora humana.

5. Praeterea, finis hominis est perfecta assimilatio ad Deum. Sed Deo, qui incorporeus est, magis assimilatur anima a corpore absoluta, quam corpori unita. Ergo in illo statu finalis beatitudinis, animae absque corporibus erunt.

6. Praeterea, ad perfectam hominis beatitudinem requiritur perfecta operatio intellectus. Sed operatio animae intellectivae a corpore absoluta est perfectior quam animae corpori unitae; quia, ut dicitur in lib. de Causis, omnis virtus unita plus est infinita quam multiplicata. Formae autem separatae in se unitae sunt; materiae vero conjunctae, quodammodo ad plura diffunduntur. Ergo in illa perfecta beatitudine animae non erunt corpori unitae.

7. Praeterea, elementa quae sunt in mixto, appetunt naturalem appetitum propria ubi. Appetitus autem naturalis non potest esse vanus; unde quod est contra naturam, non potest esse perpetuum. Non potest ergo esse quin elementa in corpore mixto existentia quandoque ad sua loca tendant, et sic corpus mixtum corrumpatur; ergo post corruptionis statum non remanebunt humana corpora, quae sunt mixta.

8. Praeterea, omnis motus naturalis cuiuscumque corporis a motu caeli dependet. Sed motus cordis, sine quo non potest esse humani corporis vita, est motus naturalis. Ergo cessante motu caeli remanere non poterit, et per consequens nec humani corporis vita.

9. Praeterea, membra humani corporis, pro majori parte sunt ordinata ad usus competentes vitae animalis, sicut patet de venis et stomacho et huiusmodi, quae ordinantur ad nutrimentum. Animalis autem vita in homine non remanebit in illa beatitudine. Ergo nec membra corporis (alias enim frustra essent); et sic nec corpus humanum remanebit.

Sed contra est quod dicitur I ad Corinth., xv. 53: *Oportet corruptibile hoc induere incorruptionem*. Hoc autem corruptibile, corpus est. Ergo corpus remanebit incorruptione indutum.

Praeterea, Philip., iii. 21, dicitur: *Reformabit corpus humilitatis nostrae configurationem corpori claritatis suae*. Sed Christus corpus quod semel in resurrectione resumpsit, nunquam deposuit nec deponet; Rom., vi. 9: *Christus resurgens ex mortuis jam non moritur*. Ergo et sancti in perpetuum vivent cum corporibus cum quibus resurgent; et sic humana corpora post finem mundi manebunt.

Respondeo dicendum, quod, sicut Augustinus dicit (XXII de Civ. Dei, cap. xxvi), Porphyrius ponebat, ad perfectam beatitudinem humanae animae, omne corpus fugiendum esse; et sic, secundum eum, anima in perfecta beatitudine existens, corpori unita esse non potest. Quam opinionem tangit Origenes in suo Periarchon, dicens, quosdam opinatos fuisse, sanctos corpora in resurrectione resumpta quandoque deposituros, ut sic ad Dei similitudinem in perfecta beatitudine vivant. Sed haec positio praeter hoc quod est fidei contraria, ut ex auctoritatibus inductis et pluribus aliis patere potest, etiam a ratione discordat. Non enim perfectio beatitudinis esse poterit ubi deest naturae perfectio. Cum autem animae et corporis naturalis sit unio, et substantialis, non accidentaliter, non potest esse quod natura animae sit perfecta, nisi sit corpori conjuncta; et ideo anima separata a corpore, non potest ultimam perfectionem beatitudinis obtinere. Propter quod etiam dicit Augustinus in the super Genes, ad lit. (lib. XII, cap. xxxv), quod animae sanctorum ante resurrectionem non ita perfecte fruuntur divina visione sicut postea; unde in ulla perfectione beatitudinis oportebit corpora humana esse animalibus unita. Positio autem praemissa procedit secundum opinionem illorum qui dicunt, animam accidentaliter uniri corpori, sicut nauam navi, aut hominem indumento. Unde et Plato dixit, quod homo est anima corpore induta, ut Gregorius Nyssenus narrat (in lib. de Anima, cap. X, a med.). Sed hoc stare non potest; quia sic homo non esset ens per se, sed per accidens; nec esset in genere substantiae, sed in genere accidentis, sicut hoc quod dico vestitum, et calcatum. Patet etiam quod rationes supra inductae de corporibus mixtis, non habent locum in homine; nam homo ordinatur ad perfectionem universi ut essentialis pars ipsius, cum in homine sit



aliquid quod non continetur virtute nec in elementis nec in coelestibus corporibus, scilicet anima rationalis. Corpus etiam hominis ordinatur ad hominem, non secundum animale vitam tantum, sed ad perfectionem naturae ipsius. Et quamvis corpus hominis sit ex contrariis compositum, meriti tamen principium incorruptibile, quod poterit praeservare a corruptione absque violentia, cum sit intrinsecum. Et hoc poterit esse sufficiens principium motus, motu caeli cessante, cum a motu caeli non dependeat.

Ad PRIMUM ergo dicendum, quod per carnem et sanguinem intelligitur corruptio carnis et sanguinis; unde in eadem auctoritate subditur: *Neque corruptio incorruptelam possidebit.*

Ad SECUNDUM dicendum, quod motus est causa mixtionis secundum fieri; sed conservatio ejus est per formam substantialem, et ulterius per principia caelestia, ut in superioribus questionibus patet.

Ad TERTIUM dicendum, quod anima rationalis ex perfecta unione ad Deum, omnino super materiam victoriam habebit; et sic licet materia sibi peccata corruptibilis sit, tamen ex virtute animae incorruptionem sortietur.

Ad QUARTUM dicendum, quod sensibilitas in homine est a principio incorruptibile, scilicet ab anima rationali; in brutis autem est a principio corruptibile; et ideo corpus sensibile hominis in perpetuum potest remanere, non autem corpus sensibile bruti.

Ad QUINTUM dicendum, quod anima corpori unita plus assimilatur Deo quam a corpore separata, quia perfectius habet suam naturam, tantum enim unumquodque Deo simile est, in quantum perfectum est, licet non sit unius modi perfectio sui et perfectio creaturae.

Ad SEXTUM dicendum, quod anima corpori unita non multiplicatur per modum formarum materialium quae sunt divisibiles divisione subjecti; sed in se remanet simplex et una; unde ejus operatio non impeditur ex corporis unione, quando corpus omnino erit subiectum animae; nunc autem impeditur ex corporis unione, propter hoc quod anima non perfecte dominatur in corpore.

Ad SEPTIMUM dicendum, quod appetitus naturalis elementorum tendendi in propria locali, per dominium animae in corpore retinetur, ne dissolutio elementorum fiat; quia elementa perfectius esse habebunt in corpore hominis quam in suis locis haberent.

Ad OCTAVUM dicendum, quod motus cordis in homine causabitur ex natura animae rationalis; quae a motu caeli non dependet; et ideo motus ille non cessabit, motu caeli cessante.

Ad NONUM dicendum, quod omnia membra corporis rema-

nebant, non propter usus animalis vitae, sed propter perfectionem naturae hominis.

## QUESTIO VI

### DE MIRACULIS

(Et habet decem articulos.)

Primo enim queritur, utrum Deus possit in rebus creatis aliquid operari praeter causas naturales, vel contra naturam, vel contra cursum naturae; 2<sup>o</sup> utrum omnia quae Deus facit contra naturam vel contra cursum naturae, possint dici miracula; 3<sup>o</sup> utrum creaturae spirituales sua naturali virtute possint miracula facere; 4<sup>o</sup> utrum boni Angeli et homines per aliquod donum gratiae miracula facere possint; 5<sup>o</sup> utrum daemones cooperentur ad miracula facienda; 6<sup>o</sup> utrum daemones vel Angeli habeant corpora sibi naturaliter unita; 7<sup>o</sup> utrum Angeli vel daemones possint corpora assumere; 8<sup>o</sup> utrum Angelus vel daemon, vel corpus assumptum possit operationes viventes corporis exercere; 9<sup>o</sup> utrum operatio miraculi sit attribuenda fidei; 10<sup>o</sup> utrum daemones cogitant aliquibus sensibilibus et corporalibus rebus, factis aut verbis ad miracula facienda, quae per magicas artes fieri videntur.

ARTICULUS PRIMUS. — *Utrum Deus possit in rebus creatis aliquid operari praeter causas naturales, vel contra cursum naturae.*

Questio est de miraculis; et primo queritur, utrum Deus possit in rebus creatis aliquid operari praeter causas naturales, vel contra naturam, vel contra cursum naturae. Et videtur quod non: quia in Glossa Rom., xi (ordinaria, ibi: *Contra naturam in seipso est*), dicitur: *Deus omnium naturarum conditor, nihil contra naturam facit.*

2. Praeterea, alia Glossa dicit ibidem: *Contra legem naturae tam Deus facere non potest quam contra seipsum.* Contra seipsum autem nullo modo facere potest: quia seipsum negare non potest, ut dicitur II Tim., xiii. Ergo nec contra naturam ordinari, qui est lex naturae, Deus facere potest.

3. Praeterea, sicut ordo humanae justitiae derivatur a divina justitia, ita ordo naturae derivatur a divina sapientia; ipsa enim est quae disponit omnia suaviter, ut dicitur Sap., viii. Sed contra ordinem humano justitiae Deus lacere non potest: sic enim esset causa peccati, quod solum ordinis justitiae repugnat. Cum ergo non minor sit Dei sapientia quam ejus justitia, videtur quod nec contra ordinem naturae facere possit.

aliquid quod non continetur virtute nec in elementis nec in coelestibus corporibus, scilicet anima rationalis. Corpus etiam hominis ordinatur ad hominem, non secundum animale vitam tantum, sed ad perfectionem naturae ipsius. Et quamvis corpus hominis sit ex contrariis compositum, meriti tamen principium incorruptibile, quod poterit praeservare a corruptione absque violentia, cum sit intrinsecum. Et hoc poterit esse sufficiens principium motus, motu caeli cessante, cum a motu caeli non dependeat.

Ad PRIMUM ergo dicendum, quod per carnem et sanguinem intelligitur corruptio carnis et sanguinis; unde in eadem auctoritate subditur: *Neque corruptio incorruptelam possidebit.*

Ad SECUNDUM dicendum, quod motus est causa mixtionis secundum fieri; sed conservatio ejus est per formam substantialem, et ulterius per principia caelestia, ut in superioribus questionibus patet.

Ad TERTIUM dicendum, quod anima rationalis ex perfecta unione ad Deum, omnino super materiam victoriam habebit; et sic licet materia sibi peccata corruptibilis sit, tamen ex virtute animae incorruptionem sortietur.

Ad QUARTUM dicendum, quod sensibilitas in homine est a principio incorruptibili, scilicet ab anima rationali; in brutis autem est a principio corruptibili; et ideo corpus sensibile hominis in perpetuum potest remanere, non autem corpus sensibile bruti.

Ad QUINTUM dicendum, quod anima corpori unita plus assimilatur Deo quam a corpore separata, quia perfectius habet suam naturam, tantum enim unumquodque Deo simile est, in quantum perfectum est, licet non sit unius modi perfectio sui et perfectio creaturae.

Ad SEXTUM dicendum, quod anima corpori unita non multiplicatur per modum formarum materialium quae sunt divisibiles divisione subjecti; sed in se remanet simplex et una; unde ejus operatio non impeditur ex corporis unione, quando corpus omnino erit subiectum animae; nunc autem impeditur ex corporis unione, propter hoc quod anima non perfecte dominatur in corpore.

Ad SEPTIMUM dicendum, quod appetitus naturalis elementorum tendendi in propria localia, per dominium animae in corpore retinetur, ne dissolutio elementorum fiat; quia elementa perfectius esse habebunt in corpore hominis quam in suis locis haberent.

Ad OCTAVUM dicendum, quod motus cordis in homine causabitur ex natura animae rationalis; quae a motu caeli non dependet; et ideo motus ille non cessabit, motu caeli cessante.

Ad NONUM dicendum, quod omnia membra corporis rema-

nebant, non propter usus animalis vitae, sed propter perfectionem naturae hominis.

## QUESTIO VI

### DE MIRACULIS

(Et habet decem articulos.)

Primo enim queritur, utrum Deus possit in rebus creatis aliquid operari praeter causas naturales, vel contra naturam, vel contra cursum naturae; 2<sup>o</sup> utrum omnia quae Deus facit contra naturam vel contra cursum naturae, possint dici miracula; 3<sup>o</sup> utrum creaturae spirituales sua naturali virtute possint miracula facere; 4<sup>o</sup> utrum boni Angeli et homines per aliquod donum gratiae miracula facere possint; 5<sup>o</sup> utrum daemones cooperentur ad miracula facienda; 6<sup>o</sup> utrum daemones vel Angeli habeant corpora sibi naturaliter unita; 7<sup>o</sup> utrum Angeli vel daemones possint corpora assumere; 8<sup>o</sup> utrum Angelus vel daemon, vel corpus assumptum possit operationes viventis corporis exercere; 9<sup>o</sup> utrum operatio miraculi sit attribuenda fidei; 10<sup>o</sup> utrum daemones cogitant aliquibus sensibilibus et corporalibus rebus, factis aut verbis ad miracula facienda, quae per magicas artes fieri videntur.

ARTICULUS PRIMUS. — *Utrum Deus possit in rebus creatis aliquid operari praeter causas naturales, vel contra cursum naturae.*

Questio est de miraculis; et primo queritur, utrum Deus possit in rebus creatis aliquid operari praeter causas naturales, vel contra naturam, vel contra cursum naturae. Et videtur quod non: quia in Glossa Rom., xi (ordinaria, ibi: *Contra naturam in seipso est*), dicitur: *Deus omnium naturarum conditor, nihil contra naturam facit.*

2. Praeterea, alia Glossa dicit ibidem: *Contra legem naturae tam Deus facere non potest quam contra seipsum.* Contra seipsum autem nullo modo facere potest: quia seipsum negare non potest, ut dicitur II Tim., xiii. Ergo nec contra naturam ordinari, qui est lex naturae, Deus facere potest.

3. Praeterea, sicut ordo humanae justitiae derivatur a divina justitia, ita ordo naturae derivatur a divina sapientia; ipsa enim est quae disponit omnia suaviter, ut dicitur Sap., viii. Sed contra ordinem humano justitiae Deus lacere non potest: sic enim esset causa peccati, quod solum ordinis justitiae repugnat. Cum ergo non minor sit Dei sapientia quam ejus justitia, videtur quod nec contra ordinem naturae facere possit.

4. Præterea, quodcumque Deus operatur in creaturis per rationes seminales, non fit aliquid contra naturæ cursum. Sed non potest Deus aliquid convenienter operari in natura præter rationes seminales naturæ inditas. Ergo Deus non potest convenienter contra cursum naturæ facere. Probatio mediæ. Augustinus enim dicit (in III de Trin., cap. xi et xii), quod visibiles apparitiones patribus exhibite sunt mediante ministerio Angelorum, ex hoc quod Deus corpora regit per spiritus. Sed similiter corpora inferiora regit per superiora, ut (in eodem lib., cap. iv) ipse dicit; et similiter potest dici, quod effectus quoslibet regit per causas. Cuius ergo in causis naturalibus rationes seminales sint indite, videtur quod Deus convenienter non possit operari in effectibus naturalibus, nisi rationibus seminalibus medianibus; et sic nihil fiet ab eo contra cursum naturæ.

5. Præterea, Deus non potest facere quod affirmatio et negatio sint simul vera; quia cum hoc sit contra rationem entis in quantum est ens, est etiam contra rationem creaturæ; prima namque rerum creaturarum est esse, ut dicitur in libro de Causis (prop. iv). Prædictum autem principium, cum sit primum inter omnia principia, in quod omnia alia resolvuntur, ut probatur in IV Metaph., oportet quod in qualibet necessaria propositione includatur, et quod ejus oppositum includatur in quolibet impossibili. Cum ergo ea que sunt contra cursum naturæ, sint impossibilia in natura, sicut eorum fieri videntem, et mortuum fieri viventem; in hujusmodi oppositum dicti principii includatur. Ergo ea que sunt contra cursum naturæ, Deus facere non potest.

6. Præterea, quædam Glossa dicit, Ephes., iii, quod Deus contra causas quas voluntate instituit, mutabili voluntate nihil facit. Sed causas naturales Deus voluntate sua instituit. Ergo contra eas nihil facit nec facere potest, sicut non potest esse mutabilis; mutabilitas enim voluntatis videtur, cum aliquis facit contra id quod prius voluntate instituit.

7. Præterea, bonum universi est bonum ordinis, ad quem pertinet cursum naturalium rerum. Sed Deus non potest facere contra bonum universi, quia ex sua bonitate summa provenit quod omnia sint valde bona secundum ordinem universi. Ergo Deus non potest facere contra cursum naturalium rerum.

8. Præterea, Deus non potest esse causa mali. Malum autem, secundum Augustinum (de Nat. boni, cap. iv), est privatio modi, speciei et ordinis. Ergo Deus non potest facere contra cursum naturæ, qui pertinet ad ordinem universi.

9. Præterea, Genes., ii, 2, dicitur, quod Deus die septimo cessavit ab opere quod patravat; et hoc ideo, secundum Glossam ordin., quia cessavit a novis operibus condendis. Sed in operibus sex dierum non fecit aliquid contra cursum naturæ. Unde Augustinus dicit (II super Genes. ad litt., parum a princ.),

quod in operibus sex dierum non quaeritur quid Deus miraculose facere possit, sed quid rerum natura patiatur, quam tunc Deus instituit. Ergo nec postea Deus aliquid fecit contra naturæ cursum.

10. Præterea, secundum Philosophum (in VII Metaph.), natura est causa ordinationis in omnibus. Sed Deus non potest facere aliquid nisi ordinatum; quia, ut dicitur Rom., xiii, 1: *Quæ a Deo sunt, ordinata sunt*. Ergo non potest facere aliquid contra naturam.

11. Præterea, sicut ratio humana a Deo est, ita et natura. Sed contra principia rationis Deus facere non potest, sicut quod genus de specie non prædicetur, vel quod latus quadrati sit commensurable diametro. Ergo nec contra principia naturæ Deus facere potest.

12. Præterea, totus naturæ cursus a divina sapientia progreditur, sicut artificata ab arte humana, ut Augustinus dicit super illud Joan., cap. 1: *Quod factum est in ipso vita erat*. Sed artifex non facit aliquid contra artem suam nisi per errorem, qui in Deo esse non potest. Ergo nec Deus facit aliquid contra cursum naturæ.

13. Præterea, Philosophus dicit (in II Phys., text. lxxviii), quod sicut agitur unumquodque, ita natum est agi. Sed quod ita natum est agi sicut agitur, non fit contra cursum naturæ. Ergo nihil fit contra naturæ cursum.

14. Præterea, Anselmus dicit, lib. 1: *Cur Deus homo* (cap. xx, circa princ.), quod minimum inconueniens Deo est impossibile. Inconueniens autem est quod cursum naturæ mutetur, conveniens est autem quod servetur. Ergo impossibile est quod Deus contra cursum naturæ faceret.

15. Præterea, sicut se habet scientia ad falsum, ita se habet potentia ad impossibile. Sed Deus non potest scire id quod est falsum in natura. Ergo Deus non potest facere id quod est contra cursum naturæ; quia hoc est impossibile in natura.

16. Præterea, magis est impossibile quod est impossibile per se quam quod est impossibile per accidens, quia quod per se est tale, magis est tale. Sed id quod fuit non fuisse est impossibile per accidens; quod tamen Deus facere non potest, ut Hieronymus dicit et etiam Philosophus (in VI Ethic., cap. ii, in fine). Ergo nec que sunt contra cursum naturæ, que sunt impossibilia per se, ut cæcum videre, facere Deus (1) potest.

17. Præterea, secundum Philosophum (in III Ethic., cap. 1), violentum est cujus principium est extra, nil conferente vim passo. Sed ad ea que sunt contra cursum naturæ, res naturales conferre non possunt. Ergo si a Deo fiant, erunt violenta; et sic non erunt permanentia; quod videtur inconueniens; nam cæcis illuminatis divinitus permanet visus.

(1) Al. non potest.

18. Præterea, cum omne genus per potentiam et actum dividatur, ut patet in III Physic. (com. xxxiv), ad potentiam autem potentia passiva pertinet, ad actum autem activa; oportet quod ad illa sola potentia passiva inveniatur in natura ad qua inveniuntur potentia activa naturalis; hoc enim est ejusdem generis; et hoc etiam dicit Commentator in IX Metaph. (text. xi et xvii). Sed ad ea que sunt contra cursum nature non inveniuntur aliqua potentia activa naturalis; ergo nec potentia passiva. Sed illa respectu quorum non est potentia passiva in creatura, diciuntur non posse fieri, quamvis Deus per suam omnipotentiam omnia facere possit. Ergo ea que sunt contra cursum nature, fieri non possunt propter defectum creature, etsi non propter defectum divine potentie.

19. Præterea, quidquid Deus aliquando facit, non esset inconveniens, etiam si semper faceret. Esset autem inconveniens, si Deus omnes effectus naturales crearet non mediantibus causis naturalibus; quia tunc res naturales suis operationibus destituerent. Ergo inconveniens est quod aliquem effectum in istis inferioribus faciat aliquando non mediantibus causis naturalibus. Eis autem mediantibus non facit aliquid contra cursum nature. Ergo Deus nihil facit contra cursum nature.

20. Præterea, causa per se essentialiter ordinem habet ad suum effectum, et e converso. Sed Deus non potest alicui rei auferre quod est sibi essentialiter, et manente; sicut quod sit homo et non sit animal. Ergo non potest effectum aliquem producere sine causa naturali que ad huiusmodi effectum habet essentialiter ordinem; sicut quod faciat visum sine causis naturalibus ex quibus visus natus est auferri.

21. Præterea, inconveniens est ut majus bonum dimittatur pro minori bono. Sed bonum universi est majus quam aliquid bonum particulare cujuscumque; unde Augustinus dicit (Enchiridii cap. xi, quod Deus facit bona etiam singula, simul autem omnia valde bona propter ordinem universi, ergo inconveniens est quod propter salutem alicujus hominis vel alicujus gentis, Deus vellet cursum nature, qui pertinet ad ordinem universi, in quo bonum ejus consistit. Nonquam ergo Deus facit contra cursum nature.

Sed contra, a privatione in habitum non potest fieri regressus secundum naturam; fit autem operatione divina; unde dicitur Matth., xi, 5: *Cæci vident, surdi audiunt, etc.* Ergo Deus facit aliquid contra cursum nature.

Præterea, potestas superioris non dependet a potestate inferioris; nec secundum eam limitatur. Sed Deus est superior quam natura. Ergo non limitatur ejus potentia secundum potentiam nature; et sic nihil prohibet ipsum operari aliquid contra cursum nature.

Respondet dicendum, quod absque omni dubio Deus in re-

bus creatis potest operari præter causas creatas, sicut et ipse operatur in omnibus causis creatis, ut alibi ostensum est; et operando præter causas creatas potest operari eisdem effectus quos eisdem mediantibus operatur, et eodem ordine; vel etiam alios, et alio ordine; et sic potest aliquid facere contra communem et solitum cursum nature. Cujus veritatis manifestatur ratio, si ea consideremus que huic veritati adversari videntur: que quidem sunt tria.

Primum est quorundam antiquorum philosophorum opinio, qui posuerunt istas res corporeas non habere aliam causam superiorem que sit eis causa essendi; et sic posuerunt eorum aliqui, ut Anaxagoras, intellectum causam alicujus motus in eis, ut segregationis. Secundum autem hanc positionem, a nulla causa supernaturali naturales forme, que sunt naturalium actionum principia, possunt immutari, nec earum operationes impediri; et sic nihil potest fieri contra cursum nature qui ex necessitate harum causarum corporalium ordinatur. Sed hæc positio est falsa; quia oportet illud quod est principium in entibus, esse causam essendi omnibus aliis; sicut summe calidum est causa caliditatis omnibus aliis, ut dicitur in II Metaph. Et de hoc plenius alibi tractatum est (I part., quæst. xlv; art. 1), ubi ostensum est quod nihil potest esse nisi a Deo.

Secundum autem quod prædictam veritatem impedire potest, est opinio aliorum philosophorum qui dixerunt, Deum esse causam omnium entium per ejus intellectum. Sed dixerunt quod Deus de entibus habet universalem quandam cognitionem in quantum cognoscit seipsum, et quod ipse est principium essendi omnibus entibus; non autem propriam de unoquoque. A scientia autem communi et universali non sequuntur particulares effectus, nisi mediantibus particularibus conceptionibus. Si enim sciam quod omnis fornicatio est fugienda, non fugiam hunc actum nisi accipiam hunc actum esse fornicationem. Et secundum hoc dicunt quidam, quod a Deo non progrediuntur effectus particulares nisi mediantibus causis aliis per ordinem; quarum superiores sunt magis universales, inferiores vero magis particulares; et secundum hoc Deus nihil poterit facere contra cursum nature. Sed ista positio est falsa; nam cum Deus seipsum perfecte cognoscat, oportet quod cognoscat quicquid in ipse quocumque modo est. In eo autem est similitudo cujuslibet causali, in quantum nihil esse potest quod eum non impletur; unde oportet quod de omnibus propriam cognitionem habeat, sicut alibi plenius ostensum est, I part., qu. xiv, per totum.

Tertium, quod posset prædictam veritatem impedire est positio quorundam philosophorum, qui dixerunt, Deum ex necessitate nature res agere; et sic oportet quod ejus operatio determinetur ad istum cursum rerum qui est secundum naturam ordinatus; unde contra eum facere non poterit. Sed hoc etiam

patet esse falsum; nam supra omne quod ex necessitate nature agit, oportet aliquid esse quod naturam ad unum determinet, sicut alibi, I part., quæst. xix, art. 4, ostensum est; unde impossibile est quod Deus, qui est primum agens, ex necessitate nature agat; quod etiam in alia questione multipliciter ostensum est.

His ergo tribus habitis, scilicet quod Deus sit rebus naturalibus causa essendi, et quod propriam cognitionem et providentiam habeat de unoquoque, et quod non agat ex necessitate nature; sequitur quod potest præter cursum nature aliquid agere in particularibus effectibus, vel quantum ad esse, in quantum aliquam novam formam inducit rebus naturalibus quam natura inducere non potest, sicut formam gloriæ: aut huic materie, sicut visum in eis; vel quantum ad operationem; in quantum retinet operationes rerum naturalium ne agant quod nature sunt agere, sicut quod ignis non comburat, ut patet Dan., iii, vel quod aqua non fluat, ut patet de aqua Jordanis, Josue, v.

Ad primum ergo dicendum, quod contra naturam particularem et Deus facit et etiam res naturales; quod enim ignis corripitur contra naturam particularem hujus ignis est; unde Philosophus dicit in II Cœli et mundi, com. xxxvii, quod corruptio et senium et defectus omnis contra naturam est. Contra naturam vero universalem nulla res naturalis agit; dicitur enim natura particularis secundum ordinem particularis cause ad particularem effectum; natura vero universalis secundum ordinem primi agentis in natura, quod est cœlum ad omnia inferiora agentia. Cum autem nullum inferiorum corporum agat nisi per virtutem cœlestis corporis, impossibile est quod aliquod corpus naturale agat contra naturam particularem. Sed hoc ipsum quod aliquid agit contra naturam particularem, est secundum naturam universalem. Sicut autem cœlum est causa universalis respectu inferiorum corporum; ita Deus est causa universalis respectu omnium entium, respectu cuius etiam ipsum cœlum est causa particularis. Nihil enim prohibet unam et eandem causam esse universalem respectu inferiorum et particularium respectu superiorum, sicut et in prædicabilibus accidit; nam animal, quod est universale respectu hominis, est particulare respectu substantiæ. Sicut ergo per virtutem cœli potest aliquid fieri contra hanc naturam particularem, nec tamen est hoc contra naturam simpliciter, quia hoc est secundum naturam universalem; ita virtus Dei potest aliquid fieri contra naturam universalem que est ex virtute cœli; non tamen erit contra naturam simpliciter, quia erit secundum naturam universalissimam, quæ consideratur ex ordine Dei ad omnes creaturas. Et ex hoc intellectu Augustinus dicit in Glossa inducta, quod Deus nihil contra naturam facit. Unde subiungitur, quia hoc est *intentione natura quod Deus facit*.

Et ex hoc etiam patet responsio ad secundum; nam illa Glossa loquitur Augustinus de summa lege nature quæ attenditur secundum ordinem Dei ad omnes creaturas.

Ad tertium dicendum, quod sicut ex dictis patet, licet Deus possit facere contra ordinem qui est unius creature ad aliam, quod est quasi natura particularis respectu ipsius; non tamen potest facere contra ordinem creature ad seipsum. Justitia autem hominis consistit principaliter in debito ordine hominis ad Deum; unde contra ordinem justitiæ Deus facere non potest. Cursus autem nature est secundum ordinem unius creature ad aliam; et ideo contra cursum nature Deus facere potest.

Ad quartum dicendum, quod sicut Deus potest facere præter causas naturales effectus in rebus corporalibus; ita potest facere præter ministerium Angelorum; non tamen est eadem ratio faciendi præter utrumque. Nam præter causas naturales facit ut homo effectum quem causis visibilibus attribueri non potest, in aliquam superiore causam reducere cogatur, ut si ex visibili miraculo divina potentia manifestetur. Operationes autem Angelorum non sunt visibiles; unde eorum ministerium non impedit quin homo in divina potentia considerationem adducatur. Et propter hoc Augustinus non dicit quod præter ministerium Angelorum non possit operari, sed quod non operatur.

Ad quintum dicendum, quod sicut Deus non potest facere quod affirmatio et negatio sint simul vera; ita non potest facere ea que sunt impossibilia in natura, in quantum prædictum impossibile in se claudit; sicut patet quod mortuum vivificare, claudit in se contradictionem, si ponatur a principio intrinseco naturaliter mortuus ad vitam redire; nam de ratione mortui est quod sit privatus principio vite; unde Deus hoc non facit, sed quod mortuus ab exteriori principio vitam iterato acquirat; quod contradictionem non includit; et eadem ratio est de aliis que sunt impossibilia nature, que facere potest.

Ad sextum dicendum, quod Deus non facit contra rationes naturales mutabili voluntate; nam Deus ab æterno prævidit et voluit se facturum quod in tempore facit. Sic ergo instituit nature cursum, ut tamen præordinaretur in æterna sua voluntate quod præter cursum istum quandoque facturus erat.

Ad septimum dicendum, quod Deus faciendo præter cursum nature, non removet totum ordinem universi, in quo consistit bonum ipsius, sed ordinem aliquis particularis cause ad suum effectum.

Ad octavum dicendum, quod malum poenæ est contra ordinem unius partis universi ad aliam partem, et similiter malum cuiuslibet defectus naturalis; sed malum culpæ est contra ordinem totius universi ad finem ultimum, eo quod volans, in qua est malum culpæ, ab ipso ultimo fine universi deordinatur per

culpam; et ideo hujusmodi mali Deus causa esse non potest: contra hunc enim ordinem agere non potest, licet posset agere contra ordinem primum.

AD NONUM dicendum, quod miraculum non fit a Deo nisi in creaturis preexistentibus, quæ aliquo modo in operibus sex dierum preexistierunt. Unde opera miraculosa materialiter in operibus sex dierum præcesserunt; licet tunc oportuerit aliquid miraculose fieri contra cursum nature, quando natura instituitur.

AD DECIMUM dicendum, quod natura est causa ordinationis in omnibus naturalibus, non autem in omnibus simpliciter.

AD UNDECIMUM dicendum, quod logicus et mathematicus considerant tantum res secundum principia formalia; unde nihil est impossibile in logicis vel mathematicis, nisi quod est contra rei formalem rationem. Et hujusmodi impossibile in se contradictionem claudit, et sic est per se impossibile. Talia autem impossibilia Deus facere non potest. Naturalis autem applicat ad determinatam materiam; unde reputat impossibile etiam id quod est hinc impossibile. Nihil autem prohibet Deum posse facere quæ sunt interioribus agentibus impossibilia.

AD DUODECIMUM dicendum, quod ars divina non totam seipsam explicat in creaturarum productione; et ideo secundum artem suam potest alio modo aliquid operari quam habet cursus nature; unde non sequitur quod si potest facere contra cursum nature, possit facere contra suam artem: nam et homo artifex potest aliud artificiatum facere per suam artem contrario modo quam prius fecit.

AD DECIMUMTERTIUM dicendum, quod Philosophus loquitur de his quæ in natura aguntur: ea enim aguntur sicut apta nata sunt agi.

AD DECIMUMQUARTUM dicendum, quod cursum nature servari est conveniens; secundum quod est a divina providentia ordinatus: unde si ordo divine providentia: habet quod aliquid secus agatur, non est inconveniens.

AD DECIMUMQUINTUM dicendum, quod non dicitur aliquid esse falsum simpliciter et alieni, sicut aliquid dicitur esse impossibile simpliciter et alieni, sed esse falsum simpliciter; unde Deus non potest scire aliquid falsum, sicut non potest facere aliquid impossibile quod simpliciter est impossibile; et tamen sicut potest facere aliquid impossibile alieni, ita potest facere aliquid ignotum alieni.

AD DECIMUMSEXTUM dicendum, quod omne per accidens reducitur ad aliquid quod est per se: unde nihil prohibet aliquid quod est per accidens, ad id quod est per se reductum, esse magis tale: sicut nix sua albedine disgregat visum magis quam albedo parietis, eo quod albedo nivis est major albedine parietis: similiter remotio cursus Socratis est impossibilis per hoc

quod reducitur ad hoc impossibile per se, præteritum non fuisse, quod contradictionem implicat: unde nihil prohibet hoc esse magis impossibile quam id quod est impossibile alieni, quamvis non sit impossibile per accidens.

AD DECIMUMSEPTIMUM dicendum, quod in re qualibet naturali est naturalis ordo et habitudo ad causas omnes superiores: et inde est quod illa quæ sunt in corporibus inferioribus ex impressione celestium corporum, non sunt violenta, licet videantur esse contraria naturalibus motibus inferiorum, ut patet in fluxu et refluxu maris, qui sequitur motum lune. Et multo minus est violentum quod a Deo fit in istis inferioribus.

AD DECIMUMOCTAVUM dicendum, quod quanto aliqua virtus activa est altior, tanto eandem rem potest perducere in altiorum effectum: unde natura potest ex terra facere aurum albis elementis commixtis, quod ars facere non potest; et inde est quod res aliqua est in potentia ad diversa secundum habitudinem ad diversos agentes. Unde nihil prohibet quin natura creata sit in potentia ad aliqua fienda per divinam potentiam, quæ inferior potentia facere non potest: et ista vocatur potentia obedientia, secundum quod qualibet creatura Creatori obedit.

AD DECIMUMNONUM dicendum, quod ordinatio ejuslibet rei create ad suam operationem est a Deo; unde si ex divina providentia præter rerum naturalium operationem producitur aliquis effectus, non est inconveniens.

AD VICESIMUM dicendum, quod licet Deus faciat aliquem effectum præter actionem causæ naturalis, non tamen tollit ordinem causæ ad suum effectum; unde et in igne fornacis remanebat ordo ad comburendum, licet non combureret tres pueros in camino.

AD VICESIMUMPRIMUM dicendum, quod quando Deus agit aliquid contra cursum nature, non tollitur totus ordo universi, sed cursus qui est ex ordine unius particularis rei ad aliam. Unde non est inconveniens, si aliquando contra cursum nature aliquid fiat ad salutem hominis, quæ consistit in ordinatione ipsius ad ultimum finem universi.

ARTICULUS II. — *Utrum omnia quæ Deus facit præter causas naturales vel contra cursum nature, possint dici miracula.* (Part. I, quest. cv, art. 7.)

Secundo queritur, utrum omnia quæ Deus facit præter causas naturales vel contra cursum nature, possint dici miracula. Et videtur quod non. Quia, sicut ex verbis Augustini haberi potest (tract. viii in Joan., et III de Trin., cap. v), miraculum est aliquid arduum et insolitum, supra facultatem nature et præter spem admirantis apparens. Aliquando autem Deus operatur contra cursum nature etiam in minimis rebus; sicut cum ex aqua fecit vinum, Joan., ii capite; quæ tamen ope-

ratio præter operationem causarum naturalium fuit. Ergo non omnia quæ Deus facit præter causas naturales, miracula dici possunt.

2. Præterea, quod frequenter accidit, non potest insolitum dici. Sed hujusmodi operationes divine præter causas naturales Apostolorum tempore frequenter fiebant; unde dicitur, Act., v, quod in plateis ponebantur infirmi, etc. Ergo hujusmodi non erant insolita, et ita non erant miracula.

3. Præterea, illud quod natura potest operari non est supra facultatem nature. Sed quandoque divinitus sunt præter naturales causas quæ etiam natura facere posset; sicut patet cum Dominus curavit soerum Petri a febribus quibus tenebatur, ut dicitur, Luc., x. Ergo non fuit supra facultatem nature, et ita non fuit miraculum.

4. Præterea, mortuum reviviscere, non potest contingere per operationem naturalis cause. Sed resuscitatio mortuorum, qua Deus in fine omnes mortuos vivificabit, est a sanctis expectata; unde in symbolo dicitur: *Especto resurrectionem mortuorum*. Ergo non omne illud quod Deus operatur præter causas naturales, est præter spem humanam, et ita non est miraculum.

5. Præterea, creatio celi et terre, et etiam creatio animarum rationalium est a Deo præter alias causas agentes; solus enim Deus creare potest, ut in alia questione, art. 1 et 4, est habitum. Sed tamen hæc non possunt dici miracula; quia hæc non fiunt ad gratie ostensionem, propter quam solam fiunt miracula, ut Augustinus dicit; sed ad nature institutionem. Ergo non omnia quæ Deus facit præter causas naturales, possunt dici miracula.

6. Præterea, justificatio impij fit a solo Deo præter causas naturales; nec est miraculum, sed magis finis miraculi: ad hoc enim miracula fiunt, ut homines convertantur ad Deum. Ergo non omnia quæ Deus facit præter causas naturales, sunt miracula.

7. Præterea, magis est mirum quod aliquid fiat a minus potente quam a magis potente. Sed Deus est potentior quam natura: cum autem natura aliquid operatur, non dicitur esse miraculum; sicut cum operatur sanationem infirmi, vel aliquid hujusmodi. Ergo multo minus potest dici miraculum, quando Deus illud operatur.

8. Præterea, monstra fiunt contra naturam; nec tamen dicuntur miracula. Ergo non omnia quæ contra naturam fiunt, miracula dici possunt.

9. Præterea, miracula fiunt ad fidei confirmationem. Sed incarnatio Verbi non est ad confirmationem fidei tanquam fidei argumentum, sed magis est sicut fidei objectum. Ergo non est miraculum; et tamen hoc solus Deus facit nulla alia causa

agente; ergo non omnia quæ Deus facit præter causas naturales, sunt miracula.

Sed contra, Augustinus (Anselmus, in lib. de peccato orig., cap. ii, a med.) dicit, quod triplex est rerum cursus; naturalis, voluntarius et mirabilis. Ea autem quæ solus Deus operatur præter causas naturales, non pertinent ad cursum rerum naturalium, nec ad voluntarium; quia nec natura nec voluntas creata in eis operatur. Ergo pertinent ad cursum mirabilem, et ita sunt miracula.

Præterea, Richardus de Sancto Victore dicit, quod miraculum est opus Creatoris, manifestativum divine virtutis. Hujusmodi autem sunt quæ a Deo præter causas naturales fiunt. Ergo sunt miracula.

Respondeo dicendum, quod miraculi nomen a mirando est sumptum. Ad admirationem autem duo concurrunt, ut potest accipi ex verbis Philosophi in principio Metaph. (lib. I, cap. ii, circa med.): quorum unum est, quod causa illius quod admiramur, sit occulta: secundum est quod in eo quod miramur, appareat aliquid per quod videatur contrarium ejus debere esse quod miramur; sicut aliquis posset mirari si videret ferrum ascendere ad calamitam, ignorans calamitæ virtutem, cum videatur quod ferrum naturali motu debeat tendere deorsum. Hoc autem contingit dupliciter: uno modo secundum se; alio modo quoad nos. Quoad nos quidem, quando causa effectus quem miramur, non est occulta simpliciter, sed occulta huic vel illi, nec in re quam miramur est dispositio repugnans effectui quem miramur, secundum rei veritatem, sed solum secundum opinionem admirantis; et ex hoc contingit quod id quod est uni mirum vel admirabile, non est mirum vel admirabile alteri; sicut sciens virtutem calamitæ per doctrinam vel per experimentum, non miratur predictum effectum; ignorans autem miratur. Secundum se autem aliquid est mirum vel admirabile, cujus causa simpliciter est occulta, et quando in re est contraria dispositio secundum naturam effectui qui apparet; et ista non solum possunt dici mira in actu, vel mira in potentia, sed etiam miracula, quasi habentia in se admirationis causam. Causa autem occultissima et remotissima a nostris sensibus est divina, quæ in rebus omnibus secretissime operatur; et ideo illa quæ sola virtute divina fiunt in rebus illis in quibus est naturalis ordo ad contrarium effectum vel ad contrarium modum faciendi, dicuntur proprie miracula; ea vero quæ natura facit, nobis tamen vel alicui nostrum occulta, vel etiam quæ Deus facit, nec aliter nata sunt fieri nisi a Deo, miracula dici non possunt, sed solum mira vel mirabilia. Et ideo in definitione miraculi ponitur aliquid quod excedit nature ordinem, in hoc quod dicitur, *supra facultatem nature*, cui ex parte rei mirabilis respondet quod dicitur *arduum*. Et ponitur etiam aliquid quod excedit nostram cogni-

tionem, in hoc quod dicitur *preter spem admirantis apparens*; cui ex parte rei mirabilis respondet quod dicitur *insolitum*. Nam per consuetudinem aliquid in nostram notitiam familiaris venit.

AD PRIMUM ergo dicendum, quod *arduum* quod ponitur in definitione miraculi, non pertinet ad rei magnitudinem secundum se consideratam, sed per comparationem ad facultatem nature. Unde quod in quacumque parva re Deus operatur quod natura operari non potest hoc arduum reputatur.

AD SECUNDUM dicendum, quod insolitum dicitur miraculum, quia est contra consuetum cursum nature, etiam si quotidie iteraretur; sicut transsubstantiatio panis in corpus Christi frequentatur quotidie, nec tamen desinit esse miraculum; magis enim debet dici solitum, quod in toto ordine universi communitur accidit quam quod in una sola re contingit.

AD TERTIUM dicendum, quod circa ea que Deus miraculose facit, talis solet adhiberi distinctio, quod quedam dicantur fieri supra naturam, quedam contra naturam, quedam preter naturam. Supra naturam quidem, in quantum illi effectum quem Deus facit, natura nullo modo potest; quod quidem contingit dupliciter; vel quia ipsa forma inducitur a Deo, omnino a natura induci non potest; sicut forma glorie, quam inducit Deus corporibus electorum, et sicut etiam incarnatio Verbi; vel quia et si talem formam possit in aliquam materiam inducere, non tamen in istam; sicut ad causandum vitam natura potens est; sed quod in hoc mortuo natura vitam causet, hoc facere non potest. Contra naturam esse dicitur, quando in natura remanet contraria dispositio ad effectum quem Deus facit; sicut quando conservavit pueros illesos in camino, remanente virtute comburendi in igne, et quando aqua Jordanis stetit, remanente gravitate in ea; et simile est quod virgo peperit. Preter naturam autem dicitur Deus facere, quando producit effectum quem natura producere potest, illo tamen modo quo natura producere non potest, vel quia deficiunt instrumenta quibus natura operatur (sicut cum Christus convertit aquam in vinum, Joan. ii. quod tamen natura aliquo modo facere potest, dum aqua in nutrimentum vitis assumpta, suo tempore in succum vite per digestionem producitur); vel quia est in divino opere major multitudo quam natura facere consuevit, sicut patet de panis que sunt producte in *Egypto*; vel quantum ad tempus, sicut cum statim ad invocationem alicujus sancti aliquis curatur, quia natura non statim, sed successive, et in alio tempore, non in isto curare possit; et sic accidit in miraculo inducitur de sacru Petri. Unde patet quod omnia hujusmodi, si accipiatur et modus et factum, facultatem nature excedunt.

AD QUARTUM dicendum, quod resurrectio mortuorum futura est preter spem nature, licet non sit preter spem gratie; de

qua duplici spe habetur Rom., vi. 18: *In spem contra spem credidit*.

AD QUINTUM dicendum, quod celum et terra et etiam anime rationales non sunt secundum ordinem naturalem nata creati ab alia causa quam a Deo; et ideo hujusmodi rerum creationes non sunt miracula.

Et similiter dicendum AD SEXTUM de justificatione impii.

AD SEPTIMUM dicendum, quod ea que sunt a natura, sunt etiam a Deo; sed ea que Deus miraculose facit, non sunt a natura; et ideo ratio non procedit. Et preterea, natura operans est causa manifesta nobis. Deus autem est causa occulta; et propter hoc magis miramur opera Dei quam opera nature.

AD OCTAVUM dicendum, quod monstra licet fiant contra naturam particularem, non tamen fiunt contra naturam universalem.

AD NONUM dicendum, quod incarnatio Verbi est miraculum miraculorum, ut sancti dicunt, quia est majus omnibus miraculis, et ad istud miraculum omnia alia ordinantur; et propter hoc non solum est inducens ad alia credendum, sed etiam alia miracula inducunt ad hoc quod ipsum credatur. Nihil enim prohibet unum miraculum inducere ad fidem alterius; sicut resurrectio Lazari inducit ad futuram resurrectionem credendam.

ARTICULUS III. — *Utrum creature spirituales sua naturali virtute possint miracula facere.* (1 part., quest. ci, art. 2.)

Tertio queritur, utrum creature spirituales sua naturali virtute possint miracula facere. Et videtur quod sic. Quod enim potest virtus inferior, multo magis potest virtus superior. Sed virtus creature spiritualis est supra virtutem nature corporalis; unde dicitur Job, xli. 24: *Non est potestas super terram que ei possit comparari*. Ergo creature spiritualis potest facere illos effectus quos natura facit. Quando autem effectus naturalis fit non a causa naturali, sed occulta, est miraculum. Ergo creatura spiritualis potest facere miracula.

2. Preterea, quanto aliquid est magis actu, tanto est magis activum, eo quod unumquodque agit in quantum actu est. Sed forme que sunt creature rationales, sunt magis actuales quam forme que sunt in creatura corporali, eo quod sunt magis immateriales. Ergo sunt magis activae. Sed forme que sunt in natura corporali, producant sui similes in natura. Ergo multo magis possunt hoc facere forme que sunt in mente creature spiritualis; et sic poterit creatura rationalis facere effectus naturales preter causas naturales; quod est miraculosum.

3. Preterea, intellectus Angeli est propinquior divino intellectui quam intellectus humanus. Sed in intellectu humano sunt aliquae forme activae, que scilicet sunt in intellectu pratico, ut forme artis. Ergo multo fortius in intellectu Angeli sunt for-



mæ activæ: nam ideas intellectus divini constat esse maxime activas.

4. Sed dices, quod formæ activæ quæ sunt in intellectu Angeli, applicantur ad effectum mediante corporali agente, sicut etiam formæ intellectus humani. — Sed contra, omnis virtus quæ non potest exire in actum nisi mediante instrumento corporali, frustra datur alicui, nisi detur ei organum corporale: frustra enim potentia motiva esset data animali, nisi darentur ei instrumenta motus. Sed Angelo non est naturaliter corpus unitum. Ergo virtus sua non requirit ad sui operis executionem corporeum activum.

5. Præterea, omnis virtus quæ excedit proportionem sui organi, potest habere aliquam actionem præter illud organum: quia enim oculus non adequat visum totius animæ, officit anima multas operationes non per oculum. Sed corpus non potest esse proportionatum ad totam virtutem Angeli. Ergo potest Angelus effectus aliquos facere non medianibus corporibus; et sic videtur quod virtute naturæ suæ possit miracula facere.

6. Præterea, plus excedit virtus Angeli omnem virtutem corpoream quam corpus coeli excedat elementaria corpora. Sed ex virtute celestis corporis fiunt aliqui effectus in istis inferioribus absque actionibus qualitatibus activarum et passivarum, quæ sunt propriæ virtutes elementorum. Ergo multo fortius ex virtute Angeli possunt aliqui effectus in rebus naturalibus prodici, non medianibus virtutibus corporum naturalium.

7. Præterea, secundum Augustinum (in III de Trin., cap. IV), omnia corpora a Deo per spiritum vitæ rationalem reguntur: et hoc idem dicit Gregorius (in IV Dial., non procul a fine): et sic videtur quod motus coeli et totius naturæ sit ab Angelis, sicut motus humani corporis est ab anima. Sed ab anima imprimuntur formæ in corpus præter virtutes naturales corporis activas: ex sola enim imaginatione aliquis coalescit et infirigidatur, et incurrit quandoque febre vel etiam lepra, ut medici dicunt. Ergo multo fortius ex sola conceptione Angeli moventis eorum præter actionem causarum naturalium, possunt sequi aliqui effectus in istis inferioribus; et sic potest Angelus facere miracula.

8. Sed dices, quod accidit ex eo quod anima est forma corporis: non autem Angelus est forma corporalis creaturæ. — Sed contra, quidquid provenit ex anima per ejus operationem, provenit ex ea in quantum est motor, non in quantum est forma: non enim per operationem anima est forma corporis, sed motor. Prædictæ autem impressiones quæ fiunt in corpus ab anima, sequuntur impressionem animæ aliquid imaginantis. Ergo non sunt ab anima in quantum est forma, sed in quantum est motor.

9. Præterea, ex hoc Deus mirabilia facere potest, quia ejus virtus est infinita. Sed in libro de Causis (prop. XVI) dicitur, quod virtus intelligentiæ est infinita, præcipue ad inferius: quod etiam probari potest ex hoc quod movet motum coeli, ut ostensum est, qui natus est esse sempiternus: sempiternum enim motum movere non potest nisi virtus infinita, ut probatur in VIII Physic. (com. LXXX). Ergo videtur quod Angeli possint miracula facere etiam naturali virtute.

10. Præterea, in lib. de Causis (prop. XVI) dicitur, quod virtus omnis unita plus est infinita quam virtus multiplicata; et ibidem Commentator dicit, quod quanto virtus intelligentiæ magis aggregatur et unitur, magnificatur et vehementior fit et efficit operationes mirabiles. Loquitur autem ibi Commentator de naturali virtute intelligentiæ: nam virtutem gratiæ non cognovit. Ergo Angelus sua virtute naturali mirabilia facere potest.

11. Sed dicendum, quod Angelus potest mirabilia facere non virtute propria, sed virtute naturalibus rebus a Deo indita, applicando hujusmodi res ad effectum quem intendit. — Sed contra, applicatio hujusmodi seminum naturalium, in quibus existunt activæ virtutes naturæ, ad effectum aliquem, esse non potest nisi per motum localem. Sed ejusdem rationis esse videtur quod corpora obediant vel non obediant substantiæ spirituali ad motum localem et alios motus: nam quilibet motus naturalis habet proprium et determinatum motorem. Ergo si possunt Angeli suo imperio applicare hujusmodi semina ad effectum naturæ per motum localem, poterunt etiam per motum alterationis vel generationis formam aliquam in materia inducere ex solo imperio: quod est mirabilia facere.

12. Præterea, ejusdem virtutis secundum genus est imprimere formam in materia et impedire ne imprimatur: sicut enim virtute corporis forma ignis inducitur in materia, ita virtute alicujus corporis talis formæ inductio impeditur. Sed virtute spiritualis creaturæ impeditur ne ab agente naturali forma in materia imprimatur: dicitur enim esse expertum quod virtute alicujus scripti aliquis in igne positus non fuit combustus: quod planum est non fuisse operationis divine, quæ pro meritis, sine aliquibus scriptis, poenas a sanctis suis repellit: et sic remanet quod fuerit factum demonis virtute. Ergo videtur quod pari ratione fieri possit quod spiritualis creatura ex solo imperio formam in materia inducere possit absque corporali agente. Et nihilominus hoc ipsum miraculosum videtur quod homo in igne positus non comburatur, sicut patet in miraculo trium puerorum.

13. Præterea, nobilior est forma quæ est in imaginatione et in sensu, quam forma quæ est in materia corporali, quanto est magis immaterialis. Sed spiritualis creatura in phantasia et sensum potest imprimere aliquam formam, ut videtur aliquid aliter quam sit: unde dicit Augustinus (in X viiib. de Civit.

Dei; cap. xviii. parum ante med.) : *Nec sane demones naturas creant; sed specie tenus quæ a Deo vero sunt creata, commutantur*; et postea subiungit, quod hoc fit per immutationem phantasie. Ergo multo fortius potest imprimere formam in materiam corpoream; et sic idem quod prius.

14. Sed dicendum, quod immutatio phantasie a dæmone non fit per hoc quod novæ formæ imprimantur, sed per compositionem et divisionem formarum præexistentium. — Sed contra anima est nobilior quam natura corporalis. Si ergo dæmon per suam virtutem potest facere illud quod est propria operatio animæ sensitivæ, scilicet componere et dividere imagines; videtur quod multo fortius possit facere sua virtute operationes naturæ corporeæ; et sic idem quod prius.

15. Præterea, sicut se habet virtus ad virtutem, ita se habet operatio ad operationem. Sed virtus Angelii non dependet a virtute creature corporalis. Ergo nec ejus operatio ab operatione creature corporalis; et sic præter naturales causas potest miraculose operari.

16. Præterea, sicut facere aliquid ex nihilo est infinitæ virtutis propter infinitam distantiam entis ad nihil; ita reducere aliquid in actum de potentia, subest virtuti finite. Inter virtutes autem finitas maxima est virtus Angelii. Ergo Angelus sua virtute potest adducere in actum omnes formas quæ sunt in potentia materiæ, absque actione alicujus cause naturalis; et sic idem quod prius.

17. Præterea, omne agens non impeditur agit et patitur. Sed Angelus agens in ista corporalia nullo modo patitur ab eis. Ergo non impeditur quin sua actione possit miracula facere præter causas naturales agendo.

Sed contra, ex hoc Deus miracula facit quod natura est ei subjecta. Non est autem subjecta Angelis; non enim Angelis subjecti Deo orbem terre, ut dicitur ad Hebr. ii. Ergo Angelii sua naturali virtute miracula facere non possunt.

Præterea, Augustinus dicit (in III de Trin., cap. viii. in princ.), quod non est putandum Angelis transgressoribus ad naturam servire corporalium rerum materiam. Serviret autem eis, si ex virtute suæ naturæ creatura spiritualis miracula facere posset. Ergo miracula facere non possunt.

Respondendo dicendum, quod Augustinus in II de Trin. (cap. x. a med.) postquam questionem istam pertractaverat diligenter, concludit in fine: *Mihi omnino utile est ut meminerim rivum mearum, fratresque meos admoneam ut meminerint suarum; ne ultra quam tutum est humana progrediatur infirmitas, quemadmodum enim hoc faciunt Angeli, vel potius quemadmodum Deus hoc faciat per Angelos suos, nec oculorum acie penetrare, nec fiducia rationis evinculare, nec propecta mentis*

4) In editis dicitur.

*comprehendere valeo; ut tam certus loquar ad omnia que requiri de his rebus possunt, quam si essem Angelus aut propheta aut apostolus.* Unde et hæc moderatione adhibita, absque assertionem et sententiam melioris præjudicio, procedendum est, quantum ratio et auctoritas poterit adjuvare. Sciendum est ergo quod circa hæc questionem inveniuntur philosophi dissensisse. Avicenna namque posuit, quod substantia spiritualis quæ caelos movet, non solum mediante celestis motu effectus in inferioribus corporibus causat, sed etiam præter omnem corporis actionem; volens quod materia corporalis multo magis obediat conceptione et imperio prædicto spiritualis substantiæ quam contrariis agentibus in natura, vel cuiuscumque corpori agenti. Et ex hac causa provenire dicit, quod quandoque inusitate permutationes sunt aeris, et infirmitatum curationes, quæ nos miracula appellamus. Et ponit exemplum de anima quæ corpus movet; ad cuius imaginationem absque omni alio corporali agente transmutatur corpus et ad calorem et ad frigus; et quandoque ad febrem vel lepram. Hæc autem positio satis convenit principiis ab eo suppositis; ponit enim quod agentia naturalia solummodo disponunt materiam; formæ autem substantiales sunt a substantia spirituali, quam appellat datorem formarum; unde materia ex naturali ordine obedit spirituali substantiæ ad recipiendum ab ea formam; et ideo non est mirum, si etiam præter ordinem corporaliū agentium, aliquas formas solo imperio in materia imprimat. Si enim materia obedit substantiæ separate ad receptionem formas substantialis, non erit inconveniens si obediat ad recipiendum etiam dispositiones ad formam; hoc enim patet esse minoris virtutis. Sed secundum opinionem Aristotelis et sequentium eum, hoc non potest stare; probat enim Aristoteles duplici ratione, quod formæ non imprimuntur in materiam ab aliqua substantia separata, sed reducuntur in actum de potentia materiæ per actionem formæ in materia existentis. Quorum primam ponit in VII Metaph. (cōm. xxv, xxvii et xxxii), quia, secundum quod ibi probatur, id quod fit, proprie est compositum, non forma vel materia; compositum enim est quod proprie habet esse. Omne autem agens agit sibi simile; unde oportet quod id quod est faciens res naturales acta existere per generationem, sit compositum, non forma sine materia, hoc est substantia separata. Alia probatio ponitur in VIII Phys.; quia cum idem semper natum sit idem facere; quod autem generatur vel corrumpitur vel alteratur, aut augetur vel diminuitur, non semper eodem modo se habet; oportet quod illud quod est generans et movens secundum hujusmodi motus, non sit semper eodem modo se habens, sed aliter et aliter. Hoc autem non potest esse substantia separata, quia omnis talis substantia est immobilis; omne enim quod movetur, corpus est, ut in VI Phys. (a cōm. lxxxvi usque ad xc) probatur. Unde id quod est immediata causa

reducens formam de potentia in actum per generationem et alterationem, est corpus aliter et aliter se habens, secundum quod accedit et recedit per motum localem. Et inde est quod substantia separata suo imperio in corpore causat immediate motum localem, et eo mediante causat alios motus, quibus mobile acquirit aliquam formam. Et hoc rationabiliter accidit. Nam motus localis est primus et perfectissimus motuum, utpote qui non variat rem quantum ad rei intrinseca, sed solum quantum ad exteriorem locum; et ideo per primum motum suum, scilicet localem, corporalis natura a spirituali movetur. Secundum hoc ergo corporalis creatura obedit imperio spirituali secundum naturalem ordinem ad motum localem, non autem ad aliquid forme receptionem; quod quidem intelligendum est de natura spirituali creata, cujus virtus et essentia est limitata secundum determinatum genus; non de substantia spirituali increata, cujus virtus est infinita, non limitata ad aliquid genus secundum regulam alicujus generis. Et hinc opinioni quantum ad hoc consenti fides; unde Augustinus dicit (in III de Trin., cap. xiii et ix), quod Angelis non servit ad nutum materia corporalis. In hoc tamen differt sententia fidei a positione philosophorum; philosophi enim prediци ponunt substantias separatas movere suo imperio cœlestia corpora motu locali; motum autem localem in istis inferioribus non causari immediate a substantia separata, sed ab aliis moventibus naturaliter aut voluntarie aut violenter. Unde et Alexander commentator omnes effectus qui attribuuntur a nobis Angelis vel demonibus in istis inferioribus, sufficienter esse dictum. Nam hujusmodi effectus non fiunt aliquo determinato cursu, sicut ea que fiunt per actionem naturalem superiorum vel inferiorum corporum. Et proterea aliqui effectus inveniuntur in quos nullo modo corpora cœlestia possent; sicut quod virga converterentur statim in serpentes, et multa hujusmodi. Fidei autem sententia est, quod non solum corpora cœlestia suo imperio moveant localiter, sed etiam alia corpora, Deo ordinante et permitte. Movent ergo localiter suo imperio corpora in quibus est vis activa naturalis ad aliquem effectum producendum, que Augustinus (lib. IX super Gen., cap. xvii), appellat naturæ semina; et sic operatio eorum non erit per modum miraculi, sed per modum artis. In miraculis enim producuntur effectus absque actionibus naturalibus, a causa supernaturali. Producere autem aliquem effectum quem vel natura producere non potest, vel non ita convenienter, mediante actione principiorum naturalium, artis est. Unde Philosophus dicit in II Phys. (com. xxii et lxxxix), quod ars imitatur naturam et quedam perficit que natura facere non potest, in quibusdam etiam naturam juvat: sicut medicus juvat naturam ad sanandum, alterand et digerendo per appositionem eorum que ad hoc

naturalem virtutem habent. In effectibus autem hujusmodi producendis ars Angeli boni vel mali efficacior est et meliores effectus facit quam ars humana; et hoc propter duo. Primo, quia cum effectus corporales in inferioribus maxime dependeat a cœlestibus corporibus, tunc præcipue ars potest sortiri effectum quando virtus cœlestis corporis ad hoc cooperatur. Unde in operibus agriculturæ et medicinæ valet consideratio motus et situs solis et lune et aliarum stellarum, quarum virtutes, sit us et motus multo certius cognoscunt Angeli naturali cognitione quam homines. Unde horas eligere possunt (1) melius, in quibus virtus cœlestis corporis ad effectus intentos magis cooperetur. Et hæc videtur esse ratio quare nigromantici in invocationibus demonum situs stellarum observant. Secunda ratio est, quia virtutes activas et passivas in corporibus inferioribus melius noverunt quam homines, et facilius et celerius applicare possunt ad effectum, utpote qui imperio suo corpora localiter movent; unde etiam medici mirabiles effectus in sanando faciunt, quia plura de virtutibus rerum naturalium sciunt (2). Tertia ratio potest esse, quia cum instrumentum agat non solum in virtute sua, sed in virtute moventis, inde etiam corpus cœlestis aliquem effectum habet ex virtute substantiæ spiritualis moventis, sicut quod est causa vite, ut patet in animalibus ex putrefactione generatis, et calor naturalis, in quantum est instrumentum animæ vegetabilis, agit ad speciem carnis; non est inconveniens ponere quod ipsa corpora naturalia, in quantum sunt mota a spirituali substantia, sortiantur majorem effectum; quod videtur potest ex hoc quod Gen., vi, 4, dicitur: *Gigantes erant super terram in diebus illis; postquam enim ingressi sunt filii Dei ad filias hominum, illæque genuerunt, isti sunt potentes a seculo civi famosi; et Glossa quedam (ordinaria) ibidem dicit, quod non est incredibile, a quibusdam demonibus, qui mulieribus sunt incubi hujusmodi homines, scilicet gigantes, esse procreatos. Sic ergo patet quod Angeli boni vel mali virtutē naturali miracula facere non possunt, sed quosdam mirabiles effectus, in quibus eorum operatio est per modum artis.*

Ad primum ergo dicendum, quod licet naturalis potestas Angelī vel demonis sit major quam naturalis potestas corporis; non tamen est ad hoc quod immediate formam in materia inducat, sed mediante corpore; unde hoc facit nobilius quam corpus; quia primum movens principaliter est in agendo quam secundum.

Ad secundum dicendum, quod formæ rerum naturalium in mente angelica existentes sunt magis actuales quam formæ quæ sunt in materia; et propter hoc sunt immediatum principium perfectioris operationis, quæ est intelligere; operationis vero quæ est actio materiam transmutans, non sunt immediatum princi-

(1) *Al. potestas.* — (2) *Al. faciunt.*

pium; sed mediante voluntate, et voluntas mediante virtute, et virtus immediate movet motum localem; quo motu mediante, est causa aliorum motuum, et est causa aliqua inductionis forme in materia.

AD TERTIUM dicendum, quod forme etiam que sunt in intellectu humano, non sunt activæ rerum artificialium, nisi mediante voluntate et virtute motiva et organis naturalibus et instrumentalibus artificialibus.

AD QUARTUM dicendum, quod virtus cui potest aliquod organum adhiberi, quod sibi respondeat quantum ad omnem operationem, debet habere organum conjunctum, sicut virtus visiva oculum. Nullum autem corpus poterat hoc modo Angelo respondere, quod ejus virtutem adæquaret; et ideo non habuit Angelus corporeum organum naturaliter conjunctum. Unde et philosophi qui posuerunt substantias separatas non habere effectus in istis inferioribus nisi mediante celo, posuerunt aliquam substantiam spirituales uniri celo ut proprio instrumento, quam animam cæli dicebant. Aliam vero non unitam dicebant intelligentiam, a qua movetur anima cæli, sicut desiderans a desiderato.

AD QUINTUM dicendum, quod Angelus etsi cælum moveat, potest tamen habere actionem in hæc inferiora absque motu cæli movendo alia corpora, et absque omni corpore intelligendo; licet forma (1) in materia absque corporali agente imprimere non possit.

AD SEXTUM dicendum, quod cælum, cum sit agens corporeum, potest esse immediatim alterans et movens ad formam; non est autem simile de Angelis.

AD SEPTIMUM dicendum, quod anima naturali ordine suo imperio movet corpus localiter; nam vis ejus appetitiva est imperans motum, et corpus obedit motui; quod etiam est per virtutes motivas que sunt organis affixæ et fiunt ab anima in corpus, quod est ab anima formatum. Aliæ vero alterationes, ut calefactionis, infrigidationis, et similibus, sequuntur ab anima mediante motu locali. Patet etiam quod ex ipsa imaginatione sequitur passio per quam aliquo modo variatur motus cordis et spirituum: ex quibus vel retrahitur ad cor vel diffusis in membra, sequitur aliqua alteratio in corpore; que etiam potest esse infirmitatis causa, præcipue si sit materia disposita.

Et per hoc patet solutio AD OCTAVUM.

AD NONUM dicendum, quod virtus Angeli dicitur infinita inferioris, in quantum non est virtus in materia recepta, et per hoc non limitatur ab inferiori recipiente; non tamen est infinita superioris, ut supra dicitur; quia a Deo recipitur in Angelo esse finitum; et ideo ejus substantia determinatur ad aliquod genus, et per consequens ejus virtus determinatur ad aliquem modum agendi; quod de Deo dici non potest.

(1) An. formam

AD DECIMUM dicendum, quod licet Angelus faciat res mirabiles per modum artis, ut supra dictum est: non tamen facit miracula.

AD UNDICESIMUM dicendum, quod licet motus locales inferiorum corporum sint a determinatis motoribus naturalibus, sicut et alii motus; tamen corporalis creatura naturali ordine obedit spirituali ad motum localem, non ad alios motus, ratione prædicta; et præcipue si virtus ejus non est determinata ad aliquod corpus sicut est virtus animæ ad corpus sibi conjunctum.

AD DUODECIMUM dicendum, quod sicut substantia spiritualis creata non potest suo imperio imprimere formam in materia, ita non potest suo imperio impedire quin imprimatur ab agente naturali; et si hoc aliquando faciat, facit per appositionem aliquis impedimenti naturalis, quamvis sensus humanos lateat; et præcipue cum possit flammam ignis localiter movere, ut combustibilis non tantum appropinquet.

AD DECIMUMTERTIUM dicendum, quod creatura spiritualis separata potest immutare phantasiam naturali virtute, non per imperium inducendo formas in organo phantasie, sed per aliquam commotionem spirituum et humorum; patet enim quod aliqua transmutatione in his facta phantasmata apparent, ut in phreneticis et dormientibus. Et ad hanc phantasie immutationem (1) etiam quedam res naturales dicuntur efficaciam habere, quibus nigromantici uti dicuntur ad visus illudendos.

Et per hoc patet responsio AD DECIMUMQUARTUM.

AD DECIMUMQUINTUM dicendum, quod sicut virtus Angeli est supra virtutem corporis celestis, ita et operatio, ut dictum est; non tamen ad hoc quod immediate formam in materia solo imperio inducat.

AD DECIMUMSEXTUM dicendum, quod finita virtus potest de potentia in actum aliquid adducere, non tamen quælibet finita, nec quolibet modo, quælibet enim virtus finita habet determinatum modum agendi.

AD DECIMUMSEPTIMUM dicendum, quod etsi nihil impediat agens aliquod, non potest id ad quod virtus sua non se extendit; sicut ignis non potest infrigidare, etiam si nihil exterius impediat. Unde non sequitur, si Angeli non possunt imperio suo formam in materia inducere, quod ab extrinseco impediantur; sed quia ad hoc virtus eorum naturalis non se extendit.

ARTICULUS IV. — *Utrum boni Angeli et homines per aliquod donum gratiæ miracula facere possint.*

Quarto queritur, utrum boni Angeli et homines per aliquod donum gratiæ miracula facere possint. Et videtur quod sic.

(1) Et imitationem.

Ordines enim (4) Angelorum non sunt constituti nisi ad ea quae Angeli faciunt. Sed ordo aliquis Angelorum institutus est ad miracula faciendum. Dicit enim Gregorius in homil. quadam (homil. XXXIV. in Evang.), quod Virtutes sunt per quas signa et miracula frequentius fiunt. Ergo Angeli per gratiam miracula facere possunt.

2. Præterea, Act., vi, 8, dicitur: *Stephanus plenus gratia et fortitudine, faciebat prodigia et signa magna in populo*. Non autem præmitteretur Dei gratia, nisi actus sequens ex gratia procederet. Ergo per virtutem gratiæ etiam homines miracula facere possunt.

3. Præterea, donum gratiæ non datur nisi ad id quod per habentem gratiam fieri potest. Sed aliquibus datur donum gratiæ gratis date ad miracula faciendū; unde dicitur I ad Cor., xii, 9: *Alii datur gratia sanctorum in uno spiritu, alii operatio virtutum*. Ergo sancti per gratiam miracula facere possunt.

4. Sed dicobatur, quod sancti dicuntur miracula facere non agendo, sed impetrando a Deo ut fiunt. — Sed contra, impetratio orationis fit per ea quae reddunt orationem Deo acceptam. Hoc autem fit per fidem, caritatem et alias virtutes pertinentes ad gratiam gratum facientem. Non ergo oportet ad signa faciendā dari sanctis aliquod donum gratiæ gratis date.

5. Præterea, in II Dial. (cap. xxx. in med.) Gregorius dicit, quod *qui devota mente Deo adhaerent, cura rerum necessitas exposcit, exhibere signa modo utroque coelo, ut mira quaeque aliquando ex prece faciunt, aliquando ex potestate*. Quod autem aliquis ex potestate facit, operando facit, non solum impetrando. Ergo Angeli et sancti homines etiam agendo miracula faciunt.

6. Præterea, triplex est rerum cursus, secundum Anselmum (in lib. de Peccato originali, cap. xi), naturalis, voluntarius et mirabilis. Sed in cursu rerum naturali Angeli tanquam mediū inter Deum et corpora naturalia aliquid agunt, ut dicit Augustinus (in III de Trin., cap. iv, non procul a princ.): *Omnia corpora a Deo reguntur per spiritum vitae rationalem*; et Gregorius (in IV Dial., cap. v, non procul a fin.) dicit: *Nihil in hoc mundo visibili, nisi per creaturam invisibilem disponi potest*. Similiter etiam cursum rerum voluntarium; nam ipsi Angeli sunt mediū inter nos et Deum, illuminationes a Deo acceptas in nos deferentes. Ergo etiam in cursu rerum mirabilium Angeli sunt mediū, ita quod eis agentibus miracula fiunt.

7. Sed dicendum, quod Angeli sunt mediū non sicut agentes virtute propria, sed virtute divina. — Sed contra, quicumque operatur in virtute alterius, aliquo modo agit id quod fit per

(4) *Al. deest enim.*

illam virtutem. Si ergo Angeli in virtute divina operantur ad miracula faciendā, ipsi aliquo modo agunt.

8. Præterea, lex vetus miraculose a Deo est tradita; unde habetur Exod., xix, quod ceperunt audiri tonitrua ac micare fulgura, et nubes densissima operire montem. Sed lex data est per Angelos, sicut habetur Galat., iii. Ergo per Angelos miracula fiunt.

9. Præterea, Augustinus, dicit (in I de Doct. christ., circa princ.): *Omnis res quae habetur et non datur, si in dando deficit, nondum habetur quomodo habenda est*. Sed potestas faciendū miracula est in Deo; et si alteri daret in eo non deficeret. Ergo si non dedit illis hanc potestatem, videtur quod non habeat eam qualiter habenda est; et ita videtur quod Angelis et hominibus Deus dederit potentiam miracula faciendū.

Sed contra est quod dicitur in Psal. lxxi, 18: *Qui facit miracula magna solus*.

Præterea, sicut dicit Bernardus (in lib. de Dispensatione et præcepto), ille solus potest legem immutare vel dispensare in lege, qui legem condidit; sicut patet in legibus humanis, quod solus imperator potest legem immutare qui legem condidit. Sed solus Deus legem naturalem cursus instituit. Ergo ipse solus potest miracula facere, præter cursum naturalem agendo.

Respondeo dicendum, quod Angeli supra naturalem potestatem quam habent agendi, possunt aliquid per donum gratiæ, in quantum sunt divine virtutis ministri. Et potest dici, quod ad miracula faciendā Angeli tripliciter operantur. Uno modo precibus impetrando; qui modus et hominibus et Angelis potest esse communis. Alius modus est secundum quod Angeli materiam disponunt sua naturali virtute ad hoc quod miraculum fiat; sicut dicitur quod in resurrectione colligent pulveres mortuorum, qui divina virtute reducentur ad vitam. Sed hic modus proprius est Angelorum; nam humani spiritus, cum sint corporibus uniti, in exteriora operari non possunt nisi corpore mediante, ad quod sunt quodammodo naturaliter alligati. Tertius modus est quod operentur etiam aliquid coagendo; quem quidem modum Augustinus sub dubio relinquit (in XXII de Civ. Dei, cap. ix, a med.), sic dicens: *Sic enim Deus ipse per se ipsum miro modo, sicut per suos ministros etiam faciat, sicut etiam per martyrum spiritus, sicut per homines adhuc in corpore constitutos, sicut omnia ista per Angelos, quibus invisibiliter imperat, operetur (ut quae per martyres fieri dicuntur, eis orantibus tantum et impetrantibus, non etiam operantibus fiunt) sicut aliis modis, qui nullo modo comprehendi a mortalibus possunt; tamen attestantur hoc miracula fidei, in qua carnis in æternum resurrectio predicatur*. Sed Gregorius (in II Dialog., cap. xxx), hanc questionem determinare videtur, dicens, quod sancti homines etiam in carne viventes

non solum orando et impetrando, sed etiam potestativè, ac per hoc, cooperando miracula faciunt; quod probat et ratione et exemplis. Primo ratione quidem; quia si hominibus data est potestas filios Dei fieri, non est mirum, si ex potestate nara facere possunt. Exemplis autem; quia Petrus Ananiam et Saphiram mantientes, morti increpando tradidit, nulla oratione præmissa, ut habetur Act., v. Beatus etiam Benedictus dum ad brachia cujusdam ligati rusiici oculos deflexisset, tanta se celeritate cooperant filigata brachii lora dissolvere, ut dissolvi tam concite non hominum festinatione potuissent. Unde concludit, quod sancti quandoque faciunt miracula orando, quandoque ex potestate. Qualiter autem hoc esse possit, considerandum est. Constat autem quod Deus solo imperio miracula operatur. Videmus autem quod imperium divinum ad inferiores rationales spiritus, scilicet humanos, mediantibus superioribus, scilicet Angelis, pervenit, ut in legis veteris latine apparet; et per hunc modum per spiritus angelicos vel humanos, imperium divinum ad corporales creaturas pervenire potest, ut per eas quodammodo nature presentetur divinum præceptum; et sic agunt quodammodo spiritus humani vel angelici, ut instrumentum divinæ virtutis ad miraculi perfectionem; non quasi aliqua virtute habitualiter in eos manente, vel gratuita vel naturali, in actu miraculi possint (quia sic quodcumque vultent, miracula facere possent); quod tamen Gregorius (in II Dial., ubi sup.) non esse verum testatur; et probat per exemplum Pauli, qui stimulum a se removeri patuit, nec impetravit; et per exemplum Benedicti, qui detentus fuit contra suam voluntatem per plaviam sororis precibus impetratum; sed virtus ad cooperandum Deo in miraculis in sanctis intelligi potest ad modum formarum imperfectarum, quæ intentione vocantur, quæ non permanent nisi per presentiam agentis principalis, sicut lumen in aere et motus in instrumento; et talis virtus potest intelligi donum gratiæ gratis data, quæ est gratiæ virtutum vel orationum; ut sic hæc gratiæ quæ datur ad operandum supernaturaliter, sit similis gratiæ prophetiæ, quæ datur ad supernaturaliter cognoscendum, per quam Prophetæ non potest quodcumque vult prophetare, sed solum cum spiritus prophetiæ cor ejus tangit, ut Gregorius probat (in I homil. super Ezech.). Nec est mirum, si per hunc modum spirituali creatura Deus instrumentaliter utitur ad faciendum mirabiles effectus in natura corporali, cum etiam corporali creatura utatur instrumentaliter ad spirituum justificationem, ut in sacramentis patet.

Et per hoc patet responsio ad objecta. Nam verum est quod solus Deus miracula facit per auctoritatem; verum est etiam quod potestatem miracula faciendi creaturæ communicat secundum capacitatem creaturæ, et divinæ sapientiæ ordinem;

ita quod creatura per gratiam miracula ministerio operetur.

ARTICULUS V. — *Utrum etiam dæmones operentur ad miracula faciend.*

Quinto quæritur, utrum etiam dæmones operentur ad miracula faciend. Et videtur quod sic. Dicitur enim Matth., xxiv: *Surgent pseudochristi et pseudoprophete, et dabunt signa magna et prodigia.* Sed hæc non operabuntur nisi per virtutem demonum. Ergo dæmones operantur ad miracula faciend.

2. Præterea, subito sanare infirmum, miraculum est; sicut miraculum fuisse dicitur quod Christus socrum Petri sanavit, ut habetur Luc., iv. Hoc autem etiam dæmones possunt facere: nam medicinæ adhibite infirmo sanitatem accelerant; possunt autem dæmones agilitate suæ naturæ medicinas efficaces ad sanandum, quas bene cognoscunt, adhibere ad sanandum, et sic, ut videtur, possunt subito sanare. Ergo possunt subito miracula facere.

3. Præterea, facere mutos loqui est miraculum. Majus autem miraculum videtur esse quod canis loquatur vel cantet; quod Simon Magus faciebat, ut legitur, virtute dæmonis. Ergo potest facere miraculum.

4. Præterea, Valerius Maximus narrat (lib. I, cap. viii, paulo a prin.) quod Fortunæ simulacrum, quod Romæ erat via Latina, non semel, sed bis ita locutus est his verbis: *Rite me matrona edidisti, ritque dedicasti.* Quod autem lapides loquantur, majus est miraculum quam quod auti loquantur; quod tamen est miraculosum. Ergo videtur quod dæmones miracula facere possunt.

5. Præterea, legitur in historiis (id refert August., X de Civ. Dei, cap. xxvi, a mod.) quod quadam virgo vestalis in signum pudicitie conservate, aquam in vase perforato de Tyberi portavit, nec tamen aqua effusa est: quod fieri non potuit nisi per hoc quod retinebatur aqua ne fluere, aliqua non naturali virtute; quod patet esse miraculum in Jordanis divisione et ejus statione. Ergo dæmones possunt facere miracula.

6. Præterea, multo difficilius est hominem transformari in aliquod animal brutum quam aquam transformari in vinum. Sed aquam transformari in vinum, est miraculum, ut patet Joan., ii. Ergo multo fortius hominem transformari in aliquod animal brutum. Sed dæmonis virtute homines transformantur in bruta, sicut Varro narrat (Augustinus id refert XVIII de Civil. Dei, cap. xvi, xvii, xviii), socios Diomedis a Troja revertentes in aves fuisse conversos, quæ longo tempore post circa templum Diomedis volabant; narrat etiam quod Cyreæ famosissima maga socios Ulyssis mutavit in bestias, et quod Arcades quodam stagno

non solum orando et impetrando, sed etiam potestativè, ac per hoc, cooperando miracula faciunt; quod probat et ratione et exemplis. Primo ratione quidem; quia si hominibus data est potestas filios Dei fieri, non est mirum, si ex potestate nara facere possunt. Exemplis autem; quia Petrus Ananiam et Saphiram mantientes, morti increpando tradidit, nulla oratione præmissa, ut habetur Act., v. Beatus etiam Benedictus dum ad brachia cujusdam ligati rusiici oculos deflexisset, tanta se celeritate cooperant filigata brachii lora dissolvere, ut dissolvi tam concite non hominum festinatione potuissent. Unde concludit, quod sancti quandoque faciunt miracula orando, quandoque ex potestate. Qualiter autem hoc esse possit, considerandum est. Constat autem quod Deus solo imperio miracula operatur. Videmus autem quod imperium divinum ad inferiores rationales spiritus, scilicet humanos, mediantibus superioribus, scilicet Angelis, pervenit, ut in legis veteris latine apparet; et per hunc modum per spiritus angelicos vel humanos, imperium divinum ad corporales creaturas pervenire potest, ut per eas quodammodo nature presentetur divinum præceptum; et sic agunt quodammodo spiritus humani vel angelici, ut instrumentum divinæ virtutis ad miraculi perfectionem; non quasi aliqua virtute habitualiter in eos manente, vel gratuita vel naturali, in actu miraculi possint (quia sic quodcumque vultent, miracula facere possent); quod tamen Gregorius (in II Dial., ubi sup.) non esse verum testatur; et probat per exemplum Pauli, qui stimulum a se removeri patuit, nec impetravit; et per exemplum Benedicti, qui detentus fuit contra suam voluntatem per plaviam sororis precibus impetratum; sed virtus ad cooperandum Deo in miraculis in sanctis intelligi potest ad modum formarum imperfectarum, quæ intentione vocantur, quæ non permanent nisi per presentiam agentis principalis, sicut lumen in aere et motus in instrumento; et talis virtus potest intelligi donum gratiæ gratis data, quæ est gratiæ virtutum vel durationum; ut sic hæc gratiæ quæ datur ad operandum supernaturaliter, sit similis gratiæ prophetiæ, quæ datur ad supernaturaliter cognoscendum, per quam Prophetia non potest quodcumque vult prophetare, sed solum cum spiritus prophetiæ cor ejus tangit, ut Gregorius probat (in I homil. super Ezech.). Nec est mirum, si per hunc modum spirituali creatura Deus instrumentaliter utitur ad faciendum mirabiles effectus in natura corporali, cum etiam corporali creatura utatur instrumentaliter ad spirituum justificationem, ut in sacramentis patet.

Et per hoc patet responsio ad objecta. Nam verum est quod solus Deus miracula facit per auctoritatem; verum est etiam quod potestatem miracula faciendi creaturæ communicat secundum capacitatem creaturæ, et divinæ sapientiæ ordinem;

ita quod creatura per gratiam miracula ministerio operetur.

ARTICULUS V. — *Utrum etiam dæmones operentur ad miracula faciend.*

Quinto quæritur, utrum etiam dæmones operentur ad miracula faciend. Et videtur quod sic. Dicitur enim Matth., xxiv: *Surgent pseudochristi et pseudoprophete, et dabunt signa magna et prodigia.* Sed hæc non operabuntur nisi per virtutem demonum. Ergo dæmones operantur ad miracula faciend.

2. Præterea, subito sanare infirmum, miraculum est; sicut miraculum fuisse dicitur quod Christus socrum Petri sanavit, ut habetur Luc., iv. Hoc autem etiam dæmones possunt facere: nam medicinæ adhibite infirmo sanitatem accelerant; possunt autem dæmones agilitate suæ naturæ medicinas efficaces ad sanandum, quas bene cognoscunt, adhibere ad sanandum, et sic, ut videtur, possunt subito sanare. Ergo possunt subito miracula facere.

3. Præterea, facere mutos loqui est miraculum. Majus autem miraculum videtur esse quod canis loquatur vel cantet; quod Simon Magus faciebat, ut legitur, virtute dæmonis. Ergo potest facere miraculum.

4. Præterea, Valerius Maximus narrat (lib. I, cap. viii, paulo a prin.) quod Fortunæ simulacrum, quod Romæ erat via Latina, non semel, sed bis ita locutus est his verbis: *Rile me matrona edidisti, atque dedicasti.* Quod autem lapides loquantur, majus est miraculum quam quod auti loquantur; quod tamen est miraculosum. Ergo videtur quod dæmones miracula facere possunt.

5. Præterea, legitur in historiis (id refert August., X de Civ. Dei, cap. xxvi, a mod.) quod quadam virgo vestalis in signum pudicitie conservate, aquam in vase perforato de Tyberi portavit, nec tamen aqua effusa est: quod fieri non potuit nisi per hoc quod retinebatur aqua ne flueret, aliqua non naturali virtute; quod patet esse miraculum in Jordanis divisione et ejus statione. Ergo dæmones possunt facere miracula.

6. Præterea, multo difficilius est hominem transformari in aliquod animal brutum quam aquam transformari in vinum. Sed aquam transformari in vinum, est miraculum, ut patet Joan., ii. Ergo multo fortius hominem transformari in aliquod animal brutum. Sed dæmonis virtute homines transformantur in bruta, sicut Varro narrat (Augustinus id refert XVIII de Civil. Dei, cap. xvi, xvii, xviii), socios Diomedis a Troja revertentes in aves fuisse conversos, quæ longo tempore post circa templum Diomedis volabant; narrat etiam quod Cyreæ famosissima maga socios Ulyssis mutavit in bestias, et quod Arcades quodam stagno

transito convertelantur in lupos. Ergo daemones possunt miracula facere.

7. Præterea, adversitates Job daemone agente procurate sunt: quod patet ex hoc quod Dominus dedit ei potestatem in omnia que erant Job. Sed hujusmodi adversitates non sine miraculo contigerunt, ut patet in igne de celo descendente, et de vento domum ad interitorem flurum ejus evertente. Ergo daemones miracula facere possunt.

8. Præterea, quod Moyses virgam in serpentes mutavit, miraculum fuit. Sed hoc similiter fecerunt magi Pharaonis, virtute daemonum, ut habetur Exod., vii. Ergo videtur quod daemones miracula facere possunt.

9. Præterea, operatio miraculorum magis est remota a virtute humana quam a virtute angelica. Sed per malos homines interdum miracula fiunt: unde ex persona reproborum dicitur Matth., vii, 22: *In nomine tuo propheticus, et virtutes multas fecimus.* Ergo et per daemones vera miracula fieri possunt.

Sed contra, tempore Antichristi daemones maximam virtutem habebit ad operandum: quia, ut dicitur Apoc., xx, 3, oportebit eum solvi modico tempore, quod intelligitur tempus Antichristi. Sed tunc non operabitur vera miracula: quod patet per hoc quod dicitur II ad Thess., ii, 8, quod adventus Antichristi erit *in omni virtute et signis et prodigiis mendacibus.* Ergo daemones vera miracula facere possunt.

Respondeo dicendum, quod sicut Angeli boni per gratiam aliquid possunt ultra naturalem virtutem, ita Angeli maligni possunt ex divina providentia eos reprimente, quam possunt secundum naturalem virtutem: quia, ut Augustinus dicit (III de Trin., cap. ix, a med.), quaedam quæ Angeli mali possent facere si permitterentur, ideo facere non possunt quia non permittuntur (unde secundum hoc ligari dicuntur, quod impediuntur ab illis agendis ad quæ eorum naturalis virtus se extendere posset; solvi autem, cum permittantur agere divino iudicio quæ secundum naturam possunt): quedam vero non possunt etiam si permittantur, ut ibidem dicitur, quia natura modus eis a Deo præstitus hoc non permittit. Ad hujusmodi autem quæ sunt supra facultatem naturæ ipsorum, eis a Deo nulla datur potestas: quia, cum operatio miraculosa sit quedam divinum testimonium indicativum divinæ virtutis et veritatis; si daemones, quorum est tota voluntas ad malum, aliqua potestas daretur faciendi miracula, Deus falsitatis eorum testis existeret; quod divinum bonitatem non decet; unde ea tantum interdum opera faciunt quæ miracula hominibus videntur, quando permittuntur a Deo, ad quæ eorum naturalis virtus se potest extendere. Sicut etiam ex supra dictis, art. præv., patet, naturali virtute hos solos effectus producere possunt per modum artis ad quos inve-

niuntur virtutes aliquæ naturales in corporibus, quæ eis ad motum localem obediunt, ut sic ea possent ad aliquem effectum celeriter applicare. Hujusmodi autem virtutibus veræ transmutationes corporum fieri possunt, sicut secundum naturalem cursum rerum videmus unum ex alio generari. Possunt nihilominus, aliqua mutatione corporali facta, quedam quæ non sunt in rerum natura, in imaginatione facere apparere per commotionem organi phantasie, secundum diversitatem spirituum et humorum; ad quod etiam aliqua corpora exteriora efficaciam habent, ut eis aliquo modo adhibitis videatur esse aliquid alterius formæ quam sit, sicut patet in phreneticis et mente captis. Possunt ergo daemones mirabiliter in nobis operari dupliciter: uno modo per veram corporis transmutationem; alio modo per quandam illusionem sensuum ex aliqua immutatione imaginationis. Neutra tamen operatio est miraculosa, sed est per modum artis, ut supra diximus, art. 4; et ideo simpliciter dicitur, quod per daemones vera miracula fieri non possunt.

Ad PRIMUM ergo dicendum, quod signa et prodigia dicuntur, aliqua quæ virtute naturali fieri possunt, hominibus tamen mirra; vel etiam per sensuum illusionem, ut dictum est.

Ad SECUNDUM dicendum, quod nihil prohibet daemones arte velocius aliquem posse sanari quam per naturam, si sibi relinquatur; quia hoc etiam videmus per artem hominis fieri: non tamen videtur quod possint subito sanare (licet aliquos alios effectus possint facere quasi subito), quia medicinæ corpori humano exhibitæ operantur ad sanitatem quasi instrumenta; natura autem est sicut agens principale; unde debent talia adhiberi quæ possint a natura moveri; et si plura adhiberentur, non conferrent ad sanitatem, sed magis impedirent. Unde etiam ille infirmitates ad quarum sanitatem natura virtus nullo modo potest, operatione daemones sanari non possunt. Sicut autem est de illis effectibus qui dependent ab exteriori agente sicut a causa principali. Sciendum autem est, quod etiam si subito sanitatem daemones perficerent, non esset miraculum, ex quo id agerent mediante naturali virtute; si id agerent.

Ad TERTIUM dicendum, quod locutio canum, et alia hujusmodi quæ Simon Magnus faciebat, poterant fieri per illusionem, et non per effectus veritatem. Si tamen per effectus veritatem hoc fieret, nullum sequitur inconveniens; quia non dabat eam daemones virtutem loquendi sicut datur natis per miraculum, sed ipsemet per aliquem motum localem sonum formabat, litterate et articulate vocis similitudinem et modum habentem; per hunc enim modum etiam asina Balaam intelligitur fuisse locuta, Angelo tamen bono operante.

Et similiter dicendum ad QUARTUM de locutione simulacri; hoc enim factum fuit daemone per motum aeris sonum formante similem humanæ locutioni.



Ad quintum dicendum, quod non est remotum quia sit in commendationem castitatis, quod Deus verus per suos Angelos bonos huiusmodi miraculum per retentionem aque fecisset; quia si qua bona in gentilibus fuerint, a Deo fuerunt. Si autem per demones factum est, nec hoc repugnat predictis. Nam quiescere et moveri localiter, ab eodem principio secundum genus sunt; quia per quam naturam aliquid movetur ad locum, quiescit in loco. Unde sicut demones possunt movere corpora localiter, ita possunt et a motu retinere. Nec tamen est miraculum, sicut quando fit divinitus; quia hoc secundum naturalem virtutem demonis contingit ad huiusmodi effectum determinatum.

Ad sextum dicendum, quod ille transformationes de quibus Varro loquitur, non fuerunt secundum veritatem, sed secundum apparentiam, per operationem demonis, phantastico hominis secundum aliquam corporalem speciem immutato, sicut dicit Augustinus (XVIII de Civit. Dei, cap. xviii).

Ad septimum dicendum, quod per aliquem motum aeris demones, Deo permittente, possunt aliquas tentationes concitare, cum etiam per ventorum motum naturaliter fieri videamus; et per hunc modum fuerunt adversitates Job, operantibus demonibus, proferuntur.

Ad octavum dicendum, quod de operatione magorum Pharaonis duplex opinio in Glossa (ordinaria) tangitur. Una est quod non fuerit vera conversio virgarum in serpentes, sed hoc fuerit secundum apparentiam tantum per aliquam praestigiosam illusionem. Augustinus autem in Glossa ibidem posita dicit, quod fuit conversio vera virgarum in serpentes; quod ex hoc verisimiliter probat, quia Scriptura eodem vocabulo nominat et virgas magorum et virgam Moysi; quam constat vere in serpentes esse conversam. Quod autem operatione demonum virge in serpentes sint conversae, miraculum non fuit; hoc enim fecerunt demones per aliqua semina collecta, quae habebant vim putrefaciendi virgas, et in serpentes convertendi. Sed quod Moyses fecit, miraculum fuit; quia divina virtute, absque omni naturalis virtutis operatione, hoc effectum est.

Ad nonum dicendum, quod homines qui sunt mali vita, quandoque sunt annuntiatores veritatis; et ideo Deus in testimonium veritatis per eos annuntiat miracula facit; quod de demonibus dicit non potest.

Ad ultimum quod in contrarium objicitur, dicendum, quod tempore Antichristi diaboli potestas solvenda dicitur, in quantum ei multa facere permittuntur quae modo non permittuntur; unde et operabitur multa ad eorum seductionem qui hoc meruerunt non acquiescendo reati. Operabitur autem quaedam prestigiose, in quibus nec erit verus effectus nec miracula. Operabitur etiam quaedam per veram corporum immutationem, in quibus si erunt veri effectus, non tamen vera miracula, quia erunt per causas

naturales operata. Quae etiam mendacia dicuntur quantum ad intentionem facientis, qui per huiusmodi miracula opera inducit homines ad credendum mendacis.

ARTICULUS VI. — *Utrum Angeli et demones habeant corpora naturaliter sibi unita.* (I part., quest. li, art. i.)

Sexto quaeritur, utrum Angeli et demones habeant corpora naturaliter sibi unita. Et videtur quod sic. In quolibet enim animali est corpus naturaliter spiritui unitum. Sed Angeli et demones sunt animalia; dicit enim Gregorius in hom. Epiphaniae (homil. x in Evang., circ. prime.), quod *Judeus tanquam ratione utentibus rationale animal, id est Angelus, ammonitorem debuit.* De demonibus vero dicit Augustinus (in III super Genes. ad litt., cap. x, in prime.); *Demones aerea sunt animalia, quia corporum aereorum natura regunt.* Ergo Angeli et demones habent corpora naturaliter sibi unita.

2. Praeterea, Origenes dicit in Periarchon (lib. I, cap. vi, in fine), quod nulla substantia spiritualis sine corpore esse potest, nisi solus Deus. Cum ergo Angeli et demones sint substantiae creatae, videtur quod habeant corpora naturaliter sibi unita.

3. Praeterea, phantasia et irascibilis et concupiscibilis sunt vires organici utentes. Haec autem sunt in demonibus, et eadem ratione in Angelis; dicit enim Dionysius (v cap. de divin. Nomin.), quod malum demonis est *furor irascibilis, concupiscentia amoris, phantasia praeterea.* Ergo habent corpora naturaliter sibi unita.

4. Praeterea, aut Angeli sunt compositi ex materia et forma, aut non. Si sunt compositi ex materia et forma, oportet eos esse corpora; cum enim materia in se considerata sit una, quia non diversificatur nisi per formas, oportet quod omnium diversorum materiam habentium intelligantur diversae formae in diversis partibus materiae receptae; nam secundum ideam materiae diversae formas recipere non potest. Diversitas autem pariter intelligi non potest in materia sine eius divisione, nec divisio sine dimensione, quia sine quantitate substantia indivisibilis est, ut dicitur in lib. I Phys. (com. xv). Ergo oportet quod omnia habentia materiam habeant dimensionem, et per consequens corpora. Si autem non sunt compositi ex materia et forma, aut sunt formae per se stantes, oportet quod non habeant esse ab alio causatum; cum enim forma sit essendi principium in quantum huiusmodi, illud quod est forma tantum, non habet esse causatum, sed solum est alius causa essendi. Si autem sunt formae corporibus unitae, oportet quod habeant corpora naturaliter sibi unita; uno enim formae et materiae esse naturalis. Relinquitur ergo quod oportet unum istorum trium ponere, scilicet quod

Angeli vel sint corpora, vel sint substantie increate, vel habeant corpora naturaliter unita. Sed prima duo sunt impossibilia. Ergo tertium est ponendum.

5. Præterea, forma, in quantum hujusmodi, est secundum quam aliquid formatur. Id ergo quod est forma tantum, est formans nullo modo formatum; quod est solius Dei, qui est species prima, a qua omnia sunt speciosa, ut dicit Augustinus, VIII de Civ. Dei (in lib. LXXXIII QO., qu. xxii, parum a fine). Ergo Angeli non sunt formæ tantum, et ita sunt formæ corporibus unitæ.

6. Præterea, sicut anima non potest operari aliquem effectum in exterioribus corporibus nisi mediis corporeis instrumentis; ita nec Angelus nisi corporalibus aliquibus virtutibus, quibus utitur velut instrumentis. Sed anima ad exercendas suas operationes habet corporea organa naturaliter sibi unita. Ergo et Angeli.

7. Præterea, primus motus in corporibus est quo movetur corpus a substantia incorporea. Primus autem motus est moventis seipsum, ut habetur in VIII Phys.; quia quod per se est, prius est eo quod per aliud est. Ergo quod immediate movetur a substantia incorporea, movetur sicut motam ex se. Sed hoc non potest esse, nisi substantia incorporea movens sit corpori naturaliter unita. Cum ergo Angeli et demones moveant immediate corpora, ut supra, art. 2 hujus quest., dictum est, videtur quod habeant corpora naturaliter sibi unita.

8. Præterea, nobilior habet vitam quod vivit et vivificat, quam quod vivit tantum; sicut perfectior est lux in eo quod lucet et illuminat, quam in eo quod tantum lucet. Sed anima humana vivit, et vivificat corpus naturaliter sibi unitum. Ergo et Angelus non minus nobiliter vivit quam anima.

9. Præterea, omnis motus corporis diversimode moti, est moti moventis seipsum; quia quod movetur uno motu tantum, non videtur esse movens seipsum, ut dicitur in VIII Phys. (com. xxix). Sed corpus celeste movetur diversis motibus; unde planete ab astrologis quandoque dicuntur recti, quandoque retrogradi, quandoque stationarii. Ergo motus superiorum corporum est mobilium moventium seipsa; et sic corpora illa sunt composita ex substantia corporali et spiritali. Sed illa spiritalis substantia non est anima humana, nec est Deus. Ergo est Angelus. Angelus ergo habet corpus naturaliter sibi unitum.

10. Præterea, nihil agit ultra suam speciem. Sed corpora celestia causant vitam in istis inferioribus, ut patet in animalibus ex putrefactione generatis per virtutem celestium corporum. Cum ergo substantia vivens sit nobilior non vivente, ut dicit Augustinus (in lib. de vera Relig., cap. xxx et lv), videtur quod corpora celestia habeant vitam, et ita habeant substantias spirituales sibi naturaliter unitas; et sic idem quod prius.

11. Præterea, primum mobile est corpus celeste. Sed Philosophus probat (in VIII Physic., com. xvii), quod omnia mota redeuntur ad primum mobile, quod ex se movetur. Ergo cælum est ex se motum. Ergo est compositum ex corpore moto et movente immobili, quod est substantia spiritalis; et sic idem quod prius.

12. Præterea, secundum Dionysium (vii cap. de divin. Nom., a med.) supremum inferioris naturæ semper attingit ad infimum naturæ superioris, divina sapientia res taliter ordinante. Sed supremum in natura corporali est corpus celeste, cum sit nobilissimum corporum. Ergo attingit ad naturam spirituales et ei unitur; et sic idem quod prius.

13. Præterea, corpus coeli est nobilior corpore humano, sicut perpetuum corruptibile. Sed corpus humanum est unitum naturaliter substantie spiritali. Ergo multo magis corpus celeste, cum nobilioris corporis sit nobilior forma; et sic idem quod prius.

14. Præterea, invenimus quedam animalia ex terra formata, sicut homines et bestias; quedam ex aquis, ut pisces et volatilia, ut patet Genes., i. Ergo et quedam erunt aërea, quedam ignea, et celestia. Hæc autem non sunt alia quam Angeli et demones; quia cum illa sint nobiliora corpora, oportet in eis esse nobiliora animalia. Ergo Angeli et demones sunt animalia, et ita habent corpora naturaliter unita.

15. Præterea, hoc idem videtur per Plantonem, qui in Timæo ponit esse quoddam animal terrena soliditate firmatum, quoddam vero liquoribus accommodatum, quoddam aëri vagum, aliud divinitate plenum; quod non potest intelligi nisi Angelus. Ergo Angelus est animal; et sic idem quod prius.

16. Præterea, nihil movetur nisi corpus, ut probatur in VI Physic. (a com. lxxxvi usque ad xc). Sed Angelus movetur. Ergo vel est corpus, vel habet corpus naturaliter sibi unitum.

17. Præterea, Verbum Dei est nobilior quolibet Angelo. Sed Verbum Dei est corpori unitum. Ergo non est contra dignitatem Angeli, si ponatur corpori naturaliter unitus.

18. Præterea, Porphyrius dicit in Prædicabilibus (in cap. de differentia non procul a fin.) quod mortale additum in definitione hominis, separat nos a diis; per quos non possunt nisi Angeli intelligi. Ergo Angeli sunt animalia, et sic habent corpora naturaliter unita.

Sed contra, Damascenus dicit (lib. II Fidei orth., cap. iii), quod Angelus est substantia intellectualis, semper mobilis, arbitrio libera, incorporea.

Præterea, in libro de Causis (propos. 7) dicitur, quod intelligentia est substantia que non dividitur; et dicit ibi Commentator, quod neque est magnitudo neque super magnitudinem delata. Sed Angelus est intelligentia; quod patet per Dionysium

(cap. vii de divin. Nom.), qui vocat Angelos divinas mentes et divinos intellectus. Ergo Angelus nec est corpus, nec corpori unitus.

Præterea, differentia dividentes Angelum ab anima, sunt unibile et non unibile corpori. Si ergo Angelus esset unitus corpori, in nullo ab anima differret; quod est inconveniens.

Præterea, invenitur quedam substantia spiritualis que dependet a corpore quantum ad principium et quantum ad finem, sicut anima vegetabilis et sensibilis; quedam autem que dependet a corpore quantum ad principium et non quantum ad finem, sicut anima humana. Ergo erit quedam que non indiget corpore neque quantum ad principium neque quantum ad finem; et huiusmodi non potest esse alia quam Angelus vel daemon. Quod autem sit aliqua que indiget corpore quantum ad finem et non quantum ad principium, non est possibile.

Præterea, quedam forma est que nec est anima nec spiritus, sicut forma lapidis; quedam etiam est que est anima sed non spiritus, sicut forma brui; quedam que est anima et spiritus, sicut forma hominis. Quedam ergo erit que erit spiritus et non anima; et huiusmodi est Angelus; et sic non est corpori unitus naturaliter; quod est de ratione anime.

Respondeo dicendum, quod circa substantias incorporeas ponendas antiqui diversimode processerunt.

Quidam namque antiqui philosophi dixerunt, nullam substantiam incorpoream esse; sed omnes substantias esse corpora; in quo etiam errore se quandoque fuisse Augustinus confitetur (in libro Confess.). Hæc autem positio est etiam per philosophos improbata. Aristoteles autem (in VIII Phys.) hac via improbat eam, quod oportet esse aliquam virtutem moventem infinitam; alias motum perpetuum movere non posset. Ostendit iterum quod omnis virtus in magnitudine est virtus finita. Unde relinquitur quod oportet esse aliquam virtutem penitus incorpoream, que continuatam motus causet. Herum hoc probavit alio modo (XII Metaph.), quia actus est prius potentia, et natura et tempore, simpliciter loquendo; quamvis in uno aliquo quod de potentia exit in actum, potentia tempore præcedat; sed quia oportet quod in actum reducatur per aliquod ens actu, oportet quod actus sit simpliciter prior potentia etiam tempore. Unde cum omne corpus sit in potentia, quod ipsius mobilitas ostendit, oportet ante omnia corpora esse substantiam immobitem sempiternam. Tertia autem ratio potest sumi ad hoc ex sententiis Platoniorum; oportet enim ante esse determinatum et particulatum, præexistere aliquid non particulatum; sicut si ignis natura particulariter et quodammodo participative invenitur in ferro, oportet prius inveniri igneam naturam in eo quod est per essentiam ignis; unde, cum esse, et reliquæ perfectiones et formæ inveniantur in corporibus quasi particulariter, per hoc

quod sunt in materia receptivæ, oportet præexistere aliquam substantiam incorpoream, que non particulariter, sed cum quadam universalis plenitudine perfectionem essendi in se habeat. Quod autem posuerunt sola corpora esse substantias, ex hoc decepti fuerunt quod imaginationem transcendere intellectu non valentes (qua sola est corporum) ad substantias incorporeas cognoscendas (qua solo intellectu capiuntur) pertinere non valuerunt.

Alii vero fuerunt substantiam incorpoream ponentes; sed eam dixerunt esse corpori unitam, nec aliquam substantiam incorpoream inveniri que non sit corporis forma. Unde ponebant ipsum Deum esse animam mundi, sicut de Varrone dicit Augustinus in VII de Civ. Dei (lib. IV, cap. xxxi, parum ante med.), quod Deus est anima, motu et ratione mundum gubernans. Unde dicebat, quod totus mundus est Deus propter animam et non propter corpus, sicut et homo dicitur propter animam sapiens, et non propter corpus. Et propter hoc gentiles tunc mundo et omnibus partibus eius divinitus cultum exhibebant. Sed hæc etiam positio per ipsos philosophos est improbata multipliciter. Primo quidem, quia virtus unia alicui corpori ut forma, habet determinatam actionem, ex eo quod tali corpori unitur; unde, cum oporteat esse aliquod agens universale influentiam habens per omnia corpora, eo quod primum movens non potest esse corpus, ut supra ostensum est, relinquitur quod oportet esse aliquod incorporeum quod nulli corpori est unitum; unde Anaxagoras posuit intellectum immixtum, ut imperet, sicut dicitur in VIII Phys. (com. xxxvii); imperium enim est alicuius pre eminentis his quibus imperat, et eis non subditi nec ad ea obligati. Secundo, quia si quælibet substantia incorporea est corpori unita ut forma, oportet primum quod movetur, movere seipsum ad modum animalis, quasi compositum ex substantia corporali et spirituali. Movens autem seipsum movet se per voluntatem, in quantum alicui appetit; appetitus enim est movens motum; appetibile autem est movens non motum. Oportet ergo supra substantiam incorpoream conjunctam corpori, esse aliquid aliud superius quod moveat eam, sicut appetibile movet appetitum; et hoc oportet esse intellectualem bonum; quia hoc est appetibile, quia est simpliciter bonum; sensibile autem appetibile appetitur, quia est hoc (1) et tunc bonum. Intellectuale autem bonum oportet esse incorporeum; quia nisi esset absque materia, non intelligeretur; et ex hoc ipso oportet ipsum esse intelligens; substantia enim quælibet est intelligens ex hoc quod est a materia immutis. Oportet ergo supra substantiam conjunctam corpori, esse aliam substantiam superiorem incorpoream vel intellectualem corpori non unitam. Et hæc est probatio Aristotelis in XI Metaph.; non enim potest dici, quod movens

(1) AE. hoc.

seipsum, nihil desideret extra se; quia nunquam moveretur; motus enim est ad acquirendum aliquid extrinsecum aliquo modo. Tertio, quia cum movens seipsum possit moveri et non moveri, ut dicitur in VIII Phys. (com. xxix), si aliquid motum ex se continue moveretur, oportet quod stabilis in movendo ab aliquo exteriori, quod est omnino immobile. Caelum autem, cuius animam dicebant Deum, videmus continue moveri; unde oportet supra illam substantiam quae est anima mundi, si qua est, esse aliam superiorem substantiam, quae nulli corpori est conjuncta, quae est per seipsam subsistens. Illi autem qui posterum omnem substantiam corpori unitam, ex hoc videntur fuisse decepti quod materiam credebant causam subsistentiae et individualitatis in omnibus entibus, sicut est in rebus corporalibus; unde substantias incorporeas non credebant posse subsistere nisi in corpore, sicut etiam per modum objectionis tangitur in comment. lib. de Causis.

His opinionibus abjectis, Plato et Aristoteles posuerunt aliquas substantias esse incorporeas; et earum quasdam esse corpori conjunctas, quasdam vero nulli corpori conjunctas. Plato namque posuit duas substantias separatas, scilicet Deum patrem totius universitatis in supremo gradu; et postmodum mentem ipsius, quam vocabat patrem intellectum, in qua erant rerum omnium rationes vel ideae, ut Macrobius narrat (lib. I super somnium Scipionis, non procul a princ.) Substantias autem incorporeas corporibus unitas ponebat multiplices; quasdam quidem conjunctas caelestibus corporibus, quas Platonici deos appellabant; quasdam autem conjunctas corporibus aereis, quas dicebant esse daemones. Unde Augustinus in VIII de Civit. Dei (cap. xvi, parum a princ.), introducit hanc definitionem demorum ab Apuleio datam: *Daemones sunt animalia mente rationalia, animo passiva, corpore aerea, tempore aeterna*. Et omnibus praedictis substantiis incorporeis ratione suae sempiternitatis gentiles Platonici dicebant cultum divinitatis exhibendum. Ponebant etiam ulterius substantias incorporeas grossioribus terrae corporibus unitas, terrenis scilicet et aquis quae sunt animae hominum et aliorum animalium. Aristoteles autem in duobus cum Platone concordat, et in duobus differt. Concordat quidem in ponendo supremam substantiam nec corpoream nec corpori unitam; et iterum in ponendo caelestia corpora esse animata. Differt autem in hoc quod ponebat plures substantias incorporeas corpori non unitas, scilicet secundum numerum caelestem motum; et iterum in hoc quod non ponit esse aliqua animalia aerea; quod rationalibus posuit. Quod patet ex tribus. Primo quidem, quia corpus mixtum nobilissimum est corpore elementari, et maxime quantum ad formam; quia elementa mixtorum corporum materia sunt. Unde oportet quod substantiae incorporeae, quae sunt nobilissimae formae,

corporibus mixtis uniantur, et non puris elementis. Nullum autem corpus mixtum esse potest, in quo terra et aqua non magis abundant secundum materiam quantitatem, cum etiam superiora elementa magis habeant de virtute activa, utpote magis formalia. Si autem haec in quantitate excederent, non servarentur aliqua proportio debita mixtionis, quia superiora omnino vincebant inferiora. Et ideo non potest esse quod substantiae incorporeae uniantur ut formae corporibus aereis, sed corporibus mixtis, in quibus materialiter superabundat terra et aqua. Secundo, quia corpus homogeneum et uniforme oportet quod habeat eandem formam in toto et in partibus. Totum autem aeris corpus videmus esse unius naturae; unde oportet, si substantiae aliqua spirituales aliquibus partibus aeris sunt unitae, quod etiam toti aeri uniantur; et sic totus aer erit animal, quod irrationabiliter dici videtur; quamvis et hoc quidam (1) antiqui ponerent, ut dicitur in I de Anima (com. xx), qui dicebant aerem totum esse plenum diis. Tertio, quia si substantia spiritualis non habet in se aliam potentiam quam intellectum et voluntatem, frustra corpori unitur, cum haec operationes absque corpore compleantur; omnis enim forma corporis corporaliter aliquid actione efficit. Si autem habent alias potentias quod videntur Platonicis sensitisse de daemone, dicentes eos esse animo passivos cum tamen passio non sit nisi in parte animae sensitiva, ut probatur in VII Phys., com. xx, oportet quod tales substantiae corporibus organicis uniantur, ut actiones talium potentiarum per determinata organa exequantur. Tale autem non potest esse corpus aereum, eo quod non est figurabile. Unde patet quod substantiae spirituales non possunt aereis corporibus naturaliter esse unitae. Utrum autem aliqua substantiae incorporeae sint caelestibus corporibus unitae ut formae, Augustinus sub dubio relinquit (in II super Gen. ad litt., cap. ult.). Hieronymus autem asserere videtur (super illud Eccl. : *Lustrans universa per circuitum spiritus*), et etiam Orig. (lib. I Periarch., cap. vii). Quod tamen a pluribus modernorum reprobatum videtur, propter hoc quod cum numerus beatorum ex solis hominibus et Angelis secundum Scripturam divinam constituitur, non possent illae substantiae spirituales nec inter hominum animas computari, nec inter Angelos, qui sunt incorporei. Sed tamen Augustinus in Ezech., cap. lxxiii hoc etiam sub dubio relinquit, sic dicens: *Nec illud quidem certum habetur, utrum ad eandem societatem, scilicet Angelorum, pertineat sol, luna, et cuncta sidera; quamvis nonnullis lucida esse corpora non cum sensu vel intelligentia, videantur. Sed in hoc certissime a doctrina tam Platonis quam Aristotelis, doctrina fidei discordat, quod ponimus nullas substantias genitus corporibus non unitas, plures quam aliquis eorum ponat*. Que quidem positio etiam

(1) Al. quidem.

rationabilior videtur propter tria. Primo quidem, quia sicut corpora superiora digniora sunt inferioribus, ita substantie incorporee corporibus sunt etiam digniores: corpora autem superiora tantum inferiora excedunt, quod terra habet comparationem ad celum sicut punctum ad sphaeram, ut astrologi probant. Unde et substantie incorporee (sicut Dionysius dicit, xiv cap. celest. Hier.) omnem multitudinem materialium specierum transcendunt; quod significatur Dan., vii, 10, cum dicitur: *Milia milium ministrabant ei, et decies milibus centena milia assistebant ei.* Quod quidem affluentiae divine bonitatis concordat, ut scilicet ea quae nobiliora sunt illa copiosius in esse producat. Etiam superiora ab inferioribus non dependeant, nec ad ea limitentur eorum virtutes, non oportet illa solum in superioribus ponere quae per inferiores effectus manifestantur. Secundo autem, quia rerum naturalium ordine, inter naturas distantes multi gradus medi inveniantur; sicut inter animalia et plantas inveniantur quaedam animalia imperfecta, quae et cum plantis communicant quantum ad fixationem, et cum animalibus quantum ad sensum. Cum ergo substantia suprema, quae Deus est, a corporum natura maxime distet, rationabile videtur quod multi gradus naturarum inter utraque inveniantur, et non solum ille substantie quae sunt principia motuum. Tertio, quia cum Deus non solum universalem providentiam de rebus corporalibus habeat, sed etiam ad res singulas eius providentia se extendat, in quibus interdum, ut dictum est, praeter ordinem causarum universalium operatur; non solum oportet ponere substantias incorporeas Deo deservientes in universalibus causis naturae, quae sunt motus corporum caelestium, sed etiam in aliis quae Deus particulariter in singulis operatur, et praecipue quantum ad homines, quorum mentes coelestibus motibus non subiciuntur. Sic ergo, fidei veritatem sequendo, dicimus Angelos et demones non habere corpora naturaliter unita, sed omnino incorporeos, sicut dicit Dionysius.

Ad primum ergo dicendum, quod Augustinus in pluribus locis suorum librorum, quantum ad corpora Angelorum et demonum, absque assertionem utitur Platonicorum sententia. Unde et xxi de Civitate Dei (cap. x) utramque opinionem prosequitur de pena demonum tractans, et eorum scilicet qui dicebant demones aerea corpora habere, et eorum qui dicebant eos esse penitus incorporeos. Gregorius vero Angelum animal appellat, large sumpto animalis vocabulo pro quolibet vivente.

Ad secundum dicendum, quod Origenes in pluribus Platonicorum opinionem sectatur; unde huius opinionis falsitas videtur quod omnes substantie create incorporeae sint corporibus unitae; quamvis etiam hoc non asserat, sed sub dubitatione proponat, aliam etiam opinionem tangens.

Ad tertium dicendum, quod Dionysius absque dubio Ange-

los et demones incorporeos esse voluit. Utitur autem metaphisice nomine furoris et concupiscentiae pro voluntate inordinata, et nomine phantasie pro intellectu errante in eligendo, secundum quod malus omnis est ignorans, ut Philosophus dicit in III Ethic. (cap. 1, a med.), et Proverb., xiv, dicitur: *Errant qui operantur malum.*

Ad quartum dicendum, quod si Angeli ponantur ex materia et forma compositi, non propter hoc oportet quod sint corporei ex ratione praedicta, nisi ponatur, quod sit eadem materia Angelorum et corporum. Posset autem dici, quod esset alia materia a materia corporum divisa, non quidem dimensionis divisione, sed per ordinem ad alterius generis formam; nam potentia actui proportionatur. Magis tamen credimus, quod non sint Angeli ex materia et forma compositi, sed sint formae tantum per se stantes. Nec oportet quod propter hoc non sint creati; forma enim est principium essendi ut quo aliquid est, cum tamen et esse formae et esse materiae in composito sit ab uno agente. Si ergo sit aliqua substantia creata quae sit forma tantum, potest habere principium essendi efficiens, non formale.

Ad quintum dicendum, quod, secundum Philosophum (in II Phys.), etiam in causis formalibus prius et posterius invenitur; unde nihil prohibet unam formam per alterius formae participationem formari; et sic ipse Deus, qui est esse tantum, est quodammodo species omnium formarum subsistentium quae esse participant et non sunt summa esse.

Ad sextum dicendum, quod virtus Angeli secundum naturae ordinem est superior, et per consequens universalior quam virtus animae humanae; unde non poterat habere corporeum organum sibi sufficienter respondens ad actiones in quibus in exteriora corpora agit; et ideo non debuit aliquibus corporeis organis alligari, sicut animi per unionem ligatur.

Ad septimum dicendum, quod movens seipsum est primum inter mota, ratione moventis immobilibis; unde si movens humobile movet sive corpus sibi naturaliter unitum, sive non, eadem prioritatis ratio manet.

Ad octavum dicendum, quod anima unita corpori vivificat corpus non solum effective, sed formaliter; sic autem corpus vivificare minus est quam per se vivere tantum, simpliciter loquendo. Nam anima hoc modo corpus vivificare potest in quantum habet esse infinitum (1), quod sibi et corpori potest esse commune in composito ex utroque. Esse autem Angeli cum sit altius, non potest hoc modo communicari corpori; unde vivit tantum, et non vivificat formaliter.

Ad nonum dicendum, quod retrogradatio quae videtur in planetis, et statio et directio non provenit ex difformitate motus

(1) *Ad infinitum, item infinitum.*

unius et ejusdem mobilis, sed ex diversis motibus diversorum mobilium, vel ponendo excentricos et epicyclos secundum Ptolemæum, vel ponendo diversitatem motuum secundum diversitates polorum, sicut alii posuerunt. Et tamen si etiam difformiter moventur celestia corpora, per hoc non magis ostenderetur quod moventur a motore voluntario conjuncto quam quod a separato.

AD DECIMUM dicendum, quod corpora celestia etiamsi non sint animata, moventur a substantiâ vivente separata, cujus virtute agunt, sicut instrumentum virtute principalis agentis; et ex hoc causant in inferioribus vitam.

AD UNDECIMUM dicendum, quod Philosophus demonstrationes suas ad duas conclusiones sub disjunctione terminat, scilicet quod mobilia vel reducuntur statim ad movens immobile, vel ad movens seipsum, cujus una pars est movens immobile; quamvis ipse magis secundam partem præeligere videatur. Si quis tamen primam partem eligit, nullum inconveniens ex suis demonstrationibus sequitur.

AD DUODECIMUM dicendum, quod id quod est supremum in corporibus, attingit ad infinitam spirituales naturæ per aliquam participationem proprietatum ejus sicut per hoc quod est incorruptibile, non autem per hoc quod ei uniat.

AD DECIMUMTERTIUM dicendum, quod corpus humanum quantum ad materiam ignobilius est celestis corpore; sed corpus humanum formam habet nobiliora, si corpora celestia sunt inanmata. Nobiliora tamen deo secundum se, non tamen secundum quod corpus format. Perfectiori enim modo forma celi pericit materiam, cui præbet esse incorruptibile, quam anima rationalis corpus. Hoc autem ideo est, quia substantia spiritualis quæ movet cælum, est alioris dignitatis quam ut corpori uniat.

AD DECIMUMQUARTUM dicendum, quod aërea corpora esse non possunt rationibus prædictis.

Et per hoc patet responsio ad DECIMUMQUINTUM quod procedit de opinione Platonis.

AD DECIMUMSEXTUM dicendum, quod Angelus non movetur commensurando se spatio, sicut corpora moventur; sed asquivoce motus dicitur de motu Angelorum et de motu corporum.

AD DECIMUMSEPTIMUM dicendum, quod Verbum Dei non uniat corpori (1) ut forma; quia sic fieret una natura ex Verbo et carne; quod est hæreticum.

AD DECIMUMOCTAVUM dicendum, quod Porphyrius in hoc opinionem Platonis sequitur, quod deos nominat demones; quos ponebat animalia, et etiam corpora celestia.

(1) *Id. utitur corpore.*

ARTICULUS VII. — *Utrum Angeli vel demones possint corpus assumere.* (1 part., quest. xli, art. 2.)

Septimo queritur, utrum Angeli vel demones possint corpus assumere. Et videtur quod non. Corpus enim substantiæ incorporæ unum esse non potest, nisi vel quantum ad esse, vel quantum ad motum. Sed Angeli non possunt habere unita sibi corpora quantum ad esse, quia sic essent eis naturaliter unita; quod est contra prædicta, art. 6. Ergo relinquitur quod non possint corporibus uniri, nisi inquantum movent ea. Sed hoc non sufficit ad rationem assumptionis: quia sic Angelus et demon assumeret omne corpus quod movet, quod patet esse falsum; movit enim Angelus linguam asinæ Balaam, nec tamen dicitur eam assumpsisse. Ergo non potest dici, quod Angelus vel demon corpus assumat.

2. Præterea, si Angeli vel demones corpora assumant, hoc non est propter eorum necessitatem, sed vel propter nos instruendos quantum ad bonos, vel decipiendos quantum ad malos. Sed ad utrumque sufficit sola imaginaria visio. Ergo non videtur quod corpora assumant.

3. Præterea, Deus in veteri Testamento patribus apparuit, sicut et Angeli apparuisse leguntur, ut Augustinus probat (in III de Trinit., cap. xi et xii). Sed non est dicendum quod Deus corpus assumpsit, nisi per mysterium incarnationis. Ergo nec Angeli apparentes corpora assumunt.

4. Præterea, sicut uniri corpori naturaliter convenit animæ, ita non esse unum naturaliter convenit Angelo. Sed anima non potest a corpore separari cum vult. Ergo nec Angelus potest corpus assumere.

5. Præterea, nulla substantia finita potest simul in plures operationes. Angelus est quædam substantia finita. Non potest ergo simul et nobis ministrare et corpus assumere.

6. Præterea, inter assumens et assumptum debet esse aliqua proportio. Sed inter Angelum et corpus non est aliqua proportio; cum sint omnino generum diversorum, et per consequens impossibilia. Ergo Angelus non potest assumere corpus.

7. Præterea, si Angelus assumit corpus; aut corpus celeste, aut aliquid de natura quatuor elementorum. Non quidem corpus celeste, cum corpus celi dividi non possit, nec a loco suo divelli: similiter nec corpus igneum, quia sic consumeret alia corpora quibus adhereret; nec aëreum, quia aer non est figurabilis; nec aqueum, aqua enim figuram non retinet; similiter autem nec terrenum, cum subito dispareant, ut patet de Angelo Tobie. Ergo nullo modo corpus assumunt.

8. Præterea, omnis assumptio ad aliquam unionem terminatur. Sed ex Angelo et corpore non potest fieri unum aliquo

illorum trium modorum unitatis quos ponit Philosophus in 1 Physic. (com. XVI); non enim possunt fieri unum continuatione, neque indivisibilitate, neque ratione. Ergo Angelus non potest corpus assumere.

9. Præterea, si Angeli corpus assumunt, aut corpora ab eis assumpta habent veras species quæ videntur aut non. Si quidem habent veras species, cum ergo quandoque videantur in specie hominis, corpus ab eis assumptum erit verum corpus humanum, quod est impossibile: nisi dicatur quod Angelus assumit hominem, quod videtur inconveniens. Si autem non sunt veræ species, hoc etiam inconveniens videtur; non enim decet aliqua fictio Angelos veritatis. Nullo ergo modo Angelus corpus assumit.

10. Præterea, sicut supra habitum est, art. 3, 4 et 5 hujus quæst., Angeli et demones virtute suæ nature non possunt facere in istis corporibus effectus aliquos, nisi mediante virtutibus naturalibus. Sed virtutes naturales non insunt rebus corporalibus ad formandum speciem humani corporis, nisi per determinatum modum generationis, et nisi ex determinato semine; qualiter constat quod Angeli corpus non assumunt; et eadem ratio est de aliis formis corporum in quibus Angeli aliquando apparent. Ergo non potest esse hoc, per hoc quod Angeli assumant corpora.

11. Præterea, oportet quod movens aliquid induat corpori moto. Non potest autem induere, nisi aliquo modo contingat. Cum ergo non possit esse contactus Angelorum ad corpora, videtur quod non possint movere, et per consequens nec assumere.

12. Sed dicendum, quod Angeli imperio solo movent corpus motu locali. — Sed contra, movens et motum oportet esse simul, ut probatur in VII Physic. (com. x usque ad XIII). Sed ex hoc quod Angelus aliquid imperat voluntate sua, non est simul cum corpore quod per ipsum moveri dicitur. Ergo solo imperio movere non potest.

13. Præterea, motus (1) corporalis non obedit Angelis ad nutum quantum ad sui formationem, sicut supra habitum est, art. 3, 4 et 5 hujus quæst. Figura autem, quedam forma est. Ergo non potest solo imperio Angeli corpus aliquod figurari et habeat effigiem hominis aut alieus hujusmodi, in quo Angelus appareat.

14. Præterea, super illud Psalm. x: *Dominus in templo sancto suo*, dicit Glossa (interlinearis), quod etsi demones exterius simulacris præsideant, intus tamen esse non possunt; et eadem ratione nec in aliis corporibus. Sed si corpora assumunt, oportet eos in corporibus assumptis esse. Ergo non est dicendum, quod corpora assumant.

h. Forte materia.

15. Præterea, si assumunt aliquod corpus; aut toti corpori ununtur, aut alicui parti ejus. Si solum alicui parti, non poterunt totum corpus movere, nisi unam partem moveant altera mediante; quod non videtur posse contingere, nisi corpus assumptum habeat partes organicas determinatas ad motum; quod est solum corporum animatorum. Si autem toti corpori ununtur immediate, oportet quod sit in qualibet parte corporis assumpti Angelus; et constat quod totus, cum sit impartibilis. Ergo erit in pluribus locis simul; quod est solius Dei. Non ergo Angelus potest corpus assumere.

Sed contra est quod legitur de Angelis apparentibus Abrahamæ, ut habetur in Genes., XVIII, qui in corporibus assumptis apparuerunt; et similiter de Angelo qui Tobie apparuit.

Respondeo dicendum, quod quidam eorum qui sacra Scriptura credunt, in qua apparitiones Angelorum leguntur, dixerunt, quod Angeli nunquam corpora assumunt, sicut patet de Rabbi Moysæ, qui hanc opinionem ponit; unde dicit, quod omnia quæcumque in sacra Scriptura leguntur de apparitione Angelorum, contingunt in visionis prophetice, secundum scilicet imaginariam visionem, quandoque quidem in vigilando, quandoque vero in dormiendo. Et hæc positio veritatem Scripturæ non salvat. Ex ipso enim modo loquendi quo Scriptura utitur, datur intelligi quid significetur ut res gesta, et quid per modum prophetice visionis. Cum enim aliqua apparitio per modum visionis debeat intelligi, ponuntur aliqua verba ad visionem pertinentia; sicut quod dicitur Ezech., VIII, 3: *Elevavit me spiritus inter cælum et terram, et adduxit me in Hierusalem in visionibus Domini*. Unde patet quod illa quæ fieri simpliciter narrantur, simpliciter etiam intelligi debeat esse gesta. Sic autem legitur de pluribus apparitionibus in veteri Testamento. Unde simpliciter concedendum est quod Angeli quandoque corpus assumunt, formando corpus sensibile, exteriori sive corporali visioni subjectum; sicut et quandoque aliquas species in imaginatione formando apparent secundum imaginariam visionem. Hoc autem conveniens est propter tres rationes. Primo quidem et principaliter, quia omnes illæ apparitiones veteris Testamenti ad illam apparitionem ordinantur in qua Filius Dei visibilis mundo apparuit, ut Augustinus dicit (in III de Trin., cap. XI et XII). Unde cum Filius Dei verum corpus assumpserit, et non phantasticum ut Manichæi fabulantur, conveniens fuit ut etiam veræ corpora assumendo, Angeli hominibus apparerent. Secunda ratio potest sumi ex verbis Dionysii in epistola quam scribit ad Titum; dicit enim, quod ideo in divina Scriptura res divine nobis sub sensibilibus traduntur, inter alias rationes, ut lotus homo, inquantum possibile est, ex participatione divinorum perficiatur, non solum intellectu capiendi intelligibilem veritatem, sed etiam in natura sensibili per sensi-

biles formas, quæ sunt velut quedam imagines divinorum. Unde similiter cum Angeli hominibus appareant ad eos perficiendos, conveniens est ut non solum intellectum illuminent per intellectualem visionem; sed quod etiam imaginationi provideant et exteriori sensui per imaginariam visionem, corporum scilicet assumptorum. Unde et hæc triplex visio assignatur ab Augustino (XI super Genes. ad lit., cap. vii et xxiv). Tertia ratio potest esse, quia etsi Angeli natura sint nobis superiores per gratiam tamen adipiscimur eorum æqualitatem et societatem; sicut habetur Math., xxii, 39: *Erunt sicut Angeli in celo*. Et ideo, ut suam familiaritatem et affinitatem ad nos ostendant, nobis suo modo per corpus assumptionem conformantur; ut quod nostrum est accipientes, nostrum intellectum in illud assurgere faciant quod proprium est ipsorum; sicut et Filius Dei dum ad nos descendit, ad sua nos elevavit. Dæmones autem quando in Angelos lucis se transfigunt, quod boni Angeli ad nostram profectum faciunt, ipsi ad deceptionem facere moluntur.

AD PRIMUM ergo dicendum, quod non omne corpus quod movet, Angelus assumit. Assumere enim dicitur quasi ad se sumere. Assumit ergo Angelus corpus non ut suæ naturæ uniat, sicut homo assumit cibum; neque ut uniat suæ personæ, sicut Filius Dei assumpsit humanam naturam; sed ad suam representationem, illo modo quò intelligibilia per sensibilia representari possunt. Tunc ergo Angelus corpus assumere dicitur quando corpus aliquod hoc modo format quod ad representationem suam est aptum; sicut patet per Dionysium in fine celestis Hierar., (cap. v a med.), ubi ostendit quod per corporales formas, Angelorum proprietates intelliguntur.

AD SECUNDUM dicendum, quod non solum imaginaria visio est utilis ad nostram instructionem sed etiam corporalis, ut dictum est.

AD TERTIUM dicendum, quod, sicut dicit Augustinus in III de Trinit., cap. xi, et xii, omnes Dei apparitiones quæ in veteri Testamento leguntur, factæ sunt ministerio Angelorum, qui aliquas species vel imaginarias vel corporeas formant, per quas animus hominis videntis in Deum reducerent; sicut et sensibilibus figuris possibile est hominem in Deum reduci. Corpora ergo apparentia, in apparitionibus prædictis Angeli assumpsérunt; sed in eis Deus apparuisse dicitur quia ipse Deus erat in eis, per representationem huiusmodi corporum, Angeli mentem hominis elevare intendebant. Et ideo in illis apparitionibus Scriptura quandoque commemorat Deum apparuisse, quandoque Angelum.

AD QUARTUM dicendum, quod nulla res habet potestatem supra suum esse; omnis enim rei virtus ab essentia ejus fluit, vel essentiam presupponit. Et quia anima per suum esse unitur

corpori ut forma, non est in potestate ejus ut ab unione corporis se absolvat; et similiter non est in potestate Angeli quod se uniat corpori secundum esse et formam; sed potest corpus assumere modo prædicto, cui unitur ut motor, et ut figuratum figuræ.

AD QUINTUM dicendum, quod istæ duæ operationes, assumere corpus et ministrare, sunt ad invicem ordinate, et ideo nihil prohibet quin ea Angelus simul exequatur.

AD SEXTUM dicendum, quod si proportio secundum commensurationem accipiatur, non potest esse Angeli ad corpus proportio; cum eorum magnitudines non sint unius generis, nec rationis ejusdem; nihil tamen prohibet quin sit aliqua habitudo Angeli ad corpus, ut motoris ad motum et figurati ad figuram; quæ proportio potest dici.

AD SEPTIMUM dicendum, quod ex quolibet elemento potest Angelus corpus assumere, vel etiam ex pluribus elementis commixtis. Magis tamen competit quod ex aere corpus assumat, qui potest inspissari facilius, et sic figuram recipere et retinere et per alicujus lacui corporis oppositionem diversimode colorari, sicut in nubibus patet; ut quantum ad præsens non sit differentia inter puram aerem et vaporem seu fumum, qui in aeris naturam tendunt.

AD OCTAVUM dicendum, quod illa divisione dividitur unum simpliciter. Sic autem Angelus corpori non unitur, sed secundum quid, sicut motor mobili et ut figuratum figuræ, sicut supra dictum est.

AD NONUM dicendum, quod corpora illa quæ Angeli assumunt, habent quidem veras formas quantum ad id quod sensus percipere potest, quæ sunt sensibilia per se, sicut color et figura; non autem quantum ad naturam speciei, quæ est sensibile per accidens. Nec propter hoc oportet quod sit ibi aliqua fictio, quia formas humanas non obijciunt oculis Angeli ut homines esse credantur, sed ut per humanas proprietates, Angelorum virtutes cognoscantur; sicut nec etiam metaphoricæ locutiones sunt falsæ, in quibus ex aliorum similitudinibus res aliæ significantur.

AD DECIMUM dicendum, quod licet virtutes naturales corporum non sufficiant ad inducendum veram speciem humani corporis nisi per debitum modum generationis; sufficient tamen ad inducendum similitudinem humanorum corporum quantum ad colorem et figuram et ad huiusmodi accidentia exteriora, et præcipue cum ad plura horum sufficere videatur motus localis aliquorum corporum, per quem et vapores condensantur et rarefiunt, et nubes diversimode figurantur.

AD UNDECIMUM dicendum, quod Angelus movens corpus assumptum influit ei motum, et tangit non tactu corporali sed spirituali, per suam virtutem.



Ad DUODECIMUM dicendum, quod imperium Angeli requirit executionem virtutis; unde oportet quod sit quidam tactus spiritalis ad corpus quod movet.

Ad DECIMUMTERTIUM dicendum, quod figura est quedam forma que per abscisionem materie et condensationem vel rarefactionem, vel ductionem aut aliquem motum huiusmodi potest fieri in materia. Unde non est eadem ratio de hac forma et aliis.

Ad DECIMUMQUARTUM dicendum, quod esse in aliquo corpore potest intelligi dupliciter: uno modo ut sit infra terminos quantitatis; et sic nihil prohibet diabolum in aliquo corpore esse: alio modo ut sit intra rei essentiam ut dans esse rei et operans in re, quod est solius Dei proprium, quamvis Deus non sit pars essentie alienius rei. Potest autem et secundum Glossam intelligi demon in simulacro non esse sicut idololatree putabant, ut scilicet ex simulacro et spiritali habitante fieret unum.

Ad DECIMUMQUINTUM dicendum, quod Angelus est totus in toto corpore assumpto et in qualibet parte eius, eadem ratione qua et anima; fiet enim non sit forma corporis assumpti ut anima, est tamen motor. Movens autem et motum oportet esse simul. Et tamen non sequitur ut sit in pluribus locis simul, comparatur enim totum corpus assumptum ad Angelum sicut unus locus.

ARTICULUS VIII. — *Utrum Angelus vel dæmon per corpus assumptum possit operationes viventis corporis exercere.* (I part., quest. II, art. 3; et quod. 3, art. 5.)

Octavo quaeritur, utrum Angelus vel dæmon per corpus assumptum possit operationes viventis corporis exercere. Et videtur quod non. Cuiusque enim competi habere virtutem ad aliquod opus, competi ei habere ea sine quibus illud opus haberi non potest; alias talis virtus frustra ei adesset. Sed huiusmodi opera viventium corporum sine corporis organo exerceri non possunt. Cum ergo Angelus non habeat corporis organa naturaliter sibi unita, videtur quod non possit predicta opera exercere.

2. Præterea, anima est nobilior quam natura. Sed Angelus non potest opus nature facere nisi mediante virtute naturali. Ergo multo minus potest facere opera anime per corpus assumptum quod anima caret.

3. Præterea, inter omnes operationes anime que per organa complentur, actus sensuum sunt propinquiores intellectuali operationi, qua est propria Angeli. Sed Angelus per corpus assumptum non potest sentire vel imaginari. Ergo multo minus potest opera alia anime facere.

4. Præterea, locutio non fit sine voce. Vox autem est sonus ab ore animalis prolatus. Cum ergo Angelus utens corpore as-

sumpto non sit animal, videtur quod loqui non possit per corpus assumptum, et multo minus alia facere: nam locutio propinquissima sibi videtur, cum sit intellectus signum.

5. Præterea, ultima operatio anime vegetabilis in uno et eodem individuo est generatio: prius enim nutritur et augetur animal quam generet. Sed non potest dici quod Angelus, vel corpus assumptum ab ipso, nutriatur vel motu augmenti moveatur. Ergo non potest esse quod corpus assumptum generet.

6. Sed dicendum, quod Angelus vel dæmon per corpus assumptum generare potest, non quidem semine ex corpore assumpto deciso, sed semine hominis in muliere transfuso; sicut et adhibendo alia propria semina quosdam veros effectus naturales causat. Sed contra: semen animalis præcipue ad generationem operatur per calorem naturalem. Si autem dæmon semen portaret per aliquam magnam distantiam, impossibile videtur quin calor naturalis evaporaret. Ergo non posset fieri generatio hominis per modum prædictum.

7. Præterea, secundum hoc, ex tali semine homo non generaretur nisi secundum virtutem humani seminis. Ergo illi qui dicuntur a demonibus generari, non essent maioris stature et robustiores aliis qui committunt per semen humanum generantur; cum tamen dicatur Genes., VI, 4 (aliis verbis), quod cum ingressi essent filii Dei ad filias hominum illaque genuerunt, nati sunt gigantes, potentes a sæculo viri famosi.

8. Præterea, comestio ad nutrimentum ordinatur. Si ergo Angeli in corporibus assumptis non nutriantur, videtur quod nec etiam comedant.

9. Præterea, ad ostendendum veritatem corporis humani resurgentis, Christus post resurrectionem comedere voluit. Si autem Angeli vel dæmones in corporibus assumptis comedere possent, non esset comestio efficax argumentum resurrectionis, quod potest esse falsum. Non ergo Angeli vel dæmones per corpus assumptum comedere possunt.

1. Sed contra est quod dicitur, Gen., XVII, 9, de Angelis qui apparuerunt Abraham: *Cum comedisset, dixerunt ad eum: Ubi est Sara uxor tua?* Ergo et comedunt et loquuntur Angeli in corporibus assumptis.

2. Præterea, Genes., VI, super illud: *Videntes filii Dei etc.*, dicit Glossa Hieron.: *Verbum Hebraicum עֲבָרִים ubriusque numeri est: Deum enim et Deos significat. Ideo Aquila filios Deorum dicere ausus est Deos, Sanctos vel Angelos intelligens.* Ergo videtur quod Angeli generent.

3. Præterea, sicut per artem hominis nihil fit frustra, ita nec per artem Angeli. Frustra autem assumerent corpora disposita ad modum organi corporis, nisi illis organa crearentur. Ergo videtur quod exercerent in corporibus assumptis opera organis

convenientia, sicut quod videant per oculos, et audiant per aures, et sic de aliis.

Respondet dicendum, quod actio aliqua ex duobus naturalium speciem accipere videtur: scilicet ex agente et termino. Calor factio enim ab infrigidatione differt, quia una earum ex calore procedit et ad calorem terminatur; alia vero a frigore et ad frigus. Proprie tamen actio, sicut et motus, a termino speciem habet: a principio autem habet proprie quod sit naturalis. Motus enim et actiones naturales dicuntur quæ sunt a principio intrinseco. Considerandum est ergo quod in operationibus animæ, quedam sunt quæ non sunt solum ab anima sicut a principio, sed etiam terminantur ad animam et ad corpus animatum; et huiusmodi actiones Angelis in corporibus assumptis attribui non possunt neque secundum similitudinem speciei neque secundum naturalitatem actionis, sicut sentire, augeri, nutrire et similia. Sensus enim est secundum motum a rebus ad animam; similia nutrimentum et augmentum est per hoc quod aliquid generatur et additur corpori viventi. Quedam vero actiones sunt animæ quæ quidem sunt ab anima sicut a principio, terminantur tamen ad aliquem exteriorem effectum; et si quidem talis effectus per solam corporis divisionem vel motum localem produci possit, talis actio attribuetur Angelo per corpus assumptum quantum ad similitudinem speciei in effectu, non tamen erit vere naturalis actio, sed similitudo talis actionis; sicut patet in locutione, quæ formatur per motum organorum et aeris, et comestione (1), quæ periclitatur per divisionem cibi et trajectionem in partes interiores. Unde locutio quæ attribuitur Angelis in corporibus assumptis, non est vere naturalis locutio, sed quedam similitudinaria per similitudinem effectus; et similiter dicendum est de comestione. Unde et Tobias, xii, 18, dicit Angelus: *Cum essem vobiscum . . . videbar quidem vobiscum manducare et bibere; sed ego cibo invisibili et potu utar.* Si autem talis effectus requirat transmutationem secundum formam, tunc non poterit fieri per Angelum; nisi forte mediante naturali actu, sicut patet de generatione.

Ad PRIMUM ergo dicendum, quod huiusmodi operationes non naturaliter Angelus exercet, et ideo non oportet quod habeat naturaliter organa unita.

Ad SECUNDUM dicendum, quod veras operationes animæ Angelus non facit, sed similitudinarias, ut dictum est.

Ad TERTIUM dicendum, quod iam dictum est, in corp., quare sensus non potest Angelis in corporibus assumptis attribui.

Ad QUARTUM dicendum, quod vera locutio attribui non potest Angelo in corpore assumpto, sed solum similitudinaria, ut dictum est, ubi supra.

Ad QUINTUM dicendum, quod Angelis bonis generare nun-

(1) *Al. et comestio.*

quam attribuitur; sed de demonibus est duplex opinio. Quidam enim dicunt, quod demones etiam nullo modo generare possunt in corporibus assumptis, propter rationes in objiciendo inductas. Quibusdam vero videtur quod generare possunt, non quidem per semen a corpore assumpto decedens, vel per virtutem suæ nature, sed per semen hominis adhibitum ad generationem, per hoc quod unus et idem demon sit ad virum succubus, et semen ab eo receptum in muliere transfundit, ad quam fit incubus. Et hoc satis rationabiliter sustineri potest, cum etiam alias res naturales causent, propria semina adhibendo, ut Augustinus dicit (in III de Trin., cap. viii et ix).

Ad SEXTUM dicendum, quod circa evaporationem sominis potest demon remedium adhibere, tum per velocitatem motus, tum adhibendo aliqua fomenta, per quas calor naturalis conservetur in semine.

Ad SEPTIMUM dicendum, quod proculdubio generatio predicto modo facta, virtute humani seminis fit. Unde homo sic genitus, non esset filius demonis, sed viri cuius fuit semen. Et tamen possibile est quod per talem modum homines fortiores generentur et majores; quia demones volentes in suis effectibus mirabiles videri, observando determinatum situm stellarum, et viri et mulieris dispositionem, possunt ad hoc cooperari. Et præcipue si semina, quibus utuntur sicut instrumentis, per talem usum aliquod augmentum virtutis consequantur.

Ad OCTAVUM dicendum, quod comestio attribuitur Angelis in corporibus assumptis, non quantum ad finem, qui est nutritio, sed simpliciter quantum ad comestionis actum; et similiter etiam Christo post resurrectionem, cuius corpori non erat tunc aliquid addibile. In hoc tamen differt, quod comestio Christi fuit vere naturalis comestio, utpote ejus existens qui animam vegetabilem habebat; et sic potuit esse argumentum veritatis nature. In utraque tamen comestione cibus non est conversus in carnem et sanguinem, sed resolutus in materiam præ-jacentem.

Et per hoc patet responsio ad nonum.

Ad PRIMUM vero quod in contrarium objicitur, dicendum, quod comestio et locutio qualiter Angelis sit attribuenda, dictum est, in corp. art.

Ad SECUNDUM dicendum, quod per filios Dei intelligit quidem filios Seth, qui erant Dei filii per gratiam, et Angelorum per imitationem. Filii autem hominum dicebantur filii Cain, qui a Deo recesserant, carnaliter viventes.

Ad TERTIUM dicendum, quod instrumenta sensuum assumunt Angeli, non ad utendum, sed ad signandum. Unde etsi per ea non sentiant, non tamen frustra assument.

ARTICULUS IX. — *Utrum operatio miraculi sit attribuenda fidei.*

Nono quaeritur, utrum operatio miraculi sit attribuenda fidei. Et videtur quod non. Gratia enim gratis datae a virtutibus differunt, eo quod virtutes sanctis omnibus sunt communes, gratiae vero gratis datae diversis distribuuntur, secundum illud I ad Corinth. . xii. 4 : *Divisiones gratiarum sunt.* Sed facere miracula est gratia gratis datae; unde in eodem capitulo dicitur : *A Hi operatio virtutum, etc.* Ergo facere miracula non est attribuendum fidei.

2. Sed dicendum, quod attribuitur fidei tamquam merenti, gratia gratis datae tamquam exequenti. — Sed contra est quod dicit Glossa (ordinaria super illud Matth. . vii : *Domine, nonne tu nomine tuo prophetasus ? etc.*) : *Prophetare, virtutes facere, dormones ejicere, videndum non est meriti illius qui operatur; sed invocatio nominis Christi.* Ergo videtur quod sit fidei attribuendum.

3. Præterea, caritas est principium et radix merendi, sine qua fides informis mereri non potest. Si ergo fidei propter meritum attribuitur operatio miraculorum, magis est attribuenda caritati.

4. Præterea, cum sancti orando miracula faciant, illi virtuti præcipue debet miraculorum operatio attribui quæ facit ut oratio exaudiat. Hoc autem facit caritas; unde dicitur Matth. . xviii. 19 : *Si duo ex vobis consenserint super terram de omni re, quamcumque petierint, fiet illis a Patre meo;* et in Psalm. xxxvi. 4, dicitur : *Delectare in Domino, et dabit tibi petitiones cordis tui;* caritas enim est quæ facit homines delectari in Deo per amorem Dei, et consentire hominibus per amorem proximi. Ergo caritati debet attribui miraculorum operatio.

5. Præterea, dicitur Joan. . ix. 31 : *Scimus quia peccatores Deus non audit.* Caritas autem est quæ sola peccata remouet : quia, ut dicitur Proverb. . x. 12. *universa delicta operit caritas.* Ergo caritati et non fidei debet attribui miraculorum operatio.

6. Præterea, sancti homines non solum orando impetrant miracula fieri, sed etiam miracula faciunt ex potestate, ut Gregorius dicit in II Dialog. . cap. xxx. Hoc autem est in quantum homo Deo ungitur, ut sic divina virtus homini coassistat : quam quidem unionem caritas facit : quia qui adhæret Deo, scilicet per caritatem, *unus spiritus est,* ut dicitur I Corinth. . vi. 17. Ergo caritati debet attribui miracula facere.

7. Præterea, caritati præcipue opponitur invidia; nam caritas congaudet bonis, de quibus invidia tristatur. Sed immutatio in malum per fascinationem attribuitur invidiæ, ut dicitur in Glossa Gal. . iii (ordinaria super illud : *Quis fascinavit ?*) Ergo et miraculorum operatio est attribuenda caritati.

8. Præterea, intellectus non est principium operationis nisi

mediate voluntate. Fides autem est in intellectu, caritas autem in voluntate. Ergo nec fides operatur nisi per caritatem; unde dicitur Gal. . v. 6 : *Fides quæ per dilectionem operatur.* Sicut ergo operatio, actum virtutis magis attribuitur caritati quam fidei, ita et operatio miraculorum.

9. Præterea, omnia alia miracula ad incarnationem Christi ordinantur, quæ est miraculum miraculorum. Sed incarnatio Christi attribuitur caritati; unde dicitur Joan. . iii. 16 : *Sic Deus dilexit mundum ut Filium suum unigenitum daret.* Ergo et alia miracula sunt caritati attribuenda, et non fidei.

10. Præterea, quod Sara anus et sterilis de vetulo concepit filium, miraculosum fuit. Hoc autem attribuitur spei, ut dicitur Rom. . iv. 18 : *Qui contra spem in spem credidit.* Ergo operari miracula attribuendum est spei, non fidei.

11. Præterea, miraculum est aliquod arduum et insolitum, ut Augustinus dicit (tract. viii in Joan. . iii et de Trin. . cap. v). Arduum autem est objectum spei. Ergo spei debet attribui operatio miraculorum.

12. Præterea, miraculum est manifestativum divinæ potentie. Sed sicut bonitati, quæ appropriatur Spiritui sancto, respondet caritas, et veritati, quæ appropriatur Filio, respondet fides; ita potestati, quæ appropriatur Patri, respondet spes. Ergo facere miracula est attribuendum spei, et non fidei.

13. Præterea, Augustinus dicit in lib. LXXXIII QQ. : quæst. lxxxix, quod mali homines interdum faciunt miracula per publicam justitiam. Ergo operatio miraculorum est attribuenda justitiæ, et non fidei.

14. Præterea, Act. . vi. 8, dicitur, quod *Stephanus plenus gratia et fortitudine faciebat prodigia et signa in populo.* Ergo videtur quod sit attribuendum fortitudini.

15. Præterea, Matth. . xvii. 20, dicit Dominus discipulis, qui daemoniacum sanare non poterant : *Hoc genus demoniorum non ejicitur, nisi oratione et jejunio.* Sed ejicere demonia inter miracula computatur; jejunium autem est actus virtutis abstinentiæ. Ergo ad abstinentiam pertinet miracula facere.

16. Præterea, Bernardus dicit, quod cum muliere semper esse et feminam non cognoscere, majus est quam mortuum suscitare. Hoc autem facit caritas. Ergo castitatis est miracula facere, et non fidei.

17. Præterea, illud quod est in derogationem fidei, non est fidei attribuendum. Sed miracula sunt in derogationem fidei : quia infideles imputabant ea magicæ arti. Ergo fidei non debet attribui facere miracula.

18. Præterea, fides Petri et Andree commendatur a Gregorio (homil. v in Evangel.), de hoc quod nullis miraculis visis crederent. Ergo operatio miraculorum derogat fidei; et sic idem quod prius.

19. Præterea, posita causa ponitur effectus. Si ergo fides est causa faciendi miracula, omnes qui fidem habent, miracula facerent; quod patet esse falsum. Non ergo fidei est facere miracula.

Sed contra est quod dicitur Marci, ult., 17: *Signa autem eos qui crediderint, hæc sequentur: in nomine meo dæmonia ejectionem, etc.*

Præterea, Matth., xvii, 19, Dominus dicit: *Si habueritis fidem sicut granum sinapis, dicetis monti: move, Transi hinc, et transibit; et nihil impossibile erit vobis.*

Præterea, si unum oppositum est causa oppositi, et reliquum oppositum est causa reliqui. Sed incredulitas est causa impediens miraculorum operationem: unde dicitur Marci, vi, 5, de Christo: *Non poterat tibi, hoc est in patria sua, facere miracula, nisi paucos infirmos impositis manibus curavit: et mirabatur propter incredulitatem illorum;* et Matth., xvii, 18, dicitur, Dominum respondisse discipulis querentibus: *Quare non potuimus ejectionem dæmonium? Propter incredulitatem, inquit, vestram.* Ergo et fides est causa faciendi miracula.

Respondeo dicendum, quod homines sancti miracula faciunt dupliciter, secundum Gregorium in II Dialogo, (cap. xxx), scilicet oratione impetrando ut miracula divinitus fiant, et per potestatem. Utroque autem modo fides idoneum reddit hominem ad miracula faciendam. Ipsa enim meretur proprie ut oratio exaudiat de miraculis faciendis. Quod hæc ratione videri potest. Sicut enim in rebus naturalibus videmus quod a causa universali omnes particulares causæ sunt efficaciam agendi; tamen effectus determinatur et proprius attribuitur causæ particulari, sicut patet de virtutibus activis inferiorum corporum respectu virtutis celestis corporis, et de oculis inferioribus, qui etsi sequantur motum primi orbis, habent tamen singuli proprios motus: ita etiam est de virtutibus quibus meremur. Nam omnes habent efficaciam merendi a caritate, qua nos unit Deo: quod meremur, et voluntatem perficit qui meremur; singule tamen virtutes merentur singularia quedam præmia eis proportionaliter respondentia; sicut humilitas meretur exaltationem, et paupertas regnum. Unde quandoque caritate cessante, per actum aliarum virtutum etiam aliqui nihil merentur ex condigno, ex quadam tamen divina liberalitate aliqua congrua beneficia retribuit pro huiusmodi actibus, saltem in hoc mundo: unde dicitur, quod per ea que sunt ex genere bona, extra caritatem facta, merentur aliquid ex congruo interdum honorum temporalium multiplicationem. Per hunc autem modum fides meretur miraculorum operationem: licet radix merendi sit ex caritate. Cujus ratio potest triplex assignari. Primo quidem, quia miracula sunt quedam argumenta fidei, dum per ea facta que naturam excedunt, illorum veritas comprobatur que na-

turalem transcendunt rationem: unde Marci., ult., 20, dicitur: *Illi profecti prædicaverunt ubique, Domino cooperante et sermonem confirmante sequentibus signis.* Secunda ratio est, quia fides potissime divins potentie innotuit, quam accipit ut rationem vel medium ad assentiendum his que supra naturam esse videntur: et ideo divina potentia in operatione miraculorum præcipue fidei coassistit. Tertia ratio est, quia miracula præter naturales causas sunt: fides autem est que non ex rationibus naturalibus et sensibilibus argumenta assumit, sed ex rebus divinis. Unde sicut paupertas temporalium rerum meretur divitias spirituales, et humilitas meretur celestem dignitatem; ita fides quasi contemnendo ea que naturaliter sunt, quodammodo miraculorum operationem meretur, que præter naturalem virtutem fit. Similiter autem et per fidem homo maxime disponitur ut ex potestate miracula faciat. Quod etiam ex tribus rationibus patet. Primo quidem, quia sicut supra dictum est, art. 4 hujus quest., sancti ex potestate miracula dicuntur facere, non quasi miraculorum principales auctores, sed sicut divina instrumenta, imperium divinum, cui natura obediit in miraculis, quodammodo ipsis rebus naturalibus presentantes. Quod autem divinum verbum in nobis habitat, est per fidem, que est quedam participatio in nobis divine veritatis; unde per ipsam fidem homo disponitur ad miracula faciendam. Secundo, quia sancti qui ex potestate miracula faciunt, operantur in virtute Dei agentis in natura. Actio enim Dei ad totam naturam comparatur, sicut actio anime ad corpus; corpus autem transmutatur præter ordinem principiorum naturalium præcipue per aliquam imaginationem fixam, ex qua corpus calefacit per concupiscentiam vel iram, aut etiam immutatur ad febrem vel lepram. Illud ergo facit hominem dispositum ad miracula faciendam quod dat ejus apprehensioni quandam fixationem et firmitatem. Hoc autem facit fides firma: unde firmitas fidei præcipue operatur ad miracula faciendam. Quod patet ex hoc quod dicitur Matthi., xxi, 21: *Si habueritis fidem et non hesitaveritis, non solum de ficulnea facietis, sed et si monti huic dixeritis, Tolle, et jacta te in mare, fiet; et Jacob., i, 6: Postulavit autem in fide, nihil hastans.* Tertio, quia cum miracula ex potestate per modum cujusdam imperii fiant, illud præcipue facit idoneum ad miracula faciendam ex potestate quod reddit aptum ad imperandum. Hoc autem est per quandam separationem et abstractionem ab illis quibus debet imperare. Unde et Anaxagoras dicit quod intellectus erat immixtus, ad hoc quod imperet. Fides autem animam abstrahit a rebus naturalibus et sensibilibus, et eam in rebus intelligibilibus fundat. Unde per fidem redditur homo aptus ad hoc quod per potestatem miracula faciat, et inde est etiam quod illæ virtutes ad faciendam miracula præcipue coope-

rantur, quæ animam hominis a rebus maxime corporalibus abstrahunt; sicut continentia et abstinencia, quæ retrahunt ab electionibus quibus homo sensibilibus rebus immergitur. Aliæ vero virtutes quæ ad disponenda temporalia ordinant, non ita ad faciendâ miracula disponunt.

AD PRIMUM ergo dicendum, quod facere miracula attribuitur gratiæ gratis datæ, sicut principio proximo fidei, aut sicut disponenti ad hujusmodi gratiam consequendam.

AD SECUNDUM dicendum, quod licet interdum aliquis peccator miracula faciat, non est hoc ex merito ejus, ex merito dico condigno; sed est ex quadam congruitate, in quantum fidem constanter confitetur, in cuius protestationem (1) Deus miracula facit.

AD TERTIUM dicendum, quod ex hoc quod caritas est major virtus fidei, largitur ipsi fidei efficaciam merendi; fides tamen magis congruit ad particulariter merendum miraculorum operationes: fides enim est perfectio intellectus, cujus operatio consistit in hoc quod res intellecta aliquo modo sunt in ipso; caritas autem est perfectio voluntatis, cujus operatio consistit in hoc quod voluntas in ipsam rem tendit. Unde per caritatem homo in Deo ponitur, et cum eo unam efficitur; per fidem autem ipsa divina ponuntur in nobis: unde dicitur Hebr. XI, 1, quod est *substantia rerum sperandarum*. Et præterea, miracula sunt ad confirmationem fidei, non autem ad confirmationem caritatis.

AD QUARTUM dicendum, quod caritas meretur, ut dictum est, petitionum exauditionem, sicut universale principium merendi; sed specialiter exaudiri in miraculis faciendis meretur fides, ut dictum est.

AD QUINTUM dicendum, quod sicut Glossa (August. in tract. XLIV in Joan., a. med.) ibidem dicit, verbum illud est cæci, qui nondum erat totaliter sapientia illuminatus; unde sententiam falsam continet. Nam interdum Deus peccatores audit ex sua liberalitate, licet non ex eorum merito. Et sic oratio eorum impetrat licet non sit meritoria; sicut et aliquando justî oratio meretur sed non impetrat; nam impetratio pertinet ad id quod petitur, et immititur soli gratiæ; meritum autem pertinet ad hunc quem quis meretur, et immititur justitiæ.

AD SEXTUM dicendum, quod caritas uni Deo sicut hominem in Deum trahens; per fidem vero divina ad nos trahuntur, ut dictum est prius.

AD SEPTIMUM dicendum, quod invidia in fascinatione effectum habere non posset, nisi imaginatio fixa ad hoc cooperaretur.

AD OCTAVUM dicendum, quod ratio illa probat quod fides per

(1) *Al. protestatione.*

caritatem meretur; et hoc supra concessum est. Et præterea, obiecto tenet in illis quæ propria virtutis homo facit, in quibus intellectus voluntatem dirigit, quæ potentie imperat exequenti. In his autem in quibus virtus divina est exequens, sola fides, quæ divine potentie immititur, sufficit ad operandum.

AD NOVUM dicendum, quod obiectio illa procedit de operatione miraculi secundum quod est a Deo; qui ad omnia quæ in creaturis operatur, ex amore movetur. Nam divinus amor non permisit omni sine germine esse, ut dicit Dionysius (4 cap. de div. Nom.). Non autem loquimur de operatione miraculi secundum quod est ab homine. Unde ratio non est ad propositum.

AD DECIMUM dicendum, quod spei non proprie attribuitur miracula facere; spes enim ordinatur ad aliquid consequendum, unde est solum de æternis et temporalibus; unde potest se extendere ad faciendâ. Et propter hoc in auctoritate inducta principalis fit mentio de spe quam de fide, cum dicitur, quod *in spem credidit*.

AD UNDICESIMUM dicendum, quod obiectum spei (1) est arduum consequendum, non autem arduum faciendum.

AD PROBECTUM dicendum, quod spei respondet divina potentia secundum sublimitatem suam majestatis, in cuius consecutionem spes tendit; sed ipsi potentia, secundum quod est mirabilem effectiva, præcipue immititur fides.

AD DECIMUMTERTIUM dicendum, quod publica justitia est ex fide, per quam tota Ecclesia justificatur, secundum illud Rom., III, 22: *Justitia autem Dei per fidem Jesu Christi*.

AD DECIMUMQUARTUM dicendum, quod fortitudo in passionibus tolerandis, et constantia confessionis erat in martyribus propter fidei firmitatem.

AD DECIMUMQUINTUM dicendum, quod etiam abstinencia ad miracula faciendâ cooperatur, non tamen ita principaliter sicut fides.

AD DECIMUMSEXTUM dicendum, quod licet feminam non cognoscere et semper cum femina commorari sit difficile, non tamen est miraculum, proprie miraculo sumpto; cum ex virtute creata dependeat, scilicet libero arbitrio.

AD DECIMUMSEPTIMUM dicendum, quod abusus miraculorum in his qui miraculis detrahebant non auferit eorum efficaciam ad fidem confirmandam quantum ad illos qui erant bene dispositi.

AD DECIMUMOCTAVUM dicendum, quod fides Petri et Andree commendatur propter promptitudinem credendi, quæ tanto major fuit, quanto minoribus administris indiguit ad credendum; inter quæ adminicula per se sunt miracula.

AD DECIMUMNONUM dicendum, quod fides non est sufficiens causa ad miracula faciendâ, sed dispositio quedam. Sunt

(1) *Al. dei.*

autem miracula secundum ordinem divinae providentiae, quae hominibus congrua remedia pro variis causis diversimode dispensat.

ARTICULUS X. — *Utrum daemones cogantur aliquibus et corporalibus rebus, factis aut verbis ad miracula faciendae.*

Decimo quaeritur, utrum daemones cogantur aliquibus sensibilibus et corporalibus rebus, factis aut verbis, ad miracula faciendae, quae per magicas artes fieri videntur. Et videtur quod sic, dicit enim Augustinus (X de Civ. Dei, cap. ix circa finem) introducens verba Porphyrii, quod quidam in Chaldaea tactus invidia, adjuratus (1) spirituales potentias precibus aligavit, ne ab alio postulata concederent. Et in XXI ejusdem lib. dicit: *Non potuit primum nisi daemones decantibus disci quid quisque illorum appetat, quid eorum, quo scilicet nomine, quo cogatur.* Ergo daemones a magis coguntur ad miracula faciendae.

2. Praeterea, quicumque facit aliquid contra suam voluntatem, aliquo modo cogitur. Sed daemones aliquando faciunt aliquid contra suam voluntatem per magos adjurati. Est enim voluntas daemoneis semper ad inducendum homines in peccatum; et tamen aliquis magica arte ad turpem amorem incitatus, eadem arte a violentia incitationis solvitur. Ergo daemones coguntur a magis.

3. Praeterea, de Salomone legitur, quod quosdam exorcismos fecit quibus daemones cogebantur ut ex obsessis corporalibus recederent. Ergo per adjurationes daemones cogi possunt.

4. Praeterea, si daemones advocati a mago veniunt, aut hoc est quia alliciuntur, aut quia coguntur. Sed non semper advocati alliciuntur. Advocantur enim per quosdam quae daemones odint, sicut per virginitatem imprecantis, cum tamen ipsi ad incestos concubitus homines deducere non moventur. Ergo videtur quod aliquando coguntur.

5. Praeterea, studium daemoneis est ut homines a Deo avertant. Sed ipsi advocati per aliqua quae reverentiam Dei sonant, sicut per invocationem divinae majestatis, adveniunt. Ergo non propria voluntate hoc faciunt, sed coacti.

6. Praeterea, si alliciuntur aliquibus sensibilibus, non alliciuntur eis sicut animalia cibis, sed sicut spiritus signis, quaecumque delectationi congruunt, per varia genera lapidum, herbarum, lignorum, animalium, carminum, rituum, ut Augustinus dicit (XXI de Civit. Dei, cap. vi, a med.). Sed signis allici non videntur; ejus enim allici signis est cujus est signis uti, quod quidem est solum habentis sensum: nam signum est quod praeter speciem quam ingerit sensibus facit aliquid aliud in agnitionem

(1) *Al. adjuratus.*

venire. Ergo daemones nullo modo alliciuntur sed magis coguntur.

7. Praeterea, Matth., XVII, 14, dixit quidam ad Jesum: *Domine, miserere filio meo, quia lunaticus est et mala patitur.* In Marco autem, cap. ix, 16, dicitur: *Attuli filium meum ad te habentem spiritum mutum.* Dicit autem Glossa (ordinaria) super verbo praedicto Matth.: *Hunc Marcus surdum et mutum dicit quem Mattheus nominat lunaticum, non quod luna daemoneis serviat, sed demon tonae cursum observans homines corrumpit.* Videtur ergo quod per observationem caelestium corporum et aliorum corporalium, daemones ad aliquid faciendum coguntur.

8. Praeterea, cum daemones ex superbia peccaverint, non est probabile quod alliciuntur illis quae eorum excellentiae derogare videntur. Advocantur autem per convocationes virtutis ipsorum, et per mendacia incredibilia quae derogant scientie ipsorum. Unde Augustinus dicit in X de Civ. Dei (cap. xi, in med.), introducens verba Porphyrii, sic dicens (1): *Quid enim hano villo cultibet obnoxius intendit minus (2), eosque terreat falso ut eis extorqueat veritatem, nam et cabum se collidere minatur et cetera similia, homini impossibilia, ut illi dii, tanquam insipientissimi pueri, falsis et ridiculis comminationibus territi quae imperatur efficiant?* Ergo daemones non alliciuntur, sed coguntur advocati.

9. Praeterea, voluntas daemoneis ad hoc tendit ut homines in culturam idolorum dejiciat: quod quidem praecipue fit per hoc quod spiritus daemoneum imaginibus adsunt. Si autem propria sponte advocati venirent, semper ad talia venirent. Non autem semper veniunt, nisi certis temporibus observatis, et determinatis carminibus et ritibus imaginibus consecratis, vel potius execratis. Non ergo daemones advocantur quasi allecti, sed quasi coacti.

10. Praeterea, aliquando daemones magicis artibus advocantur, ut homines ad turpem amorem inclinent. Hoc autem daemoneis propria voluntate facere intendunt. Non ergo esset opus ut allicerentur si semper hoc facerent advocati. Non semper autem hoc faciunt. Ergo quando faciunt, advocantur non ut allecti, sed quasi coacti.

Sed contra est quod dicitur Job, xli, 24: *Non est potestas super terram quae ei possit comparari, scilicet diabolo.* Major autem potestas non cogitur a minori. Ergo per nihil terrenum daemones cogi possunt.

Praeterea, non est ejusdem invocati et cogi. Invocantur enim majores, ut Porphyrius dicit; sed peioribus imperatur. Daemones autem veniunt advocati. Ergo non coguntur.

Sed dicendum, quod coguntur virtute divina. — Sed contra,

(1) *Al. dicens.* — (2) *Al. minatur.*

cogere demones ex virtute divina est per donum gratia, quo periclitur ordo coelestium potestatum. Hoc autem donum gratias non adest infidelibus, et hominibus sceleratis quales sunt magi. Ergo nec etiam virtute divina demones cogere possunt.

Praelerea, facere ea que divina virtute principaliter sunt non est peccatum, sicut facere miracula. Si ergo magi virtute divina demones cogent, utendo magicis artibus non peccarent, quod patet esse falsum. Non ergo demones aliquo modo magicis artibus coguntur.

Respondendo dicendum, quod circa effectus magicarum artium multiplex fuit opinio.

Quidam enim dixerunt, sicut Alexander, quod effectus magicarum artium fit per aliquas potentias et virtutes in rebus inferioribus generatis ex virtutibus quorundam inferiorum corporum, cum observatione coelestium motuum. Unde Augustinus dicit (X de Civit. Dei, cap. 1, a med.), quod Porphyrio videtur, herbis et lapidibus et amantibus et sonis certis quibusdam ac vocibus et figuratibus atque fumentis quibusdam, etiam observatis in coeli conversione motibus sideris, fabricari in terra ab hominibus potestates idoneas siderum variis effectibus exequendis. Hæc autem positio insufficientis videtur. Licet enim ad aliqua que magicis artibus fieri videntur, naturalium corporum superiorum et inferiorum vires sufficere possint, sicut ad quasdam corporum transmutationes; quedam tamen sunt magicis artibus ad que nulla vis corporalis se extendere potest. Constat vero quod locutio non est nisi ab intellectu. Per magicas autem artes aliqua heutiones aliquidum, respondentiam adfinitur; unde et oportet quod hoc fiat per aliquem intellectum, et præcipue cum de aliquibus oculis per huiusmodi responsa homines doceantur. Nec potest dici, quod hoc fiat per immutationem imaginationis solius per modum prestigii; quia tunc ista voces non ab omnibus circumstantibus audirentur, nec a vigilantibus et habitibus sensus solutos iste voces audiri possent. Unde relinquatur quod flant vel ex virtute anime hominis magicis artibus utentis, aut flant ab aliquo exteriori intellectu habente. Primum autem esse non potest; quod patet ex duobus: primo quidem, quia anima hominis ex sua virtute non potest venire ad cognitionem ignorantum nisi per aliqua sibi nota; unde ex voluntate anime hominis non potest fieri revelatio occultorum que fit per magicas artes, cum ad huiusmodi occulta faciende non sufficiant principia rationis; secundo, quia si sua virtute huiusmodi effectus anima magifaceret, non indigeret uti invocationibus aut aliis quibus huiusmodi exterioribus rebus. Constat autem quod huiusmodi effectus magicarum artium per aliquos exteriores spiritus sunt, non autem per spiritus justos et bonos; quod quidem ex duobus patet: primo, quia boni spiritus familiaritatem suam sceleratis hominibus non exhiberent, qua-

les plerumque sunt magicarum artium executores; secundo quia non cooperarentur hominibus ad illicita perpetranda, quod plerumque fit per magicas artes. Restat ergo hoc fieri per malos spiritus quos demones dicimus. Huiusmodi autem demones possunt intelligi cogi dupliciter; uno modo per aliquam superiorem virtutem, que eis necessitatem faciendi inducat; alio modo per modum alleccionis, sicut homines dicuntur ad aliquid cogi cujus concupiscentia alliciuntur. Neutro autem modo rebus corporalibus, per se loquendo, demones cogi possunt nisi supponantur habere corpora aerea naturaliter sibi unita et per consequens habere sensibiles affectiones ad modum aliorum animalium, sicut et Apuleius posuit demones esse animalia corpore aerea, animo passiva (Ex Augustino, VIII de Civit. Dei, cap. xv). Sic enim cogi possent utroque modo corporali virtute et corporum coelestium (ex quorum impressionibus in aliquas passiones inducerentur) et etiam inferioribus corporibus in quibus deleccarentur, sicut Apuleius dicit: *Et deleccantur in fumis sacrificiorum et in aliquibus talibus*. Sed huius opinionis falsitas ostensa est in præcedentibus questionibus.

Restat ergo quod demones, per quos magicas artes complementum habent, et coguntur et alliciuntur. Coguntur quidem a superiori; quandoque quidem ab ipso Deo, quandoque vero a sanctis et Angelis et hominibus virtute Dei. Nam ad ordinem Potestatum pertinere dicitur demones arere. Sancti autem homines sicut dono virtutum participant, inquantum miracula faciunt; ita dono Potestatum, inquantum efficiunt demones. Coguntur etiam interdum ab ipsis superioribus demonibus; que quidem sola coactio per magicas artes fieri potest. Coguntur etiam quasi allecti per artes magicas, non quidem rebus corporalibus propter seipsas, sed propter aliquid aliud. Primo quidem, quia per huiusmodi res corporales sciunt factibus posse compleri effectum ad quem invocantur; et hoc ipsi appellant ut scilicet eorum virtus admirabilis habeatur; et propter hoc sub certa constellatione ad vocati magis adveniunt. Secundo, inquantum huiusmodi corporalia sunt signa aliorum spiritualium quibus deleccantur. Unde Augustinus dicit (XXI de Civ. Dei, cap. vi, in medio); quod alliciuntur demones his rebus, non tamquam animalibus, sed quasi spiritibus signis. Quia enim homines in signum subiectionis Deo sacrificium offerunt et prostrationes faciunt, gaudent huiusmodi reverentia signa sibi exhiberi. Alliciuntur autem diversi demones diversi signis, secundum quod diversi vitis ipsorum magis conveniunt. Tertio alliciuntur his corporalibus rebus, inquantum homines per eas in peccatum adducuntur; et inde est quod alliciuntur mendaciis, et his que homines in errorem vel peccatum inducere possunt.

AD PRIMUM ergo dicendum, quod demones dicuntur cogi per magicas artes modis prædictis.

AD SECUNDUM dicendum, quod in hoc ipso dæmoni satisfi, si per hoc quod aliquod malum impedit et ad aliquod bonum cooperatur, facilius in sui familiaritatem et admirationem homines trahit. Nam et ipsi se transfigurant in Angelos Iudeis, sicut habetur II ad Corinth. , xi.

AD TERTIUM dicendum, quod si Salomon exorcismos suos eo tempore fecit quando erat in statu salutis, potuit esse in illis exorcismis vis cogendi dæmones ex virtute divina. Si autem tempore illo fecit quo idola adoravit, ut intelligatur eum per magicas artes fecisse, non fuit in illis exorcismis vis cogendi dæmones, nisi modo prædicto.

AD QUARTUM dicendum, quod a virginibus advocati adveniunt, ut ex hoc in suæ divinitatis opinionem homines adducant, quas munditiam amant.

AD QUINTUM dicendum, quod in hoc etiam quod ad invocationem divine virtutis adveniunt, volunt intelligi quod non sint a divina iustitia omnino exclusi; non enim sic divinitatem appetunt ut summo Deo velint æquari omnino; sed sub eo divinitatis cultum sibi ab hominibus exhiberi gaudent.

AD SEXTUM dicendum, quod dæmones non dicantur allici signis quasi ipsi signis utantur; sed quia homines signis uti consueverunt, delectantur in signis quibus homines utantur propter signatum.

AD SEPTIMUM dicendum, quod sicut Glossa ordinaria ibidem dicit, dæmones certis periodicis lunæ homines magis affligunt, ut creaturas Dei infamant, in hoc scilicet quod credantur dæmonibus servire, et per hoc homines in errorem mittant.

AD OCTAVUM dicendum, quod licet prædicta mendacia in derogationem virtutis dæmonum esse videantur; tamen hæc ipsum eis est delectabile, quod homines in mendaciis confidant; quia ipse est mendax et poter ejus.

AD NONUM dicendum, quod ad imagines advocati adveniunt certis horis et certis signis, rationibus prædictis.

AD DECIMUM dicendum, quod licet semper dæmones homines desiderant perturbare in peccata; tunc tamen magis adhuc nituntur quando magis ad hoc inclinantur, et quando plures possunt inducere in peccatum.

## QUÆSTIO VII

### DE DIVINE ESSENTIE SIMPLICITATE

(Et habet articulos (1) undecim.)

Primo enim queritur, utrum Deus sit simplex; 2<sup>o</sup> utrum in Deo sit substantia vel essentia idem quod esse; 3<sup>o</sup> utrum Deus

(1) *Al. decem, et voce mittitur qui est octavo, ceteris falso numeratis.*

sit in aliquo genere; 4<sup>o</sup> utrum bonum, iustum, sapiens et huiusmodi prædicent in Deo accedens; 5<sup>o</sup> utrum nomina prædicta significant divinam substantiam; 6<sup>o</sup> utrum ista nomina sint synonyma; 7<sup>o</sup> utrum huiusmodi nomina dicantur de Deo et creaturis univoce, vel æquivoce; 8<sup>o</sup> utrum sit aliqua relatio inter Deum et creaturam; 9<sup>o</sup> utrum relationes quæ sunt inter Deum et creaturas, sint relative in ipsis creaturis; 10<sup>o</sup> utrum Deus realiter referatur ad creaturam, ita quod relatio ipsa sit res aliqua in Deo; 11<sup>o</sup> utrum istæ relationes temporales sint in Deo secundum rationem.

### ARTICULUS PRIMUS. — Utrum Deus sit simplex.

Quæstio est de simplicitate divine essentia. Et primo queritur in generali, an Deus sit simplex. Et videtur quod non. Ab uno enim simpliciter non est natum esse nisi unum; idem enim semper facit idem, secundum Philosophum (lib. II Gen.). Sed a Deo procedit multitudo. Ergo ipse non est simplex.

2. Præterea, simplex si attingitur, totum attingitur. Sed Deus a beatis attingitur: quia, ut dicit Augustinus (in lib. de videndo Deum), attingere mente Deum magna est beatitudo. Si ergo sit simplex, totus attingitur a beatis. Sed quod totum attingitur, comprehenditur. Ergo Deus a beatis comprehenditur, quod est impossibile. Ergo Deus non est simplex.

3. Præterea, idem non se habet in ratione diversarum causarum. Sed Deus se habet in ratione diversarum causarum, ut patet XI Metaph. Ergo in eo oportet esse diversa: ergo oportet eum esse compositum.

4. Præterea, ubicumque est aliquid et aliquid, est compositio. Sed in Deo est aliquid et aliquid, scilicet proprietates et essentia. Ergo in Deo est compositio.

5. Sed dicendum, quod proprietates est idem quod essentia. — Sed contra, affirmatio et negatio non verificantur de eodem. Sed essentia divina est communicabilis tribus personis, proprietates autem est incommunicabilis. Ergo proprietates et essentia non sunt idem.

6. Præterea, de quocumque prædicantur diversa prædicamenta, illud est compositum. Sed in divina prædicatione venit substantia et relatio, ut dicit Boetius (in lib. de Trin., circa mod.). Ergo Deus est compositus.

7. Præterea, in qualibet re est substantia, virtus et operatio, ut dicit Dionysius (cap. xi cosl. Hier., circa mod.); ex quo videtur quod operatio sequitur virtutem et substantiam. Sed in operationibus divinis est pluralitas. Ergo in substantia ejus invenitur multitudo et compositio.

8. Præterea, ubicumque invenitur multitudo formarum, ibi oportet esse compositionem. Sed in Deo invenitur multitudo formarum; quia, sicut dicit Commentator (lib. XI Metaph.,



AD SECUNDUM dicendum, quod in hoc ipso dæmoni satisfi, si per hoc quod aliquod malum impedit et ad aliquod bonum cooperatur, facilius in sui familiaritatem et admirationem homines trahit. Nam et ipsi se transfigurant in Angelos Iudeis, sicut habetur II ad Corinth., xi.

AD TERTIUM dicendum, quod si Salomon exorcismos suos eo tempore fecit quando erat in statu salutis, potuit esse in illis exorcismis vis cogendi dæmones ex virtute divina. Si autem tempore illo fecit quo idola adoravit, ut intelligatur eum per magicas artes fecisse, non fuit in illis exorcismis vis cogendi dæmones, nisi modo prædicto.

AD QUARTUM dicendum, quod a virginibus advocati adveniunt, ut ex hoc in suæ divinitatis opinionem homines adducant, quas munditiam amant.

AD QUINTUM dicendum, quod in hoc etiam quod ad invocationem divine virtutis adveniunt, volunt intelligi quod non sint a divina iustitia omnino exclusi; non enim sic divinitatem appetunt ut summo Deo velint æquari omnino; sed sub eo divinitatis cultum sibi ab hominibus exhiberi gaudent.

AD SEXTUM dicendum, quod dæmones non dicantur allici signis quasi ipsi signis utantur; sed quia homines signis uti consueverunt, delectantur in signis quibus homines utantur propter signatum.

AD SEPTIMUM dicendum, quod sicut Glossa ordinaria ibidem dicit, dæmones certis periodicis lunæ homines magis affligunt, ut creaturas Dei infamant, in hoc scilicet quod credantur dæmonibus servire, et per hoc homines in errorem mittant.

AD OCTAVUM dicendum, quod licet prædicta mendacia in derogationem virtutis dæmonum esse videantur; tamen hæc ipsum eis est delectabile, quod homines in mendaciis confidant; quia ipse est mendax et poter ejus.

AD NONUM dicendum, quod ad imagines advocati adveniunt certis horis et certis signis, rationibus prædictis.

AD DECIMUM dicendum, quod licet semper dæmones homines desiderant perturbare in peccata; tunc tamen magis adhuc nituntur quando magis ad hoc inclinantur, et quando plures possunt inducere in peccatum.

## QUÆSTIO VII

### DE DIVINE ESSENTIE SIMPLICITATE

(Et habet articulos (1) undecim.)

Primo enim queritur, utrum Deus sit simplex; 2<sup>o</sup> utrum in Deo sit substantia vel essentia idem quod esse; 3<sup>o</sup> utrum Deus

(1) *Al. decem, et voce mittitur qui est octavo, ceteris falso numeratis.*

sit in aliquo genere; 4<sup>o</sup> utrum bonum, iustum, sapiens et huiusmodi prædicent in Deo accedens; 5<sup>o</sup> utrum nomina prædicta significant divinam substantiam; 6<sup>o</sup> utrum ista nomina sint synonyma; 7<sup>o</sup> utrum huiusmodi nomina dicantur de Deo et creaturis univoce, vel æquivoce; 8<sup>o</sup> utrum sit aliqua relatio inter Deum et creaturam; 9<sup>o</sup> utrum relationes quæ sunt inter Deum et creaturas, sint relative in ipsis creaturis; 10<sup>o</sup> utrum Deus realiter referatur ad creaturam, ita quod relatio ipsa sit res aliqua in Deo; 11<sup>o</sup> utrum istæ relationes temporales sint in Deo secundum rationem.

### ARTICULUS PRIMUS. — Utrum Deus sit simplex.

Quæstio est de simplicitate divine essentia. Et primo queritur in generali, an Deus sit simplex. Et videtur quod non. Ab uno enim simpliciter non est natum esse nisi unum; idem enim semper facit idem, secundum Philosophum (lib. II Gen.). Sed a Deo procedit multitudo. Ergo ipse non est simplex.

2. Præterea, simplex si attingitur, totum attingitur. Sed Deus a beatis attingitur: quia, ut dicit Augustinus (in lib. de videndo Deum), attingere mente Deum magna est beatitudo. Si ergo sit simplex, totus attingitur a beatis. Sed quod totum attingitur, comprehenditur. Ergo Deus a beatis comprehenditur, quod est impossibile. Ergo Deus non est simplex.

3. Præterea, idem non se habet in ratione diversarum causarum. Sed Deus se habet in ratione diversarum causarum, ut patet XI Metaph. Ergo in eo oportet esse diversa; ergo oportet eum esse compositum.

4. Præterea, ubicumque est aliquid et aliquid, est compositio. Sed in Deo est aliquid et aliquid, scilicet proprietates et essentia. Ergo in Deo est compositio.

5. Sed dicendum, quod proprietates est idem quod essentia. — Sed contra, affirmatio et negatio non verificantur de eodem. Sed essentia divina est communicabilis tribus personis, proprietates autem est incommunicabilis. Ergo proprietates et essentia non sunt idem.

6. Præterea, de quocumque prædicantur diversa prædicamenta, illud est compositum. Sed in divina prædicatione venit substantia et relatio, ut dicit Boetius (in lib. de Trin., circa mod.). Ergo Deus est compositus.

7. Præterea, in qualibet re est substantia, virtus et operatio, ut dicit Dionysius (cap. xi cosl. Hier., circa mod.); ex quo videtur quod operatio sequitur virtutem et substantiam. Sed in operationibus divinis est pluralitas. Ergo in substantia ejus invenitur multitudo et compositio.

8. Præterea, ubicumque invenitur multitudo formarum, ibi oportet esse compositionem. Sed in Deo invenitur multitudo formarum; quia, sicut dicit Commentator (lib. XI Metaph.,

com. xviii), omnes formae sunt actu in primo motore, sicut sunt in potentia in prima materia. Ergo in Deo est compositio.

9. Praeterea, quidquid advenit alicui rei post esse completum, inest et accidentaliter. Sed quaedam dicuntur de Deo ex tempore, sicut quod sit Creator et Dominus. Ergo insunt ei accidentaliter. Accidentis autem ad subjectum est aliqua compositio. Ergo in Deo est compositio.

10. Praeterea, ubicumque sunt multae res, ibi est compositio. Sed in Deo sunt tres personae, qua sunt tres res, ut dicit Augustinus in lib. de Doctr. christ., lib. 1, cap. v). Ergo in Deo est compositio.

Sed contra est quod Hilarius dicit (VIII de Trinit., inter med. et fin.) : *Non humanum modo ex compositis est Deus, ut in eo aliud sit quod habet, et aliud sit vase qui habet.*

Praeterea, Boetius dicit in lib. de Trin., ante medium) : *Hoc vere unum est in quo nullus est numerus.* Ubicumque autem est compositio, est aliquis numerus. Ergo Deus est absque compositione omnino simplex.

Réspóndeo dicendum, quod Deum esse simplicem modis omnibus tenendum est. Quod quidem ad praesens tribus rationibus potest probari; quarum prima talis est. Ostensum est enim in alia disputatione, omnia entia ab uno primo ente esse, quod quidem primum ens Deum dicimus. Quamvis autem in uno et eodem quod quandoque invenitur in actu, quandoque in potentia, potentia tempore prius sit actu, natura autem posterior; simpliciter tamen oportet actum esse priorem potentia, non solum natura sed tempore, eo quod omne ens in potentia reducit in actum ab aliquo ente actu. Illud ergo ens quod omnia entia fecit esse actu, et ipsum a nullo alio est, oportet esse primum in actu, absque aliqua potentiae permixtione. Nam si esset aliquo modo in potentia, oporteret aliud ens prius esse per quod fieret actu. In omni autem composito quocumque compositione, oportet potentiam actui commisceri. In compositis enim vel unum eorum ex quibus est compositio est in potentia ad alterum, ut materia ad formam, subjectum ad accidentis, genus ad differentiam; vel saltem omnes partes sunt in potentia ad totum. Nam partes ad materiam reducuntur, totum vero ad formam, ut patet in II Physic., (com. xxxi), et sic nullum compositum potest esse actus primum. Ens autem primum, quod Deus est, oportet esse actum primum, ut ostensum est. Impossibile est ergo Deum compositum esse; unde oportet quod sit omnino simplex. Secunda ratio est, quia cum compositio non sit nisi ex diversis, ipsa diversa indigent aliquo agente ad hoc quod uniantur. Non enim diversa, inquam huiusmodi, unita sunt. Omne autem compositum habet esse, secundum quod ea ex quibus componitur, uniantur. Oportet ergo quod omne compositum dependeat ab aliquo priore agente. Primum ergo ens, quod Deus est,

aquo sunt omnia, non potest esse compositum. Tertia ratio est, quia oportet primum ens, quod Deus est, esse perfectissimum, et per consequens optimum; non enim rerum principia imperfecta sunt, ut Pythagoras et Leucippus aestimaverunt. Optimum autem est in quo nihil est quod careat bonitate, sicut abissimum est in quo nihil nigredinis admisceatur. Hoc autem in nullo composito est possibile. Nam bonum quod resultat ex compositione partium, per quod totum est bonum, non inest alicui partium. Unde partes non sunt bonae illa bonitate quae est totius propria. Oportet ergo id quod est optimum, esse simplicissimum, et omni compositione carere. Et hanc rationem ponit Philosophus (XI Metaph.) et Hilarius (in lib. de Trin. VII, non longe a fine), ubi dicit, quod *Deus, quia lux est, non ex obscuris coarctatur, neque quia virtus est, ex infirmis contuitur.*

Ad primum ergo dicendum, quod intentio Aristotelis non est quod ab uno non possit procedere multitudo. Cum enim agens agat sibi simile, et effectus deficient a representatione suae causae, oportet quod illud quod in causa est unum, in effectibus multiplicetur; sicut in virtute solis sunt quasi unum omnes formae generabilium corporum, et tamen in effectibus distinguuntur. Rêxinde contingit quod per unam suam virtutem res aliqua potest inducere diversos effectus; sicut ignis per suum calorem liquefacit et coagulat, et mollicent et indurat, et comburit et denigrat. Et homo per virtutem rationis acquirit diversas scientias, et operatur diversas artium opera; unde et multo amplius Deus per unam suam simplicem virtutem potest multa creare. Sed Philosophus intendit, quod aliquid manens idem non facit diversa in diversis temporibus, si sit agens per necessitatem naturae; nisi forte per accidens hoc contingat ex diversitate materiae, vel alicuius alterius accidentis. Hoc tamen non est ad propositum.

Ad secundum dicendum, quod Deus a beatis mente attingitur totus, non tamen totaliter, quia modus cognoscibilitatis divinae excedit modum intellectus creati in infinitum; et ita intellectus creatus non potest Deum ita perfecte intelligere sicut intelligibilis est, et propter hoc non potest ipsum comprehendere.

Ad tertium dicendum, quod per unum et idem Deus in ratione diversarum causarum se habet; quia per hoc quod est actus primus, est agens, et est exemplar omnium formarum, et est bonitas pura, et per consequens omnium finis.

Ad quartum dicendum, quod proprietates et essentia in divinis non differunt re, sed ratione tantum; ipsa enim paternitas est divina essentia, ut post, quaest. seq. art. 1, patet.

Ad quintum dicendum, quod de eo quod est idem re et differens ratione, nihil prohibet contradictrici predicari, ut dicit Philosophus (III Phys., text. com. xxi), sicut patet quod idem

punctum re, differens ratione, est principium et finis; et secundum quod est principium, non est finis, et e contrario. Unde cum essentia et proprietates sint idem re et differant ratione, nihil prohibet quin unum sit communicabile et aliud incommunicabile.

Ad sextum dicendum, quod absoluta et relativa in divinis non differunt secundum rem, sed solum secundum rationem, ut dictum est; et ideo ex hoc nulla compositio relinquatur.

Ad septimum dicendum, quod operatio Dei potest considerari vel ex parte operantis vel ex parte operati. Si ex parte operantis, sic in Deo non est nisi una operatio, quae est sua essentia; non enim agit res per actionem aliquam quae sit media inter Deum et ipsum factum; sed per suum intelligere et suum velle, quae sunt ipsius esse. Si vero ex parte operati, sic sunt diversae operationes, et diversi effectus divinae operationis; hoc autem compositionem in ipso non inducit.

Ad octavum dicendum, quod forma effectus invenitur aliter in agente naturali, et aliter in agente per artem. In agente namque per naturam, invenitur forma effectus secundum quod agens in sua natura assimilatur sibi effectum, eo quod omne agens agit sibi simile. Quod quidem contingit dupliciter: quando enim effectus perfecte assimilatur agenti, utpote adaequans agentis virtutem, tunc forma effectus est in agente secundum eandem rationem, ut patet in agentibus univocis, ut cum ignis generat ignem; quando vero effectus non perfecte assimilatur agenti, utpote non adaequans agentis virtutem, tunc forma effectus est in agente non secundum eandem rationem, sed sublimiori modo; ut patet in agentibus equivocis, ut cum sol generat ignem. In agentibus autem per artem, formae effectuum praexistunt secundum eandem rationem, non autem eodem modo essendi; nam in effectibus habent esse materiale, in mente vero artificis habent esse intelligibile. Cum autem in intellectu dicitur esse aliquid sicut id quod intelligitur, et sicut species qua intelligitur; formae artis sunt in mente artificis sicut id quod intelligitur. Nam ex hoc quod artifex concepit formam artificiatum, productum eam in materia. Utraque autem modo formae rerum sunt in Deo; cum enim ipse agit res per intellectum, non est sine actione naturae. In inferioribus autem artificibus ars agit virtute extraneae naturae, qua utitur ut instrumento, sicut figulus igne ad coquendum laterem. Sed ars divina non utitur exteriori natura ad agendum, sed virtute propriae naturae facit suum effectum. Formae ergo rerum sunt in natura divina ut in virtute operativa, non secundum eandem rationem, cum nullus effectus virtutem illam adaequet. Unde sunt ibi et unum omnes formae quae in effectibus multiplicentur; et sic nulla provenit inde compositio. Similiter in intellectu ejus sunt multa intellecta per unum et idem, quod est sua essentia. Quod autem per unum

intelligentur multa, non inducit compositionem intelligentis; unde nec ex hac parte sequitur compositio in Deo.

Ad nonum dicendum, quod relationes quae dicuntur de Deo ex tempore, non sunt in ipso realiter, sed solum secundum rationem. Ibi enim est relatio ubi realiter aliquid dependet ab altero, vel simpliciter vel secundum quid. Et propter hoc scientiae est relatio ad seibile, non autem e converso, sed secundum rationem tantum, ut patet per Philosophum (V Metaph., text. com. xx). Et ideo cum Deus ab altero nullo dependeat, sed e converso omnia ab ipso dependeat, in rebus aliis sunt relationes ad Deum reales, in ipso autem ad res secundum rationem tantum, prout intellectus non potest intelligere relationem hujus ad illud, nisi e converso intelligat relationem illius ad hoc.

Ad decimum dicendum, quod pluralitas personarum nullam compositionem in Deo inducit. Personae enim dupliciter possunt considerari. Uno modo secundum quod comparantur ad essentiam, cum qua sunt idem re; et sic patet quod non relinquatur aliqua compositio; alio vero modo secundum quod comparantur ad invicem; et sic comparantur ut distinctae, non ut adunatae. Et propter hoc nec ex hac parte potest esse compositio; nam omnis compositio est unio.

ARTICULUS II. — *Utrum in Deo sit substantia vel essentia idem quod esse.* (Part. I, quest. iii, art. 4 et 5.)

Secundo quaeritur, utrum in Deo sit substantia vel essentia idem quod esse. Et videtur quod non. Dicit enim Damascenus, in I lib. orth. Fidei (cap. i et iii): *Quoniam quidem Deus est, manifestum est nobis: quid vero sit secundum substantiam et naturam, incomprehensibile est omnino et ignotum.* Non autem potest esse idem notum et ignotum. Ergo non est idem esse Dei et substantia vel essentia ejus.

2. Sed diceretur, quod etiam ipsum esse Dei ignotum est nobis quid sit, sicut et ejus substantia. — Sed contra, duae quaestiones diversae sunt, *an est, et quid est*; ad quarum unam respondere scimus, ad aliam vero non, ut etiam ex praedicta auctoritate patet. Ergo id quod respondet ad *an est* de Deo, et quod respondet ad *quid est*, non est idem; sed ad *an est* respondet esse; ad *quid est*, substantia vel natura.

3. Sed dicendum, quod esse Dei cognoscitur non per seipsum, sed per similitudinem creaturae. — Sed contra; in creatura est esse et substantia vel natura; et cum utrumque habeat a Deo, secundum utrumque Deo assimilatur, eo quod agens agit sibi simile. Si ergo esse Dei cognoscitur per similitudinem esse creati, oportet quod ejus substantia cognoscatur per similitudinem substantiae creatae; et sic de Deo sciremus non solum quoniam est, sed quid est.

4. Praeterea, unumquodque dicitur differre ab altero per

suum substantiam. Per id autem quod est omnibus commune, nihil ab altero differt; unde et Philosophus dicit (III Metaph., com. x et xi), quod ens non debet poni in definitione, quia per hoc, definitum a nullo distingueretur. Ergo nullius rei ab aliis distinctæ substantia est ipsum esse, cum sit omnibus commune. Sed Deus est res ab omnibus aliis rebus distincta. Ergo enim esse non est sua substantia.

5. Præterea, non sunt diversæ res nisi quarum est diversum esse. Sed esse hujus rei non est diversum ab esse alterius in quantum est esse, sed in quantum est in tali vel in tali natura. Si ergo aliquid esse sit quod non sit in aliqua natura quæ differat ab ipso esse, hoc non erit diversum ab aliquo alio esse. Et ita sequitur, si divina substantia est ejus esse, quod ipse sit esse cuilibet commune.

6. Præterea, ens cui non fit additio, est ens omnibus commune. Sed si Deus sit ipsum suum esse, erit ens cui non fit additio. Ergo erit commune; et ita prædicabitur de unoquoque, et erit Deus mixtus rebus omnibus; quod est hæreticum, et contra Philosophum dicentem in lib. de Causis (prop. xx), quod causa prima regit omnes res præterquam quod commisceatur cum eis.

7. Præterea, ei quod est omnino simplex, non convenit aliquid in concrecione dictum. Esse autem hujusmodi est: sic enim videtur se habere esse ad essentiam sicut album ad albedinem. Ergo inconvenienter dicitur quod divina substantia sit esse.

8. Præterea, Boetius dicit (in lib. de Hebdom.): *Omne quod est, participat eo quod est esse, ut sit; alio vero participat, ut aliquid sit*. Sed Deus est. Ergo præter esse suum est in eo aliquid quod habet ut aliquid sit.

9. Præterea, Deus, qui est perfectissimus, id quod est imperfectissimum non est attribuendum. Sed esse est imperfectissimum, sicut prima materia: sicut enim materia prima determinatur per omnes formas, ita esse, cum sit imperfectissimum, determinari habet per omnia propria prædicamenta. Ergo sicut materia prima non est in Deo, ita nec esse debet divina substantiæ attribui.

10. Præterea, id quod significatur per modum effectus, non convenit substantiæ primæ, quæ non habet principium. Sed esse est hujusmodi: nam omne ens per principium suæ essentia habet esse. Ergo substantia Dei inconvenienter dicitur quod sit ipsum esse.

11. Præterea, omnis propositio est per se nota in qua idem de ipso prædicatur. Sed si substantia Dei sit ipsum suum esse, idem erit in subjecto et prædicato, cum dicitur, *Deus est*. Ergo erit propositio per se nota: quod videtur esse falsum, cum sit demonstrabilis. Non ergo ipsum esse Dei est substantia.

Sed contra est quod Hilarius dicit in lib. de Trin. (VII non

longe a princ.): *Esse non est accidens Deo, sed subsistens veritas*. Id autem quod est subsistens, est rei substantia. Ergo esse Dei est ejus substantia.

Præterea, Rabbi Moyses dicit, quod Deus est ens non in essentia, et vivens non in vita, et est potens non in potentia, et sapiens non in sapientia. Ergo in Deo non est aliud essentia quam suum esse.

Præterea, unaqueque res proprie denominatur a sua quidditate: nomen enim proprie significat substantiam et quidditatem, ut habetur IV Metaphys. Sed hoc nomen *qui est* (1), est inter cetera magis proprium nomen Dei, ut patet Exod., iv. Cum ergo hoc nomen imponatur ab (2) hoc quod est esse, videtur quod ipsum esse Dei sit sua substantia.

Respondeo dicendum, quod in Deo non est aliud esse et sua substantia. Ad ejus evidentiam considerandum est, quod cum aliqua causa effectus diversos producentes communicant in uno effectu, præter diversos effectus oportet quod illud commune producant ex virtute alicujus superioris cause ejus illud est proprius effectus. Et hoc ideo, quia cum proprius effectus producat ab aliqua causa secundum suam propriam naturam vel formam, diversæ cause habentes diversas naturas et formas oportet quod habeant proprios effectus diversos. Unde si in aliquo uno effectu conveniunt, ille non est proprius alicujus earum, sed alicujus superioris, in cuius virtute agunt; sicut patet quod diversa complexionata conveniunt in calefaciendo, ut piper, et zinziber, et similia, quamvis unumquodque eorum habeat suum proprium effectum diversum ab effectu alterius. Unde effectum commune oportet reducere in priorem causam cuius sit proprius, scilicet in ignem. Similiter in motibus celestibus, sphaere planetarum singule habent proprios motus, et tamen hoc habent unum commune, quem oportet esse proprium alicujus sphaere superioris omnes revolventes secundum motum firmam. Omnes autem cause create communicant in uno effectu qui est esse, licet singule proprios effectus habeant, in quibus distinguuntur. Calor enim facit calidum esse, et ædificator facit domum esse. Conveniunt ergo in hoc quod ignis causat ignem, et ædificator causat domum. Oportet ergo esse aliquam causam superiorem omnibus cuius virtute omnia causent esse, et ejus esse sit proprius effectus. Et hæc causa est Deus. Proprius autem effectus cujuslibet cause præcedit ab ipsa secundum similitudinem sue nature. Oportet ergo quod hoc quod est esse, sit substantia vel natura Dei. Et propter hoc dicitur in lib. de Causis (prop. ix), quod intelligentia non dat esse nisi in quantum est divina, et quod primus effectus est esse, et non est ante ipsum creatum aliquid.

Ad primum ergo dicendum, quod ens et esse dicitur duplici-

(1) *Al.* quod est. — (2) *Al.* ad.

ter, ut patet V Metaph. (lib. X, text. xiii et xrv). Quandoque enim significat essentiam rei, sive actum essendi; quandoque vero significat veritatem propositionis, etiam in his que esse non habent sicut dicimus quod cecitas est, quia verum est hominem esse cæcum. Cum ergo dicat Damascenus, quod esse Dei est nobis manifestum, accipitur esse Dei secundo modo, et non primo. Primum enim modo est idem esse Dei quod est substantia; et sicut ejus substantia est ignota, ita et esse. Secundo autem modo scimus quoniam Deus est, quoniam hanc propositionem in intellectu nostro concipimus esse effectibus ipsis.

Et per hoc patet solutio ad secundum et tertium.

Ad quartum dicendum, quod esse divinum, quod est ejus substantia, non est esse commune, sed est esse distinctum a quolibet alio esse. Unde per ipsum suum esse Deus differt a quolibet alio ente.

Ad quintum dicendum, quod, sicut dicitur in libro de Causis (prop. iv), ipsum esse Dei distinguitur et individuatur a quolibet alio esse, per hoc ipsum quod est esse per se subsistens, et non adveniens alicui naturæ quæ sit aliud ab ipso esse. Omne autem aliud esse quod non est subsistens, oportet quod individuetur per naturam et substantiam que in tali esse subsistit. Et in eis verum est quod esse hujus est aliud ab esse illius per hoc quod est alicuius naturæ; sicut si esset unus calor per se existens sine materia vel subjecto, ex hoc ipso ab omni alio calore distingueretur; sicut calores in subjecto existentes non distinguuntur nisi per subjecta.

Ad sextum dicendum, quod ens commune est cui non fit additio, de cuius tamen ratione non est ut ei additio fieri non possit; sed esse divinum est esse cui non fit additio, et de ejus ratione est ut ei additio fieri non possit; unde divinum esse non est esse commune. Sicut et animalium communi non fit additio in sua ratione, rationalis differentie; non tamen est de ratione ejus quod ei additio fieri non possit; hoc enim est de ratione animalis irrationalis, quæ est species animalis.

Ad septimum dicendum, quod modus significandi in dictionibus quæ a nobis rebus imponuntur sequitur modum intelligendi; dictiones enim significant intellectum conceptiones, ut dicitur in principio Perihier. Intellectus autem noster hoc modo intelligit esse quo modo invenitur in rebus inferioribus a quibus scientiam capat, in quibus esse non est subsistens, sed inherens. Ratio autem invenit quod aliquid esse subsistens sit; et ideo licet hoc quod dicunt esse, significetur per modum concretionis, tamen intellectus attribuens esse Deo transcendit modum significandi, attribuens Deo id quod significatur, non autem modum significandi.

Ad octavum dicendum, quod dictum Boetii intelligitur de illis quibus esse competit per participationem, non per essentiam;

quod enim per essentiam suam est, si vim locutionis attendamus, magis debet dici quod est ipsum esse, quam sit id quod est.

Ad nonum dicendum, quod hoc quod dico esse est inter omnia perfectissimum; quod ex hoc patet quia actus est semper perfectior potentia. Quælibet autem forma signata non intelligitur in actu nisi per hoc quod esse ponitur. Nam humanitas vel igneitas potest considerari ut in potentia materie existens, vel ut in virtute agentis, aut etiam ut in intellecta; sed hoc quod habet esse, efficitur actu existens. Unde patet quod hoc quod dico esse est actualitas omnium actuum, et propter hoc est perfectio omnium perfectionum. Nec intelligendum est, quod ei quod dico esse, aliquid addatur quod sit eo formalius, ipsum determinans, sicut actus potentiam; esse enim quod hujusmodi est, est aliud secundum essentiam ab eo cui additur determinandum. Nihil autem potest addi ad esse quod sit extraneum ab ipso, cum ab eo nihil sit extraneum nisi non ens, quod non potest esse nec forma nec materia. Unde non sic determinatur esse per aliud sicut potentia per actum, sed magis sicut actus per potentiam. Nam et in definitione formarum ponuntur proprie materie loco differentie, sicut cum dicitur quod anima est actus corporis physici organici. Et per hunc modum hoc esse ab illo esse distinguitur, in quantum est talis vel talis natura. Et per hoc dicit Dionysius (cap. v de divyn. Nomin., non remote a princ.), quod licet viventia sint nobiliora quam existentia, tamen esse est nobilissimum quam vivere; viventia enim non tantum habent vitam, sed cum vita simul habent et esse.

Ad decimum dicendum, quod secundum ordinem agentium est ordo finium, ita quod primo agentis respondet finis ultimus, et proportionaliter per ordinem alii fines aliis agentibus. Si enim considerentur rector civitatis et dux exercitus et unus singularis miles, constat quod rector civitatis est prior in ordine agentium, ad cuius imperium dux exercitus ad bellum procedit; et sub eo est miles, qui secundum ordinationem ducis exercitus manibus pugnat. Finis autem militis est prosternere hostem; quod ulterius ordinatur ad victoriam exercitus, quod est finis ducis; et hoc ulterius ordinatur ad bonum statum civitatis vel regni, quod est finis rectoris et regis. Esse ergo quod est proprius effectus et finis in operatione primi agentis oportet quod teneat locum ultimi finis. Finis autem licet sit primum in intentione, est tamen postremum in operatione, et est effectus aliarum causarum. Et ideo ipsum esse creatum, quod est proprius effectus respondens primo agenti, causatur ex aliis principis, quamvis esse primum causans sit primum principium.

Ad undecimum dicendum, quod aliqua propositio est per se nota de se, quæ tamen huic vel illi non est per se nota; quando scilicet prædicatum est de ratione subjecti, et tamen ratio sub-

jecti est alicui ignota; sicut si aliquis nesciret quid est totum, non esset ei nota ista propositio per se. *Omne totum est majus sua parte*; hujusmodi eam propositiones sunt note cognitio terminis, ut dicitur I Posteriorum (com. vi, ante med.). Hæc autem propositio, *Deus est*, quantum est de se, est per se nota, quia idem est in subjecto et predicato; sed quantum ad nos non est per se nota, quia quid est Deus nescimus; unde apud nos demonstratione indiget, non autem apud illos qui Dei essentiam vident.

ARTICULUS III. — *Utrum Deus sit in aliquo genere.* (I part., quest. iii, art. 5.)

Tertio quaeritur, utrum Deus sit in aliquo genere. Et videtur quod sic. Dicit enim Damascenus (lib. II, cap. iv, in princ.): *Substantia in divinis significat communem speciem similitudinis personarum; hypostasim autem demonstrat individuum, scilicet Patrem et Filium et Spiritum sanctum, Petrum et Paulum.* Comparatur ergo Deus ad Patrem et Filium et Spiritum sanctum, sicut species ad individua. Sed ubicumque est invenire speciem et individuum in est invenire genus; quia species constituitur ex genere et differentia. Ergo videtur quod Deus sit in aliquo genere.

2. Præterea, quæcumque sunt et nullo modo differunt, sunt penitus eadem. Sed Deus non est idem rebus aliis. Ergo aliquo modo differt ab eis. Omne autem quod ab alio differt, aliqua differentia ab eo differt. Ergo in Deo est aliqua differentia, qua differt a rebus aliis. Non autem accidentalis, cum in Deo nihil sit accidens, ut Boetius dicit in lib. de Trin. (non multum ante med.). Omnis autem substantialis differentia est alicujus generis divisiva. Ergo Deus est in aliquo genere.

3. Præterea, idem dicitur genere et specie et numero, ut habetur I Topic., cap. vi. Ergo et diversum similiter; nam si multiplex dicitur unum oppositorum, et reliquum. Aut ergo Deus est diversus a creatura numero tantum vel numero et specie tantum, et si sic, sequitur quod cum creatura in genere conveniat, et sic erit in genere. Si autem genere a creatura differat, oportebit etiam quod sit in aliquo alio genere quam creatura; nam diversitas ex multitudine causatur, et sic diversitas generis multitudinem generum requirit. Ergo quolibet modo dicatur, oportet quod Deus sit in genere.

4. Præterea, eumque convenit ratio generis substantiæ, est in genere. Sed ratio substantiæ est per se existere, quod maxime convenit Deo. Ergo Deus est in genere substantiæ.

5. Præterea, omne quod definitur, oportet quod sit in genere. Sed Deus definitur; dicitur enim quod est actus purus. Ergo Deus est in aliquo genere.

6. Præterea, omne quod predicatur de alio in eo quod quid, et est in plus, vel se habet ad ipsum sicut species, vel sicut genus. Sed omnia que predicantur de Deo, predicantur in eo quod quid; nam omnia prædicamenta cum in divinis prædicationem venerint, in substantiam vertuntur, ut dicit Boetius (in lib. de Trin., in medio); patet etiam quod non soli Deo conveniunt, sed etiam aliis; et ita sunt in plus. Ergo vel comparantur ad Deum sicut species ad individuum; vel sicut genus ad speciem; et utrolibet modo oportet Deum esse in genere.

7. Præterea, unumquodque mensuratur minimo sui generis, ut dicitur X Metaph. (com. iv). Sed, sicut dicit Commentator ibidem, id quo mensurantur omnes substantiæ, addit supra. Ergo Deus est in eodem genere cum aliis substantiis.

Sed contra, omne quod est in genere, addit aliquid supra genus, et per consequens est compositum. Sed Deus est omnino simplex. Ergo non est in genere.

Præterea, omne quod est in genere, potest definiri, vel sub aliquo definito comprehendi. Sed Deus cum sit infinitus, non est hujusmodi. Ergo non est in genere.

Respondet dicendum, quod Deus non est in genere: quod quidem ad præsens tribus rationibus ostendi potest. Primo quidem, quia nihil ponitur in ratione secundum esse suum, sed ratione quidditatis suæ; quod ex hoc patet, quia esse uniuscujusque est ei proprium, et distinctum ab esse cujuslibet alterius rei; sed ratio substantiæ potest esse communis: propter hoc etiam Philosophus dicit (III Metaph., com. x), quod ens non est genus. Deus autem est ipsum suum esse; unde non potest esse in genere. Secunda ratio est, quia quamvis materia non sit genus, nec forma sit differentia, tamen ratio generis sumitur ex materia, et ratio differentie sumitur ex forma; sicut patet quod in homine natura sensibilis ex qua sumitur ratio animalis, est materialis respectu rationis, ex qua sumitur differentia rationalis. Nam animal est quod habet naturam sensitivam; rationale autem quod rationem habet. Unde in omni eo quod est in genere, oportet esse compositionem materie et forme, vel actus et potentiæ; quod quidem in Deo esse non potest, qui est actus purus, ut ostensum est, art. 1. Unde relinquatur quod non potest esse in genere. Tertia ratio est, quia cum Deus sit simpliciter perfectus, comprehendit in se perfectionem omnium generum; hæc enim est ratio simpliciter perfecti, ut dicitur V Metaphys. (com. xxi). Quod autem est in aliquo genere, determinatur ad ea que sunt illius generis; et ita Deus non potest esse in aliquo genere; sic enim non esset infinite essentiæ, nec absolute perfectionis; sed ejus essentia et perfectio limitaretur sub ratione alicujus generis determinati. Ex hoc alterius patet quod Deus non est species nec individuum, nec habet differentiam nec definitionem; nam, omnis definitio est ex

genere et specie; unde nec de ipso demonstratio fieri potest nisi per effectum, cum demonstratio *propter quid* medium sit definitio.

AD PRIMUM ergo dicendum, quod Damascenus loquitur similitudinarie, et non secundum proprietatem: habet enim nomen Dei, quod est Deus, similitudinem ad speciem in hoc quod de pluribus numero distinctis substantialiter predicatur; non tamen species proprie dici potest, quia species non est aliquid unum numero pluribus commune, sed ratione solum: substantia vero divina una numero, est communis tribus personis: unde Pater et Filius et Spiritus sanctus sunt unus Deus; non autem Petrus et Paulus et Marcus sunt unus homo.

AD SECUNDUM dicendum, quod differens et diversum differunt, ut Philosophus dicit (X Metaph., com. x et xii). Nam diversum absolute dicitur quod non est idem; differens vero dicitur ad aliquid: nam omne differens aliquo differt. Si ergo proprie accipiuntur hoc nomen *differens*, sic propositio ista est falsa: *Quocumque sunt et nullo modo differunt, sunt eadem*. Si autem hoc nomen *differens* large sumatur, sic est vera; et sic ista est concedenda, quod Deus a rebus aliis differat. Non tamen sequitur quod aliqua differentia differat; sed quod differat ab aliis per suam substantiam: hoc enim necesse est in primis et simplicibus dici. Homo enim differt ab asino, rationali differentia; rationale autem ulterius non differt ab asino aliqua differentia (quia sic esset abire in infinitum), sed se ipso.

AD TERTIUM dicendum, quod Deus dicitur diversus genere ab aliis creaturis, non quasi in alio genere existens, sed omnino existens extra genus.

AD QUARTUM dicendum, quod ens per se non est definitio substantiæ, ut Avicenna dicit (III Metaph., cap. viii, circa princ.). Ens enim non potest esse alicujus genus, ut probat Philosophus (III Metaph., com. x), cum nihil possit addi ad ens quod non percipiet ipsam; differentia vero non debet participare genus. Sed si substantia possit habere definitionem non obstante quod est genus generalissimum, erit ejus definitio, quod substantia est res, cujus quidditati debetur esse non in aliquo. Et sic non conveniet definitio substantiæ Deo, qui non habet quidditatem suam præter suum esse. Unde Deus non est in genere substantiæ, sed est supra omnem substantiam.

AD QUINTUM dicendum, quod Deus defini non potest. Omne enim quod definitur, in intellectu definitis comprehenditur; Deus autem est incomprehensibilis ab intellectu; unde cum dicitur quod Deus est actus purus, hæc non est definitio ejus.

AD SEXTEM dicendum, quod ad rationem generis requiritur quod univoce predicetur. Nihil autem de Deo potest et creatur-

ris univoce predicari, ut infra, art. 7, patebit. Unde licet ea quæ de Deo dicuntur, predicentur de ipso substantialiter, nihilominus tamen non predicentur de ipso et genus.

AD SEPTIMUM dicendum, quod licet Deus non pertineat ad genus substantiæ quasi in genere contentum, sicut species vel individuum sub genere continentur; potest tamen dici quod sit in genere substantiæ per reductionem sicut principium, et sicut punctum est in genere quantitatis continuæ, et unitas in genere numeri; et per hunc modum est mensura substantiarum omnium, sicut unitas numerorum.

ARTICULUS IV. — *Utrum bonum, sapiens, justum et hujusmodi, prædicent de Deo accidens.*

Quarto queritur, utrum *bonum, sapiens, justum* et hujusmodi, prædicent de Deo accidens. Et videtur quod sic. Quod enim predicatur de aliquo non significans substantiam, sed illud quod naturam assequitur, prædicat accidens. Sed Damascenus dicit (in I libro), quod *bonum et justum et sanctum*, dicta de Deo, assequuntur naturam, non autem ipsam substantiam significant. Prædicant ergo de Deo accidens.

2. Sed dicebatur, quod Damascenus loquitur quantum ad modum significandi. — Sed contra, modus significandi qui sequitur rationem generis, oportet quod ad rem referatur; genus enim predicatum significat substantiam subjecti, cum predicetur in eo quod quid. Sed predictis nominibus competit significare per modum assequentis naturam ex ratione generis; sunt enim in genere qualitatibus, quæ secundum propriam rationem ad subjectum respectum habet; nam qualitas est secundum quam quales dicuntur. Ergo oportet quod isto modo significandi referatur ad rem, ut scilicet ea quæ per predicta nomina significantur, sint assequentia naturam ejus de quæ prædicantur, et per consequens accidentia.

3. Sed dicendum, quod ista nomina non prædicantur de Deo quantum ad genus suum, quod est qualitas; non enim proprie dicuntur de Deo nomina a nobis imposita. — Sed contra, a quocumque renovetur genus, falso predicatur de eo species; quod enim non est animal, falso dicitur homo. Si ergo genus predictorum, quod est qualitas, non predicatur de Deo, predicta nomina non solum predicabuntur improprie, sed falso de Deo; et ita erit falsum quod dicitur, quod Deus est justus, vel quod Deus est sanctus; quod est inconveniens. Ergo oportet dicere, quod predicta nomina in Deo prædicant accidens.

4. Præterea, Philosophus dicit (I Physic., com. xxvii), quod id quod vere est, id est substantia, nulli accidit. Ergo eadem ratione quod secundum se est accidens, ubique est accidens. Sed justitia et sapientia et hujusmodi sunt per se accidentia. Ergo et in Deo sunt accidentia.

genere et specie; unde nec de ipso demonstratio fieri potest nisi per effectum, cum demonstratio *propter quid* medium sit definitio.

AD PRIMUM ergo dicendum, quod Damascenus loquitur similitudinarie, et non secundum proprietatem: habet enim nomen Dei, quod est Deus, similitudinem ad speciem in hoc quod de pluribus numero distinctis substantialiter predicatur; non tamen species proprie dici potest, quia species non est aliquid unum numero pluribus commune, sed ratione solum: substantia vero divina una numero, est communis tribus personis: unde Pater et Filius et Spiritus sanctus sunt unus Deus; non autem Petrus et Paulus et Marcus sunt unus homo.

AD SECUNDUM dicendum, quod differens et diversum differunt, ut Philosophus dicit (X Metaph., com. x et xii). Nam diversum absolute dicitur quod non est idem; differens vero dicitur ad aliquid: nam omne differens aliquo differt. Si ergo proprie accipiuntur hoc nomen *differens*, sic propositio ista est falsa: *Quocumque sunt et nullo modo differunt, sunt eadem*. Si autem hoc nomen *differens* large sumatur, sic est vera; et sic ista est concedenda, quod Deus a rebus aliis differat. Non tamen sequitur quod aliqua differentia differat; sed quod differat ab aliis per suam substantiam: hoc enim necesse est in primis et simplicibus dici. Homo enim differt ab asino, rationali differentia; rationale autem ulterius non differt ab asino aliqua differentia (quia sic esset abire in infinitum), sed se ipso.

AD TERTIUM dicendum, quod Deus dicitur diversus genere ab aliis creaturis, non quasi in alio genere existens, sed omnino existens extra genus.

AD QUARTUM dicendum, quod ens per se non est definitio substantiæ, ut Avicenna dicit (III Metaph., cap. viii, circa princ.). Ens enim non potest esse alicujus genus, ut probat Philosophus (III Metaph., com. x), cum nihil possit addi ad ens quod non percipiet ipsam; differentia vero non debet participare genus. Sed si substantia possit habere definitionem non obstante quod est genus generalissimum, erit ejus definitio, quod substantia est res, cujus quidditati debetur esse non in aliquo. Et sic non conveniet definitio substantiæ Deo, qui non habet quidditatem suam præter suum esse. Unde Deus non est in genere substantiæ, sed est supra omnem substantiam.

AD QUINTUM dicendum, quod Deus defini non potest. Omne enim quod definitur, in intellectu definitis comprehenditur; Deus autem est incomprehensibilis ab intellectu; unde cum dicitur quod Deus est actus purus, hæc non est definitio ejus.

AD SEXTEM dicendum, quod ad rationem generis requiritur quod univoce predicetur. Nihil autem de Deo potest et creatur-

ris univoce predicari, ut infra, art. 7, patebit. Unde licet ea quæ de Deo dicuntur, predicentur de ipso substantialiter, nihilominus tamen non predicentur de ipso et genus.

AD SEPTIMUM dicendum, quod licet Deus non pertineat ad genus substantiæ quasi in genere contentum, sicut species vel individuum sub genere continentur; potest tamen dici quod sit in genere substantiæ per reductionem sicut principium, et sicut punctum est in genere quantitatis continuæ, et unitas in genere numeri; et per hunc modum est mensura substantiarum omnium, sicut unitas numerorum.

ARTICULUS IV. — *Utrum bonum, sapiens, justum et hujusmodi, prædicent de Deo accidens.*

Quarto queritur, utrum *bonum, sapiens, justum* et hujusmodi, prædicent de Deo accidens. Et videtur quod sic. Quod enim predicatur de aliquo non significans substantiam, sed illud quod naturam assequitur, prædicat accidens. Sed Damascenus dicit (in I libro), quod *bonum et justum et sanctum*, dicta de Deo, assequuntur naturam, non autem ipsam substantiam significant. Prædicant ergo de Deo accidens.

2. Sed dicebatur, quod Damascenus loquitur quantum ad modum significandi. — Sed contra, modus significandi qui sequitur rationem generis, oportet quod ad rem referatur; genus enim predicatum significat substantiam subjecti, cum predicetur in eo quod quid. Sed predictis nominibus competit significare per modum assequentis naturam ex ratione generis; sunt enim in genere qualitatibus, quæ secundum propriam rationem ad subjectum respectum habet; nam qualitas est secundum quam quales dicuntur. Ergo oportet quod iste modus significandi referatur ad rem, ut scilicet ea quæ per predicta nomina significantur, sint assequentia naturam ejus de quæ prædicantur, et per consequens accidentia.

3. Sed dicendum, quod ista nomina non prædicantur de Deo quantum ad genus suum, quod est qualitas; non enim proprie dicuntur de Deo nomina a nobis imposita. — Sed contra, a quocumque renovetur genus, falso predicatur de eo species; quod enim non est animal, falso dicitur homo. Si ergo genus predictorum, quod est qualitas, non predicatur de Deo, predicta nomina non solum predicabuntur improprie, sed falso de Deo; et ita erit falsum quod dicitur, quod Deus est justus, vel quod Deus est sanctus; quod est inconveniens. Ergo oportet dicere, quod predicta nomina in Deo prædicant accidens.

4. Præterea, Philosophus dicit (I Physic., com. xxvii), quod id quod vere est, id est substantia, nulli accidit. Ergo eadem ratione quod secundum se est accidens, ubique est accidens. Sed justitia et sapientia et hujusmodi sunt per se accidentia. Ergo et in Deo sunt accidentia.



5. Præterea, omnia quæ sunt in rebus creatis, exemplantur a Deo, qui est forma exemplaris omnium. Sed sapientia, iustitia et huiusmodi, in rebus creatis sunt accidentia. Ergo et in Deo sunt accidentia.

6. Præterea, ubicumque est quantitas et qualitas, ibi est accidens. Sed in Deo videtur esse quantitas et qualitas; est enim in Deo similitudo et æqualitas; dicimus enim Filium similem Patri et æqualem. Similitudo autem causatur ex uno in qualitate; æqualitas ex uno in quantitate. Ergo in Deo est accidens.

7. Præterea, nunquamque mensuratur primo sui generis. Sed Deus non solum est mensura substantiarum, sed omnium accidentiarum; quia ipse est creator et substantiæ et accidentis. Ergo in Deo non tantum est substantia, sed accidens.

8. Præterea, illud sine quo potest aliquid intelligi, accidentaliter de eo prædicatur. Ex hoc enim probat Porphyrius (in Prædicabilibus, cap. de accidente) separabilia quædam accidentia esse, quia potest intelligi corvus albus, et Æthiops nitens candore. Sed Deus potest intelligi sine honore, ut patet per Boetium (in lib. de Hebdom.). Ergo bonum significat accidens in Deo, et eadem ratione alia.

9. Præterea, in significatione nominis duo est considerare; scilicet id a quo imponitur, et id cui imponitur. Quantum ad utrumque autem hoc nomen sapientia videtur accidens significare; imponitur enim ab eo quod est facere sapientem, quod videtur actio esse sapientia; id autem a quo imponitur, est qualitas quædam. Ergo omnibus modis hoc nomen et alia similia significant accideos in eo de quo prædicantur; et ita in Deo est aliquid accidens.

Sed contra est quod Boetius dicit (in lib. de Trin., ante medium), quod Deus, cum sit forma simplex, subjectum esse non potest. Omne autem accidens est in subjecto. Ergo in Deo non potest esse aliquid accidens.

Præterea, omne accidens habet dependentiam ab alio. Sed nihil tale potest esse in Deo; quia quod dependet ab alio, oportet esse causatum; Deus autem est causa prima nullo modo causata. Ergo in Deo accidens esse non potest.

Præterea, Rabbi Moyses dicit, quod huiusmodi nomina non significant in Deo intentiones additas supra substantiam. Omne enim accidens significat intentionem additam supra substantiam sui subjecti. Ergo prædicta nomina non significant accideos in Deo.

Præterea, accidens est quod adest et abest præter subjecti corruptionem. Sed hoc in Deo esse non potest, cum ipse sit immutabilis, ut probatur a Philosopho (in VIII. Physic., com. III et IIII). Ergo in Deo accidens esse non potest.

Respondendo dicendum, quod absque omni dubitatione tenen-

dum est, quod in Deo nullum sit accidens; quod quidem ad præsens potest ostendi tribus rationibus. Prima ratio est, quia nulli naturæ vel essentiæ vel formæ aliquid extraneum adiungitur, licet id quod habet naturam vel formam vel essentiam, possit aliquid extraneum in se habere; humanitas enim non recipit in se nisi quod est de ratione humanitatis. Quod ex hoc patet, quia in definitionibus quæ essentiam rerum significant quodlibet additum vel subtractum variat speciem, sicut etiam in numeris, ut dicit Philosophus (VIII. Metaph., com. x). Homo autem qui habet humanitatem, potest aliquid aliud habere quod non sit de ratione humanitatis, sicut albedinem et huiusmodi, quæ non insunt humanitati, sed homini. In qualibet autem creatura invenitur differentia habentis et habiti. In creaturis namque compositis invenitur duplex differentia; quia ipsum suppositum sive individuum habet naturam speciei, sicut homo humanitatem, et habet ulterius esse; homo enim nec est humanitas nec esse suum; unde homini potest inesse aliquid accidens, non autem ipsi humanitati vel ejus esse. In substantiis vero simplicibus est una tantum differentia, scilicet essentiæ et esse. In Angelis enim quodlibet suppositum est sua natura; quidditas enim simplicis est ipsum simplex, ut dicit Avicenna (lib. V. Metaph., cap. v, inter med. et fin.); non est autem suum esse; unde ipsa quidditas est in suo esse subsistens. Unde in huiusmodi substantiis potest inveniri aliquid accidens intelligibile, non autem materiale. In Deo autem nulla est differentia habentis et habiti, vel participantis et participati; immo ipse est et sua natura et suum esse; et ideo nihil alienum vel accidentale potest ei inesse. Et hanc rationem videtur tangere Boetius (in lib. Hebdom., non remote a princ.), dicens: *Id quod est, habere potest aliquid præterquam quod ipsum est; ipsum vero esse, nihil aliud præter se habet admittam.* Secunda ratio est, quod cum accidens sit extrinsecum ab essentia subjecti, et diversa non conjungantur nisi per aliquam causam, oportet, si accidens Deo adveniat, quod hoc sit ab aliqua causa. Non autem potest esse ex aliqua causa extrinseca; quia sequeretur quod illa causa extrinseca ageret in Deum, et esset prior eo, sicut movens motu, et faciens facto. Sic enim causatur accidens in aliquo subjecto ab extrinseco, in quantum exterius agens agit in subjectum in quo causatur accidens. Similiter etiam (1) non potest esse ex causa extrinseca, sicut est in per se accidentibus, quæ habent causam in subjecto. Subjectum enim non potest esse causa accidentis ex eodem ex quo suscipit accidens; quia nulla potentia movet se ad actum. Unde oportet quod ex alio sit susceptivum accidentis, et ex alio sit causa accidentis, et sic est compositum; sicut ista quæ recipiunt accidentis per naturam materiæ, et causant accidentis per

(1) *Id enim.*

naturam formæ, Ostensum autem est supra, art. I. Deum non esse compositum. Unde impossibile est quod sit in eo accidens. Tertia ratio est, quia accidens comparatur ad subjectum sicut actus ad potentiam, cum sit quedam forma ipsius. Unde cum Deus sit actus purus absque alicujus potentie permixtione, non potest esse accidentis subjectum. Sic ergo patet ex præhabitis quod in Deo non est compositio materie et formæ, et quarumcumque partium substantialium, nec generis et differentie, nec subjecti et accidentis; patet etiam quod prædicta nomina in Deo non prædicant accidens.

AD PRIMUM ergo dicendum, quod Damascenus loquitur de istis nominibus non quantum ad id quod prædicant de Deo, sed quantum (1) ad id a quo imponuntur ad significandum. Imponuntur enim a nobis ad significandum ex formis accidentalibus quibusdam in creaturis repertis. Vult enim ex hoc probare quod per nomina dicta de Deo non notificatur nobis ejus substantia.

AD SECUNDUM dicendum, quod licet bonitatis humanæ et sapientiæ et justitiæ, qualitas sit genus; non tamen est genus eorum secundum quod de Deo prædicantur, eo quod qualitas in quantum hujusmodi, dicitur ens; eo quod inhaeret abqualiter subjecto. Sapientia autem et justitia non ex hoc nominantur, sed magis ex aliqua perfectione vel ex aliquo actu; unde talia veniunt in divinam prædicationem secundum rationem differentie et non secundum rationem generis. Et propter hoc Augustinus dicit (V lib. de Trinit., cap. 1. circa fin.): *Intelligamus quantum possumus sine qualitate boni, sine quantitate magni*. Unde non oportet quod modus iste qui est assoqui naturam, inveniatur in Deo.

AD TERTIUM dicendum quod si bonum et justum univoce de Deo prædicarentur, sequeretur quod falsa esset prædicatione, remoto genere. Nihil autem de Deo et creatura univoce prædicatur, ut infra ostendetur, art. VII; unde ratio non sequitur.

AD QUARTUM dicendum, quod sapientia quæ est accidens, in Deo non est; sed sapientia alia non univoce dicta; et propter hoc ratio non sequitur.

AD QUINTUM dicendum, quod exemplata non semper representant perfecte exemplar; unde quandoque quod est in exemplari deficienter et imperfecte invenitur in exemplato; et præcipue in his quæ exemplantur a Deo, qui est exemplar omnium creaturarum proportionem excedens.

AD SEXTUM dicendum, quod similitudo et æqualitas in Deo dicuntur non quia sit ibi qualitas vel quantitas, sed quia de eo dicimus quedam quæ apud nos significant qualitatem vel quantitatem, cum dicimus Deum magnum et sapientem et hujusmodi, etc.

AD SEPTIMUM dicendum, quod accidentia non dicuntur entia (1) *AL. inquantum.*

nisi per relationem ad substantiam tanquam ad primum ens; unde non oportet quod accidentia mensurentur uno primo quod est accidens, sed uno primo quod est substantia.

AD OCTAVUM dicendum, quod omne illud sine quo res aliqua potest intelligi secundum suam substantiam intellecta, habet rationem accidentis; non enim potest esse quod non intelligatur id quod est de substantia rei, eo secundum suam substantiam intellecta; sicut quod intelligatur quid est homo, et non intelligatur quid est animal. Deum autem nos non videmus hic per essentiam, sed consideramus eum ex ejus effectibus. Unde nihil prohibet considerare ipsum ex effectu essendi, et non considerare ex effectu bonitatis; sic enim loquitur Boetius. Sciendum tamen, quod licet nos intelligamus aliquam Deum non intelligendo ejus bonitatis; non tamen possumus intelligere Deum intelligendo eum non esse bonum, sicut nec hominem intelligendo eum non esse animal; hoc enim removeret substantiam Dei, quæ est bonitas. Sancti vero in patria qui vident Deum per essentiam, vident Deum, vident ejus bonitatem.

AD NONUM dicendum, quod hoc nomen sapientia verificatur de Deo quantum ad illud a quo imponitur nomen. Non autem imponitur nomen ab hoc quod est sapientem facere, sed ab hoc quod est sapientia intellectualiter habere. Scientia enim in quantum scientia refertur ad scibile; sed in quantum est accidens vel forma, refertur ad scientem. Hoc autem quod est sapientia habere, est accidentale homini, non autem Deo.

#### ARTICULUS V. — *Utrum prædicta nomina significant divinam substantiam.*

Quinto quaeritur, utrum prædicta nomina significant divinam substantiam. Et videtur quod non. Dicit enim Damascenus (IV lib. lib. I, cap. IV a med.): *Oportet singulorum eorum quæ in Deo dicuntur, non quid est secundum substantiam significare existimare; sed quod non est ostendere, aut habitudinem quantum, aut aliquid eorum a quibus separatur, aut aliquid eorum quæ assequuntur naturam aut operationem*. Esse autem quod substantialiter de aliquo prædicatur significat quid est substantia ejus. Prædicta ergo nomina non prædicantur substantialiter de Deo, tanquam ejus substantiam significantia.

2. Præterea, nullum nomen quod significat substantiam alicujus rei, vere potest de eo negari. Dicit enim Dionysius (II cap. col. Hierar., non multum ante med.), quod in divinis negationes sunt vere, affirmationes vero incompactæ. Ergo talia nomina non significant substantiam divinam.

3. Præterea, hæc nomina significant processus divine bonitatis in res, sicut dicit Dionysius (II cap. de div. Nomin.). Sed

bonitates a Deo procedentes non sunt ipsa divina substantia. Ergo huiusmodi nomina non significant divinam substantiam.

4. Præterea, Origenes dicit, quod Deus dicitur sapiens quia sapientia nos implet. Hoc autem non significat divinam substantiam, sed effectum. Ergo prædicta nomina non significant divinam substantiam.

5. Præterea, in lib. de Causis (propos. xvi) dicitur, quod causa prima non nominatur nisi nomine causati primi, quod est intelligentia. Cum autem causa nominatur nomine sui causati, non est prædicatio per essentiam, sed per causam. Ergo nomina que de Deo dicuntur, non prædicantur de Deo substantialiter, sed causaliter tantum.

6. Præterea, nomina significant conceptiones intellectuum, ut patet per Philosophum (in principio Periher.). Sed nos divinam substantiam intelligere non possumus; non enim scimus de eo quid est, sed quomodo est, ut dicit Damascenus (lib. I. cap. iv. a. med.). Ergo non possumus eum nominare aliquo nomine, nec significare ejus substantiam.

7. Præterea, omnia divinam bonitatem participant, ut patet per Dionysium (ix cap. de div. Nomin., part. I). Sed non omnia participant ejus substantiam, que est solum in tribus personis. Ergo divina bonitas non significat ejus substantiam.

8. Præterea, Deum cognoscere non possumus nisi ex similitudine creature; quia, ut dicit Apostolus, Rom., i. 20, *invisibilia Dei a creatura mundi per ea que facta sunt, intellecta conspiciuntur*. Sed secundum quod ipsum cognoscimus, ita ipsum nominamus. Ergo non nominamus ipsum nisi ex similitudine creaturarum. Sed quando aliquid nominatur ex similitudine alterius, nomen illud non prædicatur de ipso substantialiter, sed metaphorice: quod per hoc patet quod per (1) posterius de Deo dicitur, et per prius de eo a quo sumitur similitudo; cum tamen quod significat substantiam alicujus primo de eo prædicetur.

9. Præterea, secundum Philosophum (VIII Metaph.), significare substantiam est significare hoc, et nihil aliud. Si ergo hoc nomen *bonum* significat substantiam divinam, nihil erit in substantia divina quod non hoc nomine significetur, sicut etiam nihil est in substantia humana quod non significetur hoc nomine *homo*. Sed hoc nomen *bonum* non significat sapientiam. Ergo sapientia non erit substantia divina, et pari ratione nec omnia alia; ergo non potest esse quod huiusmodi omnia nomina significant divinam substantiam.

10. Præterea, sicut quantitas est causa æqualitatis, et similitudinis qualitas, ita et substantia identitatis. Si ergo omnia huiusmodi nomina significant substantiam Dei, secundum ea non attenderetur vel æqualitas vel similitudo, sed magis identitas;

(1) *Al. dicit per.*

et ita creatura dicitur idem Deo (1), ex hoc quod ejus sapientiam vel bonitatem imitatur, vel aliquid huiusmodi; quod est inconveniens.

11. Præterea, in Deo qui est principium totius nature, nihil potest esse contra naturam; nec ipse etiam aliquid contra naturam facit, sicut habetur in Glossa Rom., xi (ord. sup. illud: *Contra naturam insertus es*). Hoc autem est contra naturam quod accidens sit substantia. Cum ergo sapientia, justitia et huiusmodi secundum se sint accidentia, non potest esse quod in Deo sint substantia.

12. Præterea, cum dicitur Deus bonus, iste terminus est complexus. Nulla autem esset complexio, si bonitas Dei esset ipsa ejus substantia. Ergo non videtur quod *bonum* significet divinam substantiam, et eadem ratione nec alia similia nomina.

13. Præterea, Augustinus dicit, quod Deus omnem formam nostri intellectus subterfugit, et ideo intellectus permixtus esse non potest. Hoc autem non esset, si ista nomina significarent divinam substantiam; quia Deus corresponderet forme nostri intellectus. Ergo huiusmodi nomina non significant divinam substantiam.

14. Præterea Dionysius dicit (i. cap. Mystice Theologie) quod optime homo Deo unitur in cognoscendo quod cognoscens de ipso nihil cognoscit. Hoc autem non esset, si ista que concepit et significat, essent divina substantia. Ergo idem quod prius.

Sed contra est quod Augustinus dicit (VII de Trin., cap. vii): *Deo est hoc esse quod est fortiter esse, vel sapientem esse; et si quid de illa simplicitate dixeris que ejus substantiam significat*. Ergo omnia huiusmodi significant divinam substantiam.

Præterea, Boetius dicit (in lib. de Trin., in medio), quod cum quis alia prædicamenta præter relationem in divinam vitam prædicationem cuncta mutantur in substantiam; sicut *justus*, etsi qualitatem significare videatur, significat tamen substantiam, et similiter *magnus*, et huiusmodi alia.

Præterea, omne quod dicitur per participationem, reducitur ad aliquid per se et essentialiter dictum. Sed prædicta nomina de creaturis dicuntur per participationem. Ergo cum reducuntur in Deum sicut in causam primam, oportet quod de Deo dicantur essentialiter; et ita sequitur quod significant ejus substantiam.

Respondeo dicendum, quod quidam posuerunt, quod ista nomina dicta de Deo, non significant divinam substantiam, quod maxime expresse dicit Rabbi Moyses. Dicit autem, huiusmodi nomina de Deo dupliciter esse intelligenda. Uno modo per similitudinem effectus, ut dicitur Deus sapiens non quia sapientia

(1) *Al. item de eo.*

aliquid sit in ipso, sed quia ad modum sapientis in suis effectibus operatur, ordinando scilicet unumquodque ad debitum finem; et similiter dicitur vivens inquantum ad modum viventis operatur, quasi ex seipso agens. Alio modo per modum negationis; ut per hoc quod dicimus Deum esse viventem, non significemus vitam in eo aliquid esse; sed removeamus a Deo illum modum essendi que res inanimatæ existunt. Similiter cum dicimus Deum intelligentem, non intelligimus significare intellectum aliquid in ipso esse; sed removemus a Deo illum modum essendi quo bruta existunt; et sic de aliis. Uterque autem modus videtur esse insufficientis et inconveniens; primus quidem duplici ratione: quarum prima est, quia secundum expositionem nulla differentia esset inter hoc quod dicitur, Deus est sapiens, et Deus est iratus, vel Deus ignis est. Dicitur enim iratus quia operatur ad modum irati dum punit: hoc enim homines irati facere consueverunt. Dicitur etiam ignis, quia operatur ad modum ignis dum purgat, quod ignis suo modo facit. Hoc autem est contra positionem sanctorum et prophetarum loquentium de Deo, qui quædam de Deo probant, et quædam ab eo removeant; probant enim cum esse vivum, sapientem et huiusmodi, et non esse corpus, neque passionibus subjectum. Secundum autem prædictam opinionem omnia de Deo pari ratione possent dici et removeri, non magis hæc quam illa. Secunda ratio, quia cum secundum fidem nostram ponamus creaturam non semper fuisse, quod et ipse concedit, sequeretur quod non possemus dicere fuisse sapientem vel bonum antequam creaturæ essent. Constat enim quod antequam creaturæ essent, nihil in effectibus operabatur, nec ad modum boni nec ad modum sapientis. Hoc autem omnino sanæ fidei repugnat: nisi forte dicere velit quod ante creaturam sapiens dici poterat, non quia operaretur ut sapiens, sed quia poterat ut sapiens operari. Et sic sequeretur quod aliquid existens in Deo, per hoc significetur, et sit per consequens substantia, cum quicquid est in Deo sit sua substantia. Secundus autem modus eadem ratione videtur esse inconveniens. Non enim est aliquid nomen alienius speciei per quod non removeatur aliquis modus qui Deo non competit. In nomine enim cujuslibet speciei includitur significatio differentie, per quam excluditur alia species que contra eam dividitur: sicut in nomine leonis includitur hæc differentia que est quadrupes, per quam leo differt ab aze. Si ergo prædicationes de Deo non essent introductæ nisi ad removendum, sicut dicimus Deum esse viventem quia non habet esse ad modum inanimatorum, ut ipse dicit; ita possemus dicere Deum esse leonem, quia non habet esse ad modum avis. Et præterea intellectus negationis semper fundatur in aliqua affirmatione: quod ex hoc patet quia omnis negativa per affirmativam probatur; unde nisi intellectus humanus aliquid de Deo affirmative cognosceret, nihil de Deo posset

negare. Non autem cognosceret, si nihil quod de Deo dicit de eo verificaretur affirmative. Et ideo, secundum sententiam Dionysii (cap. xiii de div. Nom., a med.), dicendum est, quod huiusmodi nomina significant divinam substantiam, quamvis deficienter et imperfecte; quod sic patet. Cum omne agens agat inquantum actu est, et per consequens agat aliquo modo simile, oportet formam facti aliquo modo esse in agente: diversimode tamen: quia quando effectus adæquat virtutem agentis, oportet quod secundum eandem rationem sit illa forma in faciente et in facto; tunc enim faciens et factum coincidunt in idem specie, quod contingit in omnibus univocis; homo enim generat hominem, et ignis ignem. Quando vero effectus non adæquat virtutem agentis, forma non est secundum eandem rationem in agente et facto, sed in agente eminentius; secundum enim quod est in agente, habet agens virtutem ad producendum effectum. Unde si tota virtus agentis non exprimitur in facto, relinquitur quod modus quo forma est in agente, excedit modum quo est in facto. Et hoc videmus in omnibus agentibus æquivocis, sicut cum sol generat ignem. Constat autem quod nullus effectus adæquat virtutem primi agentis quod Deus est; alias ab una virtute ipsius non procederet nisi unus effectus. Sed cum ex ejus una virtute inveniamus multos et varios effectus procedere, ostenditur nobis quod quilibet ejus effectus deficit a virtute agentis. Nulla ergo forma alienius effectus divini, est per eandem rationem qua est in effectu, in Deo: nihilominus oportet quod sit ibi per quandam modum altiore; et inde est quod omnes forme que sunt in diversis effectibus distinctæ et divisæ ad invicem, in eo ununtur sicut in una virtute communi, sicut etiam omnes forme per virtutem solis in istis inferioribus productæ, sunt in sole secundum unamque ejus virtutem, cui omnia generata per actionem solis secundum suas formas simulantur. Et similiter perfectiones rerum creaturarum assimilantur Deo secundum unam et simplicem essentiam ejus. Intellectus autem noster cum a rebus creatis cognitionem accipiat, informatur similitudinibus perfectionum in creaturis inventarum, sicut sapientiæ, virtutis, bonitatis et huiusmodi. Unde sicut res creatæ per suas perfectiones aliquo modo deficienter, Deo assimilantur; ita et intellectus noster harum perfectionum speciebus informatur. Quando enimque autem intellectus per suam formam intelligibilem alicui rei assimilatur, tunc illud quod concipit et enuntiat secundum illam intelligibilem speciem verificatur de re illa cui per suam speciem similitur: nam scientia est assimilatio intellectus ad rem scitam. Unde oportet quod illa que intellectus harum specierum perfectionibus informatus de Deo cogitat vel enuntiat, in Deo vere existant, qui unicuique prædictarum specterum respondet sicut illud cui omnes similes sunt. Si autem huiusmodi intelligibilis species nostri intellectus

divinam essentiam adaequaret in assimilando, ipsam comprehenderet, et ipsa conceptio intellectus esset perfecta Dei ratio, sicut animal gressibile lipes est perfecta ratio hominis. Non autem perfecte divinam essentiam assimilati species praedicta, ut dictum est; et ideo licet huiusmodi nomina quae intellectus ex talibus conceptionibus Deo attribuit significant id quod est divina substantia, non tamen perfecte ipsam significant secundum quod est, sed secundum quod a nobis intelligitur. Sic ergo dicendum est, quod quodlibet istorum nominum significat divinam substantiam, non tamen quasi comprehendens ipsam, sed imperfecte; et propter hoc nomen *Qui est*, maxime Deo competit, quia non determinat aliquam formam Deo, sed significat esse indeterminate. Et hoc est quod dicit Damascenus (lib. I orthod. Fidei, cap. XII), quod hoc nomen *Qui est*, significat substantiam pelagus infinitum. Hoc autem solutio confirmatur per verba Dionysii, qui dicit (I cap. de divin. Nom., a medio), quod quia *Divinitas omnia simpliciter et incircumfinite in se ipsa existentia praecipit; ea diversis convenienter laudatur et nominatur. Simpliciter dicit, quia perfectiones quae in creaturis sunt secundum diversas formas; Deo attribuntur secundum simplicem eius essentiam; Incircumfinite dicit, ad ostendendum quod nulla perfectio in creaturis inventa divinam essentiam comprehendit, ut sic intellectus sub ratione illius perfectionis in seipso Deum definit. Confirmatur etiam per hoc quod habetur V. Metaph. (com. xxxi), quod simpliciter perfectum est quod habet in se perfectiones omnium generum; quod Commentator ibidem de Deo exponit.*

AD PRIMUM ergo dicendum, quod Damascenus intelligit, quod huiusmodi nomina non significant quid est Deus, quasi eius substantiam definiendo et comprehendendo; unde et subiungit quod hoc nomen *Qui est* quod indefinite significat Dei substantiam, propriissime Deo attribuitur.

AD SEQUENTEM dicendum, quod ita Dionysius dicit negationes horum nominum esse veras de Deo quod tamen non asserit affirmationes esse falsas sed incompatas: quantum enim ad rem significatam, Deo vere attribuntur, quae in eo aliquo modo est, ut iam ostensum est; sed quantum ad modum quem significant de Deo negari possunt: quodlibet enim istorum nominum significat aliquam formam definitam, et sic Deo non attribuntur, ut dictum est. Et ideo absolute de Deo possunt negari, quia ei non conveniunt per modum qui significatur: modus enim significatus est secundum quod sunt in intellectu nostro, ut dictum est; Deo autem convenienter sublimiori modo; unde affirmatio incompata dicitur quasi non omnino convenienter conjuncta propter diversum modum. Et ideo secundum doctrinam Dionysii (cap. mystic. Theol. et cap. II caelest. Hierar. et cap. II et III de div. Nomin.) tripliciter ista de Deo dicuntur.

Primo quidem affirmative, ut dicamus, Deus est sapiens; quod quidem de eo oportet dicere propter hoc quod est in eo similitudo sapientiae ab ipso fluentis: quia tamen non est in Deo sapientia qualem nos intelligimus et nominamus, potest vere negari, ut dicatur, Deus non est sapiens. Rursum quia sapientia non negatur de Deo quia ipso deficit a sapientia, sed quia supereminens est in ipso quam dicitur aut intelligitur, ideo oportet dicere quod Deus sit supersapiens. Et sic per istum triplicem modum loquendi secundum quem dicitur Deus sapiens, perfecte Dionysius dicit intelligere qualiter ista Deo attribuantur.

AD TERTIUM dicendum, quod ista nomina dicuntur significare divinos processus quia primo sunt imposita ad significandum istas processiones secundum quod sunt in creaturis et ab earum similitudine intellectus noster manuducitur ut huiusmodi Deo eminentiori modo attribuat.

AD QUARTUM dicendum, quod verbum Origenis non est intelligendum quod hoc intendimus significare cum dicimus, Deus est sapiens, quod Deus est causa sapientiae, sed quia ex sapientia quam causat, intellectus noster manuducitur ut sibi sapientiam supereminenter attribuat, ut dictum est.

AD QUINTUM dicendum, quod cum dicitur Deus intelligens, nominatur nomine sui causati: quia nomen quod sui causati substantiam significat, sibi non definite attribui potest, secundum quem modum nomen significat: et sic hoc nomen quamvis ei aliquo modo conveniat, non tamen convenit ei ut nomen eius; quia id quod significat nomen, est definitio: causato vero convenit ut nomen eius.

AD SEXTUM dicendum, quod ratio illa probat quod Deus non potest nominari nomine substantiam ipsius definiente vel comprehendente vel adaequante: sic enim de Deo ignoramus quid est.

AD SEPTIMUM dicendum, quod sicut omnia participant Dei bonitatem, non eamdem numero, sed per similitudinem; ita participant per similitudinem esse Dei. Sed in hoc differt: nam bonitas importat habitudinem alicuius cause, est enim bonum diffusivum sui; essentia autem significatur in eo in quo est, ut quiescens.

AD OCTAVUM dicendum, quod in effectu invenitur aliquid per quod assimilatur, suae causae; et aliquid per quod a sua causa differt: quod quidem convenit ei vel ex materia vel ex aliquo huiusmodi, sicut patet in latere indurato per ignem. Nam in hoc quod lutum calefiat ab igne, igni similatur: in hoc vero quod calefactum ingrossetur et induretur, differt ab igne; sed habet hoc ex materiae conditione. Si ergo id in quo later igni similatur, de igne dicatur, proprie dicetur de eo, et eminentius et per prius. Ignis enim est calidior quam later, et iterum eminentius: nam later est calidus quasi calefactus, ignis autem naturaliter.

Si vero id in quo later ab igne differt, dicamus de igne, falsum erit: et nomen huiusmodi conditionem in suo intellectu habens, de igne non poterit dici nisi metaphorice. Falsum est enim ignem, qui est subtilissimam corporum, grossum dici. Durus autem dici potest propter violentiam actionis, et non facilem potentiam passionis. Similiter consideranda sunt in creaturis quedam secundum que Deo simulantur, que quantum ad rem significatam, nullam imperfectionem important, sicut esse, vivere et intelligere et huiusmodi: et ista proprie dicuntur de Deo, immo per prius de ipso et eminentius quam de creaturis. Quædam vero sunt secundum que creatura differt a Deo, consequentia ipsam prout est ex nihilo, sicut potentialitas, privatio, motus et alia huiusmodi: et ista sunt falsa de Deo. Et quæcumque nomina in sui intellectu conditiones huiusmodi claudunt, de Deo dici non possunt nisi metaphorice, sicut leo, lapis et huiusmodi, propter hoc quod in sui definitione habent materiam. Dicuntur autem huiusmodi metaphorice de Deo propter similitudinem effectus.

AD NOTUM dicendum, quod ratio illa procedit de eo quod significat substantiam definitive vel circumscriptive. Sic autem nullum istorum nominum substantiam Dei significat, ut dictum est, in corp. art.

AD DECIUM dicendum, quod quamvis huiusmodi perfectiones in Deo sint ipsa divina substantia, tamen in creatura non sunt substantiales prædictæ divinas perfectiones, et ideo secundum eas creatura non dicitur Deo eandem sed similes.

AD UNDICESIMUM dicendum, quod hoc esset contra naturam, si sapientia ejusdem rationis cum ea que est accidens, in Deo esset: hoc autem non est verum, ut ex prædictis patet. Nec tamen auctoritas indirecta est ad propositum: nihil enim contra naturam Deus facit in seipso, quia in seipso nihil facit.

AD TRIDECIMUM dicendum, quod complexio hujus termini, cum dicitur Deus bonus, non refertur ad aliquam compositionem que sit in Deo, sed ad compositionem que est in intellectu nostro.

AD DECIMUMQUARTUM dicendum, quod Deus subterfugit formam intellectus nostri quasi omnem formam intellectus nostri excedens; non autem ita quod intellectus noster secundum nullam formam intelligibilem Deo assimiletur.

AD VICESIMUM dicendum, quod ex quo intellectus noster divinam substantiam non adæquat, hoc ipsum quod est Dei substantia remanet, nostrum intellectum excedens, et ita a nobis ignoratur: et propter hoc illud est ultimum cognitionis humanæ de Deo quod sciat se Deum nescire, in quantum cognoscit, illud quod Deus est, omne ipsum quod de eo intelligimus, excedere.

#### ARTICULUS VI. — *Utrum ista nomina sint synonyma.*

(I part., quæst. xiii, art. 4.)

Sexto quæritur, utrum ista nomina sint synonyma. Et videtur quod sic. Synonyma enim nomina dicuntur que omnino idem significant. Sed omnia ista nomina de Deo dicta significant idem: quia significant divinam substantiam, que est omnino simplex et una, ut ostensum est. Ergo omnia ista nomina sunt synonyma.

2. Præterea, Damascenus dicit (lib. I, cap. xi) quod in divinis omnia sunt unum, præter ingenerationem, generationem et processionem. Sed nomina significantia unum sunt synonyma. Ergo omnia nomina dicta de Deo, præter ea que significant proprietates personales, sunt synonyma.

3. Præterea, quæcumque uni et eidem sunt eadem, sibi invicem sunt eadem. Sed sapientia in Deo est idem quod sua substantia; similiter voluntas et potentia. Ergo sapientia, potentia et voluntas in Deo omnino sunt idem, et sic sequitur quod ista nomina sunt synonyma.

4. Sed dicendum, quod ista nomina significant unum secundum rem, significant tamen rationes diversas, et ideo non sunt synonyma. — Sed contra: ratio cui non respondet aliquid in re, falsa est et vana. Sed si rationes horum nominum sint multe, et res est una, videtur quod rationes istæ sint vane et falsæ.

5. Sed dicendum, quod rationes istæ non sunt vane, cum eis aliquid respondeat quod est in Deo. — Sed contra, secundum hoc res create Deo assimilantur secundum quod ab ipso processerunt per similitudinem idealem. Sed pluralitas idearum vel rationum idealium non attenditur secundum respectus ad creaturas: nam ipse Deus secundum unam suam essentiam est idea omnium. Ergo nec rationes nominum que de Deo dicuntur ex similitudine creaturarum, habent aliquid respondens ex parte divine substantiæ.

6. Præterea, illud quod est maxime unum non potest esse radix et fundamentum multitudinis. Sed divina essentia est maxime una. Ergo rationes prædictorum nominum non possunt in divina substantia fundari vel radicari.

7. Præterea, distinctio relationum que realiter sunt in Deo, facit pluralitatem personarum. Si ergo istis rationibus communibus attributorum aliquid responderet in Deo, etiam secundum multitudinem attributorum esset in Deo multitudo personarum; et sic essent in Deo plures persone quam tres: quod est hæreticum: et ita videtur quod penitus ista nomina sint synonyma.

Sed contra, nomina synonyma sibi invicem adjuncta nuga-

fionem (1) inducunt; sicut si diceretur, vestis et indumentum. Si ergo ista nomina sint synonyma, erit negatio, cum Deus dicitur bonus, Deus sapiens; quod est falsum.

Præterea, quicumque negat unum synonymorum de aliquo, negat et reliquum. Sed aliqui negaverunt ejus potentiam qui non negaverunt ejus scientiam vel bonitatem. Ergo ista nomina non sunt synonyma.

Præterea, hoc patet per Commentatorem XI Metaph. (com. XXXIX); qui dicit, quod hæc nomina dicta de Deo non sunt synonyma.

Respondeo dicendum, quod ab omnibus intelligentibus communiter dicitur, quod hæc nomina non sunt synonyma. Quod quidem facile esset sustinere secundum illos qui dicebant hæc nomina non significare divinam substantiam sed intentiones quasdam additas essentielles, aut modos operandi in effectibus, vel etiam creaturarum negationes. Sed supposito quod hæc nomina significant divinam substantiam, sicut supra, art. præced. ostensum est, questio videtur majorem difficultatem continere; quia sic invenitur unum et idem simplex significatum per omnia ista nomina, quod est divina substantia. Sed sciendum, quod significatio nominis non immediate refertur ad rem, sed mediante intellectu: sunt enim voces notæ earum quæ sunt in anima passionum, et ipsæ intellectus conceptiones sunt rerum similitudines, ut patet per Philosophum in principio Periherm. Quod ergo aliqua nomina non sint synonyma, potest impediri vel ex parte rerum significatarum, vel ex parte rationum intellectarum per nomina, ad quas significandas nomina imponuntur. Horum ergo nominum quæ de Deo dicuntur, synonyma impediri non possunt per diversitatem rerum significatarum secundum præhabita, sed solum per rationes nominum quæ sequuntur conceptiones intellectuum. Et ideo dicit Commentator XI Metaph. (text. XXXIX circ. finem) quod multiplicitas in Deo est solum secundum differentiam in intellectu, et non in esse, quod nos dicimus unum secundum rem, et multa secundum rationem. Istæ autem diversæ rationes in intellectu nostro existentes, non possunt tales rationes esse quibus nihil respondeat ex parte rei: ea enim (2) quorum sunt istæ rationes, intellectus noster Deo attribuit. Unde si nihil esset in Deo vel secundum ipsum vel secundum ejus effectum, quod his rationibus responderet, intellectus esset falsus in attribuendo, et omnes propositiones hujusmodi attributiones significantes; quod est inconveniens. Sunt autem quedam rationes quibus in re intellecta nihil respondet; sed ea quorum sunt hujusmodi rationes, intellectus non attribuit rebus prout in seipsis sunt, sed solum prout intellecte sunt; sicut patet in ratione generis et speciei, et aliarum intentionum intellectualium: nam nihil est in

(1) At. negationem. — (2) At. etiam.

rebus quæ sunt extra animam, cujus similitudo sit ratio generis vel speciei. Nec tamen intellectus est falsus: quia eo quorum sunt istæ rationes, scilicet genus et species, non attribuit rebus secundum quod sunt extra animam, sed solum secundum quod sunt in intellectu. Ex hoc enim quod intellectus in seipsum reflectitur, sicut intelligit res existentes extra animam, ita intelligit eas esse intellectas: et sic sicut est quedam conceptio intellectus vel ratio, cui respondet res ipsa quæ est extra animam; ita est quedam conceptio vel ratio, cui respondet res intellecta secundum quod hujusmodi; sicut rationi hominis vel conceptioni hominis respondet res extra animam; rationi vero vel conceptioni generis aut speciei, respondet solum res intellecta. Non autem est possibile hujusmodi esse rationes horum nominum quæ de Deo dicuntur: quia sic intellectus non attribueret ea Deo secundum quod in se est, sed secundum quod intelligitur; quod patet esse falsum: esset enim sensus, cum dicitur, Deus est bonus, quod Deus sic intelligitur, non autem quod sit.

Et ideo dicunt quidam, quod istis diversis rationibus nominum respondent diversa connotata, quæ sunt diversi Dei effectus: volunt enim quod cum dicitur, Deus est bonus, significatur ejus essentia cum aliquo effectu connotato, ut sit sensus, Deus est et bonitatem causat: sicut diversitas harum rationum causatur ex diversitate effectuum. Sed hoc non videtur conveniens: quia cum effectus a causa secundum similitudinem procedat, prius oportet intelligere causam aliquam quam effectus tales. Non ergo sapiens dicitur Deus quoniam sapientiam causat; sed quia est sapiens, ideo sapientiam causat. Unde Augustinus dicit (lib. II de Doctr. christi, cap. xxxii) quod quia Deus est bonus, sumus; et inquantum sumus, boni sumus. Et præterea secundum hoc sequeretur quod hujusmodi nomina per prius dicerentur de creatura quam de Creatore: sicut sanitas prius dicitur de sano quam de sanativo, quod sanum dicitur ea ratione, quia sanitatem causat. Item si nihil aliud intelligitur cum dicitur, Deus est bonus, nisi, Deus est et est bonitatis causator; sequeretur quod eadem ratione omnia nomina effectuum divinarum de eo possent predicari, ut diceretur, Deus est cogitum, quia coelum causat. Et iterum si hoc dicitur de causalitate in actu, patet esse falsum: quia secundum hoc non possemus dicere quod Deus ab æterno fuerit bonus vel sapiens vel aliquid hujusmodi: non enim ab æterno fuit causa in actu. Si autem hoc intelligatur de causalitate secundum virtutem, ut dicitur bonus quia est et habet virtutem bonitatem infundendi; tunc oportebit dicere, quod hoc nomen *bonum* significat illam virtutem. Sed illa virtus est quedam supereminens similitudo sui effectus, sicut et quilibet virtus agentis æquivoci. Unde sequeretur quod intellectus concipiens bonitatem, assimilaretur ad id

quod est in Deo et quod est Deus. Et sic rationi vel conceptioni bonitatis respondet aliquid quod est in Deo et quod est Deus.

Et ideo dicendum est, quod omnes istæ multæ rationes et diversæ habent aliquid respondens in ipso Deo, ejus omnes istæ conceptiones intellectus sunt similitudines. Constat enim quod unius formæ non potest esse nisi una similitudo secundum speciem, quæ sit ejusdem rationis cum ea; possunt tamen esse diversæ similitudines imperfectæ, quarum quælibet a perfectæ formæ representatione deficiat. Cum ergo, ut ex superioribus patet, conceptiones perfectionum in creaturis inventarum, sint imperfectæ similitudines, non ejusdem rationis cum ipsa divina essentia, nihil prohibet, quin ipsa una essentia omnibus prædictis conceptionibus respondeat, quasi per eas imperfecte representata. Et sic omnes rationes sunt quidem in intellectu nostro sicut in subjecto: sed in Deo sunt ut in radice verificante has conceptiones. Nam non essent veræ conceptiones intellectus quas habet de re aliqua, nisi per viam similitudinis illis conceptionibus res illa responderet. Diversitatis ergo vel multiplici- tatis nominum causa est ex parte intellectus nostri, qui non potest pertinere ad illam Dei essentiam videndam secundum quod est, sed videt eam per multas similitudines ejus deficientes, in creaturis quasi in speculo resultantes. Unde si ipsam essentiam videret, non indigeret pluribus nominibus, nec indigeret pluribus conceptionibus. Et propter hoc, Dei verbum, quod est perfecta conceptio ipsius, non est nisi unum; propter hoc dicitur Zach., ult. 9: *In die illa erit Dominus unus et nomen ejus unum*, quando ipsa Dei essentia videbitur et non colligatur Dei cognitio ex creaturis.

Ad PRIMUM ergo dicendum, quod licet ista nomina significent unam rem, multis tamen rationibus, ut dictum est; et propter hoc non sunt synonyma.

Ad SECUNDUM dicendum, quod Damascenus intelligit quod in divinis omnia sunt unum secundum rem, præter proprietates personales quæ realem personarum distinctionem constituunt; tamen non excludit quin ea quæ de Deo dicuntur, ratione differant.

Ad TERTIUM per hoc patet responsio (1): quia sicut bonitas et sapientia sunt unum secundum rem cum divina essentia, ita et ad invicem; cum tamen rationes horum nominum differant, ut dictum est.

Ad QUARTUM dicendum, quod jam patet ex prædictis quod licet Deus sit omnino unus, tamen istæ multe conceptiones vel rationes non sunt falsæ, quia omnibus eis respondet una et eadem res imperfecte per eas representata. Essent autem falsæ, si nihil eis responderet.

(1) *At.* Et per hoc patet responsio ad tertium.

Ad QUINTUM dicendum, quod cum omnimoda unitas sit ex parte Dei, et multiplicitas ex parte creaturarum, sicut oportet quod in Deo intelligente plures creaturas sit una forma intelligibilis per essentiam, et multi respectus ad diversas creaturas; ita in intellectu nostro ex multiplicitate creaturarum in Deum ascendente, oportet quod sint multæ species habentes relationes ad unum Deum.

Ad SEXTUM dicendum, quod istæ rationes non fundantur in divina essentia sicut in subjecto, sed sicut in causa veritatis, vel sicut in representato per omnes; quod ejus simplicitati non derogat.

Ad SEPTIMUM dicendum, quod paternitas et filiatio habent oppositionem ad invicem; et ideo exigunt realem distinctionem suppositorum: non autem bonitas et sapientia.

ARTICULUS VII. — *Utrum hujusmodi nomina dicantur de Deo et creaturis univoce vel æquivoce.* (1 part., quæst. XVII, art. 5; et opus. 3, cap. 27; et 1 cont. Gent., cap. XXXII, XXXIII et XXXIV.)

Septimo quaeritur, utrum hujusmodi nomina dicantur de Deo et creaturis univoce vel æquivoce. Et videtur quod univoce. Mensura enim et mensuratum sunt unius rationis. Sed divina bonitas est mensura omnis bonitatis create, et ejus sapientia omnis sapientia. Ergo univoce dicuntur de Deo et creatura.

2. Præterea, similia sunt quæ communicant in forma. Sed creatura potest Deo similari; quod patet Genes. 1, 26: *Faciamus hominem ad imaginem et similitudinem nostram*. Ergo creatura ad Deum est aliqua communicatio in forma. De omnibus autem communicatibus in forma potest aliquid univoce prædicari. Ergo de Deo et creatura potest aliquid prædicari univoce.

3. Præterea, majus et minus non diversificant speciem. Sed cum creatura dicatur bona et Deus bonus, in hoc videtur differre quod Deus est melior omni creatura. Ergo bonitas Dei et creatura non diversificantur secundum speciem; et sic univoce bonum prædicatur de Deo, et creatura.

4. Præterea, inter ea quæ sunt diversorum generum non potest esse comparatio sicut Philosophus probat in VII Physic., com. XXX, XXXI et XXXII; non enim comparabilis est velocitas alterationis velocitati motus locatis. Sed inter Deum et creaturam attenditur aliqua comparatio; dicitur enim quod Deus est summe bonus, et creatura est bona (1). Ergo Deus et creatura sunt unius generis, et ita aliquid de eis potest univoce prædicari.

5. Præterea, nihil cognoscitur nisi per speciem unius rationis; non enim albedo quæ est in pariete per speciem quæ est in oculo cognosceretur, nisi esset unius rationis. Sed Deus per

(1) *At.* et creatura bonas,



suam bonitatem cognoscit omnia bona, et per suum esse cognoscit omnia entia, et sic de aliis. Ergo bonitas Dei et creaturae sunt unius rationis, et sic univoce bonum de Deo et creatura praedicatur.

6. Praeterea, domus quae est in mente artificis et domus quae est in materia, sunt unius rationis. Sed omnes creaturae processerunt a Deo sicut artificia ab artifice. Ergo bonitas quae est in Deo, est unius rationis cum bonitate quae est in creatura; et sic idem quod prius.

7. Praeterea, omne agens aequivocum reducitur ad aliquid univocum. Ergo primum agens, quod Deus est, oportet esse univocum. Sed de agente univoce et effectu eius proprio aliquid univoce praedicatur. Ergo de Deo et creatura praedicatur aliquid univoce.

1. Sed contra est quod Philosophus dicit (X Metaph., lib. VII, com. xxx), quod aeterno et temporali nihil est commune nisi nomen. Sed Deus est aeternus, et creaturae temporales. Ergo Deo et creaturis nihil potest esse commune nisi nomen; et sic praedicantur aequivoce pure nomina de Deo et creaturis.

2. Praeterea, cum genus sit prima pars definitionis, ablati genere removeretur significata ratio per nomen; unde si aliquid nomen imponatur ad significandum id quod est in alio erit nomen aequivocum. Sed sapientia dicta de creatura est in genere qualitatis. Cum ergo sapientia dicta de Deo non sit qualitas, ut supra ostensum est, videtur quod hoc nomen sapientia aequivoce praedicetur de Deo et creaturis.

3. Praeterea, ubi nulla est similitudo, ibi non potest aliquid communiter praedicari, nisi aequivoce. Sed inter creaturam et Deum nulla est similitudo; dicitur enim Isai., xl, 18: *Qui ergo similem fecistis Deum?* Ergo videtur quod nihil possit praedicari univoce de Deo et creaturis.

4. Sed dicendum, quod licet Deus non possit dici similis creaturae, creatura tamen potest dici similis Deo. — Sed contra est quod dicitur Psal. lxxxvii, 2: *Deus, quis similis erit tibi?* quasi dicat, nullus.

5. Praeterea, secundum accidens non potest esse aliquid simile substantiae. Sed sapientia in creatura est accidens, in Deo autem est substantia. Ergo homo non potest divine sapientiae similari per suam sapientiam.

6. Praeterea, cum in creatura aliud sit esse, et aliud sit forma vel natura, per formam vel naturam nihil similatur ei quod est esse. Sed ista nomina praedicata de creaturis significant aliquam naturam vel formam; Deus autem est hoc ipsum quod est suum esse. Ergo per huiusmodi quae dicuntur de creatura non potest creatura Deo similari; et sic idem quod prius.

7. Praeterea, magis differt Deus a creatura quam numerus ab albedino. Sed stultum est dicere numerum similari albedini.

aut e converso. Ergo stultius est dici, quod aliqua creatura sit similis Deo; et sic idem quod prius.

8. Praeterea, quaecumque similitudines ad invicem, in aliquo uno conveniunt; quae vero in uno conveniunt, sunt transmutabilia invicem. Deus autem est omnino intransmutabilis. Ergo non potest esse aliqua similitudo inter Deum et creaturam.

Respondeo dicendum, quod impossibile est aliquid univoce praedicari de Deo et creatura; quod ex hoc patet. Nam omnis effectus agentis univoci aequat virtutem agentis. Nulla autem creatura, cum sit finita, potest aequare virtutem primi agentis, cum sit infinita. Unde impossibile est quod similitudo Dei univoce in creatura recipiatur. Item patet quod etsi una sit ratio formae existentis in agente et in effectu, diversus tamen modus existendi impedit univocam praedicationem; licet enim eadem sit ratio domus quae sit in materia et domus quae est in mente artificis, quia unum est ratio alterius; non tamen domus univoce de utraque praedicatur, propter hoc quod species domus in materia habet esse materiale, in mente vero artificis immateriale. Dato ergo per impossibile quod ejusdem rationis sit bonitas in Deo et creatura, non tamen bonum univoce de Deo praedicaretur; cum quod in Deo est immaterialiter et simpliciter, in creatura sit materialiter et multipliciter. Et praeterea ens non dicitur univoce de substantia et accidente, propter hoc quod substantia est ens tanquam per se habens esse, accidens vero tanquam cujus esse est inesse. Ex quo patet quod diversa habitudo ad esse impedit univocam praedicationem entis. Deus autem alio modo se habet ad esse quam aliqua alia creatura; nam ipse est suum esse, quod nulli alii creaturae competit. Unde nullo modo univoce de Deo et creatura dicitur; et per consequens nec aliquid aliorum praedicabilem, inter quae est ipsum primum ens. Existente enim diversitate in primo, oportet in aliis diversitatem inveniri; unde de substantia et accidente nihil univoce praedicatur.

Quidam autem aliter dixerunt, quod de Deo et creatura nihil praedicatur analogice, sed aequivoce pure. Et huius opinionis est Rabbi Moyses, ut ex suis dictis patet. Ista autem opinio non potest esse vera; quia in pure aequivoceis, quae Philosophus nominat a casa aequivoce, non dicitur aliquid de uno per respectum ad alterum. Omnis autem quae dicuntur de Deo et creaturis dicuntur de Deo secundum aliquem respectum ad creaturas, vel e contrario, sicut patet per omnes opiniones positas de expositione divinorum nominum. Unde impossibile est quod sit pura aequivoceatio. Item, cum omnis cognitio nostra de Deo ex creaturis sumatur, si non erit convenientia nisi in nomine tantum, nihil de Deo sciremus nisi nomina tantum vana, quibus res non subesset. Sequeretur etiam quod omnes demonstrationes a philosophis date

de Deo, essent sophistica; verbi gratia, si dicatur, quod omne quod est in potentia, reducitur ad actum per ens actu, et ex hoc concluderetur quod Deus esset ens actu, cum per ipsum omnia in esse educantur; erit fallacia æquivocationis; et sic de omnibus aliis. Et præterea oportet causatum esse aliquid simile cause; unde oportet de causato et causa nihil pure æquivoce prædicari, sicut sanum de medicina et animali.

Et ideo aliter dicendum est, quod de Deo et creatura nihil prædicatur univoce; non tamen ea que communiter prædicantur, pure æquivoce prædicantur, sed analogice. Hujus autem prædicationis duplex est modus. Unus quo aliquid prædicatur de duobus per respectum ad aliquod tertium, sicut ens de qualitate et quantitate per respectum ad substantiam. Alius modus est quo aliquid prædicatur de duobus per respectum unius ad alterum, sicut ens de substantia et quantitate. In primo autem modo prædicationis oportet esse aliquid prius duobus, ad quod ambo respectum habent, sicut substantia ad quantitatem et qualitatem; in secundo autem non, sed necesse est unum esse prius altero. Et ideo cum Deo nihil sit prius, sed ipse sit prior creatura, competit in divina prædicatione secundus modus analogie, et non primus.

AN PRIMUM ergo dicendum, quod ratio illa procedit de mensura cui mensuratum potest comparari vel commensurari; talis autem mensura non est Deus, cum in infinitum omnia excedat per ipsum mensurata.

AN SECUNDUM dicendum, quod similitudo creature ad Deum deficit a similitudine univoceorum in duobus. Primo, quia non est per participationem unius forme, sicut duo calida secundum participationem unius caloris; hoc enim quod de Deo et creaturis dicitur, prædicatur de Deo per essentiam, de creatura vero per participationem; ut sic talis similitudo creature ad Deum intelligatur, qualis est calidi ad calorem, non qualis calidi ad calidius. Secundo, quia ipsa forma in creatura participata deficit a ratione ejus quod Deus est, sicut calor ignis deficit a ratione virtutis solaris, per quam calorem generat.

AN TERTIUM dicendum, quod magis et minus tripliciter potest considerari, et sic prædicari. Uno modo secundum solam quantitatem participati; sicut nix dicitur albius pariete, quia perfectior est albedo in nive quam in pariete, sed tamen unius rationis; unde talis diversitas secundum magis et minus non diversificat speciem. Alio modo secundum quod unum participatur, et aliud per essentiam dicitur; sicut diceremus, quod bonitas est melior quam bonum. Tertio modo secundum quod modo eminentiori competit idem aliquid uni quam alteri, sicut calor soli quam igni; et hi duo modi impediunt unitatem speciei et univocam prædicationem; et secundum hoc aliquid prædicatur magis et minus de Deo et creatura, ut ex dictis patet.

AN QUARTUM dicendum, quod Deus non comparatur creaturis in hoc quod dicitur melior, vel summum bonum, quasi participans naturam ejusdem generis cum creaturis, sicut species generis alicujus; sed quasi principium generis.

AN QUINTUM dicendum, quod inquantum (1) species intelligibilis eminentior est in aliquo, tanto ex ea relinquitur perfectior cognitio; sicut ex specie lapidis in intellectu quam in sensu. Unde per hoc Deus perfectissime potest cognoscere res per suam essentiam, inquantum sua essentia est supereminens similitudo rerum, et non adæquata.

AN SEXTUM dicendum, quod inter creaturam et Deum est duplex similitudo. Una creaturæ ad intellectum divinum; et sic forma intellecta per Deum est unius rationis cum re intellecta, licet non habeat eundem modum essendi; quia forma intellecta est tantum in intellectu, forma autem creaturæ est ut (2) in re. Alio modo secundum quod ipsa divina essentia est omnium rerum similitudo superexcellens, et non unius rationis. Et ex hoc modo similitudinis contingit quod bonum et hujusmodi prædicantur communiter de Deo et creaturis, non autem ex primo. Non enim hæc est ratio Dei cum dicitur, Deus est bonus, quia bonitatem creaturæ intelligit; cum jam ex dictis pateat quod nec etiam demus que est in mente artificis cum domo que est in materia univoce dicitur domus.

AN SEPTIMUM dicendum, quod agens æquivoce oportet esse prius quam, agens univoce; quia agens univoce non habet causalitatem super totam speciem, alias esset causa sui ipsius, sed solum super aliquod individuum speciei; agens autem æquivoce habet causalitatem super totam speciem; unde oportet primum agens esse æquivoce.

AN PRIMUM vero quod in contrarium obijcitur, dicendum, quod Philosophus loquitur de communitate naturaliter et non logicè. Ea vero que habent diversum modum essendi, non communicant in aliquo secundum esse quod considerat naturalis; possunt tamen communicare in aliquo communi intentione quam considerat logicus. Et præterea etiam secundum naturalem corpus elementare et celeste non sunt unius generis; sed secundum logicum sunt. Nihilominus tamen Philosophus non intendit excludere analogicam communitatem, sed solum univocam. Vult enim ostendere quod corruptibile et incorruptibile non communicant in genere.

AN SECUNDUM dicendum, quod licet diversitas generis tollat univocationem; non tamen tollit analogiam. Quod sic patet. Sanum enim, secundum quod dicitur de urina, est in genere signi; secundum vero quod dicitur de medicina, est in genere cause.

AN TERTIUM dicendum, quod Deus nullo modo dicitur esse similis creaturæ, sed e contrario; quia, ut dicit Dionysius (ix cap.

(1) Forte quanto. — (2) Forte etiam.

de divin. Nomin.), in causa et causatis non recipimus similitudinis conversionem, sed solum in coordinatis; homo enim non dicitur similis suae imagini, sed e contrario, propter hoc quod forma illa secundum quam attenditur similitudo, per prius est in homine quam in imagine. Et ideo Deum creaturis similem non dicimus, sed e contrario.

AD QUARTUM dicendum, quod cum dicitur, nulla creatura est similis Deo, ut eodem cap. dicit Dionysius, hoc intelligendum est secundum quod causata minus habent a sua causa, ab ipsa incomparabiliter deficientia. Quod non est intelligendum secundum quantitatem participati, sed aliis duobus modis, sicut supra dictum est.

AD QUINTUM dicendum, quod secundum accidens non potest esse aliquid simile substantiae, similitudine qua attenditur secundum formam unius rationis; sed secundum similitudinem qua est inter causatum et causam, nihil prohibet. Nam primam similitudinem oportet esse causam omnium accidentium.

Et similiter dicendum ad sextum.

AD SEPTIMUM dicendum, quod albedo nec est in genere numeri, nec est principium generis; et ideo nulla similitudo unius ad alterum attenditur, Deus autem est principium omnis generis; et ideo ei omnia aequaliter simulantur.

AD OCTAVUM dicendum, quod ratio illa procedit de his qua communicant in genere vel in materia: qualis conditio (1) non est Dei ad creaturas.

#### ARTICULUS VIII. — *Utrum sit aliqua relatio inter Deum et creaturam.*

Octavo queritur, utrum sit aliqua relatio inter Deum et creaturam. Et videtur quod non. Relativa enim sunt simul, secundum Philosophum (in Praedicamento *ad aliquid*). Sed creatura non potest simul esse cum Deo: Deus enim omnibus modis est prior creatura. Ergo nulla relatio potest esse inter creaturam et Deum.

2. Praeterea, inter quaecumque est aliqua relatio, est etiam eorum aliqua ad invicem comparatio. Sed inter Deum et creaturam non est comparatio; ea enim quae non sunt unius generis, non sunt comparabilia, sicut numerus et linea. Ergo non est aliqua relatio inter Deum et creaturam.

3. Praeterea, in quocumque genere est unum relativorum, est etiam aliud. Sed Deus non est in eodem genere cum creatura. Ergo non possunt relative ad invicem dici.

4. Praeterea, creatura non potest esse opposita Creatori: quia oppositum non est causa sui oppositi. Sed relativa ad invicem opponuntur. Ergo non potest esse relatio inter creaturam et Deum.

5. Praeterea, de quocumque aliquid de novo incipit dici,

(1) *Forse* communicatio.

aliquo modo potest dici factum. Ergo sequitur, si aliquid relative ad creaturam de Deo dicitur, quod Deus aliquo modo sit factus; quod est impossibile, cum ipse sit immutabilis.

6. Praeterea, omne quod praedicatur de aliquo, praedicatur de eo aut per se aut per accidens. Sed ea quae important relationem ad creaturam, non praedicantur de Deo per se, quia huiusmodi praedicata ex necessitate et semper praedicantur; nec iterum per accidens. Ergo nullo modo aliqua talia relativa de Deo praedicari possunt.

Sed contra est quod Augustinus dicit VI vel IX lib. de Trinit., lib. V cap. XIII, XIV et XV, quod Creator relative dicitur ad creaturam, sicut dominus ad servum.

Respondeo dicendum, quod relatio in hoc differt a quantitate et qualitate: quia quantitas et qualitas sunt quaedam accidentia in subjecto remanentia; relatio autem non significat, ut Boetius dicit (in lib. de Trinitate circa medium), ut in subjecto manens, sed ut in transitu quodam ad aliud; unde et Porretani dixerunt relationes non esse inherentes, sed assistentes, quod aequaliter verum est, ut posterius ostendetur. Quod autem attribuitur alicui ut ab eo in aliud procedens, non facit compositionem cum eo, sicut hoc actio cum agente. Et propter hoc etiam probat Philosophus V Physic. (concl. xviii), quod in *ad aliquid* non potest esse motus: quia sine aliqua mutatione ejus quod ad aliud refertur, potest relatio desinere ex sola mutatione alterius; sicut etiam de actione patet, quod non est motus secundum actionem nisi metaphorice et improprie; sicut exiens de otio in actum mutari dicimus; quod non esset si relatio vel actio significaret aliquid in subjecto manens. Ex hoc autem apparet quod non est contra rationem simplicitatis alicujus, multitudo relationum quae est inter ipsum et alia; immo quanto simplicius est tanto concomitantur ipsum plures relationes. Quanto enim aliquid est simplicius tanto virtus (ejus) est minus limitata; unde ad plura se extendit sua causalitas. Et ideo in libro de Causis (prop. xvii) dicitur, quod omnis virtus unita plus est inflata quam virtus multiplicata. Oportet autem intelligi aliquam relationem inter principium et ea quae a principio sunt, non solum quidem relationem originis, secundum quod principia oriuntur a principio, sed etiam relationem diversitatis: quia oportet effectum a causa distingui, cum nihil sit causa sui ipsius. Et ideo ad summam Dei simplicitatem consequitur quod infinitae habitudines sive relationes existant inter creaturas et ipsum, secundum quod ipse creaturas producit a seipso diversas, aequaliter tamen sibi assimilatas.

AD PRIMUM ergo dicendum, quod illa relativa sunt simul natura quae pari ratione mutuo referuntur, sicut pater ad filium, dominus ad servum, duplum ad dimidium. Illa vero relativa in quibus non est eadem ratio referendi ex utraque parte, non sunt

simul natura, sed alterum est prius naturaliter, sicut etiam Philosophus dicit (in Præd. *ad aliquid*, a medio) de sensu et sensibili, scientia et scibili. Et sic patet quod non oportet quod Deus et creatura sint simul natura, cum non sit eadem ratio referendi ex utraque parte. Nihilominus autem non est necesse in illis etiam relativis quæ sunt simul natura, quod subjecta sint naturaliter simul, sed relationis solæ.

Ad secundum dicendum, quod non omnium est comparatio quorum est relatio ad invicem, sed solum illorum quorum est relatio secundum unam quantitatem vel qualitatem, ut ex hoc possit unum altero dici majus aut melius, vel albius vel aliquid hujusmodi. Relationum autem diversitates possunt ad invicem referri etiam quæ diversorum generum sunt; ea enim quæ diversorum generum sunt, sunt ad invicem diversa. Nihilominus tamen quamvis Deus in eodem genere non sit cum creatura sicut contentum sub genere, est tamen in omnibus generibus sicut principium generis: et ex hoc potest esse aliqua relatio inter creaturam et Deum, sicut inter principia et principium.

Ad tertium dicendum, quod non oportet subjecta relationum esse unius generis, sed solum relationes ipsas: ut patet in hoc quod quantitas a quidditate diversa dicitur. Et tamen, ut dictum est, non est eadem ratio de Deo et creaturis, sicut de his quæ sunt in diversis generibus ad invicem nullo modo coordinata.

Ad quartum dicendum, quod oppositio relationis in duobus differt ab aliis oppositionibus: quoniam primum est quod in aliis oppositis unum dicitur alteri opponi, inquantum ipsum removet: negatio enim removet affirmationem, et secundum hoc ei opponitur; oppositio vero privationis et habitus et contrarietatis includit oppositionem contradictionis, ut IV Metaph. dicitur. Non autem est hoc in relativis. Non enim per hoc opponitur filius patri quod ipsum removet, sed propter rationem habitudinis ad ipsum. Et ex hoc causatur secunda differentia; quia in aliis oppositis semper alterum est imperfectum; quod accidit ratione negationis quæ inciditur in privatione et altero contrariorum. Hoc autem in relativis non oportet, immo utrumque considerari potest ut perfectum, sicut patet maxime in relativis æquiparantibus, et in relativis originis, ut æquale, simile, pater et filius. Et ideo relatio magis potest attribui Deo quam alia oppositiones. Ratione quidem primæ differentie potest attendi oppositio relationis inter creaturam et Deum, non autem alia oppositio; cum ex Deo sit magis creaturarum positio quam earum remotio; est tamen aliqua habitudo creaturarum ad Deum. Ratione vero secundæ differentie est in ipsis divinis personis (in quibus nihil imperfectum esse potest) oppositio relationis, et non alia, ut posterius, quæst. viii, apparebit.

Ad quintum dicendum, quod cum fieri sit proprie mutari,

non est secundum relationem nisi per accidens, scilicet mutato eo ad quod consequitur relatio: ita nec fieri. Corpus enim mutatum secundum quantitatem fit æquale, non quod mutatio per se æqualitatem respiciat, sed per accidens se habet ad ipsum. Et tamen non oportet, ad hoc quod de aliquo relatio aliqua de novo dicatur, quod aliqua mutatio in ipso fiat; sed sufficit quod fiat mutatio in aliquo extremorum: causa enim habitudinis inter duos est aliquid inhaerens utrique. Unde ex quacumque parte fiat mutatio illius quod habitudinem causabat, tollitur habitudo quæ est inter utrumque. Et secundum hoc, per hoc quod in creatura aliqua mutatio fit, aliqua relatio de Deo incipit dici. Unde ipse non potest dici factus nisi metaphorice: quia se habet ad similitudinem facti, inquantum de Deo aliquid novum dicitur. Et sic dicimus: *Domine refugium factus es nobis*, Psalm. lxxxix, 1.

Ad sextum dicendum, quod hujusmodi relationes cum de Deo dici incipiunt propter mutationem in creatura factam, patet quod causa quare de Deo dicantur, est ex parte creature, et per accidens de Deo dicuntur. Non quidem accidens quod in Deo sit, ut Augustinus dicit; sed secundum aliquid extra ipsum existens, quod ad ipsum accidentaliter comparatur. Non enim esse Dei a creatura dependet, sicut nec esse edificatori a domo. Unde sicut accidit edificatori quod domus sit, ita Deo quod creatura. Omne enim dicitur per accidens se habere ad aliquid, sine quo illud esse potest.

ARTICULUS IX. — *Utrum hujusmodi relationes quæ sunt inter creaturas et Deum, sint realiter in ipsis creaturis.*

Nono quaeritur, utrum hujusmodi relationes quæ sunt inter creaturas et Deum, sint realiter in ipsis creaturis. Et videtur quod non. Aliqua enim relationes inveniuntur in quibus ex nulla parte relatio aliquid realiter ponit, sicut Avicenna dicit (lib. IV Metaphys., cap. x circa finem) de relatione quæ est inter ens et non ens. Sed nulla extrema relationis magis ad invicem distant quam Deus et creatura. Ergo ista relatio non ponit aliquid realiter ex parte neutra.

2. Præterea, omne illud negandum est ad quod sequitur processus in infinitum. Sed si in creatura relatio ad Deum sit res aliqua, erit procedere in infinitum; relatio enim illa aliquid creatum erit, si est, res quædam; et ita erit alia relatio ipsius ad Deum pari ratione, et sic in infinitum. Non ergo ponendum est quod in creatura ad Deum relatio sit res aliqua.

3. Præterea, nihil refertur nisi ad determinatum et unum (ut dicitur IV Metaphys., com. xxvi); unde duplum non refertur ad quodlibet, sed ad dimidium, et pater ad filium, et sic de aliis. Oportet ergo secundum differentiam eorum quæ referuntur, esse differentias eorum ad quæ fit relatio. Sed Deus est unum

ens simpliciter. Ergo non potest ad ipsum fieri relatio omnium creaturarum, aliqua relatione reali.

4. Præterea, secundum hoc creatura refertur ad Deum secundum quod ab ipso procedit. Sed creatura procedit a Deo secundum ipsam substantiam. Ergo secundum suam substantiam refertur ad Deum, et non secundum aliquam relationem supervenientem.

5. Præterea, relatio est aliquid medium inter extrema relationis. Sed nihil potest esse realiter medium inter Deum et creaturam immediate a Deo creatam. Ergo relatio ad Deum non est aliqua res in creatura.

6. Præterea, Philosophus (in IV Metaph., com. xix et sequent.) dicit, quod si omnia apparentia essent vera, res sequeretur opinionem nostram et sensum. Sec constat quod omnes creature sequuntur estimationem, sive scientiam, sui Creatoris. Ergo creature omnes substantialiter referuntur ad Deum, et non per aliquam relationem inherentem.

7. Præterea, inter que est major distantia, minus videtur esse relatio. Sed est major distantia creature ad Deum quam unius creature ad aliam. Non est autem relatio creature ad creaturam res aliqua, ut videtur; nam cum non sit substantia, oportet quod sit accidens; et ita, quod subjecto insit, et quod ab eo removeri non possit sine (1) mutatione subjecti: cuius contrarium supra de relatione est dictum. Ergo nec relatio creature ad Deum est res aliqua.

8. Præterea, sicut ens creatum distat a non ente in infinitum, ita etiam a Deo in infinitum distat. Sed inter ens creatum et non ens purum, non est aliqua relatio, ut Avicenna dicit (lib. IV Metaph., cap. xi). Ergo nec inter ens creatum et ens increatum.

Sed contra est quod Augustinus dicit (V de Trinit., cap. xvi): *Quod temporaliter dicit incipit Deus quod aeterna non dicebatur, manifestum est relative dici, non tamen secundum accidens Dei, quod et aliquid acciderit: sed plane secundum accidens ejus* (2) ad quod Deus incipit dici relative. Sed accidens res aliqua in subjecto est. Ergo relatio ad Deum est res aliqua in creatura.

Præterea, omne quod refertur ad aliquid per sui mutationem realiter refertur ad ipsum. Sed creatura refertur ad Deum per sui mutationem. Ergo realiter refertur ad Deum.

Respondeo dicendum, quod relatio ad Deum est aliqua res in creatura. Ad cuius evidentiam sciendum est, quod sicut dicit Commentator in XI Metaph. (text. xix), quia relatio est debilioris esse inter omnia prædicamenta, ideo putaverunt quidam eam esse ex secundis intellectibus. Prima enim intellecta sunt res extra animam, in que primo intellectus intelligenda

(1) Al. dicit sine. — (2) Al. dicit ejus.

fertur. Secunda autem intellecta dicuntur intentiones consequentes modum intelligendi: hoc enim secundo intellectus intelligit in quantum reflectitur supra seipsum, intelligens se intelligere et modum quo intelligit. Secundum ergo hanc positionem sequeretur quod relatio non sit in rebus extra animam, sed in solo intellecta, sicut intentio generis et speciei, et secundarum substantiarum. Hoc autem esse non potest. In nullo enim prædicamento ponitur aliquid nisi res extra animam existens. Nam ens rationis dividitur contra ens divisum per decem prædicamenta, ut patet V Metaph. (com. xiii et xiv). Si autem relatio non esset in rebus extra animam, non poneretur ad aliquid unum genus prædicamenti. Et præterea perfectio et bonum que sunt in rebus extra animam, non solum attenduntur secundum aliquid absolute inherens rebus, sed etiam secundum ordinem unius rei ad aliam: sicut etiam in ordine partium exercitus, bonum exercitus consistit: huic enim ordini comparat Philosophus ordinem universi (X Metaph., com. lxi et seqq.). Oportet ergo in ipsis rebus ordinem quemdam esse; hic autem ordo relatio quedam est. Unde oportet in rebus ipsis relationes quasdam esse, secundum quas unum ad alterum ordinatur. Ordinatur autem una res ad aliam vel secundum quantitatem, vel secundum virtutem activam seu passivam. Ex his enim solum duobus attenditur aliquid in uno, respectu extrinseci. Mensuratur enim aliquid non solum a quantitate intrinseca, sed etiam ab intrinseca. Per virtutem etiam activam unumquodque agit in alterum, et per passivam patitur ab altero; per substantiam autem et qualitatem ordinatur aliquid ad seipsum tantum, non ad alterum, nisi per accidens; scilicet secundum quod qualitas, vel forma substantialis aut materia, habet rationem virtutis activæ vel passivæ, et secundum quod in eis consideratur aliqua ratio quantitatis prout unum in substantia facit idem, et unum in qualitate simile, et numerus, sive multitudo, dissimile et diversum in eisdem, et dissimile secundum quod aliquid magis vel minus altero (1) consideratur; sic enim aliam aliquid altero dicitur. Et propter hoc Philosophus in V Metaph. (com. xx) species assignans relationis, quasdam ponit ex quantitate causatas, quasdam vero ex actione et passione. Sic ergo oportet quod res habentes ordinem ad aliquid, realiter referantur ad ipsum, et quod in eis aliqua res sit relatio. Omnes autem creature ordinantur ad Deum et sicut ad principium et sicut ad finem; nam ordo qui est partium universi ad invicem, est per ordinem qui est totius universi ad Deum; sicut ordo qui est inter partes exercitus, est propter ordinem exercitus ad ducem, ut patet XII Metaph. (com. lxi et seqq.). Unde oportet quod creature realiter referantur ad Deum, et quod ipsa relatio sit res quedam in creatura.

(1) Al. alium.

AD PRIMUM ergo dicendum, quod hoc quod aliqua relatio est inter creaturas ad invicem in quae in neutro extremorum aliquid ponat, non est propter creaturarum distantiam, sed propter hoc quod aliqua relatio non attenditur secundum ordinem alicuius qui sit in rebus, sed secundum ordinem qui est in intellectu tantum; quod non potest dici de ordine creaturarum ad Deum.

AD SECUNDUM dicendum, quod relationes ipsae non referuntur ad aliud per aliam relationem sed per seipsas, quia essentialiter relationes sunt. Non autem est simile de his quae habent substantiam absolutam; unde non sequitur processus in infinitum.

AD TERTIUM dicendum, quod Philosophus ibidem concludit, quod si omnia referantur ad optimum, oportet infinitum specie esse optimum. Et sic ad id quod est infinitum specie, nihil prohibet infinita referri. Tale autem est Deus, cum perfectio suae substantiae ad nullum genus determinetur, ut supra habitum est. Et propter hoc nihil prohibet infinitas creaturas ad Deum referri.

AD QUARTUM dicendum, quod creatura refertur ad Deum secundum suam substantiam, sicut secundum causam relationis; secundum vero relationem ipsam formaliter; sicut aliquid dicitur simile secundum qualitatem causaliter, secundum similitudinem formaliter; ex hoc enim creatura similis denominatur.

AD QUINTUM dicendum, quod cum dicitur creatura immediate a Deo procedere, excluditur causa media creans; non tamen excluditur mediata realis habitudo, quae naturaliter sequitur (1) ad productionem creaturae, sicut aequalitas sequitur productionem quantitatis indeterminate; ita habitudo realis creationis naturaliter sequitur ad productionem substantiae creatae.

AD SEXTUM dicendum, quod creature sequuntur Dei scientiam sicut effectus causam, non sicut propriam rationem essendi, ut sic nihil aliud sit creaturam esse quam a Deo sciri. Hoc autem modo ponantur dicentes omnia apparentia esse vera, et rem sequi opinionem et sensum, ut scilicet unicuique hoc esset esse quod ab alio sentiri vel opinari.

AD SEPTIMUM dicendum, quod ipsa relatio quae nihil est aliud quam ordo unius creaturae ad aliam illud habet in quantum est accidens, et aliud in quantum est relatio vel ordo. In quantum enim accidens est, habet quod sit in subjecto, non autem in quantum est relatio vel ordo; sed solum quod ad aliud sit quasi in aliud transiens, et quodammodo rei relate assistens. Et ita relatio est aliquid inhaerens, licet non ex hoc ipso quod est relatio; sicut et actio ex hoc quod est actio, consideratur ut ab agente; in quantum vero est accidens

(1) *Id. ad productionem quantitatis indeterminate, alio omisso.*

consideratur ut in subjecto agente. Et ideo nihil prohibet quod esse desinat huiusmodi accidens sine mutatione eius in quo est: quia sua ratio non perficitur prout est in ipso subjecto, sed prout transit in aliud; quo sublato, ratio huiusmodi accidens tollitur quidem quantum ad actum, sed manet quantum ad causam; sicut et subtracta materia, tollitur calefactio, licet maneat calefactionis causa.

AD OCTAVUM dicendum, quod ens creatum non habet ordinem ad non ens, habet autem ordinem ad ens increatum; et ideo non est simile.

ARTICULUS X. — *Utrum Deus realiter referatur ad creaturam, ita quod ipsa relatio sit res aliqua in Deo.*

Decimo quaeritur, utrum Deus realiter referatur ad creaturam, ita quod ipsa relatio sit res aliqua in Deo. Et videtur quod sic. Movens enim realiter refertur ad motum; unde Philosophus, V Metaph. (com. x), ponit relationem moventis et moti ut species predicamenti relationis. Sed Deus comparatur ad creaturam ut movens ad motum. Ergo refertur realiter ad creaturam.

2. Sed diceretur, quod movet creaturas sine sui mutatione; et ideo non realiter refertur ad rem motam. — Sed contra, unum relative oppositorum, non est causa quod alterum dicatur de eodem: non enim propter hoc aliquid est duplum, quia est dimidium; nec ideo Deus est Pater, quia est Filius. Si ergo movens et motum relative dicuntur, non ideo relatio moventis est in aliquo, quia est in eo relatio moti. Quod ergo Deus non movetur non impedit quin realiter referatur ut movens ad motum.

3. Praeterea, sicut Pater dat esse Filio, ita Creator dat esse creature. Sed Pater realiter refertur ad Filium. Ergo et Creator ad creaturam.

4. Praeterea, ea quae proprie dicuntur de Deo et non metaphorice, rem significantiam ponunt in Deo. Sed inter ista nomina commemorat Dionysius hoc nomen *Dominus* (cap. i de div. Nom.). Ergo res significata per hoc nomen *Dominus*, realiter est in Deo. Haec autem est relatio ad creaturam. Ergo, etc.

5. Praeterea, scientia realiter refertur ad scibile, ut patet V Metaph. (com. xx). Sed Deus comparatur ad res creatas ut scieus ad scitum. Ergo in Deo est aliqua relatio ad creaturam.

6. Praeterea, illud quod movetur, semper habet realem relationem ad movens. Sed voluntas comparatur ad volitum ut ad movens motum: nam appetibile est movens non motum: appetitus movens motum, ut dicitur XII Metaph. (com. xxxvi). Cum ergo Deus velit res esse (*omnia enim quaecumque voluit*

AD PRIMUM ergo dicendum, quod hoc quod aliqua relatio est inter creaturas ad invicem in quae in neutro extremorum aliquid ponat, non est propter creaturarum distantiam, sed propter hoc quod aliqua relatio non attenditur secundum ordinem alicuius qui sit in rebus, sed secundum ordinem qui est in intellectu tantum; quod non potest dici de ordine creaturarum ad Deum.

AD SECUNDUM dicendum, quod relationes ipsae non referuntur ad aliud per aliam relationem sed per seipsas, quia essentialiter relationes sunt. Non autem est simile de his quae habent substantiam absolutam; unde non sequitur processus in infinitum.

AD TERTIUM dicendum, quod Philosophus ibidem concludit, quod si omnia referantur ad optimum, oportet infinitum specie esse optimum. Et sic ad id quod est infinitum specie, nihil prohibet infinita referri. Tale autem est Deus, cum perfectio suae substantiae ad nullum genus determinetur, ut supra habitum est. Et propter hoc nihil prohibet infinitas creaturas ad Deum referri.

AD QUARTUM dicendum, quod creatura refertur ad Deum secundum suam substantiam, sicut secundum causam relationis; secundum vero relationem ipsam formaliter; sicut aliquid dicitur simile secundum qualitatem causaliter, secundum similitudinem formaliter; ex hoc enim creatura similis denominatur.

AD QUINTUM dicendum, quod cum dicitur creatura immediate a Deo procedere, excluditur causa media creans; non tamen excluditur mediata realis habitudo, quae naturaliter sequitur (1) ad productionem creaturae, sicut aequalitas sequitur productionem quantitatis indeterminate; ita habitudo realis creationis naturaliter sequitur ad productionem substantiae creatae.

AD SEXTUM dicendum, quod creature sequuntur Dei scientiam sicut effectus causam, non sicut propria rationem essendi, ut sic nihil aliud sit creaturam esse quam a Deo sciri. Hoc autem modo ponantur dicentes omnia apparentia esse vera, et rem sequi opinionem et sensum, ut scilicet unicuique hoc esset esse quod ab alio sentiri vel opinari.

AD SEPTIMUM dicendum, quod ipsa relatio quae nihil est aliud quam ordo unius creaturae ad aliam illud habet in quantum est accidens, et aliud in quantum est relatio vel ordo. In quantum enim accidens est, habet quod sit in subjecto, non autem in quantum est relatio vel ordo; sed solum quod ad aliud sit quasi in aliud transiens, et quodammodo rei relate assistens. Et ita relatio est aliquid inhaerens, licet non ex hoc ipso quod est relatio; sicut et actio ex hoc quod est actio, consideratur ut ab agente; in quantum vero est accidens

(1) *Id. ad productionem quantitatis indeterminate, alio omisso.*

consideratur ut in subjecto agente. Et ideo nihil prohibet quod esse desinat huiusmodi accidens sine mutatione eius in quo est: quia sua ratio non perficitur prout est in ipso subjecto, sed prout transit in aliud; quo sublato, ratio huiusmodi accidens tollitur quidem quantum ad actum, sed manet quantum ad causam; sicut et subtracta materia, tollitur calefactio, licet maneat calefactionis causa.

AD OCTAVUM dicendum, quod ens creatum non habet ordinem ad non ens, habet autem ordinem ad ens increatum; et ideo non est simile.

ARTICULUS X. — *Utrum Deus realiter referatur ad creaturam, ita quod ipsa relatio sit res aliqua in Deo.*

Decimo quaeritur, utrum Deus realiter referatur ad creaturam, ita quod ipsa relatio sit res aliqua in Deo. Et videtur quod sic. Movens enim realiter refertur ad motum; unde Philosophus, V Metaph. (com. x), ponit relationem moventis et moti ut species predicamenti relationis. Sed Deus comparatur ad creaturam ut movens ad motum. Ergo refertur realiter ad creaturam.

2. Sed diceretur, quod movet creaturas sine sui mutatione; et ideo non realiter refertur ad rem motam. — Sed contra, unum relative oppositorum, non est causa quod alterum dicatur de eodem: non enim propter hoc aliquid est duplum, quia est dimidium; nec ideo Deus est Pater, quia est Filius. Si ergo movens et motum relative dicuntur, non ideo relatio moventis est in aliquo, quia est in eo relatio moti. Quod ergo Deus non movetur non impedit quin realiter referatur ut movens ad motum.

3. Praeterea, sicut Pater dat esse Filio, ita Creator dat esse creature. Sed Pater realiter refertur ad Filium. Ergo et Creator ad creaturam.

4. Praeterea, ea quae proprie dicuntur de Deo et non metaphorice, rem significantem ponunt in Deo. Sed inter ista nomina commemorat Dionysius hoc nomen *Dominus* (cap. i de div. Nom.). Ergo res significata per hoc nomen *Dominus*, realiter est in Deo. Haec autem est relatio ad creaturam. Ergo, etc.

5. Praeterea, scientia realiter refertur ad scibile, ut patet V Metaph. (com. xx). Sed Deus comparatur ad res creatas ut scieus ad scitum. Ergo in Deo est aliqua relatio ad creaturam.

6. Praeterea, illud quod movetur, semper habet realem relationem ad movens. Sed voluntas comparatur ad volitum ut ad movens motum: nam appetibile est movens non motum: appetitus movens motum, ut dicitur XII Metaph. (com. xxxvi). Cum ergo Deus velit res esse (*omnia enim quaecumque voluit*

fecit; Psal. cxlii, 3), videtur quod realiter referatur ad creaturam.

7. Præterea, si Deus ad creaturas non referatur, non videtur esse alia ratio, nisi quia a creaturis non dependet, et quia creaturas excedit. Sed similiter corpora coelestia a corporibus elementaribus non dependet, et ea quasi improporcionally excedunt. Ergo secundum hoc sequeretur quod nulla esset realis relatio corporum superiorum ad inferiora.

8. Præterea, omnis denominatio est a forma. Forma autem est aliquid inhærens ei cuius est. Cum ergo Deus nominetur a relationibus ad creaturam, videtur quod ipsæ relationes aliquid sint in Deo.

9. Præterea, proportio, quedam relatio realis est, sicut duplicium ad dimidium. Sed aliqua proportio videtur esse Deo ad creaturam, cum inter movens et motum oporteat esse proportionem. Ergo videtur quod Deus ad creaturam realiter referatur.

10. Præterea, cum intellectus sint rerum similitudines, et voces sint signa rerum, ut dicit Philosophus (I Periherm., in princ.), aliter ordinantur ista apud discipulum, et aliter apud doctorem. Doctor enim incipit a rebus in quibus scientiam accepit in suo intellectu, cuius conceptiones voces signant; discipulus autem incipit a vocibus per quas in conceptiones intellectus magistri pervenit; et ab eis in rerum cognitionem. Oportet autem quod huiusmodi quæ de relationibus prædictis dicuntur, ab aliqua doctore sint prius accepta. Ergo apud eum huiusmodi nomina relativa consequuntur conceptiones intellectus sui, quæ consequuntur rem; et ita videtur quod huiusmodi relationes sint reales.

11. Præterea, huiusmodi relativa quæ de Deo dicuntur ex tempore aut sunt relativa secundum esse, aut secundum dici. Si sunt relativa secundum dici, in neutro extremorum aliquid ponunt realiter. Hoc autem est falsum, secundum prædicta; nam in creatura relata ad Deum realiter existunt. Relinquitur ergo quod sunt relativa secundum esse; et ita videtur, quod in utroque extremorum aliquid ponant realiter.

12. Præterea, hæc est natura relativorum, quod posito uno ponitur aliud, et uno interempto aliud interimitur. Si igitur in creatura est aliqua realis relatio, oportet quod in Deo relatio ad creaturam sit realis.

Sed contra est quod Augustinus dicit, V. de Trin. (cap. xvi): *Manifestum est Deum relative dici secundum accidens ejus ad quod dici Deus aliquid incipit relative*. Ergo videtur quod ista relationes dicantur de Deo, non secundum aliquid quod in ipso sit, sed secundum aliquid quod extra ipsum est; et ita nihil realiter in ipso ponunt.

Præterea, sicut scibile est mensura scientiæ, ita Deus est

mensura omnium rerum, ut Commentator dicit, X Metaph. Sed scibile non refertur ad scientiam per relationem quæ in ipso realiter sit, sed potius per relationem scientiæ ad ipsum, ut patet per Philosophum, V Metaph. (cota. xx). Ergo videtur quod nec Deus dicatur relative ad creaturam propter aliquam relationem quæ sit realiter in eo.

Præterea, Dionysius dicit (ix cap. de div. Nom.): *In causis et causatis non recipimus conversionem similitudinis; nam effectus dicitur similis cause, non autem e contrario*. Eadem autem ratio videtur de relatione similitudinis et de aliis relationibus. Ergo videtur quod nec quantum ad alias relationes fiat conversio a Deo ad creaturam; ut quia creatura realiter refertur ad Deum, Deus realiter refertur ad creaturam.

Respondeo dicendum, quod relationes quæ dicuntur de Deo ad creaturam, non sunt realiter in ipso. Ad cuius evidentiam sciendum est, quod cum relatio realis consistat in ordine unius rei ad rem aliam, ut dictum est; in illis tantum mutua realis relatio invenitur in quibus ex utraque parte est eadem ratio ordinis unius ad alterum: quod quidem invenitur in omnibus rationibus consequentibus quantitatem. Nam cum quantitatis ratio sit ab omni sensibili abstracta, ejusdem rationis est quantitas in omnibus naturalibus corporibus. Et per rationem quæ unum habentium quantitatem realiter refertur ad alterum, et aliud ad ipsum. Habet autem una quantitas absolute considerata ad aliam ordinem secundum rationem mensuræ et mensurati, et secundum nomen totius et partis, et aliorum huiusmodi quæ quantitatem consequuntur. In relationibus autem quæ consequuntur actionem et passionem, sive virtutem activam et passivam, non est semper motus ordo ex utraque parte. Oportet namque id quod semper habet rationem patientis et moti, sive causati, ordinem habere ad agens vel movens, cum semper effectus a causa perficiatur, et ab ea dependeat: unde ordinatur ad ipsam sicut ad suum perfectivum. Agentia autem, sive moventia, vel etiam cause, aliquando habent ordinem ad patientia vel mota vel causata, in quantum scilicet in ipso effectu vel passione vel motu indectis attenditur quoddam bonum et perfectio moventis vel agentis; sicut maxime patet in agentibus univocis quæ per actionem suæ speciei similitudinem inducunt, et per consequens esse perpetuum propria speciei, secundum quod est possibile, conservant. Patet hoc etiam idem in omnibus aliis quæ mota movent vel agunt vel causant; nam ex ipso suo motu ordinantur ad effectus producendos; et similiter in omnibus in quibus quocumque bonum cause provenit ex effectu. Quedam vero sunt ad quæ quidem alia ordinantur et non e converso, quia sunt omnino extrinseca ab illo genere actionum vel virtutum quæ consequuntur talis ordo; sicut patet quod scientia refertur ad scibile, quia sciens, per actum intelligibilem, ordinem habet ad rem scitam



que est extra animam. Ipsa vero res que est extra animam, omnino non attingitur a tali actu, cum actus intellectus non sit transiens in exteriorem materiam mutandam; unde et ipsa res que est extra animam, omnino est extra genus intelligibile. Et propter hoc relatio que consequitur actum intellectus, non potest esse in ea; et similis ratio est de sensu et sensibili. Licet enim sensibilis immutet organum sensus in sua actione, et propter hoc habeat relationem ad ipsum, sicut et alia agentia naturalia ad ea que patiuntur ab eis, alteratio tamen organi non perficit sensum in actu, sed perficitur per actum virtutis sensitivæ: cuius sensibilis quod est extra animam, omnino est expers. Similiter homo comparatur ad columnam ut dexter, ratione virtutis motivæ que est in homine, secundum quam competit ei dextrum et sinistrum, ante et retro, sursum et deorsum. Et ideo huiusmodi relationes in homine vel animalia reales sunt, non autem in re que tali virtute caret. Similiter nummus (1) est extra genus illius actionis per quam fit pretium; que est conventio inter aliquos homines facta: homo etiam est extra genus artificialem actionum, per quas sibi imago constituitur. Et ideo nec homo habet relationem realem ad suam imaginem, nec nummus ad pretium, sed e contrario. Deus autem non agit per actionem mediam, que intelligitur a Deo procedens, et in creaturam terminata: sed sua actio est sua substantia; et quidquid in ea est, est omnino extra genus esse creati, per quod creatura referitur ad Deum. Nec iterum aliquod bonum accrescit Creatori ex creaturæ production; unde sua actio est maxime liberalis, ut Avicenna dicit (VIII Metaph., cap. VII, a med.). Patet etiam quod non movetur ad hoc quod agit, sed absque omni sua mutatione mutabilia facit. Unde relinquatur quod in eo non est aliqua relatio realis ad creaturam, licet sit relatio creaturæ ad ipsum, sicut effectus ad causam. In hoc autem deficit multipliciter Rabbi, qui voluit probare quod non esset relatio inter Deum et creaturam, quia cum Deus non sit corpus, non habet relationem ad tempus nec ad locum. Consideravit enim solam relationem que consequitur quantitatem, non eam que consequitur actionem et passionem.

Ad primum ergo dicendum, quod movens et agens naturale movet et agit actione vel motu medio, qui est inter movens et motum, et passum. Unde oportet quod saltem in hoc medio convenient agens et patiens, movens et motum. Et sic agens in quantum est agens, non est extraneum a genere patientis in quantum est patiens. Unde utriusque est realis ordo unius ad alterum, et precipue cum ipsa actio media sit quedam perfectio propria agentis; et per consequens id ad quod terminatur actio, est bonum ejus. Hoc autem in Deo non contingit, ut dictum est; et ideo non est simile.

(1) *Al. numerus.*

Ad secundum dicendum, quod hoc quod movens movetur, non est causa quare relatio movens in eo sit realiter, sed signum quoddam. Ex hoc enim apparet quod aliquo modo coincidit in genus moti, ex quo et ipsum movet motum; et iterum apparet quod ipsum ad quod movetur, sit quoddam bonum ejus, ex quo ad hoc per suum motum ordinatur.

Ad tertium dicendum, quod pater dat esse filio (1) sui generis, cum sit agens univoecum; non autem tale esse dat Deus creaturæ; et ideo non est simile.

Ad quartum dicendum, quod hoc nomen, *Dominus*, tria in suo intellectu includit: scilicet potentiam coercenti subditos, et ordinem ad subditos qui consequitur talem potestatem, et terminationem ordinis subditorum ad dominum; in uno enim relativo est intellectus alterius relativi. Salvator ergo huius significatio nominis in Deo quantum ad primum et tertium, non autem quantum ad secundum. Unde Ambrosius dicit (lib. I de Fide, cap. 1, circa med.), quod hoc nomen, *Dominus*, nomen est potestatis; et Boetius dicit, quod dominum est potestas quedam qua servus coeretur.

Ad quintum dicendum, quod scientia Dei aliter comparatur ad res quam scientia nostra; comparatur enim ad eas sicut et causa et mensura. Tales enim res sunt secundum veritatem, quales Deus sua scientia eas ordinavit. Ipsæ autem res sunt causa et mensura scientiæ nostræ. Unde sicut et scientia nostra refertur ad res realiter, et non e contrario; ita res referuntur realiter ad scientiam Dei, et non e contrario. Vel dicendum, quod Deus intelligit res alias intelligendo se; unde relatio divini scientiæ non est ad res directe, sed ad ipsam divinam essentiam.

Ad sextum dicendum, quod appetibile quod movet appetitum, est finis; ea vero que sunt ad finem non movent appetitum nisi ratione finis. Finis autem divini voluntatis non est aliquid aliud quam divina bonitas. Unde non sequitur quod res alie comparentur ad divinam voluntatem sicut movens ad motum.

Ad septimum dicendum, quod corpora celestia referuntur realiter ad inferiora secundum relationes consequentes quantitatem, propter hoc quod est eadem ratio quantitatis in utrisque; et iterum quantum ad relationes consequentes virtutem activam et passivam, quia moventur motu per actionem mediam que non est eorum substantia, cum aliquid bonum ipsorum attendatur in hoc quod sunt inferiorum causa.

Ad octavum dicendum est, quod illud a quo aliquid denominatur, non oportet quod sit semper forma secundum rei naturam; sed sufficit quod significetur per modum forme, grammaticè loquendo. Denominatur enim homo ab actione et ab indu-

(1) *Al. causa.*

mento, et ab aliis hujusmodi, que realiter non sunt formæ.

Ad nonum dicendum, quod si proportio intelligatur aliquis determinatus excessus, nulla est Dei ad creaturam proportio. Si autem per proportionem intelligatur habitudo sola, sic patet quod est inter Creatorem et creaturam; in creatura quidem realiter, non autem in Creatore.

Ad decimum dicendum, quod licet docteur incipiat a rebus, tamen alio modo recipiantur rerum conceptiones in mente docteuris quam sint in natura rei, quia unumquodque recipitur in altero per modum recipientis; patet enim quod conceptiones in mente docteuris sunt immaterialiter, et materialiter in natura.

Ad undecimum dicendum, quod distinctio ista relativorum secundum esse et secundum dici, nihil facit ad hoc quod sit relatio realis. Quædam enim sunt relativa secundum esse que non sunt realia, sicut dextrum et sinistrum in columna; et quædam sunt relativa secundum dici, que tamen important relationes reales, sicut patet de scientia et sensu. Dicuntur enim relativa secundum esse, quando nomina sunt imposita ad significandas ipsas relationes; relativa vero secundum dici, quando nomina sunt imposita ad significandas qualitates vel aliquid hujusmodi principaliter, ad que tamen consequuntur relationes. Nec quantum ad hoc differit, utrum sint relationes reales vel rationis tantum.

Ad ultimum dicendum, quod licet posito uno relativorum ponatur aliud, non tamen oportet quod eodem modo ponatur utrumque; sed sufficit quod unum ponatur secundum rem, et aliud secundum rationem.

ARTICULUS XI. — *Utrum iste relationes temporales sint in Deo secundum rationem.*

Undecimo queritur, utrum iste relationes temporales sint in Deo secundum rationem. Et videtur quod non. Ratio enim cui non respondet res, est cæssa et vana, sicut Boetius dicit (sup. proem. Porphyrii in predicabilia, aliquant. ante finem). Sed iste relationes non sunt in Deo secundum rem, ut ex prædictis patet. Esset ergo ratio cæssa et vana, si essent in Deo secundum rationem.

2. Præterea, que sunt secundum rationem tantum, non attribuantur rebus nisi secundum quod sunt in intellectu, sicut genus et species et ordo. Sed hujusmodi relationes temporales non attribuntur Deo secundum quod est in intellectu nostro tantum; sic enim nihil esset dicta, Deus est Dominus, quoniam Deus intelligitur creatoris præesse, quod patet esse falsum. Ergo hujusmodi relationes non sunt secundum rationem in Deo.

3. Præterea, hoc nomen, *Dominus*, relationem significat, cum sit relativum secundum esse. Sed Deus est Dominus non secundum rationem tantum. Ergo nec hujusmodi relationes sunt in Deo secundum rationem tantum.

4. Præterea, nullo intellectu creato existente, Deus adhuc esset Dominus et Creator. Non autem essent res rationis nullo intellectu creato existente. Ergo *Dominus* et *Creator* et hujusmodi non important relationes rationis tantum.

5. Præterea, id quod est secundum rationem nostram tantum, non fuit ab æterno. Sed aliquæ relationes Dei ad creaturam fuerunt ab æterno, sicut relationes importate in nomine scientiæ et prædestinationis. Ergo hujusmodi relationes non sunt in Deo secundum rationem tantum.

Sed contra est quod nomina significant rationes sive intellectus, ut dicitur in principio Perier. Constat autem ista nomina relative dici. Ergo oportet hujusmodi relationes secundum rationem esse.

Respondeo dicendum, quod sicut realis relatio consistit in ordine rei ad rem, ita relatio rationis consistit in ordine intellectuum; quod quidem dupliciter potest contingere. Uno modo secundum quod iste ordo est adinventus per intellectum, et attributus ei quod relative dicitur; et hujusmodi sunt relationes que attribuntur ab intellectu rebus intellectis, prout sunt intellecte, sicut relatio generis et speciei; has enim relationes ratio advenit considerando ordinem ejus quod est in intellectu ad res que sunt extra, vel etiam ordinem intellectuum ad invicem. Alio modo secundum quod hujusmodi relationes consequuntur modum intelligendi, videlicet quod intellectus intelligit aliquid in ordine ad aliud; licet illum ordinem intellectus non adveniat, sed magis ex quadam necessitate consequatur modum intelligendi. Et hujusmodi relationes intellectus non attribuit ei quod est in intellectu, sed ei quod est in re. Et hoc quidem contingit secundum quod aliqua non habentia secundum se ordinem, ordinate intelliguntur; licet intellectus non intelligat ea habere ordinem, quia sic esset falsus. Ad hoc autem quod aliqua habent ordinem, oportet quod utrumque sit ens, et utrumque distinctum (quia ejusdem ad seipsum non est ordo) et utrumque ordinabile ad aliud. Quandoque autem intellectus accipit aliqua duo ut entia, priorum alterum tantum vel neutrum est ens; sicut cum accipit duo futura, vel unum præsens et aliud futurum, et intelligit unum cum ordine ad aliud, dicens alterum esse prius altero; unde iste relationes sunt rationis tantum, utpote modum intelligendi consequentes. Quandoque vero accipit unum ut duo, et intelligit ea cum quodam ordine; sicut cum dicitur aliquid esse idem sibi; et sic talis relatio est rationis tantum. Quandoque vero accipit aliqua duo ut ordinabilia ad invicem, inter que non est ordo medius, immo alterum ipsorum essentialiter est ordo; sicut cum dicit relationem accidere subiecto; unde talis relatio relationis ad quocumque aliud rationis est tantum. Quandoque vero accipit aliquid cum ordine ad aliud, in quantum est terminus ordinis alterius ad ipsum, licet

ipsum non ordinatur ad aliud: sicut accipiendo scibile ut terminum ordinis scientiæ ad ipsum; et sic cum quodam ordine ad scientiam, nomen scibilis relative significat; et est relatio rationis tantum. Et similiter aliqua nomina relativa Deo attribuit intellectus noster, in quantum accipit Deum ut terminum relationum creaturarum ad ipsum; unde huiusmodi relationes sunt rationis tantum.

AD PRIMUM ergo dicendum, quod in huiusmodi relationibus aliquid respondet ex parte rei, scilicet relatio creaturæ ad Deum. Sicut enim scibile dicitur relative, non quia ipsum referatur ad scientiam, sed quia scientia referatur ad ipsum, ut habetur V Metaph. (com. XX), ita Deus dicitur relative, quia creaturæ referantur ad ipsum.

AD SECUNDUM dicendum, quod ratio illa procedit de illis relationibus rationis quæ sunt per rationem inventæ, et rebus in intellectu existentibus attributæ. Tales autem non sunt relationes istæ, sed consequentes modum intelligendi.

AD TERTIUM dicendum, quod sicut aliquis est idem sibi realiter, et non solum secundum rationem, licet relatio sit secundum rationem tantum, propter hoc quod relationis causa est realis, scilicet unitas substantiæ quam intellectus sub ratione intelligit: ita potestas coercendi subditos est in Deo realiter, quam intellectus intelligit in ordine ad subditos propter ordinem subditorum ad ipsum; et propter hoc dicitur Dominus realiter, licet relatio sit rationis tantum. Et eodem modo apparet quod Dominus esset, nullo existente intellectu.

Unde patet solutio AD QUARTUM.

AD QUINTUM dicendum, quod relatio scientiæ Dei ad creaturam non est primo et per se, ut dictum est prius, in corp. art., sed ad essentiam Creatoris, per quam Deus omnia scit.

### QUESTIO VIII

#### DE HIS QUÆ RELATIVE DICUNTUR DE DEO AB ÆTERNO

(Et habet articulos quatuor.)

Primo enim quaeritur, utrum relationes dictæ de Deo ab æterno, quæ importantur his nominibus *Pater et Filius*, sint relationes reales vel rationis tantum; 2<sup>o</sup> utrum relatio in Deo sit ejus substantia; 3<sup>o</sup> utrum relationes constituent et distinguant personas et hypostases; 4<sup>o</sup> utrum remota relatione secundum intellectum, remaneat hypostasis in divinis.

ARTICULUS PRIMUS. — *Utrum relationes dictæ de Deo ab æterno, sint relationes reales, vel rationis tantum.* (I Sent., dist. XXVI, quæst. II, art. 1. et dist. XXXII, art. 1; et IV cont. Gent., cap. XIV.)

Quæstio est de his quæ relative dicuntur de Deo ab æterno. Et primo quaeritur, utrum relationes dictæ de Deo ab æterno quæ importantur his nominibus *Pater et Filius*, sint relationes reales vel rationis tantum. Et videtur quod non sint reales. Quia, ut dicit Damascenus (in I lib. orth. Fidei, cap. XI), in *substantiali Trinitate commune quidem et unum re consideratur, cognitione vero et intellectu est quod diversum vel distinctum est.* Sed distinctio personarum fit per relationes. Ergo relationes in divinis sunt rationis tantum.

2. Præterea, Boetius dicit (in lib. de Trinit., circ. fin.): *Similis est relatio Patris ad Filium in Trinitate, et utriusque ad Spiritum sanctum, ut ejus quod est idem ad id quod idem est.* Sed relatio identitatis est rationis tantum. Ergo et relatio paternitatis et filiationis.

3. Præterea, in Deo ad creaturam non est relatio realis, propter hoc quod Deus sine sui mutatione creaturas producit, ut Augustinus dicit (in V de Trin., cap. XVI). Sed multo magis sine mutatione producit Pater Filium, et Filius procedit a Patre. Ergo non est aliqua realis relatio Patris ad Filium in divinis, vel e contrario.

4. Præterea, ea quæ non sunt perfecta, Deo non attribuntur, sicut privatio, materia et motus. Sed relatio inter omnia entia habet debilius esse, in quantum quod eam quidam aestimaverunt de secundis intellectis, ut patet per Commentatorem (XI Metaph., com. XIX). Ergo in Deo esse non potest.

5. Præterea, omnis relatio in creaturis compositionem facit cum eo cuius est relatio; non enim potest una res alteri inesse sine compositione. Sed in Deo nulla compositio esse potest. Ergo in eo non potest esse realis relatio.

6. Præterea, simplicissima seipsis differant. Sed divine persone sunt simplicissime. Ergo seipsis differant, et non per relationes aliquas; ergo non oportet relationes in Deo ponere, cum ad nihil aliud ponantur nisi ad distinguendas personas.

7. Præterea, sicut relationes sunt proprietates personarum divinarum, ita attributa absoluta sunt proprietates essentialis. Sed attributa absoluta sunt in Deo secundum rationem tantum. Ergo relationes sunt in Deo secundum rationem et non reales.

8. Præterea, perfectum est cui nihil deest, ut dicitur III Phys. (com. LXIII et LXIV). Sed substantia divina est perfectissima. Ergo nihil quod ad perfectionem pertinet, ei deest. Superfluum est ergo ponere relationes in Deo.

9. Præterea, cum Deus sit summum rerum principium et

ipsum non ordinatur ad aliud: sicut accipiendo scibile ut terminum ordinis scientiæ ad ipsum; et sic cum quodam ordine ad scientiam, nomen scibilis relative significat; et est relatio rationis tantum. Et similiter aliqua nomina relativa Deo attribuit intellectus noster, in quantum accipit Deum ut terminum relationum creaturarum ad ipsum; unde huiusmodi relationes sunt rationis tantum.

AD PRIMUM ergo dicendum, quod in huiusmodi relationibus aliquid respondet ex parte rei, scilicet relatio creaturæ ad Deum. Sicut enim scibile dicitur relative, non quia ipsum referatur ad scientiam, sed quia scientia referatur ad ipsum, ut habetur V Metaph. (com. XX), ita Deus dicitur relative, quia creaturæ referantur ad ipsum.

AD SECUNDUM dicendum, quod ratio illa procedit de illis relationibus rationis quæ sunt per rationem inventæ, et rebus in intellectu existentibus attributæ. Tales autem non sunt relationes istæ, sed consequentes modum intelligendi.

AD TERTIUM dicendum, quod sicut aliquis est idem sibi realiter, et non solum secundum rationem, licet relatio sit secundum rationem tantum, propter hoc quod relationis causa est realis, scilicet unitas substantiæ quam intellectus sub ratione intelligit: ita potestas coercendi subditos est in Deo realiter, quam intellectus intelligit in ordine ad subditos propter ordinem subditorum ad ipsum; et propter hoc dicitur Dominus realiter, licet relatio sit rationis tantum. Et eodem modo apparet quod Dominus esset, nullo existente intellectu.

Unde patet solutio AD QUARTUM.

AD QUINTUM dicendum, quod relatio scientiæ Dei ad creaturam non est primo et per se, ut dictum est prius, in corp. art., sed ad essentiam Creatoris, per quam Deus omnia scit.

### QUESTIO VIII

#### DE HIS QUÆ RELATIVE DICUNTUR DE DEO AB ÆTERNO

(Et habet articulos quatuor.)

Primo enim quaeritur, utrum relationes dictæ de Deo ab æterno, quæ importantur his nominibus *Pater et Filius*, sint relationes reales vel rationis tantum; 2<sup>o</sup> utrum relatio in Deo sit ejus substantia; 3<sup>o</sup> utrum relationes constituent et distinguant personas et hypostases; 4<sup>o</sup> utrum remota relatione secundum intellectum, remaneat hypostasis in divinis.

ARTICULUS PRIMUS. — *Utrum relationes dictæ de Deo ab æterno, sint relationes reales, vel rationis tantum.* (I Sent., dist. XXVI, quæst. II, art. 1, et dist. XXXII, art. 1; et IV cont. Gent., cap. XIV.)

Quæstio est de his quæ relative dicuntur de Deo ab æterno. Et primo quaeritur, utrum relationes dictæ de Deo ab æterno quæ importantur his nominibus *Pater et Filius*, sint relationes reales vel rationis tantum. Et videtur quod non sint reales. Quia, ut dicit Damascenus (in I lib. orth. Fidei, cap. XI), in *substantiali Trinitate commune quidem et unum re consideratur, cognitione vero et intellectu est quod diversum vel distinctum est.* Sed distinctio personarum fit per relationes. Ergo relationes in divinis sunt rationis tantum.

2. Præterea, Boetius dicit (in lib. de Trinit., circ. fin.): *Similis est relatio Patris ad Filium in Trinitate, et utriusque ad Spiritum sanctum, ut ejus quod est idem ad id quod idem est.* Sed relatio identitatis est rationis tantum. Ergo et relatio paternitatis et filiationis.

3. Præterea, in Deo ad creaturam non est relatio realis, propter hoc quod Deus sine sui mutatione creaturas producit, ut Augustinus dicit (in V de Trin., cap. XVI). Sed multo magis sine mutatione producit Pater Filium, et Filius procedit a Patre. Ergo non est aliqua realis relatio Patris ad Filium in divinis, vel e contrario.

4. Præterea, ea quæ non sunt perfecta, Deo non attribuntur, sicut privatio, materia et motus. Sed relatio inter omnia entia habet debilius esse, in quantum quod eam quidam aestimaverunt de secundis intellectis, ut patet per Commentatorem (XI Metaph., com. XIX). Ergo in Deo esse non potest.

5. Præterea, omnis relatio in creaturis compositionem facit cum eo cuius est relatio; non enim potest una res alteri inesse sine compositione. Sed in Deo nulla compositio esse potest. Ergo in eo non potest esse realis relatio.

6. Præterea, simplicissima seipsis differant. Sed divine persone sunt simplicissime. Ergo seipsis differant, et non per relationes aliquas; ergo non oportet relationes in Deo ponere, cum ad nihil aliud ponantur nisi ad distinguendas personas.

7. Præterea, sicut relationes sunt proprietates personarum divinarum, ita attributa absoluta sunt proprietates essentialis. Sed attributa absoluta sunt in Deo secundum rationem tantum. Ergo relationes sunt in Deo secundum rationem et non reales.

8. Præterea, perfectum est cui nihil deest, ut dicitur III Phys. (com. LXIII et LXIV). Sed substantia divina est perfectissima. Ergo nihil quod ad perfectionem pertinet, ei deest. Superfluum est ergo ponere relationes in Deo.

9. Præterea, cum Deus sit summum rerum principium et

ultimus finis, ea quæ oportet in alia priora reduci, in Deo esse non possunt, sed solum ea ad quæ alia reducuntur; sicut esse mobile reducitur ad immobile, et per accidens ad per se; et propter hoc Deus non movetur, nec est in eo aliquod accidens. Sed omne quod dicitur ad aliud, reducitur ad absolutam quod ad se est. Ergo nihil est in Deo ad aliud, sed solum ad se tantum dictum.

10. Præterea, Deum esse per se necesse est. Sed omne quod est per se necesse esse, est absolutum; relativum enim non potest esse sine correlativo. Quod autem est per se necesse esse, etiam alio remoto esse potest. Ergo in Deo non est aliqua relatio realis.

11. Præterea, omnis relatio realis, ut in præcedenti questione, art. 9, est habitiva, consequitur aliquam quantitatem vel actionem, vel passionem. Sed quantitas in Deo non est; dicimus enim Deum sine quantitate magnum, ut Augustinus dicit (in lib. de Trin., lib. V, cap. 1, circa fin.), Numerus etiam in eo non est, ut dicit Boetius (in lib. de Trinit. ante med.), quem relatio consequi posset, etsi ponatur numerus quem relatio facit. Oportet ergo, si est relatio realis in Deo, quod competat Deo secundum aliquam ejus actionem. Non autem potest secundum actionem qua creaturas producit, quia in questione præcedenti, art. 10, est habitiva, quod in Deo non est realis relatio ad creaturam. Nec iterum secundum actionem personalem quæ ponitur in divinis, sicut est generare: nam cum generare in divinis non sit nisi suppositi distincti, distinctionem autem sola relatio facit in divinis, oportet (1) præintelligere relationem tali actioni; et sic relatio talem actionem consequi non potest. Restat ergo, si aliquam actionem consequatur relatio realiter in Deo existens, quod consequatur actionem ejus æternam vel essentialiam quæ est intelligere et velle. Sed etiam hoc esse non potest: hujusmodi enim actionem consequatur relatio intelligentis ad intellectum, quæ in Deo reales non sunt; alias oporteret quod intelligens et intellectum realiter in divinis distinguerentur; quod patet esse falsum, quia utrumque de singulis personis predicatur: non solum enim Pater est intelligens, sed et Filius et Spiritus sanctus: similiter et quilibet eorum est in intellectu. Nulla ergo relatio realis in Deo esse potest, ut videtur.

12. Præterea, ratio naturalis humana potest pervenire ad cognitionem divini intellectus; probatum est enim demonstrative a philosophis quod Deus est intelligentia. Si ergo actionem intellectus consequatur relationes reales, quæ in divinis personas distinguere dicuntur, videtur quod per rationem humanam Trinitas personarum inveniri posset: et sic non esset articulus fidei. Nam *fides est substantia rerum, argumentum non apparentium*; Heb., XI, 1.

(1) Al. additur ergo.

13. Præterea, relativity opposita contra alia opposita dividuntur. In Deo autem alia genera oppositionis poni non possunt. Ergo nec relatio.

Sed contra, Boetius dicit (in lib. de Trin., non procul a fine), quod sola relatio multiplicat Trinitatem. Hæc autem multiplicatio non est secundum rationem tantum, sed secundum rem, ut patet per Augustinum, qui dicit (lib. I de Trin., cap. III), quod Pater et Filius et Spiritus sanctus sunt tres res. Ergo oportet quod relatio sit in divinis non solum rationis, sed etiam rei.

Præterea, nulla res constituitur nisi per rem. Sed relationes in divinis sunt proprietates constituentes personas; persona autem est nomen rei. Ergo oportet et relationes in divinis res esse.

Præterea, perfectior est generatio in divinis quam in creaturis. Sed ad generationem in creaturis sequitur relatio realis, scilicet patris et filii. Ergo multo fortius in divinis sunt relationes reales.

Respondeo dicendum, quod sententiam fidei catholice sequentes, oportet dicere in divinis relationes reales esse. Ponit enim fides catholica tres personas in Deo unius essentialitæ. Numerus autem omnis aliqua distinctionem consequitur: unde oportet quod in Deo sit aliqua distinctio non solum respectu creaturarum, quæ a Deo per essentialiam differunt, sed etiam respectu alicujus in divina essentialitæ subsistentis. Hæc autem distinctio non potest esse secundum aliquod absolutum: quia quicquid absolute in divinis predicatur, Dei essentialiam significat; unde sequeretur quod personas divinas per essentialiam distinguerentur, quod est hæresis Arii. Relinquitur ergo quod per sola relativa distinctio in divinis personis attenditur. Hæc autem distinctio non potest esse rationis tantum: quia ea quæ sunt sola ratione distincta, nihil prohibet de se invicem predicari: sicut dicimus principium esse finem, quia punctum unum secundum rem est principium et finis, licet ratione differat; et ita sequeretur quod Pater est Filius, et Filius Pater: quia cum nomina imponantur ad significandum rationes nominum, sequeretur quod persona in divinis non distinguerentur nisi secundum nomina: quod est hæresis Sabelliana. Relinquitur ergo quod oportet dicere, relationes in Deo quasdam res esse: quod qualiter sit, sequendo sanctorum dicta, investigari oportet, licet ad plenum ad hoc ratio pervenire non possit. Sciendum est ergo, quod cum realis relatio intelligi non possit, nisi consequens quantitatem vel actionem seu passionem, oportet quod aliquo istorum modorum ponamus in Deo relationem esse. In Deo autem quantitas esse non potest, neque continua neque discreta, nec aliquid cum quantitate similitudinem habens; nisi multitudine quam relatio facit, cui oportet relationem præintelligere;

et unitas quæ essentiali competit, ad quam relatio consequens non est realis, sed rationis tantum; sicut relatio quam importat hoc nomen *idem*, ut supra, art. ult. quæst. præced., dictum est. Relinquitur ergo quod oportet in eo ponere relationem actionem consequentem. Actionem dico non quæ in aliquid patiens transeat: quia in Deo nihil potest esse patiens, cum non sit ibi materia; ad id autem quod est extra Deum, non est in Deo realis relatio, ut ostensum est, quæst. præc., art. 10. Relinquitur ergo quod consequatur relatio realis in Deo actionem manentem in agente, cujusmodi actiones sunt intelligere et velle in Deo. Sentire enim, cum organo corporeo compleatur, Deo non potest competere, qui est omnino incorporeus. Et propter hoc dicit Dionysius (XI. cap. de divin. Nom.), quod in Deo est paternitas perfecta, id est non corporaliter nec materialiter, sed intelligibiliter. Intelligens autem in intelligendo ad quatuor potest habere ordinem: scilicet ad rem quæ intelligitur, ad speciem intelligibilem, qua fit intellectus in actu, ad sumum intelligere, et ad conceptionem intellectus. Quæ quidem conceptio a tribus predictis differt. A re quidem intellecta, quia res intellecta est interdum extra intellectum; conceptio autem intellectus non est nisi in intellectu; et iterum conceptio intellectus ordinatur ad rem intellectam sicut ad finem: propter hoc enim intellectus conceptionem rei in se format ut rem intellectam cognoscat. Differt autem a specie intelligibili: nam species intelligibilis, qua fit intellectus in actu, consideratur ut principium actionis intellectus; cum omne agens agat secundum quod est in actu: actu autem fit per aliquam formam, quam oportet esse actionis principium. Differt autem ab actione intellectus: quia prædicta conceptio consideratur ut terminus actionis, et quasi quoddam per ipsam constitutum. Intellectus enim sua actione format rei definitionem, vel etiam propositionem affirmativam seu negativam. Hæc autem conceptio intellectus in nobis proprie verbum dicitur: hoc enim est quod verbo exteriori significatur: vox enim exterior neque significat ipsum intellectum, neque speciem intelligibilem, neque actum intellectus; sed intellectus conceptionem qua mediante refertur ad rem. Hujusmodi ergo conceptio, sive verbum, qua intellectus noster intelligit rem aliam a se ab alio exoritur, et aliud representat. Oritur quidem ab intellectu per suum actum: est vero similitudo rei intellectæ. Cum vero intellectus seipsum intelligit, verbum prædictum, sive conceptio, ejusdem est propagatio et similitudo, scilicet intellectus seipsum intelligens. Et hoc ideo contingit quia effectus similis causæ secundum suam formam: forma autem intellectus est res intellecta. Et ideo verbum quod oritur ab intellectu, est similitudo rei intellectæ, sive si idem quod oritur ab intellectu, est similitudo rei intellectæ, sive si idem quod oritur ab intellectu, sive aliud. Hujusmodi autem verbum nostri intellectus, est quidem extrinsecum ab esse ipsius intellectus (non enim est de essentia, sed est

quasi passio ipsius), non tamen est extrinsecum ab ipso intelligere intellectus, cum ipsum intelligere compleri non possit sine verbo predicto. Si ergo aliquis intellectus sit cujus intelligere sit sumum esse, oportebit quod illud verbum non sit extrinsecum ab esse ipsius intellectus, sicut nec ab intelligere. Hujusmodi autem est intellectus divinus: in Deo enim idem est esse et intelligere. Oportet ergo quod ejus verbum non sit extra essentiam ejus, sed ei coessentialia. Sic ergo in Deo potest inveniri origo alicujus ex aliquo, scilicet verbi et profertus verbum, unitate essentiali servata. Ubiunque enim est origo alicujus ab aliquo, ibi oportet ponere realem relationem vel tantum ex parte ejus quod oritur, quando non accipit eandem naturam quam habet suum principium, sicut patet in exortu creaturæ a Deo; vel ex parte utriusque, quando scilicet oriens attingit ad naturam sui principii, sicut patet in hominum generatione, ubi relatio realis est et in patre et in filio. Verbum autem in divinis est coessentialia suo principio, ut ostensum est. Relinquitur ergo quod in divinis sit realis relatio et ex parte verbi et ex parte profertus verbum.

Ad primum ergo dicendum, quod in divinis personis re quidem essentiali est unitas; distincto vero ratione, id est relatione, quæ non differt ab essentiali re, sed sola ratione, ut infra patebit.

Ad secundum dicendum, quod relatio quæ est in divinis personis habet quidem similitudinem cum relatione identitatis, si unitas essentiali consideretur: sed si consideratur origo unitis ab alio in eadem natura, ex hoc relationes predictas oportet esse reales.

Ad tertium dicendum, quod sicut Deus non mutatur in productione suæ creaturæ; ita non mutatur in productione sui verbi: sed tamen creatura non attingit ad essentialiam et naturam divinam: unde essentiali divina non communicatur creaturæ. Et propter hoc relatio Dei ad creaturam non fit propter aliquid quod sit in Deo, sed solum secundum id quod fit ex parte creaturæ. Sed verbum producitur ut coessentiali ipsi Deo: et ideo secundum id quod in Deo est, refertur Deus ad suum verbum, non solum secundum id quod ex parte verbi est. Tunc enim est relatio realis ex parte unius et non ex parte alterius, quando relatio consequitur per id quod est ex uno, et non per id quod est ab alio, sicut patet in scibili et scientia: hujusmodi enim relationes causantur per actum scientis, non per aliquid scibile.

Ad quartum dicendum, quod relatio habet esse debiissimum quod est ejus tantum; sic autem non est in Deo; non enim habet aliud esse quam esse substantiæ, ut infra, art. sequent., patebit; unde ratio non sequitur.

Ad quintum dicendum, quod ratio illa procedit de relatione reali quæ habet aliud esse ab esse substantiæ cui inest; sic autem non est in proposito, ut infra patebit.

AD SEXTUM dicendum, quod cum persone divine relationibus distinguantur, non alio differunt quam seipsis; quia relationes sunt ipsae persone subsistentes, ut infra, art. 4. patebit.

AD SEPTIMUM dicendum, quod attributa essentialia quae sunt proprietates essentialis, sunt in Deo realiter, et non secundum rationem. Bonitas enim dei est res quadam, et similiter ejus sapientia, et ita de aliis, licet ab essentialia non differant nisi ratione: sic etiam est de relationibus, ut infra patebit.

AD OCTAVUM dicendum, quod substantia Dei esset imperfecta si aliquid ei inesset quod non esset ipsa. Relatio autem in Deo est substantia ejus, ut infra patebit; unde ratio non sequitur.

AD NONUM dicendum, quod mobile et accidens reducuntur ad aliquid prius sicut imperfectum ad perfectum. Nam accidens imperfectum est, et similiter motus est imperfecti actus. Sed hoc quod dicitur ad aliud, quandoque sequitur perfectionem rei, sicut patet in intellectu; nam consequitur ejus operationem quae est ejus perfectio; et ideo perfectio divina non prohibet relationem in Deo ponere sicut prohibet ibi ponere motum et accidens.

AD DECIMUM dicendum, quod id quod necesse est per se esse, non refertur ad aliquid quod sit extraneum ab ipso: nihil tamen prohibet quin referatur ad aliquid intra ipsum. Unde cum non dicatur esse necesse per aliquid, dicitur esse necesse per seipsum.

AD UNDICESIMUM dicendum, quod relatio realis in Deo consequitur actionem intellectus, non quidem ita quod relatio realis intelligatur intelligens ad intellectum, sed ad verbum: quia intellectum non oritur ab intelligente, sed verbum.

AD DUODECIMUM dicendum, quod licet ratio naturalis possit pervenire ad ostendendum quod deus sit intellectus, modum tamen intelligendi est potest invenire sufficienter. Sicut enim de Deo scire possumus quod est, sed non quid est; ita de Deo scire possumus quod intelligit, sed non quo modo intelligit. Habere autem conceptionem verbi in intelligendo, pertinet ad modum intelligendi: unde ratio haec sufficienter probare non potest; sed ex eo quod est in nobis aliquoties per simile conjecturatur.

AD DECIMUMTERTIUM dicendum, quod in aliis oppositionibus semper alterum est et imperfectum vel non ens, vel ut habens aliquid de non ente, negatio enim est non ens, et privatio est quaedam negatio, et duorum contrariorum alterum semper habet aliquid privationis; unde aliae oppositiones in Deo esse non possunt sicut oppositio relationis, quae ex neutra parte importat imperfectionem.

ARTICULUS II. — *Utrum relatio in Deo sit ejus substantia.* (I part., quest. xxviii, art. 2; et I Sent., dist. xxxiii, art. 1; et IV contr. Gent., cap. xiv.)

Secundo quaeritur, utrum relatio in Deo sit ejus substantia. Et videtur quod non. *Nulla enim substantia est relatio*: haec est quaedam propositio immediata, sicut et haec: *Nulla substantia est quantitas*. Ergo nec divina substantia est relatio.

2. Sed dicendum, quod divina substantia est relatio secundum rem, non tamen secundum rationem. — Sed contra, ratio cui nihil respondet in re, est cassa et vana. Sed nihil vane in Deo debet poni. Ergo non potest esse quod relatio differat ab essentialia ratione existente.

3. Praeterea, persone divinae distinguuntur relationibus; sola enim relatio multiplicat Trinitatem, ut dicit Boetius (in lib. de Trin., non procul a fine). Si ergo persone divinae secundum substantiam non distinguuntur; relatio autem nihil addit supra substantiam secundum rem, sed solum secundum rationem, sequitur quod persone divinae distinguantur solum secundum rationem, quod est haeresis Sabellitana.

4. Praeterea, persone divinae non distinguuntur secundum aliquid absolutum; quia sequeretur quod distinguerentur secundum essentialiam, ex hoc quod ea quae de Deo dicuntur absolute, significant ejus essentialiam, ut bonitas, sapientia, et hujusmodi. Si ergo relationes sunt idem quod divina substantia, oportebit quod vel persone non distinguantur secundum relationes, vel quod distinctio personarum sit secundum essentialiam.

5. Praeterea, si relatio est ipsa substantia Dei, sequitur quod sicut Deus et sua magnitudo pertinet ad predicamentum substantiae in divinis, ex hoc quod Deus est sua magnitudo; ita pari ratione paternitas pertinet ad predicamentum substantiae; et sic omne quod de Deo dicitur, dicitur secundum substantiam; quod est contra Augustinum (in V lib. de Trin., cap. rv et v) qui dicit, quod non omne quod de Deo dicitur, dicitur secundum suam substantiam; dicitur enim Deus ad aliquid, sicut Pater ad Filium.

6. Praeterea, quicquid praedicatur de praedicato, praedicatur de subjecto. Sed si relatio est ipsa essentialia divina, haec praedicatio erit vera: *Essentia divina est paternitas*; et pari ratione ista: *Filiatio est divina essentialia*. Ergo sequitur quod filiatio est paternitas.

7. Praeterea, quaecumque sunt idem, ita se habent, quod quicquid praedicatur de uno, praedicatur de alio; quia, secundum Philosophum (I Top.), *quantitacumque differentiam assignaverimus, ostendentes eorinus quod non idem*. Sed de essentialia divina praedicatur quod sit sapiens, quod creet mundum, et hujusmodi; quae non videntur praedicari posse de pater-

nitate vel filiatione. Ergo relatio in divinis non est essentia divina.

8. Præterea, id quod facit distinctionem in divinis personis, non est idem cum eo quod non distinguit nec distinguitur. Sed relatio in divinis distinguit; essentia autem non distinguit neque distinguitur. Ergo non sunt idem.

9. Præterea, idem per suam essentiam non potest esse principium contrariorum, nisi per accidens. Sed distinctio, cujus est principium relatio in divinis, opponitur unitati, cujus est principium essentia. Ergo relatio et essentia non sunt idem.

10. Præterea, eorum quæ sunt idem, in quocumque est unum et aliud. Si ergo essentia divina et paternitas est idem, in quocumque est essentia divina, erit et paternitas. Sed essentia divina est in Filio; Ergo et paternitas; quod patet esse falsum.

11. Præterea, relatio et essentia differunt saltem ratione in divinis. Sed ubi est diversa ratio, sive definitio, est diversum esse; quia definitio est oratio indicans quid est esse. Ergo aliud erit esse relationis in divinis, et aliud substantiæ; ergo relatio et substantia differunt secundum esse, et ita realiter.

12. Præterea, *ad aliquid* dicuntur quorum essæ est ad aliud se habere, ut dicitur in Prædicamentis in prædic. *ad aliquid*. Esse ergo relationis est in respectu ad aliud; non autem esse substantiæ. Ergo relatio et substantia non sunt idem secundum esse; et sic idem quod prius.

13. Præterea, Augustinus dicit (V de Trin., cap. iv et v), quod aliquid dicitur in Deo non substantive sed relative. Quod autem substantiam divinam significat, dicitur substantialiter. Ergo relatio in divinis non significat substantiam divinam; et sic idem quod prius.

14. Præterea, Augustinus dicit (lib. VII de Trin., cap. vi), quod Deus non eo Deus est quo Pater est. Sed essentia divina est Deus; paternitas autem est Pater. Ergo essentia non est paternitas; et sic relatio in Deo non sunt divina substantia.

Sed contra, quiddam est in Deo, Deus est, ut Augustinus dicit (lib. V de Trin., cap. v et ult.). Sed relatio est in Deo, sicut paternitas in Patre. Ergo relatio est ipse Deus, et divina substantia.

Præterea, omnia suppositum in quo sunt diversæ res, est compositum. Sed in persona Patris est paternitas et essentia. Si igitur paternitas et essentia divina sunt duæ res, sequeretur quod persona Patris sit composita; quod patet esse falsum. Oportet ergo quod relatio in divinis sit ipsa substantia.

Respondet dicendum, quod supposito quod relationes in divinis sint, de necessitate oportet dicere quod sint essentia divina; alias oporteret ponere compositionem in Deo, et quod relationes in divinis essent accidentia; quia omnis res inherens alicui præter suam substantiam est accidens. Oporteret

etiam quod aliqua res esset æterna, quæ non erit substantia divina; quæ omnia sunt hæretica. Ad hujus ergo evidentiam sciendum est, quod inter novem genera quæ continentur sub accidente, quedam significantur secundum rationem accidentis; ratio enim accidentis est inesse; et ideo illa dico significari per modum accidentis quæ significantur ut inherentia alteri, sicut quantitas et qualitas; quantitas enim significatur ut aliquis in quo est, et similiter qualitas. *Ad aliquid* vero non significatur secundum rationem accidentis; non enim significatur ut aliquid ejus in quo est, sed ut ad id quod extra est. Et propter hoc etiam dicit Philosophus (V Metaph., com. xx), quod scientia, in quantum est relatio, non est scientis, sed scibilis. Unde quidam attendentes modum significandi in relativis, dixerunt, ea non esse inherentia substantiis, scilicet quasi eis assistentia; quia significantur ut quoddam medium inter substantiam quæ refertur, et id ad quod refertur. Et ex hoc sequebatur quod in rebus creatis relationes non sunt accidentia, quia accidentis esse est inesse. Unde etiam quidam theologi, scilicet Porretani, hujusmodi opinionem usque ad divinam relationem extenderunt, dicentes, relationes non esse in personis, sed eis quasi assistere. Et quia essentia divina est in personis, sequebatur quod relationes non sunt essentia divina; et quia omne accidens inheret, sequebatur quod non essent accidentia. Et secundum hoc solvebant verbum Augustini inductum, quod scilicet relationes non prædicantur de Deo secundum substantiam, nec secundum accidens. Sed ad hanc opinionem sequitur quod relatio non sit res aliqua, sed solum secundum rationem; omnis enim res vel est substantia vel accidens. Unde etiam quidam antiqui posuerunt relationes esse de secundis intellectis, ut Commentator dicit XI Metaph. (com. xix). Et ideo oportet hoc etiam Porretanos dicere, quod relationes divine non sunt nisi secundum rationem. Et sic sequitur quod distinctio personarum non erit realis; quod est hæreticum. Unde dicendum est, quod nihil prohibet aliquid esse inherens quod tamen non significatur ut inherens; sicut etiam actio non significatur ut in agente, sed ut ab agente; et tamen constat actionem esse in agente. Et similiter licet *ad aliquid* non significetur ut inherens, tamen oportet ut sit inherens. Et hoc quando relatio est res aliqua; quando vero est secundum rationem tantum, tunc non est inherens. Et sicut in rebus creatis oportet quod sit accidens, ita oportet quod sit in Deo substantia; quia quiddam est in Deo, est ejus substantia. Oportet ergo relationes secundum rem, esse divinam substantiam; quæ tamen non habent modum substantiæ, sed habent alium modum prædicandi ab his quæ substantialiter prædicantur in Deo.

Ad primum ergo dicendum, quod nulla substantia quæ est in genere, potest esse relatio; quia est definita ad unum genus,



et per consequens excluditur ab alio genere. Sed essentia divina non est in genere substantia, sed est supra omne genus, comprehendens in se omnium generum perfectiones. Unde nihil prohibet id quod est relationis, in ea inveniri.

Ad secundum dicendum, quod alia est ratio substantiæ et relationis, et utriusque respondet aliquid in re quæ Deus est; non tamen aliqua res diversa, sed una et eadem. Et hoc præcipue convenit quod duabus rationibus respondet una res, quando natura perfecte comprehendit ipsam rem; et sic est in proposito.

Ad tertium dicendum, quod licet relatio non addat supra essentiam aliquam rem, sed solum rationem, tamen relatio est aliqua res, sicut etiam bonus est aliqua res in Deo, licet non differat ab essentia nisi ratione; et similiter est de sapientia; et ideo sicut ea quæ pertinent ad bonitatem vel sapientiam, realiter Deo conveniunt, ut intelligere et alia hujusmodi: ita etiam id quod est proprium realis relationis, scilicet opponi et distinguere, realiter in divinis invenitur.

Ad quartum dicendum, quod attributa essentialia non solum significant id quod est essentia divina, sed etiam significant per talem modum, quia significant aliquid et in Deo existens; et propter hoc differentia quæ esset secundum absolutam, redundaret in diversitatem essentia. Relationes autem divines, licet significant id quod est divina essentia, non tamen per modum essentia; quia non per modum inexistentis, sed per modum se habentis ad aliud. Unde distinctio quæ attenditur secundum relationes in divinis, non designat distinctionem in essentia, sed solum in hoc quod est ad aliud se habere per modum originis, ut supra expositum est.

Ad quintum dicendum, quod licet relatio sit substantia divina, non tamen significat per modum substantia, ut supra expositum est; et ideo non dicitur secundum substantiam, quia dicit secundum substantiam pertinet ad modum significandi.

Ad sextum dicendum, quod ratio illa tenet in predicabilibus per se. Per se autem prædicatur aliquid de aliquo, quod prædicatur de eo secundum propriam rationem; quod vero non secundum propriam rationem prædicatur, sed propter rei identitatem, non etiam prædicatur per se. Cum ergo dicitur: *Essentia divina est paternitas*; non prædicatur paternitas de essentia divina propter identitatem rationis, sed propter identitatem rei; et similiter nec essentia de paternitate, ut jam dictum est; quia alia est ratio essentia et relationis. Et ideo in prædicto processu incidit fallacia accidentis; licet enim in Deo nihil sit accidens, est tamen quedam similitudo accidentis, in quantum ea quæ de se invicem prædicantur secundum accidens et differunt ratione, sunt unum subjecto.

Ad septimum dicendum, quod, sicut Philosophus dicit in III

Phys. (com. XXI). non oportet quod omnia eadem prædicentur quolibet modo de eisdem, sed solum de eisdem secundum rationem. Essentia autem divina et paternitas, etsi sint idem re, non sunt idem ratione; et ideo non oportet quod quicquid prædicatur de aliquo uno, prædicetur de alio. Sciendum tamen, quod quedam sunt quæ consequuntur proprias rationes essentia et relationis; sicut quod esse commune sequitur ad essentiam, distinguere sequitur ad relationem. Unde unum horum ab alio removetur; neque enim essentia distinguit, neque relatio est communis. Quedam vero non quantum ad principale significatum, sed quantum ad modum significandi, habent aliquam differentiam a ratione essentia vel relationis; et ista prædicatur quidem de essentia vel relatione, licet non proprie; et hujusmodi sunt adjectiva, et verba substantiva, ut bonus, sapiens, intelligere, et velle; hujusmodi enim, quantum ad rem significatam, significant ipsam essentiam; sed tamen significant eam per modum suppositi, et non in abstracto. Et ideo propriissime dicuntur de personis, et de nominibus essentialibus concretis, ut Deus, vel Pater, bonus, sapiens, creans, et alia hujusmodi; de essentia autem in abstracto significata, et non per modum suppositi, sed improprie. Adhuc autem minus proprie de relationibus; quia hujusmodi conveniunt supposito secundum essentiam, non autem secundum relationem. Deus enim est bonus, vel creans, ex eo quod habet essentiam, non ex eo quod habet relationem.

Ad octavum dicendum, quod illud quod facit distinctionem, potest esse cum eo quod nec distinguit nec distinguitur, idem re, sed non ratione.

Ad nonum dicendum, quod unitas essentia non opponitur distinctioni relationum; unde non sequitur quod relatio et essentia sint causa oppositorum.

Ad decimum dicendum, quod quæcumque sunt eadem re et ratione, oportet quod in quocumque est unum, sit aliud. Non autem hoc oportet de his quæ sunt eadem re, sed non ratione; sicut iustus est idem quod est principium futuri et finis præteriti; non tamen principium futuri dicitur esse in præterito, sed id quod est futuri principium; et similiter non dicitur quod paternitas est in Filio, sed id quod est (1), scilicet essentia.

Ad undecimum dicendum, quod in divinis nullo modo est esse nisi essentia, sicut nec intelligere nisi intellectus; et propter hoc, sicut in Deo est tantum unum intelligere, ita etiam unum esse. Et ideo nullo modo concedendum est, quod aliud sit esse relationis in divinis, et aliud essentia. Ratio autem non significat esse, sed esse quid, id est quid aliquid est. Unde due rationes unius rei non demonstrant duplex esse ejus; sed demonstrant quod dupliciter de illa re potest dici quid est; sicut de

(1) *Id.* in Filio secundum id quod est.

puncto potest dici quid est sicut principium et ut finis, propter diversam rationem principii et finis.

Ad **PRODECIAM** dicendum, quod cum relatio sit accidens in creaturis, esse suum est inesse; unde esse suum non est ad aliud se habere; sed esse hujus secundum quod ad aliud, est ad aliud se habere.

Ad **DECIUMTERTIUM** dicendum, quod dicuntur relativa de Deo predicari non substantialiter, quia non predicantur per modum existentis in substantia, sed per modum ad aliud se habentis, non ideo quia illud quod significant, sit substantia.

Ad **DECIUMQUARTUM** dicendum, quod Deus dicitur non eo Deus qui Pater, propter diversum modum significandi divinitatis et paternitatis, ut expositum est, in corp. art.

**ARTICULUS III.** — *Utrum relationes constituunt et distinguunt personas sive hypostasies.* (I part., quaest. xxx, art. 1; et quaest. xl, art. 2; et I Sent., dist. iii, art. 4 et 5.)

Tertio quaeritur, utrum relationes constituunt et distinguunt personas, sive hypostasies. Et videtur quod non. Dicit enim Augustinus (VII de Trin., cap. 1, a med.): *Omnia res quo relative dicitur est etiam aliquid excepto relativo; sicut homo dominus, et homo servus.* Sed persona in divinis dicitur relative. Ergo sunt aliquid excepto relativo. Non ergo constituuntur per relationes: nihil enim potest esse aliquid remoto suo constitutivo.

2. Sed dicendum, quod praeter intellectum paternitatis in divinis, intelligitur Pater. — Sed contra, constat quod Pater etiam relative dicitur. Si ergo praeter paternitatem oportet aliquid esse in persona, quia paternitas est ad aliud, eadem ratione praeter hoc quod dicitur Pater, oportet aliquid in persona ponere quod non relative dicitur.

3. Praeterea, Augustinus ibidem dicit, quod nullo modo potandum est, Patrem dici ad seipsum; sed quidquid dicitur, ad Filium dicitur. Ergo idem quod prius.

4. Sed dicendum, quod illud quod Pater est, relatione excepta, est essentia. — Sed contra, illud quod est in relativo relatione excepta, per relationem ad aliud refertur, sicut patet in exemplis ab ipso positus: homo enim per relationem domini refertur ad servum. Sed essentia non refertur in divinis: neque enim generat; neque generatur, ergo non potest hoc intelligi de essentia, sed de relationis supposito, cui conveniat generare vel generari.

5. Praeterea, prius est unumquodque in se consideratum, quam ad aliud referatur. Nihil autem constituitur per id quod est eo posterius secundum intellectum. Ergo hypostasis Patris non constituitur per relationem qua ad aliud refertur.

6. Praeterea, hypostasies in divinis perfectiores sunt quam in rebus humanis. Sed apud nos proprietates non constituunt

neque distinguunt hypostasies, sed sunt signa distinctionis hypostasum constitutarum. Ergo nec in divinis relationes, quae sunt proprietates, constituunt hypostasies, nec distinguunt.

7. Praeterea, prius est intelligere hypostasim generantem quam ipsam generationem, cum generans intelligatur ut generationis principium; prius autem est intelligere generationem quam paternitatem: relationes enim ad actiones vel passiones sequuntur, ut in V Metaph. (com. xx) dicitur. Ergo prius est intelligere hypostasim Patris quam paternitatem: ergo non constituitur paternitate; et eadem ratione nec hypostasis filii filiatione.

8. Praeterea nulla forma constituit et distinguit nisi in genere suo sicut albedo constituit et distinguit secundum qualitatem album a nigro; et similiter longitudo constituit aliquid et distinguit in genere quantitatis. Ergo et relatio nec constituit nec distinguit nisi in genere ad aliud. Hypostasis autem significatur in genere substantia. Relatio ergo nec distinguit nec constituit hypostasim.

9. Praeterea, relatio in divinis est divina essentia. Si ergo constituit et distinguit hypostasim; aut hoc est inquantum est substantia divina, aut inquantum est relatio. Non inquantum est essentia divina: quia essentia divina, cum sit communis tribus personis, non potest esse distinctionis principium. Similiter etiam nec inquantum est relatio: quia secundum relationem non significatur aliquid per se existens, quod significat nomen hypostasis, sed solum ut ad aliud dictum. Ergo relatio nullo modo distinguit vel constituit hypostasim.

10. Praeterea, nihil constituit et distinguit seipsum in divinis. Relationes autem sunt ipsae hypostasies: sicut enim non differunt divinitas et Deus, ita nec paternitas et Pater. Ergo relationes non constituunt nec distinguunt hypostasies.

11. Praeterea, non est querendum de aliquibus duobus quo distinguantur, nisi in aliquo conveniant, quod aliquo superveniente distinguatur (1) in utroque; sicut animal commune est homini et equo; distinguitur autem animal rationale et irrationali differentis additis: et ideo quaverere possumus quomodo homo ab equo distinguitur. Quae autem in nullo conveniunt, quo possint modo predicto distingui, seipsis distinguuntur, et non aliquo distinguente. Sed duae hypostasies in divinis non conveniunt nisi in essentia; quae nullo modo relatione distinguuntur. Ergo non est dicendum, quod hypostasies relationibus distinguantur, sed quod distinguantur seipsis.

12. Praeterea, nihil causat quod praesupponit. Sed relatio praesupponit distinctionem: relatione enim ad aliud res refertur; alietas autem distinctionem importat. Ergo relatio non potest esse distinctionis principium.

(1) *Id est*, quo aliquo superveniente distinguantur.

13. Præterea, Richardus de sancto Victore dicit (IV lib. de Trin., cap. xv, a mod.) quod hypostases in Angelis distinguuntur sola qualitate, in divinis autem sola origine. Origo autem secundum intellectum differt a relatione, sicut generatio a paternitate. Ergo hypostases divinas non distinguuntur relatione, sed origine.

14. Præterea, sicut dicit Damascenus (lib. III orth. Fidei, cap. vi et vii), hypostases divinas suis proprietatibus distinguuntur. Sed proprietates Patris est genuisse Filium, ut Augustinus (Fulgentius in lib. de Fide ad Petrum, cap. ii, in princ.) dicit; et proprietates Filii est quod nascatur a Patre. Ergo generatione et nativitate Pater et Filius distinguuntur. Hæc autem significant originem. Ergo Pater et Filius distinguuntur origine et non relatione.

15. Præterea, quædam relationes sunt in divinis quæ nec hypostases constituunt nec distinguunt, ut equalitas et similitudo. Ergo nec aliæ relationes, ut paternitas et filiatio, distinguunt et constituunt hypostases.

Sed contra est, quod Boetius dicit (in lib. de Trin., non pro loco a fine), quod sola relatio in divinis multiplicat Trinitatem. Multitudo autem Trinitatis constituitur per hypostases constitutas et distinctas. Ergo sola relatio constituit et distinguit personas et hypostases.

Præterea, illis solis aliqua distinguuntur que non communiter de eis prædicantur. Sed sola relativa singillatim prædicantur de personis divinis et non communiter, ut Augustinus dicit (lib. V de Trin., cap. viii). Ergo solum relationibus personarum et hypostases in divinis distinguuntur.

Respondendo dicendum, quod circa hoc sunt duæ opiniones: quarum prima est quod relationes in divinis non constituunt hypostases, nec distinguunt, sed distinctas et constitutas ostendunt. Ad cuius evidentiam sciendum, quod hoc nomen *hypostasis* significat substantiam individuum, id est que non potest de pluribus prædicari. Unde genera et species in predicamento substantiæ, ut homo et animal, non possunt dici hypostases, quia de pluribus prædicantur; Socrates vero et Plato dicuntur hypostases, quia prædicantur de uno solo. Si ergo in divinis Trinitas personarum non supponeretur, ut ponunt Jodæi et Pagani, non opereretur in divinis aliquid aliud constitutivum et distinctivum hypostasis inquirere, nisi solam essentiam divinam. Deus enim per essentiam suam est aliquid in se indivisum, et ab omnibus que non sunt Deus, distinctum. Sed quia fides catholica ponit unam essentiam in tribus personis, non potest intelligi divina essentia ut distinctiva et constitutiva hypostasis in divinis. Divinitate enim intelligitur constitui Deus, quod est commune tribus personis; et ita significatur ut dictum de pluribus, et non ut hypostasis incommunicabilis. Et eadem ratione nihil

quod dicitur absolute de Deo, potest intelligi ut distinctivum et constitutivum hypostasis in personis, cum ea que absolute dicuntur de Deo, significantur per modum essentie. Oportet ergo ponere distinctivum et constitutivum hypostasis in divinis id quod primo invenitur non de pluribus dici, sed uni soli convenire. Talia autem sunt duo, relatio et origo, et generatio et paternitas, sive nativitas et filiatio, quæ licet in Deo idem sint secundum rem, differunt tamen ratione et modo significandi. Primum autem horum est origo secundum intellectum; nam relatio ad originem sequi videtur. Et ideo ponit hæc opinio, quod hypostases in divinis constituuntur et distinguuntur origine, secundum quod significatur cum dicitur, *qui est ab alio*, et *a quo alius*; et quod relatio paternitatis et filiationis secundum intellectum consequatur ad constitutionem et distinctionem personarum, et quod per eas distinctio et constitutio hypostasum ostendatur. Ex hoc enim quod dicitur Pater, ostenditur quod sit a quo alius: per hoc vero quod dicitur Filius, ostenditur quod sit ab alio. Nec tamen oportet secundum hanc opinionem dicere quod hypostases divinas, si non distinguuntur relationibus, distinguantur per aliqua absoluta: quia ipsæ origines relationem important; sicut enim pater dicitur ad filium, ita generans ad generatum. Sed hæc opinio non videtur convenire posse stare. Distinctivum enim et constitutivum hypostasis potest intelligi dupliciter. Uno modo quod distinguitur et constituitur formaliter, sicut homo humanitate, et Socrates Socratitate. Alio modo quod distinguitur et constituitur quasi via ad distinctionem et constitutionem: sicut si diceremus, quod Socrates est homo sua generatione, que est via ad formam, quod formaliter constituitur. Patet ergo quod origo aliquis non potest intelligi ut constitutiva et distinctiva ejus, nisi propter hoc quod formaliter constituit et distinguit. Si enim generatione non induceretur humanitas, nunquam generatione constitueretur homo. Impossibile est ergo dici, quod hypostasis Filii constituatur sua nativitate, nisi in quantum intelligitur quod nativitas ejus terminatur ad aliquid quod formaliter constituit. Ipsa autem relatio ad quam terminatur nativitas, est filiatio. Oportet ergo quod filiatio sit formaliter constituens et distinguens hypostasim Filii, non autem origo, neque relatio intellecta in origine: quia relatio intellecta in origine, sicut et ipsa origo, non significat aliquid adhuc subsistens in natura (1) sed in naturam tendens. Et quia omnium hypostasum ejusdem nature est eadem ratio constitutionis et distinctionis; ideo similiter oportet ex parte Patris intelligere quod hypostasis Patris constituatur et distinguatur ipsa paternitate; non autem generatione activa, neque relatione inclusa. Et hæc est secunda opinio, quod relationes constituunt et distinguunt personas et hypostases. Quod hoc modo potest intelligi.

(1) *Al. materia.*

Paternitas enim est ipsa divina essentia, ut probatum est; et pari ratione Pater est idem quod Deus. Paternitas ergo constituendo Patrem, constituit Deum. Et sicut paternitas licet sit essentia divina, tamen non est communis sicut essentia; ita Pater licet sit id ipsum quod Deus, non tamen est commune ut Deus, sed proprium. Pater ergo Deus inquantum est Deus, est commune habens naturam divinam, et inquantum est Pater, est proprium ab aliis distinctum. Unde est hypostasis, quæ significat subsistens in natura aliqua, distincta ab aliis. Et per hunc modum paternitas constituendo Patrem, constituit hypostasin.

AD PRIMUM ergo dicendum, quod personæ divinæ sunt aliquid excepto relativo; et hoc aliquid est essentia, quæ relative non dicitur. Sic enim intelligit Augustinus, ut verba ejus diligenter inspicienti ostendunt.

Unde concedimus SECUNDUM ET TERTIUM.

AD QUARTUM dicendum, quod relatio etsi de essentia divina non dicatur per modum informationis, dicitur tamen per modum identitatis. Si enim non dicamus, quod essentia sit generans vel relata, dicimus tamen, quod ipsa est generatio et relatio. Sed tamen de nominibus essentialibus in concreto significatis relativa dicuntur etiam per modum informationis; dicimus enim, quod Deus generat Deum et quod Deus refertur ad Deum, eo quod idem suppositum intelligitur et relationis et essentia, ut ostensum est; quamvis ipsa essentialia non distinguantur. Et ita remotis relativis intelliguntur nomina essentialia concreta, non distincta quæ per relationes relative dicuntur.

AD QUINTUM dicendum, quod in qualibet hypostasi divina est id quod absolute dicitur, quod ad essentiam pertinet; et hoc secundum modum intelligendi prius est eo quod ad aliquid dicitur in divinis. Id tamen quod absolute dicitur, cum sit commune, ad hypostasum distinctionem non pertinet; unde non sequitur quod prius sit intelligenda hypostasin distinctam quam relationem ejus.

AD SEXTUM dicendum, quod in rebus inferioribus hypostases per essentiam distinguuntur; et ideo proprietates quæ essentiam consequuntur, non possunt esse distinctionis principium, sed magis distinctionis signum. Hypostases autem divinæ nullo modo distinguuntur secundum essentiam; unde oportet quod proprietates sint principium distinctionis in eis.

AD SEPTIMUM dicendum, quod de ratione hypostasis duo necesse est esse. Quorum primum est quod sit per se subsistens et in se indivisa; secundum est quod sit distincta ab aliis hypostasibus ejusdem nature. Si tamen contingat in eadem natura alias hypostases non esse, nihilominus hypostasis erit; sicut Adam quando non erant aliæ hypostases in humana natura. Semper

ergo necessarium est intelligere hypostasim generantem ante generationem, quantum ad id quod hypostasis subsistit in se una existens, non tamen inquantum est ab aliis hypostasibus ejusdem nature distincta, si per solam hujusmodi generationem aliæ hypostases ejusdem nature originantur; sicut Adam non fuit distinctus ab aliis hypostasibus ejusdem nature priusquam mulier ex ejus costa formaretur et ejus filii ab eo propagarentur. In divinis autem non multiplicatur hypostases nisi per processionem aliarum personarum ab una. Prius ergo est intelligere hypostasim patris, inquantum est subsistens, quam generationem; non tamen inquantum est distincta ab aliis hypostasibus ejusdem nature quæ non procedunt nisi hac generatione supposita. Relationes autem in divinis etsi constituent hypostases, et sic faciant eas subsistentes, hoc tamen faciunt inquantum sunt essentia divina. Relatio enim, inquantum est relatio, non habet quod subsistat vel subsistere faciat; hoc enim solius substantiæ est. Distingunt vero relationes, inquantum relationes sunt; sic enim oppositionem habent. Relinquitur ergo quod ipsa paternitatis relatio, inquantum est constituit hypostasim Patris, quod habet inquantum est idem substantiæ divino, præintelligatur generationi; secundum vero quod distinguit, sic generatio paternitati præintelligitur. Ex parte vero Filii nulla remanet difficultas; nam nativitas secundum intellectum præcedit hypostasim nati, cum intelligatur ut via ad ipsam; est enim generatio via in substantiam.

AD OCTAVUM dicendum, quod, sicut jam dictum est, relatio in divinis non solum est relatio, sed est secundum rem ipsam etiam divina substantia; et ideo potest constituere aliquid subsistens, et non solum aliquid relativum.

AD NONUM dicendum, quod relatio, ut dictum est, distinguit inquantum est relatio; constituit autem hypostasim inquantum est divina essentia; et utrumque facit inquantum est divina essentia et relatio.

AD DECIMUM dicendum, quod abstractum et concretum in divinis non differunt secundum rem, cum in Deo non sit accidens neque materia; sed solum secundum modum significandi; ex quo modo procedit quod intelligimus divinitatem et constitutum Deum, et Deum ut habentem deitatem; et similiter est de paternitate et Patre; nam licet sint idem secundum rem, differunt tamen secundum modum significandi.

AD UNDICESIMUM dicendum, quod licet in divinis convenientia secundum rem sit in sola unitate essentie, tamen convenientia secundum rationem attenditur in divinis personis in hoc ipso quod est essentie supponi. Quæ quidem communitas significatur in omnibus essentialibus concretis, quæ importat suppositum esse in communi; sicut Deus est habens divinitatem. Hoc ergo ipsum quod est esse suppositum divine nature, commune

est tribus personis communitate rationis, licet tres personæ non sint unum suppositum, sed tria; sicut Socrates et Plato sunt duo homines, licet esse hominem sit eis commune secundum rationem. Differentia autem quaeritur non solum in illis in quibus est aliquid commune secundum rem; sed in quibus est aliquid commune secundum rationem.

Ad neoblectum dicendum, quod relatio præsupponit distinctionem aliorum generum, utpote substantiæ et quantitatis; quandoque etiam actionis et passionis; sed distinctionem quæ est secundum *ad aliquid*, relatio non supponit, sed facit; sicut relatio dupli præsupponit diversitatem magni et parvi; hæc autem differentiam quæ est secundum duplum et dimidium, non præsupponit, sed facit. In divinis autem non est alia distinctio nisi secundum relationem.

Ad DECIMUMTERTIUM dicendum, quod origine dicit Richardus distingui personas, in quantum distinguuntur per relationes originis.

Ad DECIMUMQUARTUM dicendum, quod Augustinus pro eodem accipit *genisse Filium et esse Patrem*; et ideo utitur quandoque *origine pro relatione*.

Ad DECIMUMQUINTUM dicendum, quod relatio similitudinis et æqualitatis non possunt distinctionem personarum causare, sed magis ipsam præsupponunt. Est autem similitudo rerum differentium eadem qualitas; et similiter æqualitas est rerum distinctarum eadem quantitas. Et sic patet quod distinctio suppositorum præsupponitur et similitudini et æqualitati.

ARTICULUS IV. — *Utrum remota relatione secundum intellectum, remaneat hypostasis in divinis.* (1 part., quest. XI., art. 3.)

Quarto quaeritur, utrum remota relatione secundum intellectum, remaneat hypostasis in divinis. Et videtur quod sic. Ea enim quæ sunt in creaturis, sunt exemplata (1) ab his quæ sunt in Deo. Sed in humanis, remotis relationibus et proprietatibus hypostasis, adhuc remanent hypostases. Ergo et similiter in divinis.

2. Præterea, Pater non habet ab eodem quod sit quis et quod sit Pater; cum etiam Filius sit quis, et non sit Pater. Remoto ergo a Patre quod sit Pater, remanet quod sit quis. Est autem quis in quantum est hypostasis. Remota ergo paternitate per intellectum, adhuc remanet hypostasis Patris.

3. Præterea, cum qualibet res intelligatur per suam definitionem, potest unaquæque res intelligi remoto eo quod in ejus definitione non ponitur. Sed relatio non ponitur in definitione hypostasis. Ergo remota relatione adhuc intelligitur hypostasis.

4. Præterea, judæi et gentiles intelligunt in Deo hypostasim;

(1) *Id. exempla, hæc extracta.*

intelligunt enim Deum esse rem quamdam per se subsistentem; nec tamen intelligunt in eo paternitatem et filiationem, et hujusmodi relationes. Ergo remota hujusmodi relationibus per intellectum, remanent adhuc hypostases in divinis.

5. Præterea, omne quod se habet ex additione, remoto additione remanet id cui fit additio; sicut homo addit supra animal rationale; est enim homo animal rationale; unde remoto rationali remanet animal. Sed persona addit proprietatem supra hypostasim; est enim persona hypostasis proprietate distincta ad dignitatem pertinente. Ergo remota proprietate a persona secundum intellectum, remanet hypostasis.

6. Præterea, Augustinus dicit in lib. V, II de Trin. (cap. 11), quod Verbum est sapientia genita. Sapientia vero hypostasim supponit, genitum autem proprietatem. Remoto ergo a Verbo quod sit genitum, remanet hypostasis Verbi, et eadem ratione in aliis personis.

7. Præterea, remota paternitate et filiatione secundum intellectum, adhuc remanet in divinis qui ab alio, et a quo alius. Hæc autem hypostases designant. Ergo remotis relationibus, adhuc remanent hypostases in divinis.

8. Præterea, remota differentia constitutiva, adhuc remanet genus. Sed proprietates personales cum constituent personam, sunt in divinis sicut differentie constitutive. Ergo remotis proprietatibus, remanet genus personæ, quod est hypostasis.

9. Præterea, Augustinus dicit in lib. V de Trin., cap. vi, quod remoto hoc quod est Pater, adhuc remanet *ingenitus*. Sed *ingenitus* est quædam proprietas cuius suppositum esse non potest nisi hypostasis. Ergo remota paternitate, adhuc remanet hypostasis Patris.

10. Præterea, sicut relationes sunt proprietates hypostasum, ita attributa sunt proprietates essentie. Sed remoto per intellectum attributo essentiali adhuc remanet intellectus divinus substantiæ. Boetius enim dicit in lib. de Hebdoro., a medio) quod remota bonitate a Deo per intellectum, adhuc remanet quod sit Deus. Ergo similiter remotis relationibus, adhuc remanent hypostases in divinis.

11. Præterea, secundum Boetium (super proem. Porphyr., in prædicab., aliq. ant. fin.), proprium est intellectus, conjuncta secundum naturam dividere. Proprietates autem et hypostasis sunt realiter conjuncta in Deo. Ergo intellectus potest ea ab invicem separare.

12. Præterea, remoto eo quod est in aliquo, potest intelligi id in quo est; sicut remoto accidenti potest intelligi subiectum. Sed relationes ponuntur in divinis hypostasibus esse. Ergo remotis relationibus secundum intellectum, adhuc remanent hypostases.

Sed contra, in divinis distinctio non potest esse nisi secun-

dum relationes. Sed hypostasis dicitur aliquid distinctum. Ergo remotis relationibus non remanet hypostasis. Cum enim in divinis non ponatur nisi duo modi predicandi, scilicet secundum substantiam, et ad aliquid, remotis relationibus non remanet nisi ea que ponuntur secundum substantiam. Hæc autem sunt que pertinent ad essentiam; et sic non remanent hypostases distinctæ.

Respondeo dicendum, quod, sicut supra, art. præced., dictum est, quidam posuerunt hypostases in divinis non constitui nec distinguere relationibus, sed per solam originem. Relationes autem dicebantur consequi ipsam originem personarum, sicut originis terminos, quibus complementum originis designatur, et sic ad quandam dignitatem pertinent. Unde cum persona videatur esse nomen dignitatis, intellectus huiusmodi relationibus, supra hypostases dicebantur constitui personas; et sic huiusmodi relationes dicebantur esse constitutivas personarum, sed non hypostasum. Et pro tanto apud quosdam huiusmodi relationes personalitates dicuntur; et ideo sicut apud nos remotis ab aliquo homine his que ad dignitatem pertinent, que faciunt eum esse personam, remanet ejus hypostasis, ita in divinis, remotis per intellectum huiusmodi relationibus personalibus a persona, dicunt, quod remanebant hypostases, non tamen persona. Sed quia jam supra, loc. cit., ostensum est, quod relationes predictæ et hypostases constituent et distinguunt; ideo secundum alios dicendum est, quod remotis per intellectum huiusmodi relationibus, sicut non remanent personæ, ita non remanent hypostases. Remoto enim eo quod est constitutum alicujus, non potest remanere id quod per ipsum constituitur.

Ad PRIMUM ergo dicendum, quod in hominibus hypostases non constituentur neque per relationes neque per proprietates, sicut constituentur in divinis, ut ostensum est; et ideo non est simile.

Ad SECUNDUM dicendum, quod Pater ab eodem habet quod sit quis et quod sit Pater: ab eodem, inquam, secundum rem, et non secundum rationem, sed differentem secundum rationem, vel sicut differt generale a speciali, vel commune a proprio: sicut patet quod homo ab eadem forma substantiali habet quod sit animal et quod sit homo: non enim sunt unius rei plures formæ substantiales secundum rem diversæ; et tamen ab anima, inquantum est anima sensibilis, tantum habet quod sit animal; inquantum vero est anima sensibilis et rationalis, habet ab ea quod sit homo. Et propter hoc et equus est animal, sed non est homo; quia non habet animam sensibilem eandem numero quam habet homo: et pro tanto etiam non est idem animal numero. Similiter dico in proposito, quod Pater habet quod sit quis et quod sit Pater a relatione; sed quod sit quis, habet a relatione communiter sumpta; quod autem sit hic quis,

habet ab hac relatione quis est paternitas; et propter hoc etiam Filius, in quo est relatio, sed non hæc relatio que est paternitas, est quis, sed non est hic quis qui est Pater.

Ad TERTIUM dicendum, quod aliquid in relatione alicujus potest poni dupliciter: scilicet explicite, sive in actu, et implicite sive in potentia. In ratione enim animalis non ponitur anima rationalis explicite et in actu, quia sic omne animal haberet animam rationalem; sed implicite et in potentia, quia animal est substantia animata sensibilis. Sicut autem sub anima in potentia continetur anima rationalis, ita sub animato rationale: et ideo quando definitio animalis actu attribuitur homini, oportet quod rationale sit de definitione animalis explicite, secundum quod animal est idem homini. Et similiter est in proposito; hypostasis enim communiter sumpta, est substantia distincta; unde cum in divinis non possit esse distinctio nisi per relationem, cum dico hypostasum divinam, oportet quod intelligatur relatione distincta. Et ita relatio, quamvis non cadat in definitione hypostasis quod est homo, cadit tamen in definitione hypostasis divine.

Ad QUARTUM dicendum, quod Judæi et Gentiles non intelligunt essentiam distinctam nisi ab his que sunt alterius nature, que quidem distinctio fit per ipsam divinam essentiam. Sed apud nos hypostasis intelligitur ut distincta ab eo quod est ejusdem nature, a quo non potest distinguere nisi per relationem tantum, et ideo ratio non procedit.

Ad QUINTUM dicendum, quod alius est modus quo definiuntur accidentia, et quo definiuntur substantiæ. Substantiæ enim non definiuntur per aliquid quod sit extra essentiam eorum; unde id quod primo ponitur in definitione substantiæ, est genus, quod predicatur in eo quod quid de definito. Accidentis vero definitur per aliquid quod est extra essentiam ejus, scilicet per subjectum, a quo secundum suum esse dependet. Unde id quod ponitur in definitione ejus loco generis, est subjectum; sicut cum dicitur: *simum est nasus curvus*. Sicut ergo in definitionibus substantiarum, remotis differentiis, remanet genus; ita in definitione accidentium, remoto accidente, quod ponitur loco differentie, remanet subjectum; aliter tamen et aliter. Remota enim differentia remanet genus, sed non idem numero: remoto enim rationali, non remanet idem numero animal quod est animal rationale; sed remoto eo quod ponitur loco differentie in definitionibus accidentium remanet idem subjectum numero; remoto enim curvo vel concavo, remanet idem nasus numero. Et hoc est, quia accidentis non complet essentiam subjecti sicut differentia complet essentiam generis. Cum ergo dicitur: *Persona est hypostasis proprietate distincta ad dignitatem pertinente, non ponitur hypostasis in definitione personæ ut subjectum, sed ut genus*. Unde remota proprietate ad dignitatem pertinente, non

remanet hypostasis eadem, scilicet numero vel specie, sed solum secundum genus, prout salvatur in substantiis non rationalibus.

AD SEXTUM dicendum, quod cum dicitur: Verbum est sapientia genita, *ly sapientia* supponit pro hypostasi, non tamen significat hypostasim; et ideo in significatione ejus non clauditur proprietas; sed oportet quod addatur; sicut si dicam, quod Deus est Filius genitus.

AD SEPTIMUM dicendum, quod qui ab alio et a quo alius, non differunt a paternitate et a filiatione, nisi sicut commune a proprio; quia Filius significat eum qui est ab alio per generationem, et Pater significat eum a quo alius per generationem, nisi forte dicamus, quod a quo alius et qui ab alio, importent originem, et Pater et Filius relationes originis consequentes. Sed ex supradictis jam patet quod per origines non constituuntur hypostases, sed per relationes.

AD OCTAVUM dicendum, quod remota differentia constitutiva, remanet genus in communi, non in eodem secundum speciem vel numerum.

AD NONUM dicendum, quod intentio Augustini non fuit dicere, quod Deus Pater remanet ingenuus remota paternitate, nisi forte prout ingenuus tunc importaret conditionem naturae, et non proprietatem personae. Fuit autem ejus intentio ostendere, quod remota paternitate, potest remanere ingenuum in communi. Non enim oportet quod quicquid est ingenuum, sit Pater.

AD DECIMUM dicendum, quod ratio bonitatis non constituit rationem essentiae, immo intelligitur bonum ut informativum entis; sed proprietatem constituit hypostasim; et ideo non est simile.

AD UNDECIMUM dicendum, quod licet intellectus possit aliqua conjuncta dividere, non tamen omnia; non enim potest dividere illa quorum unum est de ratione alterius; non enim potest dividere animal ab homine. Proprietas autem est de ratione hypostasis, et ideo ratio non sequitur.

AD ULTIMUM dicendum, quod remoto eo quod est in aliquo sicut in subjecto, vel sicut in loco, remanet id in quo est; non autem remoto eo quod est in aliquo sicut pars essentiae ejus. Non enim, remoto rationali, remanet homo; et similiter nec remota proprietate, remanet hypostasis.

## QUESTIO IX

## DE PERSONIS DIVINIS

(Et habet articulos novem.)

Primo enim quaeritur, quomodo se habet persona ad essentiam, substantiam et hypostasim; 2<sup>o</sup> quid est persona; 3<sup>o</sup> utrum in Deo possit esse persona; 4<sup>o</sup> utrum hoc nomen *persona* in divinis significet aliquid relativum vel absolutum; 5<sup>o</sup> utrum numerus personarum sit in divinis; 6<sup>o</sup> utrum nomen personae convenienter possit pluraliter praedicari in divinis; 7<sup>o</sup> quomodo termini numerales praedicentur in divinis, utrum scilicet positive, vel remotive tantum; 8<sup>o</sup> utrum in Deo sit aliqua diversitas; 9<sup>o</sup> utrum in divinis sint tres personae tantum, an plures vel pauciores.

ARTICULUS PRIMUS. — *Quomodo se habeat persona ad essentiam subsistentiam et hypostasim.* (1 part., quest. xxix. art. 2; et 1 Sent., dist. xxiii. art. 3.)

Quaestio est de personis divinis. Et primo quaeritur, quomodo se habeat persona ad essentiam, subsistentiam et hypostasim. Et videtur quod omnino sint idem. Dicit enim Augustinus in VII de Trinit. (cap. iii, circa princ.), quod idem intelliguntur graeci cum confitentur in Deo tres hypostases, et latini cum confitentur tres personas. Ergo hypostasis et persona significant idem.

2. Sed dicendum, quod persona differt ab hypostasi in hoc quod hypostasis significat individuum cujuscumque naturae in genere substantiae, personam vero solum individuum rationalis naturae. — Sed contra est quod Boetius dicit (in lib. de duabus Naturis, aliquid, a princ.) quod graeci utuntur hoc nomine hypostasis solum pro individuo rationalis naturae. Si ergo persona significat individuum rationalis naturae, omnino sunt idem hypostasis et persona.

3. Praeterea, nomina imponuntur a rationibus rerum, quas significant. Sed eadem ratio individuationis est in his quae sunt rationalis naturae, et in aliis substantiis. Ergo individuum rationalis naturae non debet habere speciale nomen praes aliis individuis in genere substantiae, ut per hoc sit differentia inter hypostasim et personam.

4. Praeterea, nomen subsistentiae a substendo sumitur. Nihil autem subsistit nisi individua in genere substantiae, in quibus sunt et accidentia et secundae substantiae, quae sunt genera et species, ut dicitur in Praedicamentis. Sola ergo individua in genere

remanet hypostasis eadem, scilicet numero vel specie, sed solum secundum genus, prout salvatur in substantiis non rationalibus.

AD SEXTUM dicendum, quod cum dicitur: Verbum est sapientia genita, *ly sapientia* supponit pro hypostasi, non tamen significat hypostasim; et ideo in significatione ejus non clauditur proprietas; sed oportet quod addatur; sicut si dicam, quod Deus est Filius genitus.

AD SEPTIMUM dicendum, quod qui ab alio et a quo alius, non differunt a paternitate et a filiatione, nisi sicut commune a proprio; quia Filius significat eum qui est ab alio per generationem, et Pater significat eum a quo alius per generationem, nisi forte dicamus, quod a quo alius et qui ab alio, importent originem, et Pater et Filius relationes originis consequentes. Sed ex supradictis jam patet quod per origines non constituuntur hypostases, sed per relationes.

AD OCTAVUM dicendum, quod remota differentia constitutiva, remanet genus in communi, non in eodem secundum speciem vel numerum.

AD NONUM dicendum, quod intentio Augustini non fuit dicere, quod Deus Pater remanet ingenuus remota paternitate, nisi forte prout ingenuus tunc importaret conditionem naturae, et non proprietatem personae. Fuit autem ejus intentio ostendere, quod remota paternitate, potest remanere ingenuum in communi. Non enim oportet quod quicquid est ingenuum, sit Pater.

AD DECIMUM dicendum, quod ratio bonitatis non constituit rationem essentiae, immo intelligitur bonum ut informativum entis; sed proprietates constituunt hypostasim; et ideo non est simile.

AD UNDECIMUM dicendum, quod licet intellectus possit aliqua conjuncta dividere, non tamen omnia; non enim potest dividere illa quorum unum est de ratione alterius; non enim potest dividere animal ab homine. Proprietas autem est de ratione hypostasis, et ideo ratio non sequitur.

AD ULTIMUM dicendum, quod remoto eo quod est in aliquo sicut in subjecto, vel sicut in loco, remanet id in quo est; non autem remoto eo quod est in aliquo sicut pars essentiae ejus. Non enim, remoto rationali, remanet homo; et similiter nec remota proprietate, remanet hypostasis.

## QUESTIO IX

## DE PERSONIS DIVINIS

(Et habet articulos novem.)

Primo enim quaeritur, quomodo se habet persona ad essentiam, substantiam et hypostasim; 2<sup>o</sup> quid est persona; 3<sup>o</sup> utrum in Deo possit esse persona; 4<sup>o</sup> utrum hoc nomen *persona* in divinis significet aliquid relativum vel absolutum; 5<sup>o</sup> utrum numerus personarum sit in divinis; 6<sup>o</sup> utrum nomen personae convenienter possit pluraliter praedicari in divinis; 7<sup>o</sup> quomodo termini numerales praedicentur in divinis, utrum scilicet positive, vel remotive tantum; 8<sup>o</sup> utrum in Deo sit aliqua diversitas; 9<sup>o</sup> utrum in divinis sint tres personae tantum, an plures vel pauciores.

ARTICULUS PRIMUS. — *Quomodo se habeat persona ad essentiam subsistentiam et hypostasim.* (1 part., quest. xxix. art. 2; et 1 Sent., dist. xxiii. art. 3.)

Quaestio est de personis divinis. Et primo quaeritur, quomodo se habeat persona ad essentiam, subsistentiam et hypostasim. Et videtur quod omnino sint idem. Dicit enim Augustinus in VII de Trinit. (cap. iii, circa princ.), quod idem intelliguntur graeci cum confitentur in Deo tres hypostases, et latini cum confitentur tres personas. Ergo hypostasis et persona significant idem.

2. Sed dicendum, quod persona differt ab hypostasi in hoc quod hypostasis significat individuum cujuscumque naturae in genere substantiae, personam vero solum individuum rationalis naturae. — Sed contra est quod Boetius dicit (in lib. de duabus Naturis, aliquid, a princ.) quod graeci utuntur hoc nomine hypostasis solum pro individuo rationalis naturae. Si ergo persona significat individuum rationalis naturae, omnino sunt idem hypostasis et persona.

3. Praeterea, nomina imponuntur a rationibus rerum, quas significant. Sed eadem ratio individuationis est in his quae sunt rationalis naturae, et in aliis substantiis. Ergo individuum rationalis naturae non debet habere speciale nomen praes aliis individuis in genere substantiae, ut per hoc sit differentia inter hypostasim et personam.

4. Praeterea, nomen subsistentiae a substendo sumitur. Nihil autem subsistit nisi individua in genere substantiae, in quibus sunt et accidentia et secundae substantiae, quae sunt genera et species, ut dicitur in Praedicamentis. Sola ergo individua in genere



substantiæ sunt substantiæ. Individuum autem in genere substantiæ et hypostasis vel persona. Ergo idem est substantiæ quod hypostasis et persona.

5. Sed dicendum, quod genera et species in genere substantiæ subsistunt, eo quod eorum est subsistere, ut Boetius dicit, in lib. de duabus Naturis (ut sup.). — Sed contra, subsistere nihil aliud est quam per se existere. Quod ergo existit solum in alio (1), non subsistit. Sed genera et species sunt solum in alio: sunt enim solum in primis substantiis, quibus interemptis, impossibile est aliquid eorum remanere, ut dicitur in Prædicamentis (in Prædicamento substantiæ, non procul a fin.). Non est ergo subsistere, generum et specierum, sed solum individuorum in genere substantiæ; et sic remanet quod substantiæ sit idem quod hypostasis.

6. Præterea, Boetius dicit (in commento Prædicamentorum), quod *essentia*, id est essentia, significat compositum ex materia et forma. Hoc autem oportet esse individuum: nam materia est individuationis principium. Ergo essentia significat individuum; et sic idem est persona, hypostasis, essentia, et substantiæ.

7. Præterea, essentia est quam significat definitio, cum per definitionem sciatur quid est res. Definitio autem rei naturalis, quæ est ex materia et forma composita, non solum continet formam, sed etiam materiam, ut patet per Philosophum (in VI et VII Metaph., com. xxxvii, et seqq.). Ergo essentia est aliquid compositum ex materia et forma.

8. Sed dicendum, quod essentia significat naturam communem, alia vero tria, scilicet substantiæ, hypostasis et persona, significant individuum in genere substantiæ. — Sed contra, universale et particulare inveniuntur in quolibet genere. In aliis autem generibus non distinguitur nomen particularis et universalis: eodem enim nomine nominatur qualitas aut quantitas, sive sit universalis sive sit particularis. Ergo nec in genere substantiæ debent esse distincta nomina ad significandum substantiam universalem et particularem; et sic videtur quod prædicta nomina non differant.

Sed contra est quod Boetius dicit in commento Prædicamentorum quod *essentia*, id est essentia, significat compositum ex materia et forma; *personæ*, id est substantiæ, significat formam; hypostasis vero materiam. Ergo prædicta differunt.

Præterea, idem videtur ex hoc quod idem Auctor assignat prædicetorum nominum differentiam in lib. de duabus Naturis.

Respondet dicendum, quod Philosophus (in V Metaph.) ponit substantiam dupliciter dici: dicitur enim uno modo substantia ipsum subjectum ultimum, quod non prædicatur de alio; et hoc est particulare in genere substantiæ; alio modo dicitur substantia forma vel natura subjecti. Hujus autem distinctionis

(1) *AL.* Quod ergo existit solum in alio: sunt enim etc. *intermediis omissis.*

ratio est, quia inveniuntur plura subjecta in una natura convenire, sicut plures homines in una natura hominis. Unde oportet distinguere quod est unum, ab eo quod multiplicatur: natura enim communis est quam significat definitio indicans quod est res; unde ipsa natura communis, essentia vel quidditas dicitur. Quicquid ergo est in re ad naturam communem pertinens, sub significatione essentiae continetur; non autem quicquid est in substantia particulari, est hujusmodi. Si enim quicquid est in substantia particulari ad naturam communem pertinere, non posset esse distinctio inter substantias particulares ejusdem nature. Hoc autem quod est in substantia particulari præter naturam communem, est materia individualis quæ est singularitatis principium, et per consequens accidentia individualia, quæ materiam prædictam determinant. Comparatur ergo essentia ad substantiam particularem ut pars formalis ipsius, ut humanitas ad Socratem. Et ideo in rebus ex materia et forma compositis, essentia non est omnino idem quod subjectum; unde non prædicatur de subjecto; non enim dicitur quod Socrates sit sua humanitas. In substantiis vero simplicibus nulla est differentia essentiae et subjecti (1), cum non sit in eis materia individualis naturam communem individuans; sed ipsa essentia in eis est substantiæ. Et hoc patet per Philosophum (in VII Metaph.) et per Avicennam, qui dicit in sua Metaph., quod quidditas simplicis est ipsum simplex. Substantia vero quæ est subjectum, duo habet propria. Quorum primum est quod non indiget extrinseco fundamento in quo sustentetur, sed sustentatur in seipso; et ideo dicitur subsistere, quasi per se et non in alio existens. Aliud vero est quod est fundamentum accidentibus sustentans ipsa; et pro tanto dicitur substare. Sic ergo substantia quæ est subjectum, in quantum subsistit, dicitur *subsistere* vel substantiæ; in quantum vero substatur, dicitur hypostasis secundum grecos, vel substantia prima secundum latinos. Patet ergo quod hypostasis et substantia differunt ratione, sed sunt idem re. Essentia vero in substantiis quidem materialibus, non est idem cum eis secundum rem, neque penitus diversum, cum se habeat ut pars formalis; in substantiis vero immaterialibus est omnino idem secundum rem, sed differens ratione. Persona vero addit supra hypostasim determinatam naturam: nihil enim est aliud quam hypostasis rationalis nature.

AD PRIMUM ergo dicendum, quod ex quo persona non addit supra hypostasim nisi rationalem naturam, oportet quod hypostasis et persona in rationali natura sint penitus idem; sicut cum homo addat ipsi animal, rationale, oportet quod animal rationale sit homo; et ideo verum est quod Augustinus dicit (lib. VII de Trin., cap. iv), quod idem significant greci

(1) *AL.* differentia essentia subjecti.

eum consistitur in Deo tres hypostases, et latini cum consistuntur tres personas.

Ad secundum dicendum, quod hoc nomen *hypostasis*, in greeco ex proprietate significationis habet quod significet individuum substantiam cuiuscunque nature; sed ex usu loquentium habet quod significet individuum rationalis nature tantum.

Ad tertium dicendum, quod sicut substantia individua proprium habet quod per se existat, ita proprium habet quod per se agat; nihil enim agit nisi ens actu; et propter hoc calor sicut non per se est, ita non per se agit; sed calidum per calorem calefacit. Hoc autem quod est per se agere excellentiore modo convenit substantiis rationalis nature quam aliis. Nam solæ substantiæ rationales habent dominium sui actus, ita quod in eis est agere et non agere; alias vero substantiæ magis aguntur quam agant. Et ideo conveniens fuit ut substantia individua rationalis nature, speciale nomen haberet.

Ad quartum dicendum, quod quamvis nihil subsistat nisi individua substantia, quæ hypostasis dicitur; tamen non eadem ratione dicitur subsistere et substare; sed subsistere inquantum non est in alio; substare vero inquantum alia insunt ei. Unde si aliquo substantia esset quæ per se existeret, non tamen esset aliquid accidentis subjectum, posset proprie dici subsistentia, sed non substantia.

Ad quintum dicendum, quod Boetius loquitur secundum opinionem Platonis, qui posuit genera et species esse quasdam formas separatas subsistentes, ab accidentibus demutatas; et secundum hoc poterant dici subsistentiæ, sed non hypostases. Vel dicendum, quod subsistere attribuitur generibus et speciebus, non quia subsistant, sed quia individua in eorum naturis subsistunt, etiam omnibus accidentibus remotis.

Ad sextum dicendum, quod essentia in substantiis materialibus significat compositum ex materia et forma; non tamen ex materia individuali; sed ex materia communi; definitio enim hominis, quæ significat ejus essentiam, continet quidem carnes et ossa, sed non has carnes vel hæc ossa. Sed materia individualis comprehenditur in significatione hypostasis et subsistentiæ in rebus materialibus.

Et per hoc patet solutio ad septimum.

Ad octavum dicendum, quod accidentia non individuatur nisi ex suis subjectis. Solæ autem substantiæ per seipsam individuatur, et per propria principia; et ideo conveniunt in solo genere substantiæ particulare habet proprium nomen.

Rationes quæ sunt in oppositum, concedimus; tamen sciendum, quod Boetius aliter accipit ista nomina in commento Prædicamentorum, quam sit communis usus eorum, prout exponit ea in libro de duabus Naturis. Attribuit enim nomen *hypostasis* materię quasi primo principio substans, ex qua habet

substantia prima quod substet accidenti; nam forma simplex subjectum esse non potest, ut dicit idem Boetius in lib. de Trinit. (ante med. lib.). Nomen autem *ousiasticum* vel *subsistentiæ* attribuit formæ quasi essendi principio; per ipsam enim est res in actu; nomen autem (1) *usiæ* vel *essentiæ* attribuit composito. Unde ostendit quod in substantiis materialibus tam forma quam materia sunt essentialia principia.

ARTICULUS II. — *Quid sit persona.* (Part. I. quæst. xxix, art. 1 et 3; et I Sent., dist. xxv, art. 1.)

Secundo queritur quid sit persona. Definit autem eam Boetius in lib. de duabus naturis, dicens quod persona est *rationalis nature individua substantia*. Videtur autem quod inconvenienter definitur. Nullum enim singulare definitur, ut patet per Philosophum (in VII Metaph., com. lxi). Sed persona significat singulare in genere substantiæ, ut dictum est. Ergo non potest definiti.

2. Sed dicendum, quod licet id quod est persona, sit quoddam singulare, tamen ratio persone communis est, et pro tanto persona in communi definiti potest. — Sed contra, id quod est commune omnibus substantiis individuis rationalis nature, est intentio singularitatis, quæ quidem non est in genere substantiæ. Ergo non debet in definitione persone poni substantia quasi genus.

3. Sed dicendum, quod hoc nomen *persona* non significat tantum intentionem, sed intentionem simul cum subjecto intentionis. — Sed contra est quod Philosophus probat (in VII Metaph., com. xii, et seq.) quod compositum ex subjecto et ex accidente, non potest definiti; sequeretur enim nugatio in definitione; cum enim in definitione accidentis ponatur subjectum, sicut nasus in definitione simi, oportebit quod in definitione compositi ex subjecto et accidente, ponatur his subjectum; semel pro se, et semel pro accidente. Si ergo persona significat intentionem et subjectum, inconveniens est quod definitur.

4. Præterea, subjectum hujus intentionis communis est aliquod singulare. Si ergo persona significat simul intentionem et subjectum intentionis, adhuc sequeretur quod, definita persona, definitur singulare; quod est inconveniens.

5. Præterea, intentio non ponitur in definitione rei, nec accidens in definitione substantiæ. Persona autem est nomen rei et substantiæ. Inconveniunt igitur in definitione persone poni individuum, quod est nomen intentionis et accidentis.

6. Præterea, illud in cuius definitione ponitur substantia pro genere, oportet quod sit species substantiæ. Sed persona non est species substantiæ; quia divideretur contra alias

(1) *Al. enim.*

substantia species. Ergo inconvenienter ponitur substantia in definitione personae quasi genus.

7. Præterea, substantia dividitur per primam et secundam. Sed substantia secunda non potest poni in definitione personae; esset enim opposito in adjecto, cum dicitur substantia individua; nam substantia secunda est substantia universalis. Similiter autem neque substantia prima; nam substantia prima est substantia individua; et sic esset negatio cum additur individuum supra substantiam in definitione personae. Inconvenienter ergo substantia ponitur in definitione personae.

8. Præterea, nomen subsistentiae propinquius esse videtur personae quam substantia; dicimus enim in Deo tres subsistentias, sicut et tres personas; non autem dicimus tres substantias, sed unam. Magis ergo debuit persona per subsistentiam quam per substantiam defini.

9. Præterea, quod ponitur in definitione tamquam genus, multiplicato definito multiplicatur; plures enim homines sunt plura animalia. Sed in Deo sunt tres personae, non autem tres substantiae. Ergo substantia non debet poni in definitione personae quasi genus.

10. Præterea, rationale est differentia animalis. Sed persona invenitur in his quae non sunt animalia, scilicet in Angelis et in Deo. Ergo rationale non debuit poni in definitione personae.

11. Præterea, natura est tantum in rebus mobilibus; est enim principium motus, ut dicitur in II Phys. (com. m). Sed essentia est tam in rebus mobilibus quam in immobilibus. Ergo convenientius fuit in definitione personae ponere essentiam quam naturam, cum etiam persona invenitur tam in rebus mobilibus quam in immobilibus; est enim in hominibus, in Angelis et in Deo.

12. Præterea, definitio debet converti cum definito. Non autem omne quod est rationalis natura individua substantia, est persona. Essentia enim divina, secundum quod est essentia, non est persona; alioquin esset in Deo una persona, sicut est una essentia. Ergo inconvenienter definitur persona definitione predicta.

13. Præterea, humana natura in Christo est rationalis naturae individua substantia; neque enim est accidens, neque universalis substantia, neque irrationalis natura; non tamen humana natura in Christo est persona; semperetur enim quod persona divina quae assumpsit humanam naturam, assumpsisset humanam personam; et sic essent in Christo duae personae, scilicet divina assumens, et humana assumpta; quod est haeresis Nestoriana. Non ergo omnis individua substantia rationalis naturae est persona.

14. Præterea, anima separata a corpore per mortem, non dicitur esse persona; et tamen est rationalis naturae individua

substantia. Non ergo hæc est convenientis definitio personae.

Respondeo dicendum, quod rationabiliter, sicut ex praemis- sis patet, individuum in genere substantiae speciale nomen sortitur; quia substantia ex propriis principiis individuatur; et non ex alio extraneo, sicut accidens ex subjecto. Inter individua etiam substantiarum rationabiliter individuum in rationali natura, speciali nomine nominatur; quia ipse est proprie et vere per se agere, sicut supra dictum est. Sicut ergo hoc nomen *hypostasis* secundum graecos, vel *substantia prima* secundum latinos, est speciale nomen individui in genere substantiae; ita hoc nomen *persona* est speciale nomen individui rationalis naturae. Utraque ergo specialitas sub nomine personae continetur. Et ideo ad ostendendum quod est specialiter individuum in genere substantiae, dicitur quod est substantia individua; ad ostendendum vero quod est specialiter in rationali natura, additur *rationalis naturae*. per hoc ergo quod dicitur *substantia*, excluduntur a ratione personae accidentia quorum nullum potest dici persona; per hoc vero quod dicitur *individua*, excluduntur genera et species in genere substantiae quae etiam personae dici non possunt; per hoc vero quod additur *rationalis naturae*, excluduntur inanimata corpora, plantae et bruta quae personae non sunt.

Ad primum ergo dicendum, quod in substantia particulari est tria considerare; quorum unam est natura generis et speciei in singularibus existens; secundum est modus existendi talis naturae quia in singulari substantia existit natura generis et speciei, ut propria huic individuo, et non ut multis communis; tertium est principium ex quo causatur talis modus existendi. Sicut autem natura in se considerata communis est, ita et modus existendi naturae; non enim invenitur natura hominis existens in rebus nisi aliquo singulari individuata; non enim est homo qui non sit aliquis homo, nisi secundum opinionem Platoni, qui ponebat universalia separata. Sed principium talis modi existendi quod est principium individuationis, non est commune; sed aliud est in isto, et aliud in illo; hoc enim singulare individuatur per hanc materiam, et illud per illam. Sicut ergo nomen quod significat naturam, est commune et definibile, ut *homo* vel *animal*; ita nomen quod significat naturam cum tali modo existendi, ut *hypostasis* vel *persona*. Illud vero nomen quod in sua significatione includit determinatum individuationis principium, non est commune nec definibile, ut Socrates et Plato.

Ad secundum dicendum, quod non solum intentio singularitatis est communis omnibus individuis substantiis; sed etiam natura generis cum tali modo existendi; et hoc modo significat hoc nomen *hypostasis* naturam generis substantiae ut individuatam; hoc autem nomen *persona* solum naturam rationalem sub tali modo existendi. Et propter hoc neque *hypostasis* neque per-

sona est nomen intentionis, sicut singulare vel individuum, sed nomen rei tantum; non autem rei et intentionis simul.

Unde patet solutio ad TERTIUM et QUARTUM.

AD QUINTUM dicendum, quod quia essentialia rerum differentie sunt ignote frequenter et innominatae, oportet interdum uti accidentalibus differentiis ad substantiales differentias designandas sicut docet Philosophus (in VIII Metaph., com. x); et hoc modo *individuum* ponitur in definitione personae, ad designandum *individuum* modum essendi.

AD SEXTUM dicendum, quod cum dividitur substantia in primam et secundam, non est divisio generis in species, cum nihil continueatur sub secunda substantia quod non sit in prima; sed est divisio generis secundum diversos modos essendi. Nam secunda substantia significat naturam generis secundum se absolutam; prima vero substantia significat eam ut individualiter subsistentem. Unde magis est divisio analogi quam generis. Sic ergo persona continetur quidem in genere substantie, licet non ut species, sed ut speciale modum existendi determinans.

AD SEPTIMUM dicendum, quod quidam dicunt, quod *substantia* ponitur in definitione personae prout significat hypostasim; sed cum de ratione hypostasis sit individuum, secundum quod opponitur communitati universalis vel parti, quia nullum universale, nec aliqua pars, ut manus vel pes, potest dici hypostasis; alterius de ratione personae est individuum, secundum quod opponitur communitati assumptibilis. Dicunt enim, quod humana natura in Christo est hypostasis, sed non persona. Et ideo ad excludendum assumptibilitatem additur individuum in definitione personae. Sed hoc videtur esse contra intentionem Boetii, qui in lib. de duabus Naturis (ante med. lib.), per hoc quod dicitur individuum, excludit universalia a ratione personae. Et ideo melius est ut dicatur, quod *substantia* non ponitur in definitione personae pro hypostasi, sed pro eo quod est commune ad substantiam primam quae est hypostasis, et substantiam secundam, et dividitur in utramque. Et sic illud commune, per hoc quod additur individuum, contrahitur ad hypostasim, ut idem sit dicere: *Substantia individua rationalis naturae*, ac si diceretur hypostasis rationalis naturae.

AD OCTAVUM dicendum, quod, secundum praedicta, ratio non procedit; quia substantia accipitur non pro hypostasi, sed pro eo quod est commune ad omnem substantiae acceptionem. Si tamen acciperetur substantia pro hypostasi, adhuc ratio non sequeretur; substantia enim quae est hypostasis, propinqua se habet ad personam quam subsistentia; cum tamen persona dicat aliquid subjectum, sicut substantia prima, et non solum sicut subsistens, ut subsistentia. Sed quia nomen *substantiae* refertur etiam apud Latinos ad significationem essentiae, id est ad vitandum errorem non dicimus tres substantias, sicut tres

subsistentias. Graeci vero apud quos est distinctum nomen *hypostasis* a nomine *usio*, indubitanter in Deo tres hypostases confluentur.

AD NONUM dicendum, quod siens dicimus in Deo tres personas, ita possumus dicere tres substantias individuales; unam tamen substantiam quae est essentia.

AD DECIMUM dicendum, quod *rationalis* est differentia animalis, secundum quod ratio, a qua sumitur, significat cognitionem discursivam, qualis est in hominibus, non autem in Angelis nec in Deo. Boetius autem sumit *rationalis* communiter pro intellectuali, quod dicimus convenire Deo et Angelis et hominibus.

AD UNDICESIMUM dicendum, quod natura in definitione personae non accipitur prout est principium motus; sicut definitur a Philosopho (in II Physic.), sed sicut definitur a Boetio (in lib. de duabus Naturis) quod natura est *unumquodque informans specifica differentia*. Et quia differentia complet definitionem, et determinat definitum ad speciem; ideo nomen *naturae* magis competit in definitione personae, quae specialiter in quibusdam substantiis invenitur, quam nomen *essentiae*, quod est communissimum.

AD TRIGESIMUM dicendum, quod individuum in definitione personae sumitur pro eo quod non praedicatur de pluribus; et secundum hoc essentia divina non est individua substantia secundum praedicationem; cum praedicatur de pluribus personis, licet sit individua secundum rem. Richardus tamen de Sancto Victore (lib. IV de Trin., cap. xxviii et xxix), corrigens definitionem Boetii, secundum quod persona in divinis accipitur, dixit, quod persona est *divine naturae incommunicabilis existentia*, ut per hoc quod dicitur *incommunicabilis*, essentia divina persona non esse ostenderetur.

AD TRIGESIMUM TERTIUM dicendum, quod cum substantia individua sit quoddam completum per se existens, humana natura in Christo, cum sit assumpta in personam divinam, non potest dici substantia individua quae est hypostasis; sicut nec manus nec pes nec aliquid eorum quae non subsistunt per se ab aliis separata; et propter hoc non sequitur quod sit persona.

AD TRIGESIMUM QUARTUM dicendum, quod anima separata est pars rationalis naturae, scilicet humanae, et non tota natura rationalis humana, et ideo non est persona.

ARTICULUS III. — *Utrum in Deo possit esse persona.* (I part., quest. xxix, art. 3.)

Tertio quaeritur, utrum in Deo possit esse persona. Et videtur quod non. Sicut enim dicit Boetius (in lib. de duabus Naturis), nomen personae sumitur a personando; quia homines larvati personae dicebantur, quia in comodiis vel tragediis ali-

quid personabant. Sed esse larvatum non competit Deo, nisi forte metaphorice. Ergo nomen personæ non potest dici de Deo, nisi forte metaphorice.

2. Præterea, sicut dicit Damascenus (lib. I, cap. I, II et IV), de nullo eorum quæ dicuntur de Deo, possumus scire quid est, prout ei conveniunt. Sed de persona scimus quid est, per definitionem præmissam, art. præc. Ergo persona non competit Deo ad minus secundum definitionem prædictam.

3. Præterea, Deus non est in aliquo genere; cum enim sit infinitus, sub nullius generis terminis comprehendi potest. Persona autem significat aliquid quod est in genere substantiæ. Ergo persona Deo non convenit.

4. Præterea, in Deo nulla est compositio. Sed persona significat aliquid compositum; singulare enim humanæ naturæ, quod est persona, est maximæ compositionis; partes etiam definitionis personæ demonstrant personam esse compositum (1). Non est ergo in Deo persona.

5. Præterea, in Deo nulla est materia. Principium autem individuationis materia est. Cum ergo persona sit substantia individua, non potest Deo convenire.

6. Præterea, omnis persona est subsistentia. Sed Deus non potest dici subsistentia, quia non existit sub aliquo. Ergo non est persona.

7. Præterea, persona sub hypostasi continetur. Sed in Deo non potest esse hypostasis, quia non est in eo aliquid accedens cum hypostasis dicat subjectum accidentis, ut supra, art. I, dictum est. Ergo in Deo non est persona.

Sed contrarium apparet per Athanasium in symbolo: *Quicumque vult, etc.*, et per Augustinum in VII de Trin. (cap. vii), et per communem Ecclesiæ usum, quæ a Spiritu sancto edocta non potest errare.

Respondedo dicendum, quod persona, sicut dictum est, significat quandam naturam cum quodam modo existendi. Natura autem quam persona in sua significatione includit, est omnium naturarum dignissima, scilicet natura intellectualis secundum genus suum. Similiter etiam modus existendi quem importat persona est dignissimus, ut scilicet aliquid sit per se existens. Cum ergo omne quod est dignissimum in creaturis, Deo sit attribuendum, convenienter nomen *personæ* Deo attribui potest, sicut et alia nomina quæ proprie dicuntur de Deo.

Ad PRIMUM ergo dicendum, quod in nomine aliquo est duo considerare; scilicet illud ad quod significandum nomen imponitur, et illud a quo imponitur ad significandum. Frequenter enim imponitur nomen aliquod ad significandum rem aliquam, ab aliquo accidente aut actu aut effectu illius rei; quæ tamen non sunt principaliter significata per illud nomen, sed potius

(1) *Id.* compositam.

ipsa rei substantia, vel natura; sicut hoc nomen *lapis* sumitur a læsione pedis, quam tamen non significat, sed potius corpus quoddam in quo tale accidens frequenter invenitur; unde læsio pedis magis pertinet ad etymologiam hujus nominis *lapis* quam ad ejus significationem. Quando ergo illud ad quod significandum nomen imponitur, Deo non competit, sed aliqua proprietates ejus secundum similitudinem quamdam, tunc illud nomen de Deo metaphorice dicitur; sicut Deus nominatur *leo*, non quia natura illius animalis Deo conveniat, sed propter fortitudinem quæ in leone invenitur. Quando vero res significata per nomen Deo convenit, tunc illud nomen proprie de Deo dicitur, sicut bonum, sapiens et hujusmodi; licet etiam quandoque illud a quo tale nomen imponitur, non conveniat Deo. Sic ergo licet personare ad modum larvati hominis, a quo impositum fuit nomen personæ, Deo non conveniat, tamen illud quod significatur per nomen, scilicet *subsistens in natura intellectuali*, competit Deo; et propter hoc nomen *personæ* proprie sumitur in divinis.

AD SECUNDUM dicendum, quod tam nomen personæ quam definitio de persona data, si recte intelligatur, convenit Deo: non tamen ita quod sit definitio ejus; quia plus est in Deo quam significetur per nomen. Unde id quod Dei est, per rationem nominis non desinitur.

AD TERTIUM dicendum, quod licet Deus non sit in genere substantiæ tanquam species, pertinet tamen ad genus substantiæ sicut generis principium.

AD QUARTUM dicendum, quod accidit personæ, in quantum hujusmodi, quod sit composita, ex hoc quod complementum vel perfectio quæ requiritur ad rationem personæ, non invenitur statim in uno simplici, sed requirit adunationem multorum, sicut in hominibus patet. In Deo autem cum summa simplicitate est summa perfectio; et ideo est ibi persona absque compositione. Partes vero positæ in definitione personæ non ostendunt aliquam compositionem personæ, nisi in substantiis materialibus: individuum autem cum sit negatio, per hoc quod substantia additur, nulla compositio importatur. Unde remanet ibi sola compositio individue substantiæ, id est hypostasis, ad naturam: quæ duo in substantiis immaterialibus secundum rem sunt idem omnia.

AD QUINTUM dicendum, quod rebus materialibus in quibus formæ non sunt per se subsistentes, sed materiæ inhaerentes, oportet quod principium individuationis sit ex materia; formæ vero immateriales, cum sint per se subsistentes, ex seipsis individuantur; ex hoc enim quod aliquid est subsistens, habet quod de pluribus prædicari non potest: et ideo nihil prohibet in rebus immaterialibus substantiam individuum et personam inveniri.

Ad sextum dicendum, quod licet in Deo non sit compositio ut in eo aliquid sub alio intelligi possit, tamen secundum intellectum nostrum seorsum accipimus esse ejus et substantiam ipsius sub esse ejus existentem, ut huic subsistens dicatur. Vel dicendum, quod licet subsesse, a quo imponitur vocabulum subsistendi, Deo non conveniat, tamen per se esse, ad quod significandum imponitur, competit ei.

Ad septimum dicendum, quod licet in Deo non sint accidentia, sunt tamen in eo proprietates personales, quibus hypostases subsistant.

**ARTICULUS IV.** — *Utrum hoc nomen persona in divinis significet relativum, vel aliquid absolutum* (I part., quest. xxix, art. 4.)

Quarto quaeritur, utrum hoc nomen *persona* in divinis significet relativum, vel aliquid absolutum. Et videtur quod significet aliquid absolutum. Dicit enim Augustinus (in VII de Trin., cap. iv), quod cum Joannes dicat: *Tres sunt qui testimonium dant in caelo, Pater, Verbum et Spiritus sanctus*; et quaereretur quid tres essent, responsum est quod sunt tres persone. Sed quid quaerit de essentia. Ergo hoc nomen *persona* in divinis significet essentiam.

2. Præterea, in eodem lib. (cap. vi) Augustinus dicit, quod idem est Deo esse quod personam esse. Sed esse in divinis significet essentiam, et non relationem. Ergo et *persona*.

3. Præterea, Augustinus dicit ibidem: *Ad se proprie dicitur persona, non ad Filium vel Spiritum sanctum, sicut ad se dicitur Deus, et magnus et bonus et justus*. Sed hæc omnia essentialiter significant, et non relationem. Ergo et *persona*.

4. Præterea, Augustinus ibidem (cap. iv) dicit, quod quavis commune est illis, scilicet Patri et Filio et Spiritui sancto, nomen essentiae, ita ut singulus quisque dicatur essentia tamen illis commune est persone vocabulum. Sed relatio in divinis non est commune, sed distinctivum. Ergo *persona* in divinis non significat relationem.

5. Sed dicendum, quod *persona* est commune ratione et non re in divinis. Sed contra, in divinis non est universale; unde Augustinus in eodem libro (cap. vi) improbat opinionem illorum qui dicebant, quod essentia in divinis est sicut genus vel sicut species; *persona* vero sicut species vel individua. Quod autem est commune ratione et non re, est commune per modum universalis. Ergo *persona* non est commune in divinis ratione tantum sed etiam re; et ita non potest significare relationem.

6. Præterea, nullum nomen significat res diversorum generum, nisi æquivoce; *actum* enim æquivoce dicitur in saporibus et magnitudinibus. Manifestum est autem quod *persona* in Angelis et hominibus non significat relationem, sed aliquid

absolutum. Si ergo in Deo significet relationem, erit æquivoce dictum.

7. Præterea, quod accidit rei significatæ per nomen, est extra significationem nominis; sicut extra significationem hominis est alium, quod accidit homini. Res autem significatæ per hoc nomen *persona* est substantia individua rationalis naturæ; quia ratio quam significat nomen, est definitio, secundum Philosophum, in IV Metaph. (com. xxvii); substantiæ autem tali accidit ad aliud referri. Relatio ergo est extra significationem hujus nominis *persona*.

8. Præterea, nullum nomen potest intelligi de aliquo vere predicari, cui non intelligitur convenire res significatæ per nomen; sicut non potest intelligi esse homo quod intelligitur non esse animal rationale mortale. Judæi autem et Pagani confitentur Deum esse personam; non tamen confitentur in eo relationes, quas nos ponimus secundum fidem. Ergo hoc nomen *persona* in divinis non significat hujusmodi relationes.

9. Sed dicendum, quod Judæi et Pagani erroneam habent opinionem de Deo; unde ex eorum opinione non potest accipi argumentum. — Sed contra, error opinionis non variat nominis significationem, nec etiam veritas. Si ergo apud errantes de Deo hoc nomen *persona* non significat relationem, nec etiam significabit apud recte sentientes de Deo.

10. Præterea, voces, secundum Philosophum (I Perih., in princ.) sunt signa intellectuum. Intellectus enim qui concipitur ex hoc nomine *persona* est in intellectu substantiæ primæ. Ergo hoc nomen *persona* significat substantiam primam, qua nihil est magis absolutum, cum sit per se existens; ergo hoc nomen *persona* non significat relationem, sed aliquid absolutum.

11. Sed dicendum, quod hoc nomen *persona*, significat relationem per modum substantiæ. — Sed contra, hæc propositio est immediata: *Nulla relatio est substantia*, sicut et hæc: *Nulla quantitas est substantia*, sicut patet per Philosophum (in I Posteriorum, comment. xxvii). Si ergo hoc nomen *persona* significat substantiam, ut probatum est, impossibile est quod significatum ejus sit relatio.

12. Præterea, opposita non possunt verificari de eodem. Sed esse per se et esse ad aliud sunt opposita. Si ergo quod significatur nomine *persona* est substantia, quia est ens per se, impossibile est quod sit ad aliud.

13. Præterea, omne nomen significans relationem, refertur ad aliquid quod consignificat, sicut dominus et servus. Sed patet quod hoc nomen *persona* non refertur ad aliud. Ergo non significat relationem, sed aliquid absolutum.

14. Præterea, *persona* dicitur quasi per se una. Unitas autem in divinis pertinet ad essentiam. Ergo hoc nomen *persona* significat essentiam, et non relationem.

15. Sed dicendum, quod hoc nomen significat unum distinctum; et quis distinctio in divinis est per relationem, ideo significat relationem. — Sed contra, Filius et Spiritus sanctus dicuntur distinguere in divinis secundum modum originis; nam Filius procedit per modum intellectus, ut verbum, sed Spiritus sanctus, per modum voluntatis, ut amor. Non ergo per solas relationes est distinctio in divinis; et sic non oportet quod persona relationem significet.

16. Præterea, si relatio in divinis est distinguens; persona autem est quid distinctum, non distinguens; non significabit relationem nomen *persona*.

17. Præterea, relationes in divinis dicuntur esse proprietates. Persona autem significat aliquid substantiæ proprietati. Non ergo significat relationem.

18. Præterea, quatuor sunt relationes in divinis; scilicet paternitas, filiatio, processio, communis spiratio; inascibilitas enim, que est quinta notio, non est relatio. Sed hoc nomen *persona* nullam harum significat. Si enim significaret paternitatem, non diceretur de Filio; si filiationem, non diceretur de Patre; si autem processionem Spiritus sancti, non diceretur neque de Patre neque de Filio; si vero communem spirationem, non diceretur de Spiritu sancto. Non ergo significat relationem hoc nomen *persona*.

Sed contra, Boetius dicit (in lib. de Trin., a medio), quod omne nomen ad personas pertinet relationem significat. Sed nullum nomen magis pertinet ad personas quam hoc nomen *persona*. Ergo hoc nomen *persona* relationem significat.

Præterea, sub *persona* in divinis continentur Pater et Filius et Spiritus sanctus. Sed hæc nomina relationem significant. Ergo et nomen *persona*.

Præterea, nullum absolutum distinguitur in divinis. Sed persona distinguitur. Ergo non est absolutum, sed relativum.

Respondeo dicendum, quod hoc nomen *persona* habet commune cum nominibus absolutis in divinis quod de qualibet persona prædicatur, nec secundum nomen ad aliud refertur; cum nominibus vero relationem significantibus, quod distinguitur, et pluraliter prædicatur; et ideo videtur quod utraque significatio et Relativi et absoluti pertinet ad personam. Qualiter autem utraque significatio ad nomen persone pertinet, est diversimode a diversis assignatum.

Dicunt enim quidam, quod *persona* significat utrumque, sed per modum æquivocationis. Dicunt enim quod hoc nomen *persona*, quantum est de se, absolute significat essentiam tam in singulari quam in plurali, sicut hoc nomen *Deus*, aut *bonus*, aut *magnus*; sed propter insufficientiam nominum ad loquendum de Deo, accommodatum est hoc nomen *persona* a sanctis patribus in Nicæno Concilio, ut quandoque possit sumi pro relativo,

et præcipue in plurali, cum dicimus quod Pater et Filius et Spiritus sanctus sunt tres persone, vel cum termino partitivo adjuncto, ut cum dicitur: *Alia est persona Patris, alia Filii*; vel cum dicitur: *Filius est alius a Patre in persona*. In singulari autem cum absolute prædicatur, potest indifferentiter significare essentiam vel personam, ut cum dicitur: *Pater est persona*, vel *Filius est persona*. Et hæc videtur esse opinio Magistri in I Sententiarum, dist. xxv. Sed non videtur sufficienter dici. Non enim absque ratione ex propria significatione nominis sumpta, sancti Patres devinitus inspirati, hoc nomen inveniunt ad confessionem veræ fidei exprimentandam; et præcipue quia dedissent occasionem erroris dicendo tres personas, si hoc nomen *persona* significat essentiam absolute.

Et ideo alii dixerunt, quod simul significat essentiam et relationem, sed non æqualiter; sed unam in recto, et aliam in obliquo. Quorum quidam dixerunt, quod significat essentiam in recto, et relationem in obliquo; quidam e converso. Sed neutri dubitationem solvunt; quia si essentiam in recto significat, non deberet pluraliter prædicari; si vero relationem, non deberet ad se dici, nec de singulis prædicari.

Et ideo alii dixerunt, quod significat utrumque in recto. Quorum quidam dixerunt, quod significat essentiam et relationem ex æquo, et neutrum circa aliud ponitur. Sed hoc non est intelligibile; quia quod non significat unum, nihil significat. Unde omne nomen significat unum in una acceptione, ut dicit Philosophus in IV Metaph. (com. xi).

Et ideo alii dixerunt, quod relatio ponitur circa absolutum. Quod quidam difficile est videre, cum relationes non determinent essentiam in divinis.

Et ideo alii dixerunt, quod non significat absolutum, sive substantiam que est essentia, sed que est hypostasis; hoc enim relatione determinatur. Quod quidem verum est; sed per hoc dictum nihil nobis manifestatur. Minus enim est nobis manifestum nomen hypostasis vel subsistentiæ, quam nomen persone.

Et ideo ad evidentiam hujus questionis sciendum, quod propria ratio nominis est quam significat nomen, secundum Philosophum (in IV Metaph., com. xviii). Id autem cui attribuitur nomen, si sit recte sumptum sub re significata per nomen, sicut determinatum sub indeterminato, dicitur supponi per nomen; si autem non sit recte sumptum sub re nominis, dicitur copulari per nomen; sicut hoc nomen *animal* significat substantiam animatam sensibilem et *albus* significat colorem disgregativum visus; *homo* vero recte sumitur sub ratione animalis, sicut determinatum sub indeterminato. Est enim homo substantia animata sensibilis tali anima, scilicet rationali; sub alio vero, quod est extra essentiam ejus, non directe sumitur. Unde homo supponitur nomine animalis, copulatur vero nomine albi. Et

quia inferius quod supponitur per nomen commune, se habet ad commune sicut determinatum ad indeterminatum: id quod erat suppositum, fit significatum, determinatione apposita ad commune: animal enim rationale significat hominem. Sed sciendum, quod aliquid significat dupliciter: uno modo formaliter, et alio modo materialiter. Formaliter quidem significatur per nomen id ad quod significandum nomen est principaliter impositum, quod est ratio nominis, sicut hoc nomen *homo* significat aliquid compositum ex corpore et anima rationali. Materialiter vero significatur per nomen, illud in quo talis ratio solvatur: sicut hoc nomen *homo* significat aliquid habens cor et cerebrum et huiusmodi partes, sine quibus non potest esse corpus animatum anima rationali. Secundum hoc ergo dicendum est, quod hoc nomen *persona* communiter sumpta nihil aliud significat quam substantiam individuum rationalis nature. Et quia sub substantia individua rationalis nature continetur substantia individua, id est incommunicabilis et ab aliis distincta, tam Dei quam hominis quam etiam Angeli: oportet quod persona divina significet subsistens distinctum in natura divina, sicut persona humana significat subsistens distinctum in natura humana; et hæc est formalis significatio tam persone divine quam persone humane. Sed quia distinctum subsistens in natura humana non est nisi aliquid per individualem materiam individuatam et ab aliis diversum; ideo oportet quod hoc sit materialiter significatum, cum dicitur persona humana. Distinctum vero incommunicabile in natura divina non potest esse nisi relatio; quia omne absolutum est commune et indistinctum in divinis. Relatio autem in Deo idem est et habens essentiam, ut Deus et Deus; ita idem est relatio et quod per relationem refertur. Unde sequitur quod idem sit relatio et distinctum in natura divina subsistens. Patet ergo quod persona communiter sumpta, significat substantiam individuaam rationalis nature; persona vero divina formali significatione significat distinctum subsistens in natura divina. Et quia hoc non potest esse nisi relatio vel relativum, ideo materiali significatione significat relationem vel relativum. Et propter hoc potest dici, quod significat relationem per modum substantiæ, non que est essentia, sed que est hypostasis; sicut et relationem significat non ut relationem, sed ut relativum, id est ut significatur hoc nomine *Pater*, non ut significatur hoc nomine *paternitas*. Sic enim relatio significata includitur oblique in significatione persone divine, que nihil aliud est quam distinctum relationum subsistens in essentia divina.

Ad primum ergo dicendum, quod *quid* non solum querit de essentia, sed quandoque etiam de supposito, ut: Quid natus in mari? piscis. Et sic, ad quid respondendum est per nomen *persona*.

Ad secundum dicendum, quod propter modum significandi huius nominis *persona*, dicit Augustinus (lib. VII de Trin., cap. VI): *Idem est Deo esse quod persona esse*. Non enim significat per modum relationis, sicut Pater et Filius.

Ad tertium dicendum, quod hoc provenit ex formali significatione persone quod ad se dicitur et ad aliud non refertur.

Ad quartum dicendum, quod essentia est communis re in divinis, sed persona secundum rationem tantum, sicut et hoc nomen relatio.

Ad quintum dicendum, quod in divinis nihil est diversificatum secundum esse, cum ibi sit tantum unum esse. Hoc autem est contra rationem universalis; et ideo non est ibi universale, licet sit ibi unum secundum rationem, et non secundum rem.

Ad sextum dicendum, quod hoc quod persona aliud significat in Deo et homine, pertinet ad diversitatem suppositionis magis quam ad diversam significationem huius communis, quod est *persona*. Diversa autem suppositio non facit equivocacionem, sed diversa significatio.

Ad septimum dicendum, quod licet relatio accidat ei quod significatur communiter per hoc nomen *persona*, non tamen accidit persone divine, sicut ostensum est.

Ad octavum dicendum, quod objectio illa procedit de formali significatione nominis, et non de materiali.

Et similiter dicendum ad nonum.

Ad decimum dicendum, quod substantia prima dicitur absoluta, quasi ab alio non dependens. Relativum autem in divinis non excludit absolutum, quod est ab alio dependens; sed excludit absolutum quod ad aliud non refertur.

Ad undecimum dicendum, quod ista propositio, *Nulla relatio est substantia*, est immediata, si accipiatur relatio et substantia que sunt in genere. Sed Deus non limitatur terminis alioque generis, sed habet in se perfectiones omnium generum. Unde non distinguitur in eo secundum rem relatio et substantia.

Ad duodecimum dicendum, quod per se existens opponitur ad non per se existens, non autem ei quod est ad aliud.

Ad decimumtertium dicendum, quod persona secundum nomen ad aliud non refertur, propter modum quem significat.

Ad decimumquartum dicendum, quod *omnis* in divinis se habet communiter ad essentiam et relationem; dicimus enim quod essentia est una, et quod Pater est unus.

Ad decimumquintum dicendum, quod forte modus ille processionis diversus, quo dicitur Filius procedere per modum intellectus, Spiritus sanctus vero per modum voluntatis, non sufficit ad distinguendum personaliter Spiritum sanctum a Filio, cum voluntas et intellectus non distinguantur personaliter in divinis. Si tamen concedatur quod hoc ad eorum distinctionem



sufficit, manifestum est quod uterque a Patre per relationem distinguitur, prout unus eorum procedit a Patre ut genitus, alius ut spiratus; et hæc relationes constituunt eorum personas.

AD DECIMUMSEXTUM dicendum, quod sicut relatio significat ut distinguens in divinis, ita relatum significat ut distinctum. In Deo autem non est aliud relatio et relatum, sicut nec essentia et quod est; et ideo nec distinguens et distinctum in Deo differunt.

AD DECIMUMSEPTIMUM dicendum, quod proprietas, in divinis non est accidentalis, sed est idem secundum rem ei cuius est proprietas; sed differt secundum modum intelligendi. Persona ergo non significat relationem prout est proprietas, sed prout est proprietati et essentia subsistens.

AD DECIMUMOCTAVUM dicendum, quod licet universale non possit esse præter singularia, potest tamen intelligi, et per consequens significari. Et propter hoc sequitur, si non est aliquid singularium, quod non sit universale. Non tamen sequitur, si non intelligitur aut significatur aliquid singularium, quod non intelligatur vel significetur universale hoc; enim nomen *homo* non significat aliquem singularium hominum, sed solum hominem in communi; et similiter hoc nomen *persona* etsi non significet paternitatem neque filiationem neque communem spirationem aut processionem, tamen significat relationem in communi, per modum jam dictum, in corp. art., sicut et hoc nomen *relatio* suo modo.

#### ARTICULUS V. — *Utrum numerus personarum sit in divinis.*

Quinto quaeritur, utrum numerus personarum sit in divinis. Et videtur quod non. Dicit enim Boetius (in lib. de Trin., ante med.): *Hoc vero unum est in quo nullus est numerus.* Sed Deus est verissime unus. Ergo in eo nullus est numerus.

2. Sed dicendum, quod in Deo non est numerus simpliciter, sed numerus personarum. — Sed contra, semper ad secundum quid sequitur simpliciter, quando determinatio non est diminuens; sequitur enim: *Est homo albus; ergo est homo*; sed non sequitur: *Est homo mortuus; ergo est homo*. Sed hoc quod dicitur numerus personarum, non est determinatio diminuens, cum persona sit quoddam completissimum. Ergo sequitur, si est in divinis numerus personarum, quod sit ibi numerus simpliciter.

3. Præterea, mi opponitur multitudo, secundum Philosophum (X Metaph., text. xx). Sed opposita non insunt eidem. Cum ergo in Deo sit summa unitas, non potest in eo esse aliquis numerus vel aliqua pluralitas.

4. Præterea, ubicunque est numerus, ibi est pluralitas unitatum. Ubi autem sunt plures unitates, ibi est multiplex esse; aliud enim est esse hujus unitatis, et aliud illius. Si ergo in Deo est

numerus, oportet quod sit in eo multiplex esse, et ita multiplex essentia; quod patet esse falsum.

5. Sicut unum est indivisum, ita multitudo non est sine divisione. Sed in Deo non potest esse aliqua divisio, cum non sit ibi aliqua compositio. Ergo non potest esse in divinis aliquis numerus.

6. Præterea, omnis numerus habet partes; componitur enim ex unitatibus. Sed in Deo non sunt aliquæ partes, cum non sit ibi compositio. Ergo in Deo non est numerus.

7. Præterea, illud per quod creatura differt a Deo, non debet Deo attribui. Creatura autem differt a Deo per hoc quod in numero quodam constituta est, secundum illud Sap., xi, 21: *Omnia in numero, pondere et mensura constituisti.* Numerus ergo non debet poni in divinis.

8. Præterea, numerus est species quantitas. In Deo autem non est aliqua quantitas; propter quod si aliquid quantitatem significans in divinam prædicationem venerit, mutatur in substantiam, ut dicit Boetius (in lib. de Trin., ante med.). Aut ergo numerus nullo modo est in divinis, aut ad substantiam pertinet, quod est contra fidem.

9. Præterea, ubicunque est numerus, ibi sunt numeri passionis, ut perfectum et diminutum, multiplicatio et divisio, et alia hujusmodi quæ consequuntur numerum. Hæc autem in Deo esse non possunt. Ergo in Deo non potest esse numerus.

10. Præterea, omnis numerus finitus est. Quod ergo est infinitum, non est numerabile. Ergo cum Deus sit infinitus, in eo non potest esse numerus.

11. Sed dicendum, quod Deus, etsi est infinitus nobis, est tamen finitus sibi. — Sed contra, varius competit Deo quod competit ei secundum seipsum quam quod competit ei secundum nos. Si ergo Deus est finitus sibi, infinitus autem nobis, verius est finitus quam infinitus; quod patet esse falsum.

12. Præterea, secundum Philosophum (in X Metaph. com. xxi), numerus est multitudo mensurata per unum. Deus est mensura non mensuratus. Ergo in Deo non est numerus.

13. Præterea, in omni natura quæ non differt a suo supposito, impossibile est multiplicari supposito illius naturæ; propter hoc enim impossibile est esse plures homines in una natura humana, quia hic homo non est sua humanitas; et ideo multiplicatio individuum in una natura humana, consequitur diversitatem principiorum individualium, quæ non sunt de ratione naturæ communis. In substantiis autem immaterialibus in quibus ipsa natura speciei est suppositum subsistens, non est possibile esse plura individua unius speciei. Sed in Deo maxime est idem natura et suppositum; quia ipsum esse divinum, quod est natura divina, est subsistens. Impossibile est

ergo quod in natura divina sint plura supposita vel plures personae.

14. Præterea, persona est nomen rei. Ergo ubi non est numerus rerum, non est numerus personarum. Sed in Deo non est numerus rerum; dicit enim Damascenus (lib. I, cap. XI), quod in divinis Pater et Filius et Spiritus sanctus re quidem sunt unum, ratione autem et cogitatione differunt. Ergo in Deo non est numerus personarum.

15. Præterea, impossibile est in aliquo uno esse rerum pluralitatem absque rerum compositione. Deus autem unus est. Si ergo in Deo sunt plures personae, quod est esse plures res, sequitur quod in eo sit compositio; quod simplicitati divine repugnat.

16. Præterea, absolutum perfectius est quam relatum. Sed proprietates absolute, id est attributa essentialia, ut sapientia, iustitia et humilitas, non constituunt in Deo plures personas. Ergo nec proprietates relative, ut paternitas et filiatio.

17. Præterea, ea quibus aliqua ab invicem distinguuntur, comparantur ad ipsa sicut differentiae constitutive ipsorum. Si ergo personae in divinis, relationibus distinguuntur, oportet quod relationes sint quasi differentiae constitutive personarum; et ita in personis divinis erit aliqua compositio; cum differentia adveniens generi constituit speciem.

18. Præterea, ea quae distinguuntur per formas specie differentes, necesse est specie differre; sicut homo et equus differunt specie sicut rationale et irrationale. Paternitas autem et filiatio sunt relationes specie differentes. Ergo si personae divinae solis relationibus distinguuntur, necesse est quod specie differant; et ita non erunt unius naturae quod est contra fidem.

19. Præterea, non est intelligibile quod aliqua sint supposita diversa, quorum est unum esse. Sed in divinis non est nisi unum esse. Ergo impossibile est quod sint ibi plura supposita vel plures personae.

20. Præterea, cum creatio sit proprie actio Dei, oportet quod procedat a quolibet supposito divine naturae. Impossibile est autem quod hæc actio, cum sit una, proveniat a pluribus suppositis; quia una actio non est nisi ab uno agente. Ergo impossibile est quod divine naturae sint plura supposita sive plures personae.

21. Præterea, diversitas proprietatum non facit diversa supposita in istis interioribus; non enim per hoc quod hic est albus et ille niger, est hoc suppositum humana natura aliud ab illo. Sed per diversitatem materie individuali, quae est substantia individuorum, hoc suppositum est aliud ab illo. Si ergo in divinis non est distinctio nisi per proprietates relativas, impossibile est quod sit ibi pluralitas suppositorum vel personarum.

22. Præterea, supremae creature sunt Deo similiores quam

infimae. In infimis autem creaturis sunt plura supposita in una natura, non autem in supremis, sicut in corporibus celestibus. Ergo nec in Deo sunt plures personae in una natura.

23. Præterea, quando tota perfectio speciei invenitur in uno supposito, non sunt plura supposita illius naturae, sicut Philosophus probat (in I. Cael. et mund.), quod est unum tantum mundus, quia constat ex tota sua materia. Tota autem perfectio divine naturae invenitur in uno supposito. Non ergo sunt plura supposita vel personae in una natura.

24. Sed dicendum, quod ad plenitudinem gaudii requiritur quod sit consortium plurium in divina natura, quia nullius rei sine consortio potest esse jucunda possessio, ut dicit Boetius. Oportet etiam ad perfectionem amoris ut unus diligat alterum quantum seipsum. — Sed contra, plenitudinem gaudii et amoris habere in alio, est ejus qui non habet delectabile in seipsis, quæerunt cum aliis conversari; boni autem quæerunt conversari secum, quasi in seipsis causam jucunditatis habentes. Divina autem natura non potest esse absque omni sufficientia bonitatis. Ergo cum unum suppositum divine naturae habeat in se omnino plenitudinem gaudii et amoris, non propter hoc oportet ponere in divinis plura supposita vel plures personas.

Sed contra est quod dicitur I. Joan., ult., 7: *Tres sunt qui testimonium dant in celo, Pater, Verbum et Spiritus sanctus.*

Præterea, Athanasius dicit in symbolo: *Totae tres personae æternæ sibi sunt et coæquales.* Ergo est in divinis numerus personarum.

Respondeo dicendum, quod pluralitas personarum in divinis, est de his quæ fidei subjacent, et naturali ratione humana nec investigari nec sufficienter intelligi potest; sed in patria intelligendum expectatur, cum Deus per essentiam videbitur visione fidei succedente. Sed tamen sancti patres propter instantiam eorum qui fidei contradicunt, eo celi sunt et de hoc disserere, et de aliis quæ spectant ad fidem, modeste tamen et reverenter absque comprehendendi præsumptione. Nec talis inquisitio est inutilis, cum per eam elevetur animus ad aliquid veritatis capiendum quod sufficiat ad excludendos errores. Unde Hilarius dicit (in lib. de Trinitate, II, inter princ. et med.): *Hoc credendo, scilicet pluralitatem personarum in divinis incipere, percurrere, persistere; et si non perceniturum me sciam, tamen gratulabor profecturum. Qui enim pie infinita prosequitur, etsi non contingat aliquando, tamen proficere procedendo.* Ad manifestationem ergo aliqualem hujus questionis, et præcipue secundum quod Augustinus (1) eam manifestat, considerandum est quod omne quod est

(1) In edit. Ven. ann. 1593 ad marginem. Ansel. in monologio, cap. XIV a medio.

est perfectam in creaturis, oportet Deo attribui secundum id quod de ratione illius perfectionis absolute; non secundum modum quo est in hoc vel in illo. Non enim bonitas est in Deo vel sapientia secundum aliquid accidens sicut in nobis, quamvis in eo sit summa bonitas et sapientia perfecta. Nihil autem nobilius et perfectius in creaturis invenitur quam intelligere; cuius signum est quod inter ceteras creaturas, intellectuales substantiæ sunt nobiliores, et secundum intellectum ad Dei imaginem factæ dicuntur. Oportet ergo quod intelligere Deo conveniat et omnia quæ sunt de ratione ejus, licet alio modo conveniat sibi quam creaturis. De ratione autem ejus quod est intelligere, est quod sit intelligens et intellectum. Id autem quod est per se intellectum non est res illa cuius notitia per intellectum habetur, cum illa quandoque sit intellecta in potentia tantum, et sit extra intelligentem sicut cum homo intelligit res materiales, ut lapidem vel animal aut aliud hujusmodi; cum tamen oportet quod intellectum sit in intelligente, et unum cum ipso. Neque etiam intellectum per se est similitudo rei intellectæ, per quam informatur intellectus ad intelligendum. Intellectus enim non potest intelligere nisi secundum quod fit in actu per hanc similitudinem, sicut nihil aliud potest operari secundum quod est in potentia, sed secundum quod fit actu per aliquam formam. Hæc ergo similitudo se habet in intelligendo sicut intelligendi principium, ut calor est principium calefactionis, non sicut intelligendi terminus. Hoc ergo (1) est primo et per se intellectum, quod intellectus in seipso concipit de re intellecta, sive illud sit definitio, sive aliqua enuntiatio, secundum quod ponitur duæ operationes intellectus, in III de Anima (com. XII). Hoc autem sic ab intellectu conceptum dicitur verbum interius; hoc enim est quod significatur per vocem; non enim vox exterior significat ipsum intellectum, aut formam ipsius intelligibilem, aut ipsum intelligere; sed conceptum intellectus, quo mediante significatrem; ut cum dico, homo, vel homo est animal. Et quantum ad hoc non differt utrum intellectus intelligat se, vel intelligat aliud a se. Sicut enim cum intelligit aliud a se, format conceptum illius rei quæ voce significatur, ita cum intelligit seipsum, format conceptum sui, quod voce etiam potest exprimere. Cum ergo in Deo sit intelligere, et intelligendo secundum intelligat omnia alia, oportet quod ponatur in ipso esse conceptio intellectus, quæ est absolute de ratione ejus quod est intelligere. Si autem possemus comprehendere intelligere divinum quid et quomodo est sicut comprehendimus intelligere nostrum, non esset supra rationem conceptio verbi divini, sicut neque conceptio verbi humani. Possumus tamen scire quid non sit et quomodo non sit illud intelligere; per quod possumus scire differentiam verbi concepti a Deo, et verbi concepti ab intellectu

(1) *Al. deest ergo.*

nostro. Scimus enim primo, quod in Deo est tantum unam intelligere, non multiplex sicut in nobis. Aliud enim est intelligere nostrum quo intelligimus lapidem et quo intelligimus plantam; sed unum est Dei intelligere, quo Deus intelligit et se et omnia alia. Et ideo intellectus noster concipit multa verba, sed verbum conceptum a Deo est unum tantum. Iterum intellectus noster imperfecto plerumque intelligit et seipsum et alia; intelligere autem divinum non potest esse imperfectum. Unde verbum divinum est perfectum, perfecte omnia representans; verbum autem nostrum frequenter est imperfectum. Iterum in intellectu nostro aliud est intelligere et aliud esse; et idem verbum conceptum in intellectu nostro, cum procedat ab intellectu in quantum est intellectus, non unitur ei in natura, sed solum in intelligere. Intelligere autem Dei est esse ejus; unde verbum quod procedit a Deo in quantum est intelligens, procedit ab eo in quantum est existens; et propter hoc verbum conceptum habet eandem essentiam et naturam quam intellectus concipiens. Et quia quod recipit naturam in rebus viventibus dicitur genitum et filius, verbum divinum dicitur genitum et Filius. Verbum autem nostrum non potest dici genitum ab intellectu nostro nec filius ejus nisi metaphorice. Sic ergo relinquatur quod cum verbum intellectus nostri ab intellectu differat in duobus, in hoc scilicet et quod est ab eo, et est alterius nature, subtracta a divino verbo natura differentia, ut ostensum est, quæst. præc. art. 1, relinquatur quod sit differentia secundum hoc solum quod est ab alio. Cum ergo differentia causet numerum, relinquatur quod in Deo sit solum numerus relationum. Relationes autem in divinis non sunt accidentiæ, sed unaqueque earum est realiter divina essentia. Unde et unaqueque earum est subsistens, sicut divina essentia; et sicut divinitas est idem quod Deus, ita paternitas est idem quod Pater, et per hoc Pater idem quod Deus. Numerus ergo relationum est numerus rerum subsistentium in divina natura. Res autem subsistentes in divina natura sunt divini persone, ut ex precedenti articulo patet. Et propter hoc ponimus personarum numerum in divinis.

AD PRIMUM ergo dicendum, quod Boetius per verba illa intendit excludere numerum a divina essentia; de hoc enim agit.

AD SECTENDUM dicendum, quod licet persone in quantum sunt subsistentes, non habeant quod diminuat de ratione numeri; habent hoc tamen, in quantum sunt relationes; nam distinctio secundum relationes est minima, sicut et relatio minimum habet de ente inter omnia genera.

AD TERTIUM dicendum, quod unitas et pluralitas attribuantur Deo non secundum idem; sed unitas secundum essentiam, pluralitas secundum personas; vel unitas secundum absolutam, pluralitas secundum relationes.

AD QUARTUM dicendum, quod cum pluralitas unitatum ex aliqua distinctione causetur, ubi est distinctio secundum esse, oportet quod unitates secundum esse differant; ubi autem est distinctio secundum relationes, oportet quod unitates ex quibus consistit pluralitas, solum relationibus ab invicem distinguantur.

AD QUINTUM dicendum, quod qualibet distinctio sufficit ad pluralitatem similem constituendam. Unde sicut in Deo non est divisio secundum absolutam, que sine compositione esse non potest, sed solum distinctio relationum; ita non est in Deo pluralitas quantum ad absolutam; sed solum quantum ad relationes, ut jam dictum est, in corp. art.

AD SEXTUM dicendum; quod unitates semper sunt partes numeri, si loquamur de numero absoluto quo numeramus; si autem loquamur de numero qui est in rebus, tunc non est ratio totius et partis in numero, nisi sicut invenitur totum et pars in rebus numeratis. Diversae autem relationes in divinis non sunt partes; sicut paternitas et filiatio non sunt partes Socratis, quamvis sit pater et filius diversorum. Unde nec unitates relationum comparantur ad numerum relationum et partes.

AD SEPTIMUM dicendum, quod creatura differt a Deo in hoc quod producitur in numero essentialium principiorum. Talis autem non est numerus personarum.

AD OCTAVUM dicendum, quod numerus qui est species quantitatis, causatur ex divisione continui; unde sicut quantitas continua est quid mathematicum, quia est separata a materia sensibili secundum rationem, et non secundum esse; ita et numerus qui est species quantitatis, qui est etiam subiectum Arithmetice, cuius principium est unum quod est prima mensura quantitatis. Unde patet quod hic numerus non potest esse in rebus immaterialibus, sed est in eis multitudo, quae opponitur uni quod convertitur cum eodem; quae quidem causatur ex divisione formati, quae est per quatuor formas oppositas, vel absolutas vel relativas. Et talis numerus est in divinis.

AD NONUM dicendum, quod illae passiones consequuntur numerum qui est species quantitatis qui non competit in divinis, ut dictum est.

AD DECIMUM dicendum, quod Deus est infinitus secundum perfectionem magnitudinis et sapientiae et huiusmodi; unde in Psal. XXXVI, 5; dicitur, quod *sapientia eius non est numerus*; sed processio in divinis, secundum quam multiplicatur personae divinae, non est in infinitum; non enim est immoderata divina generatio, ut Augustinus dicit in lib. de Trinit.; et ideo nec personarum numerus est infinitus.

AD UNDICESIMUM dicendum, quod Deus dicitur esse finitus sibi, non quia cognoscat se esse finitum, sed quia ita comparatur ad se sicut ad nos comparantur finita, in quantum comprehendit seipsum.

AD DUODECIMUM dicendum, quod illa definitio datur de numero secundum quod est in genere quantitatis, ad quod pertinet ratio mensurae.

AD DECIMUMTERTIUM dicendum, quod in rebus creatis principia individuata duo habent; quorum unum est quod sunt principium subsistendi (natura enim communis de se non subsistit nisi in singularibus); aliud est quod per principia individuata supposita naturae communis ab invicem distinguuntur. In divinis autem proprietates personales hoc solum habent quod supposita divinae naturae ab invicem distinguuntur, non autem sunt principium subsistendi divinae essentiae; ipsa enim divina essentia est secundum se subsistens; sed e converso proprietates personales habent quod subsistant ab essentia; ex eo enim paternitas habet quod sit res subsistens, quia essentia divina cui est idem secundum rem, est res subsistens; ut inde sequatur quod sicut essentia divina est Deus, ita paternitas est Pater. Et ex hoc est etiam quod essentia divina non multiplicatur secundum numerum ex pluralitate suorum suppositorum, sicut accidit in istis inferioribus. Nam ex eo aliquid secundum numerum multiplicatur, ex quo subsistentiam habet. Licet autem divina essentia secundum seipsam, ut ita dicam, individuetur quantum ad hoc quod est per se subsistere; tamen ipsa una existente secundum numerum, sunt in divinis plura supposita ab invicem distincta per relationes subsistentes.

AD TRICESIMUMQUARTUM dicendum, quod si Pater et Filius et Spiritus sanctus non res, sed solum ratione differunt, nihil prohibet unum de altero predicari; sicut vestis et tunica de se invicem predicantur; et similiter Pater esset Filius, et e converso; quod est haeresis Sabelliana. Unde dicendum est, quod Pater et Filius et Spiritus sanctus sunt tres res, ut Augustinus dicit in lib. I de Doctr. christ. (cap. v), si tamen res pro re relativa accipiatur; si enim sumatur pro absoluto, sic sunt una res, ut idem Augustinus dicit. Et hoc modo sumendum est quod Damascenus (loc. cit. in arg.) dicit, quod sunt unum re. Quod autem dicit, quod ratione tantum distinguuntur, communiter exponitur, id est relatione. Nam relatio etsi per comparisonem ad relationem oppositam, distinctionem realem faciat in divinis, tamen ab essentia divina non differt nisi ratione; cum hoc (1) etiam relatio inter omnia genera debiliori modo res est.

AD DECIMUMQUINTUM dicendum, quod pluralitas rerum in divinis est pluralitas relationum subsistentium oppositarum, ex quo non sequitur compositio in divinis. Nam relatio comparata ad essentiam divinam, non differt re, sed ratione solum; unde non facit compositionem cum ipsa, sicut nec bonitas nec aliud essentialium attributorum; sed per comparisonem ad oppositam relationem est pluralitas rerum, non tamen compositio; quia

(1) Al. cum hoc.

relationes oppositæ, inquantum hujusmodi, ab invicem distinguuntur. Compositio vero non est ex aliquibus distinctis inquantum distincta sunt.

AD DECIMUMSEXIMUM dicendum, quod attributa essentialia nullam ad invicem habent oppositionem sicut relationes; et ideo licet subsistant sicut relationes, non tamen constituunt pluralitatem suppositorum ab invicem distinctorum, cum pluralitas distinctionem sequatur; distinctio vero formalis fit ex aliqua oppositione.

AD DECIMUMSEPTIMUM dicendum, quod in divinis non differt quod significatur per modum formæ et quod significatur per modum suppositi: ut divinitas et Deus, paternitas et Pater; et ideo non oportet quod, licet proprietates relativæ sint quasi differentia constituentes personas, faciant compositionem aliquam cum personis constitutis.

AD DECIMUMOCTAVUM dicendum, quod licet Pater et Filius non distinguantur ab invicem nisi paternitate et filiatione: non tamen oportet quod Pater et Filius quasi specie differant in divinis: quia paternitas et filiatio sunt relationes secundum speciem diversæ. Non enim ista relationes se habent ad divinas personas ut speciem dantes, sed magis ut supposita distinguentes et constituentes. Illud autem quod se habet ad personas divinas ut speciem dant, est natura divina, in qua Filius est similis Patri. Nam generat sibi similem secundum speciem, non secundum individuales proprietates. Sicut ergo Socrates et Plato licet non distinguerentur ad invicem individualiter nisi albedine et nigredine, quæ sunt diversæ qualitates secundum speciem, non tamen specie differant: quia id quod est species albo et nigro, non est species Socrati et Platoni: ita nec sequitur quod Pater et Filius specie differant propter differentiam paternitatis et filiationis secundum speciem: licet in divinis non sit proprie dicti aliquid differre secundum speciem, cum non sit sibi species et genus.

AD DECIMUMNONUM dicendum, quod nullo modo concedendum est quod in divinis sit nisi unum esse: cum esse semper ad essentialiam pertineat, et præcipue in Deo, cujus esse est sua essentia. Relationes autem quæ distinguunt supposita in divinis, non addunt aliud esse super esse essentiali, quia non faciunt compositionem cum essentia, ut dictum est. Omnis autem forma addens aliquod esse super esse substantiale, facit compositionem cum substantia, et ipsum esse est accidentale, sicut esse albi et nigri. Diversitas ergo secundum esse sequitur pluralitatem suppositorum, sicut et diversitas essentiali, in rebus creatis. Neutrum autem in divinis.

AD VICESIMUM dicendum, quod operatio egreditur ab agente ratione formæ vel virtutis, quæ est principium operationis; et ideo nihil prohibet a tribus personis, quæ sunt unius nature et

virtutis, unam creationem procedere: sicut si trium calidorum esset unus numero calor, una numero ab eis calefactio proveniret.

AD VICESIMUMPRIMUM dicendum, quod formæ individuantes in rebus creatis non sunt subsistentes sicut in divinis; et ideo non est simile.

AD VICESIMUMSECUNDUM dicendum, quod in rebus creatis ad multitudinem suppositorum sequitur multiplicatio essentiali: quod non accidit in divinis; unde ratio non sequitur.

AD VICESIMUMTERTIUM dicendum, quod licet tota et perfecta divinitas sit in qualibet trium personarum secundum modum existendi; tamen ad perfectionem divinitatis pertinet ut sint plures modi existendi in divinis, ut scilicet sit ibi a quo alius et ipse a nullo, et aliquis qui est ab alio. Non enim esset omni-moda perfectio in divinis, nisi esset ibi processio verbi et amoris.

AD VICESIMUMQUARTUM dicendum, quod ratio illa procedit ac si divinæ personæ per essentialiam distinguerentur. Sic enim plenitudo gaudii quam habet Pater in Filio, esset in aliquo extrinseco, et non haberet Pater hoc in seipso; sed quia Filius est in Patre ut verbum ipsius, non posset esse Patri plenum gaudium de seipso nisi in Filio; sicut nec homo de seipso gaudet nisi per conceptionem quam de seipso habet.

ARTICULUS VI. — *Utrum nomen personæ convenienter possit predicari pluraliter in divinis* (I part., quest. xxx, art. 4.)

Sexto queritur, utrum nomen personæ convenienter possit predicari pluraliter in divinis. Et videtur quod non. Persona enim est substantia, ut ex definitione Boetii patet. Sed substantia non predicatur pluraliter in divinis. Ergo nec persona.

2. Præterea, alia nomina absoluta prædicantur tantum singulariter in divinis, ut sapiens, bonus et hujusmodi. Sed hoc nomen *persona* est nomen absolutum. Ergo non debet predicari pluraliter in divinis.

3. Item, nomen personæ non subsistendo sumi videtur, cum significet individuum in genere substantiæ, et persona dicatur quasi per se una. Subsistere autem ad essentialiam pertinere videtur, quæ non multiplicatur in divinis. Ergo nec nomen personæ pluraliter potest predicari.

4. Sed dicendum, quod licet *subsistere* sumatur ab essentiali, tamen dicere possumus, quod in divinis sunt tres subsistentes, et similiter quod tres persone. — Sed contra, ea quæ significant essentialiam in divinis, non possunt predicari pluraliter, nisi sint adjectiva, quæ non trahunt numerum a forma significata, sed a suppositis, cum e converso sit in substantivis. Unde dicimus, quod in Deo sunt tres æterni, si *ly æterni* adjectivo sumatur; si vero substantive, tunc verum est quod Athanasius dicit in

symb. quod non sunt tres æterni, sed unus æternus. Hoc autem nomen *persona* est substantivum, non adjectivum. Ergo non debet prædicari in plurali.

5. Præterea, licet adjectiva essentialia prædicentur pluraliter in divinis, tamen formæ significatæ non prædicantur pluraliter, sed singulariter tantum. Etsi enim aliquo modo dicamus pluraliter tres æternos in divinis, nullo tamen modo dicimus tres æternitates, fisci ergo aliquo modo possit dici quod sint tres personæ in divinis, nullo tamen modo poterit dici quod sint tres personalitates.

6. Præterea, sicut Deus significat divinitatem habentem, ita persona divina significat subsistentem in divinitate. Sed sicut dicimus in divinis tres subsistentes in divinitate, ita tres habentes divinitatem. Si ergo hoc ratione potest dici quod in divinis sint tres personæ, similiter poterit dici quod sint ibi tres Dñ, quod est hereticum.

7. Præterea, Boetius dicit (in lib. de Trin., ante med.), quod ideo non sunt tres Dñ, quia Deus non differt a Deo in divinitate. Sed similiter persona divina non differt a persona divina aliqua personalitatis differentia, ut videtur, cum commune sit eis hoc quod est esse personam. Ergo persona non potest pluraliter prædicari in divinis.

Sed contra est quod Augustinus dicit (in VII de Trin., cap. iv), quod querentibus quid tres essent Pater et Filius et Spiritus sanctus, responsum est, quod sunt tres personæ. Ergo persona pluraliter in divinis prædicatur.

Præterea, Athanasius dicit, ubi sup., quod *alia est persona Patris, alia Filii, alia Spiritus sancti*. Distinctio autem est causa numeri. Ergo persona pluraliter debet prædicari in divinis.

Respondeo dicendum, quod nomina substantiva, sicut jam supra dictum est, trahunt numerum a forma significata, adjectiva vero a suppositis; cujus ratio est, quia nomina substantiva significant per modum substantiæ, adjectiva vero per modum accidentis, quod individuatur et multiplicatur per subjectum, substantia vero per seipsam. Cum ergo hoc nomen *persona* sit substantivum, oportet ex forma significata ipsius considerare, utrum possit pluraliter prædicari. Forma autem significata nomine personæ non est natura absolute; quia sic idem significaretur nomine hominis et nomine personæ humane, quod patet esse falsum; sed nomine personæ significatur formaliter incommunicabilitas, sive individualitas subsistentis in natura, sicut ex præmissis patet. Cum ergo proprietates facientes esse distinctum et incommunicabile in divinis sint plures; oportet quod nomen personæ pluraliter prædicetur in divinis; sicut etiam in humanis pluraliter prædicatur nomen personæ propter pluralitatem principiorum individualium.

AD PRIMUM ergo dicendum, quod persona est substantia

individua, quæ est hypostasis; et hoc pluraliter prædicatur, sicut patet ex usu Græcorum.

AD SECUNDUM dicendum, quod nomen personæ est absolutum ex modo significandi; significat tamen relationem, sicut ex præmissis patet.

AD TERTIUM dicendum, quod nomen personæ non designat hoc solum quod est subsistere, quod videtur ad essentiam pertinere, sed etiam hoc quod est distinctum esse et incommunicabile, quod est propter proprietates relativas in divinis.

AD QUARTUM dicendum, quod forma significata per nomen personæ non est essentia absolute, sed illud quod est principium incommunicabilitatis sive individuationis; et ideo pluraliter prædicatur, licet sit nomen substantivum; et propter hoc etiam quia sunt plures proprietates distinguentes in divinis, dicuntur esse per plures personalitates.

Unde patet solutio AD QUINTUM.

AD SEXTUM dicendum, quod hoc nomen *persona* significat subsistentem in natura divina, cum distinctione et incommunicabilitate; hoc autem nomen *Deus* significat habentem divinam naturam, nihil importans de distinctione vel incommunicabilitate; ideo non est simile.

AD SEPTIMUM dicendum, quod licet Deus a Deo non differat aliqua differentia divinitatis, quia non est nisi una divinitas numero; persona tamen divina differt a persona divina differentia personalitatis, quia ad personalitatem pertinet in divinis etiam proprietas distinguens personas.

ARTICULUS VII. — *Utrum termini numerales prædicentur de divinis personis.* (I part., quæst. xxx, art. 3; et I Sent., dist. 24, quæst. 1, art. 3.)

Septimo quaeritur, quomodo termini numerales prædicentur de divinis personis, utrum scilicet positive, vel remote tantum. Et videtur quod positive. Si enim nihil ponunt in divinis, tunc qui dicit tres personas, nihil dicit quod sit in Deo. Ergo et qui negat tres personas, nihil negat de Deo quod sit in ipso. Non ergo contra veritatem loquitur, et ita non est hereticus.

Præterea, secundum Dionysium in lib. de divin. Nom. (cap. i myst. Theol.) tribus modis dicitur aliquid de Deo: scilicet per negationem, per eminentiam et per causam. Quocumque autem istorum modorum termini numerales prædicentur in divinis, oportet quod aliquid ponant. Quod quidem manifestum est, si quidem prædicentur per eminentiam vel per causam; similiter autem et si prædicentur negative. Non enim sic aliqua negantur de Deo, ut idem Dionysius dicit (cap. ii coel. Hier., et cap. iv et xi de divin. Nom.), quasi omnino ei desint, sed quia non eodem modo ei conveniunt sicut et nobis. Oportet ergo omnibus modis quod termini numerales aliquid ponant.

symb. quod non sunt tres æterni, sed unus æternus. Hoc autem nomen *persona* est substantivum, non adjectivum. Ergo non debet prædicari in plurali.

5. Præterea, licet adjectiva essentialia prædicentur pluraliter in divinis, tamen formæ significatæ non prædicantur pluraliter, sed singulariter tantum. Etsi enim aliquo modo dicamus pluraliter tres æternos in divinis, nullo tamen modo dicimus tres æternitates, fisci ergo aliquo modo possit dici quod sint tres personæ in divinis, nullo tamen modo poterit dici quod sint tres personalitates.

6. Præterea, sicut Deus significat divinitatem habentem, ita persona divina significat subsistentem in divinitate. Sed sicut dicimus in divinis tres subsistentes in divinitate, ita tres habentes divinitatem. Si ergo hoc ratione potest dici quod in divinis sint tres personæ, similiter poterit dici quod sint ibi tres Dñ, quod est hereticum.

7. Præterea, Boetius dicit (in lib. de Trin., ante med.), quod ideo non sunt tres Dñ, quia Deus non differt a Deo in divinitate. Sed similiter persona divina non differt a persona divina aliqua personalitatis differentia, ut videtur, cum commune sit eis hoc quod est esse personam. Ergo persona non potest pluraliter prædicari in divinis.

Sed contra est quod Augustinus dicit (in VII de Trin., cap. iv), quod querentibus quid tres essent Pater et Filius et Spiritus sanctus, responsum est, quod sunt tres personæ. Ergo persona pluraliter in divinis prædicatur.

Præterea, Athanasius dicit, ubi sup., quod *alia est persona Patris, alia Filii, alia Spiritus sancti*. Distinctio autem est causa numeri. Ergo persona pluraliter debet prædicari in divinis.

Respondeo dicendum, quod nomina substantiva, sicut jam supra dictum est, trahunt numerum a forma significata, adjectiva vero a suppositis; cujus ratio est, quia nomina substantiva significant per modum substantiæ, adjectiva vero per modum accidentis, quod individuatur et multiplicatur per subjectum, substantia vero per seipsam. Cum ergo hoc nomen *persona* sit substantivum, oportet ex forma significata ipsius considerare, utrum possit pluraliter prædicari. Forma autem significata nomine personæ non est natura absolute; quia sic idem significaretur nomine hominis et nomine personæ humane, quod patet esse falsum; sed nomine personæ significatur formaliter incommunicabilitas, sive individualitas subsistentis in natura, sicut ex præmissis patet. Cum ergo proprietates facientes esse distinctum et incommunicabile in divinis sint plures; oportet quod nomen personæ pluraliter prædicetur in divinis; sicut etiam in humanis pluraliter prædicatur nomen personæ propter pluralitatem principiorum individuantium.

AD PRIMUM ergo dicendum, quod persona est substantia

individua, quæ est hypostasis; et hoc pluraliter prædicatur, sicut patet ex usu Græcorum.

AD SECUNDUM dicendum, quod nomen personæ est absolutum ex modo significandi; significat tamen relationem, sicut ex præmissis patet.

AD TERTIUM dicendum, quod nomen personæ non designat hoc solum quod est subsistere, quod videtur ad essentiam pertinere, sed etiam hoc quod est distinctum esse et incommunicabile, quod est propter proprietates relativas in divinis.

AD QUARTUM dicendum, quod forma significata per nomen personæ non est essentia absolute, sed illud quod est principium incommunicabilitatis sive individuationis; et ideo pluraliter prædicatur, licet sit nomen substantivum; et propter hoc etiam quia sunt plures proprietates distinguentes in divinis, dicuntur esse per plures personalitates.

Unde patet solutio ad quintum.

AD SEXTUM dicendum, quod hoc nomen *persona* significat subsistentem in natura divina, cum distinctione et incommunicabilitate; hoc autem nomen *Deus* significat habentem divinam naturam, nihil importans de distinctione vel incommunicabilitate; ideo non est simile.

AD SEPTIMUM dicendum, quod licet Deus a Deo non differat aliqua differentia divinitatis, quia non est nisi una divinitas numero; persona tamen divina differt a persona divina differentia personalitatis, quia ad personalitatem pertinet in divinis etiam proprietas distinguens personas.

ARTICULUS VII. — *Utrum termini numerales prædicentur de divinis personis.* (I part., quæst. xxx, art. 3; et I Sent., dist. 24, quæst. 1, art. 3.)

Septimo quaeritur, quomodo termini numerales prædicentur de divinis personis, utrum scilicet positive, vel remote tantum. Et videtur quod positive. Si enim nihil ponunt in divinis, tunc qui dicit tres personas, nihil dicit quod sit in Deo. Ergo et qui negat tres personas, nihil negat de Deo quod sit in ipso. Non ergo contra veritatem loquitur, et ita non est hereticus.

Præterea, secundum Dionysium in lib. de divin. Nom. (cap. i myst. Theol.) tribus modis dicitur aliquid de Deo: scilicet per negationem, per eminentiam et per causam. Quocumque autem istorum modorum termini numerales prædicentur in divinis, oportet quod aliquid ponant. Quod quidem manifestum est, si quidem prædicentur per eminentiam vel per causam; similiter autem et si prædicentur negative. Non enim sic aliqua negantur de Deo, ut idem Dionysius dicit (cap. ii coel. Hier., et cap. iv et xi de divin. Nom.), quasi omnino ei desint, sed quia non eodem modo ei conveniunt sicut et nobis. Oportet ergo omnibus modis quod termini numerales aliquid ponant.

3. Præterea, quidquid prædicatur de Deo et creaturis, nobiliori modo de Deo quam de creaturis prædicatur. Termini autem numerales de creaturis prædicantur positive. Ergo multo magis de Deo.

4. Præterea, multitudo et unitas importata per terminos numerales, secundum quod prædicatur de Deo, non sunt in intellectu tantum; quia sic non essent tres personæ in Deo nisi secundum intellectum, quod pertinet ad hæresim Sabellianam. Ergo oportet quod sint aliquid in ipso Deo secundum rem; et ita positive de Deo dicuntur.

5. Præterea, sicut unum est in genere quantitatis, ita bonum est in genere qualitatis; in Deo autem nec est quantitas nec qualitas nec aliquid accidens; et tamen bonum non prædicatur de Deo remotive sed positive. Ergo similiter unum, et per consequens multitudo, quam constituit unum.

6. Præterea, quatuor prima entia dicuntur, scilicet ens, unum, verum et bonum. Sed tria eorum, scilicet ens, verum et bonum, dicuntur de Deo positive. Ergo et unum, et per consequens multitudo.

7. Præterea, multitudo et magnitudo pertinet ad duas species quantitatis, quæ sunt discreta quantitas et continua. Sed magnitudo prædicatur de Deo positive, cum dicitur, Psal. CXLVI, 5: *Magnus Dominus et magna virtus ejus*. Ergo et multitudo et unum.

8. Præterea, creaturæ Dei similitudinem præferunt, secundum quod in eis vestigium divinitatis apparet. Sed secundum Augustinum (X. de Trinit., cap. XI), quelibet creatura vestigium quoddam divinæ Trinitatis in se habet, in quantum est aliquid unum, et specie formatum et ordinem aliquem habet. Ergo creatura est una ad similitudinem Dei. Sed unum prædicatur de creatura positive; ergo de Deo.

9. Præterea, si unum prædicatur de Deo privative, oportet quod aliquid removeat, et non nisi multitudinem. Multitudinem autem non removeat; non enim sequitur, si est una persona, quod non sint plures. *Unum ergo* non dicitur remotive de Deo, et per consequens nec multitudo.

10. Præterea, privatio nihil constituit. Unum autem constituit multitudinem. Non ergo dicitur privative.

11. Præterea, nulla privatio est in Deo, quia privatio omnis pertinet ad defectum. *Unum* autem prædicatur de Deo. Ergo non significat privationem.

12. Præterea, Augustinus dicit (in lib. V. de Trin., cap. v), quod quidquid prædicatur de Deo, prædicatur secundum substantiam, vel secundum relationem. Et Boethius etiam dicit (in suo lib. de Trin., circa med.), quod omnia quæ veniunt in divinam prædicationem, mutantur in substantiam præter ad aliquid. Si ergo termini numerales prædicantur de Deo, oportet quod

significent substantiam vel relationem; et ita oportet quod positive de Deo prædicentur.

13. Præterea, unum et ens convertuntur et videntur esse synonyma. Sed ens prædicatur de Deo positive. Ergo et unum, et per consequens multitudo.

14. Præterea, si unum prædicatur de Deo remotive, oportet quod removeat multitudinem tamquam sibi oppositam. Hoc autem non potest esse, cum multitudo constitatur ex unitatibus; unum autem oppositorum non constituitur ex alio. Ergo unum non prædicatur de Deo remotive.

15. Præterea, si unum dicitur per remotionem multitudinis, oportet quod unum opponatur multitudini, sicut privatio habitui. Habitus autem est naturaliter prior privatione, et etiam secundum rationem; quia privatio non potest definiri nisi per habitum. Ergo multitudo erit prior uno secundum naturam et secundum rationem; quod videtur inconveniens.

16. Præterea, si unum et multa in divinis prædicantur remotive, oportet quod unum removeat multitudinem et multitudo removeat unitatem. Hoc autem est inconveniens; quia sequeretur circulus unius et multi, ut dicitur, quod unum est quod non est multa, et multa sunt quæ non sunt unum; et sic per ista nihil fieret notum. Non est ergo dicendum, quod unum et multa in Deo dicantur privative.

17. Præterea, unum et multa cum se habeant ut mensura et mensuratum, videntur opponi ad invicem relative. In relative autem oppositis utrumque dicitur positive. Ergo tam unum quam multa positive prædicantur de Deo.

1. Sed contra, Dionysius dicit (iv. cap. de divin. Nom., cap. xiii, a med.): *Unitas laudata, et Trinitas quæ est super omnia dicuntur, non est neque unitas neque Trinitas quæ a nobis aut alio quodam existentium sit cognita*. Videtur ergo quod termini numerales per remotionem dicantur de Deo.

2. Præterea, Augustinus dicit (VII de Trin., cap. iv): *Quæ sit humana inopia quid tria diceret, et dicit substantias sive personas. Quibus nominibus non diversitate intelligi voluit sed singularitatem voluit*. Sunt ergo huiusmodi termini numerales introducti in divinis magis ad removendum quam ad ponendum.

3. Præterea, unum et multitudo, sive numerus, sunt in genere quantitatis. In Deo autem non potest esse aliqua quantitas, cum quantitas sit accidens et dispositio materie. Termini ergo numerales in Deo nihil ponunt.

4. Sed dicendum, quod licet quantitas secundum rationem sui generis, vel secundum rationem accidentis, non possit esse in Deo, tamen secundum rationem speciei aliqua quantitas potest prædicari de Deo, sicut aliqua qualitas, ut scientia vel iustitia. — Sed contra, illæ solæ species qualitatis in divinam prædi-



rationem assumuntur quæ secundum rationem suæ speciei nullam imperfectionem important, sicut scientia, iustitia, et æquitas; non autem ignorantia nec albedo. Omnis autem quantitas secundum rationem suæ speciei imperfectionem importat; cum enim quantum sit quod est indivisibile, species quantitatis distinguuntur secundum diversos modos divisionis; sicut pluralitas est quæ divisibilis est in non continua, linea autem quæ est divisibilis secundum unam dimensionem, superficies autem secundum duas, corpus vero secundum tres. Divisio autem perfectioni divine simplicitatis repugnat. Nulla ergo quantitas secundum rationem suæ speciei potest prædicari de Deo.

5. Sed dicendum, quod distinctio per relationes quæ faciunt numerum personarum divinis, non importat imperfectionem in Deo. — Sed contra, omnis divisio vel distinctio aliquam multitudinem causat. Non autem omnis multitudo est numerus qui est species quantitatis; cum multitudo et unum circumstant omnia genera. Non ergo omnis divisio vel distinctio sufficit ad constituendum numerum qui est species quantitatis, sed sola illa divisio quæ est secundum quantitatem, quæ non est distinctio relationum.

6. Sed dicendum, quod omnis multitudo est species quantitatis, et omnis divisio sufficit ad constituendam speciem quantitatis. — Sed contra, ad positionem substantiæ non sequitur positio quantitatis, cum substantia possit esse sine accidente. Sed positio solis formis substantiæ, sequitur distinctio in substantiis. Ergo non quælibet distinctio constituit multitudinem quæ est accidens et species quantitas.

7. Præterea, discretio quæ constituit numerum quæ est species quantitatis, opponitur continuo. Discretio autem continuo opposita est, quæ consistit in divisione continui. Ergo sola divisio continui, quæ non competit Deo, causat numerum qui est species quantitatis; et ita non potest prædicari de Deo numerus qui est species quantitatis.

8. Præterea, quælibet substantia dicitur una. Aut ergo est una per essentiam suam, aut per aliquid aliud. Si per aliquid aliud, cum et illud oporteat esse unum, necesse est quod et illud per se sit unum, vel per aliquid aliud, et illud iterum per aliud. Impossibile est autem quod hoc procedat in infinitum. Ergo statim aliquid. Melius est ergo quod steterit in primo, ut scilicet substantia per seipsam sit una. Non ergo unum est aliquid additum substantiæ; et ita non videtur significare aliquid positive.

9. Sed dicendum, quod substantia non est una per seipsam, sed per unitatem ei accidentem; unitas autem est per se una; prima enim denominat seipsa, sicut bonitas est bona, veritas est vera, et similiter unitas est una. — Sed contra, huiusmodi seipsa denominant propter hoc quod sunt primæ formæ; nam secundæ formæ non denominant seipsas, sicut albedo non est

albedo. Quæ autem se habent ex additione ad aliud, non sunt prima. Ergo unitas et bonitas non se habent ex additione ad substantiam.

30. Præterea, secundum Philosophum (in V Metaph., comm. xi), omnia dicuntur unum in quantum non dividuntur. Hoc autem quod est non dividi, non ponit aliquid, sed solum removet. Ergo unum non prædicatur positive sed remove in divinis; et per consequens multitudo, quæ constituitur ex unis.

Respondeo dicendum, quod de uno et multo diversa inveniuntur, quæ etiam apud philosophos fuerunt occasio diversa sentiendi. Invenitur enim de uno, quod est principium numeri, et quod convertitur cum ente; similiter invenitur de multo, quod pertinet ad quamdam speciem quantitatis quæ dicitur numerus, et iterum quod circumit omne genus, sicut et unum, cui videtur multitudo opponi.

Fuerunt ergo aliqui inter philosophos qui non distinxerunt inter unum quod convertitur cum ente, et unum quod est principium numeri, æstimantes quod neutro modo dictum unum aliquid super substantiam adderet; sed unum quolibet modo dictum significaret substantiam rei. Ex quo sequebatur quod numerus, qui ex unis componitur, sit substantia omnium rerum secundum opinionem Pythagoræ et Platonis.

Quidam vero non distinguentes inter unum quod convertitur cum ente, et unum quod est principium numeri, crediderunt e contrario, quod utrobet modo dictum unum, adderet aliquid esse accidentale supra substantiam; et per consequens omnis multitudo oportet quod sit aliquid accidens pertinens ad genus quantitatis. Et hæc fuit positio Avicennæ; quam quidem videtur secuti fuisse omnes antiqui doctores. Non enim intellexerunt per unum et multa nisi aliquid pertinens ad genus quantitatis discrete.

Quidam vero fuerunt qui attendentes quod in Deo nulla quantitas esse potest, posuerunt quod termini significantes unum vel multa de Deo non ponant aliquid, sed removeant tantum. Non enim possent ponere nisi quod significant, scilicet quantitatem discretam, quæ nullo modo potest esse in Deo. Si ergo secundum eos, unum dicitur de Deo ad removendum multitudinem quantitatis discrete; termini vero significantes pluralitatem, dicuntur de Deo ad removendum unitatem, quæ est principium quantitatis discrete. Et hæc videtur fuisse opinio Magistri, quæ ponitur in xxv dist. I. Sentent. Quæ quidem, supposita sui opinionis radice, scilicet quod omnis multitudo significaret quantitatem discretam, et omne unum esset ejusdem quantitatis principium, inter omnes rationabilior invenitur. Nam et Dionysius dicit (in i. cap. celest. Hierar.), quod negationes sunt maxime veræ in Deo; affirmationes vero sunt incompacte. Non enim scimus de Deo quid est, sed magis quid non est, ut Damascenus dicit lib. I,

cap. iv). Unde et Rabbi Moyses omnia quae affirmativa videntur dici de Deo, dicit magis esse introducta ad removendum quam ad aliquid ponendum. Dicimus enim Deum esse vivum ad removendum ab eo illum modum essendi quem habent res quae apud nos non vivunt, non ad ponendum vitam in ipso, cum vita et omnia huiusmodi nomina sint imposita ad significandum quasdam formas et perfectiones creaturarum quae longe absunt a Deo; quamvis hoc non sit usquequaque verum; nam, sicut dicit Dionysius (in lib. de div. Nom. cap. xii, ad med.), sapientia et vita et alia huiusmodi non remouentur a Deo quasi ei desint; sed quia excellentius habet ea quam intellectus humanus capere, vel sermo significare possit; et ex illa perfectione divina descendunt perfectiones create, secundum quamdam similitudinem imperfectam. Et ideo de Deo, secundum Dionysium (cap. i mystice Theol., et cap. ii coelest. Hier., et i et ii de div. Nom.), non solum dicitur aliquid per modum negationis et per modum causae, sed etiam per modum eminentiae. Sed quidquid sit de spiritualibus perfectionibus, certum est, quod materiales dispositiones remouentur omnino a Deo. Unde cum quantitas sit dispositio materiae, si termini numerales non significant nisi quod est in genere quantitatis, necesse est quod de Deo non dicantur, nisi ad removendum quae significant, sicut Magister posuit, loc. cit. Nec sequitur ex eius positione, circulus, dum unitas remouet multitudinem, multitudo unitatem; quia remouentur a Deo unitas et multitudo, quae sunt in genere quantitatis, quorum neutrum de Deo dicitur. Et sic unitas dicta de Deo, quae remouet multitudinem, non remouetur, sed alia unitas, quae de Deo dici non potest.

Quidam vero non intelligentes quod nomina affirmativa ad removendum possint in predicationem divinam induci; nec iterum ponentes unum et multa, nisi quod est in genere quantitatis discrete, quam in Deo ponere non audebant, dixerunt, quod termini numerales non predicantur de Deo quasi dictiones significantes aliquam rem conceptam, sed quasi dictiones officiales, exercentes aliquid in divinis, scilicet distinctionem ad modum syncategorematicae distinctionis. Quod quidem fatuum apparet, cum nihil tale ex horum terminorum significatione possit haberi.

Et ideo alii dixerunt, quod predicti termini aliquid positive ponunt in Deo, licet supponant quod unum et multa sunt solum in genere quantitatis; dicunt enim quod non est inconueniens aliquam speciem quantitatis Deo attribui, licet genus remoueat a Deo; sicut et aliqua species qualitatis, ut sapientia et iustitia, dicuntur de Deo positive, licet in Deo qualitas esse non possit. Sed illud non est simile, ut in obijciendo est tactum; nam omnes species quantitatis ex ratione suae speciei habent imperfectionem, non autem omnes species qualitatis. Et praeter-

terea quantitas proprie est dispositio materiae; unde omnes species quantitatis sunt mathematica quaedam, quae secundum esse non possunt a materia sensibili separari, nisi tempus et locus, quae sunt naturalia, et magis materiae sensibili annexa. Unde patet quod nulla species quantitatis potest in rebus spiritualibus convenire, nisi secundum metaphoram. Qualitas autem sequitur formam; unde quasdam qualitates sunt omnino immateriales, quae attribui possunt rebus spiritualibus.

Hae igitur opinionibus processerunt, supposito quod idem sit unum quod convertitur cum ente et quod est principium numeri et quod non sit aliqua multitudo nisi numerus qui est species quantitatis; quod quidem patet esse falsum. Nam cum divisio multitudinem causet, indivisio vero unitatem, oportet secundum rationem divisionis de uno et multo iudicium sumi. Est autem quaedam divisio quae omnino genus quantitatis excedit, quae scilicet est per aliquam oppositionem formalem, quae nullam quantitatem concernit. Unde oportet quod multitudo hanc divisionem consequens, et unum quod hanc divisionem privat, sint majoris communitatis et ambitus quam genus quantitatis. Est autem et alia divisio secundum quantitatem, quae genus quantitatis non transcendit. Unde et multitudo consequens hanc divisionem, et unitas eam privans, sunt in genere quantitatis. Quod quidem unum, aliquid accidentale addit supra id de quo dicitur, quod habet rationem mensurae; alius numerus ex unitate constituitur, non esset aliquid accidentis, nec alienus generis species. Unum vero quod convertitur cum ente, non addit supra ens nisi negationem divisionis, non quod significet ipsam divisionem tantum, sed substantiam ejus cum ipsa; est enim unum idem quod ens individuum. Et similiter multitudo correspondens uni nihil addit supra res multas nisi distinctionem, quae in hoc attenditur quod una earum non est alia; quod quidem non habent ex aliquo superaddito, sed ex propriis formis. Patet ergo quod unum quod convertitur cum ente, ponit quidem ipsum ens, sed nihil superaddit nisi negationem divisionis. Multitudo autem ei correspondens addit supra res quae dicuntur multae, quod unaquaeque earum sit una, et quod una earum non sit altera, in quo consistit ratio distinctionis. Et sic, cum unum addat supra ens unam negationem, secundum quod aliquid est indivisum in se; multitudo addit duas negationes, prout scilicet aliquid est in se individuum, et prout est ab alio divisum. Quod quidem dividi est unum eorum non esse alterum.

Dico ergo, quod in divinis non predicantur unum et multa quae pertinent ad genus quantitatis, sed unum quod convertitur cum ente, et multitudo ei correspondens. Unde unum et multa ponunt quidem in divinis ea de quibus dicuntur; sed non superaddunt nisi distinctionem et indistinctionem, quod est superaddere negationes, ut supra expositum est. Unde conce-

dimus, quod quantum ad id quod superaddunt eis de quibus prædicantur, remotive in Deo accipiuntur; in quantum autem includunt in sua significatione ea de quibus dicuntur, positive accipiuntur. Unde ad utrasque rationes respondendum est.

Ad primum ergo dicendum, quod qui dicit tres personas, aliquid in Deo dicit, scilicet distinctionem personarum; quam qui negat; hæreticus est. Ista autem distinctio non addit aliquid supra personas distinctas.

Ad secundum dicendum, quod licet in remotione quorundam a Deo, sit intelligenda prædicatio eorumdem de Deo per eminentiam et per causam; tamen quædam solummodo negantur de Deo et nullo modo prædicantur; sicut cum dicitur: Deus non est corpus. Et hoc modo posset dici secundum opinionem Magistri, quod omnino negatur a Deo quantitas numeralis; et similiter secundum id quod ponimus, omnino negatur ab eo essentialiter divisio, cum dicitur: Essentia divina est una.

Ad tertium dicendum, quod in rebus creatis termini numerales non ponunt aliquid superadditum rebus de quibus dicuntur, nisi prout significant id quod est in genere quantitatis discretæ; secundum quem modum non prædicantur de Deo; et hoc pertinet ad perfectionem ipsius.

Ad quartum dicendum, quod unitas et multitudo quæ significantur per terminos numerales dictos de Deo, non sunt solum in intellectu nostro, sed sunt in Deo secundum rem; non tamen propter hoc significantur aliquid positive præter intellectum eorum quibus ista attribuantur.

Ad quintum dicendum, quod bonum quod est in genere qualitatis, non est bonum quod convertitur cum ente, quod nullam rem supra ens addit; bonum autem quod est in genere qualitatis, addit aliquid qualitatem qua homo dicitur bonus; et simile est de uno, sicut ex dictis patet; sed in hoc differt quod bonum utroque modo acceptum potest venire in divinam prædicationem; non autem unum; non enim est eadem ratio de quantitate et qualitate, sicut ex dictis patet.

Ad sextum dicendum, quod inter ista quatuor prima maxime primum est ens; et ideo oportet quod positive prædicetur; negatio enim vel privatio non potest esse primum, quod intellectui concipitur; cum semper quod negatur vel privatur, sit de intellectu negationis vel privationis. Oportet autem quod alia tria super ens addant aliquid quod ens non contrahat; si enim contraherent ens, jam non essent prima. Hoc autem esse non potest nisi addant aliquid secundum rationem tantum; hoc autem est vel negatio, quam addit unum, ut dictum est, vel relatio, vel aliquid quod natum sit referri universaliter ad ens; et hoc est vel intellectus, ad quem importat relationem verum; aut appetitus, ad quem importat relationem bonum; nam bonum est quod omnia appetunt, ut dicitur in I Ethic. (in princ.).

Ad septimum dicendum, quod secundum Philosophum (in X Metaph., com. xi et xxi), multum dicitur dupliciter; uno modo absolute, et sic dicitur per oppositum ad unum; alio modo dicitur comparative, prout importat excessum quandam respectu minoris numeri, et sic multum opponitur paucis. Similiter autem et magnum potest dupliciter dici; uno modo absolute, prout importat quantitatem continuam quæ dicitur magnitudo; alio modo comparative, prout importat excessum respectu minoris quantitatis. Primo ergo modo magnum non prædicatur de Deo; sed secundo, ut importetur ejus eminentia super omnem creaturam.

Ad octavum dicendum, quod unum quod pertinet ad vestigium Dei in creaturis, est unum quod convertitur cum ente, quod quidem ponit aliquid, in quantum ponit ipsum ens, cuius solam negationem superaddit, ut dictum est.

Ad nonum dicendum, quod unum oppositorum non excludit aliud, nisi ab eo de quo prædicatur. Non enim sequitur, si Socrates est albus, quod nihil sit nigrum; sed quod ipse non est niger. Sic ergo sequitur quod si Patris persona est una, Patris persone non sunt plures; non autem sequitur quod non sint plures persone in divinis.

Ad decimum dicendum, quod unum non constituit multitudinem ex parte privationis, sed ex parte illa quæ ponit ens.

Ad undecimum dicendum, quod sicut dicitur in V Metaph. (text. xxvii), privatio tribus modis dicitur. Uno modo proprie, quando removetur ab aliquo quod natum est habere, et in quo tempore natum est habere; sicut exere visu est privatio visus in homine. Alio modo communiter (1), quando removetur ab aliquo quod ipsum quidem non est natum habere, sed genus ejus; sicut si non habere visum dicitur esse privatio visus in talpa. Tertio modo communissime, quando removetur ab aliquo id quod a quocumque alio natum est haberi, non tamen ab ipso, nec ab alio sui generis; sicut si non habere visum, dicitur esse privatio visus in planta. Et hæc privatio medium est inter privationem veram et simplicem negationem, habens commune aliquid cum utroque; cum privatione quidem veram, in hoc quod est negatio in aliquo subjecto, unde non competit simpliciter non ens; negatione vero simpliciter, in hoc quod non requirit aptitudinem in subjecto. Per hunc autem modum unum privative dicitur, et potest simili modo prædicari in divinis, sicut et alia quæ simili modo prædicantur in divinis, ut invisibilibus et immensis et huiusmodi.

Ad duodecimum dicendum, quod termini numerales non addunt aliquid in divinis supra id de quo prædicantur; et ideo quando prædicantur de essentialibus, significant essentialiam; quando vero de personalibus, significant relationem.

(1) *Id. communis, non convenientis.*

AD DECIMUMTERTIUM dicendum, quod unum et ens convertitur secundum supposita; sed tamen unum addit secundum rationem, privationem divisionis, et propter hoc non sunt synonyma, quia synonyma sunt quæ significant idem secundum rationem eandem.

AD DECIMUMQUARTUM dicendum, quod unum potest considerari dupliciter. Uno modo quantum ad illud quod ponit, et sic constituit multitudinem; alio modo quantum ad negationem quam superaddit, et sic opponitur unum multitudini privative.

AD DECIMUMQUINTUM dicendum, quod secundum Philosophum (in X Metaph., com. vi), multitudo est prior uno secundum sensum, sicut totum partibus et compositum simpliciter; sed unum est prius multitudine naturaliter et secundum rationem. Hoc autem non videtur sufficere ad hoc quod unum opponatur multitudini privative. Nam privatio est posterior secundum rationem, cum in intellectu privationis sit ejus oppositum, per quod definitur: nisi forte hoc referatur solum ad nominis rationem, prout hoc nomen *unum* significat privative, nomen vero multitudinis positive: nomina enim imponuntur a nobis secundum quod cognoscimus res. Unde ad hoc quod aliquid significetur per nomen ut privatio, sufficit qualitercumque sit posterius in nostra cognitione; quamvis hoc non sufficiat ad hoc quod res ipsa sit privativa, nisi sit posterius secundum rationem. Et ideo potest melius dici, quod divisio est causa multitudinis, et est prior secundum intellectum quam multitudo; unum autem dicitur privative respectu divisionis, cum sit ens indivisum, non autem respectu multitudinis. Unde divisio est prior secundum rationem quam unum; sed multitudo posterius; quod sic patet. Primum enim quod in intellectu cadit, est ens; secundum vero est negatio entis; ex his autem duobus sequitur tertio intellectus divisionis (ex hoc enim quod aliquid intelligitur ens, et intelligitur non esse hoc ens, sequitur in intellectu quod sit divisum ab eo); quarto autem sequitur in intellectu ratio unius, prout scilicet intelligitur hoc ens non esse in se divisum; quinto autem sequitur intellectus multitudinis, prout scilicet hoc ens intelligitur divisum ab alio, et utrumque ipsorum esse in se unum. Quantumcumque enim aliqua intelligantur divisa, non intelligitur multitudo, nisi quolibet divisorum intelligatur esse unum. Et sic etiam patet quod non erit circulus in definitione unius et multitudinis.

Unde patet responsio ad DECIMUMSEXTUM.

AD DECIMUMSEPTIMUM dicendum, quod unum quod est principium numeri, comparatur ad multitudinem ut mensura ad mensuratum; quod quidem unum positive aliquid supra substantiam addit, ut dictum est, in corp. art.

Ad ea que in oppositum obijciuntur, secundum premissa, facile est respondere considerantibus secundum quid veritatem

concludant. Unum tamen quod in illis objectionibus tangebatur considerandum est, quod hujusmodi prima, scilicet essentia, unitas, veritas et bonitas, denominant seipsa ea ratione, quia unum, verum et bonum consequuntur ad ens. Cum autem ens sit primum quod in intellectu concipitur, oportet quod quidquid in intellectum cadit, intelligatur ut ens, et per consequens ut unum, verum et bonum. Unde cum intellectus apprehendat essentiam, unitatem, veritatem et bonitatem in abstracto, oportet quod de quolibet eorum prædicetur ens, et alia tria concreta. Et inde est quod ista denominant seipsa, non autem alia que non convertuntur cum ente.

#### ARTICULUS VIII. — *Utrum in Deo sit aliqua diversitas.*

Octavo quaritur, utrum in Deo sit aliqua diversitas. Et videtur quod sic. Quia, secundum Philosophum (in V Metaph., com. xx), unum in substantia facit idem, multitudo autem in substantia facit diversum. In divinis autem est multitudo secundum substantiam; dicit enim Hilarius (in lib. de Synodis), quod Pater et Filius et Spiritus sanctus sunt per substantiam tria, per consonantiam vero unum. Ergo in divinis est diversitas.

2. Præterea, secundum Philosophum (in X Metaph., com. xxiv et xxv), diversum dicitur absolute, differens vero relative; unde omne differens est diversum, non autem omne diversum est differens. Sed in divinis conceditur esse differentia; dicit enim Damascenus (lib. III Fid. orth.): *Differentiam personarum in tribus proprietatibus, id est paternali et filiali et processibili cognoscimus.* Ergo in divinis est diversitas.

3. Præterea, differentia accidentalis facit alterum solum; differentia vero substantialis facit aliud, id est diversum. Cum ergo in divinis sit differentia, et non possit ibi esse accidentalis differentia, et per consequens oportet quod sit differentia substantialis; oportet quod sit ibi diversitas.

4. Præterea, multitudo causatur ex divisione, sicut iam dictum est, art. præc., ad 15 arg. Ubi autem est divisio, sequitur diversitas. Ergo in divinis cum sit multitudo, erit ibi diversitas.

5. Præterea, idem et diversum sufficienter dividunt ens. Sed Pater non est idem Filio; non enim conceditur quod Pater generando Filium, generet se Deum. Ergo Filius est diversus a Patre.

Sed contra est quod Hilarius dicit (in VII de Trin., non longe a fin.): *Nihil in dicinis novum, nihil dicens, nihil alterum, nihil separabile.*

Præterea, Ambrosius dicit (in lib. de Trinit.): *Pater et Filius divinitate unum sunt, nec est ibi substantie differentia, nec ulla diversitas.*

Respondeo dicendum, quod, sicut dicit Hieronymus, ex verbis inordinate prolatis incurritur hæresis. Et ideo sic loquendum est de divinis ut nulla errori occasio præbeatur. Fuerunt autem circa divina duo errores, præcipue cavendi ab illis qui de unitate et trinitate in divinis loquuntur; scilicet error Arii, qui unitatem essentiae negavit, ponens aliam essentiam esse Patris et aliam Filii. Alius error est Sabellii, qui negavit pluralitatem personarum, dicens, eundem esse Patrem qui est Filius. Ad evitandum ergo errorem Arii sunt nobis quatuor cavenda in fidei confessione. Primo diversitas per quam tollitur unitas essentiae, quam confitemur dicendo esse unum Deum; secundo divisio, quæ obviat divinæ simplicitati; tertio disparitas, quæ repugnat æqualitati divinarum personarum; quarto ut non confiteamur Filium esse alienum à Patre, per quod tollitur similitudo. Similiter contra errorem Sabellii sunt quatuor cavenda. Primo singularitas, per quam tollitur natura divinæ communicabilitatis; secundo nomen unicus, per quod tollitur realis distinctio personarum; tertio confusio, per quam tollitur ordo qui est in divinis personis; quarto solitudo, per quam tollitur consociatio divinarum personarum. Confitemur autem contra diversitatem, unitatem essentiae; contra divisionem, simplicitatem; contra disparitatem, æqualitatem; contra alienum, similitudinem; contra singularitatem personarum, pluralitatem; contra unicum, distinctionem; contra confusionem, discretionem; contra solitariam, consonantiam et connectionem amoris.

Ad primum ergo dicendum, quod substantia accipitur ibi pro hypostasi, non pro essentia, cuius multitudo faceret diversitatem.

Ad secundum dicendum, quod licet à quibusdam doctoribus Ecclesie invenitur nomen differentie circa divina, non tamen est communiter utendum, nec ampliandum; quia differentia importat distinctionem aliquam secundum formam, quæ non potest esse in divinis, cum forma Dei sit divina natura, ut Augustinus dicit. Sed exponenda est differentia, ut ponatur pro distinctione, quæ minimum distinctionis importat; cum etiam secundum relationes vel secundum solam rationem aliqua distinguantur. Sic etiam exponendum est, si inveniantur diversitas in divinis; utpote si dicatur quod diversa est persona Patris à persona Filii, accipiendum est diversum pro distincto. Magis tamen cavendum est nomen diversitatis in divinis quam differentie; quia diversitas magis pertinet ad essentialium divisionem; nam qualisunque formarum multitudo facit differentiam; diversitas autem fit solum per formas substantiales.

Ad tertium dicendum, quod licet in divinis non sit accidens, est tamen ibi relatio, cuius oppositio distinctionem facit in divinis, non autem diversitatem.

Ad quartum dicendum, quod licet in divinis non sit proprie

loquendo divisio, est tamen ibi distinctio per relationes, quæ sufficit ad numerum personarum.

Ad quintum dicendum, quod Filius est idem Deus cum Patre; non tamen potest dici quod Pater se Deum generet, Filium generando; quia ly *se*, cum sit reciproca, refert idem suppositum; Pater autem et Filius sunt duo supposita in divinis.

ARTICULUS IX. — *Utrum in divinis sint tres persone tantum, an plures vel pauciores.* (I part., quest. xxxi, art. 1.)

Nono quaeritur, utrum in divinis sint tres persone tantum, an plures vel pauciores. Et videtur quod plures. Dicit enim Augustinus in lib. contra Maximinum (iii, cap. xi, circa fin.); *Filius non genuit creatorem; neque enim non potuit, sed non oportuit.* In divinis autem non differt esse et posse, quia nec in aliquibus sempiternis secundum Philosophum (in III Phys., com. xxxii). Ergo Filius genuit alium Filium; et sic sunt duo filii in divinis, et per consequens plures persone quam tres.

2. Sed diceretur, quod hoc quod dicit: *Napue enim non potuit*, exponendum est; id est, non ex impotentia fuit. — Sed contra, unicuique supposito aliquid nature convenit actus nature illius, nisi propter ejus impotentiam. Generatio autem est actus ad perfectionem nature divinæ pertinens; alioquin non conveniret Patri, in quo non est nisi quod perfectionis est. Si ergo Filius non generat alium illum, hoc erit ex impotentia ejus.

3. Præterea, si Filius non potest generare, potest autem generari; habet ergo potentiam ut generetur, non potentiam ut generet. Aliud autem est generare, et aliud generari. Cum ergo potentie distinguantur penes objecta, non erit eadem potentia Patris et Filii, quod est hæreticum.

4. Præterea, actio et passio in his quæ agunt et patiuntur, reducuntur ad diversa principia; nam agit aliquid per rationem forme in rebus creatis, patitur vero ratione materie. Generare autem et generari significantur per modum actionis et passionis. Ergo oportet quod ad diversa principia referantur; et sic non potest esse una potentia qua Pater generat, et qua Filius generatur.

5. Sed diceretur, quod est eadem potentia, in quantum utraque radicatur in essentia divina, quæ una est Patris et Filii. — Sed contra, potentia calefaciendi et desiccandi radicatur in uno subjecto scilicet igne; nec tamen est una et eadem potentia; alia enim qualitas est calor, qui est principium calefaciendi, et alia siccitas, quæ est principium desiccandi. Ergo unitas divinæ essentiae non sufficit ad hoc quod sit eadem potentia qua Pater generat et Filius generatur.

6. Præterea, omnis sapiens et intelligens ex sua sapientia

aliquam conceptionem habet. Sed Filius est sapiens et intelligens, sicut et Pater. Ergo habet aliquam conceptionem. Conceptio autem Patris est verbum, quod est Filius. Ergo Filius etiam habet alium filium.

7. Sed dicebatur, quod verbum dicitur in divinis non solum personaliter, sed essentialiter; et sic verbum essentialiter dictum posset esse conceptio Filii. — Sed contra, verbum dicit speciem conceptam ordinatam ad manifestationem, et ita importat originem. Quae autem importat originem in divinis, dicitur personaliter, et non essentialiter. Ergo verbum essentialiter dici non potest.

8. Praeterea, Anselmus dicit in Monologio, quod sicut Pater dicit se, ita et Filius et Spiritus sanctus. Idem autem est Patrem dicere se, quod generare Filium; ut ipse ibidem dicit. Ergo Filius generat alium Filium; et sic idem quod prius.

9. Praeterea, ex hoc probatur quod Deus generet, quia generationem alibi tribuit, secundum illud Isai. ult. 9: *Si ego qui generationem ceteris tribuo, sterilis ero? dicit Dominus.* Sicut autem Pater dat generationem, ita et Filius, quia indivisa sunt opera Trinitatis, et filius generat filium.

10. Praeterea, Augustinus dicit in lib. ad Orosium in dialogo LXX quaest., cap. vii, quod Pater generat Filium natura. Damascenus etiam dicit, quod generatio est opus naturae. Eadem autem est natura Patris et Filii. Ergo sicut Pater generat, ita et Filius; sunt ergo plures filii in divinis, et ita plures personae quam tres.

11. Sed dicendum, quod ea ratione non possunt esse plures filii in divinis, quia non potest ibi esse nisi una filiatio, forma enim unius speciei non multiplicatur nisi per divisionem materiae, quae nulla est in divinis. — Sed contra, omnis differentia nata est facere pluralitatem. Potest autem esse differentia inter duas filiationes, non solum ex materia, sed etiam ex hoc quod haec filiatio est talis, illa vero talis. Ergo nihil prohibet plures filiationes ponere in divinis, licet ibi non sit materia.

12. Praeterea, Filius procedit a Patre sicut splendor a sole, secundum illud Hebr., 1. 3: *Cum sit splendor gloriae.* Sed splendor etiam potest alium splendorem producere. Ergo et Filius potest alium filium generare; et sic sequitur quod in divinis sint plures filii, et personae plures tribus.

13. Praeterea, Spiritus sanctus est amor quo Pater diligit Filium. Sed etiam Spiritum sanctum amat Pater. Ergo oportet quod sit alius spiritus quo Pater amat Spiritum sanctum; et sic sequitur sunt personae in divinis.

14. Praeterea, secundum Dionysium (cap. IV de divin. Nomin.), bonum est communicativum sui. Bonitas autem spiritui sancto appropriatur, sicut potentia Patri, et sapientia Filio. Ergo propriissime ad Spiritum sanctum pertinere videtur quod

naturam divinam alii personae communicet; et sic sunt plures tribus personis in divinis.

15. Praeterea, secundum Philosophum in IV Meteororum (2 de Anima, com. xxxiv), perfectum unumquodque est, quando potest sibi simile ex se producere. Spiritus autem sanctus est perfectus Deus. Ergo potest aliam divinam personam producere; ergo, etc.

16. Praeterea, Filius a Patre divinam naturam non recipit perfectius quam Spiritus sanctus. Recipit autem Filius a Patre divinam naturam non solum passive (ut ita dixerim) quasi ab eo genitus, sed etiam active, quia potest eandem naturam alii communicare. Ergo et Spiritus sanctus divinam naturam potest alii personae communicare.

17. Praeterea, quod est perfectionis in rebus creatis, oportet Deo attribui. Communicare autem naturam, ad perfectionem in rebus creatis pertinet, licet modus communicandi aliquam imperfectionem habeat, inquantum talem communicationem consequitur aliqua divisio, vel aliqua transmutatio generantis. Ergo communicare divinam naturam est perfectionis in Deo; et ita Spiritui sancto est attribuendum. Procedit ergo a Spiritui sancto aliqua divina persona; et sic sequitur quod in divinis sint personae plures tribus.

18. Praeterea, sicut divinitas est quoddam bonum in Patre, ita et paternitas. Ex eo autem quod nullius boni sine consortio potest esse jucunda possessio, probatur a quibusdam quod sunt plures habentes divinam naturam. Ergo pari ratione sunt plures patres in divinis; et similiter plures filii, et plures Spiritus sancti; et ita personae plures tribus.

19. Praeterea, Filius et Spiritus videtur distingui ab invicem in hoc quod Filius procedit a Patre per modum intellectus ut verbum; Spiritus sanctus per modum voluntatis ut amor. Sunt autem plura attributa essentialia quam voluntas et intellectus, ut bonitas, potentia et huiusmodi. Ergo plures personae procedunt a Patre quam Filius et Spiritus sanctus.

20. Praeterea, processio naturae plus videtur differre a processione intellectus quam processio voluntatis. In rebus autem creatis processio intellectus semper concomitatur processio voluntatis; quia quaecumque aliquid intelligunt, etiam aliquid volunt; processio autem naturae non semper concomitatur processio intellectus, quia non in omnibus quae naturaliter generant, intellectus invenitur. Si ergo persona quae procedit per modum voluntatis ut amor, est alia in divinis a persona quae procedit per modum intellectus ut verbum, etiam erit persona quae procedit per modum intellectus ut verbum, alia a persona quae procedit per modum naturae ut filius. Sunt ergo tres personae procedentes in divinis, et una non procedens; et sic sunt quatuor personae.

21. Præterea, personæ multiplicantur in divinis propter relationes, quæ subsistunt. Ponuntur autem in divinis quinque relative notions, scilicet paternitas, filiatio, processio, innascibilitas, et communis spiratio. Sunt ergo quinque personæ in divinis.

22. Præterea, relationes quæ ab æterno de Deo dicuntur, non sunt in creaturis, sed in Deo. Quidquid autem est in Deo, est subsistens; cum in Deo non sit aliquid accidens. Omnes ergo relationes quæ ab æterno Deo conveniunt, sunt subsistentes, et per consequens sunt personæ. Tales autem sunt infinite; nam idcirco rerum creaturarum ab æterno sunt in Deo, quæ non distinguuntur ab invicem nisi per respectus ad creaturas. Sunt ergo infinite personæ in divinis.

1. Sed contra, videtur quod sint pauciores tribus. In una enim natura non est nisi unus modus communicationis illius nature; unde, secundum Commentatorem, in VIII Phys., animalia quæ generantur ex semine, non sunt unius speciei cum animalibus ex putrefactione generatis. Divina autem natura est maxime una. Ergo non potest communicari nisi uno modo. Sic ergo non possunt esse nisi due personæ, una divinitatem communicationis per aliquem modum, et persona per illum modum divinitatem recipiens.

2. Præterea, Hilarius (in lib. de Synodis, a med.), ostendit Filium naturaliter a Patre procedere, quia talis existit qualis Deus est; creaturas vero a Deo procedere voluntarie, quia tales sunt quales eas voluit Deus esse, non qualis est Deus. Sed Spiritus sanctus, sicut et Filius, talis est qualis est Deus Pater. Ergo Spiritus sanctus procedit naturaliter a Patre, sicut et Filius. Non ergo est distinctio inter Spiritum sanctum et Filium, ex eo quod Filius procedit per modum nature, non autem Spiritus sanctus.

3. Præterea, natura voluntatis et intellectus non differunt in Deo nisi secundum rationem tantum. Ergo processio per modum nature et intellectus et voluntatis non differunt in Deo nisi ratione tantum. Si ergo per hoc distinguuntur Filius et Spiritus sanctus, quod unus procedit per modum nature vel intellectus, et alius per modum voluntatis, non erunt distincti nisi secundum rationem. Ergo non erunt due personæ, cum pluralitas personarum rerum pluralitatem importet.

4. Præterea, personæ in divinis distinguuntur solum secundum relationes originis. Ad designandum autem originem sufficiunt due relationes, scilicet a quo alius, et qui ab alio. Ergo in divinis non sunt nisi due personæ.

5. Præterea, omnis relatio exigit duo extrema. Sicut ergo in divinis personæ non distinguuntur nisi secundum relationem; ita oportet quod sint in divinis vel due relationes, et sic erunt quatuor personæ; vel una relatio tantum, et sic erunt solum due personæ.

Sed contra, videtur quod sint tantum tres personæ in divinis per hoc quod dicitur I Joann., v. 7: *Tres sunt qui testimonium dant in celo*. Interrogantibus autem quid tres, respondit Ecclesia, quod tres personæ, ut dicit Augustinus (VII de Trinit., cap. iv). Ergo in divinis sunt tres personæ.

Præterea, ad perfectionem divine bonitatis felicitatis et glorie requiritur, quod sit in Deo vera et perfecta caritas; nihil enim est caritate melius, nihil caritate perfectius, ut dicit Richardus in III de Trin. (cap. ii, circa princ.). Felicitas autem absque jucunditate non est, quæ maxime per caritatem habetur. Ut enim in eodem libro (cap. v) dicitur, *nihil caritate dulcius, nihil caritate jucundius, caritatis delicias rationalis vita nil dulcius experitur, nulla delectatione delectabilius fruatur*. Perfectio etiam glorie in quadam magnificentia perfectæ communicationis consistit, quam caritas facit. Vera autem et perfecta caritas requirit in divinis ternarium numerum personarum. Amor enim quo aliquis se tantum diligit, est amor privatus, et non caritas vera. Alium autem summe Deus diligere non potest qui non sit summe diligibilis; nec summe diligibilis est, nisi sit summe bonus. Unde patet quod vera caritas in Deo summa esse non potest si sit ibi tantum una persona; nec etiam perfecta, si sint due tantum; quia ad perfectionem caritatis requiritur quod amans velit id quod ab eo amatur, etiam æque ab alio diligi. Iudicium namque magne infirmitatis est non posse pati consortium amoris; posse vero pati, signum magne perfectionis. *Magis gratanter suscipere, maximo est desiderio recipere*, ut dicit Richardus in eodem lib. Oportet ergo, si sit in Deo perfectio bonitatis, felicitatis et glorie, quod sit in divinis ternarius personarum numerus.

Præterea, cum bonum sit communicativum sui, perfectio divine bonitatis requirit quod Deus summe sua communicet. Si autem esset tantum una persona in divinis, non summe communicaret suam bonitatem; creaturis enim non summe se communicat; si vero essent solum due personæ, non communicarent perfecte deliciae mutue caritatis. Oportet ergo esse secundam personam, cui perfecte communicetur divina bonitas, et tertiam cui perfecte communicetur divine caritatis deliciae.

Præterea, ad amorem tria requiruntur, scilicet amans, id quod amatur, et ipse amor, ut Augustinus dicit in VIII de Trin. (lib. IX, cap. i, in fine, et cap. ii). Duo autem (1) mutuo se amantes, sunt Pater et Filius; amor autem qui est eorum nexus est Spiritus sanctus. Sunt ergo tres personæ in divinis.

Præterea, sicut Richardus dicit, in V de Trinit. (cap. vi, paulo a princ.), in rebus humanis videbis quod persona de personis procedit tribus modis; quandoque immediate tantum, sicut Eva de Adam; quandoque mediate tantum, sicut Enoch

(1) *Id. tantum.*

de Adam; quandoque immediate et mediate simul, sicut Seth de Adam: immediate inquantum ejus filius fuit, mediate vero inquantum fuit filius Eve, quæ ab Adam processit. In divinis autem non potest procedere persona de persona mediate tantum, quin non esset ibi summa germanitas. Relinquitur ergo quod in divinis sit una persona quæ non procedit ab alia, scilicet persona Patris, a qua procedunt aliæ personæ; una immediate tantum, scilicet Filius; alia mediate simul et immediate, scilicet Spiritus sanctus, qui ex Patre Filioque procedit. Ergo est personarum ternarius in divinis.

Præterea, inter dare plenitudinem divinitatis et non accipere, et accipere et non dare, medium est dare et accipere. Dare autem plenitudinem divinitatis et non accipere, pertinet ad personam Patris; accipere vero et non dare, pertinet ad personam Spiritus sancti. Oportet ergo esse tertiam personam, quæ plenitudinem divinitatis et det et accipiat; et hæc est persona Filii. Sunt ergo tres personæ in divinis.

Respondet dicendum, quod secundum positionem hæreticorum nullo modo potest poni certus personarum numerus in divinis. Intellexit enim Arius personarum trinitatem hoc modo, quod Filius et Spiritus sanctus essent quedam creature; quod etiam Macedonius de Spiritu sancto sensit. Processio autem creaturarum a Deo non de necessitate, certo numero terminatur, cum divina virtus ex sua infinitate hoc habeat quod omnem creaturæ modum, speciem et numerum excedat. Unde si Deus Pater omnipotens creavit duas excellentissimas creaturas, quas Arius dicit Filium et Spiritum sanctum, non est remotum quin alias æquales vel etiam majores creare poterit. Sabellius autem posuit quod, Pater et Filius et Spiritus sanctus non distinguuntur nisi nomine et ratione; quæ etiam patet in infinito posse multiplicari, secundum quod ratio nostra infinitis modis de Deo cogitare potest ex variis effectibus, et eum diversimode nominare. Sola autem catholica fides, quæ ponit unitatem divinæ naturæ in personis realiter distinctis, ternarii numeri potest rationem in divinis assignare. Impossibile enim est quod una natura simplex sit nisi in uno sicut in principio. Unde Hilarius dicit (in lib. de Synodo, a. med.), quod qui confitetur in divinis duos innascibiles, confitetur duos deos; unum enim Deum predicari natura unum innascibilem Dei exigit. Unde et quidam philosophi diverunt, quod in rebus que sunt sine materia non potest esse pluralitas nisi secundum originem. Una enim natura potest in pluribus esse ex æquo propter materie divisionem, quæ in Deo locum non habet. Unde impossibile est ponere in divinis nisi unam personam innascibilem quæ ab alio non procedat. Si autem ab eo aliæ personæ procedant, oportet quod hoc sit per aliquam actionem. Non autem per actionem transeuntem in id quod est extra agentem, sicut calefacere vel secare sunt

actiones ignis et setæ, et creatio ipsius Dei; quia sic personæ procedentes essent extra naturam divinam. Relinquitur ergo quod processio personarum in unam naturam divinam non sit nisi secundum operationes quæ non transeunt extra, sed manent in operante. Hæc autem in natura intellectuali sunt solum due, scilicet intelligere et velle. Secundum autem utramque earum invenitur aliquid procedens cum hæc operationes perficiuntur. Ipsum enim intelligere non perficitur nisi aliquid in mente intelligentis concipiatur, quod dicitur verbum; non enim dicitur intelligere, sed cogitare ad intelligendum, antequam conceptio aliqua in mente nostra stabilizetur. Similiter etiam ipsum velle perficitur amore ab amante per voluntatem procedente, cum amor nihil sit aliud quam stabilimentum voluntatis in bono volito. Verbum autem et amor in creatura quidem non sunt personæ subsistentes in natura intelligente et volente. Intelligere enim et velle creaturæ non est esse ejus. Unde verbum et amor sunt quedam supervenientia creature intelligenti et volenti, sicut accidentia quedam. Cum autem in Deo idem sit esse, intelligere et velle, necessarium est quod verbum et amor in Deo non accident, sed subsistant in natura divina. Non autem est in Deo nisi unum simplex intelligere et unum simplex velle: quia intelligendo essentiam suam, intelligit omnia; et volendo bonitatem suam, vult omnia quæ vult. Non est ergo nisi unum verbum et unus amor in divinis. Ordo autem intelligenti et volendi aliter se habet in Deo et nobis. Nos enim cognitionem intellectivam a rebus exterioribus accipimus; per voluntatem vero nostram in aliquid exterius tendimus, tanquam in finem. Et ideo intelligere nostrum est secundum motum a rebus in animam; velle vero secundum motum ab anima ad res. Deus autem non accipit scientiam a rebus, sed per scientiam suam causat res; nec per voluntatem suam tendit in aliquid exterius sicut in finem, sed omnia exteriora ordinat in se sicut in finem. Est ergo tam in nobis quam in Deo circulatio quedam in operibus intellectus et voluntatis; nam voluntas redit in id a quo fuit principium intelligendi; sed in nobis concluditur circuitus ad id quod est extra, dum bonum exterius movet intellectum nostrum, et intellectus movet voluntatem, et voluntas tendit per appetitum et amorem in exterius bonum; sed in Deo iste circuitus clauditur in seipso. Nam Deus intelligendo se, concipit verbum suum, quod est etiam ratio omnium intellectuum pro ipso, propter hoc quod omnia intelligit intelligendo seipsum; et ex hoc verbo procedit in amorem omnium et sui ipsius. Unde dixit quidam (Mercurius Trismeg.), quod *monas monadem genuit, et in se suam reflectit ardorem*. Postquam vero circuitus conclusus est, nihil ultra addi potest; et ideo non potest sequi tertia processio in natura divina, sed sequitur ulterius processio in exteriorem naturam. Sic ergo oportet quod in divinis sit una tantum



persona non procedens, et duæ solæ personæ procedentes; quarum una persona procedit ad amor, et alia ut verbum; et sic est personarum ternarius numerus in divinis. Cujus quidem ternarii similitudo in creaturis apparat tripliciter. Primo quidem sicut effectus representat causam; et hoc modo principium totius divinitatis, scilicet Pater, representatur per id quod est primum in creatura, scilicet per hoc quod est in se una subsistens; verbum vero per formam cujuslibet creature; nam in his quæ ab intelligente aguntur, forma effectus a conceptione intelligentis derivatur; amor vero in ordine creature. Nam ex eo quod Deus amat seipsum, omnia ordine quodam in se convertit; et ideo hæc similitudo dicitur vestigi, quod representat pedem sicut effectus causam. Alio modo secundum eandem rationem operationis; et sic representatur in creatura rationali tantum, quæ potest se intelligere et amare, sicut et Deus, et sic verbum et amorem sui producere, et hæc dicitur similitudo naturalis imaginis; ea enim imaginem aliorum gerunt quæ similem speciem præferunt. Tertio modo per unitatem objecti, in quantum creatura rationalis intelligit et amat Deum; et hæc est quedam unionis conformitas, quæ in solis sanctis invenitur, qui idem intelligunt et amant quod Deus. De prima quidem similitudine dicitur Job, xi, 7: *Forssitan vestigiâ Dei comprehendes?* de secunda Genes., i, 26: *Faciamus hominem ad imaginem et similitudinem nostram;* et dicitur imago creationis. De tertia II ad Corinth., iii, 18: *Nos enim omnes revelata facie gloriam Domini speculantes, in eandem imaginem transformamur;* et hæc dicitur imago recreationis.

An primum ergo dicendum, quod ideo dicit Augustinus quod non est dicendum quod Filius non potuit generare, sed non oportuit quia non ex impotentia Fili est quod non generat; ut hoc dicitur non potuit, sumatur privative, et non simpliciter negative; per hoc autem quod dicit quod non oportuit, significat quod sequeretur inconveniens, si in divinis Filius alium filium generaret. Quod quidem inconveniens ex quatuor potest considerari. Primo quidem, quia cum Filius in divinis procedat ut verbum, si Filius filium generaret, sequeretur quod in Deo verbum ex verbo procederet, quod quidem esse non potest nisi in intellectu inquisitivo et discursivo, in quo verbum ex verbo procedit, dum ex consideratione unius veritatis in alterius veritatis considerationem procedit; quod nullo modo convenit perfectioni et simplicitati intellectus divini, qui uno intuitu omnia simul videt. Secundo, quia illud per quod aliquid individuatur et incommunicabile efficitur, impossibile est pluribus esse commune. Id enim per quod Socrates est hoc aliquid, nec intelligi potest pluribus inesse. Unde si filiatio in divinis pluribus conveniret, non esset filiatio constituens incommunicabilem Filii personam; et ita operetur quod Filius individua persona constitueretur per aliquid

absolutum, quod essentie divine unitati non convenit. Tertio, quia nihil unum secundum speciem existens, potest secundum numerum multiplicari nisi ratione materialis; et hæc ratio in divinis non potest esse nisi una essentia, quia divina essentia est immaterialis omnino. Si autem essent plures filii in divinis, oporteret etiam esse filiationes plures; et ita oporteret eas secundum materiam subjectam multiplicari: quod divine immaterialitati non convenit. Quarto, quia Filius dicitur aliquis ex hoc quod naturaliter procedit; natura autem ad unum se habet determinate, nisi per accidens ex aliquo naturaliter plura proveniant propter materie divisionem; et ideo ubi est omnino immaterialis natura, oportet solum filium unum esse.

An sextum dicendum, quod dupliciter aliquid potest esse nature alieius. Uno modo secundum quod absolute consideratur; et sic oportet ut quæ ad aliquam naturam pertinent, conveniant omnibus suppositis in natura illius; et sic conveniatur nature divine esse omnipotentem, creatorem, et alia huiusmodi, quæ sunt communia tribus personis. Alio modo pertinet aliquid ad naturam secundum quod consideratur in aliquo uno supposito; et sic non oportet quod id quod convenit nature, conveniat cuilibet supposito illius nature. Sicut enim natura generis habet aliquid in una specie quod alteri speciei non convenit; quemadmodum ad naturam sensitivam consequuntur quedam in homine non autem in animalibus brutis, ut habere excellentissimum tactum et reminisci, et alia huiusmodi; ita etiam aliquid pertinet ad naturam speciei prout est in uno individuo, quod non convenit alii individuo ejusdem speciei; sicut patet quod nature humane prout fuit in Adam convenit quod non sit per generationem naturalem accepta, quod tamen in aliis individuis humane nature non invenitur; et per hunc modum posse generare, consequitur naturam divinam, prout est in persona Patris; quod patet ex hoc quod Pater non constituitur persona incommunicabilis nisi ex ipsa paternitate, quæ competit ei secundum quod est generans; et ideo non sequitur quod Filius, licet sit perfectum suppositum divine nature, possit generare.

An tertium dicendum, quod licet Pater possit generare, non autem Filius, non tamen sequitur quod potentiam aliquam habeat Pater quam non habet Filius. Eadem enim potentia est Patris et Filii, per quam et Pater generat et Filius generatur. Nam potentia absolutum quiddam est; et ideo non distinguitur in divinis, sicut nec bonitas, nec aliquid sic dictum. Generare vero et generari in divinis non significant aliquid absolutum, sed solam relationem in divinis. Relationes autem oppositæ, in uno et eodem absoluto communicant in divinis, et ipsum non dividunt; sicut patet quod in Patre et Filio est una essentia; unde nec potentia distinguitur in divinis per hoc quod est ad generare et generari. Non enim etiam in creaturis oportet quod per quam-

cumque obsectorum distinctionem potentia distinguatur, sed per differentiam formalem obsectorum, et quæ in eodem genere accipiatur; sicut potentia visiva non distinguitur per hoc quod est videre hominem et videre asinum, quia ista differentia non est sensibilis inquantum est sensibilis; et similiter in divinis absolutum per relationem non distinguitur.

Ad octavum dicendum, quod in omni operatione quæ transit ab agente in rem externam, requiritur aliud principium in agente, per quod est agens, et aliud principium in patiente, per quod est patiens. In operatione autem quæ non transit in rem externam, sed manet in operante, non requiritur nisi unum operationis principium; sicut ad volendum requiritur principium ex parte volentis, per quod possit velle. In creaturis autem est generatio secundum operationem transautem in rem externam; unde oportet quod sit alia potentia activa in generante, et alia passiva in generato. Sed generatio divina attenditur secundum operationem non quidem in aliquid externis transautem, sed inferioris manentem, id est secundum conceptionem verbi. Unde non oportet quod alia sit potentia activa in Patre, et alia passiva in Filio.

Ad quintum dicendum, quod calor et sapor prout in se considerantur, sunt qualitates quedam; possunt tamen dici potentie secundum quod sunt actuum quorundam principia; unde patet quod licet radix prima et remota, quæ est subjectum, sit una radix, tamen propinqua, quæ est qualitas, non est una.

Ad sextum dicendum, quod sicut Pater est Deus generans, Filius autem est Deus genitus; ita dicendum est quod Pater est sapiens et concipiens, Filius vero sapiens et verbum conceptum. Filius enim in eo quod est verbum, est quedam conceptio sapientis. Sed quia quicquid est in Deo, est Deus, oportet quod ipsa conceptio sapientis Dei sit Deus, et sapiens, et potens, et quicquid aliud competit Deo.

Ad septimum dicendum, quod verbum in divinis non potest dici nisi personaliter, si proprie accipiatur. Nulla enim alia origo in divinis esse potest nisi immaterialis, et quæ sit conveniens intellectuali nature, qualis est origo verbi et amoris; unde si processio verbi et amoris non sufficit ad distinctionem personalem insinuandam, nulla poterit esse personalis distinctio in divinis. Unde et Joannes tunc in principio sui Evangelii quam in prima canonica sua nomine Verbi pro Filio utitur, nec est aliter loquendum de divinis quam Sacra Scriptura loquitur.

Ad octavum dicendum, quod *dicere* potest dupliciter sumi. Uno modo proprie secundum quod *dicere* idem est quod verbum concipere; et sic dicit Augustinus (in VII de Trinit., non remote a princ.), quod *singulus quisque in divinis, sed solus Pater est dicens*. Alio modo communiter, prout *dicere* nihil est aliud quam intelligere; et sic dicit Anselmus (loco cit.

in arg.), quod non solum Pater est dicens, sed etiam Filius et Spiritus sanctus; et tamen licet sint tres dicentes, est unum solum verbum, quod est Filius; quia solus Filius est conceptio Patris intelligentis et concipientis verbum.

Ad nonum dicendum, quod non sequitur quod sit generatio in divinis ex hoc solum quod tribuit generationem aliis sicut causa effectiva; quia pari ratione sequeretur quod in Deo sit motus, quia tribuit aliis motum. Sequitur autem quod sit in Deo generatio ex hoc quod tribuit aliis generationem ut causa effectiva et exemplaris. Pater autem est exemplar generationis ut generans, sed Filius ut genitus; unde non oportet quod generet.

Ad decimum dicendum, quod generatio est opus divine nature, prout est in persona Patris, ut supra dictum est, unde non oportet quod conveniat Filio.

Ad undecimum dicendum, quod cum filiatio sit relatio consequens determinatum modum originis, scilicet quæ est per modum nature, impossibile est quod filiatio a filiatione differat differentia formali; nisi forte secundum differentiam naturarum, quæ per generationem communicantur, sicut potest dici quod alia species filiationis est quæ hic homo est filius, et quæ hic equus est filius. In divinis autem non est nisi una natura; unde non possunt ibi esse plures filiationes formaliter differentes; et patet etiam quod nec materialiter; et sic sequitur quod ibi sit tantum una filiatio et unus filius.

Ad duodecimum dicendum, quod unus splendor ab alio splendore procedit, ex eo quod lux diffunditur ad aliud subjectum; et sic patet quod hoc fit per divisionem materialem, quæ non potest esse in divinis.

Ad decimumtertium dicendum, quod unumquodque amat inquantum est bonum; unde cum una et eadem sit bonitas Patris et Filii et Spiritus sancti, eodem amore, qui est Spiritus sanctus, Pater diligit se et Filium et Spiritum sanctum, et totam creaturam; sicut eodem verbo, quod est Filius, dicit se et Filium et Spiritum sanctum, et totam creaturam.

Ad decimumquartum dicendum, quod bonitas est id ad quod terminatur operatio viventis, quæ manet in operante. Primo enim intelligitur aliquid ut verum, et sic deinceps desideratur ut bonum; et ibi sistit et quiescit operatio intranea, sicut in fine. Sed ex hinc incipit processio operationis ad exteriora, quia ex hoc quod intellectus desiderat et amat aliquid præconsideratum ut bonum, incipit exteriori operari ad illud. Unde ex hoc ipso quod bonitas Spiritui sancto appropriatur, convenienter accipi potest quod processio divinarum personarum ultra non porrigitur. Sed quod sequitur, est processio creature, quæ est extra naturam divinam.

Ad decimumquintum dicendum, quod inter omnes lineas

circularis est perfectior, quia non recipit additionem. Unde hoc ipsum ad perfectionem Spiritus sancti pertinet quod sua processione quasi quemdam circulum divine originis concludit, ut ultra jam addi non possit, sicut supra, in corp. art., jam ostensum est.

AD DECIMUMSEXTUM dicendum, quod in hoc quod est accipere vel communicare naturam divinam, non attenditur differentia nisi solum secundum relationes; que quidem differentia inaequalitatem perfectionis constituere non potest; quia, ut dicit Augustinus contra Maximinum (lib. III, cap. XVIII, a. med.), *cum quaeritur quis de quo sit, est questio originis, non aequalitatis vel inaequalitatis.*

AD DECIMUMSEPTIMUM dicendum, quod sicut communicare divinam naturam est perfectio de Patre in Filio; ita perfecte accipere communicatam est perfectio in Spiritu sancto; et utraque perfectio non differt secundum quantitatem, sed secundum relationem, quae inaequalitatem non constituit, ut dictum est.

AD DECIMUMOCTAVUM dicendum quod illud per quod aliqua persona est incommunicabilis, non potest esse multis commune, ut supra dictum est. Unde habere consortium in illo non faceret iocunditatem, sed destructionem distinctionis personarum. Unde si Pater in paternitate haberet consortium in divinis, sequeretur confusio personarum; et eadem ratio est de filiatione et processione.

AD DECIMUMNONUM dicendum, quod alia attributa non habent operationem intrinsecam, secundum quam possit attendi processus divine personae, sicut intellectus et voluntas.

AD VICESIMUM dicendum, quod processio naturae et intellectus conveniunt in hoc quod in utraque processione procedit unus ab uno ut similibus eius a quo procedit. Amor autem qui procedit secundum voluntatem, procedit a duobus mutuo se amantibus. Nec ex hoc quod est amor, habet quod id sit similitudo amantis; et ideo in divinis idem procedit per modum naturae et intellectus, scilicet ut filius et verbum; sed alia persona est quae procedit per modum voluntatis et amor.

AD VICESIMUMPRIMUM dicendum, quod licet sint quinque notiones in divinis, tamen solae sunt tres proprietates personales constituentes personas; et propter hoc solae sunt tres personae.

AD VICESIMUMSECUNDUM dicendum, quod relationes ideales sunt Dei ad id quod est extra, scilicet ad creaturas; et ideo per eas non distinguuntur personae in divinis.

Oportet etiam respondere ad rationes alias, quibus concluderetur quod personae divine sunt tribus pauciores.

AD QUORUM PRIMUM dicendum, quod in qualibet natura creato inveniuntur multi modi processionum, non tamen secun-

dum quemlibet eorum natura speciei communicatur; et hoc est propter imperfectionem naturae create, in qua non subsistit quicquid in ea est; sicut verbum hominis quod procedit ab intellectu eius, non est aliquid subsistens, nec etiam amor qui procedit a voluntate humana; sed filius, qui generatur per operationem naturae, est subsistens in natura humana; et propter hoc hic est solus modus quo natura communicatur, licet in eo sint plures modi processionum. Sed in Deo est subsistens quicquid in ipso est; et ideo secundum quemlibet modum processionis communicatur natura in divinis.

AD SECONDEM dicendum, quod nihil prohibet etiam a voluntate aliquid naturaliter procedere; nam et voluntas aliquid naturaliter vult et amat, scilicet felicitatem et veritatis cognitionem, et ideo nihil prohibet quin Spiritus sanctus naturaliter procedat a Patre et Filio, quamvis procedat per modum voluntatis.

AD TERTIUM dicendum, quod licet voluntas et intellectus non differant in Deo nisi secundum rationem; tamen oportet illum qui procedit per modum intellectus, realiter distingu ab eo qui procedit per modum voluntatis. Nam verbum quod procedit per modum intellectus, procedit ab uno tantum, sicut a dicente; Spiritus vero sanctus, qui procedit per modum voluntatis et amor, oportet quod procedat a duobus mutuo se amantibus, vel etiam ex dicente et verbo; nihil enim potest amari cuius verbum in intellectu non praecipitur; et sic oportet quod ille qui procedit per modum voluntatis, sit ab eo qui procedit per modum intellectus, et per consequens quod distinguatur ab eo.

AD QUARTUM dicendum, quod qui est ab alio in divinis, potest esse dupliciter: scilicet vel per modum verbi, vel per modum amoris; et ideo qui est ab alio secundum quod communiter dicitur, non sufficit ad constituendum personam incommunicabilem, sed solum secundum quod ad propria determinatur.

AD QUINTUM dicendum, quod in divinis sunt quatuor relationes, nempe duae; sed solum tres ex eis sunt personales; nam una earum, scilicet communis spiratio, non est proprietas personalis cum sit communis duabus personis; et ideo non sunt in divinis nisi tres personae. ®

Alias rationes concedimus.

## QUAESTIO X

### DE PROCESSIONE DIVINARUM PERSONARUM

*[Et habet quinque articulos.]*

Primo enim quaeritur, utrum sit aliqua processio in divinis; 2<sup>o</sup> utrum in divinis sit tantum una processio; 3<sup>o</sup> de ordine pro-

cessionum ad relationem in divinis; 4<sup>a</sup> utrum Spiritus sanctus procedat a Filio; 5<sup>a</sup> utrum Spiritus sanctus remaneret a Filio distinctus, si ab eo non procederet.

**ARTICULUS PRIMUS.** — *Utrum sit processio in divinis personis.*  
(I part. quest. XXVII; et I Sent., dist. 13. art. 1; et IV contr. Gent., cap. XI.)

Questio est de processione divinarum personarum; et primo queritur, utrum sit processio in divinis personis. Et videtur quod non. Omne enim quod procedit ab aliquo, distat ab eo. Sed divinarum personarum non est aliqua distantia ab invicem: dicit enim Filius, Joan. xiv, 10: *Ego in Patre, et Pater in me est; et idem dicit potest de Spiritu sancto, quod scilicet sit in Patre et Filio, et e converso.* Ergo in divinis una persona non procedit ab alia.

2. Præterea, nihil quod ad motum pertinet, Deo proprie attribui potest, sicut nec aliquid quod materiam importat. Processio autem significat quemdam motum. Ergo non proprie potest dici in divinis.

3. Præterea, omne procedens præintelligitur processionem; nam procedens est processionis subjectum. Sed in divinis non potest esse aliquid procedens processionem præintellectum; essentia enim divina non est procedens, sicut nec genita: relatio autem non præintelligitur processionem, sed e converso, sicut jam dictum est, quest. VIII, art. 3. Non ergo potest esse processio in divinis.

4. Præterea, omne procedens sicut ab aliquo procedit, ita oportet quod procedat in aliquid. Quod autem in aliquid procedit, non est per se subsistens. Cum ergo personæ divinae sint per se subsistentes, non videtur eis competere quod procedant.

5. Præterea, cum creaturæ nobiliores sint etiam Deo similiores; quod invenitur in inferioribus creaturis, non autem in superioribus, nec etiam in Deo invenitur, sicut quantitas dimensionata, materia, et alia hujusmodi. Processio autem invenitur in inferioribus creaturis, in quibus unum individuum generat aliud ejusdem speciei; quod non contingit in creaturis superioribus. Ergo neque in Deo processio invenitur.

6. Præterea, illud quod derogat divinæ dignitati, nullo modo est Deo attribuendum. In hoc autem maxime consideratur divina dignitas, quod est prima causa essendi non habens ab alio esse, cui videtur repugnare processio: nam omne procedens quodammodo ab alio est. Non ergo dicendum est, quod aliquid sit procedens in divinis.

7. Præterea, persona est hypostasis proprietate distincta ad dignitatem pertinente. Accipere autem ab alio (quod importat processio), non videtur ad dignitatem pertinere. Non ergo pro-

cessio debet attribui divinis personis sicut aliqua personalis proprietatis.

8. Præterea, illud a quo aliquid procedit, oportet esse aliquo modo causam illius. Sed una persona non potest esse causa alterius: neque enim esse potest una alterius causa intrinseca, formalis scilicet vel materialis, cum in divinis non sit compositio forme et materie; nec iterum causa extrinseca, cum una persona sit in alia. Non ergo est processio in divinis.

9. Præterea, omne procedens procedit ab aliquo sicut a principio. Una autem persona non potest dici alterius principium; quia cum principium ad principiatum dicatur, oportet aliquam personam principiatam dici, quod videtur solis creaturis competere. Non ergo est processio in divinis.

10. Præterea, nomen principii a prioritate sumptum esse videtur. Sed in personis divinis nihil est prius et posterius, ut Athanasius dicit (in symbolo). Non est ergo una persona principium alterius; et sic non debet dici una procedens ab alia.

11. Præterea, omne principium est operativum vel factivum. Sed una persona non est factiva alterius nec operativa, alioquin in divinis personis esset aliquid factum vel creatum. Ergo divina persona non habet principium, neque est procedens.

12. Præterea, quodcumque est aliquid ab aliquo procedens, oportet esse aliquid commune utrique, quod scilicet procedenti communicatur ab eo a quo procedit, et aliquid proprium, per quod procedens distinguitur ab eo a quo procedit; nihil enim procedit a seipso. Ubicumque autem est aliquid et aliquid, ibi est compositio. Ergo ubicumque est processio, ibi est compositio. In divinis autem non est compositio. Ergo neque processio.

13. Præterea, omne procedens ab alio, recipit aliquid ab eo. Quod autem recipit aliquid est indigens nature; nisi enim indigeret, non reciperet; propter quod etiam in rebus naturalibus receptibilitas attribuitur materie. Ergo omne procedens est indigens nature. In divinis autem non est aliqua indigentia, sed summa perfectio. Ergo non est ibi processio.

14. Sed dices, quod recipiens quando præexistit receptioni, est indigens; quando vero jam recipit, habet et non est indigens; Filius autem et Spiritus sanctus recipiant quidem a Deo Patre, non tamen præexistunt receptioni; et sic in eis nulla est indigentia. — Sed contra, creatura quolibet est indigens nature, et tamen non præexistit receptioni qua recipit esse a Deo. Non ergo excludit indigentiam a recipiente hoc quod receptioni non præexistit.

15. Præterea, omne quod non habet aliquid nisi secundum quod recipit illud ab alio, in se consideratum caret illo; sicut aer in se consideratus caret lumine, quod ab alio recipit. Si ergo Filius et Spiritus sanctus non habent esse nisi per hoc

quod recipiunt a Patre (quod oportet dicere, si a Patre procedunt), necesse est quod si in se considerentur, nihil sint. Quod autem in se consideratum nihil est, si habeat esse ab alio, oportet quod ex nihilo sit, et ita quod sit creatura. Si ergo Filius et Spiritus sanctus procedunt a Patre, oportet quod sint creaturae; quod est Arianae impietatis. Non ergo est processio in divinis personis.

16. Præterea, quod procedit ab aliquo, ad hoc procedit ut sit. Quod autem procedit ut sit, non semper fuit; sicut quod procedit ad locum, non semper fuit in loco illo. Personæ autem divinæ sunt sempiternæ. Ergo nulla persona divina est procedens.

17. Præterea, principium a quo aliquid procedit, habet aliquam auctoritatem respectu illius quod procedit a principio. Si ergo aliqua persona divina procedit ab alia, utpote Filius et Spiritus sanctus a Patre, oportet quod in Patre sit aliqua auctoritas respectu Filii et Spiritus sancti; et ita, cum auctoritas sit quadam dignitas, aliqua dignitas erit in Patre qua non est in Filio et Spiritu sancto; et sic erit inæqualitas in divinis personis; quod est contra Athanasium dicentem (in symbolo) quod in Trinitate nihil est prius et posterius; nihil majus aut minus; sed totæ tres personæ coæterque sibi sunt et coæquales. Non ergo est processio in divinis personis.

Sed contra est quod dicit Filius, Joan., viii, 42: *Ego ex Deo processi et veni.*

Prius, Joan., xv, 26, dicitur, quod Spiritus a Patre procedit. Est ergo processio in divinis personis.

Respondendo dicendum, quod cognitio intellectiva in nobis sumit principium a phantasia et sensu, que ultra continuum se non extendunt; et inde est quod ex his que in continuo inveniuntur, transsumimus nomina ad omnia que capimus intellectu; sicut patet in nomine distantie, que primo invenitur in loco, et exinde transmittitur ad quancunque formarum differentiam; propter quod omnia contraria, in quocumque sint genere, dicuntur esse maxime distantia, licet distantia primo inveniantur in ubi, ut Philosophus dicit in X Metaph. (com. xii). Similiter autem nomen processionis primo est inventum ad significandum motum localem, secundum quem aliquid ordinat ab uno loco per media ordinatum in extremum transit; et ex hoc transmittitur ad significandum omne illud in quo est aliquis ordo unius ex alio, vel post aliud; et inde est quod in omni motu utimur nomine processionis; sicut dicimus, quod corpus procedit ab albedine in nigredinem, et de parva quantitate ad magnam, et de non esse in esse, et e converso; et similiter utimur nomine processionis, ubi est aliqua emanatio alicujus ab alio; sicut dicimus quod radius procedit a sole, et omnis operatio ab operante, et etiam operatum, sicut artificiatum ab artifice, vel

genitum a generante; et universaliter omnem hujusmodi ordinem nomine processionis significamus. Est autem duplex operatio. Quaedam quidem transiens ab operante in aliquid extrinsecum, sicut calefactio ab igne in lignum; et hoc quidem operatio non est perfectio operantis, sed operati; non enim aliquid acquiritur igni ex hoc quod est calefactus, sed calefacto acquiritur calor. Alia vero est operatio non transiens in aliquid extrinsecum, sed manens in ipso operante, sicut intelligere, sentire, velle, et hujusmodi. Hæ autem operationes sunt perfectiones operantis; intellectus enim non est perfectus nisi per hoc quod est intelligens actu; et similiter nec sensus, nisi per hoc quod actu sentit. Primum autem operationum genus commune est viventibus et non viventibus; sed secundum operationum genus est propriam viventium; unde, si largo modo accipiamus motum pro qualibet operatione, sicut Philosophus accipit in III de Anima (com. xxviii), ubi dicitur, quod sentire et intelligere sunt motus quidam, non quidem motus qui est actus imperfecti, ut definitur III Phys. (com. i), sed motus qui est actus perfecti, sic proprium videtur esse viventis, et in hoc ratio videtur consistere, quod aliquid sit movens seipsum. Nam quicquid invenimus per se et in se operari quocumque modo, dicimus vivere; et per hunc modum Plato posuit (in Timæo, non procul a fine), quod primum movens movet seipsum. Secundum autem utrumque operationis genus invenitur in creaturis aliqua processio. Nam secundum primum genus dicimus, quod generatum procedit a generante, et factum a faciente. Quantum autem ad secundum operationis genus, dicimus, quod verbum procedit a dicente, et amor ab amante. Hujusmodi autem duplex operationis genus Deo attribuitur. Genus quidem operationis in aliud extrinsecum transeuntis Deo attribuitur, in quantum dicimus, quod creat, conservat et gubernat omnia. Ex quo quidem operationis genere nulla perfectio Deo advenire significatur, sed magis quod proveniat in creatura perfectio ex perfectione divina. Aliud vero operationis genus Deo attribuitur, in quantum ipsum intelligentem et volentem dicimus, in quo ipsis perfectio significatur. Non enim esset perfectus, nisi esset intelligens et volens actu; et inde est quod confitemur eum viventem. Secundum ergo utrumque operationem Deo processionem attribuitur. Secundum quidem primum operationis genus dicimus divinam sapientiam aut bonitatem in creaturas procedere, ut Dionysius dicit, ix cap. de divin. Nomin.; et etiam quod creaturas procedunt a Deo. Secundum vero aliud operationis genus dicimus in divinis processionem verbi et amoris; et hæc est processio personæ Filii a Patre, qui est verbum ipsius, et Spiritus sancti, qui est amor ejus et spiramen vivificum. Unde Athanasius in quodam sermone Niceni Concilii (in epistola contra

eos qui dicunt Spiritum sanctum esse creaturam, a med.) dicit, quod Ariani ponentes Filium et Spiritum sanctum non esse coessentialia Patri, per consequens videbantur dicere Deum non viventem et intelligentem, sed mortuum et sine mente.

AD PRIMUM ergo dicendum, quod obiectio illa procedit de processione que attenditur secundum operationem in aliquid extrinsecum transeuntem. Sic autem non procedunt divinæ personæ, sed magis per modum processionis que attenditur secundum operationem in operante manentem; quod enim sic procedit non distat ab eo's quo procedit; sicut etiam humanum verbum est in intellectu loquentis, non distans ab eo.

AD SECUNDUM dicendum, quod processio prout significat motum localem, non ponitur in divinis personis, sed secundum quod importat quendam emanationis ordinem.

AD TERTIUM dicendum, quod in processione que est motus localis, necesse est quod procedens processionem præintelligatur, cum sit ejus subjectum; sed in processione qua importat originis ordinem procedens se habet ad processionem ut terminus. Unde si procedens sit ex materia et forma compositum, et per viam generationis in esse productum, materia quidem præexistit processioni ut subjectum, forma vero vel etiam compositum, sequitur secundum intellectum ad processionem ut terminus; sicut cum ignis ab igne per generationem procedit, cum vero id quod procedit, non est compositum, sed forma tantum, vel etiam per creationem in esseeductum, cujus terminus est tota rei substantia; tunc nullo modo procedens præintelligitur processionem, sed e converso; sicut creatura non præintelligitur creationi, nec splendor processionem ipsius a sole, nec Verbum processionem ejus a Patre.

AD QUARTUM dicendum, quod secundum processionem que importat originis ordinem, potest aliquid procedere ut in se subsistens, non relatum ad aliud; quamvis secundum processionem localem procedat aliquid, non ut simpliciter in se subsistat, sed ut sit in loco, Talis autem processio non est in divinis personis.

AD QUINTUM dicendum, quod in intellectualibus substantiis, que sunt nobilissimæ creaturæ, est etiam processio secundum operationem intellectus et voluntatis; et quantum ad hoc invenitur in eis increate Trinitatis imago. Sed verbum et amor in eis non sunt personæ subsistentes; eorum enim intelligere et velle non est ipsarum substantia, sed hoc proprium Dei est; unde verbum et amor procedunt in Deo ut personæ subsistentes, non autem in intellectualibus creaturis.

AD SEXTUM dicendum, quod habere originem ab aliquo quod sit in essentia diversum, derogat dignitati divinæ; hoc enim est proprium creaturæ; sed habere originem ab aliquo coessentiali, magis ad perfectionem divinam pertinet. Non enim esset in divinitate perfectio, nisi esset ibi intelligere et velle in actu. Qui-

bus positus necesse est poni verbi et amoris processionem.

AD SEPTIMUM dicendum, quod licet accipere, in quantum hujusmodi, perfectionem non dicat, tamen ex parte ejus a quo accipitur, perfectionem importat, et præcipue in divinis personis, que accipiunt plenitudinem deitatis.

AD OCTAVUM dicendum, quod latini doctores raro vel nunquam ad significandum originem divinarum personarum, nomine causæ utuntur; tunc quia causæ apud nos respondet effectus; unde ne cogamur Filium vel Spiritum sanctum factos dicere, Patrem non deivinus causam eorum; tunc quia apud nos nomen causæ significat aliquid in essentia diversum; dicitur enim causam ad quam sequitur aliud; tunc etiam quia apud gentiles philosophos nomen causæ dictum de Deo, habitudinem ipsius ad creaturas designat. Dicunt enim Deum esse primam causam, et creaturas esse ejus causata. Unde ne aliquis Filium et Spiritum sanctum inter creaturas secundum essentiam a Deo diversas suspicietur esse ponendas, nomen causæ refugimus in divinis. Græci tamen absolutius in divinis utuntur nomine causæ, ex ipso solam originem significantes; et ideo in divinis personis utuntur nomine causæ. Aliquid enim inconvenienter in lingua latina dicitur quod propter proprietatem idiomatis convenienter in lingua græca dici potest. Non autem oportet si nomen causæ constituitur in divinis secundum græcos, quod eodem modo accipitur sicut cum de creaturis dicitur, prout in quatuor genera secundum philosophos dividitur.

AD NONUM dicendum, quod inter omnia ad originem spectantia magis convenit in divinis hoc nomen *principium*. Quia enim divina comprehendendi a nobis non possunt, convenientius a nobis significantur per nomina communia que indefinite aliquid significant, quam per nomina specialia, que definite rei species expriment; unde hoc nomen *qui est*, quod secundum Damascenum significat substantiæ pelagus infinitum, convenientissimum nomen dicitur esse, ut patet Exod., iii. Sicut autem causa communior est quam elementum, quod significat aliquid primum et simplex in genere causæ materialis; ita etiam principium est communius quam causa; nam prima pars motus vel lineæ dicitur principium sed non causa. In quo patet quod principium potest dici aliquid quod non est secundum essentiam distinctum, ut punctum lineæ; non autem causa, maxime si loquamur de causa originante, que est causa efficiens. Quamvis autem Pater dicatur esse principium Filii et Spiritus sancti, non tamen videtur indifferenter dicendum, quod Filius sit principium, vel etiam Spiritus sanctus, licet etiam hoc modo loquendi græci utantur, et possit apud sane intelligentes concedi; tamen ea que minorationem aliquam importare videntur, refugere debemus, ne Filio vel Spiritu sancto attribuantur, propter Ariarum errorem vitandum; sicut Hilarius (VII de Trin., a medio), etsi concedat Patrem

esse majorem Filio propter auctoritatem Origenis (1), non tamen concedit quod Filius sit minor Patre, cui est æquale esse donatum a Patre. Et similiter non est extendendum nomen sub-auctoritatis vel principii in Filio; licet nomen auctoritatis vel principii concedatur in Patre.

AD DECIMUM dicendum, quod licet principium secundum rationem nominis a prioritate sumatur, non tamen imponitur ad significandum prioritatem sed originem; sicut etiam hoc nomen *lapis* non imponitur ad significandum lesionem pedis, licet ab hoc nomine sumi videatur. Licet ergo Pater non sit prior Filio, est tamen ejus principium.

AD UNDICESIMUM dicendum, quod non omne principium est operativum vel factivum; neutro enim modo punctum est principium linee.

AD DODECIMUM dicendum, quod in Filio est aliquid commune Patri scilicet essentia; et aliquid per quod a Patre distinguitur, scilicet relatio. Non tamen est ibi compositio, quia relatio est secundum rem essentia, sicut ex superioribus disputationibus patet, quest. viii, art. 2.

AD DECIMUMTERTIUM dicendum, quod recipiens antequam recipiat, indiget; ad hoc enim accipit, ut indigentiam repleat; sed postquam jam acceperit non indiget, habet enim quo indigebat. Si ergo aliquid est quod receptioni non præexistit, sed semper est in recepisse, hoc nullo modo est indigens. Filius autem non sic accipit a Patre quasi prius non habens et postea accipiens; sed quia hoc ipsum quod est, habet a Patre. Unde non sequitur quod sit indigens.

AD DECIMUMQUARTUM dicendum, quod creatura accipit a Deo esse quoddam, quod non esset permanens, nisi divinitus conservaretur; et ideo etiam postquam esse accepit, indiget divina operatione ut conservetur in esse, et sic est nature indigens. Filius autem accipit a Patre idem numero esse et eandem naturam numero quam Pater habet; unde non est nature indigens.

AD DECIMUMQUINTUM dicendum, quod Filius in se consideratur secundum illud quod absolute habet, quod est Patris essentia; et secundum hoc non est nihil, sed unum cum Patre. Secundum vero quod refertur ad Patrem, consideratur ut recipiens esse a Patre; unde nec sic etiam est nihil; et ita nullo modo Filius est nihil. Esset autem in se consideratus nihil, si esset in eo aliquid absolutum distinctum a Patre, sicut est in creaturis.

AD DECIMUMSEXTUM dicendum, quod Filius ad hoc procedit ut sit; sed processio ejus est æterna, sicut processio splendoris a sole est ei cœva; et propter hoc etiam Filius est æternus.

AD DECIMUMSEPTIMUM dicendum, quod auctoritas in Patre

(1) *Forse originalis.*

non est aliud quam relatio principii. Secundum relationem autem non dicitur aliquid æquale vel inæquale, sed secundum quantitatem, ut Augustinus dicit (lib. vi de Trin., cap. xv, in fin. et lib. v, cap. vi, a med.); et propter hoc Filius non est inæqualis Patri.

ARTICULUS II. — *Utrum in divinis sit una tantum processio vel plures.* (I part., q. xxvii, art. 3.)

Secundo queritur, utrum in divinis sit una tantum processio vel plures. Et videtur quod sit una tantum. Dicit enim Boetius in lib. de Trinit. (circa med.), quod processio in Deo est substantialis. Substantialia autem non multiplicentur in divinis. Ergo processiones in divinis non sunt plures.

2. Sed dicendum, quod processiones in divinis non distinguuntur per distinctionem substantiæ, quæ secundum processionem communicatur, ratione cujus processiones substantiales dicuntur; sed distinguuntur seipsis. — Sed contra, quæcumque ab invicem distinguuntur, vel distinguuntur per divisionem materiæ, sicut individua ejusdem speciei; vel formaliter, sicut ea quæ differunt vel genere vel specie. Processiones autem non distinguuntur in divinis ad modum eorum quæ materialiter distinguuntur, cum Deus sit omnino immaterialis. Relinquitur ergo quod omnis distinctio quæ est in divinis, sit ad modum eorum quæ formaliter distinguuntur.

Omnis autem formalis distinctio est per aliquam oppositionem, et maxime eorum quæ sunt unius generis; nam genus dividitur contrariis differentibus, per quas species distinguuntur, ut dicitur in X Metaph. (com. xxv). Oportet ergo, si processiones distinguuntur in divinis, quod hoc sit ratione alicujus oppositionis. Processiones autem et actiones et motus non habent oppositionem ad invicem nisi ratione principiorum vel ratione terminorum, sicut patet de calefactione et infrigidatione, ascensu et descensu. Ergo impossibile est quod processiones in divinis distinguantur seipsis; sed si distinguuntur, oportet quod distinguantur ex parte principii processionis vel ex parte termini idest personæ ad quam processio terminatur.

3. Præterea, ea quæ possunt simul esse, non sunt distinctiva aliquorum; sicut album et dulce non sunt distinctiva duorum substantivorum, quia possunt eidem inesse; ex hoc enim unumquodque ab altero distinguitur quod unum eorum alterum esse non potest. Quod aliqua autem non possint esse simul, hoc contingit ex natura alicujus oppositionis; ea enim dicuntur esse opposita quæ simul esse non possunt. Nihil igitur distinguitur ab altero nisi ratione alicujus oppositionis; nam et in divisione quæ est secundum materiam, attenditur oppositio secundum situm, cum eadem divisio sit secundum quantitatem. Si ergo oppositio processionum esse non potest nisi ratione termino-

rum vel principiorum, ut dictum est, impossibile est quod processiones distinguantur seipsis.

4. Sed dicendum, quod processiones distinguuntur in divinis ex eo quod una est per modum naturæ, scilicet processio Filii, et altera per modum voluntatis, scilicet processio Spiritus sancti. — Sed contra, quod procedit naturaliter, procedit per modum naturæ, Spiritus sanctus autem procedit a Patre naturaliter; dicit enim Athanasius in epist. contra illos qui Spiritum sanctum dicunt creaturam circa medium, incipit: *Littera tui sanctissimæ*, quod est naturalis Spiritus Patris. Ergo procedit per modum naturæ.

5. Præterea, voluntas libera est. Quod ergo procedit per modum voluntatis, procedit per modum libertatis. Si ergo Spiritus sanctus procedit per modum voluntatis, oportet quod procedat per modum libertatis. Quod autem procedit per modum libertatis, potest procedere et non procedere et intantum vel non intantum procedere; quia que libere fiunt, non sunt determinata ad unum. Ergo Pater potuit producere Spiritum sanctum vel non producere, et dare ei quancumque mensuram magnitudinis vellet. Sequitur ergo quod Spiritus sanctus sit ens possibile, et non ens per se necesse esse; et sic non erit divina natura; quod est hæresis Macedoniane.

6. Præterea, Hilarius dicit (in lib. de Synod. a med.), differentiam assignans inter creaturas et Filium, quod omnibus creaturis substantiam Dei voluntas attulit. Filius autem naturali nativitate substantiam a Patre accepit. Si ergo Spiritus sanctus procedit per modum voluntatis, sequitur quod procedit sicut creaturae.

7. Præterea, natura et voluntas in Deo non differunt nisi secundum rationem. Si ergo processio Filii et Spiritus sancti distinguantur ex eo quod una est per modum naturæ, altera vero per modum voluntatis, sequitur quod processio Filii et Spiritus sancti non differant nisi ratione tantum; et ita Filius et Spiritus sanctus personaliter non distinguuntur.

8. Sed dicendum, quod vis spirativa et generativa in Patre differunt ratione tantum, et tamen hæc est distinctio realis in Filio et Spiritu sancto; et similiter natura et voluntas possunt realem distinctionem in processionibus et procedentibus constituere, licet differant ratione tantum. — Sed contra, Filius et Spiritus sanctus distinguuntur per ea que in eis sunt. Vis autem generativa non est in Filio, nec spirativa in Spiritu sancto. Ergo per hæc Filius et Spiritus sanctus non distinguuntur.

9. Præterea, ex hoc ostenditur quod generatio, que est processio per modum naturæ, est in divinis, quod ejus similitudo creature communicatur, ut patet Isai., ult., 9: *Nunquid ego qui generationem aliis tribuo sterilis ero?* Processio autem que est per modum voluntatis non communicatur creature;

non enim invenitur in creaturis aliquid quod naturam accipiat nisi per modum generationis. Non est ergo aliqua processio in divinis personis per modum voluntatis.

10. Præterea, modus aliquid adjecti rei et per consequens compositionem facit; et multo magis, si sit modorum pluralitas. Sed in divinis est omnimoda simplicitas. Ergo non est ibi modorum pluralitas, ut possit dici, quod Filius procedit uno modo, scilicet per modum naturæ; et Spiritus sanctus alio modo, scilicet per modum voluntatis.

11. Præterea, in divinis voluntas non plus differt a natura quam intellectus. Sed non est alia processio in divinis per modum intellectus ab ea que est per modum naturæ. Ergo etiam non est alia processio que est per modum voluntatis, ab ea que est per modum naturæ.

12. Sed dicendum, quod processio Spiritus sancti differt a processione Filii, ex eo quod processio Filii est a non procedente tantum, scilicet a Patre; processio autem Spiritus sancti est a non procedente et procedente, et simul, scilicet a Patre et Filio. — Sed contra, si ponantur due processiones in divinis, oportet quod differant numero tantum aut specie. Si numero tantum, sequitur quod utraque processio debeat dici generatio vel nativitas, et uterque procedens debeat dici filius; si autem differant specie, oportet quod natura per processionem communicata specie differat; sic enim specie differt processio hominis et equi a suo principio; non autem processio Socratis et Platonis. Cum ergo una tantum sit natura divina, non possunt esse plures processiones specie differentes, per hoc quod una est a procedente, alia vero non.

13. Præterea, Filius et Spiritus sanctus non distinguuntur ad modum eorum que specie differunt in creaturis; sunt enim unius naturæ hypostases. Processiones autem quibus procedunt aliqua que sunt specie unum, numero vero differentia, non differunt secundum speciem, sicut generatio Socratis et generatio Platonis. Ergo processio Filii et processio Spiritus sancti non sunt distincte processiones secundum speciem.

14. Præterea, sicut aliquid potest esse procedens a procedente, ita potest esse aliquid natus a nato, ut patet in hominibus, in quibus qui nascitur ab uno, habet alium de se natum. Si ergo in divinis sunt due processiones per hoc quod a procedente aliis procedit, pari ratione poterunt esse due generationes per hoc quod a genito aliis generatur.

15. Præterea, si processio Spiritus sancti distinguatur a processione Filii per hoc quod Spiritus sanctus procedit a non procedente et procedente, id est a Patre et Filio, aut procedit ab eis inquantum sunt unum, aut inquantum sunt plures. Si inquantum sunt plures, sequitur quod Spiritus sanctus sit compositus: nam processio unius simplicis non potest esse nisi ab uno sicut



a principio. Si autem procedit ab eis in quantum sunt unum, nihil differt quod procedit a pluribus, aut quod procedit ab uno solo. Non ergo potest processio Spiritus sancti distingui a processione Filii per hoc quod Filius procedit ab uno solo, sed Spiritus sanctus a duobus.

16. Præterea, processio condividitur paternitati et filiationi; dicuntur enim tres esse proprietates personales. Sed in divinis est tantum una paternitas et una filiatio. Ergo etiam tantum una processio.

17. Præterea, in creaturis non invenitur nisi unus processiois modus per quem communicetur natura, propter quod Commentator dicit (in VII Phys., com. xxiii), quod non sunt eadem specie animalia que generantur ex semine, et que generantur sine semine per putrefactionem. Natura autem divina est una tantum. Ergo non potest communicari nisi per unum modum processiois; non sunt ergo plures processiones in divinis.

18. Præterea, Filius procedit a Patre ut splendor, secundum illud Heb., i, 3: *Qui cum sit splendor gloriae*; et hoc ideo, quia Filius procedit a Patre ut coæternus ei, sicut splendor a sole vel ab igne. Sed similiter Spiritus sanctus procedit a Patre coæternus ei. Ergo procedit ab eo eodem modo sicut Filius; et ita non sunt plures processiones in divinis.

19. Præterea, processio æterna divine personæ est ratio et causa temporalis processiois creature et ejus quod in creatura est. Unde Augustinus super Genes., ad litt. (lib. II, cap. vi, a med.), sic exponit illud quod dicitur Genes., ii: *Dixit et factum est; et verbum genuit, in quo erat et fieret*. Filius autem est perfecte ratio et causa productionis creature. Non ergo oportet esse aliam processioem divine personæ præter processioem Filii.

20. Præterea, quanto natura est perfectior, tanto per pauciora operatur. Sed natura divina est perfectissima. Cum ergo natura creata una non communicetur nisi per unum modum processiois, nec divina natura communicari poterit nisi per unum processiois modum.

21. Præterea, ab uno simplici non potest esse nisi unum. Sed Pater est unum simplex. Ergo ab eo non potest esse nisi processio una; non sunt ergo processiones plures in divinis.

22. Præterea, unumquodque ex hoc generari dicitur quod accipit formam; non generatio in rebus creatis est mutatio ad formam. Sed Spiritus sanctus sua processione accipit formam, id est essentialiam divinam, de qua dicitur Philipp., ii, 6: *Cum in forma Dei esset, non rapinam arbitratus est esse se æqualem Deo*. Ergo processio Spiritus sancti est generatio; et ita non differt a generatione Filii.

23. Præterea, nativitas est via in naturam, sicut ipsam

nomen demonstrat. Sed per processioem Spiritus sancti communicatur ei divina natura. Ergo processio Spiritus sancti est nativitas; non ergo differt a processione Filii; et ita non sunt duæ processiones in divinis.

Sed contra videtur quod sunt in divinis plures processiones quam duæ. Est enim processio per modum nature, secundum quam Filius nominatur, et processio per modum intellectus, secundum quod nominatur verbum, et processio per modum voluntatis, secundum quam nominatur in divinis amor procedens. Sunt ergo in divinis tres processiones.

2. Sed dicendum, quod una et eadem est processio in divinis que est per modum nature et que est per modum intellectus; nam idem est Filius et Verbum. — Sed contra, processiones creaturarum exemplata sunt a processioibus divinarum personarum; unde dicitur Ephes., III, de Deo patre, quod ex eo omnis paternitas in celo et in terra nominatur. Sed in creaturis alia est processio nature, secundum quam homo generat hominem; et alia processio intellectus, secundum quam intellectus producit verbum. Ergo nec etiam in divinis est una processio que est per modum intellectus et que est per modum nature.

3. Præterea, secundum Dionysium (II cap. de divin. Nomin.), ad divinam bonitatem pertinet ut procedat. Sed Pater est summe bonus. Ergo procedit. Sunt ergo in divinis tres processiones; una qua procedit Pater, et alia qua procedit Filius, et tertia qua procedit Spiritus sanctus.

Sed contra, videtur quod in divinis sint duæ tantum processiones. Dicit enim Augustinus in V de Trinit., quod processio Filii, generata vel nativitas est; processio autem Spiritus sancti, nativitas non est; utraque tamen ineffabilis est. Sunt ergo in divinis duæ tantum differentes processiones.

Respondeo dicendum, quod hæreticorum instantia cogit antiquos fidei doctores de his que sunt fidei disputare. Arius enim estimavit quod esse ab alio divine refigurata nature; unde posuit quod Filius et Spiritus sanctus, qui in Scripturis sanctis ab alio esse dicuntur, sint creature. Ad ejus erroris destructionem necessarium fuit sanctis Patribus manifestare quod non est impossibile esse aliquid procedens a Deo Patre quod sit ei coessentialiter, in quantum accipit ab eo eandem naturam quam Pater habet. Sed quia Filius ex eo quod accipit a Patre ejus naturam, dicitur ab eo natus vel genitus; Spiritus sanctus autem non dicitur in Scripturis natus vel genitus, et tamen (1) dicitur esse a Deo, estimavit Macedonius quod Spiritus sanctus non sit coessentialis Patri, sed sit ejus creatura; non enim credebatur quod aliquis possit ab alio naturam ejus accipere nisi ab eo nasceretur et ejus filius esset. Unde

(1) *AL. et cum.*

astinavit infallibiliter sequi, si Spiritus sanctus accipit a Patre naturam et essentialiam ejus, quod sit genitus et filius. Et ideo ad hujus erroris exclusionem et necessarium fuit quod doctores nostri manifestarent quod divina natura potest communicari duplici processione; quarum una est generatio vel nativitas, alia vero non; et hoc est querere processionum distinctionem in divinis.

Quidam ergo dixerunt, quod processionem in divinis distinguunt seipsis; et ratio hujus positionis fuit quia ponebant quod relationes non distinguunt divinas hypostases, sed earum distinctionem manifestant tantum, destinantes quod relationes in divinis essent ad modum proprietatum individualium in rebus creatis, quarum distinctionem individuorum non causant, sed manifestant tantum. Dicunt ergo quod hypostases in divinis distinguuntur solum per originem. Et quia ea quibus primo aliqua distinguuntur, oportet quod seipsis distinguantur, sicut differentia opposita, quibus species differunt, distinguuntur seipsis, ne in infinitum procedatur; ideo dicunt, quod processionem in divinis distinguunt seipsis. Hoc autem non potest esse verum; nam utinam quodque distinguatur ab alio secundum speciem per id a quo speciem habet, et secundum numerum per id a quo individuatur. Differentia autem inter processionem divinas oportet quod sit non solum sicut ea quae differunt numero tantum, sed etiam sicut ea quae differunt specie, cum una sicut generatio, alia vero non. Relinquitur ergo quod processionem divinarum distinguantur secundum id a quo speciem habent. Nulla autem processio nec operatio nec motus habet speciem a se, sed sortitur speciem a termino vel a principio. Unde nihil est dictum, quod processionem aliquam distinguantur seipsis; sed oportet quod distinguantur penes principia vel penes terminos.

Et ideo dixerunt quidam, quod processionem in divinis distinguantur penes principia, secundum hoc dico, quod una processio est per modum naturae vel intellectus, alia vero per modum voluntatis; nomina enim intellectus et voluntatis significare videntur quaedam operationum et processionum principia. Sed si quis diligenter consideret, de facili videre potest quod hoc non sufficit ad divinarum processionum distinctionem, nisi aliud addatur. Cum enim oporteat in procedente inveniri similitudinem ejus quod est processionis principium, sicut in rebus creatis similitudinem formae generantis necesse est esse in genito; oportet, si processionem in divinis distinguatur per hoc quod principium unius est natura vel intellectus, alterius vero voluntas, quod in procedente secundum unam processionem invenitur tantum id quod natura est vel intellectus; in altero vero id quod est voluntatis tantum; quod patet esse falsum. Nam per unam processionem, quae est Filii a Patre, communicat

Pater Filio quidquid habet, et naturam et intellectum et potentiam et voluntatem, et quidquid absolute dicitur: ut sicut Filius est verbum, id est sapientia genita, ita posset dici natura vel voluntas vel potentia genita, id est per generationem accepta, vel magis hujusmodi per generationem accipiens. Unde patet quod ex quo omnia attributa essentialia concurrunt in unam processionem Filii (1), non possit processionum differentia inveniri secundum rationes attributorum diversas; ita quod per unam processionem attendatur communicatio unius attributi, et per aliam communicatio alterius. Cum autem processio terminus sit habere (cum ad hoc procedat persona divina ut habeat quod accipit procedendo), processionem autem secundum terminos distinguatur, necesse est ut sicut habens distinguatur in divinis, ita distinguatur et procedens. Habens autem non distinguatur in divinis ab habente per hoc quod hic habeat haec attributa, ille vero alia; sed per hoc quod eadem unus habet ab alio. Nam omnia quae habet Pater, habet Filius; sed in hoc distinguatur Filius a Patre, quia Filius habet ea a Patre. Sic ergo procedens ab alio procedente distinguatur non quia unus haec procedendo accipiat, alius illa, sed quia unus eorum ab alio accipit. Quidquid ergo invenitur in processione divina quod statim in una processione potest intelligi nulla alia preintellecta, unus tantum processionis est; ibi vero statim alia processio inveniri potest, ubi eadem quae per primam processionem sunt accepta, iterum derivantur in aliam. Et sic solus ordo processionum qui attenditur secundum originem, processionem multiplicat in divinis. Unde convenienter dixerunt qui posuerunt unam processionem esse per modum naturae et intellectus, aliam per modum voluntatis, quantum ad id quod processio quae est secundum naturam vel intellectum non praerigit aliam processionem; processio autem quae est per modum voluntatis, aliam processionem praerigit. Nam amor alicujus rei non potest a voluntate procedere nisi preintellectur processisse ab intellectu illius rei verbum conceptum; hominum enim intellectum est obiectum voluntatis.

At primum ergo dicendum, quod processio in divinis dicitur esse substantialis quia non secundum aliquid accidens attenditur; sed per eam, substantiam recipit persona procedens.

SECUNDUM ET TERTIUM concedimus.

Ad quartum dicendum, est, quod nihil prohibet a voluntate aliquid naturaliter procedere. Voluntas enim naturaliter tendit in ultimum finem, sicut et qualibet alia potentia naturaliter operatur ad suum obiectum; et inde est quod homo naturaliter appetit felicitatem; et eodem modo Deus naturaliter amat suam bonitatem, sicut etiam naturaliter intelligit suam

(1) *Al. requiritur quod.*

veritatem. Sicut ergo Filius naturaliter procedit a Patre in verbum, ita Spiritus sanctus naturaliter procedit ab eo in amor. Nec tamen Spiritus sanctus procedit per modum nature; hoc enim procedere dicitur in divinis per modum nature quod procedit sicut ea que in creaturis a natura producuntur, et non a voluntate. Sic ergo differt naturaliter produci, et produci per modum nature; dicitur enim aliquid produci naturaliter propter naturalem habitudinem quam habet ad suum principium; per modum vero nature produci dicitur quod produciatur ab aliquo principio sic producente sicut natura producit.

Ad quintum dicendum, quod naturalis necessitas secundum quam voluntas aliquid ex necessitate velle dicitur, in felicitatem, libertati voluntatis non repugnat, ut Augustinus docet (in V. lib. de civit. Dei, cap. x). Libertas enim voluntatis, violentie vel coercionis opponitur. Non est autem violentia vel coactio in hoc quod aliquid secundum ordinem sue nature movetur, sed magis in hoc quod naturalis motus impeditur; sicut cum impeditur grave ne descendat ad medium; unde voluntas libera appetit felicitatem, licet necessario appetat illam. Sic autem et Deus sua voluntate libere amat seipsum, licet de necessitate amet seipsum. Et necessarium est quod tantum amet seipsum quantum bonus est, sicut tantum intelligit seipsum quantum est. Libera ergo Spiritus sanctus procedit a Patre, non tamen possibiliter, sed ex necessitate. Nec possibile fuit ipsum procedere minorum Patre; sed necessarium fuit ipsum Patri esse aequalem, sicut et Filium, qui est verbum Patris.

Ad sextum dicendum, quod creatura non procedit a voluntate divina naturaliter neque ex necessitate; licet enim Deus sua voluntate naturaliter ex necessitate amet suam bonitatem, et talis amor procedens sit Spiritus sanctus; non tamen naturaliter aut ex necessitate vult creaturas produci, sed gratis. Non enim creaturæ sunt ultimus finis voluntatis divine, neque ab eis dependet bonitas Dei, qui est ultimus finis, cum ex creaturis divine bonitati nihil accrescat; sicut etiam homo ex necessitate vult felicitatem; non tamen ea que ad felicitatem ordinantur.

Ad septimum dicendum, quod licet natura et voluntas in Deo non differant re, sed ratione tantum; tamen ille qui procedit per modum voluntatis, oportet quod realiter differat ab eo qui procedit per modum nature, et una processio realiter ab alia differat. Dicitur enim, quod processio per modum nature intelligitur quando aliquid procedit ab aliquo sicut illud quod procedit a natura; et similiter per modum voluntatis quando procedit sicut id quod procedit a voluntate. Semper enim voluntas aliquid producit aliqua processione præsupposita. Non enim voluntas in aliquid tendit nisi præexistente

productione intellectus aliquid concipientis; cum bonum intellectum moveat voluntatem. Processio autem que est a naturali agente, non presupponit aliam processionem nisi per accidens, in quantum scilicet unum naturale agens dependet ab alio naturali agente; sed tamen hoc non pertinet ad rationem nature in quantum natura est. Unde illa processio per modum nature intelligitur in divinis que nullam aliam præsupponit; illa vero per modum voluntatis que ex præsupposita processione principium sumit. Et sic oportet processionem esse ex processione, et procedentem ex procedente; hoc autem facit realem differentiam in divinis.

OCTAVUM concedimus.

Ad octavum dicendum, quod utriusque processionis similitudinem Deus indidit creaturis; sed tamen per processionem que est per modum nature, natura in rebus creatis communicari potest; effectus enim est similis agenti in quantum est agens; unde per actionem cuius natura est principium, effectus naturam recipere potest; sed per actionem cuius voluntas est principium, effectus non potest recipere nisi similitudinem eius quod est in voluntate, sicut finis vel forme, ut in artificialibus patet. Quicquid autem est in Deo, est divina natura; unde oportet quod per utramque processionem natura communicetur.

Ad decimum dicendum, quod cum dicitur in divinis processio per modum nature vel voluntatis, non ponitur in Deo modus qui sit qualitas divine substantie superaddita, sed ostenditur similitudinis ejusdem comparatio inter processionem divinas et processionem que sunt in rebus creatis.

Ad undecimum dicendum, quod in divinis processio que est per modum intellectus, non distinguitur a processione que est per modum nature; distinguitur autem ab utraque processio que est per modum voluntatis; et hoc propter tria. Primo quidem, quia sicut processio que est per modum nature, non præexigit aliam processionem, ita nec processio que est per modum intellectus; processio autem que est per modum voluntatis, de necessitate præexigit processionem que est per modum intellectus. Secundo, quia sicut natura producit aliquid in similitudinem sui, ita et intellectus tam intra quam extra; intra quidem, sicut verbum est similitudo rei intellecte, et intellectus intelligentis seipsum; extra autem, sicut forma intellecta inducitur in artificiatum. Voluntas autem non producit suam similitudinem nec intus nec extra. Intus quidem non, quia amor, qui est intranea processio voluntatis, est similitudo aliqua voluntatis vel voliti, sed quedam impressio relicta ex voluntate in volito, aut quedam unio unius ad alterum. Extra autem non, quia voluntas exprimit in artificiatum formam intellectam prius quam volitam secundum ordinem rationis;

unde principaliter est similitudo intellectus, licet secundario voluntatis. Tertio, quia processio nature est tantum ab uno sicut ab agente, si sit perfectum agens. Nec obstat quod in animalibus generatur aliquid ex duobus, scilicet ex patre et matre; nam solus pater est agens in generatione, mater vero patiens. Similiter autem processio intellectus est ab uno solo; sed amicitia, quæ est amor mutus, procedit ex duobus ab invicem se amantibus.

Ad **DECIMUMTERTIUM** dicendum, quod licet in divinis non proprio dicatur genus et species, vel universale et particulare; tamen ut de divinis secundum quandam similitudinem creaturarum loquamur, Pater et Filius et Spiritus sanctus distinguuntur sicut plura individua unius speciei, ut etiam Damascenus dicit (lib. III orth. Fidei, cap. IV, et princ.). Sed attendendum est, quod in aliquo individuo in genere substantie possumus speciem dupliciter considerare: uno modo speciem hypostasim ipsius; alio modo speciem proprietatis individualis. Dato enim quod Socrates sit albus et Plato sit niger; et posito quod albedo et nigredo sint proprietates individuantes Socratem et Platone, verum erit dicere, quod Socrates et Plato sunt unum speciem, sub qua specie hypostases continentur. Conveniunt enim in humanitate, sed distinguuntur secundum speciem proprietatis; albedo enim et nigredo specie differunt; et similiter est in Patre et Filio. Considerantur enim ut unum speciem, cujus istæ hypostases sunt supposita, in quantum conveniunt in una natura deitatis; sed secundum speciem proprietatis personalis inveniuntur differre; paternitas enim et filiatio sunt relationes secundum speciem diversæ. Sciendum est etiam, quod generatio in rebus creatis per se ordinatur ad speciem; natura enim intendit generare hominem; unde et natura speciei per generationem multiplicatur in rebus creatis. Processio autem in divinis est ad multiplicationem hypostasum, in quibus natura divina una numero invenitur; unde processionem in divinis sunt differentes quasi secundum speciem, propter differentiam proprietatum personalium, licet in procedentibus sit una natura communis.

Et per hoc patet solutio ad **DECIMUMTERTIUM** et ad **DECIMUMQUARTUM**.

Ad **DECIMUMQUINTUM** dicendum, quod Spiritus sanctus procedit a Patre et Filio in quantum sunt plures; si habeatur respectus ad supposita spirantia. Cum enim Spiritus sanctus sit amor mutus et nexu duorum, oportet quod a duobus spiraret. Sed si habeatur respectus ad id quo spirantes spirant; sic procedit ab eis, in quantum sunt unum in natura divina. Non enim potest ad aliquid procedere Deus nisi a Deo.

Ad **DECIMUMSEXTUM** dicendum, quod processio quæ condicitur paternitati et filiationi, est proprietatis personalis Spiritus

sancti; quæ licet sit relatio, quia tamen non est nominata, sicut paternitas et filiatio, significatur nomine processionis, ac si filiatio esset innominata, et significaretur nomine nativitatis, quod est speciale nomen processionis Filii. Processio autem Spiritus sancti non habet speciale nomen, eo quod per talem modum processionis non invenitur in creaturis aliqua natura communicari, ut jam dictum est. Nomina vero a creaturis in divina transferimus; unde non sequitur quod processio communis in divinis sit una tantum.

Ad **DECIMUMSEPTIMUM** dicendum, quod in creatura quæ est accidentium susceptiva, potest aliquid esse quod non est rei natura; non autem in Deo et propter hoc in divinis secundum quemlibet modum processionis communicatur natura, non autem in creaturis; licet enim sint in eis processionem diverse, tamen natura non communicatur nisi per unum modum.

Ad **DECIMUMOCTAVUM** dicendum, quod procedere a Patre secundum modum coeternitatis competit processionem Filii in quantum est processio divina; unde convenit etiam processionem Spiritus sancti; tamen non competit processionem Filii secundum quod distinguitur a processionem Spiritus sancti.

Ad **DECIMUMNONUM** dicendum, quod Filius est sufficiens ratio processionis temporalis creature ut verbum et exemplar; sed oportet quod Spiritus sanctus sit ratio processionis creature ut amor. Sicut enim dicitur Sapient., IX, quod Deus facit omnia suo verbo, ita dicitur Sapient., XI, quod diligit omnia quæ sunt, et nihil odit eorum quæ fecit; et Dionysius dicit (in IV cap. de divin. Nomin.), quod divinus amor non permisit ipsum sine germine esse.

Ad **VIGESIMUM** dicendum, quod natura perfecta in multis operationem potest, licet ad unamquamque operationem ei pauca sufficiant.

Ad **VIGESIMUMPRIMUM** dicendum, quod a Patre uno et solo, est una sola processio, scilicet Filii; a Patre autem et a Filio simul, est alia processio, scilicet Spiritus sancti.

Ad **VIGESIMUMSECUNDUM** dicendum, quod processio Spiritus sancti est processio amoris. Per processionem autem amoris non producitur aliquid ut recipiens formam ejus a quo procedit, sive naturam; et ideo processio amoris non habet rationem generationis vel nativitatis. Sed quod Spiritus sanctus naturam et formam Dei Patris recipiat sua processionem, hoc habet in quantum est amor Dei, in quo non est aliquid quod non sit de natura ipsius.

Et per hoc patet responsio ad **VIGESIMUMTERTIUM**.

Ad ea etiam quibus ostendebatur quod sunt in divinis plures processionem quam due, respondendum est.

Ad quorum **PRIMUM** dicendum, quod in divinis una et eadem est processio quæ est per modum intellectus et quæ est

per modum nature, ut supra, in solut. ad 7 et 11 Arg., ostensum est.

Ad secundum dicendum, quod natura humana materialis est, id est ex materia et forma composita; et ideo in hominibus processio per modum nature non potest esse nisi secundum aliquam transmutationem naturalem; processio autem quæ est per modum intellectus, semper est immaterialis, secundum quod ipse intellectus immaterialis est; unde in hominibus non potest esse una et eadem processio quæ est per modum nature et quæ est per modum intellectus; in divinis autem est una et eadem, eo quod natura divina immaterialis est.

Ad tertium dicendum, quod aliud est procedere in alterum, et aliud est procedere ab alio; procedere enim in alterum est suam similitudinem alteri communicare; et per hunc modum est intelligenda divine bonitatis processio in creaturis, secundum Dionysium; procedere autem ab alio est esse ab alio habere; et sic loquitur hic de processione, secundum quem modum constat quod non convenit Patri procedere.

ARTICULUS III. — *De ordine processionis ad relationem in divinis.*  
(I part., quæst. XLII, art. 3.)

Tertio quaeritur de ordine processionis ad relationem in divinis. Et videtur quod processio secundum intellectum sit prior relatione in divinis. Dicit enim Magister, in xxvii dista. II lib. Senten., quod Pater semper est Pater, quia semper genuit Filium. Generatio autem processionem significat, Pater autem relationem. Ergo processio secundum intellectum præcedit relationem in divinis.

2. Præterea, Philosophus dicit (in V Metaph., com. xx), quod relationes ex actionibus nascuntur, vel ex quantitativis. Constat autem quod relationes divine non innascuntur ex quantitate. Ergo secundum modum intelligendi consequuntur ex actione. Processiones autem in divinis personis significantur per modum personalium actionum. Ergo processiones in divinis præcedunt secundum intellectum relationes.

3. Præterea, absolutum est prius relativo, sicut unum est prius quam multa. Sed actiones magis ad absoluta accedunt quam relationes. Ergo priores sunt secundum intellectum.

4. Præterea, omne relativum ad aliud dicitur. Non autem potest esse aliud ubi non est distinctio. Ergo relatio distinctivam præsupponit. Distinctio autem in divinis personis est secundum originem, prout scilicet unus procedit ab alio. Ergo processiones secundum intellectum præcedunt relationes in divinis.

5. Præterea, omnis processio præcedit, secundum intellectum, processionis terminum. Filiatio autem quæ est relatio Filii, est terminus nativitatis, quæ est ejusdem Filii processio.

Ergo processio Filii præcedit filiacionem. Sed filiatio et paternitas sunt simul non solum natura et tempore, sed etiam intellectus; quia unum relativorum est de intellectu alterius. Nativitas ergo Filii præcedit paternitatem secundum intellectum, et multo magis generatio, quæ est actus Patris. Processiones ergo simpliciter relationes præcedunt secundum intellectum in divinis.

Sed contra, prius secundum intellectum est persona quam actio personalis. Relationes autem sunt constitutive personarum, processionibus autem sunt quasi personales actiones. Ergo prius secundum intellectum sunt relationes quam processionibus.

Præterea, processio oportet quod sit alicujus ab alio; sicut enim nulla res generat seipsam ut sit, ut Augustinus dicit (in I de Trin., cap. i, ante med.), ita nulla res a seipsa procedit. Processio ergo distinctionem in divinis requirit. Distinctio autem non est in divinis nisi per relationes. Ergo processionibus in divinis præsupponunt relationes.

Respondeo dicendum, quod ordo absque distinctione non est. Unde ubi non est distinctio secundum rem, sed solum secundum modum intelligendi, ibi non potest esse ordo nisi secundum modum intelligendi. Distinctio autem secundum rem in divinis non est, nisi personarum ad invicem, et oppositarum relationum; unde in divinis non est ordo realis nisi quantum ad personas, inter quas est ordo nature, secundum Augustinum, prout est alter ex altero, non quod alter sit prior altero. Processiones autem et relationes non distinguuntur in divinis secundum rem, sed solum secundum modum intelligendi. Unde et Augustinus (Fulgentius) dicit (de Fide ad Petrum, cap. ii, in princ.) quod proprium Patris est quod genuit Filium. In quo datur intelligi, quod generare Filium sit proprietas Patris; nec est alia proprietas quam paternitas, quia dicitur esse Patris proprietas personalis. Non est ergo inter processionem et relationem in divinis querendus ordo secundum rem, sed secundum modum intelligendi tantum. Sicut autem relatio et processio in divinis sunt idem secundum rem, et differunt secundum rationem tantum; ita et ipsa relatio, quamvis sit una secundum rem, est tamen multiplex secundum modum intelligendi. Intelligimus enim ipsam relationem ut constitutivam personæ; quod quidem non habet in quantum est relatio; quod ex hoc patet, quia relationes in rebus humanis non constituunt personas, cum relationes sint accidentia; persona vero est aliquid subsistens in genere substantia; substantia autem per accidens constitui non potest. Sed habet hoc relatio in divinis quod personam constituit in quantum est divina relatio; ex hoc enim habet quod sit idem cum divina essentia, cum in Deo nullum accidens esse possit; relatio enim, quia secundum rem est ipsa

natura divina, hypostasim divinam constituere potest. Est ergo alius modus intelligendi quo intelligitur relatio ut constitutiva divine personæ, et alius quo intelligitur relatio ut relatio est. Unde nihil prohibet quod quantum ad unum modum intelligendi, relatio præsupponat processionem, quantum vero ad alium sit e converso. Sic ergo dicendum est, quod si consideretur relatio ut relatio est, præsupponit processionem; si autem consideretur ut est constitutiva personæ, sic relatio quæ est constitutiva personæ, a qua est processio, est prior secundum intellectum quam processio; sicut paternitas in quantum est constitutiva personæ Patris, est prior secundum intellectum quam generatio. Relatio autem quæ est constitutiva personæ procedentis etiam in quantum est constitutiva personæ, est posterior secundum intellectum quam processio, sicut filiatio quam natiuitas; et hoc ideo quia persona procedens intelligitur ut terminus processionis.

Ad primum ergo dicendum, quod Magister loquitur de paternitate considerata secundum quod relatio est.

Et similiter dicendum ad secundum et tertium.

Ad quartum dicendum, quod in rebus in quibus relationes sunt accidentia, oportet quod relatio præsupponat distinctionem; in divinis autem relationes constituent tres personas distinctas.

Ad quintum dicendum, quod paternitas est de intellectu filiationis, et e converso, secundum quod utrumque consideratur ut relatio quædam. Sic autem dicimus, quod relationes consequuntur processionem ordine intellectus.

Aliæ duæ rationes procedunt de relationibus secundum quod sunt constitutivæ personarum.

ARTICULUS IV. — *Utrum Spiritus sanctus procedat a Filio.*

(I part. quest. xxxvi, art. 2; et I Sent., dist. 1, art. 1; et IV contr. Gent., cap. xxiv et xxv.)

Quarto quaeritur, utrum Spiritus sanctus procedat a Filio. Et videtur quod non. Dicit enim Dionysius (in iii cap. de divin. Nomin.), quod Filius et Spiritus sanctus sunt sicut flores de genere divinitatis. Flos autem non est a flore. Ergo Spiritus sanctus non est a Filio.

2. Præterea, si Filius est principium Spiritus sancti, aut hoc habet a se, aut ab alio. A se non habet; non enim Filio in quantum Filius est, convenit esse principium, sed magis esse a principio. Si autem habet a Patre, oportet quod hoc modo sit principium sicut Pater. Pater autem est principium per generationem. Ergo Filius erit principium Spiritus sancti per generationem; et ita Spiritus sanctus erit filius Filii.

3. Præterea, quidquid est commune Patri et Filio, similiter convenit utrique. Si ergo esse principium est commune Patri et

Filio, Filius erit principium eo modo quo Pater. Pater autem est principium per generationem. Ergo et Filius; et sic idem quod prius.

4. Præterea, Filius ideo Filius est, quia procedit a Patre et est verbum ipsius; Spiritus autem sanctus dicitur verbum Filii, secundum Basilium (lib. V contra Eunomium, in cap. incipiente, *Propterea*), qui hoc accipit ex eo quod Apostolus dicit Hebr., 1, quod Filius portat omnia verbo virtutis suæ. Si ergo Spiritus sanctus procedit a Filio, oportet quod sit filius Filii.

5. Præterea, licet secundum rem paternitas et filiatio per prius sit in Deo quam in nobis, secundum illud Apostoli ad Ephes. iii, 15: *Ex quo*, scilicet Deo Patre, *omnis paternitas in celo et in terra nominatur*; tamen secundum nominis impositionem hæc nomina translata sunt ab humanis ad divina. Sed in humanis procedens a filio vocatur nepos. Si ergo Spiritus sanctus procedit a Filio, erit nepos Dei Patris; quod est absurdum.

6. Præterea, proprietas Filii est in accipiendo; ex hoc enim Filius dicitur quod accipit naturam Patris per generationem. Si ergo Filius ex se emittat Spiritum sanctum, erunt in Filio proprietates contrariæ; quod est inconveniens.

7. Præterea, quicquid est in divinis, aut est commune, aut proprium. Emittere autem Spiritum sanctum non est commune toti Trinitati; non enim convenit Spiritui sancto. Ergo est proprium Patris, et sic non convenit Filio.

8. Præterea, Spiritus sanctus amor est, ut Augustinus probat in lib. de Trin. Amor autem Patris in Filium gratuitus est; non enim amat Filium quasi aliquid ab eo accipiens, sed solum quasi aliquid ei dans. Amor autem Filii in Patrem est amor debitus; sic enim amat Patrem quasi aliquid ab eo accipiens. Amor autem debitus est alius ab amore gratuito. Si ergo Spiritus sanctus sit amor a Patre et Filio procedens, sequitur quod sit alius a seipso.

9. Præterea, Spiritus sanctus est amor gratuitus; unde et ab eo profundunt divisiones gratiarum, secundum illud I ad Corinth., xii, 4: *Divisiones gratiarum sunt, idem vero spiritus*. Si ergo amor Filii in Patrem non est amor gratuitus, Spiritus sanctus non erit amor Filii; non ergo procedit a Filio.

10. Præterea, si Spiritus sanctus procedit a Filio ut amor, cum Filius amet Patrem sicut Pater filium, oportebit quod Spiritus sanctus sicut procedit a Patre in Filium, ita procedat a Filio in Patrem. Hoc autem est impossibile, ut videtur; sequeretur enim quod Pater aliquid a Filio reciperet, quod penitus esse non potest.

11. Præterea, sicut Pater et Filius diligunt se; ita Filius et Spiritus sanctus, vel Pater et Spiritus sanctus. Si ergo Spiritus sanctus procedit a Patre et Filio, quia Pater et Filius diligunt

natura divina, hypostasim divinam constituere potest. Est ergo alius modus intelligendi quo intelligitur relatio ut constitutiva divine personae, et alius quo intelligitur relatio ut relatio est. Unde nihil prohibet quod quantum ad unum modum intelligendi, relatio praesupponat processionem, quantum vero ad alium sit e converso. Sic ergo dicendum est, quod si consideretur relatio ut relatio est, praesupponit processionem intellectum; si autem consideretur ut est constitutiva personae, sic relatio quae est constitutiva personae, a qua est processio, est prior secundum intellectum quam processio; sicut paternitas in quantum est constitutiva personae Patris, est prior secundum intellectum quam generatio. Relatio autem quae est constitutiva personae procedentis etiam in quantum est constitutiva personae, est posterior secundum intellectum quam processio, sicut filiatio quam nativitas; et hoc ideo quia persona procedens intelligitur ut terminus processionis.

Ad primum ergo dicendum, quod Magister loquitur de paternitate considerata secundum quod relatio est.

Et similiter dicendum ad secundum et tertium.

Ad quartum dicendum, quod in rebus in quibus relationes sunt accidentia, oportet quod relatio praesupponat distinctionem; in divinis autem relationes constituent tres personas distinctas.

Ad quintum dicendum, quod paternitas est de intellectu filiationis, et e converso, secundum quod utrumque consideratur ut relatio quaedam. Sic autem dicimus, quod relationes consequuntur processionem ordine intellectus.

Aliae duae rationes procedunt de relationibus secundum quod sunt constitutiva personarum.

#### ARTICULUS IV. — *Utrum Spiritus sanctus procedat a Filio.*

(I part. quest. xxxvi, art. 2; et I Sent., dist. 1, art. 1; et IV contr. Gent., cap. xxiv et xxv.)

Quarto quaeritur, utrum Spiritus sanctus procedat a Filio. Et videtur quod non. Dicit enim Dionysius (in iii cap. de divin. Nomin.), quod Filius et Spiritus sanctus sunt sicut flores de genere divinitatis. Flos autem non est a flore. Ergo Spiritus sanctus non est a Filio.

2. Praeterea, si Filius est principium Spiritus sancti, aut hoc habet a se, aut ab alio. A se non habet; non enim Filio in quantum Filius est, convenit esse principium, sed magis esse a principio. Si autem habet a Patre, oportet quod hoc modo sit principium sicut Pater. Pater autem est principium per generationem. Ergo Filius erit principium Spiritus sancti per generationem; et ita Spiritus sanctus erit filius Filii.

3. Praeterea, quidquid est commune Patri et Filio, similiter convenit utrique. Si ergo esse principium est commune Patri et

Filio, Filius erit principium eo modo quo Pater. Pater autem est principium per generationem. Ergo et Filius; et sic idem quod prius.

4. Praeterea, Filius ideo Filius est, quia procedit a Patre et est verbum ipsius; Spiritus autem sanctus dicitur verbum Filii, secundum Basilium (lib. V contra Eunomium, in cap. incipiente, *Propterea*), qui hoc accipit ex eo quod Apostolus dicit Hebr., 1, quod Filius portat omnia verbo virtutis suae. Si ergo Spiritus sanctus procedit a Filio, oportet quod sit filius Filii.

5. Praeterea, licet secundum rem paternitas et filiatio per prius sit in Deo quam in nobis, secundum illud Apostoli ad Ephes. iii, 15: *Ex quo*, scilicet Deo Patre, *omnis paternitas in caelo et in terra nominatur*; tamen secundum nominis impositionem haec nomina translata sunt ab humanis ad divina. Sed in humanis procedens a filio vocatur nepos. Si ergo Spiritus sanctus procedit a Filio, erit nepos Dei Patris; quod est absurdum.

6. Praeterea, proprietas Filii est in accipiendo; ex hoc enim Filius dicitur quod accipit naturam Patris per generationem. Si ergo Filius ex se emittat Spiritum sanctum, erunt in Filio proprietates contrariae; quod est inconveniens.

7. Praeterea, quicquid est in divinis, aut est commune, aut proprium. Emittere autem Spiritum sanctum non est commune toti Trinitati; non enim convenit Spiritui sancto. Ergo est proprium Patris, et sic non convenit Filio.

8. Praeterea, Spiritus sanctus amor est, ut Augustinus probat in lib. de Trin. Amor autem Patris in Filium gratuitus est; non enim amat Filium quasi aliquid ab eo accipiens, sed solum quasi aliquid ei dans. Amor autem Filii in Patrem est amor debitus; sic enim amat Patrem quasi aliquid ab eo accipiens. Amor autem debitus est alius ab amore gratuito. Si ergo Spiritus sanctus sit amor a Patre et Filio procedens, sequitur quod sit alius a seipso.

9. Praeterea, Spiritus sanctus est amor gratuitus; unde et ab eo profundunt divisiones gratiarum, secundum illud I ad Corinth., xii, 4: *Divisiones gratiarum sunt, idem vero spiritus*. Si ergo amor Filii in Patrem non est amor gratuitus, Spiritus sanctus non erit amor Filii; non ergo procedit a Filio.

10. Praeterea, si Spiritus sanctus procedit a Filio ut amor, cum Filius amet Patrem sicut Pater filium, oportebit quod Spiritus sanctus sicut procedat a Patre in Filium, ita procedat a Filio in Patrem. Hoc autem est impossibile, ut videtur; sequeretur enim quod Pater aliquid a Filio reciperet, quod penitus esse non potest.

11. Praeterea, sicut Pater et Filius diligunt se; ita Filius et Spiritus sanctus, vel Pater et Spiritus sanctus. Si ergo Spiritus sanctus procedit a Patre et Filio, quia Pater et Filius diligunt

se; pari ratione quia Pater et Spiritus sanctus diligunt se, procedit Spiritus sanctus a seipso, quod est impossibile.

12. Præterea, Dionysius dicit (in 1 cap. de div. Nom.): *Universaliter non est audendum dicere aliquid nec etiam cogitare de supersubstantiali occultâ divinitate, præter ea quæ divinitus nobis ex sacris eloquiis sunt expressa.* In Scriptura autem sacra non exprimitur quod Spiritus sanctus procedat a Filio, sed solum quod procedit a Patre, secundum illud Joan., xv, 26: *Cum venerit Paraclitus quem ego mittam vobis a Patre Spiritum veritatis qui a Patre procedit.* Non ergo dicendum est nec cogitandum quod Spiritus sanctus procedat a Filio.

13. Præterea in gestis I Ephesine Synodi sic dicitur, quod perfecto symbolo Nicæne Synodi delevit sancta Synodus aliam fidem nulli hæc præterea vel conscribere vel componere, præter defuitam a sanctis patribus, qui in Nicæa congregati sunt cum Spiritu sancto; præstantes autem aut componere fidem alteram aut protendere aut proferre volentibus converti ad notitiam veritatis vel ex paganitate vel ex Judaismo, vel ex hæresi aliqua; hos, si quidem sint Episcopi aut clerici, alienos esse Episcopos ab episcopatu, et clericos a clericatu; si vero sint laici, anathematizari. Et similiter in gestis Chalcedonensis Synodi post recitatam determinationem Conciliorum subditur: *Eos autem qui ausi sint componere fidem alteram, aut proferre aut docere aut tradere alterum symbolum volentibus vel ex gentilitate ad cognitionem veritatis, vel Judæis, vel ex hæresi quancunque conserti; hos, si Episcopi fuerint aut clerici, alienos esse Episcopos ab episcopatu, et clericos a clero; si vero monachi aut laici fuerint, anathematizari.* In præmissa autem Concilii determinatione non habetur quod Spiritus sanctus procedat a Filio, sed solum quod procedat a Patre. Legitur etiam in Symbolo Constantinopolitane Synodi: *Credimus in Spiritum sanctum Dominum et coessentialem, et Patre procedentem, cum Patre et Filio adorandum et conglorificandum.* Nullo ergo modo debuit addi in symbolo fidei quod Spiritus sanctus procedat a Filio.

14. Præterea si Spiritus sanctus dicitur a Filio procedere, aut hoc dicitur propter aliquam auctoritatem Scripturæ, aut propter aliquam rationem. Auctoritas quidem sacre Scripturæ ad hoc ostendendum nulla videtur esse sufficiens; habetur siquidem in sacris Scripturis, quod Spiritus sanctus sit Filius; sicut dicitur Galat., iv, 6: *Misit Deus Spiritum Filii sui in corda vestra;* et Rom., viii, 9: *Si quis Spiritum Christi non habet, hic non est ejus.* Habetur etiam quod Spiritus sanctus sit missus a Filio; dicit enim Christus, Joan., xvi, 7: *Si enim non abiero, Paraclitus non veniet ad vos; si autem abiero mittam eum ad vos.* Non autem sequitur quod Spiritus sanc-

tus procedat a Filio ex eo quod est Filius, quia hoc *hujus* multipliciter dicitur, secundum Philosophum. Similiter etiam neque ex eo quod Spiritus sanctus dicitur missus a Filio; quia licet Filius non sit a Spiritu sancto, dicitur tamen a Spiritu sancto missus, secundum illud Isaia, xlvi, 10, ex persona Christi: *Et nunc misit me Dominus, et Spiritus ejus;* et Isaia, lxi, 1: *Spiritus Domini super me...* ad evangelicandum mansuetis misit me: quod in se dicit Christum esse completum. Similiter etiam non potest per rationem efficaciter probari. Licet enim Spiritus sanctus non sit a Filio, adhuc tamen, ut videtur, distincti ad invicem remaneant; differunt enim suis proprietatibus personalibus. Nihil ergo videtur cogere ad dicendum Spiritum sanctum procedere a Filio.

15. Præterea, omne quod procedit ab aliquo, habet aliquid ab eo. Si ergo Spiritus sanctus procedat a duobus, scilicet a Patre et Filio, oportet quod a duobus accipiat; et sic videtur sequi quod sit compositus.

16. Præterea, de ratione principii est quod non sit ab alio, secundum Philosophum (in I Physic., com. lxx). Sed Filius est ab alio, scilicet a Patre. Ergo Filius non est principium Spiritus sancti.

17. Præterea, voluntas movet intellectum ad operandum, homo enim intelligit quando vult. Sed Spiritus sanctus procedit per modum voluntatis ut amor, Filius autem per modum intellectus ut verbum. Non ergo videtur quod Spiritus procedat a Filio, sed magis e converso.

18. Præterea, nihil procedit ab eo in quo quiescit. Sed Spiritus sanctus a Patre procedit et in Filio quiescit, ut scribitur in passione beati Andreæ. Ergo Spiritus sanctus non procedit a Filio.

19. Præterea, simplex non potest procedere a duobus; quia effectus esset simplicior et prior quam causa. Sed Spiritus sanctus est simplex. Non ergo procedit a duobus, scilicet a Patre et Filio.

20. Præterea, si aliquid perfecte procedit ab uno, superfluum est quod procedat a duobus. Sed Spiritus sanctus perfecte procedit a Patre. Ergo superfluum esset quod procederet a Patre et Filio simul.

21. Præterea, sicut Pater et Filius sunt unum in substantia et natura; ita Pater et Spiritus sanctus. Sed Spiritus sanctus non convenit cum Patre in generatione Filii. Ergo nec Filius convenit cum Patre in emissionem Spiritus sancti.

22. Præterea, Filius est radius Patris, ut patet per Dionysium (in principio celestis Hierar.). Spiritus autem sanctus est splendor. Splendor autem non est a radio. Ergo nec Spiritus sanctus est a Filio.

23. Præterea, Filius est quoddam lumen Patris, cum sit ver-



bum ejus. Spiritus autem sanctus est sicut calor, est enim amor quidam; unde et super Apostolos in specie ignis apparuit, Act. xi. Color autem non est a lumine. Ergo nec Spiritus sanctus a Filio.

24. Præterea, Damascenus dicit, quod Spiritus sanctus dicitur esse Filii, sed non a Filio.

Sed contra est quod Athanasius dicit (in Symbol.) : *Spiritus sanctus a Patre et Filio non factus nec creatus nec genitus, sed procedens.*

Præterea, Spiritus sanctus dicitur tertia in Trinitate persona, secundum originem. Si ergo Spiritus sanctus non esset a Filio, tunc enim Filius et Spiritus sanctus non haberent germanitatem ad invicem immediate, sed solum mediante Patre inquantum ambo sunt ab uno. Ergo Spiritus sanctus est a Filio.

Præterea, cum inter divinas personas sit summa convenientia, quælibet divinarum personarum ad aliam habet immediatam germanitatem. Hoc autem non esset, si Spiritus sanctus non esset a Filio; tunc enim Filius et Spiritus sanctus non haberent germanitatem ad invicem immediate, sed solum mediante Patre inquantum ambo sunt ab uno. Ergo Spiritus sanctus est a Filio.

Præterea divine persone non distinguuntur ab invicem nisi secundum originem. Si ergo Spiritus sanctus non esset a Filio, non distingueretur ab eo, quod est inconveniens.

Respondeo dicendum, quod secundum ea que supra determinata sunt, necesse est Spiritum sanctum a Filio procedere; oportet enim, si Filius et Spiritus sanctus sunt due persone, quod alia sit processio unius et alia alterius. Ostensum autem est supra, art. 2, quod non possunt esse due processionis in divinis nisi secundum ordinem processionum, ut scilicet a procedente secundum unam processionem sit alia processio. Necesse est ergo quod Spiritus sanctus sit a Filio. Sed præter hanc rationem etiam ex aliis rationibus de necessitate probatur quod Spiritus sanctus sit a Filio. Oportet enim quod omnis differentia aliquorum sequatur ex prima radice distinctionis ipsorum; nisi forte sit differentia per accidens, sicut ambulans differt a sedente; et hoc ideo quia quæcumque per se insunt alicui, vel sunt de essentia ejus, vel consequuntur essentialia principia, ex quibus est prima radix distinctionis rerum. In divinis autem non potest esse aliquid per accidens; quia omne quod inest alicui per accidens, cum sit extraneum a natura ejus, oportet quod conveniat ei ex aliqua exteriori causa; quod non potest dici in divinis. Oportet ergo quod omnis differentia divinarum personarum ad invicem sequatur ex prima radice distinctionis earum. Prima autem radix distinctionis Patris et Filii, est ex paternitate et filiatione. Oportet ergo quod omnis differentia que est inter Patrem et Filium, sequatur ex hoc quod ipse est Pater, et illè Filius. Esse autem

principium Spiritus sancti non convenit Patri inquantum Pater est ratio paternitatis; sic enim non refertur nisi ad Filium; unde sequeretur quod Spiritus sanctus esset Filius. Similiter autem nec hoc repugnat rationi filiationis; quia secundum filiationem non refertur ad aliud nisi ad Patrem. Non ergo potest esse differentia inter Patrem et Filium in hoc quod Pater sit principium Spiritus sancti, non autem Filius. Item, sicut in libro de Synodis (post. med.) dicitur, creatura proprium est quod voluntate sua Deus eam produxerit. Quod Hilarius ex hoc probat quod creatura non est talis qualis est Deus, sed qualem Deus eam voluit esse. Quia vero Filius est talis qualis est Pater, dicitur quod Pater genuit Filium naturaliter. Eadem autem ratione Spiritus sanctus est a Patre naturaliter, quia est similis et æqualis Patri; natura enim producit sibi simile. Oportet autem quod creatura, que est a Patre secundum suam voluntatem, sit etiam a Filio; quia eadem est voluntas Patris et Filii. Similiter autem et eadem est natura utriusque. Oportet ergo quod sicut Spiritus sanctus est a Patre, ita sit a Filio. Nec tamen sequitur quod Filius vel Spiritus sanctus sint a Spiritu sancto, licet et ipse habeat unam naturam cum Patre; sicut sequitur quod creatura est ab eo inquantum habet unam voluntatem cum Patre; propter repugnantiam que sequeretur, si Spiritus sanctus diceretur esse a seipso, vel si ab eo diceretur esse Filius, qui est ejus principium. Hoc autem apparet alio modo. Non enim potest esse in divinis personis distinctio nisi secundum relationes; ea enim que absolute dicuntur in divinis, essentialiter significant, et communia sunt, ut bonitas, sapientia et hujusmodi. Relationes autem diversæ non possunt facere distinctionem, nisi ratione suæ oppositionis; diversæ enim relationes possunt esse unius ad idem; patet enim quod idem ejusdem potest esse filius, discipulus, æqualis, et quæcumque aliæ relationes que oppositionem non includunt. Patet autem quod Filius distinguitur a Patre per hoc quod aliqua relatione ad ipsum refertur, et similiter Spiritus sanctus a Patre distinguitur propter aliquam relationem. Istæ ergo relationes quantumcumque videantur disparatæ, nullo modo poterunt distinguere Spiritum sanctum a Filio nisi sint oppositæ. Oppositio autem alia in divinis esse non potest nisi secundum originem, prout scilicet unus est ab alio. Nullo ergo modo Filius et Spiritus sanctus poterunt esse distincti per hoc quod uterque diversimode referatur ad Patrem, nisi unus eorum referatur ad alterum ut ab eo existens. Constat autem quod Filius non est a Spiritu sancto; de ratione enim Filii est quod non referatur nisi ad Patrem ut ab eo existens. Relinquitur ergo de necessitate quod Spiritus sanctus sit a Filio. Sed quia potest aliquis dicere, quod ea que sunt fidei non sunt solum rationibus sed auctoritatibus confirmanda;

restat ostendere per auctoritates sacre Scripture quod Spiritus sanctus sit a Filio; habetur enim in pluribus sacre Scripture locis quod Spiritus sanctus sit Filius; sicut Rom., viii, 9: *Qui spiritum Christi non habet, hic non est ejus*; et Galat., iv, 6: *Misit Deus Spiritum Filii sui in corda vestra*; et Act., xvi, 7: *Tentabat ire Bithyniam, et non permisit eos Spiritus Jesu*. Non enim potest intelligi quod Spiritus sanctus sit Spiritus Christi solum secundum humanitatem, quasi ipsum replens; quia Spiritus sanctus est aliquid hominis ut habentis, non autem ut dantis. Filii autem est Spiritus sanctus ut dantis ipsum, secundum illud I Joan., iv, 13: *In hoc cognoscimus quoniam in eo manemus, et ipse in nobis, quia de Spiritu suo dedit nobis*; et Act., v, dicitur, quod dedit Spiritum sanctum obedientibus sibi. Oportet ergo quod dicitur esse Spiritus sanctus Filii, in quantum est divina persona. Aut ergo dicitur esse absolute ejus, aut dicitur esse ejus ut spiritus ejus. Si autem absolute, tunc oportet quod sit aliqua auctoritas Filii respectu Spiritus sancti. Apud nos enim potest dici aliquis esse alterius secundum quod qui non habet auctoritatem respectu ipsius, sicut cum dicitur, Petrus est socius Joannis; sed non potest dici, Petrus esse Joannis absolute, nisi sit quadam possessio ejus, sicut servus hoc ipsum quod est, dicitur esse domini. In divinis autem non potest esse aliquid serviens vel subiectum; sed intelligitur ibi auctoritas secundum solam originem. Oportebit ergo quod Spiritus sanctus habeat originem a Filio; et idem sequitur, si dicitur Spiritus sanctus esse Filii ut spiritus ejus; quia Spiritus, secundum quod est nomen personale, importat relationem originis ad spirantem, sicut Filius ad generantem. Similiter etiam invenitur in Scripturis quod Filius mittit Spiritum sanctum, sicut supra dictum est. Semper autem mittens videtur habere auctoritatem supra missum. Auctoritas autem in divinis, ut dictum est, non est nisi secundum originem. Unde sequitur quod Spiritus sanctus originem habeat a Filio. Habetur autem ex Sacra Scriptura quod per Spiritum sanctum configuratur Filio, secundum illud Roman., viii, 15: *Acceptistis Spiritum adoptionis filiorum*; et Galat., iv, 6: *Quoniam estis filii Dei, misit Deus Spiritum Filii sui in corda vestra*. Nihil autem configuratur alicui nisi per ejus proprium characterem. In naturis etiam creatis ita est quod id quod conformatur alicui, est ab eo; sicut semen hominis non assimilatur equo, sed homini a quo est. Spiritus autem sanctus est a Filio tanquam proprius character ejus; unde dicitur de Christo, II ad Corinth., i, 22: *Quod signavit nos, et unxit nos et dedit pignus Spiritus in cordibus nostris*. Expressius autem est quod habetur Joan., xvi, ex persona Filii, de Spiritu sancto dicens: *Ille me clarificabit quia de meo accipiet*. Constat autem quod non accipit a Filio Spiritus sanctus, quasi prius non habens; quia

sic esset mutabilis et indigentis nature. Constat ergo quod ab aeterno accipit a Filio; nec potuit accipere aliquid quod non sit ejus essentia ab aeterno. Ergo accepit Spiritus sanctus essentiam de Filio. Rationem autem quare de Filio accepit Spiritus sanctus, ipsemet Filius subjungit, dicens, Joan., xvi, 15: *Omnia quaecumque habet Pater mea sunt: propterea dicit quod de meo accipiet*; quasi diceret quia eadem est essentia Patris et mea, non posset Spiritus sanctus esse de essentia Patris, quin sit de mea essentia. Traditur etiam in sacra Scriptura quod Filius per Spiritum operatur, sicut habetur Rom., xv, 18: *Per me efficit Christus*, scilicet miracula, et alia bona (dicit Apostolus) in Spiritu sancto, id est per Spiritum sanctum; et Hebr., ix, 14, dicitur quod per Spiritum sanctum obtulit semelipsum. Quandocumque autem aliquis per aliquem dicitur operari, oportet quod vel operans det virtutem operativam et per quam operatur, sicut Rex dicitur operari per prepositum vel hallivum; vel e converso, sicut cum dicitur hallivus operari per Regem. Oportet ergo, si Filius operatur per Spiritum sanctum, quod vel Spiritus sanctus det virtutem operativam Filio, vel Filius Spiritui sancto; et ita quod unus alteri det essentiam; cum virtus operativa utriusque non sit aliud quam ejus essentia. Constat autem quod Spiritus sanctus non dat essentiam Filio, cum Filius non sit filius nisi Patris. Relinquitur ergo quod Spiritus sanctus sit a Filio. Ex hac ergo ratione per ea que Greci confitentur, potest idem haberi. Confitentur enim ipsi quod Spiritus sanctus est a Patre per Filium, et quod Pater spirat Spiritum sanctum per Filium. Semper autem illud per quod aliquid producitur est principium ejus quod producit. Oportet ergo quod Filius sit principium Spiritus sancti. Si autem refugiant confiteri quod Spiritus sanctus sit a Filio, quia Filius est ab alio, et sic non est prima radix originis Spiritus sancti; manifestum est quod vane moventur; nullus enim reingit dicere lapidem moveri a baculo, licet baculus moveatur a manu; nec Jacob esse ab Isaac, licet Isaac sit ab Abraham. Sed adhuc minus est in proposito refugiendum; est enim una vis productiva Patris et Filii; quod non accidit in moventibus et agentibus creatis. Unde sicut confitentur est quod creature sunt a Filio, licet Filius sit a Patre; ita confitendum est quod Spiritus sanctus sit a Filio, licet Filius sit a Patre. Manifestum est ergo quod dicentes Spiritum sanctum esse a Patre per Filium, non autem a Filio propriam vocem ignorant, sicut Aristoteles de Anaxagora dicit. *Volentes enim esse legis doctores, non intelligunt neque de quibus loquuntur, neque de quibus affirmant*, ut dicitur I ad Timoth., i, 7.

Ad primum ergo dicendum, quod Filius et Spiritus sanctus dicuntur flores deigenae divinitatis, id est paternae, prout uterque

a Patre est. Sed quantum ad hoc quod Spiritus sanctus a Filio est, potest dici Filius esse radix, et Spiritus sanctus flos; non enim oportet ut emissio rerum corporalium observetur quantum ad omnia in divinis.

AD SECUNDUM dicendum, quod Filius hoc habet a Patre quod ex se Spiritum sanctum emittat; unde et eodem modo convenit ei sicut et Patri. Sed Pater non est principium divine personæ uno modo tantum, sed duobus, scilicet per generationem et spirationem. Unde non potest concludi quod Filius sit principium Spiritus sancti per generationem; sed est fallacia consequentis, et præcipue cum per etiam Pater sit principium Spiritus sancti per generationem.

Et similiter dicendum est AD TERTIUM.

AD QUARTUM dicendum, quod Spiritus sanctus non potest dici verbum proprie; sed communiter, prout omne quod est manifestativum alienius verbum ipsius dicitur. Spiritus enim sanctus est manifestativus Filii, secundum quod de Spiritu sancto Filius dicit Joan., XVI, 14: *Ille me clarificabit, quia de me accipiet*. Filius autem proprie dicitur verbum, quasi conceptio intellectus divini.

AD QUINTUM dicendum, quod in humana origine dicitur nepos qui eodem modo procedit a filio sicut filius a patre. Spiritus autem sanctus non procedit in divinis a Filio sicut Filius a patre; et ideo ratio non sequitur.

AD SEXTUM dicendum, quod esse principium non est contrarium ei quod est esse a principio, nisi intelligatur respectu ejusdem; non enim potest esse aliquid principium ejus a quo est sicut a principio. Unde non sequitur quod in Filio sint contraria proprietates, si sit a Patre sicut a principio et sit principium Spiritus sancti.

AD SEPTIMUM dicendum, quod omnia quod est in divinis, est commune vel proprium. Sed proprium dupliciter dicitur; uno modo simpliciter et absolute, quod uni soli convenit, sicut risibile homini; alio modo dicitur aliquid proprium non simpliciter, sed ad aliquid; ut si dicatur, quod rationale est proprium homini in comparatione ad equum, licet et alii conveniat, scilicet Angelo. Est ergo in divinis aliquid commune quod convenit tribus personis, ut esse Deum et hujusmodi; aliquid quod est proprium simpliciter, quod convenit uni personæ tantum; et aliquid quod est proprium quoad aliquid, sicut spirare Spiritum sanctum est proprium Patri et Filio per respectum ad Spiritum sanctum; tale enim proprium oportet in divinis poni, etiam si Spiritus sanctus non sit a Filio; quia esse ab alio, adhuc remanet proprium Filio et Spiritui sancto in comparatione ad Patrem.

AD OCTAVUM dicendum, quod nomen dehiti in personis divinis, si quis recte dijudicare velit, non omnino recte sonat; quia

debitum quamdam subjectionem et obligationem importat, quæ in divinis esse non possunt. Richardus tamen de sancto Victore (in suo III lib. de Trin., cap. III, et lib. V, cap. XVII et XVIII), utitur distinctione amoris gratuiti et debiti; nec intelligi per gratium nisi quod non est ab alio, per debitum vero quod ab alio est; secundum quem modum nihil prohibet intelligi eundem amorem esse gratuitum ut est Patris, debitum vero ut est Filii; idem est enim amor quo Pater et quo Filius amat; sed hunc amorem Filius a Patre habet, Pater vero a nullo.

AD NONUM dicendum, quod Spiritus sanctus est tantum gratuitus amor, secundum quod amoris gratuito contraponitur mercenarius amor, quo aliquid non propter seipsum amatur, sed propter aliquem extrinsecum fructum. Secundum vero quod gratuitus amor dicitur, propter hoc quod ab alio sumit originem, non est contra rationem Spiritus sancti quod sit gratuitus amor; nam et ille amor quo per Spiritum sanctum Deum diligimus, originem habet ex his que nobis a Deo sunt data; et sic nihil prohibet etiam amorem Filii, qui ab alio habet quod amat, Spiritum sanctum esse.

AD DECIMUM dicendum, quod Spiritus sanctus et a Patre procedit in Filium, et a Filio in Patrem, non quidem sicut in recipientem, sed sicut in objectum amoris. Dicitur enim Spiritus sanctus a Patre in Filium procedere, in quantum est amor quo Pater amat Filium; et simili ratione potest dici quod Spiritus sanctus est a Filio in Patrem, in quantum est amor quo Filius Patrem amat; potest autem intelligi quod procedat a Patre in Filium, in quantum Filius a Patre accipit virtutem Spiritum sanctum spirandi; sed sic non potest dici quod procedat a Filio in Patrem, cum a Filio nihil accipiat Pater.

AD UNDICESIMUM dicendum, quod hoc verbum *diligere* non solum dicit emissionem amoris, sed etiam quamdam affectionem vel dispositionem secundum amorem. Ea vero que in divinis emissionem dicunt, personaliter tantum accipi possunt, ut generare, spirare et hujusmodi; que vero non important emissionem, sed magis ad informationem ejus pertinent de quo dicuntur, essentialiter in divinis dicuntur, ut esse bonum, intelligentem et hujusmodi. Et inde est quod Spiritus sanctus dicitur diligere non quasi amorem emittens; sic enim convenit tantum Patri et Filio; sed secundum quod diligere sumitur essentialiter in divinis.

AD DODECIMUM dicendum, quod hoc regulariter in sacra Scriptura invenitur, quod id quod dicitur de Patre, oportet quod de Filio intelligatur; et quod dicitur de utroque vel altero eorum, oportet intelligi de Spiritu sancto, etiam si dictio exclusiva ponatur, præter illa tantum quibus personæ divinæ ab invicem distinguuntur; sicut quod dicitur Joan., XVII, 3: *Hæc est vita æterna ut cognoscant te solum Deum verum, et quem*

*misisti Jesum Christum.* Non enim potest dici, quod Filio non conveniat esse Deum verum, quod ipse Filius soli Patri attribuit: quia cum Pater et Filius unus sint, licet non unus, oportet quod de Patre dicitur, de Filio quoque intelligi. Nec etiam negandum est (quia ibi de Spiritu sancto mentio non habetur) in cognitione Spiritus sancti vitam æternam non esse, cum sit una cognitio trium. Similiter autem non est subtrahenda Spiritui sancto Patris Filique cognitio, licet Matth., xi, 27, dicatur: *Nemo novit Filium nisi Pater, neque Patrem quis novit nisi Filius.* Unde cum hoc quod est habere ex se Spiritum sanctum procedentem non pertineat ad rationem paternitatis et filiationis, quibus Pater et Filius distinguuntur, oportet ut cum dicitur in Evangelio, quod Spiritus sanctus de Patre procedit, in hoc ipso intelligatur quod procedat a Filio.

AD DECIMUMQUARTUM dicendum, quod doctrina catholice fidei sufficienter tradita fuit in symbolo Niceno; unde sancti patres in sequentibus Synodis non intenderunt aliquid addere; sed propter insurgentes hæreses id quod implicite continebatur explicare studuerunt; unde in determinatione Chalcedonensis Synodi dicitur: *Præsentia nunc sancta et magna atque universalis Synodus prædicationem hanc ab initio inconcussam docens, de hæcile præcipitaliter tracentorum decem et octo sanctorum patrum, qui scilicet in Nicæa conveniunt fidem manere intentabilem* (1); et propter illos quidem qui adversum Spiritum sanctum sæculum pugnant, posteriori tempore a patribus apud Constantinopolim centum quinquaginta congregatis, de substantia Spiritus traditam doctrinam corroborati, quam illi omnibus notam fecerunt, non quasi quidem aliquid esset minus in præcedentibus, inferentes; sed de Spiritu sancto intellectum eorum adversus eos qui dominium ejus respicere tentarent, Scripserunt testimonium declarantes. Et per hunc modum dicendum est, quod processio Spiritus sancti a Filio implicite in symbolo Constantinopolitano continetur, in quantum continetur ibi quod procedit a Patre; quia quod de Patre intelligitur, oportet et de Filio intelligi, cum in nullo differant, nisi quia hic est Filius et ille Pater. Sed propter insurgentes errores eorum qui Spiritum a Filio esse negabant, conveniens fuit ut in symbolo poneretur, non quasi aliquid additum, sed explicite interpretatum quod implicite continebatur. Sicut si insurgeret hæresis quæ negaret Spiritum sanctum esse factorem coeli et terræ, oporteret hoc explicite poni, cum in prædicto symbolo hoc non dicitur nisi de Patre. Sicut autem posterior Synodus potestatem habet interpretandi symbolum a priore symbolo conditum, ac ponendi aliqua ad ejus explanationem, ut ex prædictis patet; ita etiam Romanus Pontifex hoc sua auctoritate potest, cujus auctori-

(1) *Id.* incorruptibilem.

tate sola, Synodus congregari potest, et a quo sententia Synodi confirmatur, et ad ipsum a Synodo appellatur. Quæ omnia patent ex gestis Chalcedonensis Synodi. Nec est necessarium quod ad ejus expositionem faciendam universale Concilium congregetur, cum quandoque id fieri prohibeant bellorum dissidia, sicut in septima Synodo legitur, quod Constantinus Augustus dixit, quod propter imminencia bella universaliter Episcopos congregare non potuit; sed tamen illi qui conveniunt, quandam dubia in fide exorta, sequentes sententiam Agathonis Papæ, determinaverunt, scilicet quod in Christo sint due voluntates et due actiones; et similiter Patres in Chalcedonensi Synodo congregati, secuti sunt sententiam Leonis Papæ, qui determinavit Christum esse in duabus naturis post incarnationem. Attendi tamen debet, quod ex determinatione principalium Conciliorum habetur, quod Spiritus sanctus procedit a Filio. Suscepit enim Chalcedonensis Synodus, sicut in ejus determinatione dicitur, epistolas Beati Cyrilli Alexandrinæ Ecclesiam præsulis synodicas ad Nestorium et ad alios per orientem. In quarum una sic legitur: *Quoniam ad demonstrationem suæ divinitatis Christus utebatur suo Spiritu, ad magnas operationes, glorificari se dicebat ab eo, celet si quispiam dicat eorum qui secundum nos sunt insita sibi fortitudine vel disciplina, vel de quolibet, quia glorificabunt me.* Sic enim et est in subsistentia Spiritus speciali, vel certe intelligitur per se, secundum quod Spiritus est et non Filius; sed tamen non est alienus ab eo; Spiritus enim veritatis nominatur, et est spiritus veritatis, et profuit ab eo, sicut denique et ex Deo Patre. Nec obstat quod dicit: *Profuit, et non procedit*; quia sicut ex prædictis patet, hoc verbum procedit, est communissimum eorum quæ ad originem spectant. Unde quicquid emittitur vel profuit vel quocunque modo exoritur, ex hoc sequitur quod procedat. Habetur etiam in determinatione quinti Concilii Constantinopolitani: *Sequitur per omnia sanctos patres et doctores Ecclesiarum, Athanasium, Hilarium, Basilium, Gregorium Theologum, et Gregorium Nicænum, Ambrosium, Augustinum, Theophilum, Joannem Constantinopolitanum, Gulielmum, Leonem, Proculum; et suscipiunt omnia quæ de recta fide ad condemnationem hæreticorum exposuerunt.* Patet autem quia a patribus horum in doctrina fidei traditum est, quod Spiritus sanctus procedit a Filio; a nullo vero eorum inventur esse negatum. Unde non est contra Concilia, sed eis consonum, quod Spiritus sanctus procedere dicitur a Filio.

AD DECIMUMQUARTUM dicendum, quod licet hoc *huius* multipliciter dicitur, tamen in divinis hoc intelligi non potest nisi secundum habitudinem originis. Circa missionem vero sciendum est, quod in hoc omnes doctores conveniunt, quod per-

sona non mittitur nisi quæ ab alio est; unde Patri, qui a nullo est, penitus non convenit mitti. Sed quantum ad personam a qua fit missio, diversa est doctorum sententia. Athanasius autem (in epistola contra eos qui dicunt Spiritum sanctum esse creaturam, quæ incipit: *Litteræ tui sanctissimi*) et quidam alii dicunt, quod nulla persona mittitur temporaliter nisi ab illa a qua est æternaliter, sicut Filius mittitur temporaliter a Patre, a quo ab æterno processit; et secundum hoc infallibiliter concludi potest, si Spiritus sanctus a Filio mittitur, quod æternaliter ab eo existat. Quod vero dicitur Filius a Spiritu sancto mitti, intelligendum est de Filio secundum humanam naturam, qui a Spiritu sancto missus est ad prædicandum; unde significanter dicitur Isa. LXI: *Ad evangelizandum pauperibus misit me*; et sic exponit Ambrosius in lib. de Spiritu sancto (III, cap. 1), licet Hilarius (VII de Trin., ante med.), hoc exponat, ut per Spiritum intelligatur Pater, secundum quod spiritus æternaliter sumitur in divinis, Augustinus vero (lib. de Trin. et unit., cap. x), ponit quod persona procedens temporaliter mittitur ab ea etiam a qua æternaliter non procedit, Nam cum missio divine persone intelligatur secundum aliquem effectum in creatura, quæ est a tota Trinitate, persona missa a tota Trinitate mittitur; ut in missione non intelligatur auctoritas mittentis ad personam quæ mittitur, sed causalitas ad effectum, secundum quem dicitur mitti persona. Non autem excluditur ratio probans Spiritum sanctum a Filio procedere per distinctionem ipsorum, per hoc quod proprietatibus distinguuntur; quia proprietates illæ relative sunt, et distinguere non possunt nisi ad invicem opponantur, sicut ex dictis, quest. VII, art. 3 et 4, patet.

AD DECEMUMQUINTUM dicendum, quod licet Spiritus sanctus sit a duobus, non tamen est compositus; quia illi duo, scilicet Pater et Filius, sunt per essentialium unum.

AD DECEMUMSEXTUM dicendum, quod Philosophus (lib. I Physic., com. LI), attribuit principis non esse ab alio, in quantum sunt prima. Principium autem primum (ut ita dixerim), est principium non de principio; quod est Pater.

AD DECEMUMSEPTIMUM dicendum, quod licet voluntas moveat intellectum ad aliquid intelligendum; non tamen voluntas aliquid velle potest, nisi sit præintellectum; unde cum non sit procedere in infinitum, oportet devenire ad hoc quod intellectus aliquid intelligit naturaliter non ex imperio voluntatis. Filius autem procedit a Patre naturaliter; unde quamvis procedat per modum intellectus, non sequitur quod sit a Spiritu sancto, sed e converso.

AD DECEMUMOCTAVUM dicendum, quod Spiritus sanctus potest dici quiescere in Filio tripliciter. Uno modo secundum humanam naturam, secundum illud Isaï, n. 1: *Egrediatur virga de radice Jesse, et flos de radice ejus ascendet, et*

*requiescet super eum Spiritus Domini.* Alio modo, ut intelligatur Spiritus in Filio requiescere, quia virtus spirativa a Patre datur Filio, et ultra non profertur. Tertio modo secundum quod amor dicitur requiescere in amato, in quo quietatur amantis affectus. Nullo autem istorum modorum excluditur processio Spiritus sancti a Filio.

AD DECEMUMNONUM dicendum, quod non repugnat simplicitati Spiritus sancti, quod procedit a duobus, scilicet Patre et Filio, cum sint per essentialium unum.

AD VICESIMUM dicendum, quod eadem est perfectio Patris et Filii; unde per hoc quod Spiritus sanctus procedit a Patre perfecte, non excluditur quin procedat a Filio; alioquin sequeretur quod creatura non creetur a Filio cum perfecte creetur a Patre.

AD VICESIMUMPRIMUM dicendum, quod unitas essentialis non inducit confusionem personarum; unde ex unitate essentialis non possunt concludi illa quæ repugnant distinctioni relative; et sic ex hoc quod Pater et Spiritus sanctus sunt unum, non potest concludi quod Filius sit a Spiritu sancto, licet Filius sit a Patre; quia Spiritus sanctus est ab eo; et iterum quin sequeretur quod Spiritus sanctus esset Pater, cum nihil aliud sit esse Patrem quam habere Filium de se procedentem.

AD VICESIMUMSECUNDUM dicendum, quod splendor est a clarum, cum nihil aliud sit quam reverberatio radii ad corpus clarum; et tamen splendor Filio attribuitur, Heb., I: *Cum sit splendor gloriæ.*

AD VICESIMUMTERTIUM dicendum, quod calor est a splendore; nam corpora celestia in istis inferioribus per suos radios causant calorem.

AD VICESIMUMQUARTUM dicendum, quod positio Nestorianorum fuit quod Spiritus sanctus non sit a Filio; unde in quodam symbolo Nestorianorum condemnato in I Ephesina Synodo dicitur sic: *Spiritum sanctum neque Filium putamus, neque per Filium essentialiam accepisse.* Propter quod Cyrillus contra Nestorium, in epistola predicta, posuit Spiritum sanctum esse a Filio, Theodorus (1) vero in quadam epistola ad Joannem Antiochenum sic dicit: *Spiritus sanctus non ex Filio aut per Filium habens substantiam, sed procedens quidem a Patre; Spiritus vero Filii, eo quod et ei consubstantialis sit, nominatus.* Hæc autem verba Theodorus predictus imponit Cyrillo, tamquam ab eo sint dicta in epistola quam ad Joannem Antiochenum scripsit, licet in illa epistola hoc non legatur; sed dicitur ibi sic: *Spiritus Dei Patris procedit quidem ex ipso, est autem et a Filio non aliter secundum unitatem essentialis rationem.* Hanc autem Theodori sententiam secutus est postmodum Damascenus, quamvis dogmata ejusdem Theodori sint in quinta

(1) *Al. hic et infra Theodoricus et Theodorici.*

Synodo damnata. Unde in hoc non est standum sententiae Damasceni.

ARTICULUS V. — *Utrum Spiritus sanctus a Filio remaneret distinctus si ab eo non procederet.*

Quinto quaeritur, utrum Spiritus sanctus a Filio remaneret distinctus, si ab eo non procederet. Et videtur quod sic. Dicit enim Richardus de sancto Victore (IV de Trin., cap. xiii et xv), quod personae secundum originem differunt, quod unus originem habet, aliter originem caret: vel si originem habet, tamen origo minus differt ab origine alterius. Sed alia est origo Spiritus sancti, alia est origo Filii: nam Spiritus sanctus procedit quasi spiratus, Filius autem quasi genitus. Ergo Spiritus sanctus personaliter differt a Filio, etiam si ab eo non procederet, propter originem diversam.

2. Item, Anselmus dicit (lib. de processione Spiritus sancti): *Habent utique a Patre esse Filius ac Spiritus sanctus; sed diversimode; quia aliter nascendo, aliter procedendo, ut alii per hoc sint ad invicem; et postea subdit: Nam si per aliud non essent plures Filius et Spiritus sanctus, per hoc solum essent diversi.* Ergo etsi Spiritus sanctus a Filio non procederet, tamen remaneret personaliter distinctus a Filio propter diversum originis modum.

3. Item, in divinis personae distinguuntur propter hoc quod una est ab alia secundum aliquem originis modum. Sed secundum unum originis modum una persona in divinis procedit. Ergo si sunt duo modi originis, erunt duae personae procedentes, etiam si una ab altera non procedat. Constat autem quod secundum alium modum originis procedit Filius a Patre, et secundum alium Spiritus sanctus. Ergo Filius et Spiritus sanctus personaliter ab invicem distinguuntur, etiam dato quod unus ab alio non procedat.

4. Item, impossibile est quod aliqua hypostasis secundum unam naturam pluribus processionibus procedat, quia hypostasis per id quod procedit, naturam accipit; unde Filius habet duas nativitates secundum duas naturas. Sed in divinis sunt duae processioness, una quae est per modum natiuitatis, alia quae est per modum spirationis. Impossibile est ergo quod una et eadem persona his duabus processionibus procedat. Necessarium est ergo quod sint duae personae distinctae, quae his duobus processionibus procedant. Ergo Spiritus sanctus remanet personaliter distinctus a Filio, etiam si ab eo non procedat.

5. Item, relationes aeternae in divinis non sunt accidentes neque assistentes, sed subsistentes personae. Illud ergo ad quod sequitur pluralitas relationum in divinis, sufficit ad personarum distinctionem. Sed diversitas actionum secundum

speciem sufficit ad diversas relationes: ex hac enim actione quae est gubernatio, consequitur relatio domini; ex illa vero actione quae est generatio, sequitur alia relatio, quae est paternitas: sicut etiam ad diversas quantitates secundum speciem consequuntur diversae relationes; ad binarium enim consequitur relatio dupli, et ad ternarium relatio tripli. Processiones autem in divinis significantur per modum actionum. Si ergo sunt duae processioness, oportet quod sint duae relationess consequentes processioness. Ergo oportet quod sint duae personae; et sic idem quod prius.

6. Item, processio perfectiss inveniatur in divinis quam in rebus creatis: unde Apostolus ad Ephes., iii, dicit, quod ex Patre coelesti omnis paternitas in caelo et in terra nominatur. In rebus autem creatis processio sufficit ad distinguendum supposita procedentia: nam alia processione sive natiuitate alius homo nascitur. Ergo in divinis processioniss differentia sufficit ad distinguendum personas divinas, scilicet Filium et Spiritum sanctum.

7. Item, non est idem procedere per modum naturae quod procedere per modum amoris. Sed nomine Filii designatur persona procedens per modum naturae; nomine autem Spiritus sancti designatur persona procedens per modum amoris. Ergo Spiritus sanctus distinguitur a Filio, etiam si ab ipso non procedat per solam processioniss differentiam.

8. Item, in Patre invenitur activa generatio et activa spiratio. Sed generare et spirare, in divinis distinguunt personas. Ergo sicut Filius est a Patre ut persona distincta per hoc quod a Patre generatur; ita Spiritus sanctus est a Patre ut persona distincta per hoc quod a Patre spiratur. Sic ergo sunt tres personae in divinis, etiam si Spiritus sanctus a Filio non procedat.

9. Item, Anselmus in lib. de processione Spiritus sancti (cap. quod incipit, *Diligentius*, vers. finem) dicit, quod Spiritus sanctus ita perfecte est a Patre sicut a Filio. Sed a Patre et a Filio est sicut distinctus ab utroque. Ergo si a Patre solo esset, remaneret ab utroque distinctus.

10. Item, Pater est sufficiens et perfectum principium. Perfectum autem principium alicujus non indiget alio ad perfecte producendum id cuius est principium. Ergo Pater non indiget Filio ad hoc quod producat tertiam personam, scilicet Spiritum sanctum; ergo dato quod Spiritus sanctus non procederet a Filio, adhuc essent tres personae distinctae in divinis.

11. Item, remoto posteriori non removetur da necessitate prius; sicut remoto homine non removetur animal. De personis autem divinis tria dicuntur, scilicet processio, communicio et germanitas. Ratio autem processioniss praecedit rationem communicionis et etiam rationem germanitatis. In divinis autem non esset communicio vel germanitas, nisi esset plura

litas personarum, que per processionem multiplicantur. Ergo remota communione et germanitate in divinis, adhuc remanet processio. Licet ergo Patris et Filii non sit communio ad spirandum Spiritum sanctum, neque sit germanitas Spiritus sancti ad Filium in hoc quod ab ipso procedat; adhuc remanet processio Spiritus sancti a Patre; et ita remanent tres personæ distinctæ, scilicet duæ procedentes, et una a qua procedunt.

12. Item, in divinis dicuntur proprietates, relationes et notiones. Ratio autem proprietatis prius est quam ratio relationis vel notionis; quia prius est intelligere personas constitutas proprietatibus personalibus quam quod ad invicem referantur vel innotescent. Remotis etiam relationibus, adhuc remanent proprietates constituentes personas. Ergo quamvis Spiritus sanctus non referatur ad Filium ut ab eo existens, adhuc tamen Filius et Spiritus sanctus erunt personæ distinctæ per suas proprietates.

13. Item, filiatio est proprietas Filii constituens personam ipsius; processio autem est proprietas Spiritus sancti, ejus personam constituens. Filiatio autem non est processio, nec ei opponitur relative. Ergo remota omni relatione Spiritus sancti ad Filium, adhuc remanebunt Filius et Spiritus sanctus personæ distinctæ.

14. Item, multi posuerunt Spiritum sanctum a Filio non procedere, qui tamen tres personas in divinis posuerunt, sicut patet de Græcis. Ergo quamvis Spiritus sanctus a Filio non procedat, adhuc remanet a Filio distinctus.

15. Item, Damascenus dicit (lib. 1, cap. xi): *Spiritum sanctum ex Patre dicimus procedere; non autem ex Filio, sed Spiritum Filii nominamus*. Ergo quamvis a Filio non procedat, adhuc remanet quod sit Spiritus Filii; et ita remanet quod sit ab eo distinctus.

16. Item, sancti Græci loquentes de Filio et Spiritu sancto, secundum similitudinem corporalem, dicunt eos esse sicut duos radios paternæ charitatis, et sicut duos rivus fontis divinitatis qui est in Patre, et sicut duos flores paternæ naturæ. Sed radii, rivus et flores distinguuntur ab invicem, etiam si unus ab altero non sit. Ergo et Filius et Spiritus sanctus distinguuntur ab invicem.

Sed contra, Boetius (in lib. de Trin., non procul a fine) dicit, quod in divinis sola relatio multiplicat Trinitatem. Sed si Spiritus sanctus non procedit a Filio, non erit aliqua relatio Spiritus sancti ad Filium. Ergo non distinguetur secundum numerum personæ ab eo.

Item, Anselmus (in lib. de processione Spiritus sancti, cap. ii) dicit, quod Pater et Filius in omnibus unum sunt, nisi in his in quibus distinguit inter eos relationis oppositio; et hoc pro-

pter essentialitatem. Sed similiter est una essentia Filii et Spiritus sancti. Ergo in omnibus unum sunt, nisi in his in quibus dividit inter eos relationis oppositio. Sed si Spiritus sanctus non sit a Filio, nullo modo dividit inter eos relationis oppositio. Ergo nullo modo erunt distincti ab invicem.

Item, Richardus de Sancto Victore (V de Trin., cap. xiv) dicit, quod non potest esse in Trinitate nisi una sola persona quæ sit ab una persona tantum. Si autem Spiritus sanctus non sit a Filio; sicut Filius est ab una persona sola, scilicet a Patre, ita et Spiritus sanctus. Ergo et Filius et Spiritus sanctus erunt una sola persona.

Item, (in eodem libro, cap. 1), dicit, quod non potest in divinis esse nisi unus solus qui de se procedentem non habeat. Si autem Spiritus sanctus a Filio non procedit; sicut Spiritus sanctus non habet de se procedentem, ita nec Filius habebit. Ergo Filius et Spiritus sanctus erunt unus solus.

Item, ubicunque personæ per relationes distinguuntur, oportet referri quod personaliter distinguuntur. In divinis autem personæ per relationes distinguuntur; non enim possunt per aliquid absolutum distingui. Ergo quod non referatur, non distinguitur. Sed si Spiritus sanctus non procedit a Filio, non referatur ad ipsum. Ergo non distinguitur personaliter ab eo.

Item, unum oppositorum non distinguit id cui inest, nisi ab eo in quo est reliquum oppositum; sicut per albedinem non distinguitur aliquid nisi ab eo in quo est nigredo. Ergo et relatio non distinguit id in quo est nisi ab eo in quo est opposita relatio. Propria autem relatio Spiritus sancti, per quam personaliter distinguuntur, est processio. Non ergo personaliter distinguuntur nisi ab eo in quo est opposita relatio, quæ est activa spiratio; quæ non est in Filio, si Spiritus sanctus non sit a Filio. Ergo si Spiritus sanctus non sit a Filio, non distinguitur personaliter ab eo.

Item, ad relationem pertinentia in divinis sunt duo in communi, a quo abius, et qui ab alio. Sed a quo abius non distinguitur personaliter per diversum modum originis; nam eadem persona Patris est a qua est Filius per generationem et Spiritus sanctus per processionem. Ergo nec qui est ab alio per spirationem, scilicet Spiritus sanctus, distinguitur ab eo qui est ab alio per generationem, scilicet a Filio.

Item, Richardus (VI de Trin., cap. vi, circa fin.), assignans differentiam inter duas processionem Filii et Spiritus sancti, dicit; *Communio majestatis fuit, ut sic dicam, causa originis unius, scilicet Filii; communio amoris fuit causa originis alterius, scilicet Spiritus sancti*. Non esset autem processio Spiritus sancti ex communione amoris, nisi Pater et Filius mutuo se amarent, et sic Spiritus sanctus ab eis procederet. Ergo si Spiritus sanctus a Filio non procederet, non esset

differentia inter processionem Spiritus sancti et generationem Filii, et sic neque personaliter Spiritus sanctus esset a Filio distinctus.

Respondeo dicendum, quod si quis recte consideret dicta Græcorum, inveniet quod a nobis magis differunt in verbis quam in sensu. Non enim concedunt Spiritum sanctum a Filio procedere, vel propter ignorantiam vel proterviam seu calumniam, vel propter quancunque aliam causam; concedunt tamen Spiritum sanctum esse Spiritum Filii, et esse a Patre per Filium; quod non possit dici, si processio Spiritus sancti omnino esset a Filio absoluta. Unde datur intelligi quod etiam ipsi Græci processionem Spiritus sancti aliquem ordinem ad Filium habere intelligunt. Dico autem, quod si Spiritus sanctus non sit a Filio, nec aliquo modo Filius sit principium processionis Spiritus sancti, impossibile est quod Spiritus sanctus a Filio personaliter distinguatur, et etiam impossibile est quod processio Spiritus sancti differat a Filii generatione. Quod quidem manifestum est, si quis consideret ea ex quibus aliqui divinarum personarum distinctionem manifestant; loquuntur enim quidam de distinctione personarum secundum relationes; alii vero secundum modos originis; quidam autem per comparationem ad essentialia attributa. Si ergo consideremus modum distinguendi personas per relationes, manifeste apparet quod Spiritus sanctus personaliter a Filio distingui non potest, si ab eo non procedat. Primo quidem, quia distinctio aliquorum ab invicem non proprie potest esse nisi vel propter divisionem materialem seu quantitativam, vel propter divisionem formalem. Distinctio autem secundum materialem et quantitativam divisionem, invenitur in corporalibus rebus, in quibus ejusdem speciei sunt individua plura ex eo quod forma speciei in diversis partibus materie secundum quantitatem divisionis invenitur; unde si aliquid est individuum quod constat ex tota materia, in qua possibile est esse formam speciei, impossibile est quod illius speciei sint individua plura, sicut probat Aristoteles de Mundo, in principio Cœli et mundi (com. xv, et seq.). Hunc autem modum distinctionis omnino oportet a divinis removeri, cum in Deo non sit materia nec quantitas corporalis. Distinctio autem aliquorum habentium unam naturam saltem generis, per divisionem formalem esse non potest nisi ratione alicujus oppositionis. Unde invenimus quod cujuslibet generis differentie sunt opposita. Et ideo in natura divina non potest nec esse nec intelligi aliqua distinctio, cum sit una non solum genere sed numero, nisi per aliquam oppositionem. Unde cum personæ distinguantur in divinis, oportet quod hoc sit per aliquam oppositionem relativam, qua alia oppositio in divinis esse non potest; et hoc satis manifeste apparet. Nam quantumcumque aliqua dividantur secundum rationem diversam, sicut essen-

tialia attributa, non distinguunt personas quia ad invicem non opponuntur. Sic etiam plures notiones inveniuntur in una persona divina, propter hoc quod oppositionem ad invicem non habent, sicut in Patre; scilicet innascibilitas, paternitas, et spiratio activa. Ibi enim primo invenitur distinctio ubi primo occurrit oppositio relativa, sicut in hoc quod est esse Patrem et Filium. Ubi ergo non est oppositio relativa in divinis, non potest esse realis distinctio, quæ est distinctio personalis. Si autem Spiritus sanctus non procedat a Filio, non erit oppositio aliqua inter Filium et Spiritum sanctum, et ita non distinguatur personaliter Spiritus sanctus a Filio. Nec potest dici, quod ad talem distinctionem faciendam sufficiat oppositio affirmationis et negationis; quia talis oppositio sequitur distinctionem, non autem distinctionem causat, cum existens ab altero distinguatur per aliquid sibi inherens substantialiter vel accidentaliter; quod autem hoc non sit hoc, sequitur ex hoc quod distincta sunt. Similiter etiam patet quod veritas cujuslibet negativæ in existentibus supra veritatem affirmativæ fundatur; sicut veritas hujus negativæ, *Æthiops non est albus*, fundatur supra veritatem hujus affirmativæ, *Æthiops est niger*; et ideo oportet omnem differentiam quæ est per oppositionem affirmationis et negationis, reduci in differentiam alicujus affirmativæ oppositionis. Unde non potest esse prima distinctio ratio inter Filium et Spiritum sanctum ex hoc quod Filius est genitus, non spiratus; alius spiratus, non genitus; nisi præintelligatur distinctio inter generationem et spirationem, et inter Filium et Spiritum sanctum, per aliquam oppositionem duarum affirmationum. Secundo, quia, secundum Augustinum (in lib. VI de Trinit., cap. II), in divinis quod dicitur absolute est commune tribus personis. Unde reliquitur quod divinarum personarum distinctio esse non possit nisi secundum id quod ad aliquid dicitur; hæc enim duo prædicamenta sunt in divinis. Prima autem distinctio, quæ in divinis secundum relationem invenitur, est per hæc duo, *a quo alius*, et *qui a nullo* (1). Si autem alterum eorum subdividendum est scilicet quod est ab alio, oportet quod subdividatur per ea quæ sunt ejusdem rationis. Ut enim Philosophus docet (VIII Metaphys.), si quis in subdividendo utatur his quæ sunt per accidens et non per se; non rectum divisionis ordinem sequitur; sicut si diceretur: Animalium aliud est rationale aliud irrationale; irrationale vero aliud album, aliud nigrum; non esset recta divisio; quia cum ex his quæ sunt per accidens, non fiat nunc simpliciter, ultima species ex differentis multis constituta non esset nunc simpliciter. Oportet ergo, si in divinis *qui est ab alio* distinguatur vel subdividatur, quod hoc sit per differentias ejusdem rationis, ut videlicet eorum quæ sunt ab alio, unus eorum ab

(1) *Ab a quo alius, et quod a nullo.*



eorum altero sit; et hoc importat differentia processionum, qua significatur cum dicitur quod unus procedit per generationem, alius per spirationem. Unde Richardus (V de Trin., cap. x) hoc modo distinguit procedentem ab alio, quod unus habeat alium de se procedentem, alius vero non. Tertio, quia cum in Patre sint due relationes, scilicet paternitas et activa spiratio, sola paternitas constituit personam Patris; unde dicitur proprietate sive relatio personalis; spiratio vero activa est relatio personae non personalis, quasi personae iam constitutae superveniens. Ex quo patet quod generatio activa, sive paternitas, secundum ordinem intelligendi, praesupponitur ad spirationem. Oportet ergo quod similiter filiatione, quae paternitati per oppositionem respondet, secundum aliquem ordinem praesupponatur ad spirationem passivam, quae est processio Spiritus sancti. Aut ergo ita quod spiratio passiva intelligatur supervenire filiationi in eadem persona, sicut spiratio activa paternitati; et sic erit in eadem persona spiratio et nativitas, sicut generantis et spirantis; aut oportet quod aliquem alium ordinem habeat filiatione ad spirationem passivam. Non est autem ordo in divinis nisi naturae, secundum quod aliquis est ab aliquo, ut dicit Augustinus (lib. de Trin. et univ., cap. XIII). Unde relinquatur quod vel sit una persona Filius et Spiritus sancti spiratio, vel quod Spiritus sanctus sit a Filio.

Si quis autem distinctionem divinarum personarum per ipsam originem consideret, non per relationes originis, idem sequitur; sicut ex his quae dicuntur apparebit. Primo quidem, quia si quis proprietatem divinae naturae consideret, impossibile est in Deo esse pluralitatem personarum nisi per hoc quod una ab alia oriatur, nullo autem modo per hoc quod duae oriuntur ab una. Quod patet, si quis consideret qualiter in diversis rebus distinctio invenitur. In rebus enim materialibus, in quibus possibile est fieri multiplicationem per divisionem materiae et quantitatis, ut dictum est, possibile est duo individua unius speciei ex aequo se habere, sicut et duae partes quantitatis ex aequo se habent; ubi autem invenitur prima differentia secundum formam, ibi impossibile est quod aliqua duae se habeant ex aequo. Ut enim Philosophus dicit (VIII Metaph., com. x), formae rerum sunt sicut numeri, in quibus variantur species per unitatis additionem vel subtractionem; et formales rerum differentiae consistunt in quodam perfectionis ordine. Nam planta specie differt a lapide in hoc quod superaddit vitam; animal vero brutum a planta in hoc quod superaddit sensum; homo vero a bruto in hoc quod superaddit rationem. Et ideo in rebus immaterialibus, in quibus non potest esse multiplicatio secundum divisionem materiae, impossibile est quod sit pluralitas nisi cum ordine quodam. In substantiis quidem immaterialibus creatis est ordo perfectionis, secundum quod

unus Angelus est perfectioris naturae quam alius. Et quia quidam Philosophi crediderunt quod omnis natura imperfecta crearetur a perfectiori, ideo dixerunt quod in substantiis separatis non potest esse multiplicatio nisi per causam et causatum, quod tamen recta fides non tenet; quia credimus ex ordine divinae sapientiae, diferentes ordines substantiarum immaterialium productos esse. Cum autem in divinis non possit esse ordo perfectionis, ut Ariani posuerunt, dicentes Patrem Filio esse majorem, et utrumque Spiritu sancto, relinquatur quod pluralitas in divinis personis esse non potest nec intelligi nisi secundum ordinem originis solum, ut scilicet Filius sit a Patre, et Spiritus sanctus a Filio. Si enim Spiritus sanctus non esset a Filio, ex aequo respiceret Patrem quantum ad originem; unde vel non essent duae personae; vel esset ordo inter eos perfectionis secundum Arianos; vel esset inter eos materialis divisio; quod est impossibile. Et hanc rationem sequens Hilarius (in lib. de Synodis, post med.), dicit, quod ponere in divinis duos ingentos, id est non ab aliquo existentes, est ponere duos Deos; quia si non sit multiplicatio per originis ordinem, oportet quod sit per ordinem naturarum; et ideo eadem est ratio, si inter Filium et Spiritum sanctum originis ordo non ponatur. Secundo, quia quod procedit ab uno naturaliter, oportet esse unum; natura enim semper ad unum se habet; sed quae procedunt ab aliquo per voluntatem operantem, possunt esse plura, licet sint ab uno; sicut ab uno Deo diversae creaturae processerunt secundum voluntatem ipsius. Constat autem quod Filius procedit a Patre naturaliter et non per voluntatem, ut Ariani dixerunt; et hoc ideo quia Hilarius (in lib. de Synodis, a med.) dicit: *Quod naturaliter procedit ab aliquo, est tale quale est ipsum a quo procedit; quod autem procedit ab aliquo secundum voluntatem agentem, non est tale quale est illud a quo procedit, sed quate vult esse illud.* Filius autem talis est qualis est Pater; creaturae vero sunt tales quales Deus vult eas esse. Unde Filius est a Patre naturaliter, creaturae autem ab eo per voluntatem. Similiter autem et Spiritus sanctus talis est qualis est Pater; non enim est creatura, ut Arianus (1) et Macedonius dixerunt. Unde oportet quod naturaliter a Patre procedat; propter quod dicitur ab Athanasio et aliis sanctis esse naturalis Spiritus Patris et Filii. Impossibile est ergo quod Filius et Spiritus sanctus procedant a Patre nisi hoc modo quod a solo Patre procedit unus solus, scilicet Filius; et a Patre et Filio, in quantum unum sunt, unus Spiritus sanctus. Tertio, quia, sicut Richardus (in V de Trin., cap. ix) probat, impossibile est quod in divinis sit mediata processio. Cum enim qualibet divina persona sit in alia, oportet quod qualibet divina persona immediate ad aliam ordinetur.

(1) Forte Arius.

Si autem Filius et Spiritus sanctus essent a Patre absque hoc quod Spiritus sanctus esset a Filio, Spiritus sancti ad Filium non esset immediatus ordo; non enim ordinarentur ad invicem nisi mediante uno a quo existerent, sicut duo fratres ab uno patre geniti. Unde impossibile est quod Filius et Spiritus sanctus hoc modo sint a Patre, sicut duae personae distinctae, quod unus eorum non sit ab alio. Si vero aliquis consideret distinctionem personarum per ordinem ad attributa essentialia, patet etiam quod idem sequitur. Primo quidem, quia secundum hoc dicitur, quod Filius procedit per modum naturae, Spiritus autem sanctus per modum voluntatis. Nam semper processio naturae est principium et origo cujuslibet alterius processionis; omnia enim quae per artem et voluntatem vel intellectum fiunt, procedunt ab his quae secundum naturam sunt; et ideo Richardus dicit (VI de Trin., cap. xvii, inter princ. et med.), quod inter omnes procedendi modos constat primum locum tenere et ceteris principialem esse illum modum procedendi qui est Filii a Patre. Nam nisi iste processerit, ceterorum nullus (1) existendi locum habebit omnino. Secundo manifestum est, si dicatur, quod Filius procedit processione intellectuali ut verbum, Spiritus autem sanctus processione voluntatis ut amor. Non enim potest esse nec intelligi quod amor sit alicujus quod non est intellectus praconceptum; unde quilibet amor est ab aliquo verbo, loquendo de amore in intellectuali natura. Tertio idem apparet, si Spiritum sanctum dicamus esse vivificum quoddam spiramen divinitatis, ut dicit Athanasius. Omnis enim motus et actio vitae ordinatur per intellectum, nisi ex imperfectione naturae contrarium accidat. Unde ex omnibus supra dictis datur intelligi quod nec Spiritus sanctus esset alius a Filio si ab eo non procederet; nec spiratio esset aliud a generatione.

Ad quartam ergo dicendum, quod Spiritus sanctus distinguitur substantialiter a Filio in hoc quod origo unius differt ab origine alterius; sed ipsa differentia originis est per hoc quod Filius est a Patre solo, Spiritus autem sanctus a Patre et Filio. Quod patet per Richardum de Sancto Victore qui in II de Trin. (lib. V, cap. xx, a med. implicite) dicit: *Notandum quod hujusmodi differentia proprietatum in solo consistit numero productionum; nam prima vixit habet esse a nulla alia, altera ab una sola, tertia vero a gemina.*

Ad secundam dicendum, quod id quod dicit Anselmus, quod Filius et Spiritus sanctus per hoc solum ad invicem distinguuntur quod diverso modo procedunt, est omnino verum; sed, sicut ostensum est, diverso modo procedere non possent, nisi Spiritus sanctus a Filio esset; unde remoto quod Spiritus sanctus non sit a Filio, omnino distinctio Spiritus sancti remo-

(1) AE nullum.

vetur a Filio. Est autem intentio Anselmi (in lib. de processione Spiritus sancti) prius ponere ea in quibus nos convenimus cum negantibus Spiritum sanctum a Filio esse, qui tamen Spiritum sanctum a Filio dicunt distingui; unde verba praedicta Anselmi inducta sunt magis ut disputativa suppositio quam veritatis definitio.

Ad tertium dicendum, quod bene sequitur si sunt duo modi originis in divinis, quod sunt duae personae procedentes; sed duo modi originis esse non possunt nisi per hoc quod Spiritus sanctus procedit a Filio, ut ostensum est.

Et similiter dicendum ad quartum.

Ad quintum dicendum, quod non oportet quod tot sint personae subsistentes in divinis quot sunt relationes; nam in una persona Patris sunt duae relationes, scilicet paternitas, per quam refertur ad Filium, et communis spiratio, per quam refertur ad Spiritum sanctum; paternitas enim relatio constituit personam subsistentem; sed relatio communis spirationis non est proprietas personam constituens, sed relatio personae subsistenti inherens. Unde non sequitur, si ex generatione et processione consequuntur duae relationes, quod propter hoc sint tantum duae personae subsistentes. Potest etiam responderi, quod non sunt duae processionis nisi unus procedentium sit ab alio, ut dictum est.

Et per hoc patet solutio ad sextum.

Ad septimum dicendum, quod illud quod procedit per modum amoris, oportet quod procedat ab eo quod procedit per modum naturae, ut ex dictis patet.

Ad octavum dicendum, quod spiratio distinguit Spiritum sanctum a spirante, sicut generatio generatum a generante; non tamen ex hoc sequitur quod spiratus a generato distinguatur, cum et spirans et generans sint idem. Nec propter hoc quod idem non potest duabus processionibus diversis procedere; sed processionem in divinis non possunt esse diversae, nisi per hoc quod unus procedentium est ab alio, ut ostensum est, art. praec.

Ad nonum dicendum, quod Spiritus sanctus ita perfecte est a Patre, sicut a Patre et Filio; non tamen propter hoc quod est a Patre, a Filio distinguitur, sed propter hoc quod est a Filio.

Ad decimum dicendum, quod Pater est sufficiens principium Spiritus sancti, nec indiget alio principio ad spirationem Spiritus sancti; Filius enim non est aliud principium Spiritus sancti a Patre, sed unum principium cum ipso.

Ad undecimum dicendum, quod licet processio sit prius per intellectum quam communio, sicut commune quam proprium; tamen talis processio, scilicet Spiritus sancti, qui procedit quasi amor et communio et nexus Patris et Filii, non

est prius secundum intellectum quam communio; unde non oportet quod remota communione remaneat processio; sicut animal est prius secundum rationem quam homo, non autem animal rationale.

Ad DUODECIMUM dicendum, quod eadem secundum rem in divinis sunt proprietates et relationes et notiones; nisi quod proprietates sunt solum tres, scilicet paternitas, filiatio et processio; relationes autem sunt quatuor, addita predictis proprietatibus tribus communi spiratione, quae relatio quidem est, non tamen proprietas, quia non uni personae convenit, sed dualis. Notiones vero sunt quinque, addita innaschibilitate; quae non est relatio, sed notio, quia per eam Pater innotescit; est etiam proprietas, quia convenit soli Patri; non tamen proprietas personalis, quia non constituit personam Patris. Quantum ergo ad rem, ordinem habere non possunt proprietates, relationes et notiones, cum idem sub tribus contineatur. Si autem eorum ordo quantum ad proprias rationes requiratur, tunc notio prior est relatione secundum ordinem quo aliquid dicitur prius quoad nos; relatio autem et proprietas secundum ordinem quo aliquid prius est secundum rem. Si autem relationis et proprietatis ordinem requiramus, in rebus creatis non est eorum ordinem assignare. Nam aliqua proprietas est relatio, sed non omnis; similiter et aliqua relatio est proprietas, sed non omnis. Si tamen proprietates ab aliquo absoluto sumatur, sic proprietas primum est eo ordine quo absolutum est prius relatio. In divinis autem personis oportet quod relationis ratio rationem proprietatis precedat; nam cum proprium sit quod uni soli convenit, ratio proprietatis distinctionem praesupponit. In divinis autem non potest esse aliquid distinctum, nisi per hoc quod est ad aliquid. Unde relatio, quae est distinctionis principium in divinis, secundum rationem prior est proprietate. Sciendum tamen est, quod neque proprietas neque relatio, secundum quod huiusmodi, habent rationem constituendi personam. Nam cum persona sit rationalis naturae individua substantia, id quod est extra substantiam, personam constituere non potest; unde in rebus creatis proprietates et relationes non sunt constituentes, sed magis advenientes constitutis personis: in divinis autem ipsa relatio, quae est etiam proprietas, est divina essentia; et ex hoc habet quod id quod per eam constitutum est, sit persona: nisi enim paternitas esset divina essentia, nullatenus hoc nomen *Pater* significaret personam, sed solum accidens relativum personae, sicut patet in personis humanis. Paternitas ergo, in quantum est divina essentia, constituit hypostasim subsistentem in divina natura; in quantum vero est relatio, distinguit; in quantum vero est proprietas, convenit uni personae, et non alii; in quantum vero est notio, est principium innotescenti personam. Sic ergo

secundum ordinem intellectus, primum est quod sit personam constituens; secundum quod sit distinguens; tertium quod sit proprietas; quartum quod sit notio.

Ad DECIMUMTERTIUM dicendum, quod licet filiatio non opponatur relative processioni, tamen procedens opponitur relative Filio; et per hoc processio a filiatione distinguitur.

Ad DECIMUMQUARTUM dicendum, quod licet Graeci non confiteantur Spiritum sanctum a Filio procedere, confitentur tamen Filium esse aliquo modo principium originis Spiritus sancti; quod patet ex hoc quod dicunt Spiritum sanctum a Patre esse per Filium, et Spiritum sanctum esse Filii. Nihilominus tamen aliquid implicite contradictionem implicat, quod nihil prohibet ab alio explicitè nesciente concedi; et sic aliquis non intelligens potest dicere, Spiritum Sanctum non esse a Filio, licet a Filio sit distinctus.

Ad DECIMUMQUINTUM dicendum, quod in hoc quod Damasceus Spiritum sanctum esse Filii confitetur, dat intelligere quod origo Spiritus sancti aliquo modo sit a Filio.

Ad DECIMUMSEXTUM dicendum, quod Spiritus sanctus et Filius dicuntur esse duo rivi in quantum procedunt ambo a Patre; dicitur tamen et a Graecorum doctoribus, quod Filius sit fons Spiritus sancti, sed quod Spiritus sanctus non esse a Filio; et idem potest dici de aliis similitudinibus.

## DE MALO

### QUESTIO I

DE MALO IN COMMUNI

(Et habet quinque articulos.)

Primo enim quaeritur, utrum malum sit aliquid; 2<sup>o</sup> utrum malum sit in bono; 3<sup>o</sup> utrum bonum sit causa mali; 4<sup>o</sup> utrum malum convenienter dividatur per culpam et poenam; 5<sup>o</sup> quid plus habeat de ratione mali, utrum culpa, an poena.

**ARTICULUS PRIMUS.** — *Utrum malum sit aliquid* (1). (I part., quaest. xli. art. 1; et I Sent., dist. xxvi. art. 3; et II dist. 34, quaest. 1. art. 2 et 3; et in cont. Gent., cap. vii, viii et ix.)

Questio est de malo; et primo quaeritur, an malum sit aliquid. Et videtur quod sic. Omne enim creatum, aliquid est. Sed malum est aliquid creatum, secundum illud Isai., xlv. 7: *Ego Dominus faciens pacem, et creans malum*. Ergo malum est aliquid.

2. Praeterea, utrumque contrariorum est aliquid in natura; quia contraria sunt in eodem genere posita. Sed malum est contrarium bono, secundum illud Eccli., xxxiii, 15: *Contra bonum malum*. Ergo malum est aliquid.

3. Sed dicendum, quod malum in abstracto acceptum non est contrarium, sed privatio; sed aliquod malum in concreto acceptum est contrarium, et est aliquid. — Sed contra, nihil est contrarium alteri secundum id in quo cum eo convenit; nigrum enim non contrariatur albo secundum quod est color, sed secundum id quod subternitur ipsi malo, convenit malum cum bono, ergo secundum illud, malum non contrariatur bono, sed secundum hoc ipsum quod est malum; malum ergo, in quantum est malum, est aliquid.

4. Praeterea, oppositio formae et privationis invenitur etiam in rebus naturalibus. Sed non dicitur quod in rebus naturalibus malum contrarietur bono, sed solum in moralibus: quia malum

(1) *Et dicitur tripliciter.*

et bonum, secundum quod sunt contraria, continent sub se virtutem et vitium. Ergo contrarietas mali et boni non intelligitur secundum oppositionem privationis et habitus.

5. Praeterea, Dionysius (de div. Nom., cap. iv, a med.) et Damascenus (lib. II, cap. iv) dicunt quod malum est sicut tenebra. Tenebra autem contrariatur luminis, ut dicitur II de Anima (com. lxx). Ergo et malum contrariatur bono, et non solum est ejus privatio.

6. Praeterea, Augustinus dicit (lib. LXXXIII Qq., quaest. xxi), quod illud quod aemul est, nunquam totaliter cedit in non esse. Si ergo aer illuminatur a sole, illud lumen creatum in aere non totaliter desinit esse; nec potest dici quodre colligitur in suo principio. Ergo remanet in subjecto aliquid ejus, quod est sicut dispositio imperfecta; et hoc vocatur tenebra. Ergo tenebra est aliquid contrarium luminis, et non privatio sola. Et eadem ratio est de malo et bono. Ergo malum non est sola privatio boni, sed contrarium.

7. Praeterea, inter privationem et habitum non est medium in susceptibili. Sed inter bonum et malum est aliquid medium, nec omnia sunt bona et mala, ut dicitur in Praedicamentis (in Postpraedicament., cap. de oppositis, a med.). Ergo bonum et malum non opponuntur ut privative opposita, sed ut contraria, inter quae potest esse medium: et sic malum aliquid est.

8. Praeterea, omne quod corrumpit, agit. Sed malum, in quantum malum, corrumpit, ut Dionysius dicit (iv cap. de div. Nomin.). Ergo malum, in quantum malum, agit. Sed nihil agit nisi in quantum est aliquid. Ergo malum, in quantum malum, est aliquid.

9. Sed dicendum, quod corrumpere non est agere, sed defectus actionis. — Sed contra, corruptio est motus vel mutatio. Ergo corrumpere est movere. Sed movere est agere. Ergo corrumpere est agere.

10. Praeterea, invenitur corruptio naturalis sicut et generatio, ut dicit Philosophus (V Physic., com. vii). Sed in omni motu naturali est aliquid per se intentum a natura corruptentis. Corruptio autem est proprium mali, ut Dionysius dicit (cap. iv de div. Nomin., part. IV). Ergo malum habet aliquam naturam intendentem aliquem finem.

11. Praeterea, quod non est aliquid, non potest esse genus; quia non entis non sunt species, ut dicit Philosophus (IV Physic., com. lxxvii). Sed malum est genus; dicitur enim in Praedicamentis in cap. de oppositis, quod bonum et malum non sunt in genera, sed sunt genera aliorum. Ergo malum est aliquid.

12. Praeterea, quod non est aliquid, non potest esse differentia constitutiva alicujus; quia omnis differentia est unum et ens, ut dicitur in III Metaphys. (com. x). Sed bonum et malum

sunt differentie constitutive virtutis et vitii. Ergo malum est aliquid.

13. Præterea, illud quod non est aliquid non potest intendi et remitti. Sed malum intenditur et remittitur; majus enim malum est homicidium quam adulterium. Nec potest dici quod dicatur majus malum inquantum corrumpit plus de bono; quia corruptio boni est effectus mali; causa autem non intenditur et remittitur propter effectum, sed e converso. Ergo malum est aliquid.

14. Præterea, omne quod habet esse per positionem in loco, est aliquid. Sed malum est hujusmodi: dicit enim Augustinus (Bach., cap. xi), quod malum suo loco positum eminentius commendat bonum. Nec potest dici hoc esse intelligendum de malo ex parte boni in quo est; quia malum commendat bonum secundum oppositionem quam habet ad ipsum, secundum quod opposita juxta se posita magis elucescunt. Ergo malum, inquantum est malum, est aliquid.

15. Præterea, Philosophus (in V Phys., com. vii) dicit, quod omnis mutatio est ex subjecto in subjectum, vel ex subjecto in non subjectum, vel ex non subjecto in subjectum; et nominat subjectum quod affirmatione monstratur. Cum autem aliquis mutatur de bono in malum, non mutatur de subjecto in non subjectum, neque de non subjecto in subjectum; quia hæc mutationes sunt generatio et corruptio. Ergo mutatur de subjecto in subjectum; et ita videtur quod malum sit aliquid affirmative existens.

16. Præterea, Philosophus dicit in I de Gener., com. xxi, quod corruptio minus est generatio alterius. Sed malum, inquantum malum, est corruptivum, secundum Dionysium (iv cap. de divin. Nomin.). Ergo malum, inquantum malum, est generativum alicujus; et ita oportet quod sit aliquid; quia omne quod generatur, generatur ex aliquo.

17. Præterea, bonum habet rationem appetibilis; quia bonum est quod omnia appetunt, ut dicitur in I Ethic. (in princ.); et eadem ratione malum habet rationem fugibilis. Sed contingit quod aliquid negative significatur appetitur naturaliter, et aliquid affirmative significatur naturaliter fugitur; sicut ovis naturaliter fugit presentiam lupi, et appetit ejus absentiam. Ergo non magis bonum est aliquid quam malum.

18. Præterea, poena, inquantum poena, est justa; et quod justum est, bonum est. Ergo poena, inquantum poena, est aliquid bonum. Sed poena, inquantum poena, est aliquid malum; dividitur enim malum per poenam et culpam. Ergo aliquid malum, inquantum hujusmodi, est bonum. Sed omne bonum est aliquid. Ergo malum, inquantum est malum, est aliquid.

19. Præterea, si bonitas non esset aliquid, nihil esset bonum. Ergo similiter si malitia non est aliquid, nihil est

malum. Sed constat multa mala esse. Ergo malitia aliquid est.

20. Sed dicendum, quod malum non est ens nature aut moris, sed ens rationis. — Sed contra est quod Philosophus dicit (in VII Metaph., com. viii), quod bonum et malum sunt in rebus, sed verum et falsum sunt in intellectu. Ergo malum non est ens rationis tantum, sed est aliquid in rebus naturalibus.

Sed contra est quod Augustinus dicit (XI de civit. Dei, cap. ix, in fin.), quod malum non est natura aliqua, sed defectus boni hæc nomen accepit.

Præterea, Joan., 1, 3, dicitur: *Omnia per ipsum facta sunt*. Sed malum non est factum per Verbum, ut Augustinus dicit (tract. i in Joan., a med.). Ergo malum non est aliquid.

Præterea, ibidem subditur: *Sine ipso factum est nihil, id est peccatum; quia peccatum nihil est, et nihil fuit homines cum peccant*, ut dicit glossa (Augustini) ibidem; et eadem ratione quodlibet aliud malum nihil est. Ergo malum non est aliquid.

Respondeo dicendum, quod sicut album, ita et malum dupliciter dicitur. Uno enim modo cum dicitur album, potest intelligi id quod est albedini subjectum; alio modo album dicitur id quod est album, inquantum est album, scilicet ipsum accidens. Et similiter malum uno modo potest intelligi id quod est subjectum mali; et hoc aliquid est; alio modo potest intelligi ipsum malum; et hoc non est aliquid, sed est ipsa privatio alicujus particularis boni. Ad cuius evidentiam sciendum est, quod bonum proprie est aliquid inquantum est appetibile; nam, secundum Philosophum (in I Ethic.), optime deficiunt bonum dicentes, quod bonum est quod omnia appetunt; malum autem dicitur id quod opponitur bono. Unde oportet malum esse id quod opponitur appetibili inquantum hujusmodi. Hoc autem impossibile est esse aliquid; quod triplici ratione apparet.

Primo quidem, quia appetibile habet rationem finis; ordo autem finium est sicut et ordo agentium. Quanto enim aliquid agens est superius et universalis, tanto et finis propter quem agit, est universalis bonum; nam omne agens agit propter finem, et propter aliquid bonum; et hoc manifeste apparet in rebus humanis. Nam rector civitatis intendit bonum aliquid particulare, quod est civitatis bonum. Rex autem, qui est illo superior, intendit bonum universale, scilicet totius regni pacem. Cum ergo in causis agentibus non sit procedere in infinitum, sed oporteat devenire ad unum primum, quod est universalis causa essendi, oportet quod etiam sit aliquid universale bonum in quod omnia bona reducuntur; et hoc non potest esse aliud quam hoc ipsum quod est primum et universale agens; quia cum appetibile moveat appetitum, primum autem movens oportet esse non motum; necesse est primum et universale appetibile esse primum et universale bonum, quod omnia operatur

propter appetitum sui ipsius. Sicut ergo quidquid est in rebus oportet quod proveniat a prima et universali causa essendi; ita quidquid est in rebus oportet quod proveniat a primo et universali bono. Quod autem provenit a primo et universali bono, non potest esse nisi bonum particulare tantum; sicut quod provenit a primo et universali causa essendi, est aliquid particulare ens. Omne ergo quod est aliquid in rebus, oportet quod sit aliquid particulare bonum; unde non potest secundum id quod est, bono opposit. Unde relinquatur quod malum, secundum quod est malum, non est aliquid in rebus, sed est alicujus particularis boni privatio, alicui particulari bono inharens. Secundo hoc idem apparet; quia quidquid est in rebus, habet aliquam inclinationem, et appetitum alicujus sibi convenientis. Quod autem habet rationem appetibilis, habet rationem boni. Quidquid ergo est in rebus, habet convenientiam cum aliquo bono. Malum autem, inquantum hujusmodi, non convenit cum bono, sed opponitur ei. Malum ergo non est aliquid in rebus. Sed si malum esset aliqua res, nihil appeteret, nec ab aliquo appeteretur; et per consequens non haberet aliquam actionem nec aliquem motum; quia nihil agit vel movetur nisi propter appetitum finis. Tertio idem apparet ex hoc quod ipsum esse maxime habet rationem appetibilis; unde videmus quod unumquodque naturaliter appetit conservare suum esse, et refugit destructiva sui esse, et eis pro posse resistit. Sic ergo ipsum esse, inquantum est appetibile, est bonum. Oportet ergo quod malum, quod universaliter opponitur bono, opponatur etiam ei quod est esse. Quod autem est oppositum ei quod est esse, non potest esse aliquid. Unde dico, quod id quod est malum, non est aliquid; sed id cui accidit esse malum, est aliquid, inquantum malum privat nonnisi aliquid particulare bonum; sicut et hoc ipsum quod est cæcum esse, non est aliquid; sed id cui accidit cæcum esse, est aliquid.

Ad primum ergo dicendum, quod aliquid dicitur esse malum dupliciter: uno quidem modo simpliciter, alio vero modo secundum quid. Illud autem dicitur simpliciter malum quod est secundum se malum. Hoc autem est quod privatur aliquo particulari bono quod est ex debito sue perfectionis; sicut ægrotudo est malum animalis, quia privat æqualitatem humorum, quæ requiritur ad perfectum esse animalis. Sed secundum quid dicitur esse malum quod non est malum secundum se, sed alicujus; quia scilicet non privatur aliquo bono quod sit de debito sue perfectionis, sed quod est de debito perfectionis alterius rei; sicut in igne est privatio forme aque, quæ non est de debito perfectionis ignis, sed de debito perfectionis aque; unde ignis non est secundum se malus, sed est malus aque. Similiter autem ordo justitiæ habet adjunctam privationem particularis boni alicujus peccantis, inquantum ordo justitiæ hoc requiritur

aliquis peccans privatur bono quod appetit. Sic ergo poena ipsa est bona simpliciter, sed est mala hinc; et hoc malum dicitur deus creare, pacem autem facere; quia ad poenam non cooperatur appetitus peccantis, ad pacem autem cooperatur appetitus pacem recipientis. Creare autem est aliquid facere nullo presupposito. Et sic patet quod malum dicitur esse creatum, non in quantum est malum, sed inquantum est simpliciter bonum, et secundum quid malum.

Ad secundum dicendum, quod bonum et malum proprie opponuntur ut privatio et habitus; quia, ut Simplicius dicit in commento Prædicamentorum, in prædicamen. qualitatis, illa proprie dicuntur contraria quorum utrumque est aliquid secundum naturam, sicut calidum et frigidum, album et nigrum; sed alia quorum unum est secundum naturam et aliud recessus a natura, non opponuntur proprie ut contraria, sed ut privatio et habitus. Sed duplex est privatio; una quidem quæ est in privatio esse, ut mors et cæcitas; alia vero quæ est in privari, ut ægrotudo, quæ est via in mortem, et ophthalmia, quæ est via in cæcitatem; et hujusmodi privationes interdum dicuntur contraria, inquantum adhuc retinent aliquid de eo quod privatur; et hoc modo malum dicitur contrarium, quia non privat totum bonum, sed aliquid de bono removet.

Ad tertium dicendum, quod nisi nigrum aliquid retineret de natura coloris, non posset esse contrarium albo; quia contraria oportet esse in eodem genere. Licet ergo hoc in quo convenit album cum nigro non sufficiat ad rationem contrarietatis, tamen sine hoc contrarietas esse non potest; et similiter licet id in quo convenit malum cum bono non sufficiat ad rationem contrarietatis, tamen sine hoc contrarietas esse non potest.

Ad quartum dicendum, quod ideo in moralibus magis quam in naturalibus malum contrarium bono dicitur, quia moralia ex voluntate dependent; voluntatis autem objectum est bonum et malum. Omnis autem actus denominatur et speciem recipit ab objecto. Sic ergo actus voluntatis, inquantum fertur in malum, recipit rationem et nomen mali; et hoc malum contrariatur proprie bono; et hæc contrarietas ex actibus in habitus transit inquantum actus et habitus simulantur.

Ad quintum dicendum, quod tenebra non est contrarium luminis, sed privatio; sed Aristoteles frequenter utitur nomine contrarii pro privatione, quia ipse dicit, quod privatio quodammodo est contrarium, et quod prima contrarietas est privatio et forma.

Ad sextum dicendum, quod adveniente tenebra nihil remanet de lumine; sed remanet solum potentia ad lumen, quæ non est aliquid tenebræ, sed subiectum ejus. Sic enim antequam illuminaretur aer, erat solum in potentia ad lumen.

Nec proprie loquendo lumen est aut fit aut corrumpitur; sed aer illuminatus esse aut fieri aut corrumpi dicitur secundum lumen.

Ad septimum dicendum, quod sicut Simplicius dicit (in commento Prædicamentorum, in post prædicament., cap. de oppositis) inter malum et bonum, secundum quod in moribus accipitur, invenitur aliquid medium; sicut actus indifferens est medium inter actum vitiosum et virtuosum.

Ad octavum dicendum, quod malum abstracte accipiendo, idest hoc ipsum quod est malum, dicitur corrumpere, non quidem active, sed formaliter, in quantum scilicet est ipsa corruptio boni; sicut et cæcitas dicitur corrumpere visum, in quantum est ipsa visus corruptio seu privatio; sed id quod est malum, si sit quidem malum simpliciter, idest secundum seipsum, sic quidem corrumpit, idest corruptum ducit in actum et effectum, non agendo sed deagendo, idest per defectum activæ virtutis, sicut semen indigestum deficit in generando et producit partem monstruosam, qui est corruptio naturalis ordinis. Sed id quod non est simpliciter et secundum se malum, secundum virtutem activam, perfectam corruptionem facit, non simpliciter, sed aliquid.

Ad nonum dicendum, quod corrumpere formaliter non est movere nec agere, sed corruptum esse; corrumpere autem active est movere et agere; ita tamen quod quicquid est ibi de actione vel motione pertinet ad virtutem boni; quod autem est ibi de defectu, pertinet ad malum, qualitercumque accipitur; sicut quicquid est in claudicatione de motu est ex virtute pressiva; defectus autem rectitudinis est ex tibie curvitate; et ignis generat ignem in quantum habet talem formam, corrumpit tamen aquam, in quantum huic formæ adjungitur talis privatio.

Ad decimum dicendum, quod corruptio quæ est ab eo quod est malum simpliciter et secundum seipsum, non potest esse naturalis, sed magis est casus a natura; sed corruptio quæ est ab eo quod est malum alicui potest esse secundum naturam, sicut quod ignis corrumpat aquam; et tunc id quod intendit, est bonum simpliciter, scilicet forma ignis. Quod autem intendit principaliter, esse ignis generati, et secundario non esse aquæ, in quantum ad esse ignis requiritur.

Ad undecimum dicendum, quod verbum illud Philosophi difficultatem habet; quia si malum et bonum non sunt in genere, sed sunt genera, cassatur decem Prædicamentorum distinctio; et ideo, ut Simplicius dicit (in commento Prædicamentorum, ubi sup.), quidam solventes dixerunt, quod verbum Philosophi sic est intelligendum, quod bonum et malum sunt genera contrariorum, scilicet virtutis et vitii, non tamen sunt in genere contrario, sed in qualitate. Sed expositio hæc non

videtur conveniens; quia istud tertium membrum non differt a primo quod ponit, scilicet quod quedam contraria sunt in uno genere. Unde Porphyrius dixit (eod. loc.), quod contrariorum quedam sunt univoca, et ista sunt vel in uno genere proximo, ut album et nigrum in genere coloris, quod est primum membrum divisionis ab Aristotele positum; vel in contrariis generibus proximis, sicut castitas et impudicitia, quæ sunt sub virtute et vitio, quod est secundum membrum; quedam vero sunt æquivoca, sicut bonum quod circum omnia genera, sicut et ens, et similiter malum; et ideo bonum et malum dixit non esse nec in uno genere nec in pluribus, sed ipsa esse genera, prout genus dici potest id quod genera transcendit, sicut ens et unum. Simplicius vero ponit duas alias solutiones; quarum una est, quod bonum et malum dicuntur genera contrariorum, in quantum unum contrariorum est defectivum respectu alterius, sicut nigrum respectu albi, et amarum respectu dulcis; et sic omnia contraria quodammodo redeuntur ad bonum et malum, prout omnis defectus pertinet ad rationem mali. Unde et in I Physic. (com. LV), dicitur, quod semper contraria comparantur ad invicem ut melius et pejus. Alia solutio est, quod Aristoteles dixit hoc secundum opinionem Pythagoræ qui posuit duos ordines rerum; quorum unus comprehenditur sub bono, et alius sub malo. Multoties enim in logica utitur exemplis non veris secundum opinionem propriam, sed probabilibus secundum aliorum (1) opinionem. Et sic patet secundum prædicta quod non oportet ponere quod malum sit aliquid.

Ad duodecimum dicendum, quod bonum et malum non sunt differentia; nisi in moralibus, in quibus malum positive aliquid dicitur, secundum quod ipse actus voluntatis denominatur malus a volito; licet et ipsum malum non possit esse volitum nisi sub ratione boni.

Ad decimumtertium dicendum, quod unumquodque est magis malum altero, non per accessum ad aliquid summo malum, vel per participationem diversam alicujus formæ, sicut dicitur aliquid magis vel minus album secundum diversam participationem albedinis; sed dicitur aliquid magis vel minus malum, secundum quod magis vel minus privatur de bono, non quidem effective, sed formaliter. Homicidium enim dicitur majus peccatum quam adulterium, non quia magis corrumpat bonum naturale anime; sed quia magis removet bonitatem ipsius actus; plus autem contrariatur caritatis bono, quod debet informari actus virtuosus, homicidium, quam adulterium.

Ad decimumquartum dicendum, quod nihil prohibet malum habere loci positionem secundum id quod in eo de bono retinetur, et quod commendat bonum sua oppositione in quantum est malum.

(1) Al. docet aliorum.

AD DECIMUMQUINTUM dicendum, quod subjectum quod est affirmatione monstratum, non solum est contrarium, sed etiam privatio. Dicit enim Philosophus ibidem quod aliqua privatio affirmatione monstratur, ut nudum; et præterea nihil prohibet dicere mutationem de bono in malum quamdam corruptionem esse, ut sic possit dici mutatio de subjecto in non subjectum; cum tamen homo de bonitate virtutis in malitiam mutatur, est motus de qualitate in qualitatem, ut patet per præmissa.

AD DECIMUMSEXIMUM dicendum, quod, sicut Dionysius solvit (loc. cit. in argum.), malum est corruptivum inquantum est malum; generativum autem non est inquantum malum, sed inquantum retinet aliquid de bono.

AD DECIMUMSEPTIMUM dicendum, quod non esse nunquam appetitur nisi inquantum per aliquid non esse conservatur proprium esse; sicut ovis absentiam lupi appetit propter conservationem propriæ vitæ; nec præsentiam lupi refugit nisi inquantum est suæ vitæ corruptiva. Ex quo patet quod ens appetitur per seipsum, fugitur autem per accidens; non ens autem fugitur per se, et appetitur per accidens; et ideo bonum, inquantum bonum, est aliquid; malum autem, inquantum malum, est privatio.

AD DECIMUMOCTAVUM dicendum, quod poena, inquantum est poena, est malum alicujus; inquantum est iusta, est bonum simpliciter. Nihil autem prohibet id quod est bonum simpliciter, esse malum alicujus; sicut forma ignis est bonum simpliciter, sed est malum aquæ.

AD DECIMUMNONUM dicendum, quod ens dicitur dupliciter. Uno modo secundum quod significat naturam decem generum; et sic neque malum neque aliqua privatio est ens neque aliquid. Alio modo secundum quod respondetur ad questionem *an est*; et sic malum est, sicut et cæcitas est. Non tamen malum est aliquid; quia esse aliquid non solum significat quod respondetur ad questionem *an est*, sed etiam quod respondetur ad questionem *quid est*.

AD VICESIMUM dicendum, quod malum quidem est in rebus, sed ut privatio, non autem ut aliquid reale; sed in ratione est ut aliquid intellectum; et ideo potest dici, quod malum est ens rationis et non rei, quia in intellectu est aliquid, non autem in re; et hoc ipsum quod est esse intellectum, secundum quod aliquid dicitur ens rationis, est bonum; bonum enim est aliquid intelligi.

ARTICULUS II. — *Utrum malum sit in bono.* (I part., qu. XLVIII, art. 2; et II Sent., dist. XXXIV, art. 4; et III cont. Gent., cap. XI.)

Secundo queritur, utrum malum sit in bono. Et videtur quod non. Dicit enim Dionysius (IV cap. de divin. Nomina.), quod malum neque est existens, neque in existentibus, et hoc

probat per hoc, quod omne existens est bonum. Malum autem non est in bono. Ergo non est in existentia; et sic videtur quodam manifesto uti, quod malum non sit in bono.

2. Sed dicendum, quod malum est in existente et in bono, non inquantum est existens vel bonum, sed inquantum est deficiens. — Sed contra, omnis defectus pertinet ad rationem mali. Si ergo malum est in existente inquantum est deficiens, malum est in existente inquantum existens est malum. Malum ergo aliquid præsupponitur in existente ad hoc quod possit esse subjectum mali; et redibit quæstio de illo malo quod sit ejus subjectum; et si existens, inquantum est deficiens, est ejus subjectum, oportebit præsupponere aliquid aliud malum, et sic in infinitum procedere. Standum est ergo in primo, ut scilicet si malum est in existente, sit in eo non inquantum est deficiens, sed inquantum est existens; quod est contra Dionysium.

3. Præterea, malum et bonum sunt opposita. Sed unum oppositorum non est in alio, sicut frigidum non est in igne. Ergo malum non est in bono.

4. Sed dicendum, quod malum non est in bono sibi opposito, sed in alio. — Sed contra, omne illud quod convenit multis, convenit eis per unam naturam. Sed bonum convenit multis, similiter et malum. Ergo per unam naturam communem bonum convenit omnibus bonis, et malum omnibus malis. Sed malum communiter acceptum, oppositum est bono. Ergo malum quodlibet opponitur cuilibet bono; et sic si aliquod malum est in aliquo bono, sequitur quod oppositum sit in suo opposito.

5. Præterea, Augustinus dicit (in Ench., cap. XIII, in princ.), quod in hoc quod malum est in bono, fallit Dialecticorum regula, quæ dicit, quod contraria simul esse non possunt. Non autem falleret, si malum non esset in bono sibi opposito. Ergo ex hoc quod malum est in bono, sequitur quod oppositum sit in opposito; quod omnino esse non potest; quia omnia opposita includunt in se contradictionem, contradictoria autem simul esse non possunt. Non ergo malum est in bono.

6. Præterea, omne quod inest alicui, aut causatur ex subjecto, sicut accidens naturale, ut calor ex igne, aut ex aliquo exteriori agente, sicut calor aquæ ex igne, qui est accidens innaturale. Si ergo malum sit in bono, aut causatur ex bono, aut ab aliquo alio. Sed non ex bono, quia bonum non potest esse causa mali, secundum illud Matth., VII: *Non potest arbor bona fructus malos facere.* Nec iterum causatur ab aliquo alio; quia et hoc vel est malum, vel est commune principium mali et boni. Sed non potest esse malum non causatum ex bono causa mali quod est in bono; quia sic sequeretur quod non omnis biarius haberet ante se unitatem. Nec iterum potest esse quod



sit unum commune principium boni et mali; quia idem secundum idem non facit diversa et difformia. Ergo nullo modo malum potest esse in bono.

7. Præterea, nullum accidens diminit vel corrumpit subjectum in quo est. Sed malum diminit vel corrumpit bonum. Ergo malum non est in bono.

8. Præterea, sicut bonum respicit actum, ita malum e contrario respicit potentiam; unde malum non invenitur nisi in his que sunt in potentia, ut dicitur in IX Metaph. (com. xxxi). Sed malum est in potentia, sicut et quelibet privatio. Non ergo malum est in bono sed in malo.

9. Præterea, bonum et finis sunt idem, ut dicitur in V Metaph. (com. iii. et in II Physic., com. xxxi). Forma autem et finis incidunt in idem, ut dicitur in II Physic. (com. lxx). Sed privatio forme substantialis excludit formam a materia. Ergo non relinquit aliquid bonum. Cum ergo privatio sit in materia, et habeat rationem mali, videtur quod non omne malum sit in bono.

10. Præterea, quanto aliquid subjectum perfectius est, tanto et accidens magis in eo invenitur; sicut quanto ignis perfectior est, tanto magis est calidus. Si ergo malum sit in bono sicut in subjecto, sequeretur quod quanto bonum perfectius est, tanto magis sit ibi malum, quod est impossibile.

13. Præterea, quod non est ens, non est in aliquo. Sed malum non est ens. Ergo non est in bono.

11. Præterea, omne subjectum est conservativum accidentis. Sed malum non conservatur a bono sicut in subjecto, sed magis destruitur. Ergo malum non est in bono sicut in subjecto.

12. Præterea, omne accidens denominat suum subjectum. Si ergo malum sit in bono, denominabit bonum; et ita sequeretur quod bonum sit malum; quod est contra id quod dicitur [Isai., v. 20: *Vae qui dicunt bonum malum.*]

14. Præterea, sicut defectus est de ratione mali, ita perfectio est de ratione boni. Sed malum non est in aliquo perfecto, cum sit corruptio. Ergo malum non est in bono.

15. Præterea, bonum est quod omnia appetunt. Sed id quod est subjectum malo, non est appetibile; vivere enim in miseriis nullus appetit, ut dicitur IX Ethic. Ergo id quod est subjectum mali, non est bonum.

16. Præterea, nihil nocet nisi suo opposito. Si ergo malum non sit in bono sibi opposito, sed in quodam alio bono; non nocet ei, et sic non habebit rationem mali; quia instantum est malum, inquantum nocet bono, ut Augustinus dicit (in Ench., cap. xii. et in lib. de natura boni, cap. vi). In malo autem sibi opposito esse non potest. Ergo in nullo bono est malum.

Sed contra est quod Augustinus dicit (in Ench., cap. xiv), quod malum nisi in bono esse non potest.

Præterea, malum est privatio boni, ut Augustinus dicit (Ench., cap. xi). Sed privatio determinat sibi subjectum; est enim negatio in subjecto, ut dicitur in IV Metaph. (com. iv). Ergo malum determinat sibi subjectum. Sed omne subjectum, cum sit existens, est bonum; quia bonum et ens convertuntur. Ergo malum est in bono.

Respondeo dicendum, quod malum non potest esse nisi in bono. Ad eajus evidentiam sciendum est quod de bono dupliciter contingit loqui: uno modo de bono absolute; alio modo secundum quod dicitur bonum hoc, ut bonus oculus. Loquendo ergo de bono absolute, bonum habet amplissimam extensionem etiam amphorem quam ens, ut Platonici placuit. Cum enim bonum sit id quod est appetibile, id quod est secundum se appetibile, est secundum se bonum. Hoc autem est finis. Sed quia ex hoc quod appetimus finem, sequitur quod appetamus ea que in finem ordinantur, consequens est ut ea que ordinantur in finem, ex hoc ipso quod in finem vel bonum ordinantur, boni rationem obtineant: unde utilia sub divisione boni comprehenduntur. Omne autem quod est in potentia ad bonum, ex hoc ipso quod est in potentia ad bonum, habet ad bonum ordinem; cum esse in potentia nihil aliud sit quam ordinari in actum. Patet ergo quod id quod est in potentia, ex hoc ipso quod est in potentia, habet rationem boni. Omne ergo subjectum inquantum est in potentia respectu cujuscumque perfectionis, etiam materia prima, ex hoc ipso quod est in potentia, habet boni rationem. Et quia Platonici non distinguebant inter materiam et privationem, ordinantes materiam cum non ente, dicebant, quod bonum ad plura se extendit quam ens. Et hanc viam videtur secutus Dionysius in lib. de divin. Nomin. (cap. v), bonum præordinans enti. Et quavis materia distinguitur a privatione, et non sit non ens nisi per accidens, adhuc tamen hæc consideratio quantum ad aliquid vera est; quia materia prima non dicitur ens nisi in potentia, et esse simpliciter habet per formam; sed potentiam habet per seipsam; et cum potentia pertineat ad rationem boni; ut dictum est, sequitur quod bonum conveniat ei per seipsam. Quavis autem quodcumque ens, sive in actu, sive in potentia, absolute bonum dici possit; non tamen ex hoc ipso quelibet res est bonum hoc; sicut si aliquis homo sit bonum simpliciter, non sequitur quod sit bonus cytharandi, sed tunc tantum, quando habet perfectionem in arte cytharandi. Sic ergo licet homo secundum hoc ipsum quod est homo, sit quoddam bonum, non tamen ex hoc ipso est bonus homo, sed id quod facit bonum unumquodque est proprie virtus ejus. Virtus enim est quæ bonum facit habentem, secundum

Philosophum in II Ethic. (cap. vi, in princ.). Virtus autem est ultimum potentia rei, ut dicitur in I de Caelo (com. cxvii). Ex quo patet quod tunc dicitur aliquid bonum hoc, quando habet perfectionem propriam, sicut homo bonus quando habet perfectionem hominis, et bonus oculus quando habet perfectionem oculi. Secundum premissa ergo apparet tripliciter dici bonum. Uno enim modo ipsa perfectio rei bonum ejus dicitur, sicut acumen visus dicitur bonum oculi, et virtus dicitur bonum hominis. Secundo dicitur bonum res que habet suam perfectionem; sicut homo virtuosus, et oculus acule videns. Tertio modo dicitur bonum ipsam subjectum, secundum quod est in potentia ad perfectionem; sicut anima ad vitam, et substantia oculi ad acumen visus. Cum autem malum, ut supra dictum est, nihil aliud sit quam privatio debite perfectionis; privatio autem non sit nisi in ente in potentia, quia hoc privari dicimus quod non est habere aliquid et non habet; sequitur quod malum sit in bono, secundum quod ens in potentia dicitur bonum. Bonum autem quod est perfectio, per malum privatur: unde in tali bono non potest esse malum. Bonum autem quod est compositum ex subjecto et perfectione, diminuitur per malum, in quantum tollitur perfectio et remanet subjectum; sicut cecitas privat visum, et dimittit oculum videntem, et est in substantia oculi, vel etiam in ipso animali, sicut in subjecto. Unde si aliquid bonum est quod est actus purus nullam potentie permutationem habens, cujusmodi est Deus, in tali bono nullo modo potest esse malum.

Ad primum ergo dicendum, quod Dionysius non intendit quod malum non sit in existente, sicut privatio in subjecto; sed quod sicut non est aliquid per se existens, ita non est aliquid positive in subjecto existens.

Ad secundum dicendum, quod cum dicitur quod malum est in existente in quantum est deficiens, potest hoc intelligi dupliciter. Uno modo quod *in quantum* designet quandam concomitantiam; et sic est verum quod dicitur, eo modo loquendi quo dici posset quod album est in corpore in quantum corpus est album. Alio modo ita quod *in quantum* designet rationem preexistentem in subjecto; et sic procedit ratio.

Ad tertium dicendum, quod malum non opponitur bono in quo est; est enim in bono quod est in potentia. Malum autem est privatio; potentia autem non opponitur neque privationi neque perfectioni, sed subalternatur utrique. Dionysius tamen (in IV cap. de div. Nom. part. IV), utitur hac ratione ad ostendendum, quod malum non est in bono tamquam aliquid existens.

Ad quartum dicendum, quod ratio illa multiplicem defectum habet. Nam quod primo dicitur, quod id quod convenit

pluribus convenit eis secundum unam naturam communem, veritatem habet in his que de pluribus univoce predicantur. Bonum autem non predicatur univoce de omnibus bonis, sicut nec ens de omnibus entibus, cum utrumque circumeat omnia genera. Et hac ratione Aristoteles (in I Ethic. com. vi), ostendit quod non est una communis idea boni. Secundo, quia dato quod bonum diceretur univoce, et etiam malum, tamen malum cum sit privatio, non dicitur de malis secundum unam intentionem. Tertio, dato quod utrumque univoce esset, et utrumque aliquam naturam significaret; posset quidem dici quod communis natura mali opponeretur communi nature boni; non tamen oporteret quod quodlibet malum opponeretur cuilibet bono; sicut vitium in communi opponitur virtuti in communi; non tamen quodlibet vitium cuilibet virtuti; intemperantia enim non opponitur liberalitati.

Ad quintum dicendum, quod in hoc quod malum est in bono, non fallit regula Dialecticorum secundum rei veritatem, quia malum non est in bono sibi opposito, ut dictum est; sed fallit secundum quandam apparentiam, prout malum absolute dictum, et bonum, videntur oppositionem habere.

Ad sextum dicendum, quod malum, cum non sit in subjecto sicut accidens naturale, non causatur ex subjecto, sicut nec privatio ex potentia; nec iterum habet exterius causam per se, sed per accidens tantum, ut patet, infra, quest. 3, cum de causa mali quaeretur.

Ad septimum dicendum, quod malum non est sicut in subjecto in bono quod diminuit vel corrumpit; sed potius in bono, secundum quod ens in potentia dicitur bonum.

Ad octavum dicendum quod quantumvis actus secundum se sit bonum, non tamen sequitur quod potentia secundum se sit malum, sed privatio que opponitur actui. Potentia vero ex hoc ipso quod habet ordinem ad actum, habet rationem boni, ut dictum est, in corp. art.

Ad nonum dicendum, quod in illa ratione multiplex defectus est. Primo enim licet finis sit secundum se bonum, non tamen solus finis est bonum, sed etiam ea que ordinantur ad finem, ex ipso ordine habent rationem boni, ut dictum est. Secundo, quia licet aliquis finis sit idem cum forma, non tamen sequitur quod omnis finis sit forma; nam in quibusdam etiam ipsa operatio vel usus est finis, ut dicitur in I Ethic. (com. i). Et iterum cum factum sit quodammodo finis faciens, dispositio ad formam est finis in artibus que materiam preparant; et ipsa materia, secundum quod est facta ab arte divina, hac ratione est bonum et finis, prout ad ipsam terminatur actio creaturis.

Ad decimum dicendum, quod ratio illa procedit de accidentibus que consequuntur naturam subjecti, sicut calor consequitur naturam ignis; aliter tamen est de accidente quod es

recessus a natura, sicut aegritudo. Non enim sequitur, si aegritudo est accidens animalis, quod quanto animal fuerit fortius, tanto sit magis aegrum, sed quod tanto sit minus aegrum; et eadem ratio est de quolibet malo. Potest tamen dici quod quanto aliquid magis est in potentia et magis aptum ad bonum, tanto pejus sit ipsum privari bono. Bonum autem quod est subjectum mali, est potentia; et sic aliquo modo quanto magis est bonum quod est subjectum mali, tanto magis est malum.

AD UNDECIMUM dicendum, quod subjectum conservat accidens quod naturaliter ei inest. Sic autem malum non est in bono tamquam naturaliter inherens bono; et tamen malum non posset esse, si totaliter bonum destrueretur.

AD DUODECIMUM dicendum, quod, sicut dicit Augustinus (in Enchir., cap. xlii), sententia prophetica est contra eos qui dicunt, bonum, in quantum est bonum, esse malum; non autem est contra eos qui dicunt id quod est secundum aliquid bonum, secundum aliud esse malum.

AD DECIMUMTERTIUM dicendum, quod malum non dicitur esse in bono quasi aliquid positive dictum, sed sicut privatio.

AD DECIMUMQUARTUM dicendum, quod non solum id quod est perfectum, habet rationem boni, sed etiam id quod est in potentia ad perfectionem; et in tali bono est malum.

AD DECIMUMQUINTUM dicendum, quod id quod est subjectum privationi, licet non sit appellabile ex eo quod est sub privatione, est tamen appetibile ex eo quod est in potentia ad perfectionem; et secundum hanc rationem est bonum.

AD DECIMUMSEXTUM dicendum, quod malum nocet bono composito ex potentia et actu, in quantum aufert ei suam perfectionem; nocet etiam ipsi bono quod est in potentia, non quasi aliquid eius auferens, sed in quantum est ipsa ablatio vel privatio perfectionis cui opponitur.

ARTICULUS III. — *Utrum bonum sit causa mali.* (I part., quest. XLIX, art. 1 et 2; et I-II, quest. LXXV, art. 1; et II Sent., dist. 1, quest. 1, art. 1; et II cont. Gent., cap. xli.)

Tertio queritur, utrum bonum sit causa mali. Et videtur quod non. Dicitur enim Math., vii: *Non potest arbor bona fructus malos facere.* Fructus autem dicitur effectus cause. Ergo bonum non potest esse causa mali.

2. Præterea, effectus habet similitudinem in sua causa; quia omne agens agit sibi simile. Sed similitudo mali non præexistit in bono. Ergo bonum non est causa mali.

3. Præterea, ea quæ sunt causatorum, substantialiter præexistunt in causis. Si ergo malum causatur ex bono, malum substantialiter præexistit in bono, quod est impossibile.

4. Præterea, unum oppositum non est causa alterius. Sed malum opponitur bono. Ergo bonum non est causa mali.

5. Præterea, Dionysius dicit (iv cap. de div. Nom., part. iv), quod malum non est ex bono; et si ex bono est, non est malum.

6. Sed dicendum, quod bonum, in quantum deficiens, est causa mali. — Sed contra, omnis defectus habet rationem mali. Si ergo bonum est causa mali in quantum est deficiens, sequitur quod bonum est causa mali in quantum præhabet in se aliquid malum; et tunc redibit questio de illo malo. Aut ergo procedetur in infinitum; aut oportebit reducere in aliquid primum malum quod sit causa mali, aut oportebit dicere quod bonum, in quantum huiusmodi, est causa mali.

7. Sed dicendum, quod ille defectus qui præexistit in bono secundum quod est causa mali, non est malum in actu, sed defectibilitas, sive potentia ad defectum. — Sed contra, Philosophus dicit (in II Phys., com. xxxiv), quod causa secundum potentiam comparatur effectibus secundum potentiam, et causa secundum actum comparatur effectibus secundum actum. Ex hoc ergo quod est aliquid potens deficere, non est causa defectus in actu, quod est malum in actu.

8. Præterea, posita causa sufficienti ponitur effectus; quia de ratione cause est quod faciat debere esse effectum. Sed non quodcumque est defectibilis in aliqua creatura, invenitur in ea malum in actu. Si ergo aliquid defectibile nondum deficiens in instanti quod est A; in B autem deficiat actu. Aut ergo aliquid advenit in B, quod non erat in A, aut nihil. Si nihil, non deficiet in B, sicut non deficiebat in A; si autem aliquid additum est, aut est bonum, aut malum. Si malum, est abiro in infinitum sicut prius: si bonum, ergo bonum, in quantum huiusmodi, est causa mali; et sic sequitur quod magis bonum sit causa magis mali, et summum bonum causa summi mali. Non ergo bonum, in quantum est deficiens, est causa mali.

9. Præterea, omne bonum, in quantum est creatum, est potens deficere. Si ergo bonum, in quantum est potens deficere, est causa mali, sequitur quod bonum, in quantum est creatum, sit causa mali. Sed semper bonum creatum manet creatum. Ergo semper erit causa mali, quod est inconveniens.

10. Præterea, si bonum, in quantum deficiens actu vel potentia, est causa mali, sequitur quod Deus, qui nullo modo est deficiens nec actu nec potentia, non possit esse causa mali; quod est contra illud quod dicitur Isai., lv, 7: *Ego Dominus creavi malum;* et Amos, iii, 6: *Non est malum in civitate quod Deus non fecerit.* Ergo bonum non est causa mali in quantum est deficiens.

11. Præterea, sicut se habet perfectio ad bonum, ita se habet defectus ad malum. Ergo commutatim, sicut se habet

defectus ad bonum, ita se habet perfectio ad malum. Sed aliquis defectus, inquantum est defectus, est causa boni; sicut *flāes* inquantum est visio reigmatica, quod ad defectum visionis pertinet, est causa morii. Ergo bonum, inquantum est perfectum et non inquantum est deficiens, potest esse causa mali.

12. Præterea, ad operandum tria requiruntur: ratio dirigens, voluntas imperans et potentia exequens. Sed defectus in ratione, qui est ignorantia, excusat a malo, idest a culpa, et sic non est causa mali; et similiter defectus potentie, qui est infirmitas, excusat. Ergo et defectus qui est in voluntate excusat. Non ergo voluntas, inquantum est bonum deficiens, est causa mali.

13. Præterea, si voluntas, inquantum est deficiens, est causa mali; aut ergo inquantum est deficiens a bono quod debet ei inesse, et hinc est poena, et sic poena præcederet culpam; aut a bono quod non debet ei inesse, et ex tali defectu nullum malum sequitur; non enim aliquod malum sequitur in lapide ex hoc quod non habet visum. Nullum ergo bonum est causa mali inquantum est deficiens.

14. Sed dicendum, quod bonum, inquantum huiusmodi, potest esse causa mali, sed per accidens. — Sed contra, actio agentis per accidens attingit ad effectum, sicut actio effodientis sepulchrum attingit ad thesaurum inventum. Si ergo bonum est causa mali per accidens, sequitur quod actio boni peringit ad ipsum malum; quod videtur inconveniens.

15. Præterea, agens aliquid illicitum præter intentionem non peccat, sicut si aliquis intendat percutere hostem, et percutiat patrem. Per accidens autem causa alicujus est quod non intendit ipsum. Si ergo malum non habet causam nisi per accidens, sequitur quod nullus faciendo malum peccat; quod est inconveniens.

16. Præterea, omnis causa per accidens reducitur ad causam per se. Si ergo malum habeat causam per accidens, videtur sequi quod malum habeat causam per se.

17. Præterea, illud quod provenit per accidens, provenit ut in paucioribus. Sed malum provenit ut in pluribus; quia, ut dicitur *Eccle.*, i. 15, *stultorum infinitus est numerus*. Ergo malum habeat causam per se, et non per accidens.

18. Præterea, natura est causa per se eorum que naturaliter fiunt, ut dicitur *II Phys.* (com. in et seq.). Sed aliqua mala fiunt naturaliter, scilicet corrumpi et senescere, ut dicitur in *V Phys.* Ergo non est dicendum quod bonum sit causa mali per accidens.

19. Præterea, bonum est actus et potentia. Sed neutrum est causa mali; nam forma que est actus, privatur per malum; bonum autem quod est potentia, se habet ad utrumque, scilicet ad bonum et ad malum. Ergo nullum bonum est causa mali.

Sed contra est quod Augustinus dicit (in *Rechir.*, cap. xiv et xv), quod malum non potest oriri nisi ex bono.

Præterea, Dionysius dicit (v. cap. de divin. Nom.), quod omnium malorum principium et finis est bonum.

Respondeo dicendum, quod causa mali est bonum, eo modo quo malum causam habere potest. Sciendum est enim, quod malum causam per se habere non potest. Quod quidem tripliciter apparet. Primo quidem, quia illud quod per se causam habet, est intentum a sua causa; quod enim provenit præter intentionem agentis, non est effectus per se, sed per accidens; sicut effosio sepulchri per accidens est causa inventionis thesauri, cum provenit præter intentionem fodientis sepulchrum. Malum autem, inquantum huiusmodi, non potest esse intentum, nec aliquo modo volitum vel desideratum; quia omne appetibile habet rationem boni, cui opponitur malum inquantum huiusmodi. Unde videmus quod nullas facit aliquid malum nisi intendens aliquid bonum, ut sibi videtur; sicut adultero bonum videtur quod delectatione sensibili fruatur, et propter hoc adulterium committit. Unde relinquitur quod malum non habeat causam per se. Secundo idem apparet, quia omnis effectus per se habet aequaliter similitudinem suæ causæ, vel secundum eandem rationem, sicut in agentibus univocis, vel secundum deficientem rationem, sicut in agentibus æquivocis; omnis enim causa agens agit secundum quod actu est, quod pertinet ad rationem boni. Unde malum, secundum quod huiusmodi, non assimilatur causæ agenti secundum id quod est agens. Relinquitur ergo quod malum non habeat causam per se. Tertio idem apparet ex hoc quod omnis causa per se, habet certum et determinatum ordinem ad suum effectum; quod autem sit secundum ordinem non est malum, sed malum accidit in præmittendo ordinem. Unde malum, secundum quod huiusmodi, non habet causam per se, oportet tamen quod malum aliquo modo causam habeat. Manifestum est enim, cum malum non sit aliquid per se existens, sed sit aliquid in hærens, ut privatio (que quidem est defectus ejus quod est natum inesse et non inest), quod esse malum non naturaliter inest ei cui inest. Si enim aliquid defectus est alicui rei, naturaliter, non potest dici quod sit malum ejus, sicut non est malum homini non habere alas, nec lapidi non habere visum, quia est secundum naturam. Omne autem ens quod non naturaliter inest alicui, oportet habere aliquam causam; non enim aqua esset calida nisi ab aliqua causa. Unde relinquitur quod omne malum habeat aliquam causam, sed per accidens, ex quo per se causam habere non potest. Omne autem quod est per accidens, reducitur ad id quod est per se. Si autem malum non habeat causam per se, ut ostensum est, relinquitur quod solum bonum habeat causam per se. Nec potest per se causa boni esse nisi bonum, cum

causa per se causet sibi simile. Relinquitur ergo quod ejuslibet mali, bonum sit causa per accidens. Contingit autem et malum, quod est defectivum bonum, esse causam mali; sed tamen oportet devenire ad hoc quod prima causa mali non sit malum, sed bonum. Est ergo duplex modus quo malum causatur ex bono. Uno modo bonum est causa mali in quantum est deficiens; alio modo in quantum est per accidens. Quod quidem in rebus naturalibus de facili apparet; hujus enim mali quod est corruptio aque, causa est virtus ignis activa. Quae quidem non principaliter intendit et per se non esse aquae, sed principaliter intendit formam ignis inducere in materiam, cui conjungitur ex necessitate non esse aquae; et sic per accidens est quod ignis faciat aquam non esse. Hujus vero mali quod est monstruositas partis, causa est virtus deficiens in semine. Sed si quaeratur causa hujus defectus quod est malum seminis, erit devenire in bonum quod est causa mali per accidens, et non in quantum est deficiens. Hujus enim defectus qui est in semine, causa est aliquod principium alterans, quod inducit qualitatem contrariam qualitati quae requiritur ad bonam dispositionem seminis. Cujus alterantis virtus quanto fuerit perfectior, tanto hanc qualitatem contrariam magis inducet, et per consequens defectum seminis consequentem. Unde malum seminis non causatur ex bono in quantum est deficiens; sed causatur ex bono in quantum est perfectum, sed per accidens. In voluntariis autem quodammodo similiter se habet, sed non quantum ad omnia. Manifestum est enim quod detectabilis secundum sensum movet voluntatem adhiberi, et afficit eam ad delectandum tali delectatione, quae excludit ordinem rationis et legis divinae; quod est malum morale. Si ergo ita esset quod voluntas ex necessitate reciperet impressionem delectabilis allicientis, sicut ex necessitate corpus naturale recipit impressionem agentis, omnino idem esset in voluntariis et naturalibus. Non est autem sic; quia quantumcumque externus sensibilis alliciat, in potestate tamen voluntatis est recipere vel non recipere; unde mali quod accidit ex hoc quod recipit, non est causa ipsum delectabile movens, sed magis ipsa voluntas. Quae quidem est causa mali secundum utramque predictorum modorum, scilicet et per accidens, et in quantum est bonum deficiens; per accidens quidem, in quantum voluntas fertur in aliquid quod est bonum secundum quid, sed habet conjunctum quod est simpliciter malum; sed ut bonum deficiens, in quantum in voluntate oportet praecogitare aliquem defectum ante ipsam electionem deficientem, per quem eligit secundum quid bonum, quod est simpliciter malum; quod sic patet. In omnibus enim quorum unum debet esse regula et mensura alterius, bonum in regulato et mensurato est ex hoc quod regulatur et conformatur

regulae et mensurae; malum vero ex hoc quod non regulari vel mensurari. Si ergo sit aliquis artifex qui debeat aliquid lignum recte incidere secundum aliquam regulam, si non directe incidat, quod est male incidere, haec mala incisio causabitur ex hoc defectu quod artifex erat sine regula et mensura. Similiter delectatio et quodlibet aliud in rebus humanis est mensurandum et regulandum secundum regulam rationis et legis divinae; unde non uti regula rationis et legis divinae praesentelligitur in voluntate ante inordinatam electionem. Hujusmodi autem quod est non uti regula praedicta, non oportet aliquam causam quaerere; quia ad hoc sufficit ipsa libertas voluntatis, per quam potest agere vel non agere; et hoc ipsum quod est non attendere actu ad talem regulam in se consideratam, non est malum nec culpa nec poena; quia anima non tenetur nec potest attendere ad hujusmodi regulam semper in actu; sed ex hoc accipit primo rationem culpae, quod sine actuali consideratione regulae procedit ad hujusmodi electionem; sicut artifex non peccat in eo quod non semper tenet mensuram; sed ex hoc quod non tenens mensuram procedit ad incidendum; et similiter culpa voluntatis non est in hoc quod actu non attendit ad regulam rationis vel legis divinae; sed ex hoc quod non habens regulam vel mensuram hujusmodi, procedit ad eligendum; et inde est quod Augustinus dicit (in XII de Civit. Dei, cap. vi et vii, et lib. XIV, cap. xiii), quod voluntas est causa peccati in quantum est deficiens; sed illum defectum comparat silentio vel tenebris, quia scilicet defectus ille est negatio sola.

AD PRIMUM ergo dicendum, quod, sicut Augustinus solvit (in Enchir., cap. xv), per arborem intelligitur voluntas, per fructum intelligitur opus externus. Sic ergo intelligendum est, quod arbor bona non potest fructus malos facere, quia ex bona voluntate non procedit opus malum, sicut nec ex mala voluntate procedit opus bonum. Sed tamen et ipsa mala voluntas est ex aliquo bono, sicut et ipsa mala arbor causatur ex terra bona. Sicut enim supra dictum est, si aliquis effectus malus causetur ex causa mala, quae est bonum deficiens; tamen oportet devenire ad hoc quod malum causetur per accidens a bono non deficiente (1).

AD SECUNDUM dicendum, quod obiecta illa procedit de causa per se; in tali enim causa praexistit similitudo effectus. Sic autem bonum non est causa mali, ut dictum est, sed per accidens.

AD TERTIUM dicendum, quod etiam illa ratio procedit de causa et effecta per se; causa enim quae substantialiter praebet (2) quod est in effecta, est causa per se.

AD QUARTUM dicendum, quod oppositum non est causa sui (1) *Ad a bono deficiente.* — (2) *Porte presbiter.*

oppositi per se; sed per accidens nihil prohibet. Frigidum enim est causa calidi, conversum quodammodo et ambiens, ut dicitur in VIII Physic. (com. viii).

Ab **QUINTUM** dicendum, quod Dionysius ibi intelligit quod malum non sit ex bono sicut ex causa per se; sed postea in eodem capite ostendit quod malum sit ex bono per accidens.

Ab **SEXIMUM** dicendum, quod aliquid bonum est causa mali inquantum est deficiens; non tamen hoc solommodo bonum est causa mali, sed etiam quodammodo bonum, non inquantum est deficiens, est causa mali per accidens. Sed in voluntariis causa mali, quod est peccatum, est voluntas deficiens; sed ille defectus non habet rationem nec culpæ nec pœnæ, secundum quod præintelligitur peccato, sicut expositum est. Nec huiusmodi defectus oportet aliam causam querere; unde non oportet procedere in infinitum. Cum ergo dicitur, quod bonum, inquantum est deficiens, est causa mali, si ly *inquantum* designet aliquid præexistentis, sic non est universaliter verum; si autem designet concomitantiam, sic verum est universaliter, quia omne quod causat malum, est deficiens, idest defectum causans, sicut si diceretur, quod omne calefaciens calefacit inquantum est calefaciens.

Ab **SEPTIMUM** dicendum, quod bonum, inquantum habet aptitudinem ad deficiendum, non est sufficiens causa quod sit in actu, sed inquantum habet aliquem defectum in actu, sicut etiam in voluntate expositum est, in corp. arti. Quamvis etiam non sit necessarium quod habeat qualemcumque defectum ad hoc quod sit causa mali; quia si non sit deficiens, potest esse per accidens causa mali.

Et per hoc etiam patet responsio ad **OCTAVUM**.

Ab **NOVUM** dicendum, quod bonum ex hoc quod est creatum, aliquo modo potest deficere illo defectu ex quo malum voluntarium procedit: quia ex hoc ipso quod est creatum, sequitur quod ipsum sit subiectum alteri, sicut regulæ, et mensuræ. Si autem ipsum esset sua regulæ et mensuræ, non posset sine regulæ ad opus procedere. Propter hoc Deus, qui est sua regulæ, peccare non potest; sicut nec artifex peccare posset in incisione ligni si sua manus regulæ esset incisionis.

Ab **DECIMUM** dicendum, quod, sicut iam dictum est, in solut. 6, non oportet quod bonum quod est causa mali per accidens, sit bonum deficiens. Sic autem Deus est causa mali pœnæ; non enim in puniendo intendit malum ejus quod punitur, sed ordinem suæ justitiæ imprimere rebus, ad quod sequitur malum huius quod punitur, sicut ad formam ignis sequitur privatio forme aque.

Ab **UNDECIMUM** dicendum, quod fides non est meritoria ex hoc quod est cognitio ænigmatica; sed ex hoc quod tali cognitione voluntas bene utitur, assentiendo scilicet his quæ non

videt, propter Deum. Nihil autem prohibet quod etiam aliquis bene utendo malo mereatur; sicut e contrario aliquis male utendo bono demeretur.

Ab **DUODECIMUM** dicendum, quod defectus ipse voluntatis est culpa, sicut defectus intellectus est ignorantia, et sicut defectus potentie exaquentis est infirmitas. Sic ergo defectus voluntatis non excusat a culpa, sicut nec defectus intellectus excludit ignorantiam, neque defectus potentie excludit infirmitatem.

Ab **DECIMUMTERTIUM** dicendum, quod defectus qui præintelligitur in voluntate ante peccatum non est culpa neque pœna, sed negatio pura; sed accipit rationem culpæ ex hoc ipso quod cum tali negatione se applicat ad opus. Ex ipsa enim applicatione ad opus fit debitum illud bonum quo caret, scilicet attendere actu ad regulam rationis et legis divine.

Ab **DECIMUMQUARTUM** dicendum, quod causa per accidens dicitur aliquid alicujus dupliciter. Uno modo ex parte cause, sicut causa domus per se est edificator, cui accidit esse musicum, et sic musicum quod accidit cause per se, dicitur per accidens causa domus. Aliomodo ex parte effectus, ut dicitur, quod edificator est causa domus per se; causa autem alicujus quod accidit domui, est per accidens; sicut quod domus sit fortunata vel infortunata, hoc est quod alicui in domo facta accidat bene vel male. Cum ergo dicitur quod bonum est causa mali per accidens, intelligendum est secundum accidens quod accidit effectui, inquantum scilicet bonum est causa alicujus boni, cui accidit quædam privatio quæ dicitur malum. Licet autem aliquando actio cause pertingat ad ipsum effectum qui est per accidens, sicut effodiens sepulchrum per suam effossionem invenit thesaurum; non tamen hoc est semper verum; operatio enim edificatoris non pertingit ad hoc quod habitanti in domo bene val male accidat. Et sic dico, quod actio boni non pertingit ad malum causatum; propter quod Dionysius dicit (iv cap. de div. Nom.), quod malum non solum est præter intentionem, sed etiam præter viam, quia motus per se non terminatur ad malum.

Ab **DECIMUMQUINTUM** dicendum, quod aliquando accidens alicujus effectus conjungitur ei ut in paucioribus et raro; et tunc agens dñi intendit effectum per se non oportet quod aliquo modo intendat effectum per accidens. Aliquando vero huiusmodi accidens concomitatur effectum principaliter intentum semper, vel ut in pluribus; et tunc accidens non separatur ab intentione agentis. Si ergo bono quod voluntas intendit, adiungitur aliquod malum ut in paucioribus, potest excusari a peccato; sicut si aliquis incidens lignum in silva per quam raro transit homo projiciens lignum interficiat hominem. Sed si semper vel ut in pluribus adiungatur malum bono quod per se

intendit, non excusatur a peccato, licet illud malum non per se intendat. Delectationi autem quæ est in adulterio, semper conjungitur malum, scilicet privatio ordinis iustitiæ; unde non excusatur a peccato; quia ex hoc ipso quod eligit bonum cui semper conjungitur malum, etsi non velit malum secundum seipsum, magis tamen vult incidere in hoc malum quam carere tali bono.

AD DECIMUMSEXTUM dicendum, quod sicut per accidens quod est ex parte cause reducitur ad causam per se agentem; ita per accidens quod est ex parte effectus, reducitur ad alium effectum per se. Malum vero cum sit effectus per accidens, reducitur ad bonum cui conjungitur, quod est effectus per se.

AD DECIMUMSEPTIMUM dicendum, quod non semper id quod est per accidens, est ut in paucioribus, sed quandoque est semper, aut in pluribus; sicut vadens ad forum causa emendi, aut semper aut in pluribus invenit multitudinem hominum, quamvis hoc non intendat. Similiter adulter intendens bonum cui semper conjungitur malum, semper incidit in malum. Quod autem accidit in hominibus quod bonum sit ut in paucioribus, malum ut in pluribus, ex hoc contingit quod pluribus modis contingit deviare a medio quam modum tenere, ut dicitur in II Ethic. (cap. vi), et quia sensibilia bona sunt magis nota apud multos quam bona rationis.

AD DECIMUMOCTAVUM dicendum, quod corruptio dicitur mutatio naturalis, non secundum naturam particularem ejus quod corrumpitur, sed secundum naturam universalem, quæ movet ad generationem vel corruptionem; ad generationem quidem propter se; ad corruptionem autem in quantum generatio sine corruptione esse non potest. Et sic non est per se et principaliter intenta corruptio, sed generatio tantum.

AD DECIMUMNOVUM dicendum, quod causa mali per accidens non est bonum quod privatur per malum, neque bonum quod subvertitur malo; sed bonum quod est agens, quod inducendo unam formam, privat aliam.

ARTICULUS IV. — *Utrum malum convenienter dividatur per penam et culpam.* (I part., quest. XLVIII, art. 3; et II Sent., dist. 35, art. 1 et 3, dist. 34, quest. II, art. 3, questione. I, corp.)

Quarto queritur, utrum malum convenienter dividatur per culpam et penam. Et videtur quod non. Quia omnis bona divisio est per opposita. Sed pena et culpa non sunt opposita: quia aliquod peccatum est pena peccati, ut Gregorius dicit super Ezech. (homil. XI). Ergo malum non convenienter dividitur per penam et culpam.

2. Sed dicendum, quod peccatum non est pena in quantum peccatum, sed per quamdam concomitantiam. — Sed contra,

actus, in quantum est inordinatus, est malus. Sed in quantum est inordinatus, est pena; dicit enim Augustinus, in I Confess. (cap. XII, in fin.): *Jussisti Domine, et sic est, ut omnis inordinatus animus sibi ipse sit pena.*

3. Præterea, perfectio secunda, quæ est operatio, est melior quam prima, quæ est forma vel habitus: unde et Philosophus probat (in I Ethic., cap. VII), quod summum bonum humanum, scilicet felicitas, non est habitus, sed operatio. Si igitur privari prima perfectione est pena, multo magis peccatum, quod tollit secundam perfectionem, scilicet malum operationis est pena.

4. Præterea, omnis passio anxietatem inducens, videtur penam habere. Sed multa peccata sunt cum passionibus anxietatem inducentibus, sicut invidia, accidia, ira et hujusmodi; et multa etiam sunt difficultatem habentia in operando, sicut in persona impiorum dicitur Sap., v, 7: *Ambulaculus vias difficiles.* Ergo videtur quod peccatum, in quantum hujusmodi, sit pena.

5. Præterea, si peccatum per concomitantiam est pena, omne peccatum quod concomitatur aliqua pena erit pena. Sed primum peccatum concomitatur aliqua pena. Ergo sequitur quod primum peccatum sit pena; quod est contra Augustinum, qui dicit sola illa peccata esse penas quæ sunt media inter primum peccatum apostasiæ et ultimam penam gehennæ.

6. Præterea, sicut dicit Augustinus (in lib. de natura Boni, cap. XXXV, XXXVI et XXXVII), malum est corruptio modi, speciei, et ordinis naturalis; et loquitur de malo in communi. Postmodum autem ad rationem penæ pertinere dicit quod adversetur naturæ. Ergo videtur quod omne malum sit pena. Non ergo debet malum dividi per penam et culpam.

7. Præterea, contingit aliquem gratiam non habentem peccare. Culpam autem omnis, cum sit malum, aliquod bonum privat; non autem privat bonum gratia, cum suppositum sit quod gratiam non habeat. Ergo privat bonum naturæ; ergo est pena; quia de ratione penæ est ut adversetur naturæ bono, ut Augustinus dicit.

8. Præterea, ipse actus peccati, secundum hoc quod est actus quidam, et bonus est et a Deo est. Secundum hoc ergo est in eo malum culpæ secundum quod est in eo aliqua corruptio. Sed omnis corruptio habet rationem penæ. Ergo malum culpæ, in quantum est malum, est pena, et ita non debet dividi culpa contra penam.

9. Præterea, illud quod secundum seipsum est bonum, non debet poni ut divisivum mali. Sed pena, in quantum hujusmodi, est bona, quia est justa; unde et satisfaciens laudatur de hoc quod penam volunt pro peccatis subire. Ergo pena non debet poni ut divisiva mali.

10. Præterea, aliquod malum est quod nec est pena nec

culpa, scilicet malum naturæ. Ergo insufficienter dividitur malum per poenam et culpam.

11. Præterea, de ratione poenæ est quod sit contra voluntatem; de ratione autem culpæ est quod sit voluntaria. Aliqua autem mala patitur homo quo nec vult nec sunt contra ejus voluntatem; sicut si alicujus res in ejus absentia diripiantur eo ignorante. Ergo malum non sufficienter dividitur per poenam et culpam.

12. Præterea, quoties dicitur unum oppositorum, toties dicitur et reliquum, ut Philosophus dicit in Topicis, cap. xiii. Sed bonum dicitur tripliciter: videlicet honestum, utile et delectabile. Ergo et malum in tria debet dividi, et non in duo tantum.

13. Præterea, secundum Philosophum, in II Ethic. (cap. vi, a med.), malum est multiplicitus quam bonum. Sed est triplex bonum, scilicet naturæ, gratiæ et gloriæ. Ergo videtur quod malum debeat esse multiplicitus; et ita videtur quod malum inconvenienter dividatur per duo tantum.

Sed contra est quod Augustinus (Filgentius) dicit in lib. de Fide ad Petrum (cap. xxi): *Geminum est creaturæ rationalis malum; unum quo voluntarie deficit a summo bono; alterum quo in vita peccatur; per quæ duo exprimitur poena et culpa.* Ergo malum dividitur per poenam et culpam.

Respondendo dicendum, quod natura rationalis vel intellectualis quodam speciali modo se habet ad bonum et malum præ aliis creaturis; quia quasi libet alia creatura naturaliter ordinatur in aliquid particulare bonum; intellectualis autem natura sola apprehendit ipsam rationem boni communem per intellectum; et in bonum commune movetur per appetitum voluntatis; et ideo malum rationalis creaturæ speciali quadam divisione dividitur per culpam et poenam. Hæc enim divisio non est mali nisi secundum quod in rationali natura invenitur, ut patet ex auctoritate Augustini inducta; ex qua etiam hujusmodi ratio accipi potest, quia scilicet de ratione culpæ est quod sit secundum voluntatem, de ratione autem poenæ est quod sit contra voluntatem. Voluntas autem in sola natura intellectuali invenitur. Horum autem duorum distinctio sic potest accipi. Cum enim malum opponatur bono, necesse est quod secundum divisionem boni dividatur malum. Bonum autem quadam perfectionem designat. Perfectio autem est duplex: scilicet prima, quæ est forma vel habitus; et secunda, quæ est operatio. Ad perfectionem autem primam, cuius usus est operatio, potest reduci omne illud quo utimur operando. Unde et e converso duplex malum invenitur. Unum quidem in ipso agente, secundum quod privatur vel forma vel habitu, vel quocumque quod necessarium sit ad operandum; sicut cæcitas vel curvitas tibie quoddam malum est. Aliud vero malum est in ipso actu deficiente, sicut

si dicamus claudicationem esse aliquid malum. Sicut autem in aliis contingit hæc duo reperiri, ita et in natura intellectuali quæ per voluntatem operatur: in qua manifestum est quod inordinata actio voluntatis habet rationem culpæ; ex hoc enim aliquis vituperatur et culpabilis redditur, quod inordinatam actionem voluntarie operatur. Est autem et in creatura intellectuali invenire malum secundum privationem formæ aut habitus, aut ejuscumque alterius quod posset esse necessarium ad bene operandum, sive pertinet ad animam sive ad corpus sive ad res exteriores; et tale malum, secundum fidei catholicæ sententiam, necesse est quod poenâ dicatur. Sunt enim tria de ratione poenæ. Quorum unum est quod habet respectum ad culpam; dicitur enim proprie aliquis puniri quando patitur malum pro aliquo quod commisit. Habet autem hoc traditio fidei, quod nullum nocementum creatura rationalis potuisset incurere neque quantum ad animam neque quantum ad corpus neque quantum ad aliqua exteriora, nisi peccato præcedente vel in persona vel saltem in natura; et sic sequitur quod omnis talis boni privatio, quo uti quis potest ad bene operandum in hominibus, poenâ dicatur, et pari ratione in Angelis; et sic omne malum rationalis creaturæ vel sub culpa vel sub poenâ continetur. Secundum vero quod pertinet ad rationem poenæ, est quod voluntati repugnet. Voluntas enim uniuscujusque inclinationem habet in proprium bonum; unde privati proprio bono, voluntati repugnat. Sciendum tamen est quod poenâ tripliciter repugnat voluntati. Quandoque quidem voluntati actuali, sicut cum quis se sciente sustinet aliquam poenam. Quandoque vero est contra voluntatem tantum habitudalem, sicut cum alicui ignorantia subtrahitur aliquid bonum, de quo doleret, si sciret. Quandoque vero solum contra naturalem inclinationem voluntatis, sicut cum quis privatur habitu virtutis, qui virtutem habere non vult; sed tamen naturalis inclinatio voluntatis est ad bonum virtutis. Tertium vero esse videtur de ratione poenæ ut in quadam passione consistat. Ea enim quæ contra voluntatem eveniunt, non sunt a principio intrinseco quod est voluntas, sed a principio extrinseco, cuius effectus passio dicitur. Sic ergo tripliciter poenâ et culpa differunt. Primum quidem, quia culpa est malum ipsius actionis, poenâ autem est malum agentis. Sed hæc duo mala aliter ordinantur in naturalibus et voluntariis; nam in naturalibus ex malo agentis sequitur malum actionis, sicut ex tibia curva sequitur claudicatio; in voluntariis autem e converso, ex malo actionis, quod est culpa, sequitur malum agentis, quod est poenâ, divina providentia culpam per poenam ordinante. Secundo modo differt poenâ a culpa per hoc quod est secundum voluntatem et contra voluntatem esse, ut patet per auctoritatem Augustini supra inductam. Tertio vero per hoc quod culpa est



in agendo, pena vero in patiendo, ut patet per Augustinum, in I de lib. Arb. (in princ.), ubi culpam nominat malum quod agimus, penam vero malum quod patimur.

Ad PRIMAM ergo dicendum, quod cum de ratione culpæ sit quod sit voluntaria, de ratione autem penæ quod sit contra voluntatem, ut dictum est; impossibile est quod idem secundum idem sit pena et culpa: quia idem secundum idem non potest esse voluntarium et contra voluntatem; sed secundum diversa nihil prohibet; ei enim quod volumus, potest esse aliquid conjunctum quod naturaliter voluntati repugnet; et querendo quod volumus, incurramus in id quod nolumus; et hoc in peccantibus accidit; dum enim inordinate afficitur ad aliquod bonum creatum, incurrit separationem a bono increato et alia hujusmodi, que non vellent. Et sic idem secundum diversa potest esse et culpa et pena, sed non secundum idem.

Ad SECUNDAM dicendum, quod ipse actus non est volutus inquantum est inordinatus, sed secundum aliquid aliud; quod dum voluntas querit, in predictam inordinationem incurrit, quam non vallet; et sic ex eo quod est volutum, habet rationem culpæ; ex eo vero quod inordinationem invite quis quodammodo patitur, immiscetur ratio penæ.

Ad TERTIAM dicendum, quod ipsa inordinata actio, secundum quod a voluntate procedit, rationem culpæ habet; secundum vero quod eligitur ex hac incurrit impedimentum debitæ operationis; hoc pertinet ad rationem penæ. Unde idem potest esse pena et culpa, sed non secundum idem.

Ad QUARTAM dicendum, quod hujusmodi etiam anxietates passionum consequuntur in peccante præter voluntatem ipsius; eligit etenim iracundus sic insurgere in punishmentem alterius, ut ipse ex hoc nullam anxietatem vel laborem pateretur; unde cum in ista incurrit præter suam voluntatem, hoc ad rationem penæ pertinet.

Ad QUINTAM dicendum, quod magis denominatur aliquid ab eo a quo dependet, quam ab eo quod dependet ab ipso. Peccatum autem habet penam concomitantem dupliciter. Uno quidem modo sicut a qua quodammodo dependet, sicut cum aliquis propter culpam præcedentem a gratia deserit, ex hoc sequitur ipsum peccare. Unde ipsum peccatum dicitur pena ratione desertionis gratiæ, a qua quodammodo dependet; et sic primum peccatum non potest dici pena, sed peccata sequentia. Alio vero modo peccatum habet penam concomitantem que consequitur ex ipso; sicut est separatio a Deo, vel privatio gratiæ, vel inordinatio agentis, vel anxietas passionis seu laboris; et a pena sic concomitante non ita proprie peccatum dicitur pena; quamvis etiam et sic possit dici pena causaliter, sicut Augustinus dicit (lib. I Confess., cap. XII, in fin.), quod inordinatus animus sibi ipsi est pena.

Ad SEXTUM dicendum, quod malum in communi acceptum, est corruptio naturalis modi, speciei et ordinis in communi; malum vero penæ, in ipso agente; malum vero culpæ, inquantum hujusmodi, in ipsa actione.

Ad SEPTIMUM dicendum, quod in eo qui non habet gratiam, culpa privat aptitudinem ad gratiam, non totaliter tollendo, sed diminuendo ipsam. Hæc autem privatio non est malum culpæ formaliter, sed effectus ejus, quod est pena. Malum autem culpæ formaliter est privatio modi, speciei et ordinis in ipso actu voluntatis.

Ad OCTAVUM dicendum, quod corruptio boni in actione, inquantum hujusmodi, non est pena agentis per se loquendo; sed esset pena actionis, si actioni puniri competeret. Sed ex hac corruptione vel privatione actionis, consequitur aliquo corruptio vel privatio in agente, quæ habet rationem penæ.

Ad NONUM dicendum, quod pena secundum quod comparatur ad subjectum, est malum inquantum privat illud aliquo modo; sed secundum quod comparatur ad agens quod infert penam, sic interdum habet rationem boni, quando puniens propter justitiam punit.

Ad DECIMUM dicendum, quod ista divisio, sicut dictum est, non est mali communitate accepti, sed mali secundum quod in rationali creatura invenitur; in qua non potest esse aliquid malum quod non sit culpa vel pena, ut dictum est. Intelligendum tamen est, quod non omnis defectus habet rationem mali, sed defectus boni quod natum est haberi. Unde non est defectus homini quod non potest volare, et per consequens nec culpa est nec pena.

Ad UNDICESIMUM dicendum, quod incommoda vel damna quæ quis nesciens patitur, licet non sint contra voluntatem actualem, sunt tamen contra voluntatem naturalem vel habitalem, ut dictum est.

Ad DODECIMUM dicendum, quod bonum utile ordinatur in delectabile et honestum, sicut in finem; et sic illæ sunt principia bona, scilicet honestum et delectabile; quibus opponuntur duo mala; culpa quidem honesto, pena vero delectabili.

Ad TREDECIMUM dicendum, quod de singulis horum trium bonorum, scilicet nature, gratiæ et gloriæ, est consideranda forma et actus secundum quam differentiam culpa a pena distinguitur; ut dictum est.

ARTICULUS V. — *Utrum plus habeat de ratione mali pena, vel culpa.* (I part., quest. XLVII, art. 6; et I-II, quest., XIX, art. 1, corp., et qu. LXXVI, art. 4, corp.; et II Sent., dist. 37, quest. III, art. 2, corp.)

Quinto queritur, quid habeat plus de ratione mali, utrum pena vel culpa. Et videtur quod pena. Sicut enim se habet

meritum ad premium, ita se habet culpa ad poenam. Sed premium est majus bonum quam meritum. Ergo poena est magis malum quam culpa.

2. Præterea, illud est magis malum quod opponitur magis bono. Sed poena opponitur bono agentis, culpa autem bono actionis. Cum ergo melius sit agens quam actio, videtur quod pejus sit poena quam culpa.

3. Sed dicendum, quod culpa est magis malum quam poena, inquantum separata a summo bono. — Sed contra, nihil magis separata a summo bono quam ipsa separatio a summo bono. Sed ipsa separatio a summo bono est poena. Ergo adhuc poena est majus malum quam culpa.

4. Præterea, finis est magis bonum quam ordo ad finem. Sed ipsa privatio finis est poena, quæ dicitur carentia visionis divinæ; malum autem culpe est per privationem ordinis ad finem. Ergo majus malum est poena quam culpa.

5. Præterea, magis malum est privari possibilitate ad actum quam solo actu, sicut majus malum est cæcitas per quam privatur potentia visiva, quam tenebræ per quam impeditur ipsa visio. Sed culpa apponitur ipsi merito; privatio autem gratiæ, per quam est possibilitas ad merendum, est poena. Ergo poena est magis malum quam culpa.

6. Sed dicendum, quod culpa est magis malum quam poena; quia etiam hujus poenæ culpa est causa. — Sed contra, licet in causis per se, causa sit prior effectu, tamen hoc non est necessarium in causis per accidens; contingit enim causam per accidens esse minus bonum quam effectum, sicut effossio sepulchri est causa per accidens inventionis thesauri; et similiter contingit causam per accidens esse minus malum quam effectum: sicut impingere ad lapidem est minus malum quam incidere in manus hostis persequentis, quod per accidens ex hoc sequitur. Sed poena est effectus culpe per accidens: non enim qui peccat, intendit incidere in poenam. Non ergo sufficit ad hoc quod culpa sit magis malum quam poena, hoc quod culpa est causa poenæ.

7. Præterea, si culpa habet rationem mali quia est causa poenæ; ergo malitia culpe est propter malitiam poenæ. Sed propter quod unumquodque, et illud magis. Ergo poena erit magis malum quam culpa.

8. Præterea, quod dicitur de aliquo formaliter, verius convenit ei quam quod dicitur de aliquo causaliter; sicut verius dicitur sanum animal quam medicina. Si ergo malitia culpe attenditur secundum hoc quod est causa poenæ, sequitur quod magis malum sit poena quam culpa; quia malum dicitur de culpa causaliter, de poena vero formaliter.

9. Sed dicendum, quod malum dicitur etiam de culpa formaliter. — Sed contra, formaliter dicitur aliquid malum, inquan-

tum inest sibi privato boni. Sed majus bonum est quod tollitur per ipsam privationem quæ est poena, scilicet ipse finis, quam quod privatur per malum quod inest culpe, quod est ordo ad finem. Ergo adhuc magis malum erit poena quam culpa.

10. Præterea, sicut dicit Dionysius (iv cap. de divin. Nom.), nullus respiciens ad malum operatur; et idem dicit, quod malum est præter voluntatem. Ergo quod magis est præter voluntatem, magis est malum. Sed poena est magis præter voluntatem, quam culpa; quia de ratione poenæ est ut sit contra voluntatem, ut dictum est, art. præced. Ergo magis malum est poena, quam culpa.

11. Præterea, sicut de ratione boni est quod sit appetibile, ita de ratione mali est quod sit fugibile. Ergo quod est magis fugibile est magis malum. Culpa autem fugitur propter poenam; et sic poena magis fugitur, quia propter quod nunquamque et illud magis. Ergo poena est magis malum quam culpa.

12. Præterea sequens privatio plus nocet quam prima, sicut sequens vulnus plus nocet quam primum. Sed poena sequitur ad culpam. Ergo plus nocet quam culpa; ergo est magis malum; quia malum dicitur inquantum nocet, secundum Augustinum in Enchir., cap. xii.

13. Præterea, poena destruit subjectum; quia mors est poena quedam: culpa autem non, sed solum commaculat. Ergo plus nocet poena quam culpa: ergo est magis malum.

14. Præterea, illud quod præcigitur a viro justo, præsumitur esse minus malum. Sed Loth, cum esset justus, præcogit culpam poenæ, offerens scilicet filias suas libidini Sodomitæ, quod erat culpa, ne pateretur injuriæ in domo sua, dum hospitibus suis violentia inferretur, quod est poena. Ergo poena est magis malum quam culpa.

15. Præterea, Dens pro peccato temporali infert poenam æternam; quia, ut dicit Gregorius, æternum est quod cruciat, temporale quod delectat. Sed malum æternum est pejus quam malum temporale, sicut et bonum æternum melius est temporali. Ergo poena est magis malum quam culpa.

16. Præterea, secundum Philosophum (in II Topic.), malum est in pluribus quam bonum. Sed poena est in pluribus quam culpa; quia multi puniuntur sine culpa. Omnis autem culpa habet ad minus poenam annexam. Ergo poena est magis malum quam culpa.

17. Præterea, sicut in bonis finis est melior his quæ sunt ad finem, ita in malis est pejor. Sed poena est finis culpe. Ergo poena est magis malum quam culpa.

18. Præterea, a qualibet culpa potest homo liberari: unde reprehenditur Cain, qui dixit, Gen., ix, 13: *Major est iniqui-*

*tus mea, quam ut veniam merear.* Sed aliqua poena est a qua non potest homo liberari, scilicet poena inferni. Ergo poena est magis malum quam culpa.

19. Præterea, quando aliquid secundum analogiam dicitur de pluribus, de illo videtur prius dici quod magis est famosum tale. Sed magis est famosum quod poena sit malum quam culpa; quia plures reputant poenam pro malo quam culpam. Ergo malum per prius dicitur de poena quam de culpa.

20. Præterea, fomes est quo omnia peccata oriuntur, et sic est prius quam aliquod peccatum. Sed fomes est quedam poena. Ergo poena est magis malum quam culpa.

Sed contra, illud quod odium magis boni, est magis malum quam illud quod magis odium mali. Sed sicut Augustinus dicit (III de Civit. Dei, cap. 1), mala poenæ magis odium mali, mala vero culpæ magis odium boni. Ergo culpa est magis malum quam poena.

Præterea, secundum Augustinum (in lib. de Natura boni, cap. IV, XXXVI et XXXVII), malum est privatio ordinis. Sed plus elongatur ab ordine culpa quam poena; quia culpa de se iudicata est, ordinatur autem per poenam. Ergo culpa est magis malum quam poena.

Præterea, malum culpæ opponitur bono honesto, malum vero poenæ bono delectabili. Sed bonum honestum est melius quam bonum delectabile. Ergo malum culpæ est peius quam malum poenæ.

Respondetur dicendum, quod ista questio superficie tenus facilis videtur propter hoc quod multi poenas non comprehendunt nisi corporales vel quæ afflictionem sensui ingerunt, quæ absque dubio minus habent de ratione mali quam culpa, quæ opponitur gratiæ et gloriæ. Sed quia etiam privatio gratiæ et gloriæ, poenæ quedam sunt, videntur ad minus ex æquo causam mali habere, si consideretur bonum cui utrumque malum opponitur; quia etiam privatio ipsius finis ultimi, quod est optimum, poenæ rationem habet. Sed evidentibus rationibus ostendi potest quod culpa simpliciter habeat plus de ratione mali. Primo quidem, quia omne quod facit subjectum tale magis est tale quam quod subjectum tale facere non potest; sicut si album inest alicui ita quod subjectum per hoc album dici non potest, minus habet de ratione albi, quam si per hoc fiat subjectum album; quod enim inest alicui ita quod non afficiat et denominet suum subjectum, videtur inesse secundum quid; simpliciter autem quod suum subjectum afficit et denominat. Manifestum autem est quod ex malo culpæ dicitur malus ille cui inest, non autem ex malo poenæ in quantum huiusmodi; unde Dionysius dicit (IV cap. de div. Nom.), quod puniri non est malum; sed fieri poena dignum. Unde conse-

quens est quod malum culpæ plus habeat de ratione mali quam malum poenæ. Causa autem quare ex malo culpæ aliquid dicitur malum, et non ex malo poenæ, hinc accipienda est. Bonum enim et malum dicitur simpliciter quidem secundum actum; secundum quid vero secundum potentiam; posse enim esse bonum vel malum non simpliciter sed secundum quid bonum vel malum est. Actus autem est duplex; scilicet primus, qui est habitus vel forma; et secundus, qui est operatio; sicut scientia et considerare. Actus autem primo inherente adhuc adest potentia ad actum secundum; sicut sciens nondum actu considerat, sed considerare potest. Simpliciter ergo bonum vel malum dicimus secundum actum secundum, qui est operatio; secundum vero actum primum attenditur bonum vel malum, quodammodo secundum quid. Manifestum est autem quod in habentibus voluntatem, per actum voluntatis qualibet potentia et habitus in bonum actum reducitur; quia voluntas habet pro objecto universale bonum, sub quo continentur omnia particularia bona, propter quæ operantur potentia et habitus quæcumque. Semper autem potentia quæ tendit ad finem principalem, movet per suum imperium potentiam quæ tendit ad finem secundarium; sicut gubernatoria ars imperat navifactivæ, et militaris equestri. Non enim ex hoc ipso quod aliquis habet habitum grammaticæ, bene loquitur; potest enim habens habitum non uti habitu, aut contra habitum agere, sicut cum grammaticus scienter solocismum facit; sed tunc recte operatur secundum artem, quando vult. Et ideo homo qui habet bonam voluntatem, dicitur simpliciter bonus homo, quasi per actum bonæ voluntatis omnibus quæ habet bene utatur. Ex hoc vero quod habet habitum grammaticæ, non dicitur bonus homo, sed bonus grammaticus; et similiter est de malo. Quia ergo malum culpæ est malum in actu voluntatis, malum autem poenæ est privatio eius quo voluntas potest nisi quocumque modo ad bonam operationem; inde est quod malum culpæ facit hominem simpliciter malum, non autem malum poenæ. Secunda ratio est, quia cum Deus sit ipsa essentia bonitatis, quanto aliquid magis est alienum a Deo, tanto habet magis rationem mali. Magis autem alienum est a Deo culpa quam poena; nam Deus est actor poenæ, non autem actor culpæ. Ex hoc ergo apparet quod culpa est magis malum quam poena. Causa autem quare Deus est actor poenæ, non autem culpæ, hinc sumitur. Malum enim culpæ, quod est in actu voluntatis, opponitur directe actui caritatis, quæ est prima perfectio et principalis voluntatis. Caritas autem ordinat actum voluntatis in Deum; non autem solum sic quod homo bono divino fruatur, hoc enim pertinet ad amorem qui dicitur concupiscentiæ; sed secundum quod bonum divinum est in ipso Deo, quod ad amorem amicitie pertinet. Hoc autem non potest

esse a Deo, quod bonum divinum secundum quod in se ipso est, quis non vult; cum e contrario Deus omnem voluntatem inclinât ad volendum quod ipse vult; vult autem summum bonum, secundum quod in se ipso est. Unde malum culpæ non potest esse a Deo. Potest autem Deus velle quod ipsum bonum divinum, vel quodcumque aliud bonum sub eo, subtrahatur alicui, qui ad hoc opportunitatem (1) non habet; hoc enim bonum ordinis existit ut nihil habeat id quod dignum non est. Ipsa autem subtractio boni increati, vel cuiuscumque alterius boni, ab eo qui indignus est rationem pœnæ habet. Deus ergo est actor pœnæ, sed actor culpæ esse non potest. Tertia ratio est, quia illud malum quod sapiens artifex inducit ad vitandum aliud (2) malum, minus habet de ratione mali quam illud malum ad quod vitandum inducitur; sicut si medicus sapiens præcidat manum ne pereat corpus, manifestum est quod minus malum est præcisio manus quam destructio corporis. Manifestum est autem quod Dei sapientia pœnam inducit ad hoc quod vitatur culpa vel ab eo qui punitur, vel saltem ab aliis, secundum illud Job, xix, 29: *Fugite a facie iniquitatis, quoniam ultor iniquitatis est gladius*. Sic ergo patet quod majus malum est culpa, ad cuius evitacionem inducitur pœna, quam ipsa pœna. Quartaratio est, quia malum culpæ consistit in operari malum autem pœnæ in hoc quod est pati, sicut supra dictum est, art. præced. Quod autem habet operationem malam, ostenditur jam esse malum; quod autem patitur aliquid mali, non per hoc ostenditur malum esse, sed esse quasi in via ad malum; quia quod patitur aliquid, movetur ad illud; sicut ex ipsa claudicatione ostenditur quod tibia jam subjacet malo; ex hoc vero quod inferitur ei passio, nondum subjacet defectui, sed est in via ad deficientium. Sicut enim operatio quæ est existentis in actu, est melior quam motus ad actum et perfectionem; ita et malum operationis in se consideratum plus habet de ratione mali quam malum passionis. Et ideo culpa habet plus de ratione mali quam pœna.

Ad primum ergo dicendum, quod si comparetur præmium ad meritum et pœna ad culpam quantum ad terminationem, sic invenitur similis comparatio utrobique; quia sicut meritum terminatur ad præmium, ita culpa terminatur ad pœnam. Sed si comparentur quantum ad intentionem, non est similis comparatio utrobique, sed magis e converso. Nam sicut aliquis operatur meritum propter præmium acquirendum, ita aliquis infert pœnam propter culpam vitandam; unde sicut præmium est melius merito, ita culpa est pejor quam pœna.

Ad sextimum dicendum, quod bonum agentis est non solum perfectio prima, cuius privatio est pœna; sed etiam perfectio secunda, quæ operatio est cui opponitur culpa; et melior est

(1) Forte spiritualium. — (2) At, illud.

ipsa perfectio secunda quam prima. Et ideo culpa quæ opponitur perfectioni secunde, habet plus de ratione mali quam pœna, quæ opponitur perfectioni prima.

Ad tertium dicendum, quod culpa separat a Deo separationem quæ opponitur unioni caritatis, secundum quam quis vult bonum ipsius Dei, secundum quod in se est; pœna autem separat a Deo separationem quæ opponitur fruitioni, quia homo fruitur bono divino; et sic separatio culpæ est pejor quam separatio pœnæ.

Ad quantum dicendum, quod separatio ordinis ad finem potest accipi dupliciter; uno modo in ipso homine, et sic ordinis privatio ad finem est pœna, sicut et privatio finis; alio modo in actione; et sic privatio ordinis ad finem est culpa; ex hoc enim homo culpabilis est quod agit actionem non ordinatam ad finem debitum. Unde non est comparatio mali culpæ ad malum pœnæ, sicut finis et ordinis ad finem, quia utrumque aliquo modo privat et finem, et ordinem ad finem.

Ad quintum dicendum, quod privatio ipsius habitualis gratiæ est pœna; sed depravatio actus qui (1) deberet ex gratia procedere, est malum culpæ. Et sic patet quod malum culpæ opponitur perfectioni bono, quia operatio est perfectio ipsius habitus.

Ad sextum dicendum, quod culpa quamvis sit per accidens causa pœnæ ex parte patientis pœnam, tamen ex parte inferentis est causa per se; hoc enim intendit iudicium, ut propter culpam pœnam inferat.

Ad septimum dicendum, quod non ideo culpa est malum, quia pro culpa inferitur pœna; sed potius e converso ideo inferitur malum pœnæ ad coerendum et ordinandum malitiam culpæ. Et sic patet quod malum non dicitur de culpa solum casualiter, sed etiam formaliter, et principaliter quam de pœna, ut ex dictis patet.

Et per hoc patet solutio ad octavum et nonum.

Ad decimum dicendum, quod non est iudicandum de rebus secundum existimationem malorum, sed secundum existimationem bonorum; sicut non est iudicandum de saporibus secundum existimationem regri, sed secundum existimationem sani. Rursum ideo non est iudicanda pœna pejor, quia mali magis eam fugiunt; sed potius iudicanda est culpa deterior quia boni magis fugiunt ipsam.

Ad undecimum dicendum, quod virtuosus est fugere culpam propter seipsam, et non propter pœnam; sed malorum est fugere culpam propter pœnam, secundum illud Horatii:

Oderunt peccare mali formidine pœnæ;  
Oderunt peccare boni virtutis amore.

(1) At, quæ.

Sed quod plus est, Deus poenam non infert nisi propter culpam, ut dictum est.

Ad DECIMUM dicendum, quod sequens privatio est peior quam præcedens, quando includit ipsam. Et sic videtur posse dici, quod poena cum culpa est peior quam culpa tantum. Et hoc quidem verum est ex parte ejus qui punitur; sed ex parte punientis, poena habet rationem justitiæ et ordinis; et sic per adjunctionem boni efficitur culpa minus mala; ut Boetius probat in IV lib. de Consolat. (prosa IV).

Ad DECIMUMTERTIUM dicendum, quod culpa et poena pertinent ad naturam rationalem, quia secundum id quod rationalis est, incorruptibilis est; unde poena proprium subjectum non tollit, etsi auferatur vita corporis per poenam. Unde concedo quod corpori simpliciter loquendo, peior sit poena quam culpa.

Ad DECIMUMQUARTUM dicendum, quod Loth non prælegit culpam poenæ, sed ostendit ordinem esse servandum in fuga culpam: quia tolerabilis est, si quis committit minorem culpam quam majorem.

Ad DECIMUMQUINTUM dicendum, quod licet culpa sit temporalis quantum ad actum, est tamen æterna (nisi per penitentiam deleatur) quantum ad reatum et maculam et æternitatis culpæ est causa æternitatis poenæ.

Ad DECIMUMSEXTUM dicendum, quod esse in pluribus accidit alicui malo, scilicet quod est in moribus hominum, ex eo quod plures sequuntur naturam sensibilem quam rationem. Et ideo non oportet quod quanto aliquid magis est in pluribus tanto sit magis malum quia secundum hoc peccata venialia, quia plures committunt, essent peiora quam mortalia.

Ad DECIMUMSEPTIMUM dicendum, quod poena est finis culpæ quantum ad terminationem, sed non quantum ad intentionem, ut supra dictum est.

Ad DECIMUMOCTAVUM dicendum, quod ideo a poena inferni non potest aliquis redire ad vitam, quia culpa eorum qui sunt in inferno expiari non potest. Unde per hoc non ostenditur quod poena sit magis malum quam culpa.

Ad DECIMUMNONUM dicendum, quod aliquod nomen dicitur per prius de uno quam de alio dupliciter: uno modo quantum ad nominis impositionem; alio modo quantum ad rei naturam: sicut nomina dicta de Deo et creaturis quantum ad nominum impositionem per prius dicuntur de creaturis; quantum vero ad rei naturam per prius dicuntur de Deo, a quo in creaturis omnis perfectio derivatur. Et similiter nihil prohibet quin malum per prius dicatur secundum nominis impositionem de poena, posterius vero secundum rei veritatem.

Ad VICESIMUM dicendum, quod fomes est principium culpam in potentia; sed malum in actu est pejus quam malum in

potentia, ut Philosophus dicit (in IX Metaph., com. XIX); unde fomes non est magis malum quam culpa.

## QUÆSTIO II

### DE PECCATIS

(In duodecim articulos divisa.)

Primo enim quaeritur, utrum in omni peccato sit aliquis actus; 2<sup>o</sup> utrum peccatum consistat in actu voluntatis tantum; 3<sup>o</sup> utrum peccatum principaliter consistat in actu voluntatis; 4<sup>o</sup> utrum omnis actus sit indifferens; 5<sup>o</sup> utrum aliqui sint actus indifferentes; 6<sup>o</sup> utrum circumstantia det speciem peccati, vel variet in aliud genus peccati; 7<sup>o</sup> utrum aliqua circumstantia aggravet peccatum cui non det speciem; 8<sup>o</sup> utrum circumstantia aggravet peccatum in infinitum, ita ut de veniali fiat mortale; 9<sup>o</sup> utrum omnia peccata sint paria; 10<sup>o</sup> utrum peccatum sit gravius, eo quod majori bono opponitur; 11<sup>o</sup> utrum peccatum diminuat bonum naturæ; 12<sup>o</sup> utrum peccatum possit corrumpere totum bonum naturæ.

ARTICULUS PRIMUS. — *Utrum in omni peccato sit aliquis actus.*

Quæstio est de peccatis. Et primo quaeritur, utrum in quolibet peccato sit aliquis actus. Et videtur quod sic. Dicit enim Augustinus (lib. XXII contra Faustum, cap. xxvii), quod peccatum est dictum vel factum vel conceptum contra legem Dei. Sed in quolibet illorum trium importatur aliquis actus. Ergo in quolibet peccato est aliquis actus.

2. Præterea, Augustinus dicit (I Retract., cap. IX et VIII), quod peccatum est adeo voluntarium, quod si non sit voluntarium, non est peccatum. Sed nihil potest esse voluntarium nisi per actum voluntatis. Ergo in aliquo peccato oportet esse ad minus actum voluntatis.

3. Præterea, contraria sunt in eodem genere. Sed meritum et demeritum sunt contraria. Cum ergo meritum sit de genere actus (quia alicuius mereretur, videtur quod pari ratione demeritum sive peccatum.

4. Præterea, peccatum privatio quædam est; quia, sicut dicit Augustinus (tract. I in Joan.), peccatum nihil est. Privatio autem fundatur in aliquo. Ergo oportet esse aliquem actum in quo peccatum sustentetur.

5. Præterea, Augustinus dicit (in Enchir., cap. xiv et xv), quod malum nisi in bono esse non potest. Illud autem bonum in quo fundatur malitia peccati, est actus. Ergo in quolibet peccato oportet esse actum.

Sed quod plus est, Deus poenam non infert nisi propter culpam, ut dictum est.

Ad DECIMUM dicendum, quod sequens privatio est peior quam præcedens, quando includit ipsam. Et sic videtur posse dici, quod poena cum culpa est peior quam culpa tantum. Et hoc quidem verum est ex parte ejus qui punitur; sed ex parte punientis, poena habet rationem justitiæ et ordinis; et sic per adjunctionem boni efficitur culpa minus mala; ut Boetius probat in IV lib. de Consolat. (prosa IV).

Ad DECIMUMTERTIUM dicendum, quod culpa et poena pertinent ad naturam rationalem, quia secundum id quod rationalis est, incorruptibilis est; unde poena proprium subjectum non tollit, etsi auferatur vita corporis per poenam. Unde concedo quod corpori simpliciter loquendo, peior sit poena quam culpa.

Ad DECIMUMQUARTUM dicendum, quod Loth non prælegit culpam poenæ, sed ostendit ordinem esse servandum in fuga culpam: quia tolerabilis est, si quis committit minorem culpam quam majorem.

Ad DECIMUMQUINTUM dicendum, quod licet culpa sit temporalis quantum ad actum, est tamen æterna (nisi per penitentiam deleatur) quantum ad reatum et maculam et æternitatis culpæ est causa æternitatis poenæ.

Ad DECIMUMSEXTUM dicendum, quod esse in pluribus accidit alicui malo, scilicet quod est in moribus hominum, ex eo quod plures sequuntur naturam sensibilem quam rationem. Et ideo non oportet quod quanto aliquid magis est in pluribus tanto sit magis malum quia secundum hoc peccata venialia, quia plures committunt, essent peiora quam mortalia.

Ad DECIMUMSEPTIMUM dicendum, quod poena est finis culpæ quantum ad terminationem, sed non quantum ad intentionem, ut supra dictum est.

Ad DECIMUMOCTAVUM dicendum, quod ideo a poena inferni non potest aliquis redire ad vitam, quia culpa eorum qui sunt in inferno expiari non potest. Unde per hoc non ostenditur quod poena sit magis malum quam culpa.

Ad DECIMUMNONUM dicendum, quod aliquod nomen dicitur per prius de uno quam de alio dupliciter; uno modo quantum ad nominis impositionem; alio modo quantum ad rei naturam: sicut nomina dicta de Deo et creaturis quantum ad nominum impositionem per prius dicuntur de creaturis; quantum vero ad rei naturam per prius dicuntur de Deo, a quo in creaturis omnis perfectio derivatur. Et similiter nihil prohibet quin malum per prius dicatur secundum nominis impositionem de poena, posterius vero secundum rei veritatem.

Ad VICESIMUM dicendum, quod fomes est principium culpam in potentia; sed malum in actu est pejus quam malum in

potentia, ut Philosophus dicit (in IX Metaph., com. XIX); unde fomes non est magis malum quam culpa.

## QUÆSTIO II

### DE PECCATIS

(In duodecim articulos divisa.)

Primo enim quaeritur, utrum in omni peccato sit aliquis actus; 2<sup>o</sup> utrum peccatum consistat in actu voluntatis tantum; 3<sup>o</sup> utrum peccatum principaliter consistat in actu voluntatis; 4<sup>o</sup> utrum omnis actus sit indifferens; 5<sup>o</sup> utrum aliqui sint actus indifferentes; 6<sup>o</sup> utrum circumstantia det speciem peccati, vel variet in aliud genus peccati; 7<sup>o</sup> utrum aliqua circumstantia aggravet peccatum cui non det speciem; 8<sup>o</sup> utrum circumstantia aggravet peccatum in infinitum, ita ut de veniali fiat mortale; 9<sup>o</sup> utrum omnia peccata sint paria; 10<sup>o</sup> utrum peccatum sit gravius, eo quod majori bono opponitur; 11<sup>o</sup> utrum peccatum diminuat bonam naturam; 12<sup>o</sup> utrum peccatum possit corrumpere totum bonam naturam.

ARTICULUS PRIMUS. — *Utrum in omni peccato sit aliquis actus.*

Quæstio est de peccatis. Et primo quaeritur, utrum in quolibet peccato sit aliquis actus. Et videtur quod sic. Dicit enim Augustinus (lib. XXII contra Faustum, cap. xxvii), quod peccatum est dictum vel factum vel conceptum contra legem Dei. Sed in quolibet illorum trium importatur aliquis actus. Ergo in quolibet peccato est aliquis actus.

2. Præterea, Augustinus dicit (I Retract., cap. IX et VIII), quod peccatum est adeo voluntarium, quod si non sit voluntarium, non est peccatum. Sed nihil potest esse voluntarium nisi per actum voluntatis. Ergo in aliquo peccato oportet esse ad minus actum voluntatis.

3. Præterea, contraria sunt in eodem genere. Sed meritum et demeritum sunt contraria. Cum ergo meritum sit de genere actus (quia alicuius mereretur, videtur quod pari ratione demeritum sive peccatum.

4. Præterea, peccatum privatio quædam est; quia, sicut dicit Augustinus (tract. I in Joan.), peccatum nihil est. Privatio autem fundatur in aliquo. Ergo oportet esse aliquem actum in quo peccatum sustentetur.

5. Præterea, Augustinus dicit (in Enchir., cap. xiv et xv), quod malum nisi in bono esse non potest. Illud autem bonum in quo fundatur malitia peccati, est actus. Ergo in quolibet peccato oportet esse actum.

6. Præterea, Augustinus dicit (in lib. LXXXII Qq., quæst. XXIV, in fin.), quod nec peccatum aut recte (1) factum imputari cuiquam juste potest qui nihil propria fecerit voluntate. Sed non potest propria voluntate aliquid facere absque actu. Ergo nihil potest homini imputari ad peccatum, nisi sit ibi aliquis actus.

7. Præterea, Damascenus dicit (lib. II, cap. XXIV), quod laus et vituperium sequuntur actus. Cuiuslibet autem peccato debetur vituperium. Ergo omne peccatum in actu consistit.

8. Præterea, Glossa interha. dicit Rom. VII, super illud: *Quod inhabitat in me peccatum*, quod omne peccatum in actu est ex concupiscentia. Quod autem est ex concupiscentia, non est absque actu. Ergo nullum peccatum est absque actu.

9. Præterea, si aliquid peccatum est absque actu, maxime hoc videtur de peccato omissionis. Sed omissio non est absque actu; quia omissio negatio quædam est; omnis autem (2) negatio in affirmatione fundatur; et sic oportet peccatum omissionis in aliquo actu fundari. Multo ergo magis quodlibet aliud peccatum.

10. Præterea, omissio non est peccatum nisi in quantum reppugnat legi Dei. Sed hoc non est absque contemptu; contemptus autem est per aliquem actum. Ergo peccatum omissionis fundatur in aliquo actu, et multo magis alia peccata.

11. Præterea, si peccatum omissionis consistit in sola negatione actus, sequeretur quod quoadmodum aliquis non agit, tantum peccaret; et ita esset periculosius peccatum omissionis quam peccatum transgressionis, quod transit actu, licet maneat reatu. Hoc autem non est verum, quia peccatum transgressionis ceteris paribus est majus; majus enim est furari quam non dare eleemosynam. Non ergo peccatum omissionis in sola negatione consistit.

12. Præterea, secundum Philosophum (in II Physic., cont. LXXXII), peccatum invenitur in his que sunt ad finem. Ad finem autem aliquid ordinatur per operationem. Ergo omne peccatum in actu consistit.

1. Sed contra est quod dicitur Jacob. IV, 17: *Scienti homini et non facienti, peccatum est illi*. Ergo ipsum non facere est peccatum.

2. Præterea, poena non juste inducitur nisi pro peccato. Sed pro sola dimissione actus, poena infligitur, nulla consideratione habita de aliquo actu adjuncto. Ergo in sola dimissione actus consistit peccatum.

3. Præterea, secundum Philosophum (in II Physic., cont. LXXXII), peccatum contingit in his que sunt secundum artem, et in his que sunt secundum naturam. Sicut ergo in his que sunt secundum naturam, peccatum est contra naturam esse;

(1) *Al.* autem, nec recte. — (2) *Al.* enim.

ita in his que sunt secundum artem, peccatum est contra artem esse; et similiter in moralibus peccatum est contra rationem esse. Sed contra naturam non solum sunt motus, sed etiam quietes, ut dicitur in V Phys. (com. LIII, LIV et LV). Ergo et in moralibus peccata sunt non solum actus, sed etiam cessationes ab actu, si sint præter rationem.

4. Præterea, contingit voluntatem in neutram partem contradictionis ferri. Non enim vere dicitur quod Deus velit mala fieri, quia sic esset actor eorum; nec etiam quod velit mala non fieri, quia sic ejus voluntas non esset efficax ad implendum omne quod vult. Ponatur ergo quod aliquis teneatur nunc dare eleemosynam, et tamen neque vult dare neque vult non dare, quia nihil de hoc cogitat; tamen peccat, et juste pro hoc punitur. Ergo etiam absque actu voluntatis potest esse aliquod peccatum.

5. Sed dicendum, quod licet actus voluntatis non feratur neque ad dandum eleemosynam neque ad non dandum; tamen fertur in aliquid aliud per quod impeditur a dando. — Sed contra, illud aliud in quod fertur, per accidens se habet ad peccatum omissionis; non enim opponitur præcepto affirmativo legis, ex cujus oppositione sequitur peccatum omissionis. Judicium autem non est dandum de natura aliquid secundum illud quod est per accidens, sed secundum id quod est per se. Ergo non debet dici quod peccatum omissionis consistat in actu propter actum adjunctum.

6. Præterea, etiam in peccato transgressionis contingit aliquem actum adjungi, qui tamen ad peccatum transgressionis non pertinet, quia per accidens se habet ad ipsum; sicut contingit furatum aliquem loqui vel videre. Ergo nec actus adjunctus omissioni ad peccatum omissionis pertinet.

7. Præterea, sicut sunt aliqui actus qui non possunt bene fieri, ut fornicari et mentiri; ita sunt aliqui actus qui non possunt male fieri, ut diligere Deum et laudare ipsum. Sed contingit aliquem omnitemper occupari circa laudem Dei; sicut si aliquis eo tempore quo tenetur honorare parentes, laudibus divine insistat, parentes non honorans, constat quod iste peccat omitendo; nec tamen ad hoc peccatum potest pertinere actus laudis divine, quia non potest male fieri. Ergo totum peccatum consistit in sola omissione actus debiti. Non ergo actus requiritur ad peccatum.

8. Præterea, in peccato originali non est aliquis actus. Ergo non omne peccatum in actu consistit.

9. Præterea, Augustinus dicit (in lib. LXXXIII Qq., qu. XXVI): *Alia sunt peccata infirmitatis, alia imperitiæ, alia malitiæ*. Infirmitas autem et imperitiæ contraria sunt virtuti et sapientiæ, malitia est etiam contraria bonitati; contraria autem sunt in eodem genere. Cum ergo virtus, sapientiæ et

bonitas sint habitus, videtur quod peccata sint habitus. Sed habitus potest esse sine actu. Ergo peccatum potest esse sine actu.

Respondeo dicendum, quod circa hoc sunt due opiniones. Quidam enim dixerunt, quod in quolibet peccato etiam omissionis est aliquis actus, vel interior voluntas (sicut cum aliquis peccat non dans elemosynam) vel etiam aliquis actus exterior adiunctus, quo retrahitur ab actu debito: sive ille actus simul fiat cum omissione, sicut cum aliquis volens ludere, dimittit ire ad Ecclesiam; sive sit precedens, sicut cum aliquis impeditur ne surgat ad matutinas, qui nimis vigilavit in sero circa aliquod se occupando. Et hæc opinio innuitur verbo Augustini dicentis (lib. XXII contra Faustum, cap. XXVII), quod peccatum est dictum vel factum vel concupitum contra legem Dei. Alii vero dixerunt, quod peccatum omissionis non habet aliquem actum, sed ipsum desistere ab actu est omissionis peccatum; et exponunt dictum Augustini dicentis, quod peccatum est dictum vel factum vel concupitum, per hoc quod concupiscere et non concupiscere, dicere et non dicere, facere et non facere pro eodem accipiuntur quantum ad rationem peccati. Unde in Glossa ordin. dicitur Roman., vii (super illud: *Quod enim operor non intelligo*), quod *operor* et *non operor* sunt partes eius quod est *operor*. Et hoc videtur rationaliter dici, quia affirmatio et negatio ad idem genus referuntur; unde Augustinus dicit (in lib. V de Trinit., cap. vi et vii), quod ingenium pertinet ad genus relationis, sicut et genitum. Utraque autem opinio secundum aliquid veritatem habet. Si enim consideretur id quod requiritur ad peccatum sicut de essentia peccati existens, sic ad peccatum omissionis non requiritur actus; sed per se loquendo peccatum omissionis in ipsa cessatione ab actu consistit: et hoc patet si rationem peccati attendamus. Peccatum enim, ut Philosophus dicit in II Phys. (com. LXXXII), contingit et in his que sunt secundum naturam, et in his que sunt secundum artem, quando non consequitur finem naturæ vel artis, propter quem operatur. Quod autem finem non consequatur operans per artem vel per naturam contingit ex hoc quod declinatur a mensura vel regula debite operationis; que quidem in naturalibus est ipsa nature inclinatio, consequens aliquam formam; in artificialibus vero est ipsa regula artis. Sic ergo in peccato duo possunt attendi; scilicet recessus a regula vel a mensura, et recessus a fine. Contingit autem quandoque recedere a fine, et non recedere a regula vel a mensura, qua quis operatur propter finem, et in natura et in arte, in natura quidem, sicut si in stomacho ponatur aliquid non digestibile, ut ferrum vel lapis, defectus digestionis absque peccato nature contingit. Similiter si medicus secundum artem dat potionem, et infirmus non sanetur, vel qua habet morbum incurabilem,

vel qua aliquid contra suam sanitatem agit; medicus quidem non peccat, licet finem non consequatur. Si autem e converso finem consequeretur, sed tamen a regula artis diverteret, nihilominus peccare decreteret. Ex quo patet quod magis est de ratione peccati præterire regulam actionis quam etiam deficere ab actionis fine. Hoc est ergo per se de ratione peccati, sive in natura sive in arte sive in moribus, quod opponitur regulæ actionis. Regula autem actionis, qua constituit medium inter superfluum et diminutum, necesse est ut quandam reseret et quandam statuat. Unde et in ratione naturali et etiam in lege divina, ex quibus nostri actus regulari debent, quedam præcepta negativa, quedam affirmativa continentur. Sicut autem negationi opponitur affirmatio, ita affirmationi opponitur negatio; unde sicut agere imputatur homini ad peccatum, qua opponitur præcepto legis negativo; ita et ipsum non agere, qua opponitur præcepto affirmativo. Sic ergo, per se loquendo, potest esse aliquid peccatum ad quod non requiritur aliquis actus, qui sit de essentia peccati; et secundum hoc habet veritatem secunda opinio. Si autem consideretur id quod requiritur ad peccatum ut causa peccati, sic oportet quod ad quolibet peccatum, etiam omissionis, aliquis actus requiratur; quod sic patet. Ut enim Philosophus dicit (in VIII Physic.), si aliquid quandoque movetur, quandoque non movetur, oportet assignare aliquam causam quietis; videmus enim quod eodem modo se habente mobili et movente, similiter aliquid movetur vel non movetur. Eadem autem ratione si aliquis non agit quod agere debet, oportet huius esse aliquam causam. Si autem causa fuerit totaliter extrinseca, talis ommissio non habet rationem peccati; sicut si aliquis a lapide cadente læsus, impeditur ne ad Ecclesiam vadat, aut si aliquo furante impeditur ne elemosynam det. Tunc ergo solum ommissio imputatur ad peccatum, cum habet causam intrinsecam, non quamcumque sed voluntariam; qua si etiam impeditur ex causa intrinseca non voluntaria, puta febre; eodem ratio esset sicut et de causa extrinseca. Ad hoc ergo quod ommissio sit peccatum, requiritur quod ommissio causetur ex aliquo actu voluntario. Sed voluntas est causa alienius quandoque quidem per se, quandoque autem per accidens; per se quidem, sicut quando per intentionem agit ad talem effectum, puta si aliquis volens invenire thesaurum fodiens inveniat; per accidens autem, sicut quando præter intentionem, puta si aliquis volens fodere sepulcrum, fodiendo inveniat thesaurum. Sic ergo actus voluntarius quandoque est per se causa omissionis, non tamen ita quod voluntas directe feratur in omissionem, quia non ens et malum est præter intentionem et voluntatem, ut Dionysius dicit (iv cap. de divin. Nom.), voluntatis autem objectum est ens et bonum; sed indirecte fertur in aliquid positivum cum provisione omissionis



consequentis, sicut cum aliquis vult ludere, sciens quod ad hoc concomitatur non ire ad Ecclesiam; sicut et in transgressionibus dicimus, quod fur vult aurum non refugiens iniustitia deformitatem. Quandoque vero actus voluntarius est causa per accidens omissionis; sicut cum alicui occupato circa aliquam actum non venit in mentem id quod facere tenetur. Et non differt quantum ad hoc, utrum actus voluntarius qui est causa omissionis per se vel per accidens, simul sit cum ipsa omissione, vel etiam precedat; sicut dictum est de eo qui nimis occupatione tarde incipiendo dormire, impeditur se ne surgeret matutinarum hora. Sic ergo quantum ad hoc prima opinio vera est, quod ad omissionem requiritur actus voluntarius ut causa. Quia ergo utraque opinio aliquo modo vera est, ad utrasque rationes respondere oportet.

Ad primum ergo dicendum, quod in illa definitione peccati accipiendum est pro eodem dictum et non dictum, factum et non factum, ut supra dictum est.

Ad secundum dicendum, quod aliquid dicitur esse voluntarium, non solum quia cadit sub voluntatis actu, sed quia cadit sub potestate voluntatis. Sic enim et ipsum non velle dicitur voluntarium; quia in potestate voluntatis est velle et non velle; et similiter facere et non facere.

Ad tertium dicendum, quod plura requiruntur ad bonum quam ad malum; quia, ut dicit Dionysius (iv cap. de divinis Nom.), bonum est ex causa una et integra, malum autem ex particularibus defectibus. Ad hoc ergo quod sit meritum, requiritur quod sit actus voluntatis; sed ad hoc quod sit demeritum, sufficit hoc solum quod non velit bonum quando debet; nec oportet quod semper velit malum.

Ad quartum dicendum, quod in peccato transgressionis non est verum quod peccatum sit privatio; sed quod peccatum est actus privatus debito ordine, sicut furtum vel adulterium est quidam actus inordinatus; eo enim modo peccatum nihil est quo nihil sunt homines cum peccant; non quidem ita quod sint ipsa nihil, sed quia in quantum peccant, privatur quodam bono; et ipsa privatio est non ens in subiecto. Et similiter peccatum est actus privatus ordine debito, et secundum ipsam privationem dicitur nihil. Sed in peccato omissionis per se loquendo verum est quod est sola privatio. Subiectum autem privationis non est habitus, sed potentia; sicut subiectum facultatis non est visio, sed id quod est aptum natum videre. Omissionis ergo subiectum est non quidem actus aliquis, sed potestas voluntatis.

Et sic patet solutio ad quintum quod obijcit de malo.

Ad sextum dicendum, quod in illa auctoritate sub facere includitur etiam non facere, sicut dictum est.

Ad septimum dicendum, quod laus et vituperium non

solum debentur actibus voluntariis, sed etiam cessantibus ab actu.

Ad octavum dicendum, quod illa ratio concludit quod actus requiratur ad omissionem sicut causa; quumvis possit dici, quod fomes de quo ibi loquitur Glossa, non est actualis concupiscentia sed habitualis.

Ad nonam dicendum, quod non omnis negatio fundatur super affirmationem realem; quia, ut Philosophus dicit in Prædicamentis (in post prædicamentis, cap. de oppositis), non sedere vere dici potest et de eo quod est et de eo quod non est; sed tamen omnis negatio fundatur in aliqua affirmatione intellecta vel imaginata. Necesse est enim esse apprehensum id de quo aliquid negatur. Sic ergo non est necessarium quod ommissio fundetur in actu reali existente. Si tamen omnis negatio in aliqua affirmatione reali fundaretur, ut sic negatio pro privatione poneretur, non oporteret quod ommissio, quæ est negatio actus, fundaretur in actu, sed quod fundaretur in potentia voluntatis.

Ad decimum dicendum, quod non solum in omissione, sed nec etiam in transgressionem semper est necessarium quod sit actualis contemptus, sed contemptus quidam habitualis, vel etiam interpretatus; quia scilicet interpretatur aliquem contemnere qui non facit quod iubetur, vel facit quod prohibetur.

Ad undecimum dicendum, quod ommissio opponitur præcepto affirmativo; quod licet obliget semper, non tamen obligat ad semper. Non enim obligatur homo ad hoc quod semper insistat parentibus honorandis; sed tamen semper obligatur homo ut parentes honoret tempore debito. Tandem ergo durat actu peccatum omissionis, quantum durat tempus ad quod obligat præceptum affirmativum; quo transiente transit actu et manet reatu; et iterum redeunte tunc tempore iteratur ommissio.

Ad duodecimum dicendum, quod sicut aliquis deficit a fine male agendo, ita desistendo a debito actu.

Ad primum ergo quod in contrarium obijcit, dicendum, quod ex illa auctoritate habetur, quod ipsum non facere bonum sit peccatum, non autem removeretur quin huiusmodi quod est non facere bonum, non sit aliquis actus.

Ad secundum dicendum, quod pena datur pro omissionem actus sicut pro culpa; sed tamen culpam contingit causari ab aliquo actu, qui quandoque est culpa (sicut cum peccatum est causa peccati), quandoque vero non culpa.

Ad tertium dicendum, quod etiam quia innaturalis est aliquo actu præcedente causatur.

Ad quartum dicendum, quod Deus neque vult mala fieri, neque vult mala non fieri; sed tamen hoc ipsum vult quod est se non velle mala fieri, et non velle mala non fieri.

AD QUINTUM dicendum, quod actus qui requiritur ad omissionem, non semper se habet per accidens ad ipsum, sed quandoque est causa per se, ut dictum est.

Et similiter dicendum est AD SEXTUM de transgressione.

AD SEPTIMUM dicendum, quod omnis actus per rationem regulari debet; unde omnis actus potest non bene fieri, si non sit debite regulatus, ut scilicet fiat quando debet, et propter quod debet, et sic de aliis quæ sunt in actibus observanda. Unde etiam hoc ipsum quod est diligere Deum, potest male fieri, puta si quis diligit Deum propter temporalia; et hoc ipsum quod est laudare Deum ora, potest male fieri, si hoc faciat quando non debet, quando scilicet alia facere tenetur. Sed si actus accipiatur regulatus sicut significatur cum dicitur, temperanter agere, vel juste agere, sic non potest male fieri. Si tamen daretur quod aliquis actus non posset male fieri, non esset inconveniens, si esset causa per accidens omissionis; quia bonum potest esse per accidens causa mali.

AD OCTAVUM dicendum, quod etiam peccati originalis causa est aliquis actus, scilicet peccatum actuale primi parentis.

AD NONUM dicendum, quod sicut ex parte virtutum est actus et habitus, ita ex parte vitiorum. Habitus tamen possunt dici virtutes vel vitia; sed soli actus dicuntur merita vel peccata.

ARTICULUS II. — *Utrum peccatum consistat in actu voluntatis tantum.*

Secundo queritur, utrum peccatum consistat in actu voluntatis tantum. Et videtur quod sic. Dicit enim Augustinus (in lib. Retractionum I, cap. ix, circa med.), quod non nisi voluntate peccatur. Ergo peccatum in solo actu voluntatis consistit.

2. Præterea, Augustinus dicit (in lib. de duabus Animabus): *Peccatum est voluntas retinendi vel acquirendi quod iustitia vetat.* Voluntatis autem hic accipitur pro actu voluntatis. Ergo peccatum in solo actu voluntatis consistit.

3. Præterea, Augustinus dicit de bono Conjugali, cap. xxi, quod continentia est habitus mentis, sed per actum exteriorem manifestatur. Ergo et e contrario incontinentia et omne peccatum in sola voluntate consistit; actus enim exteriores solummodo manifestant peccatum.

4. Præterea, Chrysostomus dicit super Matth. (homil. xix), quod *voluntas est que aut remuneratur pro bono aut condemnatur pro malo.* Opera autem testimonia sunt voluntatis. Non ergo querit Deus opera propter se ut sciat quomodo iudicet, sed propter alios, ut omnes intelligant quia iustus est Deus. Id autem solum pro quo Deus punit, est peccatum. Ergo peccatum in solo actu voluntatis consistit.

5. Præterea, id quo posito vel remoto nihilominus peccatum manet, accidentaliter se habet ad peccatum. Sed posito

vel remoto exteriori actu, nihilominus peccatum in sola voluntate manet. Ergo exteriores actus accidentaliter se habent ad peccatum; non ergo in eis peccatum consistit, sed in solo interiori actu voluntatis.

6. Præterea, nullus actus imputatur alicui ad peccatum, qui nullo modo est in potestate eius; unde si aliquis accipiat manum alicujus hominis contra ejus voluntatem, et cum ea interficiat hominem, peccatum homicidii non imputatur homini ejus manus percussit, sed ei qui utitur manu. Exteriora autem membra nullo modo possunt resistere imperio voluntatis. Non ergo in actibus exterioribus membrorum consistit peccatum, sed in actu voluntatis, quæ utitur membris.

7. Præterea, Augustinus dicit (in libro de vera Relig., cap. xxxiii), quod si aliquis vident remum fractum in aqua, non est hoc vitium visus qui nuntiatur quod accepit ut nuntiaret, sed est (1) vitium virtutis quæ debet iudicare. Sed exteriora corporis membra hunc ordinem acceperunt a Deo ut faciant quod voluntas imperat. Ergo vitium vel peccatum non est in actibus eorum, sed in actu voluntatis.

8. Præterea, si peccatum consistit in actu voluntatis et iterum in actu exteriori, majus erit peccatum peccare simul voluntate et exteriori actu, quam peccare interiori actu tantum; quia sicut quantum additum quanto, majus facit quantum; ita peccatum additum peccato videtur facere majus peccatum. Sed hoc non est verum: dicitur enim in Glossa interlin. Matth., xii: *Quantum vitandis, tantum facis.* Et sic non est majus peccatum inferioris voluntatis et exterioris actus, quam interioris actus tantum. Non ergo peccatum consistit in exteriori actu, sed solum in interiori.

9. Præterea, si sint duo aliqui habentes æqualem voluntatem idem peccatum committendi, puta fornicationem, et unus habet opportunitatem, et implet voluntatem suam; et alius non habet, sed vellet habere; manifestum est quod inter istos duos non est differentia quantum ad aliquid quod sit in potestate eorum. Sed secundum id quod non est in potestate alicujus, non attenditur peccatum, et per consequens neque peccati augmentum. Ergo unus eorum non magis peccat quam alius; et ita videtur in solo actu voluntatis peccatum consistere.

10. Præterea, peccatum corrumpit bonum gratiæ, quæ non est sicut in subiecto in aliqua inferiorum virtutum, sed in voluntate. Opposita autem sunt circa idem. Ergo peccatum in sola voluntate consistit.

11. Præterea, actus interior est causa exterioris actus. Idem autem non est causa sui ipsius. Cum ergo peccatum sit una et idem, videtur quod si consistat in actu voluntatis, non possit consistere in actu exteriori.

(1) Idem etiam est.

12. Præterea, idem accidens non potest esse in duobus subjectis. Sed deformitas comparatur ad actum deformem sicut accidens ad subjectum. Cum ergo peccati sit una deformitas, non potest unum peccatum consistere in duobus actibus, scilicet interiori et exteriori. Manifestum est autem quod peccatum est in interiori actu voluntatis. Ergo nullo modo in exteriori.

13. Præterea, Anselmus dicit (in lib. de conceptu Virginali, cap. iv, ante mod.), de actibus exterioribus loquens: *In horum essentia nulla consistit iustitia*. Ergo eadem ratione neque iniustitia, et sic peccatum in actu exteriori non consistit.

14. Præterea, Augustinus dicit (lib. I de Nuptiis et concup., cap. xxvii) quod peccatum transit actu, et manet reatu. Hoc autem non esset si ipse actus exterior esset peccatum. Ergo ipse actus exterior non est peccatum.

Sed contra, omne illud quod prohibetur lege Dei, est peccatum; quia peccatum est dictum vel factum vel conceptum contra legem Dei. Sed actus exterior lege Dei prohibetur. Exod., xx, cum dicitur: *Non occides, non machaberis, non furtum facies*; et seorsum prohibetur actus interior, cum dicitur: *Non concupisces*. Ergo non solum actus voluntatis est peccatum, sed etiam actus exterior.

Respondetur dicendum, quod circa hoc fuit triplex opinio. Quidam enim dixerunt, quod nullus actus neque interior neque exterior secundum se est peccatum, sed sola privatio habet rationem peccati, propter hoc quod Augustinus dicit (tract. I in Joan.), quod peccatum nihil est. Alii vero dixerunt, quod peccatum consistit in solo interiori actu voluntatis. Quidam vero dixerunt, quod peccatum consistit et in interiori actu voluntatis et in exteriori actu. Et quamvis hæc opinio magis contineat veritatem, tamen omnes aliquantulum vere sunt. Sed considerandum est, quod hæc tria, malum, peccatum et culpa, se habent ad invicem et communius et minus commune. Nam malum commune est; in quocumque enim, sive in subjecto sive in actu, sit privatio forme aut ordinis aut mensuræ debite, mali rationem habet. Sed peccatum dicitur aliquis actus debito ordine aut forma sive mensura carens; unde potest dici, quod tibia curva sit mala tibia; non tamen potest dici, quod sit peccatum, nisi forte eo modo loquendi quod peccatum dicitur effectus peccati; sed ipsa claudicatio peccatum dicitur. Quilibet enim actus inordinatus potest dici peccatum vel naturæ vel artis vel moris. Sed rationem culpæ non habet peccatum nisi ex eo quod est voluntarium; nulli enim imputatur ad culpam aliquis inordinatus actus nisi ex eo quod est in eius potestate. Et sic patet quod peccatum est in plus quam culpa; licet secundum communem usum loquendi apud Theologos pro eodem sumantur peccatum et culpa. Qui ergo consideraverunt

in peccato solum rationem mali, dixerunt quod substantia actus non est peccatum, sed deformitas actus. Qui vero consideraverunt in peccato solum id unde habet rationem culpæ, dixerunt peccatum in sola voluntate consistere. Sed oportet in peccato considerare non solum ipsam deformitatem, sed etiam actum deformitatis substratum; quia peccatum non est deformitas, sed actus deformis. Deformitas autem actus est per hoc quod discordat a debita regula rationis vel legis Dei. Quæ quidem deformitas invenitur non solum in actu interiori, sed etiam exteriori. Sed tamen hoc ipsum quod actus exterior deformis imputatur homini ad culpam, est a voluntate. Et sic patet quod si totum id quod est in peccato, considerare volumus, peccatum non solum consistit in privatione, neque solum in actu interiori, sed etiam in actu exteriori. Et quod dicimus de actu in peccato transgressionis, est etiam intelligendum de remotione actus in peccato omissionis, ut in superiori questione, art. præc., habitum est.

Ad primum ergo dicendum, quod voluntate producitur non solum actus interior quem voluntas elicit, sed etiam actus exterior quem voluntas imperat; et ita etiam hoc ipsum quod exteriori actu peccatur, voluntate peccatur.

Ad secundum dicendum, quod peccatum dicitur esse voluntas, non quod tota essentia peccati sit in actu voluntatis, sed quia totum peccatum consistit in voluntate sicut in radice.

Ad tertium dicendum, quod ex voluntate est quod aliquis actus sit laudabilis seu meritorius et virtuosus, vel culpabilis et demeritorius et vitiosus. Et ideo quælibet virtus et vitium dicitur esse habitus mentis et voluntatis; non quia ad actum virtutis et vitii pertineat etiam exterioris actus, sed quia non sunt actus virtutis et vitii nisi secundum quod a voluntate mentis imperantur.

Ad quartum dicendum, quod sola voluntas dicitur remunerari vel condemnari, quia nihil condemnatur vel remuneratur nisi per hoc quod est a voluntate.

Ad quintum dicendum, quod in actibus anime illud quo posito vel remoto nihilominus alterum manet, non semper se habet accidentaliter, sed materialiter quandoque. Semper enim illud quod est ratio alterius, se habet ad illud sicut formale ad materiale; puta, in actu sensus color videtur per lumen, et se habet ut materiale ad lumen, quod potest videri etiam sine colore, licet color non possit videri sine lumine. Et similiter in actu voluntatis finis est ratio volendi id quod est ad finem; unde finis est appetibilis etiam sine eo quod est ad finem; et tamen id quod est ad finem, non accidentaliter se habet ad appetibile, sed materialiter. Et similiter est intelligendum de principio et conclusione; quia principium potest intelligi sine conclusione, sed non e converso. Quia ergo actus voluntatis

est ratio quare actus exterior sit culpabilis, quantum ad hoc quod est esse peccatum culpabile, actus voluntatis se habet ut formale ad actum exteriozem, et actus exterior se habet non accidentaliter sed materialiter ad tale peccatum.

AD SEXTEM dicendum, quod illius actus cuius manu aliquis uteretur ad occidendum, esset quidem actus inordinatus, sed non haberet rationem culpae, nisi per comparationem ad illum qui utitur alterius manu. Et similiter actus exterior membri habet deformitatem, sed non habet rationem culpae nisi per hoc quod est a voluntate. Unde si essent duae personae voluntas et manus, manus non peccaret; sed voluntas peccaret non solum per actum proprium qui est velle, sed etiam per actum manus qui utitur. Nunc autem unus homo est cuius est uterque actus, et pro utroque puniatur.

Et per hoc patet solutio ad septimum.

AD OCTAVUM dicendum, quod si quaeratur, utrum tantum peccet qui sola voluntate peccat quantum qui peccat voluntate et actu, dicendum est, quod hoc potest contingere dupliciter. Uno modo ita quod sit aequalitas ex parte voluntatis; alio modo ita quod non sit aequalitas. Contingit autem inaequalitatem voluntatis esse tripliciter. Uno modo secundum numerum (1), puta, si aliquis uno motu voluntatis vult peccare, et cum non habeat opportunitatem, transit voluntatis motus; in alio autem qui primo habet motum voluntatis, postmodum opportunitatem habens, iteratur voluntatis actus; et sic est in eo duplex mala voluntas, una sine actu, et alia cum actu. Alio modo potest attendi inaequalitas quantum ad modum, puta, si unus habens voluntatem peccandi, sciens se non habere opportunitatem, desistit a tali motu voluntatis; alius autem sciens se habere facultatem peccandi continuat voluntatis motum quousque ad actum perveniat. Tertio modo contingit inaequalitatem voluntatis esse quantum ad intensionem; sunt enim aliqui actus peccati delectabiles, in quibus voluntas augetur quasi peno in freno rationis, quae ante actum aliquantulum remurmurabat. Qualitercumque autem sit inaequalitas voluntatis, est inaequalitas peccati. Si autem sit omnino aequalitas ex parte voluntatis, sic distinguendum videtur in peccato sicut in merito. Qui enim habet voluntatem dandi eleemosynam et non dat quia non habet facultatem, tantumdem meretur quantum si daret per comparationem ad praemium essentiale, quod est gaudium de Deo; hoc enim praemium respondet caritati, quae ad voluntatem pertinet; sed per comparationem ad praemium accidentale, quod est gaudium de quocumque bono creato, magis meretur qui non solum vult dare, sed dat; gaudebit enim non solum quia dare voluit, sed quia dedit, et ex omnibus bonis quae ex illa datione proveniunt. Et similiter si consideretur quantitas

(1) *Id. naturae.*

demeriti per comparationem ad poenam essentialem, quae consistit in separatione a Deo et dolore exinde proveniente, non minus demeretur qui sola voluntate quam qui voluntate et actu peccat; quia haec poena est contemptus Dei, qui respicit voluntatem; sed quantum ad poenam secundariam, quae est dolor de quocumque alio malo; sic magis demeretur qui actu et voluntate peccat; habebit enim dolorem non solum de eo quod male voluit, sed etiam de eo quod male fecit, et de omnibus malis quae de ejus maleficio proveniunt. Unde et poenitens qui poenam futuram positivè praevent, de omnibus talibus dolet. Quod ergo dicitur, quod quantum additum quanto facit majus, intelligendum est ubi utrumque dicitur quantum secundum eandem rationem; sed ubi unum est ratio alterius quod sit quantum, hoc non oportet; sicut si lignum est longum, erit linea longa, nec oportet quod lignum cum linea sit longius quam linea, quia linea est ratio longitudinis ligno; sicut etiam dictum est, quod actus exterior habet rationem culpae ab actu voluntatis. Quod vero dicitur: *Quantum intendis tantum facis*, habet locum in malis; quia si aliquis intendat peccare mortaliter, etiam si committat actum qui de genere suo est peccatum veniale vel nullum, mortaliter peccat, quia conscientia erronea ligat. Si vero aliquis intendat opus meritorium facere committens aliquid quod de genere suo est peccatum mortale, non meretur, quia conscientia erronea non excusat. Si tamen sub intentione comprehendatur non solum intentio finis, sed voluntas operis, sic verum est in bono, et in malo, quod quantum aliquis intendit tantum facit. Qui enim vult occidere sanctos ut obsequium praestet Deo, aut qui vult facere furum ut det eleemosynam, videtur quidem habere intentionem bonam, sed voluntatem malam. Et propter hoc si sub intentione etiam voluntas comprehendatur, ut totum intentio nomen, erit etiam intentio mala.

AD NOXIM dicendum, quod nullus meretur nec demeretur pro habitu sed pro actu; unde contingit quod aliquis est sic fragilis, quod si tentatio sibi superveniret, peccaret; qui tamen si tentatio non superveniat, actu non peccat. Nec propter hoc demeretur; quia, ut Augustinus dicit (in lib. de praedest. Sanctorum, cap. XII, et de bono Perseverantiae, cap. X, in princ.); non puniatur aliquis a Deo pro eo quod facturus esset; sed pro eo quod facit. Licet ergo opportunitatem peccati habere vel non habere, non sit in potestate peccantis; tamen uti opportunitate habita vel non uti, est in potestate ipsius. Et ex hoc peccat, et peccatum ejus augetur.

AD DECIMUM dicendum, quod omne peccatum non est in aliis actibus nisi in quantum sunt a voluntate; propter hoc per peccatum principaliter privatur id quod est in voluntate.

AD UNDECIMUM dicendum, quod omne quod comparatur ad

alterum ut ratio ejus, se habet ad ipsum sicut forma ad materiam; unde ex duobus fit unum sicut ex materia et forma. Et propter hoc color et lumen sunt unum visibile, quia color est visibilis propter lumen. Et similiter cum actus exterior habet rationem peccati ab actu voluntatis, idem peccatum est actus voluntatis et actus exterior conjunctus; sed si aliquis primo velit tantum, et postea volens faciat, sunt duo peccata, quia iteratur voluntatis actus. Quando autem ex duobus fit unum, nihil prohibet illorum duorum unum alterius causam esse. Et sic actus voluntatis est actus exterioris causa, sicut et actus superioris virtutis est causa actus inferioris, et semper formaliter se habet ad ipsum.

Ad pronuntium dicendum, quod in utroque actu, interiori et exteriori, consistit deformitas peccati; sed tamen una deformitas est utraque; quod ideo est, quia in uno eorum causatur deformitas ex alio.

Ad deumtatem dicendum, quod in essentia actuum exteriorum dicitur nulla consistere iustitia, quia actus exteriores non pertinent ad genus moris nisi secundum quod sunt voluntarii.

Ad deumtatem dicendum, quod reatus, id est obligatio ad penam, est quidam effectus consequens ad peccatum; unde cum dicitur quod peccatum transit actu et manet reatu, idem est ac si diceretur quod transit per suam essentiam et manet in effectu.

ARTICULUS III. — *Utrum peccatum principaliter consistat in actu voluntatis.*

Tertio queritur, utrum peccatum principaliter consistat in actu voluntatis. Et videtur quod non. Denominatio enim fit a principali, ut dicitur II de Anima (com. XLIX). Sed peccatum denominatur ab exteriori actu, ut cum dicitur furtum vel homicidium. Non ergo peccatum principaliter consistit in actu voluntatis.

2. Præterea, actus voluntatis non potest esse malus, quia ipsa potentia voluntatis bona est, nec potest arbor bona fructus malus facere, ut dicitur Math., vii. 18. Ergo peccatum non consistit principaliter in actu voluntatis.

3. Præterea, Anselmus dicit (in lib. de Casu diaboli, cap. vii. et xix): *Non est malum motus voluntatis, sed voluntas, vel motus voluntatem.* Motus autem voluntatis est actus ipsius. Ergo peccatum non consistit principaliter in actu voluntatis.

4. Præterea, quæ necessitate fiunt, non fiunt voluntate. Sed Augustinus dicit (lib. I de lib. Arb., cap. III), quod quedam necessitate facta, sunt improbanda, et ita sunt peccata. Non ergo principaliter peccatum in voluntate consistit.

5. Præterea, Roman., vii, dicit Glossa (interlin. super illud:

*Quod inhabitat in me peccatum*) quod omne peccatum est ex concupiscentia; quæ quidem non est in voluntate, sed in vi concupiscibili. Non ergo peccatum principaliter consistit in voluntate.

6. Præterea, infectio potentiarum anime non est nisi per peccatum. Sed dicitur quod concupiscibilis inter alias vires est maxime infecta. Ergo in ea principaliter consistit peccatum; non ergo in voluntate.

7. Præterea, potentie appetitive consequenter se habent ad apprehensivas. Sed apprehensivæ intellectivæ partis accipiunt ab apprehensivis partis sensitivæ. Ergo et appetitivæ superiores ab appetitivis inferioribus; et sic peccatum per prius videtur consistere in actu appetitivæ in inferioribus quæ est irascibilis et concupiscibilis, quam in actu voluntatis.

8. Præterea, propter quod unumquodque, et illud magis, ut dicitur in I Posteriorum (com. v). Sed actus voluntatis est malus, quia actus exterior est malus; ideo enim velle furari est malum, quia furari malum est. Non ergo per prius est peccatum in actu voluntatis.

9. Præterea, voluntas tendit in bonum sicut in suam obiectum; unde semper est vel veri boni, et tunc non est peccatum, vel apparentis boni non existentis, et tunc est peccatum. Sed quod appareat aliquid bonum non existens, est ex vitio intellectus, vel alterius apprehensivæ virtutis. Non ergo principaliter consistit peccatum in voluntate.

Sed contra est quod Augustinus dicit in lib. I de liber Arbitrii (cap. III, circa finem): *Certum est in omni malefaciendi genere libidinem dominari.* Libido autem ad voluntatem pertinet. Ergo principaliter peccatum in voluntate consistit.

Respondeo dicendum, quod quedam peccata sunt in quibus actus exteriores non sunt secundum se mali, sed secundum quod ex corrupta intentione vel voluntate procedunt: puta, cum quis vult dare elemosinam propter inanem gloriam; et in huiusmodi peccatis manifestum est quod omnibus modis peccatum principaliter consistit in voluntate. Quedam autem peccata sunt in quibus exteriores actus sunt secundum se mali, sicut patet in furto, adulterio, homicidio et similibus; et in istis duplici distinctione opus esse videtur. Quarum prima est, quod principaliter dicitur, scilicet primordialiter et complete. Altera distinctio est, quod actus exterior dupliciter considerari potest: uno modo secundum quod est in apprehensione secundum suam rationem; alio modo secundum quod est in operis executione. Si ergo consideretur actus secundum se malus, puta furtum vel homicidium, prout est in apprehensione secundum suam rationem, sic primordialiter in ipso invenitur ratio mali, quia non est vestitus debilis circumstantiis; et ex hoc ipso quod est actus malus, id est privatus debito modo, specie

et ordine, habet rationem peccati. Sic enim in se consideratus comparatur ad voluntatem ut objectum, prout est voluitus. Sicut autem actus sunt prævi potentis, ita et objecta actibus: unde primordialiter invenitur ratio mali et peccati in actu exteriori sic considerato, quam in actu voluntatis; sed ratio culpæ et moralis mali completur secundum quod accedit actus voluntatis; et sic complete malum culpæ est in actu voluntatis; sed si accipiatur actus peccati secundum quod est in executione operis sic primordialiter et per prius est culpa in voluntate. Ideo autem diximus per prius esse malum in actu exteriori quam in voluntate, si actus exterior in apprehensione consideretur; e converso autem, si consideratur in executione operis: quia actus exterior comparatur ad actum voluntatis ut objectum quod habet rationem finis. Finis autem est posterior in esse, sed prior in intentione.

Ad PRIMUM ergo dicendum, quod actus habet speciem ab objecto; et propter hoc peccatum denominatur ab actu exteriori secundum quod comparatur ad ipsum ut objectum.

Ad SECUNDEM dicendum, quod voluntas secundum suam naturam est bona, unde et actus ejus naturalis semper est bonus: et dico actum naturalem voluntatis, prout homo vult felicitatem naturaliter, esse, vivere, et beatitudinem. Si autem loquamur de bono morali, sic voluntas secundum se considerata nec est bona nec mala: sed se habet in potentia ad bonum vel malum.

Ad TERTIUM dicendum, quod Anselmus loquitur quando actus exterior est secundum se malus; tunc enim motus voluntatis accipit rationem mali ex movente, id est ex ipso actu inquantum est objectum.

Ad QUARTUM dicendum, quod necessitas coactionis absolute repugnat voluntario; et talis necessitas omnino excludit culpam. Est tamen quedam necessitas mixta voluntario, puta cum nauta cogitur mercem in mare proficere, ut vitet submersionem navis: et ea que ex tali necessitate fiunt, possunt habere rationem culpæ, inquantum habent aliquid de voluntario. Sunt enim hujusmodi facta magis voluntaria quam involuntaria, ut Philosophus dicit (in III Ethic., cap. iv).

Ad QUINTUM dicendum, quod quandoque sub inordinata concupiscentia etiam voluntas includitur: sed si accipiatur concupiscentia etiam secundum quod pertinet ad vim concupiscibilem, peccatum dicitur oriri ex concupiscentia, non quod in ipsa concupiscentia sit principaliter peccatum, sed quia est incitamentum ad peccandum. Principaliter autem est peccatum in voluntate, secundum quod malæ concupiscentiæ consentit.

Ad SEXTUM dicendum, quod concupiscibilis dicitur esse maxime infecta quantum ad transfusionem peccati originalis a

parentibus in posterum: sed hæc ipsa infectio processit ab inordinata voluntate primi parentis.

Ad SEPTIMUM dicendum, quod actus apprehensionis in nobis, qui scientiam a rebus accipimus, est secundum motum a rebus ad animam. Viciniores autem sunt rebus sensibilibus sensus quam intellectus: et ideo sequitur quod sicut sensus recipit a rebus sensibilibus, ita intellectus a sensibus. Actus autem appetitivæ virtutis est secundum motum ab anima ad res; et ideo e converso naturaliter ab appetitu superiori procedit motus ad appetitum inferiorem, ut dicitur in III de Anima (com. lxxv et lxxvi).

Ad OCTAVUM dicendum, quod actus interior dicitur esse malus propter actum exteriorem, sicut propter objectum; tamen culpa completur in actu interiori.

Ad NONUM dicendum, quod id quod non est vere bonum, apparet bonum dupliciter. Quandoque quidem ex vitio intellectus, sicut cum habet falsam opinionem aliquis de aliquo agendo, ut patet in eo qui putat fornicationem non esse peccatum, vel etiam in eo qui non habet usum rationis; et talis defectus ex parte intellectus proveniens dimittit culpam, vel totaliter excusat. Aliquando autem non est defectus ex parte ipsius intellectus, sed magis ex parte voluntatis; qualis enim est unusquisque, talis est finis videtur ei, ut dicitur III Ethic. (cap. v). Experimento enim cognoscimus quod aliter videtur nobis bonum aliquam vel malum circa ea que amamus, et ea que odimus. Et ideo cum aliquis est inordinate affectus ad aliquid, impeditur iudicium intellectus in particulari eligibili ex inordinata affectione. Et sic principaliter vitium est non in cognitione, sed in affectione. Et ideo qui sic peccat, non dicitur ex ignorantia peccare, sed ignorans, ut dicitur in I Ethicor. (cap. i a med.).

#### ARTICULUS IV. — *Utrum omnis actus sit indifferens.*

Quarto queritur, utrum omnis actus sit indifferens. Et videtur quod sic. Dicit enim Anselmus (in libr. de Concepta Virginitate, cap. iv. ante med.): *In horum id est actuum, essentia nulla est iustitia, et eadem ratione nulla iniustitia.* Sed ille actus dicitur indifferens in quo neque est iustitia neque iniustitia. Ergo omnes actus sunt indifferentes.

2. Præterea, quod est secundum se bonum, non potest esse malum; quia quod per se inest alicui inest ei ex necessitate. Sed non est aliquis actus qui non possit male fieri, etiam hoc ipsum: quod est Deum diligere; ut patet in eo qui diligit Deum propter temporalia. Ergo nullus actus est secundum se bonus, et pari ratione neque secundum se malus. Omnis ergo actus secundum se est indifferens.

3. Præterea, cum bonum et ens convertantur, ab eodem

et ordine, habet rationem peccati. Sic enim in se consideratus comparatur ad voluntatem ut objectum, prout est volutus. Sicut autem actus sunt prævi potentis, ita et objecta actibus: unde primordialiter invenitur ratio mali et peccati in actu exteriori sic considerato, quam in actu voluntatis; sed ratio culpæ et moralis mali completur secundum quod accedit actus voluntatis; et sic complete malum culpæ est in actu voluntatis; sed si accipiatur actus peccati secundum quod est in executione operis sic primordialiter et per prius est culpa in voluntate. Ideo autem diximus per prius esse malum in actu exteriori quam in voluntate, si actus exterior in apprehensione consideretur; e converso autem, si consideratur in executione operis: quia actus exterior comparatur ad actum voluntatis ut objectum quod habet rationem finis. Finis autem est posterior in esse, sed prior in intentione.

Ad PRIMUM ergo dicendum, quod actus habet speciem ab objecto; et propter hoc peccatum denominatur ab actu exteriori secundum quod comparatur ad ipsum ut objectum.

Ad SECUNDEM dicendum, quod voluntas secundum suam naturam est bona, unde et actus ejus naturalis semper est bonus: et dico actum naturalem voluntatis, prout homo vult felicitatem naturaliter, esse, vivere, et beatitudinem. Si autem loquamur de bono morali, sic voluntas secundum se considerata nec est bona nec mala: sed se habet in potentia ad bonum vel malum.

Ad TERTIUM dicendum, quod Anselmus loquitur quando actus exterior est secundum se malus; tunc enim motus voluntatis accipit rationem mali ex movente, id est ex ipso actu inquantum est objectum.

Ad QUARTUM dicendum, quod necessitas coactionis absolute repugnat voluntario; et talis necessitas omnino excludit culpam. Est tamen quedam necessitas mixta voluntario, puta cum nauta cogitur mercem in mare proficere, ut vitet submersionem navis: et ea que ex tali necessitate fiunt, possunt habere rationem culpæ, inquantum habent aliquid de voluntario. Sunt enim hujusmodi facta magis voluntaria quam involuntaria, ut Philosophus dicit (in III Ethic., cap. iv).

Ad QUINTUM dicendum, quod quandoque sub inordinata concupiscentia etiam voluntas includitur: sed si accipiatur concupiscentia etiam secundum quod pertinet ad vim concupiscibilem, peccatum dicitur oriri ex concupiscentia, non quod in ipsa concupiscentia sit principaliter peccatum, sed quia est incitamentum ad peccandum. Principaliter autem est peccatum in voluntate, secundum quod malæ concupiscentiæ consentit.

Ad SEXTUM dicendum, quod concupiscibilis dicitur esse maxime infecta quantum ad transfusionem peccati originalis a

parentibus in posterum: sed hæc ipsa infectio processit ab inordinata voluntate primi parentis.

Ad SEPTIMUM dicendum, quod actus apprehensionis in nobis, qui scientiam a rebus accipimus, est secundum motum a rebus ad animam. Viciniores autem sunt rebus sensibilibus sensus quam intellectus: et ideo sequitur quod sicut sensus recipit a rebus sensibilibus, ita intellectus a sensibus. Actus autem appetitivæ virtutis est secundum motum ab anima ad res; et ideo e converso naturaliter ab appetitu superiori procedit motus ad appetitum inferiorem, ut dicitur in III de Anima (com. lxxv et lxxvi).

Ad OCTAVUM dicendum, quod actus interior dicitur esse malus propter actum exteriorem, sicut propter objectum; tamen culpa completur in actu interiori.

Ad NONUM dicendum, quod id quod non est vere bonum, apparet bonum dupliciter. Quandoque quidem ex vitio intellectus, sicut cum habet falsam opinionem aliquis de aliquo agendo, ut patet in eo qui putat fornicationem non esse peccatum, vel etiam in eo qui non habet usum rationis; et talis defectus ex parte intellectus proveniens dimittit culpam, vel totaliter excusat. Aliquando autem non est defectus ex parte ipsius intellectus, sed magis ex parte voluntatis; qualis enim est unusquisque, talis est finis videtur ei, ut dicitur III Ethic. (cap. v). Experimento enim cognoscimus quod aliter videtur nobis bonum aliquam vel malum circa ea que amamus, et ea que odimus. Et ideo cum aliquis est inordinate affectus ad aliquid, impeditur iudicium intellectus in particulari eligibili ex inordinata affectione. Et sic principaliter vitium est non in cognitione, sed in affectione. Et ideo qui sic peccat, non dicitur ex ignorantia peccare, sed ignorans, ut dicitur in I Ethicor. (cap. i a med.).

#### ARTICULUS IV. — *Utrum omnis actus sit indifferens.*

Quarto queritur, utrum omnis actus sit indifferens. Et videtur quod sic. Dicit enim Anselmus (in libr. de Concepta Virginitate, cap. iv. ante med.): *In horum id est actuum, essentia nulla est iustitia, et eadem ratione nulla iniustitia.* Sed ille actus dicitur indifferens in quo neque est iustitia neque iniustitia. Ergo omnes actus sunt indifferentes.

2. Præterea, quod est secundum se bonum, non potest esse malum; quia quod per se inest alicui inest ei ex necessitate. Sed non est aliquis actus qui non possit male fieri, etiam hoc ipsum: quod est Deum diligere; ut patet in eo qui diligit Deum propter temporalia. Ergo nullus actus est secundum se bonus, et pari ratione neque secundum se malus. Omnis ergo actus secundum se est indifferens.

3. Præterea, cum bonum et ens convertantur, ab eodem

habebit aliquid quod sit bonum et quod sit ens. Sed actus habet esse morale à voluntate; si enim non sit voluntarius, non est actus moralis. Ergo et bonitatem moralem et malitiam habet à voluntate. Ergo secundum se neque est bonus neque malus, sed indifferens.

4. Sed dicendum, quod licet actus habeat quod si moralis, inquantum est voluntarius, quod est quoddam commune; tamen hoc speciale, quod est esse bonum vel esse malum habet secundum se. — Sed contra, bonum et malum sunt differentie actuum moralium. Sed differentie per se dividunt genus; et sic oportet quod non ad aliud referantur differentie quam genus. Si ergo hoc commune quod est esse morale, habet actus à voluntate, ab eadem etiã voluntate habebit quod sit bonus vel malus, et sic secundum se est indifferens.

5. Præterea, actus moralis dicitur bonus, inquantum est debitis circumstantiis vestitus; malus autem, inquantum vestitus indebitis circumstantiis. Sed circumstantiæ, cum sint accidentiã actus, sunt præter speciem ipsius. Cum ergo illud dicatur alicui secundum se convenire quod convenit ei secundum suam speciem, videtur quod actus secundum se nec sit bonus nec malus, sed indifferens.

6. Præterea, sicut album et nigrum invenitur in eadem specie hominis; ita bonum et malum in eadem specie actus. Non enim differt species accedere ad suam et ad non suam, quod ex effectu apparet; utrobique enim nascitur homo; et tamen unum eorum est bonum, aliud malum. Sed album et nigrum non per se conveniunt homini. Ergo neque bonum et malum per se conveniunt actui; et ita omnis actus secundum se consideratus est indifferens.

7. Præterea, ea quæ per se insunt, non variantur circa aliquid idem numero: sicut non est idem numerus par et impar. Sed unum et eundem actum numero contingit esse bonum et malum; est enim unus numerus actus qui est continuus. In actu autem continuo contingit primo bonum et postea malum inveniri, aut e converso; puta, si aliquis incipiat ire ad Ecclesiam ex mala intentione, et in processu itineris convertatur ejus intentio in bonum. Ergo bonum et malum non per se conveniunt actui; et ita quilibet actus de se est indifferens.

8. Præterea, malum, inquantum malum, est non ens. Sed non ens non potest esse de substantia alienius entis. Ergo cum actus sit quoddam ens, non potest aliquis actus secundum se esse malus, et per consequens nec bonus; quia bonus actus malo contrariatur. Contraria autem sunt unius generis. Ergo idem quod prius.

9. Præterea, actus bonus dicitur vel malus ex ordine ad finem. Sed actus non accipit speciem à fine: quia sic quoscumque actus contingeret esse ejusdem speciei, cum diversos actus ad

usum finem ordinari contingat. Ergo malum et bonum non pertinent ad speciem actus; et sic actus secundum se considerati nec sunt boni nec mali, sed indifferentes.

10. Præterea, bonum et malum non solum in actibus inveniuntur, sed etiam in aliis rebus. In aliis autem non diversificantur species. Ergo neque in actibus; et sic actus secundum se non sunt boni nec mali.

11. Præterea, actus morales boni dicuntur actus virtuosus; actus autem mali, actus vitiosi. Virtus autem et vitium sunt in genere habitus. Ergo quod actus sit bonus vel malus habet ex alio genere, et non secundum seipsum.

12. Præterea, prius non dependet à proprietatibus posterioris. Sed actus est prior naturaliter quàm moralis: quia omnis actus moralis est actus, sed non convertitur. Cum ergo bonum et malum sint proprietates moris, non secundum se convenient actui inquantum est actus.

13. Præterea, quod naturaliter est tale, semper et ubique tale est. Sed justa et bona non semper et ubique talia sunt; quedam enim justum est fieri in uno loco ac tempore, quæ non est justum fieri in alio. Nihil est ergo naturaliter justum aut bonum, et per consequens neque injustum aut malum. Ergo omnis actus secundum se est indifferens.

Sed contra est quod Augustinus dicit (in lib. II de sermone Domini in monte, cap. xxxviii, perum à primo,) quod quedam sunt quæ non possunt bono animo fieri, sicut sunt stupra, blasphemie et hujusmodi, de quibus nobis iudicare permittitur. Non ergo omnes actus sunt indifferentes.

Respondeo dicendum, quod circa hoc apud antiquos Doctores fuit diversa opinio. Quidam enim dixerant, omnes actus de se esse indifferentes; quod alii negaverunt, dicentes, quosdam actus esse per se bonos, et quosdam per se malos. Ad hujus autem veritatis investigationem considerandum est, quod bonum importat quandam perfectionem, ejus perfectionis privatio malum est, ut utatur large nomine perfectionis, secundum quod in se comprehendit convenientem mensuram et formam et ordinem. Unde Augustinus (in lib. de Natura Boni, cap. xxvi et xxvii), constituit rationem boni in modo, specie et ordine, et in horum privatione rationem mali. Manifestum est autem quod non est eadem perfectio propria omnium, sed diversa diversorum; sive accipiatur diversitas quæ est inter diversas species, ut inter equum et bovem, quorum est diversa perfectio; sive inter genus et speciem, ut inter animal et hominem; aliquid enim pertinet ad perfectionem hominis, quod non pertinet ad perfectionem animalis. Unde aliter oportet accipere bonum animalis et bonum hominis, equi et bovis; et idem dicendum est de malo. Manifestum est enim quod non habere manus in homine est malum, non autem in equo aut bove, aut etiam in animali inquantum est



animal, et similiter dicendum est in actibus de bono et malo. Nam alia est consideratio boni et mali in actu secundum quod est actus, et in diversis specialibus actibus. Nam si consideremus actum in quantum est actus, bonitas ejus est ut sit quaedam emanatio secundum virtutem agentis; et ideo secundum diversitatem agentium, diversimode accipitur bonum et malum in actibus. In rebus autem naturalibus actus bonus est qui est secundum convenientiam naturae agentis, malus autem qui non convenit naturae agentis et sic contingit de uno et eodem actu diversimode judicari secundum comparationem ad diversa agentia. Nam hoc quod est moveri sursum, si comparatur ad ignem, est bonus actus, quia est ei naturalis; si autem comparatur ad terram, est malus actus, quia est contra naturam ejus; si vero comparatur ad corpus mobile in communi, non habet rationem nec boni nec mali. Loquimur autem nunc de actibus hominis; unde bonum et malum in actibus, secundum quod nunc loquimur, est accipiendum secundum id quod est proprium hominis in quantum est homo. Hoc (1) autem est ratio, unde bonum et malum in actibus humanis consideratur secundum quod actus concordat rationi in formate lege divina, vel naturaliter, vel per doctrinam, vel per infusionem; unde Dionysius ait (iv cap. de divin. Nomin.), quod animus malum est praeter rationem esse, corpori praeter naturam. Sic ergo si esse secundum vel praeter rationem pertinet ad speciem actus humani, oportet dicere quod aliqui actus humani sint secundum se boni, et aliqui secundum se mali. Dicimus enim per se convenire alicui non solum quod convenit ei ratione sui generis, sed etiam quod convenit ei ratione suae speciei; sicut rationale et irrationale per se insunt animalibus ratione suarum specierum, licet non ratione hujus generis quod est animal, non enim animal, in quantum est animal, est rationale vel irrationale. Si vero esse praeter rationem vel secundum rationem, non pertinet ad speciem actus humani, sequitur quod actus humani per se nec boni nec mali sint, sed indifferentes; sicut homines per se nec albi nec nigri sunt. Hoc est ergo ex quo veritas hujus questionis dependet. Ad ejus evidentiam considerandum est, quod cum actus recipiat speciem ab objecto, secundum aliquam rationem objecti specificabitur actu comparatus ad unum actuum principium secundum quam rationem non specificatur comparatus ad aliud. Cognoscere enim colorem et cognoscere sonum sunt diversi actus secundum speciem, si ad sensum referantur; quia haec secundum se sensibilia sunt; non autem si referantur ad intellectum; quia ab intellectu comprehenduntur sub una communi ratione objecti, scilicet entis aut veri. Et similiter sentire album et nigrum differunt specie si referatur ad visum, non si referatur ad gustum; ex quo potest accipi quod

(1) *Al. hoc.*

actus cujuslibet potentiae specificatur secundum id quod per se pertinet ad illam potentiam, non autem secundum id quod pertinet ad eam solum per accidens. Si ergo objecta humanorum actuum considerentur quae habeant differentias secundum aliquid per se ad rationem pertinentes, erunt actus specie differentes, secundum quod sunt actus alicujus alterius potentiae; sicut cognoscere mulierem suam, et cognoscere mulierem non suam, sunt actus habentes objecta differentia secundum aliquid ad rationem pertinentes; nam suum et non suum determinantur secundum regulam rationis; quae tamen differentiae per accidens se habent si comparantur ad vim generativam, vel aliam ad vim concupiscibilem. Et ideo cognoscere suam, et cognoscere non suam, specie differunt secundum quod sunt actus rationis, non autem secundum quod sunt actus generativae aut concupiscibilis. Intantum autem sunt actus humani in quantum sunt actus rationis. Sic ergo patet quod differunt specie in quantum sunt actus humani. Patet ergo quod actus humani ex specie sua habent quod sint boni vel mali. Et ideo simpliciter dicendum est, actus aliquos humanos esse secundum se bonos vel malos, et non omnes esse indifferentes; nisi forte secundum quod considerantur in suo genere tantum. Sicut enim dicitur, quod animal in quantum est animal, neque rationale neque irrationale est; ita potest dici, quod actus humanus in quantum est actus, nondum habet rationem boni vel mali moralis, nisi aliquid addatur ad speciem contrahens; licet etiam ex hoc ipso quod est actus humanus, et ulterius ex hoc quod est ens, habeat aliquam rationem boni, sed non hujus boni moralis quod est secundum rationem esse, de quo nunc agimus.

Ad primum ergo dicendum, quod Anselmus loquitur de actibus secundum rationem generis, et non secundum rationem speciei.

Ad secundum dicendum, quod illud quod consequitur speciem alicujus semper invest (1) ei. Cum ergo actus hominis speciem consequatur ex ratione objecti, secundum quam est bonus vel malus; actus sic specificatus in bono, nunquam potest esse malus; nec specificatus in malo, nunquam potest esse bonus. Contingit tamen actui secundum se bono adungi aliquem alium actum malum secundum aliquem ordinem; et secundum illum actum malum bonus aliquando dicitur malefieri, non quod in se ipso sit malus; sicut dare elemosinam pauperi vel diligere Deum est actus secundum se bonus; sed referre actum hujusmodi ad finem aliquem inordinatum, scilicet cupiditatis aut inanis gloriae, est quidem alius actus malus; qui tamen duo actus quodam ordine in unum rediguntur. Bonum autem, ut Dionysius dicit (cap. iv de divin. Nomin., part. IV), est ex tota et

(1) *Al. est.*

integra causa, malum autem ex singularibus defectibus. Et ideo quicquid horum sit malum, sive actus, sive inordinatio actus in finem, totum iudicatur malum. Non autem totum iudicatur bonum nisi utrumque fuerit bonum; sicut nec iudicatur homo pulcher, nisi omnia ejus membra fuerint decora; turpis autem iudicatur etiam si unum ejus membrum fuerit deforme. Et inde est quod actus malus non potest bene fieri; ex quo enim actus malus est, non potest esse integrum bonum: sed actus bonus potest male fieri; quia non requiritur quod sit integrum malum, sed sufficit quod sit particulariter malum.

Ad tertium dicendum, quod esse voluntarium pertinet ad rationem actus humani inquantum est actus humanus; unde quod inest ei inquantum est voluntarium, sive secundum genus, sive secundum differentiam, non inest ei per accidens, sed per se.

Per quod patet solutio ad quartum.

Ad quintum dicendum, quod circumstantiæ se habent ad actus morales sicut accidentia quæ sunt præter rationem speciei, ad res naturales. Actus autem moralis, sicut dictum est, recipit speciem ab objecto secundum quod comparatur ad rationem; et ideo dicitur communiter, quod actus quidam sunt boni vel mali ex genere; et quod actus bonus ex genere, est actus cadens supra debitam materiam, sicut pascere esurientem; actus autem malus ex genere est qui cadit supra indebitam materiam, sicut subtrahere aliena; materia enim actus dicitur objectum ipsius. Sed supra hanc bonitatem vel malitiam potest supervenire alia bonitas vel malitia ex aliquo extrinseco, quod vocatur circumstantia, sicut ex loco vel tempore aut conditione agentis aut huiusmodi; puta, si subtrahat non sua ex loco sacro, vel propter indigentiam, aut aliquid huiusmodi. Et licet huiusmodi bonitas vel malitia non per se conveniat actui morali secundum quod in sua specie consideratur; aliqua tamen bonitas vel malitia convenit ei secundum suam speciem; quia, sicut supra dictum est, in corp. art., secundum diversas perfectiones est diversa ratio bonitatis.

Ad sextum dicendum, quod in eadem specie actus moralis potest esse bonus et malus ex circumstantia; sicut in eadem specie hominis potest esse albus et nigrum. Sed tamen actus qui secundum se sunt boni, differunt specie ab actibus qui sunt secundum se mali, prout sunt actus morales. licet forte non differant specie prout sunt actus naturales, ut patet de his duobus actibus, cognoscere suam et cognoscere non suam.

Ad septimum dicendum, quod nihil prohibet aliquid esse idem numero secundum unum genus, quod tamen secundum aliud genus non solum numero sed specie differt; sicut si sit aliquid corpus continuum in una parte albus, et in alia parte nigrum, est unum numero inquantum est continuum, sed dif-

fert non solum numero sed specie inquantum est coloratum. Et similiter si in aliquo actu continuo, primo feratur intentio ad bonum, postea ad malum naturam; sed tamen differt specie secundum quod est in genere moris; licet etiam dici possit quod ille actus semper retinet vel bonitatem vel malitiam quam habet ex sua specie, licet possit circa eundem actum variari intentionis actus secundum diversos fines.

Ad octavum dicendum, quod sicut in naturalibus privatio consequitur aliquam formam, sicut ad formam aque consequitur privatio formæ ignis; ita in moralibus ad positionem alicujus modi vel speciei vel ordinis sequitur privatio debiti modi aut speciei vel ordinis. Et ita ex eo quod positive in actu invenitur, recipit actus speciem; sed ex privatione consequente dicitur malus; et sicut per se convenit aque non esse ignem, ita per se convenit tali actui et secundum suam speciem esse malum.

Ad nonum dicendum, quod duplex est finis: proximus et remotus. Finis proximus actus idem est quod obiectum; et ab hoc recipit speciem. Ex fine autem remoto non habet speciem; sed ordo ad talem finem est circumstantia actus.

Ad decimum dicendum, quod bonum habet rationem finis; unde finis inquantum huiusmodi, est obiectum voluntatis. Et quia moralia a voluntate dependent, inde est quod bonum et malum in moralibus specie differunt; non autem sic est in aliis.

Ad undecimum dicendum, quod aliqui actus dicuntur virtuosii vel vitiosii non solum ex hoc quod procedunt ex habitu virtutis vel vitii, sed quia sunt similes illis actibus qui a talibus habitibus procedunt. Unde etiam aliqui antequam habeat virtutem, operatur actum virtuosum; aliter tamen postquam habet virtutem. Nam antequam habeat virtutem operatur quidem iusta sed non iuste, et caste sed non caste; sed postquam habet virtutem, operatur iusta iuste, et caste caste, ut patet per Philosophum (II Ethic., cap. iv). Sic ergo patet quod triplex est gradus bonitatis et malitiae in actibus moralibus. Primo quidem secundum suum genus et speciem, per comparisonem ad obiectum sive materiam; secundo ex circumstantia; tertio vero ex habitu informante.

Ad duodecimum dicendum, quod ratio procedit de actu secundum rationem generis, ex qua non habet bonitatem vel malitiam moralem; habet tamen secundum speciem, sicut dictum est, in corp. art.

Ad tredecimum dicendum, quod iusta et bona possunt dupliciter considerari. Uno modo formaliter, et sic semper et ubique sunt eadem; quia principia juris, quæ sunt in naturali ratione, non mutantur. Alio modo materialiter, et sic non sunt

eadem iusta et bona ubique et apud omnes, sed oportet ea lege determinari. Et hoc contingit propter mutabilitatem naturae humanae et diversas conditiones hominum et rerum, secundum diversitatem locorum et temporum : sicut hoc semper est iustum quod in emptione et venditione fiat commutatio secundum aequalens ; sed pro mensura frumenti iustum est ut in tali loco vel tempore tantum detur, et in alio loco vel tempore non tantum, sed plus vel minus.

ARTICULUS V. — *Utrum aliqui actus sint indifferentes.*

Quidam quaeritur, utrum aliqui actus sint indifferentes. Et videtur quod non. Eius enim, in quantum est ens, est bonum : ens autem opponitur non ens, bono vero malum. Sed inter ens et non ens nihil est medium. Ergo nec inter bonum et malum. Necessario est ergo omnes actus esse bonos vel malos, et nullum indifferentem.

2. Sed dicendum, quod ens et bonum non convertantur in genere moris, sed in genere naturae ; et sic non oportet quod bonum et malum in genere moris sint immediata. — Sed contra, maius bonum est bonum moris quam bonum naturae. Ergo maiorem habet oppositionem ad malum. Si ergo bonum naturae immediate opponitur malo, multo magis bonum moris.

3. Praeterea, malum non opponitur bono contrarie, quia malum nihil ponit, sed opponitur ei privative. Privative autem opposita non habent medium circa proprium susceptibile ; proprium autem susceptibile boni et mali moralis est actus humanus. Ergo omnis actus humanus est bonus vel malus, et nullus indifferentis.

4. Praeterea, actus humanus est a voluntate deliberata. Voluntas autem deliberata semper agit propter finem. Ergo omnis actus humanus est propter finem. Finis autem omnis aut est bonus aut malus ; qui autem est ad bonum est bonus ; qui vero ad malum, est malus. Ergo omnis actus humanus vel est bonus vel malus, et nullus indifferentis.

5. Praeterea, omnis operatio humana vel est uti vel frui. Quicumque autem utitur, aut recte utitur aut perverse, quod est abuti ; et similiter quicumque fruatur, aut Deo fruatur, quod est bonum, aut creatura, quod est malum. Ergo omnis actus humanus vel est bonus vel malus.

6. Praeterea, ut Augustinus dicit (in lib. LXXXIII Quest., quaest. XLVI), in natura nullus actus est casualis ; habet enim quilibet actus causas occultas, licet nobis ignotas. Sed sicut est casuale in natura, ita videtur esse indifferentis in moralibus, quod est praeter intentionem boni vel mali. Ergo nullus actus moralis est indifferentis.

7. Praeterea, omnis actus procedens a voluntate informata caritate est meritorius ; omnis vero actus procedens a volun-

tate non informata caritate est demeritorius, quia omnes tenentur ad conformandum voluntatem suam voluntati divinae, praecipue quantum ad modum volendi, ut ex caritate velit quae vult, sicut et Deus ; quod non potest observare qui caritatem non habet. Ergo quilibet actus est meritorius vel demeritorius, et nullus est indifferentis.

8. Praeterea, nullus damnatur nisi pro culpa. Sed aliquis damnatur propter hoc quod non habet caritatem, ut patet Matth., xxii, de illo qui exclusus est a nuptiis propter hoc quod non habuit vestem nuptialem, per quam caritas significatur. Ergo non habere caritatem est peccatum ; et quicquid fit a non habente caritatem, est demeritorium ; et sic idem quod prius.

9. Praeterea, Philosophus dicit (in VII Ethic.), quod actiones in moralibus sunt sicut conclusiones in syllogisticis, in quibus est verum, et falsum, sicut et in moralibus bonum et malum. Sed omnis conclusio est vera vel falsa. Ergo omnis actus moralis est vel bonus vel malus, et nullus indifferentis.

10. Praeterea, Gregorius (VI Moralium, cap. xi) dicit, quod mali inde Dei voluntatem peragunt, unde contrarie vitantur. Multo ergo magis illi qui non contrarie vitantur, Dei voluntatem peragunt. Peragere autem Dei voluntatem est bonum. Ergo sequitur quod omnis actus sit bonus, et nullus actus sit indifferentis.

11. Praeterea, ad hoc quod aliquis sit actus meritorius in habente caritatem, non requiritur quod actu referatur in Deum, sed sufficit quod actu referatur in aliquem finem convenientem, qui habitu refertur in Deum ; sicut si aliquis volens peregrinari propter Deum, emat equum, nihil actu de Deo cogitans, sed solum de via quam iam in Deum ordinaverat : hoc est enim meritorium. Sed constat quod ille qui habet caritatem, se et omnia sua ordinavit in Deum, cui inhaeret ut ultimo fini. Ergo quicquid ordinarit vel ad se vel ad quodcumque aliud suum, meritorie agit, etiam si actu de Deo non cogitet ; nisi impediatur per aliquam inordinationem actus, qui non sit referibilis in Deum. Sed hoc non potest esse quin sit peccatum saltem veniale. Ergo omnis actus habentis caritatem vel est meritorius, vel est peccatum, et nullus indifferentis ; et eadem ratio videtur de aliis.

12. Sed dicendum, quod potest actus non esse meritorius nec inordinatus ex hoc solo quod aliquis negligenter et ex quadam subreptione non prompte refert in finem convenientem. — Sed contra, ipsa negligentia peccatum est, vel mortale vel veniale ; peccata etiam quaedam venialia ex subreptione fiunt, ut patet praecipue in primis motibus concupiscentiae. Ergo per hoc non excluditur quin sit peccatum veniale.

13. Praeterea, Glossa Augustini (de Fide et operibus cap. vi)

dicit I Corinth., iii, quod lignum, fenum et stipulam edificat qui rebus concessis inheret magis quam debet. Sed qui lignum, fenum et stipulam edificat, peccat; alias non puniretur igne. Ergo qui inheret rebus concessis magis quam debet, peccat. Sed quicumque agit, vel inheret rebus concessis vel non concessis; si non concessis, peccat; si concessis magis quam debet, similiter peccat; si secundum quod debet, bene agit. Ergo omnis humanus actus vel est bonus vel malus, et nullus indifferens.

Sed contra est quod Augustinus dicit in lib. II de sermone Domini in monte, cap. xxvii, quod quedam sunt facta modica que possunt bono et malo fieri, de quibus temerarium est iudicare.

Præterea, Philosophus dicit (in post Predicam., cap. de oppositis), quod bonum et malum sunt contraria mediata. Ergo est aliquid medium inter bonum et malum, quod est indifferens.

Respondeo dicendum, quod, sicut supra, art. præced., dictum est, actus moralis præter bonitatem et malitiam quam habet ex sua specie, potest habere aliam bonitatem vel malitiam ex circumstantiis, que comparantur ad actum moralem sicut accidentia quadam. Sicut autem genus consideratur in sua ratione sine differentiis, sine quibus non potest esse species; ita species consideratur secundum suam rationem sine accidentibus, sine quibus tamen non potest esse individuum. Non enim dicitur de ratione hominis esse album vel esse nigrum vel aliquid huiusmodi. Impossibile est tamen esse aliquem hominem singularem qui sit albus vel niger, vel aliquid huiusmodi. Sic ergo loquendo de actibus moralibus secundum quod in suis speciebus considerantur, possunt dici boni vel mali ex genere; sed bonitas vel malitia que est ex circumstantiis, non convenit ei secundum suum genus vel speciem; sed individuis actibus talis bonitas vel malitia convenire potest. Si ergo loquatur de actu morali secundum suam speciem, sic non omnis actus moralis est bonus vel malus, sed aliquis est indifferens; quia actus moralis speciem habet ex objecto secundum ordinem ad rationem, ut supra, art. præced., dictum est. Est autem aliquod objectum quod importat aliquid conveniens rationi, et facit esse bonum ex genere, sicut vestire nudum; aliquod autem objectum quod importat aliquid discordans a ratione, sicut tollere alienum, et hoc facit malum in genere; quoddam vero objectum est quod neque importat aliquid conveniens rationi, neque aliquid a ratione discordans, sicut levare festucam de terra, vel aliquid huiusmodi; et huiusmodi dicitur indifferens. Et quantum ad hoc bene dixerunt qui actus dividerunt trifarie, dicentes, quosdam esse bonos, quosdam malos, quosdam indifferentes. Si vero loquamur de actu morali secundum

individuum, sic quilibet particularis actus moralis necesse est quod sit bonus vel malus propter aliquam circumstantiam. Non enim potest contingere quod actus singularis sine circumstantiis fiat, que ipsum rectum faciant, vel indirectum. Si enim fiat quodcumque quando oportet et ubi oportet et sicut oportet, etc., huiusmodi actus est ordinatus et bonus; si vero aliquid horum deficiat, actus est inordinatus et malus. Et hoc maxime considerari potest in circumstantia finis. Quod enim fit propter justam necessitatem vel propter piam utilitatem, laudabiliter fit et bonus est actus; quod vero caret justa necessitate et pia utilitate, otiosum reputatur; ut Gregorius dicit (lib. VII Moral., cap. xxv, ante med.). Otiosum autem verbum est peccatum, et multo magis factum; dicitur enim Math., xii, 36: *Omnia verbum otiosum quod locuti fuerint homines, reddent de eo rationem*. Sic ergo bonus actus et malus actus ex genere, sunt opposita mediata; et est aliquis actus qui in specie consideratus est indifferens. Bonum autem et malum ex circumstantia sunt immediata, quia distinguuntur secundum oppositionem affirmationis et negationis, scilicet per hoc quod est secundum quod oportet et non secundum quod oportet secundum omnes circumstantias. Hoc autem bonum et malum est proprium actus singularis; et ideo nullus actus humanus singularis est indifferens; et dico actum humanum qui est a voluntate deliberata. Si enim sit aliquis actus sine deliberatione procedens ex sola imaginatione, sicut confectio herbarum, aut aliquid huiusmodi, huiusmodi actus est extra genus moris; unde non participat bonitatem vel malitiam moralem.

Ad primum ergo dicendum, quod licet ens, in quantum est ens, sit bonum, non tamen omne non ens est malum; nam non habere oculos lapidi non est malum. Unde non oportet, si ens et non ens sint immediata, quod bonum et malum sint immediata.

Ad secundum dicendum, quod ens et bonum convertuntur simpliciter et in quolibet genere; unde Philosophus (in Ethic., cap. vi), secundum genera entium distinguit bonum. Sed verum est quod ens simpliciter non convertitur cum bono moris, sicut nec etiam cum bono nature. Bonum autem moris est quoddammodo majus bonum quam bonum nature, in quantum scilicet est actus et perfectio naturalis boni; licet aliquo modo bonum nature sit melius, sicut substantia accidentis. Patet autem quod nec etiam bonum nature et malum immediate opponuntur; quia non omne non ens est malum, sicut omne ens est bonum. Unde ratio non sequitur.

Ad tertium dicendum, quod bonum et malum in moralibus opponuntur contrarie, et non secundum privationem et habitudinem. Malum enim ponit aliquid, in quantum consequitur quemdam ordinem vel modum vel speciem, ut supra dictum est;

unde nihil prohibet ea opponi mediate, sicut Philosophus ponit. Sed malum in natura consequitur privationem simpliciter; unde bonum et malum naturæ licet non sint immediata simpliciter, ut dictum est, sunt tamen immediata circa proprium susceptibile, ut privatio et habitus.

QUARTUM ET QUINTUM concedimus; procedunt enim de actu non in specie, sed de actu singulari prout exit a voluntate.

AD SEXTUM dicendum, quod in natura nihil est casuale secundum relationem ad causam primam, quia omnia sunt a Deo provisæ; sed sunt aliqua casualia per comparisonem ad causas proximas; habere enim causam non excludit casuale, sed habere causam per se; casualia enim sunt que ex causis per accidens oriuntur. In actibus autem hominis sunt aliqui quidem qui sunt propter finem imaginatum, sed non deliberatum, sicut confitricio herbarum vel aliquid huiusmodi, qui in genere moris quodammodo se habet sicut actus casuales in natura, quia non sunt a ratione, que est per se causa moralium actuum.

AD SEPTIMUM dicendum, quod non omnis actus procedens a voluntate informata caritate est meritorius, si voluntas pro potentia accipitur; alioquin venialia peccata essent meritoria, que committunt interdum etiam caritatem habentes. Sed verum est quod omnis actus qui est ex caritate, est meritorius. Hoc autem est simpliciter falsum, quod omnis actus qui non est a voluntate informata caritate sit demeritorius; alioquin illi qui sunt in peccato mortali, in quolibet suo actu peccarent, nec eis esset consulendum quod intervin quidquid boni possent facerent, nec opera ab eis facta que sunt de genere honorum, dispenrent eos ad gratiam; que omnia sunt falsa. Tenetur autem quilibet ad conformandum voluntatem suam voluntati divine, quantum ad hoc quod velit quidquid vult Deus eum velle, secundum quod Dei voluntas innotescit per prohibitiones et præcepta; non autem quantum ad hoc quod ex caritate velit, nisi secundum illos qui dicunt quod modus caritatis est in præcepto. Que quidem opinio aliquantulum vera est; alioquin sine caritate posset aliquis legem implere, quod est Pelagianæ impietatis; nec tamen est vera omnino; quia sic aliquis caritatem non habens, honorans parentes peccaret mortaliter ex omissione modi, quod est falsum. Unde modus sub necessitate præcepti includitur, secundum quod præceptum ordinatur ad consecutionem beatitudinis, non autem secundum quod ordinatur ad vitandum reatum penæ; unde qui honorat parentes non habens caritatem, non meretur vitam æternam, sed tamen neque demeretur. Ex quo patet quod non omnis humanus actus, etiam in singulari consideratus, est meritorius vel demeritorius, licet omnis sit bonus vel malus. Et hoc dico propter eos qui caritatem non habent, qui mereri non possunt.

Sed habentibus caritatem omnis actus est meritorius vel demeritorius, ut obijciendo probatum est.

AD OCTAVUM dicendum, quod non habere caritatem, non meretur penam. Sicut enim habitibus non meremur, sed actibus; ita neque ipsa carentia habituum demeremur. Demeretur autem aliquis per hoc quod obstaculum caritati ponit vel omitendo vel committendo. Neque ille in Evangelio punitus dicitur quia non habuit vestem nuptialem, sed quia non habens vestem nuptialem ad sacrum convivium intraverat; dictum est enim ei: *Quomodo hic intrasti non habens eestem nuptialem?*

AD NONUM dicendum, quod verum et falsum opponuntur secundum ens et non ens; verum enim est cum dicitur esse quod est vel non esse quod non est; falsum autem cum dicitur esse quod non est vel non esse quod est. Unde sicut nec inter esse et non esse est medium, ita nec inter verum et falsum. De bono autem et malo alia ratio est, ut ex supra dictis patet.

AD DECIMUM dicendum, quod illi qui contrarie voluntati voluntati Dei, implent ipsam præter intentionem suam; sicut Judæi occiderunt Christum, impleverunt voluntatem Dei de redemptione humani generis præter suam intentionem. Hoc autem est unum exemplorum que Gregorius ponit. Sic autem implere Dei voluntatem neque est bonum neque laudabile.

Alia tria concedimus; procedunt enim de executione singularis actus.

Concedimus etiam que adducuntur in oppositum; procedunt enim de bono et malo actu ex genere.

ARTICULUS VI. — *Utrum circumstantia det speciem peccato, aut variet ipsam.* (—II part., quest. LXXXI, art. 8.)

Sexto queritur, utrum circumstantia det speciem peccato, aut variet ipsam transferendo in aliud genus peccati. Et videtur quod non. Principium enim speciei est intrinsecum; circumstantia autem est extrinseca; ut ipsum nomen sonat. Ergo circumstantia non dat speciem peccato.

2. Sed dicendum, quod id quod est circumstantia actui in specie nature considerato, dat speciem actui in quantum est moralis. — Sed contra, sicut se habet objectum ad actum in generalia, ita se habet objectum morale ad actum morale. Sed objectum dat speciem actui. Ergo objectum morale actui morali; non ergo circumstantia.

3. Præterea, idem actus peccati habet multas circumstantias. Si ergo circumstantia dat speciem peccato, sequitur quod idem peccatum sit in diversis speciebus, quod est impossibile.

4. Præterea, id quod jam est sub specie constitutum, non accipit speciem ab alio, nisi priori specie corrupta. Sed factum

est jam constitutum in aliqua specie peccati: per circumstantiam autem istam additam quæ est furari de loco sacro, aut rem sacram, non auferitur prima species, quia adhuc est furtum. Ergo prædicta circumstantia non dat aliquam speciem peccato; et pari ratione nec aliqua alia.

5. Præterea, peccata videntur diversificari ab invicem secundum superabundantiam et defectum; sic enim opponitur liberalitas prodigalitati, sed abundantia et defectus videntur ad unam solam circumstantiam pertinere, quæ est quantum. Ergo alie circumstantiæ non diversificant speciem peccatorum.

6. Præterea, peccatum omne est voluntarium, ut Augustinus dicit (lib. I. Retract., cap. IX et XIII). Sed voluntas non fertur super circumstantiam; sicut cum aliquis furatur vas aureum consecratum non curat de consecrato, sed solum de auro. Ergo ista circumstantia non dat speciem peccato, et pari ratione nec alia.

7. Præterea, illud quod non manet, sed statim transit, non potest variari a specie quam prius habet. Sed actus peccati non manet, sed statim transit. Ergo circumstantia non potest variare speciem peccati.

8. Præterea, sicut contingit esse defectum in moralibus secundum aliquas circumstantias, ita et in naturalibus; monstra enim contingunt in natura quandoque quidem propter arcitudinem loci, quandoque autem propter abundantiam materie aut etiam diminutionem et ex aliis huiusmodi causis; et tamen semper est idem in specie quod nascitur. Ergo nec in moralibus species peccati diversificantur per corruptionem diversarum circumstantiarum.

9. Præterea, finis dat speciem in moralibus, quia ex intentione iudicatur actus moralis bonus vel malus. Sed circumstantia non est finis. Ergo circumstantia non dat speciem peccato.

10. Præterea, peccatum opponitur virtuti. Sed circumstantia non variat speciem virtutis; ejusdem enim virtutis est benefacere clerico vel laico, scilicet liberalitatis vel misericordie. Ergo circumstantia non variat speciem peccati.

11. Præterea, si circumstantia mutat speciem peccati, oportet quod peccatum aggravet. Sed quandoque non aggravat, illa scilicet quæ videtur speciem mutare, puta si sit ignorata; ut si aliquis accedat ad conjugatam quam nescit conjugatam, adulterium facit, nec tamen videtur aggravari peccatum; quia minimum habet de ratione peccati, quod minimum habet de voluntario. Non ergo huiusmodi circumstantia mutat speciem peccati.

12. Præterea, si ista circumstantia, quæ est sacram, dat speciem peccato; cum remaneat ibi furtum, sequitur quod sit ibi et sacrilegium et furtum, et sic in uno actu facit duo peccata, quod videtur inconveniens.

13. Præterea, secundum Philosophum (in lib. Ethic.), actio in moralibus est sicut conclusio in speculativis. Sed circumstantia non variat speciem actus moralis; et sic non dat speciem peccato.

14. Præterea, sicut sunt quidam actus morales, ita et sunt quidam actus artis. Sed circumstantia non variat speciem actus artificialis; quia non refert, in quocumque loco vel in quocumque tempore aut ex quocumque causa faber cullellum faciat, quantum ad speciem artis. Ergo nec circumstantia variat speciem actus moralis.

15. Præterea, malum ex genere consuevit dividi contra malum ex circumstantia. Sed malum ex genere pertinet ad ipsam speciem peccati. Ergo malum ex circumstantia non pertinet ad speciem peccati; non ergo circumstantia dat speciem peccato.

16. Præterea, circumstantia, in quantum aggravat, facit majus malum. Sed magis et minus non diversificant speciem. Ergo circumstantia aggravans non variat speciem peccati.

Sed contra, locus est circumstantia quedam. Sed locus dat speciem peccato; dicitur enim sacrilegium esse, si aliquis de loco sacro furetur. Ergo circumstantia dat speciem peccato.

Præterea, si aliquis cognoscat mulierem conjugatam, adulterium committit, quod est quedam species peccati. Sed solum esse vel conjugatam mulierem est quedam circumstantia actus. Ergo circumstantia dat speciem peccato.

Respondetur dicendum, quod ad evidentiam hujus questionis tria considerata sunt. Primo unde peccatum speciem habeat; secundo, quid sit circumstantia; et sic tertio poterit esse manifestum quomodo circumstantia dat speciem peccato. Quantum ergo ad primum, considerandum est, quod cum actus moralis sit actus qui est a ratione procedens voluntarius, oportet quod actus moralis speciem habeat secundum aliquid in objecto consideratum, quod ordinem habeat ad rationem. Et sic præced. quæst. art. præced. dictum est, quod si sit conveniens rationi, erit actus bonus secundum speciem, si autem sit discordans a ratione, secundum speciem malus erit. Hoc autem quod est non conveniens rationi circa objectum consideratum diversificare potest peccati speciem dupliciter; uno modo quidem materialiter, alio modo formaliter. Materialiter quidem per oppositum ad virtutem. Differunt enim virtutes specie, secundum quod ratio medium advenit in diversis materiis; puta, justitia est secundum quod ratio medium constituit in commutationibus et distributionibus, et huiusmodi actionibus; temperantia autem secundum quod in concupiscentiis; fortitudo secundum quod in timoribus et audaciis; et sic de aliis; nec debet alicui inconveniens videri, si diversificentur species virtutum secundum diversas materias, cum

diversitas materie consueverit esse causa diversitatis non specierum, sed individuorum; quia etiam in naturalibus diversitas materie diversitatem in specie causat quando diversitas materie diversitatem forme requirit; unde et in moralibus necesse est diversas specie virtutes esse circa diversas materias, in quibus ratio diversa non advenit medium. Sicut in concupiscentiis advenit medium refrenando; unde et virtus in eis constituta propinquior est defectui quam superabundantiae, ut ipsum temperantiae nomen ostendit. In audaciis autem et timoribus non retrahendo, sed magis impellendo ratio advenit medium; unde virtus in his constituta propinquior est superabundantiae quam defectui, ut ipsum fortitudinis nomen ostendit; et similiter est videre in ceteris. Sic ergo et per oppositum ad virtutes, peccata differunt specie secundum diversas materias, puta homicidium, adulterium, et furtum. Nec est dicendum, quod differant specie secundum differentiam præceptorum; sed magis e converso præcepta distinguuntur secundum differentiam virtutum et vitiorum; quia præcepta ad hoc sunt ut secundum virtutem operentur et peccata vitentur. Si vero aliqua essent peccata solum quia prohibita, in his rationale esset ut secundum differentiam præceptorum specie peccata differrent. Sed quia circa unam materiam, cum sit una virtus, contingunt esse peccata specie diversa; oportet secundo considerare formaliter diversitatem speciei in peccatis, prout scilicet peccatur vel secundum superabundantiam vel secundum defectum; sicut differunt similitudo a presumptione, et illiberalitas a prodigalitate; vel secundum diversas circumstantias, sicut species gulae distinguuntur secundum ea quae in hoc versu continentur:

Prepropere, laute, nimis, ardentem, studioso.

Sic ergo habito qualiter peccata specie differant, considerandum est quid sit circumstantia. Dicitur autem circumstantia quod circumstat actum, quasi extrinsecus extra actus substantiam consideratum. Hoc autem est uno quidem modo ex parte cause sive finalis, cum consideramus cur fecerit; sive ex parte agentis principalis, cum consideramus quis fecerit; sive ex parte instrumenti, cum consideramus quo instrumento fecerit vel quibus auxiliis. Alio modo circumstat actum ex parte mensurae, puta cum consideramus ubi vel quando fecerit. Tertio modo ex parte ipsius actus, sive consideremus modum agendi, puta utrum lente vel fortiter percusserit, frequenter, aut semel; sive consideramus objectum sive materiam actus, puta utrum percusserit patrem vel extraneum; sive etiam effectum quem agendo induxit, puta utrum percussendo vulneraverit, vel etiam occiderit; quae omnia continentur hoc versu:

Quis, quid, ubi, quibus auxiliis, cur, quomodo, quando.

Ita tamen quod in *quid* includatur non solum effectus sed etiam objectum, ut intelligatur et quod et circa quid.

Hic ergo visis, considerandum est, quod sicut in aliis aliquid est extrinsecum superiori, quod est intrinsecum inferiori, ut rationale est præter rationem animalis, quod tamen est de ratione hominis; ita aliquid est circumstantia respectu actus communis considerati quod respectu actus magis in speciali considerati, non potest circumstantia dici: sicut si consideremus hunc actum qui est accipere pecuniam, non est de ratione ejus quod sit aliena; unde alienum se habet ad actum sic consideratum ut circumstantia; sed de ratione furti est quod sit aliena, unde non est circumstantia furti. Non tamen oportet quod omne quod est præter rationem superioris, sit de ratione inferioris. Nam album, sicut non est de ratione animalis, ita non est de ratione hominis; unde accidentaliter comparatur ad utrumque. Et similiter non oportet quod omne quod est circumstantia communioris actus, constituat speciem aliquam in actibus, sed illud tantum quod per se pertinet ad actum. Jam autem dictum est, quod ad actum moralem; aliquid per se pertinet, secundum quod comparatur ad rationem ut conveniens et repugnans. Si ergo circumstantia addita nullam specialem repugnantiam ad rationem importet, non dat speciem actui; puta uti re alba, nihil addit ad rationem pertinentem, unde album non constituit speciem actus moralis; sed uti re aliena addit aliquid ad rationem pertinentem, unde constituit speciem actus moralis.

Sed considerandum est ulterius, quod circumstantia addita ad rationem pertinens potest constituere novam speciem peccati dupliciter. Uno modo ita quod species per circumstantiam constituta sit quaedam species illius peccati quod prius considerabatur in actu communiori, sive species peccati constituitur formaliter, sive materialiter; materialiter quidem, sicut si supra hoc quod dico uti re aliena, addatur uxore, ex quo constituitur adulterium; formaliter autem, sicut si accipiam rem alienam de loco sacro; fit enim sacrilegium, quod est species furti. Aliquando autem per circumstantiam constituitur quaedam alia species disparata, non pertinens ad illud genus peccati; sicut si ego furor rem alienam ut possim homicidium facere vel simoniam committere, trahitur ad speciem peccati omnino disparatam. Et hujusmodi simile etiam in aliis rebus invenimus. Si enim supra coloratum consideretur album, fit species qualis (1), quod prius considerabatur; si autem supra coloratum intelligatur dulce, fit alia species quavis omnino disparata. Cujus diversitatis ratio est, quia cum id quod additur,

(1) Forte deest peccatus ad id.

est per se divisum ejus cui additur, facit speciem ejus; cum autem per accidens se habet ad ipsum habet quidem speciem suam, quæ tamen non est species ejus cui additur; quia quod advenit per accidens, non fit unum per se cum eo cui advenit. Sic ergo patet quomodo circumstantia potest constituere speciem peccati.

AD PRIMUM ergo dicendum, quod illud, quod consideratur ut circumstantia et extrinsecum respectu actus aliquo modo considerari potest etiam considerari ut intrinsicum respectu actus altero modo considerari, et dare speciem ipsi.

AD SECUNDUM dicendum, quod sicut actus in communi recipit speciem ab objecto, ita actus moralis recipit speciem ab objecto naturali; non tamen propter hoc excluditur quia recipiat speciem per circumstantias; quia ex circumstantia potest considerari in objecto aliqua nova conditio per quam dat speciem actui; puta, si dicam, accipere rem alienam in loco sacro existentem, hic consideratur conditio objecti ex circumstantia loci; et sic fit species furti quæ est sacrilegium, ex circumstantia loci, et non ex conditione objecti. Et similiter necesse est accidere, quomodoque species peccati quæ per circumstantiam constituitur, comparatur ad peccatum præintellectum ut species ad genus, sicut sacrilegium ad furtum, vel adulterium ad fornicationem. Quando vero species peccati ex circumstantia proveniens, non est species peccati præintellecti, sed est quedam alia species disparata; tunc potest intelligi quod circumstantia dat speciem, non secundum quod ex ea resultat aliqua conditio circa objectum, sed secundum quod illa circumstantia consideratur ut objectum alterius actus circumstantis; sicut si aliquis morchetur ut furetur, additur quedam alia species peccati propter actum intentionis tendentem in malum finem qui est objectum intentionis; et similiter si quis faciat aliquid indecens in tempore sacro, tempus sacrum quod consideratur ut circumstantia respectu actus indecentis qui in eo fit, potest considerari ut objectum respectu alterius actus circumstantis, qui est contemnere tempus sacrum. Et simile potest dici in aliis.

AD TERTIUM dicendum, quod quando circumstantia constituit speciem quæ comparatur ad peccatum præintellectum sicut species ad genus subalternum, non sequitur quod idem sit in diversis speciebus; esse enim sub homine et sub animali, non est esse sub diversis speciebus; quia homo vero est il quod est animal, et simile est de sacrilegio et furto. Sed si circumstantia constituat aliam speciem peccati disparatam, sequitur eundem actum esse sub diversis speciebus peccati. Nec hoc est inconveniens; quia species peccati non est species actus secundum suam naturam, sicut supra, art. præc., dictum est, sed secundum esse morale, quod comparatur ad naturam actus

sicut quale ad substantiam, vel potius sicut deformitas qualis ad subjectum. Sicut ergo non est inconveniens quod idem corpus sit album et dulce, quæ sunt diversæ species qualitatis, et quod idem homo sit cæcus et sardus, qui sunt diversi defectus secundum speciem; ita non est inconveniens quod idem actus sit in diversis speciebus peccati.

Et per hoc etiam patet responsio AD QUARTUM.

AD QUINTUM dicendum, quod non omnis differentia peccatorum est secundum superabundantiam et defectum, sed secundum diversam materiam et secundum defectum aut superabundantiam in diversis circumstantiis. Et tamen superabundantia et defectus non solum attenditur secundum quantum, sed secundum quascumque circumstantias; quia sive aliquis operetur ubi non oportet, vel quando non oportet, et similiter in ceteris, erit abundantia; defectus autem, si in quocumque prædictorum deficiat.

AD SEXTUM dicendum, quod licet principaliter voluntas furantis non feratur ad rem sacram, sed ad aurum, fertur tamen super rem sacram ex consequenti; magis enim vult rem sacram accipere quam auro carere.

AD SEPTIMUM dicendum, quod cum dicitur quod circumstantia mutat speciem peccati, aut transfert in aliud genus, non intelligitur quod actus prius existens in una specie iterum resumatur, et fiat alterius speciei; sed quia actus qui absque circumstantia consideratur non in tali specie peccati, circumstantia superveniente illam speciem peccati habet.

AD OCTAVUM dicendum, quod defectus circumstantie in natura non mutat speciem substantialem naturæ, sed mutat speciem deformitatis; alia enim species monstri est quæ causatur ex aritudine loci et ex multitudine materie. Et similiter est in proposito, ut dictum est.

AD NONUM dicendum, quod actus moralis non habet speciem a fine remoto, sed a fine proximo, qui est objectum. Dictum est autem, quod circumstantia dat speciem in quantum est objectum alicujus actus, vel in quantum ex ea resultat aliqua conditio circa objectum.

AD DECIMUM dicendum, quod etiam in virtutibus circumstantia transfert in aliam speciem, licet non omnis; facere enim magnos sumptus, est actus magnificentie; sed facere magnos sumptus in templo construendo, est actus religionis.

AD UNDECIMUM dicendum, quod omnis circumstantia constituit aliquam speciem peccati, necesse est quod aggravet; quia si absque hac circumstantia non erat peccatum, licet de non peccato peccatum. Si autem erat peccatum, inducit plures peccati deformitates. Si autem talis circumstantia sit penitus ignorata tali ignorantia quæ non habet culpam, speciem peccati non constituit formaliter loquendo, sed materialiter tantum;



sicut si aliquis accedit ad conjugatam quam non credit conjugatam, committit quidem id quod est adulterium, non quasi adulter, quia forma talis actus est ex ratione et voluntate. Quod autem ignoratur, non est voluntarium. Unde si accederet ad conjugatam alterius, quam putaret esse suam uxorem, esset absque peccato, sicut cum Lia subiuncta est Jacob loco Rachelis.

Ad PRIMUM dicendum, quod si circumstantia constituit speciem quæ se habeat ad peccatum præintellectum ut species ejus, sicut adulterium ad fornicationem, non sunt duo peccata, sed unum, sicut Socrates non est due substantiæ, propter hoc quod homo est et animal; sed si constituit speciem disparatam peccati, erit quidem unum peccatum propter unam substantiam actus, sed multiplex propter multas et diversas deformitates peccati; sicut pomum est unum quale propter unitatem subjecti, sed multiplex quale propter diversitatem coloris et saporis.

Ad SECUNDUM dicendum, quod similitudo conclusionis ad actionem moralem attenditur quantum ad hoc quod sicut actus syllogisticus terminatur ad conclusionem, ita processus rationis in moralibus terminatur ad opus; non autem est similitudo quantum ad omnia. Nam operationes morales sunt in singularibus in quibus diversæ circumstantiæ considerantur; conclusiones autem in rebus speculativis sunt per abstractionem a singularibus. Et tamen etiam conclusiones variantur circa aliquas circumstantias ad rationem syllogismi; aliter enim se habent conclusiones in materia necessaria, et in materia contingenti; et in diversis scientiis est diversus modus conclusionum.

Ad TERTIUM dicendum, quod etiam actiones artis variantur secundum diversas circumstantias ad rationem artis pertinentes; aliter enim operatur artifex domum ex cemento, et aliter ex luto, aliter etiam in una regione quam in alia. Sed considerandum est, quod aliquæ circumstantiæ pertinent ad rationem actus moralis quæ non pertinent ad rationem artis, et o converso.

Ad QUARTUM dicendum, quod cum distinguitur malum ex circumstantia contra malum ex genere, dicitur malum ex circumstantia, quod aggravat quidem, sed non transfert in aliud genus.

Ad QUINTUM dicendum, quod magis et minus quandoque consequuntur diversas formas, et tunc diversificant speciem; sicut si dicamus quod rubrum est magis coloratum quam pallidum. Quandoque vero consequuntur diversam participationem minus et ejusdem forme, et tunc non diversificant speciem; sicut si aliquid dicatur altero magis album.

ARTICULUS VII. — *Utrum aliqua circumstantia aggravet peccatum quæ non conferat peccato speciem.* (I-II part., qu. LXXIII, art. 7, in corp.)

Septimo quaeritur, utrum aliqua circumstantia aggravet peccatum quæ non conferat peccato speciem. Et videtur quod non. Peccatum enim habet malitiam ex parte aversionis. Sed circumstantia se tenet ex parte conversionis. Non ergo circumstantia aggravat malitiam peccati.

2. Præterea, si circumstantia in se habeat aliquam malitiam, constituit speciem aliquam peccati; si autem non habeat in se aliquam malitiam, nulla ratio est quare peccatum per eam aggravetur. Non ergo potest esse aliqua circumstantia aggravans quin det speciem peccato.

3. Præterea, Dionysius dicit (iv cap. de divin. Nomin.), quod bonum est ex una et tota causa, malum autem ex singularibus defectibus. Sed secundum quamlibet circumstantiam consideratur aliquis defectus singularis. Ergo secundum quamlibet circumstantiam aggravantem est aliqua species mali et peccati.

4. Præterea, omnis circumstantia aggravans facit differentiam in malitia, quæ est quodammodo substantia peccati in quantum est peccatum. Sed id quod facit differentiam in substantia variat speciem. Ergo omnis circumstantia aggravans variat speciem peccati.

5. Præterea, ex eisdem augemur et sumus; augemur enim ex his ex quibus nutrimur, nutrimur autem ex his ex quibus sumus, ut dicitur II de Generat. (con. 1). Si ergo augetur malitia peccati per aliquam circumstantiam aggravantem, videtur quod per eandem habeat esse aliqua peccati species.

6. Præterea, virtus et vitium opponuntur. Omnis autem virtus constituitur in specie per circumstantias; aggredi enim terribilia secundum quod oportet, ubi oportet, et quando oportet, et similiter circa alias circumstantias, fortitudinis est. Ergo et peccatum secundum quæcumque circumstantiam speciem accipit.

7. Præterea, peccatum habet speciem ex objecto. Sed secundum quamlibet circumstantiam, ad minus aggravantem, variatur objectum in bonitate et malitia. Ergo omnis circumstantia aggravans dat speciem peccato.

8. Præterea, de similibus idem est iudicium. Sed aliqua circumstantia speciem semper dant peccato, sicut objectum quod dicitur *qui*, et finis qui significatur per hoc quod dicitur *cur* in versu prædicto. Ergo pari ratione omnes aliæ circumstantiæ, quando aggravant peccatum, dant speciem peccato.

Sed contra, multum furari est gravius quam parum furari; non tamen est alia species peccati. Ergo non omnis circumstantia aggravans variat speciem peccati.

Respondeo dicendum, quod circumstantia tripliciter se habet ad actum peccati. Quandoque enim neque variat speciem neque aggravat, sicut percutere hominem indutum veste alba vel rubea. Quandoque vero speciem peccati constituit, sive actus cui advenit circumstantia ex suo genere indifferens sit, sicut cum aliquis levat festucam de terra in contemptum alterius, sive sit bonus ex genere, sicut cum aliquis dat elemosynam propter laudem humanam, sive sit malus ex genere, et addatur sibi alia species malitiæ ex circumstantia, sicut cum aliquis furatur rem sacram. Aliquando vero aggravat quidem peccatum, non tamen constituit peccati speciem, sicut cum aliquis furatur multum. Et hujus diversitatis ratio est, quia si circumstantia adveniens actui indifferenter se habeat quantum ad rationem, talis circumstantia nec dat speciem peccato, nec aggravat; nihil enim ad rationem pertinet, utrum ille qui percutitur, tali vel tali veste induatur. Si vero differentiam aliquam habeat per comparationem ad rationem; aut importat aliquid repugnans rationi primo et per se, et tunc dat peccato speciem, sicut accipere alienum; aut primo et per se non importat aliquid rationi repugnans, sed per comparationem ad id quod primo et per se rationi repugnat, aliquam repugnantiam habet ad rationem; sicut accipere aliquid in magna quantitate, nihil repugnans rationi potest dici; sed accipere alienum in magna quantitate, dicit majorem repugnantiam ad rationem. Unde ista circumstantia aggravat peccatum, in quantum est determinativa illius circumstantiæ quæ dabit speciem peccato. Quartum autem membrum non potest esse, ut circumstantia det speciem peccati et non aggravet, ut supra dictum est.

Ad PRIMUM ergo dicendum, quod inordinata conversio ad commutabile bonum, est causa aversionis; et ideo circumstantiæ quæ se tenent ex parte conversionis, addere possunt ad malitiam quæ est ex parte aversionis.

Ad SECUNDUM dicendum, quod circumstantia quæ aggravat et non dat speciem peccato, non continet ex se aliquam malitiam, sed est determinativa alterius circumstantiæ malitiam continentis.

Ad TERTIUM dicendum, quod cujuslibet circumstantiæ defectus potest causare peccati speciem; sed non semper invenitur defectus in qualibet circumstantia secundum se, sed quandoque in una per comparationem ad aliam.

Ad QUARTUM dicendum, quod circumstantia aggravans non semper mutat speciem malitiæ, sed quandoque solam quantitatem.

Ad QUINTUM dicendum, quod sicut ea quibus nutrimur et augemur, non semper constituunt novam substantiam, sed quandoque conservant vel augent substantiam præexistentem; ita non oportet quod circumstantiæ semper novam speciem

peccati causent, sed quandoque augent præexistentem.

Ad SEXTUM dicendum, quod sicut virtus quodammodo habet speciem ex circumstantiis debitis, ita et peccatum ex defectu alicujus debitiæ circumstantiæ; sed tamen non qualibet circumstantia facit defectum peccati; cum quedam sint indifferentes, quedam vero aliarum determinative.

Ad SEPTIMUM dicendum, quod circumstantia aggravans facit quidem aliquam variationem malitiæ circa obiectum; sed non semper speciem, sed quandoque quantitatis tantum.

Ad OCTAVUM dicendum, quod in obiecto aliquo esse multas condiciones invenire, et nihil prohibet id quod consideratur ut obiectum secundum unam conditionem considerari ut circumstantiam secundum aliam, quæ quandoque dat speciem peccato, quandoque non. Sicut res aliena est proprium obiectum furti dans sibi speciem: potest etiam res aliena esse magnæ quantitatis; et hæc circumstantia non dat speciem, sed aggravat tantum: potest etiam res aliena esse sacra; et hæc circumstantia constituit novam speciem peccati: potest etiam res aliena esse alba vel nigra; et hæc erit circumstantia ex parte obiecti indifferens, nec aggravans nec speciem constituens. Similiter dicendum est de fine, quod finis proximus est idem quod obiectum, et similiter est de eo sicut et de obiecto. Finis autem remotus ponitur ut circumstantia.

#### ARTICULUS VIII. — *Utrum circumstantia aggravet in infinitum.*

Octavo queritur, utrum circumstantia aggravet in infinitum, ita scilicet quod de veniali faciat mortale. Et videtur quod sic. Adam enim in statu innocentia venialiter peccare non potuit. Ergo omne peccatum fuisset sibi mortale. Sed postea non omne peccatum fuit sibi mortale, nec est hæc diversitas nisi secundum circumstantiam personæ. Ergo circumstantia aggravat in infinitum.

2. Præterea, majus est de non peccato facere peccatum, quam de veniali facere mortale. Sed circumstantia facit de non peccato peccatum; negotiari enim secundum se non est peccatum, sed tamen clerico peccatum est propter circumstantiam personæ. Ergo multo magis circumstantia de veniali facit mortale.

3. Præterea, semel inebriari est peccatum veniale. Dicitur autem, quod multoties inebriari est peccatum mortale. Ergo ista circumstantia *quoties* facit de veniali mortale.

4. Præterea, peccatum quod ex certa malitia fit, dicitur esse irremissibile, et non veniale. Ergo circumstantia aggravat in infinitum.

5. Præterea, Hieronymus dicit (in epitaph. ad Rustoch.), quod nugæ in ore laici nugæ sant, in ore autem sacerdotis blasphemia. Blasphemia autem est ex suo genere peccatum

mortale. Ergo circumstantia personæ facit de veniali mortale.

Sed contra, circumstantia comparatur ad peccatum sicut accidens ad subjectum. Sed in subjecto finito non potest esse accidens infinitum. Ergo circumstantia non potest dare peccato gravitatem infinitam, quæ est gravitas peccati mortalis.

Respondedo dicendum, quod, sicut dictum est, art. præced., circumstantia aggravans quandoque constituit novam speciem peccati, quandoque autem non. Manifestum est autem quod peccatum mortale et veniale non sunt ejusdem speciei. Sicut enim aliqui actus ex suo genere sunt boni, et aliqui ex suo genere sunt mali, ita aliqua peccata ex suo genere sunt venialia, et aliqua ex suo genere mortalia. Circumstantia ergo quæ sic aggravat ut novam speciem peccati constituat, potest constituitere speciem peccati mortalis, et ita aggravat in infinitum; puta, si aliquis loquatur verbum jocosum ut provocet ad libidinem vel ad odium. Si autem sic aggravet quod non constituat novam peccati speciem, non potest aggravare in infinitum, faciendò de veniali mortale; quia semper major est gravitas quæ est ex peccati specie, quam quæ est ex circumstantia speciem non constituitente.

Ad PRIMUM ergo dicendum, quod non ea ratione dicitur quod Adam venialiter peccare non potuerit, quia ea quæ nobis sunt venialia ei essent mortalia; sed quia ea quæ nobis sunt venialia, committere non potuit antequam mortaliter peccaret; nisi enim averteretur a Deo per peccatum mortale, nullus defectus in eo esse poterat nec animæ nec corporis.

Ad SECUNDUM dicendum, quod circumstantia quæ facit de non peccato peccatum, constituit peccati speciem; et talis circumstantia potest etiam de veniali facere mortale.

Ad TERTIUM dicendum, quod multoties inebriari non est circumstantia constituens speciem peccati; et ideo sicut semel inebriari est peccatum veniale, ita et multoties inebriari per se loquendo; per accidens autem et dispositive multoties inebriari potest esse peccatum mortale; puta, si ex consuetudine in tantum complacentiam ebrietatis perduceretur, quod etiam divino præcepto contempto inebriari proponeretur.

Ad QUARTUM dicendum, quod peccare ex certa malitia est peccare ex electione, id est voluntarium et scientem; et hoc contingit dupliciter. Uno modo per hoc quod aliquis repellit a se ea quibus a peccato retrahi posset, puta spem veniæ, vel timorem divinæ justitiæ; et talis circumstantia constituit speciem peccati in Spiritum sanctum, quod dicitur irremissibile. Alio modo potest contingere ex sola habitus inclinatione; et talis circumstantia non constituit speciem, nec facit de veniali mortale. Non enim quicumque voluntarius et sciens dicit verbum otiosum, mortaliter peccat.

Ad QUINTUM dicendum, quod circumstantia personæ etsi

aggravet, non tamen facit ex veniali mortale, nisi constituat speciem peccati; puta, si sacerdos aliquid faciat contra præceptum sibi datum a sacerdotibus (1) vel contra votum. Verbum autem Hieronymi intelligitur per exaggerationem dictum, vel per occasionem; quia nugæ in ore sacerdotis possunt esse aliis occasio blasphemandi.

#### ARTICULUS IX. — *Utrum omnia peccata sint paria.*

Nono queritur, utrum omnia peccata sint paria. Et videtur quod sic. Dicitur enim Jac., II, 10: *Quicumque totam legem servaverit, offendit autem in uno; factus est omnium reus; et ideo Hieronymus dicit super Eccl., cap. IX, exponens illud: Qui in uno offenderit, multa bona perdit; et qui subjacet uni vitio, omnibus subjacet.* Sed extra omne nihil est. Ergo nullus potest magis peccare quam ille qui peccato uni se subdit; et sic omnia peccata sunt paria.

2. Præterea, peccatum est mors animæ. Sed in corpore una mors non est major quam alia, quia omnis mortuus æqualiter mortuus est. Ergo nec unum peccatum est majus altero.

3. Præterea, poena respondet culpæ. Sed omnium peccatorum erit una poena in inferno, secundum illud Isai., XXIV, 22: *Congregabuntur congregatione unius fascis, et claudentur in carcere.* Ergo et omnium peccatorum est eadem gravitas.

4. Præterea, peccare nihil est aliud quam transgredi rectitudinem rationis vel legis divinæ. Sed si interdicitur alicui ab aliquo iudice ne certum limitem transgrediatur, non refert quantum ad transgressionem, utrum in multum vel parum limitem positum transeat. Ergo nihil differt quantum ad transgressionem peccati quidquid homo faciat, dummodo rectitudinem rationis et legis divinæ non servet.

5. Præterea, infinitum non est majus infinito. Sed quodlibet peccatum mortale est infinitum, quia est contra bonum infinitum, quod est Deus; unde et poenam infinitam meretur. Ergo unum peccatum mortale non est majus alio.

6. Præterea, malum dicitur per privationem boni. Sed omne peccatum mortale privat æqualiter gratiam, nihil de ea dimittens. Ergo omnia peccata mortalia sunt æqualia.

7. Præterea, secundum Philosophum (in II Metaph., com. IV), si aliquid dicitur magis et minus, hoc est per comparisonem ad id quod est simpliciter; sicut aliquid dicitur magis et minus album per comparisonem ad id quod est simpliciter album. Sed nihil est simpliciter malum, quod careat omni bono. Ergo non est aliquid altero magis vel minus malum; et sic omnia peccata sunt paria.

8. Præterea, peccata virtutibus opponuntur. Sed virtutes

(1) Forte superioribus.

omnes sunt aequales; unde dicitur Apoc., XXI, quod latera sunt aequalia. Ergo et omnia peccata sunt paria.

9. Præterea, si unum peccatum est gravius altero, sequeretur, quod peccatum quod in majori re committitur, esset gravius quam peccatum quod committitur in minori; sicut si dicitur quod furari multum, est gravius peccatum quam furari parum. Sed hoc non est verum; quia sequeretur quod ille qui minorem iniquitatem committit, committeret etiam majorem; dicitur enim Lucæ, XVI, 16: *Qui in modico iniquus est, et in majori iniquus est.* Non ergo unum peccatum est gravius altero.

10. Præterea, peccatum consistit in aversione ab incommutabili bono et conversione ad commutabile bonum. Sed hujusmodi conversio et aversio non recipit magis et minus; quia anima, cum sit simplex, ad quod convertitur, tota convertitur, et a quo avertitur, tota avertitur. Ergo unum peccatum non est gravius altero.

11. Præterea, Augustinus dicit (in lib. de Trin.), quod magnitudinem humani peccati ostendit magnitudo remedii, quia oportuit illud morte Christi deleri. Ergo si idem remedium est contra omnia peccata, omnia peccata sunt æqualiter magna.

12. Præterea, sicut dicit Dionysius (iv cap. de divinis nominibus), bonum est ex una et tota causa, malum autem ex singularibus defectibus. Quilibet autem defectus tollit integritatem. Ergo quilibet defectus tollit totam boni rationem. Non ergo unum peccatum est gravius altero.

13. Præterea, virtus est simplex, cum sit forma quedam. Ergo si tollitur, tota tollitur. Sed ex hoc est peccatum malum, quia tollit virtutem. Ergo omnia peccata sunt æqualiter mala, quia nunquamque æqualiter tollit virtutem.

14. Præterea, ab eodem aliquid habet quod sit tale, et quod sit magis tale. Si ergo album est segregativum visus, magis album est magis segregativum. Sed actus habet rationem peccati ex aversione a Deo. Cum ergo omnia peccata conveniant in aversione a Deo, omnia peccata erunt aequalia.

15. Præterea, quanto major est qui offenditur, tanto peccatum est gravius; sicut gravius peccat qui percutit Regem quam qui percutit militem. Sed in omni peccato unus et idem est qui contemnitur, scilicet Deus. Ergo omnia peccata sunt aequalia.

16. Præterea, genus æqualiter participatur a suis speciebus. Sed peccatum est genus omnium peccatorum. Ergo omnia peccata sunt aequalia, et æqualiter peccat quicumque peccat.

17. Præterea, malum dicitur per privationem boni. Quantitas autem privationis cognosci potest ex eo quod post privationem relinquatur. Idem autem est quod relinquatur de bono

post quodlibet peccatum; relinquatur enim ipsa natura animæ et libertas arbitrii, per quam homo potest eligere bonum et malum. Ergo unum peccatum non est magis malum quam aliud.

18. Præterea, circumstantie se habent ad virtutem sicut substantiales differentie. Sed si una substantialis differentia tollatur, omnes tolluntur; quia corrumpitur subjectum. Cum ergo per quodlibet peccatum aliqua circumstantia virtutis tollatur, quodlibet peccatum tollet omnes, et ita unum peccatum non erit gravius alio.

Sed contra est quod dicitur Joan., XIX, 2: *Propterea qui tradidit me tibi, majus peccatum habet.*

Præterea, secundum Augustinum (lib. I de lib. Arb., cap. III, circa fin.), libido est causa peccati. Sed non omnis libido est æqualis. Ergo nec omnia peccata sunt paria.

Respondendo dicendum, quod opinio Stoicorum fuit, omnia peccata esse paria; ex quo derivata est quorundam moderatorum hæreticorum opinio dicentium, nullam inæqualitatem esse nec inter peccata nec inter merita, et similiter nec inter præmia nec inter supplicia. Fuerunt autem Stoici moti ad hoc ponendum, quia considerabant quod aliquid ex hoc habet rationem peccati solummodo, quia est præter rectitudinem rationis; sicut patet quod adulterium est peccatum, non quia commisceri mulieri secundum se sit malum, sed quia præter rectitudinem rationis fit; et idem patet in aliis. Idem autem est si dicatur præter legem divinam, quantum ad propositum pertinet; utrumque enim privationem quandam importat; privatio autem non videtur suscipere magis et minus. Unde si aliquid sit malum per privationem alicujus, non videtur differre qualitercumque se habeat, dummodo privetur; sicut si iudex alicui certum limitem statuit, si illum præterierit, non refert utrum multum vel parum. Et similiter dicebant, quod non refert dummodo aliquis peccando rectitudinem rationis prætereat, qualitercumque vel ex quacumque causa hoc faciat, ac si peccare nihil esset aliud quam quasdam positas lineas transire. Tota ergo ratio hujus rationis solvenda hinc sumenda est, ut consideremus qualiter in his quæ per privationem dicuntur, possit vel non possit magis vel minus inveniri. Est ergo considerandum, quod est duplex privatio. Quædam que est privatio pura; sicut tenebra, quæ nihil lucis relinquit, et mors, quæ non relinquit aliquid vite. Quædam vero privatio est non pura, sed aliquid relinquens; unde non solum est privatio, sed etiam contrarium; sicut ægritudo, quæ non tollit totam commensurationem sanitatis, sed aliquid ejus; et simile est de turpi et dissimili et inæquali et falso, et omnibus similibus. Et videntur hujusmodi privationes a præmissis differre in hoc quod primæ privationes sunt quasi in corruptum esse (1);

(1) *Id.* in corrupto est.

secundæ vero significant quasi in via corruptionis. Quia ergo in primis privationibus totum privatur, et id quod positive dicitur non est de ratione privationis, non differt in talibus privationibus quacumque ex causa vel quocumque modo aliquis privatur, ut propter hoc dicitur magis vel minus privatus; non enim mortuus est minus qui uno vulnere percussus interiit, quam qui duobus vel tribus; nec minus est tenebrosa domus si candela veletur uno velamine, quam si duobus vel tribus. In secundis autem privationibus non totum privatur; et quod positive dicitur, est de ratione ejus quod dicitur private; et ideo talia recipiunt magis et minus secundum differentiam ejus quod dicitur positive; sicut ægrotatio dicitur major si fuerit causa tollens sanitatem aut major aut multiplicior; et idem est in turpitudine et in dissimilitudine, et in hujusmodi. Est ergo consideranda in peccatis quedam differentia; nam peccata omissionis per se loquendo consistunt in sola privatione præcepti quod omittitur, ut supra ostensum est; unde in peccato omissionis conditio actus adjuncti, quia per accidens se habet, nullo modo facit peccatum omissionis per se loquendo magis vel minus; sicut si alicui præcipiatur ut vadat ad Ecclesiam, non attenditur in peccato omissionis utrum si prope Ecclesiam vel longe, dummodo ad Ecclesiam non vadat; nisi forte per accidens, inquantum differentia illius adjuncti pertinet ad minorem vel majorem contemptum. Nec tamen propter hoc omnia peccata omissionis sunt paria; quia præcepta disparia sunt vel propter diversam auctoritatem præcipientis, vel propter diversam dignitatem aut necessitatem præceptorum. Peccatum vero transgressionis consistit in deformitate alicujus actus que quidem deformitas non tollit totum ordinem rationis, sed aliquid ejus: puta, si aliquis comedat quando non debet, et remanet quod comedat ubi debet vel propter quod debet. Nec potest actu remanente totaliter rationis proportio tolli; unde dicit Philosophus (in IV Ethic., cap. v. parum ante med.), quod si malum sit integrum, importabile fit, et seipsum destruit. Sicut ergo non omnis deformitas corporis est æqualis, sed quedam est alia major, secundum quod privantur plura ad decorum pertinentia vel aliquid principatus; ita non omnis deformitas vel inordinatio actus est æqualis, sed quedam est alia major. Unde nec omnia peccata sunt paria.

Ad PRIMUM ergo dicendum, quod verbum Jacobi non est sic intelligendum, quod ille qui in uno præcepto legis offendit, tantum reatum incurrat quantum si omnia transgredereetur; sed quia quodammodo reatum incurrit pro contemptu omnium præceptorum, non in omnibus sed in uno; qui enim unum præceptum contemnit, intantum quod præcepta contemnit, inquantum contemnit Deum, ex quo omnia præcepta auctoritatem habent; unde statim subdit: *Qui enim dixit, Non occides,*

*dixit, Non mochaeris.* Et similiter intelligendum est verbum Hieronymi.

Ad SECUNDUM dicendum, quod mors animæ est privatio gratiæ, per quam anima Deo uniebatur; privatio autem gratiæ non est essentialiter ipsa culpa, sed effectus culpæ et pœnæ (1), ut supra dictum est, in quest. præced., art. 4 et 5. Unde peccatum dicitur mors animæ non essentialiter sed effective. Essentialiter vero peccatum est actus deformis vel inordinatus.

Ad TERTIUM dicendum, quod in supplicio damnatorum est aliquid commune omnibus, quod respondet contemptui Dei, puta carentia visionis divinæ et perpetuitas pœnæ; et quantum ad hoc dicitur (2) congregari congregatione unius fascis; et est aliquid in quo differunt, secundum quod quidam magis torquentur quam alii; et quantum ad hoc, Matth., XXIII, dicitur colligari sicut zizaniorum fasciculi ad comburendum.

Ad QUARTUM dicendum, quod ille qui transit lineam præstitutam sibi per limites a iudice non peccat nisi quia non tenet se infra terminum sibi præstitutum; et sic directe peccatum ejus est peccatum omissionis. Si autem præciperetur ei directe quod non ambularet, manifestum est quod quanto plus ambulando procederet, tanto gravior puniretur. Vel aliter dicendum, quod in his que non sunt mala nisi quia prohibita, qui præceptum non servat, totaliter privat id ad quod tenetur; sed in his que sunt mala per se, et non solum quia prohibita, non totaliter tollitur bonum cui opponitur malum; et ideo tanto gravior peccatur, quanto plus de eo tollitur.

Ad QUINTUM dicendum, quod a bono infinito aliquis avertitur actu finito; et ideo peccatum essentialiter finitum est, licet habeat aliquam habitudinem ad bonum infinitum.

Ad SEXTUM dicendum, quod peccatum essentialiter non est privatio gratiæ, sed casualiter, ut dictum est.

Ad SEPTIMUM dicendum, quod in privativis non dicitur magis aliquid vel minus per accessum ad terminum, sed magis per recessum. Unde et ibidem Philosophus probat per hoc quod est aliquid magis vel minus falsum, quod sit aliquid simpliciter verum. Ad hoc ergo quod aliquid sit magis vel minus malum, non requiritur quod sit aliquid simpliciter malum, sed quod sit aliquid simpliciter bonum.

Ad OCTAVUM dicendum, quod virtutes omnes sunt æquales, non quantitate, cum Apostolus dicat quod major est caritas; sed proportione, inquantum unaqueque æqualiter se habet ad suum actum; sicut si quis diceret omnes digitos manus esse æquales proportione, non quantitate. Peccata autem nec proportione sunt paria; quia non dependent ex una causa, sicut virtutes que dependent omnes ex prudentia vel caritate; peccatorum autem diverse sunt radices.

(1) *Al.* et pœnæ. — (2) *Al.* dicitur.

AD NOXUM dicendum, quod peccatum quod committitur in re majori est majus; unde furtum majoris rei est gravius peccatum, quia magis opponitur aequalitati justitiæ. Verbum autem Domini non sic est intelligendum, quod qui facit minorem iniquitatem, majorem faceret; multi enim dicunt verbum otiosum qui non dicerent blasphemias. Sed est intelligendum, quod facilius est in minoribus servare justitiam quam in majoribus; unde qui in minoribus non servat, nec in majoribus servaret.

AD DECIMUM dicendum, quod quamvis anima sit simplex in esse, est tamen multiplex in virtute, non solum secundum quod habet multas potentias, sed quia secundum unam et eandem potentiam ad multa se habet, et multipliciter in illa ferri potest; unde non est necessarium quod omnis ejus aversio vel conversio sit æqualis.

AD UNDICESIMUM dicendum, quod omnibus peccatis mortalibus oportet subveniri per mortem Christi, propter gravitatem quam habent ex contemptu boni infiniti; sed tamen nihil prohibet quin per unum peccatum magis contemnatur Deus quam per aliud.

AD DODECIMUM dicendum, quod in quolibet peccato tollitur integritas boni, sed non totum bonum; quin immo in uno plus, in alio minus, ut dictum est.

AD DECIMOTERTIUM dicendum, quod peccatum directe opponitur actui virtutis, ad quod multe circumstantiæ requiruntur; et præterea diverse sunt virtutes, et una eorum est alia major. Unde non oportet omnia peccata esse æqualia.

AD DECIMQUARTUM dicendum, quod ratio illa procederet, si peccatum esset privatio tantum; sed quia habet in sui ratione positionem aliquam, recipit magis et minus, ut dictum est.

AD DECIMQUINTUM dicendum, quod quantitas contemptus non solum mensuratur ex parte ejus qui offenditur, sed etiam ex parte actus quo quis contemnitur, qui potest esse intensior vel remissior.

AD DECIMSEXIMUM dicendum, quod omnia animalia sunt æqualiter animalia, non tamen sunt æqualia animalia, sed unum animal est altero majus et perfectius; et similiter non oportet quod omnia peccata propter hoc sint paria.

AD DECIMSEPTIMUM dicendum, quod post peccatum remanet et natura animæ et libertas voluntatis; minuitur tamen habitus ad bonum, et per unum peccatum plus, et per aliud minus.

AD DECIMOCTAVUM dicendum, quod circumstantiæ non se habent nec in virtute nec in peccato sicut differentiæ substantiales, alioquin omnis circumstantia constitueretur in genere vel specie virtutis aut peccati; sed magis se habent per

modum accidentium, ut supra, art. 6 et 7, dictum est; et præterea hoc non est verum quod sublata una differentia essentiali omnes tollantur; sublato enim rationali remanet vivum, ut dicitur in lib. de Causis (propos. 1), non quidem idem numero, propter destructionem subjecti, sed idem ratione.

ARTICULUS X. — *Utrum peccatum sit gravius ex eo quod majori bono opponitur.* (I-II quæst. LXXIII, art. 4.)

Decimo quaeritur, utrum peccatum sit gravius ex eo quod majori bono opponitur. Et videtur quod non. Quia, secundum Augustinum (Enchir., cap. XII), ex hoc aliquid dicitur malum quod adimit bonum. Quod ergo plus adimit de bono, est magis malum. Sed primam peccatum, etiam si minori virtuti opponatur, plus adimit de bono quam secundum, quia privat hominem gratia et vita æterna. Non ergo peccatum est ex hoc gravius quod majori virtuti opponitur.

2. Præterea, caritas, secundum Apostolum, I Corinth., XIII, est major fidei et spei. Odium autem quod opponitur caritati, non est gravius peccatum quam infidelitas et desperatio, que opponuntur fidei et spei. Non ergo peccatum est gravius quod majori bono opponitur.

3. Præterea, quod aliquis sciens vel ignorans peccet, accidentaliter se habet ad bonum cui opponitur peccatum. Si ergo ex hoc unum peccatum esset alio gravius quod majori bono opponitur, sequeretur quod non gravius peccaret qui sciens peccat quam qui peccat ignorans; quod patet esse falsum.

4. Præterea, quantitas pœnæ respondet quantitati culpæ. Sed quedam peccata quo sunt in proximum, gravius leguntur punita quam peccata in Deum commissa; sicut peccatum blasphemie, quod est peccatum in Deum, punitum est simpliciter lapidatione, ut habetur Lev., XXIV; peccatum autem schismatis punitum est per inconsuetam mortem multorum, ut habetur Num., XXVI. Ergo gravius est peccatum quod committitur in proximum quam quod committitur in Deum; cum tamen majori bono opponatur peccatum quod in Deum committitur.

Sed contra est, quod Philosophus dicit (VIII Ethic., cap. X, circa princ.), quod sicut bono opponitur malum, ita optimo opponitur pessimum.

Respondet dicendum, quod gravitas peccati potest pensari ex duobus; uno modo ex parte ipsius actus; alio modo ex parte agentis. Ex parte autem actus est duo considerare; scilicet speciem actus, et accidens ejus, quod, supra, circumstantiam diximus. Actus autem speciem habet ex objecto, sicut jam supra dictum est. Gravitas ergo peccati quam habet ex specie sua, attenditur ex parte objecti, sive materiæ; et secun-

dum hanc considerationem gravius peccatum dicitur ex suo genere quod majori bono virtutis opponitur; unde cum bonam virtutis consistat in ordinatione amoris, ut Augustinus dicit (lib. 1 de moribus Ecclesie, cap. xv). Deum autem super omnia diligere debeamus; peccata quæ sunt in Deum, sicut idololatria, blasphemia et hujusmodi, secundum suum genus sunt reputanda gravissima. Inter peccata autem quæ sunt in proximum, tanto aliqua sunt aliis graviora, quanto majori bono proximi opponuntur. Maximum autem bonum proximi est ipsa vita hominis, cui opponitur peccatum homicidii, quod tollit actualem hominis vitam, et peccatum luxurie, quod opponitur vite hominis in potentia, quia est inordinatio quedam circa actum generationis humane. Unde inter omnia peccata quæ sunt in proximum, gravius est homicidium secundum genus suum; et secundum locum tenet adulterium et fornicatio, et hujusmodi peccata carnalia; tertium autem locum tenet furtum et rapina et hujusmodi, per quæ in exterioribus bonis læditur proximus. In singulis autem horum generum sunt diversi gradus, in quibus mensuram peccati secundum genus suum oportet accipere, secundum quod bonum oppositum magis vel minus per caritatem debet amari. Ex parte autem circumstantiæ est etiam gravitas in peccato, non ex specie sua, sed accidentalis. Similiter etiam ex parte agentis attenditur gravitas in peccato, secundum quod magis vel minus voluntarius peccat; voluntas enim est causa peccati, ut supra, art. 2 et 3, diximus. Sed hæc gravitas non competit peccato secundum suam speciem; et ideo si gravitas peccati attendatur secundum speciem ejus, tanto invenitur peccatum gravius quanto majori bono opponitur.

Ad primum ergo dicendum, quod in peccato invenitur duplex boni adeptio. Una formalis per quam tollitur ordo virtutis; et quantum ad hanc refert utrum primo vel secundo peccet; quia secundum peccatum potest plus privare de ordine virtutis in actu quam primum. Alia vero est adeptio boni, quæ est effectus peccati, scilicet privatio gratiæ et gloriæ; et quantum ad hanc primum peccatum plus tollit quam secundum; sed hoc est per accidens, quia secundum non invenit quod primum invenit. Per ea autem quæ sunt per accidens non est iudicium de rebus sumendum.

Ad secundum dicendum, quod fides et spes sunt præambula ad caritatem; unde infidelitas, quæ opponitur fidei, et desperatio, quæ opponitur spei, maxime opponuntur caritati; quia radicibus eam evellunt.

Ad tertium dicendum, quod aliquem peccare scientem vel ignorantem, licet accidat alicui peccati speciali, puta furto quantum ad speciem ejus, tamen quantum ad rationem generis, idest in quantum est peccatum, non accidit, quia de ratione

peccati est ut sit voluntarium; unde ignorantia quæ diminuit voluntarium, diminuit etiam rationem peccati.

Ad quartum dicendum, quod poenæ quæ inferuntur a Deo in futura vita, respondent gravitati culpæ; unde Apostolus Roman., ii, 2, dicit, quod *judicium Dei est secundum veritatem in eos qui talia agunt*. Sed poenæ quæ in presenti vita infliguntur sive a Deo sive ab homine, non semper respondent gravitati culpæ. Interdum enim minor culpa graviori poenâ punitur temporaliter propter majus periculum evitandum; poenæ enim presentis vite quasi medicina adhibentur. Peccatum autem schismatis perniciosissimum est in rebus humanis, quia dissolvit totum regimen humane societatis.

ARTICULUS XI. — *Utrum peccatum diminuat bonum naturæ.*

(I-II part., quæst. lxxxv, art. 1.)

Undecimo quaeritur, utrum peccatum diminuat bonum naturæ. Et videtur quod non. Nullum enim diminuit et integrum. Sed bona naturalia manent integra in demonibus post peccatum, ut dicit Dionysius (cap. iv de divin. Nomin.). Ergo bonum naturæ non diminuitur per peccatum.

2. Præterea, accidens non tollit suum subjectum. Sed malum culpæ est in bono naturæ sicut in subjecto. Ergo malum culpæ non tollit aliquid a bono naturæ, et ita non diminuit ipsum.

3. Sed diceretur, quod bonum naturæ diminuitur per malum culpæ, non quantum ad substantiam subjecti, sed quantum ad aptitudinem, sive ad habilitatem. — Sed contra, privatio nihil tollit de eo quod est commune sibi et formæ oppositæ. Sed sicut substantia subjecti est communis privationi et formæ, ita etiam aptitudo, sive habilitas; requirit enim privatio in subjecto aptitudinem ad formam oppositam. Ergo privatio nihil tollit de habilitate subjecti.

4. Præterea, diminui quoddam pati est. Pati autem in suscipiendo est, agere autem in emittendo magis. Nihil ergo diminuitur secundum actum suum. Sed peccatum in actu consistit. Ergo per peccatum non diminuitur bonum naturæ peccantis.

5. Sed diceretur, quod peccatum est actus potentie, quæ non diminuitur, sed sola ejus habilitas. — Sed contra, pati dicitur aliquid non solum si subtrahatur ei aliquid quod sit de substantia ejus, sed etiam si subtrahatur accidens ejus; aqua enim pati dicitur non solum cum amittit formam substantialem, sed etiam cum calefacta frigiditatem amittit. Habilitas autem est accidens potentie. Ergo si diminuatur habilitas, ipsa potentia patietur per actum proprium; quod videtur impossibile secundum prædicta.

6. Præterea, in rebus naturalibus agens patitur, non tamen patitur secundum quod agit; nam agit quidem secundum quod

dum hanc considerationem gravius peccatum dicitur ex suo genere quod majori bono virtutis opponitur; unde cum bonam virtutis consistat in ordinatione amoris, ut Augustinus dicit (lib. 1 de moribus Ecclesie, cap. xv). Deum autem super omnia diligere debeamus; peccata quæ sunt in Deum, sicut idololatria, blasphemia et hujusmodi, secundum suum genus sunt reputanda gravissima. Inter peccata autem quæ sunt in proximum, tanto aliqua sunt aliis graviora, quanto majori bono proximi opponuntur. Maximum autem bonum proximi est ipsa vita hominis, cui opponitur peccatum homicidii, quod tollit actualem hominis vitam, et peccatum luxurie, quod opponitur vite hominis in potentia, quia est inordinatio quedam circa actum generationis humane. Unde inter omnia peccata quæ sunt in proximum, gravius est homicidium secundum genus suum; et secundum locum tenet adulterium et fornicatio, et hujusmodi peccata carnalia; tertium autem locum tenet furtum et rapina et hujusmodi, per quæ in exterioribus bonis læditur proximus. In singulis autem horum generum sunt diversi gradus, in quibus mensuram peccati secundum genus suum oportet accipere, secundum quod bonum oppositum magis vel minus per caritatem debet amari. Ex parte autem circumstantiæ est etiam gravitas in peccato, non ex specie sua, sed accidentalis. Similiter etiam ex parte agentis attenditur gravitas in peccato, secundum quod magis vel minus voluntarius peccat; voluntas enim est causa peccati, ut supra, art. 2 et 3, diximus. Sed hæc gravitas non competit peccato secundum suam speciem; et ideo si gravitas peccati attendatur secundum speciem ejus, tanto invenitur peccatum gravius quanto majori bono opponitur.

Ad primum ergo dicendum, quod in peccato invenitur duplex boni adeptio. Una formalis per quam tollitur ordo virtutis; et quantum ad hanc refert utrum primo vel secundo peccet; quia secundum peccatum potest plus privare de ordine virtutis in actu quam primum. Alia vero est adeptio boni, quæ est effectus peccati, scilicet privatio gratiæ et gloriæ; et quantum ad hanc primum peccatum plus tollit quam secundum; sed hoc est per accidens, quia secundum non invenit quod primum invenit. Per ea autem quæ sunt per accidens non est iudicium de rebus secundum.

Ad secundum dicendum, quod fides et spes sunt præambula ad caritatem; unde infidelitas, quæ opponitur fidei, et desperatio, quæ opponitur spei, maxime opponuntur caritati; quia radicibus eam evellunt.

Ad tertium dicendum, quod aliquem peccare scientem vel ignorantem, licet accidat alicui peccati speciali, puta furto quantum ad speciem ejus, tamen quantum ad rationem generis, id est in quantum est peccatum, non accidit, quia de ratione

peccati est ut sit voluntarium; unde ignorantia quæ diminuit voluntarium, diminuit etiam rationem peccati.

Ad quartum dicendum, quod poenæ quæ inferuntur a Deo in futura vita, respondent gravitati culpæ; unde Apostolus Roman., ii, 2, dicit, quod *judicium Dei est secundum veritatem in eos qui talia agunt*. Sed poenæ quæ in presenti vita infliguntur sive a Deo sive ab homine, non semper respondent gravitati culpæ. Interdum enim minor culpa graviori poenâ punitur temporaliter propter majus periculum evitandum; poenæ enim presentis vite quasi medicina adhibentur. Peccatum autem schismatis perniciosissimum est in rebus humanis, quia dissolvit totum regimen humane societatis.

ARTICULUS XI. — *Utrum peccatum diminuat bonum naturæ.*

(I-II part., quæst. lxxxv, art. 1.)

Undecimo quaeritur, utrum peccatum diminuat bonum naturæ. Et videtur quod non. Nullum enim diminuit eum integrum. Sed bona naturalia manent integra in demonibus post peccatum, ut dicit Dionysius (cap. iv de divin. Nomin.). Ergo bonum naturæ non diminuitur per peccatum.

2. Præterea, accidens non tollit suum subjectum. Sed malum culpæ est in bono naturæ sicut in subjecto. Ergo malum culpæ non tollit aliquid a bono naturæ, et ita non diminuit ipsum.

3. Sed diceretur, quod bonum naturæ diminuitur per modum culpæ, non quantum ad substantiam subjecti, sed quantum ad aptitudinem, sive ad habilitatem. — Sed contra, privatio nihil tollit de eo quod est commune sibi et formæ oppositæ. Sed sicut substantia subjecti est communis privationi et formæ, ita etiam aptitudo, sive habilitas; requirit enim privatio in subjecto aptitudinem ad formam oppositam. Ergo privatio nihil tollit de habilitate subjecti.

4. Præterea, diminui quoddam pati est. Pati autem in suscipiendo est, agere autem in emittendo magis. Nihil ergo diminuitur secundum actum suum. Sed peccatum in actu consistit. Ergo per peccatum non diminuitur bonum naturæ peccantis.

5. Sed diceretur, quod peccatum est actus potentie, quæ non diminuitur, sed sola ejus habilitas. — Sed contra, pati dicitur aliquid non solum si subtrahatur ei aliquid quod sit de substantia ejus, sed etiam si subtrahatur accidens ejus; aqua enim pati dicitur non solum cum amittit formam substantialem, sed etiam cum calefacta frigiditatem amittit. Habilitas autem est accidens potentie. Ergo si diminuatur habilitas, ipsa potentia patietur per actum proprium; quod videtur impossibile secundum prædicta.

6. Præterea, in rebus naturalibus agens patitur, non tamen patitur secundum quod agit; nam agit quidem secundum quod



est actu, patitur autem secundum quod est in potentia; sicut aer actu calidus infrigidatur per aquam, in quantum est frigidus in potentia; calefacit autem aquam, in quantum est actu calidus. Sed hoc est communiter verum in omnibus quod nihil secundum idem est actu et potentia. Nihil ergo patitur secundum quod agit; neque ergo peccatus diminuitur in suo bono naturali per propriam actionem peccati.

7. Præterea, diminuitur est agere quoddam. Sed actus non agit; esset enim procedere in infinitum, cum omne quod agit, actum causet. Cum ergo peccatum sit actus quidam, videtur quod peccatum non diminuat bonum naturæ.

8. Præterea, cum diminutio sit motus quidam, diminuitur movere est. Nihil autem movet seipsum; moveret autem seipsum aliquid, si super suam actionem moveretur. Non ergo peccatus diminuitur in suo bono naturæ per suam actionem peccati.

9. Præterea, Dionysius dicit (iv cap. de div. Nomin.), quod malum non agit nisi virtute boni. Sed peccatum in virtute boni non corrumpit bonum naturæ, quia virtus boni non est corruptiva, sed salvativa magis. Ergo peccatum non diminuit bonum naturæ.

10. Præterea, Augustinus dicit in Each. (cap. xiii. in prin.), quod in bono et malo fallit Dialecticorum regula, quæ dicit quod opposita non sunt simul. Non autem falleret, nisi malum esset in bono sibi opposito sicut in subjecto. Est ergo peccatum in bono naturæ sibi opposito sicut in subjecto. Sed nullum accidens diminuit summa subjectum. Ergo peccatum non diminuit bonum naturæ, etiam secundum quod est ei oppositum.

11. Præterea, si peccatum diminueret bonum naturæ, diminueretur libertas arbitrii, in quo præcipue peccatum consistit. Sed Bernardus dicit (in lib. de lib. Arb., aliquantulum a prin.), quod liberum arbitrium detrimentum non patitur in damnatis. Ergo bonum naturæ non diminuitur per peccatum.

12. Præterea, si peccatum diminuit habilitatem naturalem ad bonum; aut ex parte subjecti, aut ex parte boni ad quod subjectum est habile; inter hæc enim duo habilitas consideratur quasi medium quoddam. Non autem diminuit ipsam ex parte subjecti, sicut nec ipsum subjectum. Secundum autem quod conjungitur cum bono virtutis vel gratiæ, videtur habilitas prædicta pertinere ad genus moris. Sic ergo per peccatum nullo modo diminuitur bonum naturæ.

13. Præterea, Augustinus dicit, VIII super Genes. ad litteram (lib. IX, cap. x) quod infusio gratiæ est sicut illuminatio, et per consequens peccatum est sicut obtenebratio mentis. Sed tenebra non tollit ab aere habilitatem ad lumen. Ergo nec etiam peccatum tollit aliquid de habilitate ad gratiam.

14. Præterea, habilitas naturalis ad bonum videtur esse

idem quod justitia naturalis. Justitia autem est rectitudo quædam voluntatis, ut Anselmus dicit (in lib. de Veritate, cap. xiii). Rectitudo autem non potest diminui, quia omne rectum æqualiter est rectum. Ergo neque bonum naturæ, quod est habilitas naturalis, diminuitur per peccatum.

15. Præterea, Augustinus dicit (in lib. de immortalitate Animæ, cap. ii), quod mutato aliquo, mutatur id quod in eo est. Sed diminutio est quædam species motus. Ergo diminuto subjecto, diminuitur accidens quod in eo est. Sed culpa est in bono naturæ sicut in subjecto. Si ergo culpa diminuit bonum naturæ, diminuit semetipsam; quod est inconveniens.

16. Præterea, secundum Philosophum (in II Ethic., cap. v), tria sunt in anima; potentia, habitus, et passio. Sed passio non diminuitur per peccatum; quinimo pro peccata multiplicatur; unde et passiones peccatorum dicuntur ad Rom., vii; habitus autem virtutis totaliter tollitur per peccatum, potentia autem totaliter manet. Nullum ergo bonum naturæ est in anima quod per peccatum diminuitur.

Sed contra est quod Luce, x, super illud: *Et plagis impositis obierunt*, dicit Glossa (ordinar.), quod peccatus humanæ naturæ integritas violatur. Non autem violatur integritas nisi per diminutionem. Ergo peccatum diminuit bonum naturæ.

Præterea, Augustinus dicit (XI de Civit. Dei, cap. ix), quod vitium est malum, quia nocet naturæ bonæ; quod non esset, nisi adimeret aliquid. Diminuit ergo bonum naturæ.

Præterea, Augustinus dicit (in IV Musicæ, cap. v, non procul a fin.), quod anima per peccatum facta est imbecillior. Diminuitur ergo bonum naturæ in ipsa per peccatum.

Præterea, creatura rationalis se habet ad gratiam sicut oculus ad lumen. Sed oculus in tenebris existens fit minus habilis ad videndam lucem. Ergo anima diu in peccato manens, fit minus habilis ad percipiendam gratiam; et ita bonum naturæ quod est habilitas, diminuitur per peccatum.

Respondeo dicendum, quod quia diminere est quoddam agere, considerandum est, quod modis aliquid agere dicitur, ut sciatur qualiter peccatum bonum naturæ diminuat. Dicitur autem proprie quidem agere ipsum agens quod actum producit, abusive autem id quo agens agit: sicut proprie quidem pictor facit album parietem; sed quia facit album per albedinem, consuevit etiam dici quod albedo facit album. Quot ergo modis id quod proprie est agens dicitur agere, tot etiam modis agere dicitur abusive id quo agens agit. Agens autem principaliter dicitur agere aliquid et per se et per accidens; per se quidem quod agit secundum propriam formam, per accidens autem quod agit removendo prohibens; sicut per se quidem illuminat domum sol, per accidens vero qui aperit fenestram, quæ erat obstaculum luminis. Rursus principale agens dicitur

aliquid agere primo, et aliquid consequenter; sicut generans primo quidem dat formam, consequenter autem dat motum, et omnia que consequuntur ad formam; unde generans dicitur movens gravium et levium, ut dicitur in VIII Physic. (com. XXXII). Quod autem dictum est in effectibus positivis, similiter oportet intelligi quantum ad effectus privationis: sic enim corrumpens et diminuens est movens, sicut et generans et augens. Unde manifeste accipi potest, quod sicut removens obstaculum luminis dicitur per accidens illuminare, et etiam ipsa remotio obstaculi, abusive tamen; ita etiam ponens obstaculum luminis dicitur tenebrare, et etiam ipsum obstaculum. Sicut autem lumen a sole diffunditur in aerem, ita gratia a Deo infunditur anime, que quidem est supra naturam anime; et tamen in natura anime, vel ejusdemque creature rationalis, est aptitudo quedam ad gratie susceptionem, et per gratiam susceptione fortificatur in debitis actibus. Peccatum autem est quoddam obstaculum interpositum inter animam et Deum, secundum illud Isai, LIX, 2: *Peccata vestra dividerant inter vos et Deum iustitiam*. Cujus ratio est, quia sicut interior aer domus non illuminatur a sole, nisi directe aspiciat solem, et hoc dicitur illuminationis obstaculum quod hujusmodi respectus rectitudinem impedit; ita anima non potest illuminari a Deo per gratie susceptionem, nisi directe convertatur in ipsum. Hanc autem conversionem impedit peccatum, quod convertit animam in oppositum, quod scilicet est contra legem Dei. Unde manifestum est quod peccatum est obstaculum quoddam impediens gratie susceptionem. Omne autem obstaculum alicujus perfectionis aut forme, simul cum hoc quod excludit formam vel perfectionem quamcumque, facit susceptivum minus aptum vel habile ad forme receptionem; et ulterius per consequens inpedit effectus forme vel perfectionis in subjecto; et maxima si obstaculum illud fuerit aliquid inherens vel habitu vel actu. Manifestum est enim quod id quod movetur, uno motu, non simul movetur contrario; et est etiam minus aptum vel habile ut motu contrario moveatur; sicut etiam quod est calidum, est minus aptum ut sit frigidum; difficilius enim frigidum impressionem recipit. Sic ergo peccatum, quod est obstaculum gratie, non solum excludit gratiam, sed etiam facit animam minus aptam vel habilem ad gratie susceptionem; et sic diminuit aptitudinem vel habilitatem a bono ad gratiam (1). Unde cum hujusmodi habilitas sit quoddam bonum nature, peccatum diminuit bonum nature; et quia gratia naturam perficit et quantum ad intellectum, et quantum ad voluntatem, et quantum ad inferiores anime partes obtundibiles rationi, irascibilem dico et concupiscibilem; peccatum excludendo gratiam et hujusmodi auxilia nature, dicitur vulne-

(1) *Ad bonum, ad gratiam. Forte anime ad gratiam, vel ad bonum gratie.*

rare naturam. Unde ignorantia, malitia et hujusmodi dicuntur quedam nature vulnera consequentia ex peccato.

Ad PRIMUM ergo dicendum, quod bonum nature integrum manet quantum ad substantiam boni naturalis; sed per peccatum diminuitur aptitudo ad gratiam, ut dictum est; que quidem est quoddam bonum nature.

Ad SECUNDUM dicendum, quod accidens etsi non tollat substantiam sui subjecti, potest tamen diminuire habilitatem ad aliud accidens; sicut calor diminuit habilitatem ad frigus; et ita est in proposito, ut dictum est.

Ad TERTIUM dicendum, quod secundum Philosophum (in III Physic., com. x) dicitur, quod potentia sanum et potentia agrum est idem subjecto propter unam substantiam subjecti, que est in potentia ad utrumque; differunt tamen ratione, quia ratio potentie agrum ab actu. Sic ergo peccatum non diminuit habilitatem ad gratiam ex ea parte qua radieatur in substantia anime; sic enim communis est una existens contrariorum, sed ex ea parte qua ordinatur ad oppositum, prout differens est.

Ad QUARTUM dicendum, quod ad actum moralem concurrunt actus multarum potentiarum anime, quarum quedam sunt motiva aliarum, sicut intellectus movet voluntatem, et voluntas movet irascibilem et concupiscibilem. Movens autem imprimit aliquid in motum. Unde patet quod in actu morali non est sola emissio, sed etiam receptio; et propter hoc ex actibus moralibus potest causari aliquid in agente, ut habitus vel dispositio, vel etiam aliquid oppositum his.

QUINTUM concedimus.

Ad SEXTUM dicendum, quod actio naturalis consistit in emissionem tantum; unde actio naturalis nihil causat in agente, maxime in simplicibus agentibus, que non sunt composita ex agente et patiente vel movente et moto; in his enim que sic composita sunt videtur eadem ratio esse que est in actibus moralibus.

Ad SEPTIMUM dicendum, quod actus non proprie dicitur agere, sed abusive, quia est quo agens agit.

Ad OCTAVUM dicendum, quod nihil secundum idem movet seipsum; sed secundum diversas partes nihil prohibet, ut patet in VIII Physic. (comm. XXX), et sic accidit in actu morali, ut dictum est.

Ad NONUM dicendum, quod aliquid bonum particulare est corruptivum alterius boni particularis propter contrarietatem quam habet ad ipsum; et sic nihil prohibet, malum, prout agit in virtute boni particularis, esse alterius boni corruptivum; sicut frigidum est corruptivum calidi; et hoc modo peccatum corrumpit bonum justitie, convertendo se ad aliquid bonum sine modo et ordine, et per consequens diminuit aptitudinem ad justitiam.

AD DECIMUM dicendum, quod bonum et malum possunt dupliciter considerari. Uno modo secundum communem rationem boni et mali; et sic quodlibet malum opponitur cuilibet bono; et ita dicit Augustinus fallere Dialecticorum regulam dum malum est in bono. Alio modo possunt considerari secundum specialem rationem huius vel illius boni vel mali; et sic non quodlibet malum opponitur cuilibet bono, sed hoc huic, ut cæcitas visui, et intemperantia temperantiae; et hoc modo malum nunquam est in bono sibi opposito, nec in hoc fallitur Dialecticorum regula.

AD UNDECIMUM dicendum, quod liberum arbitrium non patitur detrimentum in damnatis quantum ab libertatem, que non intenditur aut remittitur; sed patitur detrimentum quantum ad libertatem quam est a culpa et miseria.

AD DUODECIMUM dicendum, quod habitus ad gratiam totaliter se tenet ex parte naturæ, etiam secundum quod ordinatur ad bonum moris.

AD DECIMUMTERTIUM dicendum, quod peccatum non est privatio pura, sicut tenebra, sed est aliquid positive; et ideo se habet ut quoddam obstaculum gratiæ; sed ipsa privatio gratiæ se habet ut tenebra. Obstaculum autem diminituit habitatem, ut dictum est.

AD DECIMUMQUARTUM dicendum, quod habitus ad gratiam non est idem quod iustitia naturalis, sed est ordo boni naturalis ad gratiam. Nec tamen hoc est verum quod iustitia naturalis dimini non possit. Rectitudo enim secundum hoc dimini potest quod id quod erat rectum secundum totam, in aliqua parte curvebitur; et hoc modo iustitia naturalis diminiatur secundum quod in aliquo obliquatur; puta, in eo qui fornicatur, obliquatur naturalis iustitia quantum ad directionem concupiscentiarum, et sic de aliis. In nullo tamen iustitia naturalis totaliter corrumpitur.

AD DECIMUMQUINTUM dicendum, quod id quod est in aliquo, movetur ad motum ejus in quo est, quantum ad id in quo ab eo dependet, non quantum ad aliud. Anima enim in corpore existens dependet a corpore quantum ad locum, non autem quantum ad esse, nec quantum ad quantitatem; et ideo per accidens movetur localiter motu corpore, non tamen diminiatur anima diminito corpore nec corrumpitur corrupto corpore. Malum autem culpe non habet quantitatem ex bono naturæ, sed magis per recessum a bono naturæ, sicut aegritudo habet quantitatem per recessum a naturali dispositione corporis. Unde malum culpe non diminiatur diminito bono naturæ, sicut neque morbus diminiatur debilitata natura, sed magis augetur.

AD DECIMUMSEXTUM dicendum, quod in potentia includitur etiam habitus sive aptitudo, ab bonum gratiæ; que qui-

dem habitus diminiatur, ut dictum est, licet ipsa potentia non minatur.

ARTICULUS XII. — *Utrum peccatum possit corrumpere totum bonum naturæ.*

Duodecimo queritur, utrum peccatum possit corrumpere totum bonum naturæ. Et videtur quod sic. Omne enim finitum per continuam diminutionem potest totaliter auferri. Sed bonum naturæ, quod est habitus, est quoddam finitum, cum sit creatum. Ergo si diminiatur per peccatum, ut dictum est, art. præced., totaliter potest auferri.

2. Præterea, bonum naturæ quod est habitus ad gratiam, videtur dimini vel tolli per aversionem a gratia. Aversio autem habet statum, et non procedit in infinitum, quia conversio que ei opponitur, statum habet; non enim est in homine caritas infinita. Ergo diminiutio boni naturalis statum habet: quod non esset, si semper aliquid de bono naturæ remaneret: quia bonum naturæ semper natum est dimini per peccatum. Ergo videtur quod bonum naturæ totaliter per peccatum tolli possit.

3. Præterea, privatio totaliter tollit habitatem; cæcus enim nullo modo est habitus ad videndum. Sed culpa est quaedam privatio. Ergo videtur quod totaliter tollat bonum naturæ, quod est habitus.

4. Præterea peccatum est tenebra spiritualis, ut Damascenus dicit (lib. II, cap. iv, circa princ.). Sed tenebra totaliter potest excludere lucem. Ergo totaliter potest culpa excludere bonum.

5. Præterea, sicut se habet bonum gratiæ ad malum naturæ, ita se habet malum culpe ad bonum naturæ. Sed per gratiam excludi potest totum malum naturæ, id est fomes, qui est inclinatio ad culpam, ut patet in beatis. Ergo per malum culpe potest tolli totum bonum naturæ, quod est habitus ad gratiam.

6. Præterea, ibi habitus ad gratiam remanere non potest, ubi est impossibilitas gratiam consequendi. Sed status damnationis, ad quam pervenitur per culpam, inducit impossibilitatem consequendi gratiam. Ergo per culpam potest tolli totum bonum naturæ, quod est habitus ad gratiam.

7. Præterea, Dionysius (iv cap. de divin. Nomin.) dicit, quod malum est defectus naturalis habitudinis; quod maxime videtur competere malo culpe. Ergo videtur quod totaliter bonum naturæ, quod est habitus, per peccatum deficit.

8. Præterea, quidquid ponit aliquid extra statum naturæ, videtur tollere bonum naturæ. Sed peccatum ponit peccatum extra statum naturæ; dicit enim Damascenus (lib. II, cap. iv, par. a princ.), quod Angelus peccans cecidit ab eo quod est

secundum naturam, in id quod est præter naturam. Ergo peccatum tollit bonum naturæ.

9. Præterea, privatio non privat nisi quod est. Sed gratia non fuit in Angelis ante peccatum. Ergo peccatum Angelii non privavit gratiæ bonum: relinquatur ergo quod privaverit bonum nature.

10. Præterea, diminutio est quidam motus. Idem est autem motus totius et partis, ut globus unius et totius terre, ut dicitur in IV Physic. (com. XLViii). Si ergo aliquid de bono nature diminuitur per peccatum, totum bonum nature per peccatum tolli potest.

Sed contra, quædum manet voluntas, remanet habitus ad bonum. Sed peccatum non tollit voluntatem, quin immo in voluntate consistit. Ergo videtur quod peccatum non possit tollere totum bonum nature, quod est habitus.

Respondet dicendum, quod impossibile est quod per peccatum tollatur totaliter bonum nature, quod est aptitudo vel habitus ad gratiam. Sed ex hoc videtur difficultas insurgere, quia cum illa habitus sit finita, videtur quod per continuam diminutionem totaliter desicere possit. Quam quidem difficultatem aliqui vitare voluerunt, accipientes similitudinem ex continuo finito, quod in infinitum dividitur, si fiat divisio secundum eandem proportionem: puta, si a linea finita subtrahatur tertia pars ejus, et iterum tertia pars residui, et sic inde, nunquam stabit divisio, sed poterit in infinitum procedere. Hoc autem in proposito locum non habet: quia cum procedit divisio lineæ secundum eandem proportionem, semper pars secundo subtracta est minor quam pars primo subtrahitur, sicut majus est tertium totius, quam tertium duarum partium residuarum, et sic de aliis: non autem potest dici, quod per secundum peccatum minus diminuat de habitate prædicta quam per primum; immo forte æqualiter, vel etiam plus, si peccatum fuerit gravius. Et ideo aliter dicendum, quod habitus dimini potest dupliciter: uno modo per subtractionem; alio modo per contrarii appositionem. Per subtractionem quidem, sicut aliquod corpus est habile ad calefaciendum per calorem quem habet; unde diminuto calore diminuitur habitus calefaciendi. Per appositionem autem contrarii, sicut aqua calefacta habet naturalem aptitudinem vel habitatem ad refrigerationem: sed quanto plus fuerit appositum de calore, tanto minuitur habitus ad frigus: hic enim modus diminutionis qui est per appositionem contrarii magis habet locum in potentis passivis et receptivis; primus autem modus in potentis activis; quamvis uterque modus in utrisque potentis æqualiter inveniri possit. Quando ergo est diminutio habitatis per subtractionem, tunc totaliter habitus potest auferri ablato eo quod habitatem causabat: quando vero habitus diminuitur per

appositionem contrarii, tunc considerandum est utram appositionem contrarii excedens (1) possit corrumpere subjectum, aut non. Si enim potest corrumpere subjectum, potest totaliter habitus tolli; sicut tantum potest augeri calor in aqua, quod corrumpatur aqua; et sic totaliter tollitur habitus quæ speciem aquæ consequeretur. Si autem per appositionem contrarii, quantumcumque multiplicetur, non possit subjectum corrumpi, semper quidem minuitur habitus contrario appposito crescente, nunquam tamen totaliter tollitur, propter permanentiam subjecti, in quo radicatur talis habitus; sicut quantumcumque calidum cresceret, non tolleretur aptitudinem materie primæ, quæ est incorruptibilis, ad formam aquæ. Manifestum est autem quod habitus nature rationalis ad gratiam est sicut potentie susceptivæ, et quod talis habitus naturam rationalem consequitur inquantum hujusmodi. Dictum est autem supra, art. præced., quod diminutio hujus habitatis est per appositionem contrarii; dum scilicet creatura rationalis avertitur a Deo per conversionem ad contrarium. Unde cum natura rationalis sit incorruptibilis et non desinat esse, quantumcumque peccatum multiplicetur, consequens est quod habitus ad bonum gratiæ semper diminuat per appositionem peccati, ita tamen quod nunquam totaliter tollatur; et sic in proposito diminutio procedit in infinitum per oppositum ad appositionem (2), sicut in continuis e converso appositio fit in infinitum per oppositum ad divisionem; dum quod uni lineæ subtrahitur alteri apponitur.

AD PRIMUM ergo dicendum, quod ratio illa procederet, si bonum nature diminueretur per subtractionem, sicut jam dictum est.

AD SECUNDUM dicendum, quod conversio et aversio habent statum quo perveniunt actu (3); quia non est conversio vel aversio actu infinita; non tamen habent statum quantum ad id quod est in potentia; quia tam merita quam demerita possunt in infinitum multiplicari.

AD TERTIUM dicendum, quod privatio quæ tollit potentiam, tollit totaliter habitatem, sicut cæcitas quæ tollit potentiam visivam, nisi forte secundum quod remanet habitus vel aptitudo in radice potentie, id est in essentia anime. Privatio autem quæ tollit actum, non auferit habitatem; et talis privatio est privatio gratiæ, sicut et tenebra, quæ est privatio lucis ab aere. Peccatum autem non est ipsa privatio gratiæ, sed obstaculum quoddam, quo gratia privatur, ut supra dictum est.

AD QUANTUM dicendum, quod sicut tenebra excludit lucem sibi oppositam, non autem aptitudinem ad lucem, quæ est in aere; similiter per peccatum excluditur gratia, non autem aptitudo ad gratiam.

(1) AL. exercens. — (2) AL. ad appositionem. — (3) AL. proveniunt in actu.

AD QUINTUM dicendum, quod pronitas ad malum, que dicitur fomes, non consequitur naturam sicut habitus ad bonum, sed consequitur corruptionem naturæ, que est ex culpa; et ideo fomes totaliter per gratiam tolli potest, non autem bonum naturæ per culpam.

AD SEXTUM dicendum, quod impossibilitas ad gratiam que est in demeritis, non est ex totali subtractione habitus naturalis ad bonum, sed ex obstinatione voluntatis in malo, et ex immobilitate divinæ sententiæ, ne eis in perpetuum gratia apponatur.

AD SEPTIMUM dicendum, quod defectus naturalis aptitudinis non sic intelligitur quod tota naturalis aptitudo deficiat, sed quia deficit a sua perfectione.

Et similiter dicendum AD OCTAVUM, quod peccatum non totaliter ponit extra statum naturæ, sed extra ejus perfectionem.

AD NONUM dicendum, quod privatio non solum privat quod est, sed etiam id quod natum est esse: potest enim aliquis privari aliquo quod nunquam habuit, dummodo natus fuisset habere. Et tamen hoc non est verum, quod Angeli in principio sue creationis gratiam non habuerunt: simul enim Deus in eis condidit naturam et largitus est gratiam, ut Augustinus dicit (XII de Civit. Dei, cap. IX, a med.).

AD DECIMUM dicendum, quod ratio illa procederet, si diminutio illa fieret per subtractionem partis.

### QUESTIO III

#### DE CAUSA PECCATI

(In quindecim articulos divisa.)

Primo enim queritur utrum Deus sit causa peccati; 2<sup>o</sup> utrum actio peccati sit a Deo; 3<sup>o</sup> utrum diabolus sit causa peccati; 4<sup>o</sup> utrum diabolus possit inducere homines ad peccandum interius persuadendo; 5<sup>o</sup> utrum omne peccatum veniat ex suggestione diaboli; 6<sup>o</sup> utrum ignorantia possit esse causa peccati; 7<sup>o</sup> utrum ignorantia sit peccatum; 8<sup>o</sup> utrum ignorantia excuset vel diminuat peccatum; 9<sup>o</sup> utrum sciens ex infirmitate peccet; 10<sup>o</sup> utrum peccatum ex infirmitate factum imputetur homini ad culpam mortalem; 11<sup>o</sup> utrum infirmitas alleviet vel aggravet peccatum; 12<sup>o</sup> utrum aliquis possit ex malitia vel certa scientia peccare; 13<sup>o</sup> utrum gravius peccet qui ex infirmitate peccat quam qui ex malitia; 14<sup>o</sup> utrum omne peccatum ex malitia sit peccatum in Spiritum sanctum; 15<sup>o</sup> utrum peccatum in Spiritum sanctum possit remitti.

#### ARTICULUS PRIMUS. — Utrum Deus sit causa peccati. (I-II part., quest. LXXIX, art. 6.)

Questio est de causa peccati. Et primo queritur, utrum Deus sit causa peccati. Et videtur quod sic. Dicit enim Apostolus ad Romanos, 1: *Tradidit eos Deus in reprobum sensum, ut faciant que non conveniunt*; ubi dicit Glossa Augustini sumpta ex lib. de Gratia et lib. Arbitrii (cap. XXI, a med.): *Manifestum est Deum operari in cordibus hominum inclinando voluntates eorum in quodcumque voluerit, sive ad bonum sive ad malum*. Sed inclinatio voluntatis ad malum est peccatum. Ergo Deus est causa peccati.

2. Sed dicendum, quod inclinatio voluntatis ad malum, dicitur esse a Deo in quantum est poena; unde ibidem de Dei judicio loquitur. — Sed contra, non potest esse idem secundum idem poena et culpa, ut supra, quest. I de malo, art. 4 et 5, dictum est; quia poena secundum suam rationem repugnat voluntati, culpa autem secundum suam rationem est voluntaria. Sed inclinatio voluntatis pertinet ad rationem voluntarii. Si ergo Deus inclinat voluntatem in malum, videtur quod et ipse sit causa culpe in quantum est culpa.

3. Præterea, sicut culpa opponitur bono gratiæ, ita poena opponitur bono naturæ. Sed non impeditur quin Deus sit causa poenæ per hoc quod est causa naturæ. Ergo neque impeditur esse causa culpe per hoc quod est causa gratiæ.

4. Præterea quidquid est causa causæ est causa causati. Sed liberum arbitrium est causa peccati, cuius causa est Deus. Ergo Deus est causa peccati.

5. Præterea, illud ad quod inclinat virtus data a Deo, est causatum a Deo. Sed virtutes quedam data a Deo inclinant ad peccatum, sicut irascibilis ad homicidium, et concupiscibilis ad adulterium. Ergo Deus est causa peccati.

6. Præterea, quicumque inclinat voluntatem suam vel alterius ad malum, est causa peccati; puta, si homo faciendò eleemosynam inclinet voluntatem suam ut intendat inane gloriari. Sed Deus inclinat voluntatem hominis in malum, ut jam dictum est. Ergo est causa peccati.

7. Præterea, Dionysius dicit (IV cap. de div. Nom.), quod apud Deum causæ malorum sunt. Sed non sunt in Deo otiosæ. Ergo Deus est causa malorum, inter que computantur peccata.

8. Præterea, Augustinus dicit (in lib. de Natura et Gratia, cap. XXVI, a med.), quod gratia in anima est sicut lux per quam homo bonum operatur, et sine qua bonum operari non potest. Sic ergo gratia est causa meriti. Ergo per oppositum subtractione gratiæ est causa peccati. Sed Deus est qui subtrahit gratiam. Ergo Deus est causa peccati.

AD QUINTUM dicendum, quod pronitas ad malum, que dicitur fomes, non consequitur naturam sicut habitus ad bonum, sed consequitur corruptionem naturæ, que est ex culpa; et ideo fomes totaliter per gratiam tolli potest, non autem bonum naturæ per culpam.

AD SEXTUM dicendum, quod impossibilitas ad gratiam que est in demeritis, non est ex totali subtractione habitus naturalis ad bonum, sed ex obstinatione voluntatis in malo, et ex immobilitate divinæ sententiæ, ne eis in perpetuum gratia apponatur.

AD SEPTIMUM dicendum, quod defectus naturalis aptitudinis non sic intelligitur quod tota naturalis aptitudo deficiat, sed quia deficit a sua perfectione.

Et similiter dicendum AD OCTAVUM, quod peccatum non totaliter ponit extra statum naturæ, sed extra ejus perfectionem.

AD NONUM dicendum, quod privatio non solum privat quod est, sed etiam id quod natum est esse: potest enim aliquis privari aliquo quod nunquam habuit, dummodo natus fuisset habere. Et tamen hoc non est verum, quod Angeli in principio sue creationis gratiam non habuerunt: simul enim Deus in eis condidit naturam et largitus est gratiam, ut Augustinus dicit (XII de Civit. Dei, cap. IX, a med.).

AD DECIMUM dicendum, quod ratio illa procederet, si diminutio illa fieret per subtractionem partis.

### QUESTIO III

#### DE CAUSA PECCATI

(In quindecim articulos divisa.)

Primo enim queritur utrum Deus sit causa peccati; 2<sup>o</sup> utrum actio peccati sit a Deo; 3<sup>o</sup> utrum diabolus sit causa peccati; 4<sup>o</sup> utrum diabolus possit inducere homines ad peccandum interius persuadendo; 5<sup>o</sup> utrum omne peccatum veniat ex suggestione diaboli; 6<sup>o</sup> utrum ignorantia possit esse causa peccati; 7<sup>o</sup> utrum ignorantia sit peccatum; 8<sup>o</sup> utrum ignorantia excuset vel diminuat peccatum; 9<sup>o</sup> utrum sciens ex infirmitate peccet; 10<sup>o</sup> utrum peccatum ex infirmitate factum imputetur homini ad culpam mortalem; 11<sup>o</sup> utrum infirmitas alleviet vel aggravet peccatum; 12<sup>o</sup> utrum aliquis possit ex malitia vel certa scientia peccare; 13<sup>o</sup> utrum gravius peccet qui ex infirmitate peccat quam qui ex malitia; 14<sup>o</sup> utrum omne peccatum ex malitia sit peccatum in Spiritum sanctum; 15<sup>o</sup> utrum peccatum in Spiritum sanctum possit remitti.

#### ARTICULUS PRIMUS. — Utrum Deus sit causa peccati. (I-II parti, quest. LXXIX, art. 6.)

Questio est de causa peccati. Et primo queritur, utrum Deus sit causa peccati. Et videtur quod sic. Dicit enim Apostolus ad Romanos, 1: *Tradidit eos Deus in reprobum sensum, ut faciant que non conveniunt*; ubi dicit Glossa Augustini sumpta ex lib. de Gratia et lib. Arbitrii (cap. XXI, a med.): *Manifestum est Deum operari in cordibus hominum inclinando voluntates eorum in quodcumque voluerit, sive ad bonum sive ad malum*. Sed inclinatio voluntatis ad malum est peccatum. Ergo Deus est causa peccati.

2. Sed dicendum, quod inclinatio voluntatis ad malum, dicitur esse a Deo in quantum est poena; unde ibidem de Dei judicio loquitur. — Sed contra, non potest esse idem secundum idem poena et culpa, ut supra, quest. I de malo, art. 4 et 5, dictum est; quia poena secundum suam rationem repugnat voluntati, culpa autem secundum suam rationem est voluntaria. Sed inclinatio voluntatis pertinet ad rationem voluntarii. Si ergo Deus inclinat voluntatem in malum, videtur quod et ipse sit causa culpæ in quantum est culpa.

3. Præterea, sicut culpa opponitur bono gratiæ, ita poena opponitur bono naturæ. Sed non impeditur quin Deus sit causa poenæ per hoc quod est causa naturæ. Ergo neque impeditur esse causa culpæ per hoc quod est causa gratiæ.

4. Præterea quidquid est causa causæ est causa causati. Sed liberum arbitrium est causa peccati, cuius causa est Deus. Ergo Deus est causa peccati.

5. Præterea, illud ad quod inclinat virtus data a Deo, est causatum a Deo. Sed virtutes quedam data a Deo inclinant ad peccatum, sicut irascibilis ad homicidium, et concupiscibilis ad adulterium. Ergo Deus est causa peccati.

6. Præterea, quicumque inclinat voluntatem suam vel alterius ad malum, est causa peccati; puta, si homo faciendū eleemosynam inclinet voluntatem suam ut intendat inane gloriari. Sed Deus inclinat voluntatem hominis in malum, ut jam dictum est. Ergo est causa peccati.

7. Præterea, Dionysius dicit (IV cap. de div. Nom.), quod apud Deum causæ malorum sunt. Sed non sunt in Deo otiosæ. Ergo Deus est causa malorum, inter que computantur peccata.

8. Præterea, Augustinus dicit (in lib. de Natura et Gratia, cap. XXVI, a med.), quod gratia in anima est sicut lux per quam homo bonum operatur, et sine qua bonum operari non potest. Sic ergo gratia est causa meriti. Ergo per oppositum subtractione gratiæ est causa peccati. Sed Deus est qui subtrahit gratiam. Ergo Deus est causa peccati.

9. Præterea, Augustinus dicit (II Confess., cap. vii) : *Gratie huc deputo, quocumque mala non feci. Non esset autem imputandum gratiæ quod homo male non faceret, si carens gratia posset non peccare. Non ergo peccatum est causa quod aliquis privetur gratiâ; sed magis privatio gratiæ est causa peccandi; et sic sequitur, ut prius, quod Deus sit causa peccandi.*

10. Præterea, omnis laus creaturæ præcipue Deo debet attribui. Sed in laudem viri justi dicitur Ezech., xxxi, 10 : *Qui potuit transgredi, et non est transgressus. Ergo multo magis hoc competit Deo : Potest Deus peccare, et per consequens esse causa peccati.*

11. Præterea, Philosophus dicit (in IV Topic., cap. v, a med.) : *Potest Deus et studiosius prava facere.* Hoc est autem peccare. Ergo Deus potest peccare.

12. Præterea, bene sequitur : Socrates potest currere si vult; ergo simpliciter potest currere. Sed hæc est vera : *Deus potest peccare, si vult*, quia hoc ipsum quod est velle peccare, est peccare. Ergo Deus potest peccare simpliciter; et sic idem quod prius.

13. Præterea, qui occasionem damni dat, damnum dedisse videtur. Sed Deus dedit occasionem peccandi homini per præceptum quod dedit, ut dicitur Rom., vii. Ergo Deus est causa peccati.

14. Præterea, cum malum censeatur a bono, videtur quod malum maximum censeatur a maximo bono. Sed maximum malum est culpa, quæ facit bonum hominem vel Angelum malum. Ergo censeatur a maximo bono quod est Deus.

15. Præterea, ejusdem est dare dominium et auferre. Sed Dei est dare dominium animæ super corpus. Ergo et ejus est auferre. Sed solummodo per peccatum auferitur quod spiritui non subiciatur caro. Ergo Deus est causa peccati.

16. Præterea, quod est causa alicujus naturæ est causa motus proprii et naturalis ipsius. Sed Deus est causa naturæ voluntatis; proprius autem et naturalis motus voluntatis est aversio, sicut proprius motus et naturalis lapidis est descendere, ut Augustinus dicit (in lib. de lib. Arbit.). Ergo Deus est causa aversionis; et sic, cum in aversione ratio culpæ consistat, videtur quod Deus sit causa culpæ.

17. Præterea, qui præcepit peccatum est causa peccati. Sed Deus invenitur præcepisse peccatum, ut dicitur III Reg., ult., 22, ubi cum spiritus mendacii dixisset : *Egrediar; et ero spiritus mendax in ore Prophetarum*, Dominus dixit : *Egredere et fac*; et Osee, 1, dicitur quod Dominus præcepit Osee ut sumeret mulierem fornicariam, et faceret ex ea filios fornicationum. Ergo Deus est causa peccati.

18. Præterea, ejusdem est agere et posse; quia, ut dicit

philosophus (lib. de Somno et Vigil., cap. 1), cujus est potentia, ejus est actio. Sed Deus est causa ejus quod est posse peccare. Ergo est causa ejus quod est peccare.

Sed contra est quod dicit Augustinus (in lib. LXXXIII Quaestionum, circa princ. lib.), quod Deo auctore non fit homo deterior. Sed peccato fit homo deterior. Ergo Deus non est auctor peccati.

Præterea, Fulgentius (lib. I ad Monimum, a med.) dicit quod Deus non est auctor illius rei cujus est ultor. Sed Deus est ultor peccati. Ergo non est auctor peccati.

Præterea, Deus non est causa nisi ejus quod diligit; quia hoc dicitur Sapient., xi, 25 : *Diligis omnia quæ sunt, et nihil odisti eorum quæ fecisti.* Odit autem peccatum, secundum illud Sapient., xiv, 9 : *Pariter odio sunt Deo impius et impietas ejus.* Ergo Deus non est auctor peccati.

Respondeo dicendum, quod causa peccati est aliquis dupliciter : uno modo quia ipse peccat; alio modo quia facit alterum peccare; quorum neutrum Deo convenire potest. Quod enim Deus peccare non possit, manifestum est et ex communi ratione peccati, et ex propria ratione moralis peccati, quod dicitur culpa. Peccatum enim communiter dicitur, secundum quod in rebus naturalibus et artificialibus invenitur, eo quod provenit quod aliquis in agendo non attingit ad finem propter quem agit; quod contingit ex defectu activi principii; sicut si grammaticus non recte scribat, contingit ex defectu artis, si tamen recte scribere intendit; et quod natura peccet in formatione animalis, sicut contingit in partibus monstruosis, contingit ex defectu activæ virtutis in semine. Peccatum vero, secundum quod proprie in moralibus dicitur, habet rationem culpæ, et provenit ex eo quod voluntas deficit debito fine, per hoc quod in finem indebitum tendit. In Deo autem neque activum principium potest esse deficientis, eo quod ejus potentia est infinita; nec ejus voluntas potest deficere a debito fine, quia ipsa ejus voluntas, quæ est etiam ejus natura, est bonitas summa, quæ est ultimus finis et prima regula omnium voluntatum; unde naturaliter ejus voluntas habet summo bono, nec potest ab eo deficere; sicut nec alicujus rei appetitus naturalis deficere potest, quin appetit sum bonum naturale. Sic ergo Deus causa peccati esse non potest eo quod ipse peccat. Similiter etiam non potest esse causa peccati eo quod alios faciat peccare. Peccatum enim, prout nunc de peccato loquimur, consistit in aversione voluntatis creatæ ab ultimo fine. Impossibile est autem quod Deus faciat voluntatem alicujus ab ultimo fine averti, cum ipsemet sit ultimus finis. Quod enim communiter invenitur in omnibus agentibus creatis, oportet quod hoc habeat ex imitatione primi agentis, quod dat omnibus suam similitudinem, secundum quod capere possunt, prout Dionysius dicit (in ix. cap. de div.

Nomin., non procul a fin.). Unumquodque autem agens creatum invenitur per suam actionem alia quodammodo ad seipsum intrahere, assimilando ea; vel per similitudinem forme, sicut cum calidum calefacit; vel convertendo alia ad finem suum, sicut homo per preceptum alios movet ad finem quem intendit. Est ergo hoc Deo conveniens quod omnia ad seipsum convertat, et per consequens quod nihil avertat a seipso. Ipse autem est summum bonum. Unde non potest esse causa aversionis voluntatis a summo bono, in quo ratio culpae consistit, prout nunc loquimur de culpa. Impossibile est ergo quod Deus sit causa peccati.

AN PRIMUM ERGO DICENDUM, quod Deus dicitur tradere aliquos in reprobum sensum, vel inclinare voluntates in malum, non quidem agendo vel movendo, sed potius deserendo vel non impediendo: sicut si aliquis non daret manum cadentem, diceretur esse causa casus illius. Hoc autem Deus ex justo iudicio facit, quod aliquibus auxilium non praestat ne cadant.

Et per hoc patet solutio ad SECUNDUM.

AD TERTIUM DICENDUM, quod poena opponitur enim particulari bono. Non est autem contra rationem summi boni auferre aliquid particulare bonum, cum particulare bonum auferatur per appositionem alterius boni, quod interdum est melius; sicut forma aquae auferitur per appositionem formae ignis, et similiter bonum naturae particularis auferitur per poenam, per appositionem melioris boni; per hoc scilicet quod Deus ordinem iustitiae in rebus statuit. Sed malum culpae est per aversionem a summo bono, a quo summum bonum avertere non potest; unde Deus potest esse causa poenae, sed non causa culpae.

AD QUARTUM DICENDUM, quod effectus causati in quantum est causatum, redacitur in causam. Si autem aliquid procedit a causato non secundum quod est causatum, hoc non oportet in causam reduci. Sicut motus tibiae causatur a virtute motiva animalis, quae tibiam movet; sed obliquitas ambulationis non provenit a tibia secundum quod est mota a virtute motiva, sed secundum quod deficit a suscipiendo influxu motivae virtutis per suum defectum; et ideo elandicatio non causatur a virtute motiva. Sic ergo peccatum causatur a libero arbitrio secundum quod deficit a Deo; unde non oportet quod Deus sit causa peccati, licet sit causa liberi arbitrii.

AD QUINTUM DICENDUM, quod peccata non proveniunt ex inclinatione irascibilis aut concupiscibilis secundum quod sunt a Deo institute, sed secundum quod deficient ab ordine institutionis ipsius: sic enim sunt institute in homine, quod rationi subjaceant; unde quando praeter ordinem rationis ad peccatum inclinant, hoc non est a Deo.

AD SEXTUM DICENDUM, quod ratio illa non procedit, quia

Deus non inclinat voluntatem ad malum agendo vel movendo, sed gratiam non apponendo, ut dictum est.

AD SEPTIMUM DICENDUM, quod causae malorum sunt particularia bona, quae deficere possunt; iustusque autem particularia bona sunt apud Deum, sicut effectus apud causam, in quantum sunt bona; et pro tanto dicuntur causae malorum apud Deum esse, non quia ipse sit causa malorum.

AD OCTAVUM DICENDUM, quod Deus, quantum est in se omnibus se communicat pro captu eorum; unde quod res aliqua a participatione bonitatis ipsius deficiat, est ex hoc quod in ipsa invenitur aliquod impedimentum participationis divinae. Sic ergo quod gratia alicui non apponatur, non est causa ex Deo, sed ex hoc quod ipse cui gratia apponitur, impeditur gratiae praestat, in quantum avertitur a non avertente se lumine, ut Dionysius dicit (cap. iv de div. Nom., circa fin.).

AD NONUM DICENDUM, quod aliter loquendum est de homine secundum statum naturae conditae, et aliter secundum statum naturae corruptae: quia secundum statum naturae conditae homo nihil habebat impellens ad malum, licet bonum naturae non sufficeret ad gloriae consecutionem; et ideo indigebat auxilio gratiae ad merendum; non autem indigebat ad peccata vitandum; quia per hoc quod naturaliter acceperat, poterat stare; sed in statu naturae corruptae habet impellens ad malum, et ideo indiget auxilio gratiae ne cadat; et secundum hunc statum Augustinus divinae gratiae deputat quaecumque mala non facit; sed hic status ex praecedenti culpa provenit.

AD DECIMUM DICENDUM, quod aliquid potest esse laudabile in inferiori quod ad laudem superioris non pertinet; sicut esse furibundum est laudabile in cane, non autem in homine, ut Dionysius dicit (cap. iv de div. Nom., part. vi, post med.); et similiter non transgredi cum possit, pertinet ad laudem hominis, sed deficit a laude divina.

AD UNDICESIMUM DICENDUM, quod verbum illud Philosophi intelligitur non de eo qui est Deus per naturam, sed de his, qui dicuntur dei vel secundum opinionem ut dicitur gentium, vel per participationem, ut homines supra humanum modum virtuosos quibus attribuit heroicam seu divinam virtutem, in VII Ethic. (in princ.). Vel potest dici, secundum quosdam, quod Deus dicitur posse prava facere, quia potest si vult.

AD DODECIMUM DICENDUM, quod istius conditionalis, Socrates potest currere si vult, antecedens est possibile, et ideo sequitur possibilitas consequentis; sed in hac conditionali, Deus potest peccare si vult, antecedens est impossibile, non enim potest Deus velle malum, et ideo non est simile.

AD DECIMUMTERTIUM DICENDUM, quod duplex est occasio, scilicet data et accepta. Praeceptum autem est occasio peccati, non quidem data a praecipiente, sed accepta ab eo cui pra-



ceptum datur; unde et Apostolus significanter dicit (Rom., vii, 8): *Occasione accepta peccatum per mandatum operatum est in me omnem concupiscentiam*. Dicitur enim occasio dari peccandi quando fit aliquid minus rectum, ex quo per exemplum alii provocantur ad peccandum. Si autem aliquis faciat rectum opus, et alius inde provocetur ad peccandum, non erit occasio data, sed accepta, sicut cum Pharisei scandalizabantur de doctrina Christi. Mandatum autem erat sanctum et iustum, ut dicitur ad Rom., vii. Unde Deus precipiendo non dedit occasionem peccandi, sed homo accepit.

Ad DECIMUMQUARTUM dicendum, quod si bonum, in quantum bonum, esset causa mali, sequeretur quod maximum bonum sit causa maximi mali, sed bonum est causa mali in quantum est deficiens. Unde quanto est magis bonum, tanto minus est causa mali.

Ad DECIMUMQUINTUM dicendum, quod auferre spiritus deminuit super carnem est contra naturalem iustitiae ordinem; et ideo hoc Deo convenire non potest, qui est ipsa iustitia.

Ad DECIMUMSEXTUM dicendum, quod motus aversionis dicitur proprius et naturalis voluntatis secundum statum naturae corruptae, non autem secundum statum naturae conditae.

Ad DECIMUMSEPTIMUM dicendum, quod id quod dicitur, *Egredere et fac*, non est intelligendum per modum praecepti, sed per modum permissionis; et dicitur et quod dicitur ad Judam Joann., xiii, 27, *Quod facis fac citius*; eo modo loquendi quo permissio Dei dicitur ejus voluntas. Quod vero dicitur ad Oseam: *Accipe tibi mulierem fornicariam, etc.*, intelligitur secundum modum praecepti; sed praeceptum divinum facit ut non sit peccatum quod aliter esset peccatum. Potest enim Deus, ut Bernardus dicit (de praec. et dispens., aliquant. a princ. lib.) dispensare in praeceptis secundae tabulae, per quae homo immediate ordinatur ad proximum: bonum enim proximi est quoddam bonum particulare. Non autem potest dispensare in praeceptis primae tabulae, per quae homo ordinatur in Deum, qui a seipso alios non potest avertere; non enim potest negare seipsum, ut dicitur II ad Tim., ii., quamvis quidam dicant, quod ea quae dicuntur de Osea, sunt intelligenda contingisse in visione prophetiae.

Ad DECIMUMOCTAVUM dicendum, quod ex verbo illo Philosophi intelligitur quod idem est quod potest agere et quod agit; non autem quod quidquid sit causa potentiae, sit etiam causa actus.

#### ARTICULUS II. — *Utrum actio peccati sit a Deo.*

Secundo quaeritur, utrum actio peccati sit a Deo. Et videtur quod non. Homo enim non dicitur esse causa peccati nisi quia est causa actionis peccati: nihil enim ad malum intendens

operatur, ut Dionysius dicit (iv cap. de div. Nom.). Sed Deus non est auctor peccati, ut supra dictum est. Ergo non est causa actionis peccati.

2. Praeterea, quidquid est causa alicujus, est causa ejus quod convenit ei secundum rationem suae speciei; sicut si aliquis est causa Socratis, sequitur quod sit causa hominis. Sed quidam actus sunt qui ex sua specie habent quod sint peccata. Si ergo actio peccati sit a Deo, sequitur quod peccatum sit a Deo.

3. Praeterea, omne quod est a Deo, est res aliqua. Actus autem peccati non est res aliqua, ut Augustinus dicit (in lib. de perfectione Justitiae, non procul a princ.) Ergo actus peccati non est a Deo.

4. Praeterea, actus peccati est actus liberi arbitrii, quod ideo dicitur liberum, quia seipsum movet ad agendum. Sed omne id cujus actio causatur ab alio, movetur ab illo; et sic non movetur a seipso, nec est liberum. Actus ergo peccati non est a Deo.

Sed contra est quod Augustinus dicit in III de Trin. (cap. iv, circa med.), quod voluntas Dei est causa omnium specierum et motionum. Sed actus peccati est quidam motus liberi arbitrii. Ergo est a Deo.

Respondeo dicendum, quod apud antiquos circa hoc erat duplex opinio. Quidam enim dixerunt antiquitus, actionem peccati non esse a Deo, attendentes ad ipsam peccati deformitatem, quae a Deo non est. Quidam vero dixerunt actionem peccati esse a Deo, attendentes ad ipsam essentiam actus quam oportet ponere a Deo esse, duplici ratione. Primo quidem ratione communi, quia cum ipse Deus sit ens per suam essentiam, quia sua essentia est suum esse, oportet quod omne quod quocumque modo est, derivetur ab ipso: nihil enim aliud est quod sit suum esse; sed omnia dicuntur entia per quamdam participationem. Omne autem quod per participationem dicitur tale, derivatur ab eo quod est per essentiam; sicut omnia ignia derivantur ab eo quod est per essentiam ignis. Manifestum est autem quod actio peccati est quoddam ens, et in predicamento entis positum; unde necesse est dicere, quod sit a Deo. Secundo autem idem patet ratione speciali. Necesse est enim omnes motus secundarum causarum causari a primo movente, sicut omnes motus inferiorum corporum causantur a motu coeli. Deus autem est primum movens respectu omnium motuum et spiritalium et corporalium, sicut corpus coeleste est principium omnium motuum inferiorum corporum. Unde cum actus peccati sit quidam motus liberi arbitrii, necesse est dicere, quod actus peccati, in quantum est actus, sit a Deo. Sed tamen attendendum est, quod motus primi moventis non recipitur uniformiter in omnibus mobilibus, sed in unoquoque secundum proprium modum. Alio enim modo causatur a motu coeli motus corporum

inanimatorum que non movent seipsa, et alio modo motus animalium que movent seipsa. Rursumque alio modo consequitur ex motu cœli pullulatio plantæ in qua virtus generativa non deficit, sed producit perfectum germen; alio modo pullulatio plantæ cuius virtus generativa est debilis, et producit germen inutile. Cum enim aliquid est in debita dispositione ad recipiendum motionem primi moventis, consequitur actio perfecta secundum intentionem primi moventis; sed si non sit in debita dispositione et aptitudine ad recipiendum motionem primi moventis, sequitur actio imperfecta; et tunc id quod est ibi actionis reducitur ad primum moventem sicut in causam; quod autem est ibi de defecto, non reducitur in primum moventem sicut in causam; quia talis defectus consequitur in actione ex hoc quod agens deficit ab ordine primi moventis, ut dictum est: sicut quidquid est de motu in claudicatione, est ex virtute motiva animalis; sed quidquid est ibi de defectu, non est a virtute motiva, sed a tibia, secundum quod deficit ab opportunitate mobilitatis a virtute motiva. Sic ergo dicendum, quod cum Deus sit primum principium motionis omnium, quædam sic moventur ab ipso quod etiam ipsa movent, sicut que habent liberum arbitrium: que si fuerint in debita dispositione et ordine debito ad recipiendum motionem qua moventur a Deo, sequuntur bonæ actiones, que totaliter reducuntur in Deum sicut in causam; si autem deficient a debito ordine, sequitur actio inordinata, que est actio peccati: et sic id quod est ibi de actione, reducitur in Deum sicut in causam: quod autem est ibi de inordinatione vel deformitate, non habet Deum causam, sed solum liberum arbitrium. Et propter hoc dicitur, quod actio peccati est a Deo, sed peccatum non est a Deo.

Ad PRIMUM ergo dicendum, quod homo qui peccat, licet per se non velit deformitatem peccati, tamen deformitas peccati aliquo modo cadit sub voluntate peccantis, dum, scilicet, magis eligit deformitatem peccati incurrrere quam ab actu cessare. Sed deformitas peccati nullo modo cadit sub voluntate divina, sed consequitur ex hoc quod liberum arbitrium recedit ab ordine voluntatis divine.

Ad SECUNDUM dicendum, quod deformitas peccati non consequitur speciem actus secundum quod est in genere nature; sic autem a Deo causatur; sed consequitur speciem actus secundum quod est moralis, prout causatur ex libero arbitrio, sicut in alia questione, quæst. II, art. 2 et 3, dictum est.

Ad TERTIUM dicendum, quod ens et res simpliciter dicitur de substantia, de accidentibus autem secundum quid: et secundum hoc Augustinus dicit actus non esse res.

Ad QUARTUM dicendum, quod cum dicitur aliquid movere seipsum, ponitur idem esse movens et motum; cum autem dicitur quod aliquid movetur ab altero, ponitur aliud esse

movens et aliud motum. Manifestum est autem quod cum aliquid movet alterum, non ex hoc ipso quod est movens, ponitur quod est primum movens; unde non excluditur quin ab altero moveatur, et ab altero habeat similiter hoc ipsum quod movet: similiter cum aliquid movet seipsum, non excluditur quin ab alio moveatur, a quo habet hoc ipsum quod seipsum movet: et sic non repugnat libertati quod Deus est causa actus liberi arbitrii.

ARTICULUS III. — *Utrum diabolus sit causa peccati.* (I-II part., quæst. LXXX, art. 1.)

Tertio queritur utrum diabolus sit causa peccati. Et videtur quod sic. Dicitur enim Sapienti., II, 24: *Invidia diaboli mors introivit in orbem terrarum.* Sed mors consequitur ex peccato. Ergo diabolus est causa peccati.

2. Præterea, peccatum in affectu consistit. Sed Augustinus dicit (IV de Trin., cap. XII, circa princ.), quod diabolus spæ societati malignos affectus inspirat, et Beda dicit super Actus Apostolorum (cap. V tentavit vos satanas ?), quod animam in affectum malitiæ trahit. Ergo diabolus est causa peccati.

3. Præterea, inferius natum est a superiori moveri. Sed sicut intellectus hominis ordine nature est infra intellectum angelicum, ita voluntas humana est infra voluntatem angelicam; semper enim virtus appetitiva proportionatur apprehensivæ. Ergo angelus malus per suam malam voluntatem potest movere voluntatem hominis ad malum, et sic potest esse causa peccati.

4. Præterea, Isidorus dicit, in lib. de summo Bono (lib. III, cap. X, a med.), quod diabolus corda hominum occultis cupiditatibus urit. Sed *radix omnium malorum est cupiditas*, ut dicitur I ad Tim., III, 10. Ergo videtur quod diabolus possit esse causa peccati.

5. Præterea, omne quod se habet ad utrumlibet, indiget aliquo determinante ad hoc quod exeat in actum. Sed liberum arbitrium hominis ad utrumlibet se habet, scilicet ad bonum et malum. Ergo ad hoc quod exeat in actum peccati, indiget quod ab aliquo determinetur ad malum. Maxime autem hoc videtur fieri a diabolo, cuius voluntas est determinata ad malum. Ergo videtur quod diabolus sit causa peccati.

6. Præterea, Augustinus dicit in Enchir. (cap. XXXII in fin.) quod causa peccati est voluntas mutabilis, primo quidem Angeli, deinde vero hominis. Sed primum in quolibet genere est causa eorum que sunt post. Ergo videtur quod mala voluntas diaboli sit causa malæ voluntatis hominis.

7. Præterea, in cognitione peccatum consistit: unde dicitur Isaia, I, 16: *Auferite malum cogitationum vestrarum ab oculis meis.* Sed diabolus potest causare in nobis cogitationes, ut

videtur: quia vis cogitativa est potentia corporali organo alligata: diabolus autem potest corpora immutare. Ergo videtur quod diabolus possit esse directe causa peccati.

8. Præterea, Augustinus dicit (lib. XIX de Civ. Dei, cap. iv), quod nonnullum vitium est, cum caro concupiscit adversum spiritum. Sed hanc concupiscentiam, ut videtur, potest diabolus causare: quia vis concupiscibilis est actus organi corporalis. Ergo videtur quod directe possit esse causa peccati.

9. Præterea, Augustinus dicit, super Genes. ad litteram (lib. XII, cap. xv, circa med.), quod quando sic species rerum presentantur homini ut non discernantur a rebus, sequitur inordinatio in carne: hoc autem dicit fieri posse spirituali virtute Angeli boni vel mali. Inordinatio autem que est in carne non est sine peccato. Ergo videtur quod diabolus possit esse directe causa peccati.

10. Præterea, Commentator (in XI Metaph.) inducit verba Theonisti dicentis, quod natura inferior agit quasi memorata a superioribus causis. Sed cause superiores sunt proprie et directe causa ejus quod agit ab inferioribus causis. Quod ergo potest commemorare aliquid inferiori agenti, videtur quod sit causa actus ejus. Sed diabolus potest commemorare aliquid homini unde movetur ad peccandum. Ergo videtur quod diabolus possit esse directe causa peccati.

11. Præterea, Philosophus II Ethic. eudemiorum (1) (sive II Moralium ad Eudemum), inquit quid sit principium operationis in anima, et ostendit quod oportet esse aliquid extrinsecum. Omne enim quod incipit de novo, habet aliquam causam: incipit enim homo operari, quia vult; incipit autem velle, quia præconsiliatur. Si autem præconsiliatur propter aliquod consilium præcedens, aut est procedere in infinitum, aut oportet ponere aliquid principium extrinsecum, quod primo movet hominem ad consilandum: nisi forte aliquis dicat, quod hoc est a fortuna: ex quo sequeretur omnes actus humanos esse fortuitos. Hoc autem principium in bonis quidem dicit esse Deum, qui non est causa peccati, ut supra ostensum est. Cum ergo homo incipiat agere, velle et consiliari ad peccandum, videtur quod oporteat hujus esse aliquam extrinsecam causam, que non potest esse alia nisi diabolus. Ipse ergo est causa peccati.

12. Præterea, cujuscumque potestati subjacet motivum, ejus potestati subjacet et motus qui a motivo causatur. Motivum autem voluntatis est aliquid apprehensum per sensum vel intellectum: quorum utrumque subjacet potestati diaboli: dicit enim Augustinus (in lib. LXXXIII Questionum, quæst. xii, in princ.): *Serpil hoc natum, scilicet quod est a diabolo, per omnia aditus sensualis, dat se figuris, accommodat coloribus, adheret sonis, lalet in ira, in fallacia sermōnis, odoribus se sub-*

(1) Al. Philosophus cap. in Ethicæ eudemice inquit, etc.

*ficiit, infundit saporibus, et quibusdam nebulis implet omnes meatus intelligentiæ.* Ergo in potestate diaboli est quod moveat voluntatem, et ita directe est causa peccati.

13. Præterea, diabolus emittit hominem propter peccatum, secundum illud Isaie, i. 1: *Ecce iniquitatis vestris commendati estis.* Sed emptor dat pretium venditori. Ergo peccatum in homine causatur a diabolo.

14. Præterea, Hieronimus dicit, quod sicut Deus est perfectio boni, ita diabolus est perfectio mali, licet in homine sint quedam incentiva vitiorum. Sed Deus est per se causa honorum nostrorum. Ergo videtur quod diabolus etiam sit directe causa peccatorum nostrorum.

15. Præterea, sicut Angelus bonus se habet ad bonum, ita malus angelus ad malum. Sed angelus bonus reducit homines ad bonum, quia, sicut Dionisius dicit (cap. iv cœl. Hierar.), lex divinitatis est ultima per media reducere. Ergo videtur quod malus angelus possit reducere hominem ad malum; et ita videtur quod diabolus sit causa peccati.

Sed contra est quod Augustinus dicit (in lib. LXXXIII Questionum, quæst. iv, a med.), quod ad hominis voluntatem causa depravationis ejus redit, sive aliquo sive nullo suadente depravatus sit. Sed homo depravatur per peccatum. Ergo causa peccati hominis non est diabolus, sed voluntas humana.

Præterea, Augustinus dicit (in lib. I de lib. Arbit., in princ. et cap. xi et xii), quod non est aliquid causa peccati humani; sed quilibet est causa sure malitiæ.

Præterea, peccatum hominis ex libero arbitrio procedit. Sed diabolus non potest liberum arbitrium hominis movere; hoc enim libero arbitrio repugnaret. Non est ergo diabolus causa peccati.

Respondeo dicendum, quod causa aliquid movens multipliciter dicitur. Quandoque enim dicitur causa id quod est dispositio, vel quod est consilians, vel quod est præcipiens; quandoque vero dicitur causa id quod est perficiens; et hæc proprie et vere causa dicitur, quia causa est ad quam sequitur effectus. Ad actionem autem perficientem statim effectus sequitur, non autem ad actionem disponentem vel consiliantem vel imperantem. Sicut enim non cogit invitem, ut Augustinus dicit (in lib. LXXXIII Questionum, quæst. iv, a med.). Sic ergo dicendum est, quod diabolus humani peccati causa esse potest per modum disponentis vel persuadentis interius aut exterius; aut etiam per modum præcipientis, ut apparuit in his qui se manifeste diabolo subdiderunt. Sed per modum perficientis causa peccati esse non potest. Sicut enim in formis producendis causa perficiens est ex cuius actione directe consequitur forma, ita in actibus eliciendis causa perficiens est ex cuius actione

agens directe inclinatur ad agendum. Peccatum autem non est forma, sed actus. Illud ergo per se potest esse causa peccati quod potest directe movere voluntatem ad actum peccati. Est autem considerandum, quod voluntas ad aliquid inclinari dicitur dupliciter: uno modo ab exteriori; alio modo ab interiori. Ab exteriori quidem, sicut ab objecto apprehenso; nam bonum apprehensum movere dicitur voluntatem; et per hunc modum dicitur movere consiliarius vel suadens, in quantum sollicitet facit apparere aliquid esse bonum. Ab interiori autem movetur voluntas, sicut ab eo quod producit ipsum voluntatis actum. Objectum autem propositum voluntati, non ex necessitate movet voluntatem, licet intellectus ex necessitate assentiatur interdum propositi veritati. Cujus diversitatis ratio est, quia tam intellectus quam voluntas ex necessitate tendit in illud ad quod naturaliter ordinatur; naturale enim est determinari ad unum. Unde intellectus ex necessitate assentiit principiis primis naturaliter notis, nec potest eorum contrariis assentire; et similiter voluntas naturaliter vult et ex necessitate beatitudinem, nec aliquis potest velle miseriam. Unde in intellectu contingit quod ea quae necessariam coherentiam habent cum primis principiis naturaliter cognitis, ex necessitate moveant intellectum, sicut conclusiones demonstratae, quando apparent; quae si negentur, oportet negari prima principia, ex quibus ex necessitate consequuntur. Si vero sint aliquae conclusiones quae non necessariam coherentiam habeant cum primis principiis naturaliter notis, sicut contingentia et opinabilia, non cogitur his intellectus assentire. Similiter etiam neque necessariis quae necessario connectuntur primis principiis, ex necessitate assentiit, antequam huiusmodi necessariam connexionem cognoscat. Sic ergo videtur et circa voluntatem, quod voluntas ad nihilum ex necessitate movetur quod non appareat habere necessariam connexionem cum beatitudine, quae est naturaliter volita. Manifestum est autem quod huiusmodi particularia bona non habent necessariam connexionem cum beatitudine, quia sine quolibet eorum potest homo esse beatus. Unde quantumcumque homini proponatur aliquid eorum ut bonum, voluntas non ex necessitate in illud tendit. Bonum autem perfectum, quod est Deus, necessariam quidem connexionem habet cum beatitudine hominis, quia sine eo non potest homo esse beatus; verumtamen necessitas huius connexionis non manifeste apparet homini in hac vita, quia Deum per essentiam non videt, et ideo etiam voluntas hominis in hac vita non ex necessitate Deo adhæret; sed voluntas eorum qui Deum per essentiam videntes, manifeste cognoscunt ipsum esse essentiam bonitatis et beatitudinem hominis, non potest Deo non inharere, sicut nec voluntas nostra potest nunc beatitudinem non velle. Patet ergo quod objectum non ex necessitate movet hominem ad agen-

dum. Relinquitur ergo quod causa perficiens et propria voluntarii actus sit solum id quod operatur interius. Hoc autem nihil aliud esse potest quam ipsa voluntas sicut causa secunda, et Deus sicut causa prima. Cujus ratio est, quia actus voluntatis nihil est aliud quam inclinatio quaedam voluntatis in volitum, sicut et appetitus naturalis nihil est aliud quam inclinatio naturae ad aliquid. Inclinatio autem naturae est et a forma naturali et ab eo quod dedit formam; unda dicitur quod motus ignis sursum est ab ejus levitate, et a generante quod talem formam creavit. Sic ergo motus voluntatis directe procedit a voluntate, et a Deo, qui est voluntatis causa, qui solus in voluntate operatur, et voluntatem inclinare potest in quodcumque voluerit. Deus autem non est causa peccati, ut supra, art. I et 2 hujus quest., ostensum est. Relinquitur ergo quod nihil aliud sit directe causa peccati humani nisi voluntas. Sic ergo manifestum est quod diabolum non est propria causa peccati, sed per modum persuadentis tantum.

AD PRIMUM ergo dicendum, quod mors intravit in orbem terrarum per invidiam diaboli, in quantum persuasit primo homini peccatum.

AD SECUNDUM dicendum, quod diabolus dicitur inspirare homini affectum malignum, vel etiam trahere animam in affectum malitiae, per modum persuadentis.

AD TERTIUM dicendum, quod inferius natum est moveri a superiori, sicut passivum ab activo per exteriori immutationem, ut aer ab igne. Exterior autem immutatio non infert necessitatem voluntati, ut ostensum est. Unde diabolus quamvis ordine naturae sit supra animam humanam, non tamen ex necessitate potest voluntatem ejus movere; et sic non est propria causa peccati. Nam propria causa dicitur ad quam ex necessitate sequitur aliquid.

AD QUARTUM dicendum, quod diabolus dicitur urere corda hominum cupiditatibus persuadendo.

AD QUINTUM dicendum, quod voluntas cum sit ad iramlibet, per aliquid demanatur ad unum, scilicet per consilium rationis; nec oportet hoc esse per aliquid agens extrinsecum.

AD SEXTUM dicendum, quod peccatum angeli et hominis non habent ordinem naturae ad invicem, sed solum ordinem temporis; accidit enim quod diabolus peccavit antequam homo, et potuisset a converso accidere. Unde non oportet quod peccatum diaboli sit causa peccati hominis.

AD SEPTIMUM dicendum, quod in cogitationibus non est peccatum nisi secundum quod per eas aliquis inclinatur ad malum vel retrahitur a bono; quod remanet in libero arbitrio voluntatis, quaecumque cogitationes insurgant. Unde non oportet, si aliquid est causa cogitationis, quod sit causa peccati.

AD OCTAVUM dicendum, quod concupiscentia carnis contra spiritum est actus sensualitatis, in qua potest esse peccatum, secundum quod motus ejus potest impediri vel refrinari ratione. Unde si motus sensualitatis insurgat ex aliqua transmutatione corporali, ratione actualiter resistente, quod est in arbitrio voluntatis, nullum est ibi peccatum. Unde patet quod in arbitrio voluntatis positum est omne peccatum.

AD NONUM dicendum, quod hoc quod rerum species vel similitudines non discernantur a rebus ipsis, contingit ex hoc quod vis altior, que judicare et discernere potest, ligatur; sicut propter motum digitorum unum apparet duo secundum tactum, nisi alia potentia contradicat, puta visus. Sic ergo cum offeruntur imaginariæ similitudines, inhaeretur eis quasi rebus ipsis, nisi sit aliqua alia vis que contradicat, puta sensus aut ratio. Si autem sit ligata ratio, et sensus sopitus, inhaeretur similitudinibus sicut ipsis rebus, ut in visis dormientium accidit, et ita in phreneticis. Sic ergo demones facere possunt ut homines non discernant species a rebus, in quantum Deo permitte[n]te perturbant interiores vires sensitivas, quibus perturbatis ligatur sensus rationis humanae, que indiget praedictis viribus ad suum actum, sicut patet in arretitis. Ligato autem usu rationis nihil imputatur homini ad peccatum, sicut nec bestiae. Unde secundum hoc diabolus non erit causa peccati, etiam si sit causa actus qui alias esset peccatum.

AD DECIMUM dicendum, quod natura inferior a causis superioribus ex necessitate movetur; et ideo causae superiores a quibus natura inferior dicitur rememorata, proprio et directe sunt causa naturalium effectuum; sed commemoratio diaboli non ex necessitate movet voluntatem; et ideo non est simile.

AD UNDECIMUM dicendum, quod Deus est universale principium cujuslibet consilii et voluntatis et actus humani, sicut supra, in corp. art., dictum est: sed quod error et peccatum et deformitas accidit in consilio, voluntate et actione humana, hoc provenit ex defectu hominis. Nec oportet hujus aliam extrinsecam causam assignare.

AD DODECIMUM dicendum, quod apprehensum non movet voluntatem ex necessitate, sicut ostensum est, loc. cit.; et ideo quantumcumque apprehensum per sensum vel intellectum subjacent diaboli potestatis, non tamen sufficienter potest voluntatem movere ad peccatum.

AD DECIMUMTERTIUM dicendum, quod diabolus dat homini peccatum per modum persuadentis.

AD DECIMUMQUARTUM dicendum, quod similitudo illa non attenditur quantum ad omnia: Deus enim est actor honorum nostrorum operum et sicut exterius persuadens, et sicut interiorius movens; diabolus autem non est causa peccati nisi sicut exterius persuadens, ut ostensum est in corp. art.

AD DECIMUMQUINTUM dicendum quod Angelus bonus reducit hominem in Deum, non quidem directe movendo voluntatem, sed per modum persuadentis; et sic etiam diabolus inclinat ad peccatum.

ARTICULUS IV. — *Utrum diabolus possit inducere hominem ad peccandum, interius persuadendo.* (I-II part., quæst. LXXX, art. 2).

Quarto quaeritur, utrum diabolus possit inducere hominem ad peccandum, interius persuadendo. Et videtur quod non. Omne enim agens a proposito cognoscit suum effectum. Sed diabolus internas cogitationes non potest videre, ut dicitur in lib. de eccles. Dogmatibus (cap. LXXXI, in princ.). Ergo non potest interius persuadere, cogitationes interiores causando.

2. Præterea, formæ nobiliori modo sunt in viribus inferioribus quam in materia corporali. Sed diabolus non potest imprimere formas in materia corporali, nisi forte per aliqua semina naturalia adhibita; quia materia corporalis non obedit ad naturam transgressoribus angelis, ut Augustinus dicit (in III de Trin., cap. VIII). Ergo non potest imprimere formas in viribus inferioribus.

3. Præterea, Philosophus probat, in VII Metaph. (com. XXVIII), quod formæ quæ sunt in materia non causantur a formis quæ sunt extra materiam, sed a formis quæ sunt in materia; sicut forma carnis et ossis causatur a formis quæ sunt in his carnibus et in his ossibus. Formæ autem virium sensitivarum sunt receptæ in organo corporali. Ergo non possunt causari a diabolo, qui est substantia immaterialis.

4. Præterea, operari præter ordinem naturæ est ejus solius, scilicet Dei, qui ordinem naturæ instituit. Sed ordo quidam naturalis est actuum interiorum virium animæ; nam phantasia est motus factus a sensu secundum actum, ut dicitur in III de Anima (II, com. CLXI), et sic ulterius procedendo una potentia movetur ab alia. Ergo diabolus non potest interiores motus vel actus virium animæ causare, nisi hoc procedat a sensu.

5. Præterea, operationes vitæ producuntur ab interiori principio. Sed omnes actus interiorum virium sunt quaedam operationes vitæ. Ergo non possunt causari a diabolo, sed solum ab interiori principio.

6. Præterea, ejusdem effectus non est nisi eadem causa secundum speciem. Sed actus interiorum virium causatur a sensu. Non ergo eadem actione secundum speciem possunt causari a diabolo.

7. Præterea, vis sensitiva est dignior quam vis nutritiva. Sed diabolus non potest causare actum virtutis nutritivæ, ut formet carnem aut os. Ergo diabolus non potest causare actum aliquid interiorum virium animæ.

Sed contra est quod diabolus non solum visibiliter, sed etiam invisibiliter hominem tentare dicitur, quod non esset, nisi aliquid interius homini persuaderet, ergo diabolus interius incitat ad peccandum.

Respondio dicendum, quod, sicut supra, art. præc., dictum est, diabolus non potest esse causa peccati humani sicut directe movens hominis voluntatem, sed solum per modum persuadentis. Persuadet autem aliquid homini dupliciter; visibiliter et invisibiliter. Visibiliter quidem, sicut cum in aliqua specie homini sensibiliter appareat, et ei sensibiliter loquitur, et persuadet peccatum, sicut tentavit primum hominem in paradiso in specie serpentis et Christum in deserto in aliqua specie ei visibiliter apparens. Non autem est putandum quod solum sic persuadeat homini; quia sequeretur quod nulla alia peccata fierent ex instinctu diaboli, nisi quia diabolus visibiliter apparens persuadet. Et ideo dicendum est, quod etiam invisibiliter instigat hominem ad peccandum. Quod quidem fit et per modum persuasionis et per modum dispositionis. Per modum quidem persuasionis, sicut cum proponitur aliquid virtuti cognoscitiva ut bonum. Hoc autem potest fieri tripliciter; quia proponitur vel quantum ad intellectum, vel quantum ad sensum interiore, vel etiam quantum ad sensum exteriorum. Quantum ad intellectum quidem, quia intellectus humanus potest adjuvari ab intellectu angelico ad aliquid cognoscendum per modum illuminationis ejusdem, ut Dionysius dicit (cap. iv cœl. Hierar.). Quamvis enim Angelus non possit directe causare actum voluntatis, eo quod actus voluntatis nihil est aliud quam inclinatio quadam ab interiori procedens; potest tamen imprimere in intellectum, cujus actus consistit in recipiendo ab exteriori; unde dicitur, quod intelligere est pati quoddam. Quamvis autem diabolus secundum ordinem suæ naturæ possit homini aliquid persuadere intellectum ejus illuminando, sicut facit bonus Angelus; non tamen hoc facit; quia intellectus quanto magis illuminatur, tanto magis potest sibi cavere a deceptione, quam diabolus intendit. Unde relinquatur quod persuasio interior diaboli et quæcumque ejus revelatio non fit per illuminationem intellectus, sed solum per impressionem quantum ad viros sensitivas interiores aut exteriores. Ad videndum autem qualiter in viros interiores imprimere possit, considerandum est, quod natura corporalis naturaliter nata est moveri localiter a spirituali; non autem nata est formari ab ea immediate, sed ab aliquo corporali agente; et probatur in VII Metaph., com. xxviii; et ideo materia corporalis naturaliter obedit Angelo bono vel malo ad motum localem; et per hunc modum dæmones semina colligere possunt, que adhibent aliquibus effectibus mirabiliter faciendis, ut Augustinus dicit in IV de Trin. (III, cap. viii). Sed quantum ad formationem, materia corporalis creature spirituali

non obedit ad nutum. Unde dæmones non possunt materiam corporalem formare nisi virtute corporalium seminum, ut Augustinus dicit (ubi sup.). Quæcumque ergo ex motu locali materia corporali accedere possunt nihil prohibet per dæmones fieri, nisi divinitus impediatur. Apparitio autem sive representatio specierum sensibilium in organis interioribus conservatarum, potest fieri per aliquem motum localem materia corporalis, sicut Philosophus in lib. de Somno et Vigil., cap. iii, assignans causam apparitionis somniorum, dicit, quod cum animal dormierit, descendente plurimo sanguine ad principium sensitivum, simul descendunt motus sive impressiones derelictæ ex sensibilibus motionibus, que in spiritibus sensibilibus conservantur, et movent principium apprehensivum, ita quod apparent, ac si tunc principium sensitivum a rebus ipsis exterioribus immutaretur. Quod ergo accidit in dormientibus de apparitionibus somniorum ex naturali motu locali spirituum et humorum, potest accedere ex consimili motu locali per dæmones procurato, aliquando quidem in dormientibus, aliquando autem in vigilantibus, in quibus dæmones movere possunt interiores spiritus et humores, aliquando quidem usque ad hoc quod totaliter usus rationis ligetur, ut apparet in arreptitis (manifestum est enim ex magna perturbatione spirituum et humorum impediri rationis actum, ut patet in phreneticis et dormientibus et ebriis); aliquando autem absque ligamine rationis, sicut et homines vigilantes et usum rationis habentes, per voluntariam commotionem spirituum et humorum, species interius conservatas quasi de quibusdam thesauris educunt ad principium sensitivum, ut res aliquas imaginantur. Cum ergo dæmones hoc in vigilantibus et usum rationis habentibus operentur, tanto magis et facilius percipit aliquis speciem ad principium reductam, et in ejus narratur cogitatione, quanto magis a passione aliqua detinetur; quia Philosophus (in eodem lib., cap. iii) dicit, quod aliquis in passione existens a modis similitudine movetur sicut amans ex modica similitudine amati. Et ideo dæmones tentatores dicuntur, quia experimtur per actus hominum, quibus passionibus magis subdantur, et secundum hoc in eorum imaginatione efficacius imprimant quod intendunt. Similiter etiam per commotionem sensibilibus spirituum in sensus exteriores imprimere possunt, qui secundum retractionem vel multiplicationem sensibilibus spirituum, vel subtilius vel hebetius aliquid percipiunt. Subtiliter autem aliquid videt vel audit, dum floruit spiritus sensibilis abundans et puri, hebetius, cum contrarium fuerit; et hoc modo Augustinus dicit (in lib. LXXXIII Questiou., quest. xxii), quod hoc malum per dæmones illatum scripi per omnes sensus. Sic ergo patet quod diabolus interius persuadet peccatum imprimendo in viros sensitivas interiores vel exteriores. Per modum autem disponens potest esse causa

peccati, inquantum per similem commotionem spirituum et humorum facit aliquos magis dispositos ad irascendum vel ad concupiscendum, vel ad aliquid huiusmodi. Manifestum est enim, quod corpore aliquo modo disposito est homo magis pronus ad concupiscendum et iram et huiusmodi passiones, quibus insurgentibus homo disponitur ad consensum. Sic ergo patet quod diabolus interius instigat ad peccatum persuadendo et disponendo, non autem perliciendo peccatum.

Ad primum ergo dicendum, quod cogitationes internas diabolus non potest videre in seipsis, sed in suis effectibus.

Ad secundum dicendum, quod non imprimit in imaginationem, causando formam de novo; unde diabolus non posset facere quod cecus natus imaginaretur colores; sed imprimit per motum localem, ut dictum est.

Et similiter dicendum ad tertium.

Ad quartum dicendum, quod hoc diabolus non facit præter naturæ ordinem, sed movendo localiter principia intrinseca, ex quibus nata sunt huiusmodi proventura.

Et per hoc patet solutio ad quintum et sextum.

Ad septimum dicendum, quod eodem modo diabolus per aliquam aggregationem spirituum et humorum facere posset quod aliquid citius vel tardius digeretur, sed hoc non est ita propinquum suo proposito.

ARTICULUS V. — *Utrum omnia peccata a diabolo suggerantur.*  
(I-II part., quest. lxxx, art. 4.)

Quinto queritur, utrum omnia peccata a diabolo suggerantur. Et videtur quod sic. Dicit enim Damascenus (lib. II, cap. iv), quod omnis malitia et omnis immunditia a diabolo excogitatae sunt.

2. Præterea, Dionysius dicit (in iv cap. de div. Nom.), quod multitudo demonum causa est omnium malorum et sibi et etiam aliis.

3. Præterea, de quolibet peccatore dici posset quod Dominus Judæis dixit Joan., vii, 44: *Vos ex patre diabolo estis.* Hoc autem non esset, nisi peccatum omne a diabolo aliquo modo causaretur. Omne ergo peccatum est ex instinctu diaboli.

4. Præterea, Isidorus dicit (in lib. de summo Bono, cap. v, a med.): *Eodem blandimento decipiuntur nunc homines qui prius parentes in paradiso decepti sunt.* Sed illi decepti sunt ex suggestione diaboli. Ergo etiam nunc omne peccatum ex suggestione diaboli committitur.

Sed contra hoc est quod dicitur in lib. de eccles. Dogmatibus (cap. lxxxii, in princ.): *Non omnes cogitationes nostræ male a diabolo excitantur, sed aliquoties ex nostri arbitrii motu emergunt.*

Respondendo dicendum, quod causa alicujus potest aliquid

dici dupliciter: uno modo directe, alio modo indirecte. Indirecte quidem, sicut cum aliquid agens causat aliquam dispositionem ad aliquid effectum, dicitur esse occasionaliter et indirecte causa illius effectus; sicut si dicatur quod ille qui siccat ligna est occasio combustionis ipsorum: et hoc modo dicendum est, quod diabolus est causa omnium peccatorum nostrorum; quia ipse instigavit primum hominem ad peccandum, ex cuius peccato consecuta est in toto humano genere quedam pronitas ad omnia peccata; et per hunc modum intelligenda sunt verba Damasceni et Dionysii. Directe autem dicitur aliquis esse causa alicujus, quod operatur directe ad illud; et hoc modo diabolus non est causa omnis peccati; non enim omnia peccata committuntur diabolo instigante, sed quedam ex libertate arbitrii et carnis corruptione; quia, ut Origenes dicit (lib. III Periar., cap. ii), etiam si diabolus non esset, homines haberent appetitum cibi et venerorum, et huiusmodi, circa quæ inordinatio multa contingit, nisi per rationem talis appetitus refovetur et maxime supposita corruptione nature. Refrenare autem et ordinare huiusmodi appetitum, subjacet libero arbitrio. Sic ergo non est necessarium omnia peccata ex instinctu diaboli provenire. Si qua tamen ex instinctu ejus proveniunt, ad ea complenda eo blandimento decipiuntur homines nunc quo primi parentes, ut Isidorus dicit; et si qua etiam peccata absque instinctu diaboli perpetrantur, per ea tamen fiunt homines filii diaboli, inquantum ipsum prius peccatum imitantur. Non est tamen aliquod genus peccati quod interdum ex instinctu diaboli non proveniat.

Et per hoc patet solutio ad objecta.

ARTICULUS VI. — *Utrum ignorantia sit causa peccati.* (I-II part., quest. lxxvi, art. 1.)

Sexto queritur de causa peccati ex parte ipsius hominis peccantis, utrum ignorantia possit esse causa peccati. Et videtur quod non. Ignorantia enim causat involuntarium, ut Damascenus dicit (lib. II, cap. xxiv). Sed involuntarium opponitur peccato; peccatum enim adeo est voluntarium, quod si non sit voluntarium, non est peccatum, ut Augustinus dicit (in lib. de vera Religione, cap. xiv). Ergo ignorantia non potest esse causa peccati.

2. Præterea, causa et effectus conjunguntur. Sed ignorantia et peccatum non conjunguntur; quia ignorantia est in intellecta, peccatum autem in voluntate, ut Augustinus dicit (in lib. de duabus Animabus, cap. x et xi). Ergo ignorantia non potest esse causa peccati.

3. Præterea, augmentata causa, augmentatur effectus, sicut augmentato igne augmentatur calisfactio. Augmentata autem ignorantia, non augetur peccatum; quinimo tanta potest esse

ignorantia quod omnino peccatum excludatur. Ergo ignorantia non est causa peccati.

4. Præterea, cum in peccato sint duo, scilicet aversio et conversio, causam peccati ex parte conversionis oportet accipere; quia ex parte aversionis peccatum habet rationem mali; malum autem non habet causam, ut dicit Dionysius (iv cap. de div. Nom.). Sed ignorantia non videtur respicere peccatum ex parte conversionis, sed magis ex parte aversionis. Ergo ignorantia non est causa peccati.

5. Præterea, si aliqua ignorantia est causa peccati, maxime hoc videtur de ignorantia vitiosa, quæ dicitur ignorantia affectata. Sed cum aliquis voluntario ignorans in aliquo peccato ex hoc incidit, illius peccati magis videtur esse causa voluntas ignorandi quam ignorantia ipsa. Non est ergo dicendum, quod ignorantia sit causa peccati.

6. Præterea, ignorantia videtur esse causa innocentie vel misericordie: dicit enim Apostolus, I ad Tim., 1, 13: *Misericordiam consecutus sum, quia ignorans feci*. Sed misericordia opponitur peccato; quia quanto aliquis magis peccat, tanto minus est misericordia dignus. Ergo ignorantia non est causa peccati.

7. Præterea, quatuor sunt genera causarum, et secundum nullum horum ignorantia potest esse causa peccati. Neque enim est causa finalis, cum non intendatur ex peccato; nec causa materialis, cum materia peccati sit id circa quod versatur peccati actus, ut intemperantie concupiscentia; neque etiam causa formalis aut movens, quia ignorantia est privatio quedam, privato autem non habet rationem forme neque movens. Ergo ignorantia nullo modo potest esse causa peccati.

8. Præterea, sicut Beda dicit, ignorantia quoddam vulnus est ex peccato consequens. Magis ergo videtur peccatum esse causa ignorantie quam quod ignorantia sit causa peccati.

Sed contra est quod Isidorus dicit (in II lib. de summo Bono, cap. xvii): *Tribus modis peccatum geritur; hoc est ignorantia, infirmitate et industria*. Sunt ergo aliqua peccata quæ ex ignorantia committuntur. Est ergo ignorantia alicujus peccati causa.

Præterea, Augustinus dicit (in III de lib. Arbit., cap. xviii, in princ.), quod multa per ignorantiam facta recte improbantur. Quæ autem improbantur, proprie sunt peccata. Ergo aliqua peccata per ignorantiam committuntur; et sic ignorantia est quorundam peccatorum causa.

Respondeo dicendum, quod ignorantia potest esse causa peccati, et reducitur ad genus cause efficientie vel moventis. Sed sciendum, quod est duplex movens, ut in VIII Physicorum (com. xxvii) dicitur, scilicet movens per se et movens per accidens, quod est movens prohibens; sicut in motu gravium

et levium movens per se est generans, quod dat gravi vel levi formam, quam consequitur talis motus; per accidens autem movet qui removet id quod prohibebat motum; sicut qui removet columnam, dicitur movere lapidem superpositum columnæ. Sciendum est autem, quod cum scientia practica sit directiva in humanis operibus, non solum per huiusmodi scientiam ducimur ad bonum, sed etiam revocamur a malis; et sic ipsa scientia est prohibitiva malorum. Ignorantia ergo, quæ huiusmodi scientiam tollit, recte dicitur esse causa peccati sicut removens prohibens, ut manifeste patet in operibus artis. Scientia enim grammaticæ dirigit ad congrue loquendum, et prohibet incongruitatem locutionis; unde ignorantia grammaticæ potest dici causa incongrue locutionis sicut removens prohibens, vel magis sicut ipsa remotio prohibentis; et similiter in actibus moralibus scientia practica dirigit, et ideo ignorantia huiusmodi scientiæ secundum modum prædictum peccati moralis est causa. Sed sciendum, quod duplex scientia dirigit in actibus moralibus, quæ prohibere potest peccatum; una scilicet universalis per quam iudicamus aliquem actum esse rectum vel deformem; et tali scientia interdum aliquis a peccato prohibetur, sicut aliquis considerans fornicationem esse peccatum, abstinere a fornicatione; et si per ignorantiam removeretur talis scientia, ignorantia esset fornicationis causa; et si esset talis ignorantia quæ non omnino excusaret a peccato, sicut quandoque contingit, ut infra, art. 8, dicitur, talis ignorantia esset causa peccati. Alia vero scientia quæ dirigit in moralibus actibus et prohibere potest peccatum, est scientia particularis, scilicet circumstantiarum ipsius actus; universalis enim scientia non movet sine particulari, ut dicitur in III de Anima. Contingit autem per scientiam alicujus circumstantie, uno modo aliquem revocari a peccato simpliciter; alio modo per scientiam circumstantie non prohibetur aliquis a peccando simpliciter, sed a tali genere peccati (1); sicut si aliquis sagittator cognosceret transeuntem esse hominem, nullo modo sagittaret; sed quia nescit hominem esse, sed estimat esse cervum, emittendo sagittam interficit hominem; et sic ignorantia circumstantie causat homicidium, quod est peccatum; nisi sit talis ignorantia, quæ omnino excuset, ut infra, art. eod., dicitur. Si autem aliquis sagittator velit quidem occidere hominem, sed non patrem, si sciret eum qui transit esse patrem, nullo modo sagittaret; sed quia ignorat eum esse patrem, sagittando interficit; unde ignorantia ista causat manifeste peccatum homicidii; quia in omnem eventum iste sagittator est reus homicidii, licet non sit reus patricidii in omni casu. Sic ergo patet quod contingit diversimode ignorantiam esse causam peccati.

(1) *Id. peccandi.*



AD PRIMUM ergo dicendum, quod dupliciter contingit ignorantiam non excludere sic totaliter voluntarium quod tollatur omnino ratio peccati. Uno quidem modo quando ipsa ignorantia est voluntaria : quia tunc per consequens id quod ex ignorantia sequitur, voluntarium iudicatur. Alio modo quando etsi ignoretur aliquid, aliud tamen scitur quod sufficit ad rationem peccati, sicut dictum est de eo qui sagittando interficit eum quem ignorat esse patrem, sed tamen scit esse hominem; et sic quamvis involuntarie committit patricidium, voluntarie tamen committit homicidium.

AD SECUNDUM dicendum, quod quamvis intellectus et voluntas sint diversae potentiae, tamen conjunguntur in quantum intellectus quodammodo movet voluntatem, secundum quod bonum intellectum est objectum voluntatis; et per consequens ignorantia peccato conjungi potest.

AD TERTIUM dicendum, quod dictum, augmentata causa, augetur (1) effectus, habet locum in causis per se non autem in causis per accidens, cuiusmodi est removens prohibens.

AD QUARTUM dicendum, quod ignorantia etiam ex parte conversionis est causa peccati, in quantum removet prohibens conversionem peccati.

AD QUINTUM dicendum, quod sicut removens columnam dicitur causa casus lapidis, et ipsa columnae remotio; ita etiam causa peccati potest dici et ipsa voluntas carendi scientia, et ipsa scientiae remotio. Tamen non est dicendum, quod solam illa ignorantia sit causa peccati quae est peccatum; ignorantia enim circumstantia non est peccatum, sed tamen potest esse causa peccati, ut dictum est.

AD SEXTUM dicendum, quod ignorantia secundum diversa potest esse causa oppositorum. Nam in quantum tollit scientiam, qua prohibebat peccatum, dicitur esse causa peccati; in quantum autem tollit vel diminuit voluntarium, habet excusare a peccato, et esse misericordiae vel innocentiae causa.

AD SEPTIMUM dicendum, quod ignorantia reducit ad genus causae moventis, non per se, sed per accidens, ut dictum est.

AD OCTAVUM dicendum, quod nihil prohibet ignorantiam esse effectum alicujus peccati, et causam alterius; sicut et concupiscentia fomitis est in nobis causata ex peccato primi parentis, et tamen est causa multorum actualium peccatorum.

ARTICULUS VII. — *Utrum ignorantia sit peccatum.* (I-II part., quest. LXXVI, art. 2.)

Septimo quaeritur, utrum ignorantia sit peccatum. Et videtur quod non. Opposita enim sunt unius generis. Unde Augustinus

(1) *Id.* quod augmentata causa, augetur, etc.

nus dicit (in V de Trinit., cap. VII, ante med.) quod homo et non homo, utrumque secundum substantiam dicitur. Sed ignorantia opponitur scientiae; scientia autem est in genere habitus. Ergo et ignorantia. Sed peccatum non est in genere habitus, sed magis in genere actus; quia peccatum est factum vel dictum vel concupitum contra legem Dei. Ergo ignorantia non est peccatum.

2. Praeterea, gratia magis opponitur peccato quam scientia; quia scientia potest esse cum peccato, non autem gratia. Sed privatio gratiae non est peccatum, sed poena. Ergo neque ignorantia, quae est privatio scientiae, est peccatum, sed magis poena.

3. Praeterea, in lib. de regulis Theologiae dicitur, quod nulla privatio est meritum praemii vel poenae. Sed omne peccatum est meritum poenae. Ergo nulla privatio est peccatum. Ignorantia autem est privatio. Ergo ignorantia non est peccatum.

4. Praeterea, per rationem a brutis differimus. Remoto ergo eo quod est rationis, remanet solum id quod est nobis et brutis commune. Sed in brutis non est peccatum. Ergo ignorantia in nobis, per quam tollitur id quod ad rationem pertinet, non est peccatum.

5. Praeterea, si aliqua ignorantia sit peccatum, oportet quod illa ignorantia sit voluntaria, et sic voluntatem habet praecedentem. Sed quando voluntas ignorantiam praecedit, in ipsa voluntate ignorandi peccatum consistit. Non ergo ignorantia est peccatum, sed voluntas ignorandi.

6. Praeterea, Augustinus dicit in lib. Retract. (I, cap. XIII, circa med.): *Qui nesciens peccavit, non incongruenter volens peccasse dici potest; quomodo et ipse quod nesciens fecit, volens tamen fecit, quia voluit actum peccati.* In sola ergo voluntate actus peccati consistit. Ipsa ergo ignorantia non est peccatum.

7. Praeterea, Augustinus dicit in lib. de lib. Arb. (III, cap. XIX): *Non tibi imputatur ad culpam, si incitus ignores, sed si scire negligas.* Ipsa ergo negligentia scientiae est peccatum, et non ignorantia.

8. Praeterea, omne peccatum vel est actus elicited a voluntate, vel est actus a voluntate imperatus. Sed ignorantia non elicited a voluntate, quia non est in voluntate, sed in intellectu. Similiter non imperatur a voluntate; ignorantia enim non potest esse volita, quia omnes homines naturaliter scire desiderant.

9. Praeterea, omne peccatum est voluntarium. Voluntarium autem est in cognoscente, ut dicitur in III Ethic. Ergo ignorantia, quae cognitionem excludit, non potest esse peccatum.

10. Præterea, omne peccatum per penitentiam tollitur. Sed post penitentiam ignorantia manet. Ergo non est peccatum.

11. Præterea, nullum peccatum manet actu et transit reatu, nisi originale. Sed ignorantia manet actu etiam transeunte reatu. Cum ergo non sit peccatum originale, quia sic sequeretur quod esset in omnibus, videtur quod non sit peccatum.

12. Præterea, ignorantia continua manet in ignorante. Si ergo ignorantia esset peccatum, sequeretur quod per singula momenta ignorans infinites peccaret.

Sed contra est quod dicitur I ad Corinth., xiv, 38 : *Si quis ignorat, ignorabitur*, scilicet per reprobationem. Sed talis reprobatio debetur peccato. Ergo ignorantia est peccatum.

Præterea, Augustinus dicit in lib. III de lib. Arb. (cap. xxiv), quod stultitia est rerum appetendarum et fugiendarum vitiosa ignorantia. Sed omne vitiosum est peccatum. Ergo aliqua ignorantia est peccatum.

Répondeo dicendum, quod differi nescientia, ignorantia et error. Nescientia enim simpliciter negationem scientiæ importat. Ignorantia vero quandoque quidem significat scientiæ privationem; et tunc ignorantia nihil est aliud quam carere scientia quam quis natus est habere : hoc enim est de ratione privationis cujuslibet. Quandoque autem ignorantia est aliquid scientiæ contrarium, quæ dicitur ignorantia perversæ dispositionis; puta, cum quis habet habitum falsorum principiorum et falsarum opinionum, ex quibus impeditur a scientia veritatis. Error autem est apprehendere falsa pro veris : unde addit actum quemdam super ignorantiam : potest enim esse ignorantia sine hoc quod aliquis de ignotis sententiam ferat : et tunc ignorans est, et non errans : sed quando jam falsam sententiam fert de his quæ nescit, tunc proprie dicitur errare. Et quia peccatum in actu consistit, error manifeste habet rationem peccati. Non enim est absque presumptione, quod aliquis de ignotis sententiam ferat, et maxime in quibus periculum existit. Sed nescientia de se nec rationem culpæ nec poenæ habet : quod enim aliquis nesciat ea quæ ad ipsum non pertinent scire, vel quæ non est natus scire, nec culpa nec poena est. Unde in Angelis beatis est nescientia, ut Dionysius dicit (vi cap. eccles. Hierur.). Sed ignorantia de se rationem poenæ dicit; non autem omnis ignorantia habet rationem culpæ : ignorare enim ea quæ quis non tenetur scire, absque culpa est; sed ignorantia illa qua quis ignorat ea quæ tenetur scire, non est absque peccato. Tenetur autem scire quilibet ea quibus dirigatur in propriis actibus. Unde omnis homo tenetur scire ea quæ fidei sunt, quia fides intentionem dirigit; et tenetur scire præcepta decalogi, per quæ potest peccata vitare, et bo-

num facere. Unde et coram omni populo sunt divinitus promulgata, ut habetur Exod., xx. Secretiora autem legis Moyses et Aaron a Domino audiverunt. Unusquisque autem super hæc tenetur scire quæ ad suum officium pertinent, sicut Episcopus ea quæ pertinent ad officium episcopale et sacerdos ea quæ pertinent ad officium sacerdotale, et sic de aliis; et horum ignorantia non est sine culpa. Potest ergo talis ignorantia considerari tripliciter. Uno modo secundum se; et sic non habet rationem culpæ, sed poenæ. Dicitur enim supra, quæst. præc., art. 2 et 3, quod malum culpæ est privato ordinis in actu; malum autem poenæ est privato perfectionis a subiecto agente : unde privato gratiæ vel scientiæ, habet rationem poenæ, si secundum se consideretur. Alio modo potest considerari talis ignorantia per comparisonem ad causam : sicut enim causa scientiæ est applicatio animi ad sciendum, ita causa ignorantie est animus ad sciendum non applicare; et hoc ipsum quod est non applicare animum ad sciendum id quod quis debet scire, est peccatum omissionis. Unde si talis privatio cum causa præcedenti accipitur, erit peccatum actuale, per modum quo omissio peccatum dicitur. Tertio modo potest considerari talis ignorantia per comparisonem ad id quod ex ea sequitur; et sic quandoque est causa peccati, ut supra dictum est. Potest etiam ignorantia pertinere ad peccatum originale, ut dicit Hugo de sancto Victore (lib. I de Sacram., part. VII, cap. xxvii, xxviii, xxix) : quod sic considerandum est. In peccato originali est aliquid formale, scilicet carentia originalis justitiæ, quæ pertinet ad voluntatem. Sicut autem ex originali justitia, per quam voluntas Deo conjungebatur, fiebat quedam perfectionis redundancia in alias vires, ita scilicet quod ratione illustrata cognoscere veritatis, irascibilitatis et concupiscibilitatis sortirentur rectitudinem a ratione; ita subtracta originali justitia a voluntate, deficit cognitio veritatis in intellectum, et rectitudo in irascibilitatis et concupiscibilitatis; et sic ignorantia et fomes sunt materialia in peccato originali, sicut et conversio ad bonum commutabile in peccato actuale.

Ad primum ergo dicendum, quod privato scientiæ et gratiæ habet rationem culpæ, secundum quod accipiuntur simul cum sua causa, quæ pertinet ad genus actus : non agere enim et agere in eodem genere considerantur, secundum regulam Augustini inductam.

Et per hoc patet solutio ad secundum et tertium.

Ad quartum dicendum, quod ignorantia quamvis privet aliquam rationis perfectionem, non tamen tollit ipsam rationem, per quam a brutis differimus; unde ratio non sequitur.

Ad quintum dicendum, quod cujuslibet peccati radix in voluntate consistit, sicut supra (quæst. II de malo, art. 2 et 3),

dictum est: nec tamen sequitur quod propter hoc actus volitus non sit peccatum. Unde nec etiam dicitur quod ignorantia non sit peccatum, licet radix peccati in voluntate ignorandi consistat.

AD SEXTUM dicendum, quod Augustinus loquitur ibi de peccato quod per ignorantiam agitur. Hoc autem peccatum quandoque in sola voluntate actus consistit, et non in ipsa ignorantia. Dicitur enim supra, art. præc., quod non omnis ignorantia est peccatum, quæ est causa peccati.

AD SEPTIMUM dicendum, quod ignorantia quæ est omnino involuntaria, non est peccatum: et hoc est quod Augustinus dicit (lib. III de lib. Arb., cap. XIX): *Non tibi imputatur ad culpam, si incitus ignores*; per hoc autem quod addit, *sed si scire neglexeris*, dat intelligere, quod ignorantia habet quod sit peccatum ex negligentia præcedente, quæ nihil est aliud quam non applicare animum ad sciendum ea quæ quis debet scire.

AD OCTAVUM dicendum, quod nihil prohibet aliquid esse secundum se naturaliter volitum, quod tamen non volumus propter aliquid adjunctum. Sicut aliquis naturaliter vult integritatem sui corporis conservari, et tamen interdum vult sibi abscindi, manum vitiatam, si ex ea periculum totius corporis timeat; et similiter naturaliter vult homo scientiam, sed tamen propter laborem addiscendi, vel ne impediatur a peccato quod diligit, scientiam recusat: et sic ignorantia est a voluntate quodammodo imperata.

AD NONUM dicendum, quod licet ignorans non cognoscat illud quod ignorat, cognoscit tamen vel ignorantiam ipsam, vel id propter quod non refugit ignorantiam: et ita ignorantia potest esse peccatum voluntarium.

AD DECIMUM dicendum, quod post penitentiam licet remaneat ignorantia, tollitur tamen ignorantie reatus.

AD UNDICESIMUM dicendum, quod peccatum ignorantie non consistit in sola privatione scientiæ, sed in ea simul cum causa præcedente, quæ est negligentia addiscendi. Quæ quidem negligentia si maneret acta, reatus non transiret. Est tamen ignorantia, cum quæ omnes nascitur, quodammodo ad peccatum originale pertinet, ut dictum est, in corp. art.

AD DECIMUM DICENDUM, quod sicut in aliis peccatis omissionis non continue peccat aliquis quando non agit, sed solum in tempore pro quo aliquis obligatur ad agendum; ita est etiam et de ignorantia dicendum.

ARTICULUS VIII. — *Utrum ignorantia excuset peccatum, vel diminuat* (I-II part., quæst. LXXVI, art. 3 et 4.)

Octavo quaeritur, utrum ignorantia excuset peccatum, vel diminuat. Et videtur quod non. Illud enim quod aggravat pec-

catum, non excusat ipsum nec in toto nec in parte. Sed ignorantia aggravat peccatum; dicit enim Ambrosius (Ambrosiaster, super illud ad Rom., II: *An ignoras quod benignitas Dei, etc.*): *Gravissime peccas, si ignoras*. Ergo ignorantia non excusat peccatum neque a toto neque a tanto.

2. Præterea, in Decretis dicitur (2<sup>a</sup> causa, quæst. 1), quod ille qui communicavit cum hæreticis, ex hoc ipso magis peccavit quod nescivit eos errare. Sic ergo ignorantia aggravat peccatum et non excusat.

3. Præterea, ignorantia consequitur ebrietatem. Sed ebrius qui propter ebrietatem committit homicidium aut aliquod peccatum, meretur duplices maledictiones, ut dicitur in III Ethicor., cap. V. Ergo ignorantia non diminuit, sed auget peccatum.

4. Præterea, peccatum peccato additum fit majus. Sed ignorantia ipsa est quoddam peccatum, ut dictum est, art. præced. Ergo non diminuit, sed auget peccatum.

5. Præterea, id quod communiter invenitur in omni peccato, non diminuit peccatum. Sed ignorantia communiter invenitur in omni peccato; quia ut dicitur in III Ethic. (cap. 1), omnis malus ignorans; cui consonat quod dicitur Prov., XIV, 22: *Errant qui operantur malum*. Ergo ignorantia non diminuit vel excusat peccatum.

Sed contra, peccatum maxime consistit in contemptu Dei. Sed ignorantia diminuit contemptum, vel totaliter tollit. Ergo excusat peccatum vel in toto, vel in parte.

Respondeo dicendum, quod cum de ratione peccati sit quod sit voluntarium, tantum ignorantia habet excusare peccatum in toto vel in parte, in quantum tollit voluntarium. Est autem considerandum, quod ignorantia voluntarium sequens tollere potest, non autem voluntarium præcedens. Cum autem ignorantia sit in intellectu, ordo ignorantie ad voluntarium considerari potest ex ordine intellectus ad voluntatem; præcedit enim ex necessitate actus intellectus actum voluntatis, quia bonum intellectus est voluntatis objectum; et ideo sublata cognitione intellectus per ignorantiam, aufertur voluntatis actus; et sic tollitur voluntarium quantum ad id quod est ignoratum. Unde si in eodem actu aliquid sit ignoratum et aliquid scitum, potest esse voluntarium quantum ad id quod est scitum: semper tamen est involuntarium quantum ad id quod est ignorantum; sive ignoretur deformitatis actus (puta cum aliquis nescit fornicationem esse peccatum, voluntarie quidem facit fornicationem, sed non voluntarie facit peccatum), sive ignoretur circumstantia actus, sicut cum aliquis accedit ad mulierem quam credit esse suam, voluntarie quidem accedit ad mulierem, sed non voluntarie ad non suam. Et quamvis semper ignorantia causet non voluntarium, non tamen semper causat involunta-

rium. Non voluntarium enim dicitur per solam remotionem actus voluntatis; sed involuntarium dicitur per hoc quod voluntas contrariatur ei quod fit; unde ad involuntarium sequitur tristitia, quæ tamen non consequitur semper ad non voluntarium. Contingit enim quandoque quod aliquis accedens ad non suam quam credit suam esse, quamvis non velit actu ad non suam accedere, quia nescit eam esse non suam, tamen vult habitu, et vellet actu, si sciret; unde cum postea percipit eam non fuisse suam, non tristatur; sed gaudet, nisi mutaverit voluntatem. Sed rursus voluntatis actus potest præcedere actum intellectus, sicut cum aliquis vult se intelligere; et eadem ratione ignorantia sub voluntate cadit, et fit voluntaria. Hoc autem contingit tripliciter. Primo quidem quando aliquis directe vult ignorare scientiam salutis, ne retrahatur a peccato, quod amat. Unde dicitur Job, XXI, 14, de quibusdam, quod dixerunt Deo: *Recede a nobis, scientiam clarioram tuam nolumus*. Secundo ignorantia dicitur voluntaria indirecte quia non adhibet studium ad cognoscendum; et hæc est ignorantia negligentia. Sed quia non dicitur aliquis negligere nisi cum debitum prætermissit, non videtur ad negligentiam pertinere quod aliquis non applicat animum ad quodlibet cognoscendum, sed solum si non applicet animum ad cognoscendum ea quæ cognoscere debet vel simpliciter et secundum omne tempus (unde ignorantia juris ad negligentiam reputatur), vel in aliquo casu, ut cum emittit sagittam in aliquo loco ubi homines solent transire, ad negligentiam sibi imputatur si scire non studeat, an tunc aliquis transeat; et talis ignorantia per negligentiam contingens voluntaria iudicatur. Tertio dicitur aliqua ignorantia voluntaria per accidens; ex eo scilicet quod aliquis directe vel indirecte vult aliquid ad quod sequitur ipsum ignorare. Directe quidem, sicut apparet in ebrio, qui vult superflue vinum potare, per quod privatur rationis usu; indirecte autem cum aliquis negligit repellere insurgentes passionis motus, qui per crescentes ligant rationis usum in particulari eligibili, secundum quod dicitur omnis malus ignorans. Quia ergo quod ex voluntario causatur, voluntarium in moralibus reputatur; in quantum ignorantia ipsa est voluntaria, in quantum deficit ab hoc quod causat non voluntarium, et per consequens ab hoc quod excuset peccatum. Cum ergo aliquis directe vult ignorare ut a peccato per scientiam non retrahatur, talis ignorantia non excusat peccatum nec in toto nec in parte, sed magis auget; ex magno enim amore peccandi videtur contingere quod aliquis detrimentum scientiæ pati velit ad hoc quod libere peccato inhaereat. Quando autem aliquis indirecte vult ignorare quia negligit addiscere, vel etiam quando per accidens ignorantiam vult, dum vult directe vel indirecte aliquid ad quod ignorantia sequitur, talis ignorantia non totaliter causat involuntarium

in actu sequenti; quia actus sequens ex hoc ipso quod procedit ex ignorantia, quæ est voluntaria, est quodammodo voluntarius; sed tamen ignorantia præcedens diminuit rationem voluntarii; minus enim est voluntarius actus qui ex tali ignorantia procedit, quam si scieret talem actum aliquis eligeret absque omni ignorantia; et ideo talis ignorantia non excusat actum sequentem a toto, sed a tanto. Sed tamen hoc est advertendum, quod quandoque et ipse actus sequens et ignorantia præcedens sunt unum peccatum, sicut voluptas et actus exterior dicuntur unum peccatum. Unde potest contingere quod non minus aggravatur peccatum ex voluntario ignorantie quam excusetur ex voluntario actus diminuto. Si autem ignorantia nullo prædictorum modorum sit voluntaria, puta cum est inevitabilis, et tamen est absque omni inordinatione voluntatis, tunc totaliter facit actum sequentem involuntarium.

Ad primum ergo dicendum, quod verbum illud Ambrosii sic solet exponi: *Gravissime peccas, si ignoras, illud periculosissime; quia dum nescis te peccare, remedium non quaeris*. Vel loquitur de ignorantia affectata, qua aliquis ignorare vult ne a peccato retrahatur. Vel loquitur de ignorantia receptorum beneficiorum; quia quod aliquis non cognoscere studeat percepta beneficia, est summus ingratitudinis gradus. Vel loquitur de ignorantia infidelitatis, quæ in se quidem est gravissimum peccatum; licet etiam peccatum ex tali ignorantia commissum diminuat, secundum illud Apostoli I ad Timoth., 1: *Misericordiam consecutus sum, quia ignorans feci in incredulitate mea*.

Ad secundum dicendum, quod auctoritas illa loquitur de ignorantia infidelitatis.

Ad tertium dicendum, quod ebrius qui facit homicidium, meretur duplices maledictiones, quia duo peccata facit; et minus tamen peccat in homicidio quam si sobrius occideret.

Ad quartum dicendum, quod etiam ignorantia quæ est peccatum, in quantum est voluntaria, diminuit voluntarium sequentis actus, et ex hoc peccatum sequens diminuit; et potest esse quod plus diminuat de sequenti peccato quam sit quantitas sui peccati.

Ad quintum dicendum, quod in eo qui peccat per habitum et ex electione, talis ignorantia est simpliciter affectata; unde non diminuit peccatum. Ignorantia autem ejus qui peccat per passionem, est voluntaria per accidens, ut dictum est, et diminuit peccatum; hoc enim est ex infirmitate peccare per quod peccatum diminuitur.

ARTICULUS IX. — *Utrum sit possibile quod aliquis sciens ex infirmitate peccet.* (I-II part., quæst. LXXVII, art. 2.)

Nono quaeritur, utrum sit possibile quod aliquis sciens ex

infirmatate peccet. Et videtur quod non. Nullus enim ex infirmitate aliquid facere dicitur, in cuius voluntate est constitutum ut ab illo præservetur. Sed in voluntate cuiuslibet scientis est constitutum ut a peccato præservetur; dicitur enim Eccli. xv, 16: *Si volueris servare mandata, servabunt te*. Ergo nullus sciens ex infirmitate peccat.

2. Præterea, nullus ex infirmitate peccat cui adest fortissimum auxilium contra peccatum. Sed cuiuslibet scientis adest fortissimum auxilium contra peccatum, scilicet scientie certitudo. Ergo nullus sciens ex infirmitate peccat.

3. Præterea, nulla potentia potest in actum procedere nisi secundum rationem sui subiecti, sicut visus non potest videre nisi colorata. Sed objectum voluntatis, in cuius actu principaliter consistit peccatum, est bonum apprehensum, sicut dicitur in III de Anima, com. XLIX, et seq. Ergo in actu voluntatis non potest esse peccatum, nisi sit aliquis defectus in apprehensione boni. Sed talem defectum excludit scientia. Ergo non est possibile quod aliquis sciens ex infirmitate peccet.

4. Præterea, voluntas non est nisi boni, vel apparentis boni: nam malum est involuntarium, ut Dionysius dicit (iv cap. de divin. Nom.). Sed in quantum voluntas est veri boni, non invenitur in ea peccatum. Ergo omne peccatum est in voluntate secundum quod est apparentis boni et non existentis, quod non est sine ignorantia. Ergo non potest esse quod aliquis sciens ex infirmitate peccet.

5. Sed dicendum, quod ille qui est sciens in universali, potest habere ignorantiam in particulari operabili, et sic peccabit; puta, si sciat in universali nullam fornicationem esse faciendam, æstimet autem nunc esse fornicandum. — Sed contra sicut Philosophus probat (II Perih., cap. ult.), opiniones quæ sunt de contradictoriis, sunt contrarie. Universalis autem negativa et particularis affirmativa sunt contradictorie. Cum ergo nullus possit simul habere contrarias opiniones, quia contraria non simul possunt inesse eidem, videtur quod non possit esse quod aliquis opinans in universali nullam fornicationem esse faciendam, simul in particulari possit opinari hanc esse faciendam.

6. Sed dicendum, quod opiniones quæ sunt de contradictoriis, sunt contrarie: scientia autem non contrariatur opinioni, cum non sint unius generis. — Sed contra, plus distat scientia ab opinione falsa quam opinio vera; quia opinio est cum formidine contrarii, non autem scientia. Si ergo simul cum opinione falsa aliquis non potest habere opinionem veram contrariam, multo minus poterit habere scientiam.

7. Præterea, quicumque scit universale, et scit singulare contineri sub universali, simul inducens cognoscit singulare, ut dicitur in I Poster. (com. xi); sicut qui scit omnem mulam

esse sterilem, simul dum scit hoc animal esse mulam, scit illud esse sterile. Sed ille qui scit nullam fornicationem esse faciendam, nisi etiam sciret hunc actum esse fornicationem, non reputaretur scienter, sed ignoranter peccare. Ergo si non per ignorantiam peccat, non solum scit in universali, sed etiam scit in particulari.

8. Præterea, voces sunt signa intellectuum, ut Philosophus dicit (lib. I Perih., in princ.). Sed ille qui actu eligit fornicari, si interrogaretur, responderet, hoc esse peccatum, et non esse faciendum. Ergo non est verum quod ignoret in particulari, sciat autem in universali, ut dicebatur.

9. Præterea, Augustinus dicit (XIV de Civit. Dei, cap. xx), quod erubescencia extinguit concupiscentiam. Oritur autem erubescencia ex scientia. Ergo scientia extinguit concupiscentiam. Infirmitas autem animi maxime ad concupiscentiam pertinet. Ergo scientia auferit peccatum, quod est ex infirmitate. Non ergo est possibile quod aliquis sciens ex infirmitate peccet.

10. Præterea, ille dicitur sciens peccare qui scit esse peccatum quod facit. Sed ratio peccati consistit in offensa Dei. Considerare autem offensam Dei, constringit concupiscentiam, secundum illud Psalm. cxviii, 120: *Confige timore tuo carnes meas; a iudicis enim tuis timui*. Ergo scientia impedit peccatum quod est ex infirmitate concupiscentiæ; et sic idem quod prius.

11. Præterea, Beda ponit infirmitatem inter quatuor vulnera quæ consequuntur ex peccato; et sic habet rationem pœne. Sed pœna non est causa peccati, sed magis ordinatur ad corrigendum peccata. Ergo peccatum sciens non potest esse ex infirmitate.

12. Præterea, infirmitas animi attenditur secundum passiones quæ sunt in parte sensitiva. Peccatum autem consistit in consensu voluntatis, quæ est in parte intellectiva. Causa autem oportet quod conjungatur effectui, quia omnis actio fit per contactum. Ergo infirmitas non potest esse causa peccati.

13. Præterea, passivum magis immutatur a propinquiore activo quam a remotiori. Sed scientia, cum sit in intellectu, propinquior est voluntati quam infirmitas, seu passio, quæ se tenet ex parte inferiori, quæ carni conjungitur, secundum illud Math. xxvi, 41: *Spiritus quidem promptus est, caro autem infirma*. Ergo non videtur possibile quod aliquis ex infirmitate peccet contra conscientiam agens.

14. Præterea, pars superior animæ, in qua est intellectus et voluntas, imperat inferioribus partibus animæ, in quibus sunt passiones, scilicet irascibili et concupisibili, et etiam membris corporis. Sed defectus existens in membris corporis non immutat imperium voluntatis, sed solam executionem actus. Ergo neque defectus qui est ex parte irascibilis et concupisibilis

secundum infirmitatem passionum, immutat imperium voluntatis. Sed in imperio voluntatis consistit peccatum. Ergo nullum peccatum est ex infirmitate.

15. Præterea, passionibus neque meremur neque demeremur. Sed ipsam demeritum est peccatum. Ergo nullum peccatum est ex passione, quæ est infirmitas anime.

Sed contra est quod Isidorus dicit in lib. de summo Bono (II, cap. XVII), quod quædam peccata ex infirmitate committuntur.

Præterea, Apostolus dicit ad Rom., VII, 5: *Passiones peccatorum, quæ per legem erant, operabantur in membris meis, ut fructificarent morti.* Quod autem fructificat morti, est peccatum, secundum illud Rom., VI, 23: *Stipendia peccati mors.* Ergo ex passionibus quæ sunt infirmitates anime, aliqua peccata committuntur.

Respondet dicendum, quod communiter ab omnibus ponitur, aliqua peccata ex infirmitate committi; quæ a peccatis ignorantia non distinguerentur, nisi contingeret aliquem scientem ex infirmitate peccare; et ideo concedendum est, quod possibile est aliquem scientem peccare ex infirmitate. Ad cuius evidentiam primo considerare oportet quid per nomen infirmitatis intelligamus. Est autem hoc accipiendum ex similitudine infirmitatis corporis. Est autem corpus infirmum, quando aliquis humor non subditur virtuti regitivæ totius corporis; puta, cum aliquis humor excedit in caliditate vel frigiditate vel in aliquo huiusmodi. Sicut autem est quædam vis regitiva corporis, ita ratio est regitiva omnium interiorum affectionum; unde cum aliqua affectio non est moderata secundum regimen rationis, sed excedit sicut dicitur, dicitur esse anima infirmata; et hoc maxime contingit secundum affectiones appetitus sensitivi, quæ passiones dicuntur, ut timor, ira, concupiscentia, et huiusmodi. Unde antiqui huiusmodi anime passionem, egritudines anime vocabant, ut Augustinus dicit in lib. de Civ. Dei (XIV, cap. VII, circa fin.). Illud ergo ex infirmitate homo agere dicitur quod agit ex aliqua passione, puta ex ira vel timore vel concupiscentia, vel aliquo huiusmodi. Socrates autem, ut Aristoteles dicit in VII Ethic., cap. II, considerans firmitatem et certitudinem scientiæ, posuit quod scientiæ non potest superari a passione; ita scilicet quod nullus homo potest per passionem aliquid facere contra scientiam; et omnes virtutes nominabat scientias, et omnia vitia seu peccata nominabat ignorantias; ex quo sequebatur quod nullus sciens ex infirmitate peccat; quod manifeste contrariatur his quæ quotidie experimur. Et ideo considerandum est, quod habere scientiam contingit multipliciter: uno modo in generali, alio modo in particulari; et uno modo in habitu, alio modo in actu. Potest autem ex passione primo quidem contingere ut id quod scitur in habitu, non

consideretur in actu. Manifestum est enim quod quæcumque una potentia intenditur in suo actu, alia potentia vel impeditur vel totaliter avertitur a suo actu; sicut cum aliquis intentus est ad aliquem addendum, non percipit hominem pertranseuntem. Et hoc ideo contingit, quia omnes potentie radicantur in una anima, cuius intentio applicat unamquamque potentiam ad suum actum; et ita cum aliquis fuerit fortiter intentus circa actum minus potentie, minuitur ejus intentio circa actum alterius. Sic ergo cum fuerit concupiscentia fortis, aut ira, aut aliquid huiusmodi, impeditur a consideratione scientiæ. Secundo considerandum est, quod passiones anime, cum sint in appetitu sensitivo, sunt circa particularia; concupiscit enim homo hanc delectationem, sicut et sentit hoc dulce. Scientia autem est in generali; et tamen universalis scientia non est principium alicujus actus, nisi secundum quod applicatur ad particulare, quia actus circa particularia sunt. Quando ergo passio est fortis circa aliquod particulare, repellit contrarium motum scientiæ circa idem particulare; non solum distrahendo a consideratione scientiæ, ut supra dictum est, sed etiam corrumpendo per viam contrarietatis; et sic ille qui in forti passione est constitutus, etsi consideret aliquo modo in generali, in particulari tamen impeditur ejus consideratio. Tertio considerandum est, quod ex aliqua corporali transmutatione ligatur usus rationis, ut vel totaliter nihil consideret, vel quod non libere considerare possit, sicut patet in dormientibus et phreneticis. Per passiones autem fit aliqua immutatio circa corpus, ita quod interdum aliqui propter iram et concupiscentiam vel aliquam huiusmodi passionem in insaniam inciderunt. Et ideo quando huiusmodi sunt fortes, per ipsam transmutationem corporalem ligantur quodammodo rationem, ut liberum iudicium de particularibus agendis non habeat. Et sic nihil prohibet aliquem scientem secundum habitum et in generali, per infirmitatem peccare.

Ad primum ergo dicendum, quod in voluntate hominis positum est quod servetur a peccato; sed in hoc infirmatur per passionem, ut perfecte non velit, ligato rationis usu, sicut dictum est, in corp. art.

Ad secundum dicendum, quod scientia, quamvis in se sit certissima, tamen, sicut dictum est (ibid.), impeditur in particulari per passionem, ut contra peccatum auxilium ferre non possit.

Ad tertium dicendum, quod voluntas movetur secundum exigentiam boni apprehensi; sed quod hoc particulare appetibile apprehendatur ut bonum secundum rationis iudicium, impeditur interdum per passionem, sicut dictum est (ibid.).

Ad quartum dicendum, quod voluntas semper tendit in aliquid sub ratione boni. Sed quod aliquid appareat bonum quod non est bonum, quandoque quidem contingit ex hoc quod

rationis iudicium est perversum etiam in universali, et tunc est peccatum ex ignorantia; quandoque vero ex hoc quod impeditur in particulari propter passionem; et tunc est peccatum ex infirmitate.

Ad quintum dicendum, quod non posset esse quod aliquis haberet simul aut scientiam aut opinionem veram in actu de universali affirmativo, et opinionem falsam de particulari negativo, aut e converso; sed bene potest contingere quod aliquis habeat in habitu scientiam aut opinionem veram de uno contradictorium, et opinionem falsam in actu de alio; actus enim non contrariatur habitui, sed actui.

Et per hoc patet solutio ad sextum.

Ad septimum dicendum, quod cum actus peccati et virtutis sit secundum electionem, electio autem est appetitus præcon-siliati, consilium vero est quedam inquisitio; necesse est quod in quolibet actu virtutis vel peccati sit quedam deductio quasi syllogistica; sed tamen aliter syllogizat temperatus, aliter continentis, aliter incontinens. Temperatus enim movetur tantum secundum iudicium rationis; unde utitur syllogismo trium propositionum; quasi sic deducens; Nulla fornicatio est committenda; hic actus est fornicatio, ergo non est faciendus. Intemperatus vero totaliter sequitur concupiscentiam; et ideo etiam ipse utitur syllogismo trium propositionum, quasi sic deducens; Omni delectabilis est fruendum; hic actus est delectabilis; ergo hoc est fruendum. Sed tam continens quam incontinens dupliciter movetur; secundum rationem quidem ad vitandum peccatum, secundum concupiscentiam vero ad committendum; sed in continente vincit iudicium rationis, in incontinente vero motus concupiscentie. Unde uterque utitur syllogismo quatuor propositionum, sed ad contrarias conclusiones. Continens enim sic syllogizat; Nullum peccatum est faciendum; et hoc proponit secundum iudicium rationis; secundum vero motum concupiscentie versatur in corde ejus quod omne delectabile est prosequendum; sed quia iudicium rationis in eo vincit, assumit et concludit sub primo: Hoc est peccatum; ergo non est faciendum. Incontinens vero, in quo vincit motus concupiscentie, assumit et concludit sub secundo: Hoc est delectabile; ergo est prosequendum; et talis proprie est qui peccat ex infirmitate. Et ideo patet quod licet sciat in universali, non tamen scit in particulari; quia non assumit secundum rationem, sed secundum concupiscentiam.

Ad octavum dicendum, quod sicut Philosophus dicit in VII Ethic. (cap. x), sicut ebrius aliqua verba profert, quæ tamen exterius non intelligit; ita ille qui a passione est victus, etsi exterius ore dicat hunc actum esse vitandum, tamen in corde suo iudicat hoc esse faciendum; unde aliud dicit exterius, et aliud interius sentit.

Ad nonum dicendum, quod scientia quidem aliquando concupiscentiam vincit, vel concitando erubescensiam aut horrorem divine offensæ; sed nihil prohibet quin aliquando et ipsa scientia passione vincatur in particulari.

Unde patet solutio ad decimum.

Ad undecimum dicendum, quod omnis poena, sua consideratione a peccato avertit; sed non omnis poena avertit a peccato, secundum quod jam est illata. Privatio enim gratiæ est poena quedam, nec tamen per hoc aliquis a peccato avertitur quod gratia privatur, sed per hoc quod considerat se gratia privari, si peccet; et simile dicendum est de ignorantia.

Ad duodecimum dicendum, quod consensus in actu perinet quidem ad appetitum intellectivum, sed tamen non fit sine applicatione ad particulare, in quo plurimum possunt passiones animæ; et ideo per passiones consensus quandoque immutatur.

Ad decimumtertium dicendum, quod ratio est propinquior voluntati quam passio, sed particulari appetibili est propinquior passio quam ratio universalis.

Ad decimumquartum dicendum, quod anima præest corpori sicut servo, qui non potest reniti imperio domini; sed ratio præest irascibili et concupiscibili, ut Philosophus dicit in I Politic., cap. III, regali aut politico principatu, qui ad liberos est; et ideo potest irascibilis et concupiscibilis etiam rationis imperio obviare, sicut et liberi cives interdum obviant imperio principis.

Ad decimumquintum dicendum, quod passionibus neque meretur neque demeretur, quasi in eis principaliter meritum vel demeritum consistat; sed tamen possunt adjuvare vel impedire ad merendum vel demerendum.

ARTICULUS X. — *Utrum peccata quæ per infirmitatem committuntur, imputentur homini ad culpam mortalem.* (I-II part., quæst. LXXVII, art. 8.)

Decimo queritur, utrum peccata quæ per infirmitatem committuntur, imputentur homini ad culpam mortalem. Et videtur quod non. Nihil enim imputatur ad culpam mortalem quod homo non facit voluntarie. Sed huiusmodi peccata quæ ex infirmitate committuntur, non facit homo voluntarie; de his enim Apostolus dicit ad Galat., v. 17: *Caro concupiscit aduersus spiritum,.... ut non quæcumque cultis, illa faciatis.* Ergo huiusmodi peccata non imputantur homini ad culpam mortalem.

2. Præterea, nulla virtus passiva potest operari nisi secundum quod movetur a suo activo. Sed ratio proprie nata est movere voluntatem. Si ergo iudicium rationis fuerit impeditum per passionem, videtur quod non sit in potestate voluntatis

vitare peccatum. Non ergo imputatur ei ad culpam mortalem.

3. Præterea, passio animæ magis de propinquo impedit rationem et voluntatem, quam passio corporis. Sed passio corporis totaliter excusat a culpa ea quæ inordinato committuntur, sicut patet de his quæ sunt a dormientibus et a phreneticis. Ergo passio animæ multo magis excusat a culpa.

4. Sed diceretur, quod passio animæ est voluntaria, passio autem corporis non est voluntaria. — Sed contra, causa non est prior quam effectus. Sed passio ex hoc quod est voluntaria, non habet rationem culpæ mortalis, sed venialis tantum. Ergo neque ex ea potest causari peccatum mortale.

5. Præterea, peccatum non aggravatur ex eventu in infinitum, ut scilicet quod erat in se veniale, propter eventum fiat mortale. Sed ipsa passio, si non sequeretur mala electio, non esset peccatum mortale. Ergo propter hoc quod sequitur electio mala, non incurrit homo culpam peccati mortalis; et sic peccata quæ ex infirmitate committuntur, non sunt mortalia.

Sed contra est quod dicit Apostolus ad Rom., vii, 5: *Passiones peccatorum operabantur in membris nostris, ut fructificarent morti*. Sed nihil fructificat morti nisi peccatum mortale. Ergo peccata quæ committuntur per passionem sive per infirmitatem, possunt esse mortalia.

Respondet dicendum, quod cum ex infirmitate sive ex passione aliquis interdum committat adulterium, et multa flagitia seu factiora, sicut fecit Petrus cum Christum negavit ex timore, nulli dubium esse debet quin peccata ex infirmitate perpetrata, quandoque sint mortalia. Ad cuius evidentiam considerandum est, quod necessitas quæ est ex suppositione aliquis quod subjacet voluntati, non tollit rationem peccati mortalis. Sicut si gladius infigitur alicui in membris vitalibus, necesse est quod moriatur; sed infixio cuticuli est voluntaria. Unde mors illius qui cuticello percussus, imputatur percussenti ad culpam mortalem. Similiter dicendum est in proposito: postquam enim quod ratio sit ligata per passionem, necesse est quod sequatur perversa electio; sed in potestate voluntatis est hoc ligamen rationis repellere. Dictum est enim, art. præc., quod ratio ligatur ex hoc quod intentio animæ applicatur vehementer ad actum appetitus sensitivi; unde avertitur a considerando in particulari id quod habitualiter in universalibus cognoscit. Applicare autem intentionem ad aliquid vel non applicare, in potestate voluntatis existit. Unde in potestate voluntatis est quod ligamen rationis excludat. Actus ergo commissus, qui ex tali ligamine procedit, est voluntarius, unde non excusatur a culpa etiam mortali. Sed si ligatio rationis per passionem intantum procederet, quod non esset in potestate voluntatis huiusmodi ligamen removere, puta si per aliquam animæ passionem aliquis in insaniam verteretur, quidquid

committeret, non imputaretur ei ad culpam, sicut nec alii insano, nisi forte quantum ad principium talis passionis quod fuit voluntarium; poterat enim voluntas a principio impedire ne passio in tantum procederet; sicut homicidium per ebrietatem commissum imputatur homini ad culpam, quia principium ebrietatis fuit voluntarium.

Ad PRIMUM ergo dicendum, quod illud quod homo facit ex passione ligatus, non vult homo facere extra passionem existens; sed per passionem ad hoc deducitur ut velit, passione rationem ligante.

Ad SECUNDUM dicendum, quod voluntas non solum movetur ab apprehensione rationis ligatæ ex passione, sed etiam habet in potestate ligamen rationis excludere, ut dictum est; et pro tanto imputatur ei ad culpam quod facit.

Ad TERTIUM dicendum, quod removere passionem corporalem, non est in potestate voluntatis, sicut removere passionem animæ; quia natura corporalis non obedit voluntati rationali, sicut appetitus sensitivus; et ideo non est simile.

Ad QUARTUM dicendum, quod nihil prohibet aliquid non esse peccatum mortale simpliciter quod tamen in casu est peccatum mortale; sicut non dare elemosinam pauperi fame morienti, est peccatum mortale, quod tamen alias peccatum mortale non esset; et similiter in proposito non velle repellere passionem aliquam, etsi simpliciter non sit peccatum mortale, tamen in hoc casu quando inclinat usque ad consensum peccati mortalis, est peccatum mortale.

Ad QUINTUM dicendum, quod eventus in posterum procedens et improvisus, non aggravat in infinitum; sed eventus conjunctus et prævisus potest aggravare in infinitum, ut sit peccatum mortale quod alias non esset; sicut projicere sagittam non est peccatum mortale, sed projicere sagittam cum occisione hominis, est peccatum mortale; et similiter non repellere passionem inclinantem ad peccatum mortale, non est absque peccato mortali.

ARTICULUS XI. — *Utrum infirmitas alleviet vel aggravet peccatum.* (II part., quæst. lxxvii, art. 6.)

Undecimo quaeritur, utrum infirmitas alleviet vel aggravet peccatum. Et videtur quod aggravet. Sicut enim se habet bona passio ad meritum, ita se habet mala passio ad peccatum. Sed bona passio auget meritum; magis enim est laudabile et meritorium quod aliquis elemosinam faciat ex compassione misericordie, quam sine compassione misericordie faciat, ut patet per Augustinum (IX de Civit. Dei, cap. v). Ergo etiam facere peccatum cum passione, est magis vituperabile et magis peccatum. Sed peccare ex passione est peccare ex infirmitate, ut dictum est, art. præc. Ergo infirmitas aggravat peccatum.



2. Præterea, cum omne peccatum sit ex libidine, ut Augustinus dicit (lib. 1 de lib. Arb., cap. 11), quanto ex majori libidine aliquis peccat, tanto magis videtur peccare. Sed libido est quedam passio anime et infirmitas. Ergo infirmitas aggravat peccatum.

3. Præterea, augmentata causa augetur effectus, sicut ex majori calore sequitur major calefactio. Si ergo infirmitas est causa peccati, sequitur quod major infirmitas sit causa majoris peccati; et sic infirmitas aggravat peccatum.

Sed contra, illud propter quod peccatum fit remissibile, non aggravat, sed dimittit peccatum. Sed propter infirmitatem dicitur aliquid peccatum magis remissibile. Ergo infirmitas non aggravat, sed dimittit peccatum.

Respondetur dicendum, quod peccare ex infirmitate est peccare ex passione, ut dictum est. Passio autem appetitus sensitivi dupliciter se habet ad motum voluntatis: uno modo ut præcedens; alio modo ut consequens. Ut præcedens quidem, sicut cum propter passionem inclinatur voluntas ad aliquid volendum; et sic passio dimittit rationem meriti et rationem demeriti; quia meritum et demeritum in electione consistit ex ratione præcedente. Passio autem obnubilat vel etiam ligat iudicium rationis. Quanto autem iudicium rationis fuerit purius, tanto electio est perspicacior ad merendum vel demerendum. Unde qui inducitur ad benefaciendum ex iudicio rationis laudabiliter operatur quam qui inducitur ad hoc idem ex sola animi passione; hic enim interdum errare potest indabite miserando; et similiter ille qui inducitur ad peccandum ex deliberatione rationis, magis peccat quam ille qui inducitur ad peccandum ex sola animi passione. Ut consequens autem consideratur passio, quando ex forti motu voluntatis commovetur appetitus inferior ad passionem; et sic passio addit ad meritum vel demeritum, quia est signum passio quod motus voluntatis sit fortior; et hoc modo verum est quod ille qui cum majori compassione facit elemosynam, magis meretur, et qui cum majori libidine facit peccatum, magis peccat; quia hoc est signum quod motus voluntatis sit fortior. Sed hoc non est ex passione benefacere vel peccare, sed potius pati ex electione boni vel mali.

Unde patet responsio ad primum et secundum.

Ad tertium dicendum, quod de ratione peccati est quod sit voluntarium. Voluntarium autem dicitur cujus principium est in ipso agente; et ideo quanto principium interius magis augetur, tanto etiam peccatum fit gravius; quanto autem principium exterius magis augetur, tanto peccatum fit levius. Passio autem est principium extrinsecum voluntatis; motus autem voluntatis est principium intrinsecum; et ideo quanto motus voluntatis fuerit fortior ad peccandum, tanto peccatum

est majus; sed quanto passio fuerit fortior impellens ad peccandum, tanto fit minus.

ARTICULUS XII. — *Utrum aliquis possit ex malitia seu ex certa scientia peccare.* (I-II part., quest. LXXVIII, art. 1, 2 et 3.)

Duodecimo quaeritur, utrum aliquis possit ex malitia seu ex certa scientia peccare. Et videtur quod non. Ad illud enim homo intendit quod ex certa scientia operatur. Sed secundum quod Dionysius dicit (iv cap. de divin. Nom.), nullus intendens ad malum operatur. Ergo nullus ex certa scientia malum operatur.

2. Præterea, nulla potentia potest moveri nisi in suum objectum. Sed objectum voluntatis est bonum apprehensum. Ergo nullus potest velle id quod scit esse malum; et ita nullus potest ex certa scientia peccare.

3. Sed dicendum, quod voluntas tendit in aliquid bonum, cui conjungitur malum, et pro tanto dicitur tendere in malum. — Sed contra, que non sunt separata secundum rem, possunt separari secundum actum anime, tam secundum intellectum quam secundum affectum; possumus enim intelligere rotandum sine materia sensibili; et aliquis vult esse Abbas sine hoc quod sit monachus. Etsi ergo malum conjungatur alicui bono, non tamen oportet (ut videtur) quod feratur in malum ex hoc quod feratur in bonum cui conjungitur malum.

4. Præterea, denominatio non fit ab eo quod est secundum accidens, sed ab eo quod per se competit rei; quia secundum hoc de re iudicatur. Sed aliquis ex hoc quod vult aliquid secundum se, non dicitur velle illud quod est ei adjunctum, nisi per accidens; sicut qui amat vinum propter dulce, non amat vinum nisi per accidens; et sic qui vult aliquid bonum cui conjungitur malum, non vult illud malum nisi per accidens. Non ergo debet dici quod ex malitia peccet, quasi volens malum.

5. Præterea, quicumque peccat ex infirmitate, habet voluntatem mali quod conjungitur alicui bono. Si ergo ob hoc dicitur aliquis ex malitia peccare, sequitur etiam quod ille qui ex infirmitate peccat, ex malitia peccet: quod patet esse falsum.

6. Sed dicendum, quod voluntas ejus qui ex malitia peccat, ex se nititur in malum modo prædicto; non autem voluntas ejus qui peccat ex infirmitate, sed quasi mota ex passione. — Sed contra, ex se moveri ad aliquid, est secundum suam formam et naturam inclinari in illud, sicut grave ex se movetur deorsum. Sed voluntas ex sua forma et natura non tendit in malum; sed magis in bonum. Ergo voluntas non potest ex se tendere in malum; et sic nullus ex malitia peccabit.

7. Præterea, quia voluntas ex se tendit in bonum secundum

2. Præterea, cum omne peccatum sit ex libidine, ut Augustinus dicit (lib. 1 de lib. Arb., cap. 11), quanto ex majori libidine aliquis peccat, tanto magis videtur peccare. Sed libido est quedam passio anime et infirmitas. Ergo infirmitas aggravat peccatum.

3. Præterea, augmentata causa augetur effectus, sicut ex majori calore sequitur major calefactio. Si ergo infirmitas est causa peccati, sequitur quod major infirmitas sit causa majoris peccati; et sic infirmitas aggravat peccatum.

Sed contra, illud propter quod peccatum fit remissibile, non aggravat, sed dimittit peccatum. Sed propter infirmitatem dicitur aliquid peccatum magis remissibile. Ergo infirmitas non aggravat, sed dimittit peccatum.

Respondetur dicendum, quod peccare ex infirmitate est peccare ex passione, ut dictum est. Passio autem appetitus sensitivi dupliciter se habet ad motum voluntatis: uno modo ut præcedens; alio modo ut consequens. Ut præcedens quidem, sicut cum propter passionem inclinatur voluntas ad aliquid volendum; et sic passio dimittit rationem meriti et rationem demeriti; quia meritum et demeritum in electione consistit ex ratione præcedente. Passio autem obnubilat vel etiam ligat iudicium rationis. Quanto autem iudicium rationis fuerit purius, tanto electio est perspicacior ad merendum vel demerendum. Unde qui inducitur ad benefaciendum ex iudicio rationis laudabiliter operatur quam qui inducitur ad hoc idem ex sola animi passione; hic enim interdum errare potest indabite miserando; et similiter ille qui inducitur ad peccandum ex deliberatione rationis, magis peccat quam ille qui inducitur ad peccandum ex sola animi passione. Ut consequens autem consideratur passio, quando ex forti motu voluntatis commovetur appetitus inferior ad passionem; et sic passio addit ad meritum vel demeritum, quia est signum passio quod motus voluntatis sit fortior; et hoc modo verum est quod ille qui cum majori compassione facit elemosynam, magis meretur, et qui cum majori libidine facit peccatum, magis peccat; quia hoc est signum quod motus voluntatis sit fortior. Sed hoc non est ex passione benefacere vel peccare, sed potius pati ex electione boni vel mali.

Unde patet responsio ad primum et secundum.

Ad tertium dicendum, quod de ratione peccati est quod sit voluntarium. Voluntarium autem dicitur cujus principium est in ipso agente; et ideo quanto principium interius magis augetur, tanto etiam peccatum fit gravius; quanto autem principium exterius magis augetur, tanto peccatum fit levius. Passio autem est principium extrinsecum voluntatis; motus autem voluntatis est principium intrinsecum; et ideo quanto motus voluntatis fuerit fortior ad peccandum, tanto peccatum

est majus; sed quanto passio fuerit fortior impellens ad peccandum, tanto fit minus.

ARTICULUS XII. — *Utrum aliquis possit ex malitia seu ex certa scientia peccare.* (I-II part., quest. LXXVIII, art. 1, 2 et 3.)

Duodecimo quaeritur, utrum aliquis possit ex malitia seu ex certa scientia peccare. Et videtur quod non. Ad illud enim homo intendit quod ex certa scientia operatur. Sed secundum quod Dionysius dicit (iv cap. de divin. Nom.), nullus intendens ad malum operatur. Ergo nullus ex certa scientia malum operatur.

2. Præterea, nulla potentia potest moveri nisi in suum objectum. Sed objectum voluntatis est bonum apprehensum. Ergo nullus potest velle id quod scit esse malum; et ita nullus potest ex certa scientia peccare.

3. Sed dicendum, quod voluntas tendit in aliquid bonum, cui conjungitur malum, et pro tanto dicitur tendere in malum. — Sed contra, que non sunt separata secundum rem, possunt separari secundum actum anime, tam secundum intellectum quam secundum affectum; possumus enim intelligere rotandum sine materia sensibili; et aliquis vult esse Abbas sine hoc quod sit monachus. Etsi ergo malum conjungatur alicui bono, non tamen oportet (ut videtur) quod feratur in malum ex hoc quod feratur in bonum cui conjungitur malum.

4. Præterea, denominatio non fit ab eo quod est secundum accidens, sed ab eo quod per se competit rei; quia secundum hoc de re iudicatur. Sed aliquis ex hoc quod vult aliquid secundum se, non dicitur velle illud quod est ei adjunctum, nisi per accidens; sicut qui amat vinum propter dulce, non amat vinum nisi per accidens; et sic qui vult aliquid bonum cui conjungitur malum, non vult illud malum nisi per accidens. Non ergo debet dici quod ex malitia peccet, quasi volens malum.

5. Præterea, quicumque peccat ex infirmitate, habet voluntatem mali quod conjungitur alicui bono. Si ergo ob hoc dicitur aliquis ex malitia peccare, sequitur etiam quod ille qui ex infirmitate peccat, ex malitia peccet: quod patet esse falsum.

6. Sed dicendum, quod voluntas ejus qui ex malitia peccat, ex se nititur in malum modo prædicto; non autem voluntas ejus qui peccat ex infirmitate, sed quasi mota ex passione. — Sed contra, ex se moveri ad aliquid, est secundum suam formam et naturam inclinari in illud, sicut grave ex se movetur deorsum. Sed voluntas ex sua forma et natura non tendit in malum; sed magis in bonum. Ergo voluntas non potest ex se tendere in malum; et sic nullus ex malitia peccabit.

7. Præterea, quia voluntas ex se tendit in bonum secundum

communem rationem boni, oportet quod in differentias boni tendat ex alio determinate inclinata. Sunt autem differentie boni, bonum verum, et bonum apparens. In verum autem bonum tendit voluntas ex iudicio rationis. Ergo in apparens bonum, cui coniungitur malum, non tendit ex se, sed ex aliquo alio inclinata. Nullus ergo ex malitia peccat.

8. Præterea, malitia quandoque sumitur pro culpa, secundum quod opponitur virtuti; quandoque vero sumitur pro pena, secundum quod Beda dicit quatuor esse contracta ex peccato, ignorantiam, infirmitatem, malitiam et concupiscentiam. Sed non potest dici aliquis ex malitia peccare si accipiatur malitia pro culpa, quia si idem esset causa sui ipsius, scilicet malitia malitiæ; neque iterum secundum quod sumitur pro pena, quia omnis pena pertinet ad rationem infirmitatis, et sic ex malitia peccare esset ex infirmitate peccare, quod est inconveniens. Nullus ergo ex malitia peccat.

9. Præterea, contingit interdum quod aliquis aliquid levissimum peccatum ex certa scientia committit, puta dicendo verbum otiosum, aut mendacium jocosum. Sed peccatum quod est ex malitia dicitur esse gravissimum. Non ergo peccare ex certa scientia, est peccare ex malitia.

10. Præterea, Dionysius dicit (v. cap. de div. Nomin.), quod bonum est principium et finis cuiuslibet actionis. Sed illud ex quo aliquis peccat, vel est principium interius inclinans ad peccandum, sicut habitus vel passio, aut aliquid huiusmodi; vel est finis intentus. Nullus ergo ex malitia peccat.

11. Præterea, si aliquis ex malitia peccat, maxime hoc videtur de eo qui eligit peccare. Sed secundum Damascenum (lib. II, cap. xxvii), omne peccatum est ex electione. Ergo omne peccatum esset ex malitia.

12. Præterea, malitia opponitur virtuti; et ita cum virtus sit habitus, malitia etiam est habitus; quia contraria sunt in eodem genere. Aliqui autem habitus virtutum sunt in irascibili et concupiscibili, sicut de temperantia et fortitudine Philosophus dicit (in III Ethic., cap. x), quod sunt irrationabilium partium. Harum autem potentiarum anime non est eligere, sed liberi arbitrii. Peccatum ergo quod ex electione committitur, non debet dici ex malitia procedere.

13. Præterea, ille qui ex malitia peccat, videtur hoc ipsum velle quod est peccare et malum operari. Sed hoc non potest contingere, quia synderesis nunquam extinguitur, que semper renunciat malo. Nullus ergo ex malitia peccat.

1. Sed contra est quod dicitur Job, xxxiv, 27: *Quasi de industria recesserunt a Deo; et vias ejus intelligere noverunt.* Sed recessere a Deo est peccare. Ergo aliqui de industria peccant, quod est ex malitia peccare.

2. Præterea, Augustinus dicit (in libro II Confess., cap.

vi), quod cum furaretur poma, non ipsa poma, sed defectum suum amabat, scilicet ipsum furtum. Sed amare ipsum malum, est ex malitia peccare. Ergo aliquis ex malitia peccat.

3. Præterea, invidia est malitia quedam. Sed aliqui ex invidia peccant. Ergo aliqui peccant ex malitia.

Respondet dicendum, quod, sicut Philosophus dicit (in III Ethic., cap. i), aliqui posuerunt, quod nullus voluntarie est malus; contra quos Philosophus ibidem dicit, quod irrationabile est dicere, quod aliquis velit adulterium committere, et non velit esse injustus. Cujus ratio est quia voluntarium dicitur aliquid non solum si voluntas feratur in illud primo et per se sicut in finem, sed etiam si feratur in illud ut ad finem: sicut etiam infirmus non solum vult consequi sanitatem, sed etiam vult bibere medicinam amaram, quam alias nolle, ad hoc ut sanitatem consequatur; et similiter mercator projicit merces in mari voluntarie, ne depercat navis. Si ergo contingat quod aliquis intantum velit aliquam delectationem frui, puta adulterio vel quocunque lejusmodi appetibili, ut non refugiat incurrere deformitatem peccati, quam percipit esse conjunctam ei quod vult, non solum dicitur velle illud bonum quod principaliter vult, sed etiam ipsam deformitatem, quam pati eligit, ne bono cupito privetur; unde adulter et delectationem vult quidem principaliter, et secundario vult deformitatem, sicut ponit Augustinus exemplum, in lib. II de sermone Domini in monte, cap. xxii, quod aliquis propter amorem alienius ancille voluntarie sustinet ditam servitutinem domini ejus. Sed ad hoc quod aliquis intantum velit aliquod bonum commutabile, quod non refugiat averi in bono incommutabili, potest contingere dupliciter; uno modo ex eo quod nescit illi bono commutabili talem aversionem esse conjunctam; et tunc dicitur ex ignorantia peccare; alio modo ex aliquo interius inclinante voluntatem in bonum illud. Invenitur autem aliquid in alterum inclinari dupliciter; uno modo quasi ab alio passum, sicut cum lapis projicitur sursum; alio modo pro formam propriam; et tunc ex seipso inclinatur in illud, sicut cum lapis cadit deorsum. Et similiter voluntas inclinatur in bonum commutabile, cui adjungitur deformitas peccati; quandoque quidem ex aliqua passione, et tunc dicitur ex infirmitate peccari, sicut supra dictum est; aliquando autem ex aliquo habitu, quando per consuetudinem inclinari in tale bonum, est ei jam versus quasi in habitum et naturam; et tunc ex proprio motu absque aliqua passione inclinatur ad illud; et hoc est peccare ex electione, sive ex industria, aut certa scientia, aut etiam ex malitia.

AD PRIMUM ergo dicendum, quod nullus operans intendit ad malum quasi principaliter volitum; sed tamen ex consequenti fit alicui ipsum malum voluntarium, dum non refugit

incurrere in malum: ad hoc quod perficitur bono concupito.

Ad secundum dicendum, quod voluntas semper fertur principaliter in bonum aliquod: et ex vehementi motu in aliquod bonum contingit quod sustineatur malum quod est illi bono conjunctum.

Ad tertium dicendum, quod aliquando contingit voluntatem ferri in aliquod bonum cui conjungitur malum, et tamen non fertur in malum illud, sicut si aliquis appeteret delectationem quæ est in adulterio, et tamen refugeret (1) adulterii deformitatem et ex hoc etiam delectationem abjiceret; sed aliquando contingit quod aliquis propter delectationem etiam voluntarie incurrit deformitatem culpæ.

Ad quartum dicendum, quod illud quod conjungitur bono principaliter desiderato, si sit improvisum et ignotum, non est vultum nisi per accidens: sicut cum aliquis ex ignorantia peccans vult aliquid quod nescit esse peccatum, quod tamen in rei veritate peccatum est; talis enim non vult malum nisi per accidens. Sed si sciat illud esse malum, jam ex consequenti illud malum vult, ut dictum est, et non solum per accidens.

Ad quintum dicendum, quod cum dicitur aliquis peccare ex aliquo, datur intelligi quod illud sit primum principium peccati. In eo autem qui peccat ex infirmitate, voluntas mali non est primum principium peccati, sed causatur ex passione: sed in eo qui peccat (2) ex malitia, voluntas mali est primum principium peccati, quia ex seipso et per habitum proprium inclinatur in voluntatem mali, non ex aliquo exteriori principio.

Ad sextum dicendum, quod forma per quam peccans operatur, non solum est ipsa potentia voluntatis, sed habitus qui interior inclinatur per modum cujusdam nature.

Et per hoc patet solutio ad septimum.

Ad octavum dicendum quod cum dicitur aliquis ex malitia peccare, malitia potest ibi sumi vel pro habitu qui opponitur virtuti, vel pro culpa, secundum quod interior voluntatis actus seu electio dicitur culpa, et est causa interioris actus; unde non sequitur quod idem sit causa sui ipsius.

Ad nonum dicendum, quod malitia opponitur virtuti, quæ est bona qualitas mentis; peccatum autem veniale non est contrarium virtuti; unde si aliquis de industria peccatum veniale committit, non est ex malitia.

Ad decimum dicendum, quod bonum est principium et finis actionis primo et principaliter; sed secundario et consequenter etiam malum potest esse vultum, ut dictum est, in corp. art.

Ad undecimum dicendum, quod etiam in peccato infirmitatis potest esse electio; quæ tamen non est primum principium

(1) Al. refugit. — (2) Al. peccato.

peccandi, cum causetur ex passione; et ideo non dicitur talis ex electione peccare, quamvis eligens peccet.

Ad duodecimum dicendum, quod sicut passio in irascibili vel concupiscibili existens causat electionem in quantum ligat rationem ad momentum, ita habitus in his potentiis existens causat electionem, in quantum ligat rationem, non jam per modum passionis pertransientis, sed per modum forme immanentis.

Ad decimumtertium dicendum, quod ad synderesim pertinent universalia principia juris naturalis circa quæ nullus errat; sed ratio ligatur per passionem vel habitum in eo qui peccat quantum ad particularia eligibilia.

Ex vero quæ in contrarium obijciuntur licet verum concludant, tamen in secundo argumento considerandum est, quod cum Augustinus dicit, quod ipsum defectum amavit, non poena quæ furabatur, non est sic intelligendum, quasi defectus ipse vel deformitas culpæ possit esse primo et per se vultia; sed primo et per se vultum erat vel gerere morem alius, vel experientiam habere alicuius, vel facere aliquid improbitate, aut aliquid hujusmodi. In tertio vero argumento notandum est, quod non omne peccatum quod ex alio peccato causatur, potest dici ex malitia esse commissum; quia potest esse quod illud primum peccatum, quod est causa alterius, sit commissum ex infirmitate vel passione. Ad hoc autem quod aliquis ex malitia peccet, oportet quod malitia sit primum peccandi principium, ut dictum est.

ARTICULUS XIII. — *Utrum ille qui peccat ex malitia, gravius peccet quam ille qui peccat ex infirmitate.* (I-II part. quæst. LXXVIII, art. 4.)

Tertiodecimo queritur, utrum ille qui peccat ex malitia, gravius peccet quam ille qui peccat ex infirmitate. Et videtur quod non. Dicitur enim Apocal. iii, 15: *Utinam calidus esses, aut frigidus. Sed quia tepidus es, incipiam te vomere ex ore meo.* Calidus enim videtur esse qui bonum operatur; tepidus autem qui ex infirmitate peccat, sicut incontinens; omnino autem frigidus qui ex malitia peccat, sicut intemperatus. Ergo periculosus est ex infirmitate quam ex malitia peccare.

2. Præterea, Eccl. xlii, 11, dicitur: *Melior est iniquitas viri quam malitia bene faciens;* quod a quibusdam sic intelligitur, ut per virum intelligatur aliquis strenuus ad aliquid fortiter operandum, per mulierem autem aliquis remissus et tepidus in operando. Primum autem videtur competere intemperato, qui ex malitia operatur, ut dictum est; secundum autem incontinenti, qui peccat ex infirmitate. Ergo pejus est ex infirmitate quam ex malitia peccare.

3. Præterea, in collationibus Patrum (collat. iv, et est

Abbas Danielis, cap. XIX) dicitur quod facilius ad fervorem perfectionis pervenit peccator quam monachus remissus et tepidus. Sed peccator maxime est qui ex malitia operatur, remissus autem est aliquis qui infirmatur in operando. Ergo pejor est ex infirmitate peccare quam ex malitia.

4. Præterea, ille periculosissime infirmatur cui nec cibis nec medicina quæ alios juvat potest prodesse. Sed incontinenti qui ex infirmitate peccat non prosunt neque scientia neque bonum propositum, quia avertitur per passionem. Ergo periculosissime peccat.

5. Præterea, quanto aliquis majori passione impellitur ad peccandum, tanto levius peccat. Sed major est impulsio quæ est per habitum, quam quæ est, per passionem. Ergo minus peccat ille qui ex habitu inclinatur ad peccandum, qui dicitur ex malitia peccare, ut dicitur est, quam qui inclinatur ex passione, qui dicitur ex infirmitate peccare.

6. Præterea, ille qui peccat ex malitia movetur ad malum ex forma sibi inherente, quæ movet per modum nature. Quod autem naturaliter movetur ad aliquid, ex necessitate movetur ad illud, et non voluntarie. Ergo ille qui peccat ex malitia certa, non peccat voluntarie; ergo vel nihil vel minimum peccat.

Sed contra, illud quod inclinatur ad misericordiam, alleviat peccatum. Sed infirmitas inclinatur ad misericordiam, secundum illud Psal. cx, 13: *Miseretur est Dominus timentibus se, quantum ipse cognovit signentium nostrum.* Ergo peccatum ex infirmitate est levius quam peccatum quod committitur ex malitia.

Respondetur dicendum, quod peccatum ex malitia commissum, ceteris paribus, est gravius peccato quod committitur ex infirmitate: cuius ratio ex tribus apparet. Primo quidem, quia cum voluntarium dicitur cuius principium est in ipso, quanto magis principium actus est in ipso agente, tanto magis est voluntarium, et per consequens tanto magis est peccatum, si actus sit malus. Manifestum est autem ex premissis, art. 9 et 10, quod cum aliquis ex passione peccat, principium peccati est passio quæ est in appetitu sensitivo, et sic huiusmodi principium est extrinsecum a voluntate; sed quando peccat ex habitu (quod est ex malitia peccare), tunc voluntas per se ipsam tendit in actum peccati, quasi iam totaliter inclinata ex habitu per modum naturalis inclinationis in actum peccati; unde peccatum est magis voluntarium, et per consequens gravius. Secundo, quia in eo qui peccat ex infirmitate sen ex passione, voluntas inclinatur ad actum peccati quando passio durat; sed statim abeunte passione, quæ cito transit, voluntas recedit ab illa inclinatione, et redit ad propositum bonum, ponens de peccato commissio; sed in eo qui peccat ex malitia voluntas inclinatur in actum peccati manente habitu, qui non

transit, sed perseverat, ut forma quedam iam immanens et connaturalis facta. Unde qui sic peccat, perseverat in voluntate peccandi, et non de facili posuit; et ideo Philosophus (in VII Ethic., cap. viii), intemperatum comparat ei qui continue ab infirmitate gravatur, puta physico vel hydropeico; incontinentem autem ei qui certis temporibus affligitur et non continue; sicut epileptico. Et sic manifestum est quod gravius et periculosius peccat qui peccat ex malitia, quam qui peccat ex infirmitate. Tertio, quia ille qui peccat ex infirmitate, habet voluntatem ordinatam in bonum finem; bonum enim proponit et querit, sed interdum recedit a proposito propter passionem; sed ille qui peccat ex malitia, habet voluntatem ordinatam in malum finem; habet enim firmatum propositum ad peccandum. Manifestum est autem quod finis in appetibilibus et operabilibus se habet sicut principium in speculativis, ut Philosophus dicit (in II Physic., com. viii). Ille autem gravissime ignorat et periculosissime qui errat circa principia, quia talis non potest reduci per aliqua principia priora. Ille autem qui errat tantum circa conclusiones, potest reduci per principia, in quibus non errat. Sic ergo gravissime et periculose peccat qui peccat ex malitia, et non potest de facili revocari, sicut revocatur ille qui peccat ex infirmitate, in quo ad minus manet bonum propositum.

Ad primum ergo dicendum, quod frigidus ibi vocatur infidelis, qui aliquam excusationem habet ex hoc quod per ignorantiam peccat, secundum illud Apostoli, I Tim., 1, 13: *Misericordiam consecutus sum quia ignorans feci in incredulitate mea.* Tepidus autem vocatur christianus peccator, qui in eodem genere peccati gravius peccat; secundum illud Apostoli ad Hebr., x, 29: *Quanto pudatis deteriora mereri supplicia qui... sanguinem testamenti pollutum duxerit?* etc. Unde auctoritas illa non est ad propositum.

Ad secundum dicendum, quod secundum Glossam (ordinar.) vir ibi dicitur aliquis discretus et strenuus, qui etsi aliquando peccat, tamen ex ipso peccato sumit occasionem boni puta humilitatis et majoris cautelæ; mulier autem ibi dicitur aliqua indiscretus, qui ex bono quod facit, sumit occasionem sui periculi, dum ex eo per superbiam deicitur. Vel potest dici secundum litteralem sensum, quod *melior est iniquitas viri, id est vir iniquus, ad commorandum, quam mulier beneficiens.* Facilius enim homo precipitaretur in peccatum ex familiaris conversatione cum bona muliere quam cum malo viro. Et hoc patet per hoc quod præmittitur: *In medio mulierum noli commorari, et per illud quod sequitur: Et mulier confundens in opprobrium.* Unde hoc non (1) est ad propositum.

Ad tertium dicendum, quod ille qui est remissus in bene-

(1) *Et, dicitur bon.*

faciendo, incomparabiliter melior est quam ille qui malum facit; et ex hoc ipso contingit quod peccator considerans malum suum, quandoque vehementer ita contra illud movetur quod ad fervorem perfectionis proficit: sed ille qui operatur bonum licet remisse, non habet aliquid quod multum horrere debeat; unde magis quiescit in statu suo, et non ita de facili transferitur ad meliora.

AD QUARTUM dicendum, quod ille qui peccat ex infirmitate, licet dum peccat non juvetur ex scientia et bono proposito, tamen de facili potest postmodum juvari paulatim consuescendo, et resistere potest passioni: sed ille qui peccat ex malitia difficile reducitur, sicut ille etiam qui errat circa principia, ut dictum est, in corp. art.

AD QUINTUM dicendum, quod impulsio que est ex passione, diminuit peccatum, quia est quasi ex exteriori; impulsio autem que est ex voluntate, auget peccatum. Quanto enim motus voluntatis est vehementior ad peccandum, tanto gravior peccat. Habitus autem facit motum voluntatis vehementiorem; et ideo ille qui peccat ex habita, gravior peccat.

AD SEXTUM dicendum, quod habitus virtutis vel vitii est forma anime rationalis. Omnis autem forma est in aliquo secundum modum recipientis. De natura autem rationalis creature est quod sit arbitrio libera; nam habitus virtutis vel vitii non inclinat voluntatem ex necessitate, sic quod aliquis non possit contra rationem habitus operari; sed difficile est operari contra id ad quod habitus inclinat.

ARTICULUS XIV. — *Utrum omne peccatum ex malitia sit peccatum in spiritum sanctum.* (II-II part., quest. xiv, art. 1.)

Quartodecimo queritur, utrum omne peccatum ex malitia, sit peccatum in Spiritum sanctum. Et videtur quod non. Peccatum enim in Spiritum sanctum est peccatum oris, ut patet per id quod dicitur Matth., xii, 31: *Qui dixerit contra Spiritum sanctum verbum, non remittetur ei neque in hoc seculo neque in futuro.* Peccatum autem ex malitia potest esse cordis et operis. Ergo non omne peccatum ex malitia est peccatum in Spiritum sanctum.

2. Præterea, peccatum in Spiritum sanctum est speciale genus peccati, habet enim determinatas species, ut patet per Magistrum (XIII dist. II lib. Sententiarum), scilicet obstinationem, desperationem, et injusmodi. Sed peccatum ex malitia non est speciale genus peccati: contingit enim secundum quodlibet genus peccati peccare ex malitia sicut ex infirmitate et ex ignorantia. Ergo non omne peccatum ex malitia est peccatum in Spiritum sanctum.

3. Præterea, peccatum in Spiritum sanctum est peccatum blasphemie, ut patet per id quod habetur Lucæ, xi, 19: *Ei*

*autem qui in Spiritum sanctum blasphemaverit, non remittetur.* Sed blasphemia est quoddam speciale peccatum. Cum ergo peccatum ex certa malitia non sit speciale peccatum, quia invenitur in quolibet genere peccati, videtur quod non omne peccatum ex malitia sit peccatum in Spiritum sanctum.

4. Præterea, peccatum ex malitia dicitur cui complacet (1) malitia propter se, sicut piis placet bonitas propter se; ut Magister dicit (XIII dist. II lib. Sentent.). Sed ex hoc quod alicui placet virtus propter se, non constituitur aliqua determinata species virtutis. Ergo nec ex hoc quod alicui placet malitia propter se constituitur aliqua determinata species peccati; et sic cum peccatum in Spiritum sanctum sit determinata species peccati, videtur quod non omne peccatum quod est ex malitia, sit peccatum in Spiritum sanctum.

7. Præterea, Augustinus dicit ad Bonifacium comitem (epist. 50 non remote a fin.), quod omne peccatum, quocumque modo homo se alienaverit a Deo usque ad finem vite sue, est peccatum in Spiritum sanctum. Sed hoc contingit de peccato etiam quod est ex infirmitate et ignorantia. Ergo non est idem peccare in Spiritum sanctum, et peccare ex malitia.

6. Præterea, Magister dicit (in II Sentent., dist. XLII), quod illi peccant in Spiritum sanctum qui putant suam malitiam exsuperare bonitatem divinam. Sed qui sic putant, errant, et omnes errantes ignorant. Ergo videtur quod peccatum in Spiritum sanctum magis sit peccatum ignorantie quam infirmitatis.

7. Præterea, aliquis dicitur peccare ex aliquo dupliciter: uno modo sicut ex potentia vel habita, aut dispositione elicente actum; alio modo sicut ex fine movente. Sed non potest dici quod peccans in Spiritum sanctum peccet ex malitia sicut ex habitu vel dispositione elicente actum, quin sic omne peccatum esset in Spiritum sanctum; nec iterum sicut ex fine movente; quia malitia, in quantum est malitia, non potest esse finis movens; nullum enim intendens ad malum operatur, ut Dionysius dicit (iv cap. de div. Nom.). Si autem malitia dicitur movens propter bonum apparens cui conjungitur, sic omne peccatum esset ex malitia, quia in omni peccato est movens aliquid bonum apparens, quod est conjunctum malo. Non ergo peccatum in Spiritum sanctum est idem quod peccatum ex malitia.

8. Præterea, duplex est malitia; scilicet malitia contracta, prout Beda ponit eam unum de quatuor que consequuntur ex peccato primi parentis: est etiam malitia acta, que est peccatum actuale. Sed peccatum in Spiritum sanctum non potest dici peccatum ex malitia contracta; quia malitia contracta ad defectum et infirmitatem nature pertinet; et sic peccatum in Spiritum sanctum esset peccatum ex infirmitate; neque etiam ex malitia acta; quia sic oporteret quod ante peccatum in Spiritum san-

(1) *Fortè cum placet; vel peccare ex malitia dicitur cui, etc.*

ctum semper præcederet peccatum aliquod actuale; quod non est verum in omni specie peccati in Spiritum sanctum. Non ergo peccatum in Spiritum sanctum est peccatum ex malitia.

9. Præterea, peccatum in Spiritum sanctum dicitur a Magistro quod non facile remittitur. Sed hoc convenit cuilibet peccato quod procedit ex habitu. Dicit enim Augustinus in lib. Confess. (VIII. cap. III), quod ex perversa voluntate sequitur libido, ex libidine consuetudo peccandi, ex consuetudine necessitas. Ergo omne peccatum quod est ex habitu, etiam si non sit ex malitia, sed ex infirmitate vel ignorantia, est peccatum in Spiritum sanctum; nam habitus vitiosus ex consuetudine canstritur. Non ergo idem est peccare in Spiritum sanctum, et peccare ex malitia.

Sed contra est quod Magister dicit (XLI. dist. II libri Sententiarum), quod ille in Spiritum sanctum peccat cui malitia propter seipsam placet. Sed talis dicitur peccare ex malitia. Ergo idem est peccare ex malitia, et peccare in Spiritum sanctum.

Præterea, sicut Patri appropriatur potentia et Filio sapientia, ita Spiritui sancto appropriatur bonitas. Sed ille qui peccat ex infirmitate, quæ opponitur potentia, dicitur peccare in Patrem; et ille qui peccat ex ignorantia, quæ opponitur sapientia, dicitur peccare in Filium. Ergo ille qui peccat ex malitia, quæ opponitur bonitati, dicitur peccare in Spiritum sanctum.

Respondetur dicendum, quod de peccato in Spiritum sanctum multipliciter aliqui sunt locuti. Nam sancti Doctores qui fuerunt ante Augustinum, scilicet Hilarius, Ambrosius, Hieronymus et Chrysostomus, dixerunt, quod peccatum in Spiritum sanctum dicitur, cum aliquis Spiritum sanctum blasphemat; sive Spiritus sanctus accipitur essentialiter, prout tota Trinitas potest dici etiam Spiritus sanctus; sive accipitur personaliter, secundum quod est tertius in Trinitate persona. Et hoc satis consonare videtur litteræ Evangelii, unde hæc questio sumit originem. Nam cum Pharisei dicerent Christum in Beelzebub eijcere demonia, et divinitatem Christi et Spiritum sanctum per quem Christus operabatur, blasphemabant, attribuentes principi demoniorum quod Christus virtute suæ divinitatis aut per Spiritum sanctum operabatur. Unde et peccato in Spiritum sanctum in Evangelio contraponitur peccatum quod est in Filium, id est quod est in humanitatem Christi. Sed quia dicitur quod peccatum in Spiritum sanctum non remittitur neque in hoc sæculo neque in futuro, sequi videtur quod quicumque blasphemat Spiritum sanctum vel divinitatem Christi, nunquam sui peccati remissionem habere possit, ut Augustinus objicit (in lib. de verb. Domini, serm. XI), cum tamen Judeis et hæreticis blasphemantibus divinitatem Christi et Spiritum

sanctum, non denegetur baptismus, in quo datur remissio peccatorum. Et ideo Augustinus (in lib. I de sermone Domini in monte, cap. XLIV), peccatum in Spiritum sanctum videtur restringere ad eos qui post agnitam veritatem et sacramentorum susceptionem, blasphemant Spiritum sanctum non solum verbo, ut infideles, blasphemando ipsam personam Spiritus sancti; sed etiam vel corde invidentes veritati et gratiæ quæ est a Spiritu sancto, vel etiam opere impugnant. Nec obstat quod Pharisei, quibus Dominus talia loquebatur, infideles erant, nondum fidei sacramentis imbuti; quia Dominus non intendebat dicere quod ipsi adhuc peccarent in Spiritum sanctum irremissibiliter, cum ipse subdat: *Aut facite arborem bonam et fructum ejus bonum, etc.*, sed intendebat eos monere ne blasphemando sicut faciebant, ad gradum irremissibilis peccati quandoque pervenirent. Sed contra hoc iterum objicit Augustinus (in lib. de verb. Domini, serm. XI), quia Dominus non dicit quod ei qui peccaverit in Spiritum sanctum, non fiat remissio in baptisate; sed quod non fiat remissio in hoc sæculo vel futuro, quocumque modo. Unde hoc peccatum non videtur magis pertinere ad baptizatos quam ad alios; cum tamen nulli peccanti, si penituerit, in Ecclesia penitentia denegetur. Et ideo hæc sententiam retractat in lib. Retractionum (I, cap. XIX), addens quod tunc solum impugnat agnitæ veritatis et invidens fraternæ gratiæ dicitur peccare in Spiritum sanctum, quando in hoc perseverat usque ad mortem. Et ad hujus evidentiam considerandum, quod ipse circa hoc dicit in lib. de verb. Domini; dicit enim ibi, attendendum esse quod non omne quod indefinitè in sacra Scriptura proponitur, est universaliter accipiendum; sicut quod dicitur Joan. xv, 22: *Si non venissem et locutus eis non fuissen, peccatum non haberent*, non est sic intelligendum quasi nullum peccatum haberent, sed quia non haberent aliquod unum peccatum, quod commiserunt contemnendo prædicationem et miracula Christi. Sic ergo cum dicitur: *Qui dixerit verbum contra Spiritum sanctum, determinate; et similiter quod dicitur in Marco et Luca: Qui blasphemaverit in Spiritum sanctum, etc.*, intelligendum est qui aliquo determinato modo blasphemaverit. Est autem attendendum, quod verbum contra Spiritum sanctum dicitur non solum ore, sed etiam corde et opere; et quod multa verba ad idem pertinentia unum verbum dicuntur, sicut frequenter legitur in Prophetis: Verbum quod locutus est Dominus ad Isaiam et Hieremiam. Manifestum est autem quod Spiritus sanctus caritas est; per caritatem autem fit remissio peccatorum in Ecclesia; et ideo remissio peccatorum est affectus appropriatus Spiritui sancto, secundum illud Joan. xx, 22: *Accipite Spiritum sanctum; quorum remiseritis peccata, remittuntur eis*. Ille ergo dicitur loqui verbum irremissibile in Spiritum sanctum qui corde et

ore et opere sic remissioni peccatorum repugnat, ut in peccato perseveret usque ad mortem. Et ideo, secundum Augustinum (in serm. II de verbis Domini) impenitentia perseverans usque ad mortem, est peccatum in Spiritum sanctum. Sicut autem remissio peccatorum appropriatur Spiritui sancto, ita et bonitas. Unde Magistri sequentes aliquo modo Augustinum, dixerunt, quod ille dicit verbum et blasphemiam in Spiritum sanctum qui peccat ex malitia, qua contrariatur bonitati et Spiritui sancto. Sic ergo si loquamur de peccato in Spiritum sanctum secundum sententiam antiquorum sanctorum, vel etiam sententiam Augustini, non omne peccatum ex malitia est peccatum in Spiritum sanctum, sicut ex dictis potest esse manifestum. Si autem loquamur secundum dicta magistralia, quae non sunt contemnenda, sic dici potest, quod proprie loquendo de peccato in Spiritum sanctum, non omne peccatum ex malitia est peccatum in Spiritum sanctum. Ille enim ex malitia peccare dicitur, ut supra dictum est, cujus voluntas per se inclinatur in bonum aliquid quod habet malitiam annexam; quod quidem contingit dupliciter. Nam et in rebus naturalibus dupliciter aliquid movetur: vel propter inclinationem, sicut grave deorsum; vel propter remotionem prohibentis, sicut aqua effunditur fracto vase. Sic ergo voluntas quandoque fertur per se in huiusmodi bonum ex propria inclinatione habitus acquisiti; quandoque vero ex remotione ejus quod prohibebat a peccato, sicut spes et timor Dei, et alia dona Spiritus sancti, quibus homo retrahitur a peccato. Unde proprie ille peccat in Spiritum sanctum cujus voluntas ex hoc tendit in peccatum, quia abijcit huiusmodi Spiritus sancti retinacula; propter quod et desperatio et praesumptio et obstinatio et huiusmodi ponuntur species peccati in Spiritum sanctum, ut patet per Magistrum (XLIII dist. II Sententiarum). Largo tamen loquendo etiam ille qui ex inclinatione habitus peccat, potest dici peccare in Spiritum sanctum, quia etiam ipse ex consequenti renititur bonitati Spiritus sancti.

AN PRIMUM ergo dicendum, quod secundum sententiam antiquorum sanctorum patrum, peccatum in Spiritum sanctum est peccatum verbi, quo quis contra Spiritum sanctum blasphemat; secundum vero alias opiniones oportet dicere quod etiam est quoddam verbum et cordis et operis, quia et corde et opere aliquid dicimus, secundum illud I Corin. II, 3: *Nemo potest dicere, Dominus Jesus, nisi in Spiritu sancto, id est corde, ore et opere, ut Glossa ibidem exponit.*

AD SECUNDUM dicendum, quod secundum expositionem antiquorum sanctorum, et etiam secundum expositionem magistralem, peccatum in Spiritum sanctum potest dici speciale genus peccati; dum tamen peccatum ex malitia accipitur proprie secundum quod aliquis peccat ex hoc quod abijcit beneficia

Spiritus sancti, quibus retrahitur a peccato. Sed si accipiatur peccatum ex malitia secundum quod est ex inclinatione habitus, sic non est speciale genus peccati, sed quaedam peccati circumstantia, quae potest in quolibet genere peccati inveniri. Et similiter etiam est dicendum, si peccatum in Spiritum sanctum sit finalis impenitentia, secundum expositionem Augustini (serm. XI de verb. Dom.).

AD TERTIUM dicendum, quod blasphemiam in Spiritum sanctum, secundum antiquos sanctos, accipitur prout est speciale peccatum oris; sed secundum Augustinum et Magistros continetur sub blasphemiam omnis repugnatio ad dona Spiritus sancti, sive fiat corde, sive ore, sive opere.

AD QUARTUM dicendum, quod si alicui virtus complaceret propter se propter considerationem alicujus superioris momenti, ex hoc sequeretur ratio specialis virtutis; sicut si aliquis delectaretur in castitate propter amorem Dei, hoc pertineret ad virtutem castitatis; et similiter etiam si alicui complaceret malitia propter contemptum spei vel timoris, hoc pertinet ad rationem specialium peccatorum, scilicet desperationis et praesumptionis, quae sunt species peccati in Spiritum sanctum.

AD QUINTUM dicendum, quod ratio illa procedit secundum intentionem Augustini; sic autem peccatum in Spiritum sanctum non est speciale genus peccati.

AD SEXTUM dicendum, quod desperatus, qui dicitur peccare in Spiritum sanctum, putat suam malitiam exsuperare bonitatem divinam, non quantum ad opinionem, sic enim peccaret peccato infidelitatis, sed quia se habet ad modum ita putantis, in quantum ex consideratione suorum scelerum de divina bonitate diffidit.

AD SEPTIMUM dicendum, quod, sicut supra, art. 12 et 13, dictum est, aliquis potest dici ex malitia peccare uno quidem modo sicut ex habitu inclinante, secundum quod malitia dicitur habitus virtuti oppositus. Nec verum est quod quicumque peccat hoc modo, ex malitia peccet; non enim quicumque iniuste agit, jam habet habitum iniustitiae; cum homo ex iniustis operationibus ad habitum iniustitiae perveniat, ut dicitur in II Ethicorum (cap. XIV). Alio modo potest intelligi quod aliquis ex malitia peccat, quia vult bonum cui conjungitur malum, nec inclinatur ad illud ex aliqua passione vel ignorantia; et sic etiam manifestum est quod non omnis peccans, ex malitia peccat.

AD OCTAVUM dicendum, quod malitia contracta dicitur quaedam pronitas quae ex corruptione fomitis nobis inest ad mala agenda; et sic non accipitur malitia cum dicitur aliquis ex malitia peccare; sed accipitur malitia pro malitia acta, secundum quod ipsa interior electio dicitur malitia; et sic intelligendum est quod semper cum aliquis peccat ex malitia, est interior



actus peccati qui dicitur malitia, ex qua procedit exterior actus peccati.

AD NOVUM dicendum, quod peccatum quod fit ex inclinatione habitus, habet quidem aliquam rationem ut possit dici peccatum in Spiritum sanctum; sed et aliis modis peccatum in Spiritum sanctum accipi potest, ut dictum est in corp. art.

ARTICULUS XV. — *Utrum peccatum in Spiritum sanctum possit remitti.* (II-II part., quest. xiv, art. 3.)

Quinto decimo queritur, utrum peccatum in Spiritum sanctum possit remitti. Et videtur quod non. Dicitur enim Matth., xii, 31, quod *qui dixerit verbum contra Spiritum sanctum, non remittetur ei neque in hoc seculo neque in futuro.* Ergo peccatum in Spiritum sanctum nunquam remittitur.

2. Sed dicendum, quod dicitur non remitti, quia de difficili remittitur. — Sed contra est quod dicitur Marc., iii, 29: *Qui blasphemaverit in Spiritum sanctum, non habet remissionem in aeternum, sed reus erit aeterni delicti.* Non autem est reus aeterni delicti, cuius peccatum dimittitur. Ergo peccatum in Spiritum sanctum nullo modo remittitur.

3. Præterea, pro omni peccato quod dimittitur, est orandum. Sed pro peccato in Spiritum sanctum non est orandum; dicitur enim I Joan., ult., 16: *Est peccatum, ad mortem; non pro eo dico ut oret quis.* Ergo peccatum in Spiritum sanctum nullo modo remitti potest.

1. Præterea, Augustinus dicit in lib. de serm. Domini in monte (I, cap. xlii, paulo a princ.), quod tanta est labes huius peccati, quod humilitatem deprecandi subire non potest. Sed cum initium peccati sit superbia, ut dicitur Ecolo., xi, nulum peccatum potest sanari nisi per humilitatem; quia contraria contrariis curantur. Ergo peccatum in Spiritum sanctum non potest remitti.

5. Præterea, Augustinus dicit in lib. LXXXIII Questionum, quest. xxvi, quod peccata imbecillitatis et ignorantie sunt venialia, non autem peccatum malitia. Sed dicuntur venialia, quia sunt remissibilia. Ergo peccatum ex malitia, quod est in Spiritum sanctum, non est remissibile.

Sed contra est quod dicitur Matth., xii, 31, quod *omne peccatum et blasphemiam remittetur hominibus.*

Præterea, nullus peccat ex eo quod non sperat se posse prosequi quod est impossibile. Si ergo impossibile esset aliquod peccatum remitti, desperans de remissione illius peccati non peccaret; quod patet esse falsum.

Præterea, Augustinus dicit (serm. xi de verb. Dom., a med), quod de nemine desperandum est quamdiu est in via. Sed nulum peccatum transit hominem extra statum viae. Ergo de

nullo homine est desperandum, et sic omne peccatum est remissibile.

Respondeo dicendum, quod veritas huius questionis ex præmissis potest esse manifesta. Si enim accipiatur peccatum in Spiritum sanctum secundum conceptionem Augustini, sic planum est quod peccatum in Spiritum sanctum nullo modo remitti potest. Ex quo enim homo in peccato perseverat usque ad mortem etiam absque poenitentia, nullo modo peccatum ei remittitur, loquendo de peccatis mortalibus, secundum quas attenditur impoenitentia, quam Augustinus ponit (serm. 11 de verb. Dom.), esse peccatum in Spiritum sanctum. Sunt tamen aliqua peccata levia et venialia, quae remittuntur in futuro seculo, ut Gregorius dicit (IV Dialog., cap. xxxix). Secundum autem alias acceptiones peccatum in Spiritum sanctum non dicitur irremissibile quia videlicet nullo modo remittitur, sed quia remittitur difficile: et hoc dicitur duplici ratione. Primo quidem ex parte poenae, ut peccatum dicatur remissibile quod habet aliquam excusationem, ut minus debeat puniri, sicut calor dicitur remitti quando diminuitur; et hoc modo peccatum quod ex ignorantia vel infirmitate committitur, dicitur esse remissibile; quia ignorantia et infirmitas alleviant peccatum, non autem malitia. Similiter etiam aliquam excusationem habere videbantur qui contra Christi humanitatem blasphemabant, dicentes eum potatorem vini esse, quia ex infirmitate carnis ejus movebantur ad blasphemandum; sed illi qui blasphemant divinitatem Christi vel virtutem Spiritus sancti, nihil excusationis habent, quod eorum peccatum alleviet. Alio modo potest dici irremissibile quantum ad culpam. Ad cuius evidentiam considerandum est quod in rebus inferioribus dicitur aliquid impossibile per privationem potentiae activae inferioris, licet non excludatur potentia divina. Sicut si dicamus quod lazarum resurgere est impossibile, sublato vite principio creato; non tamen per hoc excludimus quod Deus eum resuscitaret non possit. In eo autem qui peccat in Spiritum sanctum, abiciuntur adminicula remissionis peccati, in quantum aliquis contemnit Spiritum sanctum et dona ejus, quibus in remissa peccatorum in Ecclesia; et similiter ille qui peccat ex malitia per infestationem habitus, habet ignorantiam debiti finis, per quem posset reduci ad bonum, ut supra, art. 12 et 13, dictum est. Et ideo secundum huiusmodi acceptiones peccatum in Spiritum sanctum dicitur irremissibile, quia sunt ablata illa remedia quibus homo juvatur ad remissionem peccati; non tamen est irremissibile si consideretur virtus divinae gratiae tamquam activum principium, et status liberi arbitrii nondum confirmati in malo, sicut principium materiale.

AD PRIMUM ergo dicendum, quod intellectus est: *Non remittitur in hoc seculo neque in futuro, diversimodo secundum*

sententiam Augustini et aliorum, sicut dictum est. Chrysostomus tamen (homil. XLIII in Math.), facilius se expedit referens ad hoc quod Judaei pro blasphemis in Christum illatis passuri erant poenam et in hoc saeculo per Romanos, et in futuro saeculo in damnatione inferni.

AD SECUNDUM dicendum, quod peccatum in Spiritum sanctum dicitur aeternum delictum, quia quantum est de se, aeternitatem habet; sed ex misericordia Dei finiri potest; sicut et caritas dicitur nunquam excedere, quantum est de se, licet quandoque excedat ex vitio peccantis.

AD TERTIUM dicendum, quod peccatum ad mortem potest intelligi quo aliquis usque ad mortem perseverat, et sic pro tali non est orandum, quia suffragia non prosunt damnatis, qui sine poenitentia decedunt. Si autem intelligatur peccatum ad mortem, id est quod ex malitia committitur, sic non prohibetur quin aliquis pro eo oret; sed non quicumque; quia non quicumque est tanti meriti ut orando ei gratiam impetrare possit; quia sanatio talium est quasi miraculosa; sicut si diceretur pro suscitatione mortui, non dico ut oret quis pro eo, id est quicumque, sed aliquis magis meriti apud Deum.

AD QUARTUM dicendum, quod verbum illud est intelligendum, quia tales de facili humiliari non possunt, non quod omnino non possint.

AD QUINTUM dicendum, quod veniale tripliciter dicitur. Uno modo ex genere, sicut verbum otiosum dicitur peccatum veniale. Alio modo ex eventu, sicut dicitur peccatum veniale motus concupiscentiae sine consensu. Tertio modo dicitur veniale ex causa, quia scilicet habet causam veniam, quae alleviat peccatum; et hoc modo intelligendum est quod peccatum imbecillitatis et aescientiae sunt venialia, non autem peccatum industriae sive malitia.

## QUESTIO IV

### DE PECCATO ORIGINALI

(In octo articulos divisa.)

Primo enim queritur, utrum aliquod peccatum ex origine contrahatur; 2<sup>o</sup> utrum peccatum originale sit concupiscentia; 3<sup>o</sup> utrum originale peccatum sit in carne, vel in anima, sicut in subjecto; 4<sup>o</sup> utrum peccatum originale per prius sit in potentia animae quam in essentia; 5<sup>o</sup> utrum prius sit in voluntate quam in aliis potentiis; 6<sup>o</sup> utrum derivetur in omnes qui seminaliter procedunt ab Adam; 7<sup>o</sup> utrum illi qui materialiter nascuntur ab

Adam, contrahant originale; 8<sup>o</sup> utrum peccata proximorum parentum transeant in posterios.

ARTICULUS PRIMUS. — *Utum peccatum aliquod ex origine contrahatur.* (I-II part., quest. LXXXI, art. 1.)

Quaestio est de peccato originali; et primo queritur, utrum aliquod peccatum ex origine contrahatur. Et videtur quod non. Dicitur enim Eccli., xv, 18: *Aule hominem vita et mors, bonum et malum: quodcumque voluerit, dabitur ei.* Ex quo potest accipi, quod peccatum, quod est spiritualis mors animae, in voluntate consistit. Sed nihil quod homo contrahit ex origine sua, consistit in ejus voluntate. Ergo nullum peccatum contrahit homo ex sua origine.

2. Praeterea, accidens non traducitur nisi per traductionem sui subjecti. Subjectum autem peccati est animus rationalis. Cum ergo anima rationalis non traducatur per originem, ut habetur in lib. de eccl. Dogmatibus (cap. XIV), videtur quod neque aliquod peccatum per originem contrahatur.

3. Sed dicendum, quod licet subjectum peccati non traducatur, traducitur tamen caro, quae est causa peccati. — Sed contra, ad traductionem accidentis non sufficit traditio ejus quod non est sufficiens causa; quia ea posita, non ponitur effectus. Sed caro non est sufficiens causa peccati; quia quantumcumque caro alliciat ad peccandum, in potestate tamen voluntatis est assentire vel non assentire; et sic ipsa voluntas est sufficiens causa peccati. Sed voluntas non traducitur. Ergo traditio carnis non sufficit ad traductionem alienius peccati.

4. Praeterea, peccatum, secundum quod nunc accipitur, est cui debetur poena et increpatio. Sed nulli defectui ex origine contracto debetur increpatio et poena; sicut enim dicit Philosophus (in III Ethic., cap. 1), si quis est caecus ex infirmitate, non increpatur; increpatur autem si sit caecus ex ebrietate. Ergo nullus defectus qui ex origine contrahitur, habet rationem peccati.

5. Praeterea, Augustinus (in I de lib. Arb., in princ.) distinguit duplex malum: unum quod agimus, quod est malum culpae; et aliud quod patimur, quod pertinet ad malum poenae. Sed omnis defectus qui est ex alio, habet rationem passionis; nam passio est effectus illationis actionis. Ergo nihil quod contrahitur per originem ex alio, habet rationem peccati, sed solum rationem poenae.

6. Praeterea, in lib. de ecclesiasticis Dogmatibus (cap. LXXVI), dicitur: *Bona est caro nostra, utpote a bono Deo creata.* Sed bonum non est causa mali, secundum illud Math., XVIII: *Non potest arbor bona fructus malos facere.* Ergo peccatum originale non contrahitur per carnis originem.

7. Praeterea, plus dependet anima a carne postquam ei est

sententiam Augustini et aliorum, sicut dictum est. Chrysostomus tamen (homil. XLIII in Math.), facilius se expedit referens ad hoc quod Judaei pro blasphemis in Christum illatis passuri erant poenam et in hoc saeculo per Romanos, et in futuro saeculo in damnatione inferni.

AD SECUNDUM dicendum, quod peccatum in Spiritum sanctum dicitur aeternum delictum, quia quantum est de se, aeternitatem habet; sed ex misericordia Dei finiri potest; sicut et caritas dicitur nunquam excedere, quantum est de se, licet quandoque excaidat ex vitio peccantis.

AD TERTIUM dicendum, quod peccatum ad mortem potest intelligi quo aliquis usque ad mortem perseverat, et sic pro tali non est orandum, quia suffragia non prosunt damnatis, qui sine poenitentia decedunt. Si autem intelligatur peccatum ad mortem, idest quod ex malitia committitur, sic non prohibetur quin aliquis pro eo oret; sed non quicumque; quia non quicumque est tanti meriti ut orando ei gratiam impetrare possit; quia sanatio talium est quasi miraculosa; sicut si diceretur pro suscitatione mortui, non dico ut oret quis pro eo, idest quicumque, sed aliquis magis meriti apud Deum.

AD QUARTUM dicendum, quod verbum illud est intelligendum, quia tales de facili humiliari non possunt, non quod omnino non possint.

AD QUINTUM dicendum, quod veniale tripliciter dicitur. Uno modo ex genere, sicut verbum otiosum dicitur peccatum veniale. Alio modo ex eventu, sicut dicitur peccatum veniale motus concupiscentiae sine consensu. Tertio modo dicitur veniale ex causa, quia scilicet habet causam veniam, quae alleviat peccatum; et hoc modo intelligendum est quod peccatum imbecillitatis et aescientiae sunt venialia, non autem peccatum industriae sive malitia.

## QUESTIO IV

### DE PECCATO ORIGINALI

(In octo articulos divisa.)

Primo enim queritur, utrum aliquod peccatum ex origine contrahatur; 2<sup>o</sup> utrum peccatum originale sit concupiscentia; 3<sup>o</sup> utrum originale peccatum sit in carne, vel in anima, sicut in subjecto; 4<sup>o</sup> utrum peccatum originale per prius sit in potentia animae quam in essentia; 5<sup>o</sup> utrum prius sit in voluntate quam in aliis potentiis; 6<sup>o</sup> utrum derivetur in omnes qui seminaliter procedunt ab Adam; 7<sup>o</sup> utrum illi qui materialiter nascuntur ab

Adam, contrahant originale; 8<sup>o</sup> utrum peccata proximorum parentum transeant in posteros.

ARTICULUS PRIMUS. — *Utum peccatum aliquod ex origine contrahatur.* (I-II part., quest. LXXXI, art. 1.)

Quaestio est de peccato originali; et primo queritur, utrum aliquod peccatum ex origine contrahatur. Et videtur quod non. Dicitur enim Eccli., xv, 18: *Anle hominem vita et mors, bonum et malum: quodcumque voluerit, dabitur ei.* Ex quo potest accipi, quod peccatum, quod est spiritualis mors animae, in voluntate consistit. Sed nihil quod homo contrahit ex origine sua, consistit in ejus voluntate. Ergo nullum peccatum contrahit homo ex sua origine.

2. Praeterea, accidens non traducitur nisi per traductionem sui subjecti. Subjectum autem peccati est animus rationalis. Cum ergo anima rationalis non traducatur per originem, ut habetur in lib. de eccl. Dogmatibus (cap. XIV), videtur quod neque aliquod peccatum per originem contrahatur.

3. Sed dicendum, quod licet subjectum peccati non traducatur, traducitur tamen caro, quae est causa peccati. — Sed contra, ad traductionem accidentis non sufficit traductio ejus quod non est sufficiens causa; quia ea posita, non ponitur effectus. Sed caro non est sufficiens causa peccati; quia quantumcumque caro alliciat ad peccandum, in potestate tamen voluntatis est assentire vel non assentire; et sic ipsa voluntas est sufficiens causa peccati. Sed voluntas non traducitur. Ergo traductio carnis non sufficit ad traductionem alienius peccati.

4. Praeterea, peccatum, secundum quod nunc accipitur, est cui debetur poena et increpatio. Sed nulli defectui ex origine contracto debetur increpatio et poena; sicut enim dicit Philosophus (in III Ethic., cap. 1), si quis est caecus ex infirmitate, non increpatur; increpatur autem si sit caecus ex ebrietate. Ergo nullus defectus qui ex origine contrahitur, habet rationem peccati.

5. Praeterea, Augustinus (in I de lib. Arb., in princ.) distinguit duplex malum: unum quod agimus, quod est malum culpae; et aliud quod patimur, quod pertinet ad malum poenae. Sed omnis defectus qui est ex alio, habet rationem passionis; nam passio est effectus illatione actionis. Ergo nihil quod contrahitur per originem ex alio, habet rationem peccati, sed solum rationem poenae.

6. Praeterea, in lib. de ecclesiasticis Dogmatibus (cap. LXXVI), dicitur: *Bona est caro nostra, utpote a bono Deo creata.* Sed bonum non est causa mali, secundum illud Math., XVII: *Non potest arbor bona fructus malos facere.* Ergo peccatum originale non contrahitur per carnis originem.

7. Praeterea, plus dependet anima a carne postquam ei est

unita, quam in ipsa ejus unitione. Sed postquam anima jam est carni unita, non potest infici a carne nisi per sumum consensum. Ergo neque in ipsa unitione. Peccatum ergo originale non potest contrahi per carnis originem.

8. Præterea, si origo carnis vitata peccatum causat in anima, quanto origo fuerit magis vitata, tanto majus peccatum causabit. Sed in illis qui nascuntur ex fornicatione, magis est vitata origo quam in illis qui nascuntur ex legitimo matrimonio. Sequeretur ergo quod illi qui ex fornicatione nascuntur, majus peccatum contrahant nascendo; quod patet esse falsum; quia non debetur eis major poena.

9. Præterea, si peccatum originale contrahitur per carnis originem, hoc non est nisi inquantum caro est corrupta. Aut ergo illa corruptio est moralis, aut naturalis. Sed moralis esse non potest: quia corruptionis moralis subjectum non est caro, sed anima. Similiter autem nec naturalis: quia sequeretur quod inficeret animam naturalibus actionibus, id est per qualitates activas et passivas; quod patet esse falsum. Nullo ergo modo peccatum contrahitur per carnis originem.

10. Præterea, defectus qui consequitur est ex peccato primi parentis, est carentia originalis justitiæ, ut Anselmus dicit (in lib. de conceptu Virgin., cap. xxiii et xxvi); et sic cum originali justitia sit quiddam spirituale, sequitur quod defectus prædictus sit etiam spiritualis. Corruptio autem carnis est quiddam corporale. Spiritualia autem et corporalia sunt diversorum generum; et sic spirituale non potest causare effectum corporalem. Non ergo ex peccato primi parentis potuit causari corruptio in carne nostra, ex qua in nobis peccatum per originem transderetur.

11. Præterea, secundum Augustinum (Ansel. in lib. de conceptu Virgin., cap. xxiii et xxiv), peccatum originale est carentia originalis justitiæ. Aut ergo originalis justitia convenit animæ primi hominis naturaliter ex sua creatione, aut fuit donum superadditum ex divina liberalitate. Si autem fuit animæ naturalis, nunquam eam amisisset peccando: quia, ut Dionysius dicit (iv cap. de div. Nom., part. IV), data naturalia etiam in demonibus permanserunt; et sic etiam omnes homines originalem justitiam haberent; quia quod est naturale uni animæ, est omnibus animabus naturaliter; et ita nullus nasceretur cum peccato originali, id est cum carentia originalis justitiæ. Si autem fuit justitia illa donum superadditum ex liberalitate divina; aut ergo Deus animæ hominis nascentis illud donum dedit, aut non. Si dedit, non nascitur homo cum carentia originalis justitiæ, neque potest anima ejus per carnem infici. Si autem non datur a Deo, hoc non videtur ei esse imputandum, sed Deo, qui non dedit. Nullo ergo modo homo per originem peccatum contrahere potest.

12. Præterea, anima rationalis non supervenit alicui formæ præexistenti; quia non adveniret materia tanquam forma substantialis, sed tanquam materia accidentalis, que advenit subjecto jam existenti in actu. Oportet ergo quod adveniens anima rationali, deficiant omnes formæ præexistentes, et per consequens omnia accidentia. Cessat ergo et ipsa corruptio seminis, si qua inerat a generante. Non ergo anima adveniens per carnem inquinari potest.

13. Præterea, motus sequitur naturam elementis prædominantis in corporibus mixtis, et per consequens omnes proprietates consequuntur illud quod prædominatur in composito. Sed anima prædominatur corpori in homine, qui ex utroque compositur; anima autem ex sua origine habet puritatem. Licet ergo caro ex sua origine aliquam impuritatem contrahat, videtur tamen quod homo nascens non debeat dici infectus peccato, sed purus.

14. Præterea, peccatum est cui aliqua poena debetur; sed peccato quod per originem contrahitur, non debetur aliqua poena; nam carentia visionis divinæ, que communiter assignatur ei pro poena, non videtur esse aliqua poena; quia si homo moreretur absque omni peccato, et gratiam non haberet, non posset pervenire ad visionem divinam, in qua consistit vita æterna, secundum illud Joan., xvii. 3: *Hæc est vita æterna, ut cognoscant te solum verum Deum*; et Apostolus dicit, Rom., vi. 23: *Gratia Dei vita æterna*. Non ergo est aliquid peccatum quod per originem contrahatur.

15. Præterea, sicut causa prima est nobilior quam secunda, ita causa secunda est nobilior quam effectus. Sed si peccatum traducitur a primo parente, corruptio consequens est in carne per animam primi hominis peccantis, et ex carne perducitur ad animam hominis qui nascitur ex Adam; et sic anima primi hominis est sicut causa prima, caro autem sicut causa secunda, et anima hominis generati sicut effectus ultimus. Sic ergo anima primi hominis erit nobilior, et caro nobilior quam anima hominis generati; quod est inconveniens. Non ergo peccatum potest traduci per originem.

16. Præterea, nihil agit nisi inquantum est actu. Sed in semine non est actu peccatum. Non ergo per semen decisum anima inficit potest aliquo peccato.

17. Præterea, non potest esse idem causa infectionis peccati, et meriti. Sed actus generationis aliquando potest esse meritorius; puta cum aliquis in gratia existens, ad uxorem accedit causa generandæ proliis, vel debiti reddendi. Non ergo ex hoc poterit causari infectio peccati in prole.

18. Præterea, causa particularis non inducit effectum universalem. Sed peccatum Adæ fuit quoddam particulare. Non ergo potuit inficere totam humanam naturam aliquo peccato.

19. Præterea, Dominus dicit, *Ezech., viii, 4: Omnes anime mee sunt*; et vers. 29: *Filius non portabit iniquitatem patris*. Portaret autem, si pro peccato primi hominis hi qui ab eo nascuntur, damnarentur. Non ergo peccatum in posteros Adæ traducitur propter ejus peccatum.

Sed contra est quod dicitur ad Rom., v, 12: *Per unum hominem peccatum in hunc mundum intravit*. Sed non per imitationem; quia sic per diabolum peccatum in mundum intravit, secundum illud Sapient., ii, 24: *Invidia diaboli mors introiit in orbem terrarum*. Imitantur autem illum qui sunt ex parte ejus. Ergo per originem vitiatam peccatum a primo homine in posteros derivatur.

Præterea, Augustinus dicit (XIV de civ. Dei), quod primus homo sponte depravatus genuit filios depravatos. Sed depravatio non fit nisi per peccatum. Ergo illi Adam ex sua origine peccatum contrahunt.

Respondendo dicendum, quod Pelagiani negaverunt, aliquod peccatum per originem posse traduci. Sed hoc ex magna parte excludit necessitatem redemptionis factæ per Christum, quæ maxime videtur necessaria fuisse ad abolendum infectionem peccati, quæ a primo parente in totam ejus posteritatem derivata est, dicente apostolo ad Rom., v, 18, quod sicut per unius delictum processum est in omnes homines in condemnationem, sic et per unius justitiam in omnes homines in justificationem eorum. Excluditur etiam necessitas pueros baptizandi, quod tamen communis Ecclesie consuetudo habet ab apostoli derivata, ut Dionysius dicit in eccles. hierar., cap. iv. Et ideo simpliciter dicendum est, quod peccatum traducitur per originem a primo parente in posteros. Ad cuius evidentiam considerandum est, quod aliquis homo singularis dupliciter potest considerari. Uno modo secundum quod est quedam persona singularis; alio modo secundum quod est pars aliquis collegii: et utroque modo ad eum potest aliquis actus pertinere; pertinet enim ad eum in quantum est singularis persona, ille actus quem proprio arbitrio et per seipsum facit; sed in quantum est pars collegii, potest ad eum pertinere actus alienus quem per seipsum non facit nec proprio arbitrio; sed qui fit a toto collegio vel a pluribus de collegio vel a principe collegii; sicut illud quod princeps civitatis facit, dicitur civitas facere, ut Philosophus dicit. Hujusmodi enim collegium hominum reputatur quasi unus homo, ita quod diversi homines in diversis officiis constituti sunt quasi diversa membra unius corporis naturalis, ut apostolus inducit de membris Ecclesie, i ad Corinth. xii. Sic ergo tota multitudo hominum a primo parente humanam naturam accipientium, quasi unum collegium, vel potius sicut unum corpus unius hominis, consideranda est: in qua quidem multitudine unusquisque homo,

etiam ipse Adam, potest considerari vel quasi singularis persona, vel quasi aliquid membrum hujus multitudinis, quæ per naturalem originem derivatur ab uno. Est autem considerandum quod primo homini in sua institutione datum fuerat divinitus quoddam supernaturale donum, scilicet originalis justitia, per quam ratio subdebatur Deo, et inferiores vires rationi, et corpus animæ. Hoc autem donum non fuerat datum primo homini ut singulari personæ tantum, sed ut cuidam principio totius humanæ naturæ, ut scilicet ab eo per originem derivaretur in posteros. Hoc autem donum acceptum primus homo per liberum arbitrium peccans amisit eo tenore quo sibi datum fuerat, scilicet pro se et pro tota sua posteritate. Defectus ergo hujus doni totam ejus posteritatem consequitur; et sic iste defectus eo modo traducitur in posteros quo modo traducitur humana natura: quæ quidem traducitur non quidem secundum se totam, sed secundum aliquam sui partem, scilicet secundum carnem, cui Deus animam infundit; et sic sicut anima divinitus infusa pertinet ad naturam humanam ab Adam derivatam, propter carnem cui conjungitur; ita et defectus prædictus pertinet ad animam propter carnem, quæ ab Adam propagatur non solum secundum corpulentam substantiam, sed etiam secundum seminalem rationem, id est non solum materialiter, sed sicut ab activo principio: sic enim filius accipit a patre naturam humanam. Si ergo consideretur iste defectus hoc modo per originem in istum hominem derivatus, secundum illud quod iste homo est quedam persona singularis, sic hujusmodi defectus non potest habere rationem culpæ, ad cuius rationem requiritur quod sit voluntaria; sed si consideretur iste homo generatus sicut quoddam membrum totius humanæ naturæ a primo parente propagate, ac si omnes homines essent unus homo, sic habet rationem culpæ propter voluntarium ejus principium, quod est actuale peccatum primi parentis; sicut si dicamus, quod motus manus ad homicidium perpetrandum, secundum quod manus per se consideratur, non habet rationem culpæ, quia manus de necessitate movetur ab alio; si autem consideretur ut est pars totius hominis, qui voluntate agit, sic habet rationem culpæ, quia sic est voluntarius. Sicut ergo homicidium non dicitur culpa manus, sed culpa totius hominis; ita hujusmodi defectus non dicitur esse peccatum personale, sed peccatum totius naturæ; nec ad personam pertinet, nisi in quantum natura inficit personam. Et sicut ad unum peccatum faciendum diversæ partes hominis adhibentur, scilicet voluntas, ratio, manus, et hujusmodi, et tamen est unum solum peccatum propter unitatem principii, scilicet voluntatis, a quo peccati ratio ad omnes actus partium derivatur; ita et ratione principii in tota natura humana consideratur quasi unum peccatum originale; propter quod apostolus

dicit, Rom. v. 12: *In quo omnes peccaverunt*; quod secundum Augustinum (lib. I de Nup. et Concep., cap. XI), potest intelligi *in quo* scilicet primo homine, vel *in quo* peccato primi hominis, ut peccatum primi hominis sit quasi commune peccatum omnium.

Ad PRIMUM ergo dicendum, quod peccatum quod per originem contrahitur, dicitur voluntarium ratione sui principii, scilicet voluntatis primi parentis, ut dictum est, in corp. art.

Ad SECUNDUM dicendum, quod istud peccatum consequitur totam naturam humanam; unde subjectum hujus peccati est anima, secundum quod est pars humane nature; et ideo sicut humana natura traducitur, licet anima non traducatur; ita etiam peccatum originale traducitur, licet anima non traducatur.

Ad TERTIUM dicendum, quod caro non est sufficiens causa peccati actualis, sed peccati originalis est sufficiens causa; sicut et traductio carnis est sufficiens causa, materialiter tamen, humane nature.

Ad QUARTUM dicendum, quod ei quod est per originem contractum, non debetur poena et increpatio si referatur ad personam, quia sic non habet rationem voluntarii; sed si referatur ad naturam, sic habet rationem voluntarii; ut dictum est, in corp. art., et hoc modo debetur ei increpatio et poena.

Ad QUINTUM dicendum, quod defectus per originem contractus habet eandem rationem existentis ab alio, si referatur ad personam, non autem si referatur ad naturam; sic enim est quasi a principio intrinseco.

Ad SEXTUM dicendum, quod caro nostra in sui natura bona est, sed secundum quod est privata originali iustitia propter peccatum primi parentis, sic causat originale peccatum.

Ad SEPTIMUM dicendum, quod sicut dictum est, in corp. art., peccatum originale per se loquendo est peccatum nature, non persone, nisi ratione nature infecte. Actus autem generationalis proprie deservit nature, quia ordinatur ad conservationem speciei; sed carnis jam esse anime unitam pertinet ad constitutionem persone; et ideo caro magis causat originale peccatum prout consideratur in via generationis quam prout est iam unita.

Ad OCTAVUM dicendum, quod in illis qui nascuntur ex fornicatione, est quidem origo dupliciter vitiosa, vitio scilicet nature, quod traducitur ex Adam, et vitio persone, idest patris generantis, ex quo vitio nulla infectio in prole relinquitur. Quilibet enim generans traducit peccatum originale in quantum generat ut Adam, non in quantum generat ut Petrus vel Martinus; idest per id quod habet ab Adam, non per id quod est proprium sibi.

Ad NONUM dicendum, quod corruptio que est in carne, est

quidem actus naturalis, sed intentione et virtute moralis. Ex peccato enim primi parentis destituta est caro ejus illa virtute ut ex ea possit decidi semen per quod originalis iustitia in alios propageatur; et sic in semine defectus hujus virtutis est defectus moralis corruptionis, et qualesam intentio ejus; sicut dicimus intentionem coloris esse in aere, et intentionem anime esse in semine. Et ex hoc etiam est ibi virtus ad similem perfectionem, scilicet est ibi virtus ad productionem humane nature in prole generata.

Ad DECIMUM dicendum, quod nihil prohibet a causa spiritali causari effectum corporalem. Nam et Boetius dicit (in lib. de Trin., ante med.), quod forme que sunt in materia, veniunt a formis que sunt sine materia; et in nobis ipsis a voluntate movetur inferior appetitus, ad cujus motum sequitur transmutatio corporalis.

Ad UNDICESIMUM dicendum, quod originalis iustitia fuit superaddita primo homini ex liberalitate divina; sed quod huic anime non datur a Deo, non est ex parte ejus, sed ex parte humane nature, in qua invenitur contrarium prohibens.

Ad DUODECIMUM dicendum, quod in semine est corruptio originalis peccati non actu sed virtute, eo modo quo est ibi virtute humane nature; que quidem virtus activa in semine est in spiritu spermato, ut Aristoteles dicit in lib. de gener. Animalium (II, cap. III), non autem in materia que amittit unam formam et recipit aliam.

Ad DECIMUMTERTIUM dicendum, quod, sicut Dionysius dicit (IV cap. de div. Nom., a med.), bonum contingit ex tota integra causa, sed malum provenit etiam ex singularibus defectibus; et ideo defectus qui est ex parte corporis sufficit ad integritatem humane nature tollendam.

Ad DECIMUMQUARTUM dicendum, quod carentia divine visionis dupliciter competit alicui. Uno modo sic quod non habeat in se unde possit ad divinam visionem pervenire, et sic carentia divine visionis completetur ei qui in solis naturalibus esset etiam absque peccato; sic enim carentia divine visionis non est poena, sed defectus consequens omnem naturam creatam; quia nulla creatura ex suis naturalibus potest pervenire ad visionem divinam. Alio modo potest alicui competere carentia divine visionis hoc modo ut habeat in se aliquid ex quo debeatur ei quod careat visione divina; et sic carentia visionis divine est poena et originalis et actualis peccati.

Ad DECIMUMQUINTUM dicendum, quod duplex est causa. Una principalis que agit per propriam formam, et hec est nobilior quam effectus in quantum est causa. Alia est causa instrumentalis que non agit per formam propriam sed in quantum est mota ab alio, et hanc non oportet nobiliorem esse effecta, sicut serra non est nobilior quam domus. Hoc autem modo semen

carnale est causa naturæ humanæ in prole, et etiã culpæ originalis in anima ejus.

AD DEBITUMSENTIUM dicendum, quod aliquod agens est in actu multipliciter. Uno modo secundum propriam formam, quæ vel continet formam effectus secundum similitudinem speciei, sicut ignis generat ignem; vel secundum virtutem tantum, sicut sol generat ignem. Alio modo secundum motum ab alio; et hoc modo instrumentum agit ut ens actu; et sic etiã semen est actu, in quantum est in eo motus et intentio animæ generantis, secundum Philosophum (in lib. de gener. Animalium II, cap. viii); et ex hoc habet virtutem causandi et humanam naturam et originale peccatum.

AD DEBITUMSEPTIMUM dicendum, quod aliquis vir justus accedendo ad uxorem merebit secundum id quod est proprium sibi; et sic non transmittit peccatum originale, sed secundum id quod habet ab Adam, ut supra dictum est.

AD DEBITUMOCTAVUM dicendum, quod Adam in quantum fuit principium humanæ naturæ, habuit rationem causæ universalis, et ita per ejus actum corrupta est tota humana natura, quæ ab eo propagatur.

AD DEBITUMNONUM dicendum, quod peccatum primi hominis est quodammodo peccatum commune totius humanæ naturæ, ut dictum est; et ideo etiam aliquis punitur pro peccato primi parentis, non punitur pro peccato alterius, sed pro peccato suo.

#### ARTICULUS II. — *Quid sit peccatum originale.*

Secundo queritur, quid sit peccatum originale. Et videtur quod sit concupiscentia. Dicit enim Augustinus in lib. de baptismo parvulorum (lib. I de peccat. Mer., cap. ix): *Adam præter invitationis exemplum occulta etiã tabe carnalis concupiscentiæ suæ tabescit in se omnes de sua stirpe centuros*; unde Apostolus recte ait (Rom., v, 12): *In quo omnes peccaverunt*. Sed peccatum originale est in quo omnes peccaverunt, ut dictum est. Ergo peccatum originale est concupiscentia.

2. Præterea, Anselmus dicit in lib. de conceptu Virginali (cap. ii): *Sic factus est ut inordinatum concupiscentiam sentire non deberet*. Sed, sicut in eodem lib. dicit, *peccatum est non solum cum non habet homo quod debet habere, sed etiã cum habet quod non debet habere*. Ergo concupiscentia contracta, est peccatum originale.

3. Præterea, Augustinus dicit in lib. Retractorum (I, cap. xv), quod concupiscentiæ reatus in baptismo solvitur. Sed proprie solvitur in baptismo reatus originalis peccati. Ergo concupiscentia est originale peccatum.

1. Sed contra, Damascenus dicit (in lib. II, cap. iv et xxx),

quod peccatum est ex eo quod aliquis avertitur ab eo quod est secundum naturam, in id quod est contra naturam; ex quo habetur quod peccatum est contra naturam. Sed concupiscentia est naturalis; hanc enim natura omnia animalia docuit. Ergo concupiscentia non est peccatum originale.

2. Sed dicendum, quod concupiscentia est naturalis secundum naturam corruptam, non autem secundum naturam institutam. — Sed contra, concupiscentia est propens actus potentis concupiscibilis. Sed vis concupiscibilis est naturalis, etiã secundum naturam institutam. Ergo etiã concupiscentia.

3. Præterea, nullum peccatum se habet ad bonum et ad malum. Sed concupiscentia est et boni, puta sapientiæ, et mali, puta rapinæ. Ergo concupiscentia de se non est peccatum originale.

4. Præterea, concupiscentia nominat vel habitum, vel actum. Sed secundum quod nominatum, est peccatum actuale, non originale; secundum autem quod nominat habitum, non potest esse peccatum originale; quia habitus in aliquo homine acquisitus ex propriis ejus actibus malis non est peccatum; alioquin continue peccaret et continue demereretur; et sic multo minus habitualis concupiscentia causata in hoc homine ex actu primi parentis habet nomen peccati. Nullo ergo modo concupiscentia est originale peccatum.

5. Præterea, omnis habitus aut est naturalis, aut acquisitus, aut infusus. Sed peccatum originale non est habitus naturalis; quia secundum Dionysium (iv cap. de divin. Nomin., part. iv), nihil quod inest alicui secundum naturam est ei malum. Similiter etiã nec est habitus acquisitus; quia habitus acquisiti causantur ex actibus, ut patet per Philosophum (in II Eth., cap. i et ii); peccatum autem originale non acquiritur ex actibus, sed trahitur per originem. Similiter etiã non est habitus infusus; quia talium habituum solus Deus est causa intus in anima operans, qui tamen non potest esse causa peccati. Nullo ergo modo peccatum originale est habitualis concupiscentia.

6. Præterea, secundum communem Theologorum sententiam, in bonis habitibus præcedit actus; quia habitus infusus est a Deo, actus autem est a nobis; in malis autem actus præcedit habitum. Si ergo peccatum originale sit habitualis concupiscentia, sequeretur quod mali actus, qui sunt peccata actualia, præcederent peccatum originale; quod est inconveniens.

7. Præterea, peccatum originale ponitur esse fomes omnis peccati. Sed peccata non solum causantur ex concupiscentia, sed etiã per malitiam vel ignorantiam, ut in superioribus, quæst. præced., art. 8 et seqq., habitum est. Ergo peccatum originale non est concupiscentia.

8. Præterea, si concupiscentia est originale peccatum, aut hoc habet per sui essentiam, et sic remanente concupiscentia

post baptismum, non esset solum peccatum originale, quod esset inconveniens; aut dicitur peccatum originale propter aliquid aliud adjunctum; et sic illud aliud magis est peccatum originale. Non ergo peccatum originale est concupiscentia.

9. Præterea, accidens causatur ex principiis subjecti. Sed peccati originalis subjectum est anima: concupiscentiæ autem causa non est anima, sed caro. Ergo concupiscentia non est originale peccatum.

10. Præterea, concupiscentia maxime videtur esse originale peccatum, secundum quod importat necessitatem concupiscendi. Sed hæc necessitas dupliciter intelligi potest. Uno modo ut sit necessitas consentiendi motibus concupiscentiæ: que quidem necessitas non potest dici peccatum originale, quia non manet post baptismum: originale autem manet actu et transitu reatu. Alia autem est necessitas sentiendi concupiscentiæ motus; sed nec hæc potest esse originale peccatum. An enim esset originale peccatum propter seipsum, ut propter aliud? Si propter seipsum, cum talis necessitas maneat post baptismum, sequeretur quod peccatum originale maneret post baptismum: si autem propter aliud, scilicet propter carentiam originalis justitiæ, nec hoc videtur esse possibile: quia necessitas sentiendi hujusmodi motus se habet ad peccatum originale sicut sentire in actu se habet ad peccatum actuale. Sentire autem in actu motus concupiscentiæ non est peccatum actuale propter hoc quod adjungitur ei carentia gratiæ: alioquin in istis qui sunt sine gratia, nullus motus concupiscentiæ esset peccatum: quod patet esse falsum: cum quandoque per rationem naturalem concupiscentiæ motibus resistant. Neque ergo necessitas sentiendi hujusmodi motus est peccatum originale propter carentiam originalis justitiæ adjunctam; et sic nullo modo concupiscentia est originale peccatum.

11. Præterea, si concupiscentia est originale peccatum, aut hoc est essentialiter, aut causaliter. Sed non essentialiter: quia concupiscentia est causa originalis peccati, secundum Augustinum (lib. 1 de Nuptiis et Concup., cap. xxiii et xxiv): causa autem est extra essentiam rei. Similiter autem neque causaliter: quia causa præcedit effectum: concupiscentia autem non præcedit carentiam originalis justitiæ, in qua maxime consistit ratio originalis peccati, sed magis ex ea sequitur. Nullo ergo modo concupiscentia est originale peccatum.

12. Præterea, sicut in statu naturæ corruptæ concupiscentibus repugnat rationi, ita et irascibilis. Ergo non magis debet dici concupiscentia originale peccatum quam ira.

1. Item ostendebatur quod peccatum originale sit ignorantia. Dicit enim Anselmus in lib. de Prædestinatione (de concordia prædestinationis et gratiæ, in cap. quod incipit: *Restat nunc*, parum ante med.), quod humane naturæ imputatur ad

peccatum originale impotentia justitiæ habendi, et eam intelligendi. Sed impotentia intelligendi pertinet ad ignorantiam. Ergo peccatum originale est ignorantia.

2. Præterea, in eodem lib. dicitur, quod minoratio pulchritudinis humane naturæ imputatur ad peccatum. Sed maxima pulchritudo humane naturæ consistit in splendore scientiæ. Ergo videtur quod peccatum originale quod imputatur humane naturæ, sit minoratio scientiæ, scilicet ignorantia.

3. Præterea, Hugo de Sancto Victore dicit, quod vitium quod nascendo contraximus, est per ignorantiam in mente, et per concupiscentiam in carne. Sed hujusmodi vitium est peccatum originale. Ergo peccatum originale non magis est concupiscentia quam ignorantia.

1. Sed contra, ignorantia est aliud a concupiscentia, nec est in eodem subjecto. Sed idem non est in diversis generibus, nec in diversis subjectis. Ergo originale peccatum cum sit concupiscentia, non potest esse ignorantia.

2. Præterea, sicut intellectus defectum patitur propter originale peccatum, ita et inferiores vires, ut generativa, et etiam ipsum corpus. Si ergo ignorantia, que est defectus intellectus, ponatur esse peccatum originale, pari ratione et omnes defectus inferiorum virium, et etiam ipsius corporis; quod videtur inconveniens.

1. Item, ostendebatur quod peccatum originale est carentia originalis justitiæ. Anselmus enim sic argumentatur in lib. de conceptu Virginali. Omne peccatum est injustitia, et per consequens excludit aliquam justitiam. Sed peccatum originale non excludit aliam justitiam quam originalem. Ergo originale peccatum est carentia originalis justitiæ.

1. Sed contra, culpa dicitur per privationem gratiæ gratum facientis. Sed originalis justitia non includit gratiam gratum facientem; quia in originali justitia primus homo conditus fuit, non autem in gratia gratum faciente, ut videtur per Magistrum in II Sententiarum (dist. xxiv). Ergo carentia originalis justitiæ non constituit rationem peccati.

2. Præterea, originalis justitia non restituitur per baptismum; quia adhuc vires inferiores rationi resistunt. Si ergo peccatum originale esset carentia originalis justitiæ, sequeretur quod peccatum originale non solveretur per baptismum, quod est hæreticum.

3. Præterea, subjectum debet poni in definitione accidentis. Sed cum dicitur quod peccatum originale est carentia originalis justitiæ, non fit ibi mentio de subjecto. Ergo assignatio est insufficientis.

4. Præterea, sicut originalis justitia tollitur per peccatum originale, ita gratia tollitur per peccatum actuale. Sed carentia gratiæ non est ipsum peccatum actuale, sed effectus ejus.



Ergo neque carentia originalis iustitiæ est ipsum peccatum originale.

1. Item, ostendebatur quod peccatum originale sit poena et culpa; quia super illud Psalmi LXXXIV: *Benedixisti, Domine, terram tuam*, dicit Glossa, quod id quod contrahimus ab Adam, est poena et culpa. Hoc autem est peccatum originale. Ergo peccatum originale est poena et culpa.

2. Præterea, Ambrosius dicit, quod vitium, sive poena, naturam corrumpit; culpa Deum dicit. Sed originale peccatum facit utrumque. Ergo est et culpa et poena.

1. Sed contra, Hugo de Sancto Victore dicit (lib. I de Sacram., part. VII, cap. xx et seq.), quod peccatum originale est *mortalis infirmitas, quam consequitur concupiscendi necessitas*. Sed infirmitas nominat poenam. Ergo peccatum originale est poena tantum.

2. Præterea, Anselmus (lib. de peccato originali, cap. xxvii), loquens de peccato originali, comparat ipsum servituti quam patiuntur aliqui pro peccato patris, qui peccavit crimine læsæ majestatis. Sed talis servitus est poena tantum. Ergo peccatum originale est poena tantum.

3. Præterea, Augustinus dicit in XV de Civit. Dei (lib. XIV, cap. xix), quod peccatum originale est languor nature. Sed languor nominat poenam. Ergo peccatum originale est tantum poena.

Respondendo dicendum, quod veritas hujus questionis accipi potest ex his que supra dicta sunt. Dicitur enim supra, art. præced., quod peccatum originale est hujus personæ vel illius, prout consideratur ut pars quedam multitudinis ab Adam derivatæ, ac si esset quoddam membrum unius hominis. Dicitur est etiam quod unius hominis peccantis est unum peccatum, secundum quod ad totum refertur et ad primum peccandi principium: licet executio peccati fiat per diversa membra. Sic ergo peccatum originale in isto homine vel in illo nihil est aliud quam id quod ad ipsum pervenit per originem ex peccato primi parentis. Sicut peccatum in manu aut in oculo nihil aliud est quam id quod pervenit ad manum vel ad oculum ex motione primi principii peccantis, quod est voluntas; licet ex una parte fiat motio per naturalem originem, ex alia vero parte per imperium voluntatis. Id vero quod pervenit ad manum de peccato unius hominis singularis, est quidam effectus et impressio motus primi inordinati, qui erat in voluntate, unde oportet quod ejus similitudinem gerat. Motus autem voluntatis inordinatus, est conversio ad bonum aliquod temporale absque ordine convenienti ad debitum finem. Quæ quidem inordinatio est aversio ab incommutabili bono; et hoc est quasi formale, illud autem quasi materiale; nam formalis ratio moralis actus accipitur per comparisonem ad finem. Unde et id quod ad manum pertinet

de peccato unius hominis, nihil aliud est quam applicatio ejus ad aliquem effectum sine aliquo ordine iustitiæ. Jam vero si motus voluntatis pervenit ad aliquod quod non est susceptivum peccati, puta ad lanceam vel gladium, non dicimus ibi esse peccatum nisi virtualiter et per modum effectus, inquantum scilicet lancea vel gladius movetur per actum peccati et perficit peccati effectum, non quod ipsa lancea vel gladius peccet, quia non sunt aliquid hominis peccantis, sicut manus vel oculus. Sic ergo in peccato primi parentis fuit aliquid formale, scilicet aversio ab incommutabili bono, et aliquid materiale, scilicet conversio ad bonum commutabile. Ex hoc autem quod aversus fuit ab incommutabili bono, donum originalis iustitiæ amisit; ex hoc vero quod conversus est inordinate ad commutabile bonum, inferiores vires quæ erigi debebant ad rationem, depressæ sunt ad inferiora. Sic ergo et in his quæ ex ejus stirpe oriuntur, et superior pars anime caret debito ordine ad Deum, qui erat per originalem iustitiæ, et inferiores vires non subduntur rationi, sed ad inferiora convertuntur secundum proprium impetum; et ipsum etiam corpus in corruptionem tendit secundum inclinationem contrariorum ex quibus componitur. Sed superior pars anime, et etiam quedam inferiorum virtutum, quæ sunt sub voluntate, et ei natæ sunt obedire, recipiunt hujusmodi sequelam primi peccati secundum rationem culpe; sunt enim culpæ susceptivæ hujusmodi partes. Sed inferiores vires quæ non subduntur voluntati, scilicet potentie anime vegetabilis, et etiam ipsum corpus, suscipiunt hujusmodi sequelam secundum rationem poenæ, non secundum rationem culpe; nisi forte virtualiter, prout scilicet hujusmodi poena peccatum consequens, peccati est productiva, secundum quod vis generativa per decisionem corporalis seminis operatur ad traductionem peccati originalis simul cum humana natura. Sed inter superiores vires quæ suscipiunt defectum per originem traditum secundum rationem culpe, una est quæ omnes alias movet, scilicet voluntas; omnes autem aliæ moventur ab ea ad suos actus. Semper autem quod est ex parte agentis et moventis, est sicut formale; quod autem est ex parte mobilis et patientis, est sicut materiale. Et ideo cum carentia originalis iustitiæ se habeat ex parte voluntatis, ex parte autem inferiorum virtutum a voluntate motarum sit pronitas ad inordinatæ appetendum, quæ concupiscentia dici potest; sequitur quod peccatum originale in hoc homine vel in illo nihil est aliud quam concupiscentia cum carentia originalis iustitiæ; ita tamen quod carentia originalis iustitiæ est quasi formale peccato originali, concupiscentia autem est quasi materiale; sicut et in peccato actuali aversio ab incommutabili bono est quasi formale, conversio autem ad commutabile bonum est quasi materiale; ut sic intelligatur in peccato originali aversa anima et conversa, sicut in

peccato actuali actus, ut ita dicam, aversus et conversus.

Concedendæ sunt ergo rationes quibus probatur quod originale peccatum sit concupiscentia.

Ad primum vero eorum quæ in contrarium objiciebantur, dicendum, quod aliquid potest esse naturale homini dupliciter. Uno modo in quantum est animal; et sic naturale est ei quod concupiscibilis feratur in delectabile secundum sensum communiter loquendo. Alio modo in quantum est homo, id est animal rationale; et sic naturale est ei quod concupiscibilis feratur in delectabile sensus secundum ordinem rationis. Concupiscentia ergo, per quam prona est vis concupiscibilis ut feratur in delectabile sensus præter ordinem rationis, est contra naturam hominis in quantum est homo, et ita pertinet ad peccatum originale.

Ad secundum dicendum, quod sicut vis concupiscibilis naturalis est homini secundum naturam institutam; ita et quod subditur rationi, est ei naturale, secundum id quod Philosophus dicit (in III de Anima, com. LIX, quod appetitus sensitivus sequitur appetitum rationis, sicut sphaera movetur a sphaera.

Ad tertium dicendum, quod concupiscentia est quidem homini secundum quod sequitur ordinem rationis; est autem mali, secundum quod est præter ordinem rationis; quia, ut Dionysius dicit (in IV, cap. de divin. Nominib.), malum hominis est præter rationem esse; et inde est quod furere præter rationem est malum in homine, quamvis sit bonum in cane.

Ad quartum dicendum, quod concupiscentia secundum quod pertinet ad originale peccatum, non est concupiscentia actualis, sed habitualis. Sed intelligendum est quod ex habitu efficiuntur habiles ad aliquid. Dupliciter autem aliquid agens potest esse habile ad aliquid agendum. Uno modo ex aliqua forma inclinante ad hoc, sicut corpus grave ex forma sua quam habet a generante, inclinatur deorsum; alio modo ex subtractione ejus quod impediebat; sicut vinum effunditur fractis circulis quod effusionem impediabant, et equus concitatus præcipitanter vadit rupto freno quo retinebatur. Sic ergo concupiscentia habitualis potest dici dupliciter. Uno modo aliqua dispositio vel habitus inclinans ad concupiscendum; sicut si in aliquo ex frequenti actuali concupiscentia causaretur concupiscentie habitus; et sic concupiscentia non dicitur originale peccatum. Alio modo potest intelligi habitualis concupiscentia ipsa pronitas vel habitus ad concupiscendum, que est ex hoc quod vis concupiscibilis non perfecte subditur rationi, subdito freno originalis justitiæ; et hoc modo peccatum originale materialiter loquendo est habitualis concupiscentia. Nec tamen sequitur, si habitualis concupiscentia positive accepta non habet rationem peccati actualis

secundum quod causatur ex actibus persone, quod propter hoc habitualis concupiscentia per remotionem accepta non habeat rationem originalis peccati secundum quod ex actu primi parentis causatur; quia peccatum originale non eadem ratione dicitur peccatum quia et actualis; quia actualis peccatum in actu voluntario alicujus persone consistit; et ideo quod ad talem actum non pertinet, non habet rationem actualis peccati; sed peccatum originale est persone secundum naturam, quam ab alio traxit per originem; et ideo omnis defectus in natura proles inventus derivatus a peccato primi parentis, habet rationem peccati originalis, dummodo sit in subjecto quod sit susceptivum culpæ. Nam, sicut Augustinus dicit in I Retract. (lib. I de Nuptiis et Concup., cap. XXXII), concupiscentia dicitur peccatum, quia est a peccato facta.

Ad quintum dicendum, quod sicut habitus vitiosus qui est proprius hujus persone, est acquisitus ex actibus hujus persone; ita et habitualis concupiscentia que pertinet ad peccatum naturæ, est acquisita ex voluntario actu primi parentis; non autem est naturalis, proprie loquendo, nec infusa.

Ad sextum dicendum, quod obiecto illa procedit de habitu personali positive dicto; talis autem habitus non est peccatum originale.

Ad septimum dicendum, quod sub peccato originali comprehenditur et malitia et ignorantia. Sicut enim concupiscentia contracta per originem nihil est aliud quam destitutio inferiorum virtutum a retinaculo justitiæ originalis; ita malitia contracta nihil aliud est quam destitutio ipsius voluntatis ab originali justitia; et inde incurrit omnem pronitatem ad mala eligendum. Et sic secundum præmissa, malitia se habet in peccato originali ut formale; concupiscentia autem ut materiale. De ignorantia autem postea dicetur.

Ad octavum dicendum, quod aliquid dicitur aliquid propter aliud, non solum sicut propter accidens, sed etiam sicut propter formale principium; sicut corpus dicitur vivum propter animam; nec tamen sequitur quod corpus non sit pars rei viventis. Et similiter concupiscentia dicitur originale peccatum propter carentiam originalis justitiæ; que sicut dictum est, se habet ad ipsam ut formale ad materiale; unde non sequitur quod concupiscentia non sit aliquid originalis peccati.

Ad nonam dicendum, quod accidens naturale causatur ex principis subjecti; non autem accidens in naturale, cujusmodi est peccatum originale; et tamen etiam peccatum originale causatur a voluntate primi parentis.

Ad decimam dicendum, quod concupiscentia secundum quod est aliquid originalis peccati, non nominat necessitatem consentiendi motibus concupiscentiæ inordinatis; sed nominat necessitatem sentiendi; que quidem manet post baptismum;

sed non manet cum carentia originalis iustitiæ, ex qua est reatus pœnæ. Et ideo dicitur, quod manet actu, et transit reatu. Nec tamen oportet quod necessitas sentiendi concupiscentiæ motus, non habeat rationem originalis peccati, propter hoc quod sentire huiusmodi motus non habet rationem peccati actualis propter carentiam gratiæ: quia peccatum actuale in actu consistit, est enim actus inordinatus. Et ideo defectus qui constituit actuale peccatum, est ipsa inordinatio actus, non autem carentia gratiæ, quæ est defectus in subiecto peccati. Sed peccatum originale est peccatum naturæ; et ideo inordinatio naturæ per subtractionem originalis iustitiæ facit rationem originalis peccati.

Ad undecimum dicendum, quod concupiscentia potest dupliciter considerari. Uno modo secundum quod est in alio; et hoc modo concupiscentia quæ est in patre, ponitur causa originalis peccati quod est in filio; et non est de essentia eius, sed præcedit ipsum. Alio modo potest considerari secundum quod est in eodem; et sic est causa per modum materiæ, quæ est de essentia rei, et præcedit quodammodo per modum materiæ, sicut et corpus præcedit animam in ordine causæ materialis. Dicitur est enim supra, quod ex carne, ad quam pertinet concupiscentia, inficitur anima, ad quam pertinet carentia originalis iustitiæ.

Ad duodecimum dicendum, quod etiam corruptio irascibilis materialiter se habet in peccato originali, sicut et corruptio concupiscentis; denominatur tamen magis a concupiscentia propter duo. Primo quidem, quia omnes passiones irascibilis ab amore oriuntur, qui est in concupiscentia; et ad gaudium vel tristitiam terminantur, quæ sunt etiam in concupiscentia; unde et communiter tam motus concupiscentis quam irascibilis, concupiscentia dici potest. Secundo, quia peccatum originale traducitur per actum generationis, in quæ maxime est delectatio, circa quam apparet inordinatio concupiscentis; unde concupiscentis dicitur non solum corrupta, sed etiam infecta, in quantum per huiusmodi actum traducitur originale peccatum.

Ad illud autem quod quærebatur de ignorantia dicendum est, quod inter alias vires etiam intellectus a voluntate movetur; et sic defectus intellectus etiam continetur materialiter sub peccato originali. Qui quidem defectus est carentia illius scientiæ naturalis quam homo in primo statu habuisset. Et per hunc modum ignorantia materialiter continetur sub peccato originali.

Ad primum vero quod in contrarium objicitur dicendum est, quod cum peccatum originale sit peccatum natura, sicut natura humana ex multis partibus componitur, ita multa conveniunt ad originale peccatum, scilicet defectus diversarum partium humane naturæ.

Ad secundum dicendum, quod ea quæ non sunt nata obedire rationi, non sunt susceptiva culpæ; et ideo in eis defectus traductus non habet rationem culpæ, sed pœnæ tantum. Intellectus autem est susceptivus culpæ; potest enim aliquis et mereri per actum intellectus, secundum quod est voluntarius; et ideo non est simile.

Ad illud autem quod quærebatur de carentia originalis iustitiæ, dicendum est, quod est sicut normale in originali peccato, ut dictum est.

Ad primum vero quod in contrarium objicitur dicendum, quod originalis iustitia includit gratiam gratum facientem; nec credo verum esse, quod homo sit creatus in naturalibus puris. Si tamen non includit gratiam gratum facientem, non tamen propter hoc excluditur quin carentia originalis iustitiæ habeat rationem culpæ; quia ex hoc ipso quod aliquis peccat contra dictamen rationis naturalis, incurrit culpam. Recitatio enim gratiæ non est sine recitidine naturæ.

Ad secundum dicendum, quod iustitia originalis restituitur in baptismo quantum ad hoc quod superior pars anime conjungitur Deo, per cuius privationem inerat reatus culpæ, sed non quantum ad hoc quod rationi subiciantur inferiores vires; ex huiusmodi enim defectu est concupiscentia quæ manet post baptismum.

Ad tertium dicendum, quod in definitione iustitiæ ponitur voluntas. Est enim iustitia recitudo voluntatis, ut Anselmus dicit (lib. de concept. Virg., cap. III); et ideo ex quo iustitia ponitur in definitione originalis peccati, non deest ibi subiectum; sicut si simus ponatur in definitione alicujus, non oportet quod ponatur ibi nasus, quod ponitur in definitione simi.

Ad quartum dicendum, quod privato gratiæ non est in ipso actu, sed in subiecto actus, et ideo non pertinet ad peccatum actuale; sed carentia originalis iustitiæ est in natura; et ideo potest pertinere ad originale peccatum, quod est peccatum naturæ.

Ad id vero quod quærebatur, utrum sit pœna tantum, vel pœna et culpa, dicendum sicut supra dictum est, quod si compararetur ad istum hominem prout est persona quædam, non habito respectu ad naturam, sic est pœna; si autem compararetur ad principium in quo omnes peccaverunt, sic habet rationem culpæ.

Et per hoc patet de facili responsio ad objecta.

ARTICULUS III. — *Utrum peccatum originale sit sicut in subiecto, in carne, vel in anima.* (I-II part., quest. LXXXIII, art. 1.)

Tertio queritur, in quo sit peccatum originale sicut in subiecto; utrum scilicet in carne, vel in anima. Et videtur

quod in carne, et non in anima. Anima enim est creata a Deo. Sed a Deo non habet immunditiam peccati, nec etiam ex seipsa, quia sic esset actuale peccatum. Ergo nullo modo originale peccatum est in anima.

2. Præterea, in quocumque est peccatum originale, ille peccavit in Adam, secundum illud Apostoli, Rom., v. 12 : *In quo omnes peccaverunt*. Sed anima hujus hominis non peccavit in Adam, quia non erat ibi. Ergo in anima non est peccatum originale.

3. Præterea Augustinus dicit (in libro contra quinque hereses, cap. v), quod radii solis sparguntur per fœces, nec inquinantur. Sed anima est quedam lux spiritualis, et sic est virtuosior quam lux corporalis. Ergo anima non inquinatur per immunditiam carnis.

4. Præterea, poena respondet culpæ. Sed poena peccati originalis est mors, que non est solus animæ, sed conjuncti. Ergo peccatum originale non est in anima, sed in conjuncto.

5. Præterea, verius est aliquid in causa quam in effectu. Si ergo causa infectionis animæ est ex carne, videtur quod originale peccatum magis sit in carne quam in anima.

Sed contra est quod Ambrosius dicit (lib. de Noe et arca, cap. xu. a mediò), quod idem est susceptivum virtutis et vitii. Sed caro non est susceptiva virtutis. Ergo nec vitii.

Respondet dicendum, quod ad hujus questionis intelligentiam duas distinctiones considerare oportet. Primo quidem, quod aliquid dupliciter dicitur esse in aliquo : uno modo sicut in proprio subjecto, alio modo sicut in causa. Proprium autem subjectum alicujus accidentis coequatur ipsi accidenti; puta, si volumus considerare proprium subjectum felicitatis et virtutis, cum felicitas et virtus sint propria hominis, proprium subjectum utriusque erit id quod est proprium hominis, scilicet pars animæ rationalis, ut Philosophus probat (in I Ethic., cap. vii). Causa autem est duplex, scilicet instrumentalis et principalis. In principali quidem causa est aliquid secundum similitudinem formæ, vel ejusdem speciei, si sit causa univoca; puta, cum homo generat hominem, vel ignis ignem; vel secundum aliquam excellentiorem formam, si sit *agens* non univocum : sicut sol generat hominem. In causa autem instrumentali est aliquid effectus secundum virtutem quam recipit instrumentum a causa principali, in quantum movetur ab eâ : aliter enim est forma domus in lapidibus et lignis, tanquam in proprio subjecto; et aliter in anima artificis, tanquam in causa principali; et aliter in serra et securi tanquam in causa instrumentali. Manifestum est autem quod esse susceptivum peccati est proprium hominis. Unde oportet quod proprium subjectum peccati cujuscumque sit id quod est proprium hominis, scilicet anima rationalis, secundum quam homo est homo :

et sic peccatum originale est in anima rationali sicut in proprio subjecto. Semen autem carnale sicut est instrumentalis causa traductionis humanæ naturæ in prolem, ita est instrumentalis causa traductionis peccati originalis; et ita peccatum originale est in carne, id est in carnali semine, virtute, sicut in causa instrumentali. Secundo considerandum est, quod duplex est ordo, scilicet nature, et temporis. Ordine quidem nature perfectum est prius imperfecto, et actus potentia; ordine vero generationis et temporis, a converso imperfectum est prius perfecto, et potentia actu. Sic ergo in ordine nature per prius est peccatum originale in anima, in qua est sicut in proprio subjecto, quam in carne, in qua est sicut in causa instrumentali; sed in carne est per prius ordine generationis et temporis.

Ad PRIMUM ergo dicendum, quod anima rationalis non habet immunditiam peccati originalis, nec a se (1), nec a Deo, sed ex unione ad carnem : sic enim fit pars humanæ nature derivata ab Adam.

Ad SECUNDUM dicendum, quod cum peccatum originale sit peccatum nature, non pertinet ad animam nisi in quantum est pars humanæ nature; humana autem natura fuit originaliter in Adam secundum aliquam partem sui, scilicet secundum carnem, et secundum dispositionem ad animam; et secundum hoc dicitur homo in Adam peccasse peccato originali.

Ad TERTIUM dicendum, quod Augustinus inducit illud exemplum ad ostendendum quod verbum Dei non maculatur ex unione seu adjunctione ad carnem. Nam verbum Dei non unitur carni ut forma, et ita se habet sicut lux non immixta corpori, sicut radii non permisceantur focibus. Sed anima unitur corpori ut forma, et ideo comparatur luci incorporate, que inquinatur ex admixtione; sicut patet de radio transeunte per aërem nihilosum, qui obscuratur.

Ad QUARTUM dicendum, quod mors, in quantum est poena originalis peccati, causatur ex hoc quod anima amisit virtutem qua possit suum corpus continere immune a corruptione; et sic etiam ista poena principaliter pertinet ad animam.

Ad QUINTUM dicendum, quod nobilior est aliquid in causa principali quam in effectu, non autem in causa instrumentali; sic autem est et humana natura per peccatum originale in carnali semine. Unde sicut humana natura non est verius in semine quam in corpore illò organizato, ita neque peccatum originale est verius in carne quam in anima.

(1) *Ad. nec est a se.*

ARTICULUS IV. — *Utrum peccatum originale per prius sit in potentis animæ quam in essentia.* (I-II part., quest. LXXXIII, art. 2.)

Quarto quaeritur, utrum peccatum originale per prius sit in potentis animæ quam in essentia. Et videtur quod sic. Quia, secundum Anselmum (lib. de concept. Virginali, cap. XXIII et XXVI, et lib. de peccato Origin., cap. II, III et seq.), ut supra dictum est, peccatum originale est carentia originalis iustitiæ. Sed originalis iustitia est in voluntate, ut ipse dicit. Ergo peccatum originale est per prius in voluntate, quæ est potentia quedam.

2. Præterea, secundum Augustinum, sicut supra dictum est, peccatum originale est concupiscentia. Sed concupiscentia pertinet ad potentias animæ. Ergo peccatum originale per prius est in potentis.

3. Præterea, peccatum originale dicitur esse fomes peccati, in quantum inclinatur ad actus peccatorum. Sed inclinatio ad actum pertinet ad potentiam. Ergo peccatum originale est in potentis animæ.

4. Præterea, peccatum originale est inordinatio quedam, opposita ordinationi originalis iustitiæ. Sed inordinatio non potest esse in essentia animæ in qua non est distinctio, quam præsupponit ordo et inordinatio: potentie vero animæ distincte sunt. Ergo peccatum originale per prius non est in essentia animæ, sed in potentis.

5. Præterea, peccatum originale huius qui nascitur, derivatur a peccato Adæ, quod per prius corrumpit potentias animæ quam essentiam. Sed effectus similatur causæ. Ergo et peccatum originale per prius inficit potentias animæ quam essentiam.

6. Præterea, anima secundum suam essentiam est forma corporis, dans ei esse et vitam. Defectus ergo pertinet ad essentiam animæ est defectus vitæ, qui est mors, vel necessitas moriendi. Sed huius defectus non habet rationem culpæ, sed pœnæ. Ergo culpa originalis non est in essentia animæ.

7. Præterea, anima non est susceptiva peccati nisi in quantum est rationalis. Sed dicitur rationalis secundum aliquas potentias rationales. Ergo peccatum per prius est in potentis animæ quam in essentia.

Sed contra, peccatum originale contrahit anima ex unione ad carnem. Sed anima unitur carni per suam essentiam, ut forma ejus. Ergo peccatum originale est per prius in essentia animæ.

Præterea, peccatum originale non est per prius peccatum personæ quam naturæ, ut supra, art. 1 et 2, dictum est. Anima

autem per essentiam suam constituit humanam naturam, in quantum est corporis forma; per potentias autem suas est principium activum quod ad potentias pertinet: actus enim sunt individuatorum, secundum Philosophum, (1 Metaph., non remote a princ.). Ergo peccatum originale per prius est in essentia animæ quam in potentis.

Præterea, peccatum originale in uno homine est unum; potentie autem sunt multe, quæ tamen uniantur in una essentia animæ. Sed unum accidens non est in pluribus subjectis, nisi in quantum uniantur. Ergo peccatum originale per prius est in essentia animæ quam in potentis.

Præterea, peccatum originale per originem contrahitur. Sed origo terminatur ad essentiam animæ: quia finis generationis est forma generati. Ergo peccatum originale directe respicit essentiam animæ.

Præterea, peccatum originale, secundum Anselmum (locis in argum. I citatis), est carentia originalis iustitiæ. Sed originalis iustitia fuit quoddam donum datum humanæ naturæ, non personæ, alioquin non fuisset traducta in posterum; et sic pertinebat ad essentiam animæ, quæ est natura et forma corporis. Pari ergo ratione et peccatum originale per prius est in essentia animæ quam in potentis.

Præterea, omne illud quod per prius est in potentis animæ quam in essentia, est in anima secundum quod comparatur ad objectum; quod autem est in anima per comparisonem ad subjectum per prius est in essentia animæ quam in potentis. Peccatum autem originale non est in anima per comparisonem ad objecta, sed per comparisonem ad subjectum, quod est caro, a qua infectionem trahit. Ergo peccatum originale per prius est in essentia animæ quam in potentis.

Respondeo dicendum, quod peccatum originale aliquo modo est et in essentia animæ, et in potentis: quia defectus ex culpa primi parentis ad totam animam pervenit. Sed considerare oportet, utrum per prius sit in essentia animæ quam in potentis. Et primo quidem aspectu potest alicui videri quod sit per prius in essentia, ea ratione quia peccatum originale est unum, potentie autem animæ uniantur in essentia ejus tantum in communi radice. Sed ista ratio non cogit: quia potentie animæ etiam uniantur alio modo, scilicet unitate ordinis, et etiam unitate alicujus primæ potentiæ moventis et dirigentis; sed oportet aliunde hujus veritatis inquisitionem accipere. Et quidem, cum peccatum originale ex carne derivetur ad animam, nulli dubium esse potest quod aliquo modo, saltem in via generationis et temporis, per prius sit peccatum originale in essentia animæ quam in potentis; cum anima per suam essentiam immediato corpori uniat ut forma, non autem per suas potentias, ut alibi ostensum est. Sed si quis dicat, quod pecca-

tum originale est per prius in essentia anime ordine generationis et temporis quam in potentis anime, sed in potentiis est prius ordine nature, sicut prius dictum est de anima et carne; hoc stare non potest. Non enim eodem modo comparatur essentia anime ad potentias sicut comparatur corpus ad animam; nam corpus comparatur ad animam ut materia ad formam; materia autem præcedit formam in via generationis et temporis, sed forma præcedit materiam in via perfectionis et nature. Essentia autem anime comparatur ad potentias sicut forma substantialis ad proprietates naturales consequentes; substantia autem est prior accidente, tempore, natura, et secundum rationem, ut probatur in VII Metaph. (com. iv). Unde omnibus modis peccatum originale per prius est in essentia anime quam in potentiis, et ab essentia anime derivatur ad potentias; sicut et natura processus est ab essentia anime ad potentias. Peccatum autem originale respicit naturam, ut dictum est.

Ad PRIMUM ergo dicendum, quod iustitia originalis non sic erat in voluntate quia per prius esset in essentia anime; erat enim donum collatum nature.

Ad SECUNDUM dicendum, quod concupiscentia est peccatum originale materialiter, et quasi per derivationem a superiori, ut supra dictum est.

Ad TERTIUM dicendum, quod essentia anime comparatur ad potentias sicut forma substantialis ad proprietates consequentes, puta forma ignis ad calidum. Calor autem non agit nisi in virtute forme essentialis ignis; alioquin non ageret ad formam substantialem. Unde forma substantialis est primum principium actionis. Et sic etiam essentia anime est per prius principium actionis quam potentia.

Ad QUARTUM dicendum, quod inordinatio potentiarum anime est ex defectu nature, qui primo et principaliter respicit essentiam anime.

Ad QUINTUM dicendum, quod in Adam persona corrupta naturam; et ideo in eo prius fuit corruptio in potentis anime quam in essentia; sed in homine qui nascitur ex Adam, natura corrupta personam; et ideo in isto per prius corruptio pertinet ad essentiam quam ad potentias.

Ad SEXTUM dicendum, quod essentia anime non solum est forma corporis dans ei vitam, sed etiam est principium potentiarum; et sic per prius est peccatum originale in essentia anime.

Ad SEPTIMUM dicendum, quod ipsæ potentie rationales derivantur ab essentia anime inquantum est agens nature; et ideo esse susceptivum peccati derivatur ad potentias ab essentia anime.

ARTICULUS V. — *Utrum peccatum originale per prius sit in voluntate quam in aliis potentiis.* (I-II part., quest. LXXXIV, art. 6.)

Quinto quaeritur, utrum peccatum originale prius sit in voluntate quam in aliis potentiis. Et videtur quod non. Peccatum enim originale est infectio quadam. Sed inter potentias anime, generativa dicitur esse magis infecta. Ergo peccatum originale per prius est in generativa potentia, non in voluntate.

2. Præterea, carentia originalis iustitiæ, quam Anselmus (loc. cit. in art. præc.) dicit esse originale peccatum, attenditur secundum hoc quod inferiores vires rebellant rationi. Sed huiusmodi rebellio est in inferioribus viribus. Ergo peccatum originale per prius est in inferioribus viribus.

3. Præterea, in peccato actuali aversio ab incommutabili bono sequitur conversionem ad commutabile bonum. Sed in peccato originali concupiscentia se habet sicut conversio in peccato actuali, sicut supra, art. 2, dictum est. Ergo cum concupiscentia sit in viribus inferioribus, peccatum originale per prius est in viribus inferioribus.

4. Præterea, peccatum originale, ut dictum est, est carentia originalis iustitiæ. Iustitia autem est virtus moralis; omnes autem virtutes morales sunt in irrationabilibus partibus anime, ut Commentator dicit in III Eth. (cap. 3). Ergo peccatum originale etiam est per prius in irrationabilibus partibus anime.

5. Præterea, peccatum originale est quadam perversio regimini anime. Sed regimen anime pertinet ad rationem. Ergo peccatum originale per prius est in ratione quam in voluntate.

6. Præterea, pena peccati originalis est carentia visionis divinæ que pertinet ad intellectum. Sed pena respondet culpa. Ergo peccatum originale per prius est in intellectu quam in voluntate.

Sed contra est quod Anselmus dicit (in lib. de conceptu Virginali, cap. iii, a med.), quod iustitia est rectitudo voluntatis. Sed peccatum originale est privatio originalis iustitiæ. Ergo est prius in voluntate.

Respondeo dicendum, quod subiectum virtutis aut vitii invenitur esse aliqua pars anime, secundum quod participat aliquid ab aliqua superiori potentia; sicut irascibilis et concupiscibilis sunt subiectum aliquarum virtutum inquantum participant rationem. Unde oportet dicere, quod rationale sit primo et per se subiectum virtutis. Ad hoc ergo quod inveniat primum subiectum peccati originalis in potentiis anime, oportet considerare que sit illa potentia a qua omnes aliæ habent quod sint susceptivæ peccati; oportet enim ex necessitate

quod ad illam potentiam peccatum originale per prius derivetur ab essentia animae: Manifestum est autem quod peccatum, secundum quod nunc de peccato loquimur, est cui debetur poena. Ex hoc autem actibus nostris poena debetur et increpatio, quia sunt voluntarii. Unde a voluntate derivatur ad alias potentias animae, quod sint susceptivae peccati. Unde patet quod peccatum originale per prius est in voluntate inter omnes potentias animae.

Ad PRIMUM ergo dicendum, quod sicut supra, art. 3, dictum est, infectio peccati dicitur esse in aliquo, vel in actu sicut in proprio subjecto, vel virtute sicut in causa. Causa autem originalis peccati est actus generationis, qui quidem ad virtutem generativam pertinet sicut ad exequentem, et ad concupiscibilem sicut ad appetentem et imperantem, ad sensum autem tactus sicut ad sentientem delectationem et nudantem. Unde infectio originalis peccati dicitur esse per prius in istis potentis virtute sicut in causa, non autem sicut in proprio subjecto.

Ad SECUNDUM dicendum, quod rebellio inferiorum virium ad superiores est per subtractionem virtutis quae inerat viribus superioribus, sicut supra, art. 2, dictum est; et ideo peccatum originale magis est in superioribus viribus quam in inferioribus.

Ad TERTIUM dicendum, quod aversio sequitur conversionem in via generationis; sed ratio peccati actualis perficitur in aversione; et similiter ratio peccati originalis in iustitia privatione; et ideo per prius est peccatum originale in voluntate.

Ad QUARTUM dicendum, quod dictum Commentatoris non habet veritatem in omnibus virtutibus moralibus, sed solum in his quae sunt circa passiones, quae sunt irrationabilium partium. Iustitia autem non est circa passiones, sed circa operationes, ut dicitur in V Ethic. (cap. 1); unde iustitia non est in irascibili et concupiscibili, sed in voluntate. Et sic quatuor virtutes principales sunt in quatuor potentis quae sunt susceptivae virtutis: prudentia quidem in ratione, iustitia in voluntate, temperantia in concupiscibili, fortitudo in irascibili.

Ad QUINTUM dicendum, quod perversum regimen rationis non habet rationem culpe, nisi in quantum est voluntarium; et ita etiam ratio habet a voluntate quod possit esse subjectum peccati.

Ad SEXTUM dicendum, quod carentia visionis divinae est poena in hoc quod reipsum voluntati: hoc enim est de ratione poenae, ut supra, quest. 1 de malo, art. 4 et 5, dictum est; et sic in quantum est poena, pertinet ad voluntatem.

ARTICULUS VI. — *Utrum peccatum originale ab Adam derivetur in omnes qui seminaliter ab ipso procedunt.* (I-II part., qu. LXXXI, art. 3.)

Sexto quaeritur, utrum peccatum originale ab Adam derivetur in omnes qui seminaliter ab ipso procedunt. Et videtur quod non. Mors enim est poena originalis peccati. Sed quidam in fine mundi, qui reperiuntur vivi, Domino veniente ad iudicium, non moriuntur, ut dicit Hieronymus ad Marcellam. Ergo non nascentur cum peccato originali.

2. Sed dicendum, quod in hoc opinio Hieronymi non tenebatur ab omnibus, et sic ratio non ex necessitate concludit. — Sed contra, id quod ex necessitate sequitur ex opinabili, non est erroneum neque contra fidem; sicut ex contingenti, quamvis falso, non sequitur impossibile. Sed homines aliquos ex Adam genitos non mori est opinabile. Ergo et aliquos sine originali nasci, quod ex hoc sequitur, non est erroneum.

3. Praeterea, sicut Augustinus dicit in Enchirid. (cap. cxy), tribus primis petitionibus orationis dominice poscuntur aeterna, reliquis quatuor temporalia. Sed inter alia quatuor petitur dimissio peccatorum vel debitorum, quorum unum est necessitas generandi cum originali peccato. Cum ergo inconveniens sit dicere, quod oratio totius Ecclesiae non exaudiat, videtur quod aliqui in hac temporalis vita generare poterunt filios sine originali peccato.

4. Praeterea, nullus potest ab aliquo accipere quod non est in eo. Sed in baptizato non est peccatum originale: tollitur enim per baptismum. Ergo nullus a patre baptizato nascens contrahit originale peccatum.

5. Praeterea, Apostolus dicit, Rom., xi, 16: *Si radicis sancta, et rami; et Dominus dicit, Matth., vii, 17, quod arbor bona fructus bonos facit.* Si ergo pater est sanctus et bonus, non generat filium peccato originali infectum.

6. Praeterea, sicut oppositum in opposito, et propositum in proposito. Sed peccator generat peccatorem. Ergo et justus generat justum (1).

7. Praeterea, Apostolus dicit ad Rom., v, 15: *Non sicut delictum Adam, ita et donum Christi;* sed donum Christi est multo potentius. Sed peccatum transfusum ab Adam in aliquem, ab eo propagatur in filium. Ergo et donum Christi: per baptismum ab aliquo derivatum, ab eo transfertur in filium; et sic filii baptizatorum sine peccato originali nascuntur.

8. Praeterea, Augustinus dicit in lib. de baptismo parvulorum: *Non plus nocuit transgressio primi peccatoris quam vultus incarnatio seu redemptio Salvatoris.* Sed redemptio Salvatoris non valet omnibus hominibus. Ergo nec

(1) *Al. additur:* Non ergo generat infectum originali peccato.

quod ad illam potentiam peccatum originale per prius derivetur ab essentia animæ: Manifestum est autem quod peccatum, secundum quod nunc de peccato loquimur, est cui debetur pœna. Ex hoc autem actibus nostris pœna debetur et increpatio, quia sunt voluntarii. Unde a voluntate derivatur ad alias potentias animæ, quod sint susceptivæ peccati. Unde patet quod peccatum originale per prius est in voluntate inter omnes potentias animæ.

Ad PRIMUM ergo dicendum, quod sicut supra, art. 3, dictum est, infectio peccati dicitur esse in aliquo, vel in actu sicut in proprio subjecto, vel virtute sicut in causa. Causa autem originalis peccati est actus generationis, qui quidem ad virtutem generativam pertinet sicut ad exequantem, et ad concupiscibilem sicut ad appetentem et imperantem, ad sensum autem tactus sicut ad sentientem delectationem et nudantem. Unde infectio originalis peccati dicitur esse per prius in istis potentiis virtute sicut in causa, non autem sicut in proprio subjecto.

Ad SECUNDUM dicendum, quod rebellio inferiorum virium ad superiores est per subtractionem virtutis quæ inerat viribus superioribus, sicut supra, art. 2, dictum est; et ideo peccatum originale magis est in superioribus viribus quam in inferioribus.

Ad TERTIUM dicendum, quod aversio sequitur conversionem in via generationis; sed ratio peccati actualis perficitur in aversione; et similiter ratio peccati originalis in iustitia privatione; et ideo per prius est peccatum originale in voluntate.

Ad QUARTUM dicendum, quod dictum Commentatoris non habet veritatem in omnibus virtutibus moralibus, sed solum in his quæ sunt circa passiones, quæ sunt irrationabilium partium. Iustitia autem non est circa passiones, sed circa operationes, ut dicitur in V Ethic. (cap. 1); unde iustitia non est in irascibili et concupiscibili, sed in voluntate. Et sic quatuor virtutes principales sunt in quatuor potentiis quæ sunt susceptivæ virtutis: prudentia quidem in ratione, iustitia in voluntate, temperantia in concupiscibili, fortitudo in irascibili.

Ad QUINTUM dicendum, quod perversum regimen rationis non habet rationem culpæ, nisi in quantum est voluntarium; et ita etiam ratio habet a voluntate quod possit esse subjectum peccati.

Ad SEXTUM dicendum, quod carentia visionis divinæ est pœna in hoc quod reipsum voluntati: hoc enim est de ratione pœnæ, ut supra, quest. 1 de malo, art. 4 et 5, dictum est; et sic in quantum est pœna, pertinet ad voluntatem.

ARTICULUS VI. — *Utrum peccatum originale ab Adam derivetur in omnes qui seminaliter ab ipso procedunt.* (I-II part., qu. LXXXI, art. 3.)

Sexto queritur, utrum peccatum originale ab Adam derivetur in omnes qui seminaliter ab ipso procedunt. Et videtur quod non. Mors enim est pœna originalis peccati. Sed quidam in fine mundi, qui reperientur vivi, Domino veniente ad iudicium, non morientur, ut dicit Hieronymus ad Marcellam. Ergo non nascentur cum peccato originali.

2. Sed dicendum, quod in hoc opinio Hieronymi non tenebatur ab omnibus, et sic ratio non ex necessitate concludit. — Sed contra, id quod ex necessitate sequitur ex opinabili, non est erroneum neque contra fidem; sicut ex contingenti, quamvis falso, non sequitur impossibile. Sed homines aliquos ex Adam genitos non mori est opinabile. Ergo et aliquos sine originali nasci, quod ex hoc sequitur, non est erroneum.

3. Præterea, sicut Augustinus dicit in Enchirid. (cap. cxy), tribus primis petitionibus orationis dominicæ poscuntur æterna, reliquis quatuor temporalia. Sed inter alia quatuor petitur dimissio peccatorum vel debitorum, quorum unum est necessitas generandi cum originali peccato. Cum ergo inconveniens sit dicere, quod oratio totius Ecclesiæ non exaudiat, videtur quod aliqui in hac temporalis vita generare poterunt filios sine originali peccato.

4. Præterea, nullus potest ab aliquo accipere quod non est in eo. Sed in baptizato non est peccatum originale: tollitur enim per baptismum. Ergo nullus a patre baptizato nascens contrahit originale peccatum.

5. Præterea, Apostolus dicit, Rom., xi, 16: *Si radicis sancta, et rami; et Dominus dicit, Matth., vii, 17, quod arbor bona fructus bonos facit.* Si ergo pater est sanctus et bonus, non generat filium peccato originali infectum.

6. Præterea, sicut oppositum in opposito, et propositum in proposito. Sed peccator generat peccatorem. Ergo et justus generat justum (1).

7. Præterea, Apostolus dicit ad Rom., v, 15: *Non sicut delictum Adam, ita et donum Christi;* sed donum Christi est multo potentius. Sed peccatum transfusum ab Adam in aliquem, ab eo propagatur in filium. Ergo et donum Christi: per baptismum ab aliquo derivatum, ab eo transfertur in filium; et sic filii baptizatorum sine peccato originali nascuntur.

8. Præterea, Augustinus dicit in lib. de baptismo parvulorum: *Non plus nocuit transgressio primi peccatoris quam vultus incarnatio seu redemptio Salvatoris.* Sed redemptio Salvatoris non valet omnibus hominibus. Ergo nec

(1) Al. additur: Non ergo generat infectum originali peccato.



transgressio Adæ nocet omnibus hominibus, et sic non omnes qui ex Adam seminaliter generantur, contrahunt ab eo originale peccatum.

9. Præterea, corrupto inferiori non corrumpitur superior: non enim sequitur, si non sit homo, quod non sit animal, sed e converso. Sed natura humana est superior ad quaecumque personam humanæ nature. Non ergo personalis infectio ipsius Adæ potest corrumpere totam naturam humanam originali peccato.

10. Præterea, per baptismum aut tollitur corruptio nature, aut non. Si tollitur, non ergo per actum nature transfunditur peccatum originale in prolem: si autem non tollitur, æqualiter se habet illa corruptio ad animam generantis et ad animam prolis genitæ. Si ergo animam generantis non inducit culpa originalis, neque anima prolis genitæ culpa inficietur originali.

11. Præterea, Anselmus dicit in lib. de conceptu Virginali, cap. vii, a med., quod peccatum non est magis in semine quam in spato. Sed nihil potest conferre alteri quod non habet. Ergo generatio quæ sit ex semine Adæ, non causat peccatum originale in prole.

12. Præterea, Augustinus dicit in lib. de perfectione Justitie, ratiocinat. 9: *Quod ex necessitate nature fit, culpa caret.* Sed quicquid causatur ex semine in prole, causatur ex necessitate nature. Ergo culpa caret. Non ergo qui ex Adam seminaliter generantur, peccatum originale contrahunt.

13. Præterea, semen est quoddam corpus. Sed actio corporis non est in momento, sed in tempore: anima autem per culpam inficitur in momento. Non ergo talis infectio causatur eo semine.

14. Præterea, Philosophus dicit in XV de animalibus (I de gener. Anim., cap. xix), quod semen est superfluum alimentum; et sic semen ex quo iste homo generatur, non fuit in Adam. Sed peccatum originale contrahitur ab aliquibus secundum quod in Adam peccaverunt, ut Apostolus dicit, Rom., v. Non ergo per seminalem generationem peccatum originale derivatur ab Adam in omnes homines.

15. Præterea, agens proximum plus imprimit quam remotionem; cuius signum est quod ahens proximum generat sibi simile in specie, non autem agens remotum; sicut homo generatus est similis in specie homini generanti, non autem soli. Sed infectio nature sicut fuit in Adam, ita etiam est in proximo parente. Ergo non debet dici, quod illi qui nunc generantur, contrahunt peccatum originale ab Adam, sed a proximis parentibus.

16. Præterea, Augustinus dicit in lib. de Nupt. et Concupis. (I. cap. xxiii et xxiv), quod peccatum transmittit in prolem non propagat, sed libido; et sic videtur quod si generatio

esset sine libidine, peccatum non traduceretur in prolem. Sed generatio sine libidine et cum libidine non facit diversam dispositionem in semine, nisi secundum majorem et minorem intensionem caloris. Cum enim semen sit quoddam corpus elementatum, diversa dispositio ejus in agendo reducit ad qualitates activas elementorum. Sed a causa differenti solam secundum intensionem et remissionem non producit effectus diversus secundum speciem. Sicut ergo propagatio sine libidine non traduceret peccatum originale, ita nec propagatio cum libidine.

17. Præterea, caritas libidinem diminit. Caritas autem potest augeri in infinitum. Cum ergo libido non sit infinita, videtur quod libido possit totaliter tolli per caritatem; et sic non est necessarium quod omnes cum originali peccato nascantur.

18. Præterea, libido vel pertinet ad inordinationem sensualitatis, vel ad improbam voluntatem. Sed neutrum horum invenitur in justis generantibus. Ergo illi qui ex eis generantur, non contrahunt originale peccatum.

19. Præterea, sicut bonum est diffusivum, ut dicit Dionysius (cap. iv de div. Nom., in princ.), ita malum est restrictivum. Sed bonum Adæ, puta penitentia ejus, non diffunditur in omnes. Ergo multo minus malum ipsius.

20. Præterea, peccatum ex Adam traducitur in alios in quantum in Adam peccaverunt. Sed Adam peccavit comedendo vetitum pomum; non autem potest dici quod omnes comederint vetitum pomum, Adam comedente. Ergo neque quod peccaverunt eo peccante; et sic peccatum originale non transit ab Adam in omnes homines.

Sed contra est quod Apostolus dicit, Rom., v, 12: *Per unum hominem peccatum in hunc mundum intravit, et per peccatum mors; et ita mors in omnes transiit, in quo omnes peccaverunt.*

Præterea, Augustinus (Fulgentius) dicit in libro de Fide ad Petrum, cap. ii, quod sicut non potest esse in hominibus sine libidine concubitus, ita non potest esse sine peccato conceptus.

Respondeo dicendum, quod erroneum est dicere quod aliqui seminaliter ab Adam derivantur absque originali peccato; sic enim aliqui homines essent qui non indigerent redemptione facta per Christum. Unde simpliciter concedendum est, quod omnes qui seminaliter ab Adam propagantur, peccatum originale contrahunt mox in ipsa sua animatione, quod ex his quæ supra, art. 4, dicta sunt, potest esse manifestum. Dictum enim est supra, quod peccatum originale hoc modo comparatur ad totam humanam naturam ex Adam propagatam, sicut peccatum actuale comparatur ad unam personam hominis singularem;

ac si omnes homines, in quantum ab Adam derivantur, sint unus homo, cuius diversa membra sint diversæ personæ. Manifestum est autem quod peccatum actuale primo invenitur in aliquo principio, scilicet in voluntate, quæ primo est susceptiva peccati, ut supra dictum est, et ab ea derivatur in alias potentias animæ, et etiam in membra corporis, secundum quod moventur a voluntate; sic enim actus sunt voluntarii, qui exiuntur ad rationem peccati. Sic ergo et peccatum originale primo considerandum est in Adam ut in quodam principio, a quo derivatur ad omnes qui ab eo moventur. Sicut autem moventur partes unius hominis per imperium voluntatis, ita movetur filius a patre per vim generativam; unde Philosophus dicit in II Phys. [comment. xxix], quod pater est causa filii ut movens; et in libro de generat. Animalium (II, cap. xviii) dicitur, quod in semine est quædam motio ab anima patris, quæ movet materiam ad formam concepti. Sic ergo huiusmodi motio quæ est per originem a primo parente derivatur in omnes qui seminaliter ab eo procedunt; unde omnes qui seminaliter ab eo procedunt, contrahunt ab eo originale peccatum.

Ad primum ergo dicendum, quod Hieronymus non ponit hoc asserendo, sed secundum opinionem quorundam, ut patet in epistola quam scribit ad Marcellinum de resurrectione carnis, in qua circa hoc plures opiniones ponit; inter quas recitat, quosdam fuisse opinatos, quod illi qui in adventu Domini vivi inveniantur, nunquam moriantur, propter illud quod Apostolus dicit I ad Thessal., iv. 16, ex persona eorum loquens: *Nos qui ceteris, simul rapti erunt in nubibus obviam Christo in aera*; quod alii exponunt, non quod non moriantur; sed quod parum in morte durabunt, statim resurgentes; et hoc communis tenetur.

Ad secundum dicendum, quod dato quod illi qui vivi reperiuntur in adventu Domini, nunquam moriantur, non sequitur ex necessitate quod peccatum originale non contraxerint. Pena enim propria originalis peccati est necessitas moriendi, secundum illud Apostoli. Rom., vii. 16: *Corpus quidem mortuum est propter peccatum*, id est necessitati mortis addictum, ut Augustinus exponit (lib. I de peccatorum Meritis, cap. vi et vii). Potest autem contingere quod aliqui necessitatem moriendi habeant, qui tamen nunquam moriantur, divina virtute mortem prohibente; sicut potest contingere quod grave generatum deorsum non feratur propter aliquid impediens.

Ad tertium dicendum, quod hoc debuit generandi cum originali peccato in hac vita dimittitur non quantum ad hoc quod aliqui generet sine peccato, sed quantum ad hoc quod aliqui cum peccato nati a peccato mandantur virtute Christi. Nam per debita intelliguntur peccata, ut dicit Augustinus in lib. de sermone Dom. in monte (II, cap. xiii et xviii.)

Ad quartum dicendum, quod peccatum originale opponitur

justitiæ originali, per quam superior pars animæ et Deo conjungebatur, et inferioribus viribus imperabat, et etiam corpus absque corruptione poterat conservare. Per baptismum ergo tollitur peccatum originale quantum ad hoc quod datur gratia, per quam superior pars animæ Deo conjungitur; non autem datur animæ virtus per quam possit conservare corpus absque corruptione, aut per quam possit superior pars conservare inferiores absque omni rebellionem; unde manet post baptismum et necessitas moriendi et concupiscentia quæ est materiale in originali peccato. Et sic quantum ad superiorem partem animæ participat novitatem Christi; sed quantum ad inferiores animæ vires, et etiam ipsum corpus, remanet adhuc vetustas quæ est ex Adam. Manifestum est autem quod homo baptizatus non generat secundum superiorem partem animæ, sed secundum inferiores et secundum corpus; et ideo homo baptizatus non transfundit in prolem novitatem Christi, sed vetustatem Adæ. Et propter hoc, licet ipse non habeat peccatum originale in quantum est culpa, transmittit tamen peccatum originale in prolem.

Et per hoc patet solutio ad quintum.

Ad sextum dicendum, quod modus ille arguendi lenet quantum ad id quod convenit opposito in quantum est oppositum, non autem quantum ad id quod est commune utriusque oppositorum. Sequitur enim, si nigrum congregat visum, quod album disgregat; non autem sequitur quod album sit invisibile, si nigrum est visibile (1); quia hoc convenit et secundum colorem, qui est genus utriusque. Vetustas autem Adæ, quantum ad inferiores vires et ad ipsum corpus, est communis et iusto et peccatori; et secundum hoc peccator generat peccatorem. Unde non sequitur quod justus generet prolem sine peccato.

Ad septimum dicendum, quod donum Christi est potentius quam delictum Adæ, quia restituit homines in altiorum statum quam Adam ante peccatum habuit, scilicet statum gloriæ, qui est absque periculo peccandi. Sed hoc oportet quod agatur per conformitatem ad Christum, ut effectus sit similis causæ. Sic enim Christus assumpsit vetustatem penæ, ut per mortem nos a morte redimeret, etsi resurgendo vitam repararet; ita quod homines per Christum primo quidem Christo conformantur per gratiam, manente vetustate peccati, ut tandem resurgentes transferantur in gloriam. Et ex hac penalitate quæ remanet in baptizatis quantum ad inferiores vires, traducunt originale peccatum. Nec est inconveniens quod pena sit causa culpæ; quia vires inferiores non sunt susceptivæ culpæ nisi in quantum possunt moveri a superioribus; et ideo remota culpa a superiori parte animæ, non remanet ratio culpæ in inferioribus actu sed virtute, in quantum sunt generationis humanæ principium.

(1) *Id. invisibile.*

AD OCTAVUM dicendum, quod sicut peccatum Adæ nocet omnibus qui carnaliter nascuntur ex ipso, ita redemptio Christi valet omnibus qui spiritaliter ex eo nascuntur.

AD NONUM dicendum, quod natura absolute accepta in plus est quam persona; sed natura in persona considerata includitur infra fines persone, et per hunc modum persona potest inficere naturam. Et quia a persona primi parentis persone omnes que ab eo seminialiter propagantur, naturam humanam accipiunt: ideo talis corruptio nature derivatur ad omnes: sicut si aqua corrumpereetur in fonte, corruptio deveniret ad totum rivum derivatum ex fonte.

AD DECIMUM dicendum, quod in anima parentis baptizati est aliquid resistens corruptioni: originalis peccati, scilicet sacramentum Christi; quod quidem impedimentum non est in (1) anima prolis genite. Vel dicendum, quod infectio nature non transit ad animam nisi per actum generationis, qui est actus nature; et ideo non transit in animam generantis sed in animam generati, qui est terminus generationis.

AD UNDICESIMUM dicendum, quod peccatum non est actu in semine, sed virtute, in quantum est principium generationis humane, ut supra dictum est.

AD TRIGESIMUM dicendum, quod defectus originalis non habet rationem culpe ex hoc quod ex necessitate trahitur per seminalem generationem, sed ex hoc quod natura est infecta infectione que reputatur voluntaria propter sui principium, ut supra dictum est.

AD TRIGESIMUM SECUNDUM dicendum, quod semen hoc modo agit ad infectionem anime sicut agit ad completionem humane nature. Sicut ergo actio seminis est in tempore, sed lumen completo nature humane est in instanti per adventum ultime forme; ita et infectio peccati originalis in instanti causatur a primo parente, quamvis actio seminis non sit in instanti.

AD TRIGESIMUM TERTIUM dicendum, quod aliqui crediderunt quod peccatum originale a primo parente non posset traduci in posterum nisi omnes homines materialiter fuerint in Adam; et ideo ponunt, quod semen non est superfluum alimentum, sed traducitur ab ipso Adam. Sed hoc non potest esse; quia sic semen esset aliquid resolutum de substantia generantis. Quod autem resolvitur de substantia alicujus, recedit a natura (2) ipsius, et est in via corruptionis; unde non potest esse principium generationis in eadem natura. Et ex hoc Philosophus concludit, quod semen non est aliquid resolutum de substantia, sed superfluum alimentum. Per hoc autem non excluditur quin peccatum originale contrahatur a primo parente. Condicio enim generati magis dependet ab agente quod disponit materiam et dat formam, quam a materia, que a priori dispositione recedens, et

(1) *Al. dicit 10.* — (2) *Al. recedit natura.*

formam priorem amittens, novam dispositionem et formam recipit ab agente. Unde non refert quantum ad contractionem originalis peccati, undeque materia humane corporis venerit, sed a quo agente in speciem nature humane fuerit commutata.

AD DECIMUM QUINTUM dicendum, quod agens propinquum et remotum possunt distingui dupliciter; uno modo per se, alio modo per accidens. Per accidens quiddam, sicut cum remotio et distantia attenditur tantum secundum locum vel secundum tempus vel secundum aliquid hujusmodi accidentale cause in quantum est causa; et sic verum est quod agens propinquum magis imprimit in effectum quam agens remotum, sicut ignis propinquus magis calefacit quam ignis remotus, et malum propinquum secundum tempus magis movet animam quam remotum. Per se autem distinguuntur agens propinquum et remotum, secundum naturalem ordinem causarum in causando; et hoc modo agens remotum plus influit in effectum quam agens propinquum. Dicitur enim in libro de Causis (prop. 1), quod omnis causa primaria plus est influens super suam causatum quam causa secunda; quia causa secunda non agit nisi ex virtute cause prime. Quod autem effectus recipit interdum speciem agentis propinqui et non agentis remoti, non est propter defectum influentie que fit ab agente remoto, sed propter defectum materie, que non potest recipere tam excellentem formam; unde si materia sit susceptiva forme principalis agentis, recipiet eam magis quam formam agentis propinqui; sicut domus magis recipit formam artis quam formam instrumenti. Quia ergo vastitas originalis peccati invenitur in omnibus secundum quod sunt moti a primo parente, ut supra dictum est: ideo nullus transmittit peccatum originale nisi prout generat in virtute primi agentis. Et propter hoc magis dicitur contrahi ab Adam quam a proximo parente.

AD TRIGESIMUM SECUNDUM dicendum, quod libido nominat inordinatum concupiscentiam actuale. Dicitur est autem supra (in solutione ad 3 argum., art. 2 in corp.), quod materiale in originali peccato est concupiscentia habitualis, que provenit ex hoc quod ratio non habet virtutem totaliter inferiores vires retinendi. Sic ergo libido actualis que est in coitu, est signum concupiscentie habitualis, que materialiter se habet in originali peccato. Causa autem quod aliquis transmittat originale peccatum in prolem, est id quod remanet in eo de peccato originali etiam post baptismum, ut dicitur est in solutione ad 3 et 7 arg., scilicet concupiscentia, vel fomes. Sic enim patet quod libido actualis non est causa quod transmittatur originale peccatum, sed signum cause. Unde si miraculose foret ut actualis libido totaliter removeretur coitu manente, tamen nihilominus proles traheret peccatum originale. Unde Angusti-

nus, cum dixit quod libido transaluit peccatum, posuit signum pro signato. Obiectio autem procedebat de hac libidine actuali, ad quam quidem cooperatur calor intensior; non tamen tota causa est ex calore, sed principaliter causa est ex virtute talis animæ que principaliter operatur in semine, ut dicit Philosophus.

AD DECIMUMSEPTIMUM dicendum, quod caritas diminuit actuale libidinem, inquantum concupiscibilis obedit rationi; non autem sic obedit in statu naturæ corruptæ, quin aliquid de motu proprio retineat, etiam præter ordinem rationis; et ideo omnino non tollitur libido, quantumcumque caritas viæ augetur.

AD DECIMUM OCTAVUM dicendum, quod in actu generationis, etiam in iustus, est actualis libido dum concupiscibilis immoderate in delectabile carnis tendit, et voluntas etiam, et si contra rationem nihil faciat aut velit, tamen ordinem rationis actualis non attendit propter vehementiam passionis.

AD DECIMUMNOVUM dicendum, quod principium peccati est ex nobis, principium autem boni meritorii est ex Deo; unde in Adam fuit aliquod bonum quod potuit omnibus communicari, scilicet originalis iustitia, quam tamen a Deo habuit; sed malum quod in alios transmittit habuit ex seipso; ut potius dici possit quod Deus finisset transmissor boni; homo autem est transmissor mali. Bonum autem penitentiae ipsius non est transfusum ad alios, quia ejus principium fuit gratia personaliter illi homini data.

AD VICESIMUM dicendum, quod comedere significat actum personalem; sed peccare potest pertinere ad personam et ad naturam; et ideo illi qui recipiunt naturam humanam ab Adam, dicuntur in Adam peccasse, non autem dicuntur in Adam comedisse.

ARTICULUS VII. — *Utrum illi qui nascuntur materialiter tantum de Adam, peccatum originale contrahant.* I. II p., quest. LXXXI, art. 4.

Septimo queritur, utrum illi qui nascuntur materialiter tantum de Adam, peccatum originale contrahant. Et videtur quod sic. Anima enim inficitur peccato originali propter infectionem carnis cui unitur. Sed caro hominis peccatoris est infecta infectione peccati in actu, semen autem in virtute tantum; quia cum careat anima rationali, non est susceptivum infectionis peccati. Magis ergo contrahit maculam originalis peccati homo qui miraculose formaretur ex carne alicujus habentis peccatum originale, puta ex costa vel pede vel manu, quam si generetur ex semine.

2. Præterea, Gen., III, dicit quedam Glossa, quod in lumbis Adæ tota posteritas fuit corrupta; quia non est separata prius in loco vitæ, sed postea in loco exilii. Sed si aliquis

homo formaretur de corpore alterius hominis, puta de manu vel pede, separaretur caro ejus in loco supplicii. Ergo contraheret corruptionem originalis peccati.

3. Præterea, peccatum originale est peccatum totius naturæ humanæ, ut supra, art. 1 et 2 hujus quæst., et art. præced. ad argum. 9, dictum est. Sed ille homo qui formaretur ex carne alterius hominis, pertineret ad humanam naturam. Ergo contraheret peccatum originale.

4. Præterea, in generatione hominis et ejuslibet animalis, materia corporis ministratur a femina. Sed anima inficitur per infectionem peccati, ex hoc quod unitur materie corporali. Ergo licet Adam non peccasset, Eva peccante, proles ex utroque nata peccatum originale contraheret non propter infectionem virilis seminis, sed propter materiam tantum.

5. Præterea, mors et corruptio quælibet provenit ex necessitate materie. Sed materia ministratur a matre. Ergo si Eva fuisset facta mortalis et passibilis peccando, Adam non peccante, filii qui nascerentur, passibiles et mortales fuissent. Sed pena non est sine culpa. Ergo peccatum originale contrahissent.

6. Præterea, Damascenus dicit (in III lib. orthod. Fidei, cap. II et XII), quod Spiritus sanctus supervenit Virgini purgans ipsam. Non autem potest dici, quod illa purgatio fuerit superflua; quia cum natura creata nihil superfluum operetur, multo minus Spiritus sanctus. Si ergo purgatio non precederet corpus Christi assumptum fuisset de Virgine, contrahisset nihilominus originale peccatum. Et sic videtur quod hoc ipsum sufficit ad contrahendum originale peccatum, quod aliquis materialiter ex Adam carne accipiat.

Sed contra est quod Augustinus dicit (X super Genes. ad lit., cap. XIX, XX et XXI), quod Christus non peccavit in Adam, neque decimatus fuit in lumbis Abraham, quia non fuit ibi secundum seminale rationem, sed solum secundum corpus tantam substantiam.

Respondeo dicendum, quod hujus questionis veritas ex præmissis potest accipi. Dictum est enim supra, art. præced., quod peccatum originale a primo parente derivatur in posteris inquantum posteri moventur a primo parente per originem. Manifestum est autem quod materie non est movere, sed moveri; unde qualitercumque aliquis materialiter procedit ex Adam vel ex his qui ab Adam processerunt, nullo modo contraheret originale peccatum, nisi seminaliter propagaretur ex eo; sicut nec etiam peccatum originale contraheret, si aliquis homo de novo formaretur de terra. Non enim refert quantum ad conditionem hominis de qua materia formetur, sed a quo agente formetur; quia ab agente recipit formam et dispositiones, ut dictum est. Materia vero non retinet priorem formam

aut dispositionem, sed novam acquirit per generationem.

Ad primum ergo dicendum, quod si aliquis homo formaretur ex digito vel carne alterius hominis, hoc non posset esse nisi carne illa corrupta et recedente a sua dispositione; quia generatio minus est corruptio alterius. Unde infectio quae praecessit in carne, non remaneret ad inficiendam animam.

Ad secundum dicendum, quod Glossa illa non est sic intelligenda, quod locus exili sit causa contrahendi originale peccatum; quia si homo post peccatum in paradiso terrestri remansisset, transmississet originale peccatum in posteros. Sed causa traditionis originalis peccati est corruptio naturae humanae in primo parente; locus autem exili est concomitans ad corruptionem; unde in Glossa illa locus ponitur quasi concomitans causam, et non quasi causa.

Ad tertium dicendum, quod peccatum originale non pertinet ad naturam humanam absolute, sed secundum quod derivatur ab Adam per viam seminalem, ut dictum est.

Ad quartum dicendum, quod filii qui nascerentur ex Adam, ipso non peccante, et Eva peccante, non contraherent originale peccatum (1); quia originale peccatum contrahitur per virtutem moventem ad naturam humanam, quae est in semine maris, secundum Philosophum (1 de gener. Animalium, cap. xx). Et ideo quamvis Eva primo peccaverit, significanter tamen Apostolus dicit, quod per usum hominem peccatum in mundum intravit.

Ad quintum dicendum, quod aliquibus visum est quod illi qui nascerentur ex Adam non peccante, et Eva peccante, mortales et passibiles essent, propter hoc quod ista consequuntur materiam, quam ministrat mater: et tunc mortalitas et passibilitas non essent defectus positivos sed naturales: sed melius dicendum est, quod non essent passibiles neque mortales; si enim Adam non peccasset, transdidisset iustitiam originalem in posteros, ad quam pertinet quod non solum anima subdatur Deo, sed etiam corpus subdatur anime, per quod excluditur passibilitas et mortalitas.

Ad sextum dicendum, quod ex hoc quod Christus fuit conceptus ex Virgine sine virili semine, habuit quod non contraheret originale peccatum. Praecessit autem purgatio non tanquam ad hoc necessaria ut sine originali peccato conciperetur, sed quia carnem quam Verbum Dei suscepit, omnis puritas decebat.

**ARTICULUS VIII.** — *Utrum peccata proximorum parentum originaliter in posteros transeant.* (I-II parl., quest. lxxxii, art. 2.)

Octavo quaeritur, utrum peccata proximorum parentum originaliter in posteros transeant. Et videtur quod sic. David

(1) *Al. deest peccatum originale.*

enim, ex legitimo matrimonio natus, dicit Psalm. l, 7: *Ecce enim in iniquitatibus conceptus sum, et in peccatis concepit me mater mea*; ex quo videtur quod multa sunt originalia peccata unius hominis. Sed hoc esse non posset, si peccata proximorum parentum originaliter non transirent in posteros, sed solum peccatum primi hominis. Ergo peccata proximorum parentum originaliter transeunt in posteros.

2. Praeterea, sicut natura humana fuit in Adam, ita in singulis hominibus. Sed Adam suo peccato actuali corrupti naturam humanam, et corruptam transmisit in posteros; quia qualem habuit, talem communicavit; ergo et quilibet alius suo peccato actuali corrupti naturam humanam in seipso, et huiusmodi corruptionem transmittit in posteros; et sic peccata actualia proximorum parentum transeunt originaliter in posteros, sicut et peccatum primi parentis.

3. Sed dicitur, quod in Adam fuit humana natura integra: et ideo potuit eam corrumpere suo actuali peccato; in aliis autem hominibus est natura humana iam corrupta; et ideo per eorum actualia peccata corrumpi non potest. Sed contra est quod Apocal. ult. 2. dicitur: *Qui iustus est, justificetur adhuc; et qui in sordibus, sordescat adhuc*. Sed esse eam (1) in sordibus peccati est esse corruptam. Ergo natura quae est in aliquo corrupta, potest adhuc ulterius corrumpi.

4. Sed dicendum, quod illa corruptio naturae quae fiebat per peccatum primi parentis, de natura integra fecit corruptam; et ideo potuit causare transfusionem originalis peccati; sed aliae corruptiones naturae quae sunt per peccata actualia, hoc non faciunt; et ideo non causant transfusionem originalis peccati. — Sed contra, medium comparatum uni extremorum habet rationem alterius; sicut pallidum comparatur ad album, ut nigrum ad album. Sed minus corruptum, medium est inter integrum et magis corruptum. Ergo idem operatur corruptio naturae quae transmutatur de integro in corruptum, et corruptio quae transmutatur de minus corrupto in magis corruptum.

5. Sed dicendum, quod natura humana fuit in primo homine sicut in primo principio; et ideo potuit in eo corrumpi, non autem in aliis. — Sed contra, si primo homine non peccante aliquis posterorum eius peccasset, corrupta fuisset in eo natura humana, et talem transmississet in posteros; et tamen in eo non fuisset humana natura sicut in primo principio. Non ergo requiritur ad transfusionem originalis peccati quod natura humana corrumpatur per primum naturae principium.

6. Praeterea, Exod. xx, 5, dicitur: *Ego sum Deus zelotes, visitans iniquitatem patrum in filiis in tertium et quartam generationem*; quod non potest referri nisi ad peccatum actuale

(1) *Fortè naturam.*

proximorum parentum. Ergo peccata actualia proximorum parentum originaliter traducuntur in posteros.

7. Sed diceretur, quod hoc intelligitur de transitu peccatorum quantum ad penam, non autem quantum ad culpam. — Sed contra, effectus non potest esse sine causa sua. Sed poena est effectus culpae. Ergo si traducitur poena, necesse est ut traducatur et culpa.

8. Sed diceretur, quod poena quae supponit culpam, non semper est in eodem, sed quandoque in alio. — Sed contra, poena a deo est, et iusta est. Iustitia autem est aequalitas quaedam. Oportet ergo, quod poena inaequalitatem culpae ad aequalitatem redeat. Sed hoc non posset esse, nisi in eodem fieret aequalitas per poenam in quo praecessit inaequalitas per culpam, ut scilicet patitur aliquid secundum voluntatem Dei contra voluntatem suam, qui peccando fecit contra voluntatem Dei secundum voluntatem suam. Oportet ergo quod ad eundem transeat poena ad quem transit culpa.

9. Praeterea, Matth., xxvii, 25, Iudaei dixerunt : *Sanguis ejus super nos, et super filios nostros*; quod exponens Augustinus (in quodam sermone de passione) dicit : *Ecce qui bona ad heredes suos quodam sacrilegi testimonio transmittunt, macula sanguinis se perfundunt, et posteros perimunt*. Ergo peccatum actuali aliorum hominum quam Adam transit ad posteros etiam quantum ad maculam.

10. Praeterea, Adam peccante omnes in eo peccavimus, ut dicit Apostolus, et hoc ideo quod in eo oramus secundum seminale rationem, ut Augustinus dicit (lib. X sup. Gen., cap. xix, xx, xxi). Sed sicut fuimus in Adam secundum seminale rationem, ita etiam in proximis parentibus. Ergo etiam eis peccantibus nos peccavimus, et ita originaliter eorum peccata ad nos transeunt.

11. Praeterea, mors, quae est privatio vitae, est poena originalis peccati. Sed vita hominis semper magis et magis tinoratur, in principio enim mundi diutius homines vivebant quam modo. Ergo cum poena crescat, videtur quod augeatur culpa; et sic per peccata actualia proximorum parentum aliquid addatur ad originale peccatum quod trahitur ex primo parente.

12. Praeterea, ante institutionem circumcisionis pueri salvabantur in sola fide parentum, ut Gregorius dicit (IV Moral., cap. n, circa med.). Ergo et per infidelitatem damnabantur (1). Sed infidelitas est peccatum actuali. Ergo actuali peccatum proximorum parentum transit ad posteros.

13. Praeterea, efficacius est ad agendum quod inest secundum speciem et secundum rem, quam quod inest secundum speciem tantum. Sed turpido corporalis imaginata, quae est secundum speciem tantum in generante, transit ad posteros:

(1) *Ad damnabantur.*

unde Hieronymus dicit in libro de Hebraicis questionibus, quod quaedam mulier peperit puerum nigrum ad aspectum Aethiops in pariete depicti. Ergo multo magis turpido peccati, quae est in anima patris et secundum rem et secundum speciem, transit ad posteros.

14. Praeterea, magis aliquis potest communicare alteri quod habet a seipso quam quod habet ab alio. Sed proximi parentes transfundunt in posteros corruptionem peccati originalis, quae in eos ab Adam derivatur. Ergo multo magis transfundunt corruptionem actualium peccatorum.

15. Praeterea, secundum jura canonica et civilia filii obligantur pro peccatis parentum; nam filii servorum (1), quamvis sint ex libera matre geniti, addicuntur servituti; heredes autem alicujus furis obligantur pro furto patris secundum jura canonica, etiamsi nihil ad eos de furto pervenerit, lite etiam non contestata cum patre; filii etiam eorum qui peccant crimine laesae majestatis, portant parentum ignominiam. Ergo peccata parentum ad filios transeunt.

16. Praeterea, magis conveniunt filii cum proximis parentibus quam cum primo parente, et immediatius se habent ad eos. Si ergo peccatum primi parentis transit in posteros, multo magis peccata proximorum parentum.

17. Praeterea, ea quae sunt corporis, traducto corpore traduntur. Sed quaedam peccata actualia pertinent ad corpus; dicit enim Apostolus, I ad Corinth., vi, 18 : *Omne peccatum quodcumque fecerit homo, extra corpus est; qui autem fornicatur, in corpus suum peccat*. Ergo hujusmodi peccata actualia a proximis parentibus originaliter ad posteros derivantur.

Sed contra, peccatum opponitur merito. Sed merita parentum non derivantur ad posteros, alioquin non omnes nascerentur filii irae. Ergo peccata actualia proximorum parentum non in posteros transeunt.

Praeterea, Ezech., xviii, 20, dicitur : *Filius non portabit iniquitatem patris*. Portaret autem si a patre in ipsum transiret. Ergo peccata proximorum parentum non transeunt in filios.

Respondeo dicendum, quod super hoc Augustinus questionem movet in Enchiridio (cap. xxvi et xxvii), et insolentiam dimittit. Sed si diligenter consideretur, impossibile est quod peccata actualia proximorum parentum originaliter in posteros transeant. Ad cuius evidentiam notandum est, quod generans univoicum naturam suae speciei communicat generato, et per consequens omnia accidentia quae speciem consequuntur; sicut enim homo generat hominem, ita risibilis risibilem. Si autem virtus generantis sit fortis, tradit similitudinem suam

(1) *Ad servorum.*

genito etiam quantum ad accidentia individualia. Sed hoc verum est de accidentibus que aliquoties ad corpus pertinent, non autem de accidentibus que solum pertinent ad animam, maxime intellectivam, que non est virtus in organo corporali: homo enim albus perquamque generat filium album et magnum magnum; nunquam autem grammaticus grammaticum, aut physicus physicum. Quia vero per peccatum gratie donum privatur, oportet idem considerare in peccato quod consideratur in dono gratie, quod tollitur per peccatum. Fuit autem in principio conditionis humane quoddam donum gratuitum primo homini divinitus datum non ratione personae suae tantum, sed ratione totius naturae humane ab eo derivanda, quod donum fuit originalis iustitia. Hujus etiam doni virtus non solum residebat in superiori parte anime, que est intellectiva, sed diffundebatur ad inferiores anime partes, que continebantur virtute doni predicti totaliter sub ratione; et ulterius usque ad corpus, in quo nihil poterat accidere, dono predicto manente, quod contrariaretur uniioni ipsius ad animam. Et ideo rationaliter hoc donum fuisse ad posterum propagatum, propter duo: primo quidem, quia consequabatur naturam ex Dei munere, licet non ex ordine nature; secundo, quia pertinebat usque ad corpus, quod per generationem traducitur. Hoc autem donum sublatum est per primum peccatum primi parentis; unde rationaliter et peccatum illud propter easdem causas per originem ad posterum derivatur. Sed alia peccata actualia vel ipsius primi parentis, vel etiam aliorum opponuntur dono gratie quod divinitus confertur alicui ratione personae suae tantum, et iterum residet vis ejus in sola anima intellectiva, neque derivatur ad corpus ut per huiusmodi gratiam tollatur corruptibilitas corporis. Et ideo nec ipsa gratia traducitur, nec etiam peccata actualia quorumcumque parentum, etiam ipsius Adae, praeter primum ejus peccatum, traducuntur in posterum per modum originis. Possunt autem peccata actualia proximorum parentum derivari ad filios per imitationem, propter conversationem assiduum filiorum cum eis.

Ad primum ergo dicendum, quod peccatum originale in uno homine est unum tantum; sed dicitur pluraliter: *In peccatis concepti me mater mea*, propter quatuor. Primo quidem secundum consuetudinem Scripturae in qua ponitur pluralis pro singulari, ut patet Matth., ii, 20: *Mortui sunt qui quaerebant animam pueri*; quod dicitur pro solo Herode. Secundo, quia peccatum originale est quodammodo causa sequentium peccatorum; et ita virtute continet in se multa peccata. Tertio, quia in peccato actuali primi parentis, ex quo peccatum originale causatur, fuit multiplex peccati deformitas: fuit enim ibi superbia, inobedientia, gula et furtum. Quarto, quia corruptio originalis peccati ad diversas hominis partes pertinet: sed tamen

propter hoc peccatum originale in homine non potest dici plura, nisi secundum quid.

Ad secundum dicendum, quod Adam suo peccato actuali corrupti naturam humanam subtrahendo donum gratuitum, quod poterat transire in posterum; quod non fit per actualia peccata proximorum parentum, ut ex diets patet; quamvis addant ad hanc corruptionem per subtractionem gratiae, vel aptitudinis ad ipsam gratiam, que est donum personale.

Et per hoc patet responsio ad tertium, quartum et quintum.

Ad sextum dicendum, quod hoc dicitur, quia peccatum transit a parentibus in posterum quantum ad poenam. Verum tamen considerandum est, quod duplex est poena. Una spiritualis, que pertinet ad animam; et tali poena filius nunquam puniuntur pro patre; et hoc ideo quia anima filii non est ex anima patris, sed immediate causatur a Deo. Et haec ratio assignatur Ezech., xviii, 4: *Sic ut anima patris mea est, ita et anima filii mea est*; et vers. 20: *Filius non portabit iniquitatem patris*. Alia poena est corporalis, vel eorum que ad corpus pertinent; et quantum ad hanc poenam filii pro parentibus puniuntur, praesertim quando conformantur parentibus in culpa; quantum enim ad corpus quod a parente traducitur, filius est aliquid patris.

Ad septimum dicendum, quod poena temporalis qui filius quandoque puniunt, habet pro causa culpam in patre praecedentem.

Ad octavum dicendum, quod in quantum filius est aliquid patris, sic in poena filii puniuntur etiam pater.

Ad nonum dicendum, quod sanguis Christi obligat filios Judaeorum in quantum sunt imitatores paterna malitia ipsam approbando.

Ad decimum dicendum, quod in primo parente et in proximis parentibus fuit communicatio communicationem naturae, non tamen secundum communicationem in persona; et ideo peccato subtrahente donum naturae participamus, non autem peccato subtrahente donum personae.

Ad undecimum dicendum, quod hoc quod modo minus homines vivunt quam in principio mundi, non est propter aggravationem originalis peccati, neque propter continuum debilitationem naturae, ut quidam dicunt; alioquin per processum temporis semper magis et magis vita hominis breviaretur, quod patet esse falsum; cum modo tantum homines vivant sicut et in tempore David, qui dicebat Psal. lxxxix, 40: *Dies avortuum nostrorum in ipsis septuaginta annis*. Illa ergo diturnitas vitae fuit ex virtute divina, ut genus humanum multiplicaretur.

Ad duodecimum dicendum, quod a principio humani gene-

ris remedium contra originale peccatum adhiberi non potuit nisi per virtutem mediatoris Dei et hominis Jesu Christi. Fides ergo antiquorum cum aliqua protestatione fidei valebat parvulis ad salutem, non prout erat quidam actus meritorius creditum (unde non requirebatur quod esset actus fidei formate), sed ex parte rei credite, scilicet ipsius mediatoris. Sic enim et sacramenta, que postea sunt instituta, valent, in quantum sunt quedam fidei protestationes; unde non sequitur quod infidelitas parentum filius noceret, nisi per accidens, sicut removens remedium peccati.

Ad DECIMUMTERTIUM dicendum, quod imaginatio est vis quedam in organo corporali; unde ad speciem imaginatam mutatur spiritus corporeus, in quo fundatur vis formativa, que operatur in semine; et ideo interdum aliqua imitatio fit in prole ex imaginatione parentis in ipso coitu, si sit fortis. Sed infectio peccati, maxime actualis, totaliter manet in anima, et non pertinet ad corpus. Unde non est simile.

Ad DECIMUMQUARTUM dicendum, quod ratio illa procedit ceteris paribus.

Ad DECIMUMQUINTUM dicendum, quod ratio illa procedit de transitu peccati quantum ad penam corporalem.

Ad DECIMUMSEXTUM dicendum, quod magis contraheret homo peccatum a proximo parente quam a primo, si per peccatum proximi parentis tolleretur aliquid donum nature, sicut per peccatum primi parentis est ablatum.

Ad DECIMUMSEPTIMUM dicendum, quod ille qui fornicatur, dicitur peccare in corpus suum, non quia macula hujus peccati sit in corpore, immo est in anima, sicut et gratia cui opponitur; sed quia completur hoc peccatum in corporis delectatione, et in quadam corporis resolutione; quod in nullo alio peccato contingit. Nam in peccato gula non fit aliqua resolutio corporalis; in peccatis vero spiritualibus non est delectatio corporalis.

## QUÆSTIO V

### DE PENA ORIGINALIS PECCATI

(In quinque articulos divisa.)

Primo enim quæritur, utrum poena originalis peccati sit carentia divinæ visionis; 2<sup>o</sup> utrum peccato originali debeatur poena sensibilis; 3<sup>o</sup> utrum patientiam afflictionem interioris doloris qui decedunt cum solo originali; 4<sup>o</sup> utrum mors et alii defectus hujus vite sint poenæ originalis peccati; 5<sup>o</sup> utrum mors et hujusmodi defectus sint homini naturales.

### ARTICULUS PRIMUS. — Utrum poena originalis peccati sit carentia divinæ visionis.

Quæstio est de poena originalis peccati. Et primo quæritur, utrum sit conveniens poena originalis peccati carentia visionis divinæ. Et videtur quod non. Quia, ut dicitur II Physic. (com. LXII), frustra est quod est ad finem quem non consequitur. Sed homo naturaliter ordinatur ad beatitudinem sicut ad finem ultimum: que quidem beatitudo in divina visione consistit. Ergo frustra est homo, si non perveniat ad visionem divinam. Sed Deus propter peccatum originale non destitit causare hominum generationem, ut Damascenus dicit. Cum ergo in operibus Dei nihil sit frustra, videtur quod homo propter peccatum quod ex sua origine contrahit non incurrat reatum carentie visionis divinæ.

2. Præterea, Ezech. XVIII, 4, dicitur: *Omnes anime mee sent: sicut anima filii mea est, ita et anima patris mea est.* Ex quo potest accipi, quod omnes anime immediate sunt a Deo create, et quod una non traducitur ab alia. Ergo poena que tantum pertinet ad animam, non debet aliquis puniri pro peccato originali, quod a primo parente traducitur. Sed carentia divinæ visionis est poena ad solam animam pertinens, sicut et ipsa visio divinæ solius anime est. Ergo carentia divinæ visionis non est poena debita originali peccato.

3. Præterea, Augustinus dicit in Enechir. (cap. XCIII), quod mitissima est poena eorum qui pro solo peccato originali puniuntur. Sed Chrysostomus dicit super Matth. (homil. XLVI ad populum Antiochie), quod carentia divinæ visionis est maxima poenarum, et intolerabilior quam gehenna. Ergo carentia visionis divinæ non est conveniens poena originalis peccati.

4. Sed diceretur, quod sola carentia visionis divinæ est minor poena quam carentia visionis divinæ cum poena sensus, que debetur peccato actuali. — Sed contra, poena, cum sit quoddam malum, in privatione alicujus boni consistit. Sed proportio privationum ad invicem est sicut proportio eorum que privantur; sic enim surditas se habet ad cecitatem sicut auditus ad visum. Sed per carentiam divinæ visionis privatur homo Deo, per penam autem sensus privatur quodam bono creato, scilicet sensus delectatione, vel alio hujusmodi. Bonum autem creatum additum bono increato, non facit magis beatum: dicit enim Augustinus in lib. Confess. (V, cap. IV), ad Deum loquens: *Qui te et illa novit, scilicet creaturas, non propter illa beator, sed propter te solum beatus.* Ergo qui privatur bono increato solo per carentiam visionis divinæ, non est minus miser quam ille qui cum hoc patitur penam sensus.

5. Sed dicendum, quod licet non sit minus beatus quantum ad premium essentiale, est tamen minus beatus quantum ad



ris remedium contra originale peccatum adhiberi non potuit nisi per virtutem mediatoris Dei et hominis Jesu Christi. Fides ergo antiquorum cum aliqua protestatione fidei valebat parvulis ad salutem, non prout erat quidam actus meritorius creditum (unde non requirebatur quod esset actus fidei formate), sed ex parte rei credite, scilicet ipsius mediatoris. Sic enim et sacramenta, que postea sunt instituta, valent, in quantum sunt quedam fidei protestationes; unde non sequitur quod infidelitas parentum filius noceret, nisi per accidens, sicut removens remedium peccati.

Ad DECIMUMTERTIUM dicendum, quod imaginatio est vis quedam in organo corporali; unde ad speciem imaginatam mutatur spiritus corporeus, in quo fundatur vis formativa, que operatur in semine; et ideo interdum aliqua imitatio fit in prole ex imaginatione parentis in ipso coitu, si sit fortis. Sed infectio peccati, maxime actualis, totaliter manet in anima, et non pertinet ad corpus. Unde non est simile.

Ad DECIMUMQUARTUM dicendum, quod ratio illa procedit ceteris paribus.

Ad DECIMUMQUINTUM dicendum, quod ratio illa procedit de transitu peccati quantum ad penam corporalem.

Ad DECIMUMSEXTUM dicendum, quod magis contraheret homo peccatum a proximo parente quam a primo, si per peccatum proximi parentis tolleretur aliquid donum nature, sicut per peccatum primi parentis est ablatum.

Ad DECIMUMSEPTIMUM dicendum, quod ille qui fornicatur, dicitur peccare in corpus suum, non quia macula hujus peccati sit in corpore, immo est in anima, sicut et gratia cui opponitur; sed quia completur hoc peccatum in corporis delectatione, et in quadam corporis resolutione; quod in nullo alio peccato contingit. Nam in peccato gula non fit aliqua resolutio corporalis; in peccatis vero spiritualibus non est delectatio corporalis.

## QUÆSTIO V

### DE PENA ORIGINALIS PECCATI

(In quinque articulis divisa.)

Primo enim quæritur, utrum poena originalis peccati sit carentia divinæ visionis; 2<sup>o</sup> utrum peccato originali debeatur poena sensibilis; 3<sup>o</sup> utrum patientiam afflictionem interioris doloris qui decedunt cum solo originali; 4<sup>o</sup> utrum mors et alii defectus hujus vite sint poenæ originalis peccati; 5<sup>o</sup> utrum mors et hujusmodi defectus sint homini naturales.

### ARTICULUS PRIMUS. — Utrum poena originalis peccati sit carentia divinæ visionis.

Quæstio est de poena originalis peccati. Et primo quæritur, utrum sit conveniens poena originalis peccati carentia visionis divinæ. Et videtur quod non. Quia, ut dicitur II Physic. (com. LXII), frustra est quod est ad finem quem non consequitur. Sed homo naturaliter ordinatur ad beatitudinem sicut ad finem ultimum: que quidem beatitudo in divina visione consistit. Ergo frustra est homo, si non perveniat ad visionem divinam. Sed Deus propter peccatum originale non destitit causare hominum generationem, ut Damascenus dicit. Cum ergo in operibus Dei nihil sit frustra, videtur quod homo propter peccatum quod ex sua origine contrahit non incurrat reatum carentie visionis divinæ.

2. Præterea, Ezech. XVIII, 4, dicitur: *Omnes anime mee sent: sicut anima filii mea est, ita et anima patris mea est.* Ex quo potest accipi, quod omnes anime immediate sunt a Deo create, et quod una non traducitur ab alia. Ergo poena que tantum pertinet ad animam, non debet aliquis puniri pro peccato originali, quod a primo parente traducitur. Sed carentia divinæ visionis est poena ad solam animam pertinet, sicut et ipsa visio divinæ solius anime est. Ergo carentia divinæ visionis non est poena debita originali peccato.

3. Præterea, Augustinus dicit in Enechir. (cap. XCIII), quod mitissima est poena eorum qui pro solo peccato originali puniuntur. Sed Chrysostomus dicit super Matth. (homil. XLVI ad populum Antiochie), quod carentia divinæ visionis est maxima poenarum, et intolerabilior quam gehenna. Ergo carentia visionis divinæ non est conveniens poena originalis peccati.

4. Sed diceretur, quod sola carentia visionis divinæ est minor poena quam carentia visionis divinæ cum poena sensus, que debetur peccato actuali. — Sed contra, poena, cum sit quoddam malum, in privatione alicujus boni consistit. Sed proportio privationum ad invicem est sicut proportio eorum que privantur; sic enim surditas se habet ad cæcitatem sicut auditus ad visum. Sed per carentiam divinæ visionis privatur homo Deo, per penam autem sensus privatur quodam bono creato, scilicet sensus delectatione, vel alio hujusmodi. Bonum autem creatum additum bono increato, non facit magis beatum: dicit enim Augustinus in lib. Confess. (V, cap. IV), ad Deum loquens: *Qui te et illa novit, scilicet creaturas, non propter illa beator, sed propter te solum beatus.* Ergo qui privatur bono increato solo per carentiam visionis divinæ, non est minus miser quam ille qui cum hoc patitur penam sensus.

5. Sed dicendum, quod licet non sit minus beatus quantum ad premium essentiale, est tamen minus beatus quantum ad

premiū accidentale. — Sed contra, premiū accidentale accidentaliter se habet ad beatitudinem. Sed per intentionem accidentis non intenditur id cuius est accidens; non enim si homo est magis albus, propter hoc fit magis homo. Ergo beatitudo, qua essentialiter consistit in fruitione summi boni, non intenditur per quodcumque bonum creatum additum.

6. Præterea, cum bonum increatum in infinitum excedat bonum creatum, comparatur bonum creatum ad bonum increatum sicut punctus ad lineam. Sed linea non efficitur maior per adjectionem puncti. Ergo nec per additionem boni creati fit maior beatitudo, qua consistit in fruitione boni increati.

7. Sed dicendum, quod quamvis Deus sit bonum infinitum, tamen visio Dei non est bonum infinitum, quia Deus ab intellectu creato finite videtur; et illa qui privatur visione divina non privatur bono infinito. — Sed contra, cuiuscumque subtrahitur sua perfectio, privatur sua perfectione. Sed visio est perfectio videntis. Ergo cuiuscumque subtrahitur visio, privatur ipso visio; et sic cum ipsam visum sit bonum infinitum, qui privatur Deo visione privatur bono infinito.

8. Præterea, ipse Deus est hominis merces, qui ad Abraham dixit: *Ego Dominus merces magna tuis*, Gen., xv, 1. Ergo qui privatur ultima mercede, qua consistit in divina visione, privatur ipso Deo qui est bonum infinitum.

9. Præterea, peccato originali debetur minor poena quam peccato veniali; alioquin poena peccati originalis non esset mitissima, ut dicit Augustinus. Sed peccato veniali debetur poena sensibilis, non autem carentia visionis divine. Cum ergo multo magis carentia visionis divine sine poena sensus sit maior poena quam poena sensus sine carentia visionis divine, videtur quod peccato originali non debeat pro poena carentia visionis divine.

10. Sed dicendum quod peccato veniali debetur carentia divine visionis ad tempus, sicut et poena sensus. — Sed contra, æternitas addita plus aggravat poenam carentie visionis divine quam poena sensibilis temporalis; unde nullus tam male (1) dispositus est qui non vellet potius quamcumque poenam temporalem subire quam perpetua visione divina carere. Si ergo peccatum originale punitur perpetua carentia visionis divine, magis punitur quam peccatum veniale; et ita non est mitissima eorum poena.

11. Præterea, secundum leges dicimus: *Dignus est misericordia qui alieno vitio laboravit*. Sed ille qui punitur pro solo peccato originali, laborat alieno vitio, scilicet primi parentis. Ergo dignus est misericordia. Non ergo ei debetur poena gravissima, qua est carentia visionis divine.

12. Præterea, Augustinus dicit in lib. de duobus Animabus

(1) *id. bene.*

(cap. xi, circa princ.): *Reus tenere quemcumque quia non fecit quod facere non potuit, summus iniustus et inscius est. Sed nihil tale cadit in Deum. Cum ergo puer qui nascitur, vitare non potuerit originale peccatum, videtur quod ex hoc non incurrat reatum alicuius poenæ.*

13. Præterea, peccatum originale est privatio originalis iustitiæ, ut Augustinus (Anselmus in lib. de peccato Origin.) dicit. Sed habenti originale iustitiam, cum possit non habere gratiam, non debetur visio divina. Ergo nec peccato originali respondet perpetua carentia visionis divine.

14. Præterea, ut legitur Genes., iii, 12, Adam se excusavit dicens: *Mulier quam dedisti mihi, dedit mihi et comedi*; fuisseque sufficiens excusatio, et poenam non mereverit, si suggestioni mulieris resistere non potuisset. Sed Deus dedit carnem animæ, cuius infectioni resistere non potest. Ergo non videtur quod ex hoc obligetur ad aliquam poenam.

15. Præterea, homini in naturalibus constituto, etiam si nunquam peccasset, deberetur ei carentia visionis divine, ad quam pervenire non potuit nisi per gratiam. Sed poena proprie debetur peccato. Ergo carentia visionis divine non potest dici poena peccati originalis.

Sed contra est quod Gregorius dicit in IV Moralium (cap. xxiv, in novis exemp.): *Peregrius non lucem, ut est, videre non valet, quia hæc et captivitas suæ damnationis abscondit*.

Præterea, Innocentius III dicit in Decretalibus (lib. III, tit. xlii, cap. *Majores*), quod originali peccato debetur pro poena carentia visionis divine.

Respondeo dicendum, quod conveniens poena originalis peccati est carentia visionis divine. Ad cuius evidentiam considerandum est, quod cum ad perfectionem alicuius rei duo pertinere videantur; quorum primum est quod sit capax alicuius boni magni, vel actu habeat illud; aliud vero est quod exteriori auxilio non indigeat in nullo vel in partibus; prima conditio præponderat secundæ: multo enim melius est quod est capax magni boni, quamvis ad illud obtinendum indigeat multis auxiliis, quam illud quod non est capax nisi parvi boni, quod tamen absque exteriori auxilio vel cum paucis auxiliis consequi potest; sicut melius dispositum dicitur esse corpus alicuius hominis si possit consequi perfectam sanitatem, licet multis auxiliis medicinae, quam si possit consequi solum sanitatem quandam imperfectam absque auxilio medicinae. Creatura ergo rationalis in hoc præeminet omni creatura, quod capax est summi boni per divinam visionem et fruitionem, licet ad hoc consequendum nature proprie principia non sufficiant, sed ad hoc indigeat auxilio divine gratiæ. Sed circa hoc considerandum est, quod aliquid divinum auxilium necessarium

est communiter omni creature rationali, scilicet auxilium gratiæ gratum facientis, qua qualibet creatura rationalis indiget, ut possit pervenire ad beatitudinem perfectam secundum illud Apostoli ad Rom., vi, 23: *Gratiæ Dei vita æterna. Sed præter hoc auxilium necessarium fuit homini aliud supernaturale auxilium, ratione suæ compositionis. Est enim homo compositus ex anima et corpore, et ex natura intellectuali et sensibili; quæ quodammodo si suæ naturæ relinquatur, intellectum aggravant et impediunt, ne libere ad summum fastigium contemplationis pervenire possit. Hoc autem auxilium fuit originalis justitiæ, per quam mens hominis si subderetur Deo, ei subderentur totaliter inferiores vires et ipsum corpus, neque ratio impediretur quominus posset in Deum tendere. Et sicut corpus est propter animam, et sensus propter intellectum; ita hoc auxilium, quo continetur corpus sub anima, et vires sensitivæ sub mente intellectuali, est quasi dispositio quadam ad illud auxilium quo mens humana ordinatur ad videndum Deum et ad fruendum ipso. Hoc autem auxilium originalis justitiæ subtrahitur per peccatum originale, ut supra ostensum est. Cum autem aliquis peccando abjicit a se illud per quod disponebatur ad aliquod bonum acquirendum, meretur ut ei subtrahatur illud bonum ad quod obtinendum disponebatur, et ipsa subtractio illius boni est conveniens poena ejus; et ideo conveniens poena peccati originalis est subtractio gratiæ, et per consequens visionis divinæ; ad quam homo per gratiam ordinatur.*

Ad primum ergo dicendum, quod homo frustra et vane factus esset, si beatitudinem consequi non posset, sicut qualibet res que non potest consequi ultimum finem. Unde ne homo frustra et vane factus esset, cum peccato originali nascentis, a principio humani generis proposuit Deus homini remedium, per quod ab hac vanitate liberaretur, scilicet ipsum mediatorum Deum et hominem Jesum Christum, per ejus fidem impedimentum peccati originalis subtrahi posset. Unde in Psal. xxxviii, 48, dicitur: *Memorare que mea substantia; iniquitatem enim vane constituisti omnes filios hominum?* quod exponens Glossa (August., concione in Psal. lxxxviii, a med.), dicit, quod David petit incarnationem Filii, qui de sua substantia carnem assumpsit, erat, et per ipsum homines erant a vanitate liberandi.

Ad secundum dicendum, quod anima hujus pueri qui sine baptismo decedit, non punitur carentia visionis divinæ propter peccatum Adæ, secundum quod fuit personale peccatum ejus; sed punitur pro infectione originalis culpæ, quam incurrit ex unione ad corpus, quod a primo parente tradidit secundum seminatalem rationem. Injustum enim esset ut derivaretur reatus poenæ nisi et derivaretur infectio culpæ; unde Apostolus,

Rom., v, 12, præmittit derivationem culpæ derivationi poenæ, dicens: *Per unum hominem peccatum in mundum intravit, et per peccatum mors.*

Ad tertium dicendum, quod gravitas alicujus poenæ potest attendi dupliciter. Uno modo ex parte ipsius boni quod privatur per malum poenæ; et sic carentia visionis divinæ et fruitionis Dei, est gravissima poenarum. Alio modo per comparationem ad eum qui punitur; et sic tanto est gravior poena, quanto id quod subtrahitur est magis proprium et connaturale ei cui subtrahitur; sicut magis diceremus puniri hominem si auferretur ei patrimonium suum, quam si impediretur ne perveniret ad regnum, quod ei non debetur. Et per hunc modum dicitur esse mitissima omnium poenarum sola carentia visionis divinæ, in quantum visio divinæ essentia est quoddam bonum omnino supernaturale.

Ad quartum dicendum, quod bonum creatum additum bono increato non facit majus bonum, nec magis beatum. Cujus ratio est, quia si duo participatia conjungantur, augetur potest in eis id quod participatur; sed si participans addatur ei quod est per essentiam tale, non facit aliquid majus; sicut duo calida adjuncta ad invicem, possunt facere magis calidum; sed si esset aliquid quod esset calor per essentiam suam subsistens, ex nullius calidi additione intenderetur. Cum ergo Deus sit ipsa essentia bonitatis, ut Dionysius dicit (in lib. de divin. Nomin., cap. 1, a med.), omnia autem alia sint bona per participationem, ex nullius boni additione fit Deus magis bonus; quia cuiuslibet rei alterius bonitas continetur in ipso. Unde cum beatitudo nihil sit aliud quam adeptio boni perfecti, quodcumque aliud bonum superaddatur divinæ visioni aut fruitioni, non faciet magis beatum; alioquin Deus esset factus beatorum condendo creaturas. Nec tamen est eadem ratio de beatitudine et miseria; quia sicut beatitudo consistit in conjunctione ad Deum, ita miseria consistit in recessu a Deo; a cuius quidem similitudine et participatione recedit quis per cuiuslibet boni privationem; unde quodlibet bonum privatum facit magis miserum, licet non quodlibet bonum additum faciat magis beatum; quia per bonum additum homo non magis Deo adheret quam si ei immediate conjungatur; sed per bonum subtractum magis ab eo elongatur.

Ad quintum dicendum, quod additio præmii accidentalis non facit magis beatum; quia præmium accidentale attenditur secundum aliquod bonum creatum, vera autem beatitudo hominis attenditur solum secundum bonum increatum. Sed sicut bonum creatum est quædam similitudo et participatio boni increati; ita adeptio boni creati est quædam similitudinaria beatitudo, per quam tamen vera beatitudo non augetur.

Ad sextum dicendum, quod sicut punctum non auget lineam, ita bonum creatum non auget beatitudinem.

SEPTIMUM ET OCTAVUM concedimus: qui enim divina visione et fruitione privatur, ipso Deo privatur.

AD NONUM dicendum, quod peccatum veniale originali comparatum, quodammodo est majus, et quodammodo est minus. Peccatum enim veniale comparatum huic personae vel illi, magis habet de ratione peccati quam peccatum originale; quia peccatum veniale est peccatum voluntarium voluntate hujus personae, non autem peccatum originale. Sed originale peccatum comparatum ad naturam est gravius; quia privat naturam majori bono quam peccatum veniale privat personam, scilicet in bono gratiae; et propter hoc debetur ei carentia visionis divinae: quia ad visionem divinam non pervenitur nisi per gratiam, quam veniale peccatum non excludit.

AD DECIMUM dicendum, quod perpetuitas poenae consequitur perpetuitatem culpae, quae provenit ex carentia gratiae: quia culpa non potest remitti nisi per gratiam. Et quia per peccatum originale excluditur gratia, non autem per peccatum veniale; ideo peccato originali debetur poena perpetua, non autem peccato veniali.

AD UNDICESIMUM dicendum, quod iste puer decedens sine baptismo, laboravit quidem vitio alieno quantum ad causam, quia scilicet peccatum ab alio traxit; laboravit tamen vitio proprio, in quantum a primo parente culpam contraxit; et ideo dignus est misericordia dimittente, non tamen totaliter relaxante.

AD DODECIMUM dicendum, quod puer iste sine baptismo decedens non habet reatum ex hoc quod non fecit aliquid, hoc enim esset peccatum omissionis; sed habet reatum ex eo quod infectionem culpae originalis contraxit.

AD TREDECIMUM dicendum, quod ratio illa procedit secundum opinionem ponentium quod gratia gratum faciens non includatur in ratione originalis iustitiae: quod tamen credo esse falsum: quia cum originalis iustitia primordialiter consistat in subiectione humanae mentis ad Deum, quae firma esse non potest nisi per gratiam, iustitia originalis sine gratia esse non potuit. Et ideo habenti originale iustitiam, debebatur visio divina. Sed tamen praedicta opinione supposita, adhuc ratio non concludit; quia licet originalis iustitia gratiam non includeret, tamen erat quaedam dispositio quae praexigebatur ad gratiam: et ideo quod contrariatur originali iustitiae, contrariatur etiam gratiae, sicut quod contrariatur iustitiae naturali, contrariatur gratiae, ut furtum, homicidium et alia hujusmodi.

AD DECIMUMQUARTUM dicendum, quod si vir non potuisset resistere persuasioni mulieris, sufficienter excusatus fuisset a peccato actuali, quod propria voluntate committitur; et sic etiam anima hujus pueri excusata est a reatu actualis peccati, non autem a reatu originali, cujus infectionem contrahit per unionem ad carnem.

AD DECIMUMQUINTUM dicendum, quod homo in solis naturalibus constitutus careret quidem visione divina, si sic decederet; sed tamen non competeret ei debitum non habendi. Aliud est enim non debere habere, quod non habet rationem poenae, sed defectus tantum; et aliud debere non habere, quod habet rationem poenae.

ARTICULUS II. — *Utrum peccato originali debeatur poena sensus.*

Secundo queritur, utrum peccato originali debeatur poena sensus. Et videtur quod sic. Dicit enim Augustinus in Hypognost. (lib. de Fide et op., cap. III, parum ante med.), quod parvuli decedentes sine baptismo experientur gehennam. Sed gehenna nominat poenam sensus. Ergo peccato originali debetur poena sensus.

2. Praeterea, Augustinus (Fulgentius) dicit in lib. de Fide ad Petrum (cap. XXVII): *Firmiter tene et nullatenus dubites, parvulos qui sine sacramento baptismatis de hoc saeculo transierunt, aeterno supplicio puniendos.* Sed supplicium nominat poenam sensus. Ergo peccato originali debetur poena sensus.

3. Praeterea, Gregorius dicit in IX Moral. (cap. XII, in nov. exemp.), super illud Job: *Multiplicavit vulnera mea sine causa, quod a culpa originali sacramenta non liberant; et licet ex proprio nihil experint, tamen illis ad tormenta perveniunt.* Sed tormentum nominat poenam sensus. Ergo peccato originali debetur poena sensus.

4. Praeterea, peccatum originale hujus pueri videtur esse ejusdem speciei cum peccato actuali primi parentis, cum procedat ab eo sicut effectus a propria causa. Sed peccato actuali primi parentis debetur poena sensus. Ergo et peccato originali hujus pueri.

5. Praeterea, agens conjunctum passibili inducit poenam sensus. Sed animae puerorum sunt passibiles, et etiam corpora post resurrectionem: cum non habeant dotem impassibilitatis. Ergo ad praesentiam ignis poenam sensus patiuntur.

6. Praeterea, post iudicium poena peccatorum consummabitur. Sed poena puerorum sine baptismo decedentium, qui pro solo originali puniuntur, non posset post iudicium consummari, nisi carentiae visionis divinae, quam nunquam non (1) sustinent, aliqua poena sensus adderetur. Ergo peccato originali debetur poena sensus.

7. Praeterea, poena debetur culpae. Sed causa peccati originalis est caro. Cum ergo carni non debeatur aliqua poena nisi sensus, videtur quod peccato originali debeatur maxime poena sensus.

8. Praeterea, si aliquis decedat cum peccato originali et

(1) Al. decet non. Forte legendum quam iam sustinet.

veniali simul, patietur perpetuo poenam sensus. Sed poena perpetua non debetur peccato veniali. Ergo debetur peccato originali poena sensibilis perpetua.

Sed contra est quod Bernardus dicit (serm. III de Resurrect., parum ante med.), quod *sola propria voluntas ardet in inferno*. Sed originale peccatum non est peccatum propriæ voluntatis, immo consequitur ex voluntate aliena. Ergo peccato originali non debetur poena sensus.

Præterea — Innocentius III dicit in Decretali (lib. III, titulo XIII, qui est de Baptismo et ejus effectu, cap. *Majores*), quod poena sensus debetur peccato actuali. Sed originale peccatum non est actuale. Ergo ei poena sensus non debetur.

Respondendo dicendum, quod communiter dicitur: Peccato originali non debetur poena sensus, sed solum poena damni, scilicet carentia visionis divinæ. Et hoc videtur esse rationale propter tria. Primo quidem, quia persona quælibet est alicujus naturæ suppositum; et ideo ad ea quæ sunt naturæ, per se et immediate ordinatur; ad ea vero quæ sunt supra naturam, ordinatur mediante natura. Quod ergo detrimentum aliquod patiatur aliqua persona in his quæ sunt supra naturam, potest contingere vel ex vitio naturæ, vel ex vitio personæ; quod autem detrimentum patiatur in his quæ sunt naturæ, hoc non videtur posse contingere nisi propter vitium proprium personæ.

Et autem ex præmissis patet, peccatum originale est vitium naturæ, peccatum autem actuale est vitium personæ. Gratia autem et visio divinæ sunt supra naturam humanam; et ideo privato gratiæ et carentia visionis divinæ debentur alicui personæ non solum propter actuale peccatum, sed etiam propter originale. Poena autem sensus opponitur integritati naturæ et bonæ ejus habitudini, et ideo poena sensus non debetur alicui nisi propter peccatum actuale. Secundo, quia poena proportionatur culpe; et ideo peccato actuali mortali, in quo invenitur aversio ab incommutabili bono et conversio ad bonum commutabile, debetur et poena damni, scilicet carentia visionis divinæ respondens aversioni, et poena sensus respondens conversioni.

Sed in peccato originali non est conversio, sed sola aversio, vel aliquid aversioni respondens, scilicet destitutio animæ a justitia originali; et ideo peccato originali non debetur poena sensus, sed solum poena damni, scilicet carentia visionis divinæ. Tertio, quia poena sensus nunquam debetur habituali dispositioni; non enim aliquis puniatur ex hoc quod est habilis ad furandum, sed ex hoc quod actu furatur; sed habituali privationi absque omni actu debetur aliquid damnium; puta, qui non habet scientiam litterarum, ex hoc ipso indignus est promotione ad episcopalem dignitatem. In peccato autem originali invenitur quidem concupiscentia per modum habitualis dispositionis, quæ parvulum facit habitilem ad concupiscendum, ut

Augustinus dicit (serm. XLV de Tempore), adultum autem actu concupiscentem. Et ideo parvulo defuncto cum originali non debetur poena sensus, sed solum poena damni: quia scilicet non est idoneus perducere ad visionem divinam propter privationem originalis justitiæ.

Ad primum ergo dicendum, quod nomen tormenti, supplicii, gehennæ, et cruciatu, vel si quid simile in dictis sanctorum invenitur, est large accipiendum pro poena, ut ponatur species pro genere. Ideo autem sancti tali modo loquendi usi sunt, ut detestabilem redderent errorem Pelagianorum, qui asserbant in parvulis nullum peccatum esse, nec eis aliquam poenam deberi.

Et per hoc patet solutio ad secundum et tertium et ad omnia similia.

Ad quartum dicendum, quod in uno peccato primi parentis omnes peccaverunt, ut Apostolus dicit, Rom., vii, sed ad illud unum peccatum non omnes eodem modo se habent; pertinet enim illud peccatum ad Adam per propriam voluntatem, et est ejus actuale peccatum; et ideo ei pro hujusmodi peccato poena actualis debebatur; sed ad alios pertinet per originem, et non per actualem voluntatem; et ideo aliis pro hujusmodi peccato non debetur poena sensus.

Ad quintum dicendum, quod in statu futuræ vite, ignis et alia hujusmodi activa non agunt in animas aut in corpora hominum secundum necessitatem naturæ, sed magis secundum ordinem divinæ justitiæ; quia ille status est recipiendi pro meritis. Unde cum divina justitia non exigit quod pueris, qui cum solo originali peccato decedunt, poena sensus debeatur, nihil ab hujusmodi activis tales patientur.

Ad sextum dicendum, quod poena puerorum cum originali decedentium, post iudicium consummabitur in quantum ipsi qui puniuntur hac poena, consummati erunt per corporum resurrectionem.

Ad septimum dicendum, quod quamvis peccatum originale per carnem derivetur ad animam, non tamen habet rationem culpæ nisi secundum quod pertingit ad animam; et ideo poena non debetur dispositioni carnis; et si aliquando caro puniatur, hoc est propter animæ culpam.

Ad octavum dicendum, quod hæc positio non videtur multis esse possibilis, quod aliquis decedat cum peccato originali et veniali tantum; quia defectus status quamdiu excusat a peccato mortali, multo magis excusat a peccato veniali propter defectum usus rationis. Postquam vero usum rationis habent, tenentur salutis suæ curam agere; quod si fecerint, iam absque peccato originali erunt, gratia superveniente; si autem non fecerint, talis ommissio est eis peccatum mortale. Si tamen esset possibile quod aliquis cum peccato

originali et veniali decederet, dico quod puniretur poena sensus æternæ. Æternitas enim poenæ, ut dictum est, concomitur carentiæ gratiæ, ex qua provenit æternitas culpe. Et inde est quod peccatum veniale in eo qui recedit cum mortali, quia nunquam remittitur; æternæ poenæ punitur propter gratiæ carentiam. Et similis ratio esset, si quis decederet cum originali et veniali peccato.

ARTICULUS III. — *Utrum patiantur afflictionem interioris doloris qui cum solo originali decedunt.*

Tertio queritur, utrum patiantur afflictionem interioris doloris qui cum solo originali decedunt. Et videtur quod sic. Omne enim quod naturaliter desideratur, si non habeatur quando est tempus habendi, causat afflictionem et dolorem: sicut patet, si quis cibum non habeat quando est nature necessarius. Sed homo naturaliter appetit beatitudinem: tempus autem habendi ipsam est post hanc vitam. Cum ergo illi qui cum peccato originali decedunt, beatitudinem non consequantur, quia carent visione divina, videtur quod afflictionem patiantur.

2. Præterea, sicut pueri baptizati se habent ad meritum Christi, ita non baptizati se habent ad demeritum Adæ. Sed pueri baptizati gaudent propter meritum Christi. Ergo pueri non baptizati dolent propter demeritum Adæ.

3. Præterea, de ratione poenæ est quod sit contraria voluntati. Sed omne quod est contrarium voluntati est contristans, ut actor est Philosophus in V Metaphys. (com. vi). Ergo si patiantur aliquam poenam, oportet quod inde tristentur.

4. Præterea, in perpetuum separari ab eo quem quis amat est maxime afflictivum. Sed pueri naturaliter Deum amant. Ergo cum sciant se ab eo in perpetuum separatos, videtur quod hoc non possit esse sine afflictione.

Sed contra, dolor poenæ, seu afflictio poenæ, debetur delectationi eipse, secundum illud Apoc., xviii, 7: *Quæritur glorificavit se et in deliciis fuit, tantum dote et tormentum et luctum*. Sed in peccato originali nulla fuit delectatio. Ergo neque in poenâ erit aliquis dolor sive afflictio.

Respondeo dicendum, quod aliqui posuerunt quod pueri sentiant aliquem dolorem vel afflictionem interiorem ex carentiâ visionis divinæ, licet isto dolor non habeat in eis rationem veris conscientiæ: quia non sunt illi conscii quod in eorum potestate fuerit culpam originalem vitare. Sed nulla ratio videtur esse quare subtrahatur eis exterior poena sensus, si attribuitur eis interior afflictio, quæ est multo magis poenalis, et magis opponitur mitissime poenæ, quam Augustinus (Enchir., cap. xciii) eis attribuit. Et ideo aliis videtur et melius, quod nullam afflictionem etiam interiorem sentiant. Et huius

rationem aliqui diversimode assignant. Quidam enim dicunt, quod animæ puerorum cum originali decedentium sunt in tenebris ignorantie constitutæ quod nesciant se ad beatitudinem esse factas, nec aliqui circa hoc cogitant, et ideo nullam patiuntur de hoc afflictionem. Sed hoc non videtur convenienter dici. Primo quidem, quia cum in pueris non sit peccatum actuale quod est proprie peccatum personale, non debetur eis ut detrimentum aliquod patiantur in naturalibus bonis, secundum rationem supra assignatam. Est autem naturale animæ separatæ, ut non minus, sed magis in cognitione vigeat quam animæ quæ sunt hic; et ideo non est probabile quod tantam ignorantiam patiantur. Secundo, quia secundum hoc illi qui sunt damnati in inferno, melioris conditionis (1) essent quantum ad nobiliorem sui partem, scilicet intellectum, in minoribus ignorantie tenebris existentes; et nullus est, ut Augustinus dicit (lib. XI de Civit. Dei, cap. xxvii, a med.), qui non mallet dolorem pati cum sana mente quam gaudere insanus. Et ideo alii assignant causam huius quod non affliguntur, ex dispositione voluntatis ipsorum. Non enim post mortem in anima mutatur dispositio voluntatis neque in bonum neque in malum. Unde cum pueri ante usum rationis non habeant actum inordinatum voluntatis, neque etiam post mortem habebunt. Non est autem absque inordinatione voluntatis quod aliquis doleat se non habere quod nunquam potuit adipisci; sicut inordinatum esset, si aliquis rusticus doleat de hoc quod non esset regnum adeptus. Quia ergo pueri post mortem sciunt se nunquam potuisse illam gloriam celestem adipisci, ex ejus carentiâ non dolebunt. Possimus tamen utrumque conjungentes medianam viam tenere, et dicamus quod animæ puerorum naturali quidem cognitione non carent, qualis debetur animæ separatæ secundum suam naturam, sed carent supernaturali cognitione, quæ hic in nobis per fidem plantatur, eo quod nec hic fidem habuerunt in actu, nec sacramentum fidei susceperunt. Pertinet autem ad naturalem cognitionem quod anima sciat se propter beatitudinem creatam, et quod beatitudo consistit in ademptione perfecti boni; sed quod illud bonum perfectum, ad quod homo factus est, sit illa gloria quam sancti possident, est supra cognitionem naturalem. Unde Apostolus dicit, I ad Corinth. ii, 9: *quod nec oculis cecidit, nec auris audivit, nec in cor hominis ascendit quæ preparavit Deus diligentibus se*; et postea subdit: *Nobis autem revelavit Deus per Spiritum suum*; quæ quidem revelatio ad fidem pertinet. Et ideo se privati tali bono, animæ puerorum non cognoscunt, et propter hoc non dolent; sed hoc quod per naturam habent, absque dolore possident.

Ad PRIMUM ergo dicendum, quod animæ puerorum in pec-

(1) *Id. cognitiōis.*

cato originali decedentium cognoscunt quidem beatitudinem in generali secundum communem rationem, non autem in speciali; et ideo de ejus amissione non dolent.

Ad secundum dicendum, quod sicut Apostolus dicit, Roman., v, majus est donum Christi quam peccatum Adæ; et ideo non oportet, si pueri baptizati gaudent propter meritum Christi, quod non baptizati doleant propter peccatum Adæ.

Ad tertium dicendum, quod poena non semper respondet actuali voluntati; puta, cum aliquis absens infamatur, aut etiam bonis suis spoliatur se ignorante; sed oportet quod poena semper sit vel contra actualem voluntatem, vel etiam habituales, vel saltem contra inclinationem naturalem, ut supra, quest. I de malo, art. 4 et 5, dictum est, cum de malo poenæ ageretur.

Ad quartum dicendum, quod pueri in originali decedentes, sunt quidem separati a Deo perpetuo quantum ad amissionem gloriæ quam ignorant, non tamen quantum ad participationem naturalium honorum que cognoscunt.

ARTICULUS IV. — *Utrum mors et alii defectus hujus vite sint poena originalis peccati.* (I-II part. quest. lxxxv, per tot.)

Quarto queritur, utrum mors et alii defectus hujus vite sint poena originalis peccati. Et videtur quod non. Dicit enim Seneca (lib. VI naturalium Questionum, in fine illius): *Mors est hominis natura, non poena.* Eadem ergo ratione nec alii defectus qui ad mortem ordinantur.

2. Præterea, quicquid communiter invenitur in multis, convenit eis ratione alicujus quod in eis communiter invenitur. Sed mors et alii defectus ad ipsam ordinati, communes sunt homini et aliis animalibus. Ergo secundum aliquid commune inveniuntur in eis. Sed aliis animalibus non conveniunt ratione culpæ, que in eis esse non potest. Ergo nec hominibus; et sic non sunt poena originalis peccati.

3. Præterea, poena debet esse proportionabilis peccato (1); Deut., xxv, 2: *Pro mensura delicti erit et plagarum modus.* Sed culpa originalis est æqualis omnibus qui ex Adam nascuntur; defectus autem predicti non sunt æquales: quia quidam statim nascuntur ægrotative, quidam diversimode læsi, quidam bene dispositi. Hujusmodi ergo defectus non sunt poena originalis peccati.

4. Præterea, hujusmodi defectus sunt quedam poena sensus. Sed poena sensus debetur peccato propter conversionem indubitam ad bonum commutabile: que quidem conversio non est in originali peccato. Ergo hujusmodi defectus non respondet ei pro poena.

5. Præterea, gravius puniuntur homines post hanc vitam (1) *Ad. ut est Dicit.*

quam in hac vita. Sed post hanc vitam non debetur peccato originali poena sensus, ut dictum est. Ergo nec in hac vita; et sic idem quod prius.

6. Præterea, poena respondet culpæ. Sed culpa pertinet ad hominem in quantum est homo. Cum ergo mors et alia hujusmodi non sint hominis in eo quod homo, quia etiam aliis insunt; videtur quod hujusmodi defectus non sint poenæ.

7. Præterea, peccatum originale est privatio originalis justitiæ, que inerat homini secundum animam. Sed hujusmodi defectus pertinent ad corpus. Non ergo respondent peccato originali pro poena.

8. Præterea, si Adam non peccasset, filii ejus peccare potuissent; et si peccasset, morerentur. Sed non propter originale peccatum, quod in eis non fuisset. Ergo mors non est poena peccati originalis.

Sed contra est quod dicitur, Roman., vi, 23: *Stipendium peccati mors*; et Rom., viii, 10: *Corpus mortuum est propter peccatum.*

Præterea, Genes., ii, 17, dicitur: *Quicumque die comederitis, morte moriemini.*

Præterea, Augustinus dicit in XIII de Trin., cap. xvi, et xv de Civit. Dei, et contra epistolam fundamenti, quod hujusmodi defectus veniunt de damnatione peccati. Isidorus etiam dicit in libro de summo Bono, quod si homo non peccasset, nec cum aqua submergeret, nec ignis combureret, nec alia hujusmodi provenirent. Ergo omnes hujusmodi defectus sunt poena peccati originalis.

Respondeo dicendum, quod absque omni dubio secundum fidem catholicam tenendum est, quod mors et omnes hujusmodi defectus presentis vite, sunt poena peccati originalis. Sed sciendum est, quod duplex est poena. Una quidem quasi taxata pro peccato, alia vero concommitans: sicut videmus quod iudex pro aliquo crimine facit aliquem hominem excecari; sed ad cæcitatem ejus consequuntur multa incommoda, puta quod mendicat, et alia hujusmodi; sed ipsa cæcitas est poena taxata pro peccato: ad hoc enim intendit iudex ad peccantem visu privet, sed defectus consequentes non ponderat: unde contingit quod si plures propter idem peccatum excecantur, in uno consequuntur plura incommoda quam in alio. Nec tamen hoc redundat in justitiam iudicis: quia hujusmodi incommoda non erant ab eo pro peccato inflictæ, sed consequuntur per accidens quantum ad ejus intentionem. Et similiter potest dici in proposito. Nam homini in primordio sue conditionis fuerat a Deo datum quoddam auxilium originalis justitiæ, per quod præservabatur ab omnibus hujusmodi defectibus: quo quidem auxilio privata est tota humana natura propter peccatum primi parentis, ut ex supradictis patet: ad cuius auxilii privationem

consequuntur diversa incommoda, quæ diversimode inveniuntur in diversis, licet habeant æqualem culpam originalis peccati. Hoc tamen interesse videtur inter Deum punientem et hominem iudicem, quod homo iudex non potest prævidere eventus sequentes; unde nec eos potest ponderare, dum infert poenam pro culpa; propter quod rationabiliter huiusmodi incommodorum inequalitas, ejus justitie non derogat; sed Deus omnes eventus futuros pronoscit, unde videretur ad ejus injustitiam pertinere, si æqualiter subiacentibus culpæ, inequaliter huiusmodi incommoda provenirent.

Ad hanc ergo debilitationem tollendam posuit Origenes (lib. I Periar., cap. vii et viii), quod anime antequam corporibus unirentur, diversa meritis haberent, pro quorum diversitate consequuntur in corporibus quibus ununtur, majora vel minora incommoda; et inde est, ut ipse dicit, quod quidam mox nati vexantur a stæmone, vel cæci nascuntur, vel aliqua huiusmodi incommoda patiuntur. Sed hoc repugnat apostolicæ doctrinæ; dicit enim Apostolus, Rom. ix, 2, de Jacob et Esau loquens: *Cum nondum nati essent aut aliquid boni vel mali egissent, etc.* Eadem autem est ratio de omnibus. Unde non est dicendum, quod anime habuerint merita bona vel mala, antequam corporibus unirentur. Est etiam contra rationem. Nam cum naturaliter anima sit pars humanæ nature, imperfecta est sine corpore existens, sicut est quælibet pars separata a toto. Inconveniens autem fuisset quod Deus ab imperfectis suam operationem inciperet; non est rationale quod animam creaverit ante corpus, sicut neque quod manum formaverit extra hominem.

Et ideo aliter est dicendum, quod huiusmodi diversitas quæ circa hos defectus accidit in hominibus, est a Deo previsa et ordinata, non quidem propter aliqua merita in illis vita existentia, sed quandoque quidem propter aliqua peccata parentum. Cum enim filius sit aliquid patris secundum corpus quod ab ipso trahit, non autem secundum animam, quæ immediate a Deo creatur; non est incongruens quod pro peccato patris filius corporaliter puniatur, licet non poena spirituali, quæ pertinet ad animam, sicut etiam homo punitur in aliis rebus suis. Quandoque vero ordinantur huiusmodi defectus non ut poena peccati alicujus, sed ut remedium contra peccatum sequens, vel propter profectum virtutis, aut ejus qui hoc patitur, aut alterius; sicut Dominus dicit, Joan., ix, 3, de cæco nato: *Neque hic peccavit neque parentes ejus; sed ut manifestentur opera Dei in illo;* quod expediens erat ad humanam salutem. Sed hoc ipsum quod homo talis conditionis est ut ei subveniatur, vel ad vitandum peccatum, vel ad profectum virtutis per huiusmodi incommoda sine defectus, ad infirmitatem humanæ nature pertinet, quæ ex peccato primi parentis derivatur; sicut quod

corpus hominis sit sic dispositum quod ad eum sanandum indigeat sectione, ad ejus infirmitatem pertinet. Et ideo omnes isti defectus respondent peccato originali ut poena concomitans.

Ad primum ergo dicendum, quod illud auxilium datum homini a Deo, scilicet originalis justitia, fuit gratuitum; unde per rationem considerari non potuit; et ideo Seneca et alii gentiles Philosophi non consideraverunt huiusmodi defectus sub ratione poenæ.

Ad secundum dicendum, quod aliis animalibus non fuit huiusmodi auxilium collatum, nec per culpam aliquid ante-perdiderunt unde huiusmodi incommoda sequerentur, sicut est in hominibus; et ideo non est similis ratio; sicut in eo qui cæspitat propter cæcitatem in qua natus est, huiusmodi cæspitatio non habet rationem poenæ quantum ad justitiam humanam, sed naturalis defectus; in eo autem qui cæcatus est propter crimen, habet rationem poenæ.

Ad tertium dicendum, quod huiusmodi defectus non sunt poena taxata pro peccato, sed poena concomitans, ut dictum est, in corp. art.

Ad quartum dicendum, quod poena sensus taxata non debetur nisi conversioni actuali; sed alia ratio est de poena concomitante.

Ad quintum dicendum, quod post mortem non est status proficiendi ad virtutem, vel declinandi per peccatum; sed recipiendi pro meritis; unde omnes defectus qui sunt post mortem, taxantur pro culpa; non autem ordinantur vel ad profectum virtutis vel ad evitacionem peccati; et inde est quod pueris post mortem non debetur poena sensus.

Ad sextum dicendum, quod aliquid quod in homine habet rationem culpæ, ut occidere hominem, potest quidem esse in aliis animalibus, non tamen habens rationem culpæ, quæ consistit in hoc quod sit secundum voluntatem, quæ in brutis esse non potest; et similiter defectus qui sunt communes homini et aliis animalibus, in homine habent rationem poenæ, quæ consistit in hoc quod sit contra voluntatem, non autem in aliis animalibus. Nam ratio poenæ et culpæ est hominis secundum quod homo.

Ad septimum dicendum, quod per justitiam originalem conservabatur debita habitudo corporis sub anima, quamvis ipsa in anima esset; et ideo convenienter ad peccatum originale, quo privatur originalis justitia, sequuntur defectus corporales.

Ad octavum dicendum, quod secundum quosdam, si Adam non peccasset tentatis, statim confirmatus fuisset in justitia, et omnes posteri ejus confirmati in justitia nascerentur; et secundum hoc obiectio locum non habet. Sed hoc credo esse



factum; quia corporis conditio in primo statu respondebat conditioni animæ: unde quamdiu corpus erat animale, et anima erat mutabilis nondum perfecte spiritualis affecta. Generare autem pertinet ad animalem vitam: unde sequitur quod illi Adam non nascerentur in iustitia confirmati. Si ergo aliquis ex posteris Adam peccasset, eo non peccante, moreretur quidem propter suum peccatum actuale sicut Adam mortuus fuit; sed posteri ejus morerentur propter peccatum originale.

ARTICULUS V. — *Utrum mors et huiusmodi defectus sint homini naturales.* (I-II part., quæst. LXXXV, art. 6.)

Quinto queritur, utrum mors et huiusmodi defectus sint homini naturales. Et videtur quod sic. Corpus enim hominis componitur ex contrariis. Sed omne compositum ex contrariis, est naturaliter corruptibile. Ergo homo naturaliter est mortalis, et per consequens ceteris defectibus subjectus.

2. Sed dicendum, quod hoc quod corpus hominis dissolvatur propter contrarietatem in ipso existentem, accipit ex subtractione originalis iustitiæ: unde non est naturale, sed penale. — Sed contra, si mors et corruptio sequitur in homine per subtractionem originalis iustitiæ quæ hos defectus prohibebat, sequitur quod huiusmodi defectus causantur ex peccato, sicut a remotione prohibens. Sed motus qui sequitur ex remotione prohibentis, est naturalis, etiam si removens prohibens sit agens voluntarium; sicut cum aliquis homo removel columnam, cadit lapis superpositus, et motus ejus est naturalis. Ergo nihilominus mors et corruptio sunt naturales homini.

3. Præterea, homo in primo statu fuit immortalis, quasi potens non mori; in ultimo autem statu erit immortalis, quasi non potens mori; in medio autem statu est omnibus modis mortalis, quasi necesse habens mori. Sed immortalitas ultimi status non erit naturalis, sed per gratiam consummatam, quæ est gloria. Ergo neque immortalitas primi status fuit naturalis. Mori ergo fuit naturale.

4. Præterea, homo secundum conditionem suæ naturæ, si sibi relinquatur, moritur; sed quod in primo statu conservaretur a morte, hoc erat per aliquid donum divinitus datum. Sed si aliquid fiat a Deo in re aliqua præter ejus naturam, nihilominus sua dispositio est ei naturalis; sicut si Deus faceret aquam ferventem, nihilominus esset naturaliter frigida. Ergo nihilominus homo in primo statu erat naturaliter mortalis.

5. Præterea, sicut homini supernaturaliter datum est quod posset non mori, ita supernaturaliter ei datur quod possit Deum videre. Sed hoc quod homo careat divina visione, non est contra naturam. Ergo neque etiam quod careat immortalitate. Mors ergo non est contra naturam.

6. Præterea, corpus hominis etiam ante peccatum, compo-

situm erat ex quatuor elementis, et ita in eo erant qualitates activæ et passivæ. Ad has autem naturaliter sequitur corruptio; agens enim naturaliter assimilatur sibi patiens; quo facto corrumpitur passum, et per consequens ipsum compositum. Ergo corpus hominis etiam ante peccatum, naturaliter erat corruptibile.

7. Præterea, vita hominis conservatur per actionem naturalis caloris, quod est agens naturale. Sed omne agens naturale in agendo aliquam diminutionem patitur; agit enim passum, secundum Philosophum (lib. I de Generat., com. LIII). Omne autem finitum, si continue aliquid ab eo abiciatur, necesse est quod totaliter consumatur. Cum ergo calor naturalis in corpore hominis fuerit finitus, necesse est quod tandem consumeretur secundum suam naturam: et ita homo naturaliter mortuus fuisset etiam ante peccatum.

8. Præterea, corpus hominis finitum erat. In eo autem fiebat deperditio; alioquin cibo non indigisset. Cum ergo per continuam deperditionem quodlibet finitum quandoque consumatur, videtur quod necesse fuerit naturaliter corpus hominis corrumpi etiam ante peccatum.

9. Præterea, Augustinus dicit (lib. LXXXIII Q., quæst. XIX), quod posse non mori conveniebat homini ex beneficio ligni vitæ. Sed hoc videtur esse impossibile; quia si lignum vitæ corruptibile erat, incorruptionem præstare non poterat; si autem erat incorruptibile, in usum hominis venire non poterat per modum nutrimenti. Ergo posse non mori non inerat homini; sed naturaliter et ex necessitate mortuus fuisset.

10. Præterea, quod de se est possibile, nunquam per aliud fit necessarium; unde quod est per se corruptibile, nunquam per aliud potest fieri incorruptibile, corruptibile enim et incorruptibile differunt secundum genus, ut dicitur in X Metaph. (com. XXVI). Eorum autem quæ genere differunt, non est transmutatio in invicem. Sed corpus hominis secundum seipsum corruptibile erat, utpote ex contrariis compositum. Ergo nullo modo per aliud poterat fieri incorruptibile. Sic ergo naturaliter moreretur, etiam si non peccasset.

11. Præterea, si homo ante peccatum non poterat non mori, aut posse non mori erit gratia, aut naturæ: si gratiæ, ergo poterat mori; quod est contra Magistrum (XXIV dist., II lib. Sentent.); si autem erit naturæ, ergo potuit quidem vulnerari, sed non totaliter tolli; homo enim per peccatum spoliatus est gratis, et vulneratus in naturalibus, ut dicitur in Glossa (ordinar.), Luc., x. Nullo ergo modo ante peccatum inerat homini posse non mori.

12. Præterea, in omni composito ex contrariis necesse est quod sit inæqualitas, secundum Philosophum. Si enim contraria convenirent æqualiter ad constitutionem mixti, unum non

esset formaliter altero, sed omnia ex aequo essent in actu. Non autem fit ex pluribus unum, nisi unum se habeat ad alterum sicut potentia ad actum. Inaequalitas autem est principium corruptionis ex necessitate: quia id quod est fortius, corrumpit id quod est debilius. Ergo corpus hominis erat ex naturali necessitate corruptibile, etsi homo non peccasset.

13. Præterea, eandem naturam secundum substantiam habet homo ante peccatum et post: alioquin non esset ejusdem speciei. Sed homini post peccatum, secundum naturam suam substantiæ convenit necessitas moriendi; ex hoc scilicet quod materia est in potentia ad aliam formam. Ergo et ante peccatum naturali necessitate mortuus fuisset.

14. Sed diceretur, quod ante peccatum conservabatur a Deo, ne moreretur. — Sed contra, id ad quod sequuntur contradictoria esse simul vera, nunquam fit a Deo. Sed ad hoc quod est aliquid existens in potentia subsistere actioni agentis et non corrumpi, sequitur contradictoria esse simul, scilicet esse in potentia, et non esse in potentia; nam de ratione existentis in potentia est quod reducatur in actum per agens. Non ergo corpus hominis ante peccatum fuisset incorruptibile, Deo corruptionem prohibente.

15. Præterea, Augustinus dicit, VIII super Genes. ad litteram (cap. xxii et xxiv colligitur, expresse id habet in VII de Civit. Dei, cap. xxx), quod in Deus res administrat, quod proprios motus eas agere sinit. Sed proprius motus et naturalis corporis ex contrariis compositus est ut in corruptionem tendat. Hoc ergo non prohibebatur a Deo.

16. Præterea, illud quod est supra naturalem ordinem, non potest fieri per aliquam virtutem creatam, quia omnis virtus creata operatur secundum rationes seminales nature inditas, ut Augustinus dicit (III de Trin., cap. viii). Justitia autem originalis erat quoddam donum creatum. Ergo ejus virtute non poterat homo a corruptione preservari.

17. Præterea, quod est in omnibus vel in pluribus, non est contra naturam. Sed mors invenitur in omnibus hominibus post peccatum. Ergo non est contra naturam.

Sed contra, omne quod est ad finem, proportionatur fini. Sed homo factus est propter finem perpetue beatitudinis. Ergo secundum naturam suam, habet perpetuitatem.

Præterea, formæ proportionatur materia secundum naturam. Sed anima intellectiva, quæ est forma humani corporis, est incorruptibilis. Ergo et corpus humanum est naturaliter incorruptibile, et sic mors et corruptio sunt contra naturam humani corporis.

Respondéo dicendum, quod secundum Philosophum (in II Physic., com. 1 et v), naturale dicitur dupliciter; vel id quod habet naturam, sicut dicimus corpora naturalia; vel illud quod

consequitur naturam secundum naturam existens, sicut dicimus quod ferri sursum est naturale igni: et sic loquimur nunc de naturali, quod est secundum naturam. Unde cum natura dicatur dupliciter, scilicet forma et materia, dupliciter dicitur aliquid naturale; vel secundum formam, vel secundum materiam. Secundum formam quidem, sicut naturale est igni quod calefaciat, nam actio consequitur formam; secundum materiam autem, sicut aque est naturale quod ab igne calefieri possit. Cumque forma sit magis natura quam materia, naturalius est quod est naturale secundum formam quam quod est naturale secundum materiam. Sed id quod consequitur materiam, dupliciter accipi potest: uno modo secundum quod congruit formæ; et hoc est quod agens eligit in materia: alio modo non secundum quod congruit formæ, immo forte repugnat etiam formæ et fini, sed est ex necessitate materiæ; et talis conditio non est electa vel intenta ab agente; sicut artifex qui facit serram ad secundum, querit ferrum, quia est materia apta ad formam serræ et ad finem ejus propter suam duritiem. Invenitur tamen in ferro aliqua conditio secundum quam ferrum non habet aptitudinem nec ad formam nec ad finem, sicut quod est frangibile vel contrahens rubiginem vel aliquid hujusmodi, quæ sunt impeditiva finis; unde non sunt electa ab agente, sed magis ab agente repudiarentur, si esset possibile. Unde etiam Philosophus dicit (in XIX de Animalibus), quod in accidentibus individui non est querenda causa finalis sed solum causa materialis: proveniunt enim ex dispositione materiæ, non ex intentione agentis. Sic ergo homini est aliquid naturale secundum suam formam, ut intelligere, velle et alia hujusmodi; aliqua vero sunt ei naturalia secundum suam materiam, quod est corpus. Corporis autem humani conditio dupliciter considerari potest: uno modo secundum aptitudinem ad formam; alio modo secundum id quod consequitur in ipso secundum necessitatem materiæ tantum. Secundum aptitudinem quidem ad formam, necessarium est corpus humanum esse ex elementis compositum, et mediæ complexionatum. Cum enim anima humana sit intellectiva in potentia, unitur corpori ut per sensus accipiat species intelligibiles, quibus fit intelligens actu. Non enim unio animæ ad corpus est propter corpus, sed propter animam; non enim forma est propter materiam, sed materia propter formam. Primus autem sensus non est tactus, qui quodammodo est fundamentum aliorum; organum autem tactus oportet esse medium inter contraria, ut probatur in II de Anima (com. ciii). Unde corpus congruens tali animæ fuit corpus ex contrariis compositum. Quod autem sequitur ex necessitate materiæ quod sit corruptibile, secundum hanc conditionem non habet aptitudinem ad formam, sed magis repugnantiam ad formam. Et quidem omnis corruptio cujuscumque rei naturalis,

non est secundum convenientiam ad formam; nam cum forma sit principium essendi, corruptio, quæ est via ad non esse, opponitur ei; unde Philosophus dicit (in II de Cael. et Mundo, com. XXXVII), quod corruptio seminum et omnis defectus sunt contra naturam particularem hujus rei determinatæ per formam, quamvis sint secundum naturam universalem, cujus virtute reducitur materia in actum ejuslibet formæ ad quam est in potentia, et uno generato necesse est aliud corrumpi; sed speciali modo corruptio ex necessitate materiae est præter convenientiam hujus formæ quæ est anima intellectiva. Nam aliæ formæ sunt corruptibiles saltem per accidens; sed anima intellectiva non est corruptibilis nec per se nec per accidens. Unde si in natura inveniri potuisset aliquid corpus ex elementis compositum quod esset incorruptibile, proculdubio tale corpus esset conveniens animæ secundum naturam; sicut si posset inveniri ferrum infrangibile et rubiginem non contrahens, esset convenientissima materia ad serram, et talem artifex quæreret; sed quia talis inveniri non potest, accipit qualem potest, scilicet duram vel frangibilem. Et similiter quia natura non potest inveniri corpus ex elementis compositum quod secundum naturam materiae sit incorruptibile, aptatur naturaliter animæ incorruptibili corpus organicum licet corruptibile. Sed quia Deus, qui est hominis insitator, hanc necessitatem materiae sua omnipotentia potuit prohibere ne in actum prodiret, ejus virtute collatum est homini ante peccatum ut a morte preservaretur, quousque tali beneficio se reddidit peccando indignum; sicut et faber præstaret ferro, ex quo operatur, si posset, quod nunquam frangeretur. Sic ergo mors et corruptio naturalis est homini secundum necessitatem materiae; sed secundum rationem formæ esset ei conveniens immortalitas; ad quam tamen præstandam naturæ principia non sufficient; sed aptitudo quedam naturalis ad eam convenit homini secundum animam; complementum autem ejus est ex supernaturali virtute; sicut Philosophus dicit in II Ethic. (in princ.) quod habemus aptitudinem ad virtutes morales ex natura; sed perficiuntur in nobis per consuetudinem. Et inquantum immortalitas est nobis naturalis, mors et corruptio est nobis contra naturam.

Ad PRIMUM ergo dicendum, quod ratio illa procedit ex parte necessitatis materiae.

Et similiter dicendum ad SECUNDUM.

Ad TERTIUM dicendum, quod ratio illa procedit de immortalitate non quantum ad aptitudinem, sed quantum ad conservationem.

Ad QUARTUM dicendum, quod fervor repugnat aquæ ratione suæ formæ, non autem immortalitatis homini, ut dictum est; unde non est simile. Et tamen dicendum est, quod ea quæ

divinitus fiunt in rebus, supra naturam quidem sunt, non autem contra naturam; quia inest cuilibet rei create naturalis subjectio ad Creatorem, multo magis quam corporibus inferioribus ad corpora caelestia; et tamen ea quæ contingunt in corporibus inferioribus secundum impressionem caelestium corporum, ut fluxus et refluxus maris, non sunt contra naturam, ut Commentator dicit in III de Cael. et Mundo (com. xx).

Ad QUINTUM dicendum, quod visio divina est supra naturam humanam non solum quantum ad naturam, sed etiam quantum ad formam; excedit enim naturam humani intellectus.

Ad SEXTUM dicendum, quod ita sunt contrariæ qualitates in corpore mixto sicut sunt contraria elementa in mundo; et sicut contraria elementa non se invicem corrumpunt, quia conservantur per virtutem corporis caelestis, a quo actiones eorum regulantur, ita contrariæ qualitates in corpore mixto regulantur et conservantur ne se invicem corrumpant, per formam substantialem, quæ est impressio quedam caelestis corporis; nihil enim in istis inferioribus agit ad speciem nisi per virtutem corporis caelestis. Unde quando forma habet suum vigorem ex impressione caelestis corporis conservatur corpus mixtum in esse; et inde est quod corpus caeleste per accessum et recessum causat generationem et corruptionem in istis inferioribus, et quod durationes omnium corporum inferiorum mensurantur periodo corporum caelestium. Unde si aliqua forma esset cujus vigor semper remaneret ex impressione suæ causæ, nunquam sequeretur corruptio per actionem qualitatum activarum et passivarum.

Ad SEPTIMUM dicendum, quod licet agentis physici virtus patiendi diminuat, tamen potest reparari; unde videmus in partibus universi reparationem fieri virtutis activæ, per hoc quod elementa calida, quorum virtus diminuitur in hieme per solis absentiam, reparatur in æstate per solis propinquitatem; et hoc fit in quolibet corpore mixto, quando durat virtus formæ conservantis elementorum mixtionem.

Ad OCTAVUM dicendum, quod deperditio humidæ quæ fiebat in corpore Adam per actionem caloris naturalis, reparabatur per cibum assumptum; et sic conservari poterat, ne totaliter consumeretur.

Ad NONUM dicendum, quod illud quod ex alimento aggeneratur, est quasi extraneum respectu ejus in quo prius fundabatur virtus speciei humanæ. Unde sicut virtus vini per admixtionem aquæ paulatim minoratur, et tandem deficit; ita virtus speciei per admixtionem nutrimenta is humidæ paulatim diminuitur, et tandem deficit; unde animal necesse est dimitti, et tandem mori, ut dicitur in I de Generatione. Et contra hunc defectum subveniebat lignum vite, reparando virtutem speciei in pristinum vigorem sua virtute; non tamen ita quod semel

assumptum in alimentum, virtutem daretur perpetuum durandi (corruptibile enim erat, unde perpetuitatis causa per se esse non poterat), sed confortabat virtutem naturalem ad diutius durandum secundum determinatum tempus, quo finito iterum assumi poterat, ut diutius viveret: et sic inde quousque homo transferretur in statum glorie in quo jam alimento non indigeret. Sic ergo lignum vite coadjuvabat ad immortalitatem; sed principalis causa immortalitatis erat virtus a Deo anima collata.

AD DECIMUM DICENDUM, quod id quod de sui natura est possibile, nunquam per aliud fit necessarium secundum suam naturam, ita scilicet quod naturam necessitatis habeat. Tamen quod est possibile ex seipso, fit necessarium per aliud, licet non naturaliter; sicut accidit in omnibus violentis que dicuntur necessaria per aliud, ut dicitur in V Metaph. (com. vi).

AD UNDICESIMUM DICENDUM, quod posse non mori gratia erat; sed non gratia gratum facientis, secundum quosdam; unde homo in statu illo mereri non poterat. Secundum alios autem hoc donum immortalitatis ex gratia gratum faciente procedebat; et homo in statu illo mereri poterat.

AD DUODECIMUM DICENDUM, quod inæqualitas elementorum conservatur in mixto per virtutem formæ, quamdiu a causa sua conservatur.

AD DECIMUMTERTIUM DICENDUM, quod materia est in potentia ad aliam formam; sed tamen ab exteriori agente non potest reduci in actum, nisi illud agens sit fortius quam formæ vigor quem habet ex influentia suæ causæ. Hujus autem formæ que est anima humana, causa est solus Deus, cujus virtus excedit in infinitum omnem virtutem alterius agentis; et ideo quamdiu voluit conservare hominem in esse sua virtute, a nullo exteriori vel interiori agente poterat corrumpi; sicut etiam manifeste videmus, quod per virtutem corporis celestis formæ materiales conservantur in esse contra actionem corruptentis.

AD DECIMUMQUARTUM DICENDUM, quod de ratione potentia est quod reducatur in actum ab agente; sed actus unus in potentia existens, impedit reductionem potentia in alium actum; unde nisi agens fuerit fortius quam virtus formæ que est in materia, sive quam habet ex ipsa, sive quam habet ex conservante, non reducitur in actum per agens exterioris; non enim parvus ignis corrumpere potest magnam aquam. Unde non est mirum, si per influxum divinum anima humana potens erat in statu innocentia ad resistendum omni contrario agenti.

AD DECIMUMQUINTUM DICENDUM, quod proprios motus rerum qui ad earum perfectionem pertinent, Deus sua gubernatione non impedit; sed motus rerum qui ad earum defectum

pertinent, aliquando a Deo tolluntur ex abundantia bonitatis ipsius.

AD DECIMUMSEXTUM DICENDUM, quod ipsa forma est effectus agentis, unde idem est quod agens facit effective, et quod forma facit formaliter; sicut pictor dicitur colorare parietem, et etiam color. Per hunc ergo modum solus Deus effective immortalitatem hominis causat; sed anima causat hoc formaliter per donum sibi divinitus influxum, sive in statu innocentia, sive in statu glorie.

AD DECIMUMSEPTIMUM DICENDUM, quod ratio illa procedit de hoc quod est simpliciter contra naturam; hoc enim nullo modo est in omnibus vel in pluribus. Sed mors quodammodo est secundum naturam et quodammodo contra naturam, ut dictum est.

AD EA VERO que in contrarium obijciuntur, de facili patet solutio per premissa. Nam illa beatitudo æterna ad quam homo ordinatur, est supra naturam; unde non oportet quod immortalitas homini conveniat per naturam. Et similiter etiam corpus est proportionatum anime humane, licet sit corruptibile, ut expositum est.

EXPLICIT TOMUS PRIMUS

UNIVERSIDAD AUTÓNOMA DE NUEVO LEÓN  
 DE BIBLIOTECAS



UNIVERSIDAD AUTÓNOMA DE NUEVO LEÓN  
DIRECCIÓN GENERAL DE EDUCACIÓN

## INDEX RERUM

QUE IN HOC PRIMO TOMO CONTINENTUR

S. D. N. Leonis Pape XIIII. Epistola Encyclica.....	1
S. D. N. Leonis Pape XIIII. Breuium.....	XIX
R. D. Michaelis de Maria, S. J., in Universitate Gregoriana Philosophiæ Professoria. PÆRAPHASIS.....	XXI

### DE POTENTIA

#### QUESTIO I

<i>De potentia Dei, in septem articulos diuisa.....</i>	1
Art. I. — Utrum in Deo sit potentia.....	1
Art. II. — Utrum potentia Dei sit infinita.....	7
Art. III. — Utrum ea que sunt nature impossibilia, sint Deo possibilis.....	10
Art. IV. — Utrum sit iudicandum aliquid possibile vel impossibile secundum causas inferiores vel superiores.....	16
Art. V. — Utrum Deus possit facere que nos facit.....	19
Art. VI. — Utrum Deus possit facere que sunt aliis possibilis.....	25
Art. VII. — Utrum Deus sit omnipotens.....	28

#### QUESTIO II

<i>De potentia generatiua in diuina, in sex articulos diuisa.....</i>	30
Art. I. — Utrum in diuina sit potentia generatiua.....	30
Art. II. — Utrum potentia generatiua in diuina dicatur essentialiter vel rationaliter.....	37
Art. III. — Utrum potentia generatiua in acta generationis procedat per imperium voluntatis.....	40
Art. IV. — Utrum in diuina possint esse plures filii.....	45
Art. V. — Utrum potentia generandi sub omnipotentia comprehendatur.....	50

Art. VI. — Utrum potentia generandi et potentia creandi sint idem.....	53
--	----

#### QUESTIO III

<i>De creatione, in nondecem articulos diuisa.....</i>	55
Art. I. — Utrum Deus possit aliquid creare ex nihilo.....	55
Art. II. — Utrum creatio sit mutatio.....	62
Art. III. — Utrum creatio sit aliquid realiter in creatura, et si est, quid sit.....	64
Art. IV. — Utrum potentia creandi sit aliquid creaturæ communicabile, vel etiam actus creaturæ.....	68
Art. V. — Utrum possit esse aliquid quod non sit a Deo creatum.....	70
Art. VI. — Utrum sit unum tantum creationis principium.....	78
Art. VII. — Utrum Deus operetur in operatione nature.....	88
Art. VIII. — Utrum Deus operetur in nature creando.....	90
Art. IX. — Utrum anima rationalis educatur in esse per creationem, vel per seminis traditionem.....	103
Art. X. — Utrum anima rationalis sit creata in corpore.....	114
Art. XI. — Utrum anima sensibilis vel vegetabilis sit per creationem, vel traducatur ex semine.....	120
Art. XII. — Utrum anima sensibilis vel vegetabilis sit in semine a principio quando deciditur.....	128

Art. xiii. — Utrum aliquod eus ab alio possit esse eternum....	131
Art. xv. — Utrum quod est a Deo diversum in essentia possit semper finiri.....	133
Art. xv. — Utrum res processerint a Deo per necessitatem nature vel per arbitrium voluntatis.....	139
Art. xvi. — Utrum ab uno primo possit procedere multitudo.....	147
Art. xvii. — Utrum mundus semper fuerit.....	156
Art. xviii. — Utrum Angeli sint creati ante mundum visibilium.....	167
Art. xix. — Utrum potentior esse Angeli ante mundum visibilium.....	175

## ALBERTI FLANMANI

## QUESTIO IV

De creatione materie informis, in duobus articulis distincta.....	177
Art. i. — Utrum creatio materie informis processerit durante creatione rerum.....	177
Art. ii. — Utrum materie formatio tota simul fuerit, an successivè.....	193

## QUESTIO V

De conservatione rerum in esse a Deo, in duobus articulis distincta.....	230
Art. i. — Utrum res conserventur in esse a Deo.....	230
Art. ii. — Utrum Deus possit aliquid creature communicare quod per se in esse conservetur ab ipso Deo.....	238

Art. iii. — Utrum Deus possit creaturam in nihilum redigere.....	239
Art. iv. — Utrum aliqua creatura in nihilum sit redigenda, vel in nihilum redigatur.....	246
Art. v. — Utrum motus coli quandoque deficient.....	251
Art. vi. — Utrum possit sciri ab homine quando motus coli finitur.....	261
Art. vii. — Utrum cessante motu coli, elementa remaneant.....	265
Art. viii. — Utrum cessante motu coli, remaneant actio et passio in elementis.....	272
Art. ix. — Utrum plantæ et bruta animalia et corpora mineralia remaneant post firem mundum.....	275
Art. x. — Utrum corpora humana tamen motu coli cessante.....	280

## QUESTIO VI

De miraculis, in duobus articulis distincta.....	283
Art. i. — Utrum Deus possit in rebus creatis aliquid operari præter causas naturales, vel contra cursum nature.....	283
Art. ii. — Utrum omnia que Deus facit præter causas naturales vel contra cursum nature, possint dici miracula.....	291
Art. iii. — Utrum creaturae spirituales sua naturali virtute possint miracula facere.....	295
Art. iv. — Utrum boni Angeli et homines per aliquid donum gratie miracula facere possint.....	303
Art. v. — Utrum etiam demones operentur ad miracula faciendæ.....	307
Art. vi. — Utrum Angeli et demones habeant corpora naturalia alibi unita.....	311
Art. vii. — Utrum Angeli vel demones possint corpus assumere.....	321
Art. viii. — Utrum Angelus vel demon per corpus assumptum possit operationes viventes corporis exercere.....	326
Art. ix. — Utrum operatio miraculi sit attributa fidei.....	330
Art. x. — Utrum demones cogitant aliquibus sensibilibus et corporalibus rebus, factis aut verbis, ad miracula faciendæ.....	336

## QUESTIO VII

De divina essentia simplicitate, in undecim articulis distincta.....	340
Art. i. — Utrum Deus sit simplex.....	341
Art. ii. — Utrum in Deo sit substantia vel essentia idem quod esse.....	345
Art. iii. — Utrum Deus sit in aliquid tenere.....	350
Art. iv. — Utrum homines sapienter, iustiter et humiliter, prædicent de Deo accitens.....	353
Art. v. — Utrum prædicta nomina significant divinam substantiam.....	357
Art. vi. — Utrum ista nomina sint synonyma.....	365
Art. vii. — Utrum hujusmodi nomina dicantur in creaturis analogè vel equivocè.....	369

Art. viii. — Utrum sit aliqua relatio inter Deum et creaturam.....	374
Art. ix. — Utrum hujusmodi relationes que sunt inter creaturas et Deum, sint realiter in ipsa creaturis.....	377
Art. x. — Utrum Deus realiter referatur ad creaturam, ita quod ipsa relatio sit res aliqua in Deo.....	381
Art. xi. — Utrum ista relationes temporales sint in Deo secundum rationem.....	386

## QUESTIO VIII

De his que relative dicuntur de Deo ab eterno, in quatuor articulis distincta.....	388
Art. i. — Utrum relationes dicte de Deo ab eterno sint relationes reales, vel rationis tantum.....	389
Art. ii. — Utrum relatio in Deo sit vera substantia.....	395
Art. iii. — Utrum relationes constituant et distinguant personas sive hypostasies.....	400
Art. iv. — Utrum remota relatione secundum intellectum remaneant hypostasies in divinis.....	406

## QUESTIO IX

De personis divinis, in octo articulis distincta.....	411
Art. i. — Quomodo se habeat persona ad essentiam, substantiam et hypostasim.....	411

## DE MALO

## QUESTIO I

De malo in generali, in quinque articulis distincta.....	510
Art. i. — Utrum malum sit aliud, vel in bono.....	510
Art. ii. — Utrum malum sit in bono.....	518
Art. iii. — Utrum hominum sit causa mali.....	524
Art. iv. — Utrum malum convenienter dividatur per ponam et culpam.....	532
Art. v. — Utrum plus habeat de ratione mali poena, vel culpa.....	537

## QUESTIO II

De peccatis, in duodecim articulis distincta.....	545
---	-----

Art. ii. — Quid sit persona.....	415
Art. iii. — Utrum in Deo possit esse persona.....	419
Art. iv. — Utrum hoc nomen personæ in divinis significet relationem, vel aliquid absolutum.....	422
Art. v. — Utrum numerus personarum sit in divinis.....	428
Art. vi. — Utrum nomen personæ convenienter possit predicari pluraliter in divinis.....	437
Art. vii. — Utrum termini numerales prædicentur da divinis personis.....	439
Art. viii. — Utrum in Deo sit aliqua diversitas.....	449
Art. ix. — Utrum in divinis sint tres personæ tantum, an plures vel pauciores.....	451

## QUESTIO X

De processione divinarum personarum, in quinque articulis distincta.....	463
Art. i. — Utrum sit processio in divinis personis.....	464
Art. ii. — Utrum in divinis sit una tantum processio vel plures.....	471
Art. iii. — De ordine processionis ad relationem in divinis.....	482
Art. iv. — Utrum Spiritus sanctus procedat a Filio.....	484
Art. v. — Utrum Spiritus sanctus a Filio remaneat distinctus si ab eo non procederet.....	488

Art. i. — Utrum in omni peccato sit aliquis actus.....	545
Art. ii. — Utrum peccatum consistat in actu voluntatis tantum.....	552
Art. iii. — Utrum peccatum principaliter consistat in actu voluntatis.....	558
Art. iv. — Utrum omnis actus sit indifferens.....	561
Art. v. — Utrum aliqui actus sint indifferentes.....	568
Art. vi. — Utrum circumstantia dei speciem peccato, aut variet ipsam.....	573
Art. vii. — Utrum aliqua circumstantia aggravet peccatum, quo non conferat peccato speciem.....	581

ART. VIII. — Utrum circumstantia aggravet in iustitiam.....	583
ART. IX. — Utrum omnia peccata sint paria.....	585
ART. X. — Utrum peccatum sit gravia ex eo quod majori bono opponitur.....	591
ART. XI. — Utrum peccatum dimi- nuat bonum naturae.....	593
ART. XII. — Utrum peccatum possit corrumpere totum bonum naturae.....	599

## QUESTIO III

*De causa peccati in quidem**articulis dictis.....*

ART. I. — Utrum Deus sit causa

peccati.....

ART. II. — Utrum aucto peccati sit

a Deo.....

ART. III. — Utrum diabolus sit

causa peccati.....

ART. IV. — Utrum diabolus possit

inducere hominem ad peccatum,  
interius persuadendo.....

ART. V. — Utrum omnia peccata

a diabolo suggerantur.....

ART. VI. — Utrum ignorantia sit

causa peccati.....

ART. VII. — Utrum ignorantia sit

peccatum.....

ART. VIII. — Utrum ignorantia ex-  
cuset peccatum, vel diminuat.....

ART. IX. — Utrum sit possibile

quod aliquis sciens et infirmitate

peccet.....

ART. X. — Utrum peccata quae per

infirmitatem committuntur, im-  
putentur homini ad culpam mor-  
talem.....

ART. XI. — Utrum infirmitas

alleviet vel aggravet pecca-  
tum.....

ART. XII. — Utrum aliquis possit

ex malitia seu ex certa scientia

peccare.....

ART. XIII. — Utrum ille qui pec-  
cat ex malitia graviter peccet  
quam ille qui peccat ex infirmi-  
tate.....

ART. XIV. — Utrum omne peccatum

ex malitia sit peccatum in Spi- ritum sanctum.....	648
ART. XV. — Utrum peccatum in Spiritu sanctum possit remitti.....	654

## QUESTIO IV

*De peccato originali, in octo arti-  
culis dictis.....*

ART. I. — Utrum peccatum aliquod

ex origine contrahatur.....

ART. II. — Quid sit peccatum ori-  
ginale.....ART. III. — Utrum peccatum ori-  
ginale sit sicut in subiecto, in  
carne, vel in anima.....ART. IV. — Utrum peccatum ori-  
ginale per prius sit in potentia  
animae quam in essentia.....ART. V. — Utrum peccatum ori-  
ginale per prius sit in voluntate  
quam in aliis potentia.....ART. VI. — Utrum peccatum ori-  
ginale ab Adam derivetur in  
omnes qui seminaliter ab ipso  
procedunt.....ART. VII. — Utrum illi qui nas-  
cuntur materialiter tantum ab  
Adam peccatum originale con-  
trahant.....ART. VIII. — Utrum peccata preter-  
itorum parentum originaliter in  
posterora transeant.....

## QUESTIO V

*De poena originalis peccati, in  
quinque articulis dictis.....*

ART. I. — Utrum poena originalis

peccati sit aeterna aeterni-  
tationis.....

ART. II. — Utrum poena originali

debeat poena sensus.....

ART. III. — Utrum patienter afflic-  
tionem interioris doloris qui cum  
solo originali decedunt.....

ART. IV. — Utrum mors et alii

defectus hujus vitae sint poena  
originalis peccati.....ART. V. — Utrum aucto ad hujus-  
modi defectus sint homini natu-  
rales.....

## INDICIS RERUM TOMI PRIMI FINIS

